



Alc. 13  
Reserve  
OVERSIZE



No. 24140. R42 V.2













W. James







# HISTORIÆ

Anglicanæ


## SCRIPTORES

### QUINQUE

*Ex vetustis Codicibus MSS. nunc primum in lucem editi.*

V O L. II.

Accessit rerum & verborum INDEX  
locupletissimus.



O X O N I Æ,

E THEATRO SHELDONIANO. Anno Dom. 1687.



\* DA170

.RH2

V. 2

## ORDO SCRIPTORUM.

- |   |   |         |
|---|---|---------|
| 1 | <b>A</b> nnales Marganenses.            | pag. 1. |
| 2 | <b>A</b> chronicon Thomæ Wikes.         | p. 21.  |
| 3 | <i>Annales Waverleiensis.</i>           | p. 129. |
| 4 | <i>Historia Galfridi Vinesalvi.</i>     | p. 247. |
| 5 | <i>Historia Walteri de Hemingsford.</i> | p. 455. |

Billings  
Mar. 21, 1906  
a.  
3 vols.



# TESTIMONIA DE HISTORICIS HIS NUNC PRIMUM EDITIS.

T. G.

## DE ANNALIBUS MARGANENSIBUS.

*Cambdenus Britannia, in Glamorgan-shire. pag. 498.*

**H**INC littus legenti occurrunt *kinfeage* ipsius *Fitz-Haimonis* olim castrum ; & *Morgan* ad mare, quondam coenobium à *Gulielmo* [ *Rob.* ] Comite *Glocestriæ* fundatum, nunc sedes claræ & equestris familiæ *Maunsellorum* &c.

*Ex Monastici Anglicani Volumine primo. pag. 477.*

*Abbatia de MARGAN in Wallia.*

Anno MCXLVII fundata est Abbatia de *Morgan* à *Roberto* comite *Gloucestrensi*, qui construxit castrum & turrim & Prioratum sancti *Jacobi Bristol* : qui comes eodem anno obiit, & sepultus est in dicto Prioratu.

*Ex his ipsis Annalibus de Morgan. p. 7.*

Anno MCXLVII Fundata est Abbatia Nostra, quæ dicitur *Morgan* : & eodem anno Comes *Gloucestriæ Robertus*, qui eam fundavit, apud *Bristol* obiit, Prid. Kal. Novembris.

De Coenobio igitur, in quo Annales hi conscripti fuerunt, satis constat ; De eorum Scriptore, non item. Unicum hoc, quod nunc possideo, exemplar vidi. Aliud aliquod extare ne fando quidem accepi. Fugerat, opinor, hic libellus oculos curiosos *Gulielmi Cambdeni* ; nec illum viderat, ( uti mihi ipse confessus est ) hujusmodi monumentorum solertissimus indagator, *Gulielmus Dugdallus*. Pauca sunt, quæ tractat Anonymus auctor, sed ea sane collegit, quæ vix reperies apud diffusiores Chronographos ; ideo dignus visus est qui lucem publicam aspiceret.

*Testimonia de Thoma Wylke.*

*Johannes Balæus. Cent. 4. Script. 72.*

**THOMAS WYLCHE** alias *Vuiccus*, *Oxonii* canonicus de *Osney*, ex eorum sodalitis, quos *Augustini* Regulares cognominant, à varia doctrina & morum probitate, famam apud suos non infimam accepit. Porro liberalium disciplinarum notitiam, ab ipsis incunabulis egregie imbiberat, cui rerum insigniter gestarum cognitionem adjungendam esse in animo ducebat. Laudabili ergo in illis omnibus eruditione præditus, ad memorabilium sui temporis actorum conservationem, sua demum contulit studia. Et historiam inde perbreve, sed luculentam congeffit, ac stylo per eam ætatem polito lucubravit,



bravit, de præclarioribus principum & aliorum virorum illustrium factis, à *Guilbelmi Notbi* regnorum primordiis, usque ad postremos pene annos serenissimi Regis *Edwardi* primi: hoc est, ab anno Domini 1066, ad suam usque senectutem. Hanc historiam, seu potius historiarum annales, inter alia rarissimorum authorum opuscula reperi primum in *Gorlestonensi Augustinianorum* fratrum bibliotheca, affixo illi operi hoc titulo,

Chronica compendiosa,	Lib. 1. Anno incarnationis Domini nostri.
Abbates de <i>Osneye</i> ,	Lib. 1. Anno Domini 1129, regnante <i>Henrico</i> pri.
Commendationes vini,	Lib. 1. Syncerum mihi dede merum, si vis.
Increpationem gulæ,	Lib. 1. Prandens in mensa, ventris depo.

Aliaque edidit, tam carmine quam prosa. In Abbatum Catalogo numerat omnes monasterii sui præsidēs, continua successione, descriptis eorum actis à prima fundatione ejusdem, ad annum usque Servatoris nostri 1290, in quo claruit sub dicto *Edwardo*.

## JOANNES PITSEUS

*De illustribus Angliæ scriptor. Ætat. 13. An. 1290.*

*De Thoma Wiccio.*

*Thomas Wiccus*, natione *Anglus*, ordinis *S. Augustini* Canonicus regularis in cœnobio *Osneye* juxta *Oxonium*. Academiæ vicinitate fretus, & quasi foro usus, omnium bonarum artium quandam uberem fecit mercaturam. Nam cum morum probitate singularem conjungens eruditionem, celebris in utroque genere evasit. Ab ipsa enim fere pueritia jugum Domini portare didicit, nec ullo etiam tempore pro captu & ætate bonarum artium exercitia neglexit. Poeta non inelegans, Rhetor disertus, & in omni literatura humaniore valde politus. Historiis *Angliæ* legendis non mediocriter delectatus, ad scribendum in eo genere animum appulit. Collectis igitur, & in ordinem redactis, principum, magnatum, Regum etiam *Angliæ*, & singulorum Abbatum sui cœnobii celebrioribus rebus gestis, ab initio regni *Guilbelmi Normannici*, hoc est, ab anno Christi 1066, ad regnum *Edwardi* primi deduxit historiam, quod opus ad annos multos asservatum fuisse ferunt in bibliotheca *Gorlestonensi* fratrum ordinis *S. Augustini*. Opus autem hoc titulo insignivit.

Chronica compendiosa, Librum unum. Anno incarnationis Domini.

Catalogus Abbatum *Osniensium* Librum unum. Anno Domini 1129, regnante *Henrico*.

Increpationem gulæ, Librum unum. *Prandens in mensa, ventris depo.* Commen-



Commendationes vini, Librum unum. *Sincerum mihi dede merum, si vis.* Et alia multa tum soluta, tum ligata oratione. Claruit anno postquam Verbum caro factum est 1290, regnante apud Anglos *Edwardo* primo.

GERARDUS VOSSIUS DE HISTOR. LATINIS  
LIB. II. DE THO. WICCIO.

*THOMAS WICCIVS*, Anglus, Oxonii Canonicus regularis de *Wineye*, itidem sub *Eduardo* primo, Angliæ rege, clarescebat. Reliquit Chronicon, in quo recenset res Britannicas à *Gulielmo Notho* five an. c10LXVI, usque ad senectutem suam, five postremos *Eduardi* regis annos. Item librum composuit de Abbatibus de *Wineye*, quos à prima monasterii sui fundatione exorditur, ac perducit usque ad annum c10ccxci, quo floruit.

T. G.

*Thomas Wiccivus* proposuit sibi imitandum *Gulielmum Novoburgensem*: Imo hunc videtur voluisse continuare. Vidi aliquando hujus scriptoris aliud exemplar; sed jejunum, & ob rerum inopiam facile contemnendum.

---

DE ANNALIBUS WAVERLEIENSIBUS. EX MONASTICI ANGLICANI Vol. I. p. 703.

Waverleiese Cænobium in agro Surregiensi Ordinis  
CISTERCIENSIS.

Anno MCXXVIII. Hoc anno fundata est abbatia de *Waverleia* à domino *Willielmo Giffard* episcopo *Wintoniæ*, VIII kal. Decembris.

Anno MCXXVIII. Ordo *Cisterciensis* primo venit in *Angliam*. Abbatia de *Waverle* fundata est, filia domus de *Elemosyna*, hoc est transmissis illuc de *Elemosyna* XII monachis cum abbate. ei subjectionem & obedientiam, sicut filia matri debet. v. p. 703.

T. G.

Adeo multi sunt & diligentes horum annalium confarcinatores in rebus *Waverleie* narrandis, ut dubitare nemo possit, quin ipsi fuerint ex eo Conventu. Ut igitur plures fuerunt, qui successu temporis, opus hoc pertexuerunt; ita non obscure colligas, eum qui res primæ partis conscripsit, fuisse hominem genere *Saxonem*. Fatum & calamitatem *Edgari Ætheling* dolens & pene gemens narrat pag. 133. *Gulielmi* Conquæstoris tempore vixit, non dico, floruit: ipse testatur se vidisse *Victorem* *Normannum*, & fuisse aliquando in ejus curiâ, p. 134. Quid quod ipsum exemplar, ex quo hæc nostra transcripsimus, illo seculo exaratum fuit: bona enim literarum pars plane *Saxonica* est. Character

\*



Æter autem *Saxonicus* circa ista tempora in defuetudinem abiit. Exemplar, de quo loquor, mihi benigne utendum dedit antiqua familia, literis, & omnibus bonis artibus nobilis *Joannes Cottonus* Baronettus. Habet ille sane aliud exemplar *Annalium Waverleienſium*, quod tamen, varietate rerum & copia, huic nunc edito, minime comparandum cenſui. Dictio hujus Scriptoris, fateor, plane plebeia eſt: Sed veritatem hiftoriæ ſimplicitas hominis ſpondet. Et magni æſtimandus eſt, quod ipſi *Ingulpho* de antiquitate vix conceſſurus videatur. Ex hoc ſcriptore ruſtico & impolito, non ſunt dedignati multa multi transferre; Debent ei plurima *Gulielmus Malmesburienſis*, *Robertus Monteniſis*, *Henricus Huntindonenſis*, *Rogerii ambo*, *Wendoverius* & *Hovedenus*, ut alios taceam; nunc enim non id ago, ut aut hos *Annales*, aut alios in hoc volumine ſcriptores pluribus lectori commendem; Poſtulat iſta res & otium majus, & aliud tempus, quod brevi mihi obventurum ſpero.

*Teſtimonia de Gualtero de Vino ſalvo, ex Joanne Lelando MS.  
de Scriptoribus illuſtribus Angliæ.*

*Gualterus*, al. *Galfridus de Vino ſalvo Anglicus* vir, quantum illa permittebant tempora, ſplendidæ, comptæ, floridæ eloquentiæ, omnes nervos ingenii ſui, quo præditus erat plane acerrimò, in ſolam fere rem literariam intendebat. Itaque non contentus ſcholas tantum patrias frequentare, *Gallicas* quoque celebravit, &, niſi male colligo, *Italicas* etiam. Nam conſtat illum *Innocentio* tertio Pontifici *Romano* notum fuiſſe. Atque adeo hinc eſt quod conjecturam facio hominem aliquando in *Italia* fuiſſe, & *Romæ* vixiſſe; ubi forſan *Innocentium* candidum habere meruit patronum. Utcunque ſit, non admodum laboro. Illud longe certiffimum eſt, quod *Innocentio* librum, quem proſa & carmine hexametro de arte dicendi, ut illa judicavit ætas, doctum, ornatum, venuſtum fecit, dedicaverit. Quo munere cum domi tum foris gloriam ſui nominis reddidit illuſtriorem, & quod multo maximum, immortalitatem quodammodo ſibi comparavit, non illam quam pyramides, quam columnæ, quam arcus triumphales, quam ſtatuæ, quam tabulæ marmoreæ, quam denique numiſmata pollicentur, ſed longe aliam, utpote quæ cariem nec ſentiat, nec timeat. Sed ſit meum leve in hac parte Eulogium. Non itidem leve erit *Joannis Frumentarii* teſtimonium, qui in libro ſuo cui titulus eſt *Granarium*, honorificam de *Gualtero* mentionem fecit. Extat ejus ad Imperatorem *Romanum* breve carmen, quo ſupplex eum hortatur ut *Richardum Leoninum Anglorum Regem* interceptum



ceptum restitueret. Incidi aliquando in libellum non inelegantem de rebus Ethicis qui bonos informaret mores. Extrema ejus pagella sic inscripta fuit, *Galfridus Vinesave*. Stylus fane *Vinosalvum* sapiebat. Claruit sub *Richardo & Joanne* regibus.

Joannes Balæus *Cent. 3. Script. 38.*

*GALFRIDUS VINESAVE*, seu *de Vino salvo*, ex parentibus (ut apparet) *Normannis* in *Anglia* generatus, à *Joanne Lelando* ita depingitur. Vir, quantum illa permittebant tempora, (inquit) splendidæ, comptæ, & eloquentiæ floridæ, omnes nervos ingenii sui, quo præditus erat plane acerrimo, in solam fere rem literariam intendebat. Itaque non contentus scholas tantum patrias frequentare, *Gallicas* quoque & *Italicas* celebravit: & in illis commoratus, multis scientiis profecit. Solebat etiam non raro, viros doctrinæ fama celebres adire, prælegentes ac disputantes audire, & in rebus difficilioribus cum illis conferre sermones. Nam & constat illum *Innocentio* tertio *Rom.* Pontifici fuisse notum, cui dedicavit opus illud, quod prosa & carmine Hexametro edidit,

De arte dicendi,	Lib. 1. <i>Neustria</i> sub clipeo regis defensa <i>Ric.</i>
Ad <i>Guilhelmum</i> Cancellarium,	Lib. 1. Quod Papæ scripsi munus speciale.
De nova poetria,	Lib. 1. Papa stupor mundi si dixerō.
De statu <i>Rom.</i> curiæ,	Lib. 1. Nuper Apostolica <i>Galfridus</i> sede.
Monodiam in obitum regis.	Lib. 1.
Ad Cæsarem pro eo liberando,	Lib. 1.
De rebus ethicis,	Lib. 1.

Atque alia scripsit. In carmine ad Cæsarem, *Henricum* hortabatur, ut interceptum Regem *Richardum* regno restitueret. Claruit *Galfridus* anno gratiæ per Christum restitutæ 1199, sub *Richardo & Joanne Anglorum* regibus.

Joannes Pitseus *de illustribus Angliæ Scriptoribus.*

*Ætat. XII. an. 1199.*

*Galfredus*, dictus Magister *Galfredus Vinesalf*, vel *De Vino salvo*, sic cognominatus à vino & vitibus conservandis, ut mihi non levis est conjectura. Nam *Cantabrigiæ* in Bibliotheca vel Archivis Collegii *Caii & Gonvelli* liber quidam MS. haberi dicitur auctore *Galfredo*, de modo inferendi arbores Aromaticas, fructus conservandi, vites & vina cognoscendi, vina inversa (*Gallice vin moust*) seu deteriorata reformandi & restituendi, acetum mutandi, & conditiones cujuscunque vini, & cæterorum preciosorum liquorum, ut pigmentorum, faciendi, tam pro sanis quam pro infirmis. Atque hinc cognomen ei inditum *De vino salvo*, mea conjectura est, quam libenter veriori censuræ submitto.

Porro



Porro *Galfredus* noster in *Anglia* natus, & stirpe *Normanno-*  
*rum* oriundus creditur. Vir ingenii florentis, styli compti,  
terfi, nitidi, sive orationem solutam spectes sive constructam.  
His enim fere nominibus eum laudat noster *Joannes Lelandus*.  
Avide & infatiabili plane desiderio scientias appetebat, ad quas  
adipiscendas eum natura formaverat aptissimum. Non con-  
tentus patriis *Academiis*, in quibus diu feliciterque studue-  
rat, in *Galliam* & *Italiam* se contulit, & utrobique celebriores  
invisit, & diligenter frequentavit scholas, & ubique quantum  
fieri potuit, cum viris eruditione claris, contubernium ha-  
bere, sermones conferre, & de rebus literariis publice priva-  
timque agere solebat. *Innocentio* Papæ tertio notus erat: Nam  
ad eum scripsit partim prosa, partim versu heroico.

De arte dicendi, seu de præceptis *Dialectices* & *Rhetorices*,  
Librum unum. MS. in bibliotheca *Cottoniana Cantabrigiæ* in  
Collegio *S. Benedicti* sub hoc titulo, *de modo & arte dictandi, ver-*  
*sificandi & transferendi*, Librum unum. Nisi forte duo distincta  
sint opera. Initium operis sic habet: *Neustria sub clipeo Regis*  
*defensa Richardi*. Dicitur hoc opus excusum typis *Viennæ Au-*  
*striæ* apud *Vvolfgangum Lazium*.

De vinis, fructibus &c. conservandis, Librum unum. MS.  
*Cantabrigiæ* in Archivis Collegii *Caii & Gonvelli*.

*Enchiridion*, Librum unum. MS. Ibidem.

De poetria nova, Librum unum. *Papa stupor mundi, si dixero*.  
MS. *Oxonix* in Collegio *Balliolensi*. [ Ut & in *Arundeliensi* & *Cot-*  
*toniana* Bibliothecis. ]

Ad *Guilhelmum* Episcopum *Eliensem* & Cancellarium, Li-  
brum unum. *Quod Papæ scripsi munus speciale*. [ In *Col. Ben. Cant.* ]

De statu curiæ Romanæ, Librum unum, *Nuper Apostolica*  
*Galfredus sede*. Hujus etiam *Galfredi* librum esse puto qui in-  
scriptus est De promotionibus & persecutionibus *Galfredi Ebo-*  
*racensis* Archiepiscopi. MS. *Cantabrigiæ* in Collegio *S. Benedicti*.

De rebus Ethicis, Librum unum.

Ad Cæsarem *Henricum* de liberando *Richardo* Rege, carmine,  
Librum unum.

Monodiam in obitum Regis, Librum unum. Anno salutis repa-  
ratæ 1199, sub Rege *Angliæ Richardo* primo jam in *Austria* captivo.

Ex Præfatione *Joannis Seldeni* ad x Scriptores de  
*Galfrido Vinefauf* p. xxxix.

*Galfridus de Vino* salvo *Gallis* *Anglisque* suis ( nam *Anglus*  
erat, unde etiam subinde *Galfridus Anglicus* dicitur ) *Vinsaufe* &  
*Vinesalf* nominari solet. Percelebris is sui seculi Poeta fuit,  
sub *Richardo* & *Joanne* Regibus, seu sub annum 1200. Nomen  
illud



illud fortitum eum esse à libro de Vitibus, Vinis, Fructibus &c. tuto conservandis inter alios ab ipso diligentius conscripto, qui etiamnum extare dicitur *Cambrigiæ* in Archivis Collegii *Caii*, bene quidem conjectavit *Joannes Pitseus*. Habentur autem hexametri versus illi, non in libro aliquo singulari de *Richardo* Rege, sed in opere penes me aliosque non raro MS. necdum opinor typis edito, cui titulum dedit ipse *De Nova Poetria* (sic enim artem Poeticam vocitabant) id est novo, seu reformato terfioreque poetice scribendi genere, respectu scilicet habito ad rhythmicum, & perquam barbarum genus alterum, quod diu ante in usu fuerat. Opus illud, interdum etiam *de loquendi artificio* dictum, dum Romæ agebat, dedicavit *Innocentio* tertio; è quo, ut hominis ingenii Musæque specimina plura cernas, nonnulla huc transcribimus. *Innocentium* ad hunc scilicet modum salutat;

*Papa stupor mundi! si dixero Papa Nocenti  
Acephalum nomen tribuam tibi, si caput addam  
Hostis erit nomen metri; tibi vult similari.  
Nec nomen metro, nec vult tua maxima virtus  
Claudi mensura; nihil est quo metiar illam.  
Et cætera ibidem.*

Dein vero orditur opus ipsum quod velut Poetices etiam & Rhetorices studiosis speculum sed omnino metricum facit, Inventionem, Dispositionem, Compositionemque Musæ suæ exemplis copiosius docens. Et pro carminis exemplo lugubres tantum versus illos de *Richardo* Rege inserit, cum hoc lemmate,

*Temporibus luctus his verbis exprime luctum;  
Neustria sub clypeo regis &c.*

Et post horum finem seu verba illa *quam longa est*, (nam sic supplendum nemo non videt) *lacrima mundi*, statim sequitur,

*Contra ridiculos si vis insurgere, plene  
Surge sub hac specie, sed lauda ridiculose;  
Argue, sed lepide; gere te sed in omnibus apte;  
Sermo tuus dentes habeat; mordaciter illos  
Tange, sed irrisor gestus plus mordeat ore.*

Atque ad hunc modum reliqua exhibet de arte loquendi monita. Lugubre autem illud ejus carmen admodum est passim hyperbolicum; & proculdubio eo nomine fugillatur à *Galfredo Chaucero*, in *Monialis Presbyteri fabula* &c. ibidem.



Vixit eodem tempore cum *Galfrido* nostro *Gualterus Constan-*  
*tienfis*, ( qui etiam *Gualterus Oxoniensis* dicitur ) idemque rebus  
*Richardi Regis* adhibitus, præter alia scripsit de *Peregrinatione*  
*Richardi Regis*. Præter hæc sunt & alia quæ suspicionem mihi  
 injiciunt, *Galfridum* & *Gualterum* hunc non esse diversos scripto-  
 res. Idem argumentum cum istis tractavit *Richardus Canon-*  
*icus*, eorundem temporum scriptor, ejusdemque *Richardi Regis*  
 in terram Sanctam comes. *Itinerarium* istud Regis *Richardi* huic  
 nonnulli tribuunt; alii idem opus vendicant *Richardo Divisiensi*;  
 ac si essent duo Scriptores; utrumque male. Adhuc sunt quidam,  
 qui asserant *Roberto*, vel *Ruperto Monacho*; inter hos *Trithemius*,  
*Blondus*, & ille qui *Gesta Dei per Francos* typis *Wichelianis* evulga-  
 vit. Sed hos omnes minus distincte de hoc historico egisse,  
 alias, Deo volente, ostendam; simulque inquiram, quam ob  
 rem in ista *Gestorum* editione *Galfridus* noster sine nomine &  
 titulo, sine fine, neglectim & imperfecte prodiit. Interim, quo-  
 niam intellexeram eum esse scriptorem rarum, paucis cognitum,  
 fide dignum, & ad invictissimi Regis nostri *Richardi* gloriam fa-  
 mamque perpetuandam ( quam alii obscurare invidere conati  
 sunt ) imprimis utilem, curavi è vetusto codice MS. Biblio-  
 thecæ publicæ *Cantabrigiæ* accurate describi, & luce donari.  
 Historiam captæ *Damietæ* subjeci *Galfrido*, sicut in eodem MS.  
 reperi. De auctore non constat.

*Testimonia de Gualtero Hemeingoburgo, ex Joanne Lelando MS.*  
*de viris illustribus.*

*Gualterus Hemeingoburgus* Canonicus *Gisburnensis* Coenobii;  
 quod est prope *Cliviam Eboracensem* provinciolum, *Thesi* flumini  
 celeberrimo adjacentem, impendio studiosus erat literarum,  
 quo tandem factum est, ut in eruditum evaserit, & non levem  
 apud suos gratiam sibi pepererit. Ejusmodi enim res literaria  
 virtus est, ut auctori gratiam, honorem, gloriam etiam facile  
 conciliet. Quare virtutis præmio lætior factus, quanquam  
 ipsa virtus per se satis illustris aliunde emicantibus splendoribus  
 non eget, qua cœpit, via, perrexit, magnis fane passibus ad ex-  
 tremam sacrae Theologiæ metam contendens. In quo cum jam  
 non infeliciter cursum longum continuasset, ecce cupidus quæ-  
 dam ejus occupavit animum, ut historiam rerum *Anglicarum*  
 posteritati dedicaret. Bonis igitur avibus ab *Gulielmo Nortomanno*  
 exordium sumens, ad tempora *Edouardi* ejus appellationis pri-  
 mi *Anglorum* res gestas summa cura perscripsit. Hanc ego nu-  
 per



per historiam *Gisoburnæ Clivienſium* ſedulo quæſivi, non tamen inveni. Alias ſemel vidi in *Fontana ſive Wellenſi* Bibliotheca. Cætera, quæ ſcripſit, nuſquam comparent. Vixit regnante *Henrico* tertio, & *Edouardo* ejus filio. Obiit *Gisoburnæ*, ubi & ſepultus eſt.

De Gualtero Hemmyngfordo Joan. Balæus

*Centur. 5. Script. 71.*

*GUALTERVS HEMMYNGFORDVS*, Canonicus *Gisburnenſis* Cœnobii regularis, Ordinis *D. Auguſtini*, quod Cœnobium eſt prope *Cliviam Eboracenſis* patriæ provinciolum, *Theſi* flumini celeberrimo adjacentem: impendio ſtudioſus literarum erat, ut *Lelandus* ipſe colligit. Quo tandem factum eſt, ut in eruditum evaſerit virum, & non levem apud ſuos gratiam ſibi pepererit. In quo ſtudio quum jam non infeliciter curſum longum continuaffet, ecce cupido quædam ejus occupavit animum, ut hiftoriam rerum *Anglicarum* poſteritati dedicaret. Bonis igitur avibus ab ipſo *Guilhelmo Normanno* exordium, ad tempora *Edvardi* ejus appellationis ſecundi, hoc eſt, ab anno Chriſti 1066, uſque ad annum ejus 1308, *Anglorum* res geſtas ſumma cura, ac plena oratione perſcripſit: ut & *Guilhelmus Hormannus* in ſuis collectaneis refert, vocabatque ſuum hoc opus,

Hiſtoriam *Anglorum*, Lib. 1.

Chronicon *Edwardi* tertii, Lib. 1. *Edwardus* poſt conquæſtum tertius.

Sermones aliquot, Lib. 1.

Atque alia quædam edidit, ut produnt authores, ſed ea non comparent. Claruit ſub eodem *Edvardo* tertio varia componens: & obiſſe fertur anno patefactæ gratiæ per Chriſtum 1347, *Gisburnæ* in ſuo Cœnobio, ubi & ſepultus eſt.

De Gualtero Hemmingfordo Joannes Pitſeus

*Ætat. 14. An. 1347.*

*Gualterus Hemmingfordus* natione *Anglus*, Ordinis *S. Auguſtini* Canonicus Regularis in Cœnobio *Gisburnenſi*, quod ædificavit *R. Brus* ad *Theſin* fluvium in *Eboracenſi Clivia*. Vir, ut auctor eſt *Lelandus*, bono ingenio, & ſcientiarum avido. Unde accedente ad indolem naturalem labore, & induſtria, ad ſummam eruditionem pervenit. Cum autem tranſacto ſtudiorum ſuorum curriculo, ſui juris eſſet, ut cui vellet ſcientiæ ſe applicare poſſet; amor patriæ eum impulit, ut hiftorias *Angliæ* legeret, & ex iis notatu digniora ſeligeret, atque accurata methodo poſteritati traderet. Hiſtoriam igitur à *Normannorum* ingreſſu aggreſſus, à *Guilhelmo* primo uſque ad *Edwardum* ſecundum, hoc eſt ab anno Domini 1066, ad annum 1308 deduxit. Ubi, ut in ſuis collectaneis auctor eſt *Guilhelmus Hormannus*, res geſtas



itas *Anglorum* stylo non inelegante, cura magna, & fide pari describit. Quod opus prænotavit.

Historiam *Anglorum* seu chronica de gestis Regum *Angliæ*, Librum unum. *Ne fastidiosus*. MS. *Cantabr.* in Collegio S. *Benedicti*.

Chronicon *Edwardi* tertii, Librum unum. *Edwardus post conquestum tertius*.

Sermonum, librum unum.

Obiit, & sepulturam accepit *Gisburnæ* in Cœnobio suo, anno post incarnatum filium Dei 1347, dum in *Anglia* feliciter regnaret, in *Gallia* potenter triumpharet *Edwardus* tertius.

GERARDUS VOSSIUS DE HISTOR.

LATIN. LIB. II.

*GUALTERUS HEMINGFORD*, *Anglus*, regularis Canonicus Cœnobii *Gisburnensis*, floruit sub *Eduardo* III. ingenii atque industriæ suæ monumentum nobis dedit Chronicon *Edwardi* III, itemque historiam *Anglorum*, ab *Gulielmo* Normanno, hoc est anno *CIOLXVI* usque ad tempora *Eduardi* II. hoc est anno *CIOLXXXVIII*. Quod opus MS. *Cantabrigiæ* adservatur in Collegio S. *Benedicti*. Liber est chartaceus, nec valde antiquus. Incipit, *Ne fastidiosus*. *Gisburnæ* in Cœnobio suo defunctus est anno *CIOLXXXVII*: Hunc autorem exscribere solet historicus monasterii de *Abington*: ut observat is qui præfatur in *Matthæum Florilegum*.

T. G.

Hujus Historiæ plura extant exemplaria; Duo servantur in Collegio SS. Trinitatis apud *Cantabrigienses*; tertium habet *Officium Armorum* sive *Heraldorum*; quartum *Cottoniana* Bibliotheca; quintum penes me est; sed & alia memini me vidisse; quorum tamen domicilia nunc non veniunt mihi in mentem.

Atque hæc hæctenus de *Gualtero Hemingfordio Gisburnensi*: Institutum nostrum hoc in volumine concinnando non est passum me integrum exhibere *Gualterum*. Cætera alteri, secuturo post aliquantum temporis, tomo reservantur. Statui enim proximum intervallum, in Historicis nostris edendis, ab *Eduardo* primo exordiri. Tu interim, Lector Candide, hæc in tui gratiam collecta, non sine sumptu & labore meo, boni consule.

*Londini*  
*Kal. Maii*  
*Anno Dom. 1687.*

ANNALES



# ANNALES DE MARGAN,

SIVE

## CHRONICA ABBREVIATA

A tempore Sancti *Edwardi*, Regis ultimi de progenie *Anglorum*.

MLXVI.

1066



NNO ab Incarnatione Domini Cometa apparuit. Obiit Sanctus Rex *Edwardus*, vir simplex & rectus, acceptus tam Deo quam hominibus: regnavit autem in summa pace & gloria fere xxiv. annis. Monasterium Sancto *Petro* construxit ad occidentalem plagam urbis *London*, in quo gloriose requiescit. Et quia virgo decessit, Regia stirpe fere tota à *Danis* deleta qui Regnum prius occupaverant, *Alfredo* quoque fratre suo à Comite *Godwino* extincto, cum potiore hæredem non haberet, *Willielmo* Duci *Normannorum* consobrino suo, Regnum *Anglia*

Obiit rex *Edwardus Westmonasterii* sepultus, *Gul. Norman. hærede relicto.*

testamento tradidit.

Eodem anno, idem *Willielmus* cum *Normannis* in *Angliam* veniens, victo & occiso Rege *Haraldo*, gravi prælio apud *Hastings* die Sancti *Calixti*, (qui Regnum indebite cum perjurio invaserat, quique ante paucos dies infelicitis pugnae illius, Regem *Norwagiæ Haraldum* & *Toftium* fratrem suum Comitem *Nordanhumbroborum*, contra se venientes bello prostraverat & occiderat) totius insulae imperium obtinuit, & solemniter die Natalis Domini apud *Westmonasterium* coronatus est. Iste, nobile *Cenobium* Sancto *Martino* fecit, quod ab eventu belli ibi commissi, de *Bello* nominavit.

*Willielmus Angliam invadit, & Haraldum vincens regno potitur.*

MLXIX.

1069

Fuit bellum in *Bleoduna*, & ædificatum est castellum *Went*. à Rege *Willielmo* primo.

Pugna apud *Bleodunam*.

MLXX.

1070

Obiit *Edwinus* Dux *Nordanhumbroborum*.

*Edwinus ob.*

MLXXV.

1075

Obiit *Editha* Regina. *Rogerus* & *Radulfus* de *Warr*, voluerunt tradere Regem *Willielmum*.

*Editha obiit.*

MLXXXVI.

1076

*Weldeofus* Dux, *Sywardi* Comititis filius decollatus est. Iste in pugna *Ebora* censî plures *Normannorum* solus obtruncaverat, unos & unos per portam egredientes decapitans.

*Weldeofus decollatus.*

MLXXX.

1080

Nimius fuit ventus in nocte Natalis Domini.

Temp. grav.

MLXXXI.

1081

In festivitate Sanctæ *Helena*, magnum incendium fuit *Wintonia*. Et ædificata est villa *Cardivia*, sub *Willielmo* Rege.

Incendium *Wintonia*.

MLXXXIII.

1083

Obiit *Matildis* Regina.

Obiit *Matil.*

A

MLXXXIV.



1084

*Withbertus P.**Withbertus* Papa fedem accepit.

MLXXXIV.

1085

*Terda. Hib. ob.**Terdalae* Rex *Hiberniæ* obiit.

MLXXXV.

1087

*Willielmus primus obiit, secundus succedit.*

Obiit *Willielmus* Rex *Angliæ* senior VIII. Idus Septembris, anno Regni sui XXI. Comitatus LII. Vitæ LIX. corpus ejus sepultum est apud *Cadomense* Cœnobium in *Normannia*, quod ipse ædificaverat. Eodem anno *Willielmus* Rex *Willielmi* filius cæpit regnare.

MLXXXVII.

1088

*Corpus s. Nicolai translat.*

Corpus Sancti antistitis *Nicolai*, de *Miræa* civitate, in locum qui *Barum* dicitur, ix. diē mensis Maii translatum est.

MLXXXVIII.

1089

*Terræmotus & frugum inopia.*

Factus est terræmotus III. Id. Augusti, unde totam *Angliam* tremor invasit, cernebantur namque ædificia resilire eminus, & mox pristino modo residere. Secuta est inopia fructuum, tarda maturitas frugum, ita ut ad festum Sancti *Andree* vix messes reconderentur in horreis. Hoc anno obiit *Lanfrancus Cantuariensis* Archiepiscopus, & *Alanus* Comes, *Rufus*.

MLXXXIX.

1091

*Fulgurum & turbinum tempestas gravis.*

Tumultus fulgurum & motus turbinum erant. Denique Id. Octobris apud *Winthelcumbe* ictus de cœlo emissus, turrim Ecclesiæ tanta vi impulit, ut ad modum grossitudinis humanæ foramen aperiretur, per quod ingressus trabem maximam adeo perculit, ut fragmina per totam spargerentur Ecclesiæ: quin & Crucifixi caput, cum dextra tibia; & imaginem Sanctæ *Mariæ* deiecit; secutus est foetor teterrimus hominum naribus intolerabilis. Hic quoque invicem venti inter se dissidentes, quod dictu mirum est, tam vehementer XVI. Kal. Novembris flare cæperunt, ut plusquam sexcentas *London* domos effregerint: cumulabantur Ecclesiæ cum domibus, maceriæ cum parietibus. Majus adhuc scelus ventorum furor est ausus, nam tectum Ecclesiæ Sanctæ *Mariæ* quod dicitur ad *Arcus*, pariter sublevavit, & duos ibi homines obruit. Ferebantur per inane tigna cum trabibus, è quibus tigna quatuor sex & xx. pedes longa, cum in strata publica forte cecidissent, tanta vi in humum impacta sunt, ut vix quatuor pedes extarent; & quia nullo modo poterant erui, iussa sunt ad planitiem terræ succidi, ne impedimento essent transeuntibus.

MXCI.

1092

*Osmund. Sarum & Remig. Lincoln. ob.*

Apud *Salesburiæ*, tectum & turres Ecclesiæ violentia fulminis omnino disiecit, quinta die postquam dedicaverat eam *Osmundus* Episcopus, & *Remigius* Episcopus *Lincoln* obiit.

MXCII.

1093

*Anselm. Cant. & Robert. Linc. Consec. Corpora Swithuni & Ethelberti translata. Malcolm. R. Scotiæ & Marg. regin. obiere.*

Tantæ fuerunt inundationes pluviarum, tanta tempestas imbrum, quanta nulla meminerat ætas. Hieme vero succedente ita fluvii sunt congelati, ut pervii equitantibus, & plaustra ducentibus essent. Eodem anno *Anselmus* ad Archiepiscopatum *Cantuariæ* electus est, & *Robertus* ad Episcopatum *Lincoln*, & Monachi Episcopatus *Winton* novum intravere cœnobium, vi. Kal. Aprilis. Eodem quoque anno translata sunt corpora sanctorum *Swithuni* & *Ethelwaldi* Episcoporum ad præfatum cœnobium, & Id. Novembris occisus est *Malcolmus* Rex *Scotiæ*: & mense eodem obiit *Margareta* Regina.

MXCIII.

1094

*Fames in Anglia. Wallenses Normannos vincunt.*

Propter tributa quæ Rex *Rufus* iu *Normannia* positus, *Anglis* indixerat, agricultura defecerat, quam è vestigio fames est subsecuta, famemque mortalitas hominum adeo crebra, ut deesset morituris cura, mortuis sepultura. Tunc etiam *Wallenses* in *Normannos* efferati, *Cestrensem* pagum, partemque *Scropesberie* vastaverunt; *Angleseiam* armis obtinuerunt.

MXCIV.

1095

*Wulstanus obiit.*

Commotio fuit stellarum, & obiit *Wulstanus Wigorniensis* Episcopus.

MXCV.

MXCVI.



MXCVI.

Moritur *Willielmus* Episcopus *Dunelmensis*, & fit commotio hominum. Eodem anno *Urbanus* Papa concilium tenuit, & iter *Hierosolymitanæ* expeditionis prædicavit.

1096  
*Will. Dunel.*  
*ob. Urb. P. ad*  
*crucem accipi-*  
*end. invitat.*

MXCVII.

Sexto Non. Octobris stella cometes apparuit xv. diebus, majorem crinem emittens ad Orientem, minorem versus Euro-astrum. Apparuerunt & aliæ stellæ, quasi jacula inter se emittentes. Ille fuit annus quo beatus *Anselmus* tempore Regis *Willielmi* secundi, Romam primo perrexit, præfidente tunc sedis Apostolicæ Papa *Urbano*.

1097  
*Anselmus Ro-*  
*mam petit.*

MXCVIII.

Rex *Noricorum* nomine *Magnus*, cum *Haraldo* filio *Haraldi* quondam Regis *Angliæ*, Orcades insulas, & *Mevaneas* aliasque in oceano positas armis cepit, jamque per *Angleseyam* ad *Angliam* præparabat. Sed occurrerunt ei Comites *Angliæ* duo, *Hugo* scil. *Cestrensis*, & *Hugo Scropesburiensis*, & armis eum expulerunt. Corruit ibi *Hugo Scropesburiensis*, eminus hasta perfoffus. Et *Antiochia* à Christianis capta est, & in nocte Sanctorum *Cosmi* & *Damiani* claritas de coelo refulsit coruscans ut dies.

1098  
*Norici An-*  
*gliam inva-*  
*derent es pulsi.*  
*Antiochia à*  
*Christianis*  
*capta.*

MXCIX.

Fluctus marinus per *Tamesin* flumen ascendens, villas multas cum hominibus merfit. Eodem anno *Hierusalem* à Christianis capta est, Id. Julii. Et Papa *Urbanus* obiit, cui successit Papa *Paschalis*.

1099  
*Hier. capta.*  
*Urb. P. obiit.*  
*Pasch. succed.*

MC.

Multa contigerunt adversa: illud vero maxime horrendum extiterat, quod visibiliter diabolus hominibus apparuit, in saltibus & deviis transeuntes allocutus. Præterea in pago *Berkeshire* in villa *Hamstede* continuis xv. diebus fons sanguinis tam ubertim manavit, ut vicinum vadum inficeret. Hoc etiam anno interfectus est Rex *Angliæ Willielmus Junior*, Rex *Rufus* vulgo vocatus, Non. Augusti, anno Regni sui xiii. cum esset annorum plus xl. Sepultus est *Wintoniæ*. Suscepit autem Regnum *Angliæ* post *Willielmum* frater ejus *Henricus*, filiamque *Malcolmi* Regis *Scotiæ* accepit uxorem, & *Radulfum* Episcopum *Dunelmensem* mitti fecit in compedibus. Eodem anno beatus *Anselmus* Archiepiscopus, qui in transmarinis exulaverat violentia Regis *Willielmi*, ad sedem suam est reversus. Et *Thomas* Archiepiscopus *Eboracensis* obiit.

1100  
*Rufus obiit,*  
*succedit Hen-*  
*ricus, qui Ra-*  
*dulfum Du-*  
*nelm. incar-*  
*cerat. An-*  
*selm. Roma*  
*redit. Thom-*  
*as Ebor. obiit.*

MC I.

*Radulfus* Episcopus *Dunelmensis*, de custodia egressus est iv. Nonas Februar. qui fugiens in *Normanniam* congregavit exercitum cum auxilio *Roberti* Comitis, & in *Angliam* duxit xiv. Kal. Augusti: quo exercitu *Hanteschire* valde prædata est. Hic etiam ignem sacratum *Hierosolymæ* contigit solito plus tardare, qui solebat annis singulis vigiliam *Paschæ* illustrare.

1101  
*Radulf. Dun.*  
*è custodia e-*  
*gressus, armis*  
*agrum Han-*  
*toniensem.*  
*prædatur.*

MC II.

*Wintonia* combusta est xvi. Kal. Junii, & xiii. Kal. Junii arsit *Glocestria* cum Monasterio: & concilium magnum celebratum est apud *London*, v. Kal. Octobris, duobus diebus: in quo depositi sunt quamplurimi Abbates, & *Robertus* Comes de *Belesmo* ab *Anglia* expulsus est, cum fratre suo *Arnulfo*. Et *Rogerus* Cancellarius ad Episcopatum *Salesbiriæ* electus est.

1102  
*Wintonia*  
*combusta est.*  
*Et etiam*  
*Glocest. Con-*  
*cil. Londini*  
*celebr.*

MC III.

Sanctus *Anselmus Cantuariensis* Archiepiscopus ad maximam instantiam Regis *Henrici* primi, secundo ivit *Romam* ad impetrandum à sede Apostolica, confirmationem Regiarum consuetudinum, quas vocant *avitas leges*, & *Regias libertates*; sed impetrare non potuit; nec debuit, nec etiam voluit propter suam conscientiam. Quocunque enim nomine appellentur, nihil aliud sunt quam tyrannicæ abusiones, & diabolicæ adinventiones ad subvertendam Ecclesiasticam libertatem. Hæ fuerunt causæ discordiæ inter Regem *Rufum* & beatum *Anselmum*: & exili ejusdem, & fuerant causæ discordiæ inter eum &

1103  
*Ad instanti-*  
*am Henrici*  
*regis, Ansel-*  
*mus Roman-*  
*petit, ut ob-*  
*tineret confir-*  
*mationem li-*  
*bertatum re-*  
*giarum.*



“*Henricum* primum, fuerant etiam causa discordiæ inter *Henricum* secundum & beatum *Thomam Cantuariensem* Archiepiscopum, & septennis fere exilii; & multorum aliorum malorum, & tandem martyrii ejusdem sancti sicut legitur in vita ipsius.

1104

*Herv. Landav. ob. Consecrantur R. g. Saresb. & Will. Winton.*

MCIV.

Apparuit tale signum ☉☿ ( ab hora sexta usque ad horam nonam vii. Id. Junii in Hebdomada Pentecostes, multis intuentibus & mirantibus qui tunc erant in curia Regis *Henrici* primi apud *London*. Luna fuit eadem die x. Eodem anno obiit *Heruualdus Landavensis* Episcopus centum annorum senex, eique successit *Urbanus* ab *Anselmo Cantuariensi* Petropolitano consecratus, cum quo & alii duo Episcopi sunt consecrati, scil. *Rogerus* Episcopus *Salesbiriæ* & *Willielmus Giffardus* Episcopus *Winton*.

1105

*Henricus civitatem Baiocensem vastat.*

MCV.

Kalendas Martii *Henricus* Rex perrexit in *Normanniam*, ibique demoratus est usque ad Pascha pacifice, postea veniente festivitate Sancti *Johannis* ante portam Latinam, die Dominico venit mane cum exercitu suo ad civitatem *Baiocensem* eamque combussit & Ecclesias & plurimam hominum partem occidit, in sexta vero feria tradiderunt se populi illius civitatis suo dominatui atque ipsam civitatem. Post hæc vi. Kal. Septembris in festivitate Sancti *Rufi* Martyris reversus est in *Angliam*. Facta est & eodem anno nimia inundatio fluctuum viii. Kal. Februarii. Nix quoque magna anno hoc cecidit.

1106

*Cometa apparuit.*

MCVI.

Stella quæ Cometa vocatur apparuit xiv. Kal. Martii in diebus Regis *Henrici* primi *Anglorum*, in eadem nocte quæ tunc præcessit diem veneris in parte dextra Zephiri qui Affricus nominatur, id est inter meridiem & occidentem quæ nimis obscura & parva intuentibus esse videbatur, sed tam coma ejus, id est radius, nimis longa & magna habebatur, Luna erat eodem die xi. & xiv. diebus perduravit.

1107

*Rog. Sar. ord. Hen. Nor. cap.*

MCVII.

Ordinatio *Rogeri* Episcopi *Sarisburiæ*. *Henricus* *Normanniam* accepit, & *Robertus* filius *Hammois* obiit.

1108

*Gir. Ebor. & Gund. b.*

MCVIII.

*Girardus Eboracensis* Ecclesiæ Archiepiscopus moritur, & præsul *Gundulfus*.

1109

*Anselm. b*

MCIX.

Obiit piæ memoriæ *Anselmus* Archiepiscopus *Cantuariensis*.

1110

*Honro. P. ob. succed. Innocent.*

MCX.

Obiit Papa *Honorius* xvi. Kal. Martii & in crastino, i. e. xv. Kal. ejusdem electus est *Gregorius* Cardinalis Sancti Angeli in Apostolatum qui & *Innocentius* vocatus est.

1111

*Dec. Saresb. ob.*

MCXI.

Obiit *Robertus* Decanus *Salesburiensis*.

1112

*Sams. Wig. ob.*

MCXII.

Obiit *Sampson Wigorniensis* Episcopus.

1113

*Henric. Wallens. oppugnat.*

MCXIII.

Rex *Angliæ* *Henricus* collecto immenso exercitu ex diversis *Britanniæ* partibus ad *Walliam* præparavit, ut contra *Grifinum Guinedorum* Regem & *Owein Powilorum* Regulum pugnaret.

1114

*Wilfr. Menev. ob. Fames in Hib. Cant. & Ebor. A. ob. Tam. exsic.*

MCXIV.

*Wilfredus Menevensis* Episcopus moritur, cui successit *Bernardus*. In *Hibernia* autem fames indigenas adeo vehementer afflixit ut ubique per regiones dispersæ, atque ex maxima parte deletæ sint. In *Angliæ* vero duo Archiepiscopi efficiuntur, *Cantuariensis* & *Eboracensis*; & *Tamisia* exsiccata est vi. Idus Octobris.

1115

*Disc. R. A. g. & Call.*

MCXV.

*Henricus* Rex *Angliæ* transfretavit, & discordia commota est inter illum & *Lodovicum*



*Lodovicum Regem Francorum.* Cometa apparuit.

MCXVI.

Filius Regis *Henrici* juratur ab omnibus hæres patris fieri, & *Robertus Cestrensis* Episcopus moritur.

1116  
Fr. Ang. jur.  
Rob. Cestr. ob.

MCXVII.

Obiit *Mauricius London* Episcopus, & *Faricius* Abbas *Abendonæ*.

1117  
Maur. & Far.  
ob.

MCXVIII.

Obiit Papa *Paschalis*, & *Baldwinus* Rex *Hierusalem*, & *Matildis* Regina *Angliæ*, & *Robertus* Comes de *Belesme* Kal. Maii, & *Girardus Eboracensis* Archiepiscopus cui succesfit *Thomas*.

1118  
Pasch. P. &  
alii ob.

MCXIX.

Terræmotus fuit in *Anglia* in festivitate Sancti *Michaelis*, & filius Regis accepit in conjugem filiam Comitis *Andegavensis*, & obiit Comes *Henricus* de *Wiltshire*, & *Herbertus* Episcopus de *Worc*, & Abbas Sancti *Albani*.

1119  
Princ. Ang.  
ux. ducit. Com.  
War. & al.  
ob.

MCXX.

Filius Regis *Henrici Willielmus* nomine periculo maris periit apud *Barbe* fleat, & cum eo omnes qui in eadem navi fuerant, scilicet fratres ejus atque sorores liberi præfati Regis, & quidam Comites, & multi nobiles alii ad numerum centum XL. virorum & mulierum VII. Kal. Decembris nec, corpora eorum inventa sunt.

1120  
Naufragio  
perit Will. fil.  
reg.

MCXXI.

*Gloucestræ* civitatis maxima pars cum Abbatia Sancti *Petri* quæ in ea est ite-  
rum igne consumpta est VII. Idus Marcii. Et Papa *Calixtus* cepit *Gregorium* Antepapam.

1121  
Ardet Glouc.  
Greg. Antip.  
a Cal. r. capt.

MCXXII.

*Schirburna* & *Portun* juncta sunt in unam Abbatiam concessione Regis *Henrici* & *Rogeri* Episcopi *Salesbery* & terræmotus fuit media nocte VIII. Kal. Augusti. Hoc etiam anno *Radulfus* Archiepiscopus *Cantuariensis* obiit ante Natale Domini. Et *Robertus Lincoln* Episcopus infra ipsum Natale coram Rege subita morte defungitur. Quibus defunctis Rex Clericum quendam nomine *Willielmum* de *Turberil* in Archiepiscopum *Cantuariensem* promovit, & *Alexandrum* nepotem *Rogeri* Episcopi in *Lincolnia* consecrari fecit Episcopum. Tunc etiam *Godfridus* cognomine *Rufus* Cancellarius Regis efficitur pro VII. milibus libris argenti. Eodem anno civitas præfata *Lincoln*, tota incendio consumpta est, excepto tamen Monasterio & Episcopio, de quo miserabili incendio centum XL. homines in una domo combusti reperti sunt.

1122  
Uniantur  
Schirburn &  
Horton Rad.  
Cant. & Rob.  
Linc. ob. Ci-  
vit. Linc. ar-  
det.

MCXXIII.

Rex *Henricus* ultra mare *Normanniam* profectus est mense Junio. Et *Johannes Bathoniensis* Episcopus, & *Theodulfus Wigorn* nec non *Radulfus Cestrensis* obierunt.

1123  
Hen. R. Norm.  
traj. Ep. Bath.  
Wig. & Cest.  
ob.

MCXXIV.

Obiit *Rofensis* Ecclesiæ Episcopus *Ernulfus*. Et gens *Noricorum* veniens in autumno, hiemavit apud *Bristollum*. Monetarii autem numero xciv. jussu Regis in *Normannia* consistentis III. die Epiphaniæ dextris truncati & genitalibus præcisi sunt apud *Wintoniam*. Hic etiam captus est *Willielmus* de *Deillis*.

1124  
Ob. Ern. Roff.  
Nor. hiemant  
Brist. in fal-  
sarios monetæ  
animad.

MCXXV.

Imperator *Allemanne* qui in matrimonium filiam Regis *Henrici* acceperat obiit. Et Apostolicus *Calixtus* libenter obiit succedente sibi domino Papa *Honorio*. Hoc in tempore *Johannes Cremensis* presbyter quidam Cardinalis de *Roma* missus venit primum ad Regem *Henricum* in *Normannia*, & ab eo permissus omnem perlustravit *Angliam*. Ad ultimum vero concilium maximum cogens apud *Westmonasterium* omnium Episcoporum, Abbatum, Priorum, nec non & Clericorum, Canonicorum, Scholasticorum etiam & Laicorum potentium in excelsa throno quatuor dies præsedit, ipsis etiam Archiepiscopis sibi subpedaneis effectis. Hoc etiam anno res accidit valde mirabilis, in territorio enim quod *Gillyt* nominatur tres dies ante Nativitatem Sancti *Johannis*

1125  
Imper. obi-  
it. Calixto  
P. succedit  
Hon. Jo. Cre-  
monensis Car-  
din. venit in  
Angliam.



*hannis* de quodam fonte sanguis coepit emanare, & sic mirabili modo per totam æstatem non defecit, nisi quod semper in sabbato ad horam nonam sanguis ille cessavit, & iterum mane, feria secunda fluere coepit per totam septimanam, usque in aliud sabbatum. Anno quoque eodem pluviales tempestates per totam æstatem vix uno die cessaverunt, unde & fames per totam *Angliam* durissima, & eatenus inaudita extitit; in tantum, ut unus frumenti sextarius xx. solidis venderetur.

Fames in *Anglia*.

1127

*Rmor occiditur.*

MCXXVII.

*Rogerus Pmor* filius *Gestini Grifud*, *Garataut*, *Glioroni* occisus est, dolo & perjurio erga eum: etiam sacrilegi effecti sunt, frangentes duas Ecclesias, scilicet *Tidauci* & *Titani*.

1128

*Ep. Wint. & com. Fland. ob.*

MCXXVIII.

Obiit *Willielmus Giffard* Episcopus *Winton*, & *Willielmus* Comes *Flandrie*, nepos Regis *Henrici*.

1129

*Henricus R. à Norman. redit. Lond. in concilio de presbyt. uxor. tractatur.*

MCXXIX.

Rex *Henricus* revertitur de *Normannia* in *Angliam*, fitque concilium totius *Angliæ* apud *London* ad festum Sancti *Michaelis*: in quo tamen nihil omnino nisi de uxoribus presbyterorum decernitur. Sed post quinque dies nepos Regis, *Henricus* nomine; ex Abbate *Glastonia*, Rege iubente, Episcopus efficitur *Wintoniæ*.

1130

*Honorio P. Innocentius succedit; & consecratus est Petrus Leonis.*

MCXXX.

Hoc anno xvi. Kal. Martii, defunctus est Papa *Honorius* apud Sanctum *Gregorium*, & in crastino, i. e. xv. Kal. ejusdem, electus est *Gregorius* diaconus Cardinalis Sancti *Angeli* in Apostolatum; qui & *Innocentius* nominatus est: & sexta die, scil. sequenti sabbato post proximum, ordinatur in presbyterum, in die cathedræ Sancti *Petri*; & in crastino consecratus est in summum Pontificem, apud Sanctam *Mariam* novam. Eo die & *Petrus Leonis* consecratus est in Apostolicatum, apud Sanctum *Petrum*. Eodem anno conventus in Ecclesia *Nethensi* constitutus est.

1131

*Mortalitas pecorum in Anglia. li. inter Menev. & Landav. Episcopos.*

MCXXXI.

Mortalitas domesticorum animalium fuit per totam *Angliam*, quæ & sequentibus quidem annis duravit, ita ut nulla esset omnino villa totius Regni quæ ab hac peste fuisset immunis: vacuabantur subito haræ porcorum; integra boum præsepia repente destituebantur. Tunc etiam, contentio inter *Bernardum* Episcopum *Menevensensem*, & *Vrbanum Landavensem* de jure Marchiarum, quas idem *Vrbanus* illicite usurpaverat; morte *Vrbani* apud Romam finem quoque sortitur.

1132

*Henricus R. in Normanniam transit.*

MCXXXII.

Rex *Henricus* *Normanniam* navigavit, Non. Augusti, feria quarta. Profecuta sunt elementa extremum tanti principis transitum, ipsa enim feria iv. qua Rex transfretavit, Sol perpeffus Eclipsim mentes hominum exrepentina sui defectione vehementer exterruit: proxima vero sexta feria, primo mane, tantus fuit terræ motus ut subsidere ipsa videretur, horrifico sono prius sub terra audito.

1133

*Gauf. Dun. & Herv. Eli. ob.*

MCXXXIII.

*Gaufridus Dunelmensis* Episcopus obiit, & *Herveius* Episcopus *Eliensis*.

1134

*Rob. Com. Nor. Card. moritur.*

MCXXXIV.

*Robertus* frater Regis *Henrici*, & Comes *Normannorum*, *Cardiviæ* moritur: sepultus est apud Abbatiam *Glocestriæ*.

1135

*Henricus R. obiit: ading. sepelitur. succedit stephanus.*

MCXXXV.

Obiit Rex *Henricus* Kal. Decembris apud *Liuns*, anno Regni sui xxxvi. Corpus ejus jacet humatum *Radingiæ* in cænobio Sanctæ *Mariæ*, quod Rex ipse à fundamentis extruxit. Eodem anno coronatus est in Regem *Angliæ* *Stephanus*, nepos *Henrici* ix. Kal. Januarii, die Dominica.

MCXXXVI.



MCXXXVI.

1136

Rex *Stephanus* primo tempore *Quadragesimæ* tranſiit mare : Et tota *Wallia* in diſcordiam commota eſt, rupta pace inter *Wallenſes* & alienigenas ; maxime propter *Flandrenſes*, eos quaſi ex medio affligentes. *Willielmus* Archiepiſcopus *Cantuarienſis* moritur.

*Stephanus in Norman. tranſit. Wallenſes tumultuantur.*

MCXXXVII.

1137

*Grifidus* filius *Ris*, qui & Rex *Demeticorum* fuit, obiit : & pagus *Ros à Wallenſibus* devaſtatur & comburitur.

*Grif. ob. Wall. Roſſ. comb.*

MCXXXVIII.

1138

Inteſtinis diſſidiis *Anglia* quatiebatur.

*In Ang. diſſid.*

MCXL.

1140

In *Quadrageſima* XIII. Kal. Aprilis, hora nona, feria quarta, Eclipſis ſolis facta eſt hominibus jam ad menſas ſedentibus, & nimio ſtupore mentis attonitis ; ſed re cognita progredientes, ſtellas circa ſolem intuebantur.

*Eclipſis ſolaris.*

MCXLI.

1141

*Stephanus* Rex capitur apud *Lincoln*, IV. Non. Februarii & anno eodem dimittitur à *Roberto* Comite *Gloceſtriæ* : quo etiam anno Comes ipſe *Robertus* à *Willielmo* de *Ypre* captus eſt in fuga, XVIII. Kal. Octobris ; & ſolutus eſt pro eo Rex *Stephanus*.

*Steph. R. capt. ap. Linc. & pro Rob. Glouc. reſtit.*

MCXLII.

1142

Conſecratus eſt *Jocelinus* Epicoſpus *Salisburyæ*.

*Jocel. Sar. Ep.*

MCXLIV.

1144

Ventus validiſſimus fuit XIV. Kal. Februarii, domos deſpolians & quercus proſternens.

*Turbo vehement.*

MCXLV.

1145

*Richardus* primus Abbas de *Neth* moritur.

*Ric. Neth. ob.*

MCXLVI.

1146

Imperator *Allemanniæ*, & *Lodovicus* Rex *Franciæ*, cum innumerabili exercitu iter ad terram *Jeruſalem* perrexerunt.

*Imp. & R. Gal. Exped.*

MCXLVII.

1147

Fundata eſt Abbatia noſtra quæ dicitur *Margan*. Et eodem anno Comes *Gloceſtriæ* *Robertus* qui eam fundavit, apud *Briſtoll* obiit, pridie Kal. Novembris.

*Abb. Marg. fundata eſt.*

MCLI.

1151

Obiit *Adelidis*, Regina ſecunda *Henrici* Regis.

*Adel. R. ob.*

MCLIII.

1153

Obiit beatus *Bernardus* *Clareball* Abbas primus. Eodem anno diſceſſit de *Margan* Abbas *Willielmus*.

*Bern. ob. & W. ab. Marg.*

MCLIV.

1154

*Stephanus* Rex obiit VIII. Kal. Novembris, & *Henricus* ſucceſſit in Regnum, coronatus XIV. Kal. Januarii.

*Steph. R. ob. ſuc. Henric.*

MCLV.

1155

Obiit dominus *Andreas* Abbas ſecundus de *Margan*, II. Kal. Januarii.

*And. Marg. ob.*

MCLVII.

1157

Facti ſunt amici *Henricus* Rex & *Oweyn* de *Wallia*.

*Pacif. Wall.*

MXCLVIII.

1158

Comes *Gloceſtriæ* *Willielmus* in caſtello *Cardivie* captus eſt à *Wallenſibus*, & *Comitiſſa* *Havvyſia*.

*Com. Glouc. Card. capt.*

MCLXI.

1161

Combufferunt *Wallenſes* horreum noſtrum menſe Octobr. divina tamen vindicta ſequente.

*Wall. horr. Marg. comb.*

MCLXII.

1162

Facta eſt fames magna per totum orbem.

*Fam. grav.*

MCLXIII.

1163

Intravit Rex *Henricus* in *Suthwalliam*, pacificans eam ſine aliqua contradictione & ſine ſanguine. Præterea anni hujus in tempore, fama vulgante, percrebuit

*Henr. Southwalliam in poteſtatem*



*suam redigit.  
In Galliis fa-  
natica exori-  
tur. secta.*

crebuit quod quidam Pseudoprophetae surrexerunt, terramque *Petragorica* regionis adierunt, qui vitam se Apostolicam ducere moresque imitari mentiebantur. Erant autem hujusmodi sectae cultores: sine intermissione praedicabant, nudipedes incedebant, septies in die genua flectebant, & toties in nocte, pecuniam à nullo accipiebant, carnem non comedebant, vinum non bibebant, cibos datos sobrie accipiebant, Elemosynam nihil valere dicebant, quia unde fieri possit à nemine debet possideri, communionem sacram accipere renuebant, Missam nihil esse dicebant, parati erant mori & cruciari pro lege sua, prodigia quaedam facere videbantur, aquam enim in vinum mutabant, vas vacuum suo vino parumper infuso plenum inveniebatur, coram eis caeci visum, surdi recipiebant auditum, si illiterati ad eos veniebant infra VIII. dies tam prudentes fiebant, ut nec literis nec exemplis superari possent, nullo compedum genere vinciri poterant, duodecim fuere magistri, excepto principe eorum qui *Poncius* vocabatur.

1165

*H. Wall. int.*

Intravit Rex *Henricus* in *Northwalliam*, parumque profecit.

MCLXV.

1166

*Rob. Bath. &  
Rob. Glouc. ob.*

Obiit *Robertus* Episcopus *Bathoniensis*, & *Robertus* filius *Willielmi* Comitis *Gloucestriae*.

MCLXVI.

1167

*Wall. vill.  
Ken. comb.*

Villa de *Kenesey* à *Wallensibus* primo combusta est, in nocte Sancti *Hilarii* Episcopi.

MCLXVII.

1168

*Eclipsis Lun.*

Facta est Eclipsis Lunæ post mediam noctem.

MCLXVIII.

1169

*Infantis in u-  
tero ploratus*

Filia cujusdam *Wallensis*, audita est plorare in utero matris suæ, patre suo id juramento affirmante.

MCLXIX.

1170

*Henricus 2.  
à Rogero Ebo-  
racensi coro-  
natur, exu-  
lante Becke-  
to.*

*Henricus* Regis *Henrici* filius, coronatus est *London*, adhuc pueri à *Rogero Eboracensi* Archiepiscopo, adhuc vivente patre, & beato *Thoma Cantuariensi* Archiepiscopo exulante in *Francia*: Coronatus autem contra prohibitionem Apostolicam assistentibus & suffragantibus praedicto *Rogero Londoniensi*, *Saresburiensi*, & *Rofensi* Episcopis, nec jus *Cantuariensis* Ecclesiae protestantibus, ad quam coronatio regum *Angliae* ex antiquo pertinere dignoscitur. Quam unctio hæc vere profana, odiosa & inimica fuerit, (si tamen consecratio magis quam execratio dici debeat) utpote benedictione Apostolica destituta, summa in transgressione contra virum Apostolicum, ac proinde contra Deum facta, quæ etiam ex mero adeo ira & indignatione processit, odio patris spiritualis, à patre carnali excogitata, probant lugubres & omnibus post futuris seculis destestandi eventus, qui ex hac consecratione provenerunt, Episcoporum scilicet anathematizatio, Archiepiscopi occisio, semel & iterum inter patrem & filium rebellio, & in fine egregii illius pueri consecrati sic in adolescentia, præmaturæ mortis præventio. Sanctus *Godricus* de *Finthale* obdormivit in domino XII. Kal. Junii anno Regis *Henrici* secundi XVI. Eodem anno *Richardus* Comes de *Strugbil* cum exercitu transfretavit in *Hiberniam* ut expugnaret eam.

MCLXX.

*Richard. de  
Strugvil, in  
Hibern.  
transfretat.*

1171

*Tho. Becket  
Cant. occidi-  
tur.*

Occisus est beatus *Thomas Cantuariensis* Archiepiscopus, *Angliae* primas, Apostolicæ sedis legatus, in Ecclesia *Cantuariensi*; pro defensione Ecclesiasticæ libertatis, anno exilii sui septimo, vitæ vero illius LIII. quarto Kal. Januarii, feria tertia, hora quasi XI.

MCLXXI.

1172

*Hen. Hib. pet.*

Transfretavit Rex *Henricus* in *Hiberniam* XVII. Kal. Novembris.

MCLXXII.

1175

*Hen. fil. recon.*

Rex *Henricus* fecit pacem cum filio, & fames fuit eodem anno.

MCLXXV.

MCLXXVI.



MCLXXVI.

Mortalitas hominum fuit, & fames magna.

1176  
Pest. & fames.

MCLXXVII.

Facta est in crepusculo noctis, & diei aurora sequente, coruscatio aeris mira, per omnem terram iv. Kal. Decembris.

1177  
Coruscatio  
mira.

MCLXXVIII.

Contigit solis Eclipsis Id. Septembris post vi. horam diei.

1178  
Eclipsis Solis.

MCLXXIX.

Obiit *Alexander* III. Romanæ sedis Apostolicus, mense Septembri, & substitutus *Hubaldus Ostiensis* Episcopus, *Lucius* Apostolicus postea dictus.

1181  
Alexand. 3. P.  
ob. suc. Luc.

MCLXXXIII.

Obiit *Nicolaus Landavenfis* Episcopus ii. Non. Junii. Eodem mense obiit *Henricus* secundus Rex *Angliæ*. Eodem autem anno *Willielmus Comes Gloucestriæ* ix. Kal. Decembris: & fames valida *Angliam* simul & *Walliam* vehementer oppressit. Tonitru etiam & terribiles coruscationes contigerunt xvi. Kal. Augusti.

1183  
Nic. Landav.  
Ep. Hen. 2. R.  
Will. com.  
Glouc. ob. Fames in Angl. & Wall.

MCLXXXIV.

Quidam spiritus nequam in *Devoniensi* provincia locutus est hominibus palam quidem, sed videri non potuit.

1184  
Spir. mal. in  
Dev. loquit.

MCLXXXV.

Fuit Eclipsis Kal. Maii circa horam nonam, sole post Eclipsin colore sanguineo quodam mirabili modo rubente. Hic etiam *Wallenses* pagum *Glamorganensem* incendiis atque rapinis hostiliter vastare ceperunt, tunc ab eis inter alias, & villa *Kerdivia* incendio est tradita, villaque de *Kenefeglam* vice secunda. Castellum quoque de *Peth* secundo obsessum, & fortiter aliquandiu oppugnatum, donec ab *Anglia* veniens exercitus *Francigenarum*, fugavit agmen hostile *Wallensium*; machina quam fecerant igne cremata. Non procul à memorato castello, res quædam sui novitate mirabilis sub eodem contigit anno: circa nativitatem *Baptistæ Johannis*; in pago cui *Gower* est vocabulum, in villa *Landridian* dicta, feria quinta, lactis unda copiosi prolatice per tres horas, ut fertur, assidue de quodam fonte manavit, quem incolæ loci fontem vocant *Sancti Istuti*. Attestati sunt autem plures qui aderant, qui cum lacteas undas sedulo nec sine admiratione conspicerent, vidisse se quoque inter glareas passim jacere coagulum, & circa marginem undique fontis quandam fluctuare pinguedinem, qualis ex lacte colligitur, ut fiat inde butyrum. Anno autem hoc ipso, *Johannes* Regis *Henrici* filius, grandi militum stipatus exercitu, mense Aprili versus *Hiberniam* primo iter arripuit, prius tamen à patre apud *Gloucestriam* miles effectus; moratus est autem in insula mensibus circiter viii. Qui licet bellis aliisque indefinenter adversis *Hibernienses* infestaret, terram sibi tamen subjugare non potuit.

1185  
Eclipsis Solis.  
Wallenses  
Glamorgan.  
& Kerdiv.  
vast. ut. Netb  
oppugnant.  
Lactis rivus  
exundat.

MCLXXXVII.

Fratres templi & hospitalarii, prima die mensis Maii contra *Saladinum* pugnantes, circa *Nazareth* civitatem cæsi sunt à paganis, una cum militibus aliis centum fere xxx, peditibus autem mille ducentis. Porro tyrannus cæde peracta tantorum, necdum satiatus, collegit multitudinem hostium peregrinam, venitque in regionem *Ierosolymitanam*, congressusque cum Rege eorum, & rediviva potitus victoria, stragem rursus ex nostris fecit immensam; interfecti sunt enim in hoc prælio militum numero Mille ducenti, peditum autem xxx. Millia, exceptis Episcopis terræ *Ierusalem*, Templariis & Hospitalariis, arma quoque bellica & equitaturæ, & omnes qui erant ad bella fortissimi perierunt. In memorato præterea bello capta est veneranda crux Domini, captus & ipse Rex *Ierosolymitanus*, & Templi magister, una cum *Reginaldo* Principe, quem propriis manibus *Saladinus* ipse peremit. Hæc quarta die mensis Julii acciderant. Postquam autem tyrannica rabies Christianorum est satiata cruore, urbes obsidere munitas aggreditur, cepitque quamplurimas: quarum hæc sunt nomina, *Tiberias* civitas nobilis, *Acaron*, *Caiphas*, *Cæsarea*, *Arca*, ma potitur.

1187  
Templarii &  
Hospital. circa  
Nazareth  
cæsi.

*Saladinus*  
*Christianos*  
passim vincit,  
& *Ierosolym*  
ma potitur.



*Joppe, Lydda, Ramatha, Hebron, Nazareth, Sebaſtes, Neapolis, Bethleem, Sidon, Berytum, Biblum, & civitas munitiſſima Aſcalonis*, quæ v. die menſis Septembris capta eſt. Quibus civitatibus captis, infinita virorum, mulierum pariter & infantum multitudo captivata eſt & interemta. His ita geſtis, convocato Tyrannus exercitu ſuo *Jerofolymitanam* ad urbem profectus, obſidione circumdedit, quæ non multo poſt (ut audivimus) tradita eſt illi. Poſtquam longe lateque per orbem (fama vulgante) Chriſtianis innotuit, quod capta eſſet à gentilibus crux ſancta in bello, innumerabiles populi per loca diverſa terrarum, diverſæ conditionis, dignitatis & ordinis, eodem anno, certatim crucis ſuſcepere ſignaculum. Inter quos Rex *Francorum Philippus*, & *Anglorum Rex Henricus*, Comes quoque *Flandriæ Philippus*, cum aliis viris illuſtribus; uno die, uno in loco in tranſmarinis, crucem & ipſi in humeris ſuis acceperere Dominicam. In quo loco ſupradicti Reges quandam in honore ſanctæ crucis juſſerunt fabricari baſilicam. Item hoc anno conſecratum eſt altare Sanctæ Trinitatis Abbatix noſtræ de *Margan*, à domino *Willielmo Landavenſi* Epifcopo, quarto Kal Novembris.

Principes Europæi bellum iſtaurant.

1188

MCLXXXVIII.

Per noctem coruſcatio inſolita, & Maris inundatio.

Tertio decimo Kal. Januarii, feria III. nocte circa galli cantum, lux quædam inſolitæ claritatis viſuque terribilis emicuit, quæ penitus diſcuſſa caligine noctis, noctem ſubito reddidit die clariorem. Anno eodem, menſe Martio, fluctus æquorei longius ſolito aſcendentes, innumera diverſi generis animalia per loca diverſa merſerunt, homines quoque nonnullos pariter involverunt.

1189

MCLXXXIX.

Henr. 2. obiit, ſuccedit Ricard.

Fames valida, & mortalitas hominum fuit. Obiit *Henricus* ſecundus Rex *Angliæ*. II. Non. Julii ſucceſſit *Richardus* filius ejus. Tertio nonarum Septembrium unctus eſt in Regem. Judæi contra prohibitionem, coronationi ſe ingerentes, Rege indignante ejecti ſunt, & male tracti. Deinde irruentes Chriſtiani in alios, per totam civitatem ædificia eorum incendunt, bona diripiunt, XIX. circitur in eadem urbe neci traditi ſunt. Per alias quoque civitates *Angliæ* conſimilis furor exarſit in Judæos, donec præſumtorum audacia regio juſſupuniretur. *Galfridus* filius Regis *Henrici*, electus eſt ad Archiepiſcopatum *Eboracenſem*; *Godofridus* de *Luci* ad Epifcopatum *Winton*, *Hubertus Walteri* ad *Saresberienſem*. XI. Kal. Novembris, à *Baldvino* Archiepiſcopo *Cantuarienſi* ambo conſecrati ſunt *London*. *Willielmus* de *longo campo* in Epifcopum *Elienſem*.

Plures ad Epifcopatus promoventur.

1190

MCXC.

Rich. Angl. R. & Philip. Gall. verſus Hieroſol. per-gunt. Plures principes viri obeunt.

*Richardus* Rex *Angliæ* in die Apoſtolorum *Petri & Pauli* iter arripuit verſus *Jeruſalem*, & *Philippus* Rex *Francorum*, ſed non eo pervenerunt hoc anno, pervenerunt autem *Baldvinus* Archiepiſcopus *Cantuarienſis*, & *Hubertus Sarisberienſis*, *Ranulfus* de *Glanvil*, & alii multi. Obiit *Fredericus* imperator, & *Baldvinus* Archiepiſcopus, & *Robertus* Abbas de *Ford*, & *Robertus* Comes *Leiceſtriæ*, & *Willielmus* Comes de *Ferrariis*, & *Ranulfus* de *Glanvil*. *Hugo Ceſtrenſis* Epifcopus, monachos à *Coventreia* expulit, & clericos ſubſtituit. *Willielmus Elienſis*, factus eſt legatus in *Anglia*.

1191

MCXCI.

Clemens P. ob. Celeſtinus ſuccedit. Acon à Chriſtianis capitur.

Obiit *Clemens* Papa, ſucceſſit *Celeſtinus*. Facta eſt Eclipſis ſolis in die Dominica in vigilia Sancti *Johannis Baptiſtæ* circa horam VI. Civitas *Acon* à Chriſtianis capta eſt. *Galfridus Eboracenſis* Archiepiſcopus veniens in *Angliam*, captus eſt apud *Doroberniam* ab *Willielmo Elienſi* Epifcopo, in Eccleſia Sancti *Martini*; & idem non multo poſt cum maximo dedecore ab *Anglia* receſſit. *Johannes* Abbas de *Wynnadon* factus eſt Abbas de *Forda*. Obiit *Johannes* Epifcopus *Eron*, apud *Glaſton*. Inventa ſunt oſſa famoſiſſimi *Arthuri* quondam Regis majoris *Britanniæ*, in quodam vetuſtiſſimo ſarcophago recondita, circa quod duæ pyramides ſtabant erectæ, in quibus literæ quædam exaratæ erant, ſed ob nimiam barbariem & deformitatem legi non poterant: inventa ſunt

Oſſa *Arthuri*, *Guenveri*, & *Modred* reperta *Glaſtoniæ*.

autem



autem hac occasione dum inter prædictas pyramides terram quidam effoderant, ut quendam monachum sepelirent, qui ut ibi sepeliretur à conventu pretio impetraverat, reperiunt quoddam sarcophagum, in quo quasi ossa muliebria cum capillitio adhuc incorrupto cernebantur, quo amoto reperiunt & aliud priori substratum, in quo ossa virilia continebantur, quod etiam amoventes invenerunt & tertium duobus primis subterpositum, cui crux plumbea superposita erat, in qua exaratum fuerat, hic jacet inclytus Rex *Arthurus* sepultus in insula *Avellana*; locus enim ille paludibus inclusus insula *Avallonis* vocatus est i. e. insula pomorum, nam *Aval* Britannice pomum dicitur. Deinde idem sarcophagum aperientes, invenerunt prædicti principis ossa robusta nimis & longa, quod cum decente honore & magno apparatu in marmoreo mausoleo, intra Ecclesiam suam Monachi collocaverunt. Primum tumulum dicunt fuisse *Guenhaveræ* Reginae, uxoris ejusdem *Arthuri*: secundum *Modredi* nepotis ejusdem: tertium prædicti principis.

MCXCII.

Obiit *Reginaldus* Episcopus *Bathoniensis* electus à Monachis *Cantuariensibus* in Archiepiscopum. Rex *Angliæ* redire parans captus est à Duce *Austriæ*, & postea Imperatori *Henrico* traditus, cum summa diligentia custoditus est. *Sarvaricus* filius *Geldewini* factus est Episcopus *Bathoniæ*.

1192

*Ricard. R. à duce Austriæ captus. Sarvaricus fil. Batho. Epif.*

MCXCIII.

Rex *Richardus* in *Alemannia* detentus est, donec pro redemptione sua centum millia *Marcas* argenti persolveret. Ad hanc summam pecuniæ colligendam, præter id quod à laicis exhibitum est, singularum Ecclesiarum redditus decimati sunt; aurum & argentum, lapides pretiosi Abbatiarum, & aliarum Ecclesiarum districta, cruces & feretra decrustata; sacra etiam vasa altaris direpta sunt. Interim comes *Johannes* in Regnum insurgens, post plurima mala quæ fecit in *Anglia*, ad Regem *Francorum* se contulit. Rex autem *Francorum* cepit *Gisfortium*, prodente oppidum *Guilberto* de *Gauscul*, & multa alia castella capiens, innumera mala *Normanniæ* intulit. *Hubertus* Episcopus *Sarresberiensis* factus est Archiepiscopus *Cantuariensis*.

1193

*Ricardus R. pretio redimitur.*

*Joannes Normanniam contulit.*

MCXCIV.

*Richardus* Rex rediens à peregrinatione, coronatus *Wintoniæ* 11. Kal. Maii. *Herebertus* Archidiaconus *Cantuariæ*, factus est Episcopus *Sarresberiensis*, & *Henricus* *Marescallus*, *Exonia*.

1194

*Ric. Wint coronat. ereb. fit p. Sarum Henr. Exon.*

MCXCV.

Nimia abundantia pluviarum pene segetes perierunt, Obiit *Hugo Dunelmensis* Episcopus.

1195

*Hugo Dunel. obiit.*

MCXCVI.

*Johanna* relicta Regis *Apuliæ*, & soror *Richardi* Regis, desponsata est apud *Rothomagum* Comiti Sancti *Egidii*. *Christophoro* Abbati de *Wharley* cedenti, successit *Johannes* Monachus, Hospitalarius ejusdem loci. *Reginaldo* *Gereldon*, Abbate, à quodam converso suo, graviter in infirmatorio vulnerato, aliis conversis consentientibus; jussu est in generali capitulo *Cistercii*, omnes conversos ejusdem loci amoveri.

1196

*Joan. R. Ric. soror despons. com. S. Egid. Otho succed. Cisterc. amoventur.*

MCXCVII.

Obiit *Willielmus* de longo campo, *Eliensis* Episcopus. Magister *Eustacius* factus est Cancellarius Regis, & concessus est ei Episcopatus *Eliensis*. Obiit *Willielmus* Comes *Sarresberie*.

1197

*Will. Eliens. Ep. ob. Eustac. succed. Will. Com. Sar. ob.*

MCXCVIII.

Obiit *Celestinus* Papa, successit *Innocentius*. Obiit *Henricus* Imperator, successit *Otho* nepos *Richardi* Regis *Angliæ* ex sorore; *Philippo* duce *Suaviæ* qui frater erat Imperatoris defuncti, retentis munitionibus fortiter resistente. In vigilia Sancti *Bartholomæi*, ventus vehemens messes damnose excussit. Rex *Franciæ* *Philippus*, circa festum Sancti *Michaelis* interceptus à *Richardo* Rege *Anglorum*, versus *Gisforum* fugam iniit; ubi fracto ponte pene submersus est, capti sunt de hominibus ejus nominatissimis LXXX. & eo amplius. Obiit

1198

*Celest. P. ob. suc. Innocent. Henr. Imp. ob. Otho succed. Rex Franciæ Philip. à Ric. Ang. R. interceptus. Hugo Cest. Ep. ob.*



*Hugo Cestrensis* Episcopus apud *Beccum* habitu religionis accepto : Monachi de *Coventreia* quos ab Ecclesia sua idem Episcopus expulerat de mandato domini Papæ, per *Cantuariensem* Archiepiscopum restituuntur.

1199

*Ricardus R. Angl. ex vulnere moritur, Joannes succedit contra jus.*

M C X C I X.

Capella de *Lameheya* jussu Papæ funditus subvertitur. Rex *Richardus* in quadregesima contra vicecomitem *Lemovicensem*, pro thesauro quem nuper audierat inventum in terra ipsius; profectus, castellum *Calucis* quod ejus erat obsedit, cumque illud jam fere cepisset vii. Kal. Aprilis, miles ex obsessis, unus *Petrus*, cognomento *Basilius*, directo in eum spiculo, quod vulgo *quadrellum* vocatur, percussit in scapula sinistra, quo accepto vulnere decessit ibidem iv. Id. Aprilis : sepultus est apud *fontem Ebraudi* ad pedes patris sui, cor autem ejus delatum est *Rothomagum*, & in Ecclesia beatæ *Mariæ* majori tumulatum. *Johannes* frater ejus in octavis Paschæ, suscepto Ducatu *Normanniæ*, veniens in *Angliam* coronatus in Regem, in die Ascensionis Dominicæ, scil. vi. Kal. Junii apud *Westmonasterium*: contra judicium Archiepiscoporum, Episcoporum Comitum & Baronum & omnium aliorum magnatum *Angliæ*; quod factum fuit apud *Notingham* præsentem Rege *Richardo* fratre suo; ubi propter prodicionem ejusdem Regis & Regni quam fecerat cum Rege *Francorum*, abjudicatus & exhæredatus erat, non solum de omnibus terris quas habuit in Regno, sed etiam de omnibus honoribus, quos se habiturum speravit vel expectavit de corona *Angliæ*. Judicium quoque fuit ut summoneretur per tres quadregenas, venire in Curiam Regis *Angliæ* ad respondendum & defendendum corpus suum si posset, de guerra & prodicione prædicta, quas machinatus fuerat dum Rex frater suus fuit in peregrinatione, & carcere Imperatoris *Alemanie*; sed nec venit, nec responsalem pro se misit : unde tres Comites pares sui missi fuerant ad Curiam Regis *Franciæ*, ut in ea de supradicta prodicione eum convincerent; sed & nec ibi comparuit, nec respondit : nec se defendit; contra hoc inquam judicium coronatur; *Willielmo* de *Breuse*, cum fautoribus suis ad ejus coronationem vehementius instante. In qua coronatione omnes graviter peccaverunt, tum quia idem *Joannes* nullum jus in Regno habuit vivente *Arthur*o filio senioris fratris sui *Gaufredi* Comitis *Britanniæ*; tum quia licet aliquando hæres regni fuisset, propter tamen memoratam prodicionem abjudicatus fuit & exhæredatus. Et quia omnes gravissime Deum offenderant, omnes postea per eum tanquam instrumento suæ offensionis puniti sunt & afflicti. Sed *Willielmus* de *Breusa* qui in ejus coronatione plus omnibus offendit, justo dei judicio cum omni domo sua plus omnibus aliis punitus est.

1200

*Joan Isabel-lam Engolamensis. ducit in uxorem. R. Scotia homagium facit Regi Ang.*

M C C.

Rex *Johannes* duxit *Isabellam* filiam Comitis *Engolamensis* in uxorem. Idem concordatus est cum Rege *Francorum* datis illi xx. millibus libris Sterlingorum, cum terris & castellis pluribus; desponsata etiam nepte sua, scil. filia Regis *Hispaniæ*, *Lodovico* filio ipsius Regis *Francorum*. Circa festum Sancti *Edmundi* concilio congregato apud *Lincoln*, Rex *Scotiæ* homagium fecit Regi *Angliæ*. Dominus *Hugo Lincoln* Episcopus interim decessit apud *London*, sed delatus inde *Lincolniam*; à Regibus, Archiepiscopis, Episcopis, & optimatibus Regni, & frequentia populi cum magna veneratione suscipitur, & sepulturæ commendatur. Abbates ordinis *Cisterciensis*, concilio domini *Cantuariensis* illuc advenientes in oculis Regis, non sine grandi admiratione omnium, gratiam Regis invenerunt; adeo ut ipse flexis in terram genibus veniam ab eis peteret, pro eo quod eos vexasset, Abbatiam se ordinis *Cisterciensis* facturum promittens, seque ibidem sepeliendum.

1201

*Joannes coronatus Cantuar.*

M C C I.

Rex *Johannes* à Domino *Cantuariensi* invitatus & exhibitus, ad Pascha coronatus est cum Regina sua apud *Cantuariam*. Pluviarum inundatio frequens à Pentecost. usque ad Nativitatem Sanctæ *Mariæ* continuata; non solum fruges & arborum fructus non sivit maturescere, sed etiam fecit infœcundos.

Subsecuta



Subsecuta est mortalitas animalium, sed & ovium maxime, qualem tunc nullus viventium se meminit ante vidisse. In die Assumptionis sanctæ Mariæ apud *Extruitur*  
*Fordam*, præsentibus dominis Abbatibus, *Johanne de Waverley* & *Johanne de* *Abbatia de*  
*Forde*, & domino *Willielmo Brewere*, eligitur conventus XII. Monachorum; *Dunkewell.*  
præfecto eis viro industrio, *Gregorio* ad construendam Abbatiam de *Dunke-*  
*will*. Obiit *Johannes*, Abbas *Waverley*, successit *Johannes*, Cellarius ejusdem  
domus.

MCCII.

1202

Rex *Johannes* apud Castrum *Wurabel* cepit *Arthurum* nepotem suum in fe- *Joan. R. Ne-*  
stum Sancti *Petri* ad vincula, & cum eo *Gaffridum* de *Liraman*, & *Hugonem* de *potem suum*  
*Brunt*, & *Andream* de *Chabenny*, & vicecomitem de castro *Haraldi*, & *Rey-* *Arthurum &*  
*mundum* de *Troald*, & *Savaricum* de *Paulpon*, & *Hugonem* de *Banchai*, & om- *alios plurimos*  
nes alios inimicos suos, *Pictaviæ*; qui ibi erant circiter cc. milites & plures. *occidit.*  
Ex quibus XXII. nobilissimos & strenuissimos in armis, fame interfecit in ca-  
stello de *Corf*; ita quod nec unus ex illis evasit. Abbas de *Firmitate*, cum qui-  
busdam Monachis *Cistercii* per præceptum Regis veniens in *Angliam*, accepit  
saisinam de *Ferrendon* ad Abbatiam construendam. Missus est Conventus à  
*Ford* XVI. Kal. Decembris, ad ædificandam Abbatiam de *Dunkewill*.

MCCIII.

1203

Fames valida & sæva mortalitas multitudinem pauperum extinguit. Rex *Joan. redit in*  
*Johannes* post capturam *Arthuri* & *Pictavensium*, est reversus in *Angliam*: apud *Angliam.*  
*Cantuariam* natale celebrat. Castellum de *Rupe* capitur à Rege *Francorum*.

MCCIV.

1204

Rege *Johanne* fugiente in *Angliam*, *Philippus* Rex *Francorum* *Normanniam* *Philippus*  
occupat, & *Andegaviam*. Misso conventu à *Cistercio*, & Abbate eis præfecto, *Rex Franc.*  
Abbatia belli loci construitur. *Cornubienses* primo, deinde *Devonienses* promif- *Normanniam*  
sa pecunia, gravissimum jugum forestariorum à se excutiunt. Obiit *Alienora* *occupat. De*  
Regina. Obiit *Godofridus Winton* Episcopus, successit *Petrus* de *Rupibus* *morte Arthu-*  
Archidiaconus *Pictaviæ*, à domino Papa Romæ postea consecratus. *Guido* *ri rerum per-*  
*Prænестinus*, & quondam Abbas *Cistercii*, factus est Archiepiscopus *Remensis*. *agit Joan.*  
Rex *Francorum* coepit castrum de *Chynun*, & postea omnes munitiones *Nor-*  
*manniæ*, *Andegaviæ*, & civitatem *Pictaviæ*, cum aliis castellis, oppidis, & civita-  
tibus quas voluit habere: & hac ratione; cum Rex *Johannes* cepisset *Arthurum*,  
eumque aliquamdiu in carcere vivum tenuisset, in terra tandem *Rothomagensi*,  
feria v. ante Pascha, post prandium, ebrius & dæmonio plenus; propria manu  
interfecit: & grandi lapide ad corpus ejus alligato, projecit in *Sequanam*; dicitur  
reti piscatorio i. e. fagena inventum esse, & ad littus tractum, cognitum; &  
in Prioratu *Becci*, qui dicitur Sanctæ *Mariæ de prato*, occulte sepultum, propter  
metum tyranni. Quod cum fama vulgante audisset, prædictus Rex *Francorum*,  
& pro certo sciret *Arthurum* esse occisum; fecit summoneri interfectorem  
ejus *Johannem* ut veniret ad curiam *Franciæ* (uti solent duces *Normanniæ*)  
de occisione tanti viri responsurus, & se si posset defensurus, tanti inquam vi-  
ri: erat enim legitimus hæres *Angliæ*, Comes *Britanniæ*, & gener Regis *Franciæ*.  
Ille tanti male sibi conscius, nunquam ausus est comparere, sed fugit in  
*Angliam*, & in ea super homines suos gravissimam tyrannidem exercuit, usque  
ad mortem suam. Postquam autem nunquam venit ad respondendum de mor-  
te *Arthuri*, & se defendendum; per judicium curiæ Regis & principum *Francorum*,  
abjudicatus est, & exhæredatus est cum omnibus hæredibus suis de uni-  
versis terris & honoribus quos tenuit de corona *Franciæ*, & fixum & justum  
judicium hoc. Hiems horrida gelu & nivibus fere à Natali usque in medium  
Martii, oves & animalia magna extinxit, cum fætibus eorum: frumentum ve-  
ro purius provenire fecit, avenas & hordea pene annihilavit.

MCCV.

1205

Rex *Johannes* collecta apud *Portesmouth* copiosa navium multitudine, parat *Joan. transfretare pa-*  
transfretare; sed ab optimatibus *Angliæ* & maxime Archiepiscopo *Cantuari-*  
*ensi* cæpta differre compellitur. Obiit *Hubertus Cantuariensis* Archiepisco- *rans ab opti-*  
pus, *mat. detine-*  
B 3 *Hubert.*



*Cant. ob. & Sav. Bath. ob.* pus III. Id. Julii. Obiit *Savaricus Bathoniensis* Episcopus. *Petrus de Rupe* electus *Wintoniensis*, Romæ consecratus est.

1206

*Joan. in Pi-  
sav. transfretat. Will.  
Linc. Ep. ob.  
Joan. in Par-  
liam. Oxon.  
conceditur 13.  
pars Catello-  
rum Ang.*

Rex *Johannes* congregato exercitu in *Pictaviam* transfretat. *Jocelinus Trote-*  
*man* consecratur in Episcopum *Bathoniensem*. Obiit *Willielmus Lincoln* Epif-  
copus. Obiit *Henricus Marecallus Eron* Episcopus. Rex *Johannes* rediens  
de *Pictavia* coadunatis magnatibus terræ apud *Drenford*, de assensu eorum  
cepit XIII. partem omnium catellorum hominum totius *Angliæ*. Pontifices  
vero & viri religiosi cujuscunque professionis essent, omnes indiscrete cum  
Rege & suis, pro se & hominibus suis pacem fecerunt ut melius potuerunt.

MCCVI.

1207

*Steph. Lang-  
ton fit Archi-  
ep. Cant.*

Electus est magister *Stephanus* de *Langton* ad Archiepiscopum *Cantuari-*  
*sem*, cum esset Cardinalis *Romanæ Ecclesiæ*, & *Bitreni* consecratus. Pro cujus  
electione quia facta fuit contra profanas illas consuetudines, quas vocant  
*avititas leges*, & *Regias libertates*, orta est statim discordia inter Papam *Innocen-*  
*tium* & *Johannem* tyrannum *Angliæ*, faventibus ei & consentientibus omnibus  
laicis & Clericis fere universis; sed & viris cujuslibet professionis multis, sicut  
plenius habetur in quodam libello qui inscribitur de *Symonia*. Secuta est  
proscriptio & ejectio Prioris & Conventus *Cantuariensis*, & exilium Archiepi-  
copi, interdictum Regni, persecutio Cleri, & multa alia mala. Eodem an-  
no natus est *Henricus* filius Regis *Johannis*, apud *Winton* die Sancti *Remigii*.

MCCVII.

1208

*Anglia inter-  
dicitur, plures  
in exilium  
acti.*

Interdicta est *Anglia* ab omni officio & sacramento Ecclesiastico, præter  
baptisma parvulorum, & poenitentias morientium; quia Rex noluit recipere  
Archiepiscopum. Factum est autem interdictum Dominica qua cantatur  
*Isti sunt dies*. Episcopi executores interdicti, viz. *Willielmus London*, & *Eus-*  
*tachius Eliensis*, & *Maugerus Wigorn* exulaverunt; exulavit etiam *Egidius He-*  
*refordensis* Episcopus. Rex *Johannes* egit in exilium *Willielmum* de *Breusa*  
cum uxore sua & filiis, & totam substantiam suam & terram occupavit. *Phi-*  
*lippus Dunelmensis*, & *Coventriensis* Episcopi obierunt. Mense Januarii peperit  
Regina *Isabel* apud *Winton* filium, qui vocatus est *Richardus*.

MCCVIII.

1209

*Hugo fit Ep.  
Linc. Joan. R.  
exerc. in Sco-  
tiam ducit;  
Ipsi allegi-  
ant juratur.*

*Hugo* Archidiaconus *Wellensis* eligitur in Episcopum *Lincoln*. Rex *An-*  
*gliæ* collecto grandi exercitu proficiscitur versus *Scotiam* contra Regem *Scotiæ*,  
qui dicebatur foedus iniisse cum inimicis suis, sed cito revertitur pace inter  
eos reformata & firmata. Liberi homines per totam *Angliam* Regi Ligean-  
tiam faciunt.

MCCIX.

1210

*Joannes Ju-  
dæos vexat.  
in Hiberniam  
transfretat.  
Cistercienses  
vexat.*

Variis infirmitatibus homines per *Angliam* vexantur & quamplures mori-  
untur. Rex *Johannes* Judæos totius *Angliæ* capi fecit, & male tractatis omnia  
fere bona eorum ipsis abstulit. Idem mense Junio transfretavit in *Hiberni-*  
*am*, ubi hostibus ad votum subactis, mense Septembri; nimis infestus omnibus  
viris *Cisterciensis* ordinis rediit. Convenerat enim eos priusquam transfretaret  
de auxilio præstando contra inimicos suos; & quia iidem *Cistercienses* pecuni-  
am ei ad libitum suum, contra libertatem ordinis sui, dare noluerunt; in im-  
mensum eos affixit; & à singulis domibus, brevissimo temporis spatio indulto,  
multum valde censum, ita ut summam XXVII. Millia Marcarum, æquaret colle-  
ctio illa, vel excederet, violenter extorsit. Duæ tamen domus ejusdem ordinis  
ab hac exactione tunc immunes fuere, de *Margan* scil. in *Wallia*, eo quod ho-  
spitatus ibi fuisset Rex cum exercitu eodem anno iens in *Hiberniam*, & inde re-  
diens: & de *Bello loco* in *Anglia*, eo quod ipsa esset de Eleemosina ejusdem Regis.  
Rege vero cum exercitu in *Hibernia* commorante, actus est in fugam *Hugo*  
de *Lacy* Comes *Ultoniæ*, captus *Willielmus* de *Breusa* Junior, cum uxore,  
& pluribus filiis, & matre *Matilda* de Sancto *Wallarico*; & arctissime custoditi,  
primo per maritima usque *Bristolium*, postea usque *Windleshore* castellum sunt  
deducti, imposita redemptione quinquaginta millia Marcarum. *Willielmus* se-  
nior

MCCX.



nior quasi pro pecunia perquirenda liber egreditur, qui deinde fugit in *Franciam*: quo comperto, confestim Rex uxorem ejus & filium fame necavit in carcere, & *Walterum* de *Lacy* generum ejus egit in exilium, fecitque confiscari omnia bona proscriptorum Principum, quæ multa fuerunt in *Anglia*, in *Wallia* & in *Hibernia*.

## MCCXI.

Quidam ex capellanis Domini Papæ legatus venit in *Angliam*, & à regiis custoditus, legationem suam est executus. Denique coacto concilio apud *Northampton*, præsentem Regem *Johanne* & proceribus *Angliæ*, cum idem Rex Ecclesiæ satisfacere nollet, coram omni concilio & in faciem suam, à legato viro virtutis, constanter excommunicatus denunciatur. Plures etiam minæ ex ore Domini Papæ per legatum intentantur, quæ omnia Rex pro nihilo duxit. Legatus *Romam* revertitur, cum quo & Regis Clerici cum literis regiis diriguntur. Obiit *Willielmus* de *Breusa* senior, exul in *Francia*, & honorifice sepultus est à magistro *Stephano Cantuariensi* Archiepiscopo, tunc similiter exulante. *Johannes* Rex exercitum duxit in *Northwalliam* contra *Levelinum* generum suum, & ejusdem terræ Principem, & approximans monti qui *Snowdon* dicitur, *Levelino* cum suo exercitu desuper consistente, vidensque eum; trepide quidem, sed fortassis provide Rex discessit, collectoque ampliori exercitu iterum præfatum Principem in prænominato monte obsedit, & ad deditionem coegit, à quo etiam xxxii. obsides, quos omnes postea apud *Nottingham* fecit suspendi, & tertiam sive quartam partem *Norwalliæ*, & multam pecudum sive jumentorum summam, loco muneris extorsit. Eodem anno firmatur castellum ex præcepto Regis contra principes *Southwalliæ*. scil. *Hailgum*, & *Resum Bahhan* in eorum terra dominica. Quo statim post descessum exercitus *Anglorum*, ab iisdem principibus capto & combusto, eorum obsides duo, scil. filii *Hailgum* diffaciuntur, & præ dolore moriuntur: duo etiam filii *Cadwallan* ab *Pbor* diffaciuntur; hinc cædes & incendia, multaque mala à *Wallensibus* exercentur.

1211

Rex à Papæ  
legato Northamptoniæ  
excommunicatus. Walli  
vincuntur.

## MCCXII.

Rex *Morochiæ* nomine *Miramomelinus*, cum Rege *Valentio* patruo suo, & multo nimis exercitu *Arabum* & *Maurorum*, *Hispanias* ingressus, eas cæde & incendio cœpit devastare: contra quem directi sunt à domino Papa Archiepiscopi vel Episcopi decem, quatuor transmontani, & sex cismontani, cum exercitu copioso: in quorum comitatu fuere nonnulli Comites & Barones, qui per *Gasconiam* incedentes, plures hæreticorum qui *Albigi* dicebantur & eam repleverant, occiderunt; Comitem de sancto *Egidio* bello campali victum, qui eis favere dicebatur, exulaverunt; & *Tolosam* Metropolim *Gasconiæ* diu obsessam, vi tandem ceperunt. Circa octavas vero Pentecostes *Toletum* Hispaniarum Metropolim advenerunt, & eis ibidem associati sunt tres Reges *Hispaniarum*, scil. Rex *Andegaviæ*, Rex *Navarriæ*, Rex *Castellæ*, cum exercitibus suis. Circa festum sanctæ *Mariæ Magdalene*, congressi sunt tribus vicibus cum *Saracenis* bello campali, & ex eis prostraverunt usque ad lx. Millia virorum, cum pauci ruerent ex Christianis, sicut scribit *Narbonensis* Archiepiscopus (qui ipse bello interfuit) in Epistola quadam ad Capitulum *Cisterciense* directa. *Saraceni* qui evaserant cum Regibus suis, domum cum decore sunt reversi. *Levelinus* Princeps *Northwalliæ* omnem terram suam anno præterito perditam, viriliter pugnando hoc anno recuperavit. *Resus Bahhan*, *Sweinetham* comburit. Obiit *Gaufridus Eboracensis* Archiepiscopus, & *Wauger Wigorn* Episcopus, exules in *Francia*. Rex *Anglorum* prodicionem formidans, infra Castellum de *Nottingham* per xv. dies se clausum tenuit.

1212

Mauri Hispaniam invadunt, & à Christianis vincuntur.

Levelinus terras anno præterito amissas recuperat. Gaufrid. Ebor. Arch. obiit.

## MCCXIII.

Recolendæ memoriæ *Gillebertus* Abbas de *Margan*, cessit in visitatione facta de mandato Abbatis *Clarvallenfis* xv. Kal. Julii: & eadem die successit ei *Johannes* Monachus ejusdem domus.

1213

Gilleb. abbas de Margan obiit.

## MCCXIV.



1214

Ordini Cisterciensium concessum ut terræ eorum decimas non solverent.

Obiit idem *Gillebertus* apud *Herkested*, ubi Monchus fuit, quarto Id. Maii. Hoc anno celebrata fuit Synodus *Romæ* in Ecclesia Salvatoris quæ dicitur *Constantiniana*, mense Novembris, præfidente domino Papa *Innocentio III.* in qua concessit ordini *Cisterciensi*, quod de possessionibus habitis ante Concilium, & de novalibus ante & post acquisitis, nulli decimas dare tenerentur.

1216

Joann. R. ob. succed. Hen. 3.

Obiit *Johannes* Rex Angliæ apud *Peuerk*: cui successit *Henricus* tertius filius suus, coronatus *Gloucestræ* per *Walonem* legatum sedis Apostolicæ.

1217

Gilb. de Clare, terras in duobus Comit. conf. Cisterf.

Suscepit *Gillebertus* de *Clare* duos comitatus quorum hæres fuit, scil. de *Gloucester* & de *Hereford*, & tunc confirmavit nobis omnes terras & libertates quas habuimus ab antecessoribus suis, ut ab hominibus suis.

1218

Hen. Land. & Clem. Abb. de Neth. obiere.

Obiit *Henricus Landavensis* Episcopus, II. Id. Novembris, & *Clemens* Abbas de *Peth*, cui successit *Gervasius* Prior ejusdem domus.

1219

Will. fit Land. Hugo. Heref. Episc.

Electus est ad *Landavensem* Episcopatum *Willielmus* Prior de *Goldclife*, & consecratus *Cantuariæ* cum *Hugone* electo *Herefordensi*.

1220

Tran. Tho. Can.

Facta est translatio beati *Thomæ* martyris, Non. Julii.

1222

Turbo & terræmotus.

Fuit maximus ventus proxima nocte post festum Sanctæ *Luciæ* virginis, qui etiam domos multas fregit, pomaria, quercus cæteraque ligna silvarum multa radicitus de terra evulsit: fuitque eodem anno terræmotus magnus multis in locis in transmarinis partibus, ex quo urbes aliquæ subrutæ sunt funditus, cum hominibus in illis degentibus, inter quas erat quædam urbs in *Longobardia* nomine *Brisa*, ex qua pars maxima in Nocte Natalis domini subversa est cum Ecclesiis, ubi quoque periere fere duo millia hominum.

1223

Greges Marg. occis.

Concremaverunt perversi homines oves nostras plusquam mille, cum duabus domibus, in una septimana.

1224

Cænobio Margensi damna à Wallensibus illata. Quidam meri resuscitantur.

Occiderunt *Wallenses* famulos nostros, in operibus manuum suarum occupatos duos in una die, & cito postea puerum quendam pastorem ovium occiderunt. Eodem anno *Morganus* filius *Oeni* combussit domum Monachorum de *Peth* cum ovibus cccc. vel eo amplius: insuper & famulos ipsorum numero iv. occidit: Monachum quoque unum de domo illa, nec non & conversum graviter vulneravit. Circa hoc etiam tempus in aqua quæ dicitur *Medewepa* juxta *Roucestriam* tres viri submersi sunt, qui post tres dies inventi sunt exanimis, ac inde ad Ecclesiam beatæ Mariæ virginis de *Habresham* delati, ibique meritis ejusdem virginis resuscitati.

1225

In Hispania Christiani Saracenos vincunt.

Fuit magna mortalitas ovium. Hoc etiam anno in *Hispania* congregati sunt plusquam xl. Reges *Saracenorum* cum exercitu magno contra populum Christianum ibi degentem: contra quos venerunt quatuor Reges populi Christiani cum tribus Episcopis & duobus ducibus, ducentes secum omnem exercitum quem colligere poterant in prælium: qui cum venissent ad locum ubi pugnaturi erant, videntes adversariorum multitudinem, timuerunt valde; quapropter Episcopi duo, & Dux unus cum suis hominibus antequam pugna fieret latenter recesserunt: quod cum adverterent focii eorum qui remanserant dicebant ad invicem; quomodo nos qui sumus tam pauci numero poterimus pugnare contra tam magnam multitudinem? quibus autem Rex *Hispaniæ*, tam facile possumus gratia dei in paucis liberari quam in multis; afferebat se nunquam fugiturum de bello quamdiu pugnare valeret: talibus sermonibus cæteri Reges confirmati, & super omnia in misericordia Dei confisi, tandem congressi



gressi sunt. Mox cum in primo solis ortu cœpissent pugnare, subito adven-  
runt iis in auxilium beatus *Jacobus* Apostolus, Sanctusque *Georgius* martyr,  
armati sicut milites & super equos sedentes; vestimentum Sancti *Jacobi* oper-  
tum erat totum à capite usque ad pedes talibus signis, qualia peregrini ab ejus-  
dem Apostoli liminibus nuper revertentes solent in vestimentis habere: igi-  
tur sanctus *Georgius* impetum fecit in *Saracenos* ex una parte, & beatus *Jaco-  
bus* ex altera, magnamque ex illis multitudinem subito interimunt, quod cum  
vidissent *Saraceni* mox cœperunt fugere, quos Christiani cum prædictis San-  
ctis tota die usque ad occasum solis insequuntur, & quosdam vivos capiunt,  
& quosdam omnino extinguunt; postera die iterum Christiani arreptis armis  
suis hostes prosequuntur, & non cessant xv. diebus cædere terga fugientium.

*Sic gens sanctorum, Reges de plebe reorum  
Tunc captivavit, multos hominesque necavit.*

## MCCXXVI.

Quidam Abbas cujusdam cœnobii ordinis *Cisterciensis*, quod in provincia *Wallenses*  
*Suevorum* fundatur, ad generale capitulum venit, cui à domino data est gra- *tres villas*  
tia sanitatum immensa. Combusserunt *Wallenses* tres villas de *Glamorgan*, *comburent.*  
villam scil. de sancto *Nicolao*, villam de novo castello, & villam de *Lagelestune*,  
nonnullosque homines occiderunt.

## MCCXXVII.

*Hic cruce signati festinant pergere multi,  
Illuc quo Dominus Jesus fuerat crucifixus.*

1227

*Plures crucem  
suscipiunt.  
Wallenses cœ-  
nobii de Mar-  
gan terras  
vastant.*

Hoc anno combusserunt *Wallenses* grangiam nostram de *Pennuth* funditus,  
cum animalibus multis, pluresque boves ibi occiderunt, postea grangiam de  
*Rossaulin* depopulati sunt, ibique oves multas cremaverunt, vaccas nonnul-  
las abduxerunt, & quendam de famulis nostris illic occiderunt. Iterum ani-  
malia grangiæ *Theodori* ceperunt, ex quibus multa in itinere occiderunt, cæ-  
teraque secum duxerunt. Rursum diversis in locis domos nostras succen-  
derunt, in quibus igne greges ovium magni perierunt.

## MCCXXVIII.

In nocte beati *Georgii* Martyris tellus contremuit, *Christoque* volente quie-  
vit. Hoc anno *Howelus* filius *Meredith* cepit *Morganum* filium *Cadwalani* a-  
vunculi sui, vinxitque eum crudeliter, cujus oculos tandem eruit, ejusque mem-  
bra genitalia turpiter amputari fecit. Eodem anno *Georgius* Comes *Glouce-  
striae* cepit *Morganum Cam*, quem compedibus vinctum misit in *Angliam*, illum-  
que ibi in custodia firma servari præcepit. Hoc anno horreum Monachorum  
de *Warell* fulmine combustum est, in quo, ut fertur, ignis inextinguibilis duo-  
bus mensibus duravit. Hoc etiam anno in villa de *Henefeg* domus cujus-  
dam hominis funditus fulmine combusta est. Hoc etiam anno quidam ex  
fratribus domus nostræ, tam Monachi quam laici, missi sunt in *Hiberniam* ad  
reformandam ordines, quia ibi valde emarcuit disciplina. Eodem anno obiit  
*Stephanus Cantuariensis* Ecclesiæ Archiepiscopus, vir prudens & literatus, cui  
successit *Richardus Lincoln* Ecclesiæ Cancellarius. Hoc anno Imperator  
*Alemannia Fredericus*, nondum tamen Domino Papæ reconciliatus, circa Nati-  
vitatem Sanctæ Mariæ galeis transectus ad *Tyrum* applicuit: quo audito  
fratres Templi & Hospitalis, cum populo civitatis *Acon* ei obviam venerunt,  
à quibus gaudenter in prædictam civitatem deductus est. Post hæc cito ve-  
nerunt nuntii cum muneribus eximiis à Soldano missi, scil. equis dextrariis,  
Dromedariis, sellis aureis, & aliis rebus quampluribus ut darent Imperatori,  
ex quibus nisi prius habito concilio cum Patriarcha & Episcopis, militibus  
templi & Hospitalis qui ibi fuerunt, noluit accipere; quibus tandem consultis  
munera recepit. Postea missus est *Willielmus* Episcopus *Exoniensis* cum aliis  
nonnullis, ad Soldanum qui in *Damasco* morabatur, ad reformandam pacem.

1228

*Howelus  
Wallus Mor-  
ganum cepit.*

*Stephanus  
Langton ob.*

*Fridericus  
imper. cum  
Saracenis pa-  
cem inuit.*



inter *Christianos & Saracenos*, & sic demum elaboratum est, ut in quinto mense, scil. in cathedra Sancti *Petri*, terra *Ierosolymitana* Christianis sit restituta, ac inter *Christianos & Paganos* decem annis totidemque diebus pax confirmata.

1229

*Christianis  
Hierosolyma  
restituitur.*

MCCXXIX.

*Fredericus* Imperator *Alemannie*, & patriarcha *Ierosolymitanus*, *Petrus* Episcopus *Wintoniensis*, *Willielmus* Episcopus *Exon*, & cæteri qui ibi aderant fratres Hospitalis & milites templi, Principes multi cum populo terræ, & peregrinis qui jam longo tempore ibi expectaverant, venerunt *Ierosolymam*, anno *XLII.* postquam pagani eam quondam ceperant, in Dominica palmarum cum gaudio civitatem intraverunt, devoteque ibi solennia ejusdem diei egerunt. Postea viriliter muros jam à paganis dirutos incipiunt reparare, ecclesias ædificare, & in eis divina officia Patriarcha & Episcopi student celebrare. Attestati nobis etiam sunt qui ibi fuerant peregrini, quod ante sepulcrum Domini more solito descendit in vigilia Paschæ ignis de cælo. Hoc anno *Morganus Cam* datis obsidibus *Gilberto* Comiti de *Gloucestria* solutus est à vinculis. Eodem anno combufferunt *Wallenses* homines, viz. *Howeli* filii *Meredith*, villam de Sancto *Nicolao*, villamque de sancto *Hilario*. Hoc anno fuit nimis aspera hyems, in tantum etiam aquæ congelatæ sunt, quod super glaciem equitantes transire possent, nix quoque magna postea exitit quæ pluribus diebus terram operuit. Hoc anno obiit *Willielmus Landavensis* Episcopus v. Kal. Februarii.

1230

*Henricus  
Pictaviam  
transfretat.  
Lewelinus  
Gul. de Breu-  
sa capit &  
suspendio ne-  
cat.*

MCCXXX.

*Henricus* tertius Rex *Angliæ* cum magno exercitu transfretavit in *Pictavi- am*, ad repetendas terras quas *Philipus* Rex *Franciae* abstulit patri suo; ubi multos de hominibus suis amisit, multam pecuniam expendit, & parum vel nihil de terris illis acquisivit. Eodem anno *Lewelinus* proditorie (ut dicebatur) nocte cepit *Willielmum* de *Breusa* juniorem in domo sua, cum esset Paschalis festivitas, eo quod haberet eum suspectum de uxore sua secundum quosdam, re autem vera secundum alios, ex veteri odio progenitorum suorum, scil. *Willielmi Breusa* senioris, & *Matildis* de sancto *Walerico* uxoris suæ, qui multos *Wallenses*, tam nobiles & potentes, quam alios fecerant occidi. Cumque eundem *Willielmum* & milites qui cum eo venerant, & familiam suam aliquanto tempore vinctos in carcere tenuisset, illum quidem fecit suspendi. *Garciones* abire permisit, & quosdam alios redemptos pecunia liberos dimisit. Cujus suspendio divulgato, insultantes *Wallenses* exclamaverunt, nunc vindictus est sanguis quem *Willielmus* de *Breusa* & sui effuderunt super terram. Obiit *Gilbertus* de *Clare* Comes *Gloucestriae* & *Hereford*. *Elias* thesaurarius *Hereford*, electus est ad Episcopatum *Landavensem* & consecratus.

1231

*Gul. Marefch.  
junior obiit.  
Lewelinus  
plures urbes  
vastat.*

MCCXXXI.

Obiit *Willielmus* junior *Marefcallus*, cui successit *Richardus* frater suus. Eodem anno *Richardus* filius Regis *Johannis* Comes *Cornubiæ*, duxit uxorem relictam Comitis *Gilliberti*, sororem *Richardi Marefcalli*. Et *Lewelinus* cum magno exercitu venit in terram de *Brehheniaude*, villamque de *Aberotheny* combussit, sed castellum non cepit, deinde per fines *Southwallie* transiens, omnes fere principes *Wallensium* præter *Morganum* filium *Howeli* sibi subdidit, veniens autem ad villam de *Harlium* combussit eam & Ecclesiam; sed castellum capere non potuit, resistente ei prædicto *Morgano* cum paucis adjutoribus suis. In illa die amisit idem *Lewelin* plures hominum suorum, alios captos, alios in *Osea* submersos, quosdam vero interfectos, unde confusus & dolens nimis, per montana venit ad castellum de *Peth* & obsedit illud, quod ei cito redditum fuit, tunc cepit *Lewelinus* per suos illud confringere, & *Morganus Cam* non solum subvertit illud, sed etiam destructa villa habitatores exterminavit. *Richardus Cantuariensis* Archiepiscopus à *Roma* rediens obiit, & plures sui cum eo mortui sunt, unde plures suspicati sunt eos extinctos esse veneno.

MCCXXXII.



In quadragesima multi ex nobilioribus principibus *Wallensium*, jussu *Lewelini* cum exercitu magno venerunt ad villam de *Kenefeg* ut illam deprædarent & delerent, unde habitatores loci præmoniti pecora sua ad alia loca miserunt, & partem ejusdem villæ intra portas succenderunt. *Wallenses* postea supervenientes reliquam partem extra portas combusserunt, deinde cum clamore & assultu magno irruerunt, ut turrem quæ fossa & sepe tantum adhuc cincta & munita fuit caperent; sed viri qui intus erant fortiter se defendentes plures graviter vulnerarunt & alios occiderunt, unde omnes alii post primum assultum cito discedentes, ad montana ascenderunt. Unum vero utcumque in eis laudabile fuit & mirabile, quod cum valde egerent victualibus, Ecclesiæ & cæmeterio & omnibus qui in eis erant pepercerunt.

*Lewelinus villam de Kenefey deprædatur.*

Cum *Hubertus de Burgo* esset justiciarius *Angliæ*, Comes *Cantiæ*, & consiliarius intimi concilii, & quasi cor Regis; essetque spiritus ejus obfirmatus ad superbiam, amor ejusdem Regis repente versus est in odium atrocissimum, unde omni potestate & possessione quam habuit privatus est, & omnium amicorum suorum non tantum consilio & auxilio, sed etiam colloquio & solatio destitutus, & tantæ persecutioni & confusione expositus, ut in vehementi tentatione sua videretur à Domino omnino derelictus, cumque satellites Regii persequerentur eum ut comprehenderent, & traderent -----

*Hugo de Burgo gratia excidit apud regem.*

*Deesse videtur unum folium.*








# CHRONICON

THOMÆ WIKES.

ALITER,

Chronicon *Salisburienſis* Monafterii, ab ad-  
ventu Conqueſtoris ad Annum MCCCIII.

MLXVI.



ANNUS Incarnationis Domini noſtri Jeſu Chriſti  
MLXVI. *Willielmus* dictus le *Baſtard* dux Nor-  
manniæ innumerabili claſſe parata, & exercitu  
copioſo congregato, vendicans ſibi juſ in Regno  
Angliæ, regnante tunc in Anglia Rege *Haraldo*,  
applicuit in Angliam in portu qui dicitur *Ha-*  
*ſtinges*; tempore quo applicuit, Rex *Haraldus*  
fuit in partibus *Eboraci*, ubi prælium commiſit  
cum *Scotis* & *Normegis*, in loco qui nunc dicitur  
*Pons belli*, qui partes Aquilonares depopulaverant,  
de quibus fere omnes in prælio interfecit, reli-  
quos proſtigavit: ſed audito quod dux *Norman-*

1066  
*Gulielmus*  
*Angliam in-*  
*vadit.*

*niæ* cum ſuo exercitu applicuerat, relicta provincia *Eboracenſi*, ocius quaſi tranſ-  
volando provincias, partes adiit meridionales, ut Duci applicato prælium vel  
inferret vel exciperet. Interim autem Dux ſuum poſt maris naufragia fatiga-  
tum irrefragabiliter a recreavit exercitum, & ad motus bellicos quos ſibi non

deefſe præſciverat, totis viribus præparavit. Rex itaque *Haraldus* cum paucis  
ſibi occurrit, credens *Londoniarum* copias, prout ſibi ſpoponderant; è veſtigio  
ſecuturas, & ſibi ſubſidium præſtituras; cujus adventu præcognito, Dux acies  
contra Regem inſtruxit, & in loco ubi nunc conſtitutum eſt illud nobile mo-  
naſterium de *Bello*, audaciter bellum intulit. In primo conſlictu totum pon-  
dus prælii converſum eſt in Regem, qui coxa prope nates pene præciſa, læ-  
taliter vulneratus poſt modicum tempus interiit. Comperta Regis morte  
dilapſus eſt ejus exercitus, fere omnibus qui fugere non poterant interfec-  
tis. Aſſecuto tam felici triumpho, Dux cum ſuis pompaticè procedens, primo ci-  
vitatem *Wintonienſem*, dein civitatem *Londonenſem* brevifſimo labore, nullo ſibi  
reſiſtente peſſundedit. Et quia *Stigandus* tunc Cantuarienſis Archiepiſcopus,  
viro tam cruento & alieni juſis inſolenti, manus imponere recuſavit, ab *Aldredo*  
tunc *Eboracenſi* Archiepiſcopo, aſſiſtentibus cæteris regni, cooperantibus, &  
aſſenſum præbentibus, magnifice coronatus, Regni diadema ſuſcepit.

*Haraldum*  
*vincit.*

Et licet venerabilis *Beda*, *Willielmus* de *Weyburg*. *Mat. de Marſys*, & ple-  
rique prædeceſſores noſtri historiographi famoſiſſimi, geſta Anglorum ſuf-  
ficienter conſcripſerunt, nil memorabile relinquentes; tamen propter mi-  
nores quibus non ſuppetit copia librorum, quid juſis *Willielmus* le *Baſtard* ha-  
buit in Regnum *Angliæ*, & quam injurioſè Rex *Haraldus* Regnum occupave-  
rat, ad poſteriorum memoriam ſuccincto ſermone traſmittere dignum duxi.

Fuit itaque prædictus *Haraldus* nec de Regum *Anglorum*, nec *Da-*  
*corum* qui Regnum violenter occupaverant ſtirpe generoſa ſecundum car-  
nem progenitus; ſed filius ſceleſtiſſimi proditoris *Godwini* Comitis *Cantiæ*,  
cujus filiam *Eadgitham* nomine, beatifſimus Rex & confeſſor *Edwardus*  
de conſilio procerum Regni ſui, matrimoniali ſibi lege copulaverat, quam  
tamen carnali nunquam conjunctione cognovit; virginitatem quippe ſuam

*Stigando Ar-*  
*chiep. Cant.*  
*viſtorem Co-*  
*ronare, re-*  
*cuſante;*  
*Aldredus E-*  
*boracenſis di-*  
*adema ipſi*  
*imponit.*

*Quid juſis in*  
*regnum habu-*  
*it Gulielmus,*  
*quid Haral-*  
*dus.*



Deo voverat, quam usque ad mortem illibatam conservavit. Prævidens itaque dum adhuc viveret, Regnum *Angliæ* post mortem suam periculis & turbationibus exponendum, nobilissimum ducem *Normanniæ Willielmum le Bastard* hæredem suum constituit, & Regni sui successorem, tanquam ex testamento, dum adhuc viveret, assignavit ipsum; & *Haraldum* uxoris suæ fratrem germanum & alumnum suum, misit ad ducem in *Normanniam*, ut assignationis supradictæ nuncium sibi deferret; ubi tactis sacrosanctis [Evangelis] jurejurando corporali præstito, homagium sibi fecit & fidelitatem; promittens eidem sub debito sacramenti, quod mortuo Rege *Edwardo*, ei sicut Regi fideliter adhæreret. Decedente vero dicto Rege *Edwardo*, idem *Haraldus* juramenti prædicti, quod præstiterat, prævaricator effectus, Regnum nequiter occupavit, & auctoritate propria in Regem se fecit coronari; unde dictum est, ut dux ipse frequenter eum moneret ut Regnum cui injuste incubuit, sibi restitueret; aliquin fortuita belli discrimina sciret sibi minime defutura. Hac ratione Dux ipse motus, Regem ipsum, ut puta proditorem, invadere non formidabat, & contra perjurum prælium non instruere duxit inglorium; erat enim miles strenuissimus, miræ probitatis & audaciæ, & bellator robustissimus, cognatus sanctissimi Regis *Edwardi*, & hæres quasi ex testamento, sicut præactum est, legitime designatus; natus ex nobilissima muliere *Matilde* quæ fuit filia strenuissimi militis *Richardi* dicti *Sanzpeur*, filii *Willielmus Lungespeye*, filii *Roland*i, qui fuit primus dux *Normannorum*. Idem dux *Willielmus*, ut præactum est, interfecto *Haraldo*, in Regno quod militariter adquisierat, tantis successibus animatus, & proficiens de die in diem, faventes sibi muneribus & amore pellexit, resistentes quosque viribus pariter & timore perdomuit. Anno quo applicuit in *Angliam* cometa apparuit.

1067

*Festonativitatis Gul. coronatus.*

*Willielmus le Bastard*, interfecto, ut prædictum est, Rege *Haraldo*, strenua potitus victoria: fortuna sibi gratius arridente, in festo nativitatis Dominicæ coronatus est apud *Westmonasterium*, ab *Aldredo* tunc *Eboracensi* Archiepiscopo ut superius tactum est.

MLXVII.

1068

*Daci & Norwigi Gulielmum adorientes vincuntur.*

*Dacorum & Norwegiorum* innumerabilis exercitus applicuit in *Angliam* in plaga Aquilonari, ut invaderent *Normannos*, & vendicarent jus antiquum quod habere se dicebant in Regno *Angliæ*; quibus occurrerunt *Normanni* numero & viribus impares, & inierunt prælium *Daci* cum *Normannis* in partibus *Eboraci* & de exercitu *Normannorum* tria millia interfecerunt.

MLXVIII.

1069

*Aldredus obiit.*

Obiit *Aldredus Eboracensis* Archiepiscopus. Defectus frugum & fames valida in *Anglia*.

MLXIX.

1070

*Stigandus degradatus.*

Celebratum est concilium *Wintoniense*, in quo *Stigandus Cantuariensis* Archiepiscopus degradatus est.

MLXX.

1071

*Succed. Tho. & Lanf.*

Confecrati sunt *Lanfrancus Cantuariensis*, & *Thomas Eboracensis* Archiepiscopi.

MLXXI.

1072

*Will. Scotos vincit.*

Rex *Willielmus* invadens Regem *Scotiae*, Regem & Regnum *Scotiae* sibi subjugavit.

MLXXII.

1073

*Cenomanum capit.*

Rex *Willielmus* civitatem *Cenomanum* sibi rebellantem, militariter adquisivit.

MLXXIII.

1074

*Hildebr. fit P.*

*Hildebrandus* electus est in Papam.

MLXXIV.

1075

*Ecl. S. Georg. fundata.*

Fundata est Ecclesia Sancti *Georgii* in castro *Oxonie*.

MLXXV.



MLXXVI.

Factus est terræmotus in *Anglia* decimo Kal. Maii.

1076

*Terra motus*

MLXXVII.

Obiit *Hermannus* Episcopus *Schireburn*. qui primus transtulit sedem Episcopalem *Schireburn*. in castrum veteris *Saresberie*.

1077

*Hermannus obiit.*

M. LXXVIII.

*Robertus Curtehoſe* primogenitus Regis *Willielmi le Baſtard*, quem in ducatu *Normannie* progenuerat, priuſquam Regnum *Angliæ* adquiſiſſet, miles ſtrenuiſſimus & bellator ferociſſimus, patre tunc in *Anglia* commorante, confidens in potentia virtutis ſuæ, genitori ſuo factus indevotus, cæpit turbare *Normanniam*, caſtra, civitates & oppida Ducatus ſuo ſubjugare dominio, gratiam & dilectionem patriam ſibi penitus eximendo.

1078

*Robertus Guilielmi filius in Normannia patrem oppugnat.*

MLXXIX.

*Malcolmus* Rex *Scotorum*, depopulavit & vaſtavit totam *Northumberland*.

1079

*Scoti Angliam invadunt.*

MLXXX.

1080

MLXXXI.

1081

*Henricus* imperator, vi Romam ingreſſus eſt, & *Wibertum* in ſede Apoſtolica collocavit, & vocatus eſt *Gregorius*.

*Imperator Romam capit.*

MLXXXII.

1082

MLXXXIII.

1083

Obiit *Matilda* Regina *Anglorum*, uxor Regis *Willielmi*, mater Regis *Henrici* Regis primi.

*Matilda obiit.*

MLXXXIV.

1084

MLXXXV.

1085

Obiit *Gregorius* Papa, cui ſucceſſit *Victorius* & dictus eſt *Urbanus*.

*Gregor. obiit.*

MLXXXVI.

1086

Rex *Willielmus* totum Regnum *Angliæ* deſcribi fecit, & ab incolis innumera- bilem pecuniæ ſummam extorquens ipſos intolerabiliter oppreſſit.

*Gul Angliam deſcribit.*

MLXXXVII.

1087

Obiit *Willielmus le Baſtard* Rex *Angliæ*, & ſepultus eſt in civitate *Cadomenſi* in Provincia *Normannie*, in Monasterio Sancti *Stephani* protomartyris, quod à fundamentis conſtruxerat. Succeſſit ei *Willielmus Rufus* filius ejus in Regno, quem primum genuit poſtquam Regnum adquiſivit; decumbens enim in extremo mortis examine, tres filios ſuos hæredes designavit: *Robertum Curtehoſe* primogenitum ſuum Ducatu *Normannie* voluit eſſe contentum, *Willielmum Rufum* ſecundo genitum, Regni *Angliæ* quod militariter adquiſierat ſucceſſorem ſibi prærogavit; *Henricum* poſtremum filiorum ſuorum, quem vulgari- ter *Clericum* nuncupabat, theſauri ſui non modica pecunia quam congregave- rat, dotandum eſſe decrevit, ceteriſque fratribus felicius acturum fore, quaſi quodam præſagio præcinebat, quod & poſtea contigit. Obiit autem ſtrenuiſſimus ipſe Rex *Willielmus* IV. Idus Sept. An. Regni ſui XXI. & coronationis ſuæ anno XX.

*Gulielmus moritur.*

MLXXXVIII.

1088

Cæpit regnare Rex *Willielmus* coronatus à *Lanfranco Cantuarienſi* Archie- piſcopo.

*Ruf. à Lanſ. coron.*

MLXXXIX.

1089

Obiit *Lanfrancus Cantuarienſis* Archiepiſcopus; ſucceſſit ei *Anſelmus* Abbas.

*Lanfranc. ob.*

MXC.

1090

MXCI.

1091

Sexto decimo Kal. Novembris [vehementiſſimus ventus] percuffit civi- tatem *London*.

*Urbs turbine vaſtatur.*

MXCII.

1092

*Oſmundus* Episcopus dedicavit Eccleſiam caſtri veteris *Saresbery*. & ſic re- manſit ibi ſedes Episcopalis, quam tranſtulit de *Schireburn* uſque *Sarum*.

*Oſm. Eccleſ. Sarum tranſ.*

MXCIII.

1093

Obiit *Remigiſius Lincolnienſis* Episcopus, ſucceſſit ei *Robertus Bloeth*.

*Rem. Linc. ob.*

MXCIV.



1094

*Wulstan. Wig.  
obiit.*Obiit Sanctus *Wulstanus Wigorniensis* Episcopus.

MXCIV.

1095

*Bellum cruci-  
gerorum ad-  
v. r. f. us Turcas.*

Prædicante Papa *Vrbano* in celsitudine dignitatis Apostolicæ, facta est per universos Christianorum fines generalis prædicatio de cruce: unde factum est, ut multi Reges & Principes catholici, zelo fidei Christianæ vehementius inflammati, & plebeia multitudinis turba, quam dinumerare nemo poterit, sacrosanctæ crucis caractere suos humeros adornabant; & numerosa stipati militia, profecti sunt in terram sanctam, ad debellandum *Turcas* & *Saracenos*, qui civitatem sanctam *Jerusalem* & urbes amplissimas totius *Syrie* violentis ausibus occupaverant, & omnia loca sacra in quibus nostræ redemptionis mysterium operatum est, suis profanarant immundiciis, duce capitaneo totius exercitus *Godefrido*, de *Buylon* clarissimæ militiæ titulis præsignito. Sane *Robertus Curthose* Dux *Normanniæ*, inter cæteros orbis potentissimos, nulli secundus, cum cæteris non procedere duxit inglorium, veruntamen cum ad expensas amplissimas in expeditionis itinere faciendas pecuniam sufficientem non haberet, à fratre suo postumo *Henrico* non modicam pecuniæ summam, quam sibi pater suus in testamento reliquerat, mutuo recepit, & totum *Normanniæ* Ducatum sibi loco pignoris obligavit, & tradidit possidendum, quousque de mutuata sibi pecunia plena fieret satisfactio. Proficiscentes igitur in terram sanctam Christiani, civitatem *Jerusalem*, & omnes civitates, & oppida finitima, Domino cooperante, expulsis *Saracenis* in deditionem receperunt.

MXCV.

1096

*Scoti debella-  
ti.*

Commissum est prælium grave inter *Malcolmum* Regem *Scotorum*, & Procures Aquilonis, in quo Rex ipse, qui diu furiose debacchando partes Aquilonares fere usque ad internecionem depopulaverat, una cum primogenito filio & hærede suo interfectus est.

MXCVI.

1097

*Cometa app.*

Cometa apparuit.

MXCVII.

1098

*Hierosolyma  
à Godefredo  
capta.*

Capta est *Jerusalem* civitas à Christianis; probitate ducis *Godefridi* & complicitum suorum, profligatis *Saracenis*. Fundatum est nobile monasterium *Cisterci*; & coepit pullulare & proficere ordo *Cisterciensis*.

MXCVIII.

1099

*Urbanus P. ob.*Obiit *Vrbanus* Papa, successit ei *Paschalis*.

MXCIX.

1100

*Guil. Rufus  
sagitta vul-  
neratus inter-  
iit.*

Rex *Willielmus Angliæ*, dictus *Rufus*, qui pro eo quod accipitrum & canum ludicris quasi se totum dederat, totum fere Regnum Angliæ in multorum perniciem & omnium regnicolarum dispendium primus afforestavit; propellentibus eum ad interitum peccatis suis, à quodam milite suo *Waltero Tyrel*, in nova foresta, tanquam pro fera, confossus sagitta quadam, vulneratus interiit, & nullorum lacrimis deploratus, delatus est *Winton* & ibi sepultus. Hic Dei timore postposito, venerabilem *Anselmum Cantuariensem* Archiepiscopum absque ulla rationis consideratione, de Regno Angliæ profligaverat, bonis omnibus spoliatum. Successit eidem *Henricus* frater suus ultimogenitus, sollemniter coronatus in festo assumptionis beatæ Mariæ. Iste *Henricus* duxit uxorem *Matildam* filiam Regis *Scotiæ*; & Sanctæ *Margaretæ* Reginae *Scotiæ*, quæ *Matildis* dicta est, *Matildis* bona Regina, de qua genuit unicum filium, nomine *Willielmum*, & unicam filiam nomine *Matildis*, quam postea nubilem fecit desponsari Romano Imperatori *Henrico*. Hic Rex *Henricus Anselmum* Archiepiscopum diutius relegatum, de exilio revocavit, & ad propria restituit.

MC.

1101

*Hen. Mat. duc.*Rex *Henricus*, ut præactum est, *Matildam* filiam Regis *Scotiæ* desponsavit.

MCI.

1102

*Ansel. rev.**Anselmus* Archiepiscopus revocatus de exilio, plures Abbates Angliæ deposuit.

MCII.

MCIII.



MCIII.

Orta est discordia inter Regem *Henricum* & *Anselmum* Archiepiscopum *Cantuariensem*. II03  
*R. & Anf. disc.*

MCIV.

Inventum est corpus Sancti *Cuthberti* incorruptum. II04  
*Cuth. rel. inv.*

MCV.

Duæ plenæ lunæ visæ sunt in firmamento. II05  
*Duæ Lun. vis.*

MCVI.

*Robertus Curthose* rediens, de terra sancta confidens de viribus suis & strenuitate militiæ suæ, Ducatum *Normanniæ* queni fratri suo Regi *Henrico*, sicut superius dictum est, impignoraverat, pecunia non soluta, contra pactionem inter eos initam, occupare non erubuit : & civitatibus, castris & oppidis in deditio- nem refumtis, ministros fratris sui Regis *Angliæ* violenter expulit & abjecit, proventibus ejusdem Ducatus totus incumbens. Quo audito Rex *Henricus*, invitatus à nonnullis *Normannorum* magnatibus, quibus Dux *Robertus* formidabilis fuerat & odiosus, congregato exercitu copioso ab *Anglia* transfretavit in *Normanniam*, sibi- que in adiutorium innumerabilem stipendiariorum cœpit ad- jungere comitivam, de pecunia quæ sibi copiosius abundavit sufficienter sti- pendia subministrans, fratri suo prævaricatori infido, bellum iniens ad diem certum & locum, ipsumque in prælio apud *Tenerchebray* cepit, & captum erutis oculis (minus fraterne quam decuerat) captivavit, & compedibus onera- vit : & usque ad diem mortis suæ vitam miserrimam actitare coegit. Eodem anno iterum Cometa apparuit. II06  
*Robertus re- diens de ter- ra sancta, Norman. in- vadit, & vin- citur.*

MCVII.

Consecrati sunt *Willielmus Winton.* *Rogerus Saresburie*, *Willielmus Exon.* *Emelinus Hereford.* Urbanus *Landavensis*, Episcopi. II07  
*Ep. plur. con- f.*

MCVIII.

Obiit *Gerardus Eboracensis* Archiepiscopus, successit ei *Thomas*. II08  
*Ger. Eb. ob.*

MCIX.

Obiit *Anselmus Cantuariensis* Archiepiscopus, successit ei *Radulphus Sagiensis*. II09  
*Anf. Cant. ob.*

MCX.

*Henricus* Rex despondi fecit *Matildam* filiam suam, quam unicam de uxore sua *Matildi bona Regina* progenuerat : quam diu tandem mortuo Imperatore sine hæredibus ab eo progenitis, *Gaufridus* comes *Andegavensis* duxit in uxorem : de qua postea, multo tempore prius elapso, genuit filium & vocari fecit *Henricum*. II10  
*Matild. Auf. Andeg. ducit in ux.*

MCXI.

*Henricus* Imperator cepit Papam *Paschalem*, cum quo postea pacem fecit. II11  
*Pasch. P. capt.*

MCXII.

Obiit *Sampson Wigorniensis* Episcopus. Mortalitas hominum maxima in *Anglia*. II12  
*Sampf. Wig. ob.*

MCXIII.

II13

MCXIV.

II14

Obiit *Thomas junior Eboracensis* Archiepiscopus, cui successit *Turstanus*. *Tamisia* exsiccata, & mare se retraxit per decem milliaria duobus diebus. Consecratus est *Radulphus Cantuariensis* Archiepiscopus. II15  
*Tbo. Ep. ob. Rad. Cant. consec.*

MCXV.

Hyems asperrima in *Anglia*. II16  
*Hyems. asp.*

MCXVI.

II16

MCXVII.

II17

MCXVIII.

II18

Obiit *Paschalis* Papa, cui successit *Gelasius*. II19  
*Pasch. P. ob.*

MCXIX.

Obiit *Matilda* Regina *Anglorum*, quæ dicta est bona Regina. II19  
*Matil. ob.*

MCXX.

II20

Redeunte Rege *Henrico* de *Normannia* in *Angliam*, *Willielmus* filius ejus cum electa



*Williel. prim- electa multitudine virorum submersus est in mare, in portu qui dicitur War-*  
*ceps. submerg-* **besflet**, & cum eo *Richardus* dictus **le Bassard** frater ejus, Comes *Cestriae*, &  
 quam plures alii nobiles.

1121

MCXXI.

1122

MCXXII.

*Hen. Ath. duc.*

Rex *Henricus* primus duxit in uxorem *Athelisam* filiam Ducis *Lotharingiae*.

1123

MCXXIII.

*Ep. Cant. &  
Linc. obiit.*

Obiit *Radulphus Cantuariensis* Archiepiscopus, successit ei *Willielmus Corbol*.  
 Obiit *Robertus Lincolnensis* Episcopus, successit ei *Alexander* frater *Rogeri Sa-*  
*rum* Episcopi. Hic *Rogerus* pauper capellanus de partibus transmarinis adhæsit  
 Regi *Henrico* adhuc minoris ætatis, & factus est capellanus, quo in Regem sub-  
 limato factus est Regis Cancellarius, & quasi totius Regni administrator: dein-  
 de, volente Rege, factus est Episcopus *Sarum*; præ nimio superbiæ fastu ædifi-  
 cavit duo munitissima non ignobilia castra; *Shireburn*. scil. & *Devissar*. Evectus  
 postmodum in sublime, fratrem suum *Alexandrum* ex *Gallia* evocavit in *Angli-*  
*am*, quique, fratre procurante, factus est Episcopus *Lincoln*, & fraternæ super-  
 biæ non tepidus æmulator; construxit castra de *Pewerk*, *Stafford*, *Wanbury*.

1124

MCXXIV.

*Calixt. P.  
obiit.*

Obiit *Kalixtus* Papa, cui successit *Honorius*. Eclipsis solis, adeo ut sol videretur  
 esse similis novæ lunæ.

1125

MCXXV.

*Fames in An-  
glia.*

Fames maxima per defectum frugum in *Anglia*. Rex *Henricus* gravissi-  
 mam justitiam fecit de monetariis & falsariis monetæ; nam omnibus qui de  
 falsatione monetæ convinci poterant, abscidit dextras, & ablatis testiculis reg-  
 num suum abjurare, & exulare coegit.

1126

MCXXVI.

1127

MCXXVII.

*Matilda imp.  
hæres Regni  
Angl. decla-  
ratur.*

Rex *Henricus* convocatis totius Regni proceribus, prospiciens quod ejus sta-  
 tus præ sua teneritudine pendule vacillabat, eo quod non habebat hæredem  
 masculinum de corpore suo legitime procreatum, qui sibi possit jure hæreditario  
 in Regno succedere, fecit eos jurare fidelitatem filiae suæ *Matildi* Imperatrici,  
 & hæredibus ex ea procreandis, quæ nondum de corpore suo sobolem procre-  
 averat; inter eos qui juraverant primus & præcipuus extitit *Stephanus* Comes  
*Bononiæ* & *Blesensie*, Regis *Henrici* ex sorore sua nepos, qui non solum in perso-  
 na propria sacramentum fidelitatis emisit, sed & aliis Regni proceribus jurif-  
 jurandi formam præstruxit. Siquidem idem *Stephanus* majoris *Stephani* Co-  
 mitis *Bononiæ* primogenitus & hæres, promovente ipsum avunculo suo Rege  
*Henrico*, unicam filiam & hæredem Comitis *Blesensie* duxerat in uxorem: un-  
 de factum est, ut ex successione paterna Comitatum *Bononiæ*, & per uxorem su-  
 am Comitatum *Blesensie* pariter possideret.

1128

MCXXVIII.

*Ric. Lond. ob.*

Obiit *Richardus Londonensis* Episcopus, cui successit *Gilebertus*.

1129

MCXXIX.

*Honorius P.  
obiit.*

Obiit *Honorius* Papa, successit ei *Innocentius*. *Robertus* de *Opli* fundavit  
 monasterium *Osenepe*.

1130

MCXXX.

*Hen Eccl.  
Cant. dedic.*

Rex *Henricus* fecit dedicari Ecclesiam cathedralem monachorum monaste-  
 rii Sanctæ Trinitatis *Cantuariensis*.

1131

MCXXXI.

1132

MCXXXII.

1133

MCXXXIII.

*Rob. Dux  
Norman. obi-  
it.*

Obiit in carcere *Robertus Curtehoise* Dux *Normanniæ*, quem frater suus Rex  
*Henricus*, sicut superius annotatum, cepit in bello, & usque hætenus tenuit  
 captivatum. Eodem anno facta est Eclipsis solis, adeo ut sol videretur simi-  
 lis tertiæ lunæ.

1134

MCXXXIV.

MCXXXV.



MCXXXV.

Obiit serenissimus Rex *Henricus* primus iv. Nonas Decembris; corpus ejus à *Normannis* in *Angliam* delatum, sepultum est apud *Hadinges* in monasterio monachorum quod fundavit, & copiosis ditavit possessionibus. Successit eidem in Regno *Stephanus* Comes *Bononiæ*, ejus, ut præactum est, ex sorore nepos; præter sacramentum quod *Matildi* filiæ Regis de observanda fidelitate præstiterat, annuentibus præsulibus & proceribus Regni, consiliis perjurii crimine irretitis. Sane Proceres & Pontifices Regni, quia *Matildis* Imperatrix quæ Comiti *Andegavensi Gaufrido* nupserat, nullam adhuc de corpore suo prolem procreaverat, ut Regni profectibus providerent, ne Regnum sine Rege periclitaretur, ipsum *Stephanum* tanquam propinquiorem hæredem in Regem sublimarunt. Consecratus est autem à *Willielmo* tunc *Cantuariensi* Archiepiscopo iv. Feb. Anno eodem, coronationis primo, idem Rex *Stephanus* obsedit Castrum *Dron*, & cepit.

1135  
*Henr. obiit,*  
*Stephanus*  
*succedit.*

MCXXXVI.

Rex *Stephanus* confidens in potentia virtutis suæ transfretavit in *Galliam*, & congregato exercitu copioso, procedens in *Andegaviam* proposuit debellare *Galfridum Andegaviæ* Comitem, qui *Matildem* imperatricem duxerat in uxorem; prospexerat enim, quod si Imperatrix prolem de corpore suo generaret, bella sibi minime defutura. At Comes necessitatem vertens in alacritatem, Regi terram suam invadenti potenter occurrit, ipsumque militari virtute repulsans, infecto proposito eum *Angliam* repatriare non sine [dedecore] compellebat. Imperatrix quoque, jam gravida, peperit filium ab eodem Comite procreatum, quem avito nomine nuncupavit *Henricum*; cui, sicut præactum est, Regnum *Angliæ* jure hæreditario competeat.

1136  
*Stephanus*  
*Galfrid. An-*  
*degav. oppug-*  
*nat.*

MCXXXVII.

Commisum est grave prælium inter *Normannos* & *Wallenses* apud *Hardigan* in quo pluribus interfectis *Normannis*. . . .

1137  
*Wall. Norm.*  
*vinc.*

MCXXXVIII.

Obiit *Willielmus Cantuariensis* Archiepiscopus, successit ei vir venerabilis *Theobaldus*. Eodem anno Imperatrix Comitissa *Andegaviæ*, editæ jam masculæ folis fecunditate gavisâ, muliebrem animum exuens & virilem induens, de via pelagi pericula non formidans, assumpto secum filio suo adhuc impubere, ut puta in cunabilis vagiente, consentiente marito suo Comite *Andegavensi*, qui ne terras suas relinqueret indefensas, cum ea transfretare tutum fore non decrevit; classe parata cum militaribus copiis naves ascendit, & aura gratius arridente, secundis flatibus navigando, applicuit in *Angliam*, ut jus quod filio suo super Regno *Angliæ* proavorum successione, & avunculi sui assignatione, radice rectissima, vendicaret. Proceres quoque Regni quorum animus jurisjurandi transgressio vacillabat, provida deliberatione sibi conciliabat, effecturum denunciâns Regi *Stephano* alieni juris invasori, seu potius intrusori, ut vel Regno cederet, aut ad motus bellicos præpararet. Evocavit in adjutorium suum Imperatrix virum nominatissimum & potentem, ac militari strenuitate præclarum, fratrem suum *Robertum* Comitem *Gloucestersensem*, quem pater suus Rex *Henricus* de non legitimo concubitu progenuerat, in quo sibi usque adeo complacebat, ut filiam unicam & hæredem cujusdam Comitis *Gloucestersensis*, conjugali sibi matrimonio copularet: castra quoque munitissima *Bristol* & *Warleberg* & alias terras amplissimas assignaret. Is congregata militum & bellatorum caterva non modica, fororis suæ non mediocriter auxit exercitum, ei que totis viribus assistebat: initia dolorum hoc malum; it per totum Regnum guerra detestabilis, nam Imperatrix cum fautoribus suis Regem viriliter impetebat. Rex multos de proceribus regni, qui pejerare non erubuerant, sibi conjunxerat, & quamplures alienigenas in suum adjutorium accersivit, quorum fultus auxilio, partis adversæ conatus militariter propulsabat. Hinc factum est ut inter partes mutuo concertantes, diversimodis casibus alternaretur fortuna; Rex interdum Imperatricis conatibus & suorum resistere non

1138  
*Imperatrix*  
*Matildæ, con-*  
*tra Step-*  
*hanum bellum*  
*movet.*



prævalens, verecunde succubuit: aliquoties Imperatrix instabilis fortunæ volubilitatem experta, Regi non sine suorum dispendio tergum dedit. Eodem anno commissum est grave prælium inter *Anglos & Scotos* apud *Alvertone*, ubi erectum & eductum est *Standardum*, cujus usque hodie memoria non fitur.

1139

*Stephan. R. ap.  
in carcerat.  
Sar. & Linc.  
Episc.*

MCXXXIX.

Rex *Stephanus* minus sano ductus consilio cepit & incarceravit duos fratres *Rogerum Sarum* & *Alexandrum Lincoln* Episcopos, & abstulit ab eis omnia castra quæ suis sumtibus ædificaverant, de quibus supra fit mentio, ut in eis sibi & suis refugium præpararet.

1140

MCXL.

1141

*Steph. R. ap.  
Linc. victus,  
capitur.  
Apud Wilt.  
fautores imper.  
male gignant, & Rob.  
Glouc. Com.  
capitur.*

MCXLI.

Rex *Stephanus* casu devenit *Lincoln*, ubi occurrerunt ei proceres qui favebant Imperatrici, & irruentes in Regios inopinate, Regi prælium intulerant: & captus est Rex in prælio, fautoribus suis quam pluribus interfectis, reliquis ægre evadentibus, Rege per Proceres captivato. Dum hæc *Lincoln*æ agerentur commissum est & aliud prælium inter Regios & fautores Imperatricis apud *Wilton*, in quo captus est *Robertus Comes Gloucestrensis*, & carcerali custodia mancipatus, cæteris ignominiose propulsatis. Doluit Imperatrix de fratris sui & aliorum fautorum suorum captivatione, habito tandem de captivorum liberatione inter partes tractatu, pro Comite *Roberto* redditus est Rex *Stephanus*: quibus libertati pristinæ restitutis, redivivus guerræ furor vehementius solito coepit inter partes exandescere. Destructa est *Winton*.

1142

*Impr. obsessa  
Oxonis, nocte  
elabatur.*

MCXLII.

Rex *Stephanus* comperto quod Imperatrix causa refugii in castro *Dron* se reposuerat, obsedit castrum, & inclusam sic arctavit, ut mediæ noctis intempestæ silentio, cogeretur induta vestibus linteis, quia nix vehemens ingruebat, cum quatuor tantum militibus, simili amictu, ne viderentur, indutis, fluvium *Tamesiæ* super glaciem clanculo pertransire; sicque manus Regis evasit, & in tutiora se loca recepit.

1143

*Innoc. P. ob.*

MCXLIII.

Obiit *Innocentius* Papa; successit ei *Celestinus*, pauco tempore post vi-  
cturus.

1144

*Celest. P. ob.*

MCCXLIV.

Obiit *Celestinus*; successit ei *Lucius*, in brevi post similiter moriturus. As-  
perrima fames in *Anglia* pro defectu frugum, unde factum est ut *Anglia* du-  
plici incommodo famis simul & guerræ totaliter attenuata contabesceret.  
Puer quidam Christianus crucifixus est à *Judeis*, in civitate *Portwic*.

1145

*Lucius P. ob.*

MCXLV.

Obiit *Lucius* Papa, successit ei *Eugenius*.

1146

MCXLVI.

1147

*Secund. transfret. Christi-  
anorum ad  
Terram S.*

MCXLVII.

Secunda transfretatio Christianorum in terram sanctam, ut invaderent *Saracenos*; in qua *Conradus* Rex *Alemanniæ* & *Lodovicus* Rex *Francia* cum turba plurima bellatorum, viam mediterranei maris relinquentes, profecti sunt per terram, quousque pervenissent in *Græciam*, in regionem *Constantinopolitanam*: juxta, nobilem illam civitatem *Antiochiam*, quæ à perfidis *Saracenis* per dolum fuerat occupata, suis conatibus liberarent. Fundata est Abbatia *Bruern* ordinis *Cisterciensis*.

1148

*Alex. Linc.  
& Rob. Heref.  
Ep. ob.  
Eugen. P. celeb. concil.  
Remens.*

MCXLVIII.

Obiit *Alexander Lincolnensis* Episcopus, cui successit *Robertus de Chesny*.  
Obiit *Robertus Hereford* Episcopus, cui successit *Robertus Foliot*, postea per  
postulationem *London* Episcopus. Eodem anno *Eugenius* Papa veniens citra  
montes, celebravit generale concilium in civitate *Remensi*. Hic *Eugenius* & bea-  
tus *Bernardus Clarevallensis*, dudum fuerunt focii spirituales in scholis.

1149

MCXLIX.

MCL.



M C L.

Obiit *Simon Wigorn* Episcopus, successit ei *Johannes de Pageham*.

M C L I.

Obiit *Galfridus Comes Andegaviæ*; pater *Henrici* qui postea fuit Rex *Angliæ*. Hic Comes *Galfridus* præpotens in robore militari dum vixit, dum conjux ipsius cum filio suo morabatur in *Anglia*, ne in tempore otii foret otiosus, finitimum sibi ducatum *Normanniæ*, & omnes alias terras transmarinas, quæ filio suo jure hæreditario competebant, militari probitate subnixus sibi subjugavit, civitates & castra sufficientibus undecunque præfidiis muniendo. Imperatrix quoque filium suum adhuc impuberem, dum Regem *Stephanum* forte bellica fatigaret, clarissimo principi *David* Regi *Scotorum* traderat nutriendum. Cum igitur idem *Henricus* sextum decimum annum ætatis suæ attigisset, Rex ipse *Scotorum* prospiciens ipsam jam aptum armorum & præliorum exercitiis, eum apud *Carleol* militis cingulo decoravit. Hic audita morte patris, cum omni celeritate ad partes se transtulit *Gallicanas*, & *Andegaviam* ex successione paterna, *Normanniam* & *Cenomaniam*, ceterasque terras avito sibi jure competentes, nullo prorsus resistente in deditionem accepit: & spreto nomine Comititis, induit nomen Ducis, & se Ducem *Normanniæ* publice proclamabat. Eodem anno obiit *Matildis* Regina *Anglorum*, uxor Regis, & *Eustachius* ejusdem Regis primogenitus, qui futurus successor regni sperabatur. Idem *Eustachius* filiam *Lodowici* Regis *Francorum* duxerat in uxorem. Rex itaque jam senex effectus, sentiens se per mortem uxoris & fratris sui, & primogeniti sui à Domino flagellatum, coepit cogitare potius cogitationes pacis quam belli.

1150

*Sim. Wig. ob.*

1151

*Galfr. Com Andeg. ob. Filius ejus H. ditiones ejus recipit.*

M C L I I.

Agitata diutius lite inter *Alienoram* Reginam *Francorum*, & virum suum Regem, ipsa Regina acriter petente divortium ratione consanguinitatis, quam proposuit inter se & virum suum: Auctoritate Apostolica celebratum est divortium inter eos; instantius autem laborabat ad divortium, eo quod ad nuptias *Henrici* Ducis *Normanniæ*, & futuri Regis *Angliæ*, ferventius aspirabat. Erat & ipsa filia unica & hæres Ducis *Aquitaniæ*, quam nos *Vasconiam* nuncupamus. Soluta quoque matrimonio inter ipsam & Regem, ad nuptias Ducis quas concupierat illico convolvit, unde factum est ut Dux *Henricus* jus hæreditarium uxoris suæ, Ducatum *Aquitaniæ* etiam invito Rege *Francorum* exigente, cum justitia in deditionem acciperet, & Ducatui *Normanniæ* & Comitatibus *Andegaviæ* & *Cenomaniæ* sociaret, & coepit inter primos orbis proceres tanquam famosissimus reputari. Hæc secundum historiæ veritatem huic opusculo dignum inferenda judicavi. Possessiones istas amplissimas tenuit & possedit idem Dux & posterius ejus usque usque ad tempus Regis *Johannis*, qui malis innumeris crebrescentibus circa eum, eas sua mollitie perdidit.

1152

*Alienora Henrico nub. thalamis R. Franc. relict.*

M C L I I I.

Mediatoribus multis efficacissime laborantibus facta est pax inter Regem *Stephanum*, & *Henricum* Ducem, ita ut *Stephanus* quamdiu vivet pacifice Regnum *Angliæ* possideret, quo mortuo *Henricus* Dux *Normanniæ* tanquam hæres legitimus eidem in Regno succederet, quem Rex adoptavit in filium, & hæredem sibi successurum publice designavit, & sic cessavit guerra quæ Regnum *Angliæ* per xv. fere annos conquassaverat. Eodem anno obiit *Eugenius* Papa, successit ei *Anastasius*. Obiit etiam sanctus *Bernardus* Abbas *Clarevallensis*.

1153

*Pax inter Steph. & Henr. facta. Eugen. P. ob. & S. Bern.*

M C L I V.

Obiit Rex *Stephanus* VIII. Kal. Novembris, Sepultus est in Monasterio de *Flabersham* in *Cantia* quod à fundamentis extruxerat, & sufficientibus possessionibus ampliavit. Obiit *Henricus Eboracensis* Archiepiscopus, successit ei *Willielmus* qui cito obiit, cui successit *Rogerus*.

1154

*Stephan. R. ob. nec non. Hen. & Will. Arch. Eb.*

M C L V.

Dux *Henricus* audita morte Regis *Stephani* statim de *Normannia* venit in *Angliam*, & honorifice susceptus à Clero & populo, solenniter coronatus est

1155

*Henr. Rex Ang. coron.*



Anast. P. 96.

apud *Westmonasterium*, à *Theobaldo* tunc *Cantuariensi* Archiepiscopo XIV. Kal. Julii. Eodem anno obiit *Anastasius* Papa, cui successit *Nicolaus* natione *Anglicus* natus apud sanctum *Albanum*.

1156

Henr. Rex  
Flandrenses  
Angl. pellit.

MLVI.

Menſe Octobris apparuit ſignum crucis in luna. Rex *Henricus* tranſfretavit; & civitates & caſtra quæ ad ſe deſciverant, & ab ejus ſe fidelitate ſubtraxerant, ſtrenuiſſima probitate reſumſit, redienſque in *Angliam* omnes alienigenas, præcipue *Flandrenſes*, qui regi *Stephano* adhæſerant omnibus poſſeſſionibus ſuis, quas in *Anglia* poſſederant, ſpoliatos profligavit; & repatriare coegit: caſtra & munitiones, quas tempore hoſtilitatis conſtruxerant, ſolo tenus complanavit.

1157

Henr. Rex  
contra Scotos,  
& etiam  
Wallenſes  
proſpere pug.

MCLVII.

Rex *Henricus* fortuna ſibi gratus arridente, Regem *Scotorum* ſic arctavit, ut omnes terras *Aquilonares* ſcil. *Northumberland*, *Cumberland*, & *Westmerland*, quas tempore hoſtilitatis injuſte occupaverat, reſignaret. Quo facto, congregato exercitu proceſſit ad partes *Walliæ*, ut Principes & provinciales ſuo dominio ſubjugaret. Quippe *Wallenſes* in primo conſictu in ſaltibus inviis, ut moris eorum eſt, latitarunt: exercitum Regis de latibulis egredientes viriliter impetentes, fugere compulerunt, pluribus tam nobilibus quam plebeis inhumaniter interfectis; Rege vix excidium evadente. Rex itaque ſuorum exercituum & ſuam verecundiam ægre ferens, eoſdem cautius ſolito cœpit impetere, & claſſe non modica ex uno latere, & exercitu cautius inſtructo ex altero circumcingens, invitos compulit ſuppliciter veniam petere, & ſe ſuis beneplacitis coaptare: & ut majorem de fidelitate ſervanda ſibi facerent ſecuritatē, *Howellum* inter *Wallenſes* potentiſſimum, & alios plures; Regi nomine obſidum tradiderunt.

1158

Jo. Wig. ob.

MCLVIII.

Obiit *Johannes Wigorn* Episcopus, cui ſucceſſit *Aluredus*.

1159

Henr. R. fratrem ſuum  
novis rebus  
ſtudentem  
vincit.

MCLIX.

Rex *Henricus*, audito quod *Gaufridus* frater ſuus ſecundo genitus, cui pater eorum Comitatum *Andegavenſem*, licet injuſte in teſtamento moriturus aſſignavit, ita tamen quod tribus caſtris munitiſſimis *Chinone*, *Lendone*, & *Adirebelle*, contentus eſſet, quouſque frater ſuus primogenitus *Henricus* Regnum *Angliæ* fuiſſet adeptus, & pacifice poſſideret; Comitatum *Andegaviæ* potenter invaderet, & ex teſtamento juſ ſibi perfunctorium vendicaret: copioſum exercitum maris devia peragrandō duxit ad *Tholoſam*, fratremque ſuum tam viriliter coarctavit, ut ſupradicta tria caſtra ſibi reddere cogeretur; cui tamen res, & terras quafdam planas, ad victum gratioſe conceſſit.

1160

Henricus  
Lincolnia de-  
nuo Corona-  
tus;

MCLX.

Rex *Henricus* iterum ſe fecit ſolenniter coronari apud *Lincoln*, non infra civitatem, ſed in ſuburbio. Eodem anno obiit *Adrianus* Papa; quo deſuncto, cardinalibus in electione diſcordantibus, electi ſunt duo, *Rollandus* qui & *Alexander* dictus, à majori & ſaniori parte cardinalium canonicè electus & conſecratus eſt. Hujus partem fovebat Regnum *Apuliæ*, *Siciliæ* & *Calabriæ*, & tandem Reges *Franciæ* & *Angliæ*, imo etiam univerſales eccleſiæ *Latinorum*, exceptis tamen *Lombardis* & *Teutonicis* qui ditioni Imperatoris *Frederici* fuerant ſubjugati. A minoribus & paucioribus minus canonicè electus eſt *Octavianus*, qui & *Victor* nuncupatus eſt, hujus partem ſolus fovebat Imperator & provinciæ ſuo dominio ſubjugatæ; & factum eſt ſchiſma magnum in univerſali Eccleſia Catholica.

1161

Theobald. obiit.

MCLXI.

Obiit *Theobaldus Cantuarienſis* Archiepiſcopus, qui beatum *Thomam*, dictum de *London*, ſinceriffime diligebat; cui dudum Archidiaconatum *Cantuarienſem* contulerat: inſuper & eum Regis fecit eſſe Cancellarium, quique deſuncto *Theobaldo*, electus eſt in Archiepiſcopum *Cantuarienſem*.

1162

Thomas ſucce-  
dit.

MCLXII.

Beatus *Thomas Cantuarienſis* Archiepiſcopus, conſecratus eſt III. Nonas Junii.

MCLXIII.



MCLXIII.

*Alexander* Papa per maris devia navigando, ut insidias *Octaviani & Frederici* Imperatoris fautoris sui declinaret, valedicens *Apuliæ* devenit in *Gallias*, & occurrentibus & applaudentibus sibi Regibus *Angliæ & Franciæ*, gratumque sibi favorem præstantibus, convocatis universis occidentalis Ecclesiæ prælatis, generale concilium in civitate *Turonensi* magnifice celebravit. Interfuit autem eidem concilio venerabilis *Thomas Cantuariensis* Archiepiscopus. Eodem anno nondum plene emenso, orta est dissensio inter Regem *Angliæ* & sanctum *Thomam Cantuariensem* Archiepiscopum.

1163

*Alex. P. in Galliam fugit.*

MCLXIV.

Beatus *Thomas* ingravescente discordia inter ipsum & Regem, prout in vita ejusdem sancti plenius exponitur, & malis circa eum crebrescentibus, elegit exilium, & ne deterius sibi contingeret, partes adiit *Gallicanas*. Eodem anno xiv. Kal. Octobris circa horam nonam visi sunt in firmamento tres circuli varii quatuor colorum ad modum iridis, postea illis disparentibus, quasi duo soles apparuerunt.

1164

*Discordant Rex Angl. & Archiep. Duo soles apparent.*

MCLXV.

1165

MCLXVI.

1166

MCLXVII.

1167

Obiit *Robertus Lincolnensis* Episcopus, post cujus obitum vacavit sedes *Lincoln* ferens xvii annis : ita ut quia fratre quodam converso de *Thame* ordinis Cisterciensis, qui quasi propheta habebatur à laicis, asserente, quod nunquam in *Lincoln* futurus esset Episcopus, fides ei credula adhiberetur.

*Rob. Linc. obiit.*

MCLXVIII.

1168

Obiit *Matildis* Imperatrix mater Regis *Henrici*.

*Matilda ob.*

MCLXIX.

1169

MCLXX.

1170

*Henricus* Rex *Angliæ* quatuor habens filios, scil. *Henricum* primogenitum, *Richardum* secundo genitum, postea Regem *Angliæ*, militem strenuissimum, *Galfridum Plantagenet* tertio genitum, *Johannem* dictum sine terra, quarto genitum, postea Regem *Angliæ*. *Henricum* filium suum primogenitum exulante Sancto *Thoma* solenniter fecit coronari in Regem à *Rogero* tunc *Eboracensi* Archiepiscopo in præjudicium *Cantuariensis* Archiepiscopi, assistentibus sibi & cooperantibus universis Regni *Angliæ* Episcopis, ex quo orta est dissensio inter dominum *Cantuariensem* & suffraganeos suos, quæ fuit causa martyrizationis beati *Thomæ*.

*Henricus filium ejusdem nominis, coronandum curat.*

MCLXXI.

Passus est beatus *Thomas* iu Ecclesia *Cantuariensi*. Eodem anno Rex *Henricus* primo adiit *Hiberniam*.

1171

*Tho. Becket occiditur.*

MCLXXII.

1172

*Henricus* Rex junior, sic enim vulgo vocatur, iterum cum Regina juniore uxore sua coronatus est apud *Westmonasterium*.

*Henricus cum Regina coron.*

MCLXXIII.

1173

Rex *Henricus* junior ambitione regnandi, ut rem cum nomine possideret, in inhumanam præsumptionem degeneris *Abfalomis* mutari non erubuit, cum potius ut patris Regnum & regnandi potestatem adimeret, ad partes se transtulit *Gallicanas*; Regis *Francorum*, qui patri suo adversarius semper extitit & infestus, consilio totaliter se committens; cujus vallatus adjutorio, terras omnes transmarinas, nullo sibi resistente, tempore sibi modico subjugavit. Confluebant ad filium, relicto patre, nonnulli de proceribus *Anglicorum*, quorum præcipui fuerunt *Robertus* Comes *Leycestriæ*, & *Hugo* Bigotus Comes *Norfolciæ*. Evocabat etiam ad se tres fratres suos licet adhuc impuberes; *Richardum*, *Galfridum*, & *Johannem*. Dum hæc agerentur, Rex *Scotorum* partes Aquilonares crudelissima depopulatione vastavit. Rex igitur senior undequaque coarctatus, explicatis thesauris Regiis quorum sibi copia suppetebat, providens quod *Anglia* fere omnis à se desciverat, evocatis xx. Mille stipendiariis robustis-

*Henricus 2. contra patrem consilia init.*



robustissimis, & doctis ad prælium, *Brabantoribus, Rutariis, & Avallensibus*, stipendiis abundantissime ministratis, transfretavit in *Galliam*, filiumque suum sibi rebellantem, Regem fautorem suum & eorum exercitus repullatos, non sine confusione maxima in *Franciam* repedare coegit: castra, civitates & oppida, quæ occupaverant, reassumens. Interim *Richardus de Lucy*, cui absente Rege Regni cura commissa fuit, obsedit *Leycestriam* & cepit, muros prostravit, & solo tenus complanavit, indeque progrediens ad partes Aquilonares ad Regem *Scotorum*, cum maximo dedecore repatriare coegit. Comes *Leycestriæ* in ultionem destructionis *Leycestriæ*, favente sibi *Hugone*, x. Mille *Flandrenses* navigio transvexit in *Angliam*, qui omnes dum è *Suffolt* procedere cogitarent ad partes *Leycestriæ*, comprehensi per Regios, ad duo milliaria prope sanctum *Edmundum* in vico qui dicitur *Fourham*, à minimo usque ad maximum interfecti sunt; sicque Regnum *Angliæ* tranquilla pace gaudebat, sed non diu. Nempe Rex *Scotorum* ad detergendam ignominiam præcedentem, iterum Aquilonarem provinciam coepit invadere; quo comperto *Randolphus de Glanville*, *Bernardus de Baliol* cum paucis exercitu occurrerunt, habito quoque congressu cum Scotis prope castrum de *Alnewick*, Regem ceperunt, totumque exercitum ejus vel ceperunt vel interfecerunt. Commisum est hoc prælium ann. MCLXXIV. tertio Id. Julii, Rege *Scotorum* in castro *Richmond*, carcerali custodiæ mancipato. Captus est ibidem cum Rege *Scotorum* adjutor ejus præcipuus *Robertus* comes *Leycestriæ*, missusque est captivus ad Regem.

## MCLXXIV.

1174  
Plures Episcop. consecrati. Henricus cum filio reconciliatur.

*Richardus* Prior *Dover*, consecratus est Archiepiscopus *Cantuariensis*, & cum eo *Galfridus Eliensis*, *Johannes Norwicensis*, *Petrus Wintoniensis*, *Johannes Cicestersensis*, *Reginaldus Bathoniensis*, *Robertus Faliot*, *Herefordensis* Episcopi. Eodem anno mediatoribus plurimis potissime laborantibus, facta est concordia inter Regem *Henricum* & filium sub hac forma. Filius qui patrem offenderat humiliter ad patrem veniens reatum suum, quem inficiari non poterat, publice recognovit; veniam suppliciter petiit & obtinuit, satisfactionem spondit & adimplevit. Quippe quod ulterius patrem non inquietaret, trifariam præstitit cautionem; Juratoriam, dum corporale præstitit sacramentum de fidelitate servanda, in terra tanquam Domino, hominum fecit: Fidejussoriam, dum multi potentes & nobiles gratis pro eo fidejubent: Pignorativam, obsides ingenuos in patris custodiam deputando. Tres quoque fratres minores, pater facile & impune admisit ad gratiam, quos ætatis immaturitas excusabat, ipsi quoque cum patre remanserunt: senior in provinciis *Andegaviæ* & *Aquitaniæ*, quas pater sibi concesserat, continue morabatur. Eodem anno *Galfridus* frater Regis *Henrici* de non legitimo concubitu progenitus, electus est in Episcopum *Lincoln*: qui tunc ad digniorem aspirans celsitudinem, munus consecrationis suscipere recusavit, temporalibus commodis ejusdem Episcopatus nomine electi totus incumbens, usque ad annum Domini sequentem.

## MCLXXV.

1175  
Galfridus Henr. filius, filie Comitis Britannie despondetur.

Rex *Scotorum* & *Robertus* Comes, sicut superius tactum est, quia series historiæ sic poscebat, capti sunt prope *Alnewick*. Rex *Henricus* rebus in *Normannia* ad votum dispositis, processit in *Britanniam* minorem, & filiam unicam & hæredem Comitis *Britanniæ* *Galfrido* filio suo cognomento *Plantagenest*, despondit; de qua processu temporis genuit *Arthurum* & *Alienoram*, de quibus suo loco dicetur. Anno eodem facta est pax inter *Henricum* Regem *Angliæ* seniore, & *Lodovicum* Regem *Franciæ*, qui partem *Henrici* junioris diu foverat contra patrem.

## MCLXXVI.

1176

## MCLXXVII.

1177

Schisma antipaparum cessat.

*Fredericus* Imperator venit in *Angliam*, & relicto Papa *Victore* schifinatico, cui longo tempore tam potenter adhæserat, saniori ductus consilio, *Alexandro*



dro Papæ cœpit propensius adhærere, & sic cessante schismate, quod Ecclesiam diu sciderat, factum est gaudium magnum in universali Ecclesia Catholica.

MCLXXVIII.

1178

MCLXXIX.

1179

Lodowicus Rex auditis miraculis quæ dominus operabatur per beatum Thomam, quem toto exilii sui tempore tam honorifice exhibuit, venit in Angliam pro veneratione Martyris supradicti.

Ludo. tumultum Tho. Becket invisit.

MCLXXX.

1180

Henricus Rex mutavit monetam suam. Translatæ sunt reliquiæ Frithefwithæ Drægon, & loculo honorifice repositæ.

S. Frides. reliquiæ Ox. tran.

MCLXXXI.

1181

Obiit Lodowicus Rex Francorum, successit ei Philippus filius ejus, in puerili ætate coronatus. Obiit Alexander Papa, cui successit Lucius.

Ludov. ob. ut & Alex. P.

MCLXXXII.

1182

MCLXXXIII.

1183

Obiit Rex Henricus minor in partibus transmarinis. Consecrati sunt Gualterus de Constantia Lincoln Episcopus, & Gerardus Cestrensis Episcopus.

Henricus minor obiit.

MCLXXXIV.

1184

Obiit Richardus Cantuariensis Archiepiscopus, successit ei Baldwinus. Obiit & Gerardus Cestrensis Episcopus, cui successit Hugo. Obiit & Joselinus Sarum Episcopus, recepto prius habitu Monachorum Cisterciensium. Anno eodem xvii. Kal. Februarii factus est terræmotus in pluribus locis per Angliam, circa mediam noctem, & audita sunt tonitrua valde terribilia.

Episcopi plures obiere.

MCLXXXV.

1185

Consecratus est Baldwinus Cantuariensis Archiepiscopus, Gualterus Lincoln: postulatione de se facta relicto Episcopatu Lincoln, factus est Rotomagensis Archiepiscopus. Obiit Lucius Papa, cui successit Urbanus. Venit Heraclius patriarcha in Angliam pro negotio terræ sanctæ. Johannes filius Regis Henrici ultimo genitus, cognomento sine terra, copiosum exercitum duxit in Hiberniam.

Baldwinus fit Archiep. Cant. Obiit Lucius P. succedit Urbanus.

MCLXXXVI.

1186

Sanctus Hugo Monachus, ordinis Carthusiensis, consecratus est in Episcopum Lincoln. Consecrati sunt & Willielmus Wigorn, Johannes Eton, & Reynerus Sancti Asaph Episcopi.

Plures Episcopi consecrantur.

MCLXXXVII.

1187

Obiit Gilbertus London Episcopus. Commisso prælio inter Christianos & paganos in terra sancta apparuit sancta crux in cœlo. Saladinus cepit civitatem sanctam Jerusalem.

Gilb. Lond. ob. Saladinus Hier. f. capit.

MCLXXXVIII.

1188

Rex Henricus & Rex Francorum Lodowicus simul acceperunt crucem, ut venirent in terram Sanctam, quorum exemplo animati Dux Burgundiæ, Comes Flandriæ, & Comes Campaniæ, & utriusque Regni nobilium & plebeiorum innumerabilis multitudo, crucem similiter acceperunt, & concessit Dominus Papa Regibus supradictis, decimam partem omnium bonorum mobilium regnorum suorum percipiendam de regnicolis suis, non solum de laicis sed & de Clericis, tam secularibus quam religiosis, sicque decimata est tota Anglia. Obiit Richardus Winton Episcopus.

Reges Angliæ & Franciæ, alique crucem acceperunt.

MCLXXXIX.

1189

Obiit serenissimus Rex Angliæ II. Nonas Julii, scil. in octavis Apostolorum Petri & Pauli: cujus tempore passus est beatus Thomas, & sepultus est Rex in partibus transmarinis, in illo nobili monasterio Monialium fontis Ebrandi. Quo defuncto filius ejus Rex Regum nominatissimus, de partibus Galliæ citius veniens in Angliam solenniter coronatus est apud Westmonasterium, à Baldwino tunc Cantuariensi Archiepiscopo, III. Nonas Septembris. Eodem die dum Dominus Rex, expleto coronationis suæ solennio, cum proceribus

Henricus primus obiit.

Tumultus Londini adversus Judæos.



federet in convivio, orta est contentio inter Christianos & Judæos ante fores palatii, ibique interfectus est quidam *Judæus Eboracensis* famosissimus, nomine *Jofias*, alter nomine *Benedictus* graviter vulneratus confugit ad ecclesiam, & à Christianis baptizatus est: nec mora, incenduntur domus Judæorum in civitate *London*: & innumerabilis Judæorum interfectus est numerus, quidam vero flammis exusti, & bonis omnibus spoliati descenderunt ad inferos in momento. Judæus ille qui baptizatus fuerat ductus est ante Regem, & interrogatus an vellet esse Christianus, respondit quod non, asserens quod invitatus coactus est baptizari, quique Rege jubente redditus est Judæis, sed invalescente angustia vulnerum, vix per triduum supervixit, pejor factus, ut non solum Judæus sed & Apostata moreretur.

1190

*Richardus Angliæ & Philippus Galliarum Henricus Alem. crucem acceperunt.*

MCXC.

Rex *Anglorum Richardus* transfretavit in *Galliam*, & foedere inito inter ipsum & *Philippum* Regem *Francorum*, sacræ devotionis instinctu simul acceperunt crucem, firmiter statuentes simul procedere in terram sanctam. *Henricus* filius *Frederici* Romanorum, similiter cum proceribus *Alemanniæ* & *Italiæ* crucem accepit. Interim *Anglicorum* juvenus ingenua quam dinumerare nemo poterat, vexillo crucis similiter insignita, in Judæos *Eboraci* *Lincoln*, *Stanford*, cæterarumque civitatum & oppidorum Regni *Angliæ* proclivius irruentes, inæstimabilem multitudinem trucidantes, bonis omnibus spoliaverunt, arbitantes obsequium se præstare Deo, dum inimicos crucis *Christi* suis viribus exterminarent, & de thesauris eorum ad proficiscendum in terram sanctam expensas sibi necessarias præparent.

1191

*Discordia in Sicilia inter Reges Angliæ & Franciæ.*

MCXCI.

Duo Reges supradicti mare mediterraneum transnavigantes, coeperunt iter arripere quod voverunt. Eodem anno *Hugo Coventrensis* Episcopus, ejectis Monachis Monasterii *Coventrensis*, Canonicos regulares ibidem instituit: sed Monachi procedentes ad curiam *Romanam*, exponentes querimoniam auctoritate Apostolica Canonicos ejecerunt, & in statum pristinum, brevi temporis labente curriculo, restituti sunt. Eodem anno Reges, supradicti processerunt in *Siciliam*, processit quoque Rex *Francorum*, & applicuit ad urbem *Messanam* ut hyemaret ibidem, & receptus à civibus, hospitia præparavit. Rex itaque *Anglorum* proponens in eadem civitate pariter hyemare, cum appropinquaret civitati, repulsus est à Rege & à civibus. Verum Rex *Anglorum* moleste repulsionem suam ferens, contra Regem & cives in portu prælium instruxit, & invitis repulsoribus, violentis ausibus aditum civitatis obtinuit. Veruntamen ne negotium crucis contingeret impediri, gratis cessit Regi *Francorum*, & extra civitatis mœnia castra figens, diversoria sibi & exercitui suo sufficientia præparavit. Sopita est ad tempus discordia, suis tandem temporibus excitanda. Succedente verno tempore, aura flante leniori, Rex uterque naves ascendit, Rege *Francorum* paululum præcedente, Rex *Anglorum* è vestigio navigavit. Rex *Francorum* applicuit *Tholomaidam* quæ nunc *Acon* dicitur, Rex *Anglorum* casu applicuit in insulam *Cyprum*, cui occurrit Princeps ipsius insulæ tyrannus impiissimus, qui eam vi & dolo occupaverat, Regem & exercitum volentem applicare non permisit, invito tamen Principe insulam occupavit, tyrannum captivavit & compedibus oneravit, navesque suas auro & argento quod ibidem abundanter invenerat, & victualibus oneravit, & profectus est *Tholomaidam*; sane Rex qui præcessit nihil famosum gessit, obsidendo quoque *Richardus* infra paucos dies civitatem cepit, *Turcas* interfecit, qui civitatem occupaverant, & non immerito tota sibi victoria ascribebatur, ex quo Rex *Francorum* indignatione contabuit. Anno eodem contigit eclipsis Solis. In pago *Dunestable* à nonnullis visum est signum crucis in firmamento, & in eo figura crucifixi, quæ tandem infra dimidiæ horæ spatium, interlabente quasi quadam nubecula, à cruce disparuit.

*Ptolemais capta.*

1192

*Rex Francorum redit in*

MCXCII.

Rediit Rex *Francorum* prior de *Syria* in *Franciam*, invitato Domino *Papa* ut



ut Regem *Anglorum* de prævaricatione attrectaret initæ confoederationis, cui fidem *Papa* non adhibens, vacuum & inanem sine honore demisit. Rex *Anglie* ut declinaret insidias Regis *Francorum*, quas liquido sibi comperiit nocituras, secreto per latibula transire volens per *Alemanniam*, prodentibus eum *Teutonicis*, captus est à *Leopoldo* Ducæ *Austriæ*.

*Franciam. Rex Aug. in Austria capitur.*

MCXCIII.

*Johannes* frater Regis audita captivitate fratris sui Regis *Richardi*, autumans ipsum de captivacione ista nunquam posse evadere, protinus aspirabat ad Regnum *Angliæ*, unde civitates & oppida totius Regni occupavit, suoque Dominio subjugavit, statimque transfretavit in *Normanniam*, & facta confoederatione cum Rege *Franciæ*, qui Regis *Richardi* capitalis fuit inimicus, illo cooperante & subsidium impendente, totam nullo obsistente in deditionem accepit. Obsessa est *Wallingford* per ipsum & complices suos.

1193  
*Johannes Regnum Angliæ invadit.*

MCXCIV.

Romanorum Imperator *Henricus* indignum judicans tam insignem captivum in alterius quam Imperatoris custodia detineri, Regem *Richardum* de manibus Ducis *Austriæ* pro quadam summa pecuniæ sibi commissa extorsit, & in carcere compedibus oneratum tutissime conservavit. *Angli* vero sui Regis captivacionem non ferentes, pacti sunt Imperatori solvere centum milia librarum argenti, quarum tertia pars cessit Duci *Austriæ*, qui eum primitus captivavit, unde factum est ut per contributionem ad redemptionem Regis impositam, Regnum *Angliæ* sic oppressum fuerat & exhaustum, ut etiam Ecclesiarum calices venderentur. Anno eodem, soluta pecunia, Rex liberatus à carcere venit in *Angliam*, & statim castra & civitates quæ frater suus *Johannes* occupaverat in *Anglia*, resumit, & in suam potestatem redegit, nec distulit transfretare in *Normanniam*, fratris indevoti conatus tam viriliter reprimendo, ut veniam humiliter peteret & gratis occupata restitueret.

1194  
*Rex Angliæ pretio redimitur.*

MCXCV.

Obiit *Hugo* Episcopus, & *Henricus Wigorn* Episcopus. Loco *Henrici* electus est *Johannes* in Episcopum *Wigorn*.

1195  
*Hugo & Hen. Wig. ob.*

MCXCVI.

Consecratus est *Johannes Wigorn* Episcopus. Defectus frugum in *Anglia*, adeo ut sema<sup>a</sup> frumenti venderetur pro i Marca.

1196  
*Joan. Wig. consec.*

MCXCVII.

Iterum tanta sterilitas in *Anglia*, ut sema frumenti venderetur pro XVIII. solidis & VIII. d.

1197  
*Sterilitas in Ang.*

MCXCVIII.

*Galfridus* filius *Petri* factus est justiciarius *Angliæ*.

1198  
*Gal. fit J. Ang.*

MCXCIX.

Rex *Richardus* singularis militiæ decus in orbe, subjugata sibi *Normannia*, cum processisset in *Aquitaniam*, rediens inde, obsedit castrum de *Chaluz* in *Normannia*, quod Rex *Francorum* dolo occupaverat, ibique à quodam sagittario telo toxicato percussus VII. Kal. Aprilis, heu proh dolor! interiit. Corpus ejus delatum apud fontem *Ebrandi*, sepultum est ibidem ad pedes patris sui Regis *Henrici*. Anno eodem successit in Regno *Angliæ* *Johannes* frater ejus, coronatus apud *Westmonasterium*, VI. Kal. Junii ab *Huberto* tunc *Cantuariensi* Archiepiscopo.

1199  
*Obiit Ricardus Rex, succedit Joan.*

MCC.

Obiit venerabilis antistes sanctus *Hugo Lincolnensis* Episcopus xv. Kal. Decembris.

1200  
*Hugo obiit.*

MCCI.

Inundationes aquarum vehementissimæ mense Augusti.

1201  
*Inund. vehem.*

MCCII.

Rex *Johannes* ut terris suis transmarinis salubrius provideret; transfretavit, processitque in *Britanniam* minorem, ibique dolo (sicut dicebatur) cepit *Arthurum* nepotem suum, filium *Galfridi* fratris sui senioris, ad quem secundum

1202  
*Johannes nepotem Arth. occidit.*

<sup>a</sup> Mensura quatuor modiorum.



leges *Anglicanas* Regni *Angliæ* successio pertinebat, & ut quidam æstimabant, ipsum inhumaniter iussit interfici, & cadaver ipsius in mare demergi: sororemque suam *Alienoram* dictam la *Brett* secum traduxit in *Angliam*, & in castris munitissimis tutissime custodire fecit sub custodia quatuor militum, qui eam continue conservarent, ne forte sobolem procrearet, quæ jus in Regno *Angliæ* posteris temporibus posset hæreditatis titulo vindicare.

1203

Gulielmus fit  
Lincoln. Ep.

MCCIII.

Successit sancto *Hugoni* in Episcopatu *Lincoln Willielmus* de *Bleys*, consecratus in Episcopum ix. Kal. Septembris.

1204

MCCIV.

1205

MCCV.

Hubert. Cant.  
obiit.

Obiit *Hubertus Cantuariensis* Archiepiscopus, III. Id. Julii, electus est loco ejus vir venerabilis *Stephanus* de *Langeton*, sed quia Rex *Johannes* ipsum præcise recusavit admittere, præponens in eadem dignitate, quem vellet præficere, idem *Stephanus* sedem Apostolicam adiit, & à Papa confirmationis & consecrationis gratiam obtinuit.

1206

MCCVI.

Hug. de Wells  
fit Linc. Ep.

Obiit *Willielmus* de *Bleys* *Lincolniensis* Episcopus, II. Kal. Maii, successit ei *Hugo* de *Welles*.

1207

MCCVII.

Joan. decimam  
tert. Regni extorq.

Rex *Johannes* extorsit tertiam decimam partem omnium bonorum mobilium totius Regni sui, tam de clericis religiosis & secularibus, quam de laicis; solo ordine *Cisterciensi* excepto.

1208

MCCVIII.

Anglia interdicta  
est.

Interdicta est *Anglia* per Dominum Papam, & cœpit generale interdictum sub Rege *Johanne* decimo Kal. Aprilis. Causa quidem præcipua interdicti fuit ista. Rex sicut superius tactum est, venerabilem *Stephanum* de *Langeton Cantuariensem* Archiepiscopum, à Domino Papa confirmatum non permisit ingredi Regnum suum, licet per Dominum Papam, tum per literas, tum per nuncios ad hoc specialiter destinatos, monitus fuisset ut ipsum non impediret, sed liberam administrationem tam spiritualium quam temporalium, (quibus, in contemptum sedis Apostolicæ & Ecclesiasticæ libertatis præjudicium, totaliter incumbere) sibi restitueret; quia ergo præceptum Apostolicum adimplere contempsit, Papa totum regnum *Angliæ* generali supposuit interdicto. Huic articulo ad confusionem aliud accessit incommodum, proponentibus contra eum fere omnibus Regni proceribus, quibus nimium odiosus esset, eo quod eos intolerabilibus opprimebat angariis, & extorsionibus indebitis, quinetiam quod nobilium Regni sui filias, & consanguineas rapuit, & concubitu polluit adulterino; (erat enim carne lubricus, æquiparans vel excedens petulantiam *Solomonis*,) quod injuste, contra jus scil. naturale & civile, Regnum occupaverat, legitimum hæredem nepotem suum *Arthurum* non solum exhæredando, sed & inhumaniter perimendo. Anno eodem Rex *Franciæ* cepit comites *Bonomiæ*, & *Flandriæ* & *Sarum*.

1209

MCCIX.

Hugo Lincoln.  
consec.

Consecratus est *Hugo* de *Welles* *Lincoln* Episcopus, xiv. Id. Januarii.

1210

MCCX.

Joan. Rex in  
Hiberniam  
transit.

Rex *Johannes* transfretavit in *Hiberniam*, & cepit ibi castrum *Crakefergas*, uxore *Willielmi* de *Brehuse* *Matilde*, quæ sibi restitit, una cum filio suo fame peremtis. Eodem anno Rex *Johannes* destruxit Judæos, & grave tallagium imposuit religiosis.

1211

MCCXI.

Joan. Wallenses  
vincit.

Rex *Johannes*, audito quod *Wallenses* egredientes de finibus suis terras Regis & Marchiensium sibi finitimas depopulare & vastare cœpissent, congregato magno exercitu processit in *Walliam*, & Provinciam de *Snowdone* militariter occupavit, tandem habito tractatu inter Regem & *Wallenses*, Rex acceptis ob-

fidibus



fidibus in *Angliam* repedavit cum pace. *Pandulfus* & *Durandus* Nuncii Papæ venerunt in *Angliam*.

MCCXII.

1212

Rex *Johannes* iterum proposuit ire in *Walliam*, metuens vero proditorem suorum qui ei pendule cordibus adhærebant, & circa eum proditiis mentibus fluitabant, distulit illo ire, remansit autem \*, ubi quosdam de proditoribus & suspectis incarceravit, quosdam exilio relegavit. *Pandulphus* Domini Papæ subdiaconus, & frater *Durandus* de ordine Hospitaliorum Nuncii Domini Papæ, de quibus breviter supra tetigimus, venientes in *Angliam* ut pacem Ecclesiæ reformarent, frequenter habuerunt cum Rege de pacis redintegratione tractatum, populis de eorum adventu gaudentibus, ac verissime credentibus, pacem per eos posse protinus reformari, sed hoc frustra, nondum enim statim finis, invalescente quidem proterva Regis obstinatio, via pacis non poterat inveniri.

*Pandulphus* & *Durandus* nuncii Papæ de pacis redintegratione tractant.

MCCXIII.

1213

Rex *Johannes* in arcto positus, vexatione dante intellectum, consensit in formam pacis in hunc modum, Rex coram præfatis nunciis *Pandulpho* & *Durando*, præsentibus nonnullis Regni magnatibus, habito solenni colloquio sumptis per *Berhardon*, inter *Cantuariam* & *Dober* de pacis forma, tandem tradidit & submisit se & Regnum *Angliæ* Domino & sedi Apostolicæ, & Papæ *Innocentio* tunc Papatus celsitudine præsidenti, & successoribus suis in perpetuum; conficiens sibi inde chartam suam sigillo aureo consignatam, ipseque pro se & pro hæredibus suis corporali præstito sacramento, homagium & fidelitatem fecit Ecclesiæ Romanæ, ad tenendum de ea Regnum, reddendo singulis annis Domino Papæ mille marcas, viz. pro *Anglia* septingentas, & pro *Hibernia* & *Wallia* trecentas; charta ipsa post recitata in domo Templariorum *Dober*: postea in Ecclesia Sancti *Pauli London*, in præsentia *Nicolai* Cardinalis *Tusculanensis* Apostolicæ sedis legati (qui *Stephanum* de *Langton Cantuariensem* Archiepiscopum, & plures de suffraganeis suis Episcopis *Angliæ*, quos Rex relegaverat, adduxit in *Angliam*) coram innumerabili procerum & plebeiorum multitudine in audientia lecta fuit & à Rege concessa. Eisdem temporibus erat quidem laicus in *Anglia* nomine *Petrus* de *Bunfret*, quem vulgo *Petrum* sapientem anglice nuncupabant, cui laicorum rusticaria simplicitas, pro eo quod multa prædixerat quæ postea rei exitus approbavit, prophetiæ spiritum assererat inesse, tribuens ei præscientiam futurorum, quæ secundum fidem Catholicam soli Deo creditur ascribenda: diu autem prædixerat post annum quartum decimum Regni Regis, regnandi potestatem Regi finaliter eximendam, quod quidem contigit, sed alio modo quam putabat. Alludebat etiam huic præfatio revelatio facta cuidam monacho viro sancto transmarino in somnis: quod ultra annos xiv. non regnaret. Et quidem anno Regni sui quarto decimo (ut prædictum est) se & Regnum suum sedi Apostolicæ subjugavit. Requisitus insuper à Rege idem *Petrus* pridie antequam sedi Apostolicæ se submisit, per quantum tempus foret regnaturus, respondit usque diei crastinæ horam tertiam & non diutius; quo audito Rex furore commotus ipsum capi fecit, & in castro de *Corf* dirissime compeditum tutissime custodiri præcepit, quousque de eo gravissimam faceret ultionem.

*Joannes* Regnum *Angliæ* Papæ submittit.

MCCXIV.

1214

Cessavit generale interdictum *Angliæ* relaxatione ipsius facta vi. Nonas Julii, & factum est gaudium magnum in universa Ecclesia *Anglicana*. Facta est iterato generalis prædicatio de cruce pro subsidio terræ sanctæ. Obiit *Galfridus* filius *Petri* justiciarius *Angliæ*. *Petrus* de *Bunfret* de quo superius fit mentio, de præcepto Regis per villam de *Corf* distractus est ab equis, postea in patibulo suspensus est.

Interdictum *Angliæ* relaxatur.

MCCXV.

1215

*Johannes* Rex iv. Nonas Martii, & cum eo plures de magnatibus *Angliæ*

*Joannes* crucem accipit.



crucem acceperunt; similiter in aliis Regnis & Provinciis, Reges, Comites, & innumerabilis nobilium multitudo certatim crucem susceperunt.

1216

*Ludovicus  
Angliam in-  
vadit.*

MCCXVI.

*Moritur Jo-  
hannes, & In-  
no. Papa.*

*Joan. R. suc-  
cedit Henri-  
cus.*

*Ludovicus* filius *Philippi* Regis *Franciæ* evocatus à multis magnatibus *Angliæ*, quibus Rex *Johannes* formidabilis extitit & odiosus, propter varias angarias quibus regnicolas injuste oppressit; præcipue quia chartam suam de libertatibus quas dudum eis concesserat nitebatur infringere, venit in *Angliam*, adducens secum bellatorum multitudinem, & ab his qui eum evocaverant honorifice susceptus, plagam *Cantiæ* & *Surrie* nullo sibi resistente pessundedit. Cives quoque *London* ipsum gratanter admiserunt, civitatem *London* sibi pro refugio concedentes, homagium sibi & fidelitatem simul cum Baronibus faciendo, auxilium suum favorabiliter impendendo, ut expulso *Johanne* sublimarent in Regem, & credebatur à nonnullis prosperum negotium in manibus *Lodowici*. Obiit *Innocentius* Papa XVII. Kal. Augusti, cui successit *Honorius*. Anno eodem Rex *Johannes* in monasterio quodam *Cisterciensis* ordinis quod dicitur *Swynshed* in Provincia *Hollandæ* intoxicatus, ut dicebatur, continuo cœpit ex violentia veneni contabescere, indeque progrediens usque *Spewerk* ibidem post dies paucos expiravit. Obiit autem XIV. Kal. Novembris, corpus ejus inde delatum usque *Uigorn* in Ecclesia conventuali Monachorum honorifice tumulatum est inter feretra Sancti *Wulstani* & Sancti *Oswaldi*; quamobrem vere bruti *Britones* fabulantur ridicule, fabellas vanas *Merlini*, quas falso tamen prophetias esse arbitrantur, in eo fuisse completas, dicentes, quod inter sanctos collocabitur. Defuncto & sepulto rege *Johanne*, statim Proceres Aquilonares & Marchienses cum ceteris regni fidelibus, partem *Lodowici* detestantibus, pacem & regni tranquillitatem affectantibus, *Henricum* filium regis *Johannis* primogenitum, & hæredem legitimum novennem assumentes, adduxerunt *Gloucestriam*, ibique Barones supradicti (non expectata præsentia *Cantuariensis* Archiepiscopi) fertum quoddam eidem, loco Diadematis imponentes, præsentibus & cooperatoribus *Henrico Dublinensi* Archiepiscopo, & *Guala* Apostolicæ sedis Legato, nec tum manum imponentibus, ne forte fieret præjudicium Sedi *Cantuariensi*, solennitate, qua poterant, sublimarunt in regem; & edicto publico proclamari fecerunt per totam *Angliam*, quod nullus laicus, nec masculus, nec foemina domum suam per mensem unum egrederetur, nisi fertulum portaret in capite, ut sic innotesceret toti regno Coronatio novi regis. Facta est hæc ordinatio quinto Kal. Novembris, à quo die quamdiu vixit, descripta est data in Brevibus regis *Henrici*.

1217

*Ludovicus apud  
Lincoln.  
victus, in  
Galliam re-  
dit.*

MCCXVII.

*Lodovicus* Coronationem novi Regis propter ætatis teneritudinem habens contemtui, æstimans ipsum propter impubertatem conatibus suis non posse resistere, aliquod arduum attentare præsumsit, & confidens de universitate Complicium sibi cohærentium, relicta civitate *London*, procedensque usque Aquilonem, irruit improvise super illam nobilissimam Civitatem *Lincoln*, ut & ipsam sicut *London* suo dominio subjugaret, verum in contrarium res lapsa est, veniente siquidem *Lodowico* cum innumerabili bellatorum caterva ut oppugnaret civitatem ex parte meridionali per quam ascenditur, occurrerunt eidem ex parte Aquilonari Proceres Angligenæ novi Regis Complices & fautores, viribus & numero non impares, statimque adversus Gallicos prælium instruentes, omnes fere ceperunt vel peremerunt in ore gladii. Captus est ibidem nobilissimus vir Comes de *Berth*, de cujus probitate Gallici potissimum confidebant. *Lodovicus* utique fugæ se committens, præsidioque noctis vix evadens, rediit *Londonias*. Fugit etiam de prælio *Fulco* de *Breant* præcipuus ejus consiliarius & adjutor. *Lodowico* cum sibi adhærentibus sic confuso, cœpit fieri inter partes tractatus de pace. Facta est autem pax inter ipsum & regem de consensu Baronum Id. Aprilis, & repatriavit *Lodovicus* in *Galliam* vacuus, & delusus, fraudatusque proposito.

MCCVIII.



MCCXVIII.

Translatus est beatus *Wolstanus* VII. Id. Junii.

MCCXIX.

Obiit *Willielmus* senex *Marescallus* Comes *Pembrokiæ*, miles strenuissimus, & per universum orbem nominatissimus. Anno eodem translatus est beatissimus *Hugo* quondam *Lincoln* Episcopus.

MCCXX.

Fundata est Ecclesia novæ *Sarisburyæ* VII. Kal. Maii. *Henricus* Rex jam decimum tertium ætatis suæ agens annum, cum magna veneratione coronatus est apud *Westmonasterium* à venerabili patre *Stephano Cantuariensi* Archiepiscopo, à quo sicut decuit sacro unctionis Chrismate delibutus, regio diademate venustatus, inter regni Proceres gloriosus effulsit. Sane quia propter ætatis suæ teneritudinem nondum sufficiens fuit ad regni gubernaculum, totius regni Proceres providebant sibi tutorem & custodem, virum summæ discretionis & probitatis Dominum *Hubertum de Burgo*, qui motus regis voluntarios refrenaret, ne forte per immoderantiam lasciviret, factusque est iusticiarius totius *Angliæ*, ut sua prudentia, qua cæteris præpollebat, Regis & regni negotia dispensaret. Celebrata est Regis coronatio in festo Pentecostes, viz. XVI. Junii. Anno eodem, cooperante *Stephano Cantuariensi* Archiepiscopo, cum solennitate prius inaudita, translatus est gloriosus Martyr *Thomas Cantuariensis* Archiepiscopus. Celebratum est etiam Concilium *Lateranense* sub Papa *Innocentio*.

MCCXXI.

Natus est *Thomas* in vigilia Sancti *Gregorii*.

MCCXXII.

*Stephanus Cantuariensis* Archiepiscopus Prælati omnibus *Angliæ* suæ Diocæsi subjectis, apud *Oxoniam* congregatis, scil. in quindena Paschæ, qua legitur, *Ego sum pastor bonus*, in Monasterio *Osney* Canonorum solenne Concilium celebravit. In eodem Concilio præsentatus est quidam Diaconus qui pro amore cujusdam mulieris *Judææ* diutius apostataverat, & se ritu *Judæorum* fecit circumcidi, super quo convictus, primo degradatur, & seculari judicio condemnatus, igne combustus est. Dicebatur quod idem Apostata in contemptum Redemptoris nostri & fidei Catholicæ, corpus dominicum de Ecclesia furtive sublatum in loco ignobili projicere non abhorruit, quod postea prædivite quodam *Judæo* ad corroborationem fidei Christianæ, inventum est impollutum & incorruptum, in vase quodam mundissimo, Angelicis manibus (ut fane credi poterit) præparato. Oblatus est etiam eidem Concilio, rusticus quidam laicus, qui in tantam devenit insaniam, ut in ignominiam crucifixi se faceret crucifigi, asserens se filium Dei & redemptorem mundi, quique judicio Concilii immuratus, totum vitæ suæ residuum, reclusus, duro pane & aqua relictus, in carcere terminavit.

MCCXXIII.

Obiit *Philippus* Rex *Francorum*, successit ei filius ejus *Lodovicus*.

MCCXXIV.

*Henricus* Rex *Angliæ*, congregata nobilium & plebeiorum turba non modica, castrum de *Bedford*, quod *Falco* de *Brente* cum sibi cohærentibus, in multo præsidio, & victualibus necessariis præmunierat, admotis machinis obsidione conclusit. Quippe *Falco* dimissis in eo defensoribus, aliunde se transtulit, promittens quod eis in brevi adjutorium mitteret opportunum. Inchoata est obsidio & oppugnatio Castri circa festum Sancti *Albani*, obsessi quoque quamdiu victualia suppetebant munitionem propugnaverunt; deficientibus tandem alimentis cum promissum quod sperabatur non adveniret, ad victorem Castrum dedere sunt coacti. Quo capto in vigilia Assumptionis & solo tenus complanato, omnes fere inventi in Castro suspensi sunt in patibulis, paucis duntaxat per preces Magnatum (licet ægre) suspendii periculum evadentibus: veruntamen ex decreto Regis regnum *Angliæ* abjurarunt, suspensi

1218

Wolst. trans.

1219

Will. Marescallus obiit, & Hug. Linc. translat.

1220

Eccles. ad nov. Saris. trans. Hen. R. coronatur. Hugo de Burgo fit R. protect. Concil. Later. celebr.

1221

Thom. nascit.

1222

Concil. Oxoniense.

1223

Phil. Fran. ob.

1224

Henr. R. castrum Bedf. capit. Lewelinus Marchiam Walliæ depredatur. Castra de R. Joan. dimissa Henr. resign. plures Ep. ob.



suspenſi ſunt xiv. milites, inter quos præcipuus fuit *Willielmus de Brente* frater *Falconis*; non multo poſt captus eſt ipſe *Falco*, & traditus *Epifcopo Londonienſi* cuſtodiendus, poſtea abjurans regnum *Angliæ* transfretavit, poſſeſſionibus quas habebat in *Anglia* (nec immerito) ſpoliatus. Anno eodem *Levelinus* princeps *Walliæ* partes Marchienſes cœpit per frequentes excuſus, rapinis & incendiis devaſtare, præcipue terras regis, & *Willielmi Mareſcalli*. Quo audito Rex copioſum congregavit exercitum, & occurrit eidem, potenter eum repulſando; in patriam ſuam non ſine dedecore & ſuo diſpendio repedare coegit. Comes *Ceſtriæ*, & quidam alii Magnates nitebantur amovere *Hubertum de Burgo*, de Juſtitia, & de Conſilio Regis, ſed non prævaluerunt. *Honorius* Papa decrevit *Henricum* Regem *Angliæ* legitimæ ætatis. Anno ipſo in Natali Domini, omnes Magnates regni apud *Northampton*, caſtra & munitiones Regias quas tenebant ex commendatione Regis *Johannis*, & cæteras ſuas ballivas, Regi reſignabant. *Willielmus Mareſcallus* ſororem Regis duxit in uxorem; quæ viro ſuo defuncto aliquamdiu permanens in viduitate, in præſentia Sancti *Edmundi Cantuarienſis* Archiepiſcopi, & Sancti *Richardi Chicheſtrenſis* Epifcopi ſolenne votum caſtitatis emiſit, cujus poſtea prævaricatrix effecta, nupſit *Simoni de Monteforti* Comiti *Leyceſtriæ*. Conſecrati ſunt in Epifcopos *Radulphus de Bedill Chicheſtrenſis*, *Willielmus Bruer Exoniienſis*, *Alexander Coventrentrienſis*. Rex *Angliæ* in odium *Levelini* firmavit Caſtrum de *Montgomery*.

## M C C X X V.

1225  
Quinta deci-  
ma bon. mob.  
Regi conceſ.  
Jo. El. ob.

Omnes magnates regni, tam religioſi quam ſeculares, conceſſerunt regi quintam-decimam partem omnium bonorum mobilium per totum regnum *Angliæ*, & rex conceſſit eis & confirmavit Magnam Chartam de libertatibus, quas pater ſuus *Johannes* Rex dudum conceſſerat, ipſamque chartam fecit innovari & publice promulgari, & per totum regnum inviolabiliter obſervari præcepit. Obiit *Johannes Elienſis* Epifcopus quondam Abbas de *Fontibus*, ſucceſſit eidem *Galfridus* prius Archidiaconus *Norwicenſis*.

## M C C X X V I.

1226  
Concil. Lon-  
din. clerus R.  
decim. ſext.  
conceſ. Will.  
Longeſp. W.  
Bruer. Lud.  
R. Fran. Ric.  
Dunel. Pand.  
Wig. ob. Pi-  
ſtavia fruſtra  
tentata.

*Stephanus Cantuarienſis* Archiepiſcopus jam celebravit ſolenne Concilium apud *London*, in craſtino Dominicæ qua cantatur *Miſericordia*, in qua Papa *Honorius* petiit, quod in qualibet Eccleſia Cathedrali & Conventuali Religioſorum ubi bona Conventus & Prælatorum ſunt ſeperata, nec non in qualibet Eccleſia Præbendali, poſſet conferre unum beneficium cui vellet. Reſponſum fuit præciſe, quod nullatenus hoc concedere poterant abſque conſenſu patronorum & Fundatorum ſuorum, & etiam niſi univerſa Eccleſia totius mundi illud eidem duceret concedendum. Eodem anno de conſenſu Papæ, Clerus *Angliæ* conceſſit Regi xvi. partem beneficiorum Eccleſiaſtico- rum ſub antiqua taxatione: item obiit *Willielmus Longeſpex* Comes *Sariſburienſis*, *Willielmus Brewar* Epifcopus *Eton*, *Lodowicus* Rex *Francorum*, cui ſucceſſit *Carolus* filius ejus. Obiit *Richardus de Marifco Dunelmenſis* Epifcopus, ſucceſſit ei *Willielmus Scotus* Archidiaconus *Wigorn*. Obiit *Pandulphus Norwicenſis* Epifcopus, ſucceſſit ei *Thomas de Blunel*. Obiit *Benedictus Roſſenſis* Epifcopus, ſucceſſit ei *Henricus de Sandford* Archidiaconus *Cantuarienſis*. Dominus Rex miſit exercitum magnum in *Piſtaviam* cum *Roberto* fratre ſuo, cui contulerat Comitatum *Piſtaviæ* quem Rex *Franciæ* injuſte occupaverat, qui ſtatim rediit infecto negotio, Rege *Francorum* ſuis viribus obſiſtente.

## M C C X X V I I.

1227  
Hon. P. ob.

Obiit *Honorius* Papa, ſucceſſit ei *Gregorius*.

## M C C X X V I I I.

1228  
Steph. Lang-  
ton Cant. Eu-  
ſtac. Lond.  
Galf. Elienſ.  
Henr. Dubl  
obiere.

Obiit *Stephanus de Langeton Cantuarienſis* Archiepiſcopus, electus eſt loco ejus Magiſter *Walterus de Cveſham* monachus *Cantuarienſis*, Caſſata electione ejus, Papa contulit Archiepiſcopatum magiſtro *Richardo le Grant* Cancellario *Lincolnienſi*. Caſſata electione *Willielmi le Scot Dunelmenſis* epifcopi, tranſlatus eſt auctoritate Domini Papæ, *Richardus Sarum* Epifcopus ad Epifcopatum *Dunelmenſem*, loco ejus electus eſt & conſecratus magiſter *Robertus de Ringham* in Epifcopum



Episcopum *Sarum*. Obiit *Eustachius Londoniensis* Episcopus, successit ei magister *Rogerus Niger*. Obiit *Gaffridus* Episcopus *Elensis*, successit ei *Hugo Abbas Sancti Edmundi*. Obiit *Henricus Dublinensis* Archiepiscopus, successit ei *Lucas* Decanus Sancti Martini & Thesaurarius garde robe Domini Regis. Eodem anno rex duxit exercitum apud *Herep*, quo redeunte cepit Scutagium per totam *Angliam*, & dederunt ad Scutum duas Marcas.

MCCXXIX.

Consecratus est *Richardus le Grant Cantuariensis* Archiepiscopus iv. Junii. Omnes beneficiati in *Anglia*, *Hibernia*, & *Scotia* dederunt Domino Papæ decimam partem reddituum suorum, nec non & omnes religiosi.

MCCXXX.

Dominus *Henricus* Rex primo vice cum exercitu magno nobilium & mediocrium *Angliæ*, ascensis navibus primo die Maii transfretavit in *Britanniam*, & cum in partibus transmarinis aliquamdiu moram traxisset habitus est conflictus inter *Anglos* & *Gallicos* apud *Sevntes*, in quo *Angli* repulsi sunt, & plures interfecti, & rediit rex in *Angliam* infecto negotio, & applicuit circa festum omnium Sanctorum. De Magnatibus autem qui cum eo erant, plures ante Regis reditum, nonnulli vero post reditum ipsius in partibus *Angliæ* non sine multorum admiratione ex hac vita migraverunt, inter quos memoratissimus fuit *Gilbertus de Clare Comes Gloucestris*, qui etiam obiit in partibus marinis. Rex iterum cepit Scutagium per totum regnum, & dederunt ad Scutum xl. Solidos.

MCCXXXI.

Orta contentione inter *Richardum* Archiepiscopum ex parte una, & Dominum Regem, *Hubertum de Burgo* & Monachos *Cantuarienses* ex altera, Archiepiscopus adiit sedem Apostolicam, ibique defunctus est, electus est loco ejus magister *Johannes Blundus*, postulatus est ad eandem sedem *Radulphus de Pezbill* tunc *Cicestrensis* Episcopus, & Domini Regis Cancellarius, cassata est postulatio de eo facta. Veniens *Willielmus Marefcallus junior* de *Britannia* in *Angliam*, *Isabellam* sororem suam Comitissam *Gloucestris*, Relictam *Gilberti de Clara* admirandæ pulcritudinis mulierem nobili viro *Richardo Comiti Cornubiensi* in matrimonio copulavit. Idem quoque *Willielmus* infra quindenam post contractum matrimonium decessit in fata viz. viii Id. April. Venit in *Angliam* frater ejus circa festum Sancti Jacobi & successit ei in hæreditate. Rex *Angliæ* profectus in Marchienses, contra *Levlinum* cœpit construere castrum *Matildis*.

MCCXXXII.

Rex *Henricus* cepit quadragesimam partem omnium bonorum totius Regni sui. Eodem anno *Hubertus de Burgo* Comes *Cantiæ* accusatus apud Regem per æmulos suos, quorum præcipuus fuit *Petrus de rupibus* tunc *Wintoniensis* Episcopus, ut *Petrum de Riball* nepotem suum ad Regis obsequium promoveret, prævalente delatorum malitia, captus est apud *Roscum* arsum, & primo positus est in turre *London* graviter compeditus, deinde ductus est usque *Devissas*, & incarceratus ibidem in Castro sub arctissima custodia tenebatur. Obiit vir nobilissimus *Radulphus* Comes *Cestrie* apud *Walingford*. Rex *Henricus* cepit quadragesimum denarium tam de religiosis quam de secularibus per totam *Angliam*.

MCCXXXIII.

Cassatis Electionibus omnium qui ad sedem *Cantuariensem* electi fuerant, nec non Priore Sanctæ Civitatis *Cantuariensis* electionem de se factam in præsentia Domini Papæ sponte resignante, Monachi *Cantuarie* iterum eligendi potestatem obtinentes, summæ sanctitatis virum magistrum *Edmundum* tunc *Sarum* Ecclesiæ Thesaurarium in Patrem & pastorem concorditer elegerunt. Orta est gravis dissensio inter Dominum Regem & *Richardum Marefcallum*, adeo ut invalescente contentione Rex proscripsit ipsum, & præcipuos suos fautores *Gilbertum Basset*, & *Richardum Seward*, de omnibus terris eorum &

F

commisit

Rex scutag. cepit per tot. Ang.

1229

Ric. Cant. consec. Decim. P. reddit.

1230

Henr. R. male pugnat in Britan. plures ex magnat. ob. scutag. R. solut.

1231

Ric. Cant. Will. Marefcall. jun. ob. Henr. R. in Marchiam profect. castr. Matild. extruit.

1232

Quadrages. R. solvitur. Hub. de Burg. ad P. accusat. incarcerat. Rad. Com. Cest. ob.

1233

Edm. Arch. Cant. elect. Ric. Marefcall. à R. proscrip. cum fautor. suis. Hugo de Burg. è carcer. elab.



*In Ecclesiam  
se recipiens  
vi extrahi-  
tur.*

commisit eas *Petro de Rivall*, & fecit profternere domos, parcos & gardinos, nemora succidi, vivaria terra injecta repleri, prata arari. In eadem perturbatione *Hubertus de Burgo* ignaris custodibus ejus & Castellanis, nocturno tempore evasit de Castro de *Devissis*, dimissus per cancellos cum mappis & manutergiis agente quodam Armigero suo qui solus de familia sua ei ministravit, & reposuit se in quandam Ecclesiam parochialem contiguam fossato castris, quo mature comperto custodes & castellani violenter extrahentes eum de Ecclesia reposuerunt in Castrum solito gravius compeditum cautius custodientes, sed per Dominum *Robertum* tunc *Sarum* Episcopum, annuentibus cæteris Episcopis Regni immunitatem Ecclesiæ zelantibus, per censuram Ecclesiasticam iterum repositus est in eandem Ecclesiam, ubi à militibus & toto comitatu circumvallatus arctissime custodiebatur, cum vero ibidem aliquamdiu moraretur, quodam die summo mane venerunt illuc *Gilbertus Basset*, & *Richardus Siward*, cum armatorum multitudine copiosa, missi à *Richardo Marefcallo*, invitis custodibus nec contradicere valentibus, sed nec mutire audentibus ipsum *Hubertum* in Ecclesia armaverunt, & equum loricatum ascendere fecerunt, & eo nolente eductum de Ecclesia in manu potenti adduxerunt usque *Austcliffe*, & præparatis ibi navibus, brachium maris quod ibi adjacet transnavigantes ipsum *Hubertum* in Castrum de *Strugoyl*, quod ex alia parte ipsius fluminis situm est in tuto deposuerunt, custodibus qui eos cum toto Comitatu clamore valido usque ad ripam prosequiebantur, cum dedecore & confusione nimia redeuntibus. Mirabilis inundatio aquæ pluvialis æstivo tempore facta est per totam *Angliam*. Anno eodem circa Natale *Richardus Siward* ut Domini sui *Richardi Marefcalli* vindicaret injurias & complicitum fuorum aliquid putans audendum, adjuncta sibi vespilionum turba non modica, multa de Maneriis Comitis *Richardi* & Episcopi *Winton*, igne combusta redegit in cineres, nulli alii præterquam ipsis molestiam inferens vel gravamen.

1234

*Tallagium ci-  
vit. Regia-  
rum per Ang.  
Ric. Marefch.  
in Hibernia  
vulnerat. ob.*

MCCXXXIV.

Rex *Henricus* fecit talliari omnes civitates & Burgos, & maneria sua propria per totam *Angliam*. Anno eodem III. Nonas Aprilis consecratus est *Edmundus Cantuariensis* Archiepiscopus. *Richardus Marefcallus* commissis omnibus terris suis quas habebat in *Anglia* *Huberto de Burgo*, *Gilberto Basset*, & *Richardo Siward* ad defendendum contra infestationem Regis transfretavit in *Hiberniam*, & cum esset in castro suo de *Kildare*, credens se ibidem in tuto posse consistere, ecce *Mauncius* filius *Geroldi*, *Hugo de Lacy* castrum ipsum obsidione concluderant: idem quoque *Richardus* cum esset miles robustissimus verecundum fore decernens obsidione concludi, prævalente audacia egrediens de castro contra obsessores cum adhærente sibi militia potenter instructus. Porro *Mauricius* filius *Geroldi* justiciarius *Hiberniæ*, cum nobilibus supradictis innumerabili bellatorum multitudine congregata de præcepto Regis, ut dicebatur, ut eum vivum caperet, exiit ei obviam, fortuitis eventibus se committens, tandem totum pondus prælii in *Richardum Marefcallum* directum est, in quo post strenuissimam dimicationem obrutus multitudine lethaliter vulneratus, primo duntaxat die Aprilis semivivus relictus, xv. die à die belli morte nimium deploranda decessit. Cito post mortem ejus *Gilbertus* frater ejus Domini Regis se beneplacitis coaptavit, & regi reconciliatus successit fratri in hæreditate & factus est miles & comes die Pentecostes. Reconciliati sunt cum eo *Hubertus de Burgo*, *Gilbertus Basset*, *Richardus Siward*, & restituit ei Dominus rex omnes terras & possessiones eorum, & admisit eos in concilium suum. Amotis de concilio Regis *Petro de Rupibus* Episcopo *Wintoniensi*, *Petro de Rivall*, *Roberto Basselcove*, & *Stephano de Seegrave* tunc Justitiario. *Richardus* quoque *Siward*, quia nullo modo potuit reconciliari Comiti *Richardo* propter damna que ei intulerat; ut ejus ad tempus impetus declinaret, transtulit se ad partes *Scotiæ* fereniora tempora præstolaturus. Obiit *Hugo Herefordensis* Episcopus, successit ei *Radulphus de Madestone*.

*Hugo. Heref.  
Ep. ob.*

MCCXXXV.



MCCXXXV.

Obiit *Hugo de Willelms Lincoln* Episcopus, electus est loco ejus magister *Robertus Grosseteste* consecratus xv. Kal. Julii. *Fredericus* Imperator *Isabella* sororem Domini Regis *Angliæ* duxit uxorem, & facta est Imperatrix. *Henricus* Rex *Angliæ* *Alienoram* filiam Comitis solenniter sibi matrimonio copulavit, & factæ sunt nuptiæ in festo Sanctorum *Fabiani & Sebastiani* tum solennitate inaudita apud *Westmonasterium*, statim & inde discedens circa purificationem venit *Oxon*, ubi regina occurrentibus sibi certatim Magistris & Clericis totius Universitatis cum cereis & lampadibus, summa cum honorificentia suscepta est.

1235

*Hugo Linc.*  
*Ep. ob. Fred.*  
*Imp. soror R.*  
*duxit. Hen.*  
*R. Elean. ducit.*

MCCXXXVI.

Obiit venerabilis *Willielmus de Bley* Wigorniensis Episcopus, electus est loco ipsius magister *Walterus de Cantilupo*, statimque adiit sedem Apostolicam in qua à Domino Papa consecratus est. Obiit *Thomas de Blunnull* Norwicensis Episcopus, successit ei *Willielmus de Bleia*, sed nondum consecratus.

1236

*Will. Wig.*  
*Thom. Norwic. Ep. ob.*

MCCXXXVII.

Beatus *Edmundus Cantuariensis*, orta quadam discordia inter ipsum & Regem profectus est ad curiam Romanam. Anno eodem *Otto* Sancti *Nicolai* in carcere *Tulliano* Diaconus Cardinalis, Apostolicæ sedis Legatus venit in *Angliam*, & cum eo *Walterus de Cantal* Wigorniensis Episcopus. Concessa est Domino Regi tam à Clero quam à populo tricesima totius regni pro confirmatione Magnæ Chartæ libertatum quæ hæcenus male fuerant observatæ, & lata est sententia generalis super omnes qui libertates ipsas postmodo infringere in Aula *Westmonasteriensis* à Legato & omnibus Prælatiis *Angliæ*. Obiit *Richardus Dunelmensis* Episcopus. Legatus celebravit concilium apud *London*, in Ecclesia Sancti *Martini*.

1237

*Otto Legatus*  
*P. in Angl.*  
*venit, & celeb. Concil.*  
*London. Tricesima R. solvitur.*

MCCXXXVIII.

Cum *Otto* Legatus venisset *Oxonium*, & hospitaretur in Monasterio *Dseny*, die Sancti *Gregorii* orta est gravis discordia inter familiares Legati & Clericos Universitatis *Oxon*, eo quod ipsi familiares Clericos ingredienti turpiter & inhoneste repellebant, & brodium calidum de calidariis bullientibus super vestimenta Clericorum projecerunt, & ipsos cum facibus ardentibus gravissime percusserunt, Clerici quoque violentiam inferentibus talionem expenderunt, & sic ventum est ad pugnam, statimque facto clamore per totam villam se armaverunt Clerici properantes *Dseny*, ut tam enormem ulciscerentur injuriam. Interim quoque januis obseratis aditum Clericis præcluserunt, Clerici quoque jactato igne januas incendere nitebantur. Quo comperto Legatus timens pelli suæ ascendit campanarium Ecclesiæ; Clerici qui furia inveci, quorum exterius innumerabilis coacervata fuerat multitudo, coeperunt sagittare cum arcubus & balistis campanarium viriliter impugnantes, unus autem Clericorum projecta sagitta per quoddam foramen quod invenit in valvis portæ, percussit magistrum *Cocorum* consanguineum Legati inter inguinem & umbilicum, qui statim defunctus est, pro cujus morte plures de Clericis capti sunt & incarcerati, sed tandem ex præcepto Regis & assensu Legati liberati sunt. Rex autem qui tunc fuerat *Abbondonia* misit milites & alios quamplures armatos, qui Legatum nocturno tempore de Monasterio educentes transita *Tamesia* deduxerunt *Abbondoniam* ad Regem, & sic agre tamen evasit impetum Clericorum. Anno eodem venit quidam *Ribardus* ad Curiam Regis, qui tunc morabatur apud *Wodestock*, & fingens se stultum aliquantis diebus in Aula Regis inter domesticos jocabatur ad modum morionis, tandem una nocte cum rex paratus cubile suum vellet ascendere, inventus est ille sub lecto Regis latitans in stramine, cultello longissimo volens interficere Regem, captus est & de *Wodestock* usque ad *Oxon* ad caudas equorum tractus ibidem in patibulo suspensus est; deinde compertum est quod missus fuerat à *Willielmo de Mareys*, qui utlagatus erat propter iniquitatem suam, & insula quadam inter *Walliam* & *Cornubiam* quæ *Lunday* di-

1238

*Otto Oxoniae male habitus à scholar.*

*Rex in vitæ discrimen à percussore semorionem simulante aducitur. Pet. Wint. Ep. Alex. Covent. ob.*



citur tunc temporis morabatur, & de præda & rapinis sibi victum propagabat. Anno eodem, rediit Beatus *Edmundus Cantuariensis* Archiepiscopus de Curia Romana in Angliam. Obit *Petrus Wintoniensis* Episcopus, Rex itaque quantum potuit impedivit ne aliquis loco ipsius eligeretur, ut proventus temporalium ipsius Episcopatus sede vacante sibi devolveret. Obit *Alexander Coventrensis* Episcopus, successit ei *Hugo de Botteshull*, vir prudens & discretus, diu tamen postea consecratus ut patebit inferius.

1239

*Alienora R. Edu. peper. Inter Frider. Imp. & P. discord.*

MCCXXXIX.

*Alienora* Regina peperit *Edwardum* filium suum primogenitum apud *Westmonasterium* xv. Kal. Julii, scil. in festo Sancti *Botolphi*. Orta est detestabilis discordia inter *Fredericum* Imperatorem & Dominum *Papam*, eo quod non permisit *Papæ* uti sua proprietate & jurisdictione infra Imperium suum sicut in aliis regnis, propter quod *Papa* & Cardinales decreverunt eum schismaticum & hæreticum, Imperator siquidem sic eos arctavit ut vix audent furrare. Dominus *Edmundus Cantuariensis* Archiepiscopus, electionem factam de *Willielmo de Baleyra* ad Episcopatum *Portwick* confirmavit, ipsiusque *Londoniæ* Kal. Octobris solenniter consecravit.

1240

*R. Comes Corn. crucem sumsit. & in terra sancta captivis redemit. & urbibus instauratis domum redit. Otto Legat. à Frider. milit. capt.*

MCCXL.

*Richardus* Comes *Cornubiæ* die Pentecostes apud *Wallingford* arripuit iter in terram Sanctam, adducens secum pecuniam innumerabilem, & transfretavit cum eo *Baldwinus* comes insulæ, & aliorum Nobilium, & mediocrium regni *Angliæ* turba non modica, veniensque ad *Acon* quæ quondam *Ptolemais* vocabatur, & aliquamdiu commoratus in *Syria*, omnes captivos Christianos de universis mundi partibus quos *Saraceni* diuturno tempore tenuerant captivos data pecunia redemit restituens pristinae libertati; tandem treugis initis cum *Soldano* reædificavit *Afchalonem* & alia castra non pauca, quæ per *Saracenos* solo tenus fuerant complanata. Quibus actis reversurus in *Angliam*, transiens per *Apuliam*, *Siciliam*, & *Calabriam*, ab Imperatore *Frederico* summo cum honore susceptus est, indeque progrediens ad curiam Domini *Papæ* devenit: fane Dominus *Papa* volens sibi gratiam facere specialem, totam pecuniam proveniente de cruce signatam per totam *Angliam* sibi concessit. Anno eodem repatriavit *Otto* Legatus, & quantum potuit per abdita diverticula pertransiens ut Imperatoris *Frederici* declinaret insidias, captus est ab Imperatore, & omni pecunia quam per fas aut nefas adquisierat spoliatus, & carcere mancipatus. Beatus *Edmundus Cantuariensis* Archiepiscopus, circa festum omnium Sanctorum transfretavit in *Galliam*, & veniens *Pontiniacum* coepit ægrotare, progrediens tamen inde usque *Serly* xvi. Kal. Novembris pretiosam resolutus in mortem Deo spiritum reddidit, corpus ejus inde delatum usque *Pontiniacum* honorifice, ut deceuit, traditum est sepulturæ. *Hugo* de *Botteshull* consecratus est in Episcopum *Coventrensem* in octabis Sancti *Johannis* Baptistæ à Sancto *Edmundo* diu antequam transfretaverat. *Petrus* de *Cgeblank* consecratus est in Episcopum *Herefordensem* x. Kal. Januarii.

1241

*Nicol. sit Ep. Dun. Greg. P. & Rog. Lond. Hug. Covent. Gilb. Mares. ob.*

MCCXLI.

Magister *Nicolaus* de *Fauham* consecratus est in Episcopum *Dunelmensem* à *Waltero* de *Grey Eboracensi* Archiepiscopo, Id. Junii apud *Gloucestriam*. Obit *Papa Gregorius*, cui successit *Celestinus*. Obit Sanctus *Rogerus* dictus *Niger* Episcopus *London*, successit ei *Fulco Basset*. Obit *Hugo* de *Botteshull* *Coventrensis* Episcopus, successit ei *Rogerus* de *Wetseham* Decanus *Lincolniensis*. Obit *Gillebertus Marescallus* apud *Ware* v. Kal. Julii, successit ei in hæreditatibus *Walterus Marescallus* frater ejus. Eclipsis solis die Sanctæ *Fidis* virginis.

1242

*Ric. com. corn. red. de terra S Hen. A Walliam subjug. in Vasccon. transfret.*

MCCXLII.

Rediit *Richardus* Comes *Cornubiensis* de terra sancta circa festum Purificationis mense Januarii. Rex *Henricus Walliam* sibi subjugavit, sed facta pace inter ipsum & *David* Principem *Walliæ*, quæ modico tempore duravit, rediit in *Angliam*. Anno eodem Rex *Henricus* cum Regina, adducens secum

*Richardum*



*Richardum* fratrem suum Comitem *Cornubiensem*, arripuit iter in *Vasconiam* cito post Pentecosten & die translationis Sancti *Nicolai* posuit se in mari apud *Portsmuth*, & transiens adiit Regem *Francorum*, & petiit ab eo ut restitueret sibi *Pictaviam* & *Andegaviam*, & alias terras ultramarinas sibi jure hæreditario competentes, quas injuste detinuit occupatas: sed nihil profecit. Neque enim Ducatum *Nomanniæ* in quo jus sibi maturius competebat, reddere dignabatur; processit igitur Rex in *Vasconiam* non modica stipatus comitiva, ibique Regina peperit ei filiam quam vocari fecit *Margareta*. Obiit *Joselinus Bathoniensis* Episcopus.

MCCXLIII.

Rex *Henricus* facta treuga inter ipsum & regem *Francorum*, consumta, ut asolet, innumerabili pecunia reversus est in *Angliam*, & applicuit apud *Portesmuth* circa festum Sancti *Michaelis*, viz. vii. Kal. Octobris. Obiit Papa *Celestinus*, electus est loco ejus *Senebaldus* Cardinalis, & vocatus est *Innocentius* IV. *Richardus* Comes *Cornubiæ* Duxit uxorem *Seuchiam* filiam Comitis *Provinciæ*, sororem Reginæ *Angliæ*. *Willielmus* de *Baleya Norwicensis* Episcopus postulatus est ad sedem *Winton*, cui Rex totis viribus se opposuit, ipse vero quia exulatus, adiit Dominum Papam. Factæ sunt nuptiæ solennes Domini Comitis *Cornubiensis* & *Seuchiæ* Comitissæ apud *Walingford*, in festo Sanctæ *Ceciliæ*. *Bonifacius* amicus Reginæ, frater Domini *Petri* de *Sabaudia* electus est in Archiepiscopum *Cantuariensem*, & statim adiit Dominum Papam confirmandus. Rex pro itinere in *Vasconiam* cepit scutagium, scil. xl. solidos ad scutum.

MCCXLIV.

Die Annunciationis Beatæ *Mariæ*, anno MCCXLIV. incipiente, orta contentione inter Clericos Universitatis & Judæos *Oxon*. Clerici fregerunt domos Judæorum, & bona eorum innumerabilia asportaverunt, propter quæ plures eorum incarcerati sunt: sed per Dominum *Robertum Lincolnensem* Episcopum liberati sunt, quia nullus apparuit qui eos directe convincere posset de crimine felonix. Rediit *Willielmus* de *Baleya* de curia, confirmatus à Papa, & non obstante regis rebellionem affecutus est Episcopatum *Winton*, & reversus solvit interdictum civitatis quod promulgaverat in Cives & Monachos qui prius sibi denegaverant civitatis ingressum. Idem *Willielmus Winton* Episcopus anno eodem consecravit *Rogero* Præcentorem *Sarum* in Episcopum *Bathoniensem* apud *Redinges* iii. Id. Septembris. Consecravit etiam *Fulconem Basslet* in Episcopum *London* apud *London* in festo Sancti *Dionysii*. Regina peperit *Edmundum* xvii. Kal. Februarii filium suum secundo genitum. Anno eodem *Innocentius* Papa, metuens sibi ne opprimeretur à *Frederico* Imperatore sicut prædecessores sui, adductis secum Cardinalibus transferens se de finibus Imperii, montes Alpium transgrediens venit *Lugdunum* super *Rodanum*, ibique diutius morabatur in tuto consistens. *Bonifacius Cantuariensis* adiit Dominum Papam pro gratia confirmationis quam facile obtinuit. Rex *Henricus* arripuit iter usque *Scotiam* ut invaderet Regem *Scotorum*, sed facta per amicos intermedios pace inter eos statim rediit. Cito post Pascha Gwerra *Walliæ* incæpit inter Regem *Angliæ* & *David* Principem *Walliæ*.

MCCXLV.

*David* Princeps *Walliæ* nitebatur impetrare à Domino Papa, ut *Wallia* & Principes ejus in perpetuum à Domino Rege *Angliæ* eximerentur, sed nihil profecit. Quo comperto Rex adiit partes *Walliæ*, & Principem sic arctavit, ut necessitate compulsus fugeret in *Snoudonam*. Successit Regi in adiutorium tanta ficitas æstivalis, ut & paludes & memora montuosa sine impedimento & obice pertransiret. *Robertus Grosseteste* adiit Curiam Romanam Domino Papæ contra Canonicos *Lincolnienses*, & Canonici contra eum, pro visitatione Præbendarum. Fratres juniores *Oxon*, prius in arcto constituti cœperunt dilatare terminos suos, & nova ædificia construere. *Innocentius* Papa, convocatis universis Ecclesiæ Prælatis, celebravit generale Concilium

1243

Treuga R. An.  
cum R. Fran.  
Celest. P. ob.  
R. Com. Coræ.  
Seuchiam ducit Ux. Bonif.  
fit. Arch. Cant.

1244

Scholar. Oxon  
Judæos vexant. Rob.  
de Baleya fit.  
Ep. Wint. invito R. per P.  
Foger. fit Ep. Bath. Fulc.  
Ep. Lond. Edmund.  
Prim. nascitur. Innoc. P. cum Cardin. in Gall. transf-eunt.  
Bon. Cant. adit P. Hen. R. in-val. Scot. Bellum cum Wallis.

1245

Rob. Gross. Ep. Linc. adit curiam Rom. Innoc. P. Lugdun. concil. celeb. ubi Frid. Imp. excom. & Henric. substituitur.



apud *Lugdunum*, in quo sententialiter degradavit Imperatorem *Fredericum*, decernens ipsum finaliter amovendum ab Imperio; ipsumque & omnes fautores ejus excommunicavit, asserens ipsum hæreticum & rebellem Ecclesiæ Romanæ, præcepitque *Colonienſi*, *Treverenſi*, *Moguntienſi*, Archiepiscopis, ut *Henricum* dictum *Langravium Vthuringum*, virum potentissimum & militem strenuissimum eligerent in regem Teutonicorum, quod & factum est. Veruntamen nec ingressum civitatis *Aquisgranensis*, in qua Reges coronari consueverunt, & in throno *Caroli* Magni consistentes ibidem ex consuetudine collocari, nec Coronationis gratiam potuit obtinere. *Fredericus* itaque dominium Regni perpendens, qui etiam decretum Concilii nulli pendens, invito Papa & Cardinalibus, proventibus imperii potenter incubuit, viz. *Italiae*, *Tusciae*, urbis Romanæ, majoris *Campaniæ* & Provinciarum adjacentium: insuper patrimonium suum *Appuliam*, *Siciliam*, *Calabriam* & totam *Africam* nullo sibi resistente possedit in pace quoad vixit. Anno eodem cassata electione *Willielmi* de Monte *Possulano* Monachi *Coventrensis*, Magister *Rogerus* de *Wesham* consecratus est in Episcopum *Coventrensem*. Circa Assumptionem Beatæ *Mariæ* Rex *Angliæ* profectus est versus partes finitimas *Walliæ*, ad invadendum Principem *Walliæ* prævaricatorem pactioſum inter eos initarum, & cœpit ædificare Castrum de *Gannak* & redire circa festum Sancti *Michaelis*, & cepit scutagium per totam *Angliam*, scil. xl. Sol. ad scutum. Rediit *Robertus Lincoln* Episcopus, obtenta pro eo sententia in Curia *Romana* contra Canonicos *Lincoln*, in parte ut dicebatur, & cœpit visitare Canonicos & eorum Præbendas. Fratres prædicatores *Cron*, relicta mansiuncula quam habuerant infra *Judaismum Dron*, in festo omnium Sanctorum. [in suburbia juxta *Grandpont* se transtulerunt] *Innocentius* Papa extorsit vi. Mill. Marc. de viris religiosiſ & Clericis *Angliæ* beneficiatis, exceptis tantummodo *Cluniacensibus*, & de Ordine de *Sempnigh*, *Templariorum*, & *Hospitaliariorum*. Obiit *David* Princeps *Walliæ*.

## MCCXLVI.

1246  
Eccel. Monach.  
de Bello loco,  
dedicat.  
Walt. Carleol.  
fit Monach.  
ord. præd.  
Oxonie Innoc.  
P. benef. Ang.  
pecun. emung.  
Gul. com.  
Holl. à P. lo-  
co Henr. fa-  
ctus, Aquis-  
gran. obsid.  
& capit. Rob.  
Sar. Ep. ob.  
Edm. canoniz.

Dedicata est Ecclesia Monachorum *Belli Loci* xv. Kal. Julii à *Willielmo* de *Balepa Wintonienſi* Episcopo. *Walterus Wandrik Carleol* Episcopus assumfit habitum fratrum prædicatorum apud *Dron*, in festo nativitatis Sancti *Johannis Baptistæ*. *Innocentius* Papa nitebatur extorquere de Clericis *Angliæ* beneficiatis non residentibus medietatem beneficiorum suorum, de studentibus & Dominis suis servientibus tertiam partem; de vendentibus, viceſimam *Silvestrium* de *Cberdon*, quæ aliquando fuit Domini Regis. Domini Regis Cancellarius electus est, & consecratus in Episcopum *Carleol*. Obiit *Henricus Landgravius Vthuringus* qui fuit electus in Regem Romanum, non tamen affecutus munus Coronationis. Quo audito Dominus Papa injunxit tribus Archiepiscopis, ut *Willielmum* Comitem *Holland*, militem strenuum, eligerent in Regem, & ut ei totis viribus adhærent, quod factum est. Et quia Cives *Aquisgranenses* non permisierunt eum ingredi Civitatem *Aquisgranensem* ut Coronationis beneficium obtineret; eoque quod fecissent homagium & fidelitatem Imperatori *Frederico*, à cujus fidelitate nullo modo vellent recedere ipſo superſtite: Papa in odium Imperatoris miſſo quodam Cardinali *Petro Capthia*, Civitatem suppoſuit interdicto, mittens in adjutorium electi omnes cruce signatos qui profecturi fuerant in terram sanctam. Quorum fretus adjutorio, *Willielmus* in Regem electus, & Archiepiscopi supradicti cum his qui electo adhærebant civitatem ipsam obsidione concluserunt, protractaque est obsidio per unum annum integrum & viginti dies, & quanquam impeterentur innumeris obſidentium ad c. Millia hominum, obſeſſi tamen se & Civitatem potentissime defendebant, donec elapſo obſeſſionis termino supradicto, certus ad eos devenit rumor, quod Imperator in fata decesserat, unde tenentes se ab ejus hominio absolutos, Regi *Willielmo* sub honestis conditionibus salvis sibi vita & membris, & omnibus bonis & possessionibus suis, civitatis aditum concesserunt. Rex civitatem ingressus statim se fecit cum solemnitate qua potuit coronari. Fratres prædicatores primo



mo celebraverunt divina in nova Ecclesia sua *Dron*, die Assumptionis Beatae *Mariae*. Obiit venerabilis *Sarum* Episcopus *Robertus*, *Willielmus* de *Eboraco* loco ejus electus est. Sanctus *Edmundus* Canonizatus est. Circa medium Adventum factus est terramotus per totam *Angliam*. x. Kal. Martii Obiit *Robertus* de *Wylkes*. x. Kal. Januarii, Caristia bladi ita, ut *Sema* frumenti venderetur pro xvi. Solidis.

MCCXLVII.

Facta est generalis congregatio omnium magnatum *Angliae*, Episcoporum, Comitum, Baronum coram Domino Rege apud *Dron*, quindena Paschae; quorum consilio & assensu Dominus Rex mutavit monetam suam, quia vetus sic fuit retonsa quod nullius fuit valoris. Rex ibidem fecit celebrari solennem Missam de beato *Edmundo* nuper ante canonizato. Item Caristia magna bladi in *Anglia*, adeo ut *Sama* frumenti venderetur i Marc. & amplius. Translatus est beatus *Edmundus* apud *Pontuniat* v. Id Junii. Consecratus est *Willielmus* de *Eboraco* in Episcopum *Sarum*, ii. Id. Julii a *Fulcone* *London* Episcopo. Obiit *Rogerus Bathoniensis* Episcopus. Prohibitio capiendi monetam retonsam.

MCCXLVIII.

Permittente Domino qui pascit homines & jumenta, facta est ubertas & copia frugum in *Anglia*, adeo ut anni præcedentis incommodum quasi quadam oblivione sepeliretur. Rex prospiciens regnum suum per egestatem pecuniæ desolatum, à fratre suo Comite *Richardo* mutuo accepit non modicam pecuniæ quantitatem, & non solum in majoribus Civitatibus ut assolet, sed & in universis oppidis per regnum fecit cudere & fabricare monetam, & Cambium constituit; unde infra tempus modicum, facta est copia monetæ per totam *Angliam*, concessitque fratri suo Comiti *Richardo* pro beneficio mutui, ut de proventibus Cambii pecunia quam commodavit integraliter solveretur, non solum per pondus sed per numerum; & ut postremum perciperet medietatem Cambii proventuum quam vindicaret; unde non mediocriter ejusdem Comitis accrevit ærarium. Obiit nobilissimus *Willielmus* Comes *Ferrariensis*. Rex *Franciæ* cum militia copiosa, in die Parasceux arripuit iter in terram sanctam, & transito mari Mediterraneo, hiemavit in insula *Cypro*. Magister *Thomas le Waleys* Archidiaconus *Lincoln*, electus est in Episcopum *Menevensensem*, consecratus apud *Cantuariam* vii. Kal. Augusti.

MCCXLIX.

In hyeme facta est tanta temperies aeris & auræ suavitas, ut vulgariter diceretur hyemem in æstatem esse conversam; neque enim nix aut gelu per totam hyemem videbatur ingruere, unde factum est ut in *Anglia* per hyemem abjectis vestibus penulatis; indumentis tenuissimis & æstivalibus se induerent; sed in fine Martii & mense Aprili, & usque ad medium mensis *Maii* tantum frigus inhorruit, ut rejectis sindonibus, vestes duplices resumere cogerentur. *Bonifacius Cantuariensis* Archiepiscopus consecratus à Papa, venit in *Angliam*, installatus in festo omnium Sanctorum. Rex *Franciæ* relicta insula *Cypro*, verno tempore naves ascendens aura sibi feliciter arridente, die veneris proxima post festum Sanctæ Trinitatis applicuit ad *Damiatam* civitatem opulentissimam, & dominica sequente cepit eam, & expulsis *Saracenis* qui eam occupaverant, obtinuit eam in pace. *Nicolaus* de *Sharnham* Episcopus *Dunelmensis* cessit dignitati, resignans Episcopatum; *Walterus* de *Hickham* Decanus *Eboracensis* ad eandem dignitatem est electus circa Pascha; consecratus in festo Sancti *Nicolai* proximo sequente. Frater *Gilbertus* Romanus Prior *Eton*, assumpsit habitum prædicatorum in crastino Sanctæ Trinitatis apud *Dron*. Obiit Rex *Scotiæ* circa nativitatem Sancti *Johannis*. Anno eodem, circa mediam Quadragesimam inventum est quoddam corpus hominis extra muros Sanctæ *Frideswyd Dron* mirabiliter detruncatum, nam abscisso capite, brachiis & cruribus cum tibiis quam artificialiter per juncturas dissociatis à corpore, truncus solus inventus est; membra quidem ipsa cum

I 247

*Parliam. ap. Oxon. ad rem monetariam reformat. Rog. Bath. Ep. ob.*

I 248

*Will. com. Ferrar. ob. Franciæ R. petit terram sanct.*

I 249

*Damiata capitur. Nicol. Dun. Ep. se abdicat. Walt. succed. Scotiæ R. ob.*



cum diligentia quæsitâ tandem inventa sunt quodam funiculo colligata in loco secreto, semota à trunco corporis, caput autem nusquam potuit inveniri.

1250

M C C L.

Rex Franciæ  
à Saracenis  
vincitur, &  
cum dedecore  
domum redit.

Rex Franciæ pro triumpho captionis *Damiatæ* evectus in sublime, instigante eum præsumptione & superbia quæ Gallos indefesse consequitur, relicta civitate in qua tutissime morabatur, aliquid quod tum ad effectum producere non potuit putans audendum, cum audisset *Saracenos* in confinio cujusdam castrî quod *Manfora* dicitur non procul à *Damiata* fixisse tentoria, paucitatem exercitus eorum, qui ab exploratoribus videri poterant, habens contemptui, cum paucis qui cum eo erant irruit supra eos, instructo statim prælio exhibitus est de latibulis *Saracenorum* numerus infinitus, & interfectis Christianis captus est à *Saracenis* Rex *Francorum* die Martis proxima post octabas Paschæ. In ipso prælio morte pretiosa occubuit miles robustissimus, pugil invictissimus *Willielmus Longespæy* qui pugnando usque ad mortem, vivum se captivari non permisit; præeligens mortem pro Christo amplecti, quam se dedere *Saracenis*. Tandem Rex reddita *Saracenis Damiata* & solutis pro redemptione sua & nobilium de regno *Francorum* qui cum eo dederunt se *Saracenis* octo millibus bisannorum *Saracenorum*; terminis statutis liberatus de captivitate, venit *Acon* die veneris proxima ante Pentecosten, populus autem reliquus à maximo usque ad minimum fuerat interfectus in prælio. Rex cum dedecore & confusione & vituperio Christianitatis, regressus est in terram suam. Anno eodem congregatus est & in *Francia* ribaldorum numerus infinitus qui se pastores nuncupabant, & confluebat ad eos de diversis mundi regionibus multitudo quam dinumerare nemo poterat, qui se omnes cruce signari fecerunt ad proficiscendum in terram sanctam, dicentes quod uni ribaldorum qui profanæ multitudinis illius dux & Magister effectus est, divinitus fuit revelatum quod terra sancta per eos fuerat acquirenda; quod nimirum in *Gallicorum* confusionem & ignominiam potissime redundabat. Tandem orta inter eos & scolares *Parisienses* & *Aurleanenses* gravi contentione, interfecta est ribaldorum multitudo non modica: comperto per confessionem magistri eorum & aliorum de comitatu quod erant *Britici*; reliqui dispersi fugiendo vix mortis periculum evaserunt; & sic tota ipsa vesania redacta in nihilum tempore modico conquievit. Frater *Gilbertus Romanus* quondam *Eton*, professus est ordinem prædicatorum apud *Dron* in festum Sancti *Barnabæ*. Obiit *Willielmus* de *Baleya Winton* Episcopus circa festum Sancti *Ægidii*: Dominus *Adimarus* de le frater Domini *Rogeri* ad eandem sedem electus est. Obiit *Fredericus* Imperator circa festum Sanctæ *Luciæ* virginis. Dominus *Philippus* de *Acty* miles quidam appellavit Dominum *Henricum* de *Bathon* Justitiarium Domini Regis de proditiōe & feloniam, & de falso judicio contra eum prolato per ipsum & Collegas suas, *Apello* proposito coram Rege & concilio suo, præfixus est dies coram Rege in Parlamento apud *Windsiores* die Jovis ante cathedram Sancti *Petri*, in quo dictus *Henricus* qui sapientissimus fuerat in legibus *Anglicanis* Respondens in persona propria cassavit Appellationem, quia nec recte nec secundum legem Regni proposita fuerat, nec formata; Rex deposuit eum de officio Justitiariæ, volens eum de potestate sua detrudere, ad missionem: tandem amicorum interveniente subsidio fecit pacem cum Rege pro habenda benevolentia sua, & ne procederet ad inquisitionem, dans ei ccc. Marcas argenti. Circa festum omnium Sanctorum *Innocentius* Papa recessit de *Lugduno*, transferens se ad partes *Transalpinas*. Obiit *Richardus Rossensis* Episcopus, successit ei *Laurentius* de Sancto *Martyrio*. Anno eodem orta est gravis dissensio inter *Bonifacium Cantuariensem* Archiepiscopum & Canonicos Sancti *Pauli London*, eo quod Archiepiscopus vendicabat sibi jus visitandi dictos Canonicos, cumque Archiepiscopus violenter voluisset intrare Ecclesiam Sancti *Pauli* ratione visitationis faciendæ, repulsus est per Canonicos; unde contigit, quod habito conflictu inter partes ante foras Ecclesiæ, quidam de familia

Hen. de Bathon. proditi-  
onis accusatur. Innocent.  
P. in Ital.  
red. Ric. Ross.  
Ep. ob.



familia Archiepiscopi interfecti sunt, nonnulli quoque gravissime vulnerati.

MCCLI.

Circa *Hokeday*<sup>a</sup> sedata est gravissima discordia quæ diu duraverat inter Dominum *Willielmum* de *Cantalupo Wigorn* Episcopum, & Dominum *Willielmum* de bello campo de *Cleiblye*, pro secta Curia quam alternatim uterque ab altero exigebat. Circa idem tempus *Alexander* Rex *Scotorum* coepit occupare terras Regis *Angliae* regno suo finitimas. Quo comperto Rex *Angliae* innumerabili exercitu congregato ad partes se transtulit Boreales, præmittens *Johannem Mansell* tractare de pace; quo mediatore, contracta sunt sponsalia inter Regem *Scotorum* & *Margaretam* filiam Regis *Anglorum*, statimque pace solidata, rediit Rex in *Angliam* & totus exercitus. Monachi de *Weyles* in festo Assumptionis beatæ *Mariæ* primo intraverunt novam Ecclesiam suam, quam Comes *Richardus*, una cum omnibus ædificiis Monasterii, suis sumptibus à fundamentis extruxerat, & in eadem divina celebrare coeperunt. In festo Nativitatis Beatæ *Mariæ* venit Rex *Scotorum* apud *Wodestoke*, ibique initiata prius sponsalia confirmavit. Nonas Novembris dedicata est Ecclesia de *Weyles* cum magna solennitate, præsentibus ibidem Rege *Angliae* & Regina, Comite *Richardo* ejusdem Monasterii Fundatore, & universis regni Comitibus & Baronibus; militum & plebeiorum multitudine numerosa, XIII. Episcopis ipsam Ecclesiam dedicantibus. Taceo de convivio, cujus apparatus vix lingua vel calamus sufficeret explicare. In crastino Natalis Domini *Alexander* Rex *Scotorum* *Margaretam* filiam regis *Angliae* quam prius subarraverant, ut prædictum est, in facie Ecclesiæ solenniter desponsavit, præsentibus apud *Eboracum* celebrationi nuptiarum, totius *Angliae* & *Scotiae* magnatibus, quos dinumerare nemo potuit.

1251  
Alex R. Scot.  
Angl. invad.  
nuptiis cum  
Marg. filia  
Regis Angl.  
pax coalescit.  
Monast. de  
Hales fundat.

MCCLII.

Invaluit calor maximus, & siccitas inaudita per totam *Angliam*, adeo ut à Pascha usque ad autumnum non plueret omnino, sed nec per totum tempus supradictum tenuissima roris consolatio superficiem terræ vel modice madsfecit, unde factum est ut vix per agros, prata, seu pascua herba quælibet crescere videretur. Hoc etiam incommodo prævalente secuta fames valida, mortalitas hominum & jumentorum, & caristia Bladi, penuria frugum, & fructuum.

1252  
Fames in  
Angl.

MCCLIII.

Obiit Sanctus *Richardus Cicestrensis* Episcopus, cito post Pascha, successit ei *Johannes* vir miræ simplicitatis & innocentia. Obiit venerabilis *Robertus Grossteste* *Lincoln* Episcopus, in catalogo Sanctorum merito numerandus, successit ei *Henricus* de *Lexinton*. Obiit *Silvester Harleol* Episcopus, successit *Thomas* de veteri ponte. Orta est gravis dissensio inter Dominum *Ademarum Winton* Electum & Monachos Sancti *Swithuni Winton*, unde factum est ut idem Electus, multos de Monachis capi fecerat & incarcerari; veterem Priorem deposuit & novum substituit. Clerus *Angliae* facta quadam contributione dederunt Papæ *Innocentio* Mille Marcas, ut procuraciones Archiepiscoporum, Episcoporum, Archidiaconorum, quas extorquebant, & subditos taxarent ad certam pecuniæ quantitatem. Idemque Papa decrevit ut Archiepiscopi pro procuracione sua perciperent tantummodo quatuor Marcas, Episcopi xxx. Solidos, Archidiaconi VII. Solidos VI. denarios. Anno eodem circa festum Assumptionis Beatæ *Mariæ* Rex *Henricus* cum exercitu copioso transfretavit in *Vasconiam*, & communi consilio regni sui commisit custodiam totius regni sui *Angliae* fratri suo *Richardo* Comiti *Cornubiensi*, & *Waltero* de *Grey* Archiepiscopo *Eboracensi*. Causa vero transfretationis Domini Regis hæc fuit. Venerant ad Regem in *Angliam* Majores Ducatus *Vasconiae* conquirentes & Regi denunciantes, quod *Simon* de *Monteforti* Comes *Leycestriae* qui fuerat Senescallus *Vasconiae*, Proceres & populum ipsius provinciae per indebitas extorSIONES intolerabiliter opprimebat, & proventus seu commoda fisco

1253  
Ric. Cicest.  
Rob. Grosstest.  
Linc. Silv.  
Caerl. Ep. obiere. R. cum exercit. in Vascon. transfret. Simon de Montefort. rebus nov. stud.

<sup>a</sup> Statim post festum Paschatis.



regio competentia, non Regis sui usibus applicavit. Rex interim super hoc vehementer iratus, deposuit Comitem de administratione Ducatus. Comes itaque amotionis suæ causa tria famosissima & munitissima Castra *Vasconia* (in quibus totum robur provinciae consistere manifestum est) capitalibus inimicis Domini Regis in ultionem depositionis suæ tradidit possidenda, viz. Castrum de *Frunsal*, Castrum de *Renauges*, & Castrum quod dicitur *Rogula* cum adjacentibus oppidis & Burgis, sola duntaxat civitate *Burdegali* Regi, tepide tamen, adhærente. Castrorum occupatores, infidi Proceres, & populum solito gravius oppresserunt misso præsidio castra munientes, seque pro tuendis munitionibus ad conflictus bellicos præparabant; nec permittebant quenquam, quem Rex præficiebat, gerere ducatus administrationem. Unde Rex in portu qui dicitur *Portesmuth* navibus ascensis pelago se committens, prospere velificando devenit *Burdegali*, evocatisque in adiutorium suum de indigenis, & de his quos secum adduxerat bellatorum catervis, castra nequiter occupata obsidione concludens, admotis machinis militariter impugnavit, cepit & obtinuit; infinitam pecuniam coadjutoribus suis ut oportuit dividendo, omnia per totam Provinciam solidavit, strenuissimumque virum Dominum *Stephanum Longespey* substituit totius *Vasconia* Senescallum. Comes quidem *Leycestrie* animo saucius, odium quod in Regem pro amotione sua conceperat per tempus dissimulando, in regno *Francia* morabatur, expectans temporis opportunitatem, quo præmeditata calliditate, depositoriis suis solveret talionem. Dum hæc agerentur in *Vasconia*, Dominus *Edwardus* Regis *Anglia* Primogenitus, qui cum Regina matre sua & Domino *Bonifacio Cantuariensi* Archiepiscopo venerat in *Vasconiam*; processit in *Hispaniam*, & filiam Regis *Hispanici* matrimonio sibi copulavit, & ab eodem Rege cingulum militare suscepit; consummatisque negotiis rediit in *Vasconiam*.

## MCCLIV.

1254  
R. in Angl.  
redit.  
Innocent. P.  
Hug. El. Ep.  
ob.

Rex *Anglia* cum Regina & filio suo supradicto, regrediens per *Franciam* ut in *Angliam* repedaret, applicuit *Doroberniam* tertio die Natalis Domini, viz. in festo Sancti *Johannis* Evangelistæ, occurrentibus sibi ibidem totius regni Magnatibus, ipsumque cum summo gaudio suscipientibus. Obiit *Innocentius* Papa III. successit ei *Alexander* Papa IV. Obiit venerabilis *Hugo Eliensis* Episcopus, quondam Abbas Sancti *Edmundi*; successit ei Magister *Willielmus de Bilkenny* Domini Regis Cancellarius. *Alexander* Papa concessit Domino Regi *Anglia* decimas Ecclesiarum totius *Anglia* per quinquennium.

## MCCLV.

1255  
Walt. de Grey  
Arch. Ebor.  
ob. Sewal.  
succed.

Circa Pascha obiit piissimæ recordationis *Walterus* de *Grey Eboracensis* Archiepiscopus. Electus est loco ejus vir magnificæ prudentiæ Magister *Sewallus* de *Banill*, cujus admissioni Rex assensum suum denegavit; proponens, si quo modo possit, Dominum *Ademarum* fratrem suum *Winton* Electum, ad Archiepiscopatus celsitudinem promovere: sed hoc frustra, quippe Electus *Eboracensis*, missis statim ad Curiam Romanam nunciis, gratiam Domini Papæ sic adeptus est, ut à propriis suffraganeis posset in *Anglia* consecrari, insuper & pallium sibi misit; obtenta hujus gratia consecratus est apud *Eboracum*, Dominica proxima post festum Sanctæ Mariæ Magdalene, circa festum conversionis Sancti *Pauli*. Obiit *Willielmus Eboracensis* Episcopus *Sarisbery*, successit eidem magister *Egidius Rudeport*.

## MCCLVI.

1256  
Roger. Covent.  
Ep. Thom.  
Carleol. Will.  
Eliens. ob.  
Wallenses ter-  
ras in Com.  
Cest. vastant.  
Ric. Com. Cor-  
nub. Elig in  
leg. Roman.

Obiit *Rogerus* de *Walesham Coventrensis* Episcopus, loco ipsius electus est Dominus *Rogerus* de *Went*. Obiit *Willielmus* de *Bilkenny Eliensis* Episcopus, successit ei *Hugo* Prior *Eliensis* Ecclesiæ. Obiit *Thomas Carleol* Episcopus, successit ei *Robertus* de *Champ* Thesaurarius Reginae. *Wallenses* egredientes terminos suos, terras Domini *Edwardi* filii Regis sibi finitimas, in Comitatu *Cestrie* crudelissima depopulatione vastabant; terris Comitum *Gloucestric* nullam omnino molestiam inferentes. Eodem anno, edicto generali prohibitum est, ne viri religiosi quocunque titulo de cætero intrarent terras



de feodo Regis sine licentia Regis. Anno eodem in festo Sancti *Hilarii* electus est *Richardus Comes Cornubiæ* in Regem Romanorum, & ut ad posterum memoria traducatur qualiter electus fuit, & qui sunt electores, inutile non esse decrevimus, sed opportunum rei gestæ seriem interferere. Interfecto Rege *Willielmo*, quem Papa præfici fecit Regno *Alemanniæ* in odium *Frederici* de quo supra anno MCCXLVI. fecimus mentionem, à Frisonibus quos suo proposuerat subjugare Dominio, vacante aliquamdiu regno, missus est ad prædictum Comitem *Richardum* ex parte quorundam de electoribus, vir nobilis & prudens *Johannes de Attenicis*, dicens quod si negotium *Alemanniæ* voluisset assumere, & electoribus super certam pecuniæ summam quam petebant satisfacere, in Regem eligerent, & ei sicut Domino totis viribus adhærerent, cujus persuasione Comes fidem adhibuit & assensum, & misit cum eo in *Alemanniam* nobilem virum *Richardum* Comitem *Gloucestræ*, & Dominum *Joannem Mansell*, tribuens eis plenam potestatem componendi cum Electoribus; recepta de eis securitate quod eum eligerent. Sunt autem septem Principes *Alemanniæ* ad quos potestas eligendi Regem specialiter pertinere dignoscitur, viz. tres Ecclesiastici & quatuor seculares; primus Ecclesiasticorum Archiepiscopus *Maguntii*, secundus Archiepiscopus *Coloniæ*, tertius Archiepiscopus *Treveri*; primus secularium dux *Bavariæ*, secundus Dux *Saxonie*, tertius Dux *Austriæ*, quartus Marchio *Brandenburgiæ*. Pepigerunt igitur nuncii suprascripti cum Principibus, primo cum *Maguntii* Archiepiscopo, ad cujus præminentiam pertinet prima vox in electione, quique tunc temporis vinctus detinebatur in carcere cujusdam potentis illius provincie qui eum paulo ante in bello ceperat, cum quo pro liberatione sua pacem fecerat pro quinque millibus *Marcarum Coloniensium*, viz. quod Comes daret ei VIII. Mil. Marc. *Colonienses*, de quibus v. Millia cederent Captivatori pro liberatione sua, tria Millia residua cederent usibus captivati. Deinde pepigerunt cum *Coloniensi* pro XII. Mill. Marcis *Coloniensibus*, cum Duce *Bavariæ* pro XVIII. Mill. Marcis *Sterlingis*, XII. Solidos pro Marca qualibet computando, cuilibet cæterorum Principum obtulerunt tantummodo VIII. Mill. Marcas *Colonienses*, nec tamen aliquis ipsorum tam modicum dignabatur admittere, petentes singuli XII. Mill. prout Archiepiscopus *Coloniensis* accepit, quia se viliores non reputabant. Præfixo autem die electionem faciendi in festo Sancti *Hilarii* apud *Frankford*, loco scil. electionem faciendi deputato, convenerunt Dux *Bavariæ*, Archiepiscopus *Coloniæ* personaliter, Archiepiscopus *Moguntie* per procuratorem habentem sufficiens mandatum, & eligendi plenariam potestatem, votis itaque concorditer adunatis Dominum *Richardum* Comitem *Cornubiæ* solenniter elegerunt in Regem reliquis quatuor non consentientibus, nec tamen impedire valentibus. Processu quoque temporis Archiepiscopus *Treverensis* solus sine cæterorum consensu, ut electionis negotium impediret, eoque quod XII. Mille Marcas non potuit obtinere sicut Archiepiscopus *Coloniensis*, Regem *Hispaniensem* elegit in Regem Romanum, promittens ex parte Regis *Hispanie* cuilibet trium principum xx. Mille Marcas, qui cum nullo modo volebant in ejus electionem consentire, donec de promissa pecunia fecisset eis plenariam satisfactionem. Rex autem *Hispanie* in tam frivola electione spem ponens & fiduciam, misit solemnes nuncios ad Curiam Domini Papæ pro negotio prætaxato, qui diuturnam in Curia sed inutilem moram facientes, & innumerabilem pecuniam confuentes, in nullo penitus profecerunt, qui etiam domum confusi & vacui recesserunt.

M C C L V I I.

*Richardus* Comes *Cornubiensis* in Regem Romanorum electus, Domino Archiepiscopo *Coloniensi*, Domino *Leodiensi* Episcopo, Domino *Trajectensi* Episcopo, Domino *Florentio* Comite *Holland*, & aliis quamplurimis *Alemanniæ* magnatibus ipsum quærere & *Alemanniam* deducere venientibus, ascensis navibus apud *Pernemuth* penultimo die Aprilis, præpropere velificando quinto die Maii cum XLVIII. magnis navibus & duabus naviculis applicuit in *Hollandiam*

1257  
*Richardus* Comes *Cornubiensis* in Reg. Rom. electus in *Alemanniam* deducitur, & coronatur.



*landiam* ad oppidum quod dicitur *Dordrect*, infra Regnum *Alemannia*, & in festo ascensionis Dominicæ, quod eo anno contigit xvi. Kal. Junii, cum summa solennitate coronatus est, *Conrado* Archiepiscopo *Coloniensi* sibi manus inponente, quippe *Geraldus* Archiepiscopus *Maguntia*, qui ex præminentia suæ debito primam sibi manum imponere tenebatur, auctoritate summi Pontificis excommunicationis vinculo fuerat innodatus, veruntamen in civitate quæ dicitur *Aquisgranum*, ubi ex antiquo more universi Reges coronari consueverunt, præsentia interfuit. Completo solenniter Coronationis officio, Rex regio venustatus Diademate gloriosus effulgens, in throno *Caroli* magni honorifice collocatus, Dominum *Henricum* filium suum militiæ cingulo decoravit. Coronata est cum eo serenissima conjux sua *Senchia*, cujus inæstimabilis pulcritudo solennitatem ipsam non mediocriter illustravit; sequebatur tam solenne convivium, quod iudicio principum & procerum qui personaliter interfuerunt, modernis temporibus comparisonem recipere dedignabatur. Circa idem tempus Obiit *Sewallus Eboracensis* Archiepiscopus, successit ei Magister *Godfrey de Ludham*. Obiit etiam *Walterus Norwicensis* Episcopus, successit ei Magister *Simon de Walton*. Obiit etiam *Willielmus Eron* Episcopus, successit ei Magister *Walterus* Archidiaconus *Surria*. Eodem anno missi sunt à Domino Rege milites multi cum maxima multitudine bellatorum ad partes *Hennerden* ad propulsandos *Wallenses*, qui terras Comitum *Gloucestræ* vastaverunt, quæ minus discrete progredientes ut terras *Wallensium* invaderent, & prædas abducerent, à *Wallensium* multitudine qui de latibulis silvarum & paludibus inopinate profiluerunt circumsepti, habito conflictu quamplures interfecti, paucis eorum evadentibus, occubuerunt. Interfectus est ibidem miles strenuissimus Dominus *Stephanus Kanzan*. Circa festum Sancti *Petri* ad vincula, Rex audito quod *Wallenses* Castrum suum de *Gannok* obsedissent cum exercitu copioso, processit ibidem, quinque Portuensibus per mare venientibus in adiutorium, obsidionem amovit; castrum victualibus munivit, præsidium sufficiens intromisit, & rediit in *Angliam* circa festum sancti *Michaelis*. Decimo die Martii in quo cantatur lætare *Jerusalem*, simul consecrati sunt apud *Cantuariam* à *Bonifacio* Archiepiscopo *Cantuariensi*, *Rogerus Coventrensis*, *Simon Norwicensis*, *Walterus Eron* Episcopi.

*Wallenses tumultuantur.*

1258

*Fames in Anglia.*

*Barones adversus Regem consilia ineunt: & ad Provisiones Oxoniæ adstringunt.*

MCCLVIII.

Invaluit in *Anglia* fames inaudita per defectum frugum, ita quod & homines & jumenta passim prospiceret etiam in via morientes, & intolerabilis caristia bladi. Magnates *Angliæ* prospicientes *Richardum* Regem *Alemanniæ* ab *Anglia* recessisse, qui dum esset in *Anglia* Regem & Regni moderamina gubernaverat, ad cuius nutum universa Regni negotia deperdebant, credentes ipsum in *Angliam* reversurum, decernentes Regem *Angliæ* Regni sui negotiis disponendis inutilem & insufficientem, circa festum Sancti *Barnabæ* congregati sunt *Oxon*, convenientes in unum adversus Dominum & Regem suum, unctum utique Dominum, & inito concilio imprimis potestatem sibi regiminis penitus adimebant, statuantes ut de cætero de majoribus potentioribusque Regni eligerentur xxiv. qui Regem & Regnum solito melius gubernarent, sicque mutaretur perperam ordo juris naturalis, ut Rex qui subditos regere tenebatur à subditis regeretur, & è converso. Et ne posteris lateat forma jurisjurandi quam subditi Regem suum emittere compulerant, quinque articulos continebat. Jurabant quod provisiones *Oxonie* factas per xxiv. inviolabiliter observarent ad honorem Dei, ad honorem Sanctæ matris Ecclesiæ, ad commodum Regis, ad utilitatem totius Regni. Isti quatuor articuli si observati fuissent liciti plurimum & tolerandi fuerunt. Quintus Articulus omnino illicitus fuit & præcipue detestandus, viz. quod si quis dictis provisionibus contraire præsumserit, vel observare recusaverit, hostis publicus haberetur, & ut modicum fermentum totam massam corrumpit, sic iste Articulus totum confudit negotium, cujus occasione totius guerræ & dissensionis materia fuit initium seu fomentum suum. Omnibus enim articulis haud cohibenti-



cohibentibus, sicut ex post facto patebit, in contrarium res lapsa est, statimque fratres Regis, electus **Winton**, *Willielmus de Valencia*, *Galfridus & Guido de Lezignan*, *Petrus de Sabaudia* avunculus Reginae, nec non & omnes ultra mare exulare coacti sunt Barones, & omnes & singulos de familia Regis à maximo usque ad minimum recedere compulerunt, custodes castrorum & civitatum, & quoscunque regis ministros cedere coegerunt, & alios loco eorum substituerunt. Dominum *Hugonem Bigot* constituerunt totius *Angliæ* Justiciarium, Abbatem de *Burgo* qui fuit *Normannus*, Thesaurarium Scaccarii, magistrum *Nicolaum de Hely* Cancellarium. Anno eodem intoxicatus est *Richardus Comes Gloucestriæ & Willielmus de Clare* frater ejus per quendam de militibus Comitis *Walteri de Scoteny* sicut vulgo dicebatur, qui postea apud **Winton**, equis distractus est, & in patibulo suspensus. Ante festum Purificationis beatae *Mariæ*, *Richardus Rex Romanorum* rediens de *Alemannia* in *Angliam* remeare disposuit, cum venisset apud sanctum *Andomarum*, occurrebant ei ex parte Baronum ibidem *Rogerus de Quenti* Comes **Winton**, *Walterus Wiligorn* Episcopus, Abbas Sancti *Edmundi*, Abbas Sancti *Augustini Cantuariæ*, *Johannes Mansell* & alii quamplures, inhibentes eidem ne quo modo in *Angliam* transtretare præsumeret, nisi præstito prius juramento quod provisiones *Oxon* observaret, quibus ille respondit, quod extra regnum *Angliæ* ad hoc *homagium* compelli non debuisset, adjiciensque quam cito venisset in *Angliam* si Dominus Rex *Angliæ* frater suus præciperet ei hujus sacramentum emittere, coram complicibus & comparibus suis faceret quicquid de jure facere debuisset. Nuntii autem tali sponse non contenti responderunt quod ipsum in *Angliam* applicare non permetterent, nisi supradictum prius emitteret jusjurandum. Inhibuerant etiam quod nullus eum sine licentia & consensu Baronum navigio transduceret, comminatisque nautis in portubus, quod omnes qui eum transnavigarent capitis detruncatione punirentur. Habito igitur ibidem super hoc tractatu continue per xi. dies, tandem ad hoc devenit, quod Rex corporale præstiterat juramentum, quod quam cito venisset in *Angliam* Rege sibi injungente in præsentia parium suorum sacramentum ipsum emitteret in forma quam petebant, sicque transfretare permissus est. Cumque venisset *Cantuariam* antequam pranderet, coram Rege & Regni magnatibus qui pene omnes sibi occurrerant sacramentum ipsum publice & solenniter adimplevit. Quinto Kal. Februarii applicuit, & primo die Februarii scil. in vigil. Purificationis intravit **London**, cum gaudio magno, civitate ipsa propter adventum ipsius inæstimabiliter adornata. Anno eodem circa festum Sancti *Clementis* obiit *Johannes filius Galfridi Domini Regis Justiciarii*.

M C C L I X.

Obiit *Fulco Basset London* Episcopus circa festum sancti *Barnabæ*, electus est loco ipsius *Henricus de Wingham*, consecratus apud sanctam *Mariam de Suneck* à Domino *Bonifacio Cantuariensi* Archiepiscopo xv. die Februarii. Die veneris proxima post festum sancti *Martini*, Rex *Henricus* & Regina transfretaverunt in *Franciam*, & Dominus *Richardus de Grævestend Lincoln* Episcopus ad tractandum de pace inter Regem *Angliæ* & Regem *Franciæ* de terris *Normanniæ*, *Pictaviæ*, *Andegaviæ*, quas ipse & prædecessores sui injuste occupaverant & detinuerant in præjudicium Regis *Anglorum*. Demum conventum est, quod Rex *Franciæ* daret Regi *Angliæ* xxv. Millia librarum *Parisiensium* per annum, dum tamen Rex conficeret sibi chartam suam de quietâ clamatione omnium terrarum quas vendicaverat, & etiam exhiberet ei chartas Domini *Edwardi* filii sui, Domini *Richardi* Regis *Alemanniæ*, *Simonis de Montiforte* & hæredum suorum. Comes autem *Leycestriæ* huic paci opposuit, proponens quod processu temporis contingere posset quod eadem terræ simul cum Regno *Angliæ* ad filios suos vel hæredes jure hæreditario descendere possent. Ejus rei causa pax ipsa non fuit effectum, unde contigit ut occasione hujus impedimenti, Rex & Regina in partibus illis inutilem moram trahere co-

1259

*Southwerk.*  
*Fulco Lond.*  
*Ep. ob.*  
*De pace cum*  
*Rege Gallie*  
*frustra tra-*  
*ctatur.*



gerentur usque Pascha proximum sequens, & pecuniam innumerabilem per tantum tempus frustratorie consumebant. Anno eodem *Richardus* Rex *Alemannie* fuit in *Cornubia* in festo Nativitatis Domini.

Rex *Angliæ* circa Pascha, pace inter ipsum & Regem *Francorum* diutius pertractata, nec tamen (ut ex post facto patebit) plenissime solidata, proponens redire in *Angliam* simul cum Regina venit apud sanctum *Andomarum*, ibique suggestum est ei, quod Dominus *Edwardus* primogenitus suus de consilio Baronum & Procerum *Angliæ* (de quibus complures sibi confœderaverant) ambitione regnandi ad patris sui depositionem cæperat aspirare, ita duntaxat ut si veniret in *Angliam* ipsum faceret captivari, & quamdiu viveret in custodia detineri, sibi que patre adhuc superstitite imponeret Regni Diadema, quod falsissimum fuit. Timuit tamen Rex & distulit in *Angliam* remeare. Quo audito, frater suus Rex *Alemannie* congregatis apud *London*, universis Regni Magnatibus fecit fieri Literas suas, quibus una cum sigillo suo sigillum Domini *Edwardi* & omnium Magnatum supradictorum fecit appendi, misitque Regi asscurans eum quod audacter & confidenter nihil sibi metuens veniret in Regnum suum. Quibus acceptis Rex mari se credidit, & circa festum sancti *Georgii* in Regnum suum securus applicuit. Rex *Alemannie* reversurus in *Alemanniam* XIV. Kal. Julii transfretavit, & regno suo visitato iterum nono Kal. Novembris applicuit in *Angliam*. Anno eodem in quindena Sancti *Michaelis*, scil. in festo Sancti *Edwardi*, Dominus Rex *Angliæ* *Johannem* filium & hæredem Comitis *Britannie* (totius *Angliæ* magnatibus apud *London* convocatis) militiæ cingulo solenniter insignivit. Idemque *Johannes* eodem die Dominam *Beatriciam* filiam Regis in uxorem accepit, factæque sunt nuptiæ celeberrimæ apud *Westmonasterium* circa festum Nativitatis Dominicæ. Obiit Dominus *Ademarus Winton* Episcopus apud *Parisijs* in veniendo de Curia consecratus à Papa, quo defuncto electi sunt ad eandem dignitatem duo schismatici, per discordiam eligentium, viz. Prior sancti *Swithuni Winton*, & Abbas de *Tylechepe*. Obiit & *Walterus* de *Byrkam Dunelmensis* Episcopus, successit ei quidam monachus. Post Pascha factum est Parliamentum Baronum apud *London*. Rex itaque perpendens Barones grandia moliri, & aliquid velle machinari contra eum, ingressus est Civitatem *London*, & fecit custodiri portas civitatis, resumitque turrim *London*, expulso *Hugone Despensar*, qui factus fuit justiciarius per ordinationem Baronum; & fecit venire scaccarium suum de *Westmonasterio* ad sanctum *Paulum* in domibus Episcopi *London* in quibus hospitabatur, & coepit proponere plures articulos contra Barones, & rationes prout sibi videbatur satis efficaces, quod non tenebatur observare promissiones *Oxon*. Unde ortum est schisma inter ipsum & proceres, tandem post multas altercationes compromiserunt in arbitrario.

1260

M C C L X.

*Petrus Heref. Episc. contra- hit cum Papa pro Regnis Siciliae Apulie & Calabriae; pro Edmund. fil. R. Ang. secund. Nat.*

Hic quia se præbet occasio, non inutile decrevimus annectendum qualiter & qua occasione *Petrus* de *Cereblank Herefordensis* Episcopus, adiens Curiam Romanam obligavit Regem & Regnum *Angliæ* ad solvendum Domino Papæ centum quinquaginta millia, quingentas & quadraginta Marc. argenti. Hæc itaque fuit causa; mortuo *Frederico* Imperatore quem Dominus Papa in Concilio *Lugdunensi* uti supradictum est, decrevit ab Imperio amovendum, Papa asserens Regnum *Siciliæ*, *Apulie*, & *Calabriæ*, utpote patrimonium *Petri*, ad sanctam sedem Apostolicam pertinere; pro quo tuendo & conservando totam prædictæ pecuniæ quantitatem apposuerat ut dicebat. Obtulit autem ipsum Comiti *Richardo* priusquam Regni *Alemannie* negotium assumsisset, si prædictam pecuniam sibi solvere voluisset. Comes utique præmetiens negotii difficultatem, Regnum ipsum sub ipsis conditionibus admittere recusavit. Papa igitur contulit illud Domino Regi *Angliæ* ad opus Domini *Edmundi* filii sui secundo geniti. Rex autem minus provide negotio se immiscuit, mittens ad Curiam supradictum Episcopum *Herefordensem* pro negotio confirmando, qui Regem & Regnum ad solutionem ipsius pecuniæ obligavit.



obligavit. Imminente postmodum Regni turbatione, Papa prævicens quod nec Regem nec regnicolas ad solutionem ipsam potuit compellere, Rege procurante Clerum sibi contradicere, non valentem proposuit arctare ad ipsius pecuniæ solutionem, petens decimas omnium bonorum Ecclesiasticorum in *Anglia* per quinquennium secundum novam taxationem, non deductis expensis. Item petiit medietatem beneficiorum ecclesiasticorum non residentium. Item petiit de prævilegiatis per dispensationes Apostolicas fructus omnium beneficiorum suorum, unico duntaxat excepto, quod quilibet duceret eligendum. Item petiit de bonis defunctorum per totum Regnum, omnia indistincte Legata. Petiit etiam ex abundanti, quod totus Clerus *Angliæ* tam religiosi quam seculares, ad solutionem supradictæ pecuniæ sedi Apostolicæ se suis literis obligaret, sed cum in omnibus petitionibus proficere non potuisset, monasteria Regni compulsi ut ad ipsam pecuniæ quantitatem solvendam obligarent firmiter se suis literis.

M C C L X I.

Rex *Angliæ* post Pascha resumit castrum suum *Dober*, expellendo Dominum *Hugonem le Bigot*, cui commissæ fuit custodia per Barones, & recedens à prædicto arbitrio, volebat parlamentare post Pascha, sed recessit de *London*, & profectus est *Winton*. Obiit *Alexander* Papa quartus apud *Wytberg*, circa quindenam Paschæ. Rex *Angliæ* in festo Pentecost. apud *Winton*, detulit literas Domini Papæ, & publice ostendit eas Baronibus, quod absolutus fuit à juramento quod præstiterat de providentiis Baronum observandis, tanquam ab illicito, ut puta quod sine consensu & voluntate Domini Papæ & Cardinalium Ecclesiæ Romanæ, cujus vassallus Rex *Angliæ* fore dignoscitur, hujus momenti Sacramentum præstare non potuit, & quia invitatus ut dicebat, Sacramentum præstitit, & ut veraciter asserere potuit. Et deposuit Dominum *Hugonem Despenser*, de officio justiciarii, & fecit Dominum *Basset* Justiciarium, & amovit omnes de familia sua quos Barones apposuerant; & abstulit sigillum suum de Magistro *Nicholao de Ely*, & commisit illud Domino *Waltero de Barton*. Post multas altercationes circa festum sancti *Michaelis* secreto intravit in Civitatem *London*, timens seditionem Baronum, quod recusabant cum eo parlamentare, tandem circa festum sancti *Nicolai* major pars Baronum conveniunt cum Rege, & consenserunt quidam eorum in forma pacis, quibusdam tamen se absentantibus. Consecratus est *Vrbanus* Papa quartus circa decollationem sancti *Johannis*, prius Patriarcha *Jerosolymitanus*. Obiit Domina *Senchia* Romanorum Regina serenissima v. Id. Novembris. Iterum circa festum Purificationis *Mariæ* factum est Parliamentum apud *London*, & posuerunt se Rex & Barones supra determinationem Regis *Franciæ* & Regis *Alemanniæ*.

1261  
Rex Castrum  
Dorub. resumit.  
à Papa  
absolvitur à  
juramento  
Baronibus  
præstito, de  
provisionibus  
Oxonie obser-  
vandis. de-  
posuit Hug.  
le Spencer à  
munere Jus-  
tic. & Nic.  
de Ely à custo-  
dia Sigilli.

M C C L X I I.

In quindenam Paschæ convenerunt Barones apud *London*, tractaturi cum Rege; & post multos tractatus concesserunt quod à pluribus articulis resili-  
rent si quosdam eorum eis confirmaret. Ibi quoque provisum fuit quod de quolibet Comitatu eligerentur ab universitate Comitatus quatuor milites quos scirent, & vellent esse vicecomites, & mitterentur ad Regem *Alemanniæ*, & ipse quem de eis vellet faceret vicecomitem usque festum Sancti *Michaelis*, & quod exinde Rex faceret vicecomitem quem vellet. Item post Pentecosten convenerunt ad innovationem hujus conventionis, sed Comes *Leycestriæ* non consentiens transtulit se ad partes transmarinas. Eodem Anno xi. Kal. Julii Dominus Rex *Alemanniæ* recessit de *London* ad transfretandum tertia vice in *Alemanniam*, & tertia die sequente transfretavit.

1262  
Tractatur  
cum Baroni-  
bus Londini.

Circa medium Augusti transfretavit Rex *Angliæ* in *Franciam* & Regina, & fuerunt in partibus *Franciæ* usque fere Natale, & proxima septimana ante Natale applicuerunt in *Angliam*. Eodem Anno circa festum Sanctæ *Margaretæ*. Obiit *Henricus* de *Wingham* Episcopus *London*, & statim xv. Kal. Septembris electus est Magister *Richardus Talebot*, & obiit tertio vel quarto die ante festum



festum Sancti *Michaelis* non confirmatus, & iterum Id. Novembris electus est Magister *Hugo* de *Sandwyck* in Episcopum *London*. Circa quindenam Sancti *Michaelis* rediit Magister *Johannes* de *Cron* consecratus à Papa in Episcopum *Winton*. Circa festum Sancti *Swithuni* in Julio cassata electione Abbatis de *Tilecepe* & *Andreae* Prioris *Winton*, quem dictus Dominus *Winton* deposuit de Prioratu, cepit, & captivavit circa Natale.

Rex Alem.  
redit in Ang.

Rediit Dominus *Alemannie* tertio in *Angliam*, & applicuit in *Angliam* iv. Id. Februarii. Eodem anno obiit *Johannes Cicestrensis* Episcopus, electus est Magister *Stephanus*, & consecratus dominica proxima ante festum Sancti *Michaelis*. Eodem anno post Natale obiit magister *Aegidius* de *Brideport* Episcopus *Sarisburiensis*, & electus est in Episcopum *Sarisburiensem* Dominus *Walterus* de *Labile*.

1263

MCCCLXIII.

Princeps Edu.  
in Walliam  
pergit adver-  
sus Leweli-  
num.

Dominus *Edwardus* Regis *Angliæ* primogenitus arripuit iter versus partes *Marchiæ* contra *Lewelinum*, ad invadendum ipsum ante festum Pentecostes, & facta treuga statini rediit.

Capitulum generale fratrum prædicatorum apud *London*, in festo Pentecostes ubi multi nobiles *Angliæ* convenerant, & die Sanctæ Trinitatis consecrati sunt *Hugo* de *Sandwyck* *London*, & Dominus *Walterus* de *Labile* *Sarum* Episcopus apud *Cantuariam*. Comes *Leycestrie* accersitus à Baronibus clanculo de *Gallia* rediit in *Angliam*.

Rex à Baro-  
nibus perjurii  
arguitur.

In ipsa congregatione magnatum quæ facta est *London*, in festo Pentecostes, Comes *Leycestrie* & multi alii murmuraverunt adversus Regem *Angliæ*, Dominam Reginam, & Dominum *Edwardum*, dicentes eos perjurium incurrisse, nisi providentias *Dron* observarent, & quia omnis caro prona ad malum, juniores *Angliæ* primis scilicet *Angliæ* nobilibus, viz. *H. de Hastings*, *Joanni* filio *Joannis*, *Johannes* de *Wessi*, *Guido Luor*, & *Franciscum* de *Segrade*, *A. de veteri ponte*, *W. de Munchanesy* quos vere & autonomatice primos nominare possumus, qui tanquam cera liquefcens ductiles ad quamlibet formam cum quibusdam Baronibus, qui non zelo Justitiæ, sed aviditate lucri temporalis commovebantur, convenerunt in unum adversus Dominum & adversus Christum ejus, scil. adversus Regem *Angliæ*, convocantes omnes Regni Nobiles in adjutorium suum, ut vel venirent degeneres Incolæ Regem proprium in ultimis vitæ suæ temporibus depressuri, vel juxta detestabilia statuta *Dron*, quasi capitales inimici eorum corporum & possessionum discrimine punirentur. Itaque cunctis fere Regni Nobilibus de improvviso undequaque confluentibus, quibusdam pro simplicitate conjicientibus pium esse negotium, alii pro timore subeundi periculum rerum & corporum, nonnulli vero causa lucri detestabilis, ut vacuos & infatiables cupiditatis suæ loculos nefandis deprædationibus cumularent, congregaverunt exercitum copiosum, initia præliorum suorum perpetuo maculantes opprobrio, nempe venerabilem patrem *Petrum Herefordensem* Episcopum, spreta reverentia ordinis & personæ, captivatum vinculis manciparunt, contemnentes illud prophetiæ prohibitionis elogium, Nolite tangere Christos meos. Quanquam enim Dominus gerendo negotium Domini *Edmundi* filii Regis *Angliæ*, cui Dominus Papa contulerat Regnum *Apuliæ* & *Siciliæ* damnosus extiterat toti Regno, præsertim cum prætextu ipsius negotii universi Regni ipsius Incolæ tam seculares quam Ecclesiasticæ personæ, intolerabili contributione super eos imposita exhaurirentur; non tamen licuit eis mittere manum in dictum Dominum. Statimque in tantam proterviam furor inanis exarsit; ut castra, Civitates, & oppida totius Regni, quæ Regis dominio jure vetustissimo, nec non hæreditario censebantur, suo prorsus dominio subjicerent, abjudicantes non solum Alienigenas, sed & alios quamplures tam innocentes quam reos à Regno; & eorum detestabile decretum executioni quamcitiùs demandantes, diripientes bona & possessiones exulum & rebellium, vastantes prædia, passim mobilia vili pretio venundantes præcipue bona dominæ Reginæ quam



quam videbant manifestis indiciis à statutis *Dron*, seu provisionibus animo resilire. Et quia *Simoni de Walton*, tunc *Norwich* Episcopo, & *Joanni Mansell* tunc summo Regis Cancellario commissa fuerat per Dominum Papam, ut præactum est, potestas absolvendi Regem & omnes alios ab illicito juramento quod fecerant *Dron*, quod quidem Dominus Papa tanquam illegitimum reprobavit penitus & cassavit; nec non ut omnes rebelles & volentes absolvi excommunicationis vinculo innodarent, omnia mobilia eorum bona ubicunque inveniri poterant, ausu nefario diripiebant; intenta eis morte, si ulterius commissam sibi potestatem præsumerent exercere.

Comes igitur *Leycestriae*; qui per Barones de partibus *Galliae* fuerat accersitus congregavit copiosum exercitum, augmentando vires suas ut Dominum Regem, *Edwardum*, & fautores ejus arctaret ad supradictas providentias observandas; & cubabat in castris, in parco *Istewich* usque ad assumptionem beatæ virginis, tandem Dominum Regem & filium suum usque adeo coarctavit quod ceperunt Parliamentum apud *London* in Nativitate beatæ Virginis per tres dies tantummodo duraturum.

*Simon de monte forti.*  
*Comes Leicestriae exercitu Regem coarctat.*

Interim Domina Regina in turri *London* commorante, cum quodam die nescio quid actura usque *Westmonasterium* navigio cuperet se transferre, cum remigando appropinquaret ponti *London*, ecce infinitus numerus *London*, nescio quibus instigationibus animati conviciantes eidem, & secus quam tantæ nobilitatis Dominæ congrueret procacia, convitiis mentiendo miscebant; non erubescences Dominam suam meretricem & adulteram multoties repetitis vocibus nuncupare, quinetiam, quod auditu horribile fuit, ipsam coeperunt lapidibus obruere, cœno sordido, fractis ovis, & omnium genere quod excogitare poterant vilipendere. *Johannes* quoque *Mansel* bonis omnibus spoliatus nocturno tempore clam recedens ad partes se transtulit transmari-  
*Anglicum* solum ulterius non visurus. Regina disponente quam cito posset ad mortificationem tantæ ignominiae partes visere *Gallicanas*, adveniente igitur tempore Parliamenti convenit *London* innumerabilis populi multitudo, & Rex modica vel pene nulla stipatus militia, cum cæteris venit ibidem. Credebatur ibidem consummatura totius negotii decisio, sed hoc frustra, nondum enim finis, Comes quippe *Leicestriae* omni pene nobilium Regni caterva obnixius erexit sibi cornua superbiae, moliendo grandia, cogitando sublimia, nec permisit ejus improbitas ut aliquatenus flecteretur ad pacem. Rupto quidem tanquam per discordiam Parlamento, Rex cum Regina nescio cujus rei causa, ad partes se transtulit *Gallicanas* circa Octabas Nativitatis beatæ Virginis supradictæ, & relicta ibidem Regina cum forore sua illustrissima *Francorum* Regina, repatriavit in *Angliam* statim post festum beati *Michaelis* Archangeli, ut solemnitatem beati *Edmundi*, quem præcipue venerabatur post *Christum*, prout singulis annis consueverat, devotissime celebraret, quod & factum est.

*Regina à plebe Londine pessime habetur.*

In ipso tunc Parlamento, quod expleta tanta solemnitate Rex tenuit cum Magnatibus, pertractare curabat, ut honestis conditionibus utrobique concessis, per pacem & concordiam Regni nobilibus indissolubili fœdere neceretur. Dominus *Edwardus* videns quod Comes Complicium suorum veritate subnixus, ad amplectendam pacem inflexibilis permaneret, caute prospiciens & præcavens in futurum, ne quod patri suo factum fuerat eo mortuo trahetur in Consequentiam, callidis allectionibus adjunxit sibi Dominum *Johannem Basset* & omnes Marchienses, Comitem *Marescall*, & quamplures de nobilibus Regni, convocans eos in adjutorium suum, ut impetus Comitis quos contra ipsum moliebatur sua virtute reprimerent, vel saltem frenarent audacem. Habito igitur concilio, Rex cum fratre suo Romanorum Rege serenissimo, Comite *Marescall*, & cum omnibus quos *Edwardus* sibi conjunxerat, arripuit iter usque *Doroverniam*, ut castrum *Dovosie*, quod non immerito clavis dicitur, repeteret ab his quibus per Comitem & Barones fuerat commendatum, æstimans sibi potentiae suæ plurimum deprimere, nisi munitionem illam tutissi-

*Princeps quidam ex Baronibus in partes suas pertrahit.*



nam rehaberet, veruntamen hi qui castri custodiam obtinebant id Regi restituere præcisis vocibus recusabant. Rex itaque cum suis corde saucius statim usque partes *London* vacuus repedabat.

Interim fautoribus suis undequaque convocatis, Comes *Leycestrie* Civitatem *London*, faventibus sibi quibusdam licet paucis civibus, quorum præcipui fuerant *Thomas* filius *Richardi* Major urbis, *Thomas de Wyntedon*, *Mattheus Wukerel*, & *Michael Tony*, quibus annexa fuerat innumera multitudo Ribaldorum quos bachilarios vocitabant, impediens occupavit, seniores urbis & sapientibus reclamantibus & contradicentibus, sed impedire non valentibus, quod postea toti communitati cessit in damnum. Ex hac igitur protervia per universum Regnum *Angliæ* consuetudo detestabilis inolevit, quod in omnibus pene civitatibus & burgis fieret conjuratio, Ribaldorum qui se bachilarios publice proclamabant, & majores urbium & burgorum violentis ausibus opprimebant; quamobrem per totum Regnum elanguit rigor legis, fas quoque & nefas paribus passibus ambulant, unde Regno nostro convenienter competeat, ut terræ cujus Rex puer est, & cujus Principes mane comedent. Cum igitur Rex rediret de *Dobor*, & appropinquavit *London* Comes & cives sibi & filio suo petitum ultra Civitatis *London* denegabant ingressum.

Ex compromisso Rex Franciæ arbitri factus, ad lites inter Regem & Barones finendas.

Habitis quoque frequenter tractatibus inter partes, circa festum Nativitatis Dominicæ, Rex & universi complices sui & fautores, Comes cum universis sibi cohærentibus, Rex *Romanorum*, Dominus *Edwardus*, Comites, Barones, Milites, Archiepiscopi, Episcopi, universi Ecclesiarum prælati, imo generaliter Clerus & populus unanimi assensu compromittebant in Regem *Franciæ* supra omnibus contentionibus ortis inter Regem & Proceres suos occasione provisionum *Oxon*, quod quicquid supra dictis provisionibus & statutis seu contentionibus ordinaret & statueret, de uno & altero nulla prorsus exceptione facta, utraque pars inviolabiliter observaret. Et ut nullus esset liber à crimine perjurii vel prævaricatione promissorum, omnes & singuli compromissum supradictum sigillorum suorum munimine roborabant. nec non tactis sacrosanctis evangelis personaliter juraverunt, quod ab ordinatione vel arbitrio prætextato nullatenus resilirent, dum tamen Rex super hoc circa Pascha diceret dictum suum. Rex autem tertio die Nativitatis transtulit se usque *Franciam*, ut arbitrio supradicto personaliter interesset. Barones quoque Dominum Ad. de *Novo Mercato*, & Dominum *Willielmum* de *Blund*, & paucos alios loco omnium pro eodem negotio in *Galliam* trans mittebant. Porro Rex *Francorum* impiger ad prolationem arbitrii, ut partes celeriter remitteret expeditas, vicesimo die Natalis forte minus sapienter & inutiliter quam deceret, eruptione siquidem improvisa suum præcipitavit arbitrium, ipsumque autoritate Apostolica roboravit, Regemque *Angliæ* judicialiter pristina potestati restituit, provisiones *Oxon*, seu statuta abrogavit penitus & cassavit, decernens quod Rex Justitiarium, Cancellarium, Thesaurarium, vicecomites, Balivos, Conciliarios, & ministros sibi eligeret quoscunque vellet. Rex quoque reversus ad propria, quanta ad hoc fuerat lætitia circumfusus, tanto Barones mœstiores reddidit & confusos, quique & prævaricatores præstiti juramenti non solum erubescabant ab arbitrio memorato recedere, verum etiam Regem iterato impetere, & consueto debacchationis genere conglobatis viribus depopulare provincias, & adversarios suos solito frequentius infestare.

Parliamentum Procerum Oxoniæ.

Rex vero circa principium Quadragesimæ secessit *Oxon*, convocatis Magnatibus quibus inhonestum videbatur ab ejus fidelitate recedere, tractabat cum eis qualiter posset ab adversariis se defendere, vel condignam de prævaricatoribus capere ultionem. Regii vero Proceres combustoribus domorum suarum quibus poterant nitebantur rependere talionem.

Interim Comes *London* totus incubans adjunxit sibi quotquot poterat, & *Gilbertum* Comitem *Gloucestræ* novitium, instigante matre sua, blanditiis allectum, qui prius Regi devotus extiterat resilire coegit, & de fidei reddit infidelem.



Nec tamen prætermittendum esse cenſeo quod ad notitiã ſive beneficium poſteriorum poteſt tranſmitti, qualiter *Londonenſes* temere veſaniæ ſuæ principiis agitati prima die Lunæ Quadrageſimæ anni ſupradicti, ſereniſſimum Romanum Regem, qui Communitatis ejuſdem præcipuus conſuevit eſſe protector, & contra Domini Regis *Angliæ* motus involuntarios pro eis præponeret gerere clypeum deſenſionis, contra documentum Evangelicum, mali retributione beneficia compenſantes, cœperunt impetere. Quippe duce *Henrico Diſpenſario* quem Barones Juſticiarium vocitabant, eique cuſtodiam turris *London*, propria voluntate commiſerant, furioſæ catervæ *London*, quas dinumerare nemo poterat exeuntes diluculo ex paucis vexillis uſque *Itcewyth* manerium Domini Romanorum Regis recto tramite procedebant, ipſumque manerium quod foſſato & palo circumcinxerat cum ſuis ædificiis ſuccendebant, univerſa mobilia quæ ibidem inveniri poterant ſcleratis auſibus diripientes ſuis uſibus applicabant. Stagnum quoddam quod Rex præſumptuoſo opere fecerat præparari, conſracto capite quod aquæ meatum potiſſime retardabat, non ſolum aqua ſed piſcibus vacuabant, & reverſi *London*, cum gaudio ſicut qui lætantur cum malefaciunt & exultant in rebus peſſimis. Tanto ſcelere non contenti manſionem ejuſdem Regis quæ in Suburbio *London*, prope *Westmonaſterium* ſita fuerat, ſolo tenus diruebant, non relinquentes lapidem ſuper lapidem quem ſibi neceſſarium decreviſſent, eradicantes virgulta, lateres ſeu tegulas & lapides univerſos qui prodeſſe poterant turribus abducentes, & furore ſimili debacchantes univerſorum maneria, qui Domino Regi fideliter adhærebant, ſeu quolibet officii genere miniſtrabant, funditus concremabant, præcipue terras Domini *Willielmi de Valentia* germani Domini Regis, quem ſine ratione inter Alienigenas computabant. In quo rem memorabilem contigiffe recordor, quam ſilentio præterire non poſſum, porro enim manerium Domini *Walteri de Morton* prope *London*, quod ad Præbendam ſuam Sancti *Pauli London*, jure vetuſtiſſimo competebat, pro eo quod Cancellarii fungebatur officio, deripere intenderent, inter cætera ædificia quæ nitebantur effringere, quandam capellam in honorem Sancti *Cuthberti* pontificis vetuſtiſſime fabricatam proſtraverunt, veruntamen trabes maxima ultione divina ex improviſo corruens quatuor ex dirutoribus interfecit.

Inter cætera ſane ſilendum non arbitror excidium Judæorum, quod eo tempore fuerat *London* perpetratum. Porro cum hi qui *London* morabantur neceſſariis indigerent expenſis, præſertim cum eis ad ſuſtentationem tantæ familiæ propria ſufficere non valerent, alienis opibus penuriam ſuam glorioſum redimere duxerunt. Irruentes igitur in Judæos motibus improviſis, quorum maxima multitudo civitati *London* fiducialiter incubabat, credens ſibi diſpendia minime proventura, non zelo legis ſed cupiditate commodi temporalis allekti, quotquot in urbe poterant inveniri, humanitatis quidem & pietatis immemores, crudeliſſime trucidabant, ætati vel ſexui non parcentes; inaudita prorſus homicidia perpetrantes, nempe juvenes cum ſenioribus, lactantem cum homine ſene, pueros vagientes pendentes ad ubera matrum nondum ablactatos à lacte, nec avuſſos ab uberibus inhumaniter jugulabant, quadringentis ferme Judæis utriuſque conditionis & ſexus nequiter interfectis. Et licet fidei noſtræ charactere inſigniti non eſſent, inhumanum videbatur & impium eos interficere ſine cauſa, cum Sacros Canones contingat eos pro ſola humanitate fovere; & etiam quod ad imaginem Dei creati ſunt, & quia, ut inquit Propheta, Reliquiæ eorum in fine ſæculi ſalvabuntur; nec aliquis eorum poterat evitare periculum, niſi qui vitam ſuam pecunia redimeret infinita, vel hi qui ſicte ſacri baptiſmatis ſinctionem recipere voluerunt, qui pene omnes poſtea ceſſante veſania ad priſtinam redierunt incredulitatem, abnegando Chriſtianitatem, eo ipſo pejores effecti, ut & in peccatis viverent, & Apoſtatæ morerentur. Inter ipſos impietatis autores præcipuus extitit *Johannes filius Johannis*, qui ſamoliſſimum civitatis

*In Judæos  
graſſantur.*



Judæum *Isak* filium *Abraham* propriis manibus interfecit, opesque ipsius (quibus omnes Judæos *Angliæ* videbatur excedere, & fere etiam omnes alios) thesauris propriis applicabat; de quibus postea Comiti *Leycestriæ*, licet invitatus, non modicam tribuit portionem, ut neuter eorum à scelere rapinæ & homicidii foret immunis. Nec quatenus æstimari poterit, quantum occasione tanti sceleris deperiit, præsertim cum Judæi non tantum tallagiis, sed & placitis, donariis, eschaectis, & exeniis ærarium Domini Regis confueverunt multipliciter augmentare. Expositis igitur casibus prælibatis annum Domini *LXIII.* percurramus; & ad quartum, prout possumus, stilum convertamus.

## M C C L X I V.

Anno Regni Regis *Henrici* *XLVIII.* Non. Aprilis, viz. die Sab. in vigil. passionis, eo scil. die quo universa per orbem Ecclesia incipit canere vexilla Regis, prodeunt Rex *Angliæ* cum fratre suo Rege *Alemanniæ*, cum Domino *Edwardo* filio suo, & militia copiosa veniens de Parlamento *Dron* in quo primus ille Rex *Anglorum* à multis retroactis temporibus civitatem *Dron*, audacter intrayerat, ipse illa veteri superstitione quæ vulgariter dicebatur, quod beata virgo *Fredeswytha* suis precibus obtinuerat, adeo quod nullus unquam Rex oppidum supradictum sine discrimine corporis posset intrare. Audito quod maxima pars Baronum quæ à Rege desciverat oppidum *Northampton* cum castro adjacente violentis ausibus occupasset, ut vel ibidem contra Dominum Regem & fautores suos quos perpauçissimos reputabant possent aliquamdiu se tueri, vel oportunitatem temporis expectare, quo viribus suis undique coactis ad Capitaneum suum Comitem *Leycestriæ*, qui *Londoniis* quam scelesti præsumptionis genere prius occupaverat, totus incubuit; se transferrent. Rex Domini *Edwardi* primogeniti sui strenua fretus audaciâ, ac aliorum sibi cohærentium probitate subnixus, audacter irruit super oppidum *Northampton*, quam Proceres supradicti primo, frustra tamen defendere sunt conati, quorum dux præcipuus erat *Symon* de *Monte forti* dictus, junior filius Comitis *Leycestriæ* jam recenter novo militiæ cingulo decoratus, pristinæ tamen præsumptionis non tepidus æmulator.

Cumque Proceres Regii satis mane, qui orto jam sole oppidum supradictum cœpissent viriliter impugnare, partem muri quam cingebant solo tenus præcipitassent, ut sic sibi denegatum suis viribus aperirent ingressum. Dictus *Symon* equo spumifero loricatus incedens, ut volentes ingredi potenter repelleret minus sapienter profiliit ad aperturam muri, veruntamen equus cui infedebat immemor salutis Domini sui, freni retinacula parvi pendens stimulis vehementer agitato invitum sessorem portans ad fracturam in foveam præcipitari coegit, at exercitus non desides insignem captivum fere illæsum extrahentes de fovea, Domino *Edwardo* qui interfectioni ipsius potenter se opposuit non sine lætitia reddiderunt. Quo facto cæteri obfessi de defensione sua vel oppidi nihil amplius cogitantes, animo consternati sic facti sunt immobiles, ut post hoc contra insultantes resistere non curarent. Rex vero cum civitatem pompaticè intravit, & omnes nobiles quos in ea invenit, justissimæ captivationis loris astrinxit. Sed Dominus *Petrus* de *Monteforti* cum paucis castrum ingressus est, frustra credens in eo contra tantam multitudinem se tueri; quippe Regia comitiva inclusos ita potenter cœpit urgere, quod statim secundo die voluntati Regiæ cedere sunt coacti. Ibidem ea vice usque ad centum milites & amplius capiuntur, de quibus captus est famosissimus Dominus *Ad.* de *Novo mercato*, *Willielmus* de *Furneball*, nobilium quoque qui nondum militis cingulo fuerant insigniti captus est numerus infinitus. Regii quoque proceres supradicta potiti victoria, præda onusti & spoliis captivorum locupletati, ut cupiditatis suæ marsupia satiarent ad plenum, nec locis sacris nec ordinibus differentes, quicquid in civitate vel in Ecclesiis vel extra poterat inveniri, nefariis ausibus abradentes, suis usibus applicarunt, initia præliorum suorum inexpiabili nævo sacrilegii maculantes, id ipsum brevissimo interlabente tempore fortuna retrogradienda perdituri;

nec

1264

Rex Nor-  
thamptonia  
Barones pro-  
fligat; & op-  
pidum diripi-  
pit.



nec immerito, quippe de villa florentissima miserrimam reliquerunt, & bonis omnibus vacuatam.

Rex itaque prosperis successibus animatus secessit inde *Leycestriam*, quam Reges temporibus retroactis respicere non audebant, cum veteris derisione superstitionis ipse intravit, processurus usque *Notingham* ad repetendum munitionem illam tutissimam, quæ nec minus naturæ quam artis beneficio solidata in Regno *Angliæ* parem nescit. *Willielmus* quoque *Bardulf* vir strenuus & fidelis, cui Barones castrum illud inconsulte commiserant, id sano ductus concilio advenienti Regi protinus resignavit.

*Rex Leice-*  
*striam & No-*  
*tinghamum*  
*recipit & Ca-*  
*strum Rossen-*  
*se obsidione*  
*liberat.*

Cum vero Rex apud *Notingham* cum nobilibus qui ab eo recedere recusabant festa Paschalia celebraret, nunciatum est ei quod Comes *Leycestriæ* iracundia vehementer accensus, in ultionem captivationis filii & complicitum suorum, quam non vindicare vel impunitam relinquere duxit inglorium, adjuncta sibi civium *Londoniensium* turba non modica in septimana, quæ vulgo pænosa dicitur pro eo quod universalis Ecclesia in memoriam passionis Dominiæ solito ferventius sacris operibus insudare, & peccata commissa pænis corporalibus expiare consueverunt; spreta sacri temporis reverentia, nobilissimum virum Comitem *Waremiæ* in castro *Roucestriæ* (quod Dominus Rex sibi custodiendum commiserat) obsidione concluserat, & obsessos in festo parasceves & sabbato sancto, admotis machinis & balistarum jaculis viriliter insultarat, adeo ut obtento per potentiam vallo exteriori ipsos in turris angustia coarctaret. At conclusi necessitatem vertentes in alacritatem, obsessores pro viribus propulsabant, & turris se beneficio, quæ inexpugnabilis fuerat, muniebant; Domini Regis citissimum præstolantes adventum. Quo audito Dominus Rex impiger ad eorum liberationem celeriter faciendam transvolando provincias, noctes fere ducens insomnes, cum exercitu copioso infra quinque dies de *Notingham* usque *Rossam* pervenit. Cujus adventu prius cognito, Comes cum suis turmis intempestæ noctis silentio latenter recedens, in civitatem *London* iterum se recepit, paucis peditibus in *Rossa* relictis ad victimam, quos obsessi comperta obsessorum fuga exeuntes diluculo manibus & pedibus mutilarunt.

Fugientibus itaque *Londoniarum* turmis, Rex quasi glorians de triumpho, meridionales *Angliæ* partes maritimas (quæ vulgo quinque portus appellantur) nescio quorum ductus consilio visitavit, ut Portuenses amore alliceret, vel timore compelleret ad invadendum *Londonienses* classe piratica, vel ut saltem suis viribus interdicerent com meatum, ne congregatæ multitudini victualia necessaria navigio veherentur. Veruntamen provincias *Surriæ* & *Cantiæ* montuosas libere transire exercitus Regius non poterat, dum *Wallenses* sagittarii jactis eminus jaculis in maris angustiiis ipsos fortiter impedirent, sed inermes sagittarii dum frustra loricatos invaderent, ultione condigna Regiis viribus comprehensi amputatione caputum sunt puniti. Cum igitur Rex cum innumerabili exercitu in provincia illa sterili moraretur, deficientibus victualibus, multitudo non modica famis inedia tabescebant; rugiebant jumenta, & passim per defectum pabuli defecerunt. Quo comperto Comes *Leycestriæ* glorians in virtute sua, congregata Baronum multitudine copiosa, *Londoniensium* innumerabili agmine circumcinctus, quia legitur stultorum infinitus est numerus, aliquid putans audendum, Regem & suos non minus arte quam viribus duxerat impetendos, & se cum suis copiis versus *Lewense* Coenobium (ubi Rex eo tempore morabatur) festinatis gressibus transferebat, & prope Regis exercitum, qui VII. vel octo milliaria distabat, castra fixit; terribili comminatione Regi denuncians, ut vel providentias faceret observari, vel statim ei occurreret fortuita belli discrimina subiturus. Taceo quod serenissimum Regem *Alemanniæ* nuntiis intermediis implorabat, quod Regem *Angliæ* fratrem suum efficaciter curaret inducere, ut quandam pacis formam quam sibi ipse formaverat dignaretur amplecti; promittens eadem marcarum Millia quinquaginta, si ea pro suæ voluntatis libito faceret

*Rex portus*  
*Regni orient-*  
*ales invist.*



confirmari. Sane Rex memoratus prospiciens & perpendens Regis *Angliæ*, fratris sui, & hæredum suorum manifestam exhæredationem, & potentiae suæ depressionem efficaciter imminere, ipsam ultro admittere recusavit.

Rex apud  
Lewis in a-  
gro *Sussexiæ*,  
male pugnat  
& cum fratre  
& filio capi-  
tur.

Rex quidem *Angliæ* confidens in multitudine complicitum suorum, & paucitatem partis adversæ habens contemptui, æstimans eos adversus ipsum nihil aufuros, universos & singulos minus sano fretus consilio, ejus & fratris sui Regis *Alemanniæ* homagiis diffidavit, unde Comes & sui complices indignati, Domino Regi fidelitatem qua sibi tenebantur abnegarunt, nec sua profus homagia reddiderunt. Et pridie Id. Maii xiv. die, viz. ejusdem mensis, die Mercurii ejusdem mensis proxima ante festum Sancti *Dunstani*, contra Regem proprium, degeneres incolæ inaudito iniquitatis genere ad motus se bellicos præparabant, summoque mane turmis dispositis, aciebus ad prælium ordinatis, ignorantibus cæteris ac si eos comprehendere proponerent in grabatis, opaca silvarum tegmina transineantes erectis vexillis in declivitatem cujusdam montis quæ oppidum *Lewense* (ubi Rex tunc temporis sibi metuens incubabat) finitima à civitate disternat, duce Comite descendebant. Dum quidam de Regiis excubantes notatis vexillis Regem & totum exercitum in lectulis dormientem excitabant. At illi stupefacti perpropere surgentes, prout melius poterant, armis se bellicis munire, exeuntes in occursum multitudinis tam profanæ. Et statim tubis terribiliter clangentibus adversi hinc inde exercitus torvis se vultibus prospectantibus invicem irruerunt. Verum industria Comitis hoc docente, totum pondus prælii versum est in Regem *Angliæ* & *Alemanniæ*, capitaneos totius multitudinis conglobatæ. Dominus autem *Edwardus* cui flos totius exercitus intendebat, relicto patre & patruo ad turnias *London*, quas nimirum præcipiis odiis infectabat, se cum tota favente sibi militia transferebat, ut non tantum suas, sed & patris & matris injurias vindicaret. Porro *Londoniensem* innumera multitudo bellorum ignara, præeunte *Henrico* de *Hastings*, qui pene primus audaciæ formidinem anteponens fugit è prælio, fugæ potius beneficio se credere tutum duxit quam belli casus fortuitos expectare. Relinquentes igitur quadrigam Comitis *Leycestriæ*, cui vexillum (suum si fas sit dicere) minus honeste infixerat, ut putaretur in eo quiescere tanquam impotens vel ægrotus, impositis in ea quibusdam civibus *London*, viz. *Augustino* de *Harhestok*, *Richardo* *Dycard*, *Stephano* de *Chelmareford*, qui ne viderentur infidi contra Dominum Regem loricas induere recusabant, ut eos tanquam formidolosos vel infidos exponeret ad victimam, cum vidissent Dominum *Edwardum* cum suis turmis quibus impares se cernebant viriliter eos evaginati gladiis impetentem, statim terga vertentes laxatis habenis supradictum *Henricum* sequentes, è vestigio fugæ remedio se salvare credebant. Verum Dominus *Edwardus* eis qui in curru impositi fuerant crudelissime jugulatis, reliquos fugientes festinatis gressibus persequi non timebat. Omnesque quos evectio vel velocitate subvectus poterat attingere in ore gladii interfecit, & mucrone vix sanguine satiato reversus ad prælium tam ipse quam hi qui eum sequebantur, etiam cum suis equis immoderato labore fuerunt sic fatigati, quod vix potuerunt respirare. Interim Reges *Angliæ* & *Alemanniæ* quos pene solos reliquerat, infinita multitudine circumcincti, post strenuam dimicationem circumfusæ multitudinis impetus non valentes diutius sustinere, fugientibus cunctis in Ecclesiam Conventualem, quos credebant sine fictione debita sibi subsidia præstituros ut mortis pericula declinarent; proh dolor! ipsis prævaricatoribus se dedere sunt coacti. Quibus captivatis omnes qui fugerunt in oppidum projectis armis ut Regum ignominia communicarent, nulla prorsus rebellionem facta supradictis se captivatoribus spontanee reddiderunt. Dominus autem *Edwardus* cum Domino *Henrico* Romanorum Regis Primogenito cognato suo supradicta lassitudine sic quassatus, quod ulterius dimicare non poterat, videns quod nullus superfuit coadjutor, paterno periculo communicare non erubuit.

Comes



Comes autem *Waremia*, *Willielmus de Valentia*, *Hugo Bigotus*, de quibus potissime confidebat, infelicitate Regia consternati fugientes è prælio usque castrum *Penevense*, classe parata, sine moræ dispendio in Galliam transfretabant, ibique cum illustri *Anglorum* Regina aliquamdiu morabantur foeliciora tempora præstolantes. Dicebatur itaque, quod in prælio prætaxato & fuga *London*, fere quinque millia interfecti sunt, quorum plura, æmulatores Regni, talionem captivationis vel potius depopulationis *Portsmouth*, iusto Dei iudicio sunt consecuti, non habentes jus querelæ, fortunæ volubilitatem experti, victores victis colla dedentes, imis summa, summis ima commutantes, in manus hostiles, proh dolor ! inciderunt ; & inimicos suos quos prius spoliaverant, suis reddiderunt spoliis locupletes. In castino convenerunt victores tractaturi quid fieret de captivis. Comes itaque, Domino permittente, cujus occulta sunt judicia, strenua potitus victoria ; quia tunc nullo renitente quicquid voluit poterat ordinare, extorto à Rege & Domino *Edwardo* quodam Sacramento, quod & ipse Comes etiam cum suis præstitit. Statutum quoddam quod *Misam Lewensem* inusitato nomine nuncupabat, eique Domini Regis & Domini *Edwardi* sigilla simul cum suo & suorum complicitum appendebat. In quo continebatur quod Dominus *Edwardus*, & Dominus *Henricus Romanorum* Regis primogenitus, pro Marchiensibus & aliis qui in ipso bello captivati non fuerant, tanquam obsides tenerentur, quousque v. nobiles de Regno *Franciae* nominatim expressos, & per eos quos sibi duxissent associandos, ordinaretur status Regni nostri. Credentibus cunctis negotium agi fideliter sine dolo ; at hoc frustra, siquidem ex postulatione liquebat, quod non sine scrupulo fiebat ordinatio prælibata. Quid multis moror, statim inditos obsides tradidit Domino *Hugoni de Monteforti* primogenito suo custodiendos, quos non more obsidum, sed more captivorum aliquoties in castro *Dorchester*, aliquoties alibi, minus honeste quam decebat fecerat custodiri. Regem Romanorum cum filio suo *Edmundo* adhuc impuberi captivatum, in munitonibus tutissimis ignominiose tractavit. Pene omnes nobiles Regni qui Regi prius adhæserant captivavit, & inclusos in castris compedibus oneravit ; castra, civitates, & oppida totius Regni, terras & prædia captivorum suo prorsus Dominio subjugavit, coadjutoribus suis (quorum post Comitem *Gloucestrensem* præcipui fuerant *Henricus Dispensarius* & *Johannes filius Johannis*) exilissimas dividens partes ; quod & postea sibi cessit in damnum.

Salve Comes faustis successibus animatus, evectus in sublime, supra modum glorians in virtute sua sibi & filiis suis, quos tenerrime diligebat, adeo ut zelo promotionis eorum, tam inauditos ausus assumere non erubesceret ; terras captivorum & dominicorum Domini Regis divisit tanquam in funiculo distributionis, exceptis terris Domini Regis *Alemaniae* quas tenebat, XVIII. Baronias propriis usibus applicabat, & sicut tutor pupillum ducere consuevit, sic Regem per omnes Regni provincias ignobiliter circumduxit, & tam naturæ quam juris ordine transmutato Regem, suum regere non erubuit, à quo Regi rectissime tenebatur, & se sic supra se extulit, ut nomen Comitis celsitudinem Regiam funditus obumbraret. O protervia sceleris inauditi, quæ superbiam Luciferi sic excessit arrogantis ! ut non solum contentus esset ponere sedem ad Aquilonem, & esse similis altissimo, ut saltem inter se & Regem Regnum dimidiando dividere dignaretur, vel Regiæ majestati tanquam socius corregnare ; sed & potentiam suam ultra Regis folium elevabat. Regina quidem cum *Edmundo* filio suo degens in *Gallia*, audita quæ acciderant, infaustis nimirum fauciata successibus, accepta à creditoribus mutuo pecunia non modica, ex omnibus provinciis transmarinis stipendiarios lucri avidos accersivit *Teutonicos*, *Rutarios*, *Avellenses*, *Brabantinos*, *Flandrenses*, *Normannos*, *Pictavenses*, *Wallonenses*, *Gallicos*, & *Burgundos*, & innumeram illam multitudinem portu quodam *Flandriae* qui *Dam* vulgariter appellatur, datis affluenter stipendiis conglobavit ; innumerabili quoque classe parata, proponens nacta temporis opportunitatem cum eisdem militaribus copiis in *Angli-*

Comes Ware-  
m. Gul. de  
Valentia, &  
Hugo Bigot,  
in Gallias di-  
labuntur.

Regina mer-  
cenario milite  
conscripto,  
Regem &  
Principem li-  
berare niti-  
tur, sed fru-  
stra.



am transfretare, Dominumque suum de manu Comitis & Baronum si posset eripere, & pristinae potestati restituere, illatasque sibi injurias vindicare.

*Portus maritimos mun-  
unt Barones.*

Quo audito Comes de universis *Angliae* provinciis innumerabilem populum convocavit, ipseque tanta multitudine circumcinctus portus *Cantiae* diligentissime custodivit, misitque *Henricum Dispensarium* in *Suffolciam* & *Norfolciam*, & praepositis tribunis totam illam provinciam convocavit, & vicos maritimos, viz. *Jernemuth Douewych* & *Cyppwyc*, tutissime custodiri praecipit. Itaque Comes ut applicare volentes favente sibi virtute repelleret; quinque Portuenses, quosdam timore compulit, quosdam amore pellexit, quod innumeras sibi classes piraticas construebant, convagantes in pelago ut exciperent, & congregerentur cum eis in salo. Et ut portuensibus qui in littoribus excubabant stipendia necessaria non deessent, exceptis laicorum contributionibus, de omnibus viris ecclesiasticis sine personarum distinctione, decimam partem bonorum suorum extorsit, sacrilegae pecuniae partem custodibus portuum distribuit, & aërium suum de residuo non mediocriter augmentavit.

*Mercenarii,  
stipendiis non  
solutis, regi-  
nam deserunt.*

Stipendiarii quoque transmarini, ut honestis conditionibus fortuita belli discrimina declinarent, videntes Reginae sacculos funditus exhauriri, & sibi parcius solito stipendia ministrari, sentientes pecuniae defectum regressi sunt unusquisque in domum suam, Regina quoque mente lugubri non sine confusione maxima in *Gallias* remeabat.

*Urbanus P.  
Regem cum  
Baronibus re-  
conciliare  
tentat, sed  
frustra.*

Sane venerabilis Pontifex *Urbanus*, qui tunc sedi Apostolicae praesidebat compatiens ignominiae Regis *Anglorum*, Legatum quendam *Guidonem Sabin*, Episcopum ad partes occiduas destinavit, ut veniens in *Angliam* turbationes quibus Regnum ipsum miserabiliter fuerat conquassatum pacificare curaret, & captivos insignes honestis conditionibus liberatos constitueret, statum Regis redintegraret, ipsumque cum Baronibus pacificatione congrua colligaret. Hoc enim decuit Angelum pacis, & viro tam industrius congruentissime congruebat. Erat enim vir sapiens & eloquentissimus, & omni virtutum genere perornatus. Comes autem & complices sui ingressum Regni sibi constantissime denegarunt, intentata sibi morte si forte veniret, & de statu Regni se quomodolibet intermitteret. At ille Pontifices & praelatos *Angliae*, juncto sibi Domino *Cantuariensi*, qui tunc timens pelli suae praetimore Baronum in *Galliis* exulabat, citare fecit peremptorie, praecipue *Wigorn*, *London*, *Winton*, & *Cyrcester*, qui Comitum & Baronum praecipui fautores extiterant, ut coram eo *Boloniae* quae supra littus maris quae *Angliam Galliamque* determinat sita dignoscitur, personaliter compareant; sed ipsis, ut dicebatur, procurantibus Episcopis, furiosa Baronum insania universis & singulis navium prorsus vehicula denegabat. Porro Legatus fraude comperta, in contumaces Pontifices vehementius excandescens, ipsos ultione Canonica puniebat. At illi minus sapienter auctoritatem summi Pontificis declinare volentes, missis excusatoribus (quos si vellent procuratores mittere, potuissent) contra dictum Legatum appellabant, appellationis interpositae rationes legitimae praetendebant, tandem saniora meditantes *Wigorn*, *London*, *Winton*, Episcopi simul cum Justiciario & paucis aliis Regni Proceribus, transfretabant, circa nativitatem Beatae Virginis dicti Legati se conspectibus praesentantes: Legatus auctoritate subnixus Apostolica eis cum virtute obedientiae firmiter injungendo praecipit, ut statim venientes in *Angliam*, Comitem *Leycestriae*, filios & fautores suos universos & singulos nominatim expressos excommunicationis vinculo innodarent, civitatem *London*, omnes terras Comitis *Gloucestrensis*, omnes vicos maritimos quinque portuum subponerent interdicto, ipsosque jurare coegit, quod applicantes in *Angliam* universa praedicta executioni protinus demandarent. Obtento supra hoc quidem rescripto Apostolico, pelago se credentes, sponte nescio vel invite, comprehensi sunt in mari à quinque Portuensibus, qui scripta eorum authentica dilaniata minuatim vel concisa projecerunt in mare



mare, adjectis minis quod capite plecterentur si quid ex injunctis publicare præsumerent, & sic eorum præceps vesania indevotos Pontifices & primores mutos reddidit & elingues. Statimque Legatus tanquam vacuus & delusus, reflexis habenis usque beati *Petri limina* repedabat.

Cæterum circa festum beati *Michaelis* priusquam Legatus venisset ad Curiam, venerabilis Papa *Urbanus* diem clausit extremum, Regno cœlesti Pontificium temporale commutans. Cardinales itaque supradictum Legatum in summum Pontificem unanimiter elegerunt, quique solenniter consecratus de *Guidone* vocatus est *Clemens* IV. Non. Februarii in festo Sanctæ *Agathæ* virginis consecratus, pro ignominia sibi ab *Anglis* illata Apostolicæ celsitudinis dignitatem disponente Domino reportavit, assecutus tam potentiam puniendi reprobos, & remunerandi devotos.

*Urbanus P. obiit.*

Sed ut ad *Anglicanæ* seriem historiæ recurramus, improbitatem seu potius vesaniam quinque Portuensium, & incommoda quæ per eos Regno *Angliæ* multipliciter pervenerunt, dissimulato non debemus silentio præterire. Sane navium piratarum copiosam sibi multitudinem præparantes, per pelagi devia continue vagabantur ut commeatum in *Angliam* suis viribus interdicere, & omnes quos in pelago navigantes comprehendere poterant, non solum alienigenas, sed & indigenas inhumaniter jugulabant, & cadaveribus in mari projectis, naves & quicquid in eis continebatur suis usibus applicabant; *Scyllæ*, voraginibus seu *Charybdis* naufragiis crudeliores effecti, dum mercatores, qui nobis necessaria deferre consueverant, bonis omnibus spoliatos sine personarum differentia trucidabant. Quamobrem venalium, quibus *Anglia* præ cæteris regionibus abundare consueverat, copia sic defecit, ut vina quæ per XL. Solidos antea vendebantur, per X. Marcas libentissime venderentur, cera quæ similiter XL. excedere non solebat, VIII. Marc. & amplius tunc valebat. Libra piperis quæ sex denarios vix valebat, pro tribus solidis vendebatur. Quid plura? salis, ferri, Chalybis, pannorum, nec non omnium venalium tanta fuit penuria, quod populus ægestate laborabat, & Mercatores passim mendicare sunt coacti, nec enim poterant Incolæ Regni nostri sua venalia extra Regnum transvehere, quapropter nisi divina misericordia necessitatibus Regni citius providisset, simul cum venalibus pecuniæ copia deperisset. Et Comes aures plebeias frivolis demulcere oblectamentis condixerat, & per totum Regnum divulgari fecerat, quod sine commeatu extraneorum possent indigenæ bonis propriis commode sustentari, quod tamen fuit impossibile, alterna quidem bonorum commutatio diversis Regnis alternatim diversimoda commoda subministrat, unde plurimi volentes Comitem complacare ne viderentur aliunde necessaria sibi mendicare, pannos candidos inducant, dedignantes pannos induere coloratos.

*Quinque Portuenses Piraticam exercunt.*

Porro Dominus *Henricus* de *Monteforti* Comitis *Leycestriæ* primogenitus, ut inditæ sibi cupiditatis loculos adimpleret, militiæ suæ primordia plurimum denigrabat, dum totam lanam Regni, quam non solum mercatores *Flandriæ*, sed *Angliæ* & aliarum provinciarum ad portus adduxerant ad suas utique provincias navigio deducendas, arrestari faceret suis usibus applicandas, & sic detrectando militiam de milite strenuo communi nuncupatione lanarius est effectus. His & aliis incommodis sic attenuatum Regnum *Angliæ* tabescebat, quod irreparabilibus dispendiis fauciatum de Regno florentissimo fieret infelicissimum, ut vere congrueret illud propheticum, facti sumus opprobrium vicinis nostris, subfannatio & illusio his qui in circuitu nostro sunt. Prælibatis igitur incommodis in Regno crebrescentibus, intempesto hyemali tempore succedente, propter importunitatem temporis aliquantulum à tumultibus bellicis rabies furibunda quievit, redeunte vernali tempore prout ex subscriptis liquebit pristinam resumtura vesaniam.

*Henricus Montefortius, plebem deprædatur.*

Transacto siquidem vicesimo die Nativitatis Dominicæ, facta est *London* per Comitem convocatio non minima Procerum *Anglicorum*, ibique decretum est, quod omnes *Marchienses* transfretarent in *Hiberniam*, & per triennium

*Marchienses ex decreto Montefortis Hiberniam ablegati, &*



*Com. Glouce-  
striae foven-  
tur.*

exilio relegati in *Angliam* non redirent sine communi assensu illorum quibus Regni gubernacula juxta sanctiones procerum traderentur, adjecto quod circa Pascha proxime secuturum sub vinculo intolerabili Regni limina vacua- rent, sed præmoniti à quibusdam prout dicebatur, quod in vitam eorum si transfretassent fraudulenter fuerat machinatum, transfretationem suam sa- no ducti consilio differrebant, in terris Comitis *Gloucestriae*, ipso connivente, tutissime commorantes.

*Montefortius  
Comitem Fer-  
variensem in-  
carcerandum  
curat; eadem  
in Com. Glou-  
cest. designat.*

In ipso tunc Parlamento pontifices qui convenerant, ediderunt quædam statuta in elusionem potestatis Apostolicæ, quæ eis processu temporis non me- diocriter in damnum, ipsa tunc vice Comes *Leycestriae* caute prævidens, ne for- te Magnates Regni quos flexibiles & facile mutabiles reputavit, imo etiam inconstantes vocare non erubuit contra se aliquid acceptare præsumerent, præmeditatis cautelis disposuit majores deprimere, & eorum potentias annihil- lare, confringendo cornua superborum, ut exinanitis majorum viribus libe- rius & facilius vulgares sibi populos subjugaret, & molitiones seu cautelas quas conceperat ad effectum produceret. Verum mota gravi quæstione no- mine Regis contra Comitem *Ferariensem*, præclusis sibi legitimis defensionibus, ipsum tanquam hostem publicum carcerali custodia mancipavit, cogitans id ipsum facere de Comite *Gloucestrensi*, ut infirmitatibus capitis, dolerent mem- bra subjecta. Quippe supradicti duo Comites tam possessionibus, quam fu- orum viribus subditorum, cæteros Regni nobiles præcellere dignoscerentur. Imposuit enim Comiti *Gloucestriae*, quod *Marchienses* inimicos rei publicæ re- ceptavit in terris suis, quamobrem ab eo tanquam suspecto sufficientem coepit exigere cautionem, volens si posset ipsum, sicut & Comitem *Ferariensem*, con- fectis callide ratiunculis captivare.

At Comes callidus artem arte artificiose deludens, juncta sibi militum tur- ma non modica spreto Parlamento secessit ad partes occiduas, & in loca tu- tissima se recepit, *Johannes* quoque *Giffardus* strenuitate militiæ & animi pro- bitate nulli secundus, impeteretur enim à Comite *Leycestrensi* quod contra *Misam Lewensem* multas terras occupaverat, quæ cæteris magnatibus ratione captivorum suorum competere videbantur, præstita cautione quod Comiti *Leycestrensi* emendationes faceret competentes, ne forte incideret in manus ejus sicut Comes *Ferariensis*, Comitem *Gloucestriae* cujus domesticus & commen- salis extiterat secutus è vestigio, ad partes se transtulit *Marchienses*. Itaque Comes *Leycestriae* cum H. Dispensario, *Johanne* filio *Johannis* Domino *Wigorniae*, *London*, *Cicestrensi* Episcopis cæterisque fautoribus suis qui ei deesse ig- nominiosum duxerunt, suam quodammodo palliando cautelam, quandam for- mam liberationis Domini *Edwardi* voluntarie fabricatam, sed nulla prorsus ratione subnixam motibus propriis confingebant, & redactam in scriptis ad- hærentes sibi proceres sigillorum suorum munimine roborabant, quam si libuerit diligenter inspicere consideratis conditionibus in dicta forma con- tentis, pejoris conditionis esse videtur liberatus, quam fuerat captivatus. His breviter prælibatis anni sequentis seriem exponamus. Obiit *Godfridus Eboracensis* Archiepiscopus, *Willielmus* de *Kudersfeld* Decanus *Eboracensis* ad eandem sedem est electus iv. Id. Martii scil. in crastino Sancti *Gregorii*. & sta- tim adiit sedem Apostolicam.

1265

MCCLXV.

*Northampton-  
niæ Tornea-  
mentum insti-  
tuitur, quo  
Barones invi-  
tantur; sed  
Comes Glou-  
cest. insidias  
metuens, ac-  
cedere detre-  
ctat.*

Succedente verno tempore, quo solent Reges ad bella procedere, virenti- bus arbutis, avibusque præ amœnitate jucundissimas resonantibus cantilenas, adolescentes strenui duo filii Comitis *Leycestriae* faustis successibus animati, non solum abundantes pecunia sed & militum innumerabili comitiva stipati, edicto publico per totum Regnum *Angliæ* divulgare coeperunt, quod omnes nobiles Regni convenirent *Northampton* in quindena Paschæ, congressuri cum eis & eorum complicitibus ad ostentationem virium eo genere configen- di, quod vulgo torneamentum consueverat appellari. Convenientibus igitur ibidem militaribus copiis juniorum *Angliæ*, quorum non erat numerus.

Comes



Comes *Gloucestersis* metuens ne per Comitis *Leycestriae* machinationes sibi dispendia molirentur, distulit illuc ire. Quo comperto, machinator astutus contractam undique militiam blandimentis allectam, soluto torneamento scil. cum Rege & Domino *Edwardo* ad partes secum coepit traducere *Marchienses*, edicto publice divulgato quod *Marchienses* hostes reipublicæ, & commoditatibus Regni volebat invadere, & prævaricatoribus poenas infligere competentes.

Confidens igitur in virtute sua, & viribus sibi cohærentium progredientium militia bellicosa *Sabrinam* transiit, & nullo contradicente civitatem *Herefordensem* pompaticè introivit, ibique usque Pentecosten inutilem moram traxit. Interim Comes *Gloucestræ*, ut jam conceptos ejus impetus callide declinaret, contractis undiquaque viribus in tutiora se loca recepit: verum frater ejus *Thomas de Clara* adolescens ingenuus, tanquam familiaris & cubicularius Domini *Edwardi* consolationis gratia cum eo continue morabatur, qui volens fratris sui vestigiis adhærere, propter quod Comes *Leycestriae* ignarus mysterii quod inter ipsum & Dominum *Edwardum* nemine conscio gerebatur, cum sincerissime diligebat, & de fidelitate multipliciter commendabat, sed hoc frustra.

*Montefortius Herefordianam ingreditur.*

Quippe die Jovis in septimana Pentecostes, Dominus *Edwardus* cum dicto cubiculario suo & paucis aliis militibus civitatem egressus, spaciandi gratia devenit in agros, & omnes dextrarios quos milites eduxerant de civitate sigillatim ascendit, tanquam probationis gratia, quis eorum alterum velocitate præcelleret, & cum singulos stimulis agitados velocitate cursuum fatigasset, ultimum quem ascendit comperiens satis idoneum & velocem, tandem adjuncto sibi Domino *Thoma* sicut antea fuerat prælocutum, avulsus modicum à militibus qui secum exierant, obtenta licentia sed non petita, non modica locorum spatia equus quo ferebatur citissima velocitate transiliens, collegis suis mirantibus quo pergeret valedixit, fugientem frustra prosequentibus, sed attingere non valentibus. Qui statim reversi in urbem nunciaverunt Comiti quæ gesta erant in via. Qui nimirum corde faucius Dominum *Thomam*, quem prius de fidelitate commendaverat delusorem publice proclamabat. Dominus autem *Edwardus* exceptus à *Marchiensibus* qui in quadam silva vicina loricati, prout condictum fuerat, adventum suum diligentius expectabant, non sine lætitia ductus est versus partes *Wiltshire*, quo deveniens occurrente sibi militia copiosa, quasi sopita captivitatis ignominia nimia cepit lætitia circumfundi, dum se liberatum comperit de maledicti fauce draconis.

*Ed. Princeps è custodia elabitur.*

Obit *Willielmus Bathoniensis* Episcopus, magister *Walterus Giffardus* ad eandem sedem est electus, & statim transfretavit ad Dominum *Cantuariensem* Archiepiscopum, & rediit in *Angliam* consecratus ab eodem, circa Pentecosten. Et quia transfretavit invitis Baronibus, maneria sua fere omnia destruxerunt. Ipse vero ante consecrationem suam præstito sacramento quod Regi non adversaretur, rediens in *Angliam* prout ei injunctum fuerat à Metropolitano, in Comitem *Leycestriae* & complices suos excommunicationis sententiam fulminavit.

Igitur Comes *Gloucestræ* volens Comiti *Leycestriae* pro infidiis quas sibi paraverat reddere talionem, ut callide cogeretur comprehendi in laqueo quod tetendit, & incidere in foveam quam fecit, convocata sibi militum armigerorum & peditum copiosa caterva, quasi poenitentia ductus quod Domino Regi in bello *Lewensi* fuerat adversarius vel infestus, recepto à Domino *Edwardo* prius apud *Lodeloune* corporali sacramento, quod si eo juvante posset obtinere victoriam, antiquas leges bonas & approbatas faceret observari, pravasque consuetudines quæ in Regno inoleverant abrogari, & quod Regem induceret ut alienigenas à Regno & à concilio suo \*, nec permetteret eos habere custodiam castrorum, vel aliquid genus administrationis in Regno, & quod res indigenarum sibi fidelium concilio regerentur, adhæsit eidem in multi-

*Comes Gloucestræ ad partes Regias descendit. Princeps Marchiensium, aliorumque suppetiis, roboratus, Wigorniam & Gloucestriam capit.*



tudine virtutis suæ, eidem egeno & bonis omnibus spoliato quicquid sibi necessarium subministrans. Confluebant ad Dominum *Edwardum* non tantum *Marchienses*, sed de cunctis Regni provinciis innumerabilis militiæ multitudo, Comes *Waremiensis*, *Willielmus Valentia*, & *Hugo Bigotus* qui paulo ante cum strenua bellatorum caterva in Comitatu *Wembroki*, nemine resistente applicuerant, ipsius auxerunt exercitum. *Johannes* quoque *Giffard* singulare militiæ decus, in *Anglia* cui nullus post Comitem *Gloucestrensem* poterat coæquari; tantam sibi equitum & peditum ultra æstimationem virium suarum cœpit conjungere comitivam, ut complicitibus suis stuporem incuteret, & adversariis formidinem irrogaret. Igitur conglobata militiæ multitudo civitatem *Wigorn.* adiit, quam cives Domino *Edwardo* sine qualibet resistantia reddiderunt, de oppidis & Burgis adjacentibus factum est illico quod volebat.

*Sabrinæ transitus Baroni-  
bus præcludit.*

Et ne Comiti *Leycestriæ* & exercitui ejus pateret transitus ultra *Sabrinam*, pontem *Wigorn.* frangi fecit, omnesque naviculas per *Sabrinam* trahi fecit ad aridam, & factis foveis per omnia loca fluminis ubi transitus esse consueverat, præcludit hostibus transineatum. Interim Dominus *Robertus de Ros*, *Willielmus de Wessii*, & alii milites & adolescentes ingenui usque ad trecentos ingressi sunt *Gloucestriam*, frustra credentes in ea contra Dominum *Edwardum* & ejus exercitum se tueri. Quippe Dominus *Edwardus* strenua suorum comitiva subnixus, audacter irruens super oppidum supradictum, modico sudore obtinuit id in brevi; conclusi quidem repentinos impetus non valentes diutius sustinere, civitate relicta in castris munitionem tutissimam fugientes, contra externos insultus quos statim senserunt difficiles, motibus bellicis præparabant. Verum protracta aliquamdiu obsidione, dum partes alterius viribus concertarent, obsessi deficientibus in castro victualibus sub certis conditionibus obsessori castrum dedere sunt coacti; quos exeuntes de castro Dominus *Edwardus* benigne suscipiens, cum equis & armis quietos abire permisit; recepto prius ab omnibus & singulis sacramento, quod contra ipsum infra mensem arma bellica non portarent. Acta sunt hæc circa Nativitatem beati *Johannis Baptistæ* intrante mense Julio. Igitur munitionem obtentam tam viris bellicosis idoneis ad defensionem quam victualibus munientes, transito flumine circa partes occiduas festinatis se gressibus transferebant. Comes vero *Leycestriæ* ipse *Herefordia* secessit *Monemutham*, ubi *Johannes Giffard* solus cum favente sibi militia ipsum fixis ante oppidum tentoriis arctavit provocando singulis diebus ad prælium, ut irritatus inde recedere cogeretur. Qui progressus castrum de *Dulks*, quod dominicum fuerat Comitis *Gloucestriæ*, inventis in eo paucis defensoribus occupavit, quod tamen Comes *Gloucestriæ* infra triduum consimili talione resumfit. At Comes *Leycestriæ* progrediens vicum quendam maritimum qui *Peuport* dicitur, qui etiam Comiti *Gloucestriæ* jure hæreditario competeat, sine repugnatione qualibet occupavit, misitque nuncios usque *Bristoll*, ut omnes naves onerarias quas adipisci poterant sine mora transmitterent usque *Peuport*, ut ipse cum Rege & adhærente sibi exercitu usque *Bristoll* navigio se transferret, Quo comperto Comes *Gloucestriæ* tres naves piraticas quas habebat, quas vulgo *Galyas* vocant, in introitu portus ubi naves applicare debuerant appendebat, & in eis simul cum nautis imponi fecit bellatorum multitudinem copiosam, qui videntes classem de *Bristoll* venientem appropinquare litoribus, validissimo congressu confligebat eis in fallo, de quibus undecim naves vel capiebant vel in fluctibus submergebant, cæteras omnes violentis ausibus regredi compellentes. Comes quidem *Gloucestriæ* & Dominus *Edwardus* tanta potiti victoriæ gloriantes, erectis vexillis, aciebus ordinatis ad prælium processerunt ad pontem qui ducit in oppidum, ut habito ingressu cum inimicis in oppido pugnarent, at illi videntes se non posse resistere habito prius congressu in pontis medio, violenter repulsi in oppidum, partem pontis quæ villæ Comitis adjacebat, projectis ignibus concremabant, ut urgentibus inimicis votivum denegarent ingressum.

Hostibus



Hostibus quidem ad castra redeuntibus, Comes *Leycestriae* medio noctis intempestæ silentio relicto oppido clam recedens, faventem sibi exercitum duxit in terram principis *Walliarum*, cui pro impendendo sibi subsidio quinque castra de dominico Regis commisit, quorum quædam quæ sibi frequenter fuere nociva statim solo tenus complanavit, insuper illicito præsumptionis genere confecit ei chartam, quod omnes terras quas prædecessores sui jure vetustissimo vendicabant, sibi sine qualibet diminutione restitueret, eamque sigillo Regio consignavit, quam duobus laicis deportandam commiserat, viz. Domino *Petro de Monteforti*, & Domino *R. de Sandwyck* militibus, quod à seculo fuerat inauditum. Verum *Anglici* panibus assueti, cum essent in terra *Wallensum* solo carniū edulio, vel lactis, quibus illa gens effera vivere consuevit, sine panibus vivere nesciebant; quamobrem illas provincias saltuosas & silvarum devia non sine periculo transmeantes, reversi sunt *Herefordiam*, expectantes tempus idoneum quo per latebrosa viarum diverticula positas eis insidias cautius evitantes, *Sabrina* quomodolibet transmeata, possent refugium civitatis *London*, quod indiscrete relinquebant, recuperare. Sed Dominus *Edwardus* cum favente sibi militia præcluso, sicut diximus, fluminis transmeatu, ne forte cæteri nocivis gauderent desiderijs, cum omni diligentia viarum angustias observabat. His expositis stylum nostrum ad Orientales provincias reflectamus.

Igitur *Simon de Monteforti junior* frivolam & inutilem relinquens obsidionem castrī *Benevesey*, quam junctis sibi *Londoniarum* turmis diu frustra protraxerat, reversus *London* convocavit Barones, sexdecim ferme vexilliferos, & bellatorum infinitam multitudinem, & secedens *Wintoniam* civibus sibi non faventibus, sed aditum præcludentibus, civitatem ipsam repentinis insultibus coepit fortiter impugnare. Quumque cives prout poterant resistentes viribus oppugnare non posset, ne nocivis fraudaretur desiderijs, arte prodigiōsa duxit utendum: quippe immissa loricatorum per fenestram quandam in monasterio Sancti *Swithuni*, quod muro civitatis adjungitur, pessulis & feris januarum violenter effractis, exterius urgentibus liberos patefecit ingressus; qui continuo civitate obtenta, quibusdam sed paucis interfectis, cæteris quoque inhumaniter comprehensis, quicquid in domibus vel extra sive in Ecclesijs repositum poterat inveniri, sacrilegis ausibus occupavit, supellectilem & pecuniam infinitam secum in equis & curribus abducentes, spolia civitatis opulentissima inter Sathanæ satellites divisit. Igitur urbis florentissimæ depopulatores impii prædis onusti secesserunt *Oxon*, quibus ut eorum pacificus foret ingressus, cives callidi civitatis aditum non negabant, indeque pompaticè processerunt *Northampton*, & in tantæ multitudinis potentia spem ponentes & fiduciam, habito invicem consilio, quod invito Domino *Edwardo* & complices suis qui *Sabrinae* transitum concludebant, in subsidium Comitis *Leycestriae* secederent *Herefordiam*, ut vel ejus exercitum cum adversariis dimicarent in prælio, & ipsum suis viribus ad partes reducerent orientis. Ultimo die mensis Julii scil. in vigilia Sancti *Petri* ad vincula, duce *Symone* post solis occasum venerunt *Kenelworth*, & coena facta, fatigatis equis pabula tribuentes, minus providi vel circumspecti neminem formidantes, exuentes arma bellica quia se in tuto credebant consistere, dormiebant in lectulis usque mane.

Porro Dominus *Edwardus* circuendo provincias *Wigorniae*, comperto quidem per exploratores callidos quod adversa sibi multitudo venisset, ibidem cum esset in vicinio cum adhærente sibi exercitu noctem illam duxit insomnem, & adveniente crepusculo ascensis vehiculis, ampla quasi transvolans provinciarum interstitia, summo mane diluculo deveniens *Kenelworth*, totam illam multitudinem comprehendit in lectulis dormientem, quos nimis leviter, quia credebant expergefactos, nullo prorsus præter *Simonem* evadente, captivavit. *Symon* utique qui nocte illa debuit excubasse, forte minus sobrius dormiebat; sed comperto tumultu, relicta sindone nudus profugiens, beneficio cujusdam naviculæ lacum transivit, & in castrum navigii præsidio

*Montefortius cum Wallensibus paciscitur.*

*Simon Montefortius castrum lemsay frustra obsidens, Barones Londinum convocat. dein Wintoniam diripit.*

*Edwardus Princeps Simonem Montefortium fil. apud Killingworth, ex improviso adorat, & profligat.*



se recepit. Quid multa? prædones sacrilegi qui *Winton* deprædarunt, nec locis dedicatis nec sacris differentes ordinibus, Deo vindice qui non fallitur, sed potius æquitatis libra singulorum merita recompensat, equis & armis, & universa supellectili quæ nequiter adquisierant spoliati, impietatis suæ talionem fortuna retrograda receperunt. Cæterum vero, non solum equis & armis eorum, sed & variis spoliis locupletes, captivos insignes ignobiliter abducentes, regressi sunt *Wigorniam*, captivos in locis tutissimis reponentes compedibus oneratos. Acta sunt hæc primo die mensis Augusti, qui juxta priscam Gentilium superstitionem dicitur dies mala. Quod quidem convenienter contigit, quia non solum supradictis captivis mala fuerat, sed Comiti *Leycestriæ* pessima facta est, prout in sequentibus audietis. Comes quidem *Leycestriæ* quia exercitus ejus plerumque famis & fitis inedia tabescebat, relicta *Herefordia* per secreta provinciarum diverticula ne exciperetur ab hostibus, si quo modo posset, præmeditata calliditate *Londonias* regredi proponebat: sed hoc frustra, nempe cum transisset *Sabrinam* navigio cum universo exercitu suo devenit *Eveshannam* tertio die mensis supradicti, feria secunda. Sed Dominus *Edwardus* cum Comite *Gloucestriæ*, omnibus *Marchiensibus*, nec non innumera multitudine bellatorum, comperto per exploratores callidos, quod in crastino de *Eveshanna* versus *Kenellworth* fuerat recessurus, circa solis occasum recessit de *Wigornia*; & quia sciebat quod exploratores Comitis in sua fuerant comitiva, ut eos sua calliditate deluderet, fingeat acsi versus *Salopesburiam* vel *Brigiam* seu *Staffordiam* voluisse iter assumere; sed comperto quod exploratores de civitate per duo vel tria millia poterant elongari, reflexis habenis versus *Eveshannam* equitans per totam noctem, summo diliculo ante solis ortum devenit ibidem.

*Prælium de  
Evesham in  
quo Barones  
victi, &  
Montefortius  
Comes Lei-  
cest. cæsus.*

Porro Rex & Comes, summo mane audita Missa, modicum pransi, processuri versus *Kenellworth* equos ascendere sunt parati; verum qui primi egressi sunt de oppido, Dominum *Edwardum* cum suo exercitu vocatis vexillis prope mænia conspexerunt id ipsum Comiti *Leycestriæ* non sine formidine nunciantes. At ille cum suis confidens virtute sibi cohærentium, complices suos animavit ad prælium, at illi protenus armis se bellicis munientes, erectis vexillis & aciebus ordinatis, ad prælium, ne fugere viderentur, exeuntes de oppido, in occursum adversæ multitudinis viriliter processerunt. Siquidem Dominus *Edwardus* sola vexatione dante intellectum, ignominia quam ex captivatione *Lewensi* pertulerat cautior effectus, sagaciter in duas turmas divisit exercitum, & ut cæteros animaret ad prælium, primam aciem primus ille dux & miles invictissimus strenuissime conducebat, primos insultus inflexibiliter perpeffurus. Comes quoque *Gloucestriæ* aciei supradictæ capitaneus probitate strenuissima indeficienter sibi subsidia præstiturus; præcedentem è vestigio Comes utique *Leycestriæ* primam turmam haud longe prospectans; nam secundam interjacente quodam monticulo videre non poterat; nimia densitate tanquam in forma circulari suum inglomeravit exercitum, ut sibi invicem conglobati imminentes adversariorum insultus possent viriliter sustinere. At Dominus *Edwardus* solita fretus audacia trepidationis ignarus, clangore tubarum terribiliter resonante, conglobatam multitudinem militariter cœpit impetere, eo quidem glomeratam multitudinem impugnantem in fronte violentis motibus, ecce statim comes *Gloucestriæ* aciei suæ strenua comitiva stipatus irruens in partem adversam coacervationis prætaxatæ, totum exercitum illum quasi conglutinatæ acierum extremitatibus circumcinxit; alternis igitur partibus terribiliter dimicantibus, conclusa multitudine concludentium impetus sustinere non potuit, dum clypeis in frustra concisis, calybinia loricarum textura minutissime lacerata, confodientibus lanceis & gladiis sanguine inebriatis, dum resistentes locum darent, unde factum est, ut qui prius in bello *Lewensi* triumphatores extiterant, tergiversationem fortunæ fallibilem jam perpeffi. Victores victis colla dedentes, pene omnes hostili mucrone perfoffi, fatales exitus miserabiliter terminarent. Interfecti fuerant



fuerant in hoc prælio, circiter centum & sexaginta milites, & aliorum nobilium qui nondum militari cingulo decorati fuerant, numerus infinitus interiit. Inter eos qui fatalem vitæ terminum in prælio supradicto fine concluderunt, famosissimos & præcipuos ad notitiam posterorum præsentis opusculo duximus annotandos. Capitaneus multitudinis *Symon de Monteforti* non solum capite detruncatus occubuit, verum etiam brachiis & cruribus amputatis & minutatim in frustra concisis, vix trunco remanente, vilissima peditum caterva quæ potissimum ejus actibus invidebat vilissimo sæviendi genere furians in præmortuum \* causam \* Sancti minis amputabat.

*Henricus de Monteforti* primogenitus ejus & hæres, in conspectu patris diverberatus interiit. *Hugo Dispensarius* commilitonum suorum præsidio viduatus funestissimo pugione confossus interiit. *Petrus de Monteforti*, *Radulfus Basset*; alique viri nominatissimi, diminitioni *Anglicanæ* militiæ planctuoso funere necabantur. Cujus itaque vel faxeum pectus super interitum adolescentis ingenui *Willielmi de Mandevill*, fratris Domini *Johannis filii Johannis*, qui in eodem prælio viso fratris occasu fuerat captivatus, poterit non dolere? & quis in funere *Johannis de bello campo* possit lacrimas continere? qui duo cœtaneis suis corporum elegantia præpollebant, ætatisque imbecillitas utrumque poterit excusare. Gestum est hoc prælium extra oppidum *Eveshame* die Martis proxima post festum Sancti *Petri* ad vincula, quarto die mensis Augusti, pridie scil. Nonas ejusdem mensis. Rex itaque tubis pro triumpho resonantibus ductus in oppidum, probitate filii, quem tenerrime diligebat, diutinæ captivitatis ignominia liberatus, suis præ gaudio lacrimantibus restitutus est pristinae libertati. Caput Capitanei, hastili infixum in verecundiam capitati, imo etiam in signum Regalis triumphi usque *Wallingmore* ignobiliter est delatum, filio suo *Symone* prospectante, qui consummato prælio vivus subsidia præstiturus, visoque procul ex termino reversus est *Kenelworth* munitiorem non ignobilem, quam sibi post captivationem complicitum suorum quam prædiximus, refugium speciale delegerat; ibique mente tam lugubri patris & fratrum deplorabat excidium, ut putaretur diebus plurimis cibum vel potum non gustasse.

Sedata quidem vel ad modicum singultia mæroris angustia, serenissimum Regem *Romanorum* patrum suum cum filio postremo, qui in castro de *Kenelworth* minus honeste quam Regiam deceret honestatem, diutinæ captivitati mancipatus extiterat; sine qualibet conditionis adjectione liberum & solum abire permisit, quique die Mercurii in crastino Nativitatis Beatæ Virginis venit *Wallingford*, ubi occurrentibus familiaribus & amicis, cum nimia jucunditate sicut decuit est receptus. Uxor quippe *Hugonis Dispensarii*, quæ *Londoniarum* captivos insignes, quos in ea victos tenebat, universos & singulos, solo Comite *Ferariensi* duntaxat excepto, liberos abire permisit, & ad terras patris sui Domini *Philippi Basset* luctuosa se transferens, mortem mariti sui inconsolabiliter deplorabat. Cives quoque *London* leonina prius sævitia debacchantes, agnam mansuetudinem protinus induentes, civitatem & turrim Domino Regi sine conditione qualibet reddiderunt, & mirum in modum qui fere per biennium dæmoniaca delusione facti fuerant arrepticii, per mortem Comitis & suorum, quasi miraculose subito à dementia seu furia curabantur.

Civitatum & castrorum Domini Regis occupatores complicitum suorum funere consternati, ea statim Regi tanquam vero Domino reddiderunt, omnesque captivi per Barones captivi quibuscunque locis tenebantur in *Anglia*, libertati pristinae sunt restituti, illis duntaxat exceptis quos Comes *Leycestriae* in castris *Dobor* & *Kenelworth* custodiendos commiserat. Mense Julio præcedenti, & Augusto sequenti, Cometa apparuit quæ fortassis tam inopinati eventus præsagium portendebat. Rex tanta potitus victoria, secessit *Wintoniam*, ubi in Nativitate beatæ virginis adhærentes sibi magnates *Angliæ* convocavit, & consummato Parlamento se transtulit *Windsore*, ibique venientes

*Civitates & Castra à Baronibus capta, Regi restituntur. Cives Londinenses, qui rebus novis studebant, carceri mancipantur.*



nientes cives *Londoniarum* sub specie treugarum, majores eorum minus honeste quam Regiam decebat dignitatem de procerum suorum concilio captivavit, & captivos carcerali custodia mancipavit. Et licet cives infidi contra Regem & Dominum suum enormiter delinquentes juxta rationis exigentiam deteriora meruissent; indecorum tamen fuit eos per Regis evocationem pacifice venientes ad Curiam, improvisa captivationis ignominia condemnare. Rex itaque civibus supradictis in castro relictis, post festum Sancti *Michaelis* secessit *Londonias*, ut solennitatem beatissimi Regis *Edwardi*, quem præ cæteris potissime diligebat, consueta devotionis honorificentia celebraret; in qua Regio diademate venustatus, tanquam Regiam majestatem qua diu caruerat recenter adeptus, inter Regni sui proceres quorum innumera multitudo ibidem congregata, sopita captivitatis ignominia gloriosus effulgit.

Et pecuniis  
multantur.

Et non multo post, cives *London* quos, sicut supra tetigimus, captivarat omnes & singulos exceptis quinque principalibus liberari præcepit; illos vero quinque principales, viz. Majorem, *Thomam de Winesdon*, *Michaelem Tony Matth. Bukerel* & *Johannem Capellarium*, qui fuerant præcipui Regis adversarii, & plebeiam civitatis multitudinem ad facinora provocabant, recludi jussit in carcerem compedibus oneratos; de quibus duo ultimi, intolerabili summa pecuniæ liberatione sua multati, vacuos Regis loculos cumulantes, post modicum temporis intervallum liberati sunt.

Castrum Doveriæ in Regis fidem transit.

Expleta quidem solennitate præfata, insonuit rumor gratissimus in auribus Regis, quod scil. ferme quatuordecim nobiles Regni qui in castro *Doveriæ* tenebantur compedibus cathenati, turrim castri conscientibus duobus custodibus occuparunt; nam tertius ni fallor, ex præcogitata solertia emissus fuit in villam, ut cibos emeret nobilibus prætaxatis; qua obtenta, statim interius feris & pessulis munientes, ut cæteris in castro degentibus qui conclusos viriliter impugnare cœperunt, disideratissimum denegarent introitum, murum fortissimum construxerunt ante januas, & obturantes ingressum, sese contra externos insultus quos continuo sentiebant difficiles, militariter defendebant. Quo audito, Dominus *Edwardus* de *London* usque ad *Dovor* ocius advolans; sine somno, modica militia circumcinctus munitionem prædictam cœpit in fronte viriliter impugnare: illi vero qui turris se beneficio defendebant, internos à tergo jactis eminus jaculis balistarum officio, quarum copia abundavit in turri potenter urgere cœperunt; tandemque undequaque obsessi, cum utrobique per externos & internos infatigabiliter impetiti, imminentes insultus diutius sustinere non possent, salvis sibi tantummodo vita & armis, castrum victualibus copiose refertum, urgente necessitate, inclito Regis primogenito dedere sunt coacti.

Sim. Montisfortis vidua in Galliam transit.

Egressa est de castro Comitissa *Leycestriæ* soror Regis, infaustis sauciata successibus, quæ maritali simul & filiali nece comperta, deposita purpura, habitum vidualem, quem voto castitatis temere violato per carnis petulantiam indiscrete reliquerat reassumens, eorum inconsolabiliter miseranda funera deplorabat; adeo ut laneis tantum carne tenus induta, pisces & carnes per multa tempora non gustaret; quæ postea fluente modico temporis intervallo, prout in sequentibus audietis, cum filiis suis quos procreavit, non solum dote propria, sed & filiorum suorum hæreditate relicta transfretavit in *Galliam* perpetuæ relegationis exilium perpeffura. Rex igitur ex tam foelici successu, inæstimabili lætitia circumfusus, secessit *Cantuariam*, adducens secum de proceribus Regni multitudinem copiosam.

Regina è Gallis in Angliam redit.

Regina quoque *Angliæ* illustris, quæ per biennium in *Galliis* exulaverat, applicans *Dovor* una cum Domino *Octobono* Sancti *Adriani* Diacono Cardinali, Apostolicæ sedis Legato, venit in *Angliam* iv. Kal. Novembris in crastino Sanctorum Apostolorum *Simonis & Judæ*, die Jovis ante festum omnium Sanctorum. & Regina die Veneris, & Legatus die Sabbati occurrentibus sibi cum gaudio Regibus *Angliæ* & *Alemanniæ*, nec non Comitum, Baronum Episcoporum, Abbatum, Priorum, & aliorum Regni nobilium infinita caterva, venit

*Cantuariam*



*Cantuariam*, & signis præ gaudio concrepantibus, tota civitas exultabat. In crastino vero omnium Sanctorum, Rex uterque cum Regina & Legato, nec non univèrsa multitudo quæ illuc convenerat, *Londonias* repedabat. Circa idem tempus Obiit piæ recordationis *Walterus* de *Cantilupo Wigorniensis* Episcopus; raptus, ut sane credi poterit, ne videret dies malos, qui tanta sanctitatis eminentia cæteris præpollebat Episcopis; quod nisi contra juramentum quod Domino Regi de fidelitate præstari debuit, inio etiam contra inhibitionem sedis Apostolicæ Comiti *Leycestriæ* tam familiariter & fortiter adhæsisset, in Catalogo Sanctorum non immerito fuerat ascribendus. Electus est loco ejus magister *Nicolaus* de *Ely*, vir gnarus & prudens, non minus elegantia morum, quam scientiæ liberalis sublimitate conspicuus.

Audiens igitur *Symon* de *Monteforti* quod mater ejus cum duobus filiis suis *Aumarico* & *Richardo* transfretasset in *Galliam*, nam *Guido* tertius eorum qui in bello *Chesthamæ* fuerat captivatus, in castro *Windseshore* tenebatur eo tempore compeditus; ne iterato Regnum *Angliæ* perturbationibus agitando, patrißare non erubuerit; quippe adjuncto sibi *Johanne Seyvill*, *Baldwino Male* qui de castro de *Bennefeld* fraudulenter evaserat, dum *Johannes Giffard* cujus captivus extiterat ipsum curialiter sine compedibus quocunque volebat, liberum sine custodibus abire permisit; congregata sibi non modica tam equitum quam peditum comitiva provinciam quandam paludosam, & magnis fluminibus circumcinctam, quæ vulgo *Haxiholium* dicitur, cito post festum Sancti *Martini* Pontificis occupavit: & ut in ea tutum sibi præparent refugium, ingressus & regressus qui fuerant valde difficiles, callide præcludentes; ut externos ab ingressu potenter arcerent, viarum angustias & transmeatus aquarum adhibitis custodibus observabant: & frequenter egredientes villonum copiarum, vicinas coeperunt depopulare provincias; omne genus victualium quod comprehendere poterant in insulam transvehentes. Porro Dominus *Edwardus* provinciæ desolatæ compatiens, exercitu parato, & Domino *Henrico* filio Domini Regis *Alemanniæ* cæteris sibi faventibus in adjutorium evocatis, versus partes Aquilonares festinatis se gressibus transferebat; occupatores infidos obsidione concludens, factisque pontibus ligneis artificiose excogitatis, quorum beneficio liberum ad obsessos sibi patefaceret transmeatum, ipsos usque adeo coarctavit, ut pacem necessario meditari cogerentur. Habitoque tractatu, tandem dictus *Symon* cum complicitibus suis egressus de insula tertio die Dominicæ Nativitatis sub certis conditionibus Domini Regis gratiæ se submisit; viz. quod tam ipse quam complices sui starent arbitrio serenissimi *Romanorum* Regis & Domini *Edwardi*, ita quod quicquid illi duo statuerant inviolabiliter observarent; ad quod se ipsos non solum corporali præstito Sacramento, sed & datis obsidibus obligabant.

Quibus per Dominum *Edwardum* conductis usque *Portsmouth*, ubi duo Reges & multi Regni nobiles congregati convenerant, ordinatum est per arbitros supradictos, quod *Symon* de *Monteforti* Regnum *Angliæ* vacuaret, & relegatus exilio non rediret, nisi de voluntate Regis, & communi assensu procerum Anglorum; & interim de proventibus comitatus *Leycestriæ* perciperet annuatim cccc. libras argenti, dum tamen ante transfretationem suam, cautionem juratoriam & fidejussoriam emitteret, quod degens in partibus transmarinis, nec Regi, nec Regno dispendia vel gravamina procuraret. Et cum venisset *London* factururus juxta quod sponsonderat, consuetæ tergiversationis non immemor, delusis cæteris clandestine transfretavit.

Statimque degeneres incolæ, qui morabantur in castro *Benelleworth*, quod Regis *Angliæ* Dominicum fuerat, discurrendo per vicinas provincias, ut ipsius castri receptaculum, quod sibi refugium speciale delegerant, victualibus & aliis necessariis copiosius instaurarent, sine personarum discretione seu locorum, sævissima depopulatione, quicquid obsessis necessarium decernebant, sceleratis ausibus abducebant; & se contra futuros insultus quos sibi non deesse præsciverant, modis quibus melius poterant præparabant, aggregando

*Simon Montefortis junior, in partibus borealibus bellum instaurare conatus, à Principe opprimitur.*

*Simon Montefortis junior in Gallias clam transfretat.*



sibi sceleratorum vispillonum non modicam multitudinem, ut imminentes impetus dictæ multitudinis fulti subsidio possent facilius iustinare: tantamque victualium, supellectilium, omnium necessariorum in castro supradicto coacervare coeperunt abundantiam, ut per septennium conclusis crederent necessaria minime defutura. Magister *Willielmus* de *Brethys* bonæ indolis adolescens & ingenuus, circa mediam quadragesimæ ad *Landaviensis* Ecclesiæ celsitudinem unanimiter est electus; qui licet ætate corporis immaturus videretur, pubertatis sufficientiam in moribus & scientia prætendebat. Obiit circa festum circumcisionis Dominicæ Magister *Simon* de *Winton* *Dorwick* Episcopus, appositus ad patres suos in senectute bona, & lecto ejus. *Rogerus* ejusdem Ecclesiæ Prior, à monachis confratribus suis unanimiter & concorditer est electus. Sane conniventibus oculis pertransire non possumus, Domini Regis & consiliariorum insipientiam, (si fas sit dicere) quin transmittamus ad memoriam posterorum.

*Rex largitionibus minus providis, rebus suis officit*

Quippe, sicut supra tetigimus, post inopinatam *Evesham* triumphalem victoriam, Rex & sui complices non sicut decuerat cautiore effecti, sed potius stultiores; sic in sublime evecti sunt, ut futura Regni dispendia contemnerent præmetiri: nempe terras, possessiones, res & redditus singulorum qui in bello *Evesham* captivati fuerant vel occisi, sive qui Comiti *Leycestriæ* dum viveret favorem vel auxilium præstiterunt; illis duntaxat exceptis qui præ timore, vel potius ambitione commodi temporalis, quasi pœnitentia ducti Regi seu filio suo, spreta superstitiosa præsumptione provisionum *Dron*, iterum adhærere coeperunt, Rex quibuscunque petentibus non solum indigenis sed & alienigenis, sine personarum discretione concessit; & non solum possessiones & redditus exterorum, sed & prædia civium *Londoniensium* nulla prorsus habita futurorum consideratione donavit indignis, sine qualibet præcedentia meritorum.

*Gallorum loculos adimplens.*

Rex itaque de communitate civium prædictorum pro transgressione quam sibi fecerant, & Reginæ xx. Mill. Marcarum extorsit; cujus pecuniæ summa nec vel in modicum fiscum auxit, sed & tota pecunia transmarinis creditoribus, qui eam Dominæ Reginæ dum in partibus degeret transmarinis, mutuo concefferant, solvebatur; & ut *Anglicis* ex præcedentibus malis pessima provenirent ex fuorum vacatione loculorum, *Gallicorum* sacculos adimplebant; qui toto turbationis tempore conniventes, nulla prorsus *Anglicis* subsidia præstiterunt. Circa idem tempus Dominus Papa, de plenitudine potestatis, cassata electione *Willielmi* Decani *Eboracensis* qui circa festum Sancti *Nicholai* de Curia rediit *Eboracum*, contulit Archiepiscopatum *Eboracensem* cuidam fratri de ordine fratrum minorum dicto *Bonaventure*, qui timens pelli suæ, ne forte furiam *Anglicorum* (quæ nondum sedata fuit ad plenum,) sibi sentiret infestam, tantæ celsitudinis dignitatem Domino Papæ sano ductus concilio resignavit, quam ob causam diutior Ecclesiæ supradictæ vacatio Domino Regi non mediocriter extitit fructuosa. Igitur anni *LXV.* series pauculis expedita quiescat, & anni sequentis eventus sub stili compendio percurramus.

#### M C C L X V I.

*1266*  
*Legatus Papæ citat Londinensem & Cicestrensem Episcopos ut coram se compareant.*

Anno protinus inchoante, quo summi patris Sapiaientia virginalis uteri clausulam obumbravit *MCCLXVI.* Dominus legatus recepto prius rescripto sedis Apostolicæ, Dominos *London* & *Cicestrensem* citari fecit, ut compareant coram eo *London* die Lunæ proxima ante ramos palmarum, & publicato coram innumerabili populo confluyente rescripto sedis Apostolicæ memorato, suspendit eos ab officiis & beneficiis, & ab administratione tam spiritualium quam temporalium, & nihilominus citavit eosdem, quod infra tres menses post citationem factam Apostolicæ sedi se conspectu præsentarent sub pœna depositionis perpetuæ, ibidem à summo Pontifice, cui dum legationis officio fungeretur (ut supra tetigimus) se reddiderant indevotos, pœnas vel præmia pro meritis accepturi: qui se statim licet inviti ad limina beati *Petri* non sine cordis angustia festinatis gressibus transfretabant. Idem quoque factum est de *Win-*

*tomienfi*



*tonienſi* die Lunæ proxima poſt quindenam Paſchæ, qui mente lugubri præcedentes veſtigio ſequēbatur. In ſupradicto Domini Papæ reſcripto cum legeretur, audivi quatuor exprimere cauſas, quarum quælibet ad degradationem de jure ſufficere poterat ſingulorum; Prima quod cum citarentur à Papa, dum Legationis officium fungeretur in partibus *Gallicanis*, ut coram eo die certo *Boloniæ* comparerent, nec per ſe, nec per procuratores idoneos comparere curarent; quinimo cum inſtinctu proprio, prout ſuperius eſt expreſſum, tranſfretantes coram eo perſonaliter liſterentur, quod eis per eundem Legatum fuit injunctum, viz. quod Comitem *Leyceſtriæ* & filios ſuos, Comitem *Glouceſtriæ*, & alios Regni nobiles nominatim expreſſos, nec non omnes fautores & coadjutores eorum excommunicarent; civitatem *London* & habitatores quinque portuum ſupponerent interdicto; redeuntes in *Angliam* exequi recuſabant, cauſantes comminationem Baronum & quinque portuenſium, quaſi ſacrum Evangelium timuiſſe non debuerant, ſi zelus domus Dei eos vel in modico comediffet. Dicit enim veritas Evangelica; Nolite timere eos qui occiderint corpus, animam autem non poſſunt occidere, &c. Ex quo contentu liquido conſtat eos inobedientiæ vitium incurriſſe. Secunda, quod contra ſacramentum fidelitatis Domino Regi præſtitum ipſum totis viribus, auxilio, conſilio, & furore una cum Baronibus impugnabant: ob quæ evidenter in perjurium inciderunt. Tertia, quod ſcientes Comitem & fautores ſuos ſententia excommunicationis innodatos auctoritate ſummi Pontificis, eis adhærendo; prout ſuperius prætaſtum eſt, communicantes excommunicatis conſimili ſententia juxta dicta Canonum fuerant involuti. Quarta, quod ſcientes ſe excommunicatos, quod ignorare non debuerant, cum ignorantia craſſa & ſupina non excuſet, immiſcuerunt ſe divinis, quamobrem facti ſunt irregulares; verum ex dicta exinanitione Pontificum, accrevit tam Legati quam Domini Regis ærarium: dum hic commodis ex ſpiritualitate provenientibus potenter incumberet, & ille proventus temporalium ſuis uſibus applicaret, ut verificaretur illud propheticum, Reſiduum locuſtæ comedit eruca, reſiduum erucæ comedit brucus; & illud quod non capit filus capit viſcus.

Adveniente ergo tempore, quo virentibus undecunque foliis ſilvarum tegmina chlamidantur, Baronum, qui ſe exhæreditatos publice noſcitabant, impatiens furia non quievit. Nempe duce Comite *Ferarenſi*, qui Domino Rege liberatus nullam pene terrarum ſuarum præſenſit diminutionem, *Baldwinus Wake*, *Johannes Deybill*, & aliorum Baronum & militum innumerabilis multitudo, adjuncta ſibi viſpillonum tam equitum quam peditum infinita caterva, occiduas ſcil. & Aquilonares cœperunt depopulare provincias, rapinis & incendiis miſerime devaſtantes, cujuſdam ſilvæ denſitatem, quæ lingua Anglorum *Suffeldſrith* vulgariter appellatur, ſibi pro refugio deligentes. Adam quoque *Gurdun* ejuſdem ſcleris imitator, meridionales *Angliæ* plagas congregatis ſibi conſimilis nequitiae ſatellitibus furibunda debacchatione cœpit invadere, & varias percurrendo provincias rapinis ſimul & incendiis devaſtare.

Alii quoque complures bonis ſuis non immerito ſpoliati, in ſingulis fere Regni provinciis ſceleſtiſſimas ſibi cœperunt conjungere comitivas, ut vel ſuas ulciſcerentur injurias, vel ut ſaltem ſibi de quæſtu nefariæ deprædationis ſuæ victualia propagarent. Talibus igitur incommodis Regnum *Angliæ* tabeſcens inſolabiliter ſua poterat diſpendia deplorare. Igitur Rex & Dominus *Edwardus* compatiētes provinciæ deſolatae, Dominum *Henricum* ſereniſſimi *Romanorum* Regis primogenitum, ducem & Capitaneum catervæ cujuſdam Baronum, & militum, & bellatorum multitudinis infinitæ, ut eos qui partes Aquilonares perturbabant ſuis viribus propulſaret, ad partes illas ſano freti concilio tranſmittebant, qui ſtrenuo prædictorum bellatorum agmine circumcinctus die Sabati in Vigil. Pentecoſtes devenit in quoddam burgum quod vocatur *Ceſtrefeld*, & invenit ibi comitem *Ferarenſem*, & prædonum ſibi cohærentium deteſtabilem comitivam, & ſtatim turmis ad prælium ordi-

*Comes Ferar.  
& alii Baro-  
nes devaſtant  
Boreales &  
occid. pro-  
vincias. Uti  
Adam Gur-  
dun meridio-  
nales.*



natis, Regii Proceres loricati coopertis vehiculis trepidatione sepulta in supradictos maleficos, qui in burgo supradicto fiducialiter morabantur, militariter irruerunt. Sane interni necessitate coacti armis se bellicis protinus muni-  
entes, ut urgentes externos potenti virtute repellerent, strenuissime dimica-  
bant, sed tandem post strenuissimam utrinque dimicationem, divina coope-  
rante clementia, victoria devenit ad Regios, & innumerabilem populum de  
comitiva Comitum *Ferarensis* gladius devoravit hostilis.

*Com. Ferar.  
captus Wind-  
soriā deduci-  
tur.*

Comes utique qui fugere non poterat ignobiliter deprehensus, in signum  
Regalis triumphii captivus non ignobilis ducebatur ad Regem. Quidam  
vero ex Capitaneis sibi cohærentibus venandi gratia in silva quadam vici-  
na convagantes, audito quid acciderat, latebrosa nemoris densitate protecti,  
ut mortis discrimina declinarent, fugæ se remedio commiserunt. Rex ita-  
que faustis successibus exhilaratus, insignem captivum Comitem supradictum  
misit usque *Windeshores*, & in castro tutissime custodiri præcepit compedi-  
bus ferreis oneratum.

*Bonifac. redit  
in Angl.*

At Dominus *Edwardus* ne nil agere videretur, in eadem septimana Pen-  
tecostes per abdita locorum diverticula callide vagabatur, & Dominum *Adam  
Gurdun*, qui meridianales *Angliæ* plagas invasit, exploratorum circumspe-  
cta providentia præmunitus, in quadam silva prope *Awelton* circa solis occa-  
sum cum turma sua destestabili castra metantem invenit, & audacter evagina-  
to mucrone irruens in eum, gigas & bellator invictissimus solus ipsum mili-  
tariter impetebat. (*Rogerus Norwicensis* Episcopus consecratus est dominica  
qua cantatur, quasi unigeniti. Circa festum Ascensionis rediit *Bonifacius* Ar-  
chiepiscopus *Cantuariensis* in *Angliam*, & consecrati sunt ab eodem in Octabis  
Pentecostes, *Nicholaus Wigormiensis*, & *W. Landavensis* Episcopi) nam turma  
quæ sibi subsidium præstitura sequi debuerat, quadam fossicula præpedita ad  
ipsum tam celeriter devenire non poterat; quamobrem cum forti fortior for-  
tissime dimicare compulsus est; erat enim dictus *Adam* miles strenuus & bel-  
lator robustissimus: sed tandem Dominus *Edwardus* crudeli tyranno suis sibi  
subsidia conferentibus prævalebat, ipsumque pluribus de comitiva sua cru-  
deliter interfectis, quibusdam vero fugientibus, inflicto sævo vulnere capti-  
vavit, & ipsum usque *Windeshores* secum adduxit, atque sicut condecuit di-  
ris compedibus oneravit, ne forte Comes *Ferrarius* ibidem captivatus sine  
comite moraretur. In ipsa quidem hebdomade *Guido de Monteforti*, qui in  
castro *Dobor* captivatus, minus provide quam deceret per constabuliorum  
negligentiam servabatur, corruptis custodibus, cæterisque delusis evasit de  
castro, & ipsis ignorantibus transfretavit in *Galliam* cum matre simul & fra-  
tribus suis, pro paternis nequitiiis poenam luiturus.

*Adam Gur-  
dun. capt.  
Windsoriā  
ducitur.*

*Guido de  
Monteforti è  
castro Dorob.  
evadit.*

Dum hæc agerentur, Dominus *Edmundus* filius Regis *Angliæ* postremus,  
adjuncta sibi militum & bellatorum multitudine copiosa, in oppido *Ware-  
wike* morabatur, ut infestos prædones castri *Kenilworth* potenter urgeret,  
ne, sicut consueverant, nullo prorsus obstaculo resistente vicinia rapinis &  
incendiis devastarent, quos frequenter egredientes, ut vel consueto debac-  
chationis genere sibi necessaria prædarentur, vel ut ipsum irritando provoca-  
rent ad prælium, exploratores callidos præmunitus cum turmis militaribus  
robustissime persequendo, vix fugæ præsidio mortis pericula declinantes, in  
castri refugium regredi compellebat. Rex itaque cunctis Regni proceribus  
in adiutorium evocatis, qui sibi ratione feodorum suorum, vel homagii præ-  
stiti deesse non debuerant, vel nolebant, in crastino Nativitatis Sancti *Johan-  
nis Baptiste* castrum supradictum cœpit obsidione concludere, & admotis un-  
dequaque plurimis machinarum generibus conclusam multitudinem modis  
omnibus qui excogitari poterant infestabat. Illi munitione tutissima cir-  
cumcincti, inopinatis frequenter egressibus obsessores, cum se credebant in  
tuto consistere, viriliter impetebant, & facta militariter externorum strage  
sævissima, ad suum rediere refugium: obsessores siquidem & obsessis, ba-  
listarum officio jacula sine intermissione projicientibus, alterna partium con-  
certatio

*Rex castrum  
Kenilworth  
obsidet.*



certatio humani sanguinis prodiga non modicum utrobique sanguinem effundebat. Protracta est obsidio usque festum omnium sanctorum, Domino Romanorum Rege pariter & Legato sæpe mediatoribus effectis, ut in formam pacis honestam mutuo colligarent; sed conclusorum impatiens obstinatio non permisit quod per eos quomodolibet concordia formaretur, quippe qui in victualibus sufficienter abundabant, & quod *Symon de Monteforti* ad obsidionem suis viribus amovendam, & ad eorum liberationem celeriter faciendam de partibus *Gallicanis* in manu potenti fuerat adventurus, quique super hoc literas suas consolatorias frequenter acceperant, & ad terrorem cæterorum mendacissime jactabant. Occidentalium partium dissidio prælibato, ad ea quæ in partibus orientalibus pullularunt incommoda stilum nostrum convertamus.

Exhæredatorum caterva non modica clanculo colligata, validaque conjuratione connexa, circa festum Sancti *Michaelis* provinciam quandam paludosam lacubus & fluminibus, nec non intransibilibus paludibus circumcinctam, quæ insula *Eliensis* vulgariter appellatur, arte potius usa quam viribus, coniventibus incolis introivit. Qua obtenta, protinus insulani præ multitudine confluentium resistere non valentibus se armis & victualibus muniebant, factis in aqua propugnaculis ingressus & regressus calliditatis præmeditato genere præcludentes, quod ipsis invitis nullus ad ipsos pateret ingressus, ipsi quoque quotiescunque volebant ad vicinas se provincias transferebant tanta vispillonum quos sibi colligaverant comitiva stipati, quod quicquid in *Portfolk*, *Suffolk*, seu Comitatu *Cantabrigiæ* victualium seu suppellectilium poterat inveniri, in adjacentibus etiam provinciis, non habita personarum consideratione, seu locorum, & suam & suorum sustentationem in insulam supradictam nefariis ausibus abducebant, & in eadem sine resistantia qualibet hie-

*Rebelle occupant insulam Eliensem.*

Ex confluentibus ad eos prædonum copiis in tantæ proterviæ proruperrunt audaciam, quod non solum oppida minora, burgos & villulas adjacentes luctuosa depopulatione vastarent, detestanda sane sacrilegia perpetrantes, dum bona personarum Ecclesiasticarum & etiam laicorum causa refugii in locis sacris deposita, nec locis dedicatis, ordinibus seu personis, nec sacris temporibus differentes, violenter abradunt, verum etiam nacta temporis opportunitate latenter egredientes supra illam opulentissimam civitatem *Portwick*, quæ ratione cathedræ Pontificalis totius Diocesis obtinuit Principatum, inopinatis ausibus irruerunt, civibus præ timore mortis vel incendii resistere non curantibus, & quicquid in ea venale seu pretiosissimum cujuscunque generis poterat inveniri, in equis & curribus abducentes in insulam transvehabant. Et cujus cor saxeum cives prius opulentos & jam bonis omnibus spoliatos, urbemque florentissimam, divitiarum opulentia qua prius abundavit viduatam inconsolabiliter non deplorat? vulgo siquidem dicebatur, quod summa bonorum quæ supradicti cives in ipsa direptione perdiderant sub justa æstimatione ad viginti millia Marc. & amplius ascendebat. Acta sunt hæc circa festum Sancti *Nicholai* confessoris & Pontificis mense Decembri. Circa idem tempus Dominus Papa de plenitudine potestatis *Eboracensis* Ecclesiæ Pontificium, quod frater *Bonaventure* resignaverat, contulit magistro *W. Giffard* tunc *Bathonensi* Episcopo, cui successit in *Bathonensem* Dominus *W. de Birtou* vir providus, non minus virtutibus quam ætate maturus. His breviter annotatis ad obsidionem præactam quam reliquimus revertamus.

*Urbem Norwicensem diripiunt.*

*Bathon. Episc. transfertur ad Eborac.*

Deficientibus in castro *Kenellworthy* victualibus non solum hominum, sed pabulo jumentorum, conclusa multitudo præ ciborum penuria tabescebat, adeo ut jumentorum carnibus vescerentur pro deliciis, & undæ labentibus haustibus sitis ardorem pro vino & aliis potuum confectioibus extinguere cogerentur, Quinimo quotidianis ciborum distrubutionibus sibi parcius solito administratis, citra satietatem singuli se reficere sunt compulsi, quod tamen latuit obsessores; unde factum est quod obsessi contra externos insultos,



quos quotidie solito validius accrescere sentiebant, se segnius & mollius defendebant. Cæterum ædificia castri sic fuerant fundibulorum jactibus quassata, quod præ lignorum penuria cremandorum temporis hiemalis intempesta frigora diutius sustinere non possent. Igitur ut honestis conditionibus & castrum dedere viderentur, & suam quam tetigimus penuriam palliarent, habito invicem tractatu non modico, præmeditata solertia fruebantur, & die lunæ proxima post festum Sancti *Leonardi* inter ipsos & Regem amicabiliter sic convenit, quod Dominus *Richardus* de *Edmundebill* & alii duo milites, nec non quinque milites alii egrederentur de castro, & quadraginta dierum circulo per Regem loco obsidum pro omnibus tenerentur in custodia, & si forte *Simon* de *Monteforti* infra terminum prænotatum venisset obsessis in adiutorium, obsides supradicti sine qualibet contradictione reponerentur in castro: alioquin supradicti castri occupatores infidi elapso termino Domino Regi castrum restituerent, salvis tamen sibi quam obsidibus prætaxatis vita & membris, equis & armis, nec non & universis bonis eorum tam bene quam nequiter acquisitis. Interim obsessores & obsessi vacantes ociis à mutuis quieverunt insultibus, appropinquante quoque quadraginta dierum circulo, prætaxato die Lunæ proximo ante festum Sancti *Thomæ* Apostoli deficientibus sic in castro victualibus quod ultra duos dies ulterius victualia non haberent, videntes sperata sibi diutius adiutoria minime proventura, munitionem obsessam urgente necessitate Regi tanquam vero Domino reddiderunt. Egredientes quoque de castro quanta famis inedia tabescebant, pallor vultus & cutis glaucitas evidentissime prætendebant. Quinimo obsessores externi egredientibus obsessis, cum limina deditæ munitionis ingrederentur, præ fœtoris nimietate pene fuerant suffocati. Rex itaque deditum sibi castrum statim Domino *Edmundo* filio suo postremo, nescio quorum ductus concilio conferebat, & se statim recreationis gratia transferebat *Wodestokiam*, ut ibidem Nativitatis dominicæ solemnia celebraret, indeque decessit *Londoniam*, ut solennitatem beati *Edwardi*, quæ in vigilia *Epiphaniæ* annuali revolutione contingit, consueta devotione recoleret; quo peracto statim literis suis per universum Regnum undequaque transmissis, universos Regni magnates, tam personas Ecclesiasticas quam seculares, qui sibi deesse noluerant convocavit, ut in Octabas Purificationis beatæ *Mariæ* coram eo convenirent apud Sanctum *Edmundum*, colloctione mutua tractaturi qualiter insulanorum furiam possent sua virtute reprimere, & desolatæ provinciæ necessitatibus providere.

*Castrum Kenilworth Regi traditur.*

*Rex Parlamentum citat ad Sanctum Edmundum.*

Advenit ibidem Legatus, & missis in insulam Pontificibus & aliis nobilibus, monuit insulanos ut relicta vesania in honestam pacis concordiam consentirent, & Domini Regis beneplacitis se coaptarent. At illi tam in prophana multitudine spem ponentes, nec credentes se in provincia tam inaccessibili posse quomodolibet impugnari, in malitia sua nequiter obstinati inflexibiles perstitērunt. Soluta quoque Parlamento, Rex cum innumerabili bellatorum & militum comitiva secessit *Cantabrigiam*, frustra gestiens introitus & exitus insulæ prænotatæ concludere, appositis undequaque custodibus ne sicut consueverunt exeuntes, vicinas sine repulsâ possent depopulare provincias; ipse quoque per totam Quadragesimam & amplius cum exercitu copioso in *Catabrigia* inutiliter morabatur. Siquidem etsi Rex de oppidis maritimis viz. *Gypperwich*, *Dorwich*, *Grenemuth*, *Linna* classem non modicam convocasset, & imposita bellatorum multitudine insulanos navigio fortiter impetisset, exeuntibus insulanis in occursum illorum, & in fallo potentissime dimicantibus, Regii tamen bellatores devicti pariter & confusi; quibusdam vulneratis, aliis crudeliter interfectis, vix ad propria sunt reversi. Rege quoque sicut prædiximus ibidem inutiliter commorante, intinatum fuit Domino *Edwardo*, quod Dominus *Johannes* de *Vesti* magnatum Aquilonarium non modicam sibi conjunxerat comitivam, facta invicem mutua conjuratione, quod quilibet alii colligatione firmissima cohæreret, & unusquisque alterius

*Rex frustra conatur reprimere Elienses.*

*D. Edwardus Johannem de Vesti & alios tumultuantes reprimat.*



rius fretus subsidio, terras proprias quas Rex (ut supra tetigimus) coadjutoribus suis minus discrete contulerat, ipsis violenter expulſis, motu proprio refarciret, & obtentas contra quoslibet deſenſaret. Dominus vero *Johannes* ne ultimus videretur, caſtrum ſuum de *Alneſwyc*, & terras plurimas adjacentes quibus fuerat viduatus, juxta formam habitæ conjurationis reſumere non expavit. Sane Dominus *Edwardus* hoc audito, congregatam militiam & bellatorum multitudinem copioſam ad partes cœpit traducere boreales, & dictum Dominum *Johannem* dux ille potentiffimus uſque adeo coarctavit, quod caſtrum & terras quas proprio reſumere præſumebat inſtinctu, protinus reſignavit, quin etiam proprium conſitendo debitum, Domini *Edwardi*, cujus inæſtimabilis & univerſa ſemper contra tranſgreſſores exitit miſericordia, gratiæ ſe ſubmiſit, qui pius & miſericors non ſolum diſtulit ultionem, ſed & veniam tribuit tranſgreſſori. Cæteri vero conjuratores animo conſternati, indemni caſtigatione cautiores effecti, à priſtina protinus præſumptione ceſſabant. Hujus igitur anni turbationibus explicatis, ſequentis anni ſeriem ad poſteriorum memoriam pro noſtræ parvitatſ modulo perſtringamus.

M C C L X V I I.

Anno quo verbum patris altiffimi in utero virginis meruit incarcerari MCCLXVII. dum Rex *Angliæ* frivolam & inutilem in *Cantabrigia* moram trahe-  
ret, *G. de Clare Comes Glouceſtrenſis* ne nil agere videretur, Domini *W. de* *Com. Glouceſt.*  
*Wicheſenely* de *Edwardeſton*, Magiſtri *Rogeri* de *Leyceſtr*, *Henrici* de *Borhtun* *occupat ur-*  
ſœdo fretus concilio, circa dominicam palmarum, (obtenta tamen prius per *bem Londin.*  
cives *London* licentia Domini Regis, quod ipſi tanquam fideli & devoto ſuo civitatis aditum non negarent) ipſam ſi fas ſit dicere minus honeſte quam deceret ingrediens occupavit, ignorantibus quibuſdam civibus myſterium quod inter ipſum & conciliares ſuos paucis conciliis gerebatur, quibuſdam non conſentientibus ut dicebatur, qui timore potius quam amore voluntati Regiæ paruerunt. Confluebant ad eum non ſolum ipſius Comitſ ſubjugati dominio, verum etiam externorum multitudo non modica, quin etiam *Johannes* de *Peybill*, qui exhæredatorum in inſula commorantium Capitaneus dicebatur, & *Robertus* de *Wyleby*, qui non ſolum ſtrenuæ multitudinis comitiva qua continue cingebatur, ſed & robuſtæ dimicationis ſolertia cæteris præpollebat, relictæ quam prædiximus inſula civitatem *London* cum turba innumerabili, ut Comiti votivum communicarent adjutorium, introibant. Comes itaque civitatem ipſam bellatoribus, armis, & victualibus muniebat, januas urbis undequaque adhibitis cuſtodibus concludens, ut quorumlibet externorum inſultus formidare minime cogeretur; ut autem dolofam civitatis occupationem honeſto quodam tegmine palliaret, de prædictorum ſibi cohærentium, quorum minus ſano concilio potiffime fruebatur, præmeditata calliditate ad excuſandas excuſationes in peractis ridiculoſa ſibi figmenta texuit, viz. pro utilitate reipublicæ cauſam communitatis totius Regni gerere nitebatur, ut Dominum Regem induceret, quod exhæredatos admitteret ad gratiam, & ad pacem, & terras eorum & poſſeſſiones, quas diverſis perſonſ indiſcrete contulerat, ſub certis conditionibus eis reſtituere cogeretur. Quinimo conſingebat, quod pro commoditate Regni Dominum *Edwardum* nitebatur inducere, ut Sacramentum quod ſibi præſtiterat (quum ſicut ſupra tetigimus de cuſtodia Comitſ apud *Hereford* tam prudenter evaſit) tanquam honeſtum & toti Regno perneceſſarium ſaniora meditando obſervaret. Articulos quoque juramenti, quos ſupra tetigimus, ad præſens brevitatis cauſa pertranſire non pudet. Rex igitur audito quod civitatum *Angliæ* Principiſſa per inſidos indigenas in dolo fuerat occupata, animo conſternatus obſtupuit, honeſtatem Regiam non decere decernens, relictis inſulanis, quos ut poterat coarctavit, adjacentes provincias Satanæ ſatellitibus tyrannice debacchantibus ad prædam exponens ſubſidio deſtitutas. Cæterum pernicioſius univerſis ratione ſubnixis, nec immerito, videbatur urbem ſupradictam, quæ ſic iterato nefaria ſuggeſtione deluſa priſtinam reſumendo veſaniam, à Rege ſuo ſub quadam,



quadam comminatione desciverat, furibundis satellitibus dedere negligendo. Dum itaque talium perplexitatum fluctuationes in Regis animo versarentur, fidelibus suis qui secum in *Cantabrigia* morabantur mutuo pertractantibus quid horum censeretur esse consultius, insulanos sumtuosa sed inutili tamen coarctatione concludere, vel ut urbis nequiter occupatae liberationem cum faventium sibi procerum cuneis se transferre; ecce Dominus *Edwardus* festinatis gressibus de partibus veniens Aquilonis strenuissima Comitatus militia Domini Regis non mediocriter auxit exercitum, & continuo conglutinatis exercitibus procedentes, versus partes *London* se cum tota multitudine transtulerunt.

*Rex juncto sibi Edwardo Londinum tendit.*

*Com. Gloucester obsidet Legatum in turri London.*

Quippe dum hæc agerentur, Dominus Legatus considerans sibi suisque, si *London* moraretur, verecunda prorsus vitæ discrimina minime sibi defutura, sano fretus concilio urbe relicta, arcem Regiam, quæ turris *London* dicitur, cum turbis sibi familiaribus introivit, & obturatis januis contra externos insultus quos sibi non deesse patulo prævidebat, conclusam familiam quantumlibet modicam ad castrî defensionem pro suæ possibilitatis modulo præparavit, & pro tuendis corporibus ad motus bellicos armavit. Nec mora, Comes cum suis copiis urbe potitus ut prædiximus, Domini Regis & liberorum suorum, & exercitus eorum innumerabilis adventu præcognito, ut imminentes insultus viriliter propulsaret, turrim *London* in qua Legatus non sine formidine morabatur inclusus, cujus ultro sibi suisque negabatur introitus, obsidione conclusit, & admotis ei parti quæ civitati contignatur, nec non balistarum officio jacula funestissima projicientium sine intermissione conclusos fortiter impugnabat. At conclusi machinas exiles & pauperulas, quas in turri repererant, pro modulo suæ possibilitatis coeperunt erigere, & insultantes vice versa repellere, ne forte præmunitionis indefensæ penuria periclitarentur obfessi, & quod absit, turri dedita vel viribus occupata, occasione tanti refugii animarentur, internorum & externorum oppugnationem contingeret impediri: his quoque duobus incommodis providere remedium salubri usâ concilio invigilabat Regiæ solertia comitivæ. Quippe cum Rex cum favente sibi copia quadam nocte satis prope civitatem nihil sibi metuens recubaret in castris, summo diluculo indumentis bellicis totum muniri præcepit exercitum, & expansis vexillis equitans prope mœnia civitatis videntibus cunctis & invidentibus, nec impedire valentibus, præsertim cum januas urbis tam numerosa multitudo egredi non auderet, ipsam pene ex uno latere circuibat, & arci cretatæ cominus appropinquans, per posticum quod de turri plagam meridionalem respicit, & fluvio contignatur, Legatum potenter eduxit, & ejus loco defensores idoneos intromisit, eductoque Legato occupatores urbis non immerito deridebat, & procedens usque *Stafford* ad tria milliaria prope *London* sine quolibet obice castra fixit, morosam sed tamen inutilem protrahens obsidionem, dum pars utraque præcedentium non immemor præliorum, in quibus inopinatus quam credi poterat sub eventibus variis alternabat & rotabatur fortunæ volubilitas ignara constantiæ, cogitaret magis cogitationes pacis quam belli. Porro commorantes in urbe, ut vel fantasticam gloriam ostentarent, vel ut externos furiosis excursionibus irritarent, ea parte civitatis qua liber eis sine resistantia vel impedimento pateret egressus, *Cantiæ* scilicet & *Surriæ* provincias pervagantes quæcunque poterant inveniri victualia congregabant, & non soluto precio deduxerunt in oppidum.

*Rex liberat Legat. & suis turrim occupat.*

*Civitat. London. obsidet.*

Quinetiam rationis consideratione non habita, palatii Regii *Westmonasteriensis*, quod diversis in Regnis comparisonem recipere dedignatur, fores, fenestras, & ostia confractis vectibus avellentes deduxerunt in suburbium civitatis, quod inusitato nomine *Suthwerks* dicitur, & inde sibi propugnacula præparare coeperunt, ut si forte per quoslibet impeterentur, oppugnantes tali præsidio facilius propulsarent. Imo quod non sine dolore referemus, omnes illos quibus per accusationem adversariorum sive præsumptionem impingere poterant, quod partis Regiæ fautores existerent, sine personarum



narum distinctione trucidabant, vel de pontis cacumine sive de naviculis præcipitatos in flumine demerferunt.

Nec silentio præterire debemus, quod exceptis quos supra tetigimus insularis, hostem reipublicæ *Henricum Pedonem* qui, prout superius est expressum, convagans per pelagus prædo piraticus, navigantes non solum bonis omnibus spoliavit, sed & immisericorditer trucidavit, in suam non erubuit asciscere clientelam. Dum hæc *Londoniis* agerentur, *Henricus de Hastings* ita quietis factus impatiens, juramenti quod de non ulterius adversando Regi præstiterat, cum dedito castro de *Kenelworth* cum cæteris occupatoribus impune recederet, prævaricator effectus est, neque cogitaret cogitationes præcedentium abstergere macularum; comperto quod egresso, prout supra tetigimus, Domino *Johanne de Divil* insularum Capitano, occupatores ipsi ad suam perniciem sibi relictæ sine Capitano, eandem insulam indiscretius quam decuit vel oportuit adeundam putavit, & factus est maleficorum maleficus gubernator, immoderatiore superbix fastu prædecessores non solum æquiparans, sed excedens. Quippe Rege cum proceribus suis circa obsidionem *London*, ut prædiximus, occupato, proceres insulam sublato legis vigore, & nullo disciplinæ metu, seu rebellantium viribus coerciti, permissiva quadam libertate gaudentes vicinas provincias consueto ferocitatis genere crebris incurSIONIBUS infestabant. Rex quidem *Angliæ* cum sibi pecunia minus copiosa suppeteret, qua vel domesticos in victualibus necessariis exhiberet, vel *Gallicorum* copiis quos in suum frustra convocaverat adjutorium quotidiana stipendia ministraret, cibariis hominum & pabulis jumentorum passim deficientibus, diusculam in obsidione prælibata, sed frivolum & inutilem moram traxit, dum neutra \*\*\* procerum quamlibet viribus imparem se videret, adversam conflictu bellico ausa esset invadere. Verum Rex *Alemanniæ*, cui semper ut asfolet affluenter pecunia suppetebat, cibariis abundantissime ministratis, agentem irrefragabiliter recreavit exercitum: *Johannes* quoque *Wasset* præ cæteris Regni proceribus cibariorum largitor profusissimus consimilis munificentix non tepidus imitator, citra Regiam largitatem consistere duxit inglorium, ejus pro facultatum viribus vestigiis inhærendo.

Tandem vexatione dante intellectum, nunciis intermediis potissime laborantibus cœpit fieri tractatus de pace: sed quia partes alternæ de suis frustra viribus præsumebant, protelebatur pacis negotium per mutuos hinc inde tractatus, licet supra-dictus *Romanorum* Rex serenissimus cum Domino *Henrico* primogenito suo Domini Comitis avunculo, Domino *Johanne Wasset* pluribusque Regni nobilibus mediatoribus effectis, & efficacissime cooperantibus ut in honestam concordix formam mutuo convenirent; denique post multas hinc inde altercationes, & disponente quo nato præconiabat Angelica multitudo, gloria in excelsis Domino, in terra pax, hominibus bona voluntas, alterna partium rabies furibunda honesto concordix vinculo cuncta, mediante virorum pacificorum sollicitudine, conquievit in hunc modum, viz. quod Comes *Gloucestrensis* proprium quod excusare non poterat confitendo delictum, Domino Regi civitatem redderet occupatam, & Rex misericordiam potius excercendo quam judicium, eidem Comiti & complicibus suis omnem rancorem & motum animi quem contra eos non sine ratione conceperat gratiose remitteret, & illatas tam sibi quam suis injurias perdonaret, dum tamen Comes juratoriam & fidejussoriam cautionem præstaret sub poena xx. Mil. Marcarum, quod in posterum contra dictum Dominum Regem guerram movere non præsumeret, nec ipsi prætextu occasionis hujusmodi dispendia vel injurias irrogaret: forma quoque pacis hujus nobilissimis Domino *Romanorum* Regi & Domino *Johanni Wasset* de consensu partium discordantium compromisso vallata, commissæ est per modum arbitrii proferenda. Acta sunt hæc xv. die Junii datis interim triduanis induciis, quod Comes cum complicibus suis & universa suppellectili urbe egrederetur, & ne forte inter alternas partium familias contentio moveretur, contra Regis ingressum ut universa civitatis hospitia vacuarent.

*Henr. de Hastings factus est dux Eliensium.*

*Pace facta inter Regem & Comitem, civitas Lond. Regi tradita.*



*Rex civita-  
tem ingressus,  
venia conjun-  
ctis stipen-  
diarios dimittit.*

Rex itaque post triduum cum universo exercitu civitatem ovanter ingressus, adhibitis tam in ea quam in turri custodibus de quibus potissime confidebat, ipsam de cætero cautius muniendam ac conservandam esse decrevit. Veruntamen civibus ipsis qui de admissione Comitis supradicti ad excusandas excusationes in peractis aliquantulas poterant prætexere rationes, id est quod expediret potius quam deceret, attendens admissis ratiunculis sub dissimulatione quadam, indulta misericorditer venia condescendit.

Quinetiam justitiæ misericordiam, quæ superexaltat iudicium, anteponens, *Johannem Depvill, Robertum de Wyleby* cum complicitibus eorum universis & singulis qui relictis insularis, ut prædictum est, ut Comiti cohærent civitati *Londoniarum* impudenter se immerferunt, admisit ad gratiam, & omni quam prius meruerant indignationem sepulta, literas veniales Sigillo Regio configuratas in perpetuæ reconciliationis argumentum non solum clementer, sed & curialiter erogavit.

Igitur Rex stipendiarios fere cunctos, quos de partibus transmarinis frustra traduxerat, solutis affluenter stipendiis ad propria repedare permisit, & cum indigenis sibi cohærentibus usque festum *Sancti Jacobi* Apostoli *Londoniis* continue morabatur, & diuicule (ut assolet) tractatibus de Regni moderatione pertractans, nihil memorabile vel famosum quoad Regni commoditatem gessit in opere, sed & victualium civitatis deditæ pauculas reliquias inutili sibi familia cohærente consumpsit.

*D. Edward.  
consensu  
clam habito  
Nicolai de Se-  
grave Elien-  
sem Ins. in  
potestatem  
Regiam redigit.*

Porro Dominus *Edwardus Eliensis* provinciam desolationem toto corde combibens, ut perfidos occupatores militaribus ausibus oppugnaret, arte simul & viribus duxit utendum. Quippe contra scelestissimos prædones illos viros cautela juvare turpe dici non debuit, sed potius virtuti fuerat ascribendum, cum circa hostes reipublicæ triumphus fidei debeat anteponi: quippe pio studio satagens pro publica Regni commoditate tantæ multitudinis impetuosos ausus atterere, præmeditata fretus solertia cum Domino *Nicholao de Segrave* ut curatore ejusdem, cui cujusdam propugnaculi seu pessulariæ, quæ volentes ab ingressu insulæ potissime coercebat, commissa fuit custodia, clam collusit, ne quid per eam pateretur impedimenti quo minus prosperaretur in his quæ animo jam conceperat, & ad effectum perducere conabatur; cumque super hoc securitate fideque firmissima fulciretur, contracta secum bellatorum manu non modica, *Ramesiense* monasterium, quod paludosæ provinciam contignatur, adiit, & populos ejusdem provinciam sibi conjunxit pollicitationibus simul & præmiis, demulcendo, quod mortis discrimina non verentes, si, quod absit, necessitate vel infortunio cogerentur, secum commori non negarent: provinciales itaque qui navigando pariter & deambulando paludis illius amplissimæ abditissima loca frequenti perscrutatione cognoverant, vias abditas pontibus arundineis per loca prius intransibilia artificiosè compositis præparabant, & naturæ defectus artis beneficio suppleverunt: unde factum est tam equitum quam peditum multitudo quasi per aridum tutissime transmearet. Huic artificio accedebat in adiutorium æstivi temporis siccitas biennalis, quod loca prius madida adeo, ut ante hoc tempus fuerunt incalculabilia, præmunitione fortioris sic fuerunt arefacta, quod vere dici poterat, digitus Dei est hic. Itaque supradictæ copiam militares ostensa sibi per provinciales itinera sub tantoclypeo Capitanei peragraré minime formidantes, connivente sicut pepigit Domino supradicto, propugnacula supradicta seu pessularias nullo prorsus rebellante transibant, & ignorantibus insularis infra terminos insulæ prælibatæ jam in solido consistentes, interlabente tamen modico fluviolo quem facile immixtis manipulis arundineis, quorum eis affluenter copia suppetebat, sine quolibet obice poterant pertransire, intuentibus cæteris insularis stuporem pariter & timorem incusserunt. Unde factum est ut repentino tantorum hospitem adventu non præcognito pavefacti, ad defensionem propriam seu resistantiam faciendam pigrius moverentur; veruntamen ne nil agere viderentur, quantulamcunque balistariorum & sagittario-  
rum



rum turmam præmiserunt ad annem, ut parantibus sibi transitum jaculorum officio vel in modica propulsatis, nobiles cæteri possent interim se suasque evectiones loricis induere, & assumtis cæteris armamentorum generibus adventantibus ex inopinato adversariorum copiis prælium vel inferre vel accipere, sed hoc frustra: quippe Dominus *Edwardus* balistarios & sagittarios suos ex adverso fluyioli repensuros supradictis sagittariis talionem sagaciter ordinavit, ne forte præ defensionis penuria tam salubri proposito fraudaretur; sane cum parato pene transitu exercitus scienter affectans cum insularis, quos eminus quasi paratos ad prælium adventare prospexit, inire conflictum, ecce Dominus *Edwardus* edicto publico denunciavit eisdem, quod si quis quempiam de suis invaderet, vel ipsum quo minus cœptis insisteret quocunque rebellionis obstaculo præpediret, capitis detruncatione vel suspendio plecteretur, si sibi triumphus, quod nemo poterat ambigere, forte bellica proveniret. Quo audito dilapsa penitus & sopita pristinae ferocitatis audacia, universi simul, & singuli subita consternatione conterriti, supina protinus feritate neglecta demissis capitibus incedentes agninam mansuetudinem induerunt, & quod nec prius audire poterant, ejus se gratiæ, quæ cunctis semper extitit gratiosa, voluntarie submiserunt. At ipse indulta sibi sub dissimulatione venia, quod tum, ut verum non taceam, multiplici ratione demeruerant, vix biduanis concessis induciis ut cum sacrilega prædarum suarum coacervatione, civitate simul & insula deditis vacuarent, non sine confusione & dedecore universi pariter egredientes, provincialibus ad propria restitutis, & pristina libertate gaudentibus, non mediocrem lætitiā reliquerunt. At victor exercitus cum triumphali tripudio signis præ gaudio concrepantibus civitatem ingreditur, civibus universis cum pauculis monachorum reliquiis Regi Regum gratias exsolventibus, qui sub futuri Principis patrocínio civitatis & provinciæ condolens afflictionibus, spurcissimam gentis nefariæ comitivam abradens, libertate reddita, ab eorum humeris importabile servitutis jugum excussit. Fama prævola per totum Regnum modico tempore divulgata fautores Regios non mediocri lætitiā circumfundens, quanto gratius in auribus eorum insonuit, tanto molestius adversæ partis viscera contristavit. Obtento quidem circa festum Sancti *Jacobi* Apostoli tam foelici triumpho, sedatis jam per *Angliam* pristinæ turbationum motibus procellosis, in cunctis Regni finibus successit optata tranquillitas, & evanescente turbationis nubilo pacis serenitas elucescens incolis bonæ voluntatis gratius arridebat, succedente messium tempore, præconizato per totum Regnum *Angliæ* generali pacis edicto, nobiles singuli ad propria redeuntes, & pro loricis vestes laneas induentes constabant gladios suos in vomeres, & lanceas suas in falces, & præliorum exercitationem in canum & accipitrum solatia commutantes, ut otis vacare vel negotiis libere possent indulgere.

*Pax per totam Angliam.*

Nec enim sub silentio sepelire debemus, quam clementer universorum moderatrix sapientia Regni nostri turbationis incommode conquassata dispendia decompensans, post tantarum conquassationum tædia largifluam omnimodorum concessit fructuum ubertatem, ut plebs prius inermis & languida jam prælatorum oblita malorum federet super ollas carniū, & comederunt panes in satietatem, vina insuper *Aquitanica* abundantissime deferebantur in Regnum, & exili pretio venundata vacua prius promptuaria repleverunt, & excitatus tanquam dormiens Dominus, & tanquam potens crapulatus à vino, & eduxit panem de terra, & vinum quod lætificat non solum cor hominis, sed ut legitur in libro judicum, Dei & hominis, & completum videbatur illud prophetæ vaticinium, Date vinum his qui amaro sunt animo, bibant & obliviscantur egestatum eorum. Cæterum elapso jam quinquennio in diversis præliis & conflictibus in arido pariter & in falo tanta strages facta est hominum *Anglicorum*, deprædationes, rapina, furta, sacrilegia, perjuria, multifariaque prodigionum aliorumque vitiorum genera perpetua, quod inter fas & nefas virtutes & vitia honestum & inhonestum vix modica fuit discordia, sed lege

*Magna rerum omnium copia.*



per Regis impotentiam languefcente, licitum erat unicuique facere quod volebat: fed huic morbo tam peftifero falutare providit antidotum fapientia Dei patris, ac fi à piis fidelibus diceretur, recordare Domine Testimonii tui, & dic Angelo percutienti, ceflet jam manus tua, ut non defoletur terra, & ne perdas omnem animam vivam.

*Torneamenta  
celebrantur.*

Elapfo tempore vindemiarum & meffium, & rutilante pacis fereno, *Anglicanæ* militiæ juvenus ingenua jam præliis affueta, dum quietem afpernerent & otia, pro oftentatione virium & exercitatione præliorum, ne forte defidia milites contabescere viderentur, in armorum exercitia conflagrabant, & cooperantibus duobus Regis *Angliæ* filiis, nec non illustris *Romanorum* Regis primogenito, edicto publico præconiabantur præliorum præludia, quæ vulgari nuncupatione *torneamenta* confueverant appellari; certisque diebus & locis ad hoc tam de indigenis quam alienigenis adventantes copiæ militares fub confectione qualibet prætaxatis congressibus intendebant, & licet temporibus retroactis confueviffent per Regiam prohibitionem *torneamenta* frequentiffimè retardari, effrenatus tamen fervor procerum prohibitionibus hujufmodi deferenda non duxit opportunum, quinetiam hoc anno tot in Regno celebrabantur haftiludia, quot ad decem & amplius retro annis in *Anglia* non fiebant, ita ut uno eodemque die diverfis in oppidis vix per unicam diætam diftantibus, viz. *Warewike* & *Brakkele* diverfi tyronum cunei tornearent.

*Decimæ Ec-  
clefiastico-  
rum, pauculis  
exceptis, à  
Papa Regi  
funt concessæ.*

Et ne Clericorum mafcupia facculis laicorum abundantius intumefcerent, fed effet Cleris ficut & populis, fummus Pontifex excedens potius, fi fas fit dicere, poteftatis plenitudinem, quam excercens, inaudito contributionis genere *Anglicanam* Ecclefiam concedendo Domino Regi *Anglorum* decimam partem omnium bonorum & proventuum annuorum, tam Clericorum, quam religioforum, paucis religiofis duntaxat exceptis, quicum ne cum aliis contribuerent, & fic fua læderent privilegia, inestimabili data pecunia redimenda duxerunt, & non folum fub antiquam vel pernequiter innovatam taxationem decimas fuas unius anni reddere funt coacti, fed & trium annorum fub decimatione verum & plenum rerum fuarum valorem finguli perfolvebant, & ut voluntariis motibus fuus æqui vel faltem honefti colorem fuperduceret, & innatam *Romanis* cupidinem qualicunque tegmine palliaret, non caufam confinxit ut caufam viz. quod quia populus multiformi jactura coarctatus Regis difpendia relevare non poffet, vel potius non fineret ad hoc fe legis metu vel potentia Regis coerceri, Clerici faltem ipfius defectibus pietatis ftudio condolentes fua nimia difpendia refarcirent: veruntamen quanquam fic confictis ratiunculis potuiffent induci, indecens & iniquum decerni debuit voluntarias contributiones eis imponere, cum potius debuiffet eis nomine precario fupplicaffe, ut propria voluntate quam gratis vellent, fibi certam concederent pecuniæ fummam. Quippe per exitum negotii manifefte clarebat indiciis innata *Romanis* prudentia ferpentina; nam tandem non modicam illius decimæ portionem pro recompensatione annui tributi, quod Rex Domino Papæ nomine fubjectionis folvere confuevit, à cujus folutione toto turbationis tempore ceffabatur, in augmentum Papalis ærarii assignare non erubuit; & magiftrum *Simonem* Camerarium fuum ejufdem pecuniæ receptorem deftinavit in *Angliam*, cui, ne de proprio folverentur expenfæ, quo Papalium facculorum quantulacunque portione contingeret exhauriri, de fingulis domibus religiofis totius Regni fingulis diebus feptem folidos assignavit procurationis nomine percipiendos. Dominus *W.* Archiepifcopus *Eboracenfis*, Inthronizatus eft in fefto omnium Sanctorum apud *Eboracum*. Eodem anno obiit *Johannes Wintonienfis* Epifcopus in Curia *Romana*, qui fub expectatione gratiæ fummi Pontificis in eadem Curia morabatur, quo defuncto Dominus Papa Epifcopatum *Wintonienfem* contulit magiftro *Nicholao* de *Ely* tunc *Wigornienfi* Epifcopo: at ille fumma cum hilaritate priori fponfæ, formæ vultus fei feu potius potioris captus illecebra, valedixit. Monachi quoque *Wigornienfes*

*Joh. Winton.  
Epifc. eb.*



*gornienſes* electionis liberæ licentia jam obtenta, Eccleſiæ viduatæ præſulem idoneum præficere cupientes, magiſtrum *Godfridum Giſſard* venerabilis patris Domini *Eboracenſis* germanum, tunc Domini Regis Cancellarium, in patrem & paſtorem unanimiter elegerunt, qui nimirum à Domino Rege gratanter admiſſus, ſublata qualibet reſiſtentia, à Domino *Cantuarienſi* canonicè confirmatus munus conſecrationis uſque ad tempus congruum expectabat.

M C C L X V I I I.

Anno quo ſummi patris unigenitus ſemetipſum exinanivit formam ſervi accipiens M C C L X V I I I. optatæ tranquillitatis firmitudine in cunctis *Angliæ* finibus ſolidata, venerabilis Pater *Oſtobonus* tunc Legatus in *Anglia*, convocatis univerſis & ſingulis Regni Prælatiſ tam majoribus quam minoribus qui quocunque prælationis titulo præſidere videbantur, annuente Chriſtianiſſimo *Anglorum* Rege *Henrico*, in Quindena Paſchæ quæ ipſo anno contigit VI Id. Aprilis, in Eccleſia Cathedrali Sancti *Pauli London* ſolemne concilium cum magnificæ poteſtatis gloria celebravit, in quo conſtitutionibus ultimi prædeceſſoris ſui *Ottonis* Sancti *Nicholai* in carcere *Tulliano* Diaconi Cardinalis, dudum Apoſtolicæ ſedis Legati in *Anglia*, ſummarie confirmatiſ, novas quas ipſemet edidiſ conſtitutiones conſpectu multitudinis legi fecit in pulpito, & publice divulgatas inviolabiliter obſervari conſtituit, & earum Copiam Pontificibus exhiberi decrevit, eas à prælatiſ qui tunc præſentes extiterant & eorum poſteris memoriter obſervandas, cumque quidam de Pontificibus & aliis junioribus prælatiſ proſpicientes, & ſi poſſent præcavere volentes quaſdam ex jam editiſ conſtitutionibus, quæ eorum iuriſdictioni plerumque diminuire vel lædere viderenter, propter quod injuncta ſibi eorundem obſervantia eorum animos potiſſime titillabat, ſummi Pontificis audientiam appellabant. At Legatus diem craſtinum præfixit appellantiſ, ut interim deliberarent an tota communitas appellationem interpoſitam proſequi vellet vel à propoſito deſilire; ſed interim Prælatos ſingulariter ſciſcitatos prudenter alloquebatur & ſic eorum motus voluntarios obtundebat, ut omnes in craſtino vel ſponte vel metu interjectiſ appellationibus reſilirent. Legatus autem omnibus pro voluntate diſpoſitiſ convocatæ multitudini licentiam tribuit ad propria repedandi.

1268  
*Oſtobonus* Legat : conſtitutiones *Ottonis* confirmat & alias addit



Statimque Pontifices prout eis prætextu conſtitutionum prædictarum in concilio eodem ſub terribili comminatione fuit injunctum, ſinguli ſingulos Clericos ſuarum Diocæſium, plura quoque titulo poſſidentes beneficia certis diebus & lociſ fecerant evocari, prævilegia ſeu diſpenſationes ſuas, ſi quas habebant, ſuper beneficiorum pluralitate ſub poena privationiſ eorundem ſublatis appellationibus oſtenſuros, ex quo Pontificum, qui non ſolum animarum ſed pecuniæ zelum habuerunt, accrevit ærarium, dum quidam, quorum diſpenſationes minus ſufficere decernebant, data pecunia pacem redimere ſibi cogerebantur. Forte quidem Legatus exemplo prædeceſſoris ſui territus, qui pro conſimili quam Clericiſ *Angliæ* moverat queſtione dum veniſſet *Dron*, à ſcholaribus ejusdem municipii terribiliter infeſtatus, quodam de nepotibus ſuiſ interfecto, vix mortis periculum evadebat, ſaniora meditans cum Clericiſ Regni noſtri ſuper pluralitate beneficiorum timuit diſceptare, quamobrem diſceptationem hujusmodi Pontificibus tradidit exequendam, porro pretio vel timore modico lapſu temporis dicta Clericorum vexatio penitus conquievit. Epicoſpus *Wintonienſis* in feſto Pentecoſteſ ſolemniter inthronizatus convocatiſ multiſ Regni Magnatibus ſolenne convivium *Wintoniæ* celebravit.

Queſtio fit de pluralitate beneficiorum.

Die dominica in feſto nativitatſ Sancti *Johanniſ Baptiſtæ* convenerunt *Portſhamton* Dominus Legatus, Dominus *Wintonienſis* & *Anglicanæ* militiæ innumerableſ multitudo, ibique ſolemne prædicatione facta Dominus *Edwardus*, & Dominus *Edmundus* frater ejus ſereniſſimi Regiſ *Anglorum* filii, Dominus *Henricus* illuſtriſ *Romanorum* Regiſ primogenitus, nobileſ viri Comiteſ *Glouceſtriæ*, & *Waremiæ*, Dominus *Willielmus* de *Valentia*, & alii militeſ Regni no-

*Edward.* & *Edmund.* Regiſ fil. cum aliis Baroniſ expediti-onem deſignant ad terram ſanctam.



stri usque ad centum & viginti, piæ devotionis studio satagentes terræ Sanctæ dispendia, quæ per depopulationem nobilissimæ civitatis *Antiochiæ* nuper captæ per *Saracenos* fuerat multipliciter desolata, suæ probitatis viribus refarcire, redemptoris nostri cruce triumphali in signum futuræ peregrinationis suos humeros insigniebant, & utriusque sexus populus infinitus tot nobilium excitatus exemplo, non solum nobilium sed ignobilium personarum cunei quasi concertantes ad crucem accipiendam alacriter cucurrerunt, de numero militum prædictorum *xxii.* majores cæteris & nobiliores extiterant, quos vulgariter vexilliferos apellamus. Consimili quoque devotionis instinctu, facta per totum Regnum in civitatibus burgis & villis per fratres prædicatores & minores disseminatione verbi crucis *Christi*, plebeia multitudo, quas nemo dinumerare poterat, eodem crucis caractere suos humeros adornabant.

*Legatus  
transfret. in  
Galliam.*

Statinque Legatus regressus inde *Londonias* se suamque familiam ad transfretandum celeriter accingebat, & classe parata auro & argento *Anglicano* nondum satiatus licet onustus, non vacuis sed tumentibus sacculis circa festum Sanctæ *Margaretæ* virginis transfretavit in *Galliam*, versus limina beati *Petri* congruo tempore processurus.

*Rex Roman.  
in Alemanni-  
am transfret.*

*Romanorum* quoque Rex illustris, deterfa jam Captivitatis ignominia, flagranti desiderio gestiens videre *Teutonicos*, & Regni sui negotia, quæ diu scule captivato principe pendule vacillaverant, salubrius ordinare, *ii. Nonas Augusti Angliæ* pro tempore derelicta jam quarta vice post electionem de eo factam in *Alemanniam* transfretavit, rebus pro voto dispositis in *Angliam* reversurus.

*Vicesimæ Ec-  
clesiast. Regi  
solvendæ im-  
ponuntur, ut  
exhæredatis  
terræ suæ  
reddantur.*

Eodem anno Rex sano fretus concilio promisit & statuit, quod exhæredati, quorum terras minus consulte diversis personis contulerat, data pecunia suas redimerent possessiones, qua soluta chartas Regias quas eis indiscrete confecerat singuli singula resignarent, & exhæredati Regis gratiam consequerentur ad plenum. Annuentibus Episcopis qui præ pusillanimitate contradicere non audebant nec resistere, non gratuito sed per illicitam extorsionem concessum est, quod Clerici totius Regni vicesimam partem beneficiorum suorum tribuerent in subsidium exhæredatorum, assignandam Domino Regi, ut rancorem quem contra ipsos conceperat gratiosè remitteret, & illatas injurias penitus perdonaret, & licet afflictis non esset afflictio superaddenda, decimarum contributio triennalis obstare non potuit, quin vicesimam tam nequiter extortam inviti solvere cogerentur. Et licet pecunia proveniens de decimis Clericorum annuos redditus, qui de exitibus totius Regni Domino Regi proveniunt, excedere viderentur, in modico vel in nullo accrevit ærarium, dum consueto prodigalitatis genere, per Regis imperitiam largiretur indignis, & quasi ros mane pertransiens, vel nebula ore solaris radii rarefacta, vel quasi fumus evanesceret inutiliter dispersa vel collapsa. Eodem anno circa festum Sancti *Andree* Apostoli antequam Legatus noster venisset ad Curiam, venerabilis Papa *Clemens* carnis mole deposita hominem terrenum exiit, eorum ut sanè credi poterit collegio sociandus in coelis quorum ministerioungebatur in terris, de quo rem memorabilem ad posterorum memoriam transnittere dignum duxi, quod dum vitæ præsentis incolatu pontificio fungeretur, nec prece nec pretio per quoscunque flecti potuit, ut cuiquam de mundo dispensationem de pluribus beneficiis obtinendis concedere dignaretur. Facta est solemnitas enthronizatio Domini *Wigorniensis* Episcopi apud *Wigorniam* in festo Natalis Domini. Circa idem obiit *Petrus Herefordensis* Episcopus, *Johannes le Breton* vir providus & honestus ad eandem sedem a Canonis ejusdem Ecclesiæ unanimiter est electus circa festum Epiphaniæ, & statim pro confirmationis munere consequendo ad partes se contulit transmarinas: Dominus quippe *Cantuariensis* cui jure Metropolitano competit electorum confirmatio, in remotissimis tunc *Galliæ* finibus illectus natalis soli dulcedine morabatur. Igitur anni præsentis eventibus exaratis, anni sequentis feriem brevitate qua convenit percurramus.

*Clemens Pap.  
ob.*



MCCLXIX.

1269

Anno quo sapientia patris increata, ut mūdo visibili appareret, nostræ mortalitatis chlamidem induebat, MCCLXIX. convocata *London* in quindena Paschæ magnatum *Angliæ* multitudine copiosa, Rex cum proceribus ut assollet diuicule, sed tamen nugatorie pertractando, vix aliquid memorabile gessit in opere; nisi quod de consiliariorum suorum provisione statutum est, Domino *Edwardo* & Domino *Henrico* potissime laborantibus, & publice divulgatum, quod *Judæi*, qui hæctenus *Christianos* intolerabiliter oppresserant prætextu feodorum annuorum, in quibus simplices *Christiani* cautela *Judæorum* sæpissime circumventi eis tenebantur per chartas suas statutis terminis obligati talismodi feoda de cætero haberent, quinetiam munimenta, quæ *Judæi* super feodis hujusmodi possidebant, *Christianis* sine contradictione qualibet redderentur.

In Parlamento de *Judæis* actum est.

Eo ipso tempore nondum soluto Parlamento, Dominus *Edmundus* Regis *Angliæ* posthumus unicam filiam Comitis *Albemarle*, cui ex successione paterna Comitatus *Albemarle*, cujus redditus & proventus non exiles sed amplissimi dignoscuntur, & ex materna Comitatus de *Nou.* & dominicatus insulæ jure hæreditario competeat, solemni sibi matrimonio copulavit.

Edm. fil. Regis filiam Comitis *Albemarle* uxorem ducit.

Dominus *Henricus* Regis *Alemanniæ* primogenitus, annuentibus, & potissime cooptantibus, Domino Rege *Anglorum*, & Domino *Edwardo*, die Martis proxime post festum Sancti *Dunstani*, filiam nobilis viri *Gasconis* de *Byerra*, cui præ cæteris *Aquitaniæ* magnatibus, quæ vulgari nuncupatione *Vasconia* dicitur, in divitiis & potentia nec non terrarum latitudine nullus potuit æquiparari, matrimoniali sibi foedere cœnivit, sub expectatione paternæ hæreditatis, cujus non modica portio hæreditario jure novæ nuptæ competere dicebatur. Dominus *Johannes* le *Breton Herefordensis* Electus, die dominica in festo Sancti *Augustini* *Anglorum* Episcopi in Monasterio de *Wharfe* *Cisterciensis* ordinis, consecrationis munus accepit, & statim Pontificatus insula decoratus versus partes se transtulit *Marchienses* inthronizationis suæ solemniam completurus. *Romanorum* quoque Rex illustris inferioribus & superioribus partibus peragratis, perpendens quod dum in *Anglia* pro fratris sui Regis *Angliæ* juvamine morabatur, furiosa *Teutonicorum* insania, quorum munitiones inexpugnabiles super alveum *Rhenum* consistere dignoscuntur, quietis impatiens & acquirendæ pecuniæ seu potius extorquendæ tam avida, quod pro ea congerenda nullum genus facinoris exhorrescat, de singulis puppibus quæ per crepidinem fluminis supradicti victualia seu quæcunque mercimonia deferabant, & per munitiones antedictas, quas evitare non poterant, descendere cogentur, insoluta prorsus intolerabilia pacagia quæ vulgo thelonea nuncupantur, nec Dei timore nec Regis reverentia coerciti singuli singulariter extorquebant, unde factum est quod vili pretio venderentur, morbo tam pestifero salubre studuit adhibere remedium, & facta statim in urbe *Wormatia* principum & magnatum *Alemanniæ* convocatione non modica, cœpit cum eis mutuo pertractare qualiter salubrius, & melius desolatæ provinciæ posset oppressionibus obviari, ut pertusa vespillonum rabie pertinaci succederet optata tranquillitas super *Rhenum*, & necessarium incolis comineatum non contingeret impediri. Sane prospiciens tam salubre propositum sagacitate potius quam viribus ad effectum posse perducere, cives vicinarum urbium qui de mercimoniis vivere consueverant, & potentiores Regni unanimi foedere colligatos jurisjurandi cautione præstita cœnivit, quod si quis in posterum, quantæcunque foret præminentia, supradicta thelonea præsumeret extorquere, statim omnes & singuli contractis undequaque viribus invicem conglobati sub multa intolerabili irruerent in rebellem, munitiones ipsius solo tenus complanando, terris & possessionibus ipsius usque ad exterminium depopulationis extremæ crudelissime devastandis, excepto duntaxat *Veropardiensis*, & *Werdenensis* oppidorum consueto telonio quod ex antiquo jure *Romanorum* Regibus incumbere consuevit. Igitur *Teutonici* sublato tantæ oppressionis incommodo

Henr. Regis Rom. fil. uxorem ducit filiam *Gasconis* de *Byerra*.

Rex Rom. inhibet magnam licentiam exigendi portoria super *Rhenum*.



commodo glorificabant Regem, & ipsius sapientiam multipliciter commendabant, quinetiam rei gestæ divulgatio per universas orbis provincias Regiæ majestatis titulum mirabiliter illustrabat. Gavisa est universaliter bellicosa *Germania* excusso jugo diutinae servitutis, & omnimodarum rerum mercimonia faciliiori pretio vendebantur.

*Rex Rom. filiam nobilis Germani in uxorem ducit.*

Rex igitur, his & aliis Regni negotiis pro devoto dispositis, illud Apostolicum, *melius est nubere quam uri*, sana mente combibens, & ut Regiam condecet majestatem lumbos suos castitatis balteo coarctaret; & caute prospiciens quod si de indigenis Regni sui sibi copulasset uxorem, Regnicolarum suorum animos potissime complacaret, nobilem quandam filiam clarissimi viri Domini *Theodoric* de *Falkenmorte* non ambitu dotalitii, sed incomparabilis formæ ipsius captus illecebra xvi. Kal. Julii scil. Dominica proxima post festum Sancti *Barnabæ* Apostoli solemni sibi connubio copulavit, & imperiale palatium suum *De Lucro*, quod diversis in Regnis comparisonem recipere dedignatur, nuptiali solemnitate convocatis ibidem non paucis *Germaniæ* magnatibus illustrabat, statimque novæ nuptæ decor ingenuus sic Regii cordis intima transfigebat, ut nec eam unica nocte cujuscunque rationis prætextu à suo permetteret latere separari: evolutis quoque non multis diebus idem Rex non solum natalis soli, ut plerique, illectus dulcedine, sed ut *Augustæ* suæ in qua sibi ni fallor ita complacuit, quod pro ea complacanda nihil sibi videri posset laboriosum, prædiorum & possessionum suarum, quibus in *Anglia* multiplurimum abundabat, gloriam & magnificentiam ostenderet, versus fines *Angliæ* recto tramite, festinatisque gressibus procedebat, & iii. Non. Augusti jam quarta vice post coronationem suam applicuit *Dobor* occurrentibus sibi non paucis Regni magnatibus, quorum singuli, prout decuit, Regem, & Reginam pro suarum possibilitate virium singulariter honorabant.

*In Angliam revertitur.*

*Decimæ in quartum annum continuatur.*

Circa idem tempus Rex *Anglorum*, cui, sicut prædiximus, Dominus Papa decimam Clericorum sub verum suum valorem minus sane, si liceret dicere, diu ante concesserat, perpendens quod ne antiqua beneficiorum taxatio, nec *Walteri Norwicensis* Episcopi taxatio nequiter innovata verum valorem posset attingere, pessimis pessima superaddens, Pontificibus, qui se pro subditorum defensione murum inexpugnabilem exponere debuissent, annuentibus, nec non in modico contradicentibus, tandem extorsit, ut pro recompensatione veri valoris non percepti, per triennium decimam quarti anni singuli reddere cogerentur; quinetiam quantumcunque grave vel onerosum foret exsolventibus, uno & eodem decimationes duplices reddiderunt; nec mirari debemus si Pontifices nostri avaritiæ vitio intoxicati prætaxatis extorsionibus, ut deceret, se opponere non curarent, præsertim cum singuli suarum Diocesium decimationes, ut eis exinde quasi negotiationis titulo commoda provenirent, pro certa pecuniæ quantitate ducerent redimendas, quinimo in exigendis seu colligendis dictorum decimalium præstationibus tanto improbiore effecti sunt, & exquisitori studio laborarunt, quanto propriis marsupiiis desiderata pecunia prospicerent propensiori pondere cumulandam.

*Rex Henr. transfert Reliquias Edward. Confess.*

Dominus Rex *Anglorum Henricus* piæ devotionis instinctu, non patiens ulterius venerabiles reliquias beatissimi Regis *Edwardi* Confessoris, quem præ cæteris Sanctis speciali quadam veneratione dilexit, locello quodam humili recubare, ut lucerna tam fulgida diutius tecta sub modio lateret, sed ut celsius erecta super candelabrum ingredientibus & egredientibus spirituale lumen copiosius erogaret, tertio Id. Octobris, quæ dies anno ipso contigit in dominica, eo scil. die quo multo tempore retroacto prius in scrinio minus pretioso fuerat allocatus, convocatis unversis *Angliæ* prælatis & magnatibus, nec non cunctarum Regni sui civitatum pariter & burgorum potentioribus, ut translationis solemnia celebrius illustrarent; confluyente pariter plebeie multitudinis turba non modica, venerandas illas reliquias de veteri scrinio transferens in sublime, in conspectu tantæ multitudinis suis & serenissimi fratris sui *Romanorum* Regis humeris supportandas apposuit, nobilibus filiis suis

Domino



Domino *Edwardo*, Domino *Edmundo*, Domino Comite *Waremia*, Domino *Philippo Basset*, & pluribus aliis Regni proceribus, quotquot manus apponere poterant ad onus tam nobile supportandum in adjutorium evocatis, & in auri scrinio præciosissimis lapidibus adornato in loco supereminenti cum ea qua decuit reverentia collocavit. Acta sunt hæc omnia in Ecclesia Conventuali monasterii *Westmonasteriensis*, quam idem Rex opere sumptuosissimo fabricatam, amota prorsus veteri quæ nullius omnino valoris extiterat, de propriis fisci Regalis exitibus à fundamentis construxit, quæ quidem sumptibus pariter & decore sic cæteris per orbem Ecclesiis præponi decernitur, ut videatur comparem non habere. Eodem die monachi *Westmonasterienses* infra novam structuram prima vice divina mysteria celebrabant, nec defuit in Regis palatio, post executam translationis insignia, tam solemne convivium quod admirationi cunctis esse poterat & stupori.

Celebrata tandem tantæ translationis solemnitate cœperunt nobiles, ut assolent Parliamentationis genere de Regis & Regni negotiis pertractare, in quo Regis astutia, imo ut verius dicam extorsionis cupidinosæ eruca prævalente, annuentibus Regni majoribus, vel contradicere non audentibus, concessum est quod de universis laicorum mobilibus per Regnum *Angliæ* sibi vicefima solveretur, ut non solum ut prædiximus Clericorum marsupia per quadriennemalem decimarum extorsionem vacua redderentur, sed & Regis infatigata cupido laicorum medullas profundissime scrutaret, quod & equitatis lance librata contigisse dignoscitur, ut laici, qui cum derisione maxima Clericorum damnis applaudere consueverant, sic propria demum dispendia deplorarent, & licet in cunctis Regni comitatibus certæ fuissent per Regis consiliarios assignatæ personæ ad dictam vicefimam colligendam, non potuit tamen pecunia proveniens subito congregari, sed protracta est taxatio pariter & collectio usque quadragesimam, & ætatem sequentem, unde orta est in populo murmuratio in prælio fortiter invalescens; quippe dum taxatores, vacuatis interim horreis & quadupedibus mortuis vel occisis, ea quæ tunc invenerant taxare vel æstimare rationabili pretio voluissent, Regia cupiditas, tali taxatione seu pretio non contenta, compulit ut secundum fere verum valorem prout in festo Sancti *Michaelis* proximo præcedente, quæcunque bonorum genera habebant mobilia pariter & immobilia taxarentur, unde factum est, ut dicto murmure non obstante, quod primo concessum fuit ex gratia, quasi necessitate, cui contradici non potuit, non sine maximo plebis gravamine solveretur; & licet innumerabilis inde pecunia proveniret, in modico vel in nullo videbatur Regis ærarium augmentari. Porro per proceres & prælatos, qui tantæ contributioni nimium præbuerunt assensum, non modica portio pecuniæ supradictæ in subsidium peregrinationis Domini *Edwardi* in terram sanctam salubriter fuerat assignata.

*Vicesima mobilium omnium Laicis imponitur.*

*De qua populus murmur.*

Circa idem tempus Comes *Gloucestrensis* minus fano, sicut à plerisque dicebatur, fretus consilio tractatus seu Parliamenti Regis & procerum, cum quibus fuerat evocatus, & inter quos primus esse debuerat, accedere recusabat; confingens sibi causas absentiae, & frivolas excusationes, viz. quod Dominus *Edwardus* subdolas sibi machinabatur insidias, ut non venientem ad Curiam captivaret in dolo, propter quod contractis viribus, spretis Parliamenti in loca se reposuit tutiora. Sane Dominus *Edwardus* piæ devotionis instinctu fatagens peregrinationis suæ votum in terram sanctam, pro quo vivificæ crucis signo triumphali una cum Comite supradicto, & aliis Regni proceribus, suos humeros insigniverat, adimplere, nihil aliud à Comite supradicto petebat, prout claruit ex post facto, nisi quod secum votum peregrinationis assumptæ perduceret ad effectum. At Comes causatus est terris suis, quæ *Walliæ* contignantur, & quæ tunc temporis à *Wallensibus* fortiter fuerant impugnata, depopulatis provinciis, & castris solo tenus complanatis periculum metuere, si vacuatis Regni limitibus ipsas hostibus expostas relinqueret indefensas.

*Com. Gloucester. sub specie metu ab Edwardo Parliamentum adire recusat.*



*Edward. &  
C Gloucest.  
submitunt  
causam suam  
arbitrio Regis  
Roman.*

Post multas tandem altercationes, ne tam modica dissentio vehementius excandescens alterius partibus fuscitaret incendium, quo nova per Regnumurbationis incommoda pullularentur, Romanorum Rege serenissimo, Domino *Henrico* primogenito, prælatis, & aliis Regni proceribus tranquillitatem Regni zelantibus mediatoribus effectis, Dominus *Edwardus* & Comes antedictus dicti *Romanorum* Regis arbitrio, quod dictum Regis vulgariter approbavit, se voluntarie submiserunt, & compromissum ipsum non solum sigillorum munimine roborarunt, sed sub multa intolerabili jurisjurandi cautione præstita vallaverunt. Eventibus igitur anni sexagesimi noni pro nostræ capacitatis modulo recitatis, filii nostri paupertas mendica quiescat, ut anni sequentis festes pauculis evoluta ad posterorum memoriam traducatur. Obiit *Edithe* de *Weyke* VI. Id. Januarii.

1270

*Rex Gall. pa-  
cto prius inito  
cum Edwardo  
expeditionem  
suscipit in  
terram san-  
ctam.*

Anno quo filius increatus à patre genitus ante sæcula pro nobis hominibus venire dignatus est in fine seculorum MCLXX. inchoante, circa Pascha Rex *Francorum Ludovicus* cum duobus filiis *Philippo* primogenito & hærede, & *Johanne* postgenito, multisque nobilibus Regni *Francorum* iter arripuit versus terram sanctam, ut obsessis in *Accon*, quos Soldanus *Babloniæ*, qui totam sibi *Syriam* subjugavit, potenti virtute concluderat, salutari præsidio, sed antequam de partibus *Galliæ* recessisset, Dominum *Edwardum*, quem *Parisiis* acceperat, ut ibidem mutuo pertractarent qualiter votum peregrinationis emissum salubrius adimplerent, caute sibi conjunxit; pepigeruntque simul mutuum foederis colligationem, quod viz. Dominus *Edwardus* Regem præeuntem è vestigio sequeretur, omni cruce signatorum Regni *Anglorum*, tam nobilium quam juniorum caterva stipendus, & ut eidem cum sua comitiva in toto peregrinationis itinere curaret assistere, eidem septuaginta millia librarum *Turonensium* quæ sibi solveret, qui cito loco statuto ad ingressum maris mediterranei convenirent, eademque conventionis foedera mutua jurisjurandi cautione præstita vallaverunt. Igitur *Francorum* Rege sicut diximus præeunte, Dominus *Edwardus* rediit in *Angliam*, non solum ut transfretationis suæ necessaria præpararet, sed ut Domini *Romanorum*, sicut supra sponsonderat, non recusaret, sed potius benignissimæ voluntatis instinctu subiret arbitratum.

*Rex Rom. di-  
judicat con-  
troversiam  
inter Edwardum  
& Com.  
Gloucestræ.*

Sane Rex *Alemanniæ* tranquillitatis Regni zelator ferventissimus, studiose satagens fuscitatas inter Dominum *Edwardum* & Comitem supradictum penitus annihilare discordias, præcavensque sagaciter ne quid forte reprehensibile in proferendo posset arbitrio reperiri, convocatis discretioribus totius Regni nec puduit, nec recusavit eorum invicem consilia, sed habitis cum eis tractatibus die Martis proxima post ascensionem, viz. VI. Kal. Junii dictum suum protulit, & redactum in scripturam publicam partibus contradidit observandum, adjectis utrobique pœnis parti rebellanti graviter infligendis; & ne totam dicti sui seriem videamur sub silentio præterire, famosiora ipsius ad posterorum memoriam traducere decrevimus optimum. Decrevit itaque Rex supradictus, quod Comes juxta votum peregrinationis assumptæ transfretaret in terram sanctam in proximo passagio Domini *Edwardi*, sublata qualibet excusatione, nisi forte per corporis ægritudinem, vel per guerram, vel per aliam causam rationabilem, per quam Rex *Alemanniæ* decerneret eum excusabilem, fuisset legitime præpeditus; & si veniens in terram sanctam voluisset cum sua comitiva assistere Domino *Edwardo*, & adjutorium suum sibi familiariter impertiri, tunc Rex *Angliæ* daret Comiti VIII. millia Marcarum in adjutorium peregrinationis suæ, & etiam ad transfretationem suam navem unam congruam sibi faceret ministrari; si vero cum turmis suis Domino *Edwardo* recusaret assistere, Dominus Rex tantummodo sibi duo millia Marcarum faceret erogari, hoc adjecto, quod Comes sufficientem faceret securitatem, qua Rex *Alemanniæ* contentus esset quod erogatam pecuniam in obsequio salvatoris nostri converteret in terram sanctam totaliter expendendam, & non in alios usus; & quod statuto termino transfretaret supradictam plenarie



narie completurus, quinetiam quod interim five transfretaret, five non, guerram seu turbationem in *Anglia* non moveret, & ad hæc omnia fideliter observanda subjiceret se Comes jurisdictioni Archiepiscoporum, & Episcoporum *Angliæ*, quod omnes, & singuli, si in aliquo prædictorum articulorum deficeret, seu quomodolibet rebellare præsumeret, possent in personam ipsius excommunicationis sententiam fulminare, & omnes terras ipsius supponere interdicto sub pœna xx. millium Marcarum solvendarum, ita ut, quod si contingeret pœna ipsa comiti, in dispositione Domini Regis *Alemanniæ* foret in quos usus eadem pecunia convertenda, cæterumque Comes ipse duas non ignobiles munitiones suas, viz. *Tenebrigs* & *Denlepe*, pro majori securitate facienda, certis personis pro dispositione Domini Regis *Alemanniæ* traderet cum omnibus proventibus & exitibus conservandas, quousque pro certo constaret quod ascensis navibus in mari mediterraneo fortuitis flatibus vela commisisset, quo facto Attornatis ejus in *Anglia* commorantibus castra cum pertinentiis & exitibus sine difficultate qualibet redderentur. Tenorem hujus arbitrii compendiose perstrinximus, quod penes infinitos in lingua *Gallicana* difficiliore stylo contexta ejusdem Copia reperitur, prædictarum quoque adjectione triplicata plurima quæ eodem dicto minus luculenter fuerant explanata, eo quod diversos poterant fortiri intellectus animum Comitis potissime titillabant, præsertim cum ex diversis interpretationibus evidens sibi prospiceret imminere periculum, unamque item cautionum adjectarum sufficere decernebat, quamobrem pœnas ipsas instans petiit mitigari, & ea quæ minus evidenter inserta fuerant luculentius explicari.

Rex quoque sagacitatis & prudentiæ non ignarus, studiose satagens contentionibus finem imponere, nec non universas enervare calumnias, sano ut assolet fretus consilio, refrenatam sibi corrigendi diversorum potentiam reassumens, ea quæ fuerant nubila declaravit, pœnas quoque viro fideli & contradicere non curanti non graves & onerosas, sed satis tolerabiles decernebat; factaque fuit declaratio prælibata die Martis in festo Sancti *Botulphi* scil. xv. Kal. Julii apud *Radingis*. Sedatis igitur inter prædictos magnates contentionibus prælibatis in forma qua prædiximus, congrua & honesta, ac omnimoda similitudine sopita, Comes *Gloucestrensis* cum complicibus suis, ut assolet, parliamentis & tractatibus Domini Regis, & magnatum confidenter se immiscuit; exultantibus duntaxat universis tranquillitatem zelantibus, è contra quoque faucio corde dolentibus, qui rapinis & deprædationibus assueti, pro turpi commodo turbationem Regni totis desideriiis affectabant; nec adhuc passus est inimicus hominis superfeminator zizaniorum diabolus regnum nostrum tantis incommodis conquassatum perfecta pace gaudere, sed ut generalem ipsius tranquillitatem enervaret, inter proceres conatus est singulares discordias suscitare.

Nempe cum inter nobilem virum Dominum J. Comitem *Waremiæ*, & ingenuum procerem Dominum *Alanum la Zusage* super quodam manerio coram Justiciario debaccatio quædam verteretur, partibus coram ipsis die Martis proxima ante Nativ. Sancti *Johannis Baptistæ* in aula *Westmonasteriensis* personalliter litigantibus, se invicem instigante diabolo verbis contumeliosis, invercundius quam decebat, insultare cœperunt; adeo ut à jurgiis devenirent ad prælium; porro domestici Comitis, ignorante milite supradicto, qui armis muniti fuissent, extractis concito gladiis, sprete reverentia Regis & Reginæ, qui tunc in palatio *Westmonasteriensis* morabantur, & Justiciariorum, coram quibus litigaverant, in conspectu ejusdem & Cancellarii, qui tunc in aula præfens erat, ipsum terribiliter invaserunt, & fugientem præ timore mortis versus cameram Regis viriliter persequentes graviter vulneraverunt, & mox influctis vulneribus, quasi semivivo relicto domus Regiæ limina vacuabant, & *Tamesin* fluvium navigio transeuntes ad loca tutiora festinatis se gressibus contulerunt. Porro Rex & Dominus *Edwardus* audita militis querimonia, & enormitatem tanti sceleris attendentes, ira vehementer accensi dissimulare non

*Com. Gloucest. concordia cum Edwardo facta Parliamentum adit.*

*Dissidio orto inter Com. Waremiæ & D. La Zusage Comitis domestici graviter vulnerant D. La Zusage.*



poterant, nec debebant, ut delictum tam publicum relinquerent impunitum; statimque mandatum est Comiti ut veniret ad Curiam, super his quæ sibi de jure fuerant objicienda, sub legem & consuetudinem Regni justitiæ pariturus. At Comes, præcavendo discrimina captivationis sui corporis & suorum, sano fretus consilio Regio mandato distulit obedire: sane Dominus *Edwardus* cum Domino *Eboracensi* & aliis Regni proceribus, strenua bellatorum vallatus catterva, Comitem supradictum in latibulis commorantem confidenter adiit, & mediantibus Comite *Gloucestersi* & Domino *Henrico* Regis *Alemanniæ* filio, confidenter assecuratum die Dominica proxima post festum Apostolorum *Petri & Pauli* duxit ad Curiam, ut ibidem sub legem & consuetudinem Regni faceret, & susciperet justitiæ complementum; ubi factum est quod Comes posuit se in misericordia Regis de v. millibus Marc. & pro injuria facta militi supradicto, & filio suo daret eis ii. mil. Marc. insuper ipse Comes cum l. militibus veniret de novo templo *London* usque *Westmonasterium* pedibus ambulando, & quod omnes jurarent, quod non ex præcogitata malitia factum fuerat quod prædictum est, sed ex motu iracundiæ nimis accensæ, & statim cessavit tempestas: veruntamen miles supradictus, ingravescente dolore vulnerum, febrilem incurrens distemperantiam, quia dies caniculares protinus ingruerant, post paucorum dierum curriculum non sine magnis suorum planctibus expiravit.

*Com. Warem.*  
*gravi pecu-*  
*niæ summa*  
*multatur.*

*D La Zu-*  
*sake vulne-*  
*rum dolore*  
*moritur.*

*Edward. pro-*  
*fiscitur in*  
*terram san-*  
*ctam.*

His transactis Dominus *Edwardus* se preparavit ad transfretandum in terram sanctam, votum, quod emisit ut prædiximus, divino mediante præsidio completurus.

*Bonifac. in Sa-*  
*baudia obiit.*

Et cum circa Quindenam Nativitatis Sancti *Johannis Baptistæ*, convocatis universis Regnicolis qui secum transfretare disposuerant, classem sibi copiosam congregasset in portu qui dicitur *Portesmut*, divulgatum est, quod Dominus *Bonifacius Cantuariensis* Archiepiscopus, qui diutius in partibus *Sabaudie* prout consueverat moram traxerat longiorem, mole carnis deposita diem clausit extremum, appositus ad patres suos quorum vicem gerere consuevit in terris; erat enim vir miræ simplicitatis, licet minus literatus, sobrie tamen degebat, sapientissimorum se consilio regebat, humilis, pudicus, modestus, egenorum profusissimus recreator, cujus morte comperta Monachi *Cantuarienses* de eligendo sibi pastore statim à Domino Rege licentiam postularunt. obtenta quoque licentia, Dominus *Edwardus* satagens Dominum *Robertum Burnel* Clericum suum, quem sincerissime diligebat, ad tantæ celsitudinis apicem promovere, relicta classe cum quanta poterat celeritate secessit *Cantuariam*, ut personæ suæ præsentia supradictos induceret electores, ut in dictum Clericum suum vota sua dirigerent; sed hoc frustra, quippe monachi monachum Clerico simplici præponentes, Priorem proprium elegerunt concorditer, at Dominus *Edwardus* suo fraudatus desiderio rediit *Portusmutam*, & aura sibi gratius arridente ascensis navibus, velis expansis prospere navigavit in *Vasconiam* terram, viz. propriam; ut autem transfretationem suam de ea salubrius ordinaret, porro uxor ejus ipsum jam præcesserat in *Vasconiam*, etiam secum transfretatura in terram sanctam; sed antequam de *Anglia* recessissent, duos filios suos quorum senior *Johannes*, & junior vocabatur *Henricus*, de communi Regni consilio Domino Regi *Romanorum* custodiendos, & quamdiu foret in partibus transmarinis tradidit nutriendos. Visitata *Vasconia* processit ulterius pertransiens provincias *Hispaniæ* montuosas, sequens è vestigio Regem *Francorum*, ut simul proficiscerentur in terram sanctam, prout inter eos conductum fuerat & conventum; & audito quod Rex *Francorum* fuisset apud aquas mortuas, ad portum quendam maris mediterranei illic ibat. Quippe Dominus *Henricus* Romanorum Regis primogenitus circa festum Assumptionis beatæ Mariæ recessit de *Anglia*, Dominum *Edwardum* similiter cum sua comitiva e vestigio secuturus, idem vero *Henricus*, uxore sua dimissa in *Vasconiam*, ex qua provincia originem duxit, filia scil. *Gastonis de Byerra*, gressus suos versus aquas mortuas dirigebat.

*Edward. in*  
*Vasconiam*  
*transfretat.*

*In Hispani-*  
*am progredi-*  
*tur.*



Sed antequam Dominus *Edwardus* vel Dominus *Henricus* pervenissent ad portum, Rex *Francorum* una cum fratre suo Domino *Carolo* Rege *Siciliæ*, qui ei in partibus illis occurrerat, auræ competentis opportunitate illic quamdiu expectata, navibus se credentes, navigando devia pelagi spatiosa, ignorantibus fere cunctis qui cum eis erant rectoribus, vel post dies aliquot applicuerunt in terram quandam Barbarorum, quæ *Tunicum* vocabatur. Erat quoque Rex *Tunicii* armis strenuus, præpotens viribus gentium, & thesauro prædives, vir sapientissimus sed Gentilis. Idem vero *Frederico* Imperatori, dum vixerat, subditus fuit pro Regno suo annuum sibi tributum exsolvens; sed Imperatore defuncto cessavit à solutione tributi, & successori suo *Carolo* usque hætenus solvere denegabat; quamobrem idem Rex *Siciliæ*, pro repetitione tributi diutius denegati, ipsum duxit hostiliter impetendum, votum peregrinationis in terram sanctam in pejus non in melius commutando. Sane Rex Gentilis, sano fretus concilio, volens parcere laborantibus, & expensis, ut fortuita belli discrimina declinaret, licet viribus & populi numerositate præcelleret Christianis, elegit potius congruæ pacis foedus amplecti, quam videre mala gentis suæ, vel thesauri sui quantamlibet diminuere portionem, unde concorditer inter illos initum est, quod pactis utrobique vallatis, Christiani Gentilibus in pace relictis redirent ad propria, & Rex *Tunicorum* tributum quod *Frederico* solvere consuevit, etiam Regi *Carolo*, quamdiu Regno *Siciliæ* incumberet, una cum arreragiis sui temporis totius assignaret, treugis trigennariis inter Gentiles Regni sui & Christianos solido foedere commissis, Rex quoque *Tunicorum* Reges *Francorum* & *Siciliæ* & magnates qui cum eis venerant, auro, quo satis abundabat, & donariis diversis oneravit.

Rex Francorum cum Rege Sicilia ad Tunicum applicant.

Car. Sicilia Rex annuum tributum exigit à Rege Tunicensi.

Porro Dominus *Edwardus*, audiens Reges supradictos cum exercitu Christiano in terram *Saracenorum* applicuisse, satagens negotium crucis Christi prout voverat totis viribus promovere, habens fiduciam in virtute Dei, cum adhærente sibi licet pauca militum caterva prospere navigando devenit in terram *Tunicii*. Sed audita pacis & treugarum firmitate quam prædiximus, dedit supra modum. Post paucos vero dies licet animo læciatus, cum Regibus prætaxatis & exercitu Christiano diversorum Regnorum, & Provinciarum, relictis Gentilibus, navibus adhuc in portu cum eorum consistentibus reascensis, cum classe non modica retortis velis usque terram *Siciliæ* unanimi consilio navigabant, ut intempestivos auræ hyemalis impetus declinarent, & in Regno fertili commodius hyemarent, quousque vernalis temperies gratius arrideret, applicantes in portu famoso *Siciliæ* qui dicitur *Trapania*.

Edward in Tunic. terram devenit.

Rex Fr. cum Rege Sicil. & Edwardo ad portum Trapan. deveniunt.

Et sicut quidam qui fuerant cum Domino *Edwardo* fideliter afferebant, Die veneris proxima post festum Sancti *Michaelis* scil. v. Nonarum Octobris recessit de aquis mortuis, & Dominica proxima post festum Sancti *Martini*, scil. Kal. Decembris applicuit in *Tunicum*, & post paucos dies inde recedens applicuit in *Trepannam* in vigil. Sancti *Clementis*. Cunque naves Regis *Francorum* & fratris sui Regis *Siciliæ* cum victualibus & universa suppellectili, nec non & thesauro inæstimabili recubarent in portu anchoris inhærentes, ecce ventus turbinis procellosa tempestate mare commovit, & puppes in salo fluctuantes violentis motibus concutiendo confregit, periclitatis custodibus, & subversis victualibus & thesauris, nec unus quidem de comitiva Regum prædictorum qui navibus inhærebat à periculo liber evasit, sed Domino protegente naves Domini *Edwardi* in tutiori loco recubantes supradictum penitus evasere periculum.

Orta tempestate R. Fr. classis grave sustinuit damnum.

Post dies aliquot Rex *Francorum* carius tributum exsolvens, voto peregrinationis incompleto, matura satis morte decessit, quippe filius ejus & hæres in Regni sibi regimine successurus ossa patris devehit fecit in *Galliam* apud *Dionysium* tumulanda.

Rex Franc. ob.

Eodem anno vi. Kal. Decembris turris Ecclesiæ Sanctæ *Mariæ* de arcubus *London*, quæ diu ante fuerat rimosa, subito corruit, & cadens supra quandam domum, quæ ipsi Ecclesiæ contignabatur, domo solo tenus complanata,

Ecclesia S. Mariæ de arcubus London, dilabitur.



planata, plurimos utriusque sexus viros & mulieres prohi dolor! interfecit.

*Edwardus res suas in Anglia & alibi Henrico Regis Rom. fil. administrandas committit.*

Cumque Dominus *Edwardus* ingruente hiemali tempestate moraretur in *Sicilia*, caute sibi providens, ne in tanta occasione fieret otiosus, cœpit tractare cum Domino *Henrico* filio Regis *Alemannie* consanguineo suo, & cum aliis magnatibus, qualiter consultius posset providere de regimine Ducatus *Aquitaniæ* & Regni *Angliæ*, donec negotio crucis *Christi*, quod assumerat, adimpleto, contingeret ipsum ad propria remeare; & habitis super hoc tractatibus diuturnis, communi deliberatione, dictum consanguineum suum qui cæteris sapientia præpollebat, decrevit ad partes occiduas remittendum, ut moderamine regiminis *Vasconiæ* salubriter ordinato, procederet ulterius in *Angliam* ipsius Regni gubernacula mediante patris auxilio dirigenda pro salutis publicæ commoditate dispositurus. Sane Dominus *Edwardus* se suamque militiam toto vacationis tempore præparare non desuit, ut succedente verni temporis amœnitate, aura salubriori gratius arridente, maris devia transcurrando partes *Syriæ* visitaret.

*Edward. navibus ascensis in Syriam tendit.*

Sane quod pio conceperat in proposito, opere protinus adimplevit, licet Rex *Siciliæ*, ab eo frequenter & assidue pulsatus pariter, & rogatus fuisset, ut simul progredientes in *Syriam* redderent Deo vota sua, quæ distinxerunt labia sua, quasi desidia contabescens ulterius progredi recusaret. Quidpe cum paucis cruce signatis tam *Anglicis* quam aliunde confluentibus auræ vernalis lenitate gratius aspirante naves ascendit, prosperis flatibus in *Syriam* progressurus.

*Rex Siciliæ cum Rege Fran. Viterbum veniunt.*

Porro Rex *Siciliæ* cum nepote suo Rege *Francorum* & hærede excusatorias sibi contexit ratiunculas, ne proficiscerentur in *Syriam*, causando nepoti suo non modicum imminere periculum, nisi festinatis gressibus remearet, remeantes quoque per *Campaniam*, Cardinales, qui tunc in *Viterbio* morabantur, una cum Domino *Henrico* filio Regis *Alemanniæ* similiter remeante decreverunt consultum esse, & honestum, si forte discordantes in electione futuri Pontificis inducere possent ad electionem concorditer faciendam.

*Simon de Monteforti, cum fratre suo & aliis Henricum Reg. Rom. filium ad altare occidit & aufugit.*

Dum autem essent *Viterbi* super prædictis tractaturi, Cardinalium votis jam pene concorditer adunatis, ut eorum adjuti consilio & assensu, *Romanæ* sedi, multo tempore pastoris solatio viduatæ, de idoneo Præsule providerent, ecce, protinus instigante humani generis inimico, *Simon de Monteforti* cum *Guidone* fratre suo, nec non Comite *Rufo* cujus filiam duxerat in uxorem, non sine assensu, ut credi poterit, *Emmerici* fratris eorundem, quodam die satis mane, non modica loricorum stipati caterva, subito ingredienti Ecclesiam quandam civitatis ejusdem, ubi Dominus *Henricus Romanorum* primogenitus, eorum ex avunculo cognatus, peractis jam Missarum solemnibus, quas audierat orationi devotius incumbens, evaginatibus gladiis in eum irruerunt inhumaniter, proditorem & patris eorum interfectorem eum, licet mendaciter, proclamantes; at ipse nimirum tam tumultuoso clamore perterritus, velociter ab oratione profiliens cucurrit ad altare, super quod paulo ante Domino patri unigenitus filius Redemptor mundi fuerat immolatus: Sed lictores crudelissimi, consanguinitatis fœdere violato, spreta loci sacri & temporis reverentia, adhærentem altari mucronibus confodientes, inflictiis vulneribus lætiferis inhumanissime peremerunt, vulnera vulneribus imprimentes, donec spiritum exhalaret. Facta quidem fuit hæc inaudita sceleris perpetratio Die veneris crastino Sancti *Gregorii* viz. tertio Id. Martii civitate *Viterbii*, in Ecclesia Sanctæ *Blasii*, præsentibus tunc in eadem civitate toto cætu Cardinalium, Rege *Siciliæ* & nepote suo *Philippo* in Regem *Francorum* protinus promovendo; quibus ignorantibus, vel forte conniventibus, Satanæ satellites urbe statim egressi, in suis munitionibus se receperunt. Porro Cardinales ne nil agere viderentur & ne tam horrendum scelus penitus remaneret inultum, dictos maleficos excommunicationis sententia protinus innodabant. Famosioribus autem hujus auni eventibus exaratis, anteriora posteriorave non

pudivit



pudivit licet minus notabilia, ne quid relatione dignum videatur sub silentio præteriri.

Eodem siquidem anno obiit *Walterus Sarum* Episcopus, circa festum circumcisionis Dominicæ, vir miræ simplicitatis, & innocentiae; quo defuncto Canonici ejusdem Ecclesiæ convocati virum discretum, non minoris simplicitatis & innocentiae, Dominum Magistrum *Robertum de Wichants* in pastorem, & pastorem concorditer elegerunt; qui cum à Domino Rege receptus fuisset, statim adiit sedem *Cantuariæ* Cathedralis pro confirmationis munere obtinendo; verum electus *Cantuariensis* jam mare transierat, ut audita creatione summi Pontificis commodius progrediretur ad Curiam confirmationis gratiam petiturus. Monachi quoque *Cantuarienses* ad quos sede vacante jurisdictio in aliquibus casibus devolvi consueverat, præcipue in cognitionibus causarum, cupientes suam ampliare jurisditionem, asserentesque confirmationes electorum tempore vacationis ad eorum capitulum pertinere, licet prius tanta jurisditione usi non fuissent, dictum *Sarum* electum solemniter confirmaverunt, & spiritualium administratione sibi commissa denunciaverunt Domino Regi, quod eidem tanquam canonice confirmato, temporalia concederet dispensanda. Rex quoque sano potitus concilio præcavens in casu consimili, qui nec forte suo nec prædecessorum suorum tempore visus est contingere, ne concessio administrationis temporalium traheretur in consequentiam, mandato capituli *Cantuariensis* ea vice parere finaliter recusavit. Monachi tamen supradicti in majorem protinus prorumpentes audaciam, publico literarum edicto denunciaverunt universis Episcopis *Angliæ*, suffraganeis & subditis sedis *Cantuariensis*, quod certo die, quem præfigebant, eisdem convenirent *Cantuariam*, & munus consecrationis solemniter impensuri. Sed Pontifices circumspecti, ne forte quod tunc ageretur posset posteris temporibus gravare dispendium, spretis monachorum denuntiationibus non contumaciter, sed potius sapienter vocationi prædictæ superfederunt, exemplo Domini Regis animati, qui monachorum denuntiationibus obtemperare non curavit. Episcopi vero plures congregati, evocatis legum & canonum magistris totius Regni peritioribus, quo in istam difficilem causam, an mandato capituli parendum fuisset, diligentissime disputari fecerunt; nec inveniebant in Canone, vel in jure rationes probabiles, quibus compelli poterant ad parendum, quamobrem *Sarisburyensis* electi consecratio non processit.

Eodem anno, circa Purificationem beatæ *Mariæ* *Edmundus* filius Regis *Alemanniæ*, licet junioris ætatis, *Edmundum* consanguineum suum filium Regis *Angliæ*, qui præcesserat, profecturus in *Syriam* in adjutorium fratris sui piæ devotionis instinctu, cum paucis comitibus è vestigio sequebatur; sed audita fratris nece quam tetigimustam crudeli, cum esset in partibus transmarinis, evocatus eo, autem & prohibitus ne procederet, ulterius progredienti cognato suo in *Syriam* valedicens rediit in *Angliam*, patre nimirum multipliciter exultante quod ipsum post fratris sui primogeniti lamentabilem interfectionem divina miseratio reservavit ad propria reverfurum. Sileat nunc eventuum *Anglicorum* paucula recitatio, qui anno septuagesimo contigerunt, ut anni sequentis series explicata posteris elucescat.

MCCLXXI.

Anno, quo pro redemptione generis humani summi patris unigenitus servile cinctorium nostræ carnis assumpsit, MCCLXXI. III. Id. Maii, pridie ante ascensionem Domini delatum est corpus Domini *Henrici* filii Regis *Alemanniæ* apud *London*, quod *Viterbii* sicut supra tetigimus per cognatos proprios crudelissime fuerat jugulatum; corde vero apud *Westmonasterium* in vase quodam satis prope scrinium, in quo beatissimi Regis *Edwardi* reliquiæ reconduntur, non ignobiliter collocato, corpus ipsius usque *Heyles* honorifice deportatum, ibidem, jubente patre, traditum est sepulturæ.

Sane Dominus *Edwardus* Regis altissimi bellicosus, devia maris naufragia

*Episcopo Sarisburiensi à Canonicis Cantuar. confirmato Rex temporalia recusat, quæ Episcopi consecrare negant.*

*Edmundus R. Rom. filius audita fratris nece in Angliam revertitur.*

*1271 Corpus D. Henrici fil. Rom. R. ad Heyles delatum sepulture datur.*



*D. Edward.  
refectis navi-  
bus in Inf. Cy-  
pro Ascon de-  
venit.*

non pavescens, auræ vernalis sicut supra tetigimus fortuitis flatibus se credebat, & inopinato foelici tamen eventu devenit & applicuit in insulam *Cyprum*, quam quondam prædecessor ejus serenissimus Rex *Richardus*, singularis militiæ decus, & probitatis eximiæ titulis elucescens, cum simili devotionis instinctu progrediretur in *Syriam*, militariter occupavit: verum Dominus *Edwardus* cujus pacificus præconizabatur ingressus, à Principe simul & à populo ipsius insulæ summo cum honore susceptus est. Ille vero in ipsius insulæ diffugio paululum recreatus naves onerarias in *Syriam* traducturas victualibus muniebat, & navibus reascensis prosperis flatibus navigando in civitatem *Accon*, quam pauculæ Christianorum reliquiæ Gentilium obsidione vallatam, non sine labore, & ærumna duriuscula concertatione, defenderant, tantis utique laboribus fatigati, quod nisi festinum sibi provenisset adjutorium, civitatem ipsam *Saracenis* dedere cogitarent.

Quippe tam celebris hospitis adventu præcognito multipliciter exhilarati coeperunt vires sopitas reassumere, & se ad suam civitatis diutius desolatæ defensionem fortius animare. At Dominus *Edwardus* cum paucis Christianis quos secum adduxerat in civitate prædicta, quæ sola Christianis vix fuit ad refugium derelicta, recreationis gratia morabatur, ad tempus expectans, si forte Dominus sibi copiosius dignaretur mittere adjutorium, quo publicum posset cum gentibus acceptare conflictum; non enim tutum sibi fuërat cum tam pauculis Christianorum reliquiis contra Soldanum, cujus exercitus supra arenam maris, & pluviae guttas multiplicatus dinumerari non potuit, prælio concertare, se suamque comitivam Gentilibus minime comparandam fortuitis belli casibus exponendo. Aliquoties autem Christiani per exploratores suos cautius præmuniti, per clandestinos excursus mire egredientes irruerunt in Gentiles, & frequenter strage non modica laceffitos ad loca remotiora fugere compellebant.

*D. Johannes  
D. Edwardi  
primogenitus  
ob.*

Eodem anno circa festum Sancti *Petri* ad *Vincula* bonæ indolis puer ingenuus *Johannes* Domini *Edwardi* primogenitus, quem cum in partibus commorari contigerat transmarinis, patruo suo *Romanorum* Regi serenissimo nutriendum commiserat, immatura morte pro dolor! decessit, avi sui Regis *Anglorum*, & Reginae, nec non Regis *Alemanniæ*, ac universorum Regnicolarum planctu lamentabili deploratus; quippe vultus ejus commendabilis elegantia, & ætatis jam teneræ virtuosa primordia cunctis eum populis amabilem reddiderunt. Porro Rex *Alemanniæ* corpus ipsius usque *Westmonasterium* summo cum honore in Ecclesia Conventuali detulit tumulandum. Succedente contiuo primo die Septembris in festo scil. Sancti *Aegidii Romani* Cardinales non rentes diutioris sedis Apostolicæ vacationem convenerunt in unum, & votis concorditer adunatis, virum venerabilem magistrum *Theobaldum* Archidiaconum *Leodiensem*, quem vulgus consueto vocabulo vocitabat *Tyardum*, quique tunc temporis cum Domino *Edwardo* peregrinationis gratia morabatur in *Syria*, in summum Pontificem unanimiter elegerunt. Attendens itaque per celeres nuncios ad tantæ celsitudinis dignitatem se fuisse vocatum, *Syriæ* valedicens, obtenta tamen à Domino *Edwardo* licentia: maris mediterranei discrimina non pavescens, partes *Viterbii*, ubi tunc cætus Cardinalium morabatur festinanter adiit, consecrationis munus pro tempore recepturus. Dominus *Philippus* de *Eya* die veneris proxima ante festum Sancti *Lucae* Evangelistæ assumpsit officium thesaurarii Scaccarii Domini Regis. Circa idem tempus obiit Dominus *Rogerus* de *Leypburne*. Obit bonæ memoriæ Dominus *Philippus Basset* circa festum Sancti *Andreae*, vir nobilis & discretus, & escarum largitor profusissimus.

*Theobaldus  
Archidiaconus.  
Leodiensis  
vulgo vocatus  
Tyardus  
in Papam eligitur.  
E Syria Viterbium venit.*

*Rick. Rom.  
Rex Paralyti  
corruptus ob.*

Pridie Id. Decembris scil. die Sabbati in Vigil. Sanctæ *Luciæ* virginis *Richardus Romanorum* Rex illustris apud *Berkam* sedem sibi fecit muniri, nocte sequente invasit eum paralytis acutissima, qua protinus ingruente, ad motum membrorum partis dextræ, & ad usum linguæ, & ratiocinationis pene factus est inhabilis, & sic ægritudinis incommodo prævalente languescens, mortis terminum,



terminum, quæ nulli parcere consuevit, inconsolabiliter lamentatus heu proli dolor ! expiravit. Hujus anni lugubris exaratio jam quiescat, in quo tot nobiles firmissimas Regni nostri columnas mors, parcere nescia, de præsentis vitæ fustulit incolatu.

MCCLXXI.

1271

Anno quo visibilibus & invisibilibus plasmatore munificus, nostræ condolens miseræ, filium suum misit in terris propitiorem pro peccatis nostris MCCLXXI. *Richardus Romanorum* Rex illustris, ingravescente morbo, devotissima poenitudine retroacta deplorans, testamento condito, sacrosancto roboratus viatico, IV. Non. Aprilis die scil. Sabbato proxima, ante mediam quadragesimam migravit à seculo; gloriam mundi transitoriam pro cœlesti Regno commutans, gleba corporis sui in Ecclesia conventuali monasterii sui de *Wykes*, quod sumptibus suis à fundamentis extruxerat, non ignobiliter collocata.

Eodem anno æstate media, convalescente fervore simul & ariditate per totum Regnum, mirabile prodigium contigit in civitate *Cantuariensi*, subita siquidem & inopinata inundatio aquarum erumpentium de cavernis terræ partem maximam civitatis operuit, ubi aquæ nunquam prius currere videbantur; ita quod violentia gurgitis impetuosè currentis domos plures, & ædificia diruendo in planitiem convertebat, viros & mulieres, tam senes quam pueros, submergebat. Exaratis igitur eventibus *Anglicorum*, stilum ad eos qui morabantur in *Syria* convertamus.

Maxima aquarum eruptio in Civit. Cantuar.

Igitur Dominus *Edwardus* in civitate *Aconensi*, sub expectatione, quam prædiximus, commorante, ecce Rex *Judæorum*, qui vulgo *vetus* de *Monte* dicitur, instigante humani generis inimico, qui bonis actibus invidere non cessat, nec non ut sane credi poterit cooperante soldano, unum de sicariis suis, quos vulgo asseffinos vocant, misit in *Syriam* dolosæ machinationis genere subornatum, ut Dei athletam Dominum *Edwardum* infidiis callide præveniret, & præventum nocta temporis opportunitate crudelissime jugularet; qui vulpina seu potius serpentina fretus astutia, nuncia sibi plura confingens, ut quasi pacis honestæ vel trengarum præco verus existeret, in Curia Domini *Edwardi* tanquam familiaris, & domesticus aliquamdiu morabatur inter cæteros, nemine suspicante sinistra; una igitur dierum, nocta temporis opportunitate, ut credebat, dixit se Domino *Edwardo* velle, nullo suorum conscio, plurimum sibi placitura secreta quædam nuncia revelare. At Dominus *Edwardus* nihil sibi metuens solus solum in suum secretissime thalamum introduxit, statimque dirus fateiles, ostio thalami firmiter obferato, educens cultrum veneno letifero toxicatum irruit truculenter in ipsum, & vulnere duplicato crudelissime faucibat; sane miles robustissimus plagarum stigmatibus irritatus, potenti virtute subnixus nefandum lictorem projecit ad terram, & cultro quo eum vulneraverat ablato, in extorsionis violentia seipsum læsit in fronte, statimque inhumanum proditorem telo proprio interfecit. Porro familiares externi comminus expectantes, clamore nimirum quem audierant consternati, ostia thalami confringentes, viso quod acciderat, eventum lamentabilem mente lugubri deplorabant, de salutis remedio desperantes; evocati statim medici in arce peritissimi vulnera sua congruo medicamine fomentabant, mundique redemptor in se credentium qui vera salus est, qui ut ait Propheta vere languores nostros tulit, & dolores nostros portavit in corpore suo super lignum, tam efficax & optimum gratiæ suæ concessit antidotum, ut vulnera sua, quæ cunctorum iudicio censebantur incurabilia, modico tempore curarentur. Ille vero, cui nimirum vexatio tam periculosa sanioem præstitit intellectum, profligata solitudine, corpus suum in posterum per sibi notos & familiares duxit cautius muniendum. Nec silentio sepelire debemus diem quo Dominus *Edwardus* per carnificem fuerat vulneratus, ipsius siquidem infortunii prodigialis eventus aliquod mirabile potuit præfigurare portentum; actum enim fuit hoc scelus in mane die Veneris in festo Sancti *Botulphi*, viz.

D. Edward. à sicario quodam graviter vulneratur.



*Theobaldus  
consecratur  
nomine Gre-  
gor. Decim.*

xv. Kal. Julii eodem scil. die, per annorum revolutionem, quo de utero genitricis suæ progrediens humanam nativitatem accepit, ætatis vero suæ anno xxxiii. anno ætatis consimili, quo redemptor noster incarnatione sua consimili fratrum pro redemptione humani generis in crucis patibulo vulneratus, cum in divinitatis natura immortalis existeret, non recusavit pro peccatis nostris carnis suæ mortem misericorditer sustinere. Consecratus est Apostolicæ sedis electus magister *Tyardus*, de quo supra tetigimus, & fortitus cum nova celsitudine novum nomen, & de *Theobaldo* vocatus est *Gregorius* decimus.

*Urbs Normic.  
incendio de-  
vastatur.*

Eodem anno circa festum Sancti *Laurentii*, per contentionem habitam inter Priorem, & Monachos *Porwick* ex parte una, & cives ejusdem civitatis ex altera, instigante humani generis inimico, qui non cessat superfeminare zizania, facta est nimium deploranda combustio Conventualis Ecclesiæ *Porwick*, cum omnibus ædificiis ejusdem Monasterii adjacentibus.

*Edmun. fil.  
Rom. Regis  
uxorem ducit  
sororem Com.  
Gloucestr.*

Eodem anno circa festum Sancti *Michaelis*, *Edmundus* filius Regis *Alemannie*, cui Dominus Rex paternam integraliter hæreditatem restituerat, *Margaretam* sororem nobilis viri *Gilberti* Comitis *Gloucestrensis* duxit in uxorem, & factus est miles & Comes in festo Sancti *Edwardi*. Eodem die similiter *Henricus* de *Lacy* factus est miles, & Comes *Lincoln*, cum quibus duobus magnatibus *Georgius* de *Cantalupo*, & quamplures alii Regni *Angliæ* Nobiles quidem de Domino Rege cum prædictis Comitibus militiæ cingulum susceperunt.

*Henricus Rex  
ob.*

Die Mercurii in festo Sancti *Edmundi* quondam *Cantuariensis* Archiepiscopi, viz. xvi. Kal. Decembris, piæ recordationis *Henricus* Rex *Anglorum* serenissimus, carnis mole deposita, hominem terrenum exuens, momentaneam mundi gloriam cœlesti palatio commutavit, cum Rege Regum perpetuo Regnaturus in cœlis; dominica proxima sequente, viz. in festo beatissimi Regis & Martyris *Edmundi*, in nobilissima basilica *Westmonasteriensi*, quam opere sumptuoso & incomparabili à fundamentis extruxerat, Regni magnatibus exequias debitas impendentibus, cum ea qua decuit honorificentia tumulatus: sane corpus ipsius pretiosissimis indumentis, & diademate Regio, prout decuit, adornatum, omni assistentium judicio à nobilioribus Regni ad hoc officium prælectis in locello portatili deferretur ad tumulum, ampliori splendore decoris effulgebat mortuum, quam prius dum vixerat appareret, siquidem eventu miro sed notabili contigit, quod in eodem loco quo beatissimus Rex, & confessor *Edwardus* sepultus extiterat, & annis plurimis, priusquam reliquiæ ipsius translatae fuissent in scrinium, requievit corpus Regis *Henrici*, qui eundem Sanctum *Edwardum* dum vixit præ cunctis Sanctis diligere consuevit, & ampliori devotione venerari, non ignobiliter collocatum humanæ traditum est sepulturæ.

1272

Anno MCCLXXII.

*Papa confert.  
Archiepiscopatum Cantu-  
ar. in Rob. de  
Killewardeby.*

Circa idem tempus Dominus Papa, cassata electione facta de Priore *Cantuariensi*, vel ipso Priore potius resignante, contulit Archiepiscopatum *Cantuariensem* fratri *Roberto* de *Killewardeby*, de ordine fratrum prædicatorum, viro quidem pereminentis scientiæ, & vitæ sanctitate, prout ipsius religionis status expostulat, præfulgenti.

*Edmun. Re-  
gis fil. in An-  
gliam redit.*

Circa festum Sancti *Nicholai* Dominus *Edmundus* filius Regis *Anglorum* rediens de terra sancta, die sabbati post ipsum festum, venit *Londoniam*, occurrentibus & applaudentibus sibi civibus *London*, & diversarum conditionum innumerabili comitiva.

*Episc. Londen.  
officio suo &c.  
restitutus  
Londinum re-  
dit.*

Sequenti die Dominus *Edmundus* Comes *Cornubiæ* sororem Comitis *Gloucestræ*, quam ut supra diximus duxerat in uxorem, primo deduci fecit apud *Wallingford*, ibique multis Regni magnatibus loco nuptiarum festum famosissimum celebravit. Episcopus *London* qui diutius expectaverat in curia *Romana*, summi jam Pontificis gratiam assecutus, restitutus ad officium & beneficium, à quibus diu suspensus extiterat; reversusque in *Angliam* congau-

dentibus



dentibus & occurrentibus sibi turmis disparium conditionum, ultimo die Januarii civitatem *London* tripudialiter introivit. Circa idem tempus occubuerunt strenui viri *Robertus Walerand*, & *Johannes de la Vnde*. Frater *Robertus de la Hillewardeby* prima Dominica Quadragesimæ, quæ eo anno contigit in iv. Kal. Martii, pluribus suffraganeorum suorum assistentibus in Ecclesia cathedrali *Cantuariensi* consecrationis munus accepit. Hujus anni sermone licet insipido famosiora gesta perstrinximus, superest ut anni sequentis feriem pro nostræ paupertatis modulo, sub eo quo poterimus compendio, concludamus.

Archiep. Cantuar. consecr.

MCCLXXIII.

1273

Anno, quo summi patris sapientia divinitatis substantiam fragilitati nostræ redemptionis gratia cunctavit, MCCLXXIII. serenissimus Rex *Anglorum Edwardus* qui anno præterito, quod omisimus, dominica proxima post Purificationem rediens de *Syria* urbem *Romanam*, à civibus urbis honorifice receptus introivit, ac die Martis sequentis, viz. in festo Sancti *Valentini* civitatem *Vrbis Veteris*, ubi Papa tunc cum Cardinalibus morabatur, occurrentibus sibi non solum Cardinalibus, sed & universis magnatibus in Curia commorantibus, gloriosissima veneratione receptus à Papa, non ignobiliter introivit; & ne vacuus à gratia summi Pontificis abiret, obtinuit quod per tres annos continue sequentes decimas omnium Clericorum Regni sui perciperet, tam secularium, quam religiosorum sine discretione qualibet personarum, obtenta quidem tali gloria recedens à Curia, die Mercurii proxima post festum Sanctæ Trinitatis descendit de monte *Penisi*, & in Quindena Sanctæ Trinitatis venit apud Sanctum *Georgium* prope *Lugdunum* ad duas dietas, in crastino vero Sancti *Jacobi* intravit civitatem *Paris*, & morabatur ibidem usque dominicam proximam post Gulam *Augusti*, ipsaque vice ibidem fecit Regi *Franciæ* homagium de omnibus terris, quas de eo tenere clamavit, quo facto die *Lunæ* recessit de *Paris*. Et quia *Gastonus de Biarre*, qui semper quietis impatiens, contentionis & discordiæ fomes moverat guerram in *Vasconia* contra Regem *Angliæ*, depopulando terras & provincias. Rex cupiens provinciæ desolatæ providere subsidium, exercitu quo poterat congregato, versus partes illas cœpit dirigere gressus suos, prædictum *Gastonum* militariter invasurus. Regina tamen, quæ tunc prægnata extiterat, diu ante præmissa, in finibus *Vasconiæ* quo commode parere potuisset.

Rex Edvard. Romam venit.

A Papa Viterbii receptus, triennalem decimationem Clericorum obtinet.

C/ Mountleni.

Parisiis venit.

In Vasconiam tendit contra Gastonum de Biarre.

Porro *Gastonus*, adventu Regis præcognito, viribus imparem se attendens, & metuens, cum pauca, quam congregaverat, comitiva Regis potentiam, quæ incomparabilis fuerat, experiri, provinciam quandam montuosam ita collibus circumcinctam, quæ fere inaccessible habebat ingressus & egressus, adeundam putavit. In ipsa quoque provincia quinque castra extruxerat inexpugnabilia, ne copia deficeret defensori, cujus satellites frequenter egredientes improvisis insultibus in Regis exercitum irruentes, dispendia non modica frequentius intulerunt, & præda capta, pompaticè redeuntes munitionum se tutamine protegebant. Itaque Rex fere per totum annum illum cum exercitu copioso morabatur in *Vasconia*, solitudines ipsius provinciæ pervagando, nilque penitus proficiendo, imo potius inæstimabilem pecuniam quam de Regno *Angliæ* importune fecit emungi consumendo, quippe in exercitu sua tanta fuit penuria victualium, & eorum inaudita caristia, quod & homines & jumenta famis inedia tabescebant. Tandem nunciis quibusdam intermediis, sed tamen in dolo, ut ex post facto liquebit, subdola machinatione pertractantibus, partes se invicem Regis *Francorum* arbitrio submiserunt. Dominica proxima post exaltationem Sanctæ Crucis facta est solemnitas inthronizatio fratris *Roberti de Hillewardeby* Archiepiscopi *Cantuariensis*, statimque circa festum Sancti *Michaelis* obiit venerabilis *Henricus de Sandewyke* *London* Episcopus.

Gastonus se in montuosa recipit, & Regis exercitum inedia & difficultatibus confecto, utraque pars se submittit arbitrio Regis Franc.

In eodem festo Sancti *Michaelis* Dominus *Philippus de Eya* cessit officio thesaurarii Scaccarii quod per biennium strenue gubernaverat. Successit eidem



in eodem officio frater *Joseph* Prior Hospitalis in *Anglia*, qui, quia diu Rex in *Syria* morabatur, pecuniam sibi sua calliditate mutuo de mercatoribus adquirebat, & eis de proventibus Scaccarii, quæ mutuo perceperat, utpote fidelis debitor persolvebat.

*Com. Radolp.  
de Halesbe-  
rewe fit Rex  
Roman.*

Quinto-decimo die post festum Sancti *Michaelis* Comes *Radulfus* de *Halesberewe*, dictus *Rufus*, de provincia *Alemannia* coronatus fuit in Regem *Romanorum* apud *Aquisgranum*.

In crastino Sancti *Nicholai* Canonici Sancti *Pauli London*, obtenta domini Regis licentia, convenientes in unum, & votis unamiter adunatis, venerabilem virum magistrum *Y. de Schysshill*, ejusdem Ecclesiæ Decanum, in patrem & pastorem elegerunt concorditer; qui statim transfretavit in *Vasconiam* ad Regem, ipsius benevolentiam petiturus, qua obtenta rediit in *Angliam* circa mediam *Quadragesimam*; & quia Dominus *Cantuariensis* tunc fuerat in partibus transmarinis, impetratis ab eo literis ad officialem suum, qui tunc vices suas gerebat in *Anglia*, consecrationis gratiam meruit obtinere. Dominus *Cantuariensis* gratiose concessit eidem, quod à quocunque Episcopo *Anglia*, quem duceret eligendum, posset in Episcopum Consecrari.

1274

*D. Y. de Schysshill in Episc.  
Londin. elect.  
consecratur.*

M C C L X X I V.

Anno incarnationis unigeniti filii Dei M C C L X X I V. venerabilis *London* electus magister Dominus de *Schysshill*, de licentia Domini *Cantuariensis* ut supra tetigimus, à venerabili patre *Godefrido* tunc *Wigornienfi* Episcopo, assistentibus etiam pluribus aliis Episcopis, apud *Lameye* in capella Domini *Cantuariensis* fecit in Episcopum solemniter consecrari III. Kal. Maii, viz. Dominica proxima post festum Sancti *Marci* Evangelistæ.

*Papa Greg.  
Dec. Lugdu-  
ni Concilium  
celebrat.*

Consequente primo die Maii coepit venerabilis Papa *Gregorius* decimus, evocatis totius mundi prælatis, apud *Lugdunum* super *Rodanum* solemne pariter & generale concilium celebrare. Porro duo memorabilia quæ in eodem concilio edita fuerant, seu statuta, ad posterorum memoriam transmittere dignum duxi.

*Decime Ec-  
clesiasticorum  
per sex annos  
dantur in  
subsidiu ter-  
ra sanctæ.*

Imprimis statuit Papa, quod à tempore concilii celebrati, omnes religiosi exempti cujuscunque fuissent ordinis, vel conditionis, & omnes Clerici habentes beneficia ecclesiastica, per sex annos, darent decimas beneficiorum in subsidium terræ Sanctæ; una scil. medietas dari consueverat ad Natale Domini, & alia medietas ad festum Nativitatis *Johannis Baptiste*, & quod tota pecunia de dicta decimatione per sex annos continuos colligenda, integra custodiretur deposita in ærario publico, usque ad finem termini prælibati, distribuenda & eroganda bellatoribus profecturis in terram sanctam, ad pugnandum contra hostes Christianæ fidei. Alterum memorabile quod in eodem concilio contigit, non decet sub silentio pertransire, quod Græci, licet Catholici, qui hætenus in quibusdam ritibus à nobis discrepaverant, die Lunæ in crastino Nativitatis *Johannis Baptiste* sponte venientes *Lugdunum*, in præsentia Domini Papæ, & totius concilii adhuc ibidem congregati, sprete superstitione schismatica, qua usque hætenus utebantur, symbolum Dominicum, quod in Missa cantamus, sonoris vocibus inchoantes à principio usque ad finem decantaverunt; clausulam quoque illam, scil. unam Sanctam Catholicam & Apostolicam ecclesiam, ternis vocibus repetebant, & sic sacrosanctæ & Apostolicæ *Romanæ* Ecclesiæ spiritualis confœderationis vinculo cuncti ad propria repedabant. In eodem concilio *Robertus Sarum* electus, qui diu ante, sicut supra tetigimus, vacante sede *Cantuariensi* à Monachis *Cantuariensibus* se fecerat confirmari, propter quod consecrationis gratiam non potuit obtinere, de gratia summi Pontificis consecrationis munus obtinuit, & ad Ecclesiam suam rediit consecratus.

*Græci subscri-  
bunt Symbolo  
Apostolico.*

*Walter. Mer-  
ton in Episc.  
Roffen. eligi-  
tur.*

Circa festum Sancti *Jacobi* obiit *Laurentius* de Sancto *Martino Roffensis* Episcopus; Dominus *Walterus* de *Merton* ad ejusdem dignitatis celsitudinem concorditer est electus.

*R. Edward. in  
Angliam red-  
dit.*

Die Jovis in crastino Sancti *Petri* ad vincula illustris *Anglorum* Rex *Edwardus* applicuit in *Angliam*, expectans in partibus tandem diem corona-

tionis



tionis suæ, solemnitatis præparamenta, prout Regiam decebat magnificentiam, non mediocrem sed maximam sollicitudinem requirebant.

Die vero Sabbati proxima, post assumptionem gloriosæ virginis dei genitricis *Mariæ*, idem Rex, occurrentibus sibi nimirum & applaudentibus non solum civibus *Londoniarum*, sed & universis Regni magnatibus, Clericis simul, & laicis, qui pro tantæ novitatis spectaculo, imo etiam pro sui Principis honorificentia fuerant congregati, per evocationem Regiam de remotissimis Regnorum finibus conglobata turba quidem magna, quam dinumerare nemo poterat, civitatem *London*, quæ ad ejus ingressum multipliciter adornata fuerat, introivit. Nec sufficere posset lingua, vel calamus ad ornamenta civium & civitatis enumeranda, quæ sine sumptuum consideratione, multifariis adinventionibus pro Regis magnificentia studiose fuerant elaborata. Sequenti quoque Dominica, quæ eo anno contigit XIV. Kal. Septembris, in festo scil. Sancti *Magni* martyris, idem Rex à venerabili patre *Roberto* tunc *Cantuariensi* Archiepiscopo, assistentibus ut decebat totius Regni suffraganeis, excluso tamen *Waltero* tunc *Eboracensi* Archiepiscopo, qui, propter frivolam inter duos *Angliæ* Metropolitanos discordiam, quæ, pro crucis deportatione, inutili, & sumptuoso labore eos diutissime exercuerat, Regiæ coronationi non passus est interesse; sacrosancti Crismatis oleo delibutus Regni Diadema suscepit, & coram Regni sui proceribus gloriosus effulsit, nec deerant, una cum civibus *London* & cæterarum civitatum & oppidorum totius Regni; quorum quique quasi concertando variis & sumptuosis se vestimentorum generibus adornabant, Comitum, Baronum & militum copiosæ catervæ incomparabilibus vestibus adornatæ; quo civitas ipsa, quæ Regni nostri Capitanea non immerito nominatur, bombicinis & auro textis emicuit indumentis; taceo de celebri convivio, quo confluentes undequaque populi non minus admirari poterant, quam lætari, nec silentio prætereundum est, quod serenissima *Anglorum* Regina *Alienora* simul cum Rege Regio vernans diademate gloriosa refulsit, ut convenienter eis congrueret illud Davidicum, speciosus forma præ filiis hominum, diffusa est gratia in labiis tuis, propterea benedixit te Dominus in æternum, Accingere gladio tuo super femur tuum, potentissime specie tua, & pulchritudine tua intende, prospere procede, & Regna; & paucis interpositis sequitur, astitit Regina à dextris tuis in vestitu deaurato, circumdata varietate. Circa festum Sancti *Michaelis* *Walterus* de *Berton* *Roffensis* electus consecrationis munus accepit.

R. Edu. ab  
Archiep. Can-  
tu. coronatur.

Circa festum Sancti *Calixti* Papæ *Henricus* filius Regis *Edwardi* secundo genitus immatura morte decedens sæculo valedixit, animos parentum non mediocriter dolore perfundens, & sepultus est apud *Westmonasterium* die Sabbati proxima post festum Sancti *Lucæ* Evangelistæ, scil. decimo Kal. Novembris.

Circa festum omnium Sanctorum Dominus Rex *Angliæ* arripuit iter versus partes *Marchiæ*, habiturus Parliamentum cum *Lewelino* Principe *Walliæ*, sed idem Princeps censendo non esse sibi tutum certo die & loco occurrere Regi nostro, nisi certis obsidibus pro securitate sibi commissis, venire prorsus & cum eo Parliamentare recusavit. Quamobrem Rex noster infecto penitus negotio, quod conceperat, sine moræ dispendio repedavit. Circa festum Sancti *Martini* obiit nobilissima domina uxor Domini *Edmundi* fratris serenissimi Regis nostri, cui hæreditaria successione competeat Comitatus *Albemarle*, patre viz. defuncto diu ante, cui sola hæreditario jure successit, & si matrem adhuc superstitem supervixisse potuisset, Comitatus de *Pow* insulæ ratione sibi simili competisset, cujus interitus, imo etiam privatio tantorum Dominatuum animum mariti non mediocriter contristavit, quia non sine dolore amittitur, quod cum amore possidetur.

Rex colloquio  
cum *Lewelino*  
no *Walliæ* Pr.  
frustra tenta-  
to resit.

Circiter diem illum *Willielmus Bathoniensis* Episcopus, vir miræ simplicitatis & innocentiae, carnis mole deposita hominem terrestrem exuit, præsentis sæculo valedicens: statimque electus est ad ejusdem dignitatis celsitudinem vir tunc mirabilis magnificentiae Dominus *Robertus Burnell*, annuente po-

D. Burnell in  
Episc. Bathon.  
eligitur.



tiffimum & cooperante Rege *Anglorum*, cujus sibi diutinum inæstimabiliter complacebat obsequium.

*Margareta  
Scotorum Reg.  
& Soror Beatri-  
cia ob.*

Anno eodem pene elapso, circa mediam Quadragesimam, obiit ferenissima Regina *Margareta Regina Scotorum*, & soror ejus *Beatricia* nobilis *Britanniæ* Comitissa, Regis *Anglorum* germanæ, earum genitrici Reginæ *Anglorum* plantum lugubrem relinquentes, sane utriusque sexus soboles ingenua, quam supradictæ sorores de suis lumbis ediderant, doloris vehementiam temperavit.

*Duo Soles in  
celis appa-  
rent.*

Anno ipso pene revoluto xviii. Kal. Aprilis circa horam sextam apparuerunt in firmamento in plaga meridionali quasi duo soles, & tres semicirculi circa ipsos soles, quorum duo faciem seu colorem Iridis manifestissime prætendebant, tertius autem coloris candidi erat, & singuli singulos quasi lætando per medium interscindebant: Aspicientes itaque signum tam insolitum tanquam attoniti stupuerunt, visione ipsa per dimidiam horam continue apparente.

1275  
*D. Burnell  
consecrat.*

# MCCLXXV.

Anno quo per unionem verbi cum carne veritas de terra orta est MCCLXXV. Dominus *Robertus Burnell* tunc *Bathoniensi* electus, dominica in Ramis palmarum quæ anno ipso contigit vii. Id. Aprilis, à venerabili patre Domino *Roberto Cantuariensi* Archiepiscopo in Conventuali Ecclesia de *Werton* consecrationis munus accepit.

*In Parlia-  
mento West-  
monasterii  
habito Leges  
veteres resti-  
tutæ & novæ  
conditæ.*

In Quindena *Paschatis* factum est famosum & solemne Parliamentum apud *Westmonasterium*, congregatis ibidem totius Regni majoribus, tam secularibus tam personis Ecclesiasticis; in quo, tanquam in primo Parlamento suo, Dominus Rex cupiens, ut decuit, populo complacere, & leges languidas, quæ per prædecessorum suorum impotentiam, seu per Regni turbationem, imo etiam per abusionem male utentium, diutissime dormitaverant, excitare, & in statum debitum revocare, fidelium & jurisperitorum Regni sui, cooperante consilio, nova quædam statuta non solum juri consona, verum etiam toti Regno pernecessaria, compilavit, & publice divulgata posteris memoriter observanda contradidit, quo corda plebeix multitudinis inæstimabili sibi dilectionis sinceritate conjunxit.

*Tho. de Can-  
telupo in E-  
pisc. Herefor.  
eligitur.*

Obiit *Johannes* dictus *Brito Hereford* Episcopus, succedente quoque die Veneris proxima post festum Sancti *Barnabæ* Apostoli electioni faciendæ præfixa, magister *Thomas de Cantelupe* solemniter & concorditer in Episcopum à fratribus est electus.

Circa idem tempus crepuerunt cicatrices vulnerum Domini Regis, quæ cultro venenifero sicut supra tetigimus pertulit in *Syria* per satellitem affesinum, Rex utique ex vehementia doloris & angustix gravissime coepit febrecitare, adeo ut de ipsius convalescentia pene desperaretur, sed tandem Domino miserante convaluit.

*Rex Oxoni-  
um veniens  
superstitione  
quadam de-  
tentus civita-  
tem ingredi  
recusat.*

Dominica proxima ante festum Sancti *Petri ad Vincula* Dominus Rex venit *Oxoniæ*, occurrentibus sibi cum inæstimabili solemnitate & lætitia viris religiosi, diversorum ordinum, Clericis tunc licet paucis in municipio commorantibus, Burgenfibus ejusdem villæ cum innumerabili multitudine utriusque sexus, mulieres vero cum pretiosis vestibus adornatæ certatim sibi cæreos sumptuosos præparaverant & cum eisdem lucernis accensis ob Regiam honorificentiam Regi pariter & Reginæ extra fores oppidi solemniter occurrebant; & licet oppidum ipsum pro tanti principis honorificentia contraprimum ejus ingressum fuisset multipliciter adornatum, Rex, nescio quorum ductus consilio territus, ut credi poterat veteri superstitione derisoria, quod, obtentu precum Sanctæ virginis *Frideswythe*, nullus Rex oppidum ipsum, patre suo duntaxat excepto, ausus fuit à multis retroactis temporibus introire, cum venisset ad portam Orientalem, spreta villa, reflexis habenis equitans extra mœnia aulam Regiam in suburbio positam introivit.



In craftino quidem satis mane venit ibidem *Gastonus* de *Biarre* cum quibusdam nunciis Regis *Francorum*, idemque *Gastonus* die Martis sequente venit ad Regem cum adhærente sibi familia colloquium habiturus; quem Dominus Rex continuo captivari præcepit, & in castro suo *Dron*, Domino *Stephano* de *Penetrest* militi quidem non ignobili custodiendum commisit, sed nunciorum Regis *Francorum* cooperante subsidio, sufficiente tamen pro eo præstita cautione statim liberatus ad propriam passus est remeare provinciam, tempore congruo reversurus in *Angliam*, & Regi beneplacita completurus.

Dominica in festo Nativitatis gloriosæ Virginis consecratus est magister *Thomas* de *Cantelup* *Hereford* Episcopus.

Die Mercurii sequente scil. III. Id. Septembris, factus est terræmotus per *Angliam*, qui cum per civitates *London*, *Cantuariensem* & *Wigornensem*, partesque maritimas meridionalis plagæ vehementius infestavit, Aquilones quoque moderatori turbatione commovit.

In quindena Sancti *Michaelis* proximo sequente convocatis generaliter apud *Westmonasterium* totius Regni magnatibus, habitoque cum ipsis diffusiore tractatu, Dominus Rex voluntarie vel invite laicos & Clericos universos & singulos totius Regni sui precum interveniente præcedentia prudenter induxit, quod de omnibus bonis suis temporalibus partem sibi quintam decimam concesserunt, quo sumptus inestimabiles quos fecerat in *Syria* recuperaret, & importunas creditorum exactiones soluta pecunia mitigaret, verum quia inhonestum videretur & importunum de beneficiis Ecclesiasticis confimilem petere quintam-decimam, præsertim cum universi Clerici Regni *Angliæ* tam religiosi quam seculares, non solum patri suo, sed etiam sibi per multos retroactos annos, ut præactum est, suas decimas curialiter tribuissent; quinetiam ex ordinatione Domini Papæ facta in concilio *Lugdunenfi*, per sex annos continue sequentes decimas suas in subsidium terræ sanctæolvere cogerentur, volens Clericis ipsis necessitatem imponere, sed potius aliquantulam loco subsidii voluntarie consequi portionem, congregatis in præsentia sua totius Regni Pontificibus, & totius Cleri majoribus, supplicabat eisdem, quod aliquod subsidium gratis sibi concedere dignarentur; sane quia Pontifices afflictos affligere, vel Clericis suis non vocatis, nec consultis, necessarias contributiones imponere non poterant nec debebant, ne Regis supplicatio manifestam seu præcisam videretur pati repulsam, unanimi concordia respondendum duxerunt, quod citra quindenam Paschæ proxime secuturam singuli singulos Clericos suarum Diocæsium facerent convocari, & eos supra hujus momenti subsidio tribuendo consulerent, & quicquid de ipsorum gratuita voluntate possent inquirere, seu perpendere, in quindena Paschæ proxime secutura suis Domino Regi responsionibus intimarent.

In prætaxato Parlamento actum est quoddam memorabile, quod turpe foret sub silentio præterire, nempe deliberato nimirum consilio inimicis crucis Christi *Judeis* in *Anglia* commemorantibus, qui Catholicos intolerabilibus aggravabant usuris, legis *Mosaicæ* professoribus legem novam sanxivit, viz. ut in posterum nulli pecuniam suam ad usuram commodare præsumerent, sed de labore manuum suarum, & negotiationum legitima victualia sibi necessaria propagarent, & super hoc constitutiones quasdam editas *Judeis* tribuit memoriter observandas. Circa idem tempus obiit Dominus *Johannes* filius *Johannis*.

Dominus *Edmundus* frater Domini Regis *Anglorum* transfretavit, & sibi potentissimam Dominam Reginam *Navarræ* conjugio copulavit. Anno ipso post transacta Nativitatis Dominicæ solemnia decimo die mensis Januarii *Gregorius* Papa decimus præsentī seculo valedixit.

Circa Purificationem beatæ Mariæ *Gastonus* de *Biarre* rediit in *Angliam*, & sicut ante pepigerat gratis se reddidit Domino Regi, submittens seipsum & omnes terras suas ejusdem Regis beneplacito, quo statim captivato omnium terrarum & castrorum ipsius *Gastoni* custodes instituit, & eos in *Vasconiam* mittere non tardavit.

*Gastonus de Biarre carceri commissus cautione data liberatur.*

*Terræmotus.*

*In Parlamento Westmonasterii habito decima quinta bonorum temporalium à Clericis & Laicis Regi concessa est.*

*Leges novæ latæ de Judæis.*

*Edmun. Regis frater uxorem ducit Reginam Navarræ.*

*Ob. Greg. Dec. Gastonus de Biarre se Regi reddidit.*

Circa



*Emericus de Monteforti in Walliam navigans à Bristolienſibus captus Regi traditur.*

Circa idem tempus *Emericus de Monteforti* cum duobus militibus de *Gal- lia*, & duobus fratribus prædicatoribus maris devia navigando percurrans, & filiam quandam Comitis *Leyceſtriæ* ſororem ſuam Germanam ſecum adducens, & in *Walliam* applicare proponens, ut ipſam mulierem *Lewellino* Principi *Walliæ* matrimonio copularet, contigit, ut ex paucis velis ante portum *Bristol- liæ*, navigaret; ſed cives ejuſdem oppidi rate conſiderata, perpendentes aliquod inſolitum in ea conſiliter, puppem ipſam cum tota ſarcina capientes, invitos intrinſecus perduxerunt ad portum *Bristol- liæ*, & prædam ipſam non ignobilem Domino Regi cum triumphali lætitia reddiderunt. Rex quoque conſiderans ex prædicto conjugio, ſi præcogitatum conſequeretur effectum, diſpendia ſibi minime deſutura, captivos ipſos nobiles ſeparatim concludi præcepit in carceres ſingulos, ſingulos aſſignando cuſtodes, ſane mediantibus nunciis Regis *Francorum* fratres & milites citiſſime liberati redierunt in *Gal- liam*.

*Petrus de ordine prædicatorum in Papam electus nomine Innocentii Quinti.*

Circa principium Quadrageſimæ electus eſt quidam frater de ordine fratrum prædicatorum *Petrus* nomine ad Papatus celſitudinem, & aſſecuto munere conſecrationis mutato *Petri* nomine, cui ſucceſſit in celſitudine dignitatis Apoſtolicæ, vocatus eſt *Innocentius Quintus*.

1276

M C C L X X V I.

*Ob. Innocent. Quintus. Octobonus in Papam electus nomine Adriani, ante conſecrationem obit.*

Anno, quo verbum patri coeternum caro factum mortalitatis noſtræ particeps factus eſt in fine ſæculorum M C C L X X V I. XI. Kal. Julii obiit *Innocentius* Papa *Quintus*, electus eſt ad Papatus celſitudinem Dominus *Octobonus*, qui tunc ultimo, ſicut ſupra tetigimus, legationis officio in partibus *Angliæ* fungebatur, & priſtino nomine tranſmutato vocatus eſt *Adrianus*, qui, tandem conſecrationis munere non obtento, tranſitoriam mundi gloriâ brevi prodidit intervallo, ipſum vero vitæ longioris ſpes infida ſeſellit, dum mors parere neſcia, paucorum dierum labente curriculo, temporalis vitæ tranſitoriam ſibi jucunditatem maturius, quam credebatur, adinveniret. Quo deſuncto poſt modicum temporis fluxum ad eandem celſitudinem electus eſt quidam Cardinalis dictus *Hugo Hiſpanus*, & de *Hugone* vocatus eſt *Johannes*. Tranſlatus eſt Dominus *Richardus Glouceſtrenſis* Epicoſopus in Vigil. Sancti *Botulphi* viz. XVI. Kal. Julii contingente eo anno feria tertia.

*Hunc excipit in Papam Hugo Hiſpan. nomine Johannis.*

*Edmun. Regis fr. Reginam Navarræ in Angliam ducit.*

Miranda ficcitas per totam *Angliam*, adeo quod à Paſcha uſque feſtum Sanctæ *Margaretæ* fere nihil plueret ſuper terram. Dominus *Edmundus* Regis *Angliæ* germanus tranſfretavit, & circa feſtum Sancti *Barnabæ* nobilem mulierem Reginam *Navarræ*, quaſi non minus Regni *Navarræ*, quod eidem Reginæ jure hæreditario competebat, ambitione devictus, quam formæ venuſtioris illecebra allectus ſibi conjugio copulaverat, ut natalis ſoli viz. *Anglicani* jucunditatem, & poſſeſſionum ſuarum in eodem Regno ſibi copias oſtendaret, duxit in *Angliam*, quam non ſolum affines & propinqui ſed & externi ſumma cum honorificentia ſuſceperunt.

Circa feſtum Sancti *Jacobi* Apoſtoli nuncii qui miſſi fuerant in *Vaſconiam* pro terris Domini *Gaſtoni* cuſtodiendis injuncto ſibi legationis officio, ob reſiſtentiam miniſterialium ejuſdem *Gaſtoni* non adimpleto vacui redierunt in *Angliam*.

*Bellum inter Regem Hiſpan. & Reg. Fran. de Dominio Regni Navarræ.*

Anno eodem Rex *Hiſpaniæ* vendicans ſibi Dominium Regni *Navarræ*, copioſum præparavit exercitum, ut ipſum Regnum invaderet, & ſuo Dominio ſubjugaret, & civitatem *Pampelonam*, & quaſdam alias civitates munitas obſidione concluſit, quas demum poteſtate valida ſic arcavit, quod per impotentiam reſiſtendi ſuo ſe Dominio dedere cogerentur. Rex itaque *Francorum* afferens è contrario Regnum ipſum antiquo jure ſuo debere ſubjacere Dominio, permiſſis comminatoriis & exercitu congregato, cui *Gaſtonum de Bierre* ducem præfecit, miſit eos in *Navarram* ut vel urbes occupatas ab occupatione defenderet, & Regnicolas, adiutorium impendendo, à depopulatione ſalvaret. Interim Rex *Francorum*, congregatis de univerſis mundi partibus ſtipendiariis, copioſum coadunavit exercitum, ut in manu potenti & brachio extento



extento montuosa provinciarum interjacentium cacumina sine resistētia pertransiret, & Regem *Hispaniæ*, qui in *Navarram* credebatur adventurus, potenter exciperet, ac terram ipsam suo Dominio subjugaret. Ingruente vero protinus temporis hiemalis incommodo, imo potius cibariis hominum & pabulis jumentorum pene deficientibus, quæ nec venalia poterant inveniri, priusquam montuosæ provinciæ potuissent discrimina transmeare, non sine verecundia coacti sunt in Galliam repedare, stipendiariis omnibus, ne inutiliter nil commodi faciendo stipendia percepta, simul perceptura consumerent, in patrias suas singillatim remeantibus, *Francorum* quoque præsumptuosa superbia, quæ de triumphis fatalibus jactitare consueverat, sua cum confusione dispendia deplorabat.

Circa festum Epiphaniæ serenissimus Rex *Anglorum* versus partes Marchiæ copiosum præmisit exercitum, ut provinciam ipsam, quam *Lewelinus* princeps *Wallensum*, spreta Domini Regis fidelitate, crebris incursionibus depopularat, communiret; & principem ante dictum, ne more solito debacchari præsumeret, potentissime coarctaret, quod & factum est; exercitus ipse partes ipsas usque festum Pentecostes proxime sequens continue commorando virtute bellica defendebat.

*Rex Ang. exercitum mit-  
tit contra  
Lewelinum.*

MCCLXXVII.

1277

Anno, quo verbum patris sibi coæternum, particeps nostræ carnis effectum in tempore voluit incarnari, MCCLXXVII. obiit vir venerabilis magnificentiæ Dominus *Philippus* de *Eya* apud *Osenepe*; pridie Nonas Aprilis, sepultus ibidem in Ecclesia Conventuali Canonorum ejusdem monasterii, vir sane reddituum, & possessionum tam Ecclesiasticorum quam secularium adeptione præclarus, & non solum profusa elegantia virtutum venustatus in animo, verum etiam sapientia pariter & dapnitate refulgens, ciborum & potuum famosissimus erogator. Circa festum Pentecostes proximo sequens, venerabilis Papa *Johannes* in præsentis vitæ fallibilitate transitoria concipiendo fiduciam, cum competentem sibi cameram construxisset, nihil sibi metuens cum in eadem solitarius prostitisset, domus ipsa de qua nihil timebatur inopinata corruit, & solum Papam, qui in ea fuerat, subito conquassavit, quo transitoriam mundi gloriam planctuoso fine conclusit.

*Johannes Pa-  
pa corrue-  
nte domo interiit.*

Quo defuncto, modico temporis elabente curriculo, Dominus *Johannes* dictus *Gagytanus* Apostolicæ celsitudinis dignitatem, ad quam desiderii sitibundis diutius aspiraverat, à fratribus concorditer electus obtinuit, & de *Johanne* vocatus est *Nicholaus*.

*Joh. Gagy-  
tanus in Papam  
electus nomi-  
ne Nicholai.*

Circa idem tempus illustris Rex *Anglorum* volens præmissam ad partes Marchienses militiam corporali præsentia potentius animare, totius Regni sui viribus conglobatis personaliter adiit partes illas, quas ut prædiximus præmissus protegebat exercitus; ita quod in festo Nativitatis Sancti *Johannis Baptiste* fuit in partibus *Cestriæ*; & quia inter *Cestriam* & terram *Lewelini* interjacet quædam silva tantæ densitatis, & amplitudinis, quod exercitus Regius eam nullatenus poterat sine discrimine pertransire; prostrata seu secata ipsius silvæ portione non modica, progrediendi in terram Principis sibi & complicibus suis latissimum patefecit ingressum, & terram ipsam violentis ausibus occupatam triumphaliter introivit; statimque in ripa cujusdam fluminis, quo maris inundatio quotidie fluit & refluit, duo castra munitissima pro situs aptitudine cepit ædificare, quo sibi & suis impugnabile præpararet diverforium: quorum unum le *Flint* & alterum *Kochelan* appellavit; & in partibus illis usque festum Sancti *Martini* toto confedit exercitu, crebris insultibus impugnando *Wallenses* terras, ipsas cum indigenis sic arctando, ut deficientibus sibi victualibus, ultimum & principale refugium suum, quod *Snowdonia* vulgariter appellatur, licet inviti cogherentur repetere, & de resistētia seu rebellionē nihil penitus cogitarent. Maritimi quoque Portuenses strenuissimi bellatores in pelago cum innumerabili navium multitudine applicuerunt in insulam quandam *Snowdonia* contiguam, quæ *Anglesey* dicitur, ipsamque potenter &

*Rex Angl.  
cum magno  
exercitu Wal-  
liam intrat.*

*Lewelinum  
ad maximas  
difficultates  
redigit.*

*Insulam An-  
glesey occupa-  
vit.*

pompaticē



*Lewelinus se  
Regi submit-  
tit.*

pompaticè obtinuerunt, unde Princeps nimium stupefactus & perterritus necessitatem vertens in alacritatem circa festum Sancti Martini seipsum cum tota terra sua voluntati Regiæ subjugavit.

*Factis initis  
de tributo an-  
nuo Regi sol-  
vendo, & Re-  
ge sibi in hæ-  
redem substi-  
tuendo Lewe-  
linus in Wal-  
liam redit.*

Rex illico voluntatis suæ compos rediit in *Angliam*, & juxta formam pactionis inter eos initæ, adduxit secum in *Angliam* Principem memoratum, & fuit cum Rege *Londoniis* in festo nativitatis Domini, ibique in præsentia Regis, & multorum Regni magnatum fecit Regi homagium corporali præstito Sacramento per se, & potentiores provinciæ suæ, quod totam terram suam quamdiu viveret de Rege teneret, tanquam de Domino, & pro insula *Anglesey*, quam Rex sibi tenendam contradidit, annis singulis certam sibi pecuniæ quantitatem; instrumentis insuper inter eos confectis, quod nullum alium, præter Regem, hæredem sibi substitueret successurum, quibus actis sub tutamine Regni conductus in *Walliam* repedavit.

Rex utique reversus de *Wallia* cepit de quolibet feodo militis per totum Regnum *XL Solidos* pro scutagio, illis duntaxat quietis à taxatione seu solutione scutagii, qui secum ab *Anglia* in *Walliam* personaliter vel per substitutos idoneos militabant.

*Ob. Walt. de  
Merton, excep-  
tit Præcentor  
Roffensis.*

Dominus *Walterus* de *Merton* tunc *Roffensis* Episcopus, peragrans provincias, cum fluvium quendam minus provide transiret, vado prorsus incognito corruens de equo cui infidebat, cadensque in fluvium, à domesticis suis de fluvio vix extractus, post modicum temporis intervallum præsentī seculo valedixit. Electus est loco ipsius quidam monachus præcentor *Roffensis* Monasterii; cujus confirmatio per impedimenta frivola, per aliquantulum temporis prorogata, probato tandem quod electio ipsius canonice fuerat celebrata, ad votivum pervenit effectum.

*Ob. Normic.  
Episc. huic  
succedit Wil-  
liel. de Mid-  
dleton Archi-  
diac. Cantuar.*

Cito post Natale *Rogerus Porwik* Episcopus naturalem resolutus in mortem temporalis vitæ diem clausit extremum, electus est loco ejus vir præcipue venerandus magister *Willielmus* de *Middleton*, Archidiaconus *Cantuariensis*, generis nobilitate præclarus, moribus & literatura conspicuus, cujus confirmatio tanto maturiorem sumpsit effectum, quanto Domino *Cantuariensi* speciali dilectionis fœdere fuerat counitus.

1278

M C C L X X V I I I.

*Norwic. E-  
pisc. consecr.*

Anno quo sapientia patris increata nostræ mortalitatis induit corruptelam, *MCCCLXXVIII. IV. Kal. Junii* viz. dominica proxima post Ascensionem Domini, Dominus *Willielmus Porwik* electus à venerabili patre Domino *Roberto Cantuariensi* Archiepiscopo, præsentē Rege *Anglorum* illustri, & procerum Regni sui multitudine copiosa, apud *Lamepe*, summa cum honorificentia consecrationis munus accepit, consecratus est eodem die cum eo Dominus *Rosensis* electus.

*R. Edu. de  
Lewelini fide  
dubius in  
Walliam ten-  
dit.*

Dominus Rex *Angliæ* audito quod *Lewelinus* à fidelitate, quam sibi fecerat, resiliere proposuisset, quod super hoc sibi relatum fuerat credibilius oppinando, eo quod princeps antedictus ad Parliamentum Regis, quod in tres septimanas post Pascha *Londoni* fuerat celebratum, venire contemneret; paucissima militum comitiva stipatus, circa festum Sancti Petri ad Vincula versus provinciam *Marchiensem* se transtulit, ut descenderet & videret, si *Lewelinus* rupto fœdere, quo paulo ante fuerat obligatus, clamorem opere complevisset; fane princeps memoratus ne prævaricationis pactionum vel infidelitatis argui posset, Regi *Angliæ* fines *Marchiæ* visitanti tanquam Domino suo occurrit ipsumque ut decuit multipliciter honoravit.

*Papa promo-  
vet Archiep.  
Cantuar. in  
Cardinala-  
tum Portuen-  
sem.*

Circa idem tempus Dominus Papa plenitudinem potestatis suæ conatus ostendere, venerabilem patrem nostrum Dominum *Robertum Cantuariensem* Archiepiscopum volens ad celsiorem provehere dignitatem, ei Cardinalatum contulit Portuensem, quippe licet *Cantuariensis* Archiepiscopatus in proveni- tibus temporalium commodorum Portuense fastigium incomparabiliter excedere videretur, tamen ne summo Pontifici videretur inobediens, ditiori sponsæ, venustioris formæ captus illecebra, valedicens temporalibus com- modis



modis non recusavit antepone dignitatem; quapropter circa festum Sancti Jacobi Apostoli convocatis suffraganeis suæ Metropolis omnibus, & singulis, cum ea qua decuit honorificentia valedixit, statimque profecturus ad Curiam nacta temporis opportunitate statibus prosperis transfretavit.

Renovata igitur inter Regem *Angliæ & Lewelinum* fide, Princeps ipse in festo translationis Sancti *Edwardi*, in Quindena viz. Sancti *Michaelis*, annuente Rege *Anglorum*, desideratissimam sibi sponfam, ad cujus amplexus diutius conspiraverat, filiam *Simonis* de *Monteforti* quondam Comitis *Leycestriæ* in civitate *Wigorniensis*, procerum Regni hujus ibidem multitudine convocata, non sine magno cordis tripudio desponsavit. Quibus actis Rex *Scotorum* monitus & vocatus per Regem *Anglorum*, ut homagium, quod ipse fecerat Regi *Henrico* pro terris finitimis Regno *Scotiæ*, quas de eo teneret, præsentialiter innovaret; idem Rex *Scotorum*, sponte nescio vel invitatus, Regnum suum egrediens venit in *Angliam*, & adproperans Regi nostro suis se beneplacitis per omnia coaptavit; & ut tantæ deditiois triumphus nostros Regnicolas non lateret in posterum, Rex *Scotorum* Regi nostro fecit homagium, hoc cum obtento, quod de cætero ubicunque in Regno *Angliæ* posset inveniri, ibidem suum & posterorum suorum homagium Rex & posterum sui recipere non differrent, pactis quoque super hoc firmissime solidatis Rex *Scotorum* ad propria repedavit.

*Lewelinus uxorem ducit filiam Simonis de Monteforti olim Com. Leicest.*

*Rex Scotorum homagio prius præstito Anglorum Regi in Scotiam redit.*

Dominus noster serenissimus Rex *Anglorum* manifeste prospiciens monetam suam per *Judæos Angliæ*, quibus uti præactum est foenerandi lucrum fuerat interdictum, per intolerabilem retonfionem quasi penitus annihilari, ut nec ad medietatem debiti ponderis nummus posset attingere; consideratis etiam quod mercatores transmarini cum mercimoniis suis Regnum *Angliæ* præ debilitate monetæ minus solito frequentabant, nec non quod omnimoda venalium genera incomparabiliter solito fuerunt cariora, ut Regni sui dispendia refarciret, sano procerum & consiliariorum suorum fretus consilio paucis quoque consciis, perfidos *Judæos* pecuniæ mutilatores per omnes *Angliæ* civitates & burgos in octavis Sancti *Martini*, uno eodem die captivari constituit, & carcerali custodia mancipatos compedibus oneravit, universisque bonis eorum nequiter acquisitis fisco Regio sine discrepatione qualibet applicatis, reservari præcepit judicialiter puniendos; & quia manifestis patebat indiciis, quod sine *Christianorum* consensu, tantum scelus perpetrari non potuit, paucio tempore post elapso fere omnes Regni sui aurifabros, nec non & alios quam plures de quibus per indictmentem *Judæorum*, vel quamcunque probabilem præsumptionem suspicari poterat, quia retonfioni monetæ coadjutores, fautores, seu coemptores existerent, inopinatus quam credi poterat, captivavit.

*R. Edu. Judæos & alios ob monetam ab his detonsam puniendos curat.*

Dominus *Willielmus Norwic* Episcopus Ecclesiam suam propriam *Norwic* monachorum conventualem, quæ post sui combustionem strenuissime fuerat reparata, dominica Adventus Domini, quæ eo anno contigit v. Kal. Decembris, præsentem Rege & Regina, pluribus Episcopis, & Regni proceribus, cum ea qua decuit honorificentia dedicavit; & dedicationis solennia celebri convivio non mediocriter illustravit.

*Episc. Norwic. de novo dedicat Ecclesiam Norwic. censum nuper restauratam.*

Transactis quoque Nativitatis Domini solenniis Dominus Rex providos & prudentes viros Regni sui Justitios constituit, & ordinavit ad disceptandum cum *Judæis* & *Christianis* de retonfione monetæ, ut reos punirent, & infantes liberarent; qui quidem innumeram *Judæorum* multitudinem, quos retonfionis reos compererant, suspendio condemnabant, nonnullos vero de *Christianis*, ejusdem sceleris perpetratores, licet paucos simili suspendio puniebant: aurifabri siquidem & alii suspiciosi fere omnes inquisitionibus factis per juramentum, nescio si juste vel injuste, liberati mortis periculum evaserunt. Justitiiarii quoque per totam quadragesimam, annuente Domino Rege pro reverentia sacri temporis, à prædicto judiciali strepitu quieverant, id ipsum statim post Pascha viriliter resumens, & infinitam fere *Judæorum* multitudinem suspendentes.

*Judæi & alii detonsæ monetæ rei suspendio plebuntur.*



*Monac. Cantuar. eligunt D. Burnell in Archiep. Cantuar. qua electione non confirmata Papa confert Archiepiscopatum Cant. in Job. de Peckham.*

Post transfretationem Domini *Roberti Cantuariensis* Archiepiscopi, & admissionem in Cardinalatum, de quo supra meminimus, monachi *Cantuarienses* obtenta à Domino Rege eligendi licentia, Dominum *Robertum Burnell Bathoniensem* Episcopum in patrem & pastorem concorditer postulabant, qui tunc temporis in *Vasconia* pro Regis negotiis morabatur. Ipse quidem nuncios solennes misit ad Curiam pro confirmationis gratia obtinenda, sed frustra; quippe Dominus Papa circa festum Purificationis beatæ Mariæ, viz. in conversione Sancti Pauli, fratri *Johanni de Becham* de ordine fratrum minorum, qui tunc personaliter in Curia morabatur, viro utique supereminentis literaturæ, (alterius postulatione cassata) Archiepiscopatum *Cantuariensem* contulit de plenitudine potestatis, ipsumque diutius rebellantem & contradicentem, licet invitum, ut dicebatur, consecravit Dominica mediæ Quadragesimæ, ad partes *Angliæ* tempore congruo profecturum.

1279

M C C L X X I X.

Anno, quo summi patris unigenitus inclinavit coelos & descendit in uterum virginis, MCCLXXIX. obiit Dominus *Walterus Giffard Eboracensis* Archiepiscopus cito post Pascha, viz. in vigilia Sancti Gregorii.

*Rex in Galliam transfretans cito revertitur.*

Dominus Rex *Angliæ* circa festum Ascensionis dominicæ transfretavit in *Galliam*, Comitatum recepturus Pontivensem, qui nuper ante vacabat, & inclitæ Reginæ *Anglorum* uxori suæ jure hæreditario competeat, negotiisque suis ibidem feliciter expeditis, omnibusque ad votum ejus succedentibus, ante festum Nativitatis Sancti *Johannis Baptiste* repedavit in *Angliam*, quem utique Dominus *Cantuariensis* Archiepiscopus citius transfretando modico tempore præcucurrit.

*Rex moneta retonsa prius prohibita Cambium instituit.*

Circa idem tempus Dominus Rex publico per totum Regnum edicto proclamari fecit, quod moneta retonsa amplius non curreret, nec invite ab aliquo caperetur, quin etiam in certis locis Regni, civitatibus & Burgis paucis tantum exceptis, cambium fecit institui, ita viz. quod pro qualibet libra monetæ incapabiliter darentur XIV. denarii de incremento Cambii, & perciperent unam libram bonæ monetæ non retonsæ; circa festum Pentecostes cœpit regulatio monetæ retonsæ per totum Regnum, adeo ut infra tempus modicum nemo penitus ipsam admittere dignaretur.

*Archiep. Cant. concilium convocat. apud Reding.*

Dominus *Cantuariensis* convocatis universis suffraganeis suis apud *Reding*, die veneris proxima post festum Sancti *Jacobi* Apostoli celebravit generale concilium, in quo constitutiones concilii generalis quod silentio præterire non convenit innovavit, viz. quod singuli rectores Ecclesiarum unico tantum beneficio curam animarum habente essent contenti, quin etiam omnes ad ordinem sacerdotii infra certum tempus se facerent promoveri.

*Dissensio inter Archiepiscopos Cant. & Ebor. de jure crucis gerendæ.*

Loco Domini *Walteri Eboracensis* Archiepiscopi electus est magister *Willielmus de Wikkewane* ejusdem Ecclesiæ Cancellarius, qui statim arripuit iter ad Curiam, & circa festum Sancti *Michaelis* rediit in *Angliam* à summo Pontifice consecratus; cumque reversus applicuisset in *Angliam*, & per provinciam *Cantiæ* erecta cruce, quam ante se more prædecessorum suorum fecerat deportari, pompaticè pertransisset; quidam de familia Domini *Cantuariensis* crucem ipsam de manibus bajuli violentis ausibus abstulerunt, ipsamque minutim confringentes in frustra, antiquam & frivolam concertationem, quæ inter duos *Angliæ* Metropolitanos à multis retroactis temporibus pro crucis deportatione tanquam sopita, excitaverunt.

*Convivium celebre apud Kenellworth.*

Dominus *Rogerus de Mortuo mari*, innumerabili multitudine militum & dominarum apud *Kenellworth* congregata, famosissimum celebravit convivium profusissimis expensis inutilibus, tum quod rotundam tabulam milites vulgari nomine consueverant appellare, armorum exercitio valedicens, celebratio rotundæ tabulæ facta est die Jovis in vigilia Sancti *Michaelis*, & post dies paucos sequentes tanquam ros matutinus evanuit, & versum est in nihilum quod fuit ante nihil.

Circa idem tempus frater *Johannes de Clinton* de ordine fratrum prædicatorum,



torum, cui Dominus Papa Archiepiscopatum contulit *Dubliensem* in *Hybernia*, à Domino *Cantuariensi* apud Sanctum *Albanum* consecrationis munus accepit. Id. Decembris obiit *Richardus* de *Graveshende* *Lincoln* Episcopus.

Circa idem tempus divulgatum est quoddam statutum in Regno *Angliae*, quod Rex de communi consilio & assensu procerum suorum statui procuravit, viz. quod nullus in posterum posset terras, redditus, possessiones, viris religiosiis vendere, vel conferre, nec liceret unquam religioso de cætero quascunque terras, redditus, seu possessiones de quocunque seculari recipere, vel admittere titulo donationis, collationis, nec emptionis.

Circa idem tempus obiit in Curia *Romana* venerabilis frater *Robertus* de *Killewardeby*, qui de Archiepiscopo *Cantuariensi* creatus fuerat Dominus *Portuensis* Episcopus Cardinalis. Die Mercurii proxima post Purificationem beatæ virginis, in crastino Sanctorum *Vedasti* & *Amandi* viz. VII. Id. Feb, obiit magister *Johannes* de *Chishill* *London* Episcopus. Die lunæ sequente proxima post festum Sanctæ *Scolasticæ*, viz. pridie Id. ejusdem mensis obiit magister *Nicholaus* de *Hely* *Wintoniensis* Episcopus. Loco Domini *Richardi* *Lincolniensis* Episcopi electus est Dominus *Fulco* *Lunell* Archidiaconus *Colcestrie*, ipse tamen in electionem de se factam non consensit, sed ei præcise renunciavit: monachi quoque *Wintonienses* loco magistri de *Hely* Dominum *Robertum* *Burwell* tunc *Bathoniensem* Episcopum & Domini Regis Cancellarium in patrem & pastorem à sede Apostolica postulabant, quorum postulationem Dominus Papa admittere recusavit. Monachi quoque *Wintonienses*, resumpta sibi eligendi potestate, venerabilem virum, & præeminentis scientiæ magistrum *Richardum* de la *More* Archidiaconum *Wintoniensem* concorditer elegerunt, quem Dominus *Johannes* *Cantuariensis* Archiepiscopus recusavit admittere, eo quod duo beneficia curam animarum habentia sine dispensatione admisit & tenuit; idem magister respondit se nullum beneficium admisisse nisi mutum, & Archidiaconatum quem dignitatem esse dicebat, non beneficium cui cura incumberet animarum; & quia Archiepiscopus præcise recusavit admittere, ipse interjecta appellatione adiit sedem Apostolicam Domini Papæ gratiam petiturus, ibique aliquantulam licet inutilem & inanem sub spe gratiæ moram traxit. Infra Octavas Purificationis *Johannes* de *Balhol* adolescens ingenuus paterni nominis simul & patrimonii successor hæreditarius, generosissimam adolescentulam *Isabellam* filiam Comitis *Waremiæ*, annuente Rege in cujus custodia tunc idem *Johannes* extiterat, solempni sibi matrimonio copulavit. Magister *Richardus* de *Graveshend* electus est in Episcopum *London*.

MCCLXXX.

1280

Anno, quo verbum patris increatum de carne virginea materiam carnis assumpsit, MCCLXXX. in festo Sancti *Georgii*, quod contigit in hebdomada Paschæ, facta est tam vehemens inundatio aquæ pluvialis apud *Dron*, quanta vel qualis non est visa eo tempore anni, à triginta retro annis & amplius. Quarto Id. Maii consecratus est Dominus *Olivenis* *Lincolniensis* Episcopus à Domino *Johanne* *Cantuariensi* Archiepiscopo, inthronizatus in festo Nativitatis beatæ *Mariæ* proximo sequente. In festo Pentecostes fuit generale capitulum totius ordinis fratrum prædicatorum apud *Dron*, præsentem ibidem Rege *Anglorum*. Obiit *Walterus* *Dron* Episcopus, electus est loco ejus magister *Petrus* de *Dron* consecratus apud *Cantuariam* IV. Id. Novembris, non ab Archiepiscopo, quia tunc fuit in Diocæsi *Portuic* pro visitando, sed à quibusdam suffraganeis suis de mandato ipsius Archiepiscopi. Dominica in crastino Sancti *Laurentii* consecratus est magister *Richardus* de *Graveshend* *London* Episcopus à Domino *Johanne* *Cantuariensi* Archiepiscopo apud *Cobventry*, installatus Kalendas Octobris circa assumptionem beatæ *Mariæ*. Obiit *Nicholaus* Papa improvisa morte, ut dicebatur, qui ante Papatum dicebatur *Johannes* *Gagitanus*. Nonas Octobris *Johannes* *Cantuariensis* Archiepiscopus solemne concilium celebravit apud *Lameye*, statuens ut omnes rectores ecclesiarum curam animarum habentium infra annum fierent sacerdotes, aut beneficiis privarentur.



Proponebat in eodem concilio libertates quasdam ad coronam Regis spectantes annullare, viz. cognitionem de jure patronatus, & prohibitiones de cattallis. Rex minis sibi intentatis, si quid in præjudicium Regiæ libertatis attemptare præsumeret, viriliter se opposuit, Archiepiscopus quoque territus à sua præsumptione cessavit. Translatus est dictus *Hugo Lincoln* Episcopus in festo Sanctæ *Fidei* virginis. In quindena Sancti *Michaelis* consecratus est magister *Thomas Bek* apud *Lincoln* in Episcopum *Menevensem* à Domino *Johanne Cantuariensi* Archiepiscopo. In Parlamento quod factum *London* circa festum omnium Sanctorum, Rex instanter petiit à Clero quintam-decimam per tres annos. Archiepiscopus *Eboracensis* statim concessit sibi quintam-decimam suæ Metropolis per II. annos: *Cantuariensis* Archiepiscopus deferebat responsum suum usque quindenam Paschæ, & tunc concessit Regi decimam duorum annorum, si quis bene consideraverit totum redditum ejusdem. Per totam illam hyemem facta est mirabilis inundatio pluviarum usque Epiphaniam. Circa conversionem Sancti *Pauli* incœpit asperissimum gelu, & duravit usque principium Martii fere per sex septimanas, ita quod nullus interim potuit arare nec seminare. Circa festum Sancti *Cuthberti* Dominus *Emericus* de *Monteforti* liberatus est à captivitate, qua Rex eum diu detinuerat compeditum, qui statim adiit sedem Apostolicam.

Rex à Clero  
exigit deci-  
mam quin-  
tam.

Gelu asperi-  
ssimum.

D. de Monte  
forti à carcere  
liberatus.

1281

MCCLXXXI.

Lewelinus  
pace rupta  
vicinas vex-  
at provincias.

Parliamen-  
tum Wigor-  
niæ habitum.

Plures de Re-  
gis partibus  
à Wallensibus  
interfecti.

Frustra de pa-  
ce agitur cum  
Lewelino.

Multi Regii  
Procures à  
Wallensibus  
occisi.

Anno, quo Dei patris unigenitus de virgine *Maria* materiam carnis assumere dignatus erat MCCLXXXI. Circa festum Anunciationis *Lewelinus*, prævaricator pacis initæ inter ipsum & Regem *Angliæ*, instigante *David* fratre suo cœpit oppugnare castra de *Flint* & *Rothelan*, & vicinas depopulare provincias; quo audito Rex qui tunc apud *Devisas* festa Paschalia celebravit, quosdam de suis licet paucos præmisit ad partes illas, qui miseras *Wallensium* turmas repellerent, castra defenderent, quousque Rex posset sibi consultius providere; tandem convocatis Regni sui proceribus statuit Parliamentum suum apud *Wigorniam* in festo Nativitatis Sancti *Johannis Baptistæ*, ibique provisum est quod omnes Regni magnates occurrerent Regi cum equis & armis die Sancti *Petri* ad *Vincula* circa fines *Walliæ*. Interim *David* cum complicibus suis Dominum *Rogerum* de *Clifford* cepit lethaliter vulneratum, pluribus de familia sua crudeliter interfectis. Rex congregato exercitu *Lewelino Walliarum* Principi talionem rependens, terras crudelissima depopulatione vastavit; una quoque dierum quidam de Regiis egredientes ab exercitu *Lewelino Walliarum* Principi talionem rependentes minus sapienter elongati prædæ capiendæ operam dabant, & ecce *Wallenses* de latibulis silvarum & paludum erumpentes *Anglicos* respectu eorum paucissimos cœperunt invadere, in quo conflictu interfecti fuerunt filius Domini *Willielmi* de *Valentia* avunculi Regis, Dominus *Richardus* de *Argenten*, cæteris per fugam vix evadentibus, pluribus tum inhumaniter interfectis. Rege in partibus *Rothelan* commorante usque festum omnium Sanctorum, missus est Archiepiscopus *Cantuariensis* ad *Snowdoniam* ad *Lewelinum*, ut moveret eum & induceret ut pacem quam cum Rege pepigit observaret, quamque Princeps ultro facere recusavit, sed nec ad pacem amplectendam induci poterat. Interim Dominus Archiepiscopus in *Snowdonia* triduo moraretur, Regii Proceres clam sed tamen insipienter ingressi sunt *Snowdoniam*, æstimantes se posse in dolo ipsam suis viribus occupare; sed *Wallenses* præmuniti occurrerunt eis, & inito conflictu eos fugere compulerunt, fugientes quoque transmeatione cujusdam fluvii se salvare credentes, vadum fluminis ignorantes, quam plures in fluvio sunt submersi; de quibus famosiores fuerunt Dominus *Lucas* de *Tony*, *Willielmus* de *Dogingeseles*, *Willielmus* la *Zuche*, cæteris cum maxima difficultate evadentibus, recedens Archiepiscopus & rediens ad Regem, *Lewelinum* prævaricatorem pacis, & perjurum *David* fratrem suum, & universos complices & fautores eorum excommunicationis vinculo innodavit. Acta sunt hæc circa festum Sancti *Leonardi*. Circa idem tempus obiit Dominus *Rogerus* de *Mortuo mari*. Circa festum Sancti



Sancti *Thomæ* Apostoli, descendenti *Lewelino* de *Snowdon* cum paucis, nescio quid facturo, occurrit inopinate Dominus de *Mortuo mari* non modica comitiva stipatus, ipsum & complures suos, qui fugere non poterant, interfecit; caput principis, quod inter interfectos recognovit, amputatum Regi detulit. Rex glorians de triumpho caput ipsum deferri fecit *London*, super turrin *London* hastili infixum in signum victoriæ tam celebris affigendum. Rex *Angliæ* pro hac guerra *Walliæ* coepit scutagium de toto Regno suo viz. XL. solidos ad scutum.

*Lewelini caput Regi defertur.*

*Turri Londinensi infigitur.*

M C C L X X X I I.

1282

Anno, quo verbum patris increatum trabeam nostræ fragilitatis induere dignatus est, MCCLXXXII. in quindena Paschæ viz. XVIII. Kal. Maii *Thomas* de *Wipke* assumpsit habitum Canonicorum *Dieneve*. Rex *Angliæ* prosperis successibus animatus, patefacto sibi ad votum ingressu, *Snowdon* triumphaliter introivit, & fuit ibidem in Pascha in monasterio quodam ordinis *Cisterciensis*, quod dicitur *Abernnewith*, disponens totum principatum *Walliæ* ad libitum suum, excepto duntaxat quodam castro, quod lingua eorum *Were* dicitur, quodque palude quodam intransineabili circumcinctum difficiles & angustissimos habuit ingressus & egressus, per viam unicam artificiose compositam; in ipsum quoque *David*, mortuo fratre, præsidium intromiserat, ipse vero silvis & locis quasi inaccessibleibus latitabat. Rex obsidens castrum obsessos usque adeo coarctavit, ut necessitate compulsi castrum sibi dedere cogerentur, quo obtento cum quibusdam *Wallensibus* sic collusit, ut *David* extractum de latibulis Regi redderent captivandum, quem Rex cum uxore & filio suo misit usque *Kothelan*, ibique incarceratum compedibus oneravit. *Rees* à *Wanham*, audito quod acciderat, seipsum & complices suos reddidit Domino *Humfredo* de *Boion* Comiti *Hereford*; quos protinus misit ad Regem, & Rex misi *London* eum præciens, quod poneretur in turri, & ut compedibus diligentissime custodiretur. Hoc anno obiit *Thomas* de *Cantalupo* *Hereford* Episcopus in veniendo de Curia *Romana*, loco ejus electus est magister *Richardus* de *Wainefeld*. Dominus Papa cassata electione magistri *Richardi* de *le Møre* contulit Episcopatum *Wintoniensem* magistro *Johanni* de *Dunose*.

*Wallia à Rege occupata. David Lewelini fr. Regi traditus compedibus oneratur.*

Circa festum Sancti *Michaelis* Rex convocari fecit apud *Salopesbriam* majores Regni sui, & sapientiores tam de civibus, quam de magnatibus, & fecit illuc adduci *David* qui apud *Kothelan* fuerat captivatus, ut super exigentiam delicti sui corporale subiret judicium; ibique consideratum est quod morte quasi varia interiret, primo equis distractus, secundo suspensus, tertio decolatus, quarto ut cor ejus & viscera comburantur, quinto ut corpus ejus in quatuor partes divisum per quatuor *Angliæ* plagas separatim suspenderent, caput ejus à civibus *London* super turrin *London*, juxta caput *Lewelini* fratris sui pro nota spectabili deponendum.

*David varia morte puniatur, caput juxta Lewelini caput habet infigitur.*

M C C L X X X I I I.

1283

Quinto Kal. Aprilis dominica scil. mediæ XL. *Johannes* de *Wipke* votum professionis emisit.

Anno, quo Dei sapientia, cooperante spiritu sancto, de virgine voluit in carnari, MCCLXXXIV. IX. Kal. Maii obiit *Johannes Rossensis* Episcopus, loco ipsius electus est magister *Johannes* de *Jugalthorpe*, Decanus Sancti *Pauli London*. Circa idem tempus, scil. circa festum Sancti *Michaelis*, obiit *Robertus Dunelmensis* Episcopus, electus est loco ipsius Dominus *Antonius Hoh*, consecratus apud *Dunelman* dominica, quâ cantatur in excelsis throno, viz. XVIII. Kal. Februarii à Domino *Willielmo* tunc *Eboracensi* Archiepiscopo, præsentem ibidem Rege *Anglorum* & multis Regni magnatibus.

*Decan. S. Pauli in Episc. Ross. & D. Ant. Rob. in Episc. Dunelm. electi*

M C C L X X X I V.

1284

Anno, quo visibiliter apparuit benignitas & humanitas salvatoris nostri Domini, MCCLXXXIV. in festo Sancti *Marci* Evangelistæ, Regina *Anglorum* peperit Regi filium in partibus *Walliæ*, cui Rex proprium nomen imposuit & vocari fecit *Edwardum*. Die Paschæ, qui contigit eodem anno quinto Id. Aprilis anno tunc bisextili, mane circa ortum solis tanta densitas aeris cœlum obnubilavit,

*Regin. Angl. filium parit.*

*Magna aeris caligo & tempestas.*



bilavit, ut mane quæ lucefcere putabatur in diem, quafi tenebrafcere videretur in noctem; & subito tempeftas horrenda cœpit ingruere, primo grandinis & pluvix, fecundo vehemens nivis diffolutio, quæ totam terram cooperuit, tertio tam tremebunda fulguris & tonitruum concuffio, ut animos intuentium pariter & audientium redigeret in ftuporem; præfertim cum à modernis in menfe Aprili tonitrua vel fulgoris corrufcatio vix vifa fuerant vel audita, ceffante poft modicum tempeftate, aere quidem rarefacto, confueta cœlum ferentitas illustravit. Quarto Kal. Aprilis obiit frater *Johannes de Derlington* Archiepifcopus *Dublin*, fuccellit ei magifter *Johannes de Sanford*. In craftino Sancti *Georgii* obiit *Robertus de Wickam* Epifcopus *Harum*; electus eft loco ipfius magifter *Walterus Stamol* ejufdem Ecclefiæ Decanus, confecratus in manerio fuo de *Sunnings* à Domino *Johanne Cantuarienfi* Archiepifcopo, Dominica proxima poft feftum Sancti *Lucæ* Evangeliftæ, viz. xi. Kal. Novembris. Eodem anno die fabbati poft Affumptionem, viz. xiv. Kal. Septembris obiit Dominus *Alfonfus* filius Domini Regis *Anglorum*, fepultus apud *Westmonafterium* die fabbati proxima poft feftum Sancti *Bartholomei*. In quindena Sancti *Michaelis* cœpit generalis itineratio iuftitiariorum per loca diverfa in *Anglia*. Dominica proxima ante feftum omnium Sanctorum viz. in craftino Apoftolorum *Simonis & Judæ*, frater *Johannes de Becham Cantuarienfis* Archiepifcopus vifitavit Canonicos *Dseney*, & confummato vifitationis officio, convocatis in præfentia fua omnibus magiftris univerfitatis *Dron*, xxx. opiniones erroneas, & ridiculofas, quas iidem magiftri minus fane fentientes introduxerant contra documenta veterum Philofophorum, & fuftinere nitebantur; quasque prædeceffor fuus frater *Robertus de Killewarden* dudum reprobaverat, iterato reprobavit, & in perpetuum condemnandas fore decrevit. Ante feftum Nativitatis Dominicæ Rex, ordinatis cuftodibus de quibus potiffime confidebat, qui præeffent principatui *Walliæ*, quam non fine fumptibus, & immenfis laboribus militariter acquifivit, venit *Bristol* & fuit ibi in fefto Natalis, celebratifque folenniis, & habito ibidem cum quibufdam Regni fui magnatibus non univerfali feu generali, fed tanquam particulari, & fpeciali Parlamento, relictis ibidem liberis fuis, quos fecum adduxit de *Wallia*, feceffit *London* quod tribus jam fere annis non intraverat; ubi eum maximo tripudio & honore à civibus receptus eft. Mora ibidem facta permotica, vocatus à Rege *Francorum*, ut prætextu fervitii in quo ei teneretur producatu *Vafconix*, quam de eo tenuit, veniret in *Galliam*, proceffurus cum eo cum certo numero militum in *Arragoniam*, ad invadendum *Petrum* Regem *Arragoniæ*, quem Papa vinculo excommunicationis innodaverat; pro eo quod quasdam civitates *Siciliæ* & *Apuliæ* occupaverat in præjudicium *Romane* Ecclefiæ; relictâ civitate fcilicet *London* feceffit *Dobor*; fed treugis initis inter Regem *Francorum* & dictum *Petrum*, Rex *Anglorum* obtento Regis *Francorum* de ipsis treugis mandato, & quod non ea vice neceffitatem haberet transfretare, tranftulit fe ad partes *Porfolk*, ibique per totam xl. morabatur. Dominica poft feftum Sancti *Hilarii* ceperunt Iuftitarii itinerantes federe apud *Dron*, & die Martis proxima poft feftum cathedram Sancti *Petri* confummato itinere recefferunt. Quinto Id. Februarii obiit *Willielmus de Dinton* Abbas *Dseney*; undecimo Kal. Martii loco ipfius *Willielmi* electus eft *Rogerus de Coventry* ejufdem Ecclefiæ Canonicus, confirmatus à Domino *Lincoln*. Quinto Nonas Martii in craftino ipfius diei, viz. dominica, qua cantatur lætare *Jerusalem*, ab eodem Epifcopo benedictionis munus folemniter affecutus, undecimo Kal. Aprilis, viz. die Jovis in Cœna Domini, auctoritate ejufdem Epifcopi honorifice installatus.

*Alphonfus*  
Regis fil. ob.

*Iuftitiariorum*  
per *Angliam* itine-  
ratio.

*Arch. Cant.*  
erroneas Ox-  
oniensium opi-  
niones dam-  
nat.

*Rex de Wal-*  
*lia Briffoli-*  
*am venit &*  
*inde Londi-*  
*num, hinc Do-*  
*veriam inde*  
*in Norfolci-*  
*am.*

M C C L X X X V.

1285  
*Jacob. de Sa-*  
*bella in Pa-*  
*pam eligitur.*

In feptimana Pafchæ obiit *Nicholaus* Papa fecundus: electus eft loco ipfius Dominus *Jacobus de Sabella* vir fapientiffimus, fed ætate decrepitus; confecratus in feftum Sanctæ Trinitatis proximo fequente. In quindena Pafchæ, convocatis Regni proceribus, Rex cum majoribus & peritioribus de ftatu Regni



Regni diffusum coepit habere tractatum, præteritoque Parlamento usque ad Nativitatem Sancti *Johannis Baptistæ*, edidit quædam statuta toti Regno per-necessaria, quibus leges antiquas, quæ per Regni turbationem tanquam sopi-tæ dormitaverant, excitabat; quasdam, quæ per abusum corruptæ fuerant, ad statum debitum revocabat; quasdam vero novas utiles & honestas super-addidit; compilationemque ipsorum statutorum, circa festum *Petri & Pauli* Apostolorum, in aula *Westmonasteriensi* in præsentia totius populi divulgari fe-cit, & legi in publico; statuens ut nullus eis uteretur usque festum Sancti *Michaelis* proximo secuturum, à festo quoque Sancti *Michaelis* in posterum invio-labiliter per totum Regnum de præcepto Regis jussa sunt observari.

*In Parlamen-  
to de legibus  
confi mandis  
& aliis fe-  
rendis actum  
est.*

Anno eodem, æstivi temporis aura gratius arridente, Rex *Francorum* pro-ponens invadere *Petrum* de *Arragon*, & Regnum ipsius de quo superius feci-mus mentionem, & ignominiam, quam nuper perpeffus, resumptis viribus a-bolere, congregato bellatorum exercitu usque ad quinquaginta millia lorica-torum, & amplius ut dicebatur, spem ponens in multitudine bellatorum, cœ-pit cum superbia proficisci; & minus provide quam oportuit montes tortu-osos, qui *Galliam* & *Hispaniam* disterminant, tanquam nihil sibi metuens pom-patice Regnum *Arragon* agmine militum supradicto stipatus ingreditur. Porro autem Rex *Arragoniæ* Regis *Hispaniæ* subregulus, quod tanta multitu-do in terram subito devenisset, necessitatem vertens in alacritatem victualia hominum & pabula jumentorum & eorum commeatum hostibus interdixit; statimque famis inedia tabescentibus bellum inducit, & conclusis maris angu-stiis, ut redire non possent, aut fugere, ordinatis aciebus *Gallos* invasit; totam-que multitudinem in ore gladii vel prævenit, vel usque adeo arctavit, ut in mari quod cominus adjacebat gratis se submergerent. Rex *Francorum* in præ-lío lethaliter vulneratus occubuit: ipse etiam *Petrus* Rex *Arragon* conquassa-tione prælii fatigatus & decedit in dysenteriam, & post dies paucos mortalis vitæ debitum solvit; filius ejus jam pubes patri defuncto successit in Regnum. Circa festum Pentecostes obiit *Willielmus* de *Wilheivane* Archiepiscopus *Ebo-racensis*: loco ipsius electus est magister *Johannes* dictus *Romanus*, Cancellarius *Lincoln*, qui statim adiit sedem Apostolicam pro gratia confirmationis, quam obtinuit. Eo tempore Dominus *Rogerus* de *Clare* proventibus thesaurarii *Eboracensis* potenter se immiscuit; cui Dominus Archiepiscopus pro totis viri-bus se opposuit: tandem, nescio qualiter, tempesta tota quievit. Obiit eti-am *Alexander* Rex *Scotorum*, de cujus morte diversi diversimode sentiebant. Idem Rex nullum de corpore suo progenitum reliquit hæredem, propter quod diversi diversis rationibus Regni successionem vendicabant. Verunta-men quia uxor ejus, quam paulo ante duxerat, prægnans esse videbatur, Reg-ni ipsius vendicatio dormitabat.

*Rex Franco-  
rum invadit  
Regnum Ar-  
ragoniæ.*

*Gallis devi-  
dis Rex præ-  
lio occumbit.*

*Rex Arragon.  
in dysenteri-  
am lapsus mo-  
ritur.*

*Rex Scotorum  
ob.*

M C C L X X V I.

1286

In quindena Paschæ facta est per Regis evocationem congregatio maxima magnatum totius Regni, tam secularium quam Ecclesiasticorum apud *Lon-don*, ad tractandum de Regni regimine, propter causas quas inferius explicare proponimus. Rex *Francorum*, cujus pater interfectus fuit in prælio per *Petrum* Regem *Arragoniæ*, prout superius est expressum, nescio qua motus ratione, vel quorum consiliis aggravatus, volens tractare de pace cum Rege *Arrago-niæ* filio *Petri*, cujus supra meminimus, petiit Regem *Angliæ* ut veniret in *Galliam* processurus secum ad partes finitimas *Arragoniæ*, & quasi mediator efficeretur, quo citius inter partes pax optata reformaretur. Siquidem Rex *Arragoniæ* nullatenus in pacem consentire voluit, nisi de assensu Regis *His-paniæ*, cujus Dominio tanquam subregulus subjacere dignoscitur. Rex *Ang-liæ* Regis *Francorum* precibus gratanter obtemperans, consummato Parlia-mento, committens Regni sui custodiam Domino *Edwardo* Comiti *Cornubiæ*, circa festum Ascensionis Dominicæ transfretavit in *Galliam*, nonnullos de ma-joribus Regni sui secum adducens. In eodem Parlamento, priusquam Rex transfretasset, gestum est quoddam notabile, quod silentio præterire non de-

*Rex Angliæ  
in Galliam  
transfretus.*



*Error. Rich.  
de Knapwelle  
damnantur.*

cet. Erat in *Anglia* frater quidam ordinis fratrum prædicatorum nomine *Richardus de Knapwelle*, de quo vulgo dicebatur, quod introduxerat octo opiniones erroneas, quo fidei Catholicæ palam adversari videretur, easque minus sane quam oportuit introductas sustinere non erubuit; quo vocato nec tamen comparere volenti, Dominus *Cantuariensis* Archiepiscopus, congregatis & sibi assidentibus quibusdam suffraganeis suis, & aliis de fide nostra sane sapientibus, quasi sedens pro tribunali opiniones ipsas recitari fecit in publicum, easque de consilio sibi assidentium damnavit, & perpetue damnandas esse decrevit, introductores & fautores earum, & eas sustinere volentes excommunicationis vinculo innodavit. Prior autem Provincialis fratrum prædicatorum ingerens se congregationi supradictæ, pro fratre supradicto allegans, quod nullus de mundo haberet jurisdictionem in fratres ordinis fratrum prædicatorum nisi solus Papa, ne quid contra prædictum fratrem, vel alium quemlibet ordinis eorum, in præjudicium privilegiorum suorum, statueretur, sedem Apostolicam appellavit. Circa festum Pentecostes obiit *Hugo Eliensis* Episcopus: loco ejus electus est *Johannes de Kirkby* tunc thesaurarius Domini Regis. In festo translationis Sancti *Thomæ* Martyris, Domina *Alionora* mater Domini Regis *Angliæ* assumpsit habitum monialium ordinis fortis *Ebrandi* in monasterio *Ambresburie*, abjecto diademate velo caput suum cooperuit, & pro purpura pretiosa colobio satis contemptibili se contexit; quæ utique probabilibus argumentis fuisset commendanda, si mundialibus ultro renuntiasset, ut mundi & ambitionis plantaria de profundo pectoris radicitus extirpasset. In crastino Sancti *Matthæi* Apostoli consecratus est *Johannes de Kirkby* in Episcopum *Eliensem* apud *Cantuariam* à Domino *Johanne Cantuariensi* Archiepiscopo. Circa idem tempus obiit *Walterus Scramell Sarum* Episcopus: loco ejus electus est magister *Henricus de Branteston*, prius Archidiaconus *Dorcestrensis* in festo Circumcisionis Domini, ingruente fortissimo vento flante de partibus Orientis, qui & Euris dicitur; & fluxu maris super Provinciam *Hollandiæ* terribiliter invalescente, prævaluerunt aquæ maris, adeo ut fossata, quæ terram ipsam & mare determinat, inopinatus quam credi poterat transgrederentur, posuitque terram fructiferam in falsuginem tam repentinus maris impetus; qui per indigenas nullatenus poterat obviari: & maxima pars villæ Sancti *Botolphi* submersa, hominumque & pecudum inestimabilis periit multitudo. Consimilis inundatio facta est in *Essexia*, & in multis aliis Provinciis quæ pelago contignantur, in planis litoribus ex parte Orientali, nec est visa tam horrenda maris alluvio in partibus illis à triginta retro annis & amplius.

*Alionora mater Regis  
Angl. assumpsit  
habitum monialem.*

*Provincia  
Hollandiæ  
aqua inundante deva-  
statur, uti &  
Essexia.*

1287

MCCLXXXVII.

Anno, quo summi patris sapientia inclinavit coelos, & descendit in uterum Virginis, de qua carnis humanæ fragilitatem assumpsit, MCCLXXXVII. in crastino Apostolorum *Philippi* & *Jacobi*, viz. secundo die Maii, de præcepto Regis capti sunt uno eodemque die omnes *Judæi*, per universam *Angliam* ubicunque habitantes in civitatibus, burgis, & villis utriusque sexus, tam majores quam minores sine discretionis personarum, & incarcerati quousque solvisent Domino Regi XII. millia librarum argenti. Eodem anno in septimana Paschæ obiit *Honorius* Papa, vacante post mortem ejus sede Apostolica tempore diuturno, prout in sequentibus audietis. In festo scil. Trinitatis consecratus est magister *Henricus de Branteston* in Episcopum *Sarum* apud *Cantuariam* à venerabili patre *Johanne Cantuariensi* Archiepiscopo, & XIV. Kal. Novembris solenniter inthronizatus. Obiit *Willielmus de Breghens Landernenfis* Episcopus. Circa festum Pentecostes aura leni succedente, nemoribus undequaque virentibus, & folia consueta resumentibus, quidam de potentioribus *Walliæ* nomine *Resamereduth*, quem Dominus Rex *Angliæ* principatu *Walliæ* pessundato ad gratiam suam, & maximam familiaritatem admiserat, adeo ut terras suas & possessiones, quas prius habuerat, obtento ab eo fidelitatis juramento, pacifice sibi possidendas concederat, considerans quod Dominus

Rex

*Judæi solvunt  
Regi 12000.  
Marc.*

*Honorius  
Pap. ob.*

*Wallenses duce  
Resamereduth  
unum de  
Regis castris  
occupant, &  
de populant  
vicinas pro-  
vincias.*



Rex in partibus transmarinis moram traheret longiorem, fidelitatis sibi præstitæ impudens prævaricator, ita quietis factus est impatiens, ut coadunatis sibi *Wallensum* copiis, quorum non erat numerus, unum de castris Domini Regis suis viribus occuparet, & immisso præsidio uxorem etiam suam in muniti-  
onem ipsam intromitteret fiducialiter moraturam. Ipse vero in quadam sil-  
va valde spatiosa, ubi, propter nemoris densitatem & paludes adjacentes, ad  
eum vel difficilis vel impossibilis erat accessus, cum suis vespillonibus latitabat,  
& sæpius egrediens & regrediens, prædis & rapinis consueto *Wallensum* more  
potenter insistens, vicinas immisericorditer cœpit depopulare provincias; ea,  
quæ prædando nequiter adquæsierat, in silvam quam sibi pro refugio delegerat  
transvehendo: ut autem nequitiam suam confectis sibi ratiunculis palliaret,  
causatus est quod Dominus *Robertus* de *Tibetot*, cui Dominus Rex tutelam  
principatus *Walliæ* commiserat, ipsum contra libertatem sibi concessam com-  
pulsit, & arctavit ad leges & consuetudines *Anglicanas* observandas, quod nec  
facere debuit nec consuevit. Cumque tam furiosa debacchatio & ipsius pro-  
vinciæ deploranda desolatio ad notitiam Domini Comitis *Cornubiensis*, cui,  
Rege extra regnum agente, delegata fuit Regni custodia, devenisset; provin-  
ciæ desolatæ compatiens, innumerabilem de *Anglia* traducens exercitum, ca-  
strum nequiter occupatum obsidione valida circumcinxit; quo comperto su-  
pradiæctus *Resamereduth* uxorem suam & omnes obsessos intempestæ noctis  
silentio per secretum quoddam posticum ignorantibus obsessores clam e-  
duxit, & in loco tutissimo collocavit, ad quem nostri nec accedere potuissent  
nec audebant. Nec multo post cum exercitus *Anglorum* aliud castrum, quod  
idem *Resamereduth* similiter in deditionem ceperat, obsidere cœpissent, &  
præmeditata calliditate cœpissent suffodere, ita quod magna pars muri ruere  
putaretur, & pars suffossa appodiamenis suppositis nimis tamen debilibus  
fulciretur, quidam de *Anglicis* minus, provide una dierum ingressi sunt in fo-  
veam, ut structuram specus subterranei considerarent, & inspicerent, & ecce  
moles terræ foveæ supercumbens deficientibus appodiamenis ipsam sup-  
portantibus subito cecidit, & plurimos interfecit suo pondere conquassatos;  
de quibus famosissimus fuit Dominus *Willielmus* de *Butchanes* miles ingenu-  
us, terrarum & possessionum locupletissimus, & alii multi milites, & nobiles  
quorum nomina ignoramus. Circa festum Sancti *Michaelis* Comite *Gloucestræ*  
& quibusdam aliis de *Marchia*, qui partibus Regis fide favere dicebantur, præ-  
sertim quia prævaricatori supradictæ in facie non resistebant, mediatoribus  
effectis, initæ sunt treugæ, & rediit Comes *Cornubiensis* in *Angliam* una cum ex-  
ercitu quem adduxerat, infinita pecunia inutiliter consumpta; post cujus re-  
cessum idem *Resamereduth* circa natale Domini, spretis treugis & diruptis,  
iterato cœpit vastare provincias vicinas; quo comperto, Dominus *Robertus*  
*Tibetot* castrum quoddam, de quo *Resamereduth* potissime confidebat, mili-  
taribus ausibus impugnatum in deditionem recepit, ipsumque proditorem &  
pacis initæ transgressorem exilio relegandum fore decrevit, & voce præconia  
publice proclamari constituit, ut quicumque caput ipsius amputatum Regi  
præsentasset, certam ab eo reciperet Donationem. Ipse quidem sano fretus  
consilio, ut fortuita discrimina declinaret, annuente Comite *Gloucestræ* ut  
vulgariter dicebatur, partes *Hyberniæ* adeundas putavit, ut ibidem in terris  
Comitis supradicti tanquam speciali refugio moraretur, quousque Dominum  
Regem de partibus *Gallicanis* in *Angliam* repedare contingeret. Mense Ja-  
nuarii, una dierum inter conversionem Sancti *Pauli* & Purificationem beatæ  
Virginis, accidit mirabile prodigium, fortasse alicujus eventus secuturi præsa-  
gium. Quippe maris inundatio tam vehementer invaluit, ut una die & nocte  
contra consuetum ordinem, & cursum naturæ, quatuor vicibus fluere & reflu-  
ere videretur, quinetiam cadia *Londoniarum* super ripam fluminis *Tamefis* ad-  
jacentia quæ maris impetum cohibere consueverant superundavit, & domos  
civitatis ultra terminos consuetos longe amplius, quam ullus unquam morta-  
lium viderat, fluctibus æquoreis inopinate cooperuit; villas quoque & agros

Com. Cornu-  
biæ exerci-  
tum ducit in  
*Walliam*.

Induciis factis  
Com. Cornub.  
in *Angliam*  
rediit.

*Resamere-  
duth* sibi re-  
tuens in *Hi-  
berniam*  
transiit.

Inundatio  
maris *Londi-  
ni* partem &  
agros mari  
adjacentes  
obruit.



quamplures partibus maritimis adjacentes absorbit, homines innumerabiles & jumenta pariter submerfit. Anno eodem obiit *Stephanus Ciceftrensis* Episcopus vir summæ simplicitatis & innocentia, qui per multos retro annos cæcitatibus incommodo flagellatus, vitam miserabilem sedens in tenebris actitavit: electus est loco ejus magister *Gilbertus de Sancto Leofardo*, tunc Domini *Cantuariensis* officialis. Circa festum Cathedræ Sancti Petri obiit *Henricus de Branteston Sarum* Episcopus, anno Pontificatus sui unico nondum plene consumpto, ut nec de eo saltem dici posset, quod erat pontifex anni illius.

*Fratres de Monte Carmeli habitum suum mutant.*

Eodem anno fratres de Monte *Carmeli* nescio cujus autoritate muniti, vel qua ratione pulsati, quin potius, ut credi poterat, voluntario instinctu pallis quadrangulis diversi coloris impudentius, quam deceret, abjectis, habitum suum primordiale, quo à primæva ordinis institutione desuper uti consueverant, mutaverunt, & loco palliorum capas clausas candidas induerunt. Cum per frivolum & derisibilem inter Cardinales discordiam, pro eo forsitan quod singuli singulatim ad Papatus celsitudinem aspirabant, jam fere per biennium vacasset sedes Apostolica, tempore vacationis interlabente, prævalente mortis incommodo sic diminutus est numerus Cardinalium, ut ad novenarium devenirent; ut saltem paucula grana remanerent in horreo, propter quod pendula nimirum sine capite Catholica vacillabat Ecclesia. Tandem vexatione dante intellectum, convenientes in urbe sex Cardinales, nam tres eorum ut dicebatur in legationem missi fuerant, saniora meditantes, votis pariter adunatis, xv. die Feb. hujus anni, scil. xv. Kal. Martii fratrem quendam de ordine fratrum minorum nomine *Jovinium* in patrem & pastorem universalis Ecclesiæ concorditer elegerunt; virum, ut fertur, supereminentis literaturæ, & sanctitatis eximiae, quique disponente Domino in festo Cathedræ Sancti Petri solenniter consecratus, jam *Petri* successor effectus, eodem die in eadem cathedra, qua Princeps Apostolorum *Petrus* sedere promeruit, summo cum honore collocatus, mutato nomine pristino de *Jovinio* vocatus est *Nicholaus* quartus. Sane præter inauditas maris alluviones quas supra commemoravimus, per diversas Regni provincias effrænis pelagi vesania deploranda nimis dispendia parturivit. Quippe impetuosa vorago monasterium monachorum de *Spalinges* fluctibus operiendo, non mediocriter damnavit; habitationem quoque fratrum prædicatorum *Gernemuth*, quæ mari contignatur, fluctibus cooperuit inopinis: nec pepercit oppido *Gernemuth*, cominus adjacenti, verum etiam nonnulla burgi ipsius edificia submergendo delevit. Huic insuper accessit incommodo variis in locis ignis immoderata desolatio, ignis quoque fulmineus ex concussione tonitruï generatus campanarium monasterii de *Berwell* juxta *Cantabrigiam*, magnamque partem ædificiorum suorum indiscreto devoravit incendio, ignis etiam fortuitus vehementer accensus monasterium de *Bersor* cum burgo pene redegit in cineres; sicque factum est ut quasi damnificando Regnum nostrum elementa contraria concertarent. Obit Dominus *Thomas de Clare* in partibus *Hiberniæ* circa Purificationem.

*Gravia damna ex incendio plurimis in locis.*

1288

MCCLXXXVIII.

Anno, quo verbum summi patris pro salute generis humani de virgine voluit innovari, MCCLXXXVIII. die veneris in septimana Paschæ, viz. quarto Non. Aprilis apparuit Eclipsis solis circa horam sextam. Canonici *Sarum* per mortem *Henrici* de *Branteston*, de quo anno præcedenti fecimus mentionem, pastoris solatio defuncti de substituendo sibi Pontifice cogitantes, die Lunæ post Ascensionem Domini, corporibus non animis adunati, ad electionem faciendam pariter convenerunt, habitaque inter electores scissura, major pars & sanior, ut dicebatur, *Laurentium* de *Hakeburum* ejusdem Ecclesiæ Canonicum, quanquam fuisset unus de junioribus, elegit in Episcopum; pars altera, quæ minor reputabatur, in magistrum *Willielmum* de *la Cornere*, magnæ autoritatis virum, tunc Regni consiliarium, vota sua duxit. *Laurentius* statim ad partes transmarinas, ubi Rex tunc temporis morabatur, pro obtinendo Regis assensu duxit gressus suos; à quo statim admissus, electione magistri *Willielmi* repudiata

*Laurent. de Hakeburum in Episc. Sarisbur. electus, ab Archiep. Cant. non confirmatus obiit.*



repudiata (licet de jure sibi competenti potenter & publice protestaretur nec proficeret) rediit in *Angliam* à Domino *Cantuariensi* Confirmationis gratiam petiturus, & tamen *Cantuariensi* beneficio confirmationis non obtento, gravi morbo correptus carnis debitum solvit fortunæ fallibilis volubilitatem, quæ ponentes fiduciam in caducitate temporalium fortuitis casibus improvise deludit: corpus ejus in eodem civitate, in festo scil. *Laurentii*, humanæ traditum est sepulturæ. Canonici *Sarum* transfretaverunt proficiscentes ad Regem petitori licentiam iterum eligendi. Anno eodem, principio Julii scil. in festo Sanctorum *Procesti* & *Martiniani*, intollerabilis & magna siccitas invaluit, continue perseverans per v. septimanas, scil. usque ad festum Sancti *Oswaldi*; ita quod interim nihil omnino pluebat. Circa idem tempus, in nundinis Sancti *Botolphi*, invaluit vehemens & horribilis ignis, incenditque magnam partem oppidi, domos fratrum prædicatorum, nec non & bona mercatorum venalia non modica redegit in cineres. Credebatur à multis quod inflammatio supradicta ex inopinato pervenisset infortunio; sed tandem compertum est quod quidam malefici gratis ignem supposuerant, ut ingruente incendio, urbanis circa bona sua salvanda occupatis, bona mercatorum furtive diriperent. & præda facta decederent; de quibus unus deprehensus, & convictus suspensus est in patibulo, cæteris per fugam evadentibus. Primo die mensis Septembris obiit *Willielmus* de *Middleton*, *Porwic* Episcopus. In crastino Sancti *Clementis* convenerunt Canonici *Sarum* futurum sibi Pontificem electuri, & votis concorditer adunatis providum virum magistrum *Willielmum* de *La Cornere*, qui diu ante ad honorem Pontificatus aspiraverat, elegerunt. Monachi quoque *Porwic* virum industrium magistrum *Radulphum* de *Walepoole*, tunc Archidiaconum electum ad Pontificatum elegerunt Ecclesiæ *Porwic*. Celebratis electionibus *Porwic* & *Sarum*, electi festinatis gressibus transfretabant, Regis admissionem, ut mos est, obtenturi, qua obtenta redierunt in *Angliam*, & confirmationis munere protinus affecuto, consecrationis suæ congruum tempus expectabant. Circa Purificationem beatæ virginis convocatis edicto publico Regni magnatibus apud *London*, Episcopus *Elensis* Domini Regis thesaurarius de mandato Regis, ut dicebat, petiit à Comitibus & Baronibus, imo & generaliter ab universis incolis Regni subsidium ad opus Regis, ad sublevationem expensarum quas, triennio jam elapso, fecerat in partibus *Gallicanis*. At illi ponentes responsum in ore Comitum *Gloucestrensis* præcisè respondebant se nihil penitus præstituros, nisi personaliter prius viderent faciem Regis in *Anglia*; Thesaurarius prospiciens se nihil posse proficere, cœpit talliare civitates, & burgos & dominica Regis per totum Regnum, imponens eis intolerabilem pecuniæ quantitatem, statuto tempore pro solutione. Dominica mediæ quadragesimæ consecratus est *Radulphus Porwic* electus à Domino *Johanne Cantuariensi* Archiepiscopo in civitate *Cantuariæ*, consecratione *Sarum* electi, qua de causa nescio, prorogata. Circa idem tempus finiente jam anno Domini Incarnationis MCCLXXXVIII. orta est gravis contentio inter Dominum *Lincoln* Episcopum, & magistros universitatis *Oxon* pro præsentatione & admissione Cancellarii Universitatis; causa quoque contentionis hæc fuit; cum essent Clerici studentes in municipio *Oxonie* sine Cancellario, convenientes in unum magistri elegerunt sibi in Cancellarium *Willielmum* de *Kingestot*, virum industrium; & facta electione ipsum per interpositas personas, non in propria, Domino Episcopo præsentabant: Episcopus autem præsentationem ipsam præcisè recusavit admittere, asserens se nolle aliquo modo personæ absenti, & sibi incognitæ tantam auctoritatem & jurisdictionem committere, quæ non solum ad corporalia, verum etiam ad mere spiritualia se extendit: magistris ex adverso proponentibus, quod à tempore cujus non extitit memoria, usi sunt talismodi libertatis prærogativa, ut electos sibi Cancellarios non in personis personaliter comparentibus, sed per nuncios Episcopo præsentarent. Episcopus autem non admisit eorum allegationem: magistri vehementer indignati, quasi in ultionem lecti-

Siccitas magna.

Episc. *Elensis* à Magnatibus, &c. Regis nomine subsidium frustra petens, civitatibus, &c. solvendum imponit

Lis orta inter Ep. *Lincoln.* & Magistros *Oxonienſes* de Cancellario præsentando.



onibus suis cœperunt superfedere, poenam ultionis in semetipsos, & præsumptionis proterviam retorquentes, & sic propriæ voluntatis instinctu pendente controversia à legendo suspensi, pretiosi temporis lapsum otii indulgentes inutiliter consumpserunt, multis duntaxat de mansolis recedentibus, & ad propria remeantibus, quibus talium ----- fuit otii indulgere. Sileat anni præsentis exaratio breviter expedita, anni sequentis series ad posterorum memoriam traducatur.

1289

MCCLXXXIX.

Anno, quo unigenitus Dei filius humanæ naturæ divinitatis substantiam cœnivit, ut fieret deus & homo, MCCLXXXIX. Dominica quarta post Pascha viz. VIII. Id. Maii consecratus est magister *Willielmus* de la *Cornere* in Episcopum *Sarum* apud *Cantuariam* à Domino *Johanne Cantuariensi* Archiepiscopo in hebdomade proxima ante Pentecosten. Viris providis & discretis mediatoribus effectis ad pacis reformationem, sopita est contentio, quæ aliquamdiu duraverat inter Dominum *Lincoln* & magistros Universitatis *Oxon*, de qua superius tactum est, & Dominus Episcopus admisit Cancellarium eorum quem prius præsentaverant; & statim magistri cœperunt resumere stationes suas, & inceperunt sollemniter legere in cameris suis. Die veneris proxima ante Pentecosten Rex noster *Edwardus*, qui jam tribus annis, totidemque mensibus extra Regnum suum in partibus steterat transmarinis, rediens in *Angliam* applicuit *Dobor* pridie Id. Augusti, & spreta civitate *London*, aliorum se divertens adiit partes *Suffolk* & *Norfolk*. Die Sabbati proxima post Nativitatem beatæ *Mariæ*, scil. iv. Id. Septembris, præsentibus Domino *Willielmo Sarum* Episcopo, Domino *Edwardo* Comite *Cornubiæ*, & aliis viris tam religiosi quam secularibus, translatum est vetus feretrum Sanctæ *Frithefwythe Oxon* & cum honore quo decuit collocatum est in novo & pretiosiori feretro in eadem Ecclesia, & prope locum quo fuit prius collocatum, quod quidem feretrum diu ante fuerat præparatum. Dominica proxima post exaltationem Sanctæ Crucis magister *Willielmus* de la *Cornere* Episcopus *Sarum* in ecclesia sua Cathedrali *Sarum* se fecit sollemniter inthronizari, scil. xiv. Kal. Octobris. Memorandum quod hoc uno eodemque anno celebrata fuerunt *Oxon* tria Capitula provincialia trium ordinum fratrum mendicantium, viz. fratrum de Monte *Carmeli* in festo Sanctæ *Mariæ Magdalene*, fratrum ordinis Sancti *Augustini* in festo Assumptionis beatæ *Mariæ*, fratrum minorum in festo Nativitatis beatæ *Mariæ*. Circa festum Sancti *Michaelis* Rex qui à tempore quo applicuit in *Angliam*, prout supra tetigimus, in partibus *Suffolk* & *Norfolk* continue morabatur, rediens de partibus illis venit *London* prima quidem vice postquam rediit de partibus transmarinis; ubi, sicut decuit, à civibus summo cum honore receptus est; celebratoque ibidem sollemniter in quindena Sancti *Michaelis* festo translationis Sancti *Edwardi*, & edicto per totum Regnum vulgariter publicato præcepit, quod in festo Sancti *Hilarii* proximo sequente totius Regni magnates convenirent *London* habituri ibidem Parliamentum super diversis Regis & Regni negotiis, quæ ipso extra Regnum commorante per triennium, per diversos Regni custodes multiformiter voluntariis motibus agitata pendule vacillabant; ipseque in festo Nativitatis Dominicæ præsentialiter fuit apud *Westmonasterium*, & cum eo maxima pars Procerum Regni, Comitum, Baronum, & prælatorum Ecclesiasticorum. Ipse quidem, vacationis tempore, profectus est videre matrem suam serenissimam Monialem *Ambresburie*.

*Episc. Lincoln. admittit Cancellarium Oxoniensem.*

*Rex Ed. in Angliam redit.*

*Reliquiæ S. Frithefwythe in alium locum translatae.*

*Provincialia capitula fratrum mendicant. habitant sunt Oxonii.*

*Rex Londinam veniens citat Parliamentum.*

*Tro. de Weyland sibi consensu rei ma-*

dam



dam nequiter interfecerunt, ipsos homicidas secundum legem Regni non punivit, nec passus est puniri, sed potius in domo sua aliquandiu receptatos impunitos, quo volebant abire, permisit, pacem Domini Regis, & Regni, quam conservasse & juxta officii sui debitum sustentasse debuerat, impudentius quam decebat temere violando; timens nimirum pelli suæ, præcavere sibi volens, si posset, ne Regis judicio super tam enormi delicto sisteretur, contra jus Canonicum pariter & civile, separata conjuge sua contra legem matrimonii temere veniendo, præsertim cum neuter conjugum votum continentiae solenniter emisisset, confugiens ad Ecclesiam fratrum Minorum apud Sanctum *Edmundum*, eorum habitum clam assumpsit, & cum eis, licet non regulariter, sub habitu regulari aliquamdiu morabatur; sed hoc frustra. Quippe Dominus Rex zelum legis exercens, legis transgressorem extractum de monasterio, licet invitum, suis tribunalibus præsentari præcepit, ut pro qualitate sceleris judicialiter puniretur: veruntamen quia miles erat, honestati militiæ deprehendens esse decens, misericordius quam meruit agens cum eo ne suspendio plecteretur, poenam tanti sceleris non penitus abstulit, sed mutavit, eumque Regnum *Angliæ* perpetualiter abjurare decrevit, & protinus sine reversione Regni sui limina, juxta morem abjurantium, vacuare coegit. Collegas quoque suos Justitios qui sibi in Banco judiciis exercendis affidere consueverant, viz. *Johannem de Lubet* & *Richardum de Bopland* milites, *Willielmum de Bramton*, & *Robertum de Littlebyr* Clericos, quia connivendo pariter & dissimulando, nec arguendo vel contradicendo tantæ nequitiae consentire videbantur, licet non æqualiter deliquissent, primo compedibus oneratos, & carcerali custodiæ mancipatos, terris & possessionibus eorum in fiscum redactis sic arcavit, ut unusquisque pro qualitate delicti & possibilitate personæ inæstimabili pecunia Regi data finem facerent, ut necis periculum declinarent. *Adam* quoque de *Stationer* Clericus, cui Comitissa Insulæ & Domina *Devoniæ* tunc etiam Comitissa *Ambermarliæ*, ad quam nobile illud monasterium Camerariæ jure hæreditario pertinebat, prærogativam ejusdem monasterii non solum indiscrete, sed & inverecunde ad exhæredationem hæredum, & omnium posteriorum jure perpetuo conferre non erubuit, convictus coram Rege de enormibus transgressionibus, primo conclusus in carcere turris *London* miserrimam ibi vitam diutius actitavit. Interim Rex innumerabilem pecuniam tam per fas quam per nefas coacervaverat, usque ad triginta millia Marcarum vel amplius, prout vulgo dicebatur, ærario Regio totaliter applicabat, domosque suas insignes quas *London* ædificaverat, cui voluit erogabat, terrasque suas & possessiones suas de laico feodo quas adquæsierat redegit in fiscum. Magistrum *Henricum* de *Bray* Estatorem suum multis sceleribus irretitum, qui cæteros Regis ministros insolentia & fastu superbiæ transcendebat, pari discrimine puniebat. *Radulphus* vero de *Benaham* Justitiarius Banci aulæ Regis, officio ipso privatus, consimile cæteris non credatur evasisse periculum. Et non solum ministri qui Regi familiarius adhæserunt, sed & forinseci, ut puta Justitii *Judeorum*, Justitii *Forestæ*, *Forestarii* tam feodarii quam temporales, & omnes qui de transgressionem venationis convinci poterant, Vicecomites & custodes maneriorum quocunque titulo Ballivis fruebantur, quorum excessus per querimonias delatorum, vel per inquisitiones poterant patefieri, redemptione pecuniaria, pro qualitate seu quantitate scelerum plectebantur. Ex quo Domini Regis non mediocriter adcrevit ærarium, & quantum Rex ex quæstu hujuscemodi ditescerebat, tantum deperit sceleratis, adeo ut bonis nequiter acquisitis spoliati, & ab administrationibus suis amoti vitam solito pejorem actitare cogerentur. Et licet omnes supradicti sapientissimis totius Regni præcellere putarentur, non est inventus unus eorum, qui, cum coram Regiæ discussionis examine sisterentur, vel sciret vel posset supra transgressionibus sibi objectis excusatoriis saltem ratiunculis respondere; sed ut verissime credi poterit eorum crimina tam manifeste patuerunt, quod nullus eorum imposita sibi facinora quacunque tergiversatione

*be administrata in Monasterium se recepit, inde extractus Regnum abjurare cogitur.*

*Justitii de Banco gravi pecuniæ summa multantur.*

*Rex in ministros suos delinquentes severius animadvertit.*



versatione inficiari. Usque huc de factis terreni Regis succincte narravimus; ex nunc ea, quæ per dispositionem Regis æterni hoc anno in Regno *Angliæ* provenerunt, pro nostræ paupertatis modulo, ad posterorum memoriam traducamus: verecundum quoque foret præcipue memorabilia tanquam dormientes vel inertia tabescentes sub silentio præterire.

*Continuæ plu-  
viæ & intem-  
pestiva toni-  
trua.*

A festo siquidem sancti *Michaelis* usque festum Purificationis beatæ *Mariæ* nihil aut modicum gelavit, nec nix visa est quæ terram semel operuit. Continue quidem fere per dies & noctes tanta pluvix distillavit abundantia, ut ejus densitas sic per dies & terram & aerem obnubilaret, ut vix solaris radius modico saltem momento terræ superficiem illustraret; sed dies potius eo serenitatis modulo, toto supradicti temporis circulo, contenti labebantur, quæ vel solem præcedit orientem vel sequitur occidentem. Eo ipso anno, una noctium inter festum Sancti *Andree* Apostoli & Natale Domini, audita sunt terribilia valde tonitrua, & visa fulgura vehementia æthere profilire, quod eo anni tempore non consuevit sæpius accidisse, forte ut æstimari poterit aliqujus fuerit eventus præsagium. Post Purificationem quoque toto verno tempore successit aura placabilior, & jucundissima solis serenitas cessante imbrium profusione, adeo ut mense Martio vix modicum plueret super terram.

1290

M C C X C.

*Ob. Episc.  
Eliens.*

Anno, quo verbum sine principio patri coæternum per incarnationis ministerium cœpit esse in tempore, Millesimo ducentesimo nonagesimo, *Johannes de Kirkeby Eliensis* Episcopus, qui paulo ante per aliquantum temporis curriculum continua & acuta febre graviter ægrotaverat terminatus, à morbo credens se totaliter evasisse, minus provide fortassis quam oportuit, se custodiens post exercitationem recidivavit in morbum pristinum, de quo curatum se credidit, vii. Kal. Aprilis, quæ dies principium anni Domini supradicti continue sequebatur, inopinata morte raptus migravit ab hac vita.

Tertio Kal. ejusdem mensis, scil. die *Jovis* post Anuntiationem beatæ Virginis in Ecclesia Cathedrali civitatis *Eliensis* humanæ traditum est sepulturæ, qui per tres annos tantum & dimidium, sicut per gesta superius annotata plane videri poterit, functus est honore Pontificii, magnificentiæ suæ pompam brevi temporis perdidit intervallo; à tempore quidem, quo nactus est præsulatus celsitudinem, Rege extra Regnum agente, continue, usque dum ad finem vitæ fallibilis devenisset, officio thesaurariæ Scaccarii Domini Regis non segniter incumbibat; adeo ut de animarum sibi commissarum cura penitus non curaret, sub etiam prætextu officii sui ultra modum prædecessorum suorum sic se extulit supra se, ut nomen thesaurarii nomen Pontificis totaliter adumbraret. Sane credebatur à vulgo, quod si tanto tempore supervixisset, ut præsumptuosa factorum suorum insolentia devenisset in discussionem, manus Regis ultrices nullatenus evasisset.

*Com. Gloucest.  
uxorem ducit  
Johannam  
fil. Regis.*

Contractu sponsalium, ut assolet per fidei dationem, modicum præcurrente, *Gilbertus Comes Gloucestriæ* summæ & singularis inter Regni magnates nobilitatis, & præminentiae, & incomparabilis post Regem potentiæ, serenissimam Domini Regis filiam dictam *Johannam de Acre*, pro eo quod eam genitrix sua Regina in civitate *Aconensi* quæ quondam *Ptolemais* dicebatur, dum Rex morabatur in partibus *Syriæ*, parturivit, Dominica in festo Sancti *Georgii* apud *Westmonasterium* solenni sibi matrimonio copulavit. In festo Pentecostes continue sequente *Henricus Boun Comes Hereford* Relictam nobilis viri Domini *Johannis de Westy* similiter duxit in uxorem.

*Litis inter  
Episc. Eliens.  
& Acad.  
Oxon. deter-  
minatio.*

Eadem septimana apud *Westmonasterium* agitata contentione, quæ diu vertebatur inter Dominum *Lincoln* & magistrum Universitatis *Oxon*, super præsentatione & admissione Cancellarii eorum, de quo anno proximo præterit fecimus mentionem; Domino Rege & discretioribus totius Regni mediatoribus effectis decretum est, ut non obstante consuetudine, quam solummodo pro parte sua magistri allegando proposuerant, quod non consueverant Cancellarios



Cancellarios suos quoque elegerant in personis propriis, sed per interpositas personas, magistros municipii, Dioecesano præsentare Cancellarium quem ducerent eligendum non infra septa municipii, sed & extra personaliter præsentare tenebantur; unde factum est ut magistrum *Johannem* de *Ludelaue* quem tunc elegerant in Cancellarium, in persona propria destinarent, usque *Aucele*, ab eodem Episcopo admittendum; sicque consuetudine pristina, quali diutius se gavisos esse dicebant, hac saltem vice recessum est, quod autem super hoc ipso negotio futuris temporibus fuerit eventurum, nemo præsentium poterit pernoscitare.

Defuncto ut supradictum est *Johanne Eliensi* Episcopo qui officio thesaurariæ quamdiu potuit ferventius incubuerat, Rex officium ipsum commisit magistro *Willielmo* de *Marchia*, viro utique provido & discreto, & plurimum circumspecto, amotisque Justitiariis omnibus qui Banco præsidere consueverant propter manifestos eorum excessus, prout supra tetigimus, alios loco eorum decrevit substituendos, viz. *Johannem* de *Wettingham*, & *Elyam* de *Wettingham* Clericos, *Willielmum* de *Giselham* & *Robertum* de *Hertford* milites.

Monachi quoque *Elienses*, ad quos spectat electio Pontificis, de substituendo sibi pastore sollicitè cogitantes, obtenta à Domino Rege licentia eligendi, votis pariter adunatis convenientes in unum, virum magnificum & eminentis scientiæ magistrum *Willielmum* de *Luda* in patrem & pastorem concorderè elegerunt, qui diutius thesaurariæ *Garderobe* Domini Regis officium gessit ita laudabiliter, & honeste, ut & majorum & minorum animos sibi redderet complacatos.

Sexto Non. Julii, scil. Dominica in crastino Octavarum Sancti *Johannis Baptistæ* ingenuus adolescens filius & hæres Ducis *Brabant*, patre volente & præsentè, apud *Westmonasterium* serenissimi Regis *Anglorum* filiam clarissimam nomine *Beatricem* conjugali sibi fœdere copulavit, & factæ sunt nuptiæ apud *Westmonasterium* & convivium incomparabile. In crastino vero ipsius Dominicæ Comes *Gloucestricæ* abducta uxore sua, quam nuper ante desponsaverat, loco nuptiarum celeberrimum fecit convivium apud *Clerkenwell*, celebritati superioris convivii non dissimile nec minus sumptuosum.

Dominica in festo Sancti *Remigii*, viz. primo die Octobris in civitate *Elyensi* consecratus est *Willielmus* electus in Ecclesia scil. sua propria à Domino *S. Cantuariensi* Archiepiscopo, præsentibus & assistentibus pluribus Regni Pontificibus, & aliis Ecclesiarum prælatis, & procerum multitudine copiosa, convivio nimirum solemniter celebrato.

Circa festum Sancti *Michaelis* congregatis per universum Regnum, ut assollet eo anni tempore, terræ frugibus, pessimis & protervis Domini Regis consiliariis persuadentibus, ipsique Regem ad hoc pertinaciter inducentibus, exiit edictum à Rege toti Regno perniciosum nimis & deplorabile, viz. ut universi Regnicolæ tam Clerici quam laici, seculares pariter & religiosi quintam decimam partem omnium bonorum suorum secularium mobilium solverent fisco Regio, congerendam sub intolerabili taxatione, graviore more quidem quam aliquis prædecessorum suorum retroactis temporibus consueverat æstimare, gemuitque populus inconsolabiliter tantalibet afflictione contritus.

Quarto Kal. Decembris *Alianora* Regina Domini Regis *Edwardi* conjux apud *Grantham* modicæ febris igniculo contabescens, carcere resoluta, fatale mortis debitum solvit; corpus ejus per dietas delatum sepultum est *London* in Ecclesia *Westmonasteriensi*, Domino *Lincolni* vice Domini Archiepiscopi *Cantuariensis* exequente officium sepulturæ, Dominica proxima ante festum Sancti *Thomæ* Apostoli, viz. xvi. Kal. Januarii: quippe Dominus *Cantuariensis* noluit ipsis exequiis interesse, quia in quadam contentione inter ipsum & Abbatem loci supposuerat interdicto. Aliud quoque plerunque notabile non sub silentio prætereundum, sed potius perpetuæ commemorandum memoriæ contigit hoc anno. Rex itaque, circa Nativitatem Sancti *Johannis Baptistæ*

*Justitiariis de Banco amotis novis substituntur.*

*Will. de Luda eligitur in Episc. Elien.*

*Fil. Ducis Brabant uxorem ducit Beatricem Regis Ed. filiam.*

*Rex exigit decimam quintam omnium bonorum tam ab Ecclesiasticis quam à Laicis.*

*Ob. Alienora Regina.*



*Judæi omnes  
in exilium re-  
legati, à  
Quinque Por-  
tuensibus spo-  
liati crudeli-  
ter mari de-  
merguntur.*

*tiffæ* æstare proxima nunc præterita, procerum suorum sicut sane credi poterit salubri fretus consilio, publice per totum Regnum proclamari fecit, ut omnes *Judæi* ut puta iniinici crucis *Christi* & blasphematores fidei *Christiane*, sparsim per civitates & oppida Regni *Angliæ* commorantes, cujuscunque forent conditionis, ætatis, aut sexus, qui populum Catholicum scœnatione pecuniarum suarum ad usuram sic depravaverant, ut nonnulli terras & possessiones suas vendere cogentur, ostiatim victualia mendicantes, circa festum omnium Sanctorum Regni sui limina vacuarent, absque suæ reversionis perpetua relegatione damnati. Et si quis eorum post terminum supradictum in *Anglia* fuisset inventus, capitis amputatione vel suspendio plecteretur. Omnes igitur edicto tam terribili comminatione perterriti, qualibet personarum exceptione diducta, maris devia transmeantes ad exterarum se regiones cum sarcinulis quas congregare poterant transtulerunt. Denique, sicut à plerisque vulgariter dicebatur, à Quinque Portuensibus deducti navigio, cum essent in medio pelagi, per navigeros suos pecuniis spoliati, & inhumanissime trucidati in mare projecti sunt, nonnulli vero de scaphis ejecti super quodam sublimi, quod maris alluvione se retrahente discooperitum apparuit, eadem alluvione iterum resurgente submersi sunt. Quo audito Rex quamplures homicidarum, & prædonum suspendio condemnavit. Sane quantum emolumenti Regis fisco deperiit per relegationem *Judæorum* à Regno, multo amplius eidem accrevit per deplorabilem quintadecimæ totius Regni quam extorsit à Catholicis exaggerationem, sic quoque pro inimicis Christi crucis immisericorditer Catholici punirentur. Sextodecimo Kal. Martii contigit Eclipsis Lunæ in noctis confinio circa horam cubationis. Dominus *Oliværus Lincoln* Episcopus in crastino Cathedralis Sancti *Petri*, scil. VII. Martii visitavit Canones *Diocetæ* tam in capite quam in membris.

129 I

MCCXCI.

*Rex versus  
Scotiam iter  
cepit.*

Anno, quo verbum increatum summo patri coæternum & consubstantialit, de carne virginea fervile cinctorium nostræ carnis assumpsit, in similitudinem factus ut homo, Dominus Rex *Angliæ* circa Pascha versus partes Aquilonares cum quibusdam Regni sui magnatibus, paucis tamen, iter arripuit, proponens ut vulgo dicebatur de statu *Scotiæ*, quod tam diuturno tempore tanquam sine capite pendule fluctuaverat, salubrius ordinare, si forte voluntati possibilitas responderet. Rationes utique non minus utiles, quam honestæ pulsaverant Regem nostrum hoc opus aggredi, & persequi cum effectu, præcipue cum Reges omnes, qui Regno *Scotiæ* præesse consueverant, Regibus *Anglorum* prædecessoribus suis universis, & singulis fidelitatem & homagium corporaliter præstitissent, propter quod pernecessarium sibi foret totis viribus laborare, ut talis præficeretur in regimine Regni, qui sibi & successoribus suis devotus fieret & fidelis; præsertim cum multi nobiles afferrent se de progenie Regum *Scotiæ*, qui dudum obierunt, linealiter processisse, diversique diversis rationibus successionem in Regno jure hæreditario vendicarent. Præterea quod soror Regis nostri germana nomine *Margareta* ultimo Regi *Scotorum Alexandro* fuerat conjugata, prout superius est expressum. Rex noster studiosissime laborare proposuit, ut si forte de posteritate Reginæ sororis suæ quisquam masculus aut femina propagatus ubique reperiretur superstes, suo fretus adiutorio hæreditario jure sibi competenti nullatenus fraudaretur, bonum & honestum proposito zelum gerens. Circa decimum diem mensis Maii Comitissa *Gloucestræ* Regis *Anglorum* germana viro suo primogenitum peperit elegantem; parentes ambo masculæ prolis fecunditate facti felices pariter applauserunt, inestimabili læticia circumfusi natum puerum vocaverunt. Quinto Id. Maii obiit *Thomas de Ingelthorp Rossensis* Episcopus, non multo post statuto die electionis faciendæ convenientes Monachi *Rossenses*, ad quos potestas eligendi Pontificem pertinere dignoscatur, unanimi voluntate & assensu Monachum quendam congregationis

*Comitissa  
Gloucestræ fili-  
um peperit.*



tionis suæ, tunc eorum Priorem nomine *Thomam* in futurum Pontificem elegerunt.

In crastino Ascensionis consequenti, viz. primo die mensis Junii, coepit fieri tractatio inter Dominum Regem *Angliæ*, & magnates Regni *Scotiæ* de substituendo *Scotis* Rege futuro, & de statu ejusdem Regni salubriter ordinando, quod aliquandiu Regio destitutum gubernaculo, Regnicolarum inertia, pendule vacillavit. Ad quem vero finem rei gestæ tractatus præcise devenerit, quam cito ad publicam notitiam devenerit, & divulgata fuerit, rei seriem præsentis opusculo diximus inferendum. Transcriptum quære in fine libri, *Negotii Scotiæ*. In crastino Nativitatis Sancti *Johannis Baptiste Alienora*, quondam *Angliæ* Regina serenissima, mater Domini nostri Regis *Edwardi*, illustri carnis mole deposita, mortis experta discrimen tenuis expiravit in auras; quæ per annos circiter octo in monasterio monialium *Ambresburie* Monacharum, ut vere, loquamur, superficiale aut sophisticum habitum gessit; ut congruenter dici posset verbum *Anomalon*, præsertim cum non sequeretur regulam aliarum conjugationum, quæ licet cucullam monacharum gestaret umbratilem, possessionibus secularibus quibus non mediocriter abundavit renunciare non curavit. Non enim solus habitus sed abdicatio temporalium, & propriæ voluntatis monacham facit. Rex utique tunc temporis, pro negotiis quæ supra tetigimus nondum plene consummatis, in partibus Aquilonaribus Regno *Scotiæ* confinibus morabatur, quique morte genitricis audita, prout plane credi poterit, non potuit non dolere, ut vice reciproca verificetur illud *Ovidii*,

*Agitur inter  
Reg. Edv. &  
Scotos de Rege  
Scotiæ eli-  
gendo.*

*Alienora ma-  
ter Reg. Edv.  
Ambresburie  
obiit.*

*Ambresburie  
honore sum-  
mo sepulta.*

*Quis natos nisi mentis inops in funere matris  
Flere vetat. -----*

Veruntamen augmentatio fisci de terris & possessionibus, quas mortua reliquit, ad Regem revertentibus lacrymarum profluvium saltem vel in modico potuit temperare. Sicque factum est ut infra paulo plus quam dimidii anni curriculum duæ Reginae *Angliæ*, mater viz. Regina & conjux ipsius carnis farcinam exuentes seculo valedicerent, post mundi gloriam à summo Regum judice prout in carne meruerant æternaliter percepturæ. Sane moniales *Ambresbyrie* non audentes corpus tam magnificum absque Regis assensu & ejusdem præsentia sepelire, corpus ipsum conditum aromatibus, & eo modo præparatum, quod non corrumpi poterat nec putrefacere, in loco secreto seorsim clanculo reponentes, usque ad reditum Regis de partibus *Scotiæ* cum ea qua decuit reverentia conservabant. Rex itaque reversus in *Angliam* edicto publico vocari fecit omnes Archiepiscopos, Episcopos & Abates & alios Ecclesiarum prælatos, Comites, Barones, ut in festo Nativitatis beatæ *Mariæ* apud *Ambresbury* personaliter interessent, officium tumulationis una secum solenniter completuri; & in crastino ejusdem festi, exequiis summa cum reverentia celebratis, matrem suam in Ecclesia conventuali monialium cunctis præsentibus honorifice sepelivit; cor tamen ejus deferri fecit *London*, ibidem congruo tempore tumulandum; congregata igitur iterum *Londoniis* tota prædicta multitudo, corda duarum Reginarum in eorum præsentia, cum ea qua decuit honorificentia, Dominica proxima & die lunæ post festum Sancti *Nicholai*, sepeliri constituit. Cor conjugis suæ in Ecclesia fratrum prædicatorum, cor genitricis in Ecclesia fratrum minorum ejusdem civitatis.

Hoc anno invaluit rumor lamentabilis & universali Ecclesiæ Christianæ deplorandus, viz. quod Soldanus *Babyloniæ* in Vigil. Pentecostes congregata secum *Turcarum* multitudo, quam dinumerare nemo poterat, inopinanter irrui super illam munitissimam, & opulentissimam civitatem quæ *Acon* vulgo dicitur, quæque sola in *Syriæ* finibus Catholicis relicta fuerat in refugium, utpote granum unicum in botro, confractisque januis, contritis mœnibus

*Soldanus Ba-  
byl. urbem  
Acon. diripit  
& Christianos  
interficit.*



quæ civitatem ipsam inexpugnabiliter cingere credebantur, permittente Domino cujus sunt occulta judicia, urbem ipsam pompaticè cum adjacentibus sibi copiis introivit, omnesque *Christianos*, quos in ea reperit tam seculares quam religiosos, sine delectu conditionis & fortunæ in ore gladii inhumaniter interfecit, pauculis eorum per fugam ægre tamen evadentibus, & quidam ne per hostes Christi trucidarentur, gratis se in pelago, quod civitati contiguatur, heu pro dolor merferunt! totamque civitatem violenter occupatam ut non relinqueretur lapis super lapidem solo tenus complanavit.

*Papa Regi  
concedit de-  
cimam de om-  
nibus Eccle-  
siasticis.*

Circa festum Sancti *Michaelis* Dominus Papa de plenitudine potestatis concessit Regi *Anglorum* decimam omnium possessionum, personarum Ecclesiasticarum tam religiosarum quam secularium, exceptis duntaxat Templariis & Hospitalariis, recipiendam per sex annos continuos, in subsidium futuræ suæ peregrinationis in terram sanctam ad debellandum inimicos crucis Christi, non secundum antiquas taxationes, sed secundum verum valorem, ad quem bona ipsa intolerabili æstimatione taxari de novo constituit, ut esset sicut populus sic & sacerdos. Obierunt *Willielmus Sarum* & *Petrus Oxoniensis* Episcopi: loco *Willielmi* electus est vir progenie nobili, sed annosus *Nicholaus Longaspata Sarum* Ecclesiæ Canonicus. Loco *Petri* *Thomas* de *Wilton* decanus *Wellensis*; ambo pariter à Domino *Cantuariensi* in civitate *Cantuariæ* solenniter consecrati, Dominica qua cantatur *Lætare Jerusalem*.

1292

MCCXCII.

*Nichol. Papa  
ob.*

Anno, quo unigenitus Dei filius de sinu patris procedens, ut nos redimeret ab omni iniquitate, visitare dignatus est mundum, MCCXCII. invaluit rumor per *Angliam* quod Dominus Papa *Nicholaus* IV. fatale debitum carnis exolvens, circa festum Paschæ quod eo anno contigit sexto die Aprilis, Papatus celsitudinem transitoriam mundi gloriam coelesti palatio commutavit.

Hoc anno primo cœperunt omnes religiosi & Clerici Regni *Angliæ*olvere Domino Regi decimam partem omnium bonorum suorum, tam Ecclesiasticorum quam secularium, quam prædictus summus Pontifex sibi concesserat in subsidium peregrinationis suæ faciendæ in terram sanctam, prout anno proximo præterito superius est expressum; & constituti fuerunt à Domino Papa duo principales collectores, scil. Dominus *S. Wintoniensis* & *O. Lincoln* Episcopi ad ipsam pecuniam per totum Regnum *Angliæ* colligendum, quique per singulas Regni Dioeceses singulos sibi substitutos & auxiliosarios statuere decreverunt, unde factum est ut in *Lincoln* Dioecesi duo tantum constituerentur auxiliarii, viz. Abbas *Osney*. & Prior Sanctæ *Catharinæ Lincoln*, scil. quod Abbas *Osney* scil. *Oxon*, *Buckingham*, *Northampton*, *Bedford*, *Huntington*, Prior vero *Lincoln* totius residui decimarum ipsius Episcopatus decimas congregarent peterent, & reciperent, & suo periculo conservarent, quousque denunciaretur eis ubi pecuniam prædictam facerent deportari, injunctumque est eis sub comminatione poenæ gravissimæ ne ullam ab aliquo pecuniam retonsam vel adulterinam, sed integram & justî ponderis & Regis *Anglorum* legalis percussuræ pacabilem & omni exceptione majorem. Consimili decimarum solutione faciendâ per quinque annos continue secuturos. Ad majorem siquidem solventium afflictionem, imo potius confusionem constituti sunt in singulis provinciis novi singuli taxatores, qui veterum taxatorum proterviam incomparabiliter excedentes multo gravius solito taxaverunt, nec sic tamen inextinguibilem regii cordis avaritiam extinguere potuerunt.

*Rex Anglia  
in Scotiam  
proficiscitur.*

In Quindena Paschæ circa festum Sancti *Georgii* Dominus Rex reducens ad memoriam qualiter magnates *Scotiæ* anno præterito compromiserunt in ipsum, ut ipse tanquam Dominus Regni *Scotiæ* principalis, consideratis meritis personarum qui in successione regiminis Regni ipsius jus variis modis vendicabant, nec non propinquitate consanguinitatis qua se de Regio semine descendisse quilibet proponebat, judicariam sententiam perficeret eis Regem tanquam jure Regnaturum, versus partes ipsas iter sumpsit, adducens secum de proceribus



proceribus Regni *Angliæ* quos volebat, paucos tamen, nescio qua de causa, per provincias *Suffolciæ* & *Norfolciæ*, diverticulum faciens, in diversas partes Aquilonares recto tramite procedebat. Ad quem vero calculum negotium *Scotiæ* finaliter devenit secundum ordinem historiæ suo loco in sequentibus plenius exponetur; magnatibus quidem *Scotiæ* inter se mutuo dissidentibus, Rex *Angliæ* in partibus *Scotiæ* finitimis usque ad Natale Domini sequens nil faciendo inutilem moram traxit, & dum esset ibidem, Dominus *Robertus* *Duel* *Bathoniensis* Episcopus & ejus Cancellarius, circa festum Apostolorum *Simonis* & *Judæ* hominem terrenum exiit, corpus ejus longo licet itinere delatum est usque *Bathoniam* & *Wells* tumultandum. Successit loco ipsius officio Cancellarius *Willielmus* de *Luda Eliensis* Episcopus.

*Rob. Bathon. Episc. ob.*

Dominus *Nicholaus Longespæ Sarum* Episcopus solenniter inthronizatus est in Ecclesia sua *Sarum* Dominica in festo Sancti *Matthæi* Apostoli, famoso ibidem ut decuit convivio celebrato. Frater *Johannes* de *Peccham* *Cantuariensis* Archiepiscopus circa festum Sancti *Nicholai* migravit à seculo, die Jovis proxima ante Natale Domini in Ecclesia sua *Cantuariensi* humanæ traditus sepulturæ.

*Johannes de Peccham Archiep. Cant. obiit.*

Rex in festo Natalis Domini fuit apud *Beremyke*.

Cito post mortem *Batoniensis* Episcopi Monachi *Batonienfes* & Canonici *Wellenses*, ad quos pertinet electio Pontificis, optata à Domino Rege licentia eligendi, convenientes in unum magistrum *Willielmum* de *Marchia* Domini Regis Thesaurarium in patrem & pastorem concorditer elegerunt. Monachi *Cantuarienses* simili modo petita licentia magistrum *Robertum* de *Winchelsey*, virum pereminentis literaturæ, & multiplici morum venustate dotatum, in Archiepiscopum elegerunt, qui statim à Domino Rege tunc in partibus *Scotiæ* commorante absque qualibet difficultate gratanter admissus, præparatis necessariis ad *Romanam* Curiam, quæ adhuc vacabat Papatus regimine, pro obtinendo confirmationis beneficio sub spe Papæ præficiendæ cœpit proficisci.

*Will. de Marchia ad Episcop. Bathon. eligitur.*

*Robert. de Winchelsey Elect. Archiep. Cantuar. Curiam Romanam adiit.*

*Batoniensis* electus appropinquans Curia Monachali Sanctæ Trin. *Cantuariæ* confirmationis munus obtinuit.

M C C X C I I I.

1293

Anno quo unigenitus Dei filius de carne virginea carnis trabeam assumpsit *MCCXCIII.* Rex *Anglorum* diligenter inquisito & comperto quod *Johannes* de *Waplol*, Regem *Scotorum* qui jam decesserat præ ceteris complicibus suis qui Regni *Scotorum* regimen vendicabant consanguinitatis linea propinquius attingebat, cum decreto judiciario ad Regiæ dignitatis celsitudinem, *Scotis* consentientibus nec contradicere valentibus magnifice sublimavit, eique omnia & singula castra, prædia, mansiones Regias quas aliquandiu tenuerat, & omnia quæ ad Regiam dignitatem pertinere noscuntur, sine diminutione qualibet resignavit, quo facto cum jam ibi per annum stetisset, versus Regnum *Angliæ* statim post Pascha festinatis gressibus repedavit, veniensque *Londonias* circa unum mensem post Pascha, invenit ibi congregatos universos Episcopos, Comites, Barones, & aliorum Regni sui multitudinem copiosam, ut colloquio quod tunc ibi statuerat, personaliter interessent una secum de statu Regni sui salubriter provifuri.

*Rex Angliæ Johanne de Baylol ad Regnum Scot. evecto redit.*

Circa idem tempus invaluit rumor in *Anglia*, quod furores *Gallicorum*, qua de causa nescitur, incanduerat super *Anglos* in Regno *Franciæ* sparsim conversantes, quorum infania adeo invaluit, ut omnes *Anglicos* quos reperire poterant crudeli nece perimerent

*Galli invadentes Angl. prælio navali vincuntur.*

classem congregavit, imponentes in eis vela ----- non modicum, ac si in Regnum *Angliæ* terram ipsam invasuri violentis ausibus proponerent applicare. Quo audito maritimi *Anglicorum*, viz. de *Hibernia* & de *Portesmoya*, quinque Portuensibus tanquam dissimulantibus, præcepto Domini Regis commoniti classem adversam sibi non modicam præparantes adversæ multitudini occurrebant in salo, & bellicose congregientes cum *Francis*, innumeram multitudinem potentissime peremerunt,



R. Franc.  
Commercium  
inter suos &  
Anglos inter-  
dicit.

peremerunt, omnesque naves eorum cum universa suppellectili validissimis manibus abduxerunt, plerique *Gallicorum* ut mortem evaderent se gratis in pelago submerferunt, de qua victoria quantum *Anglici* lætabantur, *Gallici* multo amplius doluerunt. Rex *Franciæ* vehementi furore accensus, omnes principes & magnates Regni sui ad quoddam generale Parliamentum sine moræ periculo convocavit, & statutum est inter eos, quod nullus mercator transmarinus transfret in Regnum *Galliæ* cum rebus venalibus, nec mare transfretando venalia quælibet deduceret in *Angliam*, nec vice versa de partibus *Angliæ* ad partes transfret *Gallicanas*, unde tanta est mercimoniorum charitas, quod nil in *Anglia* reperiri poterit ademendum, strages ista luctuosa & Regno *Angliæ* valde dispendiosa diutino nimium tempore perduravit.

Episc. Menev.  
ob. David de  
Sancto Ed-  
mund. succe-  
dit.

Circa festum Pentecostes obiit magister *Thomas de Willeby Menevensis*: electus est loco quidam Clericus illius provinciæ nomine magister *David de Sancto Edmundo*, & quia sede *Cantuariensi* tunc vacante, magister *Robertus de Winchelsey* à tunc *Cantuariensis* electus profectus fuit ad curiam *Romanam* ut electionem summi Pontificis expectaret, dictus *Menevensis* accedens *Cantuariam* ad sedem Metropolitanam obtinuit à *Cantuariensi* Capitulo confirmari: circa Nat. beatæ *Mariæ* venit ad Regem *Angliæ* in obtinendis temporalibus proventibus ejusdem Episcopatus plenariam gratiam assecutus. Circa idem tempus venit in *Angliam* Comes de *Waro*, vir magnæ nobilitatis & potentiæ, & habito tractatu cum Rege *Anglorum* subaravit filiam ejus primogenitam, & dominica proxima ante festum Sancti *Michaelis*, convocatis apud *Bristoliam* *Angliæ* magnatibus splendidissimo convivio celebratæ sunt inter eos nuptiæ famosissimæ & solennes. Et quod non est sub silentio prætereundum, ipsa eadem ætate jam præterita Dominus Comes *Gloucestersis*, audiens quod magnates *Hiberniæ* terras suas quas in *Hybernia* possidebat amplissimas inhumane depopulare cœperant & vastare, assumpta secum Comitissa conjuge sua & copia virorum bellatorum innumerabili transfretavit in *Hyberniam*, & hostium suorum turmam & bellicosam rabiem sic edomuit, nonnullos eorum interficiendo, plurimos repellendo, ut sibi ad summum ascribetur triumphum.

Com. Gloucest.  
Hibernos e-  
domat.

1294

Madocus in  
Wallia tu-  
multuatur.

MCCXCIV.  
Hoc anno obiit frater *Johannes de Bertham Archiepiscopus Cantuariensis*, cui successit magister *Robertus de Winchelsey*. Eodemque anno *Madocus* quidam *Wallensis* fuscitavit guerram in *Wallia* die Sancti *Michaelis*: idcirco Rex *Edwardus* adveniens *Cestriam* ad festum Sancti *Nicholai*, cœpit insulam *Angleseiam*, ædificavitque de novo urbem & castrum de *Bello Marisco*, quo in tempore succisa sunt nemora in *Wallia* quæ tempore bellicoso præstabant indigenis latibula, firmataque sunt castra circa loca maritima, & cito post hoc captus est *Madocus* prædictus & *Londonias* adductus. A quo tempore guerræ in *Wallia* diu quieverunt, *Wallenses* more *Anglorum* modo pene victant, thesauros congregavit Rex, damna formidantes quod antea non solebant.

R. Edw. pecu-  
nias Monaste-  
rii diripit.  
Annonæ  
Charitas.

Hoc in tempore fecit Rex *Edwardus* omnia Monasteria *Angliæ* scrutari ac pecuniam inventam *London* afferri.

Fecit quoque lanas & coria arrestari, & subsecuta est magna caristia bladi & vini.

Bonifac. Octa-  
vus, Sextum  
Decretalium  
edit.  
Ignominiose  
tractatus sa-  
me enecatur.

*Bonifacius VIII.* post *Cælestinum Quintum* sedit Papa annis XI. hic Quinto Pontificatus sui anno, qui Jubilæus erat, uberes indulgentias limina Apostolorum visitantibus concessit, Sextum librum Decretalium edidit in quo multa dubia decidit, nonnullas extravagantes constitutiones *Adriani*, ac *Honorii*, *Innocentii*, *Clementis* & aliorum incorporavit, reprobanda rescavit, de quo prior decessor suus *Cælestinus* vir vitæ Anachoriticæ, eo quod eum ad sedem Papatus subdole induxisset, prophetavit prout fertur in hunc modum. Ascendisti ut vulpes, regnabis ut leo, morieris ut canis, ut ita sane contigit, nam ipsum Papam *Cælestinum* ut Papatum cederet, & ut Papa quilibet cedere posset, constitutionem edere fecit, quam quidem postmodo ipse inde Papa effectus



effectus revocavit, deinde rigide regens generosos quosdam de *Columna* deponens Cardinales, Regi *Francorum* in multis non solum obstitit sed eum totis nisibus deponere desudavit. Igitur Senescallus *Franciae* *Willielmus* de *Longareto*, vir quidem in agilibus admodum circumspectus, & fratres de *Columna* prædicti foederatis viribus *Bonifacium* Papam comprehenderunt, in equo estræno versa facie ad caudam sine stræno posuerunt, quem sic discurrere usque ad novissimum fecerunt, ac fame necaverunt.

MCCXCV.

*Johannes* de *Beallol*, *Scotiae* Rex Imprimis creatus consilio quorundam de *Scotia*, & potissime Abbatis de *Deuros* contra fidem adversus Regem *Angliae* insurrexit, sed captus est & exhæredatus; unde & anno sequenti *Willielmus* *Mag-leys*, natione *Scotus* contra Regem *Edwardum* guerram instauravit, sed secundo post hoc anno profugatus est.

MCCXCVI.

Rex *Edwardus* occidit LX. Millia *Scotorum* apud *Fonkyrbe* in festo beatæ *Marie Magdalene*, veruntamen *Scoti* paulatim invalescentes per triginta annos usque ad tempora Regis *Edwardi* post conquestum tertii *Anglos* & *Anglorum* loca vicina protriverunt, quod quidem infortunium dolo & effœminationi *Anglorum* multi deputarunt, nonnulli vero vindici dextræ Dei ascripserunt, juxta Prophetiam illam quæ tempore Regis *Egelfredi* prædixit, gentem *Anglorum* per *Dacos*, *Francos*, & *Scotos* fore exterminandam. De qua re prophetavit quidam *Scotus* Anachorita in hunc modum, *Angli* quia proditiōni, ebrietati, & negligentiae domus Dei dediti sunt, primo per *Danos*, deinde per *Normannos*, tertio per *Scotos* quos vilissimos reputant erunt conterendi, adeoque tunc varium erit seculum, ut varietas mentium multimoda vestium varietate designetur.

MCCXCVIII.

Rex *Edwardus* fecit saisiri omnia temporalia Clericorum, eximens eos à protectione sua, pro eo quod anno præcedenti nollent eum respicere de bonis suis contra *Scotos*; nam *Robertus* Archiepiscopus de consensu Cleri procuraverat à Papa inhibitionem, ne quis Clericorum Regem respiceret de bonis suis, unde & plures prælatorum timore coacti protectionem Regiam quæsierunt.

MCCXCIX.

Rex *Edwardus* cum parva manu *Anglorum* & *Wallensium*, neglecto consilio procerum suorum transfretavit in *Flandriam* tanquam Regem *Francorum* bellum ingesturus, ferebat enim fama Regem *Edwardum* amore *Blanchiæ* filiae Regis *Francorum* adeo detentum, ut terram *Gasconie* pro *Blanchia* Regi *Franciae* libenter resignaturum: verum quia Rex *Edwardus* tunc senior fuit, & *Blanchia* juvenula extiterat, copulata est Regi *Edwardo* *Margareta* soror Regis *Franciae*, ex qua Rex *Edwardus* progenuit duos filios, viz. *Thomam* & *Edmundum*.

MCCC.

Rex *Edwardus* damnavit subito monetam surreptitiam & illegitimam quam *Pollandos*, *Crocardos*, *Rosarios* nominabant, quæ paulatim & latenter loco sterlingorum irrepserat, & primo illos valere obolum fecit, deinde penitus exterminavit. Hoc etiam anno obiit sine prole *Edmundus* Comes *Cornubiæ* filius *Richardi* Comitis *Cornubiæ* & Regis *Alemanniæ*, qua de causa rediit Comitatus ille ad coronam. Iste annus fuit Jubilæus, quo multi peregrinati sunt ad *Romam*.

MCCCI.

Rex *Edwardus* dedit filio suo *Edwardo* principatum *Walliæ* & Comitatum *Cestriæ*. Hoc anno *Willielmus* *Maleys* dux *Scotorum* distractus *London* & suspensus, cujus caput amputatum super pontem *London* ponebatur ad spectaculum transeuntium, corpus ejus in quatuor partes divisum ad diversa loca mittebatur. Hoc anno Rex *Edwardus* misit Papæ *Bonifacio* literas declaratorias

1295

R. Scotorum factus rebellis capitur & Regno exuitur.

1296

Rex Edward. 60000. Scot. apud Fonkyrbe delet.

1298

Rex Clericis offensus omnia eorum temporalia confiscari facit.

1299

Transfretat in Flandriam.

Rex ducit in Uxor. Margar. Soror. Reg. Franc.

1300

Moneta illegitima damnatur.

Com. Cornub. moritur.

1301

Rex dat fil. suo Edwardo principatum Wall. &c.



*Literas declaratorias tituli sui ad Reg. Scot. ad Pap. mittit.*

ratorias juris & Dominii quod *Anglia* habet super Regnum & Reges *Scotiae*; nam prius *Robertus* de *Brus* conquestus erat Domino Papæ, quod Rex *Edwardus* injuste vexasset Regnum *Scotiae*, unde & Papa scripserat Regi *Angliæ* quod desisteret à tali vexatione, nisi clarius de jure suo posset edocere.

1302

MCCCII.

*Benedictus* tertius de ordine prædicatorum post *Bonifacium* VIII. sedit Papa non plene anno uno, de quo quidam mentite scripsit,

*Non re nomen habe benedic, benefac Benedicte  
Huc rem perverte maledic, malefac, maledicte.*

*Clem. quartus Pap. septim. librum Decretalium edidit, sed in Concil. Vien. revocat. Successor ejus Joh. 22. de novo publicari & incorporari curat.*

*Clemens* quartus post *Benedictum* sedit Papa annis quasi XII. qui circa thesauros colligendos & castra construenda infudavit, ordines Templariorum damnavit, septimum librum Decretalium quæ constitutiones *Clementinæ* vocantur ordinavit, sed cito post in concilio quod apud *Viennam* celebratum erat eundem librum revocavit, quem tamen successor suus *Johannes* XXII. innovavit, incorporavit, & publicavit. Hic quoque *Clemens* primus omnium Papalem sedem de *Roma* usque ad *Avinoniam* transtulit. Quod quidem factum an divino nutu seu humano ausu contigerit in admirationem ducatur. Hoc etiam anno fecit Rex *Edwardus* graves inquisitiones contra malefactores & usurpatores Coronæ, quæ inquisitio vocatur *Traylebaston*.

1303

MCCCIII.

*Rob. de Brus Regnum Scotiæ usurpat.*

*Robertus* le *Brus* usurpavit Regnum *Scotiæ*, & circa Pascha occidit *Johannem* le *Comyn* in Ecclesia fratrum minorum de *Donfres*, pro eo quod noluit sibi dicta factione consentire, sed Rex *Angliæ* superveniens ipsum *Robertum* fugere compulit, & interfectores dicti *Johannis* suspendit. Quo quidem anno Rex *Edwardus* juxta *Carliell* perendinans fecit *Petrum* de *Gavaston* familiarem filii sui terram *Angliæ* abjurare.

1304

MCCCIV.

*Rex Edward. obiit. Edward. secundus succedit.*

Rex *Edwardus* obiit die translationis Sancti *Thomæ* juxta *Carliell* apud *Burgum*, super sabulum, xxxiv. Regni sui anno, cujus obitum *Robertus Cantuariensis* Archiepiscopus apud Curiam *Romanam* exularis in somnis vidit. Cui successit *Edwardus* filius suus post Conquestum secundus.



# A N N A L E S W A V E R L E I E N S E S.

MLXVI.

1066



**N N O.** Millesimo sexagesimo sexto incarnationis Domini, id est, in vicesimo quinto anno Regni gloriosi *Edwardi* Regis *Anglorum* dedicata est basilica Sancti *Petri* apud *Westmonasterium* in die Sanctorum *Innocentium*, & postea in vigilia Epiphaniæ obiit Rex *Edwardus*, & sepultus est in Ecclesia noviter dedicata, quam ipse fecerat: in qua & Monachos statuerat, & possessionibus multis ditaverat; eodem die Consul *Haraldus*, Consul perjurus; sicut ei Rex concesserat, etiam populi electione sacatus est in Regem.

*Haroldus R.**Edwardus  
Angl. R. ob  
hunc excipit  
Haraldus.*

*Willielmus* vero dux *Normannorum* tribus de causis mente stimulatus est, & intrinsece irritatus, Primo, quia *Aldredum* cognatum suum *Godwinus* & filii sui dehonestaverant, & peremerant; Secundo, quia *Robertum* Archiepiscopum, & *Odonem* Consulem, & omnes *Francos*, *Godwinus* & filii sui arte sua ab *Anglia* exulaverant; Tertio quod *Haraldus* in perjurium prolapsus, Regnum quod jure cognationis suum esse debuerat, sine aliquo jure invaserat.

Mortuo itaque *Edwardo*, ut supra diximus, Rege *Anglorum* pacifico, *Haraldus* perjurus filius *Godwini* potentissimi Consulis invasit Regnum *Anglorum*, & Diadema in perjurio; qui regnavit uno anno, & non pleno, quia propria injustitia Regnum, quod injuste surripuit, Deo volente perdidit; interea vero venit Consul *Tosti* in *Humbram* cum sexaginta puppibus. Et *Edwinus* Consul venit cum exercitu per terram & fugavit eum, *Bushcecarli* eum refutaverant, ipse vero ivit in *Scotiam* cum XII. puppibus, & cum illuc iret, venit illi obvius *Haraldus* Rex *Norvegiæ* cum CCC. puppibus, & *Tosti* subditus est illi; & postea venerunt ambo in *Humbram* usque ad *Eboracum*, & ibi pugnaverunt cum eis *Marcherus* & *Edwinus* Consules, *Haraldus* Rex *Norvegiæ* eos devicit; quod postquam audivit *Haraldus* Rex *Anglorum*, congregato magno exercitu ivit illuc, & obviavit eis apud *Stanfordsbrige*, & pugnavit cum illis, ibique occisus est *Haraldus* Rex *Norvegiæ*, & *Tosti* Consul, & totus exercitus eorum turpiter devictus.

*Haraldus  
Norvegiæ R.  
adjuncto sibi  
Consule Tosti  
devincit Mar-  
cherum &  
Edwinum  
Coss. postea  
ab Haraldo  
Angl. Rege  
prælio cæsus  
est.*

Interim *Willielmus Bastard* Consul *Normannorum* appulit apud *Hastinge*, *Haraldus* Rex hoc audiens cum rediret à prædicto prælio, mox ivit illuc, & nondum adunato exercitu suo, pugnavit contra illum, & ipse cecidit, & cum eo duo fratres sui *Gyrth* & *Leofwine*; *Willielmus* vero conquistavit *Angliam*, & venit apud *Londoniam* & susceptus est à *Londonensibus* pacifice, & coronatus est apud *Westmonasterium* ab *Aldredo Eboracensi* Archiepiscopo quia *Stigandus Cantuariensis* excommunicatus erat. Sic dextra excelsi mutatio gloriosa comprobatur esse facta, tunc gens hujus Patriæ pecuniam & obsides illi dederunt, & terram suam erga eum relevaverunt;

*Willielm. Bastard Angli-  
am invadit,  
Haraldum  
vincit, Reg-  
num occupat  
& Westmona-  
sterii Corona-  
tur.*

Anno Millesimo Sexagesimo quoque senno,  
Anglorum metæ flammæ sensere Cometæ.



*W. Bastard R.* Quod Cometa ingens in exordio ejusdem anni designaverat; unde dictum est,

*Hoc anno seno milleno bisque triceno,  
Anglorum gentes bello periere cadentes,  
Haroldus cecidit, Willielmus dux superavit.*

Commissum est hoc prælium pridie Id. Octobris in die Sancti *Calixti*, die Sabbati, luna XXII. quo in loco Rex *Willielmus* Abbatiam nobilem fundavit in honorem Sancti *Martini*, & eam digno nomine *Belli* vocavit, Regnavit autem idem *Willielmus* Rex *Anglorum*, & dux *Normannorum*, xx. & uno anno, minus 39 diebus.

1067

*Will. R. ob-  
fides secum  
ducit in Nor-  
manniam.*

*Angliam mi-  
litibus divi-  
dit.*

MLXVII.

In millesimo sexagesimo septimo Incarnations anno, & in primo anno Regis *Willielmi* Rex mare transivit, & duxit obsides & thesauros, qui interfuit dedicationi Ecclesiæ *Gemeticensis*, & reversus est in sequenti anno in die Sancti *Nicholai*, eodem anno combusta est Ecclesia Sanctæ Trinitatis apud *Cantuariam*; & Rex postquam rediit divisit terram militibus suis. Eodem anno *Edgar* puer, & *Merleswegen*, & multi homines cum eo iverunt in *Scotiam*, Rex vero *Melcolmi* eos omnes suscepit, & accepit sibi in uxorem *Margaretam* sororem *Edgari* pueri.

1068

*Robertus  
Com. Nor-  
thumbrie  
præfectus ab  
incolis cæ-  
sus.  
Will. R. Ebor.  
diripit.*

MLXVIII.

In II. Anno *Willielmi* Regis Rex dedit *Roberto* Comiti Consulatam *Nordhumberlandæ*. Gens vero patriæ venerunt contra eum, & eum occiderunt, & cum eo nongentos homines. *Edgar Etheling* cum omni gente *Nordhumbrie* venit ad *Eboracum*, & *Burgenſes* cum eo pacem fecerunt; Rex vero *Willielmus* venit illuc cum exercitu suo, & civitatem prædavit, & multos homines occidit; & *Edgar Etheling* rediit in *Scotiam*.

1069

*Dani à Will.  
R. devicti.*

MLXIX.

In tertio anno Regis *Willielmi* *Elfricus* Abbas *Burgh* incusatus est, & missus est apud *Westmonasterium*, & frater ejus *Alfwinus* Episcopus utlagatus est. Postea inter duas festivitates Sanctæ *Mariæ* venerunt à *Danemarchia* filii *Swe-gen* Regis, & *Osbertus* Consul frater suus cum ccc. puppibus, tunc *Walthæof* Consul & *Edgar Etheling* venerunt contra eos in *Humbram* & multi homines cum eis, & perrexerunt omnes simul ad *Eboracum*, & exeuntes à puppibus suis ceperunt Castellum, & multos homines occiderunt; & thesauros multos, & Barones vinctos secum duxerunt ad puppes, & intra *Hufam* & *Trentam* tota hieme fuerunt; Rex autem *Willielmus* eo venit & eos destruxit.

1070

*Ecclesiæ di-  
ripiuntur.*

*Fames.*

MLXX.

In Quarto anno *Willielmi* Regis *Walthæof* Consul fregit pacem cum Rege; & eodem anno in quadragesima Rex jussit prædari omnes Ecclesias totius *Angliæ*, & fuit illo anno magna fames, & prædatum est Monasterium apud *Burgh* per inertes homines. *Agelricus* autem Episcopus eos omnes excommunicavit quia ceperant quicquid ipse habebat; hoc anno venit navigium *Dacorum* in *Humbram* & *Tamesem*, ibique duabus noctibus fuit, & postea rediit in *Danemarchiam*. Hoc anno obiit *Baldwinus* Consul *Flandriæ*, successit *Arnulfus* filius ejus quem debebant manutenere Rex *Franciæ* & Rex *Angliæ*; *Robertus* autem *Frisenſis* illuc veniens occidit *Arnulfum* cognatum suum, & Dapiferum Regis *Willielmi*, & multa millia hominum utriusque Regis.

*Stigando de-  
posito, Lan-  
francus fit  
Archiep. Can-  
tuar.*

Deposito *Stigando* Apostata (qui prius fuerat Episcopus *Halmeensis*, quæ sedes postea ad *Norwich* translata est, & postea Episcopus *Wintoniensis*, ad ultimum *Cantuariensis* Archiepiscopus; & hos tres honores non causa Religionis, sed causa cupiditatis simul tenebat, unde à Papa *Romano* excommunicatus fuerat) *Lanfrancus* prius Monachus *Beccensis*, deinde Abbas *Cadomensis*, constitutus est Archiepiscopus *Cantuariensis*, ubi laudabiliter & gloriose vixit ad exemplum omnium bonorum x. & VIII. annis.

Obiit



Obiit *Alexander* Papa, successit *Hildebrandus* qui *Gregorius* vocatus est  
CLXI. Papa.

*W. Bastard* R.  
*Hildebrand.*  
Papa.

## MLXXI.

In quinto anno *Willielmi* Regis *Marcherus* & *Edwinus* Consules coeperunt prædari per campos, & nemora & *Marcherus* ivit cum puppibus in *Heli*, *Edwinus* Consul occisus est ab hominibus suis, & *Sitward* & *Ailwinus* Episcopus, & multi homines venerunt in *Heli*; quod Rex audiens, duxit illuc exercitum per teram & per aquam, & eam obsedit, & paravit ibi pontem, & sic insulam intravit; & ex alia parte introivit exercitus suus, qui venerant per aquam, *Ailwinus* Episcopus, & *Marcherus* Consul, & omnes qui cum illis erant, præter *Herwardum* & fautores suos, quos viriliter eduxit, se reddiderunt; Rex autem cepit puppes & arma, & multos thesauros, & de omnibus fecit quod voluit, & *Ailwinum* Episcopum misit apud *Abendumam* ubi ipse eodem anno obiit.

1071  
*Will. R. re-*  
*primit Mar-*  
*cherum &*  
*alios tumult-*  
*uantes in*  
*Ins. Eliensi.*

## MLXXII.

Sexto namque anno *Willielmi* Regis duxit idem Rex exercitum per terram & per mare in *Scotiam*, & eam ex parte maris cum puppibus obsedit, & exercitum suum per terram apud *Scodwade* introduxit, & ibi nihil invenit unde sibi melius esset; Rex vero *Melcolm* venit contra eum, & concordatus est cum eo, & dedit illi obsides, & homo suus devenit; tunc Rex *Willielmus* cum exercitu suo rediit, & *Cilricus* Episcopus obiit qui sacratus fuit apud *Eboracum*, & ablato sibi Archiepiscopatu injuste, sibi datus fuit Episcopatus *Dunelmie*, quem postea dimisit & venit ad *Burch* ibique XII. annis fuit, sed postquam *Willielmus* Rex habuit hanc terram, captus & missus ad *Westmonasterium* ibique obiit, & sepultus est in porticu Sancti *Nicholai*.

1072  
*Will. R. Sco-*  
*tiam invadit.*

*Pax inter*  
*Will. & Mel-*  
*colm.*  
*Cilricus Ep.*  
*ob.*

## MLXXIII.

Septimo anno regni Rex *Willielmus* duxit exercitum suum ultra mare & conquirit *Dans* & *Angli* totam terram illam destruxerunt, comburendo villas, & detruncando vineas, & eam Regi subdiderunt.

1073  
*Will. R. de-*  
*vincit Mans.*

## MLXXIV.

Anno octavo Rex *Willielmus* ivit in *Normanniam* & *Edgarus* puer venit ad eum à *Scotia*, & Rex eum inlagavit, & omnes homines suos, & ipse fuit in *Curia* Regis, & Rex dabat illi liberationem qualem volebat. Congregatum est concilium in *Rotomagensi* urbe presidente *Willielmo* Rege *Anglorum*, & *Joanne* Archiepiscopo *Rotomagensi* & multitudine Episcoporum, in quo de negotiis Ecclesiasticis tractaverunt, *Gregorius* Papa *Simoniacos* excommunicavit, & uxoratos sacerdotes à divino officio removit, & laicis Missam eorum audire interdixit.

1074  
*Concil. Roto-*  
*magenſe.*  
*Papa sacerdo-*  
*tes, qui uxor.*  
*habuerunt,*  
*ab officio sus-*  
*pendit.*

## MLXXV.

Nono anno Rex *Willielmus* dedit *Radulfo* Consuli filiam *Willielmi Tiztosberti* & Consulatam *Porſolt*, & *Sudſolt*; iste *Radulfus* erat *Brito* ex parte matris, & pater suus *Anglicus* fuit, natus in *Porſolt*, & vocabatur *Radulfus*; ille autem accepta uxore sua duxit eam ad *Porſolt* ibique habuit nuptias suas quæ multis hominibus damno fuerunt, in quibus affuit *Rogerus* Consul, & *Matheof* Consul, & Episcopi, & Abbates, & consuluerunt expellere regem à Regno suo, quod cito Regi notum fuit in *Normannia*; hujus consilii fuerunt principes *Rogerus*, & *Matheof* & *Radulfus* Consules, & adquisiverunt sibi *Britones*, & miserunt in *Danemarch* propter auxilia; *Rogerus* Consul ivit *West-* ad Consulatam suam, & adunavit gentem ad damnum Regis, sed disturbatus fuit. *Radulfus* Consul voluit ire cum exercitu suo, sed gens Patriæ & Castellani obstituerunt, ita quod ipse nihil profecit; sed ivit ad *Porwich* ad puppes suas, & inde recessit; uxor vero sua fuit in Castello de *Porwich*, & illud tenuit, quousque data sibi pace cum hominibus suis ab hac terra recessit. Postea venit Rex in hanc terram, & cepit *Matheof* Consulem, & *Rogerus* Consulem cognatum suum, & misit illos in carcerem, deinde venerunt à *Danemarche* cc. puppes, quibus præfuerunt *Cnut* filius *Swegen*. & *Hacum* Consul,

1075  
*Conjuratio in*  
*Regem.*

*Classis Dani-*  
*ca re infecta*  
*recait.*



*W. Bastard R.* Consul, & non ausi sunt pugnare contra Regem *Willielmum* sed iverunt ultra mare in *Flandriam*. Hoc anno obiit *Editha* apud *Wintoniam*, VII. diebus ante nativitatem Domini, & iussit Rex ferri corpus ejus ad *Westmonasterium*, & ibi judicati sunt *Britones*, qui fuerunt ad nuptias, & quidam oculos amiserunt, & quidam exulati sunt; sic proditores Regis *Willielmi* destructi sunt, Rex *Willielmus* obsedit Castellum *Dole*, & civitatem *Britanniæ*; *Britanni* vero castellum tenuere donec Rex *Francorum* adveniens liberavit eos, postea vero rex *Francorum*, & rex *Anglorum* concordati sunt.

*Pax inter Will. & Regem Francorum.*

*Rex equo detrusus & fil. ejus vulnerat.*

Rex *Willielmus* seditione militari agens contra *Robertum* filium suum primogenitum apud *Gerberiem* castellum in *Francia*, equo suo propulsus est, & *Willielmus* filius ejus vulneratus est, & multi ex suis occisi; maledixit igitur rex *Roberto* filio suo, quam maledictionem antequam moreretur, evidenter perpeffus est. Porro *Northumbri* proditione occiderunt *Walcherum* Episcopum *Dunelmie* iniquo Placito pacifice statuto juxta *Tinam*, & centum homines cum eo.

1076

MLXXVI.

*Ob. Rex. Dacorum.*

Decimo Anno *Willielmi* regis obiit *Swengen* rex *Dacorum*, & *Haraldus* filius ejus successit. Rex *Willielmus* dedit Abbatiam *Westmonasterii* Vitali Abbati, qui fuit Abbas apud *Bernege*, & *Waltheof* consul decollatus est apud *Wintoniam*, & sepultus est apud *Crulandem*.

1077

MLXXVII.

*Londini incendium.*

Dominica *Palmarum* circa horam sextam sereno cœlo stella apparuit. Undecimo anno *Willielmi* regis combusta est *Londonia*, una nocte ante assumptionem Sanctæ *Mariæ* magis quam unquam antea fuerat, ex quo facta fuerat.

1078

MLXXVIII.

*Rex Scotiæ invadit Angliam.*

Anno duodecimo *Willielmi* rex *Melcolin* venit in *Angliam* inter duas festivitates Sanctæ *Mariæ* magno exercitu; & prædavit in *Northumbria* usque ad *Tinam*, & multos homines occidit, & multos thesauros, & homines in vinculis secum duxit.

1079

MLXXIX.

Anno XIII. *Willielmi* regis. Obiit *Johannes* Archiepiscopus *Rotomagensis*, successit *Willielmus* Abbas *Cadomi*.

1080

MLXXX.

*Concil. Lillebonæ.*

Anno XIV. *Willielmi* regis factum est Concilium apud *Lillebonam* in præsentia *Willielmi* regis *Anglorum* in Pentecoste, Præsidente *Willielmo* Archiepiscopo *Rotomagensi*, cum Episcopis, Abbatibus, Consulibus, & cæteris principibus, ubi multa utilia instituta sunt, quæ servantur in *Normannia*. Idem rex duxit exercitum suum in *Walliam* & eam sibi subdidit, & multi ex utraque parte perierunt.

*Pex Walliam devincit.*

1081

MLXXXI.

*Odo Ep. Baioc. carceri mandatur.*

Anno XV. regis *Willielmi* captus est *Odo* Episcopus *Baiocensis* & in carcerem missus. Fames magna in *Anglia* fuit; Ventus validus in nocte nativitatis Domini.

1082

MLXXXII.

*Discordia orta inter Abbatem Glasfingbiri & Monachos, quidam ex his occisi.*

Anno XVI. regis *Willielmi* fuit discordia magna inter *Turstanum* Abbatem *Glasfingbiri*, & Monachos suos, quæ prius incepit per culpam Abbatis, quia faciebat plures injurias Monachis suis. Monachi vero humiliter quæsierunt, ut eos ipse recte custodiret, & illi igitur eum diligenter, & honorarent fideliter; Abbas vero hoc renuit, sed multa illis fecit, & deterius promisit. Quadam die ivit in capitulum & placitavit supra Monachos, & misit propter laicos suos, qui venerunt in capitulum armati supra Monachos; Monachi igitur exterriti nescientes quid agerent, fugerunt, & quidam in oratorium currentes ostia firmaverunt, & laici secuti sunt, volentes eos extrahere, accidit autem in die illa magna miseria, quia *Franci* chorum fregerunt, & jactaverunt gradus altaris, ubi captivi Monachi jacebant, & quidam militum supra



supra trabes ascenderunt, & deorsum cum sagittis traxerunt, ita quod multæ *W. Bastard R.*  
 sagittæ inhæserunt in cruce quæ supra altare erat, & miseri Monachi circa  
 altare jacebant, & quidam subtus absconsi sunt invocantes justitiam Dei, quia  
 nullam ab hominibus habere poterant, laici autem qui subtus erant fractis  
 ostiis intrantes tres occiderunt, & decem & octo vulneraverunt ita quod  
 sanguis cucurrit ab altari supra gradus & à gradibus supra aream.

## MLXXXIII.

1083

Anno xvii. regis *Willielmi*, obiit *Matildis* regina filia Sancti *Baldvini* Co- *Matilda Re-*  
 mitis *Flandrensis*. Uxor *Willielmi* regis *Anglorum* qui *Angliam* conquistavit, Re- *gina ob.*  
 gina nobilis, de cujus nobilitate largiflua multa Ecclesiæ Sanctæ retinent be-  
 neficia in craftino omnium Sanctorum obiit.

Misit rex *Willielmus* justitarios suos per unamquamque scyram, id est pro- *Rex in valo-*  
 vinciam *Angliæ* & inquirere fecit per jusjurandum, quot hidæ, id est, jugera *rem terrar.*  
 uni aratro sufficientia per annum essent in una quaque villa, & quot animalia : *& rerum om-*  
 tunc autem fecit inquire quid unaquæque urbs, Castellum, vicus, villa, flu- *nium Angliæ*  
 men, palus, silva, reddit per annum ; hæc autem omnia in chartis scripta de- *inquir.*  
 lata sunt ad regem, & in thesauros reposita usque hodie servantur, eodem an-  
 no *Mauritius* factus est Episcopus *Londoniæ*, qui templum maximum, quod  
 nondum perfectum est, incepit.

## MLXXXIV.

1084

Anno xviii. regis *Willielmi*, idem rex tenuit Curiam suam in natali apud *Juram. fide-*  
*Gloucestre*, ad pascha apud *Wincestriam*, ad Pentecostem apud *Londoniam* : *lit. à subditis*  
*Henricum* filium suum juniorem militem fecit ; deinde accipiens hominum *exigit.*  
 omnium terrariorum *Angliæ* cujuscunque feodi essent, juramentum fidelita-  
 tis recipere non distulit.

## MLXXXV.

1085

Anno regis *Willielmi* xix. obiit *Gregorius* Papa, successit *Victor* : *Victori Vr-* *Victor. Pap. ob.*  
*banus*. Hoc anno dicebatur pro vero per terram istam, quod *Cnut* rex *Da-* *cui succedit*  
*norum* filius regis *Swegn* volebat hanc terram conquerere auxilio *Roberti* *Urban.*  
*Consulis Flandriæ*, cujus filiam ipse habebat. Rex *Willielmus* qui tunc manebat *Fama de An-*  
 in *Normannia* hoc audiens, in *Angliam* venit cum tanto exercitu *Francorum*, *glia invaden-*  
 & *Britannorum*, equitum, & peditum, quantus nunquam in hac terra venit, *da à Danis.*  
 ita quod mirum videbatur quomodo terra ista eos pascere poterat, rex vero  
 divisit exercitum suum per terram istam hominibus suis, ut eos pascere,  
 unicuique secundum terram suam, & fecit vastare totam terram circa mare,  
 ne inimici sui invenirent ubi quid acciperent, postquam vero rex audivit ini-  
 micos suos disturbatos esse, nec posse perficere quod inceperant, remisit par-  
 tem exercitus sui in terram eorum, partem vero retinuit.

## MLXXXVI.

1086

Anno regis *Willielmi* xx. rex tenuit Curiam suam apud *Wintoniam*, postea *Rex multa*  
 ad Kalendas Augusti fuit apud *Salisburiam*, ibique venerunt coram eo Baro- *pecunia col-*  
 nes sui, & omnes terrarii hujus regni, qui alicujus pretii erant, cujuscunque *lecta in Nor-*  
 feodi fuissent, & omnes homines sui effecti sunt, & juraverunt illi fidelitatem *man. trasit.*  
 contra omnes homines. Postea rex adquisitis magnis thesauris ab hominibus  
 suis, supra quos aliquam causam invenire poterat sive juste sive injuste, dein-  
 de ivit in *Wicht*, & sic in *Normanniam*, & *Edgar Atheling* cognatus regis *Ed-*  
*wardi* recessit à rege, quia non erat cum eo honorifice ; sed Dominus omni- *Animalium*  
 potens det illi honorem, & Christiana soror *Edgari* facta est Sanctimonialis *pestis.*  
 apud *Rumesseiam*. Hoc anno fuit magnum infortunium in *Anglia*, in morta-  
 litate animalium, & in defectione segetum, & fructuum, & in tempestatibus  
 talibus, quales vix memorari possunt ; fuerunt etiam tanta tonitrua, quod  
 multos homines occiderant, & sæpius contingebant pejus & pejus, quod *Deus*  
*emendat, cum sibi placuerit, Amen.*

## MLXXXVII.

1087

Anno xxi. regis *Willielmi* contigit magnum infortunium in *Anglia*, gens *Febris graf-*  
 enim tanta infirmitate occupata est, quod pene quisque alter homo tam *satur.*



- W. Bastard R.* graviter à febris possessus est, quod multi eorum per eos mortui sunt, postea per malas tempestates quas prædiximus advenit magna fames per totam *Angliam*, ita quod centena hominum perierunt. Ah quantus dolor erat, & quanta miseria quando homines jacebant infirmati pene ad mortem, & postea fame ex toto peribant, quis est tam duri cordis, qui non possit lugere, quando tale infortünium accidit populo pro peccatis eorum, quia nolint amare Dominum, & quod rectum est. Rex autem & pene omnes capitales homines valde & nimium cupiditate auri & argenti repleti erant; nec curabant quomodo illud acquirerent, aut haberent. Rex vero dabat terram suam ad firmam quanto carius poterat; tunc veniebat alius, & offerebat magis supra illum, cui rex terram tradidit; rex autem dabat illi qui plus offerebat, & non curabat cum quanto peccato præpositi censum à pauperibus hominibus adquisissent, nec quantas injurias ipsi fecissent, & quanto plus homines loquebantur de recto, tanto fiebat major injuria; ipsi elevabant injustas teloniationes, & alias malas consuetudines quæ difficiles sunt ad numerandum. Eodem anno combusta est Ecclesia Sancti *Pauli* apud *Londoniam* & plures aliæ ecclesiæ, & majus & melius totius urbis, & pene omnes capitales Burgi totius *Angliæ*. O quantus luctus erat, quando tot infortunia huic patriæ accidebant; hoc etiam anno ante assumptionem Sanctæ *Mariæ* ivit rex *Willielmus* ex *Normannia* in *Franciam*, & prædavit supra Dominum suum regem *Philippum*, & multos homines illic occidit, & combussit *Mahante*, & omnes ecclesias quæ ibi intus erant, & duos Anachoritas qui ibi erant, & postea rediit in *Normanniam*, & sicut male egerat, ita illi contingit, infirmatus est graviter, & mors quæ nec pauperem, nec divitem dimittit, eum assumpsit, & ipse obiit in crastino die nativitatis Sanctæ *Mariæ*, & sepultus est apud *Cadomum* in Ecclesia Sancti *Stephani*, quam ipse construxerat, & multis modis ditaverat. Ah quam mendax est, & transitorius hujus seculi honor, qui prius fuerat rex ditissimus, & multarum terrarum Dominus, nihil habuit ex tota terra sua præter septem pedes, & qui fuerat auro & gemmis vestitus, tunc fuit pulvere coopertus.
- Will. R. ob.*
- Will. Rufus* Post obitum autem illius *Robertus* filius ejus senior suscepit Consulatam *Normanniæ*, *Willielmus* vero *Rufus* filius ejus secundus regnum *Anglorum*, tertio vero qui vocabatur *Henricus* dedit pater magnam partem thesauri sui.
- Will. Rufus succedit in Reg. Angl.*
- Willielmi R. acta & mores.*
- Si quis scire vult qualis ipse fuit, & quam honorificus, & quot terrarum Dominus, nos dicemus qui eum vidimus, & in curia ejus aliquando fuimus, Rex *Willielmus* de quo locuti sumus fuit valde sapiens & dives, & honorificus, & fortior omnibus prædecessoribus suis, & humilis hominibus Deo fervientibus, & valde durus erga homines qui voluntati suæ contradicebant; dum ipse regnavit supra *Angliam*, construxit Monasterium de Bello, in quo Monachos statuit, & illud multis modis ditavit, & in diebus ejus constructa est edclesia *Cantuarie*, & plures aliæ per *Angliam*, & etiam terra ista multum repleta est Monachis, qui vivebant secundum regulam Sancti *Benedicti*, & Christianitas in tempore ejus tantum exaltata est, ut unusquisque sciebat quid ordini suo pertinebat; fuit etiam valde honorabilis, ita quod unoquoque anno, quo erat in *Anglia* tribus vicibus coronabatur. ad Pascha apud *Wintoniam*, ad Pentecosten apud *Westmonasterium*, ad Natale apud *Gloucestriam* & tunc aderant ibi Archiepiscopi, Episcopi, Abbates, Consules, & Barones totius *Angliæ*.
- Fuit etiam valde severus, ita quod nemo audebat aliquid facere contra voluntatem illius, habebatque in carcere consules, & Barones, & Episcopos deposuit ab Episcopatu suo, & Abbates ab Abbatia sua, & etiam fratri suo *Odoni* non pepercit, qui fuit Episcopus *Baiocensis* in *Normannia*, & Consul supra *Cent* in *Anglia*, sed illum misit in carcerem. Inter cætera non est præmittendum, quod ipse tantam pacem fecit in *Anglia*, quod quidam homo, qui alicujus vigoris esset poterat ire solus cum pleno sinu auri secure per terram istam, & nemo audebat alium occidere pro nullo forisfacto, quod alius sibi fecisset; & si aliquis cum aliqua vi concubuisset, statim ementulatus fuisset; ipse



ipse regnavit supra totam *Angliam*, & eam cum tanta astutia inquisivit, quod *Will. R. Ruf.* non erat in tota hac terra Hida, de qua nesciret, cujus esset, & quid valeret, & hoc in carta sua scriptum habebat. Habuit etiam *Britanniam* in potestate sua, & in ea Castella fecit, & gentem illam sibi acclivem fecit, *Scotiam* etiam fortitudine sua adquisivit, *Normannia* vero fuit sua ex hæreditate, *Cenomanniam* vero conquirit; & si duobus annis diutius vixisset, *Hiberniam* probitate sua absque armis vicisset; vere in tempore illius habuit populus magnos labores, & multa tædia; fecit enim parari Castella, in quibus populum fatigabat; auferrebat etiam illis multas marcas auri, & plures libras argenti, & hoc injuste, non pro aliqua necessitate, sed pro magna cupiditate.

Statuit ut quicumque cervum aut cervam occideret oculos amitteret, defendit capere apros & etiam lepores, & amavit feras tanquam esset pater eorum, quod multum fuit tædio Baronibus ejus, ipse vero nihil pendebat eorum iram, sed oportebat eos omnino sequi voluntatem suam, si vellent habere vitam, aut terram aut pecuniam, aut ejus amicitiam. Quantus dolor quod aliquis homo superbiat, quod supra omnes homines se extollat! sed Deus omnipotens per suam misericordiam concedat illi delictorum veniam. Hæc scripta sunt de eo bona & mala, ut boni homines sequantur exempla bonorum, & derelinquant mala, & pergant per viam quæ ducit ad vitam.

Multa scribi possunt, quæ hoc anno contigerunt, sicut accidit in *Danemarchia*, quod *Daci* qui erant ex fidelioribus hominibus mundi, lapsi sunt in majorem infidelitatem, quæ fieri posset, Regem enim *Cnut*, quem elegerant, & cui fidelitatem juraverant, postea in quodam Monasterio proditione occiderunt. *Dani Regem Cnut. interimunt.*

Accidit & in *Hispania*, quod Pagani prædaverunt super *Christianos*, & multum terræ conquiverunt. *Amfos* rex *Christianus* misit ubique per terras *Christianorum* propter auxilium, & accepto ab eis auxilio paganos occidit, & fugavit, & auxilio Dei terram suam iterum adquisivit, hoc etiam anno obierunt multi homines in hac terra; *Stigandus* Episcopus *Cicestrensis*, & Abbatess plures, postea eorum omnium Dominus *Willielmus* Rex de quo locuti sumus, & post obitum illius *Willielmus Ruffus* filius suus suscepit regnum *Anglorum*, & sacratus est in regem à *Lanfranco* Archiepiscopo *Cantuariensi* apud *Westmonasterium*, tribus diebus ante festum Sancti *Michaelis*, & omnis gens *Angliæ* ei subdita est, & fidelitatem illi juravit. *Rex Hispan. paganos fugat. Will. Rufus Westmonasterii coronat.*

Postea vero ivit rex apud *Wintoniam*, & aspexit aulam, quam pater suus fecerat, & thesaurum patris sui; difficile est autem enumerare quid ibi congregatum fuit in auro, & argento, & gemmis, & vasis, & palleis, & in cæteris caris rebus; conspecto vero thesauro fecit rex sicut pater ejus præceperat; divisit enim thesaurum pro anima patris sui per Monasteria totius *Angliæ*, & quibusdam dedit x. Marcas auri, quibusdam vero vi. & unicuique Ecclesiæ mille quinque solidos, & misit in unumquemque Comitatum centum libras argenti, ut dividerentur pauperibus pro anima patris sui; præceperat autem pater ejus antequam obiret, ut solverentur omnes qui in vinculis erant in terra sua. *Will. thesaurus magnus ex mente ejus distribuitur.*

## MLXXXVIII.

1088

Rex *Willielmus* fuit ad natale apud *Londoniam*. Hoc anno fuit terra ista valde commota & turbata; ita quod omnes *Franci* ditiores hujus terræ volebant prodere regem suum *Willielmum Ruffum*, & facere *Robertum* fratrem suum regem, qui erat Consul *Normanniæ*; hujus consilii fuit princeps *Odo* Episcopus *Baiocensis*, & *Gaufridus* Episcopus, & *Willielmus Dunelmæ*; Rex autem in tantum benefecerat *Odoni* Episcopo, quod tota *Angliæ* consilio & voluntate illius regebatur, ipse vero volebat Regi, quemadmodum *Judas scariot* fecit fervatori nostro. Affuit etiam in illo consilio *Rogerus* Consul, & cum eo multi *Franci*, & fuit hoc prolocutum in Quadragesima, & statim post Pascha prædaverunt, & combufferunt & vastaverunt proprias villas regis, & omnium eorum qui erant in fidelitate regis, & ivit unusquisque ad Castellum suum, & illud

*Conjuratio contra Will. R.*



*Will. R. Ruf.* illud ut potuit hominibus, & cibis melius munivit. *Gaufridus* Episcopus & *Robertus* de *Amundbreg* iverunt ad *Bristou* & magnam prædam capientes, eam ad Castellum detulerunt, & postea exeuntes à Castello prædaverunt *Bathaniam*, & totam terram circum eam, & circum *Bircleam*, & quicquid illuc pertinebat vastaverunt. Barones autem *Herefordiæ* & tota gens illius comitatus, & homines *Salopes-hire*, cum magno populo *Britanniæ* prædantes combusserunt *Wircestre-syre* usque ad ipsum Burgum, & Burgum volebant comburere, & monasterium prædare, & Castellum ad opus eorum conquirere, quod audiens *Wolstanus* bonus Episcopus cui Castellum commendatum erat ad servandum, valde contristatus est, milites tamen sui à castello exeuntes cum paucis hominibus auxilio Dei, & precibus Episcopi occiderunt & ceperunt v. Millia hominum, & cæteros fugaverunt.

*Magna de-  
prædationes.*

Episcopus *Dunelmensis* fecit quicquid damni potuit ubique in *Þord*. *Roger*us autem quidam eorum venit in Castellum de *Þorwich*, & fecit adhuc pejus per totam terram illam; alius autem qui vocabatur *Hugo* nihil melius fecit in provincia *Legrecestriæ* & *Hamtoniæ*. *Odo* vero Episcopus à quo hæc surrexerunt, ivit ad Consulatatum suum in *Cent*, & eam valde destruxit, & terras regis & Archiepiscopi omnino vastavit, & quicquid capere potuit in castellum suum apud *Roucester* detulit.

*W. R. adju-  
vantibus An-  
glis, conjuran-  
tes vincit.*

Rex autem comperiens quæ facta erant, & quomodo eum prodere volebant, misit propter populum *Anglorum*, ostendensque eis necessitatem suam, quæsit ab eis auxilium, promittendo eis meliores leges, quam unquam in hac terra fuerunt; & prohibuit omnes injustos Geldos, & concessit hominibus nemora eorum, & venatus; sed hoc parum duravit. *Anglici* vero concesserunt regi auxilium & iverunt cum eo erga *Roucestre* volentes capere *Odonem* Episcopum, putabant enim si haberent illum qui erat caput consilii, se capturos levius alios, & venerunt apud *Tunebrige*, in quo erant homines Episcopi, & plures alii volentes tenere illud, contra regem: *Anglici* vero Castellum fregere, & qui intus erant pacem cum rege fecerunt. Rex autem ivit erga *Roucestre* cum exercitu putans ibi invenire Episcopum *Odonem*, sed ex quo audivit quod Episcopus erat apud *Pevenesiam*, ivit illuc cum exercitu suo, & obsedit castellum, cum magno exercitu per sex hebdomadas. Interea

*Castrum Tun-  
bridge expug-  
nat.*

*Robertus* Consul *Normanniæ* congregavit magnum exercitum, volens conquerere *Angliam* auxilio hominum hujus patriæ qui erant contra regem, & misit ex hominibus suis ad hanc terram volens post eos venire; *Angli* vero qui mare custodiebant, occiderunt & submerferunt ex illis plures quam aliquis recitare sciat. Illi autem qui in Castello erant deficiente cibo quæsierunt pacem cum rege, & reddiderunt illi castellum, & Episcopus juravit se recessurum ab *Anglia*, nec unquam rediturum amplius, nisi rex propter illum mitteret, & quod reddet Castellum *Roucestriæ*. Cum autem iret ut Castellum redderet, & homines regis cum illo iverunt, ii qui in Castello erant ceperunt Episcopum, & homines regis, & miserunt eos in vinculis; in Castello illo erat *Eustachius*, & tres filii Consulis *Rogeri* & omnes nobiliores homines hujus terræ, sive *Normanniæ*; postquam vero Rex hoc comperuit, ivit cum exercitu quem prius habuerat post eos, & misit per totam *Angliam*, & mandavit, ut quicumque foret *Unnithing* sive *Francus* sive *Anglicus*, sive in Burgo, sive extra Burgum veniret ad eum. Et adunato magno populo ivit ad *Roucestriam*, & obsedit Castellum usquequo homines qui intus erant facta pace illud ei reddiderunt. *Odo* autem Episcopus cum hominibus qui in Castello erant

*Castella Roff.  
Dunelm. Regi  
dedita.*

mare transivit, & sic dimisit honorem quem in hac terra habuit. Rex vero misit exercitum apud *Dunelmiam* & fecit obsideri Castellum. Episcopus autem facta pace Castellum reddidit, & dimisso Episcopatu suo ivit in *Normanniam*, & multi *Francorum* terram suam dimiserunt, & mare transierunt, rex vero dedit terram eorum hominibus qui sibi fideles erant.



*Lanfrancus* Archiepiscopus pater & consolator Monachorum transiit ab hoc seculo, quem speramus ivisse ad gloriam Dei. Hoc anno fuit magnus terremotus per totam *Angliam*, III. Id. Augusti, & annona multum tarda fuit, & omnis fructus terræ, ita quod multi homines collegerunt segetes suas circa festum Sancti *Martini* & tardius.

Peractis quæ prædiximus inter Regem *Willielmum*, & fratrem suum *Robertum*, & homines suos, cogitavit rex quomodo se vindicaret, & *Normanniam* à fratre suo conquereret, & per astutiam suam, sive per pecuniam, adquisivit sibi Castellum Sancti *Walerici*, & post illud de *Albamaria*, & ibi misit milites suos qui fecerunt maxima damna in terra illa prædando, & comburendo, & postea adquisivit plura Castella, in quibus locavit milites suos. Consul autem *Normanniæ* comperiens homines suos ab eo recedere, & Castella sua regi tradere; misit ad Dominum suum *Philippum* regem *Francorum*, qui venit in *Normanniam* cum maximo exercitu, & euntes simul rex & Consul obsederunt Castellum in quo homines Regis erant. Rex autem *Willielmus* misit ad regem *Philippum*, & rex *Philippus* sive pro amicitia, sive pro pecunia regis rediit in *Franciam*, & dimisit *Robertum* Consulem convenire cum fratre suo, & interim terra ista valde oppressa cum injustis geldis, & aliis infortuniis.

Rex *Willielmus* tenuit Curiam suam ad natale apud *Westmonasterium*, & postea ad festum Candelarum ivit in *Normanniam*, ad damnum fratris sui, & dum ibi fuit concordati sunt, & Consul dimisit regi *Fescam* & Consulatam *Dbe*, & *Chererburch*, & propterea concessit, quod homines regis debebant esse quieti in Castellis, quæ prius adquisiverant sine voluntate sua; Rex autem promisit è contra Consuli se adquisiturum illi plura quæ pater eorum conquiverat, quæ Consul tunc amiserat, & etiam quicquid pater eorum ultra mare habuit, præter illud quod Consul regi concessit. Et etiam quod omnes illi qui terram suam in *Anglia* causa Consulis amiserant, illam rehaberent, & Consul haberet in *Anglia* hoc quod pactum eorum fuerat. Statuerunt etiam si quis eorum moreretur prior altero sine filio sponsæ; quod alter fieret hæres illius; Hoc pactum juraverunt XII. ex melioribus ex utraque parte, hoc etiam postea parum duravit. Dum hæc concordia fuit, exhæreditatus est *Edgar Atheling* à terra, quam Consul ei dederat in *Normannia*, & ivit in *Scotiam* ad generum suum regem. Interea cum esset rex *Willielmus* in *Normannia*, *Melcolm* rex *Scotiæ* venit in *Angliam*, & eam multum prædavit, usque quo custodes hujus terræ cum exercitu illi obstiterunt. Quod audiens rex *Willielmus* in *Angliam* venit, & cum eo *Robertus* Consul frater suus, & statim cœperunt parare exercitum per mare & per terram; sed exercitus qui per mare ibat antequam ad *Scotiam* venisset ex toto pene periit tribus diebus ante festum Sancti *Michaelis*. Rex autem & frater suus iverunt cum exercitu per terram. Rex vero *Melcolm* postquam audivit exercitum venire, super eum, exiit à *Scotia* cum exercitu suo, & venit in *Lodone* & ibi expectavit regem *Willielmum*. Postquam rex appropinquavit cum exercitu suo *Robertus* & *Edgar Etheling* venerunt inter reges, & eos concordaverunt, & rex *Melcolm* venit ad Regem *Willielmum*, & homo suus effectus est, eo pacto, quo pacto fuerat homo patris sui, & ei fidelitatem juravit, & Rex *Willielmus* promisit se daturum illi quicquid sub patre suo habuerat, ibi etiam *Edgar Etheling* cum rege concordatus est, & reges bene concordati divisi sunt; & *Robertus* Consul pene usque ad Natale fuit cum rege fratre suo; & vere parum firmitatis patrum eorum circa eum invenit, & duobus diebus ante Natale Domini ivit in *Whit*, & sic in *Normanniam*, & *Edgarus Etheling* cum eo. Ventus vehemens percussit *Londoniam* VI. Kal. Novembris hora sexta.



Will. R. Rnf.

1092

MXCII.

Rex *Willielmus* ivit in *Þord* apud *Cardeol*, & burgum ædificavit, & Castellum incepit, & *Dolfinum* fugavit, cujus terra illa fuit, & misit homines suos in Castello, & postea reversus est *Sud* & misit illuc multos homines villanos cum uxoribus suis, & animalibus, ut in illa terra manerent.

*Osmundus* Episcopus dedicavit ecclesiam suam cum VII. Episcopis.

1093

MXCIII.

W. R. gravi  
morbo labo-  
rat.

Rex *Willielmus* in Quadragesima infirmatus est apud *Gloucestriam*, in tantum quod dicebant, mortuus esset per terram istam; & infirmitate illa multa bona promisit, & quod vitam suam emendaret, & ecclesias suas bene & in pace custodiret, & quod nullam amplius venderet & bonas Leges genti suæ statueret, & dedit Archiepiscopatum *Cantuariæ* quem in manu sua habuerat, *Anselmo* Abbati de *Becco*, & *Roberto* Cancellario suo Episcopatum *Lincolniæ*, & Ecclesiis multas terras restituit. Sed ex quo sanus fuit illum poenituit, & bonas leges quas promiserat dimisit. Postea *Melcolmi* rex *Scotiæ* misit ad eum quærens pactum, quod sibi promissum fuerat; Rex autem *Willielmus* submonuit illum venire ad *Gloucestriam*, & misit illi obsides in *Scotiam*, & postea misit contra eum *Cadgar Etheling* & alios qui eum honorifice ad regem duxerunt, sed postquam ipse venit ad regem, nec pactum suum habere, nec cum rege loqui potuit, ideoque cum magna discordia divisi sunt, & rex *Melcolmi* recessit in *Scotiam*. Et ex quo illuc venit, ilico congregavit exercitum suum, & venit in *Angliam*, & pergens non tali consilio quo sibi opus esset, interceptus est ex improvise à *Roberto* Consule *Nordhumborum*, & ab hominibus illius, & ibi occisus est: occidit autem illum *Þorel de Webanburgh* dapifer Consulis, & compater ipsius *Melcolmi* regis, & cum eo occisus est *Edwardus* filius ejus qui, si post eum vixisset, rex esse debuisset. Postquam autem *Margareta* regina hæc audivit quomodo Dominus suus & filius suus mortui fuissent, anxiosa est in animo usque in diem mortis, & ivit ad ecclesiam cum Capellano suo, & ibi confessa & communicata est, & postea Dominum deprecata est quousque animam reddidit. Tunc *Scoti* elegerunt *Dufenal* in regem fratrem *Melcolmi*, & fugaverunt omnes *Anglicos* qui fuerunt cum rege *Melcolmo*; *Dunecan* vero filius *Melcolmi* regis qui erat in curia regis *Willielmi* (pater enim suus dederat illum regi in obsidem) venit ad regem & fecit illi securitatem qualem voluit, & postea licentia ejus ivit in *Scotiam* cum auxilio *Francorum* quod adquirere potuit, & fugavit *Dufenal* avunculum suum, & susceptus est in regem; postea vero *Scoti* occiderunt omnes homines illius, & ipse cum paucis evasit, & postea cum eis iterum concordatus est, hoc pacto quod nunquam *Francos* vel *Anglicos* in *Scotiam* retineret.

Rex Scot.  
Gloucestriam  
veniens re in-  
fecta in Scoti-  
am rediit.

Rex Scot. oc-  
cisus.

Dunecanus  
fil. Melcolmi  
depulso avun-  
culo regnum  
Scotiæ occupa-  
vit.

1094

MXCIV.

Nuncii Rob-  
erti C. Norman.  
Regem argu-  
unt de pace  
violata.

Rex *Willielmus Rufus* tenuit curiam suam ad Natale apud *Gloucestriam*, ibique venerunt ad eum nuncii ex parte fratris sui, qui nunciaverunt illi quod frater suus contradicebat pacem & pactum quod inter eos erat, nisi rex prosequeretur pactum quod fecerat. Et præterea illum perjurum, & sine fide vocaverunt, nisi pactum teneret, aut se deratiocinasset, ubi pactum factum, & juratum fuit. Tunc ivit apud *Þastinge* ad festum Candelarum, & dum ibi adventum suum expectaret, fecit dedicare ecclesiam de Bello. Et abstulit *Huberto Wosenge* Episcopo *Tedfordiæ* baculum suum, & postea ad mediam quadragesimam mare transivit. Et postquam venit in *Normanniam*, prolocuti sunt ipse & frater suus *Robertus* simul venire, & simul venerunt, sed non concordati sunt. Postea iterum venere simul cum hominibus, qui ad pactum eorum fuerant, & qui illud juraverant, & juratores omnem culpam regi imposuerunt. Sed rex hoc non concessit, nec pactum tenere voluit, ideoque cum magna discordia discesserunt. Rex vero postea conquistavit Castellum

Will. R. in  
Norman.  
transfretat.

Bellum inter  
Will. R. &  
Rob. Con. Nor-  
man.

*Bures*, & homines consulis qui intuserant cepit, & quosdam in hanc terram misit. Contra vero Consul *Robertus* auxilio regis *Francorum* cepit Castellum *Argentes*, & in eo *Rogerum Þeitassin*, & cum eo VII. C. milites, & postea Ca-  
stellum



stellum *Hubriae*. Sæpe vero alter alterius villas comburebat, & homines ca-  
piebat. Tunc rex *Willielmus* misit ad hanc terram, & iussit summoneri xx. mil-  
lia *Anglorum* qui venirent illi in auxilium in *Normanniam*; sed post quam ad  
mare venerunt, iussi sunt redire, & mittere regi pecuniam quam deferebant,  
scilicet unusquisque xx. solidos, quod ipsi fecerunt. Postea vero Consul cum  
rege *Francorum*, & omnibus quos adunare poterat, ivit erga *Ob* ubi rex *Wil-*  
*lielmus* erat, volens eum obsidere, & venerunt ad *Longam Villam*. Ibi vero in-  
genio *Willielmi* regis reversus est rex *Francorum* & sic totus exercitus divi-  
sus est.

Will. R. Ref.

Arte Will. R.  
exercitus Re-  
gis Franc. re-  
vertitur.

Interea rex *Willielmus* misit propter fratrem suum *Henricum*, qui erat apud  
*Danfront*, *Hugonem* Consulem *Cestriae* cum puppibus, non enim poterat in  
pace venire per *Normanniam*. Et cum ad *Ob* venire debuissent, venerunt in  
*Angliam*, & appulerunt in *Dantun* apud vigiliam omnium Sanctorum, & ibi  
manserunt, & apud Natale *Londoniae* fuerunt. Hoc anno *Waleses* adunati  
sunt & fecerunt Guerram contra *Francos* qui in *Walia* manebant, aut juxta  
*Waliam*, & qui eos prius exhæreditaverant, & multas firmitates, & Castella  
fregerunt, & homines occiderunt, & postquam populus eorum crevit, divisi  
sunt in plures partes, & contra quandam partem pugnavit *Hugo* Consul *Sal-*  
*lopesbiri*, & eam fugavit. Cæteræ tamen partes non cessabant à malo, quod  
facere poterant. Eodem anno *Scoti* regem suum *Dunecan* insidiando occi-  
derunt, & avunculum suum *Dufenal* iterum in regem assumpserunt, cujus  
consilio & auxilio rex *Dunecan* fuerat peremptus. Hoc anno obiit *Rogerus*  
Comes.

Henric. frat.  
Will. R. in  
Angliam ven-  
nit.Waleses  
bellum mo-  
vent in Fran-  
cos.Dunecan Scot.  
R. occiso, Du-  
fenal rursus  
regnum occu-  
pat.

## M X C V.

1095

Hoc anno obiit Sanctus *Wolstanus* Episcopus *Wigornensis*.

Rex *Willielmus* fuit in quatuor primis diebus Nativitatis Domini apud  
*Witland*, & postea venit in *Angliam*, & appulit apud *Doroberniam*, & *Henri-*  
*cus* frater suus fuit in hac patria usque ad Quadragesimam, & tunc ivit in *Nor-*  
*manniam* cum magna pecunia, ut esset in loco regis contra *Robertum* Consu-  
lem fratrem suum, & sæpius conquistavit supra illum, & multa mala illi fecit  
in terris suis & hominibus. Postea ad Pascha rex *Willielmus* tenuit Curiam  
suam apud *Wintoniam*, & *Robertus* Consul *Northumbriae* noluit venire ad Cu-  
riam; unde rex valde iratus misit ad eum, & summonuit illum venire ad Curi-  
am apud Pentecosten, si pacem habere vellet. Tunc fuit Pascha VIII. Kal.  
Aprilis, & post Pascha pridie Nonas Aprilis, in nocte Sancti *Ambrosii*, visæ  
sunt fere per totam noctem illam stellæ cadere de Cælo, & hoc tota nocte  
ita spissæ, quod nemo eas numerare poterat. Ad Pentecosten fuit rex apud  
*Windlethores*, & cum eo omnes Barones sui, præter *Robertum* Consulem  
*Northumbriae*: Qui ideo non venit quia rex noluit dare illi obfides, nec con-  
cedere in fide, quod in pace posset venire & redire. Et ideo rex congregato  
exercitu ivit in *Northumbriam*, & quando illuc venit multos, & fere omnes ex  
familia Consulis in quadam firmitate cepit, & eos in vinculis misit, & postea  
Castellum de *Tinnuth* obsedit & conquistavit, & in eo fratrem Consulis & om-  
nes qui cum eo erant, cepit; & inde ivit in *Benaburch*, & in eo Consulem ob-  
sedit. Sed posteaquam vidit rex quod Castellum conquerere non poterat,  
iussit parari aliud Castellum ante *Benaburch* quod appellavit *Malucisum*, in  
quo multos ex militibus suis posuit, & postea ivit in *Sudth*. Postquam au-  
tem rex recesserat, ivit Consul quadam nocte erga *Tinemutham*, quod audien-  
tes milites regis, qui in novo Castello erant, secuti sunt eum, & cum illo pug-  
nantes eum vulneratum ceperunt, & quosdam illorum qui cum eo erant, oc-  
ciderunt, quosdam vero vinctos ceperunt. Interea nunciatum est regi quod  
*Waleses* fregerant Castellum *Mundgumeri*, & homines qui in eo erant oc-  
ciderant. Ideoque ex improvise fecit summoneri alium exercitum, & post  
festum Sancti *Michaelis* ivit in *Waliam*, & divisit exercitum suum, & ivit per  
totam terram, & ad festum omnium Sanctorum venit totus exercitus simul  
apud *Snaudunæ*. *Waleses* autem fugerunt in montes, & in moros, ita quod

Will. R. in  
Angliam re-  
dit.Henric. fr.  
Regis in Nor-  
manniam  
transit.R. Jb. Com.  
Northumbria  
sibi metuens  
ad Regis Cu-  
riam venire  
recusat.Rex Castell.  
de Tinnuth  
expugnat.Comes Nor-  
thumb. cap-  
tus.Will. R. Wal-  
liam exercitu  
suo intrans re-  
infecta rever-  
titur.



*Will. R. Ruf.*

*Castellum Benaburh Regi traditur.*

*Legatus à Papa missus in Angliam venit.*

*Will. de Oulase majestatis reus.*

*Urbano P. adhortante suscipitur expeditio Hierosolomit.*

*W. R. regnum Normanniæ in vadimonium accipit.*

*W. R. in Angliam revertitur.*

*Walliam invadens exercitu pene consumto in Angliam redit.*

*Cometa.*

nemo ad eos venire poterat. Rex autem videns quod nihil ibi in hieme proficeret inde reversus est, & quando in *Angliam* venit, jussit accipere *Robertum* Consulem *Nordhumbriæ* & ducere eum ad *Benaburh* & ibi oculos illi extrahere, nisi uxor sua & *Mores* dapifer, & cognatus suus Castellum redderent, qui tunc illud custodiebant. Itaque Castellum redditum est, & *Mores* fuit in Curia regis, & per eum indicti sunt multi Clerici & Laici, qui consenserant in infidelitate regis. Et rex ante Natale quosdam eorum jussit mitti in vinculis, & postea jussit summoneri per totam hanc terram, ut quicunque sub rege terram habere vellet, & eam in pace tenere, ad Natale ad Curiam esset: & jussit adducere *Robertum* Consulem ad *Windeshores*, & ibi illum in Castello custodire.

Eodem anno misit *Vrbanus* Papa Legatum in *Angliam*, sc. *Walterum* religiosum Episcopum, qui attulit *Anselmo* Archiepiscopo Pallium suum ad Pentecosten, & ab Archiepiscopo honorifice susceptus apud *Cantuariam*, & diu in hac terra fuit, & postea per eum missus est *Romescot*, qui multis annis ante missus non fuerat. Hoc anno fuerunt multæ tempestates, & ideo in hac patria fructus terræ non successerunt.

1096

MXCVI.

Rex *Willielmus Ruffus* tenuit Curiam suam ad Natale apud *Windeshores*, & *Willielmus* Episcopus *Dunelmensis* obiit in die Circumcisionis; & in Octavis Epiphaniæ fuit rex & omnes *Barones* sui apud *Salisbury*, & ibi *Gaufridus Wainard* provocavit *Willielmum* de *De* de prodicione regis, & cum eo pugnans illum devicit. Et postquam victus est, præcepit rex eruere illi oculos, & *Willielmum* Dapiferum & cognatum ejus suspendere. Ibi etiam *Odo* Consul *Campaniæ*, & multi alii exhæredati sunt, & quidam eorum ducti sunt ad *Londoniæ*.

Hoc anno fuit magna motio *Christianorum* ad Pascha per patriam istam, & per multas terras amonitione *Vrbani* Papæ, qui tunc à *Roma* expulsus erat, & ivit populus innumerabilis cum uxoribus & pueris suis, ut conquirent supra *Paganos* in *Jerusalem*. Et per illam motionem concordati sunt rex *Willielmus* & *Robertus Curtoise* frater ejus, & rex mare transivit, & totam *Normanniam* à fratre suo in vadimonium recepit, sicut pactum inter eos fuit. *Robertus* Consul ivit in motione illa, & cum eo Consul *Flandriæ*, & Consul *Boloniæ*, & multi alii *Barones*. Et Consul *Robertus* & focii ejus fuerunt in hieme in *Pulia*, sed alii iverunt per *Hungariam*, & ex illis multa millia perierunt per viam, & multi miseri & famelici domum redierunt. Hoc anno fuit magnum infortunium per *Angliam* pro multis geldis & pro magna fame quæ valde terræ nocuit. Et *Barones* hujus terræ sæpe miserunt exercitum in *Walliam*, ubi populum multum fatigaverunt, & nihil tamen profecerunt, sed in vanum pecuniam consumpserunt.

1097

MXCVII.

Rex *Willielmus Ruffus* fuit ad Natale in *Normannia*, & volebat venire in *Angliam* ad Pascha, & tenere Curiam suam ad *Wintoniam*, sed vento disturbatur usque ad Vigilia Paschæ, & tunc appulit apud *Arundel*, & tenuit Curiam suam apud Pentecosten apud *Windeshores*, & postea cum magno exercitu ivit in *Walliam*, & conductu quorundam *Walensum*, qui ad eum venerunt, ivit per totam terram illam, & fuit in illa à festo Sancti *Johannis* usque ad Augustum, & ibi multum amisit in hominibus, & equis, & in pluribus aliis rebus. *Walenses* vero postquam à rege recesserunt, elegerunt sibi ex semetipsis plures duces, quorum unus, qui excelsior erat, vocabatur *Cadung*, qui fuit nepos *Griffini* regis. Postquam vero rex vidit se nihil posse facere voluntati suæ, rediit in *Angliam*, & fecit statim parare Castella in fines juxta *Walliam*.

Postea vero apparuit stella quædam mirabilis iv. Nonis Octobris lucens in vespere & statim se abscondens, & visa est *Sudwest*, & claritas longa ab illa exiens lucebat in *Sudwest*, & sic tota hebdomada visa est, & dicebatur à quibusdam Cometa.

Postea



Postea vero *Anselmus* Archiepiscopus licentia accepta à rege, (licet regi displicuisset ut homines aiebant) mare transivit, quia parum recta aut iusta doctrina sua in hac terra fiebat. Rex vero circa festum Sancti Martini ivit in *Normanniam*, & dum ad mare ventum expectavit, gens sua fecerunt in illa provincia majus malum, quam aliqua gens vel exercitus in terra ubi pax erat facere debuisset. Hic annus in toto gravis fuit & valde laboriosus, & in tempestatibus quando homines arare debebant, & segetes suas colligere, & in gelidis qui nunquam cessabant, & multæ provinciæ valde fatigatæ sunt apud *Londoniam* in opere muri qui fiebat circa *Turrim*, & etiam *Aulæ regis*, quæ fiebat apud *Westmonasterium*, & per pontem qui pene fractus fuit. Eodem anno post festum Sancti Michaelis *Edgar Atheling* auxilio regis, ivit cum exercitu in *Scotiam*, & eam magno prælio conquirit, & regem *Dufenal* fugavit, & *Edgarum* cognatum suum, filium *Melcolmi* regis & *Margaretæ* reginæ in regem statuit in fidelitate regis *Willielmi*, & postea rediit in *Angliam*.

*Will. R. Ruf. Anselmus Archiep. se in transmarinas partes recepit. Rex in Normann. transit.*

*Aula apud Westm. extructa. Deposto Rege Dufenal Edgarus fil. Melcol. in Regno Scot. confirmatur.*

MCXVIII.

1098

Hoc anno fundata est Abbatia *Cisterciensis* XII. Kal. Aprilis.

*Antiochia* à Christianis capta est. Cometa apparuit. Rex *Willielmus* ad Natale fuit in *Normannia*, & tunc obiit *Waldinus* Episcopus *Wintoniensis*. Hoc anno in æstate visus est sanguis ebullire à quodam stagno apud *Finchanstede* in *Berucshire*, ut plures homines dixerunt, qui hoc videre debuerunt. Obiit *Hugo* Consul *Salopesbiriæ* in *Anglese*. Et *Robertus* de *Belesme* frater ejus factus est hæres ejus. Postea ante festum Sancti Michaelis scil. v. Kal. Octobris apparuit cælum tota nocte pene tanquam arderet. Hic annus fuit valde gravis pro multis geldis & magnis pluviis, quæ anno illo non cessaverunt, & pene omnes aquaticæ terræ perierunt.

Prodigium.

Pluviae magna.

MXCIX.

1099

*Jerusalem* à Christianis capta est. Obtulerunt Christiani *Roberto* Comiti *Normannorum* regnum & Coronam *Jerusalem*; quod, quia causa laboris repudiaverat, offensus est in eum Deus, nec prosperum quid deinceps ei contigit.

*Robert. C. Norman. recusat regnum Hierosolym.*

Rex *Godefridus*, regnum in *Jerusalem* accepit, & post eum *Baldvinus* frater ejus, & post eum *Baldvinus* nepos ejus, & post hunc *Fulco Andegavensis*, & post eum *Baldvinus* filius ejus frater *Gaufridi* optimi Comitis *Andegavensis* mariti Imperatricis.

*Nomina Regum Jerusalem.*

Rex *Willielmus* fuit ad Natale in *Normannia*, & ad Pascha venit in *Angliam*, & ad Pentecosten tenuit Curiam suam in nova Aula apud *Westmonasterium*. Quam cum inspecturus primus introisset, & alii satis magnam & æquo majorem dicerent, dixit rex eam magnitudinis debitæ dimidia parte carere. Ibi dedit Episcopatum *Dunelmie* *Ranulfo* Capellano suo, qui prius tenuerat placita sua per totam *Angliam*. Et post statim mare transivit, & *Heliam* Consulem *Cenomannicæ* à *Cenomania* fugavit, & eam ad opus suum faciavit, & ad festum Sancti Michaelis in *Angliam* rediit. Hoc anno ad festum Sancti Martini ascendit mare valde, & fecit majus damnum, quam aliquis meminisse potuit, quod unquam ante fecerat, & fuit illo die luna prima. Obiit *Urbanus* Papa, & *Osmundus* Episcopus *Salesbiriæ*.

*Will. R. in Angliam rediit.*

*In Cenomanniam transit, qua devicta in Angliam rediit.*

*Urban. Pap. ob.*

MC.

1100

Rex *Willielmus Rufus* tenuit Curiam suam ad Natale apud *Gloucestriam*, & ad Pascha apud *Wintoniam*, & ad Pentecosten ad *Westmonasterium*. Postea autem in crastino Kal. Augusti rex *Willielmus* ivit venatum in nova Foresta, ibique *Walterus Tirel* cum sagitta quadam regem inscius percussit, & sic interiit, nec verbum edidit. Et postea corpus ejus delatum est apud *Wintoniam*, ibique sepultus est in ecclesia Episcopatus in Choro Monachorum ante majus altare tertio & x. anno regni sui.

*Will. R. cæsus.*

Hic dum vixit fuit valde fortis, & ab hominibus suis, & etiam amicis suis valde formidatus, & consilio malorum hominum, quod sibi sæpius placebat, & pro magna cupiditate sua sæpius populum suum per exercitus & geldos opprimebat, & in diebus suis cecidit omne rectum, & omnis injustitia erga Deum

*Mores & acta Will. R.*



*Henric. I. R.* um & populum elevata est; Ecclesias etiam destruebat, & Episcopatus, & Abbatias, quas antecessores sui fecerant, ipse aut eas vendebat, aut in manu sua retinens ad firmam dabat. Volebat enim esse hæres uniuscujusque, & Clerici, & Laici. Et in die qua obiit, habebat in manu sua Archiepiscopatum *Cantuariæ*, & Episcopatum *Wintoniæ*, & *Salesbiri*, & xi. Abbatias, ad firmam datas, & quicquid Deo & hominibus justis displicebat, in hac patria tempore illius fiebat: & hoc in fine sua apparuit, quia in media injustitia sua absque correctione obiit. Occisus est autem *Quinta Tertia* & in crastino sepultus. Et ex quo sepultus est, Barones qui ibi aderant, elegerunt *Henricum* fratrem suum in Regem.

*Henricus in Regem electus.*

*Henric. Westmonasterii coronat.*

*Henricus* autem ilico dedit Episcopatum *Wintoniæ* *Willielmo Giffardo*, & postea ivit *Londoniam*, & in die dominica ante altare apud *Westmonasterium* ipse promisit Domino & omni populo, se deponere omnes injustitias, quæ fuerant tempore fratris sui, & tenere meliores leges, quam fuissent in tempore alicujus regis ante eum. Postea *Mauricius Londoniensis* Episcopus sacravit eum in regem, & Barones hujus terræ fidelitatem illi juraverunt, & homines ejus effecti sunt. Et rex statim cum Consilio eorum qui cum eo erant, fecit accipere *Ranulfum* Episcopum *Dunelmie*, & mittere in turrim *Londoniæ*, ibique custodire. Postea ante festum Sancti *Michaelis* venit *Anselmus* Archiepiscopus *Cantuariensis* in *Angliam*. Rex enim consilio Baronum suorum propter eum miserat. Ipse autem ab hac terra recesserat pro injuriis quas faciebat illi *Willielmus* rex. Postea cito accepit *Henricus* rex in uxorem *Matildam* filiam *Melcolmi* regis *Scotiæ*, & *Margaretæ* reginæ cognatæ *Edwardi* regis ex recta progenie regum *Anglorum*; & ad festum Sancti *Martini* ipsa cum magno honore ad eum ducta est, & *Anselmus* Archiepiscopus illam regi desponsavit, & postea in reginam sacravit. Genuit autem ex ea idem rex *Henricus* filium unum nomine *Willielmum* & filiam unam, sicut nomine, ita honestate matrem repræsentantem. Hanc denique virginem vix quinquennem *Henricus* Quartus Imperator *Romanorum* Augustus in conjugem per honorabiles Legatos requisivit, & uxorem accepit. Capta urbe *Jerusalem*, ut diximus, & ingenti prælio postea patrato contra exercitum *Amlarii Babiloniæ*, *Robertus* dux *Normannorum*, & *Robertus* Consul *Flandriæ*, & *Eustachius* Consul *Bononiæ* mense Augusto reversi sunt ad propria. Et *Robertus* dux *Normannorum* susceptus est cum lætitia ab omni populo suo, præter illos qui custodiebant *Castella* quæ erant in manu *Henrici* regis, contra quos ipse magnas guerras habuit & multos labores.

*Ep. Dunelm. in carcerem mandat.*  
*Anselmum revocat.*

*Matildam fil. Melcolmi in uxorem ducit.*

*Robertus D. Norman. &c. à bello Hierosolym. revertuntur.*

*Ob. Arc. Ebor.*

Obiit *Thomas* Archiepiscopus *Eboracensis*. Successit *Girardus*.

1101

*Conjuratio in Henr. R.*

M C I.

*Pax inter Henr. R. & Robert. D. Norman.*

Anno primo *Henrici* regis *Anglorum*, ad Natale tenuit Curiam suam apud *Westmonasterium*, & ad Pascha apud *Wintoniam*. Et statim postea commoti sunt Barones hujus terræ erga regem, & propter eorum infidelitatem, & propter *Robertum* Consulem *Normanniæ*, qui in hanc terram cum exercitu venire parabat. Rex autem misit puppes in mare contra fratrem suum, ut eum disturbarent, sed veniente *Roberto* quædam ex puppibus à rege recesserunt, & *Roberto* subditæ sunt. Postea ad festum Sancti *Johannis* fuit Rex apud *Wesesea* cum exercitu suo, & expectabat fratrem suum, & dum ibi expectaret, *Robertus* Consul appulit apud *Wortlesmouth*, xii. diebus ante festum Sancti *Petri* ad vincula. Rex autem venit contra eum cum toto exercitu suo & Barones iverunt inter eos, & fratres concordaverunt, hoc pacto, quod rex dimisit quicquid in *Normanniam* contra Consulem vi tenebat, & quod omnes qui terram suam causâ Consulis amiserant eam rehaberent, & Consul *Eustathius* haberet totam terram patris sui; & quod Consul *Robertus* unoquoque anno III. Mille Marcas argenti ab *Anglia* haberet, & qui diutius viveret, foret hæres alterius, si alter sine recto Hærede moreretur, & hoc juraverunt xii. meliores ex utraque parte. Postea fuit *Robertus* Consul in hac terra usque ultimum festum Sancti *Michaelis*, & sui homines multa damna & mala in *Anglia* fecerunt ubicunque venerunt.

Eodem



Eodem anno *Ranulfus* Episcopus *Dunelmie* evasit à Turri *Londoniæ*, ubi erat in vinculis & ibat in *Normanniam*, & ejus consilio & ammonitione venit *Robertus* Consul in hanc terram cum magno exercitu. Capta est urbs *Cæsarea* à *Christianis*.

*Henric. I. R.*  
*Ranulp. Ep.*  
*Dunelm. de*  
*c carcere eva-*  
*dit.*

## MCII.

Anno secundo regni *Henrici* regis, rex tenuit Curiam suam apud *Westmonasterium*, & ad Pascha apud *Wintoniam*, & postea discordati sunt rex & Consul *Robertus* de *Belesme*, qui habebat in *Anglia* Consulatum *Salopesbiriæ*, quem pater suus *Rogerus* habuerat, & præterea magnos honores ex hac parte maris & ultra. Rex autem ivit & obsedit Castellum de *Arundel*; sed quia illud cito conquirere non potuit, fecit parare ante illud Castella, in quibus homines suos dimisit, & postea cum exercitu ivit ad *Brugæ*, ibique fuit quousque Castellum conquissit, & *Robertum* de *Belesme* exhæreditavit, & abstulit illi quicquid in hac terra habuit, & *Robertus* de *Belesme* mare transiit, & postea exercitus divisus est. Ad festum Sancti *Michaelis* fuit rex apud *Westmonasterium*, & cum eo omnes capitales homines hujus terræ, Clerici & Laici, & *Anselmus* Archiepiscopus tenuit ibi Concilium, in quo prohibuit uxores sacerdotibus *Anglorum* antea non prohibitas, & de multis quæ ad unitatem pertinebant. Et ibi multi *Franci* & *Anglici* Episcopatus & Abbatias amiserunt, qui eas injuste adquisierant, aut in eis inordinate vivebant.

1102  
*Hen. R. Ro-*  
*bertum de Be-*  
*lesmo ab An-*  
*glia expulit.*

*Concilium*  
*Cantuariæ*  
*habitum ab*  
*Anselmo.*

## MCIII.

Anno tertio regis *Henrici* rex tenuit Curiam suam apud *Westmonasterium* ad Natale, & ad Pascha apud *Wintoniam*. Et *Anselmus* Archiepiscopus ivit *Romam* sicut ipse & rex prolocuti sunt. Hoc anno venit *Robertus* Consul in *Angliam* ut loqueretur cum rege fratre suo, & antequam ab hac terra recessisset, condonavit regi III. Mille Marcas argenti, quas rex unoquoque anno illi dare debebat. Eodem anno valde fuit Caritas in *Anglia* pro multis geldis, & mortalitate animalium, & pro defectione segetum. Et visus est sanguis ebullire è terra in *Derueshire* apud *Hamstedt*, Et primo die post festum Sancti *Laurentii* fecit ventus tantum damnum, quantum nemo meminit, quod unquam antea fecerat.

1103

*Anselmus*  
*Romam ten-*  
*dit.*  
*Colloq. Hen.*  
*R. & Rob. de*  
*Norm:*  
*Anno carit-*  
*as.*

## MCIV.

Anno quarto Regis *Henrici*, rex tenuit Curiam suam apud *Westmonasterium* ad Natale, & ad Pascha apud *Wintoniam*, & ad Pentecosten apud *Westmonasterium*, & fuit dies Pentecostes nono Junii, & in tertio die apparuerunt in meridie circa solem quatuor circuli albi coloris; omnes videntes mirati sunt. Postea concordati sunt *Robertus* Consul *Normanniæ* & Consul de *Belesme*, quem rex antea exhæreditaverat, & ab *Anglia* fugaverat, & per eorum concordiam discordati sunt rex & ejus frater *Robertus* Consul. Tunc rex misit homines suos in *Normanniam*, & Barones pacati eos in Castellis suis receperunt ad prodicionem *Roberti* Consulis Domini eorum. Ipsi autem multa mala Consuli fecerant in prædis & combustionibus.

1104

*Discord. inter*  
*Henr. R. &*  
*Rob. C. Norm.*

*Willielmus* Consul *Normanniæ* ivit in *Normanniam*, & fecit Werram contra regem *Henricum*, quia illi abstulerat quicquid in *Anglia* habebat. Non est facile recitare quot & quanta damna terra illa hoc tempore perpeffa est per multas & magnas injurias, & per geldos qui nunquam cessabant, & ubicunque rex pergebat, familia sua miseram gentem prædabat, sæpe domos comburendo & homines occidendo. Hoc totum & Deum irritavit, & populum pauperem vexavit.

*Normannia*  
*devastata.*

## MCV.

Anno quinto *Henrici* regis, rex ad Natale tenuit Curiam suam apud *Wintoniam*, & postea in Quadragesima ivit in *Normanniam* super fratrem suum *Robertum* Consulem; & dum ibi fuit conquissit *Cadomum* pecunia, *Baiocum* armis, & plura Castella & fere omnes Barones pacati ad regem se verterunt. Rex vero postea in Augusto *Angliam* venit, & hoc quod in *Normannia* conquissiverat in pace tenuit, & homines sui in pace fuerunt, præter eos qui erant vicini

1105  
*Hen. R. in*  
*Normannia*  
*Baiocum &*  
*plura castel-*  
*la expugnat.*



*Henric. 1. R.* vicini *Willielmi de Moritū* Consulis, quibus nocuit in quantum potuit propter terram suam in *Anglia*, quam amiserat. Et *Robertus de Belesme* venit in *Angliam* ad regem. Hoc anno fuit carum tempus pro defectione frugum terræ, & pro multitudine geldorum, qui nunquam cessaverant.

1106

MCVI.

*Robertus votis irritis in Norman. redit.*

Anno sexto *Henrici* regis, tenuit Curiam suam idem rex ad Natale apud *Westmonasterium*, & post Natale *Robertus de Belesme* cum discordia recessit à rege & ivit in *Normanniam*. Postea ante *Quadragesimam* fuit rex apud *Portsmouth*, ibique venit *Robertus* Consul *Normanniæ* petens amicabiliter ab eo, ut ablata sibi, fraterna redderet gratia. Cum vero Deus eorum concordiae non assentiret, *Robertus* iratus rediit in *Normanniam*.

*Stella insolita.*

Tunc in prima Ebdomade *Quadragesimæ*, sexta FERIA, in vespertino tempore apparebat quædam stella insolita, & diu postea visa est lucere unoquoque die, vespere; apparebat autem stella in *Sudwest* tanquam parva & obscura, sed lumen quod ab ea procedebat valde erat clarum, & erat quædam magna trabes, & lucebat in *Portdest*, & aliquando videbatur quasi lumen illud splenderet circa stellam. Postea in coena Domini ante diem visæ sunt duæ

*Duæ Lunæ.*

*Henr. R. in Norman. transit.*

lunæ, una ex Oriente, altera ex Occidente, ambæ plenæ, fuitque illo die luna XIV. Tunc ad Pascha fuit rex apud *Batoniam*, & ad Pentecosten apud *Salisbury*, & volebat Curiam suam tenere, quia mare debebat transire, postea ante Augustum, in *Normanniam*. Ubi fere omnes Barones terræ illi ut voluit subditi sunt, præter *Robertum* de *Belesme*, & Consulem *Moretū*, & paucos alios Barones qui cum Consule adhuc erant, & ideo rex ivit & obsedit cum exercitu *Tenerthebrai* quoddam Castellum Consulis *Moretū*. Interea dum rex in obsidione esset, venit *Robertus* Consul *Normanniæ* super eum in vigilia Sancti *Michaelis* cum exercitu, & cum eo *Robertus* de *Belesme*, & Consul *Moretū*, & omnes fautores ejus, sed fortitudo & fortuna cecidit regi *Henrico*, captusque est ibi *Robertus* Consul *Normannorum*, & Consul *Moretū*, & *Robertus* de *Stute-Villa*, & in *Angliam* adducti sunt, & in custodiam missi, & *Robertus* de *Belesme* fugatus est, & *Willielmus Crispin* captus est, & plures alii.

*Rob. C. Norman. ab Henr. R. captus in carcerem missus.*

Et *Edgar Atheling*, qui parum antea recesserat à rege ad Consulem, ibi captus est. Sed rex permisit illum immunem abire. Postea rex adquisivit totam *Normanniam*, & eam ad placitum suum locavit. Captus est igitur *Robertus* dux fortissimus *Normannorum* ut prædiximus. Redditque vicem pro vice Dominus Duci *Roberto*, quia cum gloriosum reddidisset eum in actibus *Jerusalem*, regnum *Jerusalem* sibi oblatum renuit. Magis eligens quieti & deficiæ in *Normannia* deservire, quam Domino regum in sancta civitate desudare. Damnavit igitur eum Dominus defidia per *Henricum*, & carcere sempiterno. Hujus rei signum in eodem anno Cometa apparuit.

*Henr. R. Normaniam sibi devincit.*

*Ob. Imper. Rom. cui succed. filius.*

Hoc anno fuit magna Werra inter Imperatorem *Alemanniæ*, & filium suum, & infra Werram pater obiit, & filius imperium suscepit.

1107

MCVII.

*H. R. è Norman. reversus Curiam tenet Windesore.*

Anno septimo regis *Henrici*, rex fuit in *Normannia*, & cum deletis vel subjectis hostibus *Normanniam* pro libitu disposuisset, rediit in *Angliam*, fratremque suum Ducem magnificum, & Consulem *Moretū* carceralibus ingessit tenebris. Igitur victoriosus & tunc primum rex fortis tenuit Curiam suam ad Pascha apud *Windesores*; in qua proceres *Angliæ* simul & *Normanniæ* cum timore & tremore affuerunt. Antea namque & dum juvenis fuisset, & postquam rex fuerat, in maximo habebatur despectu: sed Deus qui longe aliter judicat quam filii hominum, qui exaltat humiles, & deprimit potentes *Robertum* omnium favore celeberrimum deposuit, & *Henrici* despecti famam per orbem terrarum clarescere voluit. Deditque gratis ei talia Deus Omnipotens munera, sapientiam, victoriam, divitias, quibus ad omnia prosperans, omnes suos Antecessores præcessit, cujus bonitatis & magnanimitatis fama in omnibus pene gentibus patuit dilata. Rex tenuit Curiam suam ad Pentecosten apud *Westmonasterium*, ibique dedit Episcopatus, & Abbatias, quæ erant absque

*Episcopatus vacui supplentur.*



absque pastore in *Anglia* sive in *Normannia*. Et tot ibi datæ sunt, quod nulus meminit unquam tot simul datas fuisse. Hoc factum est VII. anno regni sui, quadragesimo autem anno ex quo *Normannia* in *Angliam* conquirit. Multi aiunt se vidisse hoc anno plura signa in luna, & eam contra solitam crescere, & decrescere. Obiit *Mauricius* Inceptor Ecclesiæ *Londoniensis* Episcopus, & *Edgarus* rex *Scotiæ*, cui successit *Alexander* frater ejus consensu regis *Henrici*.

Henric. I. R.

Ob. Edgar.  
Scot. R. cui  
successit A-  
lexander.

## MCVIII.

1108

Anno Octavo *Henrici* regis, rex tenuit Curiam suam ad Natale ad *Westmonasterium*, & ad Pascha ad *Wintoniam*, & ad Pentecosten iterum apud *Westmonasterium*, & postea ante Augustum ivit in *Normanniam*. Hoc anno obiit *Philippus* rex *Francorum*, & *Ludovicus* filius suus regnum suscepit. Et fuerunt multæ *Werræ* inter regem *Franciæ*, & regem *Angliæ* dum in *Normannia* fuit. Obiit *Girardus* Archiepiscopus *Eboraci*, & *Thomas* successit.

H. R. in Nor-  
man. transit.Ob. R. Franc.  
quem excipit  
Ludovic.

## MCIX.

1109

Anno nono regis *Henrici*, rex fuit ad Natale & ad Pascha in *Normannia*, & ante Pentecosten venit in *Angliam*. Missi sunt ab *Henrico* Imperatore *Romano* mole corporis & cultus splendoribus excellentes, filiam regis *Anglorum* *Henrici* in Domini sui conjugium postulantes. Tenens igitur Curiam suam ad Pentecosten apud *Londoniam*, quam nunquam splendidior tenuerat, sacramenta depostulans ab Imperatoris recepit Legatis.

H. R. in An-  
gliam. red.  
Hen. Imp.  
Rom. in uxore  
postulat  
fil. Hen. R.

Obiit venerabilis memoriæ Dominus *Anselmus* Archiepiscopus *Cantuariensis* XI. Kal. Maii, feria quarta ante Coenam Domini. Ipso anno fuit ultimum Pascha, hoc est VII. Kal. Maii.

Ob. Ansel-  
mus.

In Parochia *Legiensi* porca enixa est porcellum habentem faciem hominis. Natus est pullus gallinæ quadrupes. Obiit *Hugo* Abbas *Cluniacensis*. Successit *Pontius*.

Porcus mon-  
struosus.

## MCX.

1110

Anno Decimo regis *Henrici*, idem rex tenuit Curiam suam ad Natale apud *Westmonasterium*, & apud Pascha ad *Werleberg*, & ad Pentecosten tenuit primam Curiam apud novam *Windeshores*. Hoc anno misit filiam suam *Henrico* Imperatori in *Alemanniam* cum multis divitiis, *Matildis* nomine, & ipse eam desponsavit, & in uxorem accepit. Et in quinta nocte mensis Maii apparuit luna clara in vespere, & postea coepit parum obscurari, ita quod ex toto ex illa nihil apparuit usque parum ante diem, & tunc iterum clara & plena fuit. Fuitque illo die decima quarta, & aer tota nocte clarus erat, & stellæ lucentes, & fructus arborum nocte illa gelu periere. Postea in mense Junii apparuit quædam stella in *Fordest*, & lumen ejus porrigebatur ante eam in *Sudwest*, & ita multis noctibus visa est, & postea in nocte sursum ascendebat, visa est ire recto in *Fordest*.

Imp. Rom. ux-  
orem ducit  
Matildam  
fil. H. R.  
Lunæ eclips-  
is.

Cometa.

Hoc anno exhereditati sunt *Philippus* de *Brausa* & *Willielmus* *Malet*, & *Willielmus* *Bainard*; & *Helias* Comes *Cenomanniæ* vita privatus est. Et post eum Consul *Andegavensis* *Fulco* pater *Gaufridi* suscepit *Cenomanniæ* cum filia illius, & tenuit eam contra regem. Hic annus valde carus fuit in *Anglia* pro magno geldo quod rex cepit, ad dandam filiam suam, & pro tempestatibus, quibus fructus terræ multum defecere, & fructus arborum pene omnes periere. Incepta est Ecclesia apud *Certesia* hoc anno.

Insolite tem-  
pestates.

## MCXI.

1111

Anno undecimo regis *Henrici*. Hoc anno non fuit coronatus, sed pergens in *Normanniam*, pro discordia quæ erat inter eum & *Marcenses Franciæ*, & plus pro *Fulcone* Consule *Andegavensi*, qui *Cenomanniæ* contra eum tenebat. Et postquam rex in *Normanniam* venit, uterque super alterum multa damna fecerunt occidendo, & comburendo.

H. R. in Nor-  
manniam ve-  
nit.  
Bellum cum  
Fulc. Conf.  
Andegav.

Obiit *Robertus* *Flandriæ*, qui *Ierosolomitano* clarissimus itinere fuerat reversus, unde memoria ejus non pertranseat in æternum; post quem *Baldwinus* filius ejus Consul effectus est, juvenis omnino strenuus in armis, Hoc anno

Ob. Rob.  
Flandr. huic  
succedit Bald.

T

fuit



*Henric. 1. R.  
Hiems grav.*

fuit longa hiems & gravissima, & per hoc fructus terræ multum defecere, fuitque major mortalitas animalium, quam aliquis meminit.

1112

M C X I I.

Anno duodecimo regis *Henrici*, rex fuit toto anno in *Normannia*, pro discordia quæ erat inter eum & Consulem *Andegavensem* causa *Cenomanniæ*, & interim exhæreditavit Consulem *Ebroicensem*, & *Willielmum Crispinum*, & eos à *Normannia* fugavit, & reddit *Philippo de Breves* terram suam, quam prius illi abstulerat. Et *Robertum de Belesme* cepit, & misit in carcerem. Hic annus fuit bonus & fertilis & fructibus arborum & nemorum, sed multum gravis & dolorosus pro mortalitate hominum.

*Rob. de Belesm. capt.*

1113

*R. de Belesm.  
in cast. Warham missus.*

Anno decimo tertio regis *Henrici*, rex fuit in *Normannia*, & in æstate misit *Robertum de Belesme* in *Angliam*, ad Castellum de *Warham*, in carcerem perennem.

M C X I I I.

1114

*Pax inter H.  
R. & Wallenses.*

Anno decimo quarto regis *Henrici*, rex tenuit Curiam suam ad Natale apud *Windesthore*s, & non tenuit amplius Curiam suam anno illo, & ad festum Sancti *Johannis* ivit in *Wali*am, & *Walenses* cum rege pacem fecerunt. Rex vero jussit facere ibi Castella, & postea in Septembri ivit in *Normanniam*. Visa est quædam stella in fine Maii insolita, lumine cum longo multis noctibus lucens. Hoc anno mare retraxit quantum nullus meminit illud antea retraxisse, ita quod homines ibant, & equitabant ultra *Temese* ex orientali parte pontis *Londoniæ*. Anno isto fuerunt magni venti in mense Octobris, & in octavas Sancti *Martini* fuit mirabilis ventus, qui apparuit ubique in montibus & silvis. Eodem anno rex dedit Archiepiscopatum *Cantuariæ* *Radulfo* Episcopo *Roucestriæ*, & *Thomas* Archiepiscopus *Eboracensis* obiit, cui successit *Turstanus*; fuerat Capellanus regis.

M C X I V.

*Cometa.*

*Radulph. in  
Archiep. Cantuar. elect. &  
Turstan. in  
Eborac.*

*Abbatia Eliensis in sedem  
Episcopalem constituta.*

Mortuo *Richardo* filio *Richardi* Comitissæ filii *Gilleberti*, Monacho *Beccensi*, qui fuit ultimus Abbas in insula *Heli*, *Henricus* rex constituit ibi primum Episcopum *Herveum*; & Comitatus unus, scilicet *Cantabrigescire*, subtractus *Lincolniæ* Episcopo, subditus est huic novo Episcopo. *Lincolniensi* Episcopo remanserunt octo Comitatus, sive Provinciæ, *Lincolniæ*, *Legrecestriæ*, *Northampton*, *Hertford*, *Bedesfort*, *Bucchingeam*, *Oxenford*, *Hundendune*.

1115

*Barones Norman. fidelitatem jurant  
Will. fil. Regis.*

*Paschal. P. mittit pallium Radulph. Arch. Cant.*

Anno decimo quinto regis *Henrici*, rex fuit in *Normannia*, & dum ibi foret fecit omnes Barones illius patriæ jurare fidelitatem *Willielmo* filio suo, & postea venit in *Angliam*. Hoc anno gravissima hiems gelu & nivibus; ita quod nemo, qui tunc vivebat, meminit ita grave fuisse; & per hoc fuit maxima mortalitas animalium. Anno illo misit Papa *Paschalis* Archiepiscopo *Cantuariæ* pallium suum per *Anselmum* Abbatem *Romæ*, qui fuit nepos *Anselmi* Archiepiscopi, & *Radulfus* Archiepiscopus eum honorifice suscepit.

M C X V.

1116

*Eccles. S. Albani dedicat.*

*Francia & Normann. de prædationibus vexatæ.*

Anno decimo sexto regis *Henrici*, rex ad Natale interfuit dedicationi Ecclesiæ Sancti *Albani*, quam dedicavit *Robertus* venerabilis Episcopus *Lincolniensis* per *Richardum* memorabilem ejusdem loci Abbatem. Hoc anno fuit longa hiems, & gravis animalibus, & cæteris rebus. Et post Pascha venit rex in *Normanniam*, & fuerunt sæpe prædationes, & etiam Castella capta inter *Franciam* & *Normanniam*; fuitque ista discordia ideo quia rex *Henricus* fuit in auxilium *Theobaldo* Consuli *Blesensi*, qui tunc habebat Werram contra Dominum suum regem *Franciæ*. Iste annus fuit valde gravis, & defecerunt fruges pro magnis pluviis quæ fuerunt. Fuitque terra ista valde oppressa geldis, quos rex cepit in Burgis & extra.

M C X V I.

1117

*Franci & Flandren. sine pugna à Norm. reced.*

Anno decimo septimo regis *Henrici*. Toto anno illo rex fuit in *Normannia* pro discordia regis *Francorum*, & aliorum vicinorum suorum. Et in æstate venerunt rex *Francorum* & Consul *Flandrensis* cum exercitu in *Normanniam*, &

M C X V I I.

una



una nocte in ea fuerunt, in crastino absque pugna recefferunt. Et *Normannia* Henric. I. R. multis geldis oppressa est, & *Anglia* similiter. Anno illo fuerunt magnæ tempestates, & tonitrua, & pluvix, & grandines in nocte Kal. Decembris: & in nocte xvii. Kal. Januarii apparuit Cælum rubicundum tanquam arderet. Cælum sanguineum. Ad octavas Sancti *Johannis* Evangelistæ fuit magnus terræmotus in *Longobardia*, quo ceciderunt eodem & turre, & domus; & magnum damnum horum Terræmotus in Italia. fecit. Hoc anno defecerunt segetes multum, pro pluviis quæ alio anno nunquam cessaverunt, Segetum defectus. Obiit *Ivo Carnotensis* Episcopus.

## MCXVIII.

III 8

Anno decimo octavo regis *Henrici*. Rex fuit toto hoc anno in *Normannia* pro Werra regis *Franciæ*, & Consul *Andegavensis*, & Consul *Flandriæ* *Baldwini*, & per istam discordiam amisit rex *Henricus* multum pecuniæ terræ suæ, & homines sui illi magis nocebant; qui ab illo recedentes, & inimicis ejus se jungentes in Castellis suis illos recipiebant, ad damnum & infidelitatem regis. Milites ab H. Rege deficient. Hæc omnia luebat *Anglia* per multos geldos, qui nunquam illis annis cessabant. Tunc venit Consul *Flandriæ* in *Normanniam*, & ibi graviter vulneratus Consul Flandriæ vulnerat. ad sua recessit.

Obiit secunda *Matildis Anglorum* regina venerabilis uxor *Henrici* regis, & Ob. Matild. Reg. mater imperatricis; de cujus bonitate largiflua, & morum probitate multimoda dicere per singula si volumus, dies deficiet. Inter alia tamen bona multæ in *Anglia* & *Normannia* Ecclesiæ, & in aliis etiam provinciis, adhuc suis splendent beneficiis. Sepulta est apud *Westmonasterium* Kal. Maii. Westmonast. sepult. Obiit *Robertus* Comes de *Medlent* vir sapientissimus. Successit *Walerannus* filius ejus, & *Robertus* filius ejus factus est Comes *Legreestrie*. Obiit Papa *Gelasius* Pap. Pascalis. Successit *Gelasius*. Obiit *Baldwinus* rex *Jerusalem*. Hoc anno in Baldwin. R. Jeru. ob. festo Sancti *Thomæ* fuit tantus ventus, quod nemo tunc vivens majorem meminuit.

## MCXIX.

III 9

Anno decimo nono regis *Henrici*. Rex fuit toto hoc anno in *Normannia* pro Werra regis *Francorum*, & hominum suorum, qui per prodicionem ab eo recefferant, & multa damna illi faciebant: & in æstate duo reges simul venerunt cum exercitu in *Normanniam*. Ibique rex *Francorum* fugatus est, & meliores H. R. fugat Regem Franc. Barones sui capti sunt. Tunc homines regis *Henrici*, qui prius Castella sua contra eum tenebant, cum eo concordati sunt, & ipse quidem Castella eorum incepit. Hoc anno *Willielmus* filius regis *Henrici* & *Matildis* reginæ ivit in *Normanniam* ad patrem suum, & ibi desponsavit filiam Consul *Andegavensis*. Will. fil. H. R. uxorem ducit filiam Consul Andegavensis. Ad festum Sancti *Michaelis* fuit in *Anglia* magnus terræmotus in quibusdam locis, & maxime in provincia *Gloucestræ* & *Wigornie*. Obiit Papa *Gelasius* Terræmotus in Anglia. ex hac parte montium, & sepultus est apud *Cluniacum* & *Wido Viennensis* Archiepiscopus electus est in Papam, & vocatus *Calixtus*. Ipse autem ad festum Sancti *Lucæ* Evangelistæ venit in *Franciam*, & tenuit concilium suum *Remis*; Gelas. P. ob. Calix. Pap. Concilium Remis. & *Turstanus* Archiepiscopus *Eboracensis* illuc venit: & quia ipse contra rectum, & contra voluntatem Archiepiscopi *Cantuariensis*, & contra voluntatem regis *Henrici* ordinationem suam à Papa recepit, ideo rex prohibuit illi reditum in *Angliam*. Ipse autem abiit cum Papa erga *Romam*. Obiit *Baldwinus* Turstanus Anglia interdicitur. Baldwin. C. Fland. ob. Consul *Flandriæ* pro vulnere quod in *Normannia* recepit. Cui successit *Carolus* cognatus suus filius *Cnut* sancti regis *Danorum*.

## MCXX.

III 20

Anno xx. regis *Henrici*, concordati sunt rex *Francorum* & rex *Anglorum*. Pax inter H. R. & Reg. Franc. Et illis concordatis, omnes homines regis *Henrici* cum eo concordati sunt, & Consul *Flandriæ*, & Consul *Pontie*. Postea rex locavit *Normanniam*, & Castella sua ad voluntatem suam, & cum gaudio venit in *Angliam*. In illo itinere naufragati sunt duo filii regis *Henrici*, *Willielmus* & *Richardus*, & filia, & neptis, H. R. duo filii cum filia naufragis pereunt. & *Richardus* Consul *Cestriæ*, & *Osuel* frater suus, & multi de Curia regis, *Dapiferi*, *Camerarii*, *Pincernæ*, & alii ministri, & populus innumerabilis, in die Sanctæ *Katharinæ* Virginis. Mors ista dupliciter fuit dolorosa amicis



*Henric. I. R.* eorum, & quia ita subito perierunt, & quia corpora paucorum reperirentur.

*Sic mare dum superans tabulata per ultima serpit  
Mergit rege fatos; occidit orbis honos.*

Hoc anno venit ignis divinus bis ad sepulcrum Domini, primum in vigilia Paschæ, & post in assumptione Sanctæ Mariæ, sicut credibiles homines dixerunt, qui inde venerunt. Et *Turstanus* Archiepiscopus *Eboracensis* cum rege concordatus est, & venit in *Angliam*, & suscepit Archiepiscopatum suum, licet Archiepiscopo *Cantuariensi* multum displiceret.

*Turstanus in  
Angli. venit.*

1121

MCXXI.

Anno vigesimo primo regis *Henrici*. Rex ad Natale fuit apud *Brantune* cum *Teobaldo* Consule *Blesensi* nepote suo, & post ad festum Candelarum apud *Windschores* desponsavit *Elizam* filiam Ducis *Luvaniæ*, & in uxorem accepit causa prolis & pulchritudinis. Tum autem rex ad Pascha fuit *Bercheleia*, & ad Pentecosten fuit coronatus cum nova regina apud *Westmonasterium*. In æstate vero ivit in *Walliam*, & *Walenses* contra eum venerunt, & ad voluntatem illius cum eo concordati sunt. Hoc anno venit Consul *Andegavensis* ab *Jerusalem* in terram suam, & misit in *Angliam* propter filiam suam, quæ data fuerat *Willielmo* filio regis in uxorem. Et in vigilia Nativitatis Domini fuit magnus ventus per totam *Angliam*, quod in multis rebus apparuit.

*H. R. uxorem  
ducit filiam  
D. Lovaniæ.*

*Concordia  
cum Wallensibus  
facta.*

1122

MCXXII.

Anno vigesimo secundo regis *Henrici*. Rex fuit ad natale apud *Þordwic*, & ad Pascha apud *Þorhamtun*, & ad Pentecosten apud *Windschores* duobus diebus, & inde fuit apud *Westmonasterium*, & fuit ibi tota hebdomade illa, & post ivit ad *Cantuariam*, & per totam *Cent*. Et ibi expectabat filiam suam Reginam *Alemania*, quia mandaverat illi se velle venire in *Angliam*: sed disturbata fuit, quod venire non potuit (sicut homines aiebant) per Consulem *Flandriæ*, qui prohibuit illi transitum per terram suam. Eodem anno obiit *Radulphus* Archiepiscopus *Cantuariæ*. Et *Johannes* Episcopus *Batoniensis*. Et rex ivit *Þordhumberland*.

*H. R. Cantu-  
ariam adit.*

*Archiep. Cant.  
ob.*

1123

MCXXIII.

Anno vigesimo tertio regis *Henrici*. Rex fuit ad natale apud *Dunstaple*, & inde ivit ad *Berchamested*: & in via illa cecidit *Ranulphus* Cancellarius ejus de equo suo, & Monachus quidam equitavit super eum, unde ipse valde læsus est, & non post multos dies obiit. Inde ivit rex ad *Windschothe* ad locum insignem, ubi cohabitationem hominum & ferarum fecerat. Ibique obiit *Lincolniensis* Episcopus. Et post ad festum Candelarum rex dedit Archiepiscopatum *Willielmo* de *Curbuil*, qui fuit Prior Canonorum apud *Chchester*: & ad Pascha apud *Wintoniam* dedit Episcopatum *Lincolniæ* *Alexandro* nepoti *Rogeri* Episcopi *Salesbiri*, & Episcopatum *Batonie* *Godefrido* Cancellario reginæ. Atque circa Pentecosten mare transiit. Et anno illo recessit ab eo Comes de *Medlent*, & fecit ei *Werram*. Rex autem cepit super eum quoddam Castellum quod vocatur *Þundaldemer*.

*Ranulp. Can-  
cell. ob.*

*Will. de Cor-  
buil. Archiep.  
Cant.*

*C. de Medlent  
à Rege des-  
cit.*

1124

MCXXIV.

Anno vigesimo quarto regis *Henrici*. Rex *Henricus* fuit toto illo anno in *Normannia*; & in quadagesima *Willielmus* de *Tancervilla* Camerarius regis, congregatis multis militibus, insidiatus est Comiti de *Medlent*, & cepit eum, & cum eo multos ex hominibus suis, & *Hugonem* de *Þuntfort*, & sororium ejus, & *Hugonem* filium *Gervasi*, & tradidit eos regi. Rex autem misit eos in carcerem. Obiit *Calixtus* Papa. Successit *Honorius*: & *Tiulfus* Episcopus *Wigornensis*, & *Ernulfus* Episcopus *Roucestriæ* obierunt.

*Com. de Med-  
lent capt.*

*Calixt. P. ob.  
Honorius Pa-  
pa.*

1125

MCXXV.

Anno vigesimo quinto regis *Henrici*. Toto anno fuit in *Normannia*; & ibi dedit Episcopatum *Wigornie* *Simoni* Cancellario reginæ, quem ipsa adduxerat secum



secum à *Luwainia*; & *Sufrido Polokini* Abbati *Glastonia* dedit Episcopatum *Ci-* Hen. ic. 1. R.  
*cestriae*. Et *Willielmus* Archiepiscopus dedit Episcopatum *Roucestriae* *Johanni*  
 nepoti *Radulphi* Archiepiscopi. Eodem anno ad Pascha venit *Johannes Cremen-* Jo. Cremenfis  
*sis* Cardinalis in *Angliam*, & ivit perendinando per Episcopatus, & Abbacias Legatus in  
 istius terræ. Et ad Nativitatem Sanctæ Mariæ tenuit Concilium apud Angl. venit.  
*Westmonasterium*; & postea ivit in *Normanniam*. Eodem anno iverunt *Romam*  
*Willielmus* Archiepiscopus *Cantuariensis*, & *Turstanus Eboracensis*, & *Alexander*  
*Lincolniensis*, & *Johannes Glesgoensis*, & Abbas Sancti *Albani*, & Abbas *Scirbur-*  
*nenfis*. Obiit *Henricus* Imperator, qui duxerat *Matildem* filiam regis *Henrici* Henr. Imper.  
*Anglorum*. ob.

Operæpræmium est audire quam severus rex *Anglorum Henricus* fuit in pra- Gravius in  
 vos; Monetarios enim fere omnes totius *Angliæ* fecit ementulari, & manus Monetarios a-  
 dextras fabricantes nequitiam abscindi, quia Monetam furtive corruperant. nimadversum  
 est.  
 Ille est annus carissimus omnium, in quo vendebatur onus frumentarium e-  
 qui vi. solidis.

## MCXXVI.

1126

Anno vigesimo sexto regis *Henrici*. Rex fuit ad Natale, & ad Pascha, &  
 ad Pentecosten in *Normannia*; & facta pace cum rege *Francorum* venit in An- H. R. in An-  
*gliam* circa festum Sancti *Michaelis*. Adduxit siquidem secum filiam suam *gliam* redit.  
*Matildem* Imperatricem, tanto viro, ut prædictum est, viduatam. Quam cum  
 vellent in patria illa animo libenti retinere *Domnam*, noluit. Obiit *Robe-*  
*tus Cestrensis* Episcopus.

## MCXXVII.

1127

Anno vigesimo septimo regis *Henrici*. Rex tenuit Curiam suam ad Natale  
 apud *Windeſſores*, & inde venit *Londoniam*. Et in Quadragesima, & ad  
 Pascha fuit rex apud *Wodeſtroke*, & ad Rogationes rex tenuit Consilium  
 suum apud *Londoniam*. Et *Willielmus* Archiepiscopus *Cantuariensis* tenuit  
 Concilium apud *Westmonasterium*, & post Pentecosten rex misit filiam suam  
 Imperatricem in *Normanniam*, & cum ea *Robertum* filium suum, & *Brun* fili- Imperatrix  
 um Comitis. Ibique desponsata est *Gaufrido* filio Consulis *Andegavensis*. De desponsata est  
 eadem *Gaufridus* tres filios genuit, *Henricum*, *Gaufridum*, *Wilhelmum*. In Augu- Gualfrido fil.  
 ſto venit rex post filiam suam in *Normanniam*. *Richardus* Episcopus *Londoni-* C. Andegav.  
*ensis* obierat, cujus Episcopatum rex dedit magistro *Gilleberto* universali, viro  
 doctissimo, qui regebat scholas apud *Novernis*. *Carolus* Comes *Flandrensis* Carol. Com.  
 occisus est in templo quodam ab hominibus suis apud *Brigh*. *Ludovicus* au- Flandr. occi-  
 tem rex *Francorum* dedit *Flandriam* *Willielmo* filio Comiti *Normannie*, & etiam sus, huic suc-  
 multa *Castella* in *Francia*, quia ipse ceperat in uxorem sororem reginæ *Fran-* ced. Will. fil.  
*ciae*; *Willielmus* factus Consul destruxit omnes proditores *Caroli* Consulis. Com. Norman.

## MCXXVIII.

1128.

Anno vigesimo octavo regis *Henrici*. Rex sapientissimus *Henricus* ad Na- H. R. exerci-  
 tale, & ad Pascha, & ad Pentecosten moratus in *Normannia* perrexit hostiliter tum ducit in  
 in *Franciam*, quia rex *Francorum* tuebatur nepotem suum & hostem. Perendi- Franciam.  
 nans apud *Esparlum* octo diebus tam secure ac si in regno esset, compulit re-  
 gem *Ludovicum* auxilia Comiti *Flandrensi* non ferre. His igitur peractis re-  
 versus est *Henricus* rex in *Normanniam*. Advenit autem à partibus *Alemannie*  
 quidam Dux *Theodoricus*, *Flandriam* calumnians, quosdam Proceres *Flandriæ*,  
 secum habens, & hoc suafu regis *Henrici*. *Willielmus* autem Comes *Flandriæ* Pugna inter  
 aciebus ordinatis obviam ei venit. Pugnatum est igitur acriter, *Willielmus* Will. C. Fland.  
 quidem Consul numerum suorum, cum pauci essent, solus supplebat probita- & Theodor.  
 te inæstimabili. Cruentatus igitur hostili sanguine hostium cuneos ense Will. Com.  
 fulmineo findebat. Juvenili tunc brachii robore hostes sunt territi, & fugæ Flandr. levi-  
 dediti. Victoriosus igitur Consul, dum hostile Castrum infideret, Deo ter vulnerat.  
 volente, parvo vulnere fauciatus in manu, proh dolor! interiit. Nobilissi- ob.  
 mus autem juvenum ætate brevi famam promeruit æternam, unde



Henric. 1. R.

*Unicus ille ruit, cujus non terga sagittam,  
Cujus nosse pedes non potuere fugam.  
Nil nisi fulmen erat, quotiens res ipsa monebat,  
Et si non fulmen, fulminis instar erat.*

*Theodor. con- sul Flandriæ.* *Theodericus* namque, auxilio regis *Henrici Anglorum*, Consul *Flandriæ* factus est. Anno isto venit in *Angliam* *Hugo de Pagans* magister militum templi *Jerusalem*, cum duobus militibus & duobus Clericis, & ivit per totam terram istam, & usque in *Scotiam* summonendo viam *Jerusalem*, & multi ceperunt Cruces, qui eodem anno & sequenti *Jerusalem* petierunt. Inter quos *Fulco* Consul *Andegavensis* rex futurus perrexerat.

*Expedi- tio in Jerusalem.* Hoc anno fundata est Abbatia de *Waverleia* à Domino *Willielmo Giffard* Episcopo *Wintoniensi* VIII. Kal. Decembris. Et ipse Episcopus *Willielmus* eodem anno obiit, & *Henricus Blesensis* successit frater regis *Stephani*, Abbas apud *Glastoniam*. Et *Johannes*, primus Abbas *Waverley* qui venit cum conventu, hoc anno mortuus est. Successit *Gillebertus* Abbas II. Obiit *Ranulfus Dunelmensis* Episcopus.

1129

MCXXIX.

*H. R. in Angliam red. Concilium Londini de sacerdotum conjugis inhibendis.*

Anno vigesimo nono regis *Henrici*. Rex *Anglorum* *Henricus* in omni pene bono fortunatus, pacificatis omnibus, qui in *Francia*, in *Flandria*, in *Normannia*, *Britannia*, *Cenomania*, *Andegavia* erant, cum gaudio post Pascha in *Angliam* rediit. Tenuit magnum Concilium in Kal. Augusti apud *Londoniam* de uxoribus sacerdotum prohibendis. Intererant siquidem concilio illi *Willielmus Cantuariensis* Archiepiscopus, & *Turstanus Eboracensis*, & omnes Episcopi *Angliæ*, præter quatuor, qui præterito anno obierant, viz. *Wintoniensis*, *Dunelmensis*, *Cestrensis*, *Herefordensis*.

*Christiani à paganis devicti.*

Illis quos *Hugo de Pagans* magister militum templi, de quo supra dictum est, secum adduxerat ad *Jerusalem*, male contigit; Deum siquidem offenderant sanctæ telluris incolæ variis sceleribus. In vigilia Sancti *Nicholai* autem à paucis paganorum multi *Christianorum* devicti sunt, cum antea soleret è contrario contingere. *Ludovicus* rex *Francorum* eodem anno fecit fullimari filium suum *Philippum* in regem.

1130

MCXXX.

*H. R. in Norman. transf.*

Anno trigesimo regis *Henrici*, fuit rex ad Natale apud *Wirecestriam*, & ad Pascha apud *Wodestoke*. Ubi fuit accusatus *Gaufridus de Clintun*, & infamatus de prodicione regis falso. Ad Rogationes apud *Cantuariam* ad dedicationem novæ Ecclesiæ. Ad Pentecosten fuit apud *Arundel*. Mense Septembri transiit in *Normanniam*, & ad Nativitatem Sanctæ Mariæ fuit *Becci*; & adduxit secum *Hugonem* noviter electum *Rotomagensem* Archiepiscopum, qui fuit Abbas *Radingis*. Qui etiam sacratu est in festo exaltationis Sanctæ Crucis, die Dominica, Archiepiscopus *Rotomagensis*; quem consecravit *Richardus* Episcopus *Baiocensis* cum Episcopis suis in Ecclesia Sancti *Audoeni*.

*Honor. P. ob. Innocent. suc.*

Obiit *Honorius* Papa. Cui successit *Innocentius*, & pecunia de presbyteris data est.

1131

MCXXXI.

*H. R. cum filia in Angl. red.*

Anno trigesimo primo regis *Henrici*. Rex in ætate venit in *Angliam* secum adducens filiam suam. Fuit igitur ad Nativitatem Sanctæ Mariæ placitum magnum apud *Norhamtun*, in quo, congregatis omnibus principibus *Angliæ*, deliberatum est quod filia sua redderetur marito suo, scilicet Consuli *Andegavensi* eam requirenti. Misit etiam mille Marcas argenti Papæ *Innocentio*, cui favebat. Receperat enim eum apud *Carnotum*, *Anacleto* subijci recusans. Hos enim utrosque *Romani* elegerunt. Expulsus vero ab urbe *Innocentius*, vi *Anacleti*, qui *Petrus Leonis* vocabatur, auxilio regis *Henrici* receptus est per totas *Gallias*. Missa autem post hoc filia regis viro suo recepta est fastu tanta viragine digno. Obiit *Reginaldus* Abbas *Ramesensis* novæ auctor Ecclesiæ. Obiit *Herveus* primus Episcopus *Eliensis*.

MCXXXII.



## MCXXXII.

Anno trigesimo secundo regis *Henrici*. Rex fuit ad Natale apud *Dunestaple*, & ad Pascha apud *Wudestok*. Post Pascha fuit magnum placitum apud *Londoniam*. Ubi de pluribus, & maxime de discordia Episcopi Sancti *Davidis*, & Episcopi de *Landaf*, de finibus Parochiarum suarum tractatum est. Obiit *Baldwinus* rex *Ierosolimitanus*, & successit *Fulco* Comes *Andegavis*, qui duxerat filiam prædicti *Baldwini*: & Abbatia de Fontibus fundata est.

Henric. I. R.

1132

*Ep. inter Ep.*  
*S. David &*  
*Landav.*

*C. Andegav.*  
*R. Hieros.*

## MCXXXIII.

Anno trigesimo tertio regis *Henrici*. Rex fuit ad Natale apud *Wudestaple* infirmus. Ad caput jejunii fuit conventus Episcoporum apud *Londoniam*, super Episcopos Sancti *Davidis* & *Clamorgensis*, & pro discordia Archiepiscopi & *Lincolniensis* Episcopi. Ad Pascha fuit rex apud *Orenfort* in nova Aula. Ad Rogationes fuit iterum conventus apud *Wintoniam*, super rebus prædictis. Ad Pentecosten dedit rex Episcopatum *Hely Nigello*, & Episcopatum *Dunelmensem* *Gaufrido* Cancellario, *Herefordensem* Episcopatum vero *Roberto* de *Bedona* *Flandrensi* viro religioso, *Cestrensem* vero *Rogero* Archidiacono *Lincolniensi* nepoti *Gaufridi* de *Clintun*. Decessor ejus fuerat *Robertus* cognomento *Beccum*, Prædecessor *Robertus* *Normannus* de *Limisia*. Hic secularibus intentus magis quam divinis à rege *Henrico* *Coventrense* *Coenobium* obtinuit ibique capitalem cathedram *Merciorum* constituit. Habet itaque ille Episcopatus tres sedes *Lichesfeldensem*, *Cestrensem*, *Coventrensem*. Fecit rex *Henricus* novum Episcopatum apud *Harduill*, in finibus *Angliæ*, & *Scotiæ*; & posuit ibi Episcopum *Adulfum*, priorem *Canonicorum Regularium* Sancti *Oswaldi*, cui solitus erat confiteri peccata sua. Hic autem *Canonicos Regulares* posuit in Ecclesia sedis suæ. Passus est sol Eclipsin quarto Nonas Augusti. Eodem die rex *Henricus* ivit in *Normanniam*, sed non rediturus, multis hoc, propter signum quod acciderat, mussitantibus. Natus est *Henricus* Primogenitus *Gaufridi* filius Comitis *Andegavis*, & *Matildis* Imperatricis. *Geroldonia* fundata est à *Roberto* Comite *Legrecestrie* v. Kal. Novembris.

1133

*Conventus Episcop.*  
*Lon-*  
*dini.*

*Carleolum*  
*fit sedes Episcopalis.*

*H. R. in Nor-*  
*man. transf.*

## MCXXXIV.

Anno trigesimo quarto regis *Henrici*. Rex moratus est in *Normannia*, præ gaudio Nepotum suorum *Henrici* & *Gaufridi*. Hoc anno natus est iste *Gaufridus* filius Comitis *Andegavis* & Imperatricis. Obiit *Robertus* *Curta Hose* Dux *Normannorum* filius *Willielmi* regis, qui *Angliam* sibi subdidit, Primogenitus; & sepultus est *Gloucestræ*. Obiit *Gillebertus* universalis Episcopus *Londoniensis* & *Landavensis* in via *Romam*, pro causa tam diu agitata. *Willielmus* Archiepiscopus *Cantuariensis*, & *Alexander* Episcopus *Lincolniæ* transfretaverunt in *Normanniam* ad regem, pro discordia quæ inter eos erat.

1134

*Robertus D.*  
*Norman. ob.*

## MCXXXV.

Hic annus est ultimus Regis *Henrici* Senioris. Rex *Henricus* toto anno moratus est in *Normannia*, & sæpe proposuerat venire in *Angliam*, sed detinuit eum filia sua per seditiones, quæ oriebantur inter eam & Dominum suum. Quibus seditionibus rex in iram excitatus est, quæ à nonnullis causa necis ejus dictæ sunt. Interea mortuus est rex *Henricus* magnus in *Normannia*, cum regnasset triginta & quinque annis, & quatuor mensibus, prima die Decembris.

1135

*Henr. R. ob.*

Quod medici præstent, quod opes magnum nihil extent,  
Rex probat *Henricus*, Rex vivens pacis amicus  
Extiterat siquidem præ cunctis ditior idem,  
Occiduae genti quos prætulit ordo regendi.  
Quippe pater populi, rex, & tutela pupilli,  
Dum prius ipse ruit, furit impius, opprimit, urit.  
Anglia luceat hinc, *Normannia* gens fleat illinc,  
Occidis *Henrice* tunc pax, nunc luctus utrique.  
Quo dum dura febris prima sub nocte Decembris.  
Mundum nudavit, multa mala multiplicavit.

Sensu,



Stephan. R.

*Sensu, divitiis, aditu, feritate decenti,  
Mire plus dictu vim perpeffis scelerosis  
Excellens, locuples, haut difficilis, reverendus,  
Hic jacet Henricus, rex quondam, Pax, decus Orbis.*

Henrici pia  
opera.

Fundavit in *Anglia* Monasterium *Radingis*, ubi pausat ipse, & Monasterium Canonicorum Regularium apud *Cirecester*, Monasterium de *Prato* apud *Rotomagium*, Monasterium de mortuo-mari; fecit & alia multa pietatis opera.

Stephanus  
Angliæ reg-  
num occupat.

Siquidem *Stephanus Comes Boloniæ* audita morte avunculi sui transfretavit citissime in *Angliam*, vir magnæ strenuitatis & audaciæ, & quamvis promississet Sacramentum fidelitatis *Anglici* regni filiæ Regis *Henrici*, fretus tamen vigore & impudentia, Regni Diadema audacia sua invasit. *Willielmus Archiepiscopus Cantuariæ*, qui primus sacramentum filiæ regis fecerat, eum in regem benedixit in die *Sancti Thomæ*, Aprilis ix. & post annum vixit. *Rogerus magnus Episcopus Salesbiriensis*, qui secundus hoc fecerat, & omnibus aliis prædicaverat Diadema ei, & vires auxilii sui tribuit. Unde postea iusto Dei iudicio ab eodem, quem creavit in regem, captus & excruciat, miserandum sortitus est exterminium. Sed quid morer; omnes qui sacramentum juraverant, tam præfules quam Consules ad quid inde venerint perspicuum est.

1136

MCXXXVI.

Henr. R. Ra-  
dingis Sepult.

Anno primo regis *Stephani*. Rex *Stephanus* tenuit Curiam suam ad Natale apud *Westmonasterium*, & infra XII. dies sepelivit regem *Henricum* avunculum suum apud *Radingis*, quod à fundamentis idem rex ædificaverat, & ornamentis, & possessionibus ditaverat. Rex *Stephanus* duxit exercitum magnum in *Scotiam*, & rex *David* pacificatus est cum eo. Homagium tamen non fecerat ei, quia primus Laicorum Sacramentum fecerat Imperatrici. Sed filius ejus *Henricus* Homagium fecerat regi *Stephano*. Ad Pascha tenuit Curiam suam apud *Westmonasterium* splendide cum summo honore. Deinde ad Rogationes divulgatum est per *Angliam* regem fuisse mortuum. Quod audiens

Pax inter  
Steph. & Da-  
vid. R. Scot.

Fama de  
Steph. R. mor-  
te.

Steph. R. Ex-  
cestriam ex-  
pugnat &  
Vectim Inf.  
vincit.

*Hugo Bigot* intravit in Castellum *Normicensem*, & cum armis & equitibus bene munivit. Quapropter rex illuc ivit, & redditum est illi Castellum, & ad Pentecosten moratus est in Provincia illa. Inde perrexit & obsedit *Excestriam*, audierat enim *Baldwinum de Hivers* insurrexisse adversus illum, & cepisse Castellum de *Excestria*, & ibi moratus est, quoadusque Castellum redditum sibi fuit. Inde profectus fuit ad Insulam de *Wicht*, quam similiter tenuit adversus eum prædictus *Baldwinus*, & eam sibi subjugavit, & *Baldwinum* de *Anglia* exulavit. Ad festum *Sancti Michaelis* venit ad *Bramtun*, & ibi tenuit Placitum de Forestis, quos ipse novus rex primitus concesserat Baronibus suis. In vigilia Epiphaniæ factus est ventus maximus. Obiit *Willielmus Archiepiscopus Cantuariensis*, & cessavit Archiepiscopatus per aliquantum tempus.

*Forda* fundata est quinto Nonas Maii.

1137

MCXXXVII.

Steph. R. Con-  
ciliat. R.  
Fran. Com.  
Andegav. &  
fr. Theobald.

Anno secundo regis *Stephani*. Rex tenuit Curiam suam apud *Dunestable*, & postea in quadragesima transfretavit, & cum eo *Alexander Episcopus Lincolniae*, & multi Barones de *Anglia*, & venerunt in *Normanniam*, & ibi reconciliatus est regi *Franciæ*; per hoc filius suus effectus est homo regis *Franciæ*. Subsequenter reconciliatus est Consuli *Andegavensi*, qui habebat in uxorem filiam regis *Henrici*, quæ fuit Imperatrix *Alemanniæ*, acceptis inter eos induciis propter pecuniam. Inde obsedit *Gransilvam*: locutus est etiam apud *Ebroicas* cum fratre suo Comite *Theobaldo*, & pepigit ei duobus Millibus Marcis argenti annuatim, quia Comes *Theobaldus* indigne ferebat quod idem *Stephanus*, qui junior erat, acceperat Coronam *Angliæ*, quæ sibi ut dicebat debebatur. His ita gestis rex rediit in *Angliam*.

Ob. Rex Fran.

Hoc anno Obiit *Lodovicus senior rex Francorum*, & successit filius ejus *Lodovicus*, qui accepit filiam ducis *Aquitanorum* *Alienor* nomine, ex qua genuit filias duas. Isto anno fuit siccitas magna.

MCXXXVIII.



Anno tertio regis *Stephani*. Rex obsedit *Bedford* tempore Natalis Domini, donec reddita est ei. Interea *Scotorum* rex *David*, quia Sacramentum fecerat filiae regis *Henrici* quasi sub velamento sanctitatis, per suos nefandam fecit Werram, occidendo mulieres, & pueros, & Presbyteros supra altaria truncabat, & alia multa mala. Quaecunque *Scoti* attingebant, omnia erant plena horroris, aderat clamor mulierum, ejulatus senum, morientium gemitus, viventium desperatio. Rex igitur *Stephanus* insurgens combussit & destruxit, Australes partes regni *Davidis*, ipso quidem non audente cum eo congregari. Post Pascha vero *Talebot* tenuit contra regem Castellum *Herefordiae* in *Wales*, proinde rex obsedit Castellum donec redditum est ei. At vero *Robertus* Consul filius regis *Henrici* Werram promovit in regem ad festum Sancti *Johannis*, in Castello suo apud *Bristou*, & apud *Slede*. Consortes quidem non affuerant. *Walchelvius* tenuit *Doveram* contra regem, & *Willielmus Bibel* tenuit Castellum de *Carri*, *Gervasius Baganel* tenuit Castellum de *Ludelabe*. *Willielmus* de *Moitun* Castellum de *Dunestore*, *Robertus* *Lincolniae* Castellum de *Warham*, *Eustachius* filius *Johannis Meltun*, *Willielmus* filius *Alani Slopesbiri*, quod rex cepit armis, captorumque nonnullos suspendit. *Walchelmus Hanniot* de *Dobere* hoc audiens reddidit Castellum reginae se obsidenti. Occupato rege circa partes Australes *Angliae*, *David* rex *Scotorum* innumerabilem exercitum promovit in *Angliam*. Contra quem Proceres Borealis *Angliae* ammonitione & jussu *Turstan* Archiepiscopi *Eboracensis* restiterunt viriliter fixo *Standart*, id est, Regio insigni apud *Alvertune*. Ibi XII. Millia *Scotorum* fama refert occisa extra eos qui in segetibus & silvis inventi sunt perempti. Caeteri vero nimio sanguine fuso feliciter triumphaverunt. Hujus pugnae Dux fuit *Willielmus* Consul de *Albemarle*, & *Willielmus Deberel* de *Pottingham*, & *Walterus Aspet*, & *Gillebrtus* de *Lacy*, cujus frater ibi solus ex omnibus Equitibus occisus est. Cujus eventus belli cum regi *Stephano* nunciatus esset, ipse & omnes qui aderant summas gratias Deo exsolverunt. Hoc bellum Augusti mense factum est. *Theobaldus* factus est Archiepiscopus *Cantuariensis*. Hoc anno Abbatia de *Thamia* fundata est XI. Kal. Augusti.

Intestinae commotiones.

Scotor. Exercitus ab Anglis victus.

Abb. Tham. Fund.

Rex *Stephanus* quarto anno regni sui vexatus est per Werram de *Bristou*. Cepit autem in quadagesima Castellum de *Waleldene* per proditionem. Post quod concordatus est cum rege  *Davide Scotorum*, & in aestate obsedit *Ludlove*, ubi filius regis *Scotorum* *Henricus* unco ferreo avulsus est ab equo & pedes captus. Postea vero Castello regi concordato fuit magnum Placitum apud *Orenford*; ubi rex proditione *Rogerum* Episcopum *Salesbiriensem* cepit, & *Alexandrum* Episcopum *Lincolniae*; distrinxit eos fame ut redderent ei Castella sua, & invasit eos. In Augusto fedit magnum Concilium apud *Wintoniam*, ubi *Henricus* Episcopus *Wintoniensis* factus est Legatus *Romanus* totius *Angliae*; & Archiepiscopus *Cantuariae*, & ipse Legatus supplicaverunt regi, & ceciderunt ad pedes ejus ut redderet Episcopis praedictis saltem Castella sua. Rex autem consilio pravorum non adquevit eis. Postea venit Imperatrix in *Angliam*. Quam cum rex obsedisset apud *Arundel* dimisit eam ire apud *Bristou* ad fratrem suum Consulem *Gloucestriae* consilio pravorum. Obiit *Rogerus* Episcopus *Salesbiriensis*.

Pax inter Steph. &amp; R. Scot.

Concil. Wintoniae celebr.

Imperatrix in Angliam venit.

*Kingsfroda* fundata est, & *Kirgestede*, & *Barcum*.

Anno quinto regis *Stephani*. Rex fugavit Episcopum *Nigellum Eliensem* de Episcopatu suo, qui erat nepos *Rogeri* Episcopi jam defuncti *Salesbiri*, à quo incentivum in progeniem ejus traxerat. Ubi autem ad Natale, vel ad Pascha fuit, dicere non attinet. Jam quippe Curiae solennes, & ornatus regii scematis prorsus evanuerant; ingens thesauri copia deperierat, pax in terra nulla, caedibus, incendiis omnia exterminabantur, clamor & luctus & horror ubique. In media Quadagesima fedit Concilium apud *Londoniam*, ubi rex dedit

Steph. R. deponit Episc. Elien.

Concil. Lond. celeb.



Stephan. R.

dedit Episcopatum *Salesbiri Philippo* Cancellario suo. Sed Episcopus *Henricus Wintoniensis*, qui erat Legatus, non assensit. Ideoque cum *Romam Philippus* petisset nihil profecit. Ad Pentecosten ivit rex cum exercitu suo super *Hugonem Bigodth* in *Sudfolc* & cepit Castellum de *Bunie*. Item in Augusto perrexit super eum, & concordati sunt, sed non diu duravit. Obiit *Turstanus* Archiepiscopus *Eboracensis*, & successit *Willielmus* Thesaurarius ejusdem Ecclesiæ.

Ob. Turstan.  
Arch. Ebor.

1141

MCXLI.

Steph. R. ab  
imperatrice  
victus capi-  
tur.

Anno sexto regis *Stephani*, rex ivit ad *Lincolniam* & obsedit Castellum quod *Ranulfus* Comes *Cestrie* ceperat ab eo fraudulenter, cum autem obsedisset illud à Nativitate usque ad Purificationem Sanctæ *Mariæ* rex missam in tanta solemnitate audierat. Cum autem de more *Cereum* rege dignum Deo offerens manibus *Alexandri* Episcopi imponeret, contractum est; hoc fuit regi signum contritionis. Cecidit etiam super Altare pixis cui corpus Domini inerat abrupto vinculo præsentem Episcopo, hoc etiam fuit regi signum ruinæ. In prima die Purificationis venit *Ranulfus* Comes *Cestrie*, & *Robertus* Comes *Glocestrie*, & omnis familia Imperatricis, & pugnaverunt contra regem lege belli, & vicerunt eum & ceperunt, & ad *Wristou* ductum eum in carcerem miserunt. Imperatrix autem suscepta est apud *Wintoniam*, ab ipso, qui erat frater regis *Stephani* & Legatus, & Corona regni est ei tradita. Postea suscepta est à *Londoniensibus*, & ab omni *Anglia*, exceptis *Centensibus*. Ibi enim morabatur Regina, & quidam amici regis *Stephani*. Qui ita postea locuti sunt cum *Londoniensibus* consilio Episcopi *Wintoniensis* quod eam expulerunt ab urbe. Intime igitur dolens viribus coactis die Calendarum Augusti obsedit Castellum Episcopi *Wintoniensis* in ipsa *Wintonia*, ipsa & *Robertus* Consul frater ejus & omnes fautores ejus. Contra Episcopus congregavit exercitum magnum, & omnes fere Consules, & Barones *Angliæ* conversi sunt ad eum, ut regem à captione eriperent. Cumque sæpissime militaribus anfractibus dimicaret, oppressa tandem multitudine fugit Imperatrix. Et captus est *Robertus* Consul *Glocestrie* frater ejus. Pro quo tandem redditus est rex liber, & à suis qui eum strenuissime liberaverant cum gaudio est susceptus. In adventu Domini sedit Concilium apud *Londoniam* à Legato *Wintoniensi* Episcopo. Ubi rex fecit clamorem suum Episcopis, de suis qui eum proditione ceperant. Quibus jussu Papæ *Innocentii* Christianitas prohibita est.

Fautores Im-  
perat. male  
pugnans, Rob.  
C. Gloucest.  
cap.

1142

MCXLII.

Imper. obsesa  
Oxon. nocte  
elabatur.

Anno septimo regis *Stephani*. Rex obsedit Imperatricem apud *Drenfort* post festum Sancti *Michaelis* usque ad Adventum. In eo quippe termino haud procul à Nativitate recessit inde Imperatrix nocte per *Tamesiam* glaciata, circumamicta vestibus albis reverberatione nivis & similitudine fallentibus oculos obsidentium. Abiit autem *Wallingefort*, & sic *Drenfort* regi reddita est.

1143

MCXLIII.

Steph. R. à  
Com Gloucest.  
fugatus.

Anno octavo regis *Stephani*. Rex fuit ad Concilium apud *Londoniam* in Quadragesima, ubi Legatus statuit rigidissimos Canones contra eos qui Clericos capiebant, & res Ecclesiasticas & Cimeteria frangebant. Postea in æstate firmabat rex *Wiltunam*, venitque *Robertus* Consul *Gloucestræ* super eum, & fugatus est rex, & pene captus. Et captus est ibi *Willielmus Martel* qui pro captione sua reddit Castellum de *Sireburne* prædicto Consuli *Roberto*. In nocte Sancti *Martini* sedit Concilium apud *Londoniam*, ubi Legatus summonuit Episcopos *Eliesem* & *Cestrensem* *Romam* ire. Inde & ipse *Romam* ivit, mortuo jam Papa *Innocentio*. Cui successit *Celestinus*, sedit autem menses quinque, & dies quinque. Rex *Stephanus* eodem anno *Gaufridum* de *Mandevilla* in curia sua cepit apud Sanctum *Albanum*. Igitur ut rex liberaret eum, reddit illi turrim *Londoniæ*, & Castellum de *Walestone*, & illud de *Blaiseiz*. Qui carens possessionibus, invasit Abbatiam *Rameseyam*, & Monachis expulsis raptos immisit.

Celestinus  
Pap.

1144

MCXLIV.

Steph. R. Lin-  
colniam obsi-  
det.

Anno nono regis *Stephani*. Rex *Lincolniam* obsedit, ubi cum munitionem contra Castellum quod vi obtinebat Consul *Cestrensis* construeret, operarii sui



fui ab hostibus præfocati sunt fere octoginta. *Gaufridus* de *Mande-villa* Con-  
sul regem validissime vexavit, & in omnibus valde gloriosus effulfit. Mense  
autem Augusti miraculum justitia sua dignum Dei splendor exhibuit. Duos  
namque, qui Monachis avulsis Ecclesias Dei converterant in Castella, simili-  
ter peccantes, simili poena multavit. *Robertus Marmion* vir bellicosus hoc  
in Ecclesia de *Cobentre* perversus exegerat. Porro *Gaufridus* in Ecclesia *Re-*  
*mesiensis*, ut diximus, scelus idem patraverat. Insurgens igitur *Robertus Mar-*  
*mion* in hostes, inter suorum cuneos coram ipso monasterio de equo suo ce-  
cidit in publica strata. Sutor quidam qui prope stabat hoc videns cito cu-  
currit, & cultellum suum in ventrem ejus rabide fixit, & solus mortuus est, &  
excommunicatus morte depascitur æterna. Corpus ejus delatum est ad *Pol-*  
*leswardam* & ibi extra Coemiterium in pomario sanctimonialium longo tem-  
pore permansit. Similiter *Gaufridus* Consul inter acies suorum confertas à  
quodam pedite vilissimo solus sagitta percussus est, & ipse vulnus ridens, post  
dies tamen paucos ex ipso vulnere excommunicatus occubuit. Ecce Dei  
laudabilis omnibus seculis prædicanda ejusdem sceleris eadem vindicta.  
Dum autem Ecclesia illa pro Castello teneretur, ebullivit sanguis à parieti-  
bus Ecclesiæ & Claustris, indignationem divinam manifestans, sceleratorum  
vero exterminationem denuntians.

Puer *Willielmus* crucifixus est à *Judeis* apud *Porvitz*. Fames magna. Obiit  
*Celestinus* Papa, successit *Lucius* qui sedit anno uno.

*Puer à Judæ-  
is crucifixus.  
Lucius Pap.*

MCXLV.

1145

Anno decimo regis *Stephani*. Rex in agendis circa discursus *Hugonis* *Bi-*  
*got* occupatus fuit, sed in æstate *Robertus* Consul, & omnis inimicorum *Re-*  
galium coetus Castellum construxerant apud *Ferendinam*, sed rex non segniter  
viribus coactis advolat, & *Londoniensium* terribilem & innumerofum adduxit  
exercitum. Assilientes igitur totis viribus castrum, (dum *Robertus* Consul,  
& fautores sui majores copias non procul ab exercitu regis expectarent) glori-  
osissima probitate non sine magna sanguinis effusione ceperunt. Episcopus  
*Lincolniensis* *Alexander* iterum *Romam* pergit. Qui cum Papæ gratia sequenti  
anno rediens, cum gaudio à suis receptus est. Obiit Papa *Lucius*, cui succes-  
sit *Bernardus* Abbas Monasterii Sancti *Anastasi* quod est extra muros *Romæ*,  
ubi *Innocentius* Papa, qui quartus ante istum fuerat, Abbatiam noviter fecerat  
de ordine Monachorum *Cisterciensium*, & Sanctus *Bernardus* Abbas de *Claravalle*,  
quando illuc misit conventum, hunc præfecerat; maxime quia Papa *Ro-*  
*manus* aliquando antequam ad Monachatum iste veniret, ad sacrum ordinem  
illum promoverat. Erat enim transmontanus, utpote civis *Pisensis*. Fuit  
autem ordinatus prima Hebdomade mensis Martii, & vocatus est *Eugenius*, *Eugen. Pap.*  
Papa CLXXI.

*Steph. R. ex-  
pugnat Ca-  
stel. apud Fe-  
rend.*

*Voburna* fundata est hoc anno. *Robertus* Pullus factus est *Romæ* Cancellarius. *Voburna fund.*

MCXLVI.

1146

Anno undecimo regis *Stephani*. Rex magnum congregans exercitum Ca-  
stellum construxit inexpugnabile, contra *Warenfort* situm. Ubi *Ranulfus*  
Comes *Cestrencis* jam regi concordia conjunctus, magnis interfuit copiis.  
Dehinc vero Consul ipse ad regis Curiam cum pacifice venisset apud *Nor-*  
*hamtunam*, rex nihil tale metuentem cepit, & in carcerem trussit, donec redde-  
ret illi clarissimum *Lincolniæ* Castellum, quod ab eo dolose ceperat, & cætera  
quæcunque fuerant ditionis suæ Castella. Visis miraculis quæ fiebant in lo-  
cis religiosis, & afflictione cum humilitate multimoda certis venientibus au-  
dita, & conquestione *Christianorum* de sanctis locis venientium super eruptio-  
ne Paganorum, prædicatione etiam Sancti *Bernardi* Abbatis *Clarevallensis* viri  
non contemnendæ autoritatis, cui Papa *Eugenius* injunxerat hoc officium,  
commoti *Ludovicus* rex *Francorum*, *Conradus* Imperator *Alemannorum*, *Frederi-*  
*cus* etiam dux *Suevorum* nepos ejus, *Galaranus* Comes *Mellent*, Tertius *Willi-*  
*elmus* de *Warama* Comes frater ejus, *Theodericus* etiam Comes *Flandrensis*, &  
alii multi magnæ autoritatis & dignitatis viri, *Franci*, *Normanni*, *Anglici*, & *piumt.*

*Ranulf. Com.  
Castrensis in-  
carcerat.*

*Lud. R. Franc.  
Conrad. Im-  
per. & alii  
crucem acci-  
piunt.*



Stephani R.

de alijs regionibus innumerabiles, non solum milites, sed etiam Episcopi, Clerici, Monachi crucem in humeros assumptes ad iter *Ierosolimitanum* se præparaverunt. Rex autem *Francorum*, & *Robertus* frater ejus, & *Galerant* Comes *Wessex* & alii multi dominica in ramis palmarum crucem assumpsērunt. Rex *Rogerus Siciliae Tripolitanam* urbem & Provinciam in *Affrica* super Paganos cepit. Obiit *Robertus Pullus*.

Rex Sicil. capit urb. Tripolin.

1147

Steph. R. Lincolniam intrat.

MCXLVII.

Anno duodecimo regis *Stephani*. Rex *Stephanus* ad Natale Domini in urbe *Lincolniensi* Diademate regaliter insignitus est, quo regum nullus introire, prohibentibus quibusdam superstitiosis, ausus fuerat. Unde comparet quantæ audaciæ, & animi pericula non formidantis fuerit. *Henricus* filius Comitum *Andegavis Gaufridi* & Imperatricis, in *Normanniam* veniens susceptus est à conventu *Becci* solemni processione die Ascensionis Domini. *Ludovicus* rex *Francorum* & Regina *Alionoret* socii sui quos supra memoravimus, præsentem *Papam Eugenio* in expeditionem *Ierosolimitanam* ituri à *Parisiis* recesserunt. Quas tribulationes & miseras in ipso itinere dum per terram Imperatoris *Constantinopolis* transirent, à fame, pestilantia, incursione Paganorum perpeffi sunt, non est nostri studii enarrare. Quia enim de rapina pauperum, & Ecclesiarum spoliatione illud iter ex majori parte inceptum est, nec in eos qui se inhoneste habuerant vindicatum est, fere nihil prosperum, nihil memoria dignum in illa peregrinatione agitatum est. Obiit *Alexander* Episcopus *Lincolniæ*, & *Robertus* Comes *Glocestriæ*. In Concilio *Remis* celebrato medianti gratia Sancti Spiritus, in præsentia Domini *Papæ Eugenii*, ordo *Saumienfis* vinculo caritatis conjungitur ordini *Cisterciensi*. Hoc anno *Brueria* fundata est. *Hilarius* factus est Episcopus *Cicestriæ*.

Cozrad. Imper. & Lud. R. Franc. expedit. Hierosolym.

1148

Christianis male pugnat in Ter. Sanct. Rex Hisp. Almariam capit. Rex Gallicie Lisebon. cap.

MCXLVIII.

Anno decimo tertio regis *Stephani*, pervenerunt *Christiani* quocunque labore ad Sancta loca in *Ierusalem*, & circa Augustum mensem *Damascum* obsidentes & dolo *Ierosolimitanorum* parum proficientes repedare studuerunt. Melius acciderat anno præterito *Christianis* principibus in *Hispania*, nam Imperator *Hispanorum*, cujus Imperii caput est civitas *Toletum*, adjunctus à *Pisanis* & *Gennensibus* *Almariam* nobilissimam urbem super Paganos cepit. Rex *Gallicie* fretus auxilio *Normannorum*, & *Anglicorum*, & aliorum multorum qui navali exercitu *Ierusalem* petebant, *Lisebonam* urbem *Agarenis* abstulit, sicut aliam civitatem *Samtarem* scil. anno præterito super eosdem ceperat. Comes etiam *Barcuonensis Tortosam* urbem eodem anno cepit, Eodem anno mortuo *Ascelmo Rosensi* Episcopo, *Theobaldus Cantuariensis* Archiepiscopus fratrem suum *Walterum* Archidiaconum *Cantuariæ* eidem Ecclesiæ subrogavit. Mortuo etiam *Rogero Cestrenci* Episcopo in itinere *Ierosolimo* successit illi *Walterus* Prior Ecclesiæ *Christi Cantuariæ*.

*Henricus* etiam *Murdach* Monachus ordinis *Cisterciensis* fit Archiepiscopus *Eboracensis*.

Concil. Remis celebr.

*Eugenius* Papa in Quadragesimam Concilium congregavit *Remis*, ad quod venit latenter, & contra prohibitionem regis *Stephani* *Theobaldus* Archiepiscopus *Cantuariæ*, unde & favorabiliter à Papa acceptus est. Mortuo *Roberto* Episcopo *Herefordensi*, successit *Gilbertus* Abbas *Glocestriæ*. *Willielmus* etiam de Sancta *Barbara* Decanus *Eboracensis* anno præterito factus est Episcopus *Dunelmensis*. Hoc anno obiit Sanctus *Malachias* Episcopus de *Hibernia* apud *Claramvallem*.

1149

Imper. & R. Franc. red. à Terra S.

Turbo mag.

MCXLIX.

Anno decimo quarto regis *Stephani*, Imperator *Alemannorum* reversus est cum exercitu suo fame & ingenti Gladio pene confuncto. Et rex *Francorum* *Ludovicus* rebus non prospere gestis patriam regreditur.

Eodem anno turbo factus est horribilis, subvertens domos, nemora & virgulta confringens, in quo etiam dæmones in specie turpium animalium pugnassee afferuntur.



In festum Pentecostes *David* rex *Scotorum* accinxit armis militaribus *Henricum*, Primogenitum ducis *Gaufridi* & neptis suæ *Matildis* Imperatricis, qui anno præterito de *Normannia* in *Angliam* transfretaverat. Hoc anno obiit *Letardus* Abbas *Becci*.

## M C L.

Anno decimo quinto regis *Stephani* fuit hyems maxima tribus mensibus continua, & *Thamesis* fluvius circa *Londoniam* glacie induruit, & homines præ nimio frigoris dolore in membris suis lædebantur, in qua etiam remansit ex maxima parte hyemalis Agricultura, & inde subsecuta est magna terræ sterilitas.

Hoc anno fundata est Abbatia de *Cumba* à viro nobili *Richardo Decanvilla* vi. Id. Julii.

## M C L I.

Anno decimo sexto regis *Stephani*. Obiit Comes *Gaufridus Andegavensis*, & *Henricus* filius ejus receptus est in pace ab *Andegavensibus* fidelitatem sibi facientibus, & sic factus est dux *Normannorum*, & Comes *Andegavensis*.

Fames valida, & præ nimia abundantia pluviarum segetes perierunt.

## M C L I I.

Anno decimo septimo regis *Stephani*. Apud *Londoniam* *Eustachio* filio regis *Stephani* fide & jurejurando universi Comites atque Barones *Angliæ* se subdiderunt. Eodem anno die inventionis Sanctæ Crucis obiit *Matildis* regina regis *Stephani*. Obiit etiam venerabilis Comes *Theobaldus Blesensis* nepos *Henrici* regis, & frater *Stephani Anglorum*, Princeps magnæ Sanctitatis & largitatis in pauperes. Huic successerunt tres filii sui, *Henricus* primogenitus habuit Comitatum *Tricassinum* & *Campaniensem*, & quicquid pater ejus habuit trans *Sequanam*. *Teobaldus* secundus filius Comitatum *Carvotensem*, *Blesensem*, pagum *Dunensem*. *Stephanus* tertius filius honorem in pago *Bituricensi*.

Orta simultate inter regem *Francorum Ludovicum* & uxorem ejus *Alienor*, congregatis religiosis personis in *Quadragesimam* apud *Balgenceium*, dato Sacramento coram Archiepiscopis & Episcopis quod consanguinei essent, separati sunt auctoritate Christianitatis.

Eodem anno circa Pentecostem *Henricus* dux *Normannorum* duxit *Alienor* Comitissam *Pictavensem*, quam paulo ante rex *Ludovicus* propter consanguinitatem dimiserat. Quo audito rex *Ludovicus* commotus est contra eundem ducem. Habebat autem duas filias de ea, & non volebat ut aliquot illa filios acciperet, unde prædictæ filiæ exhæredarentur. *Eugenius* Papa *Johannem Romanæ* Ecclesiæ Cardinalem Presbyterum cognomento *Paparo* destinavit Legatum in *Hiberniam* cum quatuor palliis, quorum unum dedit Episcopo *Dunelmie*, & reliqua tria aliis Episcopis ejusdem insulæ, subjiciens unicuique eorum qui pallia acceperunt quinque Episcopos alios, & hoc factum est contra consuetudinem antiquorum & dignitatem *Cantuariensis* Ecclesiæ, à qua solebant Episcopi *Hiberniæ* expetere & accipere consecrationis benedictionem.

*Gaufridus Arturus* qui transtulit Historiam de regibus *Britonum* de *Britannico* in *Latinum*, fit Episcopus Sancti *Asaph* in *Portwales*.

Sunt itaque hodie in *Wales* quatuor Episcopatus, in *Angliæ* xvii, in octo eorum sunt Monachi in sedibus Episcopalibus. Hoc in aliis provinciis aut nusquam aut raro invenies, sed ideo in *Angliæ* hoc reperitur quia primi prædicatores *Anglorum* St. *Augustinus*, *Mellitus*, *Justus*, *Lauretius* Monachi fuerant. In aliis novem Episcopalibus sedibus Canonici seculares. In capello *Cisterciensi* statutum est ne amplius aliquis novam Abbatiam construeret, quia numerus Abbatiarum de illo ordine usque ad quingentas Abbatis processerat. Obiit *Conradus* Imperator, successit *Fredericus* nepos ejus.

## M C L I I I.

Anno decimo octavo regis *Stephani*, obiit *Eustachius* filius ejusdem regis. *Henricus* dux *Normannorum* infra octavas Epiphaniæ transiit in *Angliam* cum triginta & sex navibus. *Gondreda* Comitissa *Warvicensis* ejecit custodes regis

1150

*Hiems asperima.**Abb de Cumba fund.*

1151

*Ob. Gaufr. C. Andeg. filius ejus H. ditiones ejus recipit. Fames.*

1152

*Fid. jurat. Eustachio fil. R. St. Matild Regina & Theob. C. Blesen. ob.**Alienora thalamis R. Franc. relid. nub. Henrico. D. Norman.**Legatus à Papa in Hiberniam missus.**Gauf. Art fit. Ep S. Asaph.**Ob. Conrad. Imper. succed. Frederic.*

1153

*Ob. Eustach. fil. R.*



*Henric. 2 R. Castel. Warwic. Henrico D. Norman. tradit. R. Scot. ob.* *Stephani de Castello Warvici, & tradidit eandem munitionem Henrico duci Normanniæ. Mortuo Rogero Comite Warvicensi successit ei Willielmus filius ejus. Obiit etiam David rex Scotiæ admodum vir religiosus, successit ei Melcolmus filius ejus.*

*Anastasius 4. Pap.* Mense Julio VII. Id. ejusdem mensis obiit venerabilis vir *Eugenius Tertius* Papa, vir admodum religiosus, in Eleemosynis largus, in judiciis justus, omnibus tam pauperibus quam divitibus affabilis & jucundus. Ad cujus tumulum, qui ei in Ecclesia Sancti *Petri* venerabiliter factus est, miracula post transitum ejus statim apparuerunt. Successit ei *Conradus* Episcopus *Sabinensis*, Apostolicæ sedis in urbe duntaxat, in agendis Episcopalibus dum Papa deest, ex antiqua consuetudine pro dignitate loci sui vicarius, vir grandævus, & apud Romanos autoritate præclarum; exinde vocatus *Anastatius* quartus, Papa VIZ. CLXXII.

Sanctus *Bernardus* primus Abbas *Clare* vallis obiit XIII. Kal. Septembris relinquens sapientiæ suæ plurima documenta maxime in Commentariis in Cantica Canticorum. Cui successit *Flandrita* qui erat Abbas *Dunenensis*. Obiit *Henricus Murdat* Archiepiscopus *Eboracensis*. *Ranulfus* Comes *Cestrensis* hoc anno obiit, cui successit *Hugo* filius ejus.

*Fax inter St. R. & Henr.* Concordia facta est inter regem *Stephanum* & *Henricum* Ducem apud *Wintoniam*. Obiit *Vlfricus Haselbergensis*.

1154  
*Steph. R. ob.*

## M C L I V.

Anno decimo nono regis *Stephani*. Obiit rex *Stephanus Anglorum* VIII. Kal. Novembris, cujus corpus tumulatum est in Monasterio de *Freureham*, quod ipse & *Matildis* regina ejus à fundamentis ædificaverant, ubi ipsa & filius ejus primogenitus *Eustachius* sepulti sunt. Interim pax summa erat in Angliatimore & amore *Henrici* ducis, quem omnes venturum regem non dubitaverunt.

*Henr. 2 Rex Angl. coron.* *Henricus* dux *Normanniæ* VIII. Id. Decembris in *Angliam* veniens cum magno tripudio Clericorum, & Laicorum exceptus est XIV. Kal. Januarii, die dominica ante Nativitatem Domini apud *Westmonasterium* ab omnibus electus, & in regem unctus est à *Theobaldo* Archiepiscopo *Cantuariensi*. Affuerunt & omnes Episcopi *Anglici* Regni & plures de *Normannia*.

*R. Fran. uxorem ducit fil. R. Hisp.* *Ludovicus* rex *Francorum* dux uxorem filiam *Anfori* regis *Hispaniarum* (Caput regni hujus regis est civitas *Tholetum*) Quem, quia principatur regulis *Aragonum*, & *Galitiæ* Imperatorem *Hispaniarum* appellant.

*Will. Archiep. Ebor. veneno moritur.* Mortuo ut prædictum est *Henrico* Archiepiscopo *Eboracensi*, *Anastatius* Papa restituit in eandem sedem *Willielmum* donans ei pallium, & consecrans *Romæ* in præsentia ejus *Hugonem* Depuisat Episcopum *Dunelmie*, nepotem *Stephani* Regis *Anglorum*. Hunc *Willielmum* *Eugenius* Papa Decessor *Anastatii* deposuerat. Qui veniens in *Angliam*, dum divina misteria consummat, hausto in ipso calice veneno ut aiunt, moritur. Cui successit *Rogerus* de *Ponte* Episcopi Archidiaconus *Cantuariensis*. Obiit *Anastasius* Papa, successit *Adrianus* vir quidem religiosus, & natione *Anglicus*, qui prius fuerat Abbas *Canonicorum Regularium* Sancti *Ruphi* in Provincia, sed ab *Eugenio* Papa prædecessore suo factus fuerat Episcopus *Albanensis*.

1155  
*Henric. R. Flandrenses. Anglia pellit.*

## M C L V.

Anno secundo *Henrici* regis, coepit idem rex revocare in jus proprium urbes, Castella, villas, quæ ad Coronam regni pertinebant. Castella noviter facta destruendo, & expeilendo de regno maxime *Flandrenses*, & deponendo quosdam imaginarios, & Pseudo-Comites, quibus rex *Stephanus* omnia pene ad fiscum pertinentia minus caute distribuerat. Item exhæredavit *Willielmum Deberel* de *Nottingham* causa beneficii quod fuerat propinatum *Ranulpho* Comiti *Cestriæ*. Circa festum Sancti *Michaelis* *Henricus* rex habito Consilio apud *Wintoniam* de conquirendo regno *Hiberniæ*, & *Willielmo* fratri suo dando, cum optimatibus suis tractavit. Quod quia matri ejus Imperatrici non placuit interim missa est ad tempus illa expeditio.

*Henricus*



*Henricus* Episcopus *Wintoniensis* clam præmissio thesauro suo per Abbatem *Henric* 2. R. *Cluniacensem* absque licentia regis, & quasi latenter recessit ab *Anglia*, ideo *Hen-* H. Ep. Wint.  
ricus rex omnia Castella ejus pessundedit. ab Ang. reced.

Natus est *Londoniæ* II. Kal. Martii filius *Henrico* secundo regi ex regina *Ali-* Fil. R. natus.  
nor & vocatus est *Henricus*. voc. Henr.

*Fredericus* rex *Alemannorum* *Romam* perrexit, & ab *Adriano* Papa contra *Ro-* Freder. à Pa-  
manorum voluntatem receptus & in Ecclesia beati *Petri* in Imperatorem ab pa consecr.  
eo consecratus est. Imp. Rom.

## M C L V I .

1156

Anno tertio *Henrici* secundi regis, obiit *Willielmus* primogenitus filius *Hen-* Ob. Will. fil.  
rici regis & sepultus est *Radingis* ad pedes *Henrici* regis Proavi sui. H. R.

Obiit *Gillebertus* *Degant*. Obiit *Nicholominus* *Aldulfus* primus Episcopus de *Carduil*. Hoc anno fulgura & tempestates mense Julio frequenter acciderunt, subsequuta est abundantia pluviae quæ cœpit medio mense Augusti, quæ Pluviae conti-  
impedivit & collectionem messium & subsequentem feminis sparsionem. Ex nuæ.  
qua jugi inundatione pluviarum, quæ diu duravit, multæ turres & Ecclesiæ, & antiquæ maceriæ corruerunt.

## M C L V I I .

1157

Anno quarto *Henrici* secundi regis. Hoc anno *Malcolmus* rex *Scotorum* red- Concord. inter  
didit *Henrico* regi quicquid habebat de Dominio suo, id est, civitatem *Cardul*, R. Scotia &  
castrum *Beneburch*, novum castrum super *Tinam*, & Comitatum *Lodonensem*, Henr. R.  
& rex reddidit ei Comitatum *Huntondoniæ*. Circa festivitatem *Johannis Bapti-*  
*stæ* rex *Henricus* præparavit maximam expeditionem, ita ut duo milites de to-  
*Anglia* tertium pararent ad opprimendum *Walenses* terra marique; *Hugo*  
*Bigotus* reddit regi omnes munitiones suas. *Henricus* rex subjectis ad libitum Henr. R. Wal-  
*Walensibus* & restitutis terris & munitionibus Baronibus suis, quas tempore lenses vincit.  
*Stephani* regis *Walenses* super eos ceperant, extirpatis nemoribus & viis pate-  
factis Castrum *Kowelent* firmavit, & dedit *Hugoni* de *Bello Campo*, & aliud Ca-  
strum scil. *Wasingewerch*.

Mense Septembri natus est filius & vocatus est *Richardus*.

## M C L V I I I .

1158

Anno v. *Henrici* Regis obiit *Gaufridus* frater Regis *Henrici* secundi. Ju- Ob. Gaufr. fr.  
stitia de monetariis. Nova moneta in *Anglia*. Hen. R.

## M C L I X .

1159

*Henricus* Rex duxit exercitum *Tolosam*. Obiit *Adrianus* Papa. Successit Ob. Alex. Pap.  
*Alexander* bonus. Scisina factum est per *Octavianum*. Oct. Antipap.

## M C L X .

1160

Anno VII. *Henrici* regis, *Henricus* ejus filius desponsavit filiam regis *Franciae*. Hen. fil. H. R.  
*Maria* Abbatisa filia Regis *Stephani* nupsit *Matthæo* Comiti *Boloniæ*. desp. fil. R. Fr.

## M C L X I .

1161

Obiit *Theobaldus* Archiepiscopus *Cantuariensis*, *Richardus* Peccatum factus est Ob. Theob.  
Episcopus *Coventrensis*. Arch. Cant.

## M C L X I I .

1162

*Thomas* Regis Cancellarius in Archiepiscopum eligitur, & consecratur III. Tho. fit. Arch.  
Nonas Junii ab *Henrico* *Wintoniensi*. Cant.

## M C L X I I I .

1163

Anno x. *Henrici* Regis, apud *Westmonasterium* S. *Edvardus* Rex *Anglorum* S. Edw. transf.  
translatus est. *Alexander* Papa *Turonis* concilium celebravit. Robertus *Dun-* Concil. Turon.  
mensis factus est Episcopus *Herefordensis*. Amularius Rex *Hierosolymitanus* Rex Hierosol.  
constipatus agmine Christicolarum III. Non. August. contra *Babyloniam* de- Babyloniam  
scendit, eamque subactam sibi tributariam fecit. vincit.

## M C L X I V .

1164

Anno XI. *Henrici* Regis S. *Thomas* Archiepiscopus *Cantuariensis* exulatus est. Arch. Cant.  
Justitia de obsidibus *Wallensium*. exul.

## M C L X V .



Henric. 2. R.

1165

H. Wall. in-  
trat.

Anno XII. *Henrici* Regis. Ipse duxit exercitum suum in *Waliā* tertio, & perdidit obfides Regis *Audoeni*.

1166

1167

Ob. Matild.

Anno XIV. *Henrici* II. Regis Obiit *Matildis* Imperatrix mater Regis.

1168

Cb. Kob. Com.  
Leiceſt.

Anno XV. *Henrici* II. Regis obiit *Robertus* Comes *Legreſtria* ſenior, iſte fuit fundator Abbatia *Geroldonia*, & Abbatia *Sanctæ Mariæ de Prato Legreſtria* Canonicorum regularium, ubi pauſat ipſe; & Prioratus de *Ethona* Sanctimonialium de ordine fontis *Ebraldi*.

Regis fil. nub.  
D. Saxon.

Hoc anno *Henricus* II. Rex dedit filiam ſuam *Matildam* *Henrico* duci *Saxoniae*, qui genuit ex ea filios tres *Henricum*, *Otonem*, & *Wilhelmum*.

1169

Anno XVI. *Henrici* II. Regis, obiit *Hilarius* Episcopus *Ciceſtria*.

1170

Hen. fil. Re-  
gis coron.

Anno XVII. *Henrici* II. Regis. Rex *Henricus* II. ſemetipſum depoſuit, & filio ſuo *Henrico* III. diadema impoſuit.

*Francorum regis Philippus naſcitur hæres.*

C. de Strigul.  
Hibern. adit.

*Richardus* Comes de *Strigul* adiit *Hiberniam*. Sanctus *Thomas* Archiepiſcopus *Cantuarienſis* in adventu Domini rediit in *Angliā* ab exilio.

1171

Tho. Becket  
occiditur.

Anno VIII. *Henrici* II. Regis Sanctus *Thomas* Archiepiſcopus *Cantuarienſis* in baſilica ſedis ſuæ ob deſenſionem juſtitia percuffus, feliciter migravit ad Dominum IV. Kalend. Januarii

*Annus millenus. Centenus Septuagenus.*

*Primus, erat primas cum ruit enſe Thomas.*

Obiit *Henricus* Episcopus *Wintonienſis* grandævus, & plenus dierum, VI. Id. Auguſti, & coram majori altare honorifice ſepultus eſt.

H. R. Hib.  
pet.

*Henricus* II. Rex primo adiit *Hyberniam*, & in nocte natalis Domini tempeſtas tonitruui fuit.

1172

Hen. cum Re-  
gina coron.

Anno XIX. *Henrici* II. Regis. Idem Rex rediit de *Hybernia* & filius ejus *Henricus* III. coronatus eſt, & filia *Lodowici* Regis *Franciæ* apud *Wintoniam*. In nocte natalis Domini auditum eſt tonitruum in *Anglia*, & in *Hybernia*, & in omni regno *Francorum* generale, ſubitum, & horribile.

1173

Bellum inter  
H. R. & fil.  
Henr.

Anno XX. *Henrici* II. Regis orta eſt diſcordia, & bellum inter ipſum, & filium ejus *Henricum*, deceſſitque à patre ſuo circa Kalend. Aprilis ad Regem *Lodovicum* *Franciæ*.

Leiceſt. de-  
ſtructa.

Hoc anno *Legreſtria* deſtructa eſt, & *Robertus* II. Comes ejus, filius *Roberti* ſenioris, captus eſt circa Id. Octobris.

1174

Hen. fil. re-  
conc. Plures  
Epiſc. conſe-  
crati.

Anno XXI. *Henrici* II. Regis. Rex, & filii ejus reconciliati ſunt. Rex *Scotiæ* captus. Tota gens *Angliæ* tuſſi laborabat, & multi extincti ſunt in menſe Januarii. *Richardus* Prior *Doverenſis* factus eſt Archiepiſcopus *Cantuarienſis*, & *Richardus* de *Fuelceſtria* factus eſt Episcopus *Wintonienſis*, *Gaufridus* *Kidel* *Elienſis*, *Regnaldus* *Lumbardus* *Batoniensis*, *Robertus* *Foliot* *Herefordenſis*, Magiſter *Johannes* *Ciceſtriæ*. Hoc anno obiit Sanctus *Petrus* Archiepiſcopus *Tharentaliensis* IV. Id. Septembris.



## MCLXXV.

Henric. 2. R.

Pax facta est inter *Henricum* & filios ejus. *Johannes Drenesford* factus est Episcopus *Normicenfis*. *Hugo Petroleonis Sancti Angeli* Diaconus, Cardinalis, & Apostolicæ sedis legatus, infausta navigatione transefectus est in *Angliam* vi. Kal. Novembris, quia præstitit autoritatem trahendi Clericos ante Judicem secularem, pro forisfacto forestæ, & pro laico feudo.

## MCLXXVI.

1176

Anno xxiii. *Henrici* II. Regis. Obiit *Wilhelmus Comes de Arundel Senior*, apud *Waverleiam* iv. Id. Octobris.

C. De Arundel. ob.

Obiit *Richardus Abbas de Brueria* xvi. Kal. Februarii apud *Mertonam*: cui successit *Christophorus* prior ejusdem loci. Hoc anno pons lapideus *Londoni* Pons *Londii*. inceptus est à *Petro Capellano de Colechurch*.

## MCLXXVII.

1177

Anno xxiv. *Henrici* II. Regis. Hoc anno facta est Pax inter Papam *Alexandrum*, & *Fredericum* imperatorem. Item confœderati sunt *Lodowicus* rex *Francorum*, & *Henricus* Rex *Anglorum*. Tonitrus concussit segetes, & interfecit aves in die Sanctæ *Mariæ Magdalænæ*. Orta est suspicio de *Antichristo*. Obiit *Martinus* primus Abbas de *Cumba* v. Id. Maii. Successit *Radulfus* cellarius ejusdem loci. Amotis ab ecclesia *Waltamiensi* canonicis secularibus, subintroducti sunt canonici regulares sub præsentia *Henrici* in vigilia Pentecostæ. Ventus vehemens, silvas & ædificia subruens, venit ab Austro Kalend. Decembris.

Fred. Imp. Alex. Pap. reconc.

## MCLXXVIII.

1178

Anno xxv. *Henrici* II. Regis. Erupit mare in *Hollande*, & submersit homines, villas, pecora innumerabilia pridie Id. Januarii.

Mar. inund.

## MCLXXIX.

1179

Anno xxvi. *Henrici* II. Regis. *Philippus* filius *Ludowici* Regis *Francorum* unctus & coronatus est in Regem *Remis*, Kalend. Novembris. Hoc tempore lavatorium nostrum, & aquæductus parata sunt.

Lud. R. Fran. coron.

*Alexander* Papa celebravit concilium ccc. Episcoporum *Romæ*. *Henricus* rex, & *Alienor* Regina reconciliati fuerunt. *Robertus* III. Comes *Legrecestriæ*, filius *Roberti* Comitis *Leicestriæ*, abiit *Jerosolimam*. Hoc anno *Wilhelmus* de *Tolosa* Abbas de *Sainneio* factus est Abbas *Cisterciensis*. *Lodowicus* rex *Francorum* venit ad Sanctum *Thomam*. Eodem anno coronatus est *Philippus* filius ejus. Synodus cccx. Episcoporum habita est *Romæ*, media *Quadragesima*, à Papa *Alexandro*, tempore *Frederici* imperatoris.

Concil. Rom.

## MCLXXX.

1180

Anno xxvii, apud *Drenford* translata est Sancta *Fredeswida* virgo II. Id. Februarii, in præsentia *Richardi* Archiepiscopi *Cantuariensis*, & aliorum plurimorum Episcoporum. Hoc anno obiit *Lodowicus* rex *Francorum* III. Kalen. Maii. *Baldewinus* Abbas *Fordenfis* factus est Episcopus *Wigornensis* iv. Id. Augusti. *Robertus* Prior *Norhamtoniæ* factus est Abbas *Ramesciæ*. Obiit *Robertus* Abbas *Glastoniensis*. Obiit *Johannes* Episcopus *Cicestrensis*, successit *Safredus* Decanus ejusdem Ecclesiæ. Obiit *Radulfus* Abbas II. de *Cumba*, successit *Ermifridus* Monachus. Depositus est *Hugo* Abbas de *Kingewoda*, successit *Wilhelmus* cellarius de *Forda*. Hoc anno *Henricus* II. Rex mutavit monetam ad festum Sancti *Martini*. Nova moneta currit in *Anglia* post *Baseleres* circa festum Sancti *Martini*.

Reliq. Frid. Ox. transl. Lud. R. Fran. ob.

## MCLXXXI.

1181

Anno xxviii. *Henrici* II. Regis. Exiit edictum à rege *Henrico* II. ut omnes haberent loricas & arma per *Angliam* universam. Obiit *Alexander* Papa xxii. anno . . . papatus sui, & *Lucius* successit. Obiit piæ memoriæ *Wilhelmus* de *Tholosa* Abbas *Cisterciensis*, quamquam denegavit misericordiam petentibus eam. Successit *Petrus* Abbas de *Pontiniaco*. *Gaufridus* filius Regis *Henrici* II. *Lincolniensis* electus, sed non sacratus, intermisso Episcopatu, factus est Cancellarius.

Ob. Alex. Pap.

Hoc anno obierunt *Rogerus* Archiepiscopus *Eboracensis*, & *Adam* Episcopus



*Henric. 2. R. de Sancto Asaph, & Henricus Abbas de Winchelcumba; & fratres Cartusie ingressi*  
*Ordo Cartu- sunt habitacula sua primo in Anglia. Wilhelmus Abbas de Chingefwoda deposti-*  
*lie. tus est, successit Eudo prior de Waverlia. Obiit Magister Serlo Abbas de Ele-*  
*mosyna, successit Gervasius Abbas de Landesa.*

1182

*Ob. Ep. Coven. Anno xxix. Henrici secundi Regis. Obiit Richardus Peccatum Episcopus*  
*& Abb. Waverl. Coventrensis, qui, ante obitum suum renuntians Episcopatu, factus est canonicus*  
*apud Thomam de Tinterna, juxta Stafford. Obiit Henricus tertius Abbas Wa-*  
*verlia, eique successit Henricus de Cicestria monachus ejusdem loci.*

MCLXXXII.

1183

*Disford. Rex Anno xxx. Henrici Regis. Orta est discordia inter regem & filios ejus se-*  
*& fil. Com. cundo. Robertus Comes Legrecestria captus est secundo. Obiit vir illustris*  
*Leicest. cap. & miræ indolis Henricus tertius Rex, filius Henrici secundi Regis Anglorum.*  
*Ob. Hen. fil. Obiit Wilhelmus Episcopus Roucestria, successit Waleranus. Walterus de Con-*  
*Regis Henr. stantiis factus est Episcopus Lincolnensis & Gerardus Puella Coventriensis. Obiit*  
*Simon de sancto Albano, successit Warinus prior. Sacerdos quidam Joannis no-*  
*mine factus est Episcopus de Sancto Asaph. Nicolaus de Sancto Albano factus*  
*est Abbas Palmesburie. Obiit Wilhelmus Comes Glocestria, eadem nocte qua*  
*& natus fuerat, hoc est in nocte Sancti Clementis. Depositus est Abbas Ermin-*  
*fridus de Cumba, successit Wilhelmus prior de Woburna.*

MCLXXXIII.

1184

*Plures Episc. Anno xxxi. Henrici secundi Regis. Obiit Richardus Archiepiscopus Can-*  
*ob. tuariensis, Successit Baldwinus Episcopus Wigorniensis III. Non. Decembris, mo-*  
*nachus ordinis Cisterciensis. Obiit Wilhelmus comes Warenici. Obiit Gerardus*  
*Puella Episcopus Coventriensis, & Waleramus Episcopus Roucestria. Jocelinus E-*  
*piscopus Salesburia, dimisso Episcopatu, factus est monachus ordinis Cisterci-*  
*ensis. Henricus dux Saxonie, exulatus de terra sua, venit in Angliam cum ux-*  
*ore & liberis suis. Abbatia Glastonia simul cum tota villa combusta est. Pe-*  
*trus Abbas Cisterciensis factus est Episcopus Atrebatensis, & successit Bernardus*  
*Abbas de Fontenia. Obiit Bartholomeus Exoniensis. Serlo abbas de Thama de-*  
*misit Abbatiam suam, & in loco ejus successit Wilhelmus monachus de Forda,*  
*quondam Abbas de Kingeswoda.*

MCLXXXIV.

1185

*Patriar. Hie- Anno xxxii. Henrici secundi Regis. Heraclius Patriarcha Jerosolima venit in*  
*rosol. in Ang. Angliam, auxilium petens contra paganos. Obiit Lucius Papa in die Sanctæ*  
*ven. Katerina, successit Urbanus tertius Papa. Walterus de Constantiis, Episcopus*  
*Urban. 3. Pap. Lincolnia, factus est Archiepiscopus Rotomagensis. Johannes filius Regis adiit*  
*Joh. Hiber. Hiberniam. xvii. Kal. Maii factus est terræmotus magnus per multa loca*  
*pet. Anglia. Sol mutans vel simulans eclipsim Kal. Maii splendorem suum con-*  
*tra solitum mutavit. Walleranus successit fratri suo Wilhelmo in Comitatu*  
*Warwici. Henricus dux Saxonie cum uxore & liberis rediit ab exilio in Saxo-*  
*niam. Wilhelmus, Prior Sancti Augustini Bristolie, factus est Episcopus Landa-*  
*vie. Gilbertus de Glawvilla factus est Episcopus Roucestria.*

MCLXXXV.

1186

*Ob. Galf. Anno xxxiii. Henrici secundi Regis. Obiit Gaufridus Comes Britannia, filius*  
*Com. Britan. Regis Henrici secundi Anglia. Obiit Bernardus Abbas Cisterciensis, successit*  
*Willielmus Abbas de Præta. Obiit Petrus Abbas Clareball. Allanus Prior*  
*Cantuariensis factus est Abbas Theokesb. Hugo Prior de Lewes factus est Ab-*  
*bas Radingis. Hugo Prior Selewoda factus est Episcopus Lincolnensis. Obiit*  
*Johannes Episcopus de Sancto Asaph, successit Henricus Canonicus de Bagaman.*  
*Obiit Robertus Foliot Episcopus Herefordensis, successit Wilhelmus de Were.*  
*Wilhelmus de Norhala factus est Episcopus Wygornensis, & Johannes Exoniensis.*

MCLXXXVI.

1187

*Duo Legati à Anno xxxiv. Henrici secundi Regis missi sunt duo Legati à Papa Urbano in*  
*1 pap. Angliam, Octavianus & Hugo Novantius Coventriensis electus, Hoc anno obiit*  
*Greg. 9. Pap. Urbanus Papa, successit Albertus Cancellarius, & vocatus est Gregorius nonus*  
*qui*

MCLXXXVII.



qui rexit Ecclesiam II. mensibus & dies quinque, & mortuus est, cui successit *Henric. 2. R.*  
*Clemens* Papa. Obiit *Gilbertus Foliot* Episcopus *Londoniensis*. Obiit *Ra-* *Clem. pap.*  
*nulfus* Abbas de *Bildæas* in itinere capituli. *Henricus* secundus Abbas *Waver-*  
*liæ* dimisit Abbatiam suam, cui successit *Christophorus Brueriæ* Abbas, quintus  
 Abbas *Waverley*. Tempore hoc erant in domo *Waverley* cxx. conversi, &  
 Monachi lxx. Caruce autem arantes circiter xxx. Facta est maxima discordia  
 inter *Baldewinum* Archiepiscopum *Cantuariensem*, & Monachos Sanctæ *Trinita-*  
*tis*, propter Ecclesiam quam cœpit ædificare. Combusta est Ecclesia *Cicestriæ*  
 & fere tota civitas, Proh dolor ! Strages maxima Christianorum in terra *Jerosol.*  
*limitana* perpetrata est. Insuper Sancta crux à *Sarracenis* capta & abducta. *captus.*  
 Et Rex terræ illius vivus captus & abductus, & multi alii cum eo, & terra San-  
 cta à *Saracenis* possessa.

## MCLXXXVIII.

Anno xxxv. *Henrici* secundi Regis signatus est *Fredericus* Imperator *Roma-* *II 88*  
*norum*, & *Fredericus* filius ejus dux *Sueviæ*, & *Philippus* Rex *Francorum*, & *Henri-* *Imp. Rom. RR.*  
*cus* secundus Rex *Anglorum*, & hic & filius ejus Comes *Pictavorum* juvenis bel- *Franc. &*  
 licosissimus ; signati sunt etiam cum prædictis principibusque Archiepiscopi *Angl. cruce*  
 nonnulli, Episcopi quamplurimi, optimatum vero & plebis innumera multi- *signati.*  
 tudo. Per hujus signationis occasionem, sub auctoritate *Romani* Pontificis  
 exorta est quædam decimatio ab omni *Europa*. In qua exactione multi &  
 maxime pauperiores angariantur & affliguntur. Ab hac decimatione liber  
 fuit ordo *Cisterciensis*. Orta est tunc dissensio inter *Philippum* Regem *Franco-*  
*rum*, & *Henricum* secundum Regem *Anglorum*, propter *Richardum* Comitem *Pi-*  
*ctavorum*. Hoc anno descenderunt in *Angliam* visitatores missi à capitulo *Ci-*  
*sterciensi*, in quorum visitatione dimiserunt Abbatis suas, *Wilhelmus* de *Tinterna*,  
 & successit *Guido* Abbas de *Kingswoda*, eique successit in *Kingswoda* *Wilhelmus*  
 Abbas de *Bordeslia* \* dimisit abbatiam suam, successit *Richardus* supprior.  
 Hoc idem fecit *Waleranus* Abbas de *Clebe*, & successit *Alanus* de *Bordeslia*.  
 Obiit *Baldwinus* Comes *Cornubiæ* & consanguineus Regis. Hoc anno obiit *Ob. Com. Cor-*  
*Richardus* Episcopus *Wintoniensis*, præ cæteris opibus eleemosynæ deditus tem- *nub.*  
 pore suo. Disperfit, dedit pauperibus, justitia ejus manet in seculum seculi,  
 ædificia vero admiranda in Episcopatu faciens, quam in progenie ad progèni-  
 em nomen suum vocavit in terris suis : cujus animæ misereatur, qui post mor-  
 tem solus medetur.

## MCLXXXIX.

Anno ultimo *Henrici* secundi Regis *Anglorum*. Hoc anno prid. Non. Ju- *II 89*  
 lii ingressus est viam universæ carnis *Henricus* secundus rex *Anglorum*, & se- *Ob. Hen 2. R.*  
 pultus est honorifice in monasterio sanctimonialium fontis *Ebraldi* II. Non.  
 Julii. Successit *Richardus* filius ejus in regnum, & in regem unctus est & coro-  
 natus *Londoniæ* apud *Westmonasterium* à *Baldewino* Archiepiscopo *Cantuariensi*,  
 iii. Non. Septembris in Dominica diæ. Interfuit etiam Archiepiscopus *Tre-*  
*verensis* & Archiepiscopus *Rotomagensis* *Walterus*, & Archiepiscopus *Hybèrniæ*  
 de *Dibelin* *Johannes*, cum omnibus Episcopis *Anglici* regni & quibusdam de  
*Normannia*. Affuit autem *Alienor* regina mater ejus & comites & principes  
 totius regni, & de regno *Francorum* plurimi, affuerunt *Judei Londonienses* cum  
 exeniorum plurimo apparatu ad perpetuam confusionem. Sed rege subinde  
 indignante repulsi sunt, non sine corporum suorum vel vestimentorum dila-  
 ceratione, & subito Christiani repleti zelo, inconsulte tamen, irruunt in uni-  
 versam eorum multitudinem per civitatem, occidentes eos & bona eorum di-  
 ripientes insuper ; & ædificia eorum ignibus tradiderunt, per omnia benedi-  
 ctus Dominus, qui tradidit impios. *Gaufridus* filius Regis *Henrici* secundi  
 electus est ad Archiepiscopatum *Eboracensem*, *Godefridus* ad Episcopatum  
*Wintoniensem*, *Hubertus* *Walterus* ad *Salesburiensem*, *Richardus* *Thesaurarius* ad  
*Londoniensem*, *Wilhelmus* de *Longo Campo* ad *Eliensem* ; & consecrati sunt à *Bald-*  
*wino* Archiepiscopo *Cantuariensi* apud *Londoniam*, xi. Kal. Novembris. Obiit  
*Turstanus* Abbas *Geroldeniæ*, successit *Wilhelmus* Prior ejusdem loci, & *Hen-*



*Rich. I. R. ricus Abbas de Stanlia, successit Wilhelmus cellarius de Bordefly. Hoc anno  
Fam. & Pest. exstitit magna fames & mortalitas hominum grandis.*

1190

MCXC.

*Imperat. &  
R.R. Angl.  
& Franc. ver-  
sus Hieros.  
pergunt.*

*Imperator ob.*

Anno II. *Richardi* Regis *Anglorum*, motio *Christianorum* ad *Ierosolimam*. In qua motione primus, & præcipuus exstitit *Fredericus* Imperator *Romanorum*, & *Philippus* rex *Francorum* & *Richardus* rex *Anglorum*, sed minime hoc anno illuc pervenerunt. Pervenerunt illuc *Baldwinus* Archiepiscopus *Cantuariensis* & *Hubertus* Episcopus *Salesburienfis*, & *Ranulfus* de *Glanvilla*, & multi alii Principes & Barones cum ingenti exercitu. Mortui sunt ibidem Imperator, & Comes *Robertus* II. *Legreestriae*, & *Baldwinus* Archiepiscopus, & *Wilhelmus* Comes de *Ferariis*, & *Ranulfus* de *Glandil* ? *Hugo* Nonantis Episcopus *Coventrensis* expulit Monachos de prioratu *Coventrensi*, & introduxit Canonicos seculares. *Wilhelmus Eliensis* Episcopus factus est Legatus, & Cancellarius in regno *Anglorum*. Obiit *Wilhelmus* Episcopus *Wigornensis*, successit *Robertus* filius *Dapiferi* de *Normannia*.

1191

MCXCI.

*Cyprus & A-  
caron cap.*

*Celestin. Pap.*

Anno III. *Richardi* Regis, Rex *Richardus* cepit *Cyprum* Insulam, & Principem ejus in vinculis argenteis secum adduxit *Ierosolimam*. *Acaron* capta est à regibus *Christianis*, scil. *Philippo* & *Richardo*, atque ibidem inter eos orta est discordia, & statim revertitur in terram suam Rex *Francorum* *Philippus* cum indignatione magna. Facta est Eclipsis solis in die Dominica circa horam sextam. Obiit *Clemens* Papa, successit *Celestinus*. Obiit *Johannes* Episcopus *Exoniensis*. *Robertus* electus *Wigorniensis* sacratu est Episcopus, III. Nonas Maii apud *Cantuariam* ab Episcopo *Eliensi* *Wilhelmo*, & Legato. Eodem anno *Gaufridus* electus *Eboracensis*, filius *Henrici* II. Regis, consecratus est in Archiepiscopum ab Archiepiscopo *Turonensi*, & veniens in *Angliam* captus est apud *Doroberniam*, in ecclesia sancti *Martini*, à *Wilhelmo* Episcopo *Eliensi*, qui eo tempore erat Regis Cancellarius, & non multo post expulsus est idem Cancellarius ab *Anglia*,

1192

MCXCII.

*Richard. R. à  
Duce Austriæ  
captus.*

Anno IV. *Richardi* Regis. Qui rediens ab *Ierosolimis* mense Decembre, & per fines *Alemanniæ* transitum faciens, in terram ducis *Ostricensis* fortuito appulsus, à quo & captus Imperatori *Henrico Alemanniæ* offertur, oblatus custodiæ traditur, custoditus tutissime tenetur. Obiit *Regnaldus* *Bathoniensis* Episcopus. Obiit *Wilhelmus* Abbas de *Cumba*, & *Wilhelmus* *Mirevallis*, & *Ricardus* de *Betlesdene*. Obiit *Franco* filius *Geldewini* III. Non. Octobris, & *Savarius* frater ejus factus est Episcopus *Bathoniensis*.

1193

MCXCIII.

*Pecun. collect.  
in redempt.  
Ric. R.*

*Johan. Regn.  
Angl. asse-  
ctat.*

*R. Call Nor-  
man. invadit.*

Anno V. *Ricardi* Regis. Detentus est *Ricardus* Rex in *Alemannia*, donec pactam pro redemptione sua pecuniam cM *Marcas* argenti persolveret. Tunc primates *Angliæ* hanc colligentes pecuniam, præter laicorum exhibitionem, singularem decimaverunt redditus Ecclesiarum. Quicquid vero thesauri & auro, & argento, & lapidibus pretiosis in abbatiis & in aliis inventum est Ecclesiis, acceperunt, adeo ut cruces, & feretra decrustarentur, sacra etiam vasa altaris diriperentur. Cum autem apud Monachos ordinis *Cisterciensis* more aliorum coenobiorum non sunt inventæ auri, argenteive possessiones, totam unius anni Lanam dare compulsi sunt. Præterea insurrexit contra Regem *Ricardum* *Johannes* Comes frater ejus cum *Walensibus*; conatus est se regem creare, consilio fretus & auxilio Regis *Philippi Franciæ*. Archiepiscopi vero, & Episcopi, Comites, & Barones ei viriliter resisterunt, qui curam regni gerebant. Et obsidione facta apud *Windeſores*, abstulerunt ab eo castella, & munitiones quas occupaverat, tandem vero videns se non profecturum, suspicansque fratris sui liberationem, in *Galliam* secessit; captione & detentione audita Rex *Galliæ* *Philippus* gavisus est valde. Et veteri commotus odio, & invidia insurrexit in *Normanniam*, *Gizorcium* obsedit, quod non vi sed dolo cepit, traditum à custode castelli nomine scilicet *Gilleberto* de *Casvil*. Inde vero progrediens, quippe



quippe cui patria patuit, dum liber ingressus patefactus est, castella circa adjacentia quam plurima vi nulla, seditione obtinuit. Hoc anno *Hubertus Salesburienfis* Episcopus factus est Archiepiscopus *Cantuariensis*, & non multo post Justitiarius totius *Angliæ*. Obiit *Robertus* Episcopus *Wigorniensis*, successit *Henricus* Abbas *Glastoniensis*. Obiit *Wilhelmus* Comes junior de *Arundel* nativitate Domini.

## M C X C I V.

Anno VI. *Richardi* Regis. Hoc anno liberatus est rex *Richardus* II. Non. Feb. à captione sua circa purificationem Sanctæ Mariæ, quam ei intulit dux *Austriæ* redeunti de terra *Ierosolimorum*, relictis obsidibus pro se, qui veniens in *Angliam* III. Id. Maii receptus est cum gaudio magno; Deinde venit *Notingham*, & castellum illud cum cæteris qui fratris sui erant cepit; & ipsum fratrem suum *Johannem*, s. cum omnibus qui illi adhærebant exhæredavit. Exinde venit *Wintoniam*, & ibi coronam portavit in Oct. Paschæ; & post adunavit exercitum suum, & cito transivit in *Normanniam* contra regem *Francorum Philippum*, & obsidionem, quæ erat circa *Wernul*, fugavit, Castellumque *Luches* nomine cum omnibus qui in eo erant cepit. *Robertus* Comes III. *Legreestrie* captus est in terra illa ab hominibus regis *Francorum*. *Henricus* Marescallus factus est Episcopus *Exoniensis*, & *Herbertus* Pauper *Salesburienfis*. Obiit *Wilhelmus* *Waldout* VI. Non. Octobris, & sepultus est ante ostium Capituli apud *Waverleiam*. Obiit *Wilhelmus* Abbas *Cisterciensis*, successit Abbas de valle Sanctæ Mariæ.

## M C X C V.

Anno VII. *Richardi* Regis. Præ nimia abundantia pluviarum segetes hoc anno pene perierunt. Obiit *Hugo* Episcopus *Dunelmæ*, & *Henricus* Episcopus *Wigornensis*, *Wilhelmus* Abbas *Geroldoniæ* dimisit Abbatiam suam, successit *Reginaldus* Abbas *Mirevallis*, & in loco ejus successit *Henricus* supprior ejusdem loci. Obiit *Warinus* Abbas Sancti *Albani*, successit *Nicholaus* Prior de *Wallingford*.

## M C X C V I.

Anno VIII. *Richardi* Regis. Exiit edictum à rege *Richardo* *Anglorum* ut omnium rerum venalium commercia per universum regnum ejus essent unius mensuræ, & ponderis, & pretii, panis videlicet, vinum, & cervisia. violata sunt induciarum fœdera inter *Christianos*, & *Paganos*. *Paganis* primum irrumpentibus, & diripientibus castra *Templariorum*, & hoc in die *Parasceues*. Civitas *Achaz* obsidetur, & ad tantam penuriam deducitur, ut in nullo præter in sale, & aqua abundaverit. *Johannes* de *Constantiis* Decanus *Rotomagi* factus Episcopus *Wigornensis*. *Johanna* vidua *Wilhelmi* Regis *Apuliæ*, soror *Richardi* Regis *Anglorum*, connubio stabili jungitur Comiti Sancti *Egidii* apud *Rotomagum*, ubi & nuptiæ factæ sunt. Hoc anno amotus est *Christophorus* Abbas *Waverleie* à villicatione sua, successit *Johannes* Hospitalis, Monachus ejusdem loci. *Reginaldus* Abbas *Geroldoniæ* graviter vulneratus est in infirmitorio suo nocte, propter quod missum est per generale capitulum *Cistercii*, ut omnes conversi ejusdem loci dispergerentur. *Philippus* Clericus Regis factus est Episcopus *Dunelmensis*. Obiit *Wilhelmus* Comes *Salesburienfis*. Ventus vehemens à mane usque ad horam IX. III. Non. Novembris,

## M C X C V I I.

Anno IX. Regis *Richardi*. Obiit *Henricus* Imperator *Alemanniæ*, & *Wilhelmus* Episcopus *Eliensis* Cancellarius Regis *Richardi*. Obiit *Wilhelmus* de *Wessex* v. Kalend. Maii.

## M C X C V I I I.

Anno X. Regis *Richardi*. Præcepit idem Rex omnes cartas in regno suo emptas reformari, & novi sigilli sui impressione roborari, vel omnes cassari cujuscunque dignitatis, aut ordinis essent, qui vellent sua protectione defensari, vel universa bona sua confiscari. Hoc anno obiit *Celestinus* Papa, successit *Innocentius*, & quatuor Episcopi in regno *Anglorum* obierunt, *Richardus* *Londoniensis*,

1194

Rich. R. redempt. Winton. coron.

In Normans. transf.

1195

Ob. Episcop. Dunelm. &amp; Wigorn.

1196

Ponderum &amp; mensurar. reformat.

Achaz obsidetur.

Conversi Ord. Cisterc. amoventur.

1197

Ob. Henr. Imper.

1198

Cartæ de novo sigill.

Innocent. Pap. mienfis,



*Johan. R.* niensis, *Johannes Wigornensis*, *Petrus de Sancto David*, & *Hugo Nonantis Coventrensis*, qui Monachos de prioratu de sede sua expulit, sed statim post mortem ejus sunt reversi. *Eustachius* factus est Episcopus *Eliensis*, & *Gaufridus de Gussamp Coventrensis*. *Wilhelmus* Abbas de *Betlesdene* depositus est, & *Adam* Cellarius de *Brueria* successit.

*Oto. Imper.* *Oto* minor filius *Henrici* ducis *Saxonie*, nepos *Richardi* Regis *Anglorum* electus est in Imperatorem *Alemannie*. Tempestas maxima XIII. Kalend. Augusti hora meridiana, pluviae, tonitruum, coruscationum, & grandinis.

M C X C I X.

1199

*Ric. R. Angl.*  
ex vulnere  
moritur.

*Richardus* illustris Rex *Anglorum* apud castrum *Limovicense* sagitta percussus VII. Kal. Aprilis, XII. dies supervixit; tandem mortuus est VIII. Id. Aprilis, & sepultus ad pedes patris sui in monasterio *Sanctimontalium* fontis *Ebraldi*, IV. Id. Aprilis, apud castrum *Limovicense* de *Caluz*.

*Christe, tui calicis prædo fit præda Chalucis,  
Ære brevi ruit is, qui tulit æra crucis.*

*Johannes suc-*  
*cedit.*

Cui successit in regnum *Johannes* frater ejus, qui die ascensionis *Dominicæ* sexto videlicet Kalend. Junii, proxima post ejus obitum, *Londonis* coronatus est à Domino *Huberto* Archiepiscopo *Cantuariensi*. *Hugo* Abbas *Kadingis*, factus est Abbas *Clunacensis*, vir. magnæ religionis, & honestatis vitæ. *Safridus* Episcopus *Cicestrensis* dedicavit Cathedralē Basilicam sedis suæ cum VI. Episcopis aliis, mense Septembri. *Wilhelmus de Ecclesia Sanctæ Mariæ* factus est Episcopus *Londoniensis*. *Richardus* Abbas de *Bordesleia* dimisit Abbatiam suam: Successit *Wilhelmus de Stanleia*.

1200

*Johan. Isa-*  
*bellam En-*  
gol. ducit in  
uxorem.

Pax inter

*RR. Angl. &*  
*Franc.*

*R. Franc. Re-*  
*ginam reci-*  
*pit.*

M C C.

Anno II. *Johannis* Regis *Anglorum*: *Johannes* Rex *Angliæ* desponsavit *Isabel* filiam Comitis *Engolemensis*, & statim postea fecit eam coronari apud *Westmonasterium* à Domino *Huberto* *Cantuariensi* Archiepiscopo, VIII. Id. Octobris.

Item matrimonium inter *Lodovicum* filium *Philippi* Regis *Francorum* & filiam Regis *Hispaniarum* cognomine parvi, neptem scilicet *Johannis* Regis *Angliæ*, qui desponsavit eam apud *Rotomagum*. Pax composita est inter *Philippum* Regem, & *Johannem* *Angliæ*. Regina *Franciæ* filia Regis *Daciæ* recepta est thoro mariti sui *Philippi* Regis *Franciæ*; & adultera superinducta, scilicet filia Ducis *Austriæ*, jussu Apostolico repudiata est condigne. Gallia, missarum sollempnitatibus destituta, lætatur suam cum Divinis recepisse Reginam. Nundinæ sunt statutæ apud *Lameiam* per *Hubertum* Archiepiscopum *Cantuariensem*. Item forum instauratum est apud *Walsresford* per *Godefridum* de *Luti* Episcopum *Wintoniensem*, appellavitque nomen villæ, novum forum. Obiit *Hugo* Episcopus *Lincolniensis* & *Johannes* *Norwicensis*, successit *Johannes* de *Grai*. *Egidius* filius *Wilhelmi* de *Breause* factus est Episcopus *Herfordensis*, *Savarius* Episcopus *Bathoniensis* obtinuit in causa apud *Romam* contra Monachos *Glastonienses* super Abbatia eorum. Hoc anno electus est *Wido* Abbas *Cisterciensis* in Cardinalem *Romane* Ecclesiæ & Episcopum *Prenestinum*.

*Wido fit Car-*  
*dinalis.*

1201

M C C I.

Anno III. *Johannis* Regis *Anglorum*. Sanctus *Wulstanus* Episcopus *Wigornensis*, & sancta *Modwenna* virgo, quæ pausat in Abbatia de *Burtuna*, quæ sita est super ripam fluminis quod dicitur *Trenta*, hoc anno clarent multis, & magnis miraculis. Hoc anno missi sunt legati, & viri religiosi à Papa *Innocentio* prædicare, & injungere iter *Jerosolymis* in remissione omnium peccatorum; unde factum est ut innumerabilis multitudo *Christianorum* illud iter arriperet. Idem vero Papa cum ab ordine *Cisterciensi* ad illud iter pecunias violenter exigeret, à beata *Maria* ejusdem ordinis advocata cum minis admonitus ab hac exactione quievit. Tempestas exorta grandinis, & pluviae post octavas Sancti *Johannis Baptistæ*, id est VIII. Id. Julii, die decima, hora VI. luna IV. domos cum suis habitatoribus per loca, segetes, & foenum, & linum ex magna parte delevit.

*Iter Hieroso-*  
*lymit.*

*Innud. mag-*  
*na.*



delevit. Abbatia vero de *Waverleia* ex harum inundatione aquarum pene *Johannis R.*  
 submersa vehementer est periclitata, Obiit *Johannes* Abbas *Waverley* VI. apud *Ob. Abb. Wa-*  
*Mertonam*, XVI. kal. octobris; successit Cellarius ejusdem loci, ejusdem nomi-  
 nis VII. abbas. *verl.*

*Hoc scriptum Simonis certum facit, ecce ! futuris,  
 Qui fuit insignis Abbatis vita Johannis ;  
 Corpore castus erat, simplex, sermone modestus,  
 Mitis mente, pius, humilis, devotus, honestus,  
 Compatiens miseris, jocundus corde, benignus :  
 Unde fuit tanti pastoris nomine dignus,  
 Omnibus in annis Abbatis certa Johannis  
 Virginis Eufemie mors memorata die*

*Dunkelwelle* fundata est. Capella de infirmitorio dedicata est VIII idus No- *Abb Dunkel-*  
 vembriis a domino Ablino Episcopo *Ternensi Hiberniae*, monacho ordinis *well. fund.*  
*Stercensis.*

## MCCII.

1202

Obsessa est *Alienor* Regina mater *Johannis* Regis in partibus *Pictaviae*, apud  
 castellum quod dicitur *Wirabel*, ab *Gaufrido* de *Lizenan*, & *Hugone* cogno-  
 mento *Le Brun*. Eo adunata multa, & electissima manu militum, in quorum  
 auxilium misit *Phillippus* rex *Francorum* *Arthurum* filium *Gaufridi* Comitis *Bri-*  
*tanniae*, filium videlicet obsessae Reginae cum grandi exercitu, & manu militari  
 praevalida. Quod audiens *Johannes* Rex *Anglorum* in *Normania* constitutus, *Johan. nepo-*  
 statim de nocte confurgens, & concito cursu illuc pervolans, insperatis hostibus *tem Arthu-*  
 supervenit, circumfusoque exercitu facta congressione factus superior solvit *rum & alios*  
 obsidionem, & intra muros ipsius oppidi praemisso trino bellico conflictu, in *capit.*  
 quo Rex strenuissime se agens hostes universos comprehendit, & spolia eorum  
 distribuens, quosdam ex illis in *Angliam* transmittens, acriori custodiae carce-  
 ris mancipavit *Arturum* nepotem suum, & alios, qui caput belli esse videbantur,  
 in *Normannia* incarceravit. Quo facto *Phillippus* Rex *Franciae* in spiritu fu-  
 rens recessit ab obsidione castelli de *Arches*. Eodem anno a carcere, et cap-  
 tivitatem liberati sunt *Hugo* *Le Brun*, & *Gaufridus* de *Lizenan*, datis obsidibus  
 de terris & castris suis reddendis, & de firma pacis confederatione. Per *Hu-*  
*bertum* Archiepiscopum, *Cantuariensem*, & alios Episcopos coacti sunt cruce  
 signati totius *Angliae* crucem resumere. Missus est Abbas de *Firmitate* a do-  
 mino Abbate *Cisterciensi* in *Angliam*, ad suscipiendum Regium castrum de  
*Ferndune* cum omnibus pertinentiis suis. Quia *Johannes* Rex ad constituen-  
 dam Abbatiam de ordine *Cisterci* inspiratione divina praeventus, biennio ante  
 ipsius Abbatis adventum apud *Lincolniam* constitutus concesserat. Ex super-  
 abundantia pluviarum anni praeteriti seges aegre provenit, unde semen corrup- *Sterilitas*  
 tum tantam sterilitatem fecit, ut summa frumenti quam equus portare con- *max.*  
 suevit, carius quam pro duodecim solidis in *Anglia* venderetur.

## MCCIII.

1203

Dominus *Wilhelmus* de *Bradewatere* coepit jacere fundamentum novae Ec-  
 clesiae Beatae Mariae de *Waverley*, XIII. Kalendis Aprilis, feria quarta. Sacerdos *Sacerdos ex-*  
 quidam *Rogerus* dictus, publice, & sollemniter saepius excommunicatus, quia *communicat.*  
 in Ecclesia de *Boscham* suspensa, contra prohibitionem Episcopi Diocesani,  
 & Archidiaconi sui divinum celebravit officium, manum apposuit ad minu-  
 endum sanguinem cuidam mulieri de *Boscham*, quae in principio fluxus sangui-  
 nis statim resoluta inter manus sacerdotis excommunicata expiravit. Magister  
*Wilhelmus* de *Breis* electus *Lincolniensis*, consecratus est in Ecclesia *Cantuariensi*  
 a *Wilhelmo* Episcopo *Londonensi*, contendente cum *Gileberto* Episcopo *Roffensi*,  
 & vendicante jus consecrandi, ratione Decanatus provinciae; *Gileberto Roffensi*  
 ratione Capellaturae Domini *Cantuarenensis*. Tunc Archiepiscopus *Cantuarenensis*  
 gravi infirmitate detinebatur. Obiit *Radulfus* Abbas de *Fontibus*, successit ei  
*Johannes*



*Johan. R.  
Johan. in  
Angl. ven.*

*Rex Franc.  
Normanniam  
occupat.  
Fames & pe-  
stis.*

*Johannes* Abbas de *Parche*. Obiit *Wilhelmus* Abbas *Reibai*, et successit *Gaufridus* Monachus ejusdem loci. *Wilhelmus* de *Stuteville*, & *Hugo Bardulfus* obierunt. *Johannes* Rex ad festum sancti *Nicholai* venit in *Angliam*, aliquot castris terrarum suarum rege *Francorum* expugnatis; & postea in brevi occupavit Rex *Franciæ* per *Normanniam*, *Aquitaniam*, & omnes terras Regis *Angliæ* ultra mare. Fames magna, & mortalitas hominum fuit. Hoc anno dispersi sunt Monachi de *Wlaverley* per diversa cœnobîa pro nimia frugum penuria. *Gaufridus* Prior *Lantomensis* factus est Episcopus sancti *David* in octavis sancti *Andreae*.

1204

MCCIIII.

*R. Franc.  
cast. de Rupe  
cap. Norman.  
& Andegav.  
vincit.*

Ultimum pascha. *Philippus* Rex *Francorum* non modico stipatus exercitu caastro cuidam in *Normania*, quod *Rupes Insula* nominatur, advenit, virumque venerabilem *Rogerum* de *Lati* cum suis in eo undique obsedit, ut à nulla parte potuit eis auxilium provenire, neque eis licitum fuit alicubi fugam arripere. Obsessus vero per unius fere anni circulum cum omnis resistendi copia excluderetur, & invalescente fame, ita ut eorum corpora pene viderentur esse consumpta. Muris undique dirutis tandem sese Regi *Philippo* subdiderunt. Sicque præfatus *Rogerus* cum militibus \* sanctæ Associetati vinculis enormiter mancipatus est. Tandem se suosque sex marcarum millibus redemptus gratulabundus in *Angliam* remeavit. His ita gestis Rex *Francorum* universam *Normanniam*, & *Andegaviam* Ditioni suæ subjugavit, seditione *Wilhelmi* de *Humat*, qui sub Rege *Johanne* totius *Normaniæ* gubernaculum obtinuit, *Johanne* Rege in *Anglia* moram faciente. Rex *Johannes* quandam Abbatiam de ordine *Cisterci* construxit, quod *Bellum Locum* nominavit. Prope locum ubi *Wilhelmus* rex *Ruffus* occisus est. *Robertus* Comes *Leicestriæ* obiit. *Saufridus* Episcopus *Cicestriæ*, qui Ecclesiam *Cicestrensem* post incendium magnum sumptibus innumeris reædificavit, obiit. Successit *Simon* Archidiaconus de *Welles*. *Alienor* Regina obiit Kalendis Aprilis. *Godefridus* Episcopus *Wintonensis* obiit II. idus septembris. *Radulfus* Abbas *Elemosynæ* & *Wilhelmus* Abbas *Wordesly* obierunt.

*Alienora. Re-  
gin. ob.*

1205

MCCV.

*Joan. trans  
fretare parans  
ab optimat.  
detinetur.*

Hoc anno hiems gravissima fuit gelu, & nivibus, à nativitate domini usque ad Aequinoctium. Ubertas tamen fructuum subsequuta est. Facta est turbatio magna in regno per tonsuram sterlingorum. *Johannes* Rex infinitum convocavit exercitum militum, & peditum & magnam multitudinem navium apud *Portesmuæ* circa principium Junii, quanta non fuit in uno loco congregata in *Anglia*. Sed consilio *Huberti* Archiepiscopi *Cantuariensis* & Magnatum *Anglorum* quam plurimorum impeditum est iter ejus propositum transfretandi, sicque solutus est cœtus tum hominum quam navium, Rege in *Anglia* moram faciente. Obiit *Petrus* Capellanus de *Colechurch*, qui inchoavit pontem *Lapidum Londonensem*, & sepultus est in capella super Pontem. *Hubertus* Archiepiscopus *Cantuariensis* obiit III. idus Julii. *Savaricus* Episcopus *Bathoniensis* obiit. *Petrus* de *Rupibus* Clericus curialis, Regis *Johannis* familiaris ad Episcopatum *Wintonensem* per Regem *Johannem* electus, *Romam* adiit, consecratus rediit; mandatum domini Papæ secum attulit ad Episcopos *Angliæ* directum, continens quod singuli sacerdotes parochiales, per parochias suas à singulis domibus inhabitantis à quibus ignis exit, singulos accipiant denarios sancti *Petri*, domos etiam, & denarios certo scripto commendent. Denarios cum scriptis Decanis tradant, Decani Archidiaconis, Archidiaconi Episcopis, Episcopi *Petro Wintoniensi* Episcopo: sed ab *Huberto* mandatum non est admissum vel à regno, vel à sacerdotio. In Ecclesia *Lincolniensi* interfectus fuit *Wilhelmus* De *Bramford* subdecanus ejusdem Ecclesiæ à quodam clerico, qui fuerat *Vicarius* ejusdem Ecclesiæ, ante altare beati *Petri*, VII. kalendis Octobris: idem autem clericus in eadem Ecclesia à servientibus predicti subdecani, & aliis statim membratim discerptus est, & extra Ecclesiam tractus extra urbem suspensus est, quod totum factum est in Dominica, Dominicali litera B. *Johannes* de

*Denarii S. Pe-  
tri solvi pro-  
hib.*



de Grati Episcopus *Normicensis* electus est ad Archiepiscopatum *Cantuariensem* Rich. I. R. Ep. Nor. fit Arch. Cant.  
à monachis ejusdem ecclesiæ, & in eadem ecclesia, nullo Episcopo præfidente,  
assentiente, vel præfente \* collocarunt.

## MCCVI.

1205

*Johannes Florentius* Diaconus Cardinalis venit Legatus in *Angliam*, celebravitque concilium apud *Redinges*. *Jocelinus* Episcopus *Bathonia* consecratus est apud *Redinges* in die Sanctæ Trinitatis. Obiit *Henricus* Episcopus *Exoniensis*. Obiit *Wilhelmus* de *Bleis* Episcopus *Lincolniæ*. Uacante tam sede *Cantuariense*, quam sede *Lincolniæ*. *Johannes* Rex cum exercitu multo mare ingressus est apud *Portesmuze*, transitum faciens ab *Anglia* in *Pictaviam* ivit; in adjutorium ejus convenerunt multi viri potentes, & exercitus multus militum & aliorum armatorum, ejusque iter & actus ita prosperavit Deus ut multas sibi subjugaret civitates, castra, & munitiones. Armata etiam manu multos cepit milites & plures eorum misit in *Angliam* incarcerandos. Non multo post inter Regem *Franciæ Philippum* & Regem *Angliæ* acceptis treugis per biennium, Joan. in Pictaviam transfretat.  
& pluribus obligationibus confirmatis, venit Rex in *Angliam* ante Natale Domini cum turba multa militum præcedentium & subsequantium. Joan. in Angl. red.

## MCCVII.

1207

Rex *Johannes* post reditum suum a transmarinis, convocatis Episcopis, Abbatibus, & Prioribus, Comitibus, & Baronibus, & Magnatibus regni celebravit concilium *Londoniis* in octavis Circumcisionis; ibique convenit Episcopos & Abbates, ut permitterent personas & beneficiatos Ecclesiarum dare regi certam summam reddituum suorum. In quod cum non consentirent Prælati Ecclesiarum, data est dilatio usque ad sequens concilium celebrandum *Oxonie* in octavis Purificationis beatæ Mariæ, ibique congregata infinita multitudo Prælatorum Ecclesiæ & Magnatum regni; exegit ab Episcopis & Abbatibus quod prius exegerat ab eis. Sed consilio inito omnes tam *Cantuarienses* quam *Eboracenses* Metropolitæ unanimiter responderunt, *Anglicanam* Ecclesiam nullo modo sustinere posse, quod ab omnibus seculis prius fuit inauditum, Rex ergo saniori usus consilio exactionem illam penitus relaxavit. Postea generaliter statuit per universum regnum, ut omnes homines de cujuscunque feudo, jurarent pretium catellorum suorum de immobili & mobili, & de suis darent decimam tertiam partem Regi, ad recuperandam hæreditatem suam in *Normannia* & in aliis terris suis. Ad quam colligendam misit ministros suos per universos comitatus *Angliæ*: Ab hac exactione liber fuit ordo *Cisterciensis*. Magister *Stephanus* de *Langeton* Apostolicæ sedis Cardinalis in Archiepiscopum *Cantuariensem* per Priorem & Monachos Ecclesiæ Sanctæ Trinitatis, contra voluntatem Regis, in curia *Romana* est electus, & apud *Viterbium* à domino Papa *Innocente* tertio consecratus xv. Kal. Julii. Qua propter Prior & Conventus *Cantuariensis* sunt expulsi in transmarinas partes exules. Totum vero Archiepiscopatum Rex in manu sua detineri fecit, prohibens ne aliqua ejus terra in culturam redigeretur. Natus est *Henricus* primogenitus filius *Johannis* Regis in die sancti *Remigii* apud *Winton*. Obiit *Simon* Episcopus *Cicestrensis* apud sanctum *Egidium*. *Gaufridus* Archiepiscopus *Eboracensis* ab Ecclesia sua & à regno recessit propter prædictam exactionem, & ideo confiscavit Rex omnia bona sua. Facta est hoc anno prohibitio domini Regis, ne placita domini Papæ, in *Anglia* teneantur. Obiit *Jocelinus* Episcopus *Bathonia*, cui successit magister *Simon* de *Willes*. Et tempore brevi sequenti *Hugo* Archidecanus de *Willes*, frater ejusdem *Simonis* senior, ad Episcopatum *Lincolniæ* promotus in transmarinis partibus consecratur. Joan. decimam tertiam regni extorquet.  
Steph. Langton fit Archiep. Cant.

## MCCVIII.

1208

Excluso ab Ecclesia *Cantuariensi* & à Regno *Angliæ* *Stephano* Archiepiscopo, & cunctis Monachis, terrisque eorum sub tyrannica custodia *Reginaldi* de *Cornhulle* & *Fulconis* de *Cantelu* omnino incultis, dominus Papa *Innocens* tertius sæpius scripsit Regi *Angliæ* *Johanni* primo affectum monens & benigne supplicans, ut Archiepiscopum in curia *Romana* canonice electum, & ab eo consecratum



*Johannis R.  
Anglia inter-  
dicitur.*

cratum admitteret, & Monachos ejectos redire permetteret. Scripsit etiam tam Papa, quam Archiepiscopus Suffraganeis *Cantuarie Angliæ*, ut omnibus quibus possent modis Regem inducerent ad parendum petitioni domini Papæ. Tandemque post multas petitiones tam Regi quam Episcopis factas, cum nullatenus exaudiri possent, auctoritate domini Papæ injunctum est Episcopis totius regni, ut ni Rex *Archiepiscopum* & Monachos admitteret, per universam *Anglicanam Ecclesiam* interdictum generale facerent totius officii divini, præter baptismi parvulorum & poenitentias morientium. Hujusque mandati speciales executores facti sunt *Willielmus Londinensis, Eustachius Eliensis & Maugerius Wigorniensis* Episcopi. Qui accepto hoc mandato sæpius convenerunt Regem, aliquando & flexis genibus & lacrimis, ut misertus *Anglicanæ Ecclesiæ* *Archiepiscopum Stephanum* permitteret ad Ecclesiam suam *Cantuariensem* redire, plura & literarum ostendentes eis à domino Papa, & ab Archiepiscopo transmissa super hoc negotio. Sed cum induratum cor ejus non eos exaudiret, exhibuerunt ei mandatum domini Papæ de universo interdicto divini officii per Ecclesiam *Anglicanam* faciendo, nisi Archiepiscopum admitteret. Tandem pluribus dilationibus datis regi de interdicto pernunciando, eoque sæpe in contumacia persistente, proxima die lunæ post dominicam, qua cantatur, *isti sunt dies*, scilicet in vigilia Annuntiationis dominicæ ix. kal. Aprilis, indictum est generaliter interdictum divini officii, & ostia Ecclesiarum clausa auctoritate domini Papæ. Rex igitur, hoc edicto generaliter pernunciato per *Angliam*, miro modo turbatus præcepit confiscari per universum regnum suum omnes possessiones Episcoporum & Clericorum & virorum religiosorum, & omnia bona Ecclesiastica & misit per singulas provincias ministros suos tam clericos quam laicos, ad confiscanda bona Ecclesiarum. Qui circumeuntes regionem saisiaverunt bona clericorum mobilia & immobilia intra & extra, committentes curam rerum illarum in singulis villis vicinis hominibus, per quorum manus clerici perciperent de rebus suis necessaria; Pluribus & in locis ferras appenderunt in horreis clericorum. Propter hæc ergo enormia peccata, præcepto Episcoporum data est sententia excommunicationis per omnes Ecclesias *Angliæ* majores & minores, in omnes eos, qui manus violentas injicerent in possessiones Ecclesiasticas, exceptis personis Regis & Reginae & Justitarii domini Regis. Cum ergo ad tam lacrimabiles petitiones Episcoporum nullo modo posset revocari a tanta sævitia, mare transferunt primo *Wilhelmus Londinensis, Eustachius Eleensis, Gaufridus Roffensis*, postea *Maugerus Wigornensis, & Egidius Herefordensis*. Nec dum sedata est Regis ira sed acrius exacerbata. Militibus & ministris ad confiscanda bona Ecclesiastica & clericorum missis, præcepit ut concubinas & focarias & amasias presbyterorum & clericorum inventas comprehenderent, & detinerent, quoadusque a presbyteris & clericis pecuniæ redemptione redimerentur, quod & factum est. Episcopis in transmarinis moram facientibus, Rex Abbates & alios nuncios misit propter Archiepiscopum, ut veniret in *Angliam*: sed non ut Archiepiscopus. Quod cum dissuasum esset Archiepiscopo, mandavit tribus Episcopis *Londinensi, Eliensi, Wigornensi*, ut venirent in *Angliam*, qui vocati venerunt, & per octo hebdomadas expectantes præsentiam Regis tandem infecto negotio redierunt. Flagrante maleficio isto venit *Henricus Dux Saxonie* in *Angliam* ad avunculum suum Regem *Johannem*, supplicans pro pace Ecclesiæ reformanda & pro Archiepiscopo reconciliando. Postea scripsit Rex *Otho* Regi *Johanni* & pro pace Ecclesiæ & pro Archiepiscopo reconciliando. Postmodo vero misit rex in *Alemanniam* ad *Othonem* quatuor magnos viros, post quorum reditum coepit Rex animum suum aliquantulum mitigare & temperare versus Ecclesiam. Dominus Rex egit in exilium *Wilhelmum* de *Breosa* cum uxore sua & filiis, & totam substantiam suam & terram occupavit.

*Joann. Cleri-  
corum bona  
confiscat.*

*Dux Saxon.  
in Angl. ve-  
nit.*

*Philippus Dunelmensis & Gaufridus Coventrensis* Episcopi obierunt.

MCCIX.

Post ejectionem *Willielmi* de *Breose* cum uxore sua & \* modica à regno *Angliæ*,



*Anglia*, Rex cum exercitu magno intravit *Walliam* ad expugnandos Reges *Johannis R.*  
 duos qui sibi invicem adversabantur. Eodem anno Rex cum infinito exer- *Johan Wall.*  
 citu proficiscitur versus *Scotiam* contra Regem, qui dicebatur foedus iniisse *intrat, ducit*  
 cum inimicis suis, sed cito revertitur, pace inter eos firmata, datis duabus *exercit in*  
 filiabus Regis *Scotiae* obsidibus Regi *Anglorum*. Liberi homines per totam *Scot.*  
*Angliam* Regi ligantiam faciunt. Rex ut diximus contra Regem *Scotiae* progre-  
 diens, misit nuncios *Doroberniam*, scilicet Episcopos & Comites & Archide-  
 canos & Barones, ut ibi occurrerent tribus Episcopis *Londoniensi, Eliensi, Wi-*  
*gornensi*, executoribus Domini Papæ, propter quos Rex & Justitiarius litteras  
 suas transmiserant, ut venirent, tractaturi de pace Ecclesiæ & Domini Archi-  
 episcopi. Venientes autem Episcopi in *Angliam* Cantuariæ occurrerunt  
 magnatibus à Rege missis, qui ibi per aliquot dies moram facientes de pace sa-  
 cerdotii & regni tractaverunt, pacemque formaverunt, & formam pacis scrip-  
 serunt, sigilla sua ex utraque parte appendentes. Redeuntibus ergo nuntiis ad  
 Regem facta est restitutio maneriorum Domino Archiepiscopo & quatuor Epi-  
 scopis *Londoniensi, Eliensi, Wigornensi, Herefordensi*, & eisdem quatuor Epi-  
 scopis, & Archiepiscopo singulis centum libras \* principium restitutionis abla-  
 torum. Revertentibus ergo prædictis nuntiis cum forma scripta, à Rege ad  
 Episcopos, per eos denuntiatum est Episcopis, formæ præscriptæ pacis aliquem  
 articulum displicere regi, scilicet de integra restitutione ablatorum. Episcopi  
 vero noluerunt illum articulum aut aliquem alium de præscripta forma muta-  
 re, sed brevissimas litteras scripserunt Regi, quarum continentia erat, quod si  
 Dominus Rex & sui integre restituerent ablata Ecclesiis & Ecclesiasticis viris  
 omni occasione post posita, adducerent Dominum Archiepiscopum ad Eccle-  
 siam suam, & hoc modo ab invicem recesserunt, data dilatione, sententiæ in  
 personam Regis usque in oct. Sancti Michaelis. Postea modico elapso tempo-  
 re misit Archiepiscopus senescallum suum *Alexandrum* ad Dominum Regem,  
 quem benigne audivit, & muneribus ditatum remisit. Non multo post misit  
 Rex propter Archiepiscopum, mandans ut cum eo loqui veniret *Doroberniam*,  
 & de securitate tuti conductus litteras patentes ei misit, & multos & magnos  
 viros regni constituit fidejussores de securo conductu, de quo omnes illi  
 litteras suas scripserunt patentes, & se fidejussores constituerunt. In hac secu-  
 ritate promissa venit Dominus Archiepiscopus *Doveram* vi. nonis Octobris,  
 cum duobus Episcopis *Londoniensi & Eliensi*, quorum adventu nunciato Regi,  
 Rex cum multis & magnis viris occurrens venit *Chileham*, & inde misit justi-  
 tiarium suum, G. filium *Petri* cum Episcopo *Wintoniensi*, *Petro* & multis aliis  
 magnis viris, per quos petiit ab Archiepiscopo & Episcopis aliquos articulos,  
 quos ipsi non ad miserunt, nolentes recedere à forma pacis prælocuta inter  
 nuntios Regis & Episcopos executores; quod quia Domino Regi non placuit,  
 Dominus Archiepiscopus cum suis, in conductu Justitiarum, & *Wilhelmi Briwerii*,  
 & aliorum qui securitatem ei promiserant veniendi & recedendi transfretavit.  
 Postea misit rex nuntios propter Archiepiscopum & quatuor mille marcas mi-  
 sit *Londonum* ad templum novum custodiendas, donec reddantur Archiepisco-  
 po ad restorationem ablatorum suorum: sed nec Archiepiscopus nec Epi-  
 scopi per nuntios illos venire voluerunt. Præterea misit Rex *Johannem* filium  
*Hugonis* apud *Cicestriam* in crastino omnium sanctorum, qui præcepto Regis  
 misit duos milites per totam *Suffexiam* ad faciendos omnes redditus Nigrorum  
 Monachorum in manus Regis, & ad faciendam æstimationem omnium reddi-  
 tuum suorum, ita tunc quod Monachi perciperent necessaria victui per ma-  
 num laicorum. *Otho* filius Ducis *Saxonie* nepos Regis *Johannis* proxima domi-  
 nica post festum Sancti Michaelis diademate Imperiali coronatus est *Romæ* à  
 Domino Papa *Innocente* III. & cito inter Imperium & summum Pontificem orta  
 est discordia. *Hugo* Archidecanus *Wellensis* eligitur in Episcopatum *Lincolni-*  
*ensem*, & *Henricus* Archidiaconus de *Stafford* in Episcopatum *Exoniensem*.  
 Mense Januarii apud *Winton*, peperit Regina *Isabel* filium secundum, qui  
 vocatur *Richardus*.

*Tractatur de*  
*Rege & Ar-*  
*chiep. recon-*  
*cil.*

*Otho Imper*  
*Romæ coronat.*



Johannis R.

1210

Joan. pecuni-  
am extorquet.

*Johannes* Rex sub prætextu recuperandæ *Normanniæ* & aliarum terrarum quibus eum Rex *Franciæ Philippus* spoliaverat, inæstimabilem & incomparabilem fecit pecuniæ numeratæ exactiōem, nullis viris Clericis vel laicis, nulli religioni cujuscunque ordinis parcens. Monachi vero Nigri & Canonici Hospitalarii & Templarii circa Pascha singulariter finem fecerunt.

Doveram a-  
dit.

Idem *Johannes* Rex misit litteras suas & magnatum *Angliæ* signatas propter Archiepiscopum & nuntios intercurrentes, sed non venit, missis itaque multoties nuntiis cum litteris magnatum de securo conductu, Rex in propria persona venit *Doveram* ut Archiepiscopo occurrat, sed audito quod nullus magnatum, qui per litteras suas Archiepiscopum convocaverant, cum Rege venerat, non venit Archiepiscopus. Unde Rex plurimum motus à *Dovera* recessit. Rex captivavit omnes *Judeos* per totam *Angliam* & spoliavit eos callis suis usque ad valentiam LXVI. Marcarum.

Judeos vex-  
at.Transfretat  
in Hibern.

Idem rex collecto multo exercitu in mense Junio transfretavit in *Hiberniam*, & hostibus ad votum subactis, dimissis ibi Episcopo *Norwicensi*, *Johanne de Gray*, & *Wilhelmo Marefcallo*, mense Septembri nimis infestus omnibus viris *Cisterciensis* ordinis rediit, convenerat enim eos antequam transfretaret, sicut & cæteros, de auxilio ipsi præstando contra inimicos suos, & qui iidem *Cistercienses* pecuniam ei ad libitum suum contra libertatem ordinis sui dare noluerunt, in immensum eos afflixit, & à singulis domibus brevissimo temporis spatio indulto, multum valde censum \* Rex, ut summam xxxiii. & ccc. Marcarum collectio illa excederet. Ipsi vero per diversas domos Monachorum & Canonicorum dispersi sunt. *Waverleia* vero, omnibus facultatibus suis distractis & ablatis, facta similiter dispersione Monachorum & Conversorum circumquaque per *Angliam*, Regis iram patienter sustinuit. Abbas ejusdem loci *Johannes* tertius timore Regis perterritus domum suam reliquit, & de nocte latenter aufugit, acta sunt circum festum beati *Martinii*. Prohibuit etiam Rex ut nullus de ordine *Cisterciensi* transfretaret, aut de alienis in *Angliam* veniret.

Uxor Will. de  
Breuse fame  
perit.

Præcepit Rex omnia nemora Archiepiscopatus *Cantuariensis* vendi & dari, & funditus eradicari, ut nulla superesset arbor. Eodem tempore *Matildis* matrona nobilis cognomento de *Lahaie*, uxor *Wilhelmi de Breusa* cum *Wilhelmo* filio suo milite & Hærede, Regis *Johannis* præsentiam fugiens in *Galwaitha* capta est, & ejusdem ferali Regis imperio jussa est diro ergastulo recludi apud *Windeshores*; in quo aliquandiu tenebrofi carceris caligines & squalores perpeffa, tandem fame & siti cruciata miserabiliter vitam finivit, *Wilhelmus* vero de *Brausa* maritus ejus, fugiens apud *Sorham* devenit, & ibidem mutatis vestibus, quibus mendicus claudesine transfretavit, & non multo post apud *Paris* obiit.

Ottho Imp. ex-  
communic.

*Otho* Imperator invadens Regnum *Siciliæ* contra *Frethericum* Regem tutelæ Ecclesiæ *Romanæ* derelictum, & alia patrimonia ejusdem Ecclesiæ contra juramentum & scripta sua & alia munimenta, excommunicatur a summo Pontifice, & hoc notificato *Alemanniæ*, omnes à fidelitate ipsius absoluti.

Variis infirmitatibus homines per *Angliam* vexantur & multi moriuntur.

1211

Portus Angl.  
claus.

*Johannes* Rex pene omnes portus *Angliæ* prohiberi fecit, ne quem trans mare portarent nec venientem admitterent. Idem contrario mandato præcepit per totam *Angliam*, ut omnes tam Episcopi quam Clerici redditum habentes in *Anglia*, & extra Regnum existentes, infra quindenam Sancti *Johannis* Baptistæ redirent, aut ei suis in *Anglia* redditibus privarentur. Rex cum magno exercitu pergit in *Walliam* contra *Levelinum* generum suum usque ad *Snaudon*. Redeunte illo ad pacem, & præstita inde securitate, occurrit Rex nuntiis Domini Papæ, quos impetraverunt mitti in *Angliam*, ob reformandam pacem inter regnum & sacerdotium; sed quia pactis stare noluit, nil tunc de negotio Ecclesiæ actum est. *Saraceni* multi applicuerunt in *Hispania*, & terram ipsam

Joan. in Wall.  
pergit.



sam violenter occupare coeperunt. Martyrizatus est Sanctus *Simon* in *Veſte Johannis R.* Insula, ad cujus tumbam creberrime miracula fiunt. Hortante Domino Papa populus *Christianus*, quibus praeſuit Dominus Abbas *Cisterci*, & *Simon* miles insignis de *Monte-forti*, congressi sunt adversus Haereticos *Albugenses*, eosque *Albugenses expugnati.* pro magna parte viriliter expugnarunt. Plures autem Episcopi, & aliae personae Ecclesiasticae, Optimates etiam terrae, ut dicitur, eisdem Haereticis adhæserunt. Post festum Sancti *Jacobi* venerunt in *Angliam* *Pandulfus*, & *Durandus* nuntii Domini Papae, ad faciendam pacem inter Regem, & Archiepiscopum.

## MCCXII.

1212

Ortum est schisma inter Dominum Papam, & *Constantinopolitanos*, ita quod *Schisma inter Pap. & Constantinop.* fere omnes ei extiterunt rebelles, & Sanctae *Romanæ* Ecclesiae inobedientes, sed Domino auxiliante convicti sunt à Domino Papa, & coacti cum *Romana* Ecclesia stare, & ei, sicut debent, obedire. Obiit *Gaufridus Eboracensis* Archiepiscopus. Obiit *Maugerus Wigornensis* Episcopus apud *Pontiniacum*, suscepto habitu monachi. Obiit *Johannes Cuminus* Archiepiscopus de *Dibelin*. *Henricus* de *Winedun* promovetur in Episcopatum in *Hibernia* \* in hæc verba, *Rex omnibus vicecomitibus Præcipimus vobis quod sine dilatione districte prohibeatis per sedes Episcopales, & omnes Abbatis, & prioratus, & domos religionis in ballia vestra, ne quis suscipiat aliquod mandatum Apostolicum, quod contra nos sit, & si quis suscepit illud, non exequatur. Si quis vero hoc fecerit, corpus ejus capiatis, & sine dilatione nos habere faciatis. Præcipiatis etiam omnibus Abbatibus ordinis Cisterciensis balliæ vestræ, quod omni occasione postposita sint apud Winton, ad instans clausum paschæ parati facere præceptum nostrum. Idem scripsit vicecomitibus, ut per singulos Hundredos facerent homines jurare, quæ terræ essent de dominio prædecessorum suorum Regum antiquitus, & qualiter à manibus Regum exierint, & qui eas modo tenent, & pro quibus servitiis.*

*Johan. prohibet Papæ mandata recipi.*

Idem Rex præcepit omnibus vicecomitibus, ut confiscarentur redditus, & omnia beneficia clericorum data eis à *Stephano* Archiepiscopo, & ab Episcopis *Angliæ* moram facientibus in transmarinis post interdictum *Anglicanæ* Ecclesiae, in hæc verba *Præcipimus vobis quod capiatis in manum nostram omnes Ecclesias, & redditus quas Archiepiscopi, & Episcopi Angliæ vel prior Cantuariensis, qui ultra mare sunt, dederunt in Bailvia vestra, in absentia sua, & præcipiatis omnibus illis qui ea de dono eorum receperunt, quod sine dilatione exeant de terra nostra, & scire faciatis distinde in crastino Sancti Johannis Baptistæ anno regni nostri XIV. Baronibus nostris de scaccario, ut fuerunt redditus illi, & quantum singuli valeant, & qui illi sunt, qui eos receperunt. Datum VII. Id. Junii.*

*Johan. se in Castrum Nottingham. recipit.*

Rex *Johannes* cum magno exercitu parat rebellionem *Walensum* compescere. Sed *Eustachio* de *Vesci*, & *Roberto* filio *Walteri* ab eo clam recedentibus, ab incepto desistit. Et omnes fere suos suspectos habens castello de *Nottingham* per aliquantum tempus inclusit se: Balistarios alienigenas conducens ad se tuendum. Idem Rex viros religiosos, & maxime *Cistercienses* per plegiationes servientium suorum, & caretarum exactionem affligit: Chartas etiam falsissimas ab eisdem & Clericis, & Ecclesiarum Prælatibus extorquens sub hac forma; [noverit universitas vestra nos bono animo remisisse, & omnino gratuita voluntate quietum clamasse dilecto, & venerabili Domino nostro *Johanni Regi Angliæ*, totam pecuniam, & quicquid honoris, & obsequii domus nostra ei contulit, à prima coronatione sua usque ad festum natiuitatis beatæ Mariæ, anno Regni ejusdem Regis Domini nostri XIV. videlicet quicquid ei contulimus, sive ad petitionem ejusdem Domini nostri *Johannis*, sive sine petitione ejus aliqua, sive alio quocunque modo de facultatibus domus nostræ illud habuit, & ei prædicta omnia quæta clamavimus, & de cætero non repetimus. Et ne aliquis hæc prædicta dona, & obsequia gratuita exactiones appellare valeat, vel extorsiones, hanc chartam nostram prædicto Domino nostro regi *Johanni* in testimonium prædictæ gratuitæ voluntatis nostræ contulimus.] *Londonia* ex magna parte circa pontem cum prioratu de *Sudwirth* combusta est, ex qua combustione inventa sunt humana corpora semiusta & alia in *Tamesi* fluvium submersa ad tria millia,

*Urbs Londin. combusta.*



*Johannis R. Wallia ab interdicto soluta.* millia, exceptis his quos ignis ex toto combussit, qui multi esse creduntur. Hoc anno absoluta est *Wallia* ab interdicto, & à jugo servitutis Domini *Johannis Regis Angliæ*, & etiam præceptum tale accepit, ut eum non tanquam filium Sanctæ Ecclesiæ, sed sicut inimicum constituta prædecessorum suorum adnihilantem, totis viribus oppugnaret.

*Joh. R. à Papæ Legato Northamptoniæ excommunicatus.*

Die Martis proxima post festum Sancti *Bartholomæi* Anno Domini Millesimo Ducentesimo duodecimo venientes nuntii Domini Papæ apud *Northampton*, scilicet *Pandulphus* & *Durandus*, coram Rege convocatis omnibus Comitibus & Baronibus *Angliæ*, Dominum Regem in hunc modum alloquuntur. Domine, de longinquo venimus huc per petitionem tuam pro pace Sanctæ Ecclesiæ reformanda, & audituri super hoc voluntatem tuam, Rex ait, Nescio quid petitis, Et illi, Nihil nisi jus commune, scilicet, quod jures te satisfacturum Sanctæ Ecclesiæ, & persoluturum omnia quæ de rebus Ecclesiasticis rapuisti, & Stephanum Cantuariensem Archiepiscopum, & omnes suos, & Coepiscopos suos cum sociis suis, qui in transmarinis sunt suscepturum bene & in pace. Quod audiens Rex vultu protervo respondit, de cætero cor meum & secreta cordis mei vobis revelabo, vos potestis facere me jurare, & reddere, & omnia quæcunque vultis faciam, sed nunquam Stephanus talem conductum habere poterit, quin ipsum & quo terram meam intraverit faciam suspendi; Hec audientes nuntii responderunt, Modo scimus voluntatem tuam, dices ne aliud? Respondit Rex, Dixi; Tunc illi, Verum est quod nos mandasti Romam, quod veniremus causam tuam & justissimam, ut aserebas, & jus tuum audituri, quod si nos causam tuam, tam justam, ut aserebas, invenire possemus, quod interdictum *Angliæ* relaxaremus, sed nihil proponis, quare debeamus relaxare, sed potius affirmare, Tunc Rex, tantum faciam pro amore Domini Papæ; resignet, Magister Stephanus Archiepiscopatum, & Dominus Papa conferat Archiepiscopatum cuicunque voluerit, & ego ipsum recipiam tanquam Archiepiscopum, & roget me ut concedam illi Episcopatum in terra mea & forsitan concedam illi, *Pandulphus*, Sancta Ecclesia non consuevit degradare Archiepiscopum sine manifesta causa, sed est assueta principes sibi Rebelles à summo ruere deorsum. Rex, profertis minas: Non potestis magis mali facere quam dicere, *Pandulphus*, secreta cordis tui jam revelasti, & secretum cordis nostri jam tibi revelabimus, scias quod Dominus Papa te excommunicavit; sed suspendit effectum sententiæ usque ad adventum nostrum ad partes istas; sed de cætero scias te excommunicatum & sententiam in te latam habere effectum; Rex, & quid magis, *Pandulphus*, absolvimus omnes unanimiter Anglos, die hac, qui tecum communicaverunt, & qui de cætero tecum communicaverint, sciant se esse excommunicatos, Rex, quid magis, *Pandulphus*, Absolvimus omnes unanimiter, Comites, Barones, Milites, Francos, Clericos, Laicos, & omnes fidei Christianæ per terras tuas tibi subjectos, à fidelitatibus tuis & homagio, & ad hoc exequendum per *Angliam* vices nostras committimus *Wintoniensi* & *Norwicensi* Episcopis, & in *Scotia* *Roffensi*, & *Salesburie* Episcopis jam, commisimus exequendum, & in *Wallia* tribus presentibus Episcopis *Wallensibus*, & per universum Orbem Episcopis qui in transmarinis sunt mittimus cum sententiæ vinculo, & jus tuum, quod te dicis habere, ostensuros, & absoluturos omnes qui contra te, viz. inimicum Ecclesiæ, velint insurgere, nec opus est tantum facere, quoniam, duobus annis jam elapsis, Reges, Duces, Comites, & Barones Dominum Papam rogaverunt, ut ipsos absolveret, & ipsi terram istam cum manu forti intrarent, & cuicunque Dominus Papa vellet, Regnum committerent, quoniam paucos habes Amicos vicinos; plurimos autem Inimicos, si Sancta Ecclesia vult jus suum declarare & una cum filiis suum vindicare; præcipimus autem omnibus, quod cum Dominus Papa exercitum miserit in *Angliam* vos omnes adeatis, & fidem Duci exercitus faciatis; sin autem, sciatis vos in debitam & perpetuam servitudinem esse redigendos. Ad hoc Rex, quid potestis plus facere? *Pandulphus*, In verbo Dei, tibi dicimus; nec tu, nec Hæres tuus quem possis habere, ultra diem hunc poteritis Coronari. Ad hoc Rex, Hic vero percipio, quod causam meam non fovetis, & quod velletis me nunquam de cætero Regnaturum, sed per ipsum qui cuncta Regit, si terram meam intrassetis talia mihi monituri sine mandato meo, vos & vestros facerem per annum equitare; sed talia mihi nuntiuros non mandavi; sed ut causam meam defenderetis. *Pandulphus*

Causam



*Causam tuam secundum Deum promovimus, & te dileximus, & per mandatum tuum huc Johannis R. venimus, credentes te Deo & patri tuo Papæ obediturum & Sanctæ Ecclesiæ satisfacturum, sed malam spem de te in hoc concipimus & pro dilectione quam erga te habuimus, fere omne malum tibi & terræ tuæ futurum præmuniendo nuntiavimus; & non futurum, quia jam presens est, & ideo jurasti nos equitatu- rum, adeo decenter, posses dixisse, suspensuros, sed Deum invocamus testem, quod pro alio non venimus terram tuam intraturi, nisi pro causa Ecclesiæ mortem passuri, nec aliam à te credimus asportare mercedem.* Deinde præcepit Rex Vicecomiti, & Forestariis, ut ducerent incarceratos suos coram se, præsentē *Pandulpho*, & protinus sic factum est, & ad terrorem *Pandulphi*, quosdam præcepit suspendi, quosdam oculis orbari, quosdam pedibus truncari. Inter hos vero erat quidam Clericus falsarius, quem præcepit Rex suspendi, quod audiens *Pandulphus* statim volebat eos excommunicare, qui in eum manus imponebant, & statim egressus quæsit Candelam. Rex vero veniebat post eum, & commisit ei Clericum ut de eo faceret Judicium, & sic liberatus est; *Pandulphus* vero recessit, & transfretavit, & Rex in Excommunicationis sententia adhuc remansit. Item hoc anno Dominus Papa concessit in *Anglicana* Ecclesia omnibus fidelibus in extremis laborantibus sacrum dari viaticum, sed & hoc præcepit, ut ab Ecclesiis Conventualibus sacerdotes cum reverentia magna deportarent, quibus tamen permixtum erat propter Eucharistiam conficiendam celebrare.

Divulgatum est per *Angliam* quod *Miramumelinus* Rex *Marrochenensis* cum magna multitudine, & fortitudine, (qui, sicut audivimus à plerisque, bellum indixerat omnibus illis qui crucem adorant,) ab illis eisdem qui crucem colunt bello campestri devictus est, & fugatus. Siquidem cum de diversis mundi partibus fideles *Christi*, propter remissionem quæ à Domino Papa indulta, proficiscentes ad subsidium Christianitatis, contra bellum Christianis indictum in *Hispaniæ* partibus, *Toletum* convenissent, ubi debebant in die VIII. Pentecostes, ex conducto Regis *Castellæ* & *Aragonie* convenire. (Affuerunt inter eos qui convenerant, *Wilhelmus* venerabilis Archiepiscopus *Burdegalensis*, Barones quoque ac milites de partibus *Pictaviæ*, *Andegaviæ*, *Britanniæ*, & de *Lemovicensi*, & *Petragorcesi* & *Santonensi* & *Burdegalensi* dioecesibus, & aliquot, \* & de aliis partibus ultra-montanis, cum Comitatu militum, ac peditum satis honesto, & bene armato. De *Lugdunensi*, & *Vienensi*, & *Valentienensi*, dioecesibus.) Hi omnes sic congregati ad prædictum Castellum venerunt. Cumque residentiam fecisset exercitus apud *Toletum* ultra iv. dies, & jam fatigatus ex mora, desiderio arripiendi iter contra *Sarracenas* nationes æstua- ret, venerunt ad quoddam castrum *Maurorum* quod *Mattalon* appellatum est, & nondum fixis tentoriis, statim ultra-montani aggressi sunt ipsum castrum, quod incessanter sagittis, & lapidibus per totam diem & noctem impugnarunt. Tandem iv. Turribus expugnatis, testudinibusque prominentibus ad nostrorum impedimentum subactis: *Mauri* castri illius habitatores sub hujusmodi conditione se reddere gestiebant ut semper essent captivi, sed non placuit nostris. Acceptum est ergo castrum, ita scilicet, quod servata illi vita qui castrum habebat cum duobus filiis, cæteri essent in voluntate peregrinorum. Interfecti sunt ergo omnes qui ibi inventi sunt præter paucos. Nostri quidem non interest omnia referre quæ acta sunt in illo bello, sunt enim plura, quæ hic propter brevitate narrationis intermittimus; ad summam redeamus, de qua magnus fit sermo. Plures civitates, & castella obtinuerunt Christiani, venientes igitur nostri ad aciem quandam fortem in qua fertur fuisse Rex *Miramomelinus*, scilicet ultimam, sed valde restiterunt filii scelerati, & ipse *Miramomelinus* eadem die demonstravit plenius posse suum, ita scilicet quod nostri versi sunt in fugam omnes, præter unum Regem & suos. Rarus erat qui remaneret, sed dispositione divina redeuntibus tandem ad cor Regibus, & principibus strenuissime se agentibus, & fortiter resistentibus, Deo auxiliante, repulsi sunt *Sarraceni*; ita quod omnes qui erant in illa forti acie occisi sunt, & ex tunc fugit exercitus *Sarracenorum* irreparabiliter post Regem suum, qui prius aufugit. Qui etiam



Johannis R.

am, ut dicitur & creditur, in nocte præcedenti præsentiens quod devincendus esset, præmiserat ante se, super camelos & mulos, inæstimabiles divitias quas habebat. Nostri igitur *Sarracenos* insequuntur per media tentoria sua fugientes, ad quæ cum nostri venissent plurima ex eis ad terram deposita invenerunt. Insequuti sunt autem eos bene per leugas, & tot ex eis occiderunt, quod, qui in bello & post bellum sunt interfecti, plus quam sexaginta millia æstimantur fuisse, & quod est valde mirabile, ut credimus, non sunt de nostris mortui homines quinquaginta; in tribus vero locis vel quatuor tot lanceæ contractæ sunt inventæ, quod omnes qui viderunt, multum inde mirati sunt. Archæ vero parvæ, sagittis & quarellis plenæ, tot similiter in tribus locis vel iv. sunt inventæ, quod, sicut plures æstimant & contendunt, duo millia summariorum non sufficerent ad portandum. Benedictus per omnia Dominus noster Christus, qui per suam misericordiam in nostris temporibus sub felici Domini Papæ *Innocentis* III. Apostolatu, de tribus generibus hominum, pestilentium scilicet inimicorum Ecclesiæ suæ Sanctæ, videlicet orientalibus schismaticis, occidentalibus hæreticis, meridionalibus *Sarracenis* victoriam contulit catholicis *Christianis*: super tantis ergo bonis & donis nobis ab eo collatis, qui dat omnibus affluenter, & non improperat, gratias ei, & si non dignas, tamen quales & quantas possumus, referamus. Fuit autem istud bellum anno Dominicæ Incarnationis MCCXII. XVII. Kalendis Augusti feria secunda, ante festum Sanctæ *Magdalene*, in loco qui dicitur *Havas de Tholosa*; erat quippe quoddam castrum *Maurorum* prope, quod *Tholosa* nuncupatur, quod nunc per gratiam Dei redactum est in potestatem *Christianorum*. Benedicamus ergo Deum universi, & laudemus, & confiteamur ei qui fecit nobis misericordiam suam magnam, super tanto bono quod Deus contulit populo *Christiano*. Datum *Tholeti* Sabbato ante Assumptionem beatæ Virginis *Mariæ*.

Hoc anno obiit Dominus *Gilbertus* de *Basevilla* XVI. Kalendis Junii, cujus filius *Gilbertus* videlicet de *Basevilla* secundus dedit Deo, & beatæ *Mariæ* de *Waverly*, & Monachis ibidem Deo servientibus, in puram & perpetuam Elemosynam pro salute animæ suæ, & antecessorum, & hæredum suorum in *Mannerio* de *Wierplestone*, quandam platiam terræ in villa de *Wierpleston*, sicut in charta ipsius inde facta plenius continetur, quam terram Monachi domus de *Waverley* vocant *La Pewe Rude*.

1213

MCCXIII.

*Henricus* Archidiaconus de *Stafford* factus est Archidiaconus de *Dibelm*. Obiit *Baldwinus* Comes de *Aubemare*. Obiit Magister *Robertus* Episcopus de *Bangor*, & sepultus est in medio foro apud *Salopesbiriā*, sicut desideravit in vita sua. Obiit *Willielmus* Abbas de *Burtune*. Obiit *Gaufridus* filius *Petri* Comes *Essexiæ* & Justitiarius totius *Angliæ*, tunc temporis cunctis in *Angliā* præstantior. Abbas de *Cirencester* & *Radings* obierunt. Mortuo Comite de *Engolesmensi*, patre *Isabella* Regina *Joannis* Regis *Angliæ*, mater ejusdem Regina in *Angliam* veniens posuit se sub custodia *Joannis* Regis. Hoc anno exiit edictum generale à Domino Papa per *Angliam*, ut omnes Episcopi & Abbates & Prælati magnæ auctoritatis, exceptis duobus aut tribus qui agent vices eorum, ad generale concilium *Romam* parati venirent post expletionem, II. Annorum in Kal. Nov. modeste tamen & sine scurrilitate, & sine nimis expensis, de pace Regni & Ecclesiæ tractare, & maxime de Sancta Civitate *Jerusalem*, & aliis pluribus negotiis. Mox etiam subsecuta est generalis prædicatio de susceptione signaculi Sanctæ Crucis. *Johannes* Rex sæpe & frequentius ammonitus & minatus, & etiam Excommunicatus à Domino Papa, nondum voluit se emendare. Tandem videns se de jure fore convictum, & nihil iniquitates suas & industrias prævalere, totius etiam *Franciæ* exercitum ex præcepto Domini Papæ super Regnum suum concurrere paratum, expavit vehementer, tunc demum hujusmodi perterritus timore, Regni quoque destructionem videns, convenire fecit maximam multitudinem *Anglicanæ* gentis ad se, circa Maritimam quinque portuum, contra Regem *Franciæ* qui preparabat

Ob. Com. Engolesm.

Concil. Romæ indicitur.



bat se venire in *Angliam*: ipse vero Rex armatorum Militia circumseptus, ad *Johannis R.*  
 Domum Militiæ Templi prope *Dobor* commorabatur, Legatos quos *Romam*  
 miserat, expectans, nec fuit consilium procul inde divertere. Deinde Lega- *Pandulphus*  
 ti Regis redeuntes de Curia duxerunt secum subdiaconum Domini Papæ *Legat. in*  
*Pandulphum*, ad cujus instantiam & consilium prestitit Rex cautionem XIII. die *Angl. venit.*  
 Maii apud *Dobor*, quod staret mandatis summi pontificis, coram Legato vel  
 subdelegato ejus super omnibus, pro quibus excommunicatus fuerat ab ipso,  
 & quod de Ablatis restitutionem, & de damnis recompensationem impende-  
 ret sufficientem tam Clericis quam Laicis, ad illud negotium pertinentibus,  
 non solum rerum, sed etiam libertatum. Magnates etiam *Angliæ* ad illud ob-  
 servandum ipsum omnes compellerent.

Offert preterea Rex Ecclesiæ *Romanæ* totum Regnum *Angliæ*, & *Hiberniæ*, *Johan. Reg-*  
 tenenda ea sibi & Hæredibus suis, tanquam feudarius per annum redditum *num Angliæ*  
 Mille Marcarum. His verbis Coronam Regni resignans, & Legi Sanctæ Ec- *Papæ submit-*  
 clesiæ, misericordiæque Domini Papæ se submittens coram Domino *tit.*  
*Pandulpho*.

*Vniversitati vestræ notum facimus, quod cum Dominum, & Matrem Sanctam Ec-*  
*clesiam in multis offenderimus, & propter hoc ipsum divina misericordia plurimum in-*  
*digere noscamus, nec quod digne offerre possimus pro satisfactione Deo & Ecclesiæ de-*  
*bita facienda, nisi nos ipsos habeamus & Regna nostra; volentes humiliari pro illo qui*  
*se humiliavit pro nobis usque ad mortem, gratia spiritus sancti inspirante, ad optimum*  
*Consilium Baronum nostrorum offerimus & libere concedimus Deo, sanctisque Apo-*  
*stolis ejus Petro & Paulo, & Sanctæ Romanæ Ecclesiæ Matri nostræ, ac Domino nostro*  
*Papæ Innocentio tertio, ejusque successoribus, omne jus patronatus quod habemus in*  
*Ecclesiis Anglicanis, totumque Regnum Angliæ & totius Hiberniæ, cum omni jure &*  
*pertinentiis suis, pro remissione peccatorum nostrorum, & totius generis nostri, tam pro*  
*vivis quam pro defunctis. Et à modo illa à Deo & Ecclesia Romana, tanquam feu-*  
*darius, recipientes, & tenentes in presentia viri prudentis Pandulphi, Domini Papæ*  
*subdiaconi & familiaris, fidelitatem exinde Domino Papæ Innocentio tertio, ejusque*  
*succesoribus Catholicis, & Ecclesiæ Romanæ secundum scriptam formam facientes, &*  
*homagium Ligium in presentia Domini Papæ si coram eo esse possemus, eadem facere-*  
*mus, successeurs nostros, & Hæredes de uxore nostra in perpetuum obligantes, simili*  
*modo summo pontifici qui pro tempore fuerit Ecclesiæ sine contradictione dictam fide-*  
*litatem præstent, & homagium recognoscant, & nos insuper vacantium Ecclesiarum cu-*  
*stodiam perpetuo amittamus, Ad indicium autem perpetuum hujus nostre obligationis,*  
*& concessionis, volumus, & stabilimus ut de propriis & spiritualibus redditibus præ-*  
*dictorum Regnorum nostrorum, pro omni consuetudine, quam pro ipsis facere debemus,*  
*salvo per omnia Denario Sancti Petri, Mille Marcas Sterlingorum Ecclesia Romana*  
*percipiat annuatim, scilicet, in Festo Sancti Michaelis D. Marcas, & in pascha D.*  
*Marcas, septingentas scilicet Marcas pro Regno Angliæ, & ccc. pro Regno Hiber-*  
*niæ, salvis nobis & hæredibus nostris, justitiis ac Libertatibus, & Regalibus nostris,*  
*quæ omnia, sicut supradicta sunt, rata esse volentes & perpetua atque firma, obligamus*  
*nos & successeurs nostros contra non venire; & si nos vel aliquis successorum nostro-*  
*rum hoc attemptare præsumpserit, quicumque fuerit ille, nisi ammonitus respuerit, cadit*  
*à jure Regni, & ut hæc Charta Obligationis & Concessionis nostræ semper firma per-*  
*maneant -----* “<sup>a</sup> Ego *Johannes Dei gratia Rex Angliæ Dominus Hiberniæ* ab *Desunt in*  
 “ hac hora in antea fidelis ero Deo, & beato Petro, & Ecclesiæ *Romanæ*, ac Do- *Annal. Wa-*  
 “ mino meo Papæ *Innocentio tertio*; ejusque successoribus Catholicis contrarius *verl.*  
 “ non ero, in Facto, Dicto, Consensu, vel Consilio; ut vitam perdant, vel Mem-  
 “ bra, vel mala captione capiantur, eorum damnum si scivero, impediam, &  
 “ manere faciam si potero; alioquin quam citius potero, eis intimabo, vel ta-  
 “ li personæ dicam, quam credo pro certo dicturum. Consilium quod mi-  
 “ hi crediderint per se, vel nuncios, seu literas suas secretum tenebo, & ad  
 “ eorum damnum nulli pandam me sciente. Patrimonium beati Petri, & spe-  
 “ cialiter Regnum *Angliæ*, & Regnum *Hiberniæ* adjutor ero ad tenendum, & defen-  
 “ dendum contra omnes homines pro posse meo, sic Deus me adjuvet & hæc Sancta Evan-  
 “ gelia.



*Johannis R.  
Desunt in  
Anal. Wa-  
verl.*

*gelia.* “De quibus ne possit imposterum alioquin dubitari, ad majorem securitatem prædictæ obligationis & concessionis nostræ, presentem Chartam nostram fieri fecimus, & Aurea Bulla nostra signari, ac pro censu hujus præsentis & primi anni Mille Marcas Sterlingorum, per manus prædicti Legati, Ecclesiæ persolvimus, Testibus, &c.

*Job. R. recepto  
Archiep.  
&c. ab anathemate  
absolvitur.*

Carta sic peracta, misit Rex propter Archiepiscopum, & Episcopos, & Laicos omnes, qui pro Sanctæ Ecclesiæ pace fuerunt in Exilium depulsi, sicque Ecclesia Anglicana, sex annis suo Metropolitano orbata, Archipræsulem cum suis omnibus recepit. Quod cernens Rex elongavit se, fugiens ab eis, cupiens adhuc solitarius esse in consiliis & operibus. Proposuerat enim apud se resistere velle, si aliquo modo potuisset, ne quod prius sponderat, consummaret; quid plura? Coegerunt eum Comites & Barones dicentes, *quoniam oportet te, O Rex, iurandum quod tu & nos in amnestiam tuam juravimus, firmiter sine dilatione tenere.* Hoc audiens Rex, statim cum Archiepiscopo ei appropinquasset, cadens ad pedes ejus, ait, *Bene venisti pater,* & osculatus est eum ore tantum. Duxitque Archiepiscopus ad ostium Ecclesiæ Beati *Swithini* apud *Winton* & ab Anethamatis vinculo eum ibidem absolvit, die scilicet Sanctæ *Margaretæ* Virginis, & continuo Archiepiscopo celebrante audivit Rex *Missam*, ad quam offerebat unam Marcam Auri, Et sic recepti sunt singuli atque restituti in suis possessionibus.

*Inquisitio in  
bona ab Ec-  
cles. ablata.*

Nondum tamen fit Relaxatio interdicti, eo quod Dominus Papa per scripta sua mandavit, Archiepiscopo & Episcopis, quatenus concessionem, exactiones, vel promissiones, quam Clerici seu viri, cujuscunque Religionis vel professionis seu ordinis fuerint, *Johanni Regi Angliæ*, super ablatis vel extortis post interdictum fecerint, denuncient irritas, & plene singuli restituant, ne forte transeant præsumptoribus in exemplum; si qui vero prædictorum noluerint vel extorta repetere, eisdem nihilominus ipsa restituere compellantur, in Terræ Sanctæ subsidium reservanda. His autem peractis Archiepiscopus cito post adventum ejus in *Angliam*, primum concilium, ex viris Ecclesiasticis apud *Westmonasterium* in crastino Sancti *Bartholomæi* convocavit; sed in primis apud Sanctum *Paulum* sermonem fecit ad populum, quo sic incepto, *in Deo speravit cor meum, & adjutus sum & resloruit caro mea,* &c. Surgens quidam verbis hujusmodi alta voce respondit, *per mortem Dei* (inquit) *mentiris, nunquam cor tuum speravit in Deo, nec resloruit caro tua;* Hoc audito tacuit Archipræsul, obstupescens omnibus, nec mora irruente in eum populo, flagellatus est, custodiæque traditus, ut in die sequenti, qua temeritate hujusmodi proferret sermonem, innotesceret. Archipræsul vero prosecutus est sermonem quo nobiliter peracto, personis Ecclesiasticis in unum apud *Westmonasterium* convocatis, præcepit Archipræsul ut unusquisque diligenter summam rerum ostenderet, quæ à se extortæ vel irrationabiliter concessæ Regi fuerant, Rex namque per suos, Archiepiscopus per suos inquisitiones faciunt super ablatis per *Angliam*: Summam omnium istorum volentes audire, ut uterque ipsorum sciret in quibus, & quantis obligaretur; Alter scilicet exposcendo, & alter pro satisfactione plene persolvendo, non enim *dimittantur peccata, nisi prius restituantur ablata.*

*Nich. Ep.  
Tuscul. &  
Cardinalis,  
Legat. in  
Angl.*

Dominus *Nicholaus* Episcopus *Tuskulanensis*, & Cardinalis, *Romanæque* Curiaë poenitentiarius, Domino Papa *Innocente* III. jubente, v. Kal. Octobris veniens legatus in *Angliam*, v. Non. Octobris apud *Londoniam* homagium Domini *Johannis* Regis suscepit, ut ipse, & hæredes sui Regnum *Angliæ*, atque *Hiberniæ* cum pertinentiis eorum absque dolo, & simulatione à Deo, & beato Petro & Paulo, prædictoque Papa, & successoribus sedis Apostolicæ per juramentum obligati, libera possessione tenerent in perpetuum, annuatim reddendo ex Regno *Angliæ*, & *Hiberniæ* ut supra dictum M. Marcas. Inquisitione igitur diligentissime facta, tam de ablatis, quam de damnis per violentiam Regalium illatis, in festo Sancti *Nicholai* per præceptum *Nicholai* Legati, & Archiepiscopi, congregati sunt apud *Heding* omnes Ecclesiastici Prælati, certissime sperantes aliquam restitutionem.

Ubi



Ubi per tres dies commorati, infecto negotio propter quod venerant, Rege *Johannis R.* dissimulante, & auditis præceptis Apostolicis nimium turbati ad propria remearunt nil accipientes; siquidem in illis diebus ibidem acceperat literas Domini Papæ, ut redderet Reginæ *Berengariæ* Regis *Ricardi* tertiam partem reddituum omnium de *Anglia* post mortem ejus retentam. Insuper & Domino *Symoni* de *Montford* omnia ablata in integrum restitueret. Quibus auditis commotus & iratus, cæteris omnibus in nullo satisfaciens, Episcopis tamen xv. *Marcas* post discessum aliorum reddidit, & hoc forte, ut animum eorum inclinaret ad fovendam ejus simulationem erga minores.

*Petrus* quidam de *Wakefeld* juxta *Pontem fractum* habens spiritum prophæ- *Pet. de Wakefeld suspend.* tiæ, in præsentia Regis *Johannis* ac totius Curia prædicabat, quod ni Rex ante *Ascensionem* dominicam *Anglicanæ* Ecclesiæ, quam ancillaverat, satisfaceret, ulterius Rex non existeret. His dictis Rex ira succensus eum custodiri jussit, completisque omnibus sicut prædixerat, nam ipse Rex jam tributarius factus fuit, eum postea & filium ejus à Castello de *Corf* usque ad *Warham* equis tractos, & retractos suspendi fecit v. Kal. Junii.

Rex *Aragonie* diabolico instinctu deceptus collecto exercitu copioso, ne- *R. Arragon.* fandus etiam Comes Sancti *Egidii* cum omni exercitu suo, & alii quam plures *prælio cum* ex illis provinciis infideles prælium inierunt contra *Symonem* de *Monte-forti*, *Sim. Monte-forti captus* & obtinuerunt civitates, & Castella quædam quæ ipse *Symon* prius super *Hæ-* *interficitur.* reticos adquisierat; unde *Symon* super hoc nimis contristatus, & in paucitate virorum suorum respectu multitudinis adversariorum pavore perterritus, confidens tamen in misericordia omnipotentis, suos confortans ne formidarent ad adventum *Vasconum*, sed in mente haberent adjutoria sibi facta de cælo, & non desperarent ab Omnipotente affuturam sibi victoriam: admonens etiam ad memoriam certamina quæ anno præcedenti fecerant revocare; istis & multis aliis verbis animos eorum corroboravit, ut cum fervore caritatis inceptum negotium peragerent. Hæc ipso proferente nunciatus est ei adventus *Johannis* de *Bares* militis nobilis, quem Rex *Franciæ* cum aliis pluribus misit in auxilium, unde *Symon* gavisus est, & hi qui cum ipso erant; Rex vero *Aragonie* in multitudine peditum, & equitum confidens ad bellum præparabat. Cui in obviam venit *Symon* virtute Dei magni, qua roboratus firmiter suis præcipiendo dixit; *Idibus à prima fronte pugnae pugnare nolite contra inimicos, sed fortiter, ut Christiani milites acies superborum penetrare securi.* Accedentibus ergo ad certamen omnes uno impetu ut imperatum fuit, nuda peditum deseruere præsidia, & usque ad Regem penetraverunt, sicque demum contritus est exercitus Regis, & undique gladio cæsus. Ipse quidem Rex per manum *Johannis* captus est, qui per visum eum cognoverat, quamvis regalia arma quæ prius habebat deposuerat, alia assumens. Quidam vero ex comitatu volebant ducere eum vivum, sed milites cuncti, qui de prædicatione milites vocabantur, illum in frustra conciderunt, dicentes non debere Apostatam vivum ducere, sed statim interfici. Quo interfecto exercitus omnis dispersus est, multis simul interfectis absque numero. Ipse etiam Comes Sancti *Egidii* de prælio vix evadens cum paucis, cum quo se verteret præ confusione nesciret; in *Angliam* ad nepotem suum *Johannem* Regem venire deliberavit, & fecit sic, sed inde non multo post per *Nicholaum* Legatum Domini Papæ, aliosque fideles tanquam Sanctæ Ecclesiæ inimicus expulsus est. Fuit autem istud bellum infra oct. *nativitatis beatæ Mariæ.*

*Innocens III.* Papa hoc anno constituit domum hospitalem in urbe *Roma*, quam *Hospital. S. Spiritus fundat.* Hospitale Sancti spiritus appellari fecit, in loco ubi quondam peregrinantibus de *Anglia* domicilium erat ædificatum, & *Anglorum Schola* dictum, eamque ditavit opibus, & redditibus, & ne quid ei deesset, misit prædicatores cum literis suis tam per *Angliam*, quam per alias terras, ut ex largitione, & donatione mediocrum magis, ac magis ad omnem copiam abundaret.



1214

*Johannis R.  
C. C. Fland.  
& Bonon. ho-  
magium faci-  
unt Johan.*

*Johan. in Pi-  
ctav. transiit.*

*P. Ep. Wint.  
fit Angl. Ju-  
stitiar.*

*Plures crucem  
suscipiunt.*

*Interdictum  
Angliæ re-  
laxatur.*

*R. Scot. ob.*

1215

*Episcopi Ci-  
cest. Covent.  
& Roff. con-  
secrati.*

*Discordia in-  
ter Joh. &  
Barones.*

Hoc anno ante Purificationem beatæ Mariæ Ferrant Comes Flandriæ, & Johannes Comes Bononiæ, & quidam alii magnates de partibus illis appulerunt in Angliam, & homagium Johanni Regi in civitate Cantuariæ fecerunt. Qui benevolentiam, & favorem Regis captantes festinanter cum Wilhelmo Comite Saresburiensi fratre Regis, & Comite Wilkin in Flandriam remearunt ut insidiarentur quo modo Regem Franciæ, dolositate comprehenderent, & interim Rex Johannes thesaurum multum, & arma multa in Pictaviam præmisit, sed & ipse mox cum grandi exercitu secutus est, ut quasi ex improvviso undique præliaretur, sed Lodowico filio Regis Franciæ occurrente cum multis, expensa pecunia sua ex magna parte, & parum proficiens post festum Sancti Michaelis reversus est. Comites autem Flandriæ & Bononiæ, & Saresburiæ cum Othone Imperatore ipsum Regem die Dominica impugnantes capiuntur cum multis, Othone vix evadente: adjudicati sunt autem Comes Flandriæ & Bononiæ nunquam terram tenere debere de Rege, ni de misericordia Regis.

Petrus Episcopus Wintoniensis factus est totius Angliæ Justitiarius, ut paulatim potentiores terræ voluntati Regis subiceret, & resistentes edomaret, sed potestate sua non bene utens iram Baronum converti fecerat contra Regem, neque est sedatus furor ille usque adhuc.

Mox etiam secuta est prædicatio per Angliam de Sanctæ crucis signaculo, quamvis longe ante literæ Domini Papæ super hoc negotium ad tres executores pervenissent, & infra annum Dei nutu in tantum prosperatum est negotium, ut incredibilis multitudo virorum, & mulierum, nec non & infantium Christum sequentes, & crucem sibi assumere, & portare gauderent, & cum crucifixo vivere simul, & mori parati, & se ipsos sibi abnegare ut sequantur Christum.

In oct. Sancti Johannis Baptistæ celebratum est concilium apud Londinum à Domino Nicholao Legato, & Symone Cantuariensi Archiepiscopo, & aliis Episcopis Angliæ; ubi solutum est interdictum Angliæ, Anno ejusdem interdicti VII. VI. Non. Julii, feria IV. in festum Sanctorum Processi, & Martiniani, & in crastino per omnes Ecclesias pulsatum est, & celebratum, viris tantum religiosiis, aut aliis mediocribus Ecclesiarum personis, nulla ablatorum facta restitutione vel damnorum recompensatione.

Obiit Wilhelmus Rex Scotiæ, successit ei Alexander, filius ejus. Obiit Johannes de Gray Episcopus Norwicensis in transmarinis, & allatum est corpus ejus in Angliam, Waltero de Gray fratre ejus antea in Episcopum Wigornensem consecrato. Obiit Gilbertus Episcopus Rossensis. Obiit Johannes Abbas de Forda XI. Kal. Maii, successit Rogerus supprior ejusdem loci. Obiit Robertus Abbas de Woxle.

Sexto Id Julii feria V. in festum VII. fratrum, dedicata sunt quinque altaria à Domino Albino Episcopo Ternensi, in præsentia Domini Petri Episcopi Wintoniensis, & coemiterium super interdictos defunctos benedixit, & omnes cruces Ecclesiæ sancta unctione linivit, & benedixit.

Magister Symon Eboracensis Ecclesiæ Decanus ad Episcopatum Exoniensem consecratur.

MCCXV.

Magister Ricardus Decanus Saresburiensis ad Episcopatum Cicebrensem, & Wilhelmus de Cornhul Archidiaconus de Huntendon ad Episcopatum Coventrensem, in die Conversionis Sancti Pauli, apud Keding, à Domino Simone Archiepiscopo consecratur. Benedictus Cantor Londoniensis ad Episcopatum Roffecestriæ consecratur. Obiit Eustachius Episcopus Eliensis circa Purificationem beatæ Mariæ apud Keding. Obiit Egidius Episcopus Herefordensis. Obiit Gaufridus de Mandevilla Comes de Essexia.

Hoc anno magna orta est discordia inter Regem Angliæ, & Barones: his exigentibus ab eo leges Sancti Edwardi, & aliorum subsequen-  
tium Regum libertates, & liberas consuetudines. Nam tempore patris sui, & maxime suo tem-  
pore



pore corruptæ nimis, & aggravatæ fuerant, nam quosdam absque judicio pa-  
rium suorum exhæredebant, nonnullos morte durissima condemnabat. Ux-  
ores, filiasque eorum violabat, & ita pro lege ei erat tyrannica voluntas. Il-  
loque negante, & obstinate illis resistente, confœderata est multitudo pro-  
cerum, & in brevi regio universa commota. Congregatusque est exercitus  
valde decorus apud civitatem *Londinensem*, eamque capiunt xvi. Kal. Julii.  
Ad hanc discordiam sedandam conveniunt, Rex, & Archiepiscopus *Cantuari-  
ensis*, & Episcopi, Magnates, & Barones die Martis, ante festum sancti *Johannis*  
Baptistæ, prope *Stanes*, in prato quod vocatur *Kunnemed*, & fecit eis ibi  
chartam libertatum, qualem volebant, sed in brevi postmodum ipso venien-  
te contra eam, maxima pars Baronum, & Magnatum confœderati sunt adver-  
sus eum, & Civitatem *Londinensem*, quam prius occupaverant, firmissime mu-  
nientes, Dominica Regis, & terras ei adhærentium rapinis, & incendiis deva-  
stantes, modis omnibus nituntur ipsum expellere, & *Lodovicum* filium Regis  
*Franciæ* loco ejus creare. Rege vero è contra per alienigenas, & alios sibi  
cohærentes sævissime debacchante, multiplicata sunt mala super terram *An-  
glicanam*. Moram autem faciebant Barones in Civitate *Londinensi* per annum,  
& amplius cum civibus confœderati, promittentes se nullam pacem facturos  
cum Rege nisi assensu utriusque partis. Interim applicuerunt in *Anglia* alie-  
nigenæ Barbari, & magna multitudo diversarum linguarum, errorem Regis  
pertinaciter confoventes. His autem visis, superdicti magnates obstinationem  
Regis punire desiderantes, communi consilio *Lodovicum* filium Regis *Franciæ*  
in Principem *Anglicanæ* Insulæ unanimiter elegerunt, mittentes ad Regem  
*Franciæ Philippum* ut eum in ducem, & principem eis præficeret, & qui missi fu-  
erant, de nobilioribus, & eloquentioribus esse constat, verum auditis adven-  
tus eorum causis, & obsidibus utrinque datis, & sua seseque cum tota terra  
*Anglicana* in perpetuum quoad posse suum sponponderunt, & statim qui præ-  
sentes aderant homagium *Lodovico* fecerunt.

Barones Lu-  
dovicum eli-  
gunt in Re-  
gem Angl.

Tunc temporis *Johannes* Rex omnia castella, & munitiones habebat sub ma-  
nu sua, sub custodia tamen alienigenarum, qui frequenter perambulabant ter-  
ram, vastantes eam, & prædam ubicunque poterant capientes, insuper *Faukes*  
quidam furiosus, genere *Normannus*, & multi alii in Ecclesiis, & cœmiteriis  
bona tam Clericorum, quam Laicorum indifferenter rapuerunt. Hinc do-  
lor, & gemitus, planctus, & luctus, vastitas, & contritio, quia divites perterriti,  
pauperes afflicti nusquam tute consistunt, quippe ex omni parte mala crescere  
viderunt; nec evadere potuerunt.

Celebratum est concilium *Romæ* in Ecclesia salvatoris, quæ *Constantiniana* Concilium Ro-  
vocatur, mense Novembri, præsidente Domino *Innocente* III. Papa, pontifica-  
tus ejus anno xviii. in quo fuerunt Episcopi ccccxv. Inter quos extiterunt  
de præcipuis duo, videlicet *Constantinopolitanus* & *Jerosolymitanus*; Primates  
autem, & Metropolitani lxxi. Abbates, & Priores ultra Octingentos, Legato-  
rum vero Regis *Siciliæ*, Imperatoris *Constantinopolitani*, Regis *Franciæ*, *Angliæ*,  
*Hungariæ*, Regis *Jerosolimitani*, Regis *Cipri*, Regis *Aragoniæ*, nec non & alio-  
rum Principum, & Magnatum, civitatum etiam, aliorumque locorum ingens  
affuit multitudo.

## MCCXVI.

1216

*Gualo* Presbyter Cardinalis Sancti *Martini*, à Domino Papa *Innocente* Lega-  
tione suscepta, in *Angliam* venit, ut Regias partes per omnia contra Barones  
foveret.

*Gualo* Legat.  
in Angl.

Hoc anno non sine multorum admiratione exinanitus est fere omnino, &  
exsiccat fons lavatorii nostri videlicet *Ludewell*, cujus ubertas, per multo-  
rum curricula annorum, diversis officinis in Abbatia aquas largissimas proflu-  
cursu ministraverat abundanter, fonte igitur deficiente, & per officinas more  
solito minime discurrente, pro prædicti fontis inopia vehemens nimirum in-  
fra Abbatiam oritur molestia, hujus igitur infortunii incommoditatem qui-  
dam Monachus ex nostris frater *Symon* considerans, & graviter ferens subti-

Fons Lude-  
well exsic.



*Henricus R.* liter coepit mente tractare, animoque disponere qualiter prædicto incommodo posset citius, & congruentius subvenire, excogitato itaque consilio utili, & tandem reperto, accingens se fortiter, aggressus est opus satis durum, scilicet exquirere, & indagare novas aquarum vivarum venas, quibus cum magna difficultate inquisitis & inventis, atque in unum non sine multo labore, & sudore redactis, industria sua coegit omnes easdem venas simul per quendam ductum subterraneum ad unum locum descendere, & in eodem loco fontem vivum, & perpetuum non natura, sed arte conficere; cujus perenne opus, sicut patet cernentibus, prædictis officinis Abbatiae aquarum copiam suam largitum utiliter subministrare non cessat. Vocabulum fontis est *Sanctæ Mariæ fons*.

*Vena novi fontis ope Symonis in pede montis  
Fixa, fluit jugiter, fistula format iter.*

*Ludovicus Angliam intravit.* In Mense Maio, scilicet die Sabbati proxima post Ascensionem Domini, quæ fuit XII. Kalend. Junii, *Lodovicus* primogenitus Regis *Francorum* venit primo in *Angliam*, sicut promiserat, & applicuit apud *Tanathos* insulam, statimque Castellum *Roffcestriae* obsedit, & ipsum, feria II. in Pentecosten, scilicet III. Kal. Junii, coepit. In eadem hebdomada, feria V. venit *Londinum*, & honorifice susceptus, homagium Baronum, qui ex multo tempore eum ibi expectabant, recepit. Cives etiam ejusdem civitati Baronibus fide copulati sub Dominio ejus eodem modo sunt mancipati: feria III. post festum Sanctæ Trinitatis recepit Castellum de *Reigate*, & in crastino Castellum de *Guilford*, & Castellum de *Fernham* feria VI. cepit. Item feria II. secundæ hebdomadæ, scilicet XVIII. Kalend. Julii, reddita fuit civitas *Winton*, & in crastino Sancti *Johannis* Baptistæ Castellum, & domus Episcopi de *Winton*. In Sabbato post oct. Apostolorum *Petri*, & *Pauli* castrum de *Odiham*. Item feria II. post festum Sanctæ *Margaretæ* movit cum magno exercitu apud *Doveram*, ubi moratus est XV. hebdomad. sed nil profecit. Deinde reddita est ei turris *Londinensis* feria VI ante festum Sancti *Leonardi*.

*Ob. Innoc. P. succed. Honorius.* Obiit *Innocens* III. Papa apud *Perusium* XVII. Kalend. Augusti, ibidemque honorifice tumulatus est, anno Papatus sui XVIII. mense V. die V. successit *Honorius* III.

Obiit *Johannes* III. Abbas VII. *Waverley* in Nonis Augusti. Successit *Adam* I. supprior ejusdem loci.

*Ob. Johan. R.* Mense Octobri, scilicet XIV. Kalend. Novembris Rex *Johannes*, quia res ei minime cesserant ad votum, non plus quam III. aut IV. diebus infirmatus in crastino Sancti *Lucæ* in fata discessit apud castrum de *Pewert*, & *Wigornie* sepultus est.

*Henric. 3. Coron.* Coronatus autem *Henricus* III. filius ejus primogenitus puer IX. annorum in festo Apostolorum *Symonis* & *Judæ*, cum magna festinatione, volentibus sic parentibus, & amicis ejus qui fideliter patri viventi adhæserant. A Domino Legato *Gualone* apud *Gloucestriam* assistentibus ibidem Episcopis *Wintoniensi*, *Wigornensi*, *Coventriensi*, *Bathoniensi*, & Comitibus qui puero adhæserunt, scilicet Comes *Cestriae*, *Wilhelmus* Marescallus, Comes *Striguil*, & *Dembroe*. Comes de *Ferariis*, *Wilhelmus* *Brimere*, *Savaricus* de *Malolacu*: reliqui omnes Comites, & Barones sequebantur *Lodovicum*, nec multo post *Gualo* legatus concilium celebravit apud *Bristol*, in festivitate Sancti *Martini*, in quo coegit XI Episcopos *Angliæ* & *Walliæ*, qui præsentibus erant, & alios prælatos inferioris ordinis, scilicet & Comites, & Barones, ac milites qui convenerant *Henrico* Regi fidelitatem jurare. *Walliam* totam interdixit, quia cum Baronibus tenuit, & ipsos Barones cum omnibus complicibus suis excommunicavit, in qua positus est *Lodovicus* in capite. Igitur post obitum *Johannis* Regis cepit *Lodovicus* castrum de *Bereford*, & de *Bertramstede* in die Sanctæ *Luciæ*.

*Wallia interdicta.*



*Walterus de Grai* Episcopus *Wigornensis* promotus fuit *Romæ* in Archipræfulem *Eboracensem*. *Henric 3. R.*

Magister *Hugo de Dapenoure* Decanus *Herefordiæ* consecratus apud *Glou-verniam*, in die Sancti *Nicholai*, consecratur in *Herefordensem* Episcopum. *Herbertus* Episcopus, cognomento Pauper *Saresburie*, obiit, & sepultus est apud *Wilton*.

## MCCXVII.

1217

*Plures Baros. capti & capti.*

Plures tam nobiles quam Plebei acceperunt signum dominicæ crucis in petore suo, ut ejicerent *Lodovicum* & *Francos* de *Anglia*, malentes habere Regem de terra sua quam de aliena? Eodem anno XIII. Kalend. Junii, in hebdomada Pentecostes apud *Lincolniam* occisus est in bello Comes de *Perches*, vir in armis strenuus & Regali sanguine exortus, qui nondum ad xxx. ætatis annos pervenerat. Et *Saerius* de *Quinci* Comes *Wintoniensis*, & *Henricus* de *Bahun* Comes *Herefordiæ*, & *Robertus* filius *Walteri*, & multi Barones cum pluribus aliis, qui guerram moverant, à Regiis militibus capti sunt, & vinculis mancipati. Post hoc Regalium complices Sacrilegio ducti in majorem Dei genitricis Ecclesiam irruentes, eam cum cæteris Ecclesiis de sacra suppellectili usque ad ultimum depopulando, totamque civitatem nudaverunt. Igitur Regales communi consilio, & Legati præcepto, agmina sua disposuerunt, ut *Lodowico* bellum inferrent. Quo audito *Lodowicus* civitatem *Londinensem* intravit, & portas civitatis una tantum excepta obstruens iterum à *Londoniensibus* homagium recepit. Interea Regales quosdam ex civibus de reddenda civitate conveniunt, spondentes omnes libertates suas Regio sigillo, & communi assensu renovando confirmare. Quod *Lodowico* minime latuit, & quia deprædatio *Lincolniæ* illi fuerat intimata, magis timuerunt. Vigilia Sancti *Bartholomæi* Apostoli, x. Kalend. Septembris *Eustachius*, cognomento Monachus, cum multis aliis in mari decapitatus est, & x. magnates cum pluribus nobilibus *Franciæ* capti sunt, & omnes naves hostium fere centum quæ ibi erant, aut captæ sunt, aut submersæ, xv. tantum de omni navigio fuga elapsis. Autores hujus facti fuerunt *Ricardus* filius *Johannis* Regis, & *Hubertus* de *Burgo*, & nautæ quinque portuum cum xviii. navibus tantum. Hoc infortunio *Lodowicus* compellus paci acquievit, & relaxatis ex utraque parte captivis, accepta etiam pro damnis suis, & expensis non modica quantitate pecuniæ, libertatibus, quas Barones petebant, ad voluntatem regalium militum ex parte concessis, sine spe redditus ab *Anglia* recessit.

*Ludovicus victus in Galliam redit.*

*Richardus* de *Mareis*, *Johannis* quondam Regis *Angliæ* summa veneratus gratia, prædicti Regis consiliis, seu regni sui dispositionibus, quia astutissimus, præfuit à secretis. Hunc Rex *Johannes* omnibus viris Ecclesiasticis & maxime religiosiis, quando eos gravissimis exactionibus infestavit, per singula præpositum constituit. Hic igitur nacta libertate manus suas in filios matris suæ aggravans, nullius egestatis misertus, vel miseriæ condescendit. Vacantibus interea quibusdam Episcopatibus, procuratorem suum Rex promovere voluit in Pontificem, sed Clero reclamante, & electionem canonicam instantius exequente, ne finia in aula sacerdos fieret in Ecclesia, à pastoralis dignitate prostratus, quoad potuit privatim, & publice in clerum desævire, hic vero, in die Sanctorum *Processi* & *Martiniani*, à *Waltero* de *Grai* *Eboracensi* Archiepiscopo, *Walone* Legato præcipiente, apud *Gloucestriam* ob præclara ipsius merita, ut ita dicam, ne os meum ponam in abissum, in *Dunelmensem* Episcopum promotus est, sed utinam sublimitatis culmen pro vero pastoris regimine, non pro solius honoris ambitione, in sede tam dulci, & tam reverenda, tot sanctorum Pontificum meritis suffulta, tot etiam virtutibus Monachorum ornata, in candore castitatis inviolabiliter obtineat. Magister *Richardus* quondam Decanus *Saresburie* & postea Episcopus *Cicestrensis*, de voluntate Domini Papæ, post decessum fratris sui in Episcopatum *Sarum* ei successit, cujus consilio & auxilio, nova Ecclesia *Saresburie*, novo in loco incepta est, Ecclesia veteri infra ca-

*Ric. de Mareis fit Ep. Dunelm.**Nova Eccles. Saresburie incepta.*

filius



*Henric. 3. R.* filius *Seeri de Quinci*. Obiit *Isabell Comitissa Gloucestræ*. *Raudulfus* Monachus Sanctæ Trinitatis *Normicensis Ecclesiæ*, ex voluntate *Gualonis* Legati factus est Episcopus *Cicestræ*. Magister *Alexander* cognomento *Nequam* Abbas *Cicestræ* literarum scientia clarus obiit. Obiit *Claræ* memoriæ *Aaliz de Saleme*, inclusa de *Pitcheham*, mulier austeræ vitæ, quæ virtutibus est amica.

1218

MCCXVIII..

*Expedit. in Terr. S.*

Hoc Anno ad Pentecosten *Robertus Comes Cestræ*, & *Willielmus Comes de Ferrariis*, & Barones, cum cætera multitudo promiscui sexus, iter versus *Ierosolimam* arripuerunt. Multi tamen, pro defectu substantiæ, seu Corporis debilitate, remanserunt; partemque pecuniæ suæ ad subsidium Terræ Sanctæ mittentes, à voto suo per Dominum Papam absoluti sunt.

*Eccles. Wigorn. dedic.*

Feria v. in Pentecoste, scil. vii. Id. Junii, dedicata est Ecclesia *Wigornæ* à v. Episcopis, tunc *Silvestro* Episcopo præfidente; & eodem die Reliquiæ Sanctorum Episcoporum, beati videlicet *Vulstani*, Sanctique *Johannis*, honorifice in loculo ex Auro & Argento constructo, & gemmis ornato, prout meruerunt, à prædictis præsulibus condita sunt. Quadagesimo vero die sequente, delatum est corpus ejusdem *Silvestri* Episcopi ad eandem Ecclesiam, & in eadem humatum, ut multi suspicati sunt, in ultione *Ossium Sancti Vulstani*, quæ ipse propria manu cum securi secuit, & per loca multa divisit, ac de hoc facto semetipsum laudavit.

Cui successit Magister *Willielmus* de *Wleis*, Archidiaconus de *Bukingham*.

*Otho Imper. 65.*

*Otho* Imperator *Alemanniæ*, Nepos *Richardi*, & *Johannis* Regum *Angliæ*, obiit.

Hic, dum vixit, potens & inclitus erat; seditque sub *Innocentio* III. & *Honorio* annis VIII. Qui, accepta Corona à Papa *Innocentio*, statim pugnam habuit cum *Romanis*, & contra voluntatem Domini Papæ intravit Regnum *Apuliæ*, auferens illud, & *Frethericum* Regem *Syciliæ* fugans; unde propter hoc excommunicatus est; principes autem *Alemanniæ*, per Dominum Papam, quarto anno Imperii sui *Frethericum* prædictum in *Romanorum* Imperatorem elegerunt. Qui, veniens per mare usque *Romam*, à Domino Papa & populo *Romano* honorifice suscipitur, & in *Alemanniam* mittitur contra *Othonem*, ibique mirifice triumphavit, & Regnat prospere usque in hodiernum diem.

*Freder. Imp. coronatur.*

*Fredericus* hic sub *Honorio* primo electus Imperator, & ab illo post mortem *Othonis* Coronatur.

*Sim. de Mont. forti cæsus.*

*Simon* de *Monteforti* militia, pulchritudine, & sapientia commendabilis, dum obsideret Urbem *Tolosam*, lapide percussus ex hoc seculo migravit, cui datum est, ut creditur, pro labore gaudia Coeli possidere.

Dominus *Walterus* Prior de *Meritona*, divitias & pompam seculi spernens, & solitudinem quietam diligens, abjecto pastoralis pondere, suis fere omnibus ignorantibus, ad Ordinem *Cartusie* se transtulit, & Habitum Monachi accepit.

*Charta Johannis R. confirmata.*

Post Festum Sancti *Michaelis* convenerunt apud *London* sapientes *Angliæ*, & renovaverunt Leges & Libertates secundum Chartam Regis *Johannis*, quam fecerat Baronibus, & in modum chirographi scripserunt, & sigillo *Gualonis* Legati, & *Simonis* Archiepiscopi *Cantuariensis*, & *Walteri* Archiepiscopi *Eboracensis*, & *Willielmi* Episcopi *Londoniensis*, & *Willielmi* *Marescalli* confirmaverunt, donec Rex juvenis sigillum cursale habere videretur.

*Henricus* Rex uti cœpit sigillo suo circa Festum Sancti *Leonardi*.

*Pandulfus Legat.*

*Gualo* Legatus ab *Anglia* recessit, circa Festum Sancti *Clementis*, & statim successit ei Dominus *Pandulfus* Legatus.

*Conradus fit Episc. Portuensis.*

Abbas *Cisterciensis* *Conradus* nomine vadit *Romam*, cum aliis Abbatibus, pro negotiis Ordinis, ibique eligitur & consecratur in Episcopum *Portuensem*, qui non multo post, Legatione suscepta, contra *Albigenses* pergit, successitque ei apud *Cistercium* Abbas de *Longo Ponte*.

*Richardus*



*Richardus* quondam Prior *Waverly* factus est Abbas *Bruer*.

*Henric. 3. R.*

Abbas *Pontiniaci* fit Episcopus *Carnotensis*. Comes de La *Marche* *Hugo*, viz. Filius *Hugonis* de *Brun*, ducit Reginam *Angliæ* *Plabel* nomine in uxorem, fuit ipsa uxor *Johannis* Regis, & filia Comitis *Angolismi*.

*C. De la Marche ux. ducit Regin. Angl.*

Dominus *Hugo* quondam Abbas *Belli Loci* Regis, factus est Episcopus de *Carduill* ex voluntate *Gualonis* Legati, in \* conditionem depositionis ejusdem, sicut nonnullis visum est, quia quasi inimicus à jurisdictione Ordinis videretur, si in Episcopum promoveretur.

*Hugo fit Episc. Carleol.*

## M C C X I X .

1219

Hoc anno pace reddita in *Anglia* & stabilita, Justitiiarii, qui vulgo dicuntur Itinerantes, post Natale Domini ibant per totam *Angliam*, renovationes Legum observantes in placitis suis, & observari facientes secundum chartam Regis *Johannis* prædictam. *Hubertus* de *Burgo* factus est Justitiarius totius *Angliæ*.

*Justitiiarii itiner. per Angl.*

*Willielmus* *Marescallus* obiit apud *London*, II. Id. Maii Comes *David* frater *Willielmi* Regis *Scotiæ* obiit. Dedicata est Ecclesia *Geroldoniæ*, XVII. Kal. Maii, à Domino *Reinero* Episcopo de Sancto *Asaph*, procurante Domino *Seer* de *Quinci*, prædictæ Domus Advocato, dotavitque eam terra bona, quam habuit juxta Abbatiam.

*Frater Reg. Scot. ob. Eccles. Gerol don. dedic.*

Eo tempore *Robertus* Filius *Walteri*, & Dominus *Seer* de *Quinci*, & *Willielmus* de *Harecourt*, & *Willielmus* Comes de *Arundel* iter *Jerosolimitanum* arripere cum multis aliis, unus autem ex ipsis, *Seerus* viz. de *Quinci*, postquam in Terram Sanctam venerat, gravi infirmitate corripitur. Convocatis igitur privatis suis, eosdem adjuravit, juramentoque constrinxit, quod cor ejus & vitalia post obitum ipsius comburerent, & secum in *Angliam* asportarent, & apud *Geroldon* sepelirent: cognoverat enim quia moreretur: quod & factum est. Ipse vero post IV. an. V. dies, scil. in Non. Novembris ex hac luce subtractus est & apud *Acres* sepultus. *Hugo* cognomento *Foliot* in *Hereford* Episcopum consecratur.

*Plures suscipiunt iter Hierosol.*

*H. Foliot Ep. Heref.*

Dominus *Adam* Abbas VII. *Waverly*, relicta Pastoralis cura, cessit: cujus consilio & auxilio major campana, anno precedenti, comparata est. Nunquam enim, usque ad tempus illud, in prædicta Domo nisi una tantummodo habebatur. Successit ei *Adam* Abbas *Geroldoniæ*. Abbas *Waverly* VIII.

Nonas Novembris *Damieta* Civitas *Egypti* valde munita, quæ quondam *Memphis* dicebatur, diu obsessa à Christianis, virtute divina, cum multis & magnis opibus, & sine effusione sanguinis Christianorum, in intempestæ noctis silentio miraculose capta est.

*Damieta à Christianis capta.*

Sanctus *Hugo* pontifex *Lincolniensis* *Romæ* solemniter Canonizatus est, & Sanctorum Catalogo Deo adjuvante insertus.

*H. Ep. Linc. Canoniz.*

## M C C X X .

1220

*Johannes* Abbas de *Fontibus*, factus est *Eliensis* Episcopus.

Hoc anno, secundo Coronatus est *Henricus* III. Rex *Angliæ*, in die Pentecostes, apud *Westmonasterium*: Accepit etiam Tailagium per *Angliam* de singulis Carucis II. sol.

*Henr. R. secundo Coron.*

Hoc anno, Nonas Julii, translatum est corpus gloriosi Martyris *Thomæ Cantuariensis* Archiepiscopi à venerabili viro *Stephano*, ejusdem sedis Archiepiscopo, anno à passione ejus quinquagesimo, de cripta Ecclesiæ, ubi jacuerat, fere per L. annos, ad eminentiorem locum, videlicet retro majus Altare Ecclesiæ, & reconditum in loculo ex auro & argento miro opere constructo, gemmisque pretiosis mirifice insignito.

*Reliq. Thomæ Arch. Cant.*

Ad cujus translationem tam grandis conventus utriusque sexus de diversis mundi partibus convenerat, ut nunquam retroactis temporibus, ut dicitur, tam magna multitudo hominum ad unum locum in *Anglia* coadunata fuerat. Exierat namque edictum à præfato Archiepiscopo, & divulgatum fuit per diversa Regna, & loca terrarum, ante fere per biennium, de translatione facienda; sed & ipse Dominus Archiepiscopus, per diversa Maneria sua, & posses-



*Henr. 3. R.*

fiones, secundum possibilitatem virium suarum, mira charitate & larga benevolentia jufferat præparari necessaria hominibus, & jumentis, & tam in Civitate *Cantuariensi*, quam per circuitum advenientibus exponi. Et quamvis tanta præparatio minime potuerit sufficere omnibus, vel singulis, ostendit tamen affectum, quia voluerat necessaria procurasse universis. Contigit autem quoddam memorabile, quod ad Martyris gloriam, procurante Domino, creditur accidisse. Martyr enim fuit ea die de terra translatus, qua Rex *Henricus*, cujus tempore passus est, fuit in terra sepultus, ut impleretur hoc modo quod legitur in Scriptura, *Mons cadens defluit, & Saxum de loco suo transfertur*. Montes sunt qui terram planam altitudine sua transcendunt, & in sublime cacumen suum attollunt. Montes itaque sunt Reges & Principes, qui Terrarum Dominium obtinent, & sublimiores sunt cæteris eminentia potestatis. Mons ergo magnus cecidit, cum Rex *Henricus* occubuit. Mons autem iste defluxit, cum Regem mortuum sinus terræ suscepit. Defluente igitur monte, Saxum est de loco suo translatum: quia, Regis corpore in terra deposito, Martyris corpus est honorifice sublevatum.

*Steph. Arch.  
Cant. Romam  
pergit.*

Dominus *Stephanus* Archiepiscopus *Cantuariensis* profectus est Romam; & cum eo *Richardus* de *Marisco Dunelmensis* Episcopus.

M C C X X I.

1221

*Episc. Lond.  
Episcopatum  
resignat.*

Venerabilis Episcopus *London*, nomine *Willielmus* de Ecclesia Sanctæ *Mariæ*, vir magni nominis, & non modicæ auctoritatis, vicésimo tertio Episcopatus sui anno, tam ex propria voluntate, quam ex summi Pontificis permissione, resignat Episcopatum in Ecclesia Sancti *Pauli* Apostoli de *London*, in die viz. conversionis ejusdem Apostoli, coram Domino *Pandulpho* Apostolicæ sedis Legato, nec non & plurimis Episcopis, qui forte tunc aderant, Episcopali tamen dignitate de jure sibi remanente. Ex hoc omnibus, tam majoribus, quam minoribus, non mediocri humilitatis exemplum derelinquens. Qui & ipse, tempore interdicti & afflictionis *Anglicanæ* Ecclesiæ, persecutiones, tribulationes, diversas injurias, rerum dispendia, longa exilia pro libertate Sanctæ Ecclesiæ tuenda, cum multis aliis injuste perpeffus est.

*Com. de Arundel ob.*

*Willielmus* Comes de *Arundel* rediens de Civitate *Damietta*, postquam Dei virtute capta est, moritur ultra *Romam*, apud quoddam oppidulum *Kaimel* nomine, cujus corpus membratim divisum, ex ipsius jussione, in *Angliam* transportatum est, & apud *Wimundham* sepultum.

*Eustac. de  
Faucunberg.  
fit Ep. Lond.*

*Eustachius* de *Faucunberge*, Thesaurarius Regis *Henrici* III. in Episcopum *London* consecratur apud *Westmonasterium*, à *Benedicto Roffensi* Episcopo, quia Dominus *Stephanus Cantuariensis* Archiepiscopus, anno præcedenti *Romam* perrexerat, & nondum reversus fuerat.

*Rex Scot. ux.  
ducit sororem  
Henrici R.*

*Alexander* Rex *Scotiæ* duxit in uxorem filiam *Johannis* Regis *Angliæ*, nomine *Johannam*, sororem scil. Regis *Henrici* III. Obiit Abbas *Abenduniae*, & successit Camerarius ejusdem Ecclesiæ. *Pandulfus* cessat à Legatione sua in *Anglia*, cito post Festum Apostolorum *Petri & Pauli*.

*Steph. Arch.  
Cant. in Au.  
redit.*

Dominus *Stephanus Cantuariæ* Archiepiscopus revertitur in *Angliam* de *Roma*, in Autumno.

*Pestis maxima.*

Hoc anno extitit tam grandis mortalitas hominum in trasmarinis partibus, tam Religiosorum, quam cæterorum, ut in aliqua Abbatia ix. defuncti simul una die haberentur; in pluribus vero Abbatibus tot languidi & ægroti, ut reliqui, qui sani & incolumes videbantur, vix sufficerent Officium concelebrare Divinum. In Civitatibus nihilominus, vicis, & villis veniens clades tantum invaluit, ut non nisi tres aut quatuor, sicut dicebatur, in aliqua villa invenirentur, qui potentes existerent defunctorum corpora tradere sepulturæ.

*Damietta à  
Paganis capta.*

Proh dolor! Pagani, orta dissentione & discordia inter *Christianos*, aliisque infortuniis ingruentibus, Civitatem *Damietam* inopinato eventu recuperant, atque eandem sibi subjugant, quam *Christianorum* populi non sine multo labore, & sudore, Dei tamen virtute ceperant, & per biennium & eo amplius jam possederant, & depopulaverant.

Episcopus



Episcopus *Coventrensis*, nomine *Willielmus* de *Cornhill*, mense Septembri cum in Episcopatu suo cœpisset ordines \* jam Acolitis, Subdiaconibus, & Diaconibus; & ventum esset ad Presbyteros ordinandos, subito percussus paralyti, non sine multorum admiratione, obmutuit, & sic officio inchoatæ ordinationis minime consummato, lingua etiam ejus deinde nimium intumescens, mutus permansit. *Petrus* de *Rupibus* Episcopus *Winton* cruce signatus est XIII. Kal. Octobr. Sigillum Domus nostræ mutatum est, in crastino viz. Beati *Kalixti* Papæ & Martyris.

*Henric. 3. R.*  
*Ep. Covent.*  
*paralyt. affe-*  
*ctus.*

## M C C X X I I.

Obiit piæ memoriæ *Willielmus* Rector Ecclesiæ de *Bradewate*, qui inchoavit novam Ecclesiam de *Waverley*, vicésimo viz. anno postquam inchoata fuerat; & sepultus est foris juxta murum Australem ejusdem Ecclesiæ; cujus animæ misereatur, qui solus post mortem potest præstare medicinam. Amen.

1222  
*Will. Rector de*  
*Bradewate ob.*

Dominus *Stephanus Cantuariæ* Archiepiscopus celebravit concilium suum primum apud *Gron*, xv. Kalend. Maii. In hoc concilio quidam Diaconus Apostata, qui duxerat quandam Judæam, degradatus est, & postea combustus.

*Concil. Oxon.*

Quidam etiam Rusticus, qui se crucifigebat, immuratus est perpetuo.

Nix permaxima in Mense Aprili prostravit multas arbores, & gelu superveniente, arbores mortificavit, ita quod folia non apparebant anno illo in pluribus locis terrarum, fructus etiam pomorum pluribus in locis omnino deperiit.

*Nix & gelu*  
*max.*

Hoc etiam anno tanta extitit siccitas, quod omnia fere tarde seminata deperibant. Obiit piæ memoriæ *Walterus* quondam Prior *Meriton*, iv. anno ex quo susceperat habitum ordinis *Cartusie*. Obiit *Johannes* cognomento *Suthil* Abbas de *Hyda*, & successit ei Monachus quidam ejusdem loci *Walterus* nomine.

*Siccitas max.*

*Pandulfus* quondam Legatus in Anglia consecratur Romæ in Episcopum *Norwicensis*, iv. Kal. Junii.

*Pandulf. fit*  
*Ep. Norwic.*

Hoc anno concessit Rex *Henricus* III. de tota Anglia, per consilium Domini *Stephani Cantuariæ* Archiepiscopi, & aliorum Magnatum Terræ, in subsidium Terræ Sanctæ acquirendæ, de Comite quolibet III. Marc. de quolibet Barone I. Marc. de quolibet Milite XII. den. de quolibet libero homine I. den. de quolibet homine habente catallum ad valentiam dimid. Marc. I. den. Sed concessio ista parum aut nihil profuit, quia cito post contradictum est, & ad effectum minime perductum.

*Subsid. in ter-*  
*ram S. concess-*  
*um.*

Exorta quadam tumultuosa seditione in Civitate *London*, ex occasione injuriæ & contumeliæ *Londoniensibus* apud *Westmonasterium* illatæ, præsumpta nihilominus cujusdam transgressionis temeritate, à quibusdam pestilentibus Civitatis ejusdem, quæ ad perturbationem & violationem pacis esse videbatur, unus de primoribus & nobilioribus Civitatis, *Constantinus* nomine, causa illius, ut ferebatur, ad liquidum minime discussa, & sicut nonnullis visum est, velociori judicio quam decuit vel oportuit, cum quibusdam aliis suspenditur. Quidam vero alii ex urbe dehonestati sunt, & ignominiose tractati: quo facto, tota Civitas confunditur vehementer & conturbatur: sed latet adhuc quem finem res gesta fortiaur. Obiit *Thomas* Prior *Meretone*, & successit ei *Canonicus* quidam ejusdem Ecclesiæ, *Egidius* nomine. Obiit *Randulfus* Episcopus *Cicestriæ*. Stella magna & insolita apparuit in Autumno.

*Londonenses*  
*tumultuan-*  
*tur.*

Dracones visi sunt à nonnullis huc illucque per aera volantes, a quibusdam etiam visi sunt quasi intra se pugnantes.

*Dracones in*  
*aere.*

Circa Festum Sancti *Andree* Apostoli facta sunt tonitrua valde terribilia, & fulgura, & coruscationes, ex quibus multa multis modis incommoda homines perpeffi sunt.

*Tonitrua*  
*magna.*

Per idem etiam tempus ventus validissimus factus est, horribilis, mentes hominum valde deterrens, turres & domos subvertens, silvas & virgulta eradicans, multos quoque utriusque sexus diversis in locis, maxime tamen in Pago

*Ventus mag.*  
*& inundatio.*



*Henric. 3. R. Warewicensi*, miserabiliter in mortem dejiciens; postea vero nimia aquarum inundatio subsequuta est, quæ multis in locis damno & periculo fuit.

1223

*Plures Ab-  
bates ob.*

MCCXXIII.

Hoc anno nonnulli tam in regulari quam in seculari habitu constituti, subito infirmitate correpti, mortui sunt. Abbates etiam de *Coggeshal*, de *Dunche-  
well*, de *Bordesly*, de *Certeſeia* obierunt.

Puer quidam parvulus circiter VIII. five VII. annorum, ad portam *Waverleie* degens, cecidit in aquam portæ contiguam, die inventionis Sanctæ crucis, quem mox unda rapuit, & fere in unius sagittæ cursum, videlicet, subtus quatuor pontes lapideos secum traxit; fluctuans igitur super aquam compertus est à quodam, & ab aquis ilico extractus, paululum aquæ, quam absorbuerat, evomuit, crastino vero die, Deo miserante, non solum pristinae sanitati & incolumitati restituitur, verum etiam usque hodie ad eandem portam intrans & exiens, sicut heri & nudius tertius, etiam si non quæritur, invenitur.

*Episc. Carle-  
ol. ob.*

*Hugo* quondam Abbas *Belli Loci* Regis *Angliæ*, postea Episcopus de *Cardul*, rediens de *Roma* venit ad Abbatiam de *Trinitate*, ubi fere per III. dies infirmatus, quarto die obiit, III. Nonas Junii. Ecce quam repente tollitur è medio, cujus linguam nonnulli mirati sunt, pectus non ita. *Hamericus* Abbas IX. Elemosinæ obiit, cui successit quidam Monachus ejusdem Domus, *Sanctius* nomine.

*Phil. Rex  
Franc. ob.*

*Philippus* Rex *Francorum*, princeps sapiens, & prudens, Regno suo pacato, & sapientia atque prudentia sua multipliciter dilato, obiit II. Id. Julii, anno Regni sui XLV. Fertur idem Rex vocasse *Lodovicum* filium suum primogenitum ante obitum suum, & præcepisse ei coram nonnullis Principibus Regni sui, ut Deum diligeret & timeret, & Sanctam Ecclesiam exaltaret & honoraret, & judicium & justitiam faceret populo suo, & præcipue ut pauperes & mediocres in Regno suo, contra superbiorum insolentiam, & præſidiis attolleret, & defensionis suæ auctoritate protegeret. Idem vero *Lodovicus* non multo post *Remis* Coronatus est, & unctus in Regem, viz. in die Sancti *Sixti* Papæ & Martyris.

*Ludov. R.  
Franc. coron.*

*Rex Hierosol.  
in Ang. venit.*

*Johannes* de *Bresnes* Rex *Jerusalemitanus* venit in *Angliam*, in Autumno.

*Episcopi Ex-  
on. & Covent.  
ob.*

*Simon* de *Apulia Exoniensis*, *Willielmus* de *Cornhell Coventrensis* Episcopi mortem pertulerunt. Obiit *Willielmus* Abbas *Glasſoniæ*, & successit ei Prior *Bathoniæ*. Iste *Willielmus* primus abbatizavit ibidem, postquam Episcopalis cupiditas illud juste meruit amittere, quod injuste præsumpsit invadere.

1224

MCCXXIV.

Obiit *Willielmus* Abbas *Kieballis*, & successit ei Abbas de *Wardun*. *Walterus*, Cognomento *Malus-Clericus*, factus est Episcopus de *Cardul*. Nonnulli Alienigenarum ejecti sunt, & amoti de Castellis & Custodiis suis in *Anglia*. Obiit *Willielmus* de Ecclesia Sanctæ Mariæ, Episcopus *London*, VI. Kalend. Aprilis.

*Plures Epif-  
copi consecrat.*

*Radulfus* de *Nova-villa* Thesaurarius Regis factus est Episcopus *Cicestrensis*. *Willielmus* *Brumere* Præcentor *Exoniæ*, factus est Episcopus ejusdem Ecclesiæ; consecrati sunt autem ambo *London* IX. Kalend. Maii, à Domino *Stephano Cantuariensi* Archiepiscopo.

*Alexander de  
Staneby fit  
Episc. Covent.*

Magister *Alexander* de *Staneby*, Clericus de Camera Domini Papæ, consecratur ab eodem *Romæ* in Episcopum *Coventrensem*, die Sanct. Pasch. (id est) XVIII. Kal. Maii. *Willielmus* *Marescallus* duxit uxorem filiam *Johannis* Regis *Angliæ*, *Eliaſor* nomine, sororem scil. Reg. *Henr.* III. Obiit *Willielmus* Comes de *Arundel* adolescens, quarto anno post mortem patris sui, & sepultus est apud *Wimundeham*.

*Cast. Bed. ex-  
pugnatur. Fal-  
keſus in suam  
patriam cum  
dedecore di-  
mittitur.*

*Lodovicus* Rex *Franciæ* subjugat ditioni suæ terram *Pictaviæ*. *Falkeſius*, unus ex Alienigenis, quos aliquando *Johannes* Rex *Angliæ* in perniciosum auxilium sibi asciverat, roborato post mortem dicti Regis Castello de *Bedesford*, quod ab eodem Rege in custodiam acceperat, nonnullis etiam de Majoribus *Angliæ*



*Anglia*, sicut dictum est, eidem *Falkeſio* conniventibus, tenuit idem Castellum contra Regem *Henricum* III. præfati Regis filium; ad quod expugnandum non solum Rex, verum etiam Dominus *Stephanus* Archiepiſcopus *Cantuariensis*, & Episcopi, atque omnes fere Magnati *Angliæ*, licet fortassis non uno eodemque anno, pariter convenerunt. Quo tandem capto, omnes fere, qui sponte ingressi in Castello inventi sunt, suspensi sunt in patibulis, in die viz. Assumptionis *Beatæ Mariæ*, homines circiter octoginta. Ipse vero *Falkeſius* paulo post in Ecclesia *Coventrenſi* deprehensus & captus, tandemque jure Ecclesiastico dimissus, non sine confusione & dolore in patriam suam reversus est. Uxor autem ejus, per quam possessionibus, divitiis, & honoribus multipliciter fuerat exaltatus & ditatus, tradita est cuidam Magnato *Angliæ* custodienda cum filiis suis.

*Henric. 3. R.*

Obiit *Symon* Abbas de *Tame*; successitque ei quidam Monachus ejusdem Domus, *Laurentius* nomine. Siccitas magna Hyemalis, unde & fatio impedita, & fames ingens secuta est.

*Siccitas hyemalis, unde fames subsecuta est.*

## M C C X X V .

1225

Obiit *Hugo* *Bigot* Comes *Porſolch*.

*Henricus* Rex *Anglorum* concessit & dedit hominibus de Regno *Angliæ*, libertates & consuetudines, sicut erant in diebus antiquis, & fecit eis inde *Chartas* duas, unam de Libertatibus, & liberis Consuetudinibus Regni, aliam vero de Libertatibus *Forestæ*, & ad *Forestam* pertinentibus. Pro hac igitur concessione & donatione, Archiepiſcopi, Episcopi, Abbates, Priores, Comites, Barones, Milites, & Homines libere tenentes de Regno concesserunt, & dederunt eidem Regi quindecimam omnium mobilium suorum. Monachi vero *Cisterciensis* ordinis tam pro libertatibus, quam pro gratia, & benevolentia Regis habenda, dederunt ei duo Millia Marcarum Argenti; *Judæi* autem existentes in *Anglia* dederunt ei eodem tempore quinque Millia Marcarum Argenti.

*R. H. 3. pro concessione magnæ Chartæ, & de Foresta magnam pecuniæ summam à suis subditis recipit.*

Obiit *Johannes* *Helyensis* Episcopus, prius Abbas de *Fontibus*, cui successit *Gaufridus* Archidiaconus *Norwicensis*, frater *Huberti* de *Burgo*, Justitiiarii *Angliæ*. Consecratur autem *Londoniæ* à Domino Sancto *Cantuariensi* Archiepiſcopo, in Natal. Apostolorum *Petri* & *Pauli*. Cedente Sanctio, successit *Martinus* IX. Abbas *Elemosynæ*, qui & ipse prius bis abbatizaverat.

*Johan. Ep. Eliens. ob. succedit Gaufridus.*

*Henricus* III. Rex *Anglorum* susceptus est in Domo nostra, sextodecimo Kalend. Januarii, cum solemnī processione. Crastina vero die Capitulum introivit, & societatem, fraternitatem, atque participationem beneficiorum Domus nostræ petiit & accepit.

## M C C X X V I .

1226

Hoc anno IV. Nonas Octobris, die Dominico, Beatissimus *Franciscus* in Civitate *Aſſiſi*, in qua ortus est, apud Sanctam Mariam de *Portiuncula*, ubi ordinem fratrum minorum ipse primo plantavit, expletis XX. annis ex quo perfectissime adhæsit Christo, Apostolorum vitam & vestigia sequens, egressus de carnis ergastulo ad Cœlestium Supernorum mansiones, perfecte quæ cœpit consummans, felicissime convolvit; cum Hymnis & Laudibus in ea Civitate sacrosanctum corpus ipsius collocatum est, & honorifice reconditum, ubi ad gloriam Omnipotentis multis coruscat Miraculis.

*S. Franciscus obiit.*

Quidam conversus de *Wodelo*, instigante Diabolo, Abbatem suum interfecit, propter quod omnes ab eadem Domo sunt ejecti, de cætero minime revocandi, & statutum est ut Domus ipsa de cætero sit quinque contenta.

Tertio Kalend. Februarii, VI FERIA, dedicata sunt Altaria duo, in crastino subsequenti, viz. Sabbato, unum in Aquilonari Cruce Ecclesiæ nostræ, à Domino *Johanne* Episcopo, tunc Vicario Domini P. *Wintoniensis*, in præsentia ejusdem *Wintoniensis*. Obiit *Symon* Abbas de *Nading*. Obiit *Willielmus* cognomento *Longa Spata* Comes *Saresburiensis*. Cedente *Willielmo*, subrogatur *Reginaldus*, Prior *Geroldoniæ*, ejusdem Domus Abbas decimus. Obiit *Richardus* de *Marisco* Episcopus de *Dunelmo*.

*Rich. de Marisco Ep. Dunelm. ob.*



Henric. 3. R.  
Abbatia Gra-  
tia Dei dicta  
in Wallia ex-  
truitur à Jo-  
hannes de  
Monmuth.

Johannes de **Monemurhe** construxit quandam Abbatiam de ordine *Cister-*  
*ciensi* in *Wallia*, quam *Gratiam Dei* nominavit, veneruntque ibidem Monachi  
primo, VIII. Kal. Maii. *Lodowicus Rex Francorum*, tam rogatu quam jussu  
summi Pontificis, profectus est cum exercitu grandi ad Civitatem quandam  
vocabulo *Avinion*, & obsedit eam, quæ Romanæ Ecclesiæ, superbiendo vel po-  
tius apostatando, inobediens erat & rebellis. Illi autem, qui in urbe erant, ar-  
bitrantes non esse tutum diu tanto resistere Principi, reddiderunt se summo  
Pontifici. Legati vero Apostolici, qui in exercitu erant, tradiderunt urbem  
prædicto Regi. Rex igitur acceptis obsidibus ab his, qui in civitate erant,  
muris tunc ejusdem urbis fortioribus in locis per girum destructis atque de-  
letis, coepit reverti in Terram suam: sed in ipso itinere morbo correptus ex  
hac luce vel potius caligine subtractus est, anno Regni sui quarto, sicque cito  
gaudium conversum est in luctum & lamentum; *Lodowicus* autem filius ejus,  
puer circiter annorum XII. non multo post *Remis* coronatur, & ungitur in Re-  
gem, in die viz. Sancti *Andreae* Apostoli.

Pandulf. Ep.  
Norwic. ob.  
succed. Thom.

Obiit *Pandulfus* Episcopus *Norwicensis* Romæ, successitque ei *Thomas* de  
*Blumwilla* Clericus curialis; Consecratur autem *Londoniæ* à Domino S. *Cantu-*  
*ariensi* Archiepiscopo. Obiit *Johannes Goddard* de *Newentia*, primus Prior  
de *Novo Loco*; qui & ipse circiter LVII. ann. sacerdotio functus est. Obiit  
*Willielmus Bruwer* Fundator & Canonicus Ecclesiæ Sanctæ Mariæ de  
*Dunkewell*. Obiit *Benedictus* Episcopus *Roffensis*.

1227

MCCXXVII.

Annus à Fundatione Abbatiae de *Waverlea* Centesimus. Obiit *Williel-*  
*mus* de *Mandevilla* Comes *Esexiæ*. *Hubertus* de *Burgo*, Justitiarius *Angliæ*, fa-  
ctus est Comes *Cantiæ*. Obiit *Honorius* Papa, successitque ei *Hostiensis* Epif-  
copus, & vocatus est *Gregorius*. *Henricus* de *Samford* Archidiaconus *Cantu-*  
*ariæ* Consecratur ibidem in Episcopum *Roffensem*, VII. Id. Maii, à Domino  
Sancto *Cantuariensi* Archiepiscopo. *Henricus* Rex *Angliæ* fecit *Richardum*  
fratrem suum Comitem *Cornubiæ*, in die *Pentecostes*, III. viz. Kalend. Junii, a-  
pud *London*.

Fredericus  
Imp. ad Ter-  
ram Sanctam  
ire volens à  
Papa excom-  
municatur.

*Petrus* de *Rupibus* *Wintoniensis*, *Willielmus Bruer* *Exoniensis* Episcopi, alii-  
que nonnulli Episcopi, Clerici, & Laici de diversis Mundi partibus, arripue-  
runt iter, ituri in Terram Sanctam, cum multitudo maxima Christianorum,  
qui omnes, ut credimus, divinitus inspirati, Apostolicisque literis & monitis  
animati atque roborati, necnon virtute & ligno Sanctæ Crucis signati & arma-  
ti, punire volebant injurias Dei in hostes nominis Christiani. *Fredericus* au-  
tem Imperator *Roman.* qui & ipse cruce signatus, &, ut sperabatur, dux &  
princeps exercitus Christiani, simulabat se cum cæteris profecturum: sed cor-  
ruptus, ut fertur, muneribus & xeniis *Paganorum*, & de terra sua minime  
egressus, non mediocre intulit impedimentum exercitui Christiano. Pere-  
grini siquidem, qui in *Syriam* adventum ejus jam prævenerant, audientes quod  
dictus Imperator, secundum quod promiserat, nequaquam veniret; plusquam  
XL. Millia in eisdem navibus, in quibus transierant, redierunt; pro quo facto  
postea *Romæ* multisque locis aliis solemniter excommunicatus est.

Greg. IX.  
Romam re-  
linquit.

*Gregorius* Papa, qui hujus nominis nonus dictus est, orta dissentione inter ip-  
sum & *Romanos*, tum propter Imperatorem, quem excommunicaverat, tum  
propter alia quædam, quæ *Romani* non recte, ut sibi visum est, ab ipso exige-  
bant, transtulit se *Perusium*, ubi non modico tempore morant fecit. Mona-  
chi *Belli-loci-Regis* intraverunt in novam Ecclesiam cum magno gaudio, in vi-  
gilia Assumptionis Beatissimæ Mariæ.

Fred. Imp.  
vexat Pa-  
mam.

*Fredericus* Imperator, adductis circiter xv. Millia *Saracenorum* in Imperium,  
Ecclesiam Dei conculcat, atque perturbat, confundit etiam miserabiliter ne-  
gotium Terræ Sanctæ, &, post innumera fraudum commenta, contra *Roma-*  
*nam* Ecclesiam publice profilit, in persecutionem ejus totaliter se confluendo.

MCCXXVIII.



MCCXXVIII.

1228

*Lodovicus* Rex *Francorum* adhuc adolescens construxit in Gallia, consilio *Henric. 3. R.*  
*Dominæ Blanchæ* Reginæ Matris suæ, quandam Abbatiam de Ordine *Cisterci-*  
*ensi*, quam *Regalem Montem* nominavit. Veneruntque Monachi ibidem pri-  
 mo, in octavis paschæ, iv. viz. Nonas Aprilis: constituit etiam ut essent ibi  
 100 Monachi & \*. Obiit *Richardus* Abbas *Bruere*. Obiit *Stephanus Cantu-* *Steph. Archi-*  
*ariæ* Archiepiscopus, in Scientia Theologica suo tempore nulli secundus. *ep. Cant. ob.*

*Præsul virtutis Stephanus documenta salutis.*  
*Vivens multa dedit, moriens à morte recedit.*  
*Forma Gregis Clerique decus, vitæ speculator,*  
*Et speculum, Christique fuit devotus Amator,*

*Richardus* Episcopus *Saresberienfis* translatus est ad Episcopatum de *Dunelmo*.  
 Obiit *Eustachius* de *Faukeberge* Episcopus *Londoniensis*. Obiit *Gaufridus* Episcopus *Heliensis*.

Hoc anno canonizatus est Beatus *Franciscus*, Episcopis, Cardinalibus, ali- *Canonizatio*  
 isque Ecclesiarum Prælati, numerosisque plebibus astantibus, à Domino Pa- *S. Francisci.*  
 pa *Gregorio*, altisona voce, protensis ad Cælum manibus, ita dicente. *Ad*  
*Laudem & gloriam Omnipotentis Dei, Patris, & Filii, & Spiritus Sancti, & gloriosæ*  
*Virginis Mariæ, & Beatorum Apostolorum Petri & Pauli, & ad honorem Ecclesiæ*  
*Romanæ, Beatissimum Franciscum, quem Dominus glorificavit in Cælis, venerantes*  
*in Terris, de Consilio fratrum nostrorum, & aliorum Prælatorum, in Catalogo Sancto-*  
*rum decrevimus adnotandum, & festum ejus die obitus sui celebrari.* Facta sunt au-  
 tem hæc in Civitate *Affissi*, secundo anno Pontificatus Domini Papæ *Gregorii*,  
 17. die Kal. Mensis Augusti. *Fredericus* Imperator applicuit excommunica- *Fred. Imper.*  
 tus in Terram Sanctam, circa Nativitatem Beatæ Mariæ semper Virginis. *ad Terram S.*  
*proficiscitur.*

MCCXXIX.

1229

*Gregorius* Papa, directo Nuncio in *Angliam*, exegit ab Episcopis, Abbatibus, *cui absenti*  
 Prioribus, aliisque Ecclesiarum Prælati & Clericis, decimam omnium reddi- *Papa, decimis*  
 titum, & proventuum ad sustentandum exercitus, quos sub amplis stipendiis *redit. eccles-*  
 miserat, ad recuperandum patrimonium Beati *Petri*, & *Castella*, & *Terras*, à *Angliam ex-*  
*Frederico* Imperatore invasas, & ut dissiparet & minueret, ubicunque posset, *actis, bellum*  
 potestatem dicti Imperatoris, qui à Deo & *Romana* Ecclesia videbatur averfus. *infert.*  
 Prædictus igitur Nuncius veniens in *Angliam*, dictam decimam, tam per se  
 quam per alios, districtissime colligi fecit & adunari.

Obiit Dominus *Adam* quondam Abbas *Waverleiensis*, vir religione, vita, &  
 doctrina commendabilis. Hic instituit ut una privata Missa diceretur pro  
 singulis hospitibus in infirmitorio Scolari morientibus, in die sepulturæ  
 eorum, sive in crastino, quod antea in Domo nostra non fiebat.

De statu Sanctæ Terræ cunctos incertos cupientes reddere certos, ad *Jesu*  
*Christi* laudem, & nominis sui gloriam, Christianitatis exaltationem, & inimi-  
 corum Crucis Christi confusionem, *Sidonis*, & *Cæsareæ* Castris ante adventum  
 Imperatoris in Terram Sanctam bene firmatis, &, prout decuit, competenter  
 munitis, & apud *Jopen*, quæ est porta *Jerusalem*, post prædicti Imperatoris in  
 Terram Sanctam adventum, quodam Castro pulcherrimo & fortissimo firmato,  
 & fossato in magna parte penato, sciatis quod *Keniel Soldanus Babylonæ*, qui  
 omnibus præest *Soldanis*, multis per internuncios inter eos habitis consiliis, *Pax 10. an-*  
 & colloquiis, tandem per treugas, inter eos per decem annos captas, reddidit *norum inter*  
 Sanctæ Christianitati Sanctam Civitatem *Jerusalem*, & Sanctum Sepulcrum *Saracenos &*  
 Domini, & *Bethleem* & *Nazareth* Civitates, & cheminum usque ad flumen *Jor-* *Christianos*  
*danis* cum quibusdam casalibus, dictis civitatibus & chemino prædicto perti- *Terræ Sar-*  
 nentibus; nec non & Civitatem Beati *Georgii* in *Rhamis*, & planas de *Rhamis* *stæ.*  
 in parte, & planas *Sydonis* in parte, & *Turonum Winfridi*, ita quod Deo gratias  
 securum patet ire & redire omnibus peregrinis, tam illis scil. qui modo sunt  
 in Terra Sancta, quam illis, qui in eandem infra treugas prædictas processu  
 temporis



*Henric. 3. R.* temporis sunt venturi, ad peregrinationem suam faciendam, ab *Acon* usque *Tyronem* & *Sidonem*, & usque *Nazareth*, & usque ad Sanctam Civitatem *Jerusalem*, & usque flumen *Jordanis*, & usque *Bethleem*, per antiquam stratam peregrinorum, sicut inter perpetuæ memoriæ Dominum nostrum *Richardum*, quondam Regem *Anglorum*, & inter *Saladinum*, *Damasci* & *Babyloniæ* quondam *Soldanus*, fuit prolocutum; prædictus etiam *Fredericus* Imperator, die Dominica proxima ante Annuntiationem Domini, portavit Coronam Regalitatis in Civitate Sancta *Jerusalem*. Quoniam vero *Soldanus Damasci* qui Infans est, & malum habet consilium voluntati & sapientiæ prædicti *Keniel Soldani Babyloniæ*, in parte noluit, & in parte voluit prædictis treugis assentire. Prædictus *Soldanus Babyloniæ* hoc moleste tulit, & Civitatem *Damasci* una cum *Soraphi Soldano* partium Orientalium, & fratre prædicti *Soldani Babyloniæ*, & prædicti *Soldani* avunculo, cum centum & quinquaginta ammirallis potenter obsedit, & etiam Castrum *del Crak*, quod est quoddam Castrum fortissimum & jus Christianorum. Ità quod in recessu latoris præsentium in Terra Sancta à nobis, fuerunt adhuc prædicti *Soldani* in obsidione prædicta Civitatis *Damasci*; Dat. apud *Acon* xx. die Aprilis.

*Robertus de Bingham*, Canonicus Ecclesiæ *Sarum*, consecratur in Episcopum ejusdem Ecclesiæ à *Simone* Episcopo *Bathonienfi*, apud *Wilton*, VI. Kalend Junii.

*Richardus*  
cognomento  
magnus fit  
Archiep. Can-  
tuariensis.

Plurimi Episcopi  
consecrantur.

*Richardus*, cognomento *Magnus*, *Lincolniensis* Ecclesiæ Cancellarius, factus est Archiepiscopus *Cantuariensis*; consecratus est etiam apud *Cantuariam* ab *Henrico Roffensi* Episcopo, in die Sanctæ *Trinitatis*, iv. viz. Id. Junii. Notandum sane quod omnes Archiepiscopi *Cantuarienses*, qui istum præcesserunt, diversa habuere vocabula, nec quisquam illorum hoc vocabulo nuncupatus est, præter unum duntaxat, qui hujus vocabuli existit primus, iste vero hujus nominis dignoscitur esse secundus, Consecrantur etiam eodem die, apud prænominatam urbem, à *Simone Bathonienfi* Episcopo *Rogerus* cognomento *Niger*, Archidiaconus *Colecestriæ*, in Episcopum *Londoniensem*; Abbas Sancti *Edmundi* in Episcopum *Eliensem*. *Stephanus* Abbas de *Stanleia* factus est Abbas de *Sammaco*.

Comes de Sancto  
Egidio  
ab Albigen-  
sibus desceit

*Raymundus* Comes de Sancto *Egidio*, per longum jam tempus excommunicatus, propter Hæreticos, qui vocantur *Albigenses*, quibus, sicut dictum est, favebat, venit in *Franciam*, ubi coram summi Pontificis Legato à vinculo anathematis absolutus, reconciliatus est Sanctæ Ecclesiæ. Interdictum vero, quod tempore patris sui coeperat, & jam per xx. annos in terra sua duraverat, eodem quoque tempore relaxatum est, qui viz. prædicti Comitis *Raymundi* pater præfatis, ut dictum est, Hæreticis favens, consiliis atque monitis Sanctæ Ecclesiæ nullatenus adquiescere voluit. Qua de causa solemniter excommunicatus est. Ipse autem, excommunicatione contempta, non solum non reliquit, verum etiam in erroris sui perversitate, usque ad finem vitæ, permansit, tandem excommunicatus interiit. *Fredericus* Imperator rediit de Terra Sancta. Sexagesimus annus à Passione Sancti *Thomæ* Martyris.

Fred. Imper.  
redit de Ter-  
ra Sancta.

1230

R. Henric. 3.  
in Galliam  
transfretat.

Re infectare-  
dit.

MCCXXX.

*Henricus* III. Rex *Anglorum* transfretavit mare, ductore Comite *Britanniæ*, circa festum Apostolorum *Philippi* & *Jacobi*; applicuitque in *Britanniam* cum exercitu magno Procerum & Magnatum *Angliæ*; spe recuperandi terras quas ipse & pater suus, sive juste, sive injuste amiserant. Quod vero ibi gesserit superfluum est dicere, cum res sit in propatulo omnibus fere scire volentibus. Rediit autem in *Angliam*, circa Festum omnium Sanctorum. In ipso vero reditu obiit *Gilebertus* de *Clara* Comes *Gloucestersis*, cujus corpus transportatum est in *Angliam*, & apud *Theokesbury* sepultum. Prædictus autem Comes *Britanniæ* longo jam tempore excommunicatus, propter quendam sacerdotem, quem vivum fecerat sepeliri, & propter nonnullas alias querelas, hoc eodem anno absolutus est, & Terra ejus ab interdicti sententia relaxata.

*Berengaria* quondam Regina *Angliæ* (ipsa *Berengaria* filia Regis *Navarra*,



uxor *Richardi* I. Regis *Angliæ*) construxit quandam Abbatiam de Ordine *Cisterciensi* in pago *Cenomannensi*, quam nominavit *Pietatem Dei*. Ipsa vero non multo post obiit, atque ibidem in Ecclesia sepulta est. *Petrus* de *Rupibus Wintoniensis* Episcopus, rediens de Terra Sancta, venit *Romam*, circa festum Sanctæ Mariæ Magdalænæ.

Pax & concordia facta est inter Papam *Gregorium* & Imperatorem *Fredericum*. *Leulinus* præfectus *Walliæ*, simulata dilectionis gratia, *Willielmum* de *Brevisa* Baronem Nobilem ad Paschalia Festa secum agenda invitans, eundem post epularum & poculorum abundantiam, super perpetrato adulterio, & violatione uxoris suæ malitiosè aggressus est, eumque aliquantis diebus vinculis irretitum carcere retrudens, ad ultimum, ut dicitur, turpissima morte damnavit. In qua maligna præsumptione Domino Regi *Angliæ*, cunctisque Optimatibus Terræ non modicam intulit confusionem, sed proprio collo rethem paravit in isto facto, si justus sit Rex ultorque fidelis.

Orta discordia inter *Richardum* Archiepiscopum *Cantuariensem* & Regales, qui violenter ejecerant homines Archiepiscopi de quadam Custodia, quæ, sicut nonnullis visum est, proprie spectat ad jus *Cantuariensis* Ecclesiæ; excommunicatis etiam qui violentiam perpetraverant, aliis quoque causis emergentibus, profectus est Archiepiscopus *Romam*. Rediens vero ab urbe ad Sanctam *Geminam*, morboque correptus obiit, atque ibidem apud Ecclesiam fratrum *Minorum* honorifice tumulatus est.

*Quam brevis & fallax hujus sit gloria vitæ,  
Præfulis istius mors demonstret sine lite.*

*Richardus* Frater *Henrici* III. Regis *Anglorum* duxit relictam *Gileberti* de *Clara* Comitis *Gloucestræ*, sororem scilicet *Willielmi* *Marescalli*, qui viz. *Willielmus* *Marescallus* non multo post obiit, atque apud *Londoniam* juxta patrem suum sepultus est.

*Militis istius mortem dolet Anglia; Ridet  
Wallia, viventis bella minasque timens.*

In die Sancti *Barnabæ* consecrata sunt duo altaria, in crastino vero unum in Australi Cruce Ecclesiæ nostræ, à Domino *Johanne* Episcopo, tunc temporis Domini *Wintoniensis* Vicario. Dies quoque consecrationis eorum venerantibus x. dies remissionis concessit, totidem vero dies Indulgentiæ idem Episcopus concessit, quando tria Altaria in Aquilonari cruce dedicavit.

*N. de Verdone temptans evadere mortem,  
Mortis non potuit in equis transcurrere sortem.*

*Petrus* de *Rupibus Wintoniensis* Episcopus, rediens de Terra Sancta, applicuit in *Angliam*, circa Festum Sancti *Jacobi* Apostoli. Obiit *Martinus* Abbas XI. *Elemosynæ*, cui successit *Gaufridus* Abbas de *Land*.

*Egidius* Prior *Meritonæ*, relicta pastoralis cura, factus est Monachus *Cisterciensis* Ordinis; cui successit quidam Canonicus dictæ Domus *Henricus* nomine.

Monachi de *Waverly* intraverunt in novam Ecclesiam de prima veteri Ecclesia, cum solenni processione & magnæ devotionis gaudio, in Festo Sancti *Thomæ* Apostoli, anno xxx. ab inchoatione novæ Ecclesiæ, cujus inceptor fuit bonæ memoriæ *Willielmus* de *Bradewatere*.

M C C X X X I I.

Hoc anno *Henricus* III. Rex *Anglorum* accepit ab Archiepiscopis, Episcopis, Abbatibus, Prioribus, & Clericis, Terras habentibus, quæ ad Ecclesias suas non pertinebant, Comitibus, Baronibus, Militibus, Liberis hominibus, & Villanis de Regno *Angliæ*, in auxilium, quadragesimam partem omnium Mo-

*Pax inter Pa-  
mam & Impe-  
ratorem.*

*Rich. Archi-  
ep. Cant. ob.*

*Rich frater  
Hen. 3. ducit  
in uxorem re-  
lictam Comi-  
tis Glocest.  
Guil. Maresc.  
obiit.*

I 232

*Quadragesima pars nobilium apparentium solvitur Regi.*



*Henric. 3. R.* bilium suorum apparentium, sicut ea habuerunt in castino Beati *Matthæi* Apostoli, anno videlicet dicti Regis *xvi.* Nihil vero capiebatur ab aliquo, qui non haberet ad minus hujusmodi bona ad valentiam *xi. Denariorum.* Monachi vero *Cisterciensis* Ordinis in *Anglia* ab hac exactione & servitute nequaquam immunes extiterunt.

Iste est annus octavus, à quo Dominus *Henricus III. Rex Angliæ*, communi assensu & voluntate Magnatum, tam Clericorum, quam Laicorum totius *Angliæ*, quintamdecimam partem omnium Catallorum universaliter accepit, concedens & Chartis suis irrefragabiliter corroborans omnes libertates *Anglicanas*, temporibus proavorum suorum liberius & quietius usitatas, tam in Forestis, quam extra, à se & suis in posterum firmiter observandas. Et ne quis ausu temerario prædictas libertates infringere in perpetuum acceptaret, Dominus *Stephanus Cantuariensis* Archiepiscopus, cum suffraganeis suis assistantibus & consentientibus, Domino Rege & Regni Magnatibus, anathematis sententiam candelis accensis in publico promulgavit; sed, proh dolor! aggravatum est jam jugum servitutis, & maxime de Foresta fit novissimum pejus priori.

*Hubertus de Burgo officio Justitiarum pellitur, cui succedit Stephanus de Seigrave.*

*Hubertus de Burgo* Regis & Regni Rector, & pro libitu dispositor & dispensator, Comes *Cantiæ* & totius *Angliæ* Justitarius; cui nihil Regiæ defuit potestatis, præter solius Regii Diadematis dignitatem, super multiplicibus & enormibus criminibus Domino Regi accusatus, à latere Regis, & ab omni potestate semotus, etiam ex improvviso persecutus, captus, & catenatus, carcerali custodiæ apud *Divisas* est mancipatus, cui communi assensu & consensu Domini Regis, & Magnatum totius Regni, successit *Stephanus de Seigrave* in justitiarum potestatem immediate

*Hujus ad exemplum caveat sibi falsa potestas,  
Ne pro delictis, Rege jubente, ruat.*

Obiit *Randulfus Comes Cestriæ* apud *Wallingford.*

*In Terris gaudens fuit iste Comes, Deus illi  
Subveniens tribuat gaudia summa Poli.*

Quæstio Prioratus inter Abbatem de *Waverly* & Abbatem de *Furness* terminatur hoc modo; videlicet quod Abbas de *Furness* habeat Prioratum, in tota Generatione *Elemosinæ* in *Anglia*, & in Generatione *Saviniaci* in *Anglia* tantum. Abbas autem *Waverly* habeat Prioratum ubique tam in congregationibus Abbatum, quæ fuerint per *Angliam*, quam alias per Ordinem universum.

### MCCXXXIII.

*1233  
Maxima inundatio.*

Hoc anno mense Julio, v. Id. ejusdem mensis, hora diei sexta, feria II. Luna xxx. facta est per *Angliam* aquarum inundatio subita & inæstimabilis in plerisque locis, & præcipue in partibus Australibus pernix & intolerabilis, in hominum & animalium submersione lamentabilis: in ædificiorum ripis adjacentium, molendinorum, & pontium subversione irreparabilis, in fœnorum & fructuum vastatione irrecuperabilis. In Domo vero de *Waverlea* tempestas terribilis supra modum vehementissime desævians, pontes lapideos, muros & calceta diruens & confundens, claustrum & omnes officinas impetuose transcurrentes, & etiam usque in novum Monasterium excrescens, in pluribus locis usque ad altitudinem fere VIII. pedum ascendit, damna autem & incommoda ejusdem Domus tam in ædificiis, quam variarum rerum intus & exterius amissionibus, non est qui pro certo audeat vel valeat æstimare.

Abbatia de *Gratia Dei Cisterciensis* Ordinis, à *Johanne de Donemue* fundata, à *Wallensibus* funditus everfa est, ita quod de ea jam dici possit. *Jam seges est ubi Troja fuit.* Causam prætendentibus & asserentibus, quod prædictus *Johannes*



*hannes* prædictam Abbatiam in fundis suis ab ipso violenter præoccupatis, eisdem reclamantibus fundare præsumsit. *Henric. 3. R.*

MCCXXXIV.

*Edmundus* Thesaurarius *Sarum* à Domino *Rogero Londoniensi* Episcopo, *Edmundus* consistentibus & congratulantibus XIII. Episcopis, Domino Rege & IV. Co-*Thesaur. Sa-* mitibus, & cæteris innumeris communiter congregatis in Ecclesia *Cantuariæ*, *chiep. Cant.* in Archiepiscopum honorifice consecratur, Dominica qua canitur *Latere consecratur.* *Jerusalem*, IV. viz. Nonas Aprilis.

*Fulget in Edmundo pia mens in Corpore mundo,  
Gratia quem mundo dedit omine summa secundo.*

*Seditio quo-*  
*rundam Mag-*  
*natum Ang.*

Orta dissentione inter Dominum *Henricum* III. Regem *Angliæ* Filium Regis *Johannis*, & quosdam Magnates Regni sui, maxime *Huberto de Burgo* vinculis carceralibus in Castro de *Divisis* mancipato, *Gileberto Wasset*, *Richardo Ward* cum eorum complicitibus, Edicto Regio profugis & exulibus, *Richardus Marescallus* vir omnium morum honestate præditus, nobilitate generis insignis, artibus Liberalibus insigniter eruditus, in armorum exercitio strenuissimus, in omnibus operibus suis Deum habens præ oculis, Regis & Regni prævidens & verens excidium, ut pacem & concordiam reformaret se ipsum exponens discrimini, se murum inter Dominum Regem & Magnates opposuit. Sed hostis antiqui prævalente versutia Dominus Rex sinistro circumventus consilio, in ipsum coepit omnem exercere tyrannidem, terras, homines, hortos, ædificia, sed & omnes possessiones suas in potestate sua destruere procuravit. Ille vero hæc omnia patienter sustinens, Dominum Regem ut à talibus desisteret, & se Regno suo conformaret, per viros Religiosos suppliciter hortabatur, cui super hoc indignanti, & eum in virtute magna persequenti, tandem vi vim viriliter reprimens in *Wallia* restitit. Nec tamen quantum potuit Domino Regi damnum intulit, quia reverentiam, quam Domino debuit, consideranter conservavit; fuit tamen inter eas dura minisque durans decertatio, & dubius, ut esse solet, bellorum eventus; Interim vero *Richardus Siward*, & *Gilebertus Wasset*, & eorum complices, pro se & terris suis perditis & destructis, tanquam lupi rapaces desævientes, terras Consiliariorum Domini Regis destruere non cessabant, maxime Domini *Wintoniensis* Episcopi, *Richardi* fratris Regis, *Petri de Rivallo*, & *Stephani de Segrave* tunc Justitiarum & eorum complicitum. *Hubertum* autem de *Burgo* de Castro de *Divisis* evasum, & ab Ecclesia violenter extractum, & iterum privilegio Sanctæ Matris Ecclesiæ sub anathematis sententia restitutum, in manu forti, in conspectu omnium eduxerunt, & de omni Regia potestate conduxerunt. Tandem bonorum virorum interventu, maxime Domini *Edmundi* Archiepiscopi & aliorum, treugis inter Dominum Regem & *Marescallum* positis; *Richardus Marescallus* ammonitione & consilio hominum suorum, de quibus tanquam de se ipso confidebat, cum paucis hominibus *Hyberniam* ingredi festinavit, ibique suorum fraudulento malefretus consilio etiam contra propositum proprium eorum consentiens voluntati, licet se solum & omni fidei consortio destitutum non ignoraret, campestri prælio se contra Inimicos & etiam innumerabiles exponere non formidavit. Quia suis continuo derelictus, & hostium suorum multitudine circumseptus, de virtute virium suarum confidens, quasi leo rugiens in bestias desævire à dextris & sinistris, quotquot attingere potuit interficiens, inter hostes suos quasi securus & alacer discurrens, subnervato tandem equo suo, eoque nimia multitudine compresso, quidam maligno spiritu vegetatus eum à posteriori parte latenter aggrediens, eidem ex improvviso in inferiore corporis regione, quo nudum & inermem recognovit, lethale vulnus inflixit. Ipse vero pro dolor! lethaliter sauciatus, & jumento suo sibi deficiente, crebris impulsus ictibus solo prostratus, & in excessu mentis effectus, per aliquantulum spatium ab ipsis hostibus mortuus reputabatur. Tandem respi-



*Henric. 3. R.* rante spiritu vivum videntes, affumentes eum cum magna reverentia in Castellum deportaverunt, ubi curis medicinalibus plagis adhibitis, xv. diebus, quos ei Deus ad pœnitentiam providerat, expletis, in cordis contritione, veraque confessione, sacrosancta Dominici Corporis & Sanguinis . . . . . communione debitum humanæ naturæ persolvit, cujus animæ propitiatur Deus Amen. Quo cognito, totoque præsumptionis progressu diligenter investigato, quando Rex pœnitentia ductus, misericordia motus, vehementi dolore turbatus, amotis à latere suo cunctis Alienigenis cæterisque, quorum Consiliis usus fuerat, omnes proscriptos exules revocavit, & in hæreditatibus suis sine dilatione collocavit, *Gilebertum* vero *Marescallum*, fratrem & hæredem prædicti *Richardi*, Domini *Eadmundi* Archiepiscopi aliorumque Magnatorum consilio liberaliter recipiens, eidem omnia jura sibi pertinentia gratanter restituit. Nec moveat Lectorem, siquæ in principio narrationis iterentur, quæ in anno præterito contigerant. Hoc enim fit propter narrationis continuationem.

*Livor edax, morum subversio, fax vitiorum,  
Vitricus Anglorum, rapuit solamen eorum.  
Principis absque pare, Gens livida, mentis avaræ  
Præsumsit, claræ decus indolis anticipare.  
Anglia plange, Marescallum plangens lachrymare  
Causa subest, quare, quia pro te planxit amare.  
Virtus militiæ, patriæ protectio, gentis  
Fraude ruit propriæ miserere Deus morientis. Amen.*

*Stephanus* de *Segrade* amotus est à potestate Justitiaria Regni *Angliæ*, quia sicut dictum est, consentiens erat cum quibusdam Alienigenis iniquæ proditi-  
oni, in qua *Richardus Marescallus* lethale vulnus accepit, quo tandem ingravescente . . . . . luce vel potius caligine subtractus est.

Cedente *Michaele* Abbate de *Cumba*, successit ei quidam Monachus de *Swinesheved*, *Robertus* nomine, quo celeriter de medio sublato, subrogatur *Willielmus* supprior de *Geroldonia*.

Cedente *Reginaldo*, subrogatur *Andreas* Prior de *Gerud*, ejusdem Domus Abbas xi.

*H. go Ep. Heref. ob. succed. Radul.*

Obiit *Hugo* Episcopus *Herefordensis*, & successit *Radulphus* de *Maydene-  
stan*, Decanus ejusdem Ecclesiæ. Consecratus est autem *Cantuariæ* ab *Edmundo* Archiepiscopo.

M C C X X X V.

*1235  
Hug. Ep. Linc. ob.*

Obiit *Hugo* *Lincolniensis* Episcopus, & successit *Robertus* cognomento *Gro-  
seteste*. Consecratur autem apud *Reading* ab *Edmundo Cantuariensi* Archie-  
piscopo. Obiit *Henricus Roffensis* Episcopus.

*Hen. Roff. ob.*

*Isab. Fred. imp. nupta.*

*Henricus* III. Rex *Anglorum*, filius *Johannis* Regis,avit hoc anno *Ysabel-  
lam* sororem suam *Frederico* Imperatori *Romanorum*.

M C C X X X V I.

*1236  
R. Henric. 3.*

*ducit in uxorem Alieno-  
ram filiam  
Comit. Pro-  
vinciæ.*

Hoc anno ad petitionem *Henrici* III. Regis *Anglorum*, Filii *Johannis* Regis, adducta est in *Angliam* *Alienora* filia Comitis *Provinciæ*, post Natale Domini, & in crastino Sancti *Hilarii* dicto Regi *Henrico* desponsata, in Civitate *Cantuariæ*, à venerabilis memoriæ *Edmundo Cantuariensi* Archiepiscopo, & in Octavis Sancti *Hilarii*, convocatis fere totius *Angliæ* Magnatibus, Clericis viz. diverfarum dignitatum, & variorum ordinum, & Laicis utriusque sexus apud *Westmonasterium*, cum tanta solemnitate una cum Domino Rege coronata, quod à nemine qui viderit, vel audierit digne valeat vel dimidia pars explicari.

Cedente *Gauchero* Abbate *Cisterciensi*, successit *Johannes* Abbas de *Boxlea*, Abbas vicissimus *Cisterciensis*, *Anglicusque* secundus.

Cedente



Cedente *Rogero* Abbate de *Forda*, successit quidam Monachus ejusdem Do-  
mus *Johannes* nomine. Henric. 3. R.

Cedente *Adam* Abbate de *Waverlea*, successit *Giffardus* Abbas de *Bet-  
flesdene*, Abbas x. de *Waverlea*. Iste instituit unam Missam privatam celebrari  
in Anniversariis illorum; qui per speciale beneficium refectioni fratrum an-  
nuatim assignatum, memoriam sui reliquerunt, cum speciali misericordia in  
posterum merito recolendam.

Hic etiam instituit, ut in Natali Domini, & in Festo *omnium Sanctorum*, ad  
omnia altaria, quæ sunt in Ecclesia nostra, habeantur candelæ ardentes, dum  
in ea Divinum Officium celebratur, viz. ad utrasque vespervas, & ad noctes, &  
ad Laudes, & ad Missas. Quod etiam totus Conventus noster inviolabiliter in  
posterum observari desiderat.

Obiit *Thomas* de *Blumbill* Episcopus *Normicensis*. Obiit *Willielmus* de *Thom. Ep.*  
*Bleis*, Episcopus *Wigorniensis*. *Johannes* de *Doumnie*, construit vel potius *Norwic. Wil-*  
reædificat Abbatiam de *Gratia Dei*, quam *Wallenses* funditus destruxerant, *lielmus Ep.*  
tempore discordiæ inter *Henricum III.* Regem & *Richardum Marescallum*, alio *Wigorn. ob.*  
tamen in loco, quam prius constructa fuit.

## MCCXXXVII.

1237

*Rogerus* Monachus de *Waverlea* factus est Abbas de *Cumbæ*.

*Henricus* Rex *Anglorum* fecit hoc anno inquiri per *Angliam*, si quid latenter *R. Hen. in-*  
subtractum est de Dominicis suis. Inquisitione autem facta per lagales ho- *quisitionem*  
mines provinciarum, inventi sunt nonnulli tenere quasdam Terras, de quibus *fieri Curat in*  
quomodo, vel de quo illas tenerent, nec certam rationem reddere, nec suffi- *suas Domini-*  
ciens munimen potuerunt ostendere; nisi quod ipsi & patres eorum easdem *cas Terras.*  
Terras quanvis occulte per longa jam tempora tenuissent & possedissent.

Obiit *Richardus* Episcopus de *Dunelmo*, & sepultus est in Ecclesia Moniali- *Rich. Ep.*  
um apud *Tarentum*. Hic primo fuit Episcopus apud *Cicestriam*, postea apud *Dunelm. ob.*  
*Saresberiam*, deinde apud *Dunelmum*, denique iste idem est, cujus consilio &  
auxilio nova Ecclesia de *Saresberia* incepta est.

*Henricus III.* Rex *Anglorum* accepit hoc anno in auxilium Tricesimam Mo- *R. H. accip.*  
bilium per totum Regnum *Angliæ*. *trices. mobil.*

*Gualterus* de *Cantelon* consecratus *Romæ* in Episcopum *Wigornensem*, & ve- *Otho Legatus*  
nit in *Angliam* circa Festum *Sancti Petri ad vincula*, cum *Othone* Legato Domini *Concilium Ce-*  
Papæ. Iste *Otho* Diaconus Cardinalis tenuit postea generale Concilium *lebrat Londi-*  
*Londoniæ*, in crastino Octavar. *Sancti Martini*, existentibus ibidem *Cantuari-*  
*ensi*, *Eboracensi* Archiepiscopis, Episcopis, Abbatibus, Prioribus, aliisque Ec-  
clesiarum Prælatiis fere totius *Angliæ*; de Ordine vero *Cisterciensi* pauci admo-  
dum Abbates ibi fuerunt: Sane de constitutione, quam paulo ante Concilium  
fecerant Abbates Ordinis *Sancti Benedicti* per *Angliam* constituti, de carni-  
bus non comedendis, sacro approbante Concilio, his verbis definitum est;  
*Audivimus & lætati sumus, quod Religiosi Viri Abbates Ordinis Beati Benedicti per* *Usus Carnium*  
*Angliam constituti, convenientes nuper in suo Capitulo generali, tanquam Filii juxta* *interdicitur.*  
*sermonem propheticum ad suos terminos revertentes, provide statuerunt, ut de cætero*  
*secundum Beati Benedicti Regulam ab esu carnum debeant abstinere, exeptis debi-*  
*libus & infirmis, quibus debet secundum ejusdem Regulæ continentiam in Infirmi-*  
*rio provideri, quod utique approbantes, statuimus inviolabiliter observari.* Siquis  
autem plenius scire desiderat hujus statuta Concilii, ex scriptis quæ ibi in au-  
dientia omnium publice recitata sunt, plenissime poterat edoceri.

## MCCXXXVIII.

1238

*Simon* de *Monteforti* duxit uxorem *Alienoram* Comitissam de *Wentbroc* Re-  
lictam *Willielmi Marescalli*, sororem viz. *Henrici III.* Regis *Angliæ*. *Richardus*  
de *Clara* adolescens vita comite futurus Comes *Gloucestræ*, duxit uxorem fili-  
am *Johannis* de *Laty* Comitis *Lincolniæ*. Obiit *Johanna* Regina *Scotiæ* in *An-* *Joan. Regin.*  
*glia*, soror viz. *Henrici III.* Regis *Anglorum*, & sepulta est in Ecclesia Moniali- *Scotiæ mori-*  
um de *Tarento*. Obiit *Adam* Abbas de *Kading*, successitque ei *Richardus* Sub- *tur in Angl.*  
prior ejusdem Domus.



Henric. 3. R.

Quidam Nobilis Candidatus imperii Constantino-pol. venit in Angl.

Petrus Ep. Winton. ob.

Quidam adolescens futurus, ut sperabat, Imperator *Constantinopolitanus*, venit in *Angliam*, acceptisque à Rege muneribus reversus est in patriam suam. Controversia inter Archiepiscopum *Cantuariensem* & Monachos *Roffenses* de electione sua, terminata est in præsentia Domini Papæ, existente ibidem Archiepiscopo *Cantuariensi*, hoc modo viz. quod de cætero habeant Monachi electionem suam.

Obiit *Petrus* de *Rupibus* Episcopus *Wintoniensis* in oppidulo suo de *Farnham*, cujus cor cum visceribus sepultum est in Ecclesia Beatae *Mariæ* de *Waverly*. Corpus vero ipsius delatum est *Wintoniam*, ibique in Basilica sedis suæ honorifice tumulatum. Obiit *Philippus* Abbas de *Quararia*, subrogatur *Augustinus* Prior ejusdem Domus. *Fredericus* Imperator exercens tyrannidem obsidet & impugnat Civitatem *Mediolanensem*; cui illi fortiter atque viriliter resistunt. Orta dissentione quadam, in Ordine *Cisterciensi* per quorundam insolentiam, *Johannes* Abbas *Cisterciensis* eligens magis solitudinem & quietem, quam lites & contentiones, relicta pastoralis cura cessit; cui successit *Willielmus* Abbas de *Firmitate* Abbas vicesimus primus *Cistercii*. Obiit *Rogerus* Abbas de *Cumba*, successitque ei *Rogerus* Cantor ejusdem Domus.

Inundatio.

Hoc anno statutum est in Capitulo generali *Cisterciensi*, ut per totum Ordinem fieret commemoratio Beatorum *Benedicti* & *Bernardi* in Conventu, ad Vesperas, & ad Laudes tantum, quod nequaquam antea fiebat in Ordine. Cedente *Gaufrido* subrogatur *Robertus* Abbas de *Begar*, Abbas tertius decimus *Elemosynæ*.

Rich. Ep. Roff. consecratur.

Hoc anno in *Adventu Domini* nimia aquarum inundatio facta est per *Angliam*, quæ multis in locis damno & periculo fuit.

*Richardus* de *Wendoner* factus est Episcopus de *Roff*. Consecratus est autem *Cantuariæ* ab *Edmundo* Archiepiscopo in crastino Sancti *Edmundi* Regis & Martyris. Obiit *Henricus* Prior *Meritonæ*, cui successit quidam Canonicus ejusdem Domus *Robertus* nomine. Obiit *Alexander* Episcopus *Coventrensis*.

Alex. Ep. Coventr. ob.

Lites inter Archiepisc. Cant. & Monachos ejusdem ecclesiæ.

Orta dissentione inter *Edmundum* Archiepiscopum & Monachos *Cantuarienses*, profectus est idem Archiepiscopus *Romam*, ibique causis utriusque partis coram Domino Papa propositis atque discussis, inventum est atque probatum Monachos reos existere in quibusdam, de quibus pro reverentia tantæ Ecclesiæ magis decet filere quam loqui; quamquam rei veritas multorum jam notitiam minime lateat; his itaque gestis & auditis, *Johannes* Prior *Cantuariensis* sibi præcavens, & rigorem fortassis discussionis canonicæ metuens, transtulit se ad quandam Domum Ordinis *Cartusie*, atque non multo post defunctus est. Igitur Archiepiscopo de *Roma* jam regresso, Monachi sine Priore existentes mandaverunt ei, quatenus veniret atque Priorem sibi ordinaret. Illo autem diutius moram faciente, atque negotium protelante, Monachi dilationem ægre ferentes ordinaverunt sibi Priorem absque illius consilio, atque assensu. Quo audito Archiepiscopus excommunicavit tam Priorem qui creatus fuerat, quam illos qui in ordinatione illius auctores, & fautores extiterant, & Ecclesiam interdixit; Monachi vero innitentes & adhærentes appellationibus atque privilegiis suis, non magnopere curantes de excommunicatione sive interdicto, aliquatenus à divinis cessare volebant, sed more solito pulsatis campanis Officium Divinum solemniter agentes usque hodie celebrare non desistunt.

Rad Ep. Heref. relicto Episcopatu fit Monachus.

*Radulfus* de *Waldestan* Episcopus *Herefordensis* non inmemor Scripturæ dicentis, *vovete & reddite*, & iterum, *melius est non vovere, quam votum non reddere*, relicto Episcopatu transtulit se ad ordinem Fratrum Minorum, sicut ante Episcopatum in proposito habuit & in voto.

# MCCXXXIX.

Simon. de Monteforti fit Comes Leycestriae.

*Henricus* III. Rex *Angliæ* fecit *Simonem* de *Monteforti* Comitem *Leycestriae*, in die Purificationis gloriosæ Virginis *Mariæ*. Hoc anno comparata est major campana Domus nostræ, tempore Domini *Giffardi* Abbatis, coepitque pulsari



fari primum ad horas, in die sancto Paschæ, cujus nomen his versibus sciri *Henric. 3. R.* potest, qui in eadem Campana scribuntur.

*Dicor nomine quo tu Virgo domestica Christi;  
Sum Dominae præco cujus tutela fuisti.*

Hoc anno mense Junio, in crastino Sancti *Botulfi* natus est *Londoniæ* filius *Edwardus* *Henrico* Regi *Anglorum* ex uxore sua Regina *Alienora*, & vocatus est *Edwardus*. *princeps nascitur.*

*Anglorum Regis, Edwardus nascitur Hæres.*

Inquisitione jam facta per *Angliam* ex præcepto Regis *Henrici* III. siquid latenter subtractum esset de Dominicis suis, idem *Henricus* Rex *Anglorum* recuperavit hoc anno, mense *Junio*, per considerationem Curia suæ, quasdam Terras cum pertinentiis in *Petham*, quas quidem terras cum pertinentiis in eadem Curia sua clamavit ut jus, & dominium suum, atque easdem terras cum pertinentiis dedit Domui nostræ in perpetuam, liberam, & puram eleemosynam; de quibus etiam terris cum pertinentiis plenam seisinam nos habere fecit, in crastino Sanctorum Martyrum *Gervasi* & *Prothasi*, anno Regni sui vicesimo tertio. Breve autem Regis de seisina, in quo terrarum particula continentur in Rotulo ejusdem Regis inrotulatum est.

Omnes Magnates *Angliæ* faciunt fidelitatem *Edwardo* filio Regis *Henrici* adhuc in cunis jacenti.

*Fredericus* Imperator, qui quondam *Puer Apuliæ* appellatus est, multa & magna mala fecit, sicut ex consequentibus liquido potest Lector advertere. Ipse siquidem movit seditionem in urbe, per quam intendebat *Romanum Pontificem* & fratres suos à sua sede repellere, & contra privilegia, dignitates, & honores *Apostolicæ sedis* Libertatem Ecclesiasticam conculcare. Item Episcopum *Prænestinum* *Apostolicæ sedis* Legatum, ne in Legatione sua procederet, cui in *Albigensibus* partibus pro corroboratione Catholicæ Fidei Dominus Papa vices suas commiserat, per quosdam fideles suos impediri mandavit. Item non permittat quasdam Cathedralas & alias vacantes Ecclesias in Regno ordinari, & hac occasione periclitatur libertas Ecclesiæ, perit fides, quia non est qui ponat Verbum Dei, nec qui regat animas, deficiente Pastore. Item Clerici in Regno capiuntur, incarcerantur, proscribuntur, & occiduntur; Ecclesiæ, Domino consecratae, destruuntur & profanantur. Item non permittit Sacras Ecclesias reparari. Item terras quorundam Nobilium de Regno, qui Ecclesiam tenebantur defendere, ad manus suas occupavit & devastavit. Quasdam Ecclesias Cathedralas bonis suis spoliavit. Item multæ Ecclesiæ Cathedralas, & aliæ Ecclesiæ & Monasteria de Regno per iniquam inquisitionem fuerunt per eum fere omnibus bonis spoliatae. Item Talliæ & Exactiões contra formam pacis ab Ecclesiis & Monasteriis per ipsum extorquentur in Regno. Item in Regno Prælati Ecclesiarum, & Abbates *Cistercienses*, & aliorum Ordinum compelluntur per singulos menses dare certam summam pecuniæ pro constructione novorum Castrorum. Item contra tenorem pacis, hi qui adhæserunt Ecclesiæ bonis omnibus spoliati exiliari coguntur tanquam proscripti, liberis & uxoribus captivatis. Item impeditur negotium Terræ Sanctæ, & reparatio Imperii *Romani*. Pro his omnibus, & hujusmodi, & multis aliis malis, pro quibus dictus *Fredericus* à Papa *Gregorio* fuerat diligenter ammonitus, & frequenter, & parere non curavit, eundem *Fredericum* idem Papa *Gregorius* excommunicationis & anathematis vinculo innodavit. Omnes autem qui juramento fidelitatis ei tenentur astricti, ab ejusdem juramenti observatione decrevit absolutos, ne sibi fidelitatem observent districtius inhibendo, quamdiu vinculo excommunicationis fuerit astrictus. Cæterum idem *Fredericus* de dictis, & factis suis multis, & fide dignis clamantibus quasi per uniuersum Orbem, quod de Catholica fide recte non sentiat, est graviter infamatus.

Imperator



Imperator ad Papam.

*Fata monent, stellæque docent, aviumque volatus  
Totius subito malleus Orbis eris.  
Roma diu titubans variis erroribus acta  
Concidet, & mundi desinet esse caput.*

Papa ad Imperatorem.

*Fama refert, Scriptura docet, peccata loquuntur,  
Quod tibi vita brevis, pœna perennis erit.*

Ecclesia de *Forda* dedicata est à Domino *Willielmo Exoniensi* Episcopo. Ecclesia de *Fermesham* transponitur hoc anno de loco, ubi prius sita fuit, ad alium locum consilio & auxilio *Lucæ* Archidiaconi *Surriæ*, & hoc eodem anno dedicata est.

*Petrus de Rupibus Wintoniensis* Episcopus habuit in proposito adhuc vivens fundare duas Abbantias Ordinis *Cisterciensis*, sed morte præventus propositum suum nequaquam mancipavit effectui. Veruntamen ante mortem suam assignavit non modicam quantitatem pecuniæ, quæ ad illarum foundationem & alia necessaria juxta considerationem rationis posset sufficere. Denique post mortem ipsius, viz. hoc anno, procurantibus ejusdem Episcopi Executoribus, fundatæ sunt, una in *Anglia*, & vocata est locus *Sancti Edwardi*, venitque Conventus ibi primum de *Bello loco Regis* in die *Sancti Jacobi* Apostoli; altera in partibus *Transmarinis*, quæ *Claritas Dei* nominatur.

*Willielmus  
de Rale fit  
Ep. Norwi-  
cen.*

*Willielmus de Rale* factus est Episcopus *Norwicensis*. Consecratus est autem *Londoniæ* ab *Edmundo* Archiepiscopo *Cantuariensi* mense Septembri. Cum sedis Cathedralis Ecclesiæ *Winton* jam per Annum integrum vacasset & ultra, obiit *Walterus* Prior ejusdem Ecclesiæ, cui subrogatur quidam Monachus præfatæ Ecclesiæ *Andreas* nomine, auctoritate & præcepto *Henrici* Regis *Angliæ*, paucissimis, ut fertur, de Conventu assentientibus, cæterisque vero reclamantibus atque contradicentibus. De quo facto diversi diversa sentiunt, sed quem finem res gesta fortiat, scit ipse qui nihil potest nescire.

*Narratio ori-  
ginis morum  
& reuum ge-  
starum Tar-  
tarorum.*

De facto Tartarorum vobis scribo, quod venerunt prope confinium Regni Hungariæ per v. dietas, cum invenerunt aquam Damaii, quam transire non poterant in æstate, volentes expectare hiemem ut possent supradictam aquam transire in glaciæ, reverunt retro bene xx. dietas, & ibi expectant hiemem. Miserunt autem quosdam exploratores in Russiam, ex quibus fuerunt capti duo & missi Regi Hungariæ. Et ego diu eos habui in Custodia mea, & ab eis didici ista nova quæ ad Franciam mandavi sigillo meo sigillata. Quæsi ubi esset terra illorum; dixerunt quod erat ultra quosdam montes, & juxta populum qui vocatur *Gog*; & ego credo quod populus sit *Gog* & *Magog*. Quæsi de fide eorum, & ut breviter dicam, nihil credunt, sed tamen literas Judæorum habent, & cœperunt eas discere, quando exierunt ad pugnandum mundum. Quia ipsi credunt expugnare totum mundum. Et literas proprias nunquam habuerunt. Quæsi qui essent illi qui docerent eos literas, dixerunt, quod sunt quidam homines pallidi qui multum jejunt, & longas vestes portant, & nullos offendunt. Et quia multas circumstantias dixerunt de hominibus istis, qui concordant cum superstitionibus Phariseorum & Saduceorum, credo illos esse Phariseos & Saduceos. Quæsi utrum discernere cibos? dixerunt quod non, comedunt enim Ranas, Serpentes Canes & omnia animantia indifferenter. Quæsi qualiter exierunt de montibus ultra quos erant? dixerunt quod Antecessores sui bene per trecentos annos & plus laboraverunt scindendo arbores & lapides, ut possent exire antequam exierunt. Quæsi quantum habent exercitum? dixerunt quod xx. dietas durat longitudo, & latitudo x. dietas, XIII. enim Millia supersunt in equis qui custodiunt exercitum. Et equos bonos habent sed furiosos, & equi multi sequuntur ipsos absque ductore, ita quod



quod quando Dominus equitat, xx. vel xxx. equi sequuntur ipsum. Loricas habent de *Henric. 3. R.*  
coriis, & sunt fortiores quam loricae de ferro, & coopertoria equorum. Pedites vero  
crura habent breviora, & corpus longum, & sunt optimi sagittarii, nulli similes eis, &  
fortiores arcus trahunt quam Turci. Et quamcunque intrant terram omnes interfici-  
unt habitatores terrae, praeter parvulos, quibus Churchitan (qui interpretatur Rex Re-  
gum) signum suum ponit confirmando eos in facie, & sunt XLII. consiliarii quibus di-  
ctus Churchitan Consilium suum committit, & nullus de toto exercitu audet loqui nisi  
clamando, & nullus audet interrogare quo vadit Dominus eorum, vel quid facere inten-  
dit. Et lac jumentorum & aliorum animalium brutorum bibunt & inebriantur. Alia  
nova de ipsis praedictis duo volebant dicere, quae via praecedunt eos quaedam gentes  
quae Mordam dicuntur, quae indifferenter interficiunt homines, quos invenire possunt,  
& nullus audet calceare pedes suos, donec interfecit aliquem hominem. Et per illos  
credo quod jam interfecti sunt quidam Fratrum Minorum & Praedicatorum: & alios  
Nuncios quos misit Rex Hungariae contra eos, occiderunt, Praeterea sciatis quod ve-  
nient quam citius poterunt: Omnes autem terras & facultates, quas inveniunt, deva-  
stant. Omnia destruxerunt usque ad aquam praedictam. Caveant omnes qui hoc au-  
dierint, & pro certo hoc habeant, & hoc videbitur, & oculis probabitur, ut credo ego dico  
Episcopus Hungariae infra v. annos. Et ut hoc sciatur Parisiis, & consilium bonum  
apponatur, si fieri potest, gratia Dei permittente. Cuidam Archidiacono meo qui erat  
scholaris Parisiis transcriptum istud misi sigillatum.

MCCXL.

1240

Richardus Comes Cornubiae, frater Domini Regis nostri Henrici III. Cruce  
signatus iter arripuit cum omni Comitatu suo apud Terram Sanctam, circa  
Festum Sanctae Trinitatis.

Tempore Paschali adveniens quidam adolescens sutoriae artis, in futrino no- *Privilegia*  
stro susceptus est. Comperto processu temporis & cognito, quod ibidem *Abbatiarum.*  
detineretur, à latere Domini Regis quidam Miles directus est cum Ministris  
multis, qui eum tanquam homicidam comprehenderet, & vinctum adduceret.  
Cum ergo vi. Id. Augusti audissemus eum comprehendi, & de futrino nostro  
educi & ligari, Dompnus Abbas cum senioribus Domus proprius accessit, vio-  
lentiam redarguit, & ne infra Abbatiam huiusmodi injuriam attemptarent  
sub anathemate prohibuit, protestans privilegia nostra, quae loca nostra, sicut  
altaria Ecclesiarum, reddunt libera & quietia. Illi vero nec Deo nec Sanctae  
Religioni deferentes adolescentem vinculis constrictum secum duxerunt, &  
custodiae carcerali tradiderunt. Nos igitur tam enormi facto stupefacti,  
maxime propter periculum quod imminebat universo Ordini nostro, quia si  
sic, spreta Ordinis libertate, impune possent homines comprehendi, & ligari in  
Abbatiiis nostris, vel Grangiis, nulla de caetero esset distinctio inter loca Re-  
ligiosorum, & loca secularium, sed ita publice conculcarentur Abbatiæ &  
Grangiae nostrae, sicut forum conculcatur in Civitate. Quapropter commu-  
nicato seniorum consilio, incontinenti versa est in luctum lætitia nostra, quia  
Missarum solemnities & Divinorum Mysteria cessaverunt in Abbatia nostra. Et  
cum omni festinatione Dompnus Abbas Legatum adiit, qui tunc temporis in  
Anglia fuit, violentiam ei exposuit, deprecans ut secundum privilegia nostra  
nos protegeret, & libertates Ordinis illaefas conservaret: Quo dissimulante,  
& remissius agente, Dompnus Abbas accessit ad Regem, querelam lugubrem  
in praesentia ipsius suspiriis & lachrymis proposuit, libertatem & pacem Sanctae  
Ecclesiae, & Sanctae Religionis perturbatam indicavit, nec posse aliter Deo  
& Ordini satisfieri, nisi ille qui enormiter, & irreverenter ab Abbatia per vio-  
lentiam eductus est, ipso imperante reduceretur & loco restitueretur. Quod  
sine dilatione à Domino Rege impetrasset; sed obstante ejus Consilio, & re-  
clamantibus magnis, & magnae potentiae viris, data est ei dies altera proferen-  
di privilegia Ordinis, & munimenta libertatis. Veruntamen suspensionem  
nostram cum audisset, licet inchoatam in tali discrimine approbasset, non per-  
misit fieri; unde Dompnus Abbas in crastino, hoc est die Sancti Laurentii,  
mandavit Divina solemniter celebrari; prosequente vero Dompno Abbate  
causam



*Henric. 3. R.* causam tam arduam, non tantum die præfixa, sed diebus pluribus ostensa sunt privilegia nostra, & lectæ sunt libertates nostræ coram Domino Rege & Consilio ejus; ubi perverse perverſi scripta Apostolica interpretantes, & maligne exponentes, non pro Ordine sed contra Ordinem dederunt responsa; unde de facili non potest intelligi nec exponi, quanto cordis dolore, quanta animi amaritudine, *Dompnus* Abbas se opposuit pro defensione suæ libertatis. Postremo tandem, opitulante Divina clementia, post multos labores & fatigationes, viri veraces, & Sanctæ Religionis amatores, privilegia nostra veraciter intelligentes, & vero intellectu exponentes, Domino Regi & Consilio ejus aperte ostendebant *septa Abbatiarum & Grangiarum nostrarum auctoritate Apostolica esse libera, & ab omni pravorum incurſu quietâ, sicut altaria Ecclesiarum, & omnes locorum nostrarum violatores, & violentiam in eis operantes, & eisdem consentientes, à summo Pontifice esse excommunicatos*; Quo audito Dominus Rex magna auctoritate præcepit, ut ille Miles cum Ministris suis, qui per violentiam hominem in Abbatia comprehensum ligaverat & eduxerat, eundem secundum privilegia Ordinis reduceret, & ad honorem Ordinis, Abbatia restitueret. Quod & ita factum est, gaudente patria, & magnificante privilegia nostra. Ipsi etiam postmodum violatores Abbatia sicut violatores Sanctæ Ecclesiæ excommunicati, per Literas Domini Legati ad portas Abbatia sunt citati tam Miles quam alii: ubi primo facta satisfactione Deo & Abbatia, à Decano loci illius, & à Vicario de *Farnam* sunt publice verberati, & à vinculo sententiæ absoluti, & poenitentia injuncta discesserunt, Ordini nostro facti de cætero humaniores.

*Edmund. Archiep. Cant. ob.*

Beatus *Edmundus* Archiepiscopus *Cantuariae*, plenus virtutibus & sanctitate, migravit ab hoc seculo, xvi. Kalend. Decembris, & apud *Pontiniacum* sepultus est. Cujus merita Miracula testantur.

*Hic erat Edmundus anima cum corpore mundus,  
Quem non immundus poterat pervertere mundus,  
Anglorum Genti faveas Edmunde petenti.*

Obiit *Johannes* Abbas de *Forda* in transmarinis partibus, apud quandam Abbatiam Ordinis nostri, in redditu Capituli generalis; cui successit quidam Monachus de *Waverlea* *Adam* nomine.

*Nich. de Farnam fit Ep. Dunelm. Hugo de Pateshulle*

Multæ Ecclesiæ per *Angliam* tam Conventuales quam Rurales jussu prædicti Legati dedicantur. Magister *Nicholaus* de *Farnam* factus est Episcopus *Dunelmensis*. *Hugo* de *Pateshulle* factus est Episcopus *Cestriae*.

1241

MCCXLI.

Litera Dominical. F. dies Paschæ ii. Kalend. Aprilis. *Otho* Legatus Domini Papæ recessit de *London* iv. die Natalis Domini, rediens in patriam suam; & conduxerunt eum honorifice Dominus *Henricus* Rex *Angliæ*, & multi Episcopi, & alii Magnates Terræ. *Willielmus* de *Cestr.* Monachus de *Waverly* factus est Abbas de *Cumba*. Justitarii itinerantes viz. *W.* de *Eborum* cum aliis sederunt apud *Beremundese*, circa Festum Sancti *Johannis ante portam Latinam*. Quinto Kalend. Julii accidit mirabilis casus Domino *G. Mareſcallo*, in Tornado extra Villam *Hertford*, post prandium, quia, dum armatus fuit, ex nimio calore suffocatus est, & fractis habenis dextrarii sui, & cadens in terram diu tractus est ad pedes equi, vivus tamen deportatur apud *Ware*, & vixit usque ad mediam noctem, deinde deportatum est corpus ejus apud *London*, & sepultum est in Novo Templo.

*Hierosolyma Christianis restituitur.*

Hoc Anno factæ sunt treugæ inter Christianos & Paganos per x. annos, procurante hoc *Richardo* fratre Regis *Henrici Angliæ*, & reddita est Civitas *Jerusalem*, & omnes terræ circumjacentes, & omnes Esclavi liberati sunt. Dominus *Henricus* Rex *Angliæ* duxit exercitum suum super *Griffinum* Regem *Wallensem*, illumque una cum cæteris *Wallie* Magnatibus jurisdictioni suæ subjugavit.

Sexto



Sexto Non. Octobris Magister *Rogerus* Episcopus *London* cognomento *Niger* Obiit. *Henric. 2. R. Rog. Ep. Lond. ob. Greg. P. ob.*

Obiit Papa *Gregorius* circa Festum Sancti *Bartholomæi*, & tunc vacavit *Sedes Romana* post multum tempus. Post enim circa Festum Sancti *Michaelis* electus & ordinatus novus Papa, viz. Magister *Gaufridus Mediolanensis*, & duravit in Papatu per XVIII. dies. Hoc anno innovatum est sigillum argenteum *Domus Meriton*, & receptum in vigilia Sanctæ *Lucie* Virginis.

In crastino Sanctæ *Lucie* nix permaxima descendit, & cum nimio pulsu ventorum undique exagitata, homines & bestias in domo & extra per totum diem graviter fatigabat; ita quod vix aliquo loco morari permetteret; & duravit nix cum ingenti gelu usque ad vigiliam Natalis Domini. *Nix insolita.*

MCCXLII.

1242

Litera Dominical. G. dies Paschæ XII. Kal. Maii. XVIII. Kalend. Februarii apud *Doroberniam* applicuit *Richardus* Comes *Cornubiæ*, rediens de Terra Sancta, & venit post *Cantuariam*, ibique occurrerunt ei obviam *H. Rex Angliæ* frater ejus, & Regina, necnon & Episcopi multi, & Majores totius Terræ, domantes ei dona magna, & munera pretiosa. Postea venerunt Canonici Beati *Pauli* simul cum eo *London*; in qua Urbe, plateis circumquaque cortinatis, & sericis vestibus circumtectis, à singulis & universis cum magna gloria quasi Angelus susceptus est, & ad Ecclesiam Beati *Pauli* cum magna veneratione, habita processione solemni deductus, eodem etiam die receptus est apud *Westmonasterium* venerabiliter cum processione.

Die Veneris post Inventionem Sanctæ Crucis misit se in mare Dominus *Rex Angliæ*, & venit apud *Burdans*, & ibi moram fecit aliquantulum. Postea venit apud *Donz*, & ibi perendinavit usque ad Festum Sancti *Johannis Baptiste*. *R. Angl. mare trajicit.*

Circa Festum Sancti *Johannis Baptiste* captus *W. de Marisco* in insula quæ vocatur *Lunday*, & multi qui ibi secum fuerunt, deprædantes circumquaque omnes qui per eos transierunt, & adducti sunt *London*, & ibi incarcerati usque ad vigiliam *Jacobi* Apostoli, quo die præfatus *W.* accepto suo judicio, tractus est de *Westmonasterio* per majores plateas Civitatis usque ad Gibettum, eoque ibi suspenso, iterumque dimisso, corpus ejus in quatuor partes divisum missum est ad IV. Majores Civitatis particulatim. Alii vero qui cum eo capti fuerunt tracti sunt de *Westmonasterio* ad Gibettum, & ibi vilissime suspensi. *W. de Marisco capt. & suspensus.*

Maxima ficcitas in Æstate. Eodem anno circa Festum Sancti *Michaelis*, Obiit *Jocelinus* Episcopus *Bathoniensis*. *Jocel. ob.*

MCCXLIII.

1243

Factæ sunt treugæ inter Dominum *Henricum* Regem *Angliæ*, & Regem *Franciæ* per quinquennium. Consecratus est Papa *Innocentius* IV. vigil. Apostolorum *Petri & Pauli*. Nata est Regi Filia apud *Burdans*. Septimo Kalend. Septembris applicuit Dominus *H. Rex Angliæ*, & Regina sua apud *Portumue*. *Treugæ inter RR. Gall. & Angl.*

Decimo Kalend Decembris, die scil. Dominica, desponsavit Archiepiscopus *Eborum* tertiam filiam Comitis *Provincia*, sororem scil. *Alienor* Reginae *Angliæ*, *Richardo* Comiti *Cornubiæ* fratri Regis *Henrici* apud *Westmonasterium*, in quibus nuptiis factum est convivium in Aula Regis, sicut fieri solet in ejus coronatione. *Fil. C. Prov. nubit Rich. C. Cornub.*

Vacante per multum tempus sede *Winton* tandem *Dompnus W. de Baleya*, tunc *Norwicensis* Episcopus, à Supprie & Conventu *Winton* in ejusdem Ecclesiæ Pastorem canonice est postulatus; illisque pro eodem Nuncios suos ad sedem *Romanam* mittentibus, ac prout volebant expedientibus, à Domino Papa *Innocentio* IV. Pontificatus sui primo anno, Id. Septembris, Episcopus *Winton* datus est & confirmatus. Venientes etiam Nuncii circa Festum Sancti *Martini*, super hoc eidem literas Domini Papæ afferentes, statim literis inspectis & perlectis, ac secundum Mandatum Apostolicum sede *Norwicensi* renunciata, ad *Winton* Episcopatum se transtulit, mittens literas suas viris Religiosis suæ Diocesis circa *London* existentibus, eisdem in virtute



*Henric. 3. R.* tute obedientiæ injungens, quatenus apud *Westmonasterium* Mandatum Domini Papæ audituri comparerent. Quo lecto, omnes, qui ad hoc venerunt, sibi sicut Patri suo *Winton* canonicam jurarunt obedientiam. Quo etiam die ibidem, super Episcopatu recipiendo, gratiam Regis expectante, Clericos suos simul cum Prædicatoribus Fratribus, ad Dominum Regem misit, rogantes, ut siquid dictus Episcopus sibi in aliquo deliquisset, pro Dei amore condonaret. Consilio etiam accepto Rex Clericos suos simul cum aliis Episcopo remittens mandavit, quod non liceret ipsum ad aliquem Episcopatum descendere, invito Rege. Qui per Clericos suos respondens dixit, quod hoc non faceret, nisi præceptum Domini Papæ haberet, cui in aliquo contraire non auderet: taliter autem illis adinvicem Clericos suos mittentibus, nihil profecerunt, sed tandem ad Episcopum quidam Clericus nomine *Henricus* de *Suse* scil. cum aliis adveniens, qui quasdam exceptiones contra ipsum ex parte Regis fabricaverat, licet improbables, ipsas in quadam Cedula scriptas, coram Episcopo legit, quibus lectis ridens statim à Curia recessit, & in crastino versus Civitatem *Winton* iter arripiens properavit. Sed Dominus Rex, cum quanta potuit velocitate, Nuncios suos Majori *Winton* mittens sibi districtè per literas suas injunxit, ne dictum Episcopum *Winton* aliqua ratione intrare permetteret. Quo audito Episcopus Civitati adveniens, & antequam intrare proponeret se discalceans, cum magna humilitate ad unam portam Civitatis advenit, sed illa contra eum firmiter obserata, nequaquam, Majore prohibente, ac singula & varia opprobria inferente, in dictam Civitatem introitum invenit; & sic ad singulas Civitatis portas pergens discalceatus ingressum humiliter postulavit, sed ne causam intrandi inveniret, ad singulas portas Majorem cum aliis multis obvium habuit & rebellem. Potuit siquidem dictus Episcopus dictæ Civitati super illam flens & ejulans veraciter dixisse, quod legimus Dominum dixisse Civitati *Jerusalem*, cum super illam flevit dicens, *si cognovisses & tu, subaudis, fletes*, cum hoc factum permaximus dolor sit subsecutus. Dicto namque Episcopo Civitatem ingredi non auso, illam interdixit die Sancti *Thomæ* Martyris, & sic usque ad Festum Sancti patris nostri *Augustini* interdicta remansit, propter quod Dominus Rex ira motus minatus est sacerdotes, dicens quod siquem inveniret qui à celebratione subtraheretur, protinus illum deputeret, sed Episcopalem prohibitionem magis timentes quam Regalem, Civitatem sunt egressi. Cum autem Episcopus sic humiliatus videret se pro voluntate non posse proficere, reversus est *London* in Prioratu Sanctæ *Mariæ* de *Suwerk* in pace perendinaturus. Quo ibidem pervento, ibi per multum tempus perendinavit, sed insidiantium sibi timens insidias . . . . . in *Tamisiam* se misit, & cum festinatione transfretavit, & in transmarinis partibus per multum tempus in honore perendinans, tandem à Domino Papa est mandatus; qui in *Angliam* veniens Regem adiit, qui erat tunc temporis versus *Scotiam*, & à Rege ad pacem inter se confirmandi dies status est, scil. . . . . post Nativitatem Beatæ *Mariæ* apud *Windsiores*. Quibus ibidem venientibus & de pace tractantibus, non illo die, sed crastino, pax inter eos plenarie, Episcopo suscipiente Episcopatum *Winton*, est cum gaudio reformata.

## MCCXLIV.

1244.  
R. de N. Vill.  
ob.

Litera Dominical. B. dies Paschæ III. Non. April. Tertio Non. Februarii apud *London* Obiit piæ memoriæ Dominus *R. de Nova Villa* Cancellarius Domini Regis, Episcopus *Cicestrensis*, & ad Ecclesiam suam deportatus est, & ibidem honorifice tumulatus.

Bonifac. fit  
Arch. Cant.

Dominus *Bonifacius* filius Comitis de *Sabaudia* assensu Capituli *Cantuariæ*, ad sedem *Cantuariæ* canonicè electus, & à Domino Papa *Innocentio* IV. confirmatus x. Kalend. Maii venit primo in *Angliam*, Subdiaconus tunc existens. Qui sine aliqua mora adiit Dominum Regem, qui fuit tunc apud *Westmonasterium*, & ibidem fecit ei Homagium suum, & postea eodem die divertit ad Dominum suam apud *Lamehith*, & ibidem hospitatus est. Nam antea non manducavit



ducavit ad aliquam domum Maneriorum suorum. In die Sanctorum *Marcelli & Petri*, congregati sunt apud *Weriton* Dominus *Bonifacius* Electus *Cantuariae*, & cum eo quinque Episcopi suffraganei sui, ad examinationem faciendam de *Roberto Basselewe* Electo *Cicestriae*, & de aliis Electis examinandis, confirmandis vel cassandis; & circa horam nonam facta est tam valida tempestas, qualis non fuit visa apud *Weriton* ante, per multa tempora. In crastino vero congregatis ibidem Episcopis cassata est electio *Roberti Basselewe*, & ipso cassato, statim electus est Magister *R.* de *Wicio* ad sedem *Cicestrensem*, & ab Electo *Cantuariae* cum magna solemnitate, Dei inspirante clementia, confirmatus.

Hoc anno Dominus *Henricus* III. Rex *Angliae* duxit exercitum suum contra Regem *Scotiae*. Qui versus *Scotiam* veniens, & uterque utrique cum magno exercitu obvians, cum Rex *Angliae* à Rege *Scotiae* multa & varia interrogasset, tandem inter eos pax est reformata; scil. quod filius Regis *Scotiae* filiam Regis *Angliae* duceret uxorem. Eodem anno fuit Autumnus omnino sine pluvia, usque ad Festum Decollationis Beati *Johannis*, & eo die tantummodo pluit, & post per multum tempus cessavit pluvia.

Tertio Idus Septembris, consecratus est apud *Reading* Magister *Rogerus* Praeceptor *Sarum* in Episcopum *Bathoniensem*. Die Sancti *Dionysii* consecratus est *Fulco Basset* in Episcopum *London*, apud Sanctam *Trinitatem London*.

Hoc anno cum Soldanus *Damasci* & *Nascar* & Soldanus *Traci*, qui prius adversarii Christianorum erant, in principio Aestatis proximo praeteritae confederationem treugarum cum Christianis fecissent in hunc modum, quod Christiani totam Regni *Jerusalem* terram circa flumen *Jordanis* in pace haberent, praeter quasdam Villas quas praedicti Soldani sibi in montibus retinebant, & quod Soldani cum Christianis in expugnationem Soldani *Babyloniae* toto posse assistere deberent, & cum istae treugae inter dictos Soldanos & Christianos factae fuissent, Civitas Sancta cum suis quibusdam adjacentiis à Christianis coepit habitari, Christiano exercitu commorante in comitatura Soldanorum praescriptorum apud *Gazaram* in gravamen Soldani *Babylonis*. Cumque per tempus aliquod in expeditione ipsa perstitissent; Patriarcha *Jerusalem* applicuit veniens à transmarinis partibus, visitandumque sepulchrum Domini inspiratus iter peregrinationis arripuit, properantibus secum Hospitalariis atque Templariis; Cumque voto orationis suae completo, in Civitate *Jerusalem* manerent, accidit quod infinita multitudo gentis Barbarorum, quae *Chorosmia* vocatur, in vicinis partibus, vocante & mandante Soldano *Babylonis*, supervenit, quae universam terrae superficiem occupans omnem animam viventem per ignem & gladium occidebat, & populum Christianum in Sanctam Civitatem obsidentes, & quotidie in ipsam impetum facientes, undique eis exitum & ingressum percluserunt, diversis afflictionibus ipsos ita miserabiliter coarctantes, quod per angustiam famis, tribulationis, & doloris deficientes, in casu & periculo mortis se omnes universaliter commiserunt, & de Civitate exeuntes per devia & secreta montium, donec ad angustum exitum venientes, in insidiis hostium inciderunt, qui eos undique circundantes, cum gladiis lapidibus & sagittis irruentes occiderunt, juxta aestimationem VIII. Millia virorum & mulierum, cui factum simile nunquam auditum est. Sed & proh dolor! Sepulchrum Domini distractum & confractum est.

Eodem anno, cum inter Dominum Papam *Innocentium* IV. & Dominum *Fredericum* Imperatorem fuisset mota discordia, dictus Papa dicti Imperatoris timens infidias, ejectis gentibus dicti Papae per Imperatorem ab urbe *Roma*, fugit timore perterritus, venitque circa Festum omnium Sanctorum *Lugdunum*, ibique per multum tempus multa & varia mirabilia faciens perendinavit. Circa Festum autem Sancti *Andreae* Apostoli accesserunt ad ipsum ex Anglicanis partibus transfretantes Dominus *Bonifacius Cantuariae*, & Dominus Episcopus *Herefordensis*, & Dominus *Richardus* de *Wicio* Electus *Cicestriae*, cui, causa consecrationis dicti Electi *Cicestriae*, ibidem accesserant. Consecratus est à dicto Domino Papa dictus Electus *Cantuariae* in Archiepiscopum,



*Henric. 3. R.* pum, Dominica prima post Octav. *Epiphania* proximo sequente; & Dominus *Richardus* de *Wicio* in Episcopum *Cicestrensem*, circa Quadragesimam immediate sequentem.

Eodem anno consecratus in Episcopum *Normicensem* Magister *Walterus* de *Suffeld*, Dominica Quinquagesimæ apud *Norwicum*.

1245

MCCXLV.

*Radulfus* fit  
*Ab. Doneke-*  
*well.*

Litera Dominical. B. dies Paschæ xvi. Kal. Maii. Eodem anno Dominus *Randulfus* Monachus Sanctæ Mariæ de *Waverlea*, qui quondam abbatizaverat in Domo de *Tinterna*, electus est in Abbatem de *Donekewell*; vir quidem morum gravitate ac sapientiæ fulgore non mediocriter adornatus.

*Alienora C.*  
*Leycestr. Ab-*  
*bat. Waver.*  
*ingreditur.*

Hoc anno, Dominica in Ramis palmarum, quæ primo die Aprilis illuxit, *Alienora* Comitissa *Leycestræ* soror viz. Regis *Henrici* III. Domus nostræ sincerissima amatrix, per indulgentiam summi Pontificis devotissime ingressa est Abbatiam nostram, habens in comitatu suo piissimum virum maritum suum *Simonem* de *Monteforti* Comitem *Leycestræ*, & duos filios suos *Henricum* & *Simonem* cum tribus ancillis; ad cujus ingressum illud nonnullis notabile noscitur contigisse, quia cum intra ostium Ecclesiæ pedem posuisset, statim è contra ad magnum altare, ubi Missa de Beata Virgine tunc celebrabatur à sacerdote, Hostia salutaris in hora consecrationis elevabatur, quod non casui sed divinæ dispositioni credimus ascribendum; ut cujus amor eam illuc adduxit, benignissima ipsius præsentia prompte se offerret requirenti. Obtulit illico pannum fatis pretiosum, quem assignavit ad superponendum altari, diebus quibus Reliquiæ ibidem ponuntur. Interfuit sermoni in Capitulo, processioni & Missæ majori, & Ligno Domini deosculato, plurimum ædificata recessit. Post quidem habuimus ex dono ipsius quinquaginta Marcas, & ad fabricam Ecclesiæ decem & octo Marcas; & ad perquisitionem centum & quinquaginta Acrarum apud *Þetham* per ipsius auxilium attigimus.

*Ecclesia West-*  
*monast. fun-*  
*data.*

Hoc anno cœpit *Henricus* III. Rex *Anglorum* jacere fundamentum Novæ Ecclesiæ de *Westmonasterio* in *London*, quam ob honorem & amorem Sancti *Edwardi* Regis & Confessoris, quem præ cæteris Sanctis specialiter diligebat, propriis sumptibus proposuit omnino perficere. Hoc anno institutum est à Capitulo generali ut Octavæ Nativitatis Beatæ Mariæ fierent per Ordinem universum.

1246

MCCXLVI.

*Eccles. Belli-*  
*Loci-R. de-*  
*dicata.*

Dedicata est Ecclesia *Belli-loci-Regis* xv. Kal. Julii, à Domino *Willielmo Wintoniensi* Episcopo, præsentibus venerabilibus *Bathoniensi*, *Exoniensi*, *Cicestriensi* Episcopis, præsentem etiam Domino Rege *Anglorum Henrico* III. cum Regina & Liberis, ac Magnatibus multis. Peracta dedicatione, primogenitus Regis, *Edwardus* scil. infirmatus est, cum quo Regina Mater ejus *Alienora* fere per tres hebdomadas in eadem Domo contra *Cisterciensis* Ordinis statuta pernoctando perendinavit. Quam ob causam in proxima visitatione sequenti, Prior & Cellerarius depositi sunt, quia eorum permissione hæc transgressio videbatur fulciri. Insuper & quia tempore dedicationis secularibus contra Ordinis disciplinam carnes administrabantur.

*Abbatia de*  
*Tray funda-*  
*ta.*

*Richardus* Comes *Cornubiæ* vi. Frater *Henrici* Regis III., divina inspiratione præventus, Ordinis etiam *Cisterciensis* pro modulo suo cultor præcipuus, quandam Abbatiam de *Tray* ejusdem Ordinis in Diocesi *Wigorniensis* fundavit, fundatamque viros cœnobialis vitæ institutionibus exercitatos introducendo honorifice decoravit. Sumsit autem in Domo *Belli-loci-Regis* viginti Monachos & x. conversos ad hoc opus sibi assignatos, xv. Kalend Julii, die viz. dedicationis Basilicæ *Belli-loci*; Vocatur autem Cœnobium prædictum *Þeþles*.

*Ep. de Card.*  
*fit Monach.*

*Walterus* Cognomento *Wauclerc* Episcopus de *Carduil* divinitus, ut creditur, inspiratus resignato Episcopatu transtulit se ad Ordinem Fratrum Prædicatorum: successit autem ei *Silvester* Cancellarius Domini Regis.



Obiit Magister *Robertus* de *Bingeham* Episcopus *Salesburiensis* in crastino omnium Sanctorum, die qua fit commemoratio omnium Fidelium defunctorum. Successit autem ei Dominus *Willielmus* de *Eboraco*. Obiit *Richardus* de *Berkinges* Abbas *Westmonasteriensis* successit, ei Archidiaconus ejusdem Domus scil. *Richardus Crockelce*.

*Henric. 3. R.*  
*Ep. Salesb.*  
*obiit.*

Hoc anno scil. v. Idus Decembris canonizatus fuit Beatus *Edmundus Cantuariæ* Archiepiscopus à Domino Papa *Innocentio* iv. Hoc anno statutum est ut in Festo Sancti *Johannis* Evangelistæ ante portam Latinam, & in Sancto *Lamberto* fierent xii. lectiones.

*Edmund.*  
*Cant. Arch.*  
*canoniz.*

Hoc anno fundata fuit Abbatia de *Pinweham* filia tertia *Belli-Loci-Regis* Angliæ.

*Abbatia de*  
*Niweh. fund.*

## MCCXLVII.

1247

Hoc anno scil. x. Kalend. Martii, circa horam diei nonam, per universam fere Angliam factus est Terræmotus adeo magnus, ut ejus impulsu in diversis Provinciis, muri, Castella, & parietes domorum fere usque ad præcipitationem excuterentur; cisi quoque & scutellæ, & cætera quæ mensis edentium & bibentium erant apposita penitus everterentur. Ita quod multi seculares & Religiosi tanto timore erant perterriti, ut de mensis surgentes, & mortem evadere cupientes à domibus suis egrederentur. Fertur etiam à nonnullis quorum testimonio fides adhibenda est, qui hoc se vidisse testantur, quod eodem die in Comitatu *Cestriæ* Globi sanguinei magni & mirandi de nubibus ad terram ceciderunt. Qui usque hodie ibidem permanentes, in modum lapidum ardore solis, ut creditur, adeo jam sunt indurati, ut nec ferro nec aliquo alio ingenio, nulla hominum industria frangi possunt vel penetrari. Hæc & multa alia, quæ ipso die contigisse noscuntur, aliquod præsagium credimus esse futurorum.

*Terræ motus*  
*ingens.*

*Globi sanguinei*  
*in terram*  
*decidunt.*

Hoc anno statutum fuit à Capitulo generali ut de Beato *Edmundo Cantuariensi* Archiepiscopo fierent xii. lectiones, cum duabus Missis per Ordinem universum.

Quinto Idus Junii celebrata est apud *Pontiniacum* Translatio Corporis Beatissimi Confessoris *Edmundi Cantuariæ* Archiepiscopi, cum magna & mira Cleri & populi devotione, venerabili patre *Albanensi* Episcopo Sanctæ Romanæ Sedis Cardinali, Archiepiscopo *Senensi*, Episcopo *Antisiodorensi*, \* *Calenensi*, & *Cicestrensi*, & aliis Episcopis quamplurimis ad ipsum Officium devote assistentibus, illustri etiam Rege *Franciæ Lodowico*, Regina & matre ejus, multisque de *Galliæ* & *Angliæ* partibus tunc ibidem præsentibus, cum innumera plebis utriusque sexus multitudine. Inventum est autem illud sanctissimum corpus gemina incorruptionis viz. & integritatis stola vestitum, per cujus merita dies illa pluribus miraculorum signis refulsit gloriosa.

*Translatio reliquiar.*  
*Edmund. Cant.*  
*Arch.*

Tanta superfluitas monetæ, retunæ & depravatæ, ubique per totam fere Angliam habebatur, ut inter xx Marcas vix reperiri possent xx. denarii, qui non essent adeo turpiter retunsi & depravati, ut iii. ex his in statera publica positi, duobus sanis & integris vix aut nullatenus æquipollere possent. Unde *Henricus* iii. Rex Angliæ instinctu & petitione multorum, maxime fratris sui *Richardi* Comitis *Cornubiæ*, ex denariis retunsis novam fecit fabricare monetam, cujus Circulus, Crux, Literæ, & Imago usque ad singulas extremitates circumquaque ita se extendunt, ut non sine evidenti, & valde notabili dispendio aliquid inde radi possit vel abscindi.

*Monetæ reformatio.*

## MCCXLVIII.

1248

*Lodowicus* Rex *Francorum* divinitus, ut creditur, inspiratus, pridie Idus Junii in Civitate *Parisiensi* Deo & Beatæ Mariæ, & Sancto *Dionysio* se commendans cum maxima & ferventissima devotione, humilibus vestibus indutus, discalceatus & discinctus, cum ingenti processione per medium Civitatis incedebat, iter versus Terram Sanctam arripiens, ut, sibi divina miseratione succurrente, inimicos Crucis Christi ab ea expelleret, & eam Christianæ ditioni perpetualiter subjugaret. Habuit vero idem Rex secum Reginam suam, & duos fratres

*Ludovici R.*  
*Franc. in*  
*Terr. S. expeditio.*



*Henric. 3. R.* fratres suos cum uxoribus eorum: sed & duos alios Reges, scil. Regem *Hungariæ* & Regem *Aragonie*, Comites etiam, & Barones, equites & pedites Religiosos & seculares tot & tantos, quod eorum incertus est numerus. Apparatum insuper & omnia necessaria ad xx. Millia Hominum per sex annos sustinenda.

*Rog. Bath.  
Ep. ob.*

Obiit *Rogerus Bathoniensis* Episcopus, successitque *Willielmus de Button* Archidiaconus de *Welles*.

A passione Sancti *Thomæ* Martyris annus LXXVIII. Annus Regni Regis *Henrici* III. XXXIII. A fundatione Domus de *Waverleia* annus CXXI. Annus ætatis suæ XLII.

*Adolesc. à  
summ. turris  
labitur illæ-  
sus.*

Quidam adolescens à summitate turris Ecclesiæ nostræ, scil. à tabulatu lapideo, lapsu miserabili, usque ad terram, absque tamen alicujus membri fractione, præcipitando cecidit, & aliquamdiu exanimis, ut putabatur, ibi jacuit, sed paulo post resumpto spiritu loqui coepit, & non multo tempore postea transacto, nullum dolorem sentiens omnino convaluit.

#### MCCXLIX.

1249  
*Damietta à  
Christianis  
capta.*

*Damietta* nobilissima Civitas *Ægypti*, operante Christo, cui nihil impossibile, à Christianis est capta & possessa, hoc scil. modo. Cum Christianissimus Rex *Francorum Lodovicus*, petitione multorum moram in *Cypro* faciendo, iter suum versus Terram Sanctam aliquamdiu distulisset, & multa memoria valde digna, quæ brevitatis causa omittimus, per idem tempus ibidem fecisset, tandem non immemor propositi sui, præcepit suis, ut omnes naves ascenderent, & gressus suos versus *Damietam* festinanter dirigerent: cum ergo omnes naves ascendissent, & prope *Damietam* navigando pervenissent, cogitantes Saraceni necis suæ causâ eos illuc advenisse, armis copiosis sufficienter muniti, cum innumera multitudine litus circumquaque occupare coeperunt, parati Christianos aut aquis submergere vel armis interficere. Quod videntes Christiani calore fidei vehementer succensi, arreptis gladiis, balistisque extentis, habentes secum vivificæ Crucis lignum, cum mare ibi profundum non esset, omnes tam Rex quam alii audacter in mare saltaverunt, & adjuvante Christo usque ad terram fani & incolumes pervenerunt. Mox igitur à Saracenis undique circumvallati, cum omnes pedites essent, Domino nostro Jesu Christo eos protegente, & pro eis manifeste pugnante, tres valde nobiles Admiraldos, qui quasi Reges inter Saracenos habebantur, multosque alios Saracenos, absque alicujus Christiani læsione incontinenti occiderunt. Saraceni vero postea tanto timore divinitus erant perterriti, quod omni consilio & auxilio destituti ignorantes omnino quid agerent, vel quo se verterent, se & sua desperantes, Civitatem succenderunt, & cum magna festinatione & confusione fugam omnes inierunt. Cernentes autem eos fugisse Christiani, cum ingenti lætitia Civitatem confestim sunt ingressi, armis, & divitiis supra æstimationem satis nobiliter locupletatam. Discalceati ergo omnes, & in modum processionis ordinati lætabundis vocibus laudes Deo conclamantes, magnum Oratorium. Saracenorum, quod in alia captione in honore Beatæ Mariæ Virginis fuerat decoratum, nudis pedibus intraverunt: ibique omni spurcitia Idolorum prius eliminata, sermonem populo faciebant, & divina mysteria celebrabant. Et hoc modo nobilem illam Civitatem, nullo læso Christiano, dedit Christus Christianis; Annus xxxi. ex quo alia vice capta est *Damietta* Civitas. Annus xxxvi. ex quo relaxatum fuit interdictum in *Anglia*. Annus xxxii. ex quo recessit *Lodovicus* ab *Anglia*. Hoc anno divulgatum fuit per totam fere *Angliam*, quod dies judicii isto anno, scil. in die Sancti *Lamberti*, omni dubietate postposita, futurus esset; unde *Henricus* Rex, & alii quam plurimi noctem illam penitus insomnem ducentes, cum magno timore & devotione vigilando & orando diem illum expectabant.

*Nic. de Fa-  
risham Epif-  
copat. relig-  
nat.*

Magister *Nicholaus* de *Farisham Dunelmensis* Episcopus propria voluntate, & Domini Papæ permissione Episcopatum suum hoc anno resignabat, percipiens tamen de eodem Episcopatu singulis annis Mille Marcas.



## M C C L.

1250

Permissione & voluntate Domini *Willielmi de Kaley*, Episcopi *Wintoniensis*, *Henric. 3. R.* & Domini *Petri de Ryebal* Rectoris Ecclesiæ de *Aultun*, concessum fuit nobis hoc anno divina celebrare in Oratorio, quod est infra septa Grangiæ nostræ de *Þetham*, salva in omnibus auctoritate *Wintoniensis* Episcopi, & ejusdem Ecclesiæ dignitate, necnon indemnitate Matris Ecclesiæ de *Aultun* & Capellæ de *Þalyburne*, hoc modo scil. quod absque campanarum pulsatione & sacramentorum distributione fratribus nostris ibidem celebremus, confessiones secularium personarum nequaquam ibi recipiamus, nisi in mortis articulo: sed omnis familia illius Grangiæ more solito Capellam de *Þalyburn* pro ..... audiend. & sacramentis Ecclesiasticis recipiendis adibit & eidem ut prius subjecta manebit.

Obiit *Willielmus de Kaley Wintoniensis* Episcopus in *Gallia*, & sepultus est in Ecclesia Sancti *Martini* in civitate *Turonensi*. Hic antequam transfretasset, concessit & Carta sua nobis confirmavit situm unum, ad vivarium faciendum, in Brueria sua, infra *Warennam* suam de *Þarnham*. Qui situs incipit à parvo ponte ultra *Tilleford*, extendens se per ductum aquæ, qui vocatur *Grikeledeburn* versus *Cherte*: reddendo annuatim pro dicto vivario sibi vel successoribus suis dimidiam Marcam, fuit autem hoc anno illud vivarium inchoatum sed non penitus consummatum.

Rex *Henricus III.* & Regina *Alienor*, multique alii nobiles hoc anno acceperunt Crucem. *Multi cruce sign.*

Infortunium miserabile, & ab omnibus Christianis cum maxima cordis anxietate merito plangendum, hoc anno in Terra Sancta contigit, proh dolor! *Damietam* Civitatem quam Christiani anno præterito ceperant, & in suo Dominio per annum integrum possederant, Saraceni, interfectis Christianis innumerabilibus, inopinato eventu recuperabant. Regem tamen *Lodovicum* captum & spoliatum, mortemque vix evadentem, de terra illa cum paucis admodum Christianis fatis turpiter & ignominiose exire permittebant. *Damietam à Saracenis capta.*

## M C C L I.

1251

Dedicata fuit Ecclesia de *Cumba* hoc anno, scil. pridie Idus Octobris, omnibus igitur vere poenitentibus, & Ecclesiam illam die illo annuatim, causa relaxationis obtinendæ, venerantibus XL. dies indulgit Episcopus, qui illam dedicavit. *Eccles. de Cumba dedicata.*

Obiit *Fredericus* quondam Imperator *Alemanniæ*, qui sacrosanctam Ecclesiam multis persecutionibus in omni vita sua graviter vexabat, ob quam causam à summo Pontifice *Innocentio IV.* multoties fuerat excommunicatus, & ante mortem per ejus licentiam nequaquam absolutus; cujus persecutiones, cum idem summus Pontifex jam per annos VII. devitando apud *Lugdunum* moram fecisset, tandem audito quod tam immanem inimicum Ecclesiæ *Romanæ* Dominus è medio abstulisset, *Romam* adiit, & Apostolicam sedem, sicut prius obtinuit. *Fredericus Imperator ob. Innocent. P. Romam redit.*

Dedicata fuit hoc anno Non. Novembr. Ecclesia de *Heles*, præsentibus XIII. Episcopis, à quibus XIII. Altaria eo die in ipsa Ecclesia dedicata fuerunt, præsentem etiam Domino Rege *Henrico III.* & Regina *Alienor*, multisque aliis Proceribus *Angliæ*, à Nobili *Richardo* Comite *Cornubiæ*, qui Ecclesiam illam cum toto Cœnobio propriis sumtibus construxit, invitatis. Dedicatione itaque cum summa celebritate peracta, dedit idem Comes Monachis in eodem Cœnobio Deo fervientibus, ad terras emendas, sive domos construendas, Mille Marcas; sed & Rex prout Regalem decuit munificentiam redditum viginti Librarum eisdem concessit, & Charta competenti confirmavit. *Ecclesia de Heles dedicata.*

Pastorum circiter sexaginta Millia ex diversis mundi partibus in Gallia hoc anno fuerant congregati, propositum habentes Sanctam Terram de manibus Saracenorum eripere, & eam cultui Christiano restituere. Nec non divinitus, ut primo putabatur, inspirati, immo, ut verius creditur, aliqua Arte Magica seducti, cum ductorem aut principem non haberent, deficientibus sibi

*Pastores prætextu Terræ S. recuperandæ latrocinia exercent.*



*Henric. 3. R.* victui necessariis, coeperunt rapinas & latrocinia circumquaque exercere; insuper & homicidia crudeliter perpetrare, unde multi ex eis laqueo sunt suspensi, cæteri vero omnes in exterminium deducti.

*Aymerus* frater Domini Regis *Henrici* III. juvenis fere XXIII. annorum, & adhuc existens acolytus, in Episcopum *Wintoniensem* canonicè est electus, & à summo pontifice confirmatus.

*Æstus intol-*  
*rabilis.*

Æstus immoderatus, & supra modum intolerabilis circa Festum Apostolorum *Petri & Pauli*, diebus, & noctibus fere per quindenam continue perseverans, multos tam Religiosos quam seculares subito suffocabat. Postea vero hoc eodem anno, tanta mortalitas hominum, præ nimietate illius caumatis, in diversis provinciis noscitur contigisse, quod in aliqua parœcia c. homines, vel & amplius, infra unum mensem referantur obiisse. Natura siquidem humana in cunctis fere hominibus ita nimirum extitit corrupta, ut pauci essent, qui se nihil mali hoc anno pertulisse gauderent. Post prædictum vero fervorem subsequutus est autumnus circa Festum Beati *Swithini* Episcopi satis maturus, qui multis retroactis temporibus in partibus istis tam cito non recolitur contigisse.

*Maxima ho-*  
*min. mortali-*  
*tas.*

*Isabella C. de*  
*Arundel Ab-*  
*batiam Mar-*  
*ham fundat.*

*Isabella* Comitissa de *Arundell* morum quidem gravitate non mediocriter adornata, circa salutem animæ suæ diligens & sollicita, divina, ut creditur, inspiratione præventa, quandam Abbatiam Monialium Ordinis *Cisterciensis* *Barham* vocatam cum summa devotione hoc anno construxit. Cujus rei causâ Abbatem nostrum duxit consulendum, ac permissione Domini Papæ Domum nostram intravit, societatem Ordinis in Capitulo nostro devote petiit, & obtinuit, iv. *Marcas*, & unum dolium vini Conventui ad pitancias donavit.

*Walt. Abb.*  
*Waver. ob.*

Annus ex quo *Lodowicus* Rex recessit ab *Anglia* xxxv. Obiit *Dompnus Walterus*, cognomento *Giffardus* Abbas *Waverleie* x. Cui successit *Dompnus Rad.* Abbas de *Dunelmwell*, qui quondam abbatizavit in Domo de *Tinterna*, Abbas *Waverleie* xi.

Annus à fundatione Domus de *Waverly* cxxv. Annus Regni Reg. *Henr.* III. xxxvii. Annus ætatis suæ xlii. Obiit *Blancha* mater *Lodowici* Regis *Franciae*.

1252

*Libertat. An-*  
*glicanæ reno-*  
*vatur à Re-*  
*ge.*

Cum Chartæ, Libertates *Anglicanas* tam in Forestis quam extra continentes, quorundam perversitate & malitia jam adeo cassatæ, & ad nihilum essent redactæ, ut fere nullum robur aut firmitatem obtinerent. Quidam Proceres *Angliæ* Regi *Henrico* III ad memoriam reducentes, qualiter pro ipsis libertatibus concedendis, & confirmandis, quintamdecimam partem omnium mobilium, ab universis libere Tenentibus, anno Gratia MCCXXV. acceperat, obnixè petebant ut prædictas Chartas renovando, ad pristinum robur revocaret. Rex vero petitioni eorum libenter annuens non solum Chartas illas renovavit, sed etiam ut omnino stabiles & irrefragabiles in perpetuum perseverarent, xii. fecit Episcopos excommunicare & anathematizare omnes, qui ipsas ausu temerario infringere aut infirmare de cætero præsumerent.

*Episc. Cicesr.*  
*obiit.*

Obiit Magister *Richardus* de *Wiz* Episcopus *Cicestrensis* Cui successit Magister *Johannes* cognomento *Wissupp*.

*Henr. R.*  
*Gasconiam*  
*petit, & Ri-*  
*ole obsidet.*

*Henricus* III. Rex *Angliæ* ad subventionem *Gasconia* quam quidam ei conabantur auferre, immensam pecuniæ quantitatem ab omnibus Religiosis per totam *Angliam* hoc anno violenter extorsit. Collecta igitur inæstimabili pecunia cum magno exercitu *Gasconiam* perrexit, ibique tantum unam Civitatem quæ vocata est *Riole* sibi resistentem, & contra se undique firmiter observatam atque munitam invenit. Quare statim valida manu obsedit, sed eam adhuc anno præsentis capere minime prævaluit.

1253

MCCCLIII.

*Henricus* III. Rex *Angliæ*, cum in *Gasconia* Civitatem quæ vocatur *Riole* diu obsedisset, & eam capere nullo ingenio potuisset, tandem fame cogente, qui

intus



tus erant inclusi se, & sua omnia, cum Civitate illa, quasi sponte Regi tradiderunt, ipso tamen Rege sub juramento prius promittente, quod nullum ex eis occideret, nec cuiquam aliquam vindictam inferret. Post traditam vero Civitatem, cum idem Rex ob amorem & devotionem, quam habuit erga Beatum *Edmundum Cantuariæ Archiepiscopum*, iter faceret versus *Pontiniacum*, transitum fecit per Civitatem *Parisijs*, ubi ab illustri Rege *Lodovico*, cum summo honore & solenni processione, præsentibus quatuor Episcopis, susceptus est, & ad Regis petitionem tribus ibi diebus commoratus. Ac postea, facta peregrinatione, Dominica infra Natale Domini rediit in *Angliam*.

*Henric. R. 3.*

*Edwardus* primogenitus Regis *Henrici III.* cepit uxorem, sororem viz Regis *Hispaniæ*. *Lodovicus* Rex *Francorum*, rediens de Terra Sancta venit in *Franciam*. Obiit Papa *Innocentius IV.* Cui successet *Alexander IV.*

*Edward. R. ducit uxorem. Innoc. Papa ob.*

## MCCCLIV.

1254

Judæi Christianæ Religionis inimici, puerum quendam *Hugonem* nomine in *Lincolniæ*, multis ac variis cruciatibus miserabiliter affligentes, tandem ad opprobrium & contemptum nominis Christi cruci affigentes, crudeli morte interemerunt. Qui postea tantum scelus Christianos latere nimirum cupientes, gloriosum corpus de crucis patibulo deponebant, & in fluvium quandam submergendum projiciebant; sed aqua illa tantam sui Creatoris injuriam non ferens, continuo illud in siccam exposuit. Quod videntes inimici Christi, tutius ac secretius sub terra occultandum inaniter æstimantes, sepulturæ illico illud tradiderunt. Sed in crastino Beati Martyris corpus super terram positum, sicut prius, repererunt. Unde non immerito pro tantæ rei novitate vehementer stupefacti, & ut digni erant fere in amentiam conversi, omni consilio & auxilio destituti, quid agerent, vel quo se verterent penitus ignorabant. Tandem altiori, ut putabant, utentes consilio, in puteum quandam aquam ad potandum continentem illud projecerunt. Sed nec ibi defuit Divina clementia, puero suo tam crudeliter pro se afflicto & occiso non parum compatiens; nam tanti luminis splendor continuo ibi cœlitus refulsit, tantaque fragrantia miri odoris totum locum illum replevit, ut satis palam cunctis daretur intelligi, aliquid sanctum & mirificum in puteo illo contineri. Istitis vero indicibus excitati Christiani festinabant ad puteum illum certatim conflueret, cernentesque venerabile corpus super aquam natum, statim cum summa cordis devotione coeperunt illud inde extrahere. Manibus autem & pedibus perforatis, capite etiam in modum coronæ diversis punctio-  
num aculeis cruentato, cæterisque cicatricibus circumquaque per totum corpus patentibus, jam omnibus manifestum fuit tanti sceleris auctores detestandos fuisse Judæos. Cum autem Beati Martyris corpus ad Ecclesiam, vocibus lætabundis, processionaliter cum magna veneratione deferrent, quædam mulier cæca feretrum devote tetigit, desideratumque lumen, quo jam septem annis caruerat, meritis Beati *Hugonis* statim recipere meruit, quod etiam audiens quidam hydropicus, eadem nocte, in Ecclesia circa sacratissimum corpus causa salutis obtinendæ vigilavit, & salutem quam quæsit, omni tumore inordinato depulso, impetravit. Patrantur etiam ibi alia multa beneficia, ad fidem & spem corroborandam Christianorum, ad confusionem & opprobrium Judæorum. Et tanto scelere postea convicti, quorum decem & octo, & ore proprio confessi, per medium Civitatis *Londoniæ* equis distracti, & laqueis sunt suspensi.

*Judæi, puero Christiano cruci affixo, condignam poenam luunt.*

*Miracula ad S. Hugonis corpus patrata.*

Hoc institutum est à Capitulo generali, ut de Beato *Dominico* Institutore Ordinis Fratrum Prædicatorum, & de Beato *Petro* Martyre Ordinis ejusdem, fiant XII. Lectiones per Ordinem nostrum universum.

Hoc anno contigit Eclipsis solis, in die Sancti *Dominici* Confessoris, circa Eclips. Solis, horam nonam, & duravit spatium unius refectionis & amplius, & fuit tunc Luna xxvii.



1255

Henric. 3. R.  
Pugna inter  
Reg. & Ba-  
ron.

Decretum  
contra Alie-  
nigenas, &  
bellum civi-  
le inde secu-  
tum.

Hoc anno facta est quædam pugna inter Regem *Henricum* III. & quosdam Barones Regni apud *Lewes*, cujus circumstantias, ne posterorum pereant notitiæ, hic breviter & summatim duximus inferendas.

Rex Alienigenarum, plus quam oportuit, utebatur consilio, qui Regni Magnatibus illudebant, & illos à consilio Regis repellebant, in multis articulis statuentes quæ sibi placebant. Ex hoc surrexit Indigenarum indignatio & turbatio, unde Rex & Proceres regni apud *Oxoniam* convenerunt, & quandam *providentiam* inter se statuerunt, qua perversas evertere leges possent, & ad hanc observandam omnes juraverunt, Rex, Comites, Barones fere plus quam centum, fecerunt & Episcopi idem Sacramentum, & excommunicaverunt omnes, qui contravenirent. Quidam tamen nitebantur ut à prædicto juramento absolverentur, mittentes ad summum Pontificem, impetrantes ut dictæ *provisioni* non tenerentur, & sic per Domini Papæ Literam à sacramento præstito se exoneratos opinabantur, quod ad commune regni commodum hujus *providentiæ* spectaret efficacia, minus quam oportet, attendentes, & ideo à nullo esset infringenda. Præterea *Henrici* quidem *provisio* imprimis placuit Reginæ, dum quidam barbari sibi displicentes *Angliæ* cogerentur valefacere. Sed cum suos compatriotas à regno ejiciendos cognosceret, ne *providentia* supradicta amplius staret Regi suadebat, cujus suasioni Rex præpropere favens, suum primogenitum, & quoscunque potuit ad consensum illexit. Præterea *Johannes Mansel* quidam Clericus Curialis voluntati Reginæ pro posse obtemperans, ad partem prævaricatorum quosdam prece vel pretio attraxit, quam ob causam, fama & redditibus amissis exul obiit. Hinc moti sunt cæteri qui flectere noluerunt, & transgressoribus minas intulerunt. Contra, reliqui his minime parcebant, sed rancores mutuos inter se fovebant. Denique in tantum odium hæc motio excrevit, ut priore fœdere ex una parte corrupto, partes in se invicem insurgerent, & maximis impugnationibus sese impeterent, prædia deprædando, prædas rapiendo, mansiones optimas igne comburendo, & ad humum aliqua castra prosterndo. Turbato sic regno quotidie malum aliquod generabatur, quod nisi prælio non poterat sedari, ut quibusdam videbatur; unde Rex congregato exercitu acceleravit *Quinque Portus* adire, & tribus ex illis in obsidionem sumptis, sibi arctius eos vincire, qui videbantur suæ voluntati non consentire; quibus compertis pars senior, viz. cum reverentia nominandus Dominus *Simon de Monteforti* Comes *Leicestræ*, & *Gilbertus* Comes *Glovernæ* cum suis complicibus ad *Portus* maturabant gressus dirigere, quo audito venit Rex de *Portibus* ad *Lewes* cum suo exercitu, continente fere LX. Mil. virorum belligerantium; porro in parte saniori erant L. Milia virorum, in quibus duces erant strenui, sed maxima pars juvenum. His Cives *Londonienses* associabantur, in prælio quidem minime probati, videntes enim bellum in fugam se dederunt. Hæc quidem pars, scilicet Barones regi scripserunt, quod ei libenter servirent. Rex rescribens salute omissa, mandavit quod de eorum ministerio nihil curaret, sed tanquam suos adversarios eos reputaret, & ut hostes publicos illos diffidaret. *Edwardus* etiam Regis primogenitus, & avunculus ejus *Richardus* dictus quondam Rex *Alemanniæ* mandaverunt quod destruerent bona eorum, & suorum, nec non & corpora. Doluerunt cæteri pacem cupientes, & pro eadem multa offerentes, quæ omnia regis Consiliarii abominabantur, & illos confusione se tradituros minabantur. Cum ergo nec per oblata, nec per internuncios pacem possent habere, ad conflictum bellicum sese paravere, & montis verticem cujusdam ascendentes, villam in qua adversarii eorum erant, intuebantur, & illos in lectis cepissent, nisi quorundam urbanitate impedirentur. Dicebant enim hic eos expectemus, & spatium surgendi eis præstemus, nam si dormientes invaderemus, nobis improperium faceremus. Expectantes igitur faciebant novos milites, & ordinarunt per acies suam gentem, donec viderunt adversarios venientes. Initio autem conflictu *Londonienses* fugam inierunt, quos *Edwardus* turba militum

magna



magna comitante inſequēbatur, per quos pars magna fugientium perimeban-  
tur. Interim autem Rex capiebatur, ſuis enim armorum, equorum & hujus-  
modi lucris inhiantibus, debellatus eſt Rex cum quibuſdam Magnatibus, quo-  
rum tamen plurimi fugæ ſe dederunt, & in campo ſuum Dominum relique-  
runt. *Gilebertus* Comes *Gloverniæ* Regem cepit, quem quaſi nobiliorem &  
cæteris potentiorē tunc Rex habuit, eique in ſignum gladium ſuum reddidit  
quamvis Dominus *Simon de Monteforti* Comes *Leiceſtriæ* ejus animo diſplicuit.  
Huic tamen Comiti excellentiores quique ex illa parte ſeſe reddiderunt.  
His ita geſtis *Edwardus* deſiſtens ab inſectatione *Londonienſium* revertitur, pu-  
tans ſe cum ſuis obtinuiſſe triumphum, ſed villa jam flammis tradita venerunt  
victores ei obviam, quibus viſis cæteri fugere conabantur, quorum plurimi  
proſternebantur, pluresque milites Prioratum intraverunt, arma pro colobiis  
commutantes. *Edwardus* etiam intravit Eccleſiam Fratrum Minorum quem  
ſequēbatur multitudo ſuorum. Quidam & fugientes per quendam pontem  
ſic ſe invicem conſtrinxerunt, quod inulti corruerunt, & ſe ſubmerſerunt,  
evadentes autem partes tranſmarinas adierunt, Porro numerus erat in bello  
occiforum fere tria millia fortium virorum, præter numeroſitatem prius in-  
terfeſtorum, nec non & ſubmerſorum. Hæc autem pugna facta eſt pridie  
Id. Maii.

Orta diſſenſione in Ordine ſc. inter *Ciſterciēſes* & *Clarevallēſes* Abbates de  
derivatione *Claræ Vallis* hoc anno non apud *Ciſtercium* ſed apud *Claram Vallem*  
tempore Capituli generalis convenerunt. Cauſa autem diſcordiæ hæc erat,  
videbatur multis quod *Ciſterciēſes* in electionibus & deſiſitionibus, nec non  
& aliis quibuſdam caſibus à forma Ordinis & obſervatione Cartæ caritatis ex-  
orbitarent. Tandem vero querelæ quæ inter eos urgebantur in Curia *Romana*  
diſcutiebantur & determinabantur.

## M C C L V I.

1256

Cum *Henricus* III. Rex *Angliæ* jam per biennium, permiſſione Domini Pa-  
pæ, decimam ab univerſo Clero, excepto ordine *Ciſterciēſi*, per totam *Angli-*  
*am* accepſſet, hoc anno graviter ferens, & vehementer indignans, quod *Ciſter-*  
*ciēſes* de rebus ſuis nihil ſibi conferrent, primo eos blanditiis, poſtea minis &  
terroribus ad hoc conabatur inducere, ut ſaltem aliquam pecuniæ ſummam  
inter ſe colligerent, & ſic quaſi ſpontaneam ſibi facerent donationem, qui ta-  
men minus quam xxv. Mil. libras ſe ab eis minime accepturum jurejurando  
aſſeruit . . . . . vero metuebant valde ne forte, ſi Regi ſuper tam gravi exacti-  
one ad præſens quaſi ſponte ſatisfacerent, eos in poſterum ad illud idem fa-  
ciendum nolentes & invitos, quotieſcunque vellet, compelleret ex conſuetu-  
dine; & ita antiquas Ordinis ſui libertates amitterent, & ſummum Pontificem,  
qui, ſpeciali quodam dilectionis privilegio, à prædicta decimatione eos fece-  
rat immunes, non mediocriter offenderent. Omnes ergo ad invicem confœ-  
derati, & quaſi firmiſſima caſtrorum acies impenetrabiles & inviſti regis co-  
natibus hujusmodi reſponſo obviabant, dicentes quod abſque licentia Capi-  
tuli ſui geneneralis, & omnium Abbatum conſenſu tale quid attemptare non  
auderent. Videns vero Rex eorum inviſtam conſtantiam, & ſe in ſuo propo-  
ſito nil poſſe proficere, nimio furore commotus cum minis & opprobriis om-  
nes juſſit à ſua Curia decedere. Uniformitas igitur & integritas atque con-  
ſtantia Ordinis *Ciſterciēſis* ab omnibus fere circumquaque prædicabatur, lau-  
dabatur, venerabatur in tantum, ut ſecundum multorum æſtimationem, non  
eſſet aliquis Ordo ſub coelo, qui in conſtantia unitatis, in fervore religionis hu-  
ic Ordini poſſet comparari.

Diſſenſio magna facta eſt inter Dominum *Simerum* Electum *Wintoniæ* &  
Monachos Sancti *Swithuni* ejusdem loci. Quia iidem Monachi nullum alium  
haberent Abbatem præter Episcopum loci illius, voluit prædictus Electus  
ut nulli Monacho ſine nutu ipſius aliqua committeretur obedientia, & ut om-  
nes obedientiales ſibi tanquam proprio Abbati computationes redderent de  
receptis & expenſis. Monachi vero antiquas Domus ſuæ conſuetudines re-

Diſcordia in-  
ter Electum  
*Winton.* &  
Monach. *S.*  
*Swithuni.*



*Henric. 3. R.* linquere nolentes, Electo constanter restiterunt, *Romam* miserunt, privilegia contra eum impetraverunt. Sed tandem post magnas & graves expensas, ipsis cedentibus, Electi voluntas prævaluit.

1257

MCCLVII.

*Rich. C. (ornub. fit. Imp. Alem.*

*Richardus* Comes *Cornubiæ* frater Domini regis *Henrici* III. factus est rex *Alemannie*.

Statutum est hoc anno à generali Capitulo ut de cætero XII. sint rasuræ in Ordine nostro, cum antea non essent nisi VII. Et ut Abbates utantur Capis & Ministri altaris Dalmaticis, sicut in usibus continetur.

*Exon. Ep. ob.*

Obiit *Richardus* de *Blund* *Exoniensis* Episcopus, cui successit *Walterus* Archidiaconus *Surriæ*.

1258

MCCLVIII.

*Alienigenæ ex Anglia expulsi.*

Tot Alienigenæ diversarum linguarum jam per plures annos multiplicati erant in *Anglia*, tot redditibus, terris, villis & cæteris facultatibus ditati, quod *Anglicos*, quasi se inferiores, maximo contemptu habebant. Ferebatur vero à nonnullis, qui secreta ipsorum noverant, quod si potestas eorum procederet, omnes Majores *Angliæ* veneno extinguerent. Regeque *Henrico* regno privato, loco ipsius alium ad suum arbitrium constituerent, & sic demum totam *Angliam* suæ ditioni perpetuo subjugarent. Quatuor etiam fratres Regis *Henrici*, *Almericus* scilicet Electus *Wintoniæ*. *Willielmus* Comes *Wallensiæ*, *Guido* & *Gaufredus*, præ cæteris Alienigenis dignitatibus & divitiis supra modum elevati, intolerabili fastu superbiæ in *Anglos* sævientes, multis ac variis injuriis & contumeliis crudeliter eos afficiebant, nec ausus fuit aliquis præsumtuosis eorum actibus propter Regis timorem obviare. Non solum autem isti, sed quod magis dolendum est, *Anglici* in *Anglos*, majores scilicet in minores insurgentes, cupiditatis igne succensi: Placitis, & Mercamentis, Tallagiis, & Exactionibus variisque aliis incommodis, unicuique quod suum est conabantur auferre. Leges & consuetudines antiquæ aut nimis corruptæ, aut penitus cassatæ, & ad nihilum erant redactæ, & quasi pro lege erat cuique sua tyrannica voluntas, & nisi mediante pecunia de facili rectum nusquam fiebat iudicium. Non sufficit aliquis enumerare omnia mala quæ tunc temporis fiebant in *Anglia*. Tandem hoc anno Comites & Barones, Archiepiscopi, Episcopi & cæteri Magnates *Angliæ* quasi de somno divinitus excitati, videntes miserabilem regni dejectionem, omnes ad invicem unanimiter confœderati vires & animos, ad modum leonis nullius occursum paventis, audenter sumserunt. Et primo prædictos fratres Domini Regis *Henrici* Alienigenas violenter ex *Anglia* expulerunt, ac postea leges & consuetudines antiquas renovare & reformare cœperunt. Et ne eas de cætero ausu temerario quis violare præsumat in modum *Cartæ* conscriptas sigillo regio, ipso Rege annuente munierunt.

1259

MCCLIX.

*Hen. R. Angl. terras suas in Gall. Hæreditarias à Rege Gallie petit, & impetrat.*

Cum *Henricus* III. rex *Angliæ* quasdam terras magnas & satis opulentas in partibus *Gallicanis* jure hæreditario ad se pertinentes, quas pater suus *Johannes* quondam Rex *Angliæ*, ob mortem *Arturi* amiserat, quandoque bellis, quandoque precibus, aliisque pluribus ingeniis de manu Regis *Francorum* multoties conaretur eripere, & in suo conamine nil posset proficere, tandem hoc anno multis amicis consulentibus, & interventibus, Regem *Lodovicum* in propria persona pacifice adiit, & ut terras illas, omnibus controversiis cessantibus, sibi benigne concederet, humiliter supplicavit. *Ludovicus* vero, propter mutuam in Christo dilectionem inter eos in posterum conservandam, petitionibus ejus absque ulla difficultate adquevit, & ei terras illas homagium sibi facienti, præsentibus Archiepiscopis, Episcopis, Comitibus, Baronibus, aliisque nonnullis, libenter donavit. *Henricus* vero Rex cum jam terras illas accepisset, & eas in suo dominio cum omnibus pertinentiis integre & pacifice possedisset, absque consensu *Edwardi* primogeniti sui, cæterorumque Magnatum in *Anglia*, quasdam vendendo, quasdam donando statim antequam rediret in *Angliam*, se & suos eisdem terris in perpetuum privavit.

Statutum.



Statutum fuit hoc anno in Capitulo generali ut de Beato *Francisco* institu- *Henric. 3. R.*  
tore Fratrum Minorum de cætero fiant XII. lectiones, & de Beato *Roberto*  
Abbate duæ Missæ sint in Conventu per Ordinem universum.

## MCCLX.

1260

Siccitas tam magna, & tam diutina erat in æstate, quod hordea & avenæ, fe-  
re usque ad Autumnum, in multis locis sub terra latebant. Postea vero im-  
bribus super terram satis affluenter stillantibus, jam fero crescere & spicas  
emittere coeperunt, sed, naturali calore solis deficiente, cum maturefcere non  
possent, circa festum Sancti *Michaelis* in sua viriditate non sine magna & inæ-  
stimabili jactura metebantur, & animalibus in pabulum præbebantur. Qui-  
dam autem homo in villa quæ vocatur *Hungurford* prope *Newbirriam* præ-  
dicta siccitate ad suam perniciem nimis irritatus, dolium aqua plenum in cam-  
pum suum ad illum irrigandum deferri fecit; & pluribus audientibus subsan-  
nando & blasphemando dixit, se facturum, quod Deus facere non potuit, &  
cum manum unam fursum ad dolium tenendum, aliam vero deorsum ad clep-  
sydrum extrahendam misisset, ilico ultio Divina non defuit. Nam ut disce-  
ret non blasphemare, ita manus superior dolio adhæsit, inferior vero adeo fir-  
miter clepsydrum tenuit, quod eas ad se trahere aut inde evellere nullo inge-  
nio potuisset. Sentiens igitur miser ille Divinam potentiam, & suam argu-  
ens præsumptionem, magnis vocibus clamare, & miserabiliter coepit ejulare.  
Multis ergo occurrentibus, & præ novitate miraculi vehementer stupefactis,  
quasi quoddam simulacrum, stupentibus brachiis, aliquandiu sic stabat ligatus,  
& non mediocriter afflictus vel confusus.

*Siccitas mag-  
na multi per-  
niciem fuit.*

*Miraculum.*

Tandem vero cum nutu Divino manus superior dolium deseruisset, reliqua  
vero clepsydrum dimittere non posset, brachiis inflexibiliter extensis, ad Ec-  
clesiam de *Estun* à vicinis suis festinanter deducitur, & ante altare Beati *Ed-  
mundi* Archiepiscopi, ubi crebra & insignia miracula fiebant, nova oblatio &  
mirum spectaculum sistitur. Ubi postea meritis, & precibus Beati *Edmundi*,  
brachiis sibi restitutis, clepsydra de manu Divinitus elapsa, ab hujusmodi vin-  
culo plene absolvitur, & sui compos ut antea efficitur. Obiit *Aymerus* Elect.  
*Wintoniensis* apud *S. Genoveram Parisiis*, nondum ab exilio revocatus.

## MCCLXI.

1261

Hoc anno statuta fuit à Capitulo generali oratio specialis per universum  
Ordinem, contra ingruentem *Tartarorum* sævitiam. Statutum etiam fuit ut  
in provinciis illis, in quibus Episcopi vel alii Ecclesiarum Prælati communia  
privilegia, & indulgentias Ordinis infringere molirentur, tres Abbates, qui in  
illa provincia in Ordine Priores existerent, ad instantiam Abbatum afflicto-  
rum, inquisita prius causâ, & causæ merito, viz. si dicti afflicti bonam habe-  
rent causam, & communia Ordinis privilegia, & indulgentiæ impeterentur,  
universos Abbates ejusdem provinciæ convocarent ad locum medium, aucto-  
ritate Capituli generalis, & ibi, facta competenti contributione in communi-  
bus expensis ejusdem provinciæ per se vel per procuratorem idoneum, in ip-  
sa causâ procederent, prout melius & salubrius viderent expedire.

*Oratio contra  
Tartar. in-  
stit.*

## MCCLXII.

1262

Magister *Johannes Exoniensis* consecratus à Domino Papa in Episcopum  
*Wintoniæ*, venit in *Angliam* circa festum Sancti *Michaelis*.

*Joh. Exon. fit  
Episc. Wint.*

Dominus *Guido Abbas Cisterciæ* factus est Cardinalis Ecclesiæ Romanæ. O-  
biit *Richardus Comes Gloucestræ*. Obiit Dominus *Petrus Bevallus* Rector Ec-  
clesiæ de *Aultone*, cui successit *Petrus Exoniensis*. Obiit Magister *Egidius* E-  
piscopus *Saresburie*. Obiit Dominus *Willielmus Abbas de Cumba*, quondam  
Monachus *Waverleia*. Obiit Dominus *Willielmus Abbas de Forda* apud *Wa-  
verleiam*, ibidemque in Capitulo sepultus est.

*Guido Ab. fit  
Cardin. &  
multi in Ce-  
lebr. obeunt.*

## MCCLXII.

1263

Recolendum præsentibus, & posterorum est memoriæ recondendum, quod  
cum piæ recordationis *Matildis*, mater quodammodo Monachorum de *Waver-  
leia*, in Capella Infirmitorii eorundem humata, II. Id. Februarii, quæ tunc  
Dominica

*Matildis om-  
nia bona sua  
Waverleia le-  
gat.*



*Henric. 3. R.* Dominica habebatur; anno Domini MCCLXIII. fere omnia bona sua, tam in vita, quam in morte, *Waverleia* contulisset, & per officinas diversas distribuendo legasset, inter cætera testamentario jure centum Marcas Sterlingorum taliter ordinavit, viz. quod de eisdem duæ in Conventu pitantiæ annis singulis haberentur, quæ ex certo reditu de eadem pecunia perquisito perpetuo provenirent. Una viz. panis specialis & piscis die obitus sui, qui est vi. Id. Februarii, & altera in anniversario *Leberti*, quondam mariti sui, de *Pisce*, quod est die Sanctæ *Luciæ* virginis. Nec non & unde lampas una, in Capella \* Sancti Infirmatorii omnibus noctibus, pulsato ad vigilias horologio, mox accendenda, usque post Missas tempore hiemali in eadem celebratas. In æstivali vero usque post Laudes valeat sustentari. Quæ quidem lampas cæteris temporibus sic debet ardere. Ad omnes scilicet Missas in dicta Capella celebrandas. Et in præcipuis solemnitatibus ad utrasque vespervas, quando tres in choro lampades accenduntur. In omnibus, & tam diebus quam noctibus Sanctorum illorum & Sanctarum, quorum in honore eadem Capella dignoscitur consecrari. Sic & in anniversariis suis, sine intermissione, die ac nocte, prout ipsa *Matildis* in suo testamento plenius ordinavit. Præterea diebus ac noctibus in solemnitatibus viz. Natalis Domini, Paschatis, Pentecostes, & Ascensionis Domini, Purificationis Beatæ Virginis, Annunciationis ejusdem, Assumptionis ejusdem, Nativitatis ejusdem, & omnium Sanctorum. Sciendum igitur quod cum *Richardus* de *Tottesford* Clericus totum tenementum suum in *Serweton* in terris, redditibus, pratis, & omnibus aliis ad illud pertinentibus nobis emendum obtulisset, conveniente Domino . . . . . tunc Abbate, totiusque Conventus consilio seniorum, voluntate concordii dictum tenementum pro centum Marcis memoratis emerunt, reservato totaliter & specialiter viginti & novem solidorum & vi. denariorum redditu, de eadem emtione assiso, ad duas pitancias præmissas, & lampadem prænotatam, si sufficere possit; vel de supplemento emtionis totalis sustinendam, modo & ordine superius annotato. Ut igitur notum posteris fieret ordinatio tam lampadis, quam pitanciarum, tunc temporis seniores Domus illius sanioris consilii, ad eadem perpetuanda securius, summam pecuniariam, prout eis videbatur, sufficienter taxarunt; & emtionem promulgarunt in scriptum: posteris suis relinquentes, ut & eorum corda circa dictæ *Matildis* memoriam devotius excitarent, & pacificatio Conventus firma & stabilis præservaretur. Insuper, ut & in posterum de modicitate conqueri non possent, ad præfata complenda, queruli successores. Actum die Sancti *Thomæ* anno præmissio.

## MCCLXIV.

1264  
Parlamentum  
Londoniæ ha-  
bitum ad pa-  
cem Regni  
stabiliendam.

Hoc anno in crastino Sancti *Hilarii* factum est Parlamentum magnum *Londoniæ*, ubi pacificati sunt Comes *Glocestriæ* & Comes *Leicestriæ* *Simon* de *Monte-forti*. Tenuit etiam Dominus *Simon* de *Monte-forti* milites Alienigenas in terra, & Comitatu suo, & in munitione castrorum de *Dowere*, de *Windsore*, de *Walingeford*; & noluit hoc pati Dominus *Gillebertus* de *Clare*, sed ut omnes Alienigenæ exirent communiter, quod & factum est. Ad prædictum Parlamentum voluit Rex damnare, & ad mortem adjudicare Dominum *Robertum* de *Ferrariis* Comitem de *Derbi*, propter damna & incendia enormia, quæ gessit post bellum de *Lewes* & ante. Volens autem Dominus *Simon* de *Monte-forti* prædictum Comitem liberare, & Domini Regis animum pacare, prædictum *Robertum* Comitem coepit, & in turri *Londoniæ* incarceravit. Unde multi suspicabantur, quod idem de Comite *Glocestriæ* perficere proposuisset. Cum autem hæc ad aures *Gilleberti* de *Clare* pervenissent, & *Leulinus* Rex *Walliæ* terras suas in *Marchia* vastasset, & destruxisset, secreto cum *Marchiensibus*, licentia non requisita, versus *Marchiam* à *Londonia* secessit. Ad prædictum Parliamentum liberatus est Dominus *Edwardus* Regis filius, & Dominus *Henricus* filius Regis *Alemanniæ*, tali sub forma. *Henricus* Rex Angliæ, Dominus Hiberniæ, dux Aquitaniæ, omnibus de communitate, salutem. Cum propter hostilem turbationem habitam in Regno nostro,



stro, de unanimi assensu nostro, & voluntate Edwardi filii nostri primogeniti, Præla-  
to um, Comitum, Baronum, & Communitatis Regni nostri, pro Regni ipsius pace, pro  
cujus securitate Dominus Edwardus & Henricus filius Regis Alemanniæ nepos no-  
ster obsides dati fuerunt, concorditer sit provisum, quod quædam ordinatio de unanimi  
assensu nostro, & voluntate Edwardi filii nostri primogeniti, Prælatorum, Comitum,  
& Baronum prædictorum, super nostro & Regni nostri statu Londoniæ, mense Junii,  
anno Regni nostri XLIX. facta, inviolabiliter observetur: Vniversitatem vestram scire  
volumus, quod nos ordinationem ipsam, & tranquillitatem Regni observare bona fide,  
& in nullo contravenire, ad Sancta Dei Evangelia juravimus. Hoc adjecto in eodem  
Sacramento specialiter, & quidem expresse, quod ex occasione factorum præcedentium,  
temporeurbationis & guerræ præcedentis, neminem occasionabimus, aut inculpabimus,  
de illis aut ex parte illorum, quos tanquam inimicos desidavimus, puta, Comites Lei-  
cestræ & Glocestriæ & alios sibi adherentes, ac Barones seu cives nostros Londo-  
niæ & Quinque Portuum, nec alicui de prædictis damnum faciemus, aut fieri procu-  
rabimus, vel per Ballivos nostros fieri permittemus. Juravimus insuper, quod ea om-  
nia, quæ propter liberationem dictorum filii nostri & nepotis, sunt provisæ, & sigillo  
nostro sigillata, quantum ad nos pertinet, inviolabiliter observabimus; & ab aliis pro  
posse nostro faciemus observari. Volentes & consentientes expresse, quod si nos vel  
Dominus Edwardus filius noster contra prædictam ordinationem, & promissionem  
nostram seu juramentum, quod absit, in aliquo venire, seu pacem & tranquillitatem  
Regni nostri turbare, seu occasione factorum præcedentium, temporeurbationis aut  
guerræ præcedentis, aliquem de prædictis, aut de parte prædictorum, quos desidavimus  
occasionare, seu alicui de eis damnum facere, aut fieri procurare præsumserimus, Lice-  
at omnibus de Regno nostro contra nos insurgere, & ad gravamen nostrum opem & ope-  
ram dare juxta posse. Ad quod ex præsentis præcepto nostro omnes & singulos volumus  
obligari, fidelitate, & homagio nobis facto non obstante. Ita quod nobis in nullo in-  
tendant, sed omnia, quæ ad gravamen nostrum respiciunt, faciant, ac si in nullo nobis  
tenerentur; donec quod in hac parte transgressum fuerit, seu commissum, cum satisfac-  
tione congrua in statum debitum, secundum prædictorum, ordinationis & promissionis  
nostræ, & juramenti formam, fuerit reformatum; quo facto, nobis sicut prius inten-  
dentes existant. Et si aliquis alius de Regno nostro contra prædicta venire, seu pa-  
cem & tranquillitatem Regni nostri perturbare præsumserit; seu nobis vel Edwardo  
filio nostro, aut alicui alteri contra prædicta, vel aliquid prædictorum venientibus, opem,  
consilium, consensum, vel auxilium quoquo modo præstiterit, si hoc notorium fuerit, aut  
de hoc per considerationem consilii nostri, & Magnatum terræ nostræ convictus fuerit,  
de unanimo assensu nostro, Edwardi filii nostri, Comitum, Baronum, ac Communitatis  
Regni nostri provisum est, quod corpus ipsius, si inventum fuerit, capiatur, alioquin à  
Regno nostro utlagetur. Et si inventus fuerit, sive non, tam ipse quam hæredes in  
perpetuum exheredentur, ac de terris & tenementis ipsorum fiat, prout de terris eorum,  
qui de feloniam convicti sunt, secundum leges & consuetudines Regni nostri fieri consue-  
vit. Ad hoc de unanimi assensu & voluntate nostra, Edwardi filii nostri, Præla-  
torum, Comitum, Baronum, Communitatis Regni nostri concorditer provisum est, quod  
Cartæ antiquæ communium libertatum & Forestæ, communitati Regni nostri per nos  
dudum concessæ, in quorum violatores, ad petitionem nostram, sententia excommunicati-  
onis dudum lata est, & per sedem Apostolicam specialiter confirmata; nec non & om-  
nes articuli, de nostro & Magnatum terræ nostræ communi assensu dudum provisæ, quos  
nuper apud Wigorniam existentes, per singulos Comitatus sub sigillo nostro transmi-  
simus, inviolabiliter observentur in perpetuum. Ad quorum observantiam, sacramento  
ad Sancta Dei Evangelia præstito, sponte nos obligamus, & omnes Justitarios nostros  
Vicomites, & quoscunque Bailivos de Regno nostro, tam nostros quam alios, simili sa-  
cramento volumus obligari, ita quod nullus teneatur alicui Bailivo obedire, donec præ-  
dictum Sacramentum præstiterit. Et si quis contra Cartas ipsas, vel articulos præ-  
dictos venire præsumserit, propter perjurii reatum & excommunicationis sententiam,  
quam incurreret, per considerationem Curie nostræ graviter puniatur, salvo in præmissis,  
prout debet, privilegio Clericali. Et quia volumus, quod hæc omnia firmiter & invio-  
labiliter observentur, Vniversitati vestræ firmiter injungendo, & præcipiendo manda-



Henric. 3. R.

mus, quatenus omnes & singuli prædicta omnia & singula faciatis, teneatis, & inviolabiliter observetis, & ad ea omnia facienda, tenenda, & observanda, ad Sancta Dei Evangelia sacramento præstito, ad invicem vos obligetis. In cujus rei testimonium Cartas, & ordinationes prædictas, cum præsentibus literis nostris patentibus, vobis sub sigillo nostro transmittimus, in Comitatu vestro, sub custodia fide dignorum ad hoc electorum, ad rei memoriam salvo custodiendas. Contra quas ne quis ignorantiam prætenderet in futurum, ad minus bis in anno, in pleno Comitatu tuo, ipsas præcipimus publicare, ita quod prima publicatio fiat in proximo Comitatu post instans festum Paschæ. Secunda vero publicatio fiat in proximo Comitatu post festum Sancti Michaelis, & sic deinceps fiat annuatim. Volumus etiam quod salvis omnibus supradictis omnes alie ordinationes & articuli per nos & consilium nostrum hæcenus provisi, qui poterunt ad honorem Dei & Ecclesiæ, fidem nostram, & Regni nostri commodum observari, inviolabiliter observentur & teneantur. Ut autem præmissa omnia & singula firma maneant & inconcussa, Reverendi Prælati & Episcopi per Regnum nostrum constituti, ad instantiam nostram, sententiam excommunicationis fulminaverunt in omnes illos, qui contra præmissa, vel aliquod præmissorum scientes veniunt, vel venire temptaverint cum effectu. Quorum jurisdictioni seu coertioni spontanea voluntate, quantum ad præmissa, nos submissimus, privilegiis nostris omnibus impetratis, aut impetrandis, seu proprio motu Domini Papæ nobis concessis, aut in posterum concedendis, in hoc pure renunciantes, prout in literis nostris super hoc confectis, penes dictos Prælatos residentibus, plenius continetur. In cujus rei testimonium has literas nostras vobis transmittimus Patentes. Dat. London. anno Regni nostri XLIX.

Rex Angl.  
bellum infert  
Comiti Glo-  
cestriæ.

Circa vero Festum Sancti Marci Evangelistæ Dominus Rex, una cum Domino Simone de Monte forti, & Domino Edwardo Regis filio, exercitum duxit erga Marchiam, adversus Comitem Gloucestriæ, & Marchienses, qui fidem nec juramentum suum observaverunt. In villam Gloucestriæ venit Rex cum prænominatis, urbem & castrum optime præmunientes, quia Comes Gloucestriæ fuit eodem tempore in foresta de Dene maximo cum exercitu, vindicari cupiens de Domino Simone de Monte forti & filiis suis; & fuit Dominus Johannes Giffard cum Gilleberto de Clara. Cum autem Dominus Rex cum Domino Simone de Monte forti in prædicta urbe jam per quindenam residerent, & nunciis hinc & inde venientibus, inter Dominum Gillebertum de Clara & Dominum Simonem de Monte forti quodam die Matris, XII. die Maii pacificati sunt duo Comites, ponentes se super quatuor arbitros viz. Magistrum Walterum de Cauntelo Wigornensem Episcopum, Dominum Hugonem Despenser, Dominum Johannem filium Johannis, Dominum Willielmum de Munchanesi. Tali igitur sub forma reformati prædicti Comites; Dominus Rex versus Hereford, in crastino iter arripuit, cum Domino Simone de Monte forti, quem Dominus Gillebertus de Clara capere proposuisset seditiose. Sed per exploratores Domini Simonis de Monte forti vix in villam Herefordensem evaserunt illæsi. Quo effugientes, obfessa est tota illa provincia à Domino Gilleberto de Clara & exercitu suo tribus in locis, ita quod Dominus Rex nec Dominus Simon de Monte forti per multum tempus à civitate Herefordensi amovere se non possent. Cum autem hæc ita agerentur, quadam die Dominus Edwardus, petita licentia à Domino Simone de Monte forti, ut extra Civitatem spatiatum iret sub custodia. Et exercitus Comitis Gloucestriæ in quadam silva esset absconditus: dictus Edwardus duces suos & custodes deseruit, eosque illæsos & indemnes abire & redire fecit, ipseque Domino Gilleberto de Clara adveniens, cum gaudio inæstimabili ab ipso & suis susceptus est. Hinc inter se confederantes, statim cum exercitu maximo villam Gloucestriæ adierunt, & eam infra duos dies ceperunt, Castrum hostiliter per tres septimanas obsidentes, illique intrinsecus repugnantes viriliter, quam plures interemti ex utraque parte succubuerunt; sed factum est circa Festum Apostolorum Petri & Pauli quod redditum est Castrum Domino Edwardo tali sub forma, viz quod omnes qui velint exire, pacifice exissent, & irent quocunque voluissent libere cum equis & armis indennes, jurantes quod per quadraginta dies contra Dominum Edwardum arma non portarent.

Edwardus  
Regis fil.  
Comit. de  
Monteforti  
deserit.



*portarent.* Cum igitur villam & Castrum obtinuerunt, relictis ibidem ad vo-  
luntatem custodibus, Dominus *Edwardus* & Dominus *Gillebertus* de *Clara* dux-  
erunt iterum exercitum suum versus *Hereford*: ut Dominum Regem & Do-  
minum *Simonem* de *Monte forti* pro posse & velle caperent ibidem, & confra-  
cti sunt pontes, & naves submersæ, & vada profundius confossata atque ob-  
servata, ne Rex nec *Simon* de *Monte forti* possent transire. Et ex alia parte  
mare munitum est à prædictis, ne apud *Bristow* confugerent ab inimicis suis  
undique vallati. Quod videns Dominus *Simon* de *Monte forti* Comes *Leice-*  
*striae* *Levelinum* Regem *Walliæ* adiens, auxilium petens ab ipso, cui *Levelinus*  
auxilium benigne annuit, si Dominus Rex hæreditatem suam & Antecesso-  
rum suorum, sibi & hæredibus suis concederet, quam Dominus Rex eidem  
concessit. Et statim *Levelinus* cum suis super *Marchiensis*, & *Gillebertus* de  
*Clara* ex una parte, & Dominus *Simon* de *Monte forti* ex alia, multa mala per-  
petrantes bona eorum in *Marchia* ad nihilum redegerunt.

Junii xvi. factum est tonitruum magnum & horribile, ita quod una turris *Abendonæ*  
versus Aquilonem fulgure & coruscatione succenderetur, & mag-  
na pars parietis cum cœmeterio asportaretur, & vix extingueretur.

Eodem tempore Dominus *Simon* de *Monte forti* mandavit filio suo *Simoni*  
juniori, ut exercitum perquireret, & Domino Regi & ei in auxilium veniret.  
Audito igitur mandato, obsidium de *Peveneseia* mox deferens, maximum col-  
ligens exercitum xii. Julii, viz. pridie Sancti . . . . . *Wintoniam* causa hos-  
pitandi venerunt ibidem, ac cives Civitatis nolentes eum recipere, sed & quen-  
dam de suis coram oculis suis occidendo, introitum negaverunt. Quo pro-  
diens *Simon* indignatus Civitatem incontinen-ter obsessam hostiliter intravit, ip-  
sam sine misericordia spoliando propter eorundem proterviam, judæos occi-  
dendo, & ad nihilum redigendo. Hinc *Oxoniam* pacifice veniendo, & ibidem  
per tres dies moram faciendo, in recessu suo duxit exercitum suum apud *Che-*  
*linworthe*, elevatumque est cor ejus ultra modum propter exercitus ejus mul-  
titudinem, & stetit ibidem per vi. dies. Quo audito mandavit ei Dominus  
*Edwardus* filius Regis, qui tunc temporis apud *Wigorniam* extitit, quod eum vi-  
sitaturus veniret. Quod ille audiens gaudio repletus magno, minus caute  
quam deceret castrum exiens cum suis, per totam noctem vigilando, adventum  
prædicti *Edwardi*, non sine magno labore & tædio præstolabatur; sed versus  
auroram, sopori se omnes in Prioratu & in villa dederunt ultra modum fati-  
gati. Quod audiens dictus *Edwardus* per exploratores suos, festinus ibidem  
adveniens cum suis, omnes dormiendo miserabiliter invasit, & arma, & equos,  
& omnia capiendo; & vix Dominus *Simon* juvenis cum paucis sese in Castro  
recepit. Ibidem captus est Comes *Oxonie*, & *Robertus* de *Alex*, Dominus *Wil-*  
*helmus* de *Bunchanety*. Dominus *Adam* de *Novo-Foro*, Dominus *Walterus* de  
*Colemle*, & multi alii. Ignorans igitur Dominus *Simon* Comes *Leycestriae*  
casum fastidiosum Domini *Simonis* filii sui, partes *Herefordiæ* deseruit, & *Sabri-*  
*nam* viriliter transiit in die Sancti *Petri ad vincula*, scilicet die Dominica, & in  
craftino apud *Hemespe* moram faciendo, proposuit prædictum *Edwardum*, &  
*Gilbertum* de *Clare* ex uno latere includere, & filius suus includeret ex altero.  
Die Martis igitur, scilicet pridie nonas Augusti mane versus *Cwesham* iter ar-  
ripuit, cumque ibidem advenisset Dominus Rex cum suis, voluit jentacu-  
lari; quod & factum est, noluit autem Dominus *Simon* de *Monteforti* ibidem  
aliquid cibi capere, post jentaculum igitur Domini Regis iter arripuerunt  
omnes versus *Kelineworthe*, & credidit Dominus *Simon* de *Monte-forti*, quod  
*Simon* filius suus eis in obviam venisset, cum extra villam de *Cwesham* perve-  
nissent, invasit eum dictus *Edwardus* cum exercitu magno, & statim Dominus  
Rex viso Domino *Edwardo* filio suo, Dominum *Simonem* de *Monte forti* de-  
seruit, & initum est prælium hinc & inde, & factum est quod in eodem præ-  
lio succumberet Dominus *Simon* miles emeritus, Comes *Leycestriae*, & Domi-  
nus *Henricus* filius ejus, & Dominus *Hugo* le *Despenser*, & Dominus *Petrus* de  
*Monte forti*, & Dominus *Radulfus* *Basset*, & multi alii. Dominus vero *Simon*

Henric. 3. &amp;

Tonitru  
magn.Simonis fil.  
patri in aux-  
ilium venit,  
& cum Ed-  
wardo infeli-  
citer pugnat.Simon de  
Monte forti  
captus & ca-  
pite trunca-  
tus.



*Henric. 3. R.* de *Monte forti*, capite truncato, membratim decifus, pudibundis suis pro pudor! ablatis, martyrium pro patriæ terræ & Regni reparatione, & matris Ecclesiæ, ut credimus, consummavit gloriosum, quia si vellet apud *Kelneworthe* peroptime confugisset. In eadem igitur hora qua succubuit, facta sunt tonitrua magna, & fulgura, & coruscationes, & sol obscuratus est per universam terram. Et capti sunt in eodem prælio Dominus *Guido* filius Domini *Simonis* de *Monte forti*, Dominus *Vmfridus* de *Boun* juvenis, Dominus *Johannes*, filius *Johannis*, Dominus *Henricus* de *Hastinge*, Dominus *Johannes* de *Wesci*, Dominus *Nicolaus* de *Segrave*, Dominus *Baldewinus Wake*, duo filii Domini *Petri* de *Monte forti*, videlicet Dominus *Petrus* & Dominus *Robertus* de *Dunfort*, & multi alii, & tumulata sunt corpora Domini *Simonis* de *Monteforti*, & *Henrici* filii sui, & Domini *Hugonis Despensatoris*, per licentiam Domini Regis, in Ecclesia Conventuali de *Evesham*, ante magnum altare, ante gradum inferiorem.

Eodem tempore Barones *Hyberniæ*, & Nobiles venerunt in auxilium Domini *Edwardi*, ad mandatum ejus, videlicet Dominus *Mauricius* filius *Geroud*, Dominus *Mauricius* filius *Mauricii*, Dominus *Walterus* de *Burg*, Dominus *Theobaldus* le *Boteller*, & alii quam plures.

Cum igitur Dominus *Simon* juvenis, nimio dolore & pavore perterritus in Castro de *Kelneworthe* confisteret, per consilium suorum, & forte proprio motu ductus, de captivitate carceris dimisit Regem *Alemanniæ* avunculum suum, & Dominum *Reginaldum* filium *Petri*, & alios, quos in custodia sua possidebat apud *Kelneworthe*, & facta sunt hæc VIII. Id. Septembris, dominica videlicet die proxima post Festum Sancti *Egidii* Abbatis.

*Parlamentum  
Magnum ha-  
bit. Wint.*

Ad festum exaltationis Sanctæ crucis factum est Parliamentum magnum apud *Wintoniam*, quo vocati sunt omnes Magnates terræ, & omnes uxores Comitum, Baronum, Militum in bello occisorum, vel captivorum in persona existentium. Mandati sunt insuper omnes Episcopi, Abbates, Priores, Baronias tenentes cum servitio Domini Regis debito. Exceptis quatuor Episcopis, qui vocati ibidem non fuerant, scilicet Episcopus *Lincolniæ*, Episcopus *Londoniæ*, Episcopus *Wyrcestriæ*, Episcopus *Cicestriæ*. Nec potuit illud Parliamentum ibidem determinari, quia *Lewelinus* maximo cum exercitu suorum in partes *Cestriæ* descenderat, omnia quæ poterat vastando, & destruendo, & Castrum de *Hamerclim* usque ad terram subvertit, & hac de causa prolongatum fuit prædictum Parliamentum, usque ad Festum Sancti *Edwardi* apud *Westmonasterium*. Eodem tempore misit Dominus Rex, & Dominus *Edwardus*, Dominum *Mauricium* filium *Geroud*, & Dominum *Hamonem* extraneum contra

*Lewelin. du-  
ces Regis su-  
perat.*

*Lewelinum*; ibidemque advenientes, inito conflictu, hinc inde prædictus *Mauricius*, & *Hamo* in fugam versi evaserunt, militibus suis cum cæteris fervientibus suis sine misericordia occisis. Cum igitur eodem tempore circa festum Sancti *Michaelis*, Dominus Rex & omnes fere Magnates terræ apud *Windsore* lesorez existerent. Quibus *London* mandaverat ut ei Civitatem suam redderent pacifice, ponentes se super misericordia sua, at illi continuo, inito confilio communi, miserunt ad Dominum Regem Majores Civitatis circiter XL. ut ipsi pacificum finem pro omnibus facerent, cum ergo ad *Windsore* venissent conductu Domini *Rogeri* de *Leyburne*, statim mandavit Dominus Rex omnes incarcerari. At illi continuo reddentes claves *London*, communitate Civitatis ejusdem in ..... & sic miserabiliter destructi sunt omnes Majores Civitatis illius, & ad nihilum reddacti pro dolor!

*pro Civibus*

*Majores Civ.  
L. incarce-  
rantur.*

*Comitiss. Lei-  
cest. exhered.*

In Festo Sanctorum *Simonis* & *Judæ* redditum est Castrum *Kelneworthe* Regi, quod Comitissa de *Leycestre* tenuit ad illud tempus, & adjudicata est exheredationi, quod & factum est.

*Simon de  
Monte forti.  
& alii Re-  
belles Regi  
excommuni-  
cantur, & ex-  
heredantur.*

Circa Festum omnium Sanctorum rediit Regina in *Angliam*, una cum Legato à Domino Papa misso nomine *Ottobone*, qui excommunicavit Dominum *Simonem* de *Monte forti* Comitem *Leycestriæ* mortuum, & omnes sibi adhærentes contra justitiam, & pacem Regni, & ad festum Sancti *Edwardi* exheredati sunt



sunt omnes apud **London**, qui arma contra Regem & *Edwardum* filium suum *Henric. 3. R.* portaverunt, & omnes Domino *Simoni* juniori adhærentes, & consilium præbentes post bellum de **Cliffham**, & eodem tempore jussit Dominus Rex removeri omnes postes, & catenas in Civitate **London**, & ita actum est. *Richardus* Rex *Alemanniæ*, nec Comes *Marescallus*, nec Dominus *Philippus Basset*, nec alii Magnates assensum præbebant exhæredationi eorum. Circa Festum Sancti *Edmundi* Regis & Martyris, dimissi sunt de carcere omnes cives **London** præter VII. Circa Festum Sanctæ *Katharinæ* virginis combusta est villa de **Wortlesmepe** à Civibus *Quinque Portuum*, qui nullatenus ad pacem Domini Regis, nec *Edwardi* venire volebant; eo quod Dominus *Edwardus* concives illorum de **Winchelese** suspendisset, & cives **London** sic miserabiliter & viliter tractasset, sibi præcavescentes omnes in mari cum uxoribus, & parvulis se tenuerunt. Damna multa, & enormia, terra marique perpetrantes indefinenter.

In die Sancti *Clementis* Martyris exiit Dominus *Simon* junior de **Monte forti** *Simon junior de Monte-forti Angliam in perpetuum ejurare cogitur.* de castro suo de **Kenilworth**, relinquens ibidem munitionem, & junxit se exhæredatis, ponens se in quadam insula nomine *Arthom* cum eisdem, & Dominus *Edwardus* magno cum exercitu eum ibidem obsedit, ab illo tempore usque ad Natale Domini, & tunc pacificis verbis, & promissionibus, ut ita dicam, duxit eundem apud **Porhamtune**, ubi Dominus Rex, & Regina, & Legatus illo tempore extiterant de pace tractantes. Cumque ibidem advenisset, non potuit ad insulam sicut ei promissum fuerat reverti, quia fraudulenter seductus & deceptus erat. Ibidem inveniens obsides qui pro eo dati fuerant, videlicet *Edmundum* Regis filium, & *Henricum* Regis *Alemanniæ* filium. Videns ergo quod seductus esset, invitus Dominum Regem, & Dominum *Edwardum* **London** sequebatur sub custodia. Ibidem adveniens non post paucos dies adjudicatus est *Angliam* in perpetuum ejurare, ita videlicet quod singulis annis, quo juramentum suum custodiret, de Cancellaria Domini Regis quingentas Marcas Sterlingorum **London** reciperet. Cum igitur sic cum eis invitus detineretur, invitus prædictam pactionem concessit. Postea in sese reversus coepit cogitare qualiter eosdem deferere posset, à quodam suo speciali monitus, si tempus cum eisdem protraheret, carceri perpetuo se in posterum adjudicatum fuisse. Unde sibi præcavens, dirum carceris perpetui nocumentum, si expectaret, recognoscens, die mercurii, quo dantur cineres, videlicet *Simon liberat. rebellis. se jungit.* die Sanctæ *Scholasticæ* virginis, in nocte eadem privatim cum cautela maxima de civitate **London** cum suis omnibus recessit, & statim civibus *Quinque Portuum* apud **Winchelse** existentibus, & adventum ejus expectantibus sese conjunxit, & cum eisdem diu in mari permansit.

Hoc anno, quarto Kalendas Decembris, Sabbato videlicet ante primam dominicam adventus Domini, aqua fluminis alveum suum consuetum transcendens impegit in omnes officinas Abbatiae in locis inferioribus fitas. Quam ob causam turbato Conventu quidam in Ecclesia, quidam in thesauraria, quidam in cella hospitem, prout poterant, noctem subsequenter transegerunt, multis etiam diebus in mundificatione domorum occupantur.

## M C C L X V I.

1266

Cum Dominus Rex recessum Domini *Simonis* junioris de **Monte forti** audisset, filium suum *Edwardum* ad mare misit cum comitatu permaximo, ut rebellantes ad pacem suam qualemcunque reduceret, vel eosdem pro posse suo de terra ejiceret, & omnino destrueret. Dominus igitur *Edwardus* cum suis ibidem adveniens, eos stricte per exploratores suos undique exploravit, sicque factum est, quod circa Festum Sanctarum virginum *Perpetuæ* & *Felicitatis* conflictum habuit cum civibus de **Winchelse**, in eadem villa, ubi multi ex eis corruerunt, & plurimi in fugam versus mare conversi miserabiliter submersi sunt: & eorum principalis captus est, nomine *Henricus Dehune*, quem Dominus *Edwardus* statim voluit suspendere, sed Dominus *Gilbertus* de **Clare** nec sui volebant pati, quia per illum cæteros ad pacem Domini Regis *Edward. adversus Simonem mittitur.*



*Henric. 3. R.* facilius credebant revocare, quod & factum est. Pacificati sunt circa Festum Annunciationis Beatae *Mariae*, tali sub forma, videlicet quod omnes libertates & consuetudines, secundum quod in Carta sua antiqua contineretur, ex integro haberent, sine aliquo contradicito, & sine exhæredatione, & mala, quæ peracta sunt, sic remaneant, & amissa amittantur.

A tempore autem quod Dominus *Simon* junior de *Monte-forti* exivit de *Helinworth*, non cessabant ibi qui castrum tenebant prædari, & vastare, atque destruere totam adjacentem patriam, spoliantes & fines capientes ab Abbatibus & Prioribus, & Prælatibus sibi vicinis; nec alicui voluerunt reddere castrum, neque Domino *Simoni* Juniori de *Monte forti*, neque Domino Regi, neque Domino *Edwardo*, nisi Comitissa *Leicestria* Personaliter advenisset ibidem. Qua de causa Dominus Rex fecit submonere omnes sibi servitium debentes, ut essent contra eum apud *Oxoniam*, cum servitio sibi debito, in tertia hebdomada post pascha clausum, & de qualibet villa in *Barkshire*, & *Oxoniam* quatuor aut quinque homines, secundum quod essent magnæ aut parvæ ad custodiendam villam *Oxoniam*, contra prædictos de *Helinworth*, quia *Oxonienſes* adventum eorum & proterviam dubitabant.

Eodem tempore in crastino Sancti *Elfegi* venit Rex *Oxoniam* cum exercitu magno armatorum, & jacuit in castro ejusdem villæ, die Martis proxima post Festum Sancti *Marci* Evangelistæ, scilicet v. Kal. Maii, recessit Dominus Rex de *Oxoniam* versus *Porthampton* cum exercitu maximo, ad obsidendum, ut dictum fuit, Castrum de *Helinworth*, & statim post recessum suum interdicta est villa *Oxoniam* per duos dies & dimidium. Eodem tempore duxit Dominus exercitum suum versus *Lincolniam*, quia capta fuit civitas à Baronibus exhæredatis, qui tunc in omni patria *Angliæ* cum exercitibus multa mala perpetrarunt.

*Prælium inter rebelles & exerc. Reg.*

Hoc tempore Id. Maii, scilicet in vigilia Pentecostæ, initum est prælium inter exhæredatos & exercitum Regis apud *Cestfield*, ubi captus fuit *Robertus* Comes de *Ferrariis*, & die Jovis proxima sequenti Dominus *Adam Gurdon* in Foresta de *Aultone*, & in vigilia Pentecostæ, succubuit omnis exercitus *Rogeri* de *Mortuo Mari* apud *Brethenauch*, & ipse solus vix evasit.

*Castr. de Kelinw. obsidetur ab Edw.*

Eodem tempore III. Kalendas Junii, circa horam vi. apparuit quidam circulus magnus & albus in medio firmamenti, & alius circulus velut Iridis fecavit medium illius magni circuli, & fuit ille semicirculus juxta solem ex parte Aquilonis, & circa horam nonam disparuit circulus albus, & semicirculus Iridis factus est circulus integer & magnus, & sol lucens in medio circuli. Visa est etiam Luna eadem hora versus occidentem, cujus duo cornua versus terram dependebant, in crastino autem, scilicet in die Sanctæ *Petronillæ* virginis visus est iterum circulus Iridis magnus, & Sol in medio, circa horam sextam; sed parum duravit. Die Lunæ proxima ante Festum Sancti *Johannis Baptiste*, misit Dominus Rex Dominum *Edwardum* filium suum cum exercitu maximo de *Warewike* versus castrum de *Helinworth*; ut illud obsiderent, sed pauci de castro exeuntes, cæteros omnes usque ad *Warewike* festinanter retruſerunt. Ab illo igitur die cœpit obsidium circa castrum, quo Dominus Rex juravit quod inde non removeret se quousque castrum redderetur aut vi caperetur, circa Festum Sanctorum *Proceſſi* & *Martiniani* movit se Dominus Legatus cum Archiepiscopo *Cantuarie*, & duobus Episcopis de *London*, versus *Kenilworth*, ad confirmandam pacem inter Dominum Regem, & Barones exhæredatos, & stetit ibidem per quindenam, sed nihil perfecit, unde excommunicavit *Castrenſes*, & omnes eis adhærentes, & auxilium aut consilium præbentes, aut voluntate sibi consentientes. Eodem tempore Dominus *Johannes* de *Doybyle* cum exhæredatis cepit insulam de *Elly*, & villam, spoliantes & deprædantes totam provinciam in Comitatu *Grandebrigge*, & ibidem Judæos occidentes & omnino destruentes, mala multa & enormia undique perpetrantes.

*Parliamentum magnum habetur ex-*

Ad festum Sancti *Bartholomæi* Apostoli, factum est Parliamentum magnum apud *Kenilworth*, ubi Dominus Rex *Henricus* concessit Baronibus suis anti-

quam



quam Cartam, & requisivit decimam per triennium totius Ecclesiæ Anglicanæ, *Henric. R. 3. heredator. causa.* responsumque fuit communiter, & Legatus assensum præbuit, quia primi formarent pacem, si qua posset fieri, & postea super hujus responsum Domino Regi facerent, quod Dominus Rex bene concessit. Provisum igitur ibidem est per assensum Regis, *Edwardi*, Legati, Episcoporum, Abbatum, Baronum omnium ibidem existentium, ut eligerentur sex viri, tres Episcopi, & tres Barones indigenæ, ipsique sex alios sex eligerent Episcopos & Barones indigenas, & terram diligentes; & si qua dissensio inter Duodecim oriatur, adjungatur eis Legatus & Dominus *Henricus* filius Regis *Alemanniæ*, illamque dissensionem corrigant. Electi sunt sex, scilicet Episcopus *Batonia*, Magister *Wilhelmus Giffard* tunc Cancellarius; Episcopus *Wigornia*, Magister *Nicolaus de Eli*; Episcopus *Exonia* Magister *Walterus*; Dominus *Rogerus de Sumeri*, Dominus *Rob. Walteram*, Dominus *Alanus de la Souche*, & isti juncti elegerunt sex alios, qui ordinarent de statu Regni, videlicet Comitem *Gloverniæ*, Comitem de *Clare*; Comitem *Herfordiæ*, *Hunfridum de Boune*; Episcopum de Sancto *David*, & Dominum *Johannem de Bayloll*, Dominum *Philippum Basset*, Dominum *Warinum de Basseageburne*.

Factum est autem quod Dominus Rex vocasset omnes Episcopos, Abbates Priores, Comites, Barones apud *Northampton*, die Martis proxima ante festum omnium Sanctorum, ad confirmandam pronunciationem Duodecim, & facta pronunciatione, adjudicati sunt terris suis omnes exhæredati: Ita videlicet quod extenderentur terræ eorum, & secundum valorem terrarum eorundem, facerent reddere portionem suam, alii per quinquennium, alii per annos quatuor, alii per triennium, alii per biennium, secundum quod magis aut minus deliquerant. Obiit Magister *Simon de Walton* Episcopus *Normicensis*, *Sim. de Walt. & Walterus obeunt.* cui successit Prior ejusdem Domus. Obiit Magister *Walterus de Cantelo Wigorniensis* Episcopus, cui successit Magister *Nicolaus de Eli*.

*Dompnus Radulphus XI.* Abbas *Waverley*, vir quidem morum honestate & scientiæ probitate non mediocriter adornatus, sed infirmitatis importunitate, ac laboris fatigatione præpeditus cessit, cui quidam Monachus ejusdem loci *Wilhelmus* videlicet de *London* ejusdem notarius successit. Eodem anno suspensi sunt ab officio & beneficio *London* & *Cycestre* Episcopi, per Dominum *Othobonum* Legatum, qui post suas appellationes transfretaverunt: similiter Dominus *J. Wintoniensis* Episcopus, tunc temporis suspensus, *Romam* profectus est. Item facta est congressio inter Piratas & quosdam Milites Domini *Edwardi* apud *Wynchelsey*, ubi *H. Dedon* captus est, & plures alii interfecti quarto Nonas Maii. Item septimo Kalendas Julii Dominus Rex *Henricus* Castrum de *Henlyworth* obsedit, quod redditum fuit sibi circa festum Sanctæ *Luciæ* eodem anno. Item hoc anno natus est Domino *Edwardo* filius nomine *Johannes*, qui postea sub custodia *Richardi* Regis *Alemanniæ*, anno *MCCCLXXII.* mortuus est. *Edwardo filius nascitur.* Item capta est insula de *Eli* per *Johannem Dayvillum*, & alios exhæredatos de Boreali parte, mense Augusti. Item ad instantiam Legati Dominus Rex submisit se & suos dicto quatuor Episcoporum, quatuor Comitum, quatuor Baronum, ut ipsi duodecim pacem & tranquillitatem Regni *Angliæ* reformarent, qui dictum suum pronunciaverunt apud *Northampton*, die Lunæ proxima ante festum omnium Sanctorum. Item hoc anno concessa est Domino Regi decima omnium Ecclesiarum & omnium bonorum Religiosorum *Decima Regi conceditur.* & Ecclesiasticarum personarum *Angliæ, Walliæ, Hyberniæ, & Scotiæ*, exceptis Templariis, Hospitalariis, & Ordine *Cisterciensi* per tres annos. Item hoc anno celebravit Dominus Rex suum natale apud *Oxoniam*, scilicet apud *Glouce* & Dominus Legatus cum eo; ubi quidam de familia Legati erant interfecti. Item Magister *Walterus Giffard* ab Episcopatu *Witowod* Archiepiscopatum *Eborum* postulatus, à Domino Papa confirmatus est sexto Idus Aprilis.

MCCCLXVII.

*G. Comes Gloverniæ* cum suo exercitu per cautelam intravit Civitatem *London* Domino *O.* Legato in turri existente, & ibidem tenuit festum Paschæ, *Londin. à Rebellib. astu occupatur.* ubi

1267



*Henric. 3. R.* ubi exhæredati ad ipsum tanquam ad suum tutorem undique veniebant, & cum ipso moram faciebant. Hoc cognito Domino Regi, dicto Comiti mandavit, *ut exiret civitatem; quod ni fecerit, ipse illas partes adiret, & quicquid sua vesania & ceteri exhæredati sibi eripuerint, mediantibus gladiis restituere conaretur.* Postea Dominus Rex adivit **Windsor**, & ibi collegit exercitum suum, & **III. Non. Maii** cum **cix. vexillis** profectus est versus **London**. Tamen cum pervenisset apud **Stratford**, fixit ibi tentoria sua & moram fecit ibidem per **x septimanas**, ubi multi de pace reformanda tractaverunt. Tandem **viii Id. Junii** dictus Comes *Glovernæ* in forma pacis reddidit Domino Regi Civitatem, & tunc multi exhæredati erga Dominum Regem pacificati sunt, ad instantiam dicti Comitis & aliorum Comitum & Baronum *Angliæ*.

*Civitas Regi redditur.*

*Pax inter Regem & Lewelinum.*

Item quarto nonas Augusti venit dictus Legatus *Wintoniensis*, & cum solemni processione susceptus est, qui die Sancti *Oswaldi* Regis & Martyris Ecclesiam Sancti *Swithuni* visitavit, & septimo idus Augusti Prioratum, quem *Valentinus* prius resignaverat, ordinavit, & custodes in Prioratu constituit, & omnem curam concessit eisdem, & inde profectus est Dominus Legatus versus *Walliam* ad pacificandum Principem *Walliæ*, & Regem. Exin pacificati sunt Dominus Rex & *Lewelinus* apud **Slopesbyre**, & ibi recepit Dominus Rex homagium suum.

*Abbat. de Hyda interdicta.*

Item **xix. Kalend. Augusti** venit Dominus *Edwardus* apud **Wynton**, & inde ad insulam *Vectam* profectus est, & eam cepit, & custodiæ suorum mancipavit. Item **III. Kal. Novembris** venit Dominus Rex *Wintoniam*; & cum solemni processione receptus est.

Item **v. Id. Decemb.** venit Legatus **Wynton**; & ad Abbatiam de *Hyda* declinavit, qui cum una cum Domino Rege *Natle Domini* celebrasset ibidem, quinto die, scilicet in festo Beati *Thomæ* Martyris mane recedens, interdixit dictam Abbatiam & Ecclesiam, propter quandam pugnam factam inter homines ipsius Legati & homines Abbatis, & duravit illud interdictum per quatuor septimanas.

1268

MCCLXVIII.

*Tonitru & Vent. Magn.*

Pridie Idus Januarii auditum est tonitruum, & fuit coruscatio & grando apud **Wynton**, post celebrationem magnæ Missæ. Item **xix. Kalend. Februarii** ventus vehemens, ita quod arbores evelleret, domos prosterneret, & Ecclesias, & campanile Sanctæ *Catarinæ*. Hoc anno Obiit *Johannes* Episcopus *Wintoniæ* in curiis *Romanis*, **xiii. Kal. Febru.** cui successit *Nic. de Ely* Episcopus *Wigorniensis* **vi. Kal. Martii**, per ordinationem Domini Papæ *Clementis*.

*Concil. Lond.*

Item **xix. Kal. Maii** celebravit Dominus Legatus concilium suum **London** in Ecclesia Sancti *Pauli*. Ubi varias constitutiones & statuta præcepit observari.

*Edward. & frater ejus cruce signati.*

Inde profectus versus **Porthampton**, ubi Dominus Rex & alii Magnates Regni magnum Parliamentum tenuerunt, præfente Legato, ipse Legatus petiit abeundi licentiam, & repatriandi, ubi Dominus *Edwardus* & *Edmundus* frater ejus, & multi Magnates Regni sunt ab eo cruce signati.

*Parlam. Winton. celebr.*

Item ad instantiam Domini Legati in crastino depositionis Sancti *Swithuni* *Valentinus* in Priorem **Wynton** restitutus est, ordinatione tamen Legati illæsa permanente. Item Magister *Godefridus Gysard* Cancellarius Domini Regis in Episcopum *Wigornensem* Electus ab Archiepiscopo *Cantuariensi* confirmatus est. Item **xviii. Kal. Novembris** tenuit Rex Parliamentum suum apud **Wynton**, in quo fecit *Edwardum* filium suum Senescallum *Angliæ*, & ibidem tenuit Rex natale suum, ubi constituit Dominum *Edwardum* custodem **London**, & omnium Castellorum suorum in *Anglia*. Item **III. Kalendarum Decembris** obiit Papa *Clemens*, & dictus Legatus recedens de *Anglia* transfretavit. Item obiit *P. de Cogleblanche* Episcopus *Werford*, cui successit *Johannes Bretun*, & anno sequenti apud *Waverleiam* consecratus est.

*Clemens Pap. ob.*



## MCCLXIX.

1269

Hoc anno translatum est corpus Sancti *Edwardi* Regis gloriosi, & Confessoris de veteri feretro in novum, quod Dominus Rex igitur præparaverat, ad quem diem facta convocatione Episcoporum, Comitum, Baronum, Abbatum, Priorum, & multorum aliorum, proposuit Rex portasse coronam, unde vendicantibus igitur jus, & consuetudinem de Pincernaria *Wintoniensibus*, & *Londoniensibus*, quibus noluit Dominus Rex ut quis eorum serviret propter discordiam, & periculum quod posset imminere, sed iussit utramque partem discumbere; unde *Londonienses* indignantes recesserunt, *Wintonienses* vero remanserunt comedentes, & bibentes in curiis, & cum licentia Domini Regis recedentes remearunt ad propria. Item iv. Nonis Junii consecratus est *Johannes Breton* in Episcopum *Hereford* apud *Waverly* à Domino N. Episcopo *Wintoniæ*.

*Henric. 3. R.*  
*Translatio*  
*corporis Ed-*  
*wardi.*

Item ix. Kalend. Septembris Dominus *Richardus* Rex *Alemanniæ*, tunc *Alemanniam* reversus applicuit, & venit *Wintoniam*. Item iii. Idus Aprilis scilicet vi. feria ante Pascha arripuit *Lodovicus* Rex *Franciæ* Iter versus Terram Sanctam.

*R. Rich. ex*  
*Aleman. re-*  
*dit.*

## MCCLXX.

1270

Hoc anno factum est Parliamentum omnium Magnatum *Angliæ* ad tractandum de vicefima, & de itinere cruce signatorum, & Domini *Edwardi* & aliorum Magnatum Regni. Quod cum tractatum esset, tandem compromiserunt omnes se posituros in ordinatione Domini *Richardi* Regis *Alemanniæ*, ut quod ille pronunciaret omnes tenerent. Cujus pronuntiationi non consentiebant *G. Comes de Gloucestria*, & multi alii, \* bene prolongatum fuit illud negotium usque post Oct. Sancti *Johannis Baptistæ*. Item xviii. Calend. Junii audita sunt tonitrua, coruscationes, & fulgura, à mane usque ad noctem sine cessatione. Item post Octavas Sancti *Johannis* convenerunt omnes fere Magnates apud *London*, ad tractandum de præmissis. Interim orta est discordia inter *J. Comitem de Warren*, & *Alanum la Zuche* coram justitiariis de Banco *London*. Ubi dictus *Alanus* lethaliter fuit vulneratus, unde postea obiit. Dictus etiam Comes de *Warren* à die Dominica post festum Sancti *Petri ad vincula* apud *Wintoniam* juramento xxv. militum præstito, quod ex præcogitata malicia non perpetravit dictum facinus, nec in contemptum Domini Regis, per mille Marcas & ducentas pacificatus est Domino Regi.

*Parliamen-*  
*tum agitur.*

*Discordia in-*  
*ter C. de War.*  
*& Alan. de*  
*la Zuche.*

Item Dominus *Edwardus* in Castello *Wynton* petita à Domino Rege licentia transfretandi versus Terram Sanctam venit in Capitulo *Wynton* Nonis Augusti, & accepit licentiam à Conventu, rogans humiliter ut pro se orarent, & ergo iter versus *Portemuth*, ubi transfretari proposuerat, arripuit. Et cum eo Dominus *W. de Valentia* Dominus *Tho. de Clare*, Dominus *Rogerus de Clyfford* & multi alii qui mutato proposito *Cantuariam* adierunt, & apud *Drobermiam* transfretarunt xiv. Kalend. Septembris

*Edwardi ex-*  
*peditio in*  
*Ter. S.*

Item xv. Kalend. Augusti obiit *Bonifacius* Archiepiscopus *Cantuariensis*, & venerunt Monachi *Cantuarienses* apud *Wynton* ipsius mortem nuntiantes Domino Regi, & petentes licentiam eligendi, quod circa Festum Assumptionis apud *Clarendon* obtinuerunt, & eligentes suum Priorem in Archiepiscopum, præsentaverunt eum Domino Regi apud *Woodstock* in crastino Nativitatis Beatae Mariæ, quod negotium distulit Rex usque ad Festum translationis beati *Edwardi*.

*Archiep. Can-*  
*tuar. ob.*

Item obiit *Lodovicus* Rex *Franciæ* versus Terram Sanctam, in insula quæ vocatur *Tunitis*, cujus Corpus delatum est *Parisiis* & ibidem sepultum, & statim coronatus est *Philippus* filius ejus in Regem. Item obiit *Eufemia* Abbatissa Sanctæ Mariæ *Wintoniæ*, xii. Kalend. Septembris, cui successit *Tulia* Priorissa ejusdem Monasterii, quam Dominus Rex in vigiliis Sancti *Nicolai* sibi præsentatam in Castro *Wintoniæ* gratanter recepit.

*Ludovic.*  
*Fran. R. ob.*

Item Dominus Rex Festum Natalis Domini celebravit ibidem, & crastino *Tho.* Martyris inde recessit versus *London*.



1271

MCCLXXI.

*Henric. 3. R.* Hoc anno III. Nonarum Januarii obiit *Walterus de la Wyle* Episcopus *Sarum*, & electus est Magister *Robertus de Wythampton* Decanus *Sarum* VII. Kal. Martii. Post Oct. Epiphaniæ Magnates Regni Parliamentum suum tenuerunt *London*, ubi per comunem assensum Domini *Richardi* Regis *Alemannie*, *G. Comitis Gloverniæ*, *Phil. Basseth*, & aliorum, exhæredatis concessæ sunt terræ eorum.

*Fil. Rich. R.* Interfectus est Dominus *Henricus* filius Regis *Alemannie* apud *Uiterbe*, in Ecclesia Sancti *Silvestri* ante altare, IV. Id. Martii, per *Simonem*, & *G. Widon* de *Monte forti*, cujus corpus delatum est in *Angliam*, & sepultum apud *Wexles* XII. Kalend. Junii. Item IV. Nonis Julii ventus vehemens, & pluvia, ita ut arbores prosterneret, & fructus evelleret.

*Edmund.* Item secunda Hebdomada XL. transfretavit Dominus *Edmundus* filius Regis *Henrici* versus Terram Sanctam, qui parum autem non profecit ibidem. In secunda Hebdomada XL. fecit Dominus *N.* Episcopus *Wintoniensis* suam visitationem in Ecclesia *Wynton*, feria II. & apud *Hydam* feria III. & in Abbatia Sanctimonialium Sancti *Martyris*, feria IV. & postea per Episcopatum. Item feria II. XL. convocatio Episcoporum apud *Rading*, ad tractandum de jurisdictione *Cantuariensis* Ecclesiæ, utrum ipsi Episcopi deberent obedire capitulo *Cantuariensi*, an non, & factis interlocutionibus, appellatum est à Monachis *Cantuariæ* ad sedem Apostolicam, ne aliquid attemptaretur in præjudicium Ecclesiæ suæ.

*Convocatio* Item convocatio Abbatum, & Priorum Nigri Ordinis apud *Grenesford*, post clausum Pascha, ubi præsidebant de *Cveshem*, & de *Wythecumbe* Abbates.

Item V. Kalend. Augusti sederunt apud *Wynton* iustitarii ad deliberandum carcerem, & ad inquirendum de aliis, scilicet Dominus *W. de Wynteshull*, & alii.

*Philip. Basseth ob.* Item obiit Dominus *Ph. Basseth* in fine mensis Octobris, & Sepultus est apud *Stanleyam*.

Item hoc anno tenuit Dominus Rex suum natale apud *Wynton* in Castello, & moram traxit ibidem causa infirmitatis suæ, usque post Epiphaniam Domini.

1272

MCCLXXII.

*Greg. x. Papa consecratur.* Hoc anno recessit Dominus Rex *Henricus* de *Wintonia*, post Epiphaniam, quia Iustitarii itinerantes sc. Magister *Rogerus* de *Seitonia* & socii sui federe debebant ibidem. Item Archidiaconus de *Leges* Apostolicæ sedis Electus, rediens de Terra Sancta venit *Romam* in vigiliis Sancti *Gregorii*, & in media Quadragesima consecratus in Papam *Gregorius* decimus vocatus est.

*Richard. Alem. Rex ob.* Item obiit *Richardus* rex *Alemannie* apud *Berkhamsted*, & sepultus est apud *Wexles*, cui successit *Edmundus* filius ejus in hæreditatem Comitatus *Cornubiæ*, & suum fecit homagium Domino Regi.

*Dissensio inter cives & Monach. Norwic.* Item orta est dissensio inter *Normicenses* & Monachos sc. ejusdem loci, unde per cives combustum fuit Monasterium, cum omnibus fere Domibus Prioratus. Quare Dominus Rex non multo post partes illas adivit, & facta diligenti inquisitione de malefactoribus, quosdam fecit equis trahi, alios igne cremari, alios suspendi, & alios incarcerari.

*Edmund. & Henr. de Lacy Milites creantur.* Item *Edmundus* filius Regis *Alemannie*, qui jam duxit sororem *G. Comitis Glober* in uxorem, una cum *Henrico* de *Lacy* f. Comitis *Lincolniæ* factus est Miles, adnominante Rege *Henrico*, III. Idus Octobris, sc. in festo Sancti *Edwardi* Regis & Confessoris apud *Westmonasterium*, cum quibus ipso die multi alii Milites facti erant.

*Inundatio max.* Item inundatio maxima pluviarum, quæ duravit à tempore nundinarum Sancti *Egidii* usque post festum Sanctæ *Ceciliæ* fere cum continuatione.

*Henric. R. Angliæ ob.* Item hoc anno sc. XVI. Kal. Decem. obiit *Henricus* Rex *Angliæ* III. apud *Westmonasterium*, & die Dominica sequenti, sc. in festo Sancti *Edmundi* Regis



gis & Martyris sepultus est in Monasterio novo *Westmonasterii*, ante magnum *Henric. 3. R.* altare.

Item regressus est *Edmundus* filius Regis *Anglorum* de Terra Sancta & applicuit in *Angliam* circa Festum Sancti *Nicolai*, & die Lunæ in vigiliis Sanctæ *Luciæ* virginis & Martyris, se Dominæ Reginæ matri suæ repræsentavit. *Edmund. in Angl. redit.*

Item antequam corpus Regis *Henrici* traditum esset sepulturæ, *G. Comes Gloucestriæ* in præsentia Domini Archiepiscopi *Eboracensis* & aliorum Episcoporum; Comitum, & Baronum ibidem existentium; nullius coertione, sed propria voluntate ductus, tractis Sacrosanctis, corporale præstitit juramentum, quod pacem Regni pro viribus custodiret, & fidelitatem Domino *Edwardo* tanquam Domino suo per omnia observaret. Similiter dictus Archiepiscopus *Eboracensis*, & etiam *Herefordensis*, & *Warenniæ* Comites, & multi alii, qui tunc præsentis erant ibidem. *Juramentum fidelitatis Edwardo præstitum.*

Item cum Dominus Papa, vacante sede *Cantuariensis*, per resignationem Prioris *Cantuariensis*, qui electus fuerat in Archiepiscopum, quam apud sedem Apostolicam fecerat, Ecclesiæ *Cantuariensi* providisset de fratre *Roberto* de *Hilwardby*, de Ordine Prædicatorum: Idem *Robertus* die Dominica proxima ante Festum beatæ *Luciæ* virginis & Martyris, sc. III. Idus Decembr. per Episcopum *Oxoniensem* spiritualia Ecclesiæ *Cantuariensis* recepit, apud *Londoniam*, & feria secunda temporalia Archiepiscopatus, & feria tertia sequente traditum fuit sibi sigillum officialitatis ejusdem.

## M C C L X X I I I.

Hoc anno, sc. post Festum Sancti *Hilarii*, facta convocatione omnium Prælatorum, & aliorum Magnatum Regni apud *Westmonasterium*, post mortem illustis Regis *Henrici*, convenerunt Archiepiscopi, Episcopi, Comites, & Barones, Abbates & Piores, & de quolibet Comitatu quatuor Milites, & de quolibet civitate quatuor, qui omnes in præsentia Dominorum *Williemi* sc. Archiepiscopi *Eboracensis*, *Roberti* de *Mortuo mari*, & *R. Burnell* Clerici, qui in loco Domini Regis *Anglorum Edwardi* præfuerunt, Sacramentum eidem Domino *Edwardo* tanquam terræ Principi præfecerunt, & de pace Regni firmiter & fideliter custodienda præceptum susceperunt, ubi Dominus *W. de Mertone* Cancellarius constitutus est, & ut moram trahat apud *Westmonasterium* tanquam in loco publico, usque ad adventum Principis. Et ibi provisum est quod nulli sint Justitarii itinerantes usque ad adventum Principis, sed in Banco. Eodem anno & eodem tempore venerunt nuntii Domini Papæ *Londoniam*, qui supplicationem ipsius Clero Regni destinam, sc. ut decimam omnium bonorum Ecclesiasticorum per biennium Domino *Edwardo* & ejus Germano pro eorum damnis & expensis in terra sancta concederent, ostenderunt, super hoc deferentes & ostendentes quosdam articulos Apostolicæ potestatis, super quibus inquireretur, prout inferius continentur, videlicet.

1273  
*Edwardus Rex proclamatur.*

*Decimam bonorum Ecclesiarum Edwardo concedit Papa.*

De infringentibus jura Ecclesiastica & Libertates.

De Bonis Episcoporum aliorumque Prælatorum defunctorum ab intestato.

De Indistincte Legatis.

De Legatis in terram sanctam.

De Pecunia Ecclesiæ Romanæ debita ex quacunque causa.

De Percussoribus Clericorum.

De Dispensatione tenentibus Ecclesias.

De Clericis portantibus arma illicite.

De Clericis homicidis tenentibus Ecclesias.

De Clericis incendiariis.

De Clericis uxoris beneficiatis.

De Clericis publicæ fornicariis.

De Clericis intrusoribus.

De Falsariis & de falso convictis.

De Votis terræ sanctæ factis.



Edwardus R.

- De Promissis terræ sanctæ retentis.
- De Administrationibus executorum.
- De Pluralitate beneficiorum.
- De Assequentibus Ecclesias per *Simoniam*.
- De Excommunicatis beneficiatis.
- De Bonis cruce signatorum defunctorum.
- De Impugnantibus Ecclesiam *Romanam*.
- De Bonis Ecclesiasticis invasivis & per quos.
- De Causis cruce signatorum.
- De Bigamis promotis in Prælatos.
- De Incontinentia Episcoporum aliorumque Prælatorum.
- De Prælati mercatoribus & negotiatoribus.
- De Contemnentibus mandatum Apostolicum.
- De Clericis perjuris & sacrilegis.
- De Prælati aliisque Clericis usurariis.
- De Admittentibus Ecclesias in manibus Laicorum.
- De Appellantibus ab Archiepiscopis tuendis.
- De Monasteriis ad Ecclesiam *Romanam* spectantibus visitandis.
- De Ecclesiis in proprios usus tentis, & ab Episcopis parte vel per totum concessis.
- De Ecclesiis divisis per Episcopos ut partem habeant portionum earundem.
- De Excommunicatis per iudices delegatos capiendis.
- De Exeuntibus religionem post habitum professionis sumtum.
- De filiis Episcoporum aliorumque Prælatorum promotis ad sacros ordines, & beneficia & promotoribus eorundem.
- De Clericis beneficiatis secularibus negotiis se immiscensibus.
- De Clericis, vel aliis Justitiariorum advocatis, Curie secularis beneficiatis.
- De Episcopis aliisque Clericis irregularibus ex quacunque causa.
- De Episcopis aliisque Prælati post excommunicationem divina celebrantibus.
- De Bonis Ecclesiarum sequestratis in usus quorum sunt conversæ.
- De Prælati & aliis rectoribus Ecclesiarum infamibus, & excommunicatis.
- De Episcopis & aliis Ecclesiarum Prælati non sufficienter literatis.
- De Bonis & fructibus in quibus rectores non resident.
- De Fructibus vacantium Ecclesiarum de jure ex quacunque causa.
- De multis, poenitentibus & condemnatis inflictiis per Ordinarium.

Henric. Ep.  
Lond. obiit.

Item eodem anno *Henricus* Episcopus *Londoniensis*, qui per Legatum, ut supra, suspensus fuerat, & ad Curiam Romanam destinatus, de ipsa Curia Romana est reversus circa Purificationem Beatæ Mariæ, gratia Domini Papæ obtenta, qui obiit eodem anno, mense Augusti.

Item Dominica prima Quadragesimæ sc. iv. Id. Martii consecratus fuit frater R. de *Hildberby* in Archiepiscopum *Cantuariensem* apud *Cantuarium*, non tamen intraturus, quia pallium dignitatis à Curia Romana nondum susceperat, quo postmodum, sc. viii. Idus Maii, suscepto, & sibi imposito per manus N. *Wintoniensis*, & W. *Exoniensis* Episcoporum, apud *Tenham*, incathedratus fuit mense Septembri, circa Nativitatem Beatæ Mariæ.

Decima Ec-  
cles. &c. con-  
ceditur Ed-  
ward.

Item concessa est decima Ecclesiarum & Religiosorum Domino *Edwardo* & ejus germano, ad supplicationem Domini Papæ, ut sit pro duobus annis; fere tota soluta est hoc anno.

Pluviae & in-  
undationes.

Item pluviae & inundationes multæ per totum mensem Martii, & in fine mensis ventus validus per diem & noctem, qui domos, montes, & arbores per loca ad terram prostravit.



Item VI. Idus Maii transfretaverunt *Wintoniensis, Wigorniensis & Exoniensis* Edwardus R. Episcopi, in occursum Domino *Edwardo*, qui ipso anno de Terra Sancta reversus *Parisiis* venit, & inde reversus est in *Wasconiam*.

## M C C L X X I V.

1274.

Hoc anno *Andreas*, qui quondam fuit Prior *Wintoniensis*, rediit de Curia *Romanâ*, & venit *Wintoniam* VI. Kal. Febru. in manu forti, cum multitudine armatorum, & positis per Episcopum custodibus in Ecclesia Sancti *Swithini*, ne ingrederetur, interea die sequenti insultum fecerunt qui secum venerant, ut in possessionem dicti Prioratus inducerentur. Unde Dominus Episcopus per Fratres Prædicatores petito respectu usque in crastinum, ut sibi melius confuleret, vocatis undique hominibus suis, munivit Ecclesiam. Quo facto videns *Andreas* quod non potuit suum propositum adimplere, recessit II. Kal. Februarii mane. Episcopus eodem die, convocatis omnibus sacerdotibus in capitulo Sancti *Swithini*, excommunicavit & excommunicare fecit omnes Monachos ejusdem Monasterii, qui dicto *Andreae* consilium & favorem præbuerunt; & etiam omnes de civitate, qui sibi consilium, auxilium & favorem impenderunt; nec non ipsum *Andream*, & omnes qui in auxilium ipsius insultum fecerunt contra Ecclesiam, ut supra dictum est, & dictam civitatem ipso die posuit sub interdicto. Septimo die sequente, quod fuit VII. Idus Februarii, facta inquisitione per illos de civitate, de his qui dicto *Andreae* consilium & auxilium impenderunt, quando prædictum insultum fecerunt, relaxavit Episcopus dictum interdictum. Medio tempore cum contentio quædam esset inter illos de civitate *Winton*, & dissensio facta inter partes, datum est consilio Domini Regis intelligi per illos XXIV. juratos de civitate, quod non potuerunt ipsam civitatem regere, & pacem ipsius custodire, nec delinquentes castigare, sicut debuerunt. Ex his quidem prædictis assumpta occasione, Dominus *Rogerus* de *Mortuo mari*, & Dominus *Nicolaus* de *Stapleton* Justitarii Domini Regis *Wintoniam* accedentes, tam per forinfecos de Comitatu, quam per illos de civitate, diligentes fecerunt inquisitiones super omnibus supradictis, quæ ad perturbationem pacis acta sunt, ut supra dictum est, unde complures irretiti & culpabiles inventi, capti & incarcerati fuerunt, & quidam in fugam latenter iverunt, quanquam ad tempus. Archidiaconus quidem *Roffensis*, qui ob causam præfati *Andreae* tanquam iudex ipsius venerat *Wintoniam*, & moram per aliquod tempus faceret ibidem, cum ad septem articulos sibi obiectos per dictum Domini *Rob.* de *Mortuo mari* in quibus dicebatur *se egisse contra pacem regni, nolisset respondere*, tanquam pacis perturbator & Regiæ Majestatis contemtor ductus in Castrum *Wintoniæ*, & ibid. detentus per plures dies præcepto dicti Domini *Rob.* de *Mortuo mari*, deliberatus ad propria remeavit, & post paucos dies obiit. Non multo post quidem obiit frater ejus *Laurentius* sc. de Sancto *Martino* Episcopus *Roffensis*, cui successit Dominus *W.* de *Merton*, & a Domino Rege *Edwardo* admissus, & ab *Rob.* Archiepiscopo *Cantuariensi* confirmatus & consecratus XII. Kal. Novembris, anno eodem apud *Roffen*.

*Andreas Prioratum Winton. frustra occupare nititur.*

*Ep. Roff. ob.*

Eodem anno consecratus est Magister *Johannes* de *Cheshull* in Episcopum *Londoniæ*, penultima die Aprilis.

Eodem anno facta convocatione omnium Prælatorum Christianitatis apud *Lugdunum*, celebravit Dominus Papa *Gregorius* X. magnum concilium suum, à principio mensis Maii usque ad festum *Magdalene*, mense Julii, ubi quasdam fecit consuetudines, ut patet infra.

*Concil. Lugdun.*

Eodem anno obiit Episcopus *Dunelmensis*, sc. *Rob.* de *Stitchill*, in sua reverentia à prædicto concilio, cui successit *Rob.* de *Halcieland* Monachus *Dunelmensis*, confirmatus & consecratus ab Archiepiscopo *Eboracensi*.

Hoc anno Dominus *Edwardus* Rex *Angliæ* de terra sancta & de *Wasconia* reversus, secunda die mensis *Augusti* in *Angliam* applicuit apud *Dorobernium*, & die Dominica proxima post assumptionem Beatæ Virginis, per impositionem manuum *R.* Archiepiscopi *Cantuariensis* de Ordine Prædicatorum, unctus est

*Edward. coronatur.*



*Edwardus R.* in Regem, & coronatus apud *Westmonasterium*, præfente Domino Rege *Scotie* & multis aliis.

Eodem anno Magister *R.* de *Wichehampton* Electus *Sarum* in Concilio *Lugduni*, consecratus per dictum Archiepiscopum *Cantuariensem*, die Dominica proxima post exaltationem Sanctæ Crucis, est incathedratus apud *Sarum*.

Hoc anno in Coena Domini factum est sacrum Crisma apud *Waverleiam* à viro venerabili *Nicolao* Episcopo *Wintoniensi*.

*Archiep.  
Cant. visitat.  
Diocesi suam.*

Eodem anno Dominus *R.* Archiepiscopus *Cantuariensis* causa visitationis transitum suum faciens per Episcopatum *Wintoniæ*, die lunæ, sc. in crastino Sanctæ *Katharinæ*, venit *Wintoniam*, ubi à Domino Episcopo loci, à Clero & populo honorifice susceptus est cum processione. Qui feria tertia, & feria quarta sequentibus fecit suam visitationem in Prioratu Sancti *Swithini*, & feria quinta in Abbatia Sanctimonialium Beatæ *Mariæ*, ibidem, & III. Non. Decembris in Abbatia de *Hyda*. Inde progrediens per alia Monasteria ipsius Episcopatus celebravit festum Natalis Domini apud *Hytterum* Manerium Episcopi *Wintoniensis* prope *Suthampton*.

Hoc eodem anno Dominus *Edwardus* Rex *Angliæ* festum natalis Domini solemnizavit apud *Wodestoke*.

1275

*Edwardo. na-  
scitur filia.*

M C C L X X V.

Hoc anno XVIII. Kal. Aprilis peperit *A.* Regina Domino Regi *Anglorum* *Edwardo* apud *Wandeshores* filiam, & vocavit eam *Isabellam*.

Eodem anno sc. die Palmarum quæ fuit VII. Idus Aprilis consecratus est Dominus *R. Burnell*, Cancellarius *Angliæ*, in Episcopum *Bathoniensem* apud *Londoniam*.

*Episc. Here-  
ford. obit.*

Eodem anno defuncto *Johanne Breton* Episcopo *Herefordensi*, electus est Magister *Thomas* de *Cantilupo*, confirmatus atque consecratus in Episcopum *Herefordensem*.

*Terræ motus.*

Hoc anno, sc. III. Idus Septembris, factus est terræmotus magnus in omnibus finibus Regni *Anglorum*, & in multis partibus transmarinis, ut à pluribus dictum est.

*Parliament.  
Westmonast.  
habitu.*

Eodem anno sc. in Quindena Paschæ, quæ fuit in principio mensis Maii, facta communi convocatione omnium Magnatum Regni, tenuit Dominus Rex *Edwardus* Magnum Parliamentum suum apud *Westmonasterium*, ubi quam plures de Regno, qui aliqua feoda de corona Regia tenuerunt, ea dicto Domino Regi reddiderunt, compositione tamen facta cum quibusdam, ut ea tenere valeant quoad vitam. In quo quidem Parlamento, de assensu communi, quasdam novas leges constituit observandas, ad communem utilitatem totius Regni.

*Parlament.  
convocatur.*

Item Mense Octobris, circa festum Sancti *Lucæ* Evangelistæ, tenuit ibidem aliud Magnum Parliamentum, in quo quasdam alias leges constituit inter *Judeos* observandas. Ubi de communi assensu Archiepiscoporum, Episcoporum, Comitum, & Baronum, concessum fuit dicto Domino Regi quindecim bonorum omnium Laicarum possessionum Regni *Angliæ* in subsidium, suæ novitatis causa, ut à quibusdam dicebatur.

Hoc eodem anno tenuit Dominus Rex *Edwardus* festum Natalis Domini apud *Gillingham* in *Dorsetshire*.

*Dissensio inter  
Ed. & Gast.*

Eodem anno orta est magna dissensio inter Regem *Edwardum* & *Gastonem* de *Byernien* in *Vasconia*.

*Edwardo na-  
scitur filius.*

Anno eodem apud *Baionam* in *Vasconia*, mense Novembri, scil. in vigilia Beatæ *Catharinæ* virginis, peperit Domina *Alianora* Regina *Angliæ* filium, & baptizatus est à *Waltero Exoniensi* Episcopo, & vocatus est nomen ejus *Alfonsus* post Regem *Hispaniorum*, qui eum ibidem levavit à sacro fonte, & confirmatus fuit ab Archiepiscopo *Auxicano*.

*Saracen. ir-  
rupt. in Cast.*

Item *Saraceni* de *Hispania*, absente Rege *Castellæ*, qui occasione Regni *Alemanniæ*, quod suum per electionem de se aliquando factam esse dicebat, & tunc

extra



extra Regnum suum agebat apud *Beltare*, cum Papa *Gregorio* rem de pace *Edwardus R.* tractaturus, portum transeuntes, magnam Christianorum stragem fecerunt, ubi Archiepiscopus *Aragonie* filius Regis *Aragonum* interfectus est, at postmodo prævalentibus Christianis, succubuerunt de *Saracenis* usque ad quinque millia & amplius.

Item eodem anno obiit *Gregorius* Papa x. apud *Aretium* Civitatem *Tusciae* *Greg. Papa obit.* xi. Kal. Januarii, post cujus transitum *Petrus* de *Tarentasia* de Ordine Fratrum Prædicatorum, quondam *Lugduni* Ecclesiasticus Cardinalis, postea Episcopus *Hostiensis*, in summum Pontificem est electus, & *Innocentius* Papa est appellatus.

Item hoc anno Rex *Edwardus*, in Octavis Sancti *Michaelis*, ad Parliamentum *Parlament.* omnes Regni Proceres jusserat evocari apud *Westmonasterium*, in quo statuta *convocatur.* multa ad \* voluntatem fuerant publicata. Inter quæ Judæis fuit interdicta licentia effrænata usurandi, & ut deinceps possent manifeste discerni à Christianis, præceptum est quod ad instar tabularum *Moyfi* ad unius palmæ longitudinem signa ferrent in exterioribus indumentis.

Item iii. Idus Septembris, inter horam diei primam & tertiam, factus est *Terræ motus.* generalis terræmotus per universam regionem. cujus impetu Ecclesia quæ dicitur Sancti *Michaelis de Monte* cecidit solo complanata.

Hoc anno, cum *Alienora* filia *Simonis* de *Monte forti*, quæ vivente patre affdata fuit *Leulino* principi *Walliæ*, conducenda esset à partibus Gallicanis per mare usque *Walliam*, ut Dominus princeps eam duceret matrimonialiter in uxorem, capta fuit prope *Bristollam* cum *Almerico* fratre ejus, & aliis ejus associatis, & jubente Rege ab invicem divisi ad diversa castra sunt transmissi.

## M C C L X X V I.

1276

Hoc anno, post Pascha, ad Parliamentum *Westmonasterium* multis partibus *Parlamentum* Regni congregatis, Rex pacem suam exhæredatis concessit. In quo Parliamento quintamdecimam bonorum omnium temporalium, tam Clericorum, *quintam decimam Regi* quam Laicorum, inaudito more ad unguem taxatam, Rex jusserat levare & confiscari. *concedit.*

Item in hoc Parlamento, sicut & in aliis *Leulinus* Princeps per literas vocatus venire noluit, misit tamen nuncios pro pace habenda, & pro filia Comitiss *Leycestriæ*, quam ducere voluit in uxorem, non modicam pecuniæ offerens quantitatem. Rex vero matrimonio noluit consentire, nec pecuniam recipere oblatam, nisi terras, quas ipse *Leulinus* invaserat, singulas singulis justis Dominis restitueret, & castra per se & suos diruta repararet.

Item eodem Parlamento concessit Dominus Rex & demandavit per totum Regnum *Angliæ*, quod Cartæ de communibus libertatibus, & de Forestis in suo robore permanentes ab omnibus per omnia observarentur.

Item die Sancti *Albani* Martyris, in urbe *Laterano*, obiit *Innocentius* Papa quintus, cui successit *Otobonus* tituli Sancti *Adriani* Cardinalis, qui nuper in *Angliæ* Legationis officio fungebatur, à Cardinalibus electus, & in crastino translationis S. *Amandi* consecratus, à titulo suæ dignitatis, cui præfuit Cardinalis, vocatus est *Adrianus* Papa quintus, qui per xxxv. dies in Papatu vixerat, non tamen consecratus viam universæ carnis est ingressus xviii. Kal. Septembris; cui successit *Petrus Tusculanensis* Cardinalis de Ordine Fratrum Prædicatorum, & vocatum est nomen ejus *Johannes* xxi. qui non multo post quadam domo obrutus interiit.

*Adrian. Papa ob.**Johannes xxi. Pap.*

Item xvi. Kal. Julii celebrata est solemniter translatio Sancti *Richardi*, quondam *Cicestrensis* Episcopi, à Domino *Roberto Cantuariensi* Archiepiscopo, Domino Rege cum multitudine procerum præsentem, in qua translatione, ac etiam post, plurima miracula coruscarunt.

*Translatio corporis Rich.*

Item hoc anno cessit *Willielmus* de *Hungerford* Abbas de *Waverleia*, eo quod paralyti gravatus ulterius villicare non potuit; cui successit frater *Hugo* de *Reubenorum* ejusdem domus Monachus, viz. in die Sancti *Edmundi* Archiepiscopi, canonice à conventu electus, & ..... à Domino *Johanne* tunc Abbate .....  
Item



*Edwardus R.*

Item hoc anno Dominus Rex misit ccc. equites electos loricatos ad partes *Bristol*, montis *Comeri*, & *Cestrie* ad refranandas invasiones *Wallensium* super metas *Angliæ*, *Walliæ* finibus adjacentes.

1277

*Tartari &c.*  
*Terram S.*  
*subjug.*

M C C L X X V I I.

Hoc anno *Tartari*, & qui *Moalli* dicuntur, maximam partem terræ sanctæ sibi subjugarunt, Soldano *Babiloniæ* cum multis millibus *Saracenorum* interfectis.

*Johannes Pa-*  
*pa ob.*

Item hoc anno, quinto die mensis Maii, obiit Papa *Johannes XXI.* cui successit *Johannes Gaitanus*, tunc Sancti *Nicolai* in carcere *Tulliano* Diaconus Cardinalis, & vocatum est nomen ejus *Nicolaus* tertius.

Item obiit *Walterus de Mertona Rossensis* Episcopus, cui successit *Johannes de Bradfeld*, Monachus & Præcentor *Rossensis* Ecclesiæ.

*R. Angl. dux-*  
*it exercitum*  
*in Wall.*

Item Dominus *Edwardus* Rex *Angliæ* duxit exercitum magnum in *Walliam*, & Scaccarium suum residere fecit apud *Salopesbiriæ*. Cum enim *Leulinus* Rex *Walliæ* comperisset adventum Regis cum tanto exercitu, timens, ut sibi resistere posset, per internuncios misit ad Dominum Regem ad tractandum de pace. Circa vero festum Sancti *Martini* descendit dictus *Leulinus* de montibus *Walliæ*, submittens se gratiæ & voluntati Domini Regis per omnia. Et pro transgressionibus, damnis, & injuriis Domino Regi & suis illatis, & pro pace finaliter habenda obtulit dictus princeps L. Millia lib. sterlingorum; concessit etiam dictus Princeps Domino Regi, & scripto suo confirmavit, pro se & hæredibus suis, plenarie & sine aliqua retentione, quatuor Candreda in finibus & terminis suis, sicut piæ memoriæ Dominus *Henricus*, quondam Rex *Angliæ*, ea unquam plenius tenuit, simul cum omnibus terris, quas idem Dominus Rex cepit, & saisire fecit in manum suam, vel alio modo acquisivit, excepta terra de *Engleseia*, quam dictus Dominus Rex de gratia speciali concessit & confirmavit dicto *Leulino*, & hæredibus suis, de se & uxore sua legitime procreandis, quod ipsi habeant & teneant dictam *Englessey*, eo modo quo prius tenuit dictus *Leulinus*, reddendo pro eo singulis annis ad Scaccarium Domini Regis in Festo Sancti *Michaelis* Mil. Marcas Sterlingorum. Concessit & confirmavit eidem *Leulino* dictus Dominus Rex, de mera gratia sua, ad vitam suam, totam terram illam quæ *David* fratri suo jure hæreditario debebatur, quando Rex eidem *David* aliunde æquipollentem fecerit recompensationem, quæ terræ, tam dicto *David* traditæ quam *Leulino*, post mortem ipsorum, ad Dominum Regem & hæredes suos integraliter revertentur; tamen dictus *Leulinus*, antequam ad præsentiam Regis pervenit, beneficium absolutionis impetravit, & interdictum terræ suæ relaxatur, & omnes prisiones quos occasione Domini Regis captos & incarceratos tenuit, & liberavit, & sacramentum fidelitatis dicto Domino Regi fecit. Et sic omnes transgressionibus injuriæ & excessus hinc inde factæ penitus remittebantur, usque ad ipsum diem. Die autem natali sequente fuit dictus *Leulinus* apud *Londoniam* cum dicto Domino Rege, & sic accepta licentia à Domino Rege & suis, cum gaudio remeavit ad propria. Non multo post *Alienora* filia Comitis quondam *Leycestriæ*, quæ tunc in custodia Domini Regis apud *Windsiores* ..... detenta, ad ipsum *Leulinum* in *Walliam* est transmissa,

*Oves scabie*  
*infectæ.*

Hoc anno invaluit generalis scabies ovium, per universam regionem *Angliæ*, quæ à vulgo dicebatur *Claustik*, per quam infectæ sunt omnes oves terræ, ad quarum scabiem abolendam adinventæ sunt quædam unctio confecta ex vi-vo argento & uncto porcino.

1278

M C C L X X V I I I.

Hoc anno Princeps *Walliæ* *Leulinus* duxit in uxorem *Alienoram*, filiam *Simonis* de *Monte forti*, quondam Comitis *Leicestriæ*.

*Epif. Wint.*  
*Wintoniis*  
*Swithin. Con-*  
*ciliatur.*

Item durante adhuc dissensione inter *Nicolaum* Episcopum *Wintoniensem*, & conventum suum apud Sanctum *Swithinum*, in mense Aprilis venerunt duo Abbates de *Radingis* & *Glastonia* anno isto, in ordine nigrorum Monachorum præfidentes, ad quorum instantiam & consilium dictus Episcopus remisit om-  
nem



nem rancorem, quem versus eundem Conventum habuit, & in pacis osculum *Edwardus R.* omnes Monachos admisit, illis tamen exceptis, qui in *Romana* Curia tunc agebant.

Item in solemnitate Paschali fuit Dominus *Edwardus* Rex & Regina apud *Glastoniam*, & ibi Dominus Rex tumbam Regis *Arthuri* fecit aperire, & ossa dicti Regis extrahi iussit & colligi, & in thesauraria dicti Monasterii decenter fecit deponi, quousque posset honestius dicta ossa collocare. Item obiit *Ro-* *Episc. Nor-*  
*gerus Norwicensis* Episcopus, qui Monachus extiterat dicti Monasterii, cui successit Magister *Willielmus* de *Widdilton*, tunc Archidiaconus *Cantuariensis*, à Conventu Ecclesiæ *Norwicensis* canonice electus, & à Domino *Roberto Cantuariensi* consecratus apud *Lambeth* iv. Nonis Junii. *wicensis ob.*

Item Dominus *Robertus Cantuariensis* Archiepiscopus per *Nicolaum* Papam *Archiepisc.*  
III. ad Curiam *Romanam* vocatus, & ab onere Archiepiscopatus absolutus, in *Cant. fit Car-*  
Episcopum *Portuensem* & Cardinalem est promotus. Sede igitur *Cantuariensi* *dinal. & E-*  
sic vacante convenerunt Monachi *Cantuariensis* Ecclesiæ, & die electionis præfixo, ad magnam Domini Regis & Regina instantiam postularunt Dominum *Robertum Burnel* Episcopum *Bathoniensem* & *Wellensem*, ad cujus postulationem promovendam, & expediendam missi fuerunt nuncii solemniter ad Dominum Papam, qui tunc ad hoc nec prece nec pretio flecti potuit, ut illum admitteret; sed electione facta de eodem cassata, quendam fratrem de ordine Minorum nomine *Johannem* de *Betcham*, qui tunc in Curia *Romana* degebat, in pastorem & Archiepiscopum Ecclesiæ Christi *Cantuariensis* consecravit. *pisc. Port.*

Item hoc anno die Sancti *Matthæi* Apostoli Evangelistæ, quæ tunc feria iv. erat, dedicata est Ecclesia de *Waverleia* in honorem gloriosæ virginis Dei genetricis *Mariæ*, à Domino *Nicolao* de *Beli Wintoniensi* Episcopo, qui universis eodem die præsentibus, pia devotione annum relaxationis indulxit, & xl. dies; quos prædictum in anniversario dedicationis locum frequentantibus concessit perpetuo duraturos; volens igitur dictus Pontifex ex abundanti gratia & devotione, ut universa dictæ dedicationis in laude & jucunditate complerentur, cunctis ibidem eodem die advenientibus, in victualibus, propriis sumptibus splendide ministravit.

Item obiit *Walterus* de *Morton* Episcopus *Roffensis*, cui successit Prior di- *Ep. Roff. ob.*  
ctæ Ecclesiæ.

Item in medio Mensis Octobris, Dominus *Edwardus* Rex tenuit magnum *Parliament.*  
Parliamentum apud *Westmonasterium*, ubi Dominus Rex *Scotie* venit, & homa- *Westmon.*  
gium dicto Domino Regi *Angliæ* fecit.

Item dedicata est Ecclesia cathedralis *Norwicensis* II. Kal. Decembris, à venerabili Prælato Domino *Willielmo* de *Widleton*, dicti loci Episcopo, præsentem Domino Rege, & Cleri atque populi infinita multitudine. *Ecclesia Nor-*  
*wic. dedica-*  
*tur.*

Item xiv. Kal. Decembris, una hora ejusdem diei, capti sunt omnes Judæi *Judæi ob re-*  
per totum Regnum *Angliæ*, & incarcerati; quorum Domus & diverticula omnia diligenti scrutinio fuerant perscrutata, & inventa est maxima summa re- *tionem move-*  
tensionis apud eos, quæ totaliter devenit ad fiscum Regium, ad magnum damnum totius Regni & gravamen. Et exinde dicti Judæi ad Turrim *Londoniæ* *tam incarce-*  
funt deducti, & in arcto carcere detenti, & quamplurimi de Christianis cum *rantur.*  
eis, qui inventi culpabiles in consilii malitia extiterunt.

Item circa festum Beatae *Margaretæ* virginis facta fuit quædam ordinatio inter Dominum *Nicolaum Wintoniensem* Episcopum, & Conventum Sancti *Swithuni* de consensu Domini Regis, unde Dominus Rex cepit Prioratum in manu sua, & custodem dicti Prioratus constituit Dominum *Willielmum* \*, & per eundem dictum Conventum fecit ministrari.

## M C C L X X I X.

Hoc anno, circa Festum Sancti *Johannis* Baptistæ, frater *Johannes* de *Bet-* *Archiepisc.*  
*cham* Archiepiscopus *Cantuariensis*, à Domino *Nicolao* Papa tertio profectus *Cantuar. in*  
& consecratus, applicuit in *Angliam*, in portu *Doroberniæ*, & III. Kal. Augusti *Angl. redit.*  
facta convocatione quorundam Episcoporum comprovincialium apud *Ra-*  
*dingem*,



*Edwardus R.* *dingem*, quædam generalia statuta promulgavit observanda, & VIII. Idus Octobris ingressum suum celebravit apud *Cantuariam*, Domino Rege præsentē, & coepiscopis suis, cum aliis Magnatibus terræ quam plurimis.

*R. Edwardus Parisios profectus pacem cum R. Franciæ firmat.* Item circa Ascensionem Domini *Edwardus* Rex & Regina mare transierunt, qui *Parisios* venientes à Domino Rege *Franciæ* cum honore maximo fuerunt admissi; Rege igitur instantē petente, Rex *Franciæ* eidem concessit omnia, quæ in Regno suo jure hæreditario competebant, & super hoc Cartis & scriptis confectis, & signo Regio roboratis, receptoque homagio debito, ab invicem recesserunt. Sicque inter duos Reges omnimodæ controversiæ occasio, hinc & inde quantumcunque commota, ex insperato tunc quievit.

*Monetæ mutatio.* Hoc anno, circa Festum Beati *Petri ad vincula*, facta est generalis Monetæ mutatio, qua denarii, qui findi poterant in obolos & quadrantes, conversi sunt in Monetam rotundam, valore pretii singulorum in suo pretio remanente.

*Abbas de Cumba resignat.* Item hoc anno Dominus *Warinus* Abbas de *Cumba* ulterius nolens abbatiare (cujus cessione à priore Abbate concessa) successit eidem frater *Jordanus* de *Twangliam* tunc Prior *Waverleia*.

*Archiep. Ebor. obiit.* Item obiit Dominus *Walterus Giffard* Archiepiscopus *Eboracensis*, cui successit Magister *Willielmus* cognomento *Wichwane*, *Eboracensis* Ecclesiæ tunc Thesaurarius, qui Curiam *Romanam* adiit, & ibidem à Domino Papa cum honore debito est admissus & confirmatus.

*Job. de Derlington fit Arch. Dubliensis.* Item VI. Idus Septembris frater *Johannes* de *Derlington*, de ordine Fratrum Prædicatorum, in Archiepiscopum de *Dybeline* à Domino Papa est promotus, & apud *Waltham*, in Diocœsi *Londoniensi*, à Domino Archiepiscopo *Cantuariensi* consecratus.

*Episc. Lincolniæ ob.* Item obiit *Richardus* de *Gravesend* Episcopus *Lincolniensis*, cui successit Magister *Oliverus* de *Dexinton* Decanus Ecclesiæ *Lincolniensis*, à Canonicis dictæ Ecclesiæ unanimiter electus, & à Domino *Cantuariensi* Archiepiscopo consecratus in quindena Paschæ, apud *Lambeth*.

*Reg. Natale celebr.* Item hoc anno tenuit Dominus Rex Natale suum apud *Wintoniam*, & moravit ibidem usque post Epiphaniam.

*Priorat. Swithuni Episcopo loci conceditur.* Item Dominus Rex custodiam Prioratus Sancti *Swithuni* Domino *Nicola* loci Episcopo integre resignavit, qui statim *Adam* de *Farham* ejusdem Ecclesiæ Monachum in Priorem promovit, & alios quamplurimos suæ parti adhærentes obedientiales constituit, pro suo libitu voluntatis.

Item hoc anno *Willielmus* de *Abbercroft* dedit & concessit, & Carta sua confirmavit Monachis de *Waverleia* totam terram suam de *Abbercroft*, quam de eis tenuit in capite, cum capitali Mesuagio & aliis pertinentiis suis in *Waneburgh*.

1280

MCCLXXX.

*Nicol. P. ob.* Hoc anno, II. Non. Septembris, obiit *Nicolaus* Papa tertius.

*Religios. acquisitiones prohibentur.* Item Dominus Rex de consilio quorundam Pontificum & Baronum statuit, quod religiosæ personæ de cætero in acquisitione terrarum seu reddituum non crescerent; asserens quod per has acquisitiones feoda militaria, ad Regni defensionem ordinata, paulatim decrescerent, & Regni defensio imminente necessitate proculdubio vacillaret, non intelligens fortasse quod potius orationibus *Mosis* quam pugna *Amalechitarum* exercitus vincebatur.

Item in crastino Epiphaniæ, recedente Rege à castro *Wintoniensi*, versus novam forestam iter arripuit. Cancellarius autem ejus *Londoniam* reversus est, quasi ad certum locum, ubi omnes Brevia petentes, & jura sua prosequentes paratum remedium invenirent.

Item in crastino Sancti *Hilarii* placitaverunt Justitiiarii de foresta apud *Wintoniam*, à festo Epiphaniæ usque ad mediam Quadragesimam.

*Ep. Wint. ob.* Hoc anno, pridie Idus Februarii, felicitis recordationis Dominus *Nicolaus Wintoniensis* obiit, & in basilica beatæ Mariæ de *Waverleia*, quam nuper ante dedicaverat, cum summa devotione a venerabilibus Prælatibus Domino *Willielmo Norwicensi*, & *Roberto Bathoniensi* & *Wellensi* XIV. Kal. Martii traditur sepulturæ,



pulturæ, & in die tertia subsequente, cor dicti Pontificis in Ecclesia Cathedra *Wintoniensi* tumulatum ab eisdem. *Edwardus R.*

Item obiit Dominus *Johannes de Chysthust Londoniensis* Episcopus, post quem electus est *Fulco Lovellus* in Episcopum *Londoniensem*, qui electioni de se factæ nulla ratione voluit consentire, quod videntes Canonici Ecclesiæ Sancti *Pauli*, iterato postulant licentiam eligendi, qua petita, & in forma juris obtenta, vocatisque vocandis, & omnibus qui interesse debuerant, elegerunt Magistrum *Richardum de Grabesand*, per modum compromissi, qui a Domino Rege admittus, a venerabili Prælato Domino *Johanne Cantuariensi* Archiepiscopo consecratus est apud *Cobentre*. *Episc. Lond. obiit.*

Item die Sancti *Benedicti* Abbates in Cathedrali Ecclesia *Wintoniæ*, omnibus vocatis qui interesse debuerant, omnes tam Monachi quam dicti loci Archidiaconi, per modum compromissi, postularunt *Robertum Burnel* tunc *Bathoniensem*, & *Wellensem* Episcopum, in pastorem & Episcopum *Wintoniensem*, & hoc ad magnam instantiam Domini Regis & Reginae, pro qua postulatione expedienda, missi sunt ad Curiam *Romanam* nuncii solemnes, qui ad præsentiam Domini Papæ admissi, negotium, pro quo venerant, cassa verborum eloquentia proponebant, respondente Domino Papa, quod electores *Wintoniæ* minus cauti, minusque circumspècti fuerant, dummodo alias a sede Apostolica reprobatum iterato elegerunt in Episcopum *Wintoniensem*, dicenteque dicto Papa quod postulatus sufficiens sibi habuit beneficium, & ideo electionem de se factam cassavit ex *Simonia*, sed idem Dominus Papa de gratia speciali Conventui *Wintoniensis* Ecclesiæ indulgit ut iterato eligerent, & de tali pastore & Episcopo sibi providerent, qui tam clero quam populo meritis fieret necessarius. *Robert. Burnell. Episc. Wint. electus cassatur à Pa.*

Item obiit *Walterus Exoniensis* Episcopus, cui successit Magister *Petrus de Exon*, a Domino *Johanne Cantuariensi* Archiepiscopo confirmatus & consecratus apud *Cantuarium*. *Episc. Exon. obi.*

Item, post reversionem nunciorum Ecclesiæ *Wintoniensis* de Curia *Romana*, iterum convenerunt Conventus Sancti *Swithuni*, & duo Archidiaconi Ecclesiæ ejusdem, die Sancti *Leonardi*, qui consensu unanimi elegerunt Magistrum *Richardum de La More*, solemnem professorem Theologum, in pastorem suum & Episcopum, qui ad Dominum Regem transmissus benigne susceptus est ab eodem, ac postea per compromissores præsentatus est Archiepiscopo, qui negotium dicti electi confirmare dissimulavit, præfigendo eidem ad loca remota diversos dies, eundem laboribus & expensis fatigavit, & ideo tam conventus, quam electus ad sedem Apostolicam appellarunt. *Richard. de More fit Ep. Wint on.*

Item obiit *Dionysius Abbas Belli loci Regis*.

## M C C L X X I.

1281

Hoc anno Magister *Richardus de La More Wintoniensis* Electus, cum quibusdam suis compromissoribus, ratione suæ appellationis factæ coram Domino *J. Cantuariensi* Episcopo versus Curiam *Romanam* sunt profecti, & v. Kal. Martii mare ingressi, in quadam scapha vento prospero transierunt.

Item hoc anno exiit edictum à Curia Regia ad universos Comitatus totius Regni *Angliæ*, per Breve quod vocabatur ab incolis *Quo Waranto*, ad certos Justitarios directum, ad inquirendum de terris, tenementis, redditibus, quæ dicebantur à Corona Regia alienatæ, ac etiam ad inquirendum de libertatibus quibuscunque, quomodo à Domino Rege tenebantur, cujus Brevis occasione Archiepiscopi, Episcopi, Abbates, Priores, Comites, Barones, & cæteri libere tenentes, tam religiosi quam alii variis laboribus & expensis fuerant prægravati, & tamen Dominus Rex parum quid emolumenti inde affecutus est. *Quo Waranto ad omnes Angliæ Comitatus mittitur.*

Item Dominus *J. Archiepiscopus Cantuariæ* ad examen suum fecerat congregari omnes religiosos, Ecclesias in proprios usus habentes, ostensuros quo jure Ecclesiastica beneficia occuparent, & populum regerent Laicum, in quibus omnibus hinc inde fuit labor multus & fructus nullus.



Edwardus R.  
Concilium  
Lambetha-  
num.

Item in principio mensis Octobris Archiepiscopus *Cantuariensis* apud *Lambeth* provinciale Concilium celebravit, qui contra exemptos, ad dictum Concilium venire nolentes libellum famosum in forma subscripta edidit, & per omnes Episcopatus suæ jurisdictioni subjectas publicari demandavit. *Frater Johannes permissione divina Cantuariensis Archiepiscopus, totius Angliæ Primas, venerabilibus fratribus A-B-C- coepiscopis suis salutem & sinceram in Domino caritatem. Celebratum nuper, ut scitis, apud Lambeth Provinciale Concilium, cum coepiscoporum nostrorum venerando collegio, universos nostræ provinciæ Prælatos inferiores, quos conciliorum tractatibus interesse jubent sacri Canones, vocandos decrevimus; ac inter cæteros religiosæ sanctimonie personas præcipuas, Abbates & Priores, non solum Episcopali gradu subjectos, juxta ordinem Ecclesiasticæ Hierarchiæ, verum & alios ab Episcopali obedientia exemptos, ratione sc. Ecclesiarum non exemptarum, quas in proprios usus permittente Domino detinent occupatas, sperantes nos solius Dei honori ac communis Ecclesiæ Anglicanæ commodis servientes, eorum juvandos potentia, dirigendos consiliis, & sanctitatis suæ meritis promovendos. Exempti vero tanquam pullos Onagri liberos se putantes, minime vel modice condolentes suæ sanctæ matris angustis, cujus viscera multi eorum plus onerant quam honorant; quia per effectum vel defectum verius de se dictum illud Johannis propheticum in Apocalypsi, allegarent, Atrium quod foris est templum, ejice foras, & ne metiaris illud \* ne parturientium cervarum audiret rugitus, nec ad ipsum concilium, in anxietate matris, consilium & solatium venire dignati sunt; utpote filii alieni à semitis claudicantes. Quin potius ne in aliquo detumesceret eorum nimis elatio, nec procuratorem ad suæ excusationem absentiae mittere curaverunt, collegium tam reverendum contemnentes. Agar ex parte similes, quæ illustrem despexit Dominam, videns se divisionis filium concepisse. Nos autem tam ingrati præsumptionis audaciam, secundum juris regulas corrigere cupientes, scientes quia juxta illud salvatoris contra nos esse qui nobiscum stare dispiciunt, severitati tamen plurimum subtrahentes quam possemus in hujus contemtores, si vellemus, canonice excercere, in virtute obedientiæ, qua sedî Cantuariensi estis adstricti, firmiter injungendo mandamus quatenus omnes Ecclesias non exemptas in Diocæsis vestris, exceptis Monasteriis, appropriatas, quarum nomina sub sigillo nostro præsentibus sunt appensa, cujuscunque ordinis existant, auctoritate nostra, sine moræ dispendio, sequestrantes eas faciatis sub arcto sequestro nihilominus custodiri, donec super hoc aliud à nobis receperitis in mandatis, non exemptos quidem, quorum nomina in scedula præsentibus annexa continentur, quos nos propter eorum contumaciam ab ingressu Ecclesiæ suspendimus, justitia exigente, sic suspensos faciatis publice denunciari. Ab hac sententia per Dominos Abbates de *Westmonasterio*, de Sancto *Edmundo*, de Sancto *Albano*, & de *Waltham* principaliter fuerat appellatum. *Cistercienses* vero per se constanter appellarunt; alii quidem exempti appellarunt, suam tamen appellationem tepide prosequentes, pro eo quod Archiepiscopus diffimulavit, quoad quosdam, executioni suam sententiam demandare.*

Martin. 3.  
Papa.

Item die Sancti *Petri* in Cathedra, Dominus *Simon de Turribus* tunc Sanctæ *Sabinæ* Cardinalis electus in Papam, & Dominica qua cantatur *letare Jerusalem* inthronizatus, vocatus est *Martinus* tertius.

Nova Abbat.  
Ord. Cist.  
fundata.

Item Dominus *Edwardus Comes Cornubiæ* fundavit novam Abbatiam ordinis *Cisterciensis* apud *Oxoniam*, & Monachos de *Thama* ibidem introduxit, & contulit eisdem prima donatione Manerium de *Erington*, & locum Abbatiae fecit dedicare III. Idus Decembris à venerabili Prælato Domino *Roberto Burenel Bathoniensi* & *Wellensi* Episcopo, tunc Domini Regis Cancellario.

Item Nono Kal. Maii frater *Willielmus de Gisors*, tunc Cellarius *Belli loci Regis*, electus est in Abbatem loci ejusdem.

1282

MCCLXXXII.

Wallenses in  
Angliam ir-  
rumpunt.

Hoc anno, qui est annus Regis decimus, intempestæ noctis hora, Dominica in ramis palmarum, *Leolinus* Princeps *Walliæ*, & *David* frater ejus, cum magno exercitu castra Regis *Angliæ* de *Bothland* & de *Flint* valide invaserunt, alia castra ejusdem Domini Regis, ad quæ ingressum habere non poterant, terræ complanarunt.



complanarunt. Dominum *Rogerus* de *Clifford* militem strenuum, castrorum & libertatum Domini Regis in partibus illis custodem, vulneratum, captum, & vinctum, ipsius militibus collateralibus prius interfectis, ad montem de *Snawdon* transmiserunt, & ex hinc terram Domini Regis adjacentem perlustrarunt, juvenes & virgines, senes cum junioribus occidendo & inflammando, nec mulieri in partu periclitanti, seni, nec decrepito pepercerunt, magnam partem *Marcie* cædibus & incendiis devastantes. Rex autem hæc audiens vix credens, quousque vexatio dedit manifestum intellectum; & tunc Barones de Scaccario ac Justitios de Banco de *Londonia* amoveri fecit usque *Sa-lopiam*, ac etiam de singulis Comitatibus collegit exercitum copiosum ad dictorum *Wallensum* insultus refræmandum. Quo exercitu congregato dictorum *Wallensum*, circa montem *Snawdon*, viriliter invasit, & totam terram illam finibus \* adjacentem suæ subdidit potestati. Comitibus etiam & Baronibus sibi viriliter adhærentibus, de terris acquisitis amplas & spatiosas conferens portiones, eisdem & hæredibus perpetuo possidendas. Ad Regis igitur auxilium de *Vasconia* & *Basilis*, ac etiam de partibus aliunde multa milia hominum sunt transmissa. Rex igitur ulterius volens procedere, collocata navium multitudine & conglobata, multimodis asseribus navibus applicatis, quæ quidem asserum densitas pro ponte habebatur in aqua de *Conelwey*, quæ fluit & refluit juxta montes *Snawdon*, quem pontem quidam Proceres de Regis exercitu gratia spatiandi transeuntes per multitudinem *Wallensum* in insidiis latentium, & in dictos Proceres irruentium, per viam qua venerant redire non volentes, in dictis aquis miserabiliter sunt submersi. Princeps igitur *Wallie Leolinus*, collocato de suis exercitu copioso, ad campestria descendebat, *David* fratri suo montana relinquendo. Sed Dominus *Edmundus* de *Mortuo mari* cum quibusdam Marchionibus irruit in exercitum dicti *Leolini*, eundem cepit, & protinus illi caput amputavit, multis de *Wallensibus* in illo insultu interfectis. Caput autem sic amputatum *Londoniæ* est deportatum, & in turri *Londoniæ* suspensum, ac etiam hedera coronatum. Hæc autem omnia facta sunt ut Prophetia *Merlini* impleretur, quæ talis erat, (ut *Wallenses* asseriebant) cum *Moneta Anglicana* viz. denarii oboli & quadrantes fuerint rotundi, tunc princeps *Wallie Londoniæ* coronabitur, quod erat factum modo & forma supradicta.

*Leolinus cap-tus & capite truncatus.*

Item hoc anno clerus & populus primo Quintamdecimam, & postmodum tricesimam bonorum suorum Domino Regi concesserunt.

Item hoc anno, prosequente Magistro *Richardo* de *La Dore Wintoniensi* Electo, causam appellationis suæ in Curia *Romana* coram Domino Papa, ac etiam coram auditoribus causæ suæ assignatis, & causam suam ad calculum *Simonie* ventilantibus, & ecce quidam de consilio fratrum ad eundem Electum venerunt, ab eodem obnixius requirentes, in quantum Curiam vellet tali conditione respicere, quod causâ suâ optatum consequeretur effectum. Qui, tanquam homo sanæ conscientiæ, metuens maculam *Simonie* respondit, quod non in obolo; quo responso scandalizati nuntii ad Cardinales sunt reversi, quod tranquilliter responderit supradictus Electus relaturi. Nec mora, mane facto sedebat Dominus Papa pro tribunali, & Cardinalibus qui tunc in curia erant assidentibus, affuit inter eos Electus causæ suæ sententiam auditurus, & ecce Dominus Papa cum suis parumper habito consilio, Electionem & causam appellationis cassavit ex *Simonia*, & Episcopatum *Wintoniæ* una cum annulo suo mox contulit Magistro *Joh. de Pontey*s Archidiacono *Devonien-si*, negotiis propriis in curia tunc agenti.

M C C L X X X I I I.

1283

Hoc anno Magister *Johannes* de *Pontey*s *Wintoniensis* Episcopus apud *Doroberniam* applicuit, & spiritualitatem Episcopatus sui à Domino *Johanne Cantuariensi* Archiepiscopo, de mandato Domini Papæ, accepit, Dominum Regem tunc in *Wallia* agentem adivit, & dicto Domino Regi & Reginæ in muneribus amplis salutatis, Maneria Episcopatus integra est affecutus.



*Edwardus R.  
Edw. Wall.  
subjugatam  
Cast. munit.*

Item Dominus Rex *Edwardus* subjugata suæ ditioni *Wallia*, & Principe *Wallie* jam occiso, ad pedes montis *Snaudon* fecit fundare Castrum, novum, forte.

Item hoc anno, post mortem *Leolini*, *David* frater ejus malorum inventor, gentis *Angliæ* sævissimus persecutor, propriæ nationis impostor, guerræ auctor, diverticula & latebras subterfugiendo quærens, & quoscunque de natione *Angliæ* invenire potuit rapiens & trucidans, tandem à quibusdam *Wallensium* Domino Regi affidatis, in quodam marisco ubi latuit, captus est cum duobus liberis suis, & septem filiabus, & omnes ad Curiam dicti Domini Regis sunt adducti, sed Rex eos videre noluit. Postmodum vero in Curia Regia tractatum est a Regni potentioribus qua poena mortis plecti debuit, qui tot & tanta flagitia Regno totiens perpetravit; inito tandem discretorum consilio, quadruplicis mortis adjudicatur opprobrio, viz. ad caudas equarum per vicos & plateas in villa *Salopiæ* distractus, deinde suspensus, ac postmodum decollatus, deinde corpus exanime in quatuor partes, licet acephalum, divisum, cor autem cum intestinis combustum. Capite vero Civitati *Londoniæ* adjudicato, facta est contentio inter Burgenfes *Wintoniæ* & *Eboraci* quis eorum dextram partem viz. dextrum humerum corporis mortui asportaret, tandem vero civibus *Wintoniæ* relinquitur, qua obtenta cum omni celeritate sunt reversi, reliquæ partes corporis apud *Eboracum*, *Bristolium*, *Portsmouthum* sunt transmissæ.

Item hoc anno Magister *Petrus* Archidiaconus Suppr. de *Sancta Maria* traxit in causam Abbatem & Conventum de *Waverleia* per literas Apostolicas, super minutis decimis, coram Priore de *Southwerk*, Decano, Cancellario, Thesaurario Ecclesiæ Sancti *Pauli Londoniæ*, iudicibus a sede Apostolica deputatis Commissariis, quæ tamen per varias appellationes ad varios Judices fuerat devoluta, & pene per xv. annos coram diversis Judicibus ventilata, tandem vero Dominus Episcopus *Wintoniensis*, tanquam amicabile inter partes ordinator, finem causæ imposuit, hinc inde remissis expensis, partes in pace quieverunt.

*Multæ reli-  
quæ ex Wal-  
lia in Angl.  
translatæ.*

Item quædam portio *Dominicæ Crucis* magna & pretiosa, cum aliis reliquiis, quæ apud *Wallenses* pretiosissimæ habebantur, *Edwardo* Regi *Angliæ* sunt præsentatæ.

Item corpus magni Imperatoris *Constantini* apud *Harbernham* juxta *Snaudon*, fuerat juventum, & Domino Rege jubente, in Ecclesia ibidem honorifice collocatum.

Item corona famosi Regis *Arthuri*, qui apud *Wallenses* a longo tempore in maximo honore habebatur, cum aliis jocalibus pretiosis Domino Regi est oblata; & sic *Wallensium* gloria ad *Anglicos*, licet invite, est translata.

1284

M C C L X X X I V.

*Edwardo fi-  
lius nascitur.*

Hoc anno die Sancti *Marci* Evangelistæ apud *Carbernham* juxta *Snaudon* natus est Domino Regi *Edwardo* filius, & vocatus est nomine patris sui *Edwardus*, in cujus nativitate multi & maxime *Londonienses* gaudebant.

*Edwardi pri-  
mogenitus  
Alfonsus ob.*

Eodem anno Dominus *Alfonsus*, Domini Regis Primogenitus, veniens apud *Westmonasterium*, quandam aureolam, quæ fuerat *Leolini*, nuper principis *Walliæ*, cum aliis jocalibus pretiosis offerebat ibidem, quibus feretrum Sancti *Edwardi* Regis plurimum ornabatur. Iste *Alfonsus* fere duodenis, ingravescente corporis infirmitate, obiit xiv. Kal. Septembris, cujus corpus à venerabili Prælato Domino *Cantuariensi* Archiepiscopo, juxta feretrum beati Regis *Edwardi*, honestæ traditur sepulturæ.

*Ep. Sarisb.  
obiit.*

Item hoc anno obiit Magister *Robertus* de *Witchamstede* Episcopus *Sarisen-  
burien-  
sis*, cui successit Magister *Walterus Stamail* canonice electus, & a Domino *Cantuariensi* Archiepiscopo consecratus apud *Sonnigam*.

*Conventus  
Procerum ad  
tabulam ro-  
tundam.*

Item convenerunt Comites, Barones, Milites de Regno *Angliæ*, ac etiam multi Proceres transmarini, circa Festum Beati *Petri* quod dicitur *ad vincula*, ad rotundam tabulam apud *Neubin* juxta *Snaudon* præconizatam in choreis



& hastiludiis ad invicem colludentibus, in signum triumphi contra *Wallensium* Edwardus R. proterviam expediti.

*Petrus*, nuper Rex *Aragonum*, sententia majoris excommunicationis auctoritate Apostolica innodatur; ac etiam per Dominum Papam ad diversas regiones demandatur, ne quis eundem *Petrum* Regem ulterius audeat nominare pro eo quod, inconsulta *Romana Ecclesia*, & contra inhibitum apostolicum, Regnum *Siciliæ* invasit & deprædavit. Petrus Arag. Rex excommunicatur.

Item obiit Magister *Stephanus* Episcopus *Cicestrensis*, cui successit Magister *Gillebertus* de Sancto *Leofardo*, officialis tunc Curia *Cantuariensis*. Ep. Cicest. ob.

M C C L X X X V.

1285

Hoc anno, viz. iv. Kal. Aprilis obiit *Martinus* Papa iii. cui successit *Honorius* Papa iv. Martinus ab. Papa ob.

Item hoc anno Dominus Rex post *Walliam* sibi subjugatam, ii. Kal. Maii veniens per mediam Civitatem *Londoniæ* versus *Westmonasterium*, Domino *Cantuariensi* Archiepiscopo, cum quibusdam suffraganeis suis sacris indutis vestibus, cum multitudine infinita processionaliter præcedentibus, Dominum Regem, quandam portionem Dominicæ Crucis auro fulvo ac lapidibus pretiosis & lucentibus adornatam, quam de *Wallia* secum tulit, apud *Westmonasterium* solemniter advexit, & ibidem super magnum altare collocavit. Reliq. Crucis Westm. translata.

Item vocatis terræ potentioribus ad edictum Domini Regis, in mense Julii, apud *Westmonasterium*, condidit idem Dominus Rex statuta, utrique jurisdictioni iudicum Ecclesiasticorum non modice defalcavit. Et quia alias statuerat, ne religiosæ personæ ulterius crescerent in possessionibus acquirendis, ne de cætero decrecant, de consilio Prælatorum sibi placuit ordinare. Statuta ab Edwardo condita.

Item Dominus *Philippus* Rex *Franciæ*, in Guerra *Aragonum* lethaliter vulneratus, obiit in illa regione.

Item Dominus *Edwardus* Rex *Angliæ*, in principio mensis Octobris, apud *Wintoniam*, quædam statuta edidit, ad refrænandum latronum & prædonum infidias, & violentias truculentas. Statuta contra Prædones.

Item *Petrus Aragonum* in bello à Francigenis vulneratus obiit isto anno.

Item xv. Kal. Aprilis obiit *Hugo* de *Leueknor* Abbas de *Waverleia*, cui successit frater *Philippus* de *Bedwinde* à Conventu canonice electus, & die Paschæ proxima sequente in Cathedrali Ecclesia *Wintoniensi* Episcopalem benedictionem est assecutus.

M C C L X X X V I.

1286

Hoc anno, qui est Regis *Edwardi* xiv. Rex *Franciæ Philippus*, filius Regis *Philippi*, qui nuper in *Aragonia* diem clausit extremum, in Regem *Franciæ* coronatur, quo solemniter, ut decuit, coronato, ad Regem *Angliæ* nuncios destinavit solemnes, ut ad ipsum venire non tardaret, ad hoc maxime, ut discordiam inter *Francos*, *Aragones*, & *Hispanos*, temporibus patris sui motam, aliqua forma pacis terminaret, vel saltem in aliquo mitigaret. Erat utique hic *Philippus* filius sororis *Petri* patris *Alfonsi* Regis *Aragonum*, tunc Regnantis, qui *Alienoram* Reginam *Angliæ* primogenitam ducere debuit in uxorem; pro his & aliis negotiis, hinc inde inter dictos Reges debito fine pertractandis, viii. Kal. Julii mare ingressus est Dominus *Edwardus* Rex *Angliæ* cum Episcoporum, Comitum, Baronum, Procerumque aliorum multitudine copiosa, qui à Domino Rege *Franciæ*, & dicti Regni Proceribus honorifice est susceptus, & usque Sanctum *Germanum* prope *Parisijs* est adductus. Habitoque ad invicem colloquio, dicti Reges in summa pace ab invicem decesserunt, petitisque prius quibusdam Castris, terris, & redditibus per Regem *Angliæ* à Rege *Franciæ*, quæ quidem castra, terras, redditus Rex *Johannes* suo tempore perdiderat, ac etiam quædam Arreragia, quæ dicto Regi *Angliæ* jure hæreditario competeabant de terra *Normanniæ*; quæ omnia Rex *Franciæ* libenter annuit, & signo suo Regio confirmavit. Philipp. Gall. Rex coronatur. Edward. Galliam petit.

Item Domino Rege in partibus transmarinis sic agente, Dominus *Edmundus* Comes *Cornubiæ* totius Regni *Angliæ* tenuit gubernacula, Domino Rege ante egressum à Regno sic volente. Item



*Edwardus R.* Item hoc anno *Alienora* illustris Regina *Angliæ*, mater Regis *Edwardi* apud *Ambresbiriam*, die videlicet translationis Beati *Thomæ* Martyris, *Cantuariensis* Archiepiscopi, habitum religionis diu desideratum suscepit, dote sua in Regno *Angliæ* sibi perpetuo possidenda, Domino Papa ita ordinante, & per litteras Apostolicas sibi dictam dotem confirmante.

1287

M C C L X X V I I.

*Honor. Pap. ob.* Hoc anno, pridie Non. Aprilis, in urbe *Roma* obiit *Honorius* Papa IV.

*Edwardus R.* Item Dominus *Edwardus* Rex *Angliæ*, apud *Blankesforde*, in *Vasconia*, gravi deprimitur infirmitate, qui physicorum salubri consilio in brevi sanitatem est adeptus, & inde usque *Burdigalam* se transtulit, & ibidem, cum multitudine virorum copiosa, cruce signatur à Legato Curiae *Romanæ*, ad hoc specialiter à latere Domini Papæ destinato, & ab eodem Christianorum exercitus factus est Capitaneus.

*Rhesus Angliæ fines invad.* Item *Rhesus Meraduk* congregata multitudine *Wallensium* exercitum movit contra populum *Anglorum*, & terras *Angliæ*. *Wallensibus* adjacentes in brachio extento invasit atque prædavit, & stragem magnam in populum terræ fecit, & eo ferocius quia Dominum Regem agere noverat in remotis.

*Edmundus Castr. Brossar obsid.* *Edmundus* vero Comes *Cornubiæ* in Regis absentia custos terræ deputatus, magno exercitu collecto versus *Walliam* iter arripuit, volens sed non valens vires tantæ multitudinis enervare, quia *Wallenses*, vulpina doloſitate, in suis latibulis se receperunt, fraudes & dolos consuetos assidue machinantes, Castrum igitur de *Brossar* viriliter obsiderunt \* dictas *Wallenses* vias subterraneas doloſe sub muris facientes, per quas vias quidam *Angliæ* Proceres minus caute gradientes, a muro miserabiliter sunt oppressi. Inter quos famosus miles Dominus *Willielmus* de monte *Canesi* oppressus succubuit.

*Episcop. Hereford. Romam petens obiit.* Item Magister *Thomas* de *Cantolupo* Episcopo *Herefordensi*, ad examen Archiepiscopi super quibusdam articulis libertatem Ecclesiæ tangentibus evocatus, ad diversa loca Provinciæ *Cantuariensis*, ac ab eodem Archiepiscopo & Clericis ejusdem variis laboribus & expensis minus juste fatigatus, tandem post multas oppressiones ad Curiam *Romanam* appellavit, & suam appellationem propria persona prosequutus est, qui ad partes veniens transmarinas obiit isto anno; quod audientes Canonici *Herefordensis* Ecclesiæ, petita tamen tam a Papa, quam a Domino Rege licentia eligendi, & obtenta, unanimiter elegerunt Magistrum *Richardum* de *Swinesend*, virum utique solemnem Theologiæ Professore, qui a Domino Rege admissus a Domino *Cantuariensi* Archiepiscopo consecratus est apud *Cantuariam*, cujus ope & industria, habito tunc cum Canonicis dictæ Ecclesiæ *Herefordensis* consilio, ossa prædecessoris sui ad Ecclesiam de *Hereford* antedictam solemniter sunt allata, & ibidem cum maximo honore, ut decuit, tradita sepulturæ; cujus ossa dignatus est Deus gloriosis illustrare miraculis, ita quod infra breve temporis spatium centum sexaginta certa miracula operata est propter eum prædestinatio mirifica salvatoris.

*Carolus intercessione Regis Edwardi liberatur.* Item hoc anno pervenit rumor ad Dominum *Edwardum* Regem *Angliæ*, quod Princeps *Salerniæ Carolus* captus fuit & incarceratus in *Aragonia*, qui *Edwardus* statim iter arripuit versus partes illas, ut dictum *Carolum* cognatum suum de manibus inimicorum suorum liberari procuraret, quo ad *Biernam* civitatem, viz. *Oloronensi*, perveniente, eidem cum summo honore obviam venit Rex *Aragonum*, qui ad invicem diligentem tractatum per plures dies habentes, super liberationem *Caroli* antedicti, & tandem Domino Rege *Angliæ* instanti procurante, effusa non modica summa pecuniæ, dictus *Carolus* a carcere extitit liberatus. Iste *Carolus* fuit filius *Caroli* Regis *Siciliæ*, qui contra *Petrum Aragoniæ* in *Siciliam* exercitum duxit valde magnum, qui tandem captus, & in *Aragonia* carceri mancipatus; pro cujus detentione Rex *Aragonie* sententia majoris excommunicationis innodatur, sed in hoc colloquio Regum duorum, per Legatum ad hoc specialiter destinatum, absolutionis gratiam meruit obtinere.

Item



Item circa festum Sancti *Johannis Baptiste* Comes *Atrebatensis* missus per *Edwardu. R.* Regem *Franciæ* versus *Siciliam*; cum exercitu militum & aliorum fortium copioso, cum galeis & navibus *Siciliam* invadere nitebatur, sed Domini Regis *Aragonum* satellites eidem *Francigenis* resistentes in piratis & aliis belli machinantibus, pro majori parte dictam exercitus multitudinem submerferunt, quosdam vero vivos hostiliter ceperunt, & in arctis carceribus recluserunt. Rex *Siciliæ* supra dictus fuit filius, sed Bastardus, *Petri* quondam Regis *Aragonum*, frater *Alfonsi* in *Aragonia* tunc regnantis.

Item Rex *Hungariæ* in tantam cordis cæcitatem decidit, ut fide Christiano-  
rum relicta se ad errorem Gentilium cum quibusdam suis complicitibus se trans-  
ferret, magis eligens Mahometo servire quam altissimo Jesu Christo. Qui  
tanta calliditate ad sui damnationem usus est, ut fraudulenter convocatis ter-  
ræ suæ potentioribus in quodam palatio suo, quasi ad Parliamentum cum illis  
habendum, & ecce ex improvviso, sicut ipse Rex præordinaverat, supervenit  
*Miraldus Saracenorum* potentissimus cum xx. millibus fortium bellatorum,  
dictum Regem una cum omnibus Christianis ibidem congregatis in vigilia  
Sancti *Johannis Baptiste* hostiliter cepit & abduxit. Sed omnipotens Domi-  
nus qui suis in arcto positis nescit abesse; captis sic, & in comitiva Gentilium  
itinerantibus, ecce terræmotus factus est magnus circa horam diei octavam,  
& tenebræ factæ sunt per universam terram illam, & tempestas grandifona  
multa millia illius gentis incredulæ interfecit, & Christiani ab omni plaga il-  
læsi ad propria cum gaudio sunt reversi, solo Rege cum *Saracenis* gradiente.

M C C L X X V I I I.

1288

Hoc anno xv. die mensis Februarii frater *Jeronimus* de ordine Fratrum Mi-  
norum, presbyter Cardinalis in summum Pontificem consecratur, & vocatum  
est nomen ejus *Nicolaus* Papa iv. de quo quidam versificator sic ait

*Frater Jeronimus mundo minor, est modo primus.  
Hic peritus fuerat in græca lingua pariter & latina.*

Item in confinio *Coloniæ Agrippinæ*, Dux *Brabantiae*, cujus filius, nomine *Jo-*  
*hannes*, *Margaretam* filiam Regis *Angliæ* postmodum duxit in uxorem, de Co-  
mite *Geldriæ*, viro utique nobili, & in armis strenuo, & dicti ducis adversario  
capitali, fortiter triumphavit. In quo conflictu Archiepiscopus *Coloniæ* fuit  
captus, & armatus carcerali custodiæ mancipatus, insuper multi milites famosi  
*Teutonici* perierunt gladiis & fustibus artificialiter præacutis.

Item hoc anno obiit *Johannes* de *Kirkeby* Episcopus *Eliensis*. cui successit *Ep. Eliens. ob.*  
Magister *Willielmus* de *Lucha* Clericus de Thesaurario Regis.

Item hoc anno magna abundantia bladi, & maxime frumenti fuit in univer-  
sa regione *Angliæ*, ita quod vix Quartarium frumenti vendebatur pro II. Sol. *Frum. abun-*  
*dantia.*

M C C L X X X I X.

1289

Hoc anno, pridie Nonas Augusti, *Edwardus* Rex *Angliæ* de partibus rediit *Edward. in*  
transmarinis, in quibus moram traxerat per annos III. menses II. dies quin-  
decim. Postmodum vero per terram *Angliæ* transitum faciens, quærens & in-  
quirens diligenter, si quid ab aliquibus de suis distortum seu præsumtum fu-  
erit in sua absentia, quibus in suo recessu judicariam totius Regni commiserat  
potestatem, ad faciendum judicium, & justitiam in omnibus finibus terræ suæ,  
& ad faciendam vindictam in nationibus, increpationes in populis, sic in suo  
reditu omnes reperit muneribus excæcatos, judicium & justitiam venundan-  
tes, imo verius subruentes, qui cito post Parlamento apud *Westmonasterium*  
omnium Procerum convocato, omnes Justitiarios ab officiis suis amovit, ac  
animadversione condigna secundum demerita corripuit & punivit.

Item *Carolus* princeps *Salernæ*, procurante cognato Domino Rege *Angliæ*,  
datis obsidibus, liberatur à custodia carcerali in Regno *Aragonum*.

Item hoc anno mense Septembri in terra sancta contigit infortunium flebi-  
le, & piis auribus Christianorum detestabile; Soldanus namque *Babiloniæ*  
Tripolin ex-  
pugnat.



*Edwardus R.* cum multitudine Paganorum famosam *Tripolis* invasit & obsedit civitatem, in ultionem Domini Papæ *Nicholai* IV. qui nuncios dicti Soldani ad Curiam Romanam destinatos, pro treuga pacis XV. annorum inter Christianos & Paganos obtinenda, capitalem iussit subire sententiam; quod cum audisset dictus Soldanus, collecta pugnatorum acie, dictam *Tripolis* Civitatem hostiliter oppugnavit & proh dolor! in brevi tempore suæ ditioni subjugavit, & solo tenus finaliter terræ complanavit, non sine maxima effusione sanguinis Christiani. Insuper in contemptum & vituperium nominis Jesu Christi, per vicos & plateas Civitatis destructæ, ad caudas equorum, Sanctorum imagines distrahi iusserat ac comburi.

1290

MCCCXC.

Hoc anno, mensibus Maii & Julii, *Gilbertus* Comes *Glovernæ* *Johannam* de *Acon*, & *Johannes* filius ducis *Brabantie* *Margaretam*, virgines illustres, filias Regis *Angliæ*, in Ecclesia conventuali apud *Westmonasterium* solemniter duxerunt in uxores.

*Judæi ab  
Angl. pulsi.*

Item Judeorum exasperans multitudo, quæ per diversas urbes & castra regionis *Anglicanæ*, per retroacta tempora habitabat confidenter, procurante Domina *Alienora*, matre dicti Regis *Angliæ*, iussa est per Edictum Regium cum bonis suis mobilibus, una cum uxoribus & parvulis, sub poena forisfacturæ omnium bonorum, quæ in Regno haberent, ab *Anglia* recedere æternaliter, circa Festum omnium Sanctorum, nunquam ad dictam terram iterum reverfuri.

Item consimile Edictum Regium emanavit ad partes *Aquitaniæ*, de Judæis ibidem perpetuis temporibus relegandis.

*Johan. Ferre.  
ob.*

Item IX. Kal. Aprilis obiit Domina *Johanna Ferre*, & XVII. Kal. ejusdem, quæ tunc dies Palmarum habebatur, in Ecclesia Beatae *Mariæ* de *Waverleia*, coram altari Beatae Virginis antedictæ, honestæ traditur sepulturæ.

1291

MCCCXCI.

*Edward Scotiæ  
Regn.  
subjugat.*

Hoc anno *Edwardus* Rex *Angliæ*, convocatis Regni Proceribus, & his qui consiliis suis præfuerunt, dixit cogitationem in eo esse, Regem & Regnum *Scotiæ* suæ subdere ditioni, sicut nuper *Walliam* suo subjugavit imperio; exercitum movit in partes illas, ubi in brevi dictum Regnum *Scotiæ* est adeptus.

*Alienora ob.*

Item die nativitatis Sancti *Johannis Baptistæ*, *Alienora* religiosa Regina, mater Regis *Angliæ*, diem clausit extremum. Et quia Rex filius tunc temporis in remotis agebat, insepulta permanfit usque Nativitatem Beatae virginis proxime sequentem, myrrha tamen & aromaticis pretiosis linita magnifice, ut de-  
cui, & peruncta.

*Alienora se-  
peltur.*

In festo itaque Nativitatis Virginis gloriosæ antedicto veniente, Domino Rege apud *Ambresbiriam*, ubi corpus dictæ Reginae adhuc jacuit inhumatum, confluerunt ad eum Archiepiscopi, Episcopi, Abbates, Priores, Comites, & Barones, & aliorum plurimorum, tam Prælatorum quam Religiosorum diversi ordinis infinita multitudo, dictum corpus in canticis & modulatione multifaria honorificæ tradiderunt sepulturæ, Domino *Johanne Cantuariensi* Archiepiscopo exequias celebrante. Quibus omnibus rite peractis, & solemniter, unusquisque cum gaudio ad propria remeavit. Nec mora, confluunt undique Domini Regis ministres, ad confiscanda castra, terras, & tenementa, ad dotem dictæ Reginae pertinentia, quod cum ad audientiam dicti Domini Regis pervenit, strictissime inhibuit, ne in aliquo de bonis suis intromitterent, quousque omnia debita, in quibus diversis . . . . . tenebatur, plenarie fierent persoluta.

*Sold. Babylo-  
niæ Acon ex-  
pugnat.*

Circa eadem tempora amaritudo lamentabilis omnes inebriavit Christiani nominis professores. Nam Soldanus *Babyloniæ* valido Paganorum exercitu congregato, *Acon* Civitatem munitissimam, quæ juxta loca maritima sita fuit in confinio Terræ Sanctæ oppugnavit, obtinuit, & destruxit. O lamentabilis dolor & amarus! gemitu *Jeremiæ* in Threnis detestabilior. *Jeremias* namque veterem *Jerusalem* plangendo descripsit, quæ tantummodo refugium erat Pro-  
felytis



felytis & Judæis. *Acon* autem præsidium fuerat singulare omnium nationum, *Edwardus R.* Orthodoxæ fidei legibus subditorum, de longinquis venientium, ad ulciscendam sui injuriam Creatoris.

Anno eodem, die Martis proxima post Festum Ascensionis Domini, *Florentius Comes de Hopylonde, Robertus de Brus, Johannes de Bailol, Johannes de Hasting, Johannes Comin, Patricius de Dumbar, Johannes de Wesci, Nicolaus de Selles, Willielmus de Ros*, omnes illi singulare jus & hæreditarium in Regno *Scotiæ* vendicabant, & acclamabant. Jurisdictioni & ordinationi, ac etiam sententiæ Domini *Edwardi* illustri Regis *Angliæ*, tanquam summi Domini præfati Regni *Scotiæ*, consensu unanimi, & concorditer se submiserunt, sub hac forma. *Edwardus Dei gratia Rex Angliæ, Dominus &c. Dilectissimis sibi in Christo Abbati & Conventui de Waverleia salutem. Mittimus vobis sub sigillo Scaccarii nostri, præsentibus appenso, transcripta quædam literarum, quæ in thesauraria nostra resident, tenorem qui sequitur continentia.* “A toz iceus qui  
 “ceste littere verront ou orront, *Florente Conte de Hollande, Robertus de Brus* Seinur de *Waldanaunt, Johan Baillol* Seinur de *Galleweie, Johannes de Hastinge*, Seinur de *Bergenny, Johannes Comin* Seinur de *Badenough, Patrik de Dumbar* Conte de la *Marche, Johan de Wesci* por son Pere, *Pichole de Seules*, & *Willielmus de Ros* salut en Deu. Comme nos entendons aver  
 “droit el Realme de *Escoce*, et tel droit mustrer, *Chalenger*, et averrer devant  
 “celui ki plus de poer \* en a, et aver deit, de trier nostre droit; et le noble  
 “Prince Sire *Edward*, par la grace de Deu Rois de *Angletere*, nos a informe  
 “par bone & suffisante resons ke à lui apent, & aver deit la Soveraine Seignurie  
 “del avant dit realme de *Escoce*, & la conifance de oir, trier, è terminer  
 “nostre droit, nos de nostre pure volente, fans nulle manere de force, ou de-  
 “strefce volon's .....







# ITINERARIUM

REGIS ANGLORUM

RICHARDI;

Et aliorum in terram

## HIEROSOLYMORUM.

AUCTORE

*GAUFRIDO VINIS AUF.*







*Prologus in Itinerarium peregrinantium in terram Sanctam tempore Salahadini, & in gesta Regis Angliæ Richardi, & Regis Franciæ, & Imperatoris Alemanniæ.*



OLET nonnunquam accidere, ut res quantumlibet notas, & eximie gestas, tractu temporis vel fama languidior minuat, vel oblivio posteritatis extinguat. Sic Regum quamplurimum emarcuit gloria; & ipsis conscriptum evanuit, quod ab eis magnifice factum, & suis celebratum temporibus, novitas excepit in favorem, fama in præconium, populus in exemplum. Hoc *Græci* veteres divinitus attendentes scripti remedium objecere prudenter, & scriptores suos, quos dixere historiographos, ad conscribendas rerum historias studiosius exciverunt.

Unde feliciter contigit ut vocis vivæ silentium, vox scripta suppleret, ne ipsis mortalibus eorum commorerentur virtutes. *Romani* vero, *Græcorum* æmuli, perpetuandæ virtutis obtentu, non solum stili assumpserunt officium; sed & statuas adjecerunt: & sic, tam veteres repræsentando, quam provocando posterios, virtutis amorem, tum per oculos, tum per aures ad interiora multipliciter demissum, imitantium mentibus firmitus impresserunt. Quis iter *Jasonis*, labores *Herculis*, *Alexandri* gloriam, *Cæsaris* victorias nosset, si scriptorum beneficia defuissent. Et ut Sanctorum Patrum utamur exemplis, nec *Job* patientia, nec *Abraham* liberalitas, nec *David* mansuetudo fidelibus posteris ad exemplum viveret, si conscia veritatis antiquitas legendam nobis historiam non reliquisset. Sane Reges antiqui, cum variis extollerentur præconiis, id vel maxime in votis habebant, <sup>a</sup> *ut in ore præsentium celebres*, ad posteritatis notitiam devenirent. Cæterum, cum innumeri rerum gestarum scriptores extiterint, plurimi quod audierunt, pauci quod vidēre scripserunt. Quod si *Frigio Daretii* de *Pergamorum* everfione ideo potius creditur, quia quod alii retulere auditum, ille præsens conspexit: nobis etiam <sup>b</sup> *& historiam Hierosolymitanam tractantibus*, non indigne fides debetur: quia quod vidimus, testamur; & res gestas, adhuc calente memoria, stilo duximus designandas. At si cultiorem dicendi formam deliciosus exposcit auditor, noverit nos fuisse in castris cum scripsimus; & bellicos strepitus tranquillæ meditationis otium non admisisse. Ipsa sibi veritas ad gratiam sufficit; & licet pomposo non exposita ornatu, quemcunque saltem secreti sui alliciet auditorem.

*Incipit itinerarium Regis Anglorum Richardi in terram Sanctam à Magistro Gaufrido Vinisauß editum.*

## Incipit Liber primus

C A P. I.

M C L X X X.

1180

**A**Nno verbi incarnati, <sup>c</sup> *millesimo centesimo septuagesimo septimo*, Apostolicæ Sedis apicem obtinente *Vrbano* tertio; imperante in *Alemannia* *Frederico*, apud *Constantinopolim* *Ysaakio*, *Philippo* Regnante in *Francia*, *Henrico* in *Anglia*,

<sup>a</sup> Deest. <sup>b</sup> Deest. <sup>c</sup> Deest.

in



*Christiano-  
rum vitia.*

*Salahad. vir-  
ga furoris Do-  
mini.*

*Portenta va-  
ria.*

in *Sicilia Willelmo*, aggravata est manus Domini super populum suum; si tamen recte dixerimus suum, quem conversationis immunditia, vitæ turpitudine, vitiorum foeditas fecerant alienum. Jam enim eousque flagitiorum consuetudo proruperat, ut omnis, (abjecto erubescentiæ velo) palam & passim ad turpia declinarent. Cædes, rapinas, adulteria, longum esset evolvere, ac proposito nostro contrarium, qui res gestas delibare decrevimus, non formare tractatum: Sed cum hostis ille antiquus corruptionis spiritum longe lateque diffudisset, specialius tamen *Syriam* occupaverat, & unde regiones cæteræ susceperant Religionis exordium, inde totius immunditiæ funebant exemplum. Hinc igitur Dominus terram nativitatis suæ, locum passionis suæ in abissum turpitudinis decidisse conspiciens, hæreditatem suam sprexit, & virgam furoris sui *Salahadinum*, ad obstinatæ gentis exterminium, debacchari permisit: maluit enim Terram Sanctam, per aliquantum tempus prophanis gentilium ritibus ancillari, quam illos florere diutius, quos ab illicitis nullius honestatis compescebat respectus. Hanc futuræ demolitionis instantiam casus præloquebantur diversi: fames, terræ motus, frequens tam Lunæ quam Solis defectus. Sed & ventus ille validus, quem de planetarum concursu proventurum Astro nomici pronunciaverant, in hujus rei significantiam commutatus migravit. Ventus vere <sup>d</sup> calidus; qui quatuor mundi cardines concussit, ac orbem totum in seditiones & prælia concitandum præmonstravit.

## C A P. II.

### *Qualiter Salahadinus Palæstinam ingreditur.*

*Jakelini de  
mailliaco vir-  
tus eximia.*

**S**alahadinus igitur, contractis armatorum copiis, *Palæstinam* violenter aggressus Admiralium *Edesæ Manasaradinum* cum septem millibus *Turcorum*, qui terram sacram depopularentur, præmisit. Hic autem, cum in partes *Tiberiadis* processisset, (casus) sibi obvios habuit Magistrum militiæ Templi *Gerardum* de <sup>e</sup> *Bideffordia*; & Magistrum hospitalis *Rogerum* de *Molendinis*, illum quidem fugatum; istum vero interfectum inopino Marte confecit. In quo conflictu, cum nostrorum paucissimi ab immenso concluderentur exercitu, insigne quiddam & memoria dignum contigit: nam quidam Templarius, officio miles, natione <sup>f</sup> *Tutonijs*, nomine *Jakelinus* de *Mailliaco*, quadam virtutis præeminencia in se omnium provocabat insultus: cæteris autem commilitonibus suis, qui quingenti æstimabantur, vel captis vel interfectis belli totius impetum solus sustinuit: & pro lege Dei sui athleta gloriosus effulsit. Hic hostium vallatus cuneis, & humano prorsus auxilio destitutus, cum tot millia hinc inde irruentia conspiceret, collegit in vires animum; & unus contra omnes bellum animosus suscepit: virtus ejus ad gratiam hostium commendanda enituit <sup>g</sup> ut ei plerique compassi, ipsum ad deditionem affectuosius hortarentur. Quorum monita dissimulans, mori pro Christo non <sup>h</sup> timuit; sed telis, lapidibus, lanceis, oppressus magis quam victus, vix tandem occumbens ad coelos feliciter cum palma Martyrii triumphator migravit. Mors quidem mitior; & ad sensum dolor non venerat, cum unius viri gladius tantam circumjacentis turbæ struxisset coronam. Dulce viro sic occumbere, ubi victor ipse in medio, & in circuitu impii, quos dextera victrice consumpsit. <sup>i</sup> (*Et quia in equo nitido & armis albicantibus tunc casu pugnator inceserat, Gentiles qui Sanctum Gregorium in hujusmodi habitu militare noverant, se militem nitentis armaturæ, Christianorum propugnatorem, interfecisse jactabant.*) Erant in loco, ubi pugnabatur stipulæ, quas messor, post grana paulo ante decussa, reliquerat inconvulsas. *Turcorum* autem multitudo tanta irruerat, & vir unus contra tot acies tam diu conflixit, ut campus in quo stabant totus resolveretur in pulverem, nec

<sup>d</sup> Validus. <sup>e</sup> Ridef. <sup>f</sup> Turonicus. <sup>g</sup> Et. <sup>h</sup> Abhorruit. <sup>i</sup> Deest edit.



ulla prorsus messis vestigia comparerent. Fuere, ut dicebatur, nonnulli qui corpus viri jam exanimum pulvere superjecto consparserunt; & ipsum pulverem suis imponentes verticibus, virtutem ex contactu hausisse credebant. Quidam vero, ut fama ferebat, ardentius cæteris movebatur; & abscissis viri genitalibus, ea tanquam in usum gignendi reservari disposuit, ut vel mortua membra, si fieri posset, virtutis tantæ suscitarent hæredem.

## CAP. III.

*Quod genus vel quæ initia Salahadinus haberet.*

**H**Ac ergo suorum victoria *Saladinus* impendio hilaratus, animum occupandi Regni ambitione succensum, ad majora intendit. Verum ut tantus Christiani nominis persecutor cupidæ posteritati, plenius innotescat; de principiis ejus aliquid, quantum brevitatis captata permiserit, præmittemus. Fuit itaque de genere *Mirmuraeni*, parentum non ingenuorum proles, nec tam obscuri sanguinis humilitate plebescens. Pater ejus *Job*, ipse <sup>8</sup> vero *Joseph* <sup>Salahadini genus.</sup> nuncupatus. Nam juxta *Mahumeti* traditionem, hæc apud plerosque gentilium viget observantia, ut cum charactere circumcisionis <sup>h</sup> & *Hebræorum* nomina circumcidendis imponant: Principes vero, ut nominibus suis ammoniti legis *Mahumeticæ* studiosi defensores existant, ab ipso legis vocabulo nomina sortiuntur. Lex siquidem lingua Gentili, *Hadin* dicitur. Unde & *Saladin* <sup>Nominis ipsius Etymon.</sup> dictus est, quod legis corrector interpretatur. Et sicut Principes nostri vel Imperatores dicuntur vel Reges, sic apud illos qui præ eminent Soldani, quasi soli Dominantes nominantur. *Salahadinus* utique sub Soldano *Damascenorum* <sup>i</sup> *Norahaldino*, hoc primum potestatis suæ auspiciū habuit, quod de puellis *Damasci* quæstuariis quæstum sibi colligebat infamem: eas enim aliter non licebat prostituere, nisi ab ipso primitus libidinis exercendæ copiam <sup>k</sup> pretio impetrassent. Quicquid autem ejusmodi lenocinio lucrabatur, in usus histriionum prodigus refundebat, sicque largitionis obtentu, venalem vulgi gratiam totis desideriis comparavit. Hic cujusdam *Suriani* vaticinio in spem Regni adductus, ab illo futurum audierat, ut *Damasci* & *Babylonis* ditione potiretur. Sic ergo ascensiones in corde suo disposuit, & jam coepit Regno majora sperare, cujus ambitus angustæ possessionis limites non excedebat. Processu temporis cum ætas robustior officium militare deposceret, ad *Enfridum* de *Turone* illustrem *Palæstine* principem, paludandus accessit; & *Francorum* ritu militiæ cingulum ab ipso suscepit.

## CAP. IV.

*Qualiter Salahadinus occupavit Regna Ægypti & Damasci, & Indiæ & aliarum terrarum.*

**E**O tempore Gentilis quidam *Seuarius* nomine, sub <sup>l</sup> (*Molano*, quem <sup>Molanus Amalrici tributarius.</sup> *Amalricus* ad tributum coegerat annuatim solvendum. *Molanus* siquidem ter in anno tantum se visibilem & adorandum exhibebat *Ægyptiis*, qui apud subditos credebatur tantus, ut ejus imperio *Nilus* effluere diceretur. Porro gentilitiæ Religionis statuta observanter adimplens: dies anni concubinarum numero adæquabat: sicque inter mulierculas conse-

<sup>g</sup> Deest <sup>h</sup> Etiam. <sup>i</sup> Norahadino. <sup>k</sup> Deest. <sup>l</sup> Calepho de Baldac Ægyptiorum tenebat imperium.



*Salahadin.  
Ægypto poti-  
tetur.*

*Norahadinus  
defuncto, Sa-  
lahadin. reg-  
num invadit.*

*Damascum  
&c. occupat.*

nescens, tractanda Regni negotia *Seuuario* committebat. Hos *Salahadinus* cum patruo suo *Saracuno*, tunc temporis apud *Ægyptios* militans, proditiose peremit incautos, & sic totius *Ægypti* obtinuit principatum. <sup>m</sup> Post multum vero non multo temporis interfluente tractu, *Norahadinus* diem clausit extremum; cujus uxorem *Salahadinus* matrimonio sibi copulans, cum ipsa Regni regimen fugatis hæredibus occupavit. Hæc fortunæ ludentis potentia, has rerum vicissitudines voluit: quæ de paupere divitem, de humili sublimem, de servo suscitavit dominantem. Quod si rerum pretia iudicio, non opinione metimur, quantalibet terrenæ felicitatis potentia vilis æstimanda est, quam pessimi & indigni sæpius nanciscuntur. Leno ille, cujus Regnum in prostibulis, militia in tabernis, studium in aleis & alliis, subito sublimatur; sedet cum principibus, imo major principibus; & solium gloriæ tenens *Ægyptiis* imperat; *Damascenos* subdit; terram *Roasæ* cum terra *Gesyrae* occupat; & ad intima citerioris *Indiæ* penetrat regnaturus. Regna itaque circumjacentia nunc dolis nunc armis impugnans & expugnans, de sceptris pluribus monarchiam effecit, & tot Regum solus vendicat principatum. Nec <sup>n</sup> est contenta tyranni cupiditas, quo plura possidet, ad plura incenditur, & hæreditatem Domini totis viribus occupare conatur. Tempus autem votis accommodum nactus jam obtinere sperat, quod nunquam optare præsumerat. Nam propter Regnum diffidentibus *Tripolitano* comite *Raimundo*, & *Guidone Latinorum* Rege octavo, perniciofa seditio populum distrahebat.

## CAP. V.

*Cum quanto exercitu Salahadinus exercitum Christianorum confecerit, & crucem Dominicam cum Rege Guidone & Acon ceperit, & terram promissionis sibi subegerit.*

*Reginaldus  
rupto turpi-  
ser fœdere  
Salahadin.  
irritat.*

*Visio tremen-  
da.*

**H**Æc igitur oportunitas cupientem animum acrius accendit, & tam <sup>o</sup> celebrem quam certum gerendi negotii pollicetur effectum. Cæterum, non sine causa <sup>p</sup> prorsus, à *Soldano* bellum indicitur: nam princeps Antiochiæ *Reginaldus*, fœdus induciale ruperat, quod nostri cum gentilibus hinc inde sanxerant observandum. Quodam enim tempore, cum plurimus & opulentus Gentilium comitatus à *Damasco* in *Ægyptum* transfret, & præter limites terræ Christianorum, ob induciarum fiduciam, itinerare non formidarent, in eos subito Princeps prædictus irruit; & ipsos cum universis farcinis, minus decenter, captivos abduxit. Soldanus igitur tum ambitione fervens, tum injuria sibi facta permotus, totius imperii sui excito robore, *Jerosolymorum* fines, tam potenter quam violenter invadit. Si numerus hominum, dissimilitudo gentium, ceremoniarum diversitas, prout lex historiæ postulat, plenius describerentur, tractatus diffusior brevitatis propositum conturbaret: *Parthi*, <sup>q</sup> *Bedeuini*, & *Arabes*, *Medi*, *Cordini* & *Ægyptii*, sicut loco, ritu & nomine diversi; sic in excidium terræ sanctæ unanimiter omnes accensi. Nostris obviam procedentibus, cum jam dies funesta instaret, camerario Regis visio tremenda contigit: quod quædam aquila Christianum transvolaret exercitum, quæ septem missilia & balistam gestans in pedibus voce terribili personabat: *væ tibi Jerusalem*. Ad hujus visionis eliciendum mysterium, sufficere credimus quod scriptum legitur: *Tetendit Dominus arcum suum, & in eo paravit vasa mortis*. Quid autem septem missilia nisi septem criminalia typice indicant, quibus infelix exercitus erat in proximo periturus? Poteest <sup>t</sup> tamen illius septenarii nomine, poenarum quæ Christicolis imminiebant universitas intelligi: <sup>q</sup> quod, post multum, fidelis nimium & dirus interpret verum de-



claravit eventus. Conflictu nondum inito, cum non longe à *Tiberiade*, <sup>t</sup> [in loco qui *Marescallia* dicitur] hinc inde acies produxissent; conclusit Dominus in gladio populum suum, & hæreditatem suam, peccatis hominum exigentibus, in cædem tradidit & direptionem. Quid plura? nec tenor propositi, nec ipsa doloris immensitas ad singula threnos aptare indulget. Sed ut multa paucis claudantur, tot ibi cæsi, tot vulnerati, tot in vincula coniecti, <sup>u</sup> quot ad hostium miserationem gens nostra consumpta deperit. Illud vivificum salutiferæ Crucis Lignum, in quo Dominus ac Redemptor noster pendit; in cujus stipitem pius Christi sanguis defluxit; cujus signum adorant Angeli, venerantur homines, dæmones expavescunt; cujus præsidio nostri semper in bellicis exitere victores, heu nunc ab hoste capitur: & ipsius Crucis baiulatores duo, Episcopus *Aconensis*, & <sup>x</sup> [cantor Dominici sepulchri,] ille cæsus, iste captus, pariter, cum ipsa succumbunt. Hanc <sup>y</sup> autem post *Cosdroen* Regem *Persarum* Crux sancta, propter scelera nostra, contumeliam pertulit: & quæ nos à veteri captivitatis iugo absolvit, propter nos captiva ducitur, & prophanis gentilium manibus contrectatur. Videat, si est intelligens, quæ sit ira Domini, ino quanta fervorum iniquitas, cum ad Crucis custodiam Gentiles quam Christiani minus reputentur indigni. Nihil æque lugendum ætas antiqua protulit: quia nec arca Domini, nec Reges *Judeorum* captivati, nostri casum temporis æquiparare possunt, in quo gloriosæ Cruci, Rex ducitur concaptivus. De captivis autem, quorum multitudo non minus miranda quam miseranda extitit, pars pro victoris arbitrio reservatur illæsa; partem vero tam felici quam festivo compendio, ad cælum gladius mactator transmisit. Inter cæteros princeps *Antiochiæ Reginaldus*. Soldani conspectibus præsentatur: cui tyrannus ipse, vel furorem suum secutus, vel viri tantæ excellentiæ differens, manu propria caput emeritum & longævum abscidit. Templarios quoque, quotquot erant, præter magistrum militiæ, decapitari <sup>z</sup> percipiens, ipsos <sup>a</sup> penitus exterminare <sup>b</sup> disposuit, quos in bello cæteris omnibus noverat prævalere. O Zelus fidei! O fervor animi! Quam plures assumpta Templariorum tonsura, certatim ad carnifices confluunt; & sub <sup>c</sup> pio novæ professionis mendacio, lætam ferientium gladiis cervicem dependunt. Hos inter Christi milites, Templarius quidam nomine *Nicolaus*, ita cæteris subeundæ mortis amorem persuaserat, quod aliis prævenire certantibus, ipse martyrii gloriam vix primus obtinere poterat, quod tamen summo opere affectabat. Nec defuit miraculosa divinæ miserationis potentia: nam per tres noctes proximas cum Sanctorum Martyrum corpora adhuc insepulta jacerent, cœlestis radius ignis desuper manifestus insulfit. *Salahadinus* itaque cum jam belli fremitus conquiesceret, & hinc captivos trahi, inde cæsos passim jacere conspiceret, erectis ad cælum oculis de adeptione victoriæ grates Deo reddidit. Sic enim facere, in omnibus quæ accidebant, consuevit. At inter cætera hoc sæpius dixisse fertur: quod non sua potentia: sed iniquitas nostrorum peccatorum hanc illi victoriam contulit: & hoc ipsum non insolitus rerum comprobabat eventus. In congressibus aliis, nostrorum exercitus, quantumlibet modicus, divino semper <sup>a</sup> vincebat præsidio: nunc autem, quia nec nos cum Domino, nec nobiscum Dominus, gens nostra penitus ante conflictum succubuit, cum tamen milites plus quam mille, & pedites plus quam viginti millia censerentur: adeo sane totius Regni robur edicto Regio, ad bellum illud funestum conflixerat, ut illi tantum in castrorum & urbium refiderent custodia, quos ætatis & sexus infirmitas armorum prorsus habebat immunes. Hoc bellum die translationis sancti *Martini*, fato infelici commissum, sub uno actu temporis, omnem Regni gloriam transtulit & extinguit. Soldanus ergo, munitiones terræ, cæsis defensoribus, faciles ad occupandum confusus, Regem captivum victor per *Syriæ* castra circumducit: ut in ludibrium reservandus, & capiendis ostendatur urbibus, & populum inci-

*Christianus  
exercitus de-  
letur.*

*Crux capta.*

*Rex captivus  
abducitur.*

*Reginaldus  
capite trun-  
catur.*

*Salahadinus  
gratias agit  
Deo pro adep-  
ta victoria.*

<sup>t</sup> Deest. <sup>u</sup> Quod. <sup>x</sup> Episcopus Sancti Georgii. <sup>y</sup> Alteram. <sup>z</sup> Præcipiens. <sup>a</sup> Stirp-  
tus. <sup>b</sup> Statuit. <sup>c</sup> Ipso. <sup>d</sup> Prævaluerat.



*Acon capta.*

tet ad deditionem. *Acon* itaque veniens ipsam primam & quamprimum absque insultu recipit, civibus ex condito libertatem habentibus, se ac sua quomodo duceret transferendi.

## CAP. VI.

*De captione Christianorum apud Acon incaute applicantium.*

**I**Nterea nautæ cursus solitos *Acon* dirigunt, qui ab orbe Christiano profecti, alii merces, alii transvehunt peregrinos: & heu! rerum gestarum inficii, ad portum hostilem applicant captivandi. Casus quidem miserabilis: littus à longe conspectum salutant, & vincula parantur egressis; naufragia evasisse lætantur, & in gladios incidunt; pacem fatigati expectant, & inveniunt persequentem, plerique reservantur captivi, quam plures habentur ludibrio, pauci finuntur reverti, quos hostis ex industria nudos & inopes abire permittit, ut illorum exemplo exterreamur venturi.

## CAP. VII.

*Qualiter Marchifus Conradus captionem prædictam evaserit & Tyrum petierit.*

**I**Nter cæteros *Marchifus* à *Constantinopoli* veniens, extra portum *Acon*, Sole in occasum vergente, velis dimissis subsistit. Urbis enim silentia suspicionem inducunt, cum alias semper in adventum navium ad plausum soleat concitari: vexilla Soldani per urbem <sup>d</sup> conspecta, majorem timendi causam incutiunt. At cæteris diffidentibus, cum jam galeas Gentilium adventare cernerent, *Marchifus* omnes filere imperat, & se omnium prolocutorem opponit. Missis <sup>e</sup> itaque quinam essent sciscitantibus, navem institoriam esse asserit; & se Dominum navis, rei gestæ non inscium, ac Soldano devotum, die crastina illucente ad urbem venturum cum mercibus, constanter promittit. Nocte ipsa vento favente, *Tyrum* secedens, ipsam defensusus suscipit: cujus adventus, & venturis Christicolis processit ad commodum, & ipsi cessisset ad gloriam, si qualis cœperat perstitisset. *Marchifus* ille *Conradus* nomine, natione *Italus*, vir quidem singularis industriæ, & ad quævis aggredienda strenuus: Sed quantumlibet insigne principium, si turpi clauditur exitu, vituperium potius quam laudem meretur. Soldanus post *Acon* redditam, *Beritum* & *Sidonem* occupans, cum *Tyrum* eadem facilitate vendicare speraret, turpiter repulsus abcessit.

*Marchifus  
Tyrum feliciter ingredi-  
tur.*

*Beritus & Sidonem expugnat.*

## CAP. VIII.

*Salahadinus Beritho & Sidone captis à Tyro fugatur, & Ascalonem cepit falsa pactione ejus deceptam.*

**E**Xinde Rege secum perducto, *Ascalonem* pervenit, & erectis petrariis urbem impugnat: quam captu facilem, rarus & inermis defensor efficit; licet loci munitio multiplex invincibile Robur prætendat. Urbem sibi

<sup>d</sup> Suspecta. <sup>e</sup> Namque.



reddi, infatiabilis prædo, votis omnibus instat, prorsus ab expugnatione diffidens; rerum quidem inscius, & statum urbis in armis, viris, victualibus inopem & infirmum, ignorans. Paciscitur autem, & cives cum rebus suis libere discessuros; & Regem cum aliis xv. electoribus captivis, quam citius absol- *Ascalon de-*  
vendum. Die ipsa, qua pactio præscripta in urbis traditionem processit, Sol, *ditione capta.*  
quasi compatiens, beneficium luminis defectu ecliptico urbi & orbi subtrahit. *Eclipse solis.*  
Porro Tyrannus perjurus & perfidus, tenorem pacti ex parte transgreditur. *Salahadini*  
Rex enim *Damascum* transmissus, ibidem, usque ad Maium sequentem, tene- *perfidia.*  
tur in vinculis; nec aliter potest captivus absolvi, nisi Regno primitus ab-  
jurato.

## CAP. IX.

*Jerusalem capitur & ludibrio habetur, populus redemptus expellitur,  
non redemptus captivatur.*

**F**atis itaque succensum urgentibus, *Jerusolymam*, victor tam festinus *Hierusalem*  
quam infestus aggreditur, urbem obsidet, machinas extruit, loca sacra *obsidetur.*  
sacrilegus irreverenter invadit. Erat crux quædam lapidea, quam olim mi-  
lites nostri, cum hanc urbem post *Antiochiam* victoriosè cepissent, in titulum  
facti, supra murum erexerant: hanc ictu phalaricæ, gens sæva diruit; & cum  
ipsa partem muri non parvam prosternit. Cives equidem, quas possunt, de-  
fensiones objiciunt: sed quicquid tentatur à nostris, effectu caret, profectum  
non invenit; arcus, balistæ, petrariæ inutiliter tractantur: sicque tam arma  
quam machinæ, iram Domini manifeste nunciant, & urbis excidium prælo-  
quuntur. Illuc undique quamplurimi è castris vicinis confluerant, de loci  
potius sanctitate, quam de munitione confisi: sed in tanta hominum multi-  
tudine, bis septem milites vix poterant inveniri. Cæterum sacerdotes &  
clerici, quanquam professioni suæ indebitum, pro tempore tamen officium  
militandi assumunt: & pro domo Domini strenue dimicant: illud tenentes  
memoriter, quod vim vi repellere, omnes leges & omnia jura permittunt.  
Vulgus vero tam ignavum quam pavidum, ad Patriarcham & ad Reginam, qui  
tunc urbi præerant, frequenter occurrit; flebiliter queritur, instanter sup-  
plicat, ut cum Soldano de urbe tradenda quam citius paciscantur. Verum  
flenda magis quam commendanda pactio intercedit: nam singuli capitis sui *Hierusalem*  
censum dependunt. Vir quidem bizantios decem, mulier quinque, infans *capta.*  
unum: & quisquis ad solvendum non sufficit, tenetur captivus. Sic ergo  
contigit, ut, cum plerique, vel de rebus propriis vel aliunde vindicato sub-  
sidio, salutis suæ pensionem dedissent, reliquorum, qui sine redemptore super-  
fuerant, xiv. millia jugum perpetuæ servitutis subirent. Illis autem qui li-  
bertatem emerant, hæc optio proposita fuit: ut vel *Antiochiam* pergerent;  
vel *Alexandriam* transfretandi gratia, dato conductu, migrarent. Dies illa,  
dies amara valde, & qua populus exul ab invicem discedit, in diversa iturus:  
urbemque tam sacram deserit: urbem, quæ Domina urbium, in servitutem  
redigitur; urbem, quæ filiorum Hæreditas, alienigenis subditur, à malitia  
habitantium in ea. Gloriosa civitas Dei *Jerusalem*, ubi Dominus passus, ubi  
sepultus, ubi gloriam resurrectionis ostendit, hosti spurio subjicitur polluen-  
da: nec est dolor sicut dolor iste, cum ii sepulchrum possideant, qui sepul-  
tum persequuntur; Crucem teneant, qui Crucifixum contemnunt. Hanc au-  
tem sacratissimam civitatem, circiter nonaginta & sex annos, gens nostra te-  
nuerat, ex quo ipsam pariter cum *Antiochia*, victoriosa Christianorum recupe-  
ravit potentia, cum eam prius Gentiles per annos xl. possedissent. Urbe



reddita, præco legis *Mohumeticæ* <sup>h</sup> eminentem Calvariæ rupem conscendit: & ibi lex spuria declamata personuit, ubi legem mortis Christus in cruce consumsit. Nefas aliud atrocissimum hostes aggressi: Crucem quandam, quæ supra pinnaculum Ecclesiæ Hospitalarium posita eminebat, alligatis funibus deiecerunt, & eam turpiter consputam & cæsam, per urbis iterquilinia improprium fidei nostræ traxerunt.

## CAP. X.

*Qualiter Salahadinus à terra & Mari Tyrum obsidet.*

*Tyrus obsessa.*

**S**Ane Regina Regis *Amalrici* filia, *Sibylla* nomine, una cum Patriarcha <sup>i</sup> *Erachio*, cum Templariis, Hospitalariis, & immenso coexulantium coetu, versus *Antiochiam* iter direxit. Quod autem apud *Neapolim*, cum Rege marito & captivo, colloquium triste <sup>k</sup> habuit; quod navem, in quam transfretare disposuerat, *Marchisus* violenter *Tyrum* <sup>l</sup> abduxit, brevitatis studio superfedemus. Illud quidem silentio suppressi omnino arbitramur indignum, quod *Saladinus* occupandæ urbis desiderio fervidus, *Tyrum* rursus totis viribus expugnare contendit: nec terrestri obsidione contentus, urbem, qua mari cingitur, galeis obsidet, & undique molitur insultum: nihil vero intentatum relinquens, patrem *Marchisi*, quem in bello superiore ceperat, sub hac fiducia præsentat captivum, ut filius necessitudinis affectu permotus, patris concambio civitatem contradat. Nunc ergo reddendum offert, nunc perdendum minatur, variosque tentat accessus. Sed in omnibus fallitur: nam *Marchio* flecti nescius offerentem irridet, minantem contemnit: Quoties autem, provocandæ compassionis intuitu, illi pater in vinculis videndus ostenditur, confestim balistam corripit, obliquos in patrem ictus designat; manum quidem aberrare volens, sed similis percussuro. Missis <sup>m</sup> enim Soldani, qui patris interitum crebrius minitantur, id se votis omnibus <sup>n</sup> expetere asserit: ut & maleficus ille post tot flagitia bonos tandem inveniat exitus; & ipse patrem habere martyrem mereatur. Hac igitur tyrannus obtinendæ urbis delusus fiducia, fortunam alio <sup>o</sup> tentat aditu; & quia nihil arte proficit, quid armis valeat experitur. *Tyrus* siquidem in corde maris sita, undique ambitur mœnibus; & modica sui parte, qua ponto non clauditur, muro munitur multiplici: quæ suis olim famosa regibus, *Thebarum* & *Carthaginis* peperit <sup>p</sup> conditores. Hæc regnante in *Judæa* *Salomone* proprio Rege gaudebat; & quæ Regni sui tunc caput extitit, tractu temporis Regno *Jerosolymorum* in partem concessit. Hanc hostis cupidus, terra marique aggreditur; & introrsus fame afflictam, varia incurfione laceffit. Crastina Innocentum, festo scill. gloriosi Martyris *Thomæ*, clebrem cives nanciscuntur victoriam: nam illucente auro-ra, cum naviculis parvis & paucis egressi, obsidionem maris navali congressu dissolvunt. Cæterum ad fugam potius quam ad bellum prodire videntur. Sed in primo impetu, tota hostium classis ita divina virtute succumbit, quod pars in urbem cum remigibus ipsis abducitur: pars vero refuga, ultro arenis illiditur peritura. Gentiles viso navali conflictu, urbem defensoribus vacuum esse credunt, & eam de victoria certi, certatim impugnant. Jam Mœnibus applicantur acies, & ad consensum festinant quamplurimi, cum *Marchio* portas pandi præcipit, quem *Hugo* de *Tiberiade*, cum fratribus suis & alio comitatu strenuo exeuntem secuto, innumeros rara manu prostermit. *Salahadinus*, fata sibi adversantia conspiciens, petrariis suis & galeis, quæ superstites fuerant, igne ad ipsius jussionem consumtis, recedit inglorius; & Matho-

*Tyrus obsidione solvitur.*

<sup>h</sup> Eminentiorum. <sup>i</sup> Eradio. <sup>k</sup> Habuerit. <sup>l</sup> Abduxerit. <sup>m</sup> Etiam. <sup>n</sup> Expectare. <sup>o</sup> Pertentat. <sup>p</sup> Conditorem.



num exécratur infensus. <sup>q</sup> Post, circa principium Maii, Regem à vinculis <sup>Rex libera-</sup> liberat; & læsa pactione priori, novam & duram [ ut prædiximus absolven-<sup>tur.</sup> di legem ] conditionem imponit.

## CAP. XI.

*Regis & Regina congressus.*

**E**ST insula quæ *Arados* dicitur, cujus civitas *Anthorados*, vulgo *Tortosa* nominatur: hic in occursum Regis, Regina procedit; miscentur oscula, neſtuntur amplexus, ſuas lætitia lachrymas elicit, & caſus, quos incidiffe dolent, evaſiſſe lætantur. Rex ſiquidem per annum ſequentem nunc *Antiochiæ*, nunc apud *Tripolim* commoratur; & tranſmarinos Chriſticolas in terræ ſanctæ ſubventionem venturos expectat.

## CAP. XII.

*De pecunia Regis Henrici apud Templarios quondam reposita.*

**S**ANÈ hoc inter cætera nullatenus ſilendum cenſemus, quod Rex *Anglorum* *Henricus* pecuniam multam apud Templarios & Hoſpitalarios [ <sup>r</sup> dudum ] congeſſerat: qua & *Tyrus* deſenſa, & cætera negotia Regni utiliter expedita fierent. Hanc autem pecuniam Rex magnificus, pia & neceſſaria proviſione, in terræ ſubſidium, per multos annorum circulos *Jeruſolymam* tranſmiſerat: cujus ſumma, ut dicitur, in triginta millia marcarum excrevit.

## CAP. XIII.

*Salahadinus à Tyro diſcedens oppida plurima tam in Palæſtina quam apud Antiochiam capit.*

**S**ALAHADINUS igitur Tyro diſcedens, cum caſtra *Palæſtina* quamplurima occuparet, in partes *Antiochiæ* feſtinus ſecedit; & impetu potius quam obſidione, *Gabelum*, *Laodiciam*, & quaſdam alias provinciæ munitiones expugnat. *Gabelus & Laodicia expugnantur.* Terror quidem ipſi urbi non parvus incutitur. Sed civium communi conſilio Patriarcha & <sup>r</sup> princeps deditionem tyranno promittunt, ſi citius infra datum terminum ſperati non venerunt adiutores. Mœror quidem inconſolabilis univerſos turbaret Chriſticolas, ſi urbs tam inclyta, quæ Chriſtiani nominis inventione lætatur; ruſum gentilibus ceſſiſſet immundis, quos longo & diro bellorum diſcrimine, noſtri dudum expulere victores. Cæterum nova deſenſionis auxilia unde venient? vel quando venient? vel quomodo venient? terrâ non patet acceſſus; mare ab hoſtibus tenetur obſeſſum; Chriſtianorum naves à veniendo temperant, dum galeas Gentium, quæ ſedent in inſidiis, incidiffe formidant. Verum perire non poteſt, quod Dominus ſalvare diſponit. Ecce, optati veniunt; expectati accedunt: nam egregius Rex *Siculorum* *Wilhelmus* primos terræ ſubſidiarios deſtinat, qui comites duos, milites quingentos, galeas L. tranſmittit.

<sup>q</sup> Poſtmodum. <sup>r</sup> Deſt. <sup>f</sup> Deſt. <sup>t</sup> Principes.



## CAP. XIV.

Willielmus Rex Siciliae mittit Margaritum cum l. Galeis & quingentis militibus in subventionem terrae Sanctae.

Ergo beneficium esse quis dubitat, quod *Antiochia* retenta, quod *Tripolis* defensa, quod *Tyrus* servata, qui harum urbium incolas à fame & gladio viribus suis securos conservat? *Margaritus* classi Regiae regendae praeerat, vir admodum strenuus, qui cum galeis praecurrens, ausus piraticos reprimat, & praetemptata veniendi fiducia sequentes invitat. Hic, insulas procul positas premens imperio; & tot casus aequoreos fato felici expertus, victoriis multis obtinuit, ut Rex maris, & à nonnullis, alter diceretur *Neptunus*. Jam *Tripolis* navigantibus in prospectum occurrit: cives eminus vela conspiciunt: & cum nuntii salutis adveniant, sinistra praenunciat pessimus in dubiis augur timor: nec mora muros coronant, propugnacula conscendunt, incerti tamen an deditionem offerant, an pugnam pertentent. At cum propius in eminentiis puppium, vexilla crucis, & alia Christianae religionis insignia conspiciantur, clamor ingens tollitur, consalutantium voce resultant aequora: turbis occurrentium littus impletus; & ineffabile gaudium cunctos accendit. Inter alios <sup>a</sup> *Hervicus* de *Danziano*, sed praeter aliis fama factorum insignis, maturum terrae praesidium commodat: sicque in brevi, manu multa & valida confluenta, nostrorum maritima illaesa servatur.

## CAP. XV.

Eratum oppidum à Salahadino capitur, & Mons Regalis post obsessionem annorum duorum ei redditur, pro liberatione Remfridi de Turone & Girardi magistri Templi.

Est castrum quod <sup>x</sup> *Erathrum* dicunt, ubi civitas olim, *Petrus* nomine, nunc vero metropolis, sed loci Antistes nomen antiquum retinet, & Archiepiscopus *Petracensis* appellatur. Castrum illud in sinu Regni penitioris consistens, per Admirales Soldani <sup>y</sup> jamdudum tenebatur obsessum. Locus quidem, si sola recedat, expugnat quae tuta, fames, ab omni securus insultu. Est & castrum, quod *Mons Regalis* dicitur, quod ab urbe jam dicta xx. leucarum interjectum distans, ulterius versus *Aegyptum* secedit. Huc & Admirales suos, à principio rerum tyrannos transfuderat: ut diutina obsidione fames vinceret, quos loci munitio servabat invictos. Verum nec eriguntur machinae, nec tentatur insultus: ridiculum enim esset os in coelum ponere; & ibi expugnandi habere fiduciam, ubi <sup>z</sup> non impugnandi datur accessus. Cumque in duos annos fere pertraheretur obsidio, nostri egere coeperunt. Quicquid autem triste vel durum apud *Saguntum* *Hiberos*, apud *Perusium* per tulisse *Romanos*, testis narrat antiquitas, nostrorum constantia <sup>a</sup> sustinet, nec abhorret egestas edulium, quod usus & natura condemnant: suas insuper affectiones pietas abdicat; suas amor abjurat delicias: nam pater progeniem parvulam, filius parentes discrepitos, nuptam maritus proscribit; & ejecti cum lachrymis, hostibus exponuntur invalidi, ut alimentis residuis diutius militent pugnaturi. Tandem fame confecti & semianimes, honestae tamen deditionis pactum incunt: nam & sibi recessus liberos, & Domino suo <sup>b</sup> *En-*

<sup>a</sup> Henricus. <sup>x</sup> Crachum. <sup>y</sup> Dudum. <sup>z</sup> Nec. <sup>a</sup> Sustinetur. <sup>b</sup> Gaufrido.



*frido* sc. de *Turone*, qui tenebatur captivus, liberationem acquirunt: pari fato *Gaufridus de Turone & alii liberantur.* magister militiæ Templi *Gerardus de Tidesfordia*, quarundam munitionum deductione absolvitur: sed & pater *Marchisi*, quodam Gentilium captivorum concambio liber abscedit.

## CAP. XVI.

*Salahadinus legem Mathomi extollens à fatuo deluditur.*

**S**alahadinus ita jam toto fere Regno potitus, cum cuncta sibi ad nutum succederent, elatione fastuosa lasciviens, legem *Mathomi* magnificentius exultit, & eam Religioni Christianæ præcellere, rerum gestarum probabat eventu. Cujus superbientis gloriam cum se victor coram Christicolis insolentius jactitaret, fatuus quidam propter dicacitatem ipsi non incognitus, Deo quidem inspirante, tali responso delusit: Deus fidelium pater, delinquentes Christicolas corripiendos & corrigendos judicans, te ministrum, & Princeps, in hos usus assumfit: sic carnalis pater, ira nonnunquam accensus, baculum immundum è luto corripit, quo cum filios excedentes pulsaverit, eundem rursus in sterquilinum, unde assumtus erat demergit.

## CAP. XVII.

*Comes Richardus Pictaviensis primo, deinde Rex Anglorum Henricus & Rex Francorum Philippus.*

**T**alia dum apud *Palæstinam* aguntur, Archiepiscopus *Tyri* navi conscensa, tantæ cladis nuntium jam ad orbem Christianum detulerat: & terræ jam modicæ vulnus, terris omnibus intulit læsionem. Fama rerum ad aures Principum allapsa decurrit; & universis fidelibus hæreditatem Christi Gentibus occupatam nuntians, quosdam ad lachrymas concitat, alios ad vindictam accendit. Primus omnium magnanimus *Pictaviæ* Comes *Richardus*, ad ulciscendam Crucis injuriam, cruce insignitur; & omnes præcedit facto, quos invitat exemplo. Pater ejus Rex *Anglorum Henricus*, jam vergebat in senium: ipse tamen & patris canitiem, & Regni jus sibi debitum & itineris tanti difficultates dissimulat; nec ullis occasionibus à coepto declinat. Hanc viri constantiam Dominus remunerandam judicans, quem primum aliorum omnium incentorem elegit, eum cæteris Principibus vel defunctis, vel reversis, negotii sui executorem reservavit. Post aliquantum tempus, Rex *Francorum Philippus*, & Rex *Angliæ Henricus*, apud *Gixortium* crucizantur: quos utriusque Regni Principes, & innumeri tam ecclesiasticæ quam secularis militiæ viri, voto pariter & effectu sequuntur. In tantum vero novæ peregrinationis fervebat studium, ut jam non esset quæstio quis Crucem susciperet, sed quis nondum suscepisset. Plerique colum & pensa sibi mutuo transmittabant, innuentes occultius ut ad muliebres operas turpiter demigraret, quisquis hujus militiæ inveniretur immunis; ad tam insigne certamen & nuptæ viros, & matres incitabant filios: quibus dolor unicus erat propter sexus ignaviam conproficisci non posse. Hac militandi gloria vagante licentius, de claustris quam plures migrabant ad castra; & abjectis cucullis loricas induti, jam vero Christi milites, non armariis, sed armis studere gaudebant. Ecclesiarum vero Prælati, invicem virtutum sobrietatem publice indicebant, exhor-

*Richard. Angl. Reg. filius cruce signatur.*

*Henric. A.R. & Philip Fr. R. cruce signati.*



*Wilhelmus R.  
Sicil. obit.*

tantes attentius ut omnis & menſarum & veſtium nitore poſtpoſito à luxu ſo-  
lito temperarent. Inſtitutum etiam communi conſilio tam Principum quam  
Præſulum fuit, quod ad ſuſtentandos pauperes peregrinos, alii qui remane-  
bant, rerum ſuarum decimas impenderent: ſed malitioſa multorum cupiditas,  
hinc occaſionem ſumſit ut graves & indebitas exactiones in ſubditos exerce-  
rent. His diebus Rex *Siculorum Wilhelmus* in fata conceſſit: cujus obitus uni-  
verſo fideli populo tanto flebilior erat, quanto ipſe ad ſubſidium terræ ſanctæ  
proprior & pronior exiſtebat.

## CAP. VIII.

*Imperator Romanorum Crucem ſuſcipit,*

**D**Ecurſo tempore, *Romanorum Imperator Fredericus* ſacræ peregrinationis  
æſſumit inſignia, & veri formam peregrini, tam exteriore habitu, quam  
interiore depromit affectu. Vir tantus, cujus imperium hinc mare mediter-  
raneanum, hinc Borealis claudebat oceanus, cujus gloria continuis crevit victo-  
riis, cujus fidelitas non ſenſit offenſam, omnem blandientis ſeculi poſtponit  
illecebram, & humilis pro Chriſto accingitur pugnaturus. Ejus ſtrenuitas,  
præſertim in annis argentibus, non minus ſtupenda quam laudanda eſt: nam  
cum ſenior eſſet, & filios haberet, quibus & ætas & virtus ad militandum ap-  
tior videbatur; eos tamen tanquam inſufficientes reputans, ipſe Chriſtianif-  
mi negotium procurandum ſuſcepit: filiis autem inſtantibus, ut vel pro illo  
vel cum illo ſuſceptæ militiæ munus implerent, illum qui major natu erat,  
regnantem reliquit; alium vero quem ducem Suavorum fecerat, ſecum aſ-  
ſumpſit. Et quia imperialis majeſtas neminem citra defectionem impetit;  
ſed hoſtibus ſuis bellum ſemper indicit: deſtinatur ab Imperatore ad *Salaha-  
dinum* nuntius, ut vel Chriſtianorum univerſitati, quam læſit, ſatisfaciat in plen-  
num; vel diſſiduciatus, ſe præparet ad congreſſum.

*Epistoſa Frederici ad Salahadinum.*

**F**redericus *Dei gratia Romanorum Imperator ſemper Auguſtus, & hoſtium  
Imperii magnificus triumphator, totiusque Monarchiæ fortunatus moderator,*  
*Salahadino Præſidi Saracenorum quondam, viro illuſtri, Jeruſalem fugere exemplo  
Pharaonis. Devotionis tuæ literas multis retro temporibus ad nos deſtinatas ſuper  
arduſ negotiis, tibi quidem ſi fides verbis ſuffuiſſet profuturis, prout majeſtatis noſtræ  
decurſ magnificentiæ ſuſcepimus, & Epistoſarum noſtrarum alloquiis magnitudini  
tuæ conſulere dignum duximus. Nunc autem quia terram ſanctam prophanaviſti cui  
æterni Regis imperamus Imperio, in præſide judex Samariæ Paſtinatorum in tantæ  
ſceleris præſumptuoſam & pleſtibilem audaciæ debita animadverſione decernere Impe-  
rialis ſolicitudo officii nos admonet. Quamobrem niſi occupatam terram ante omnia  
reſtituas, adjuncta ſatiſfactione ſacris conſtitutionibus pro tam nefariis exceſſibus tax-  
ata, ne minimum videamur & legitime gerere bellum, à capite Kalendarum Novembris  
evoluti anni ſpatio terminum præſtituimus, ad experiendam belli fortunam in Campo-  
thaneis in virtute viviſicæ crucis & in nomine veri Joſeph. Vix enim credere poſſu-  
mus hoc te latere quod ex ſcripturis veterum, & ex hiſtoriis antiquis noſtri temporis &  
futuri novitatem redolet. Nunquid ſcire diſſimulas? ambas Æthiopiæ, Mauri-  
taniæ, Perſiæ, Scythiæ, Parthiæ ubi Marci Craſſi noſtri ductoris fata ſunt  
præmaturata, Judæam, Samariam, Maritimam, Arabiam, Chaldæam: ipſam quo-  
que Ægyptum ubi pro dolor civis Romanus Antonius vir inſigni virtute præditus,  
citra nitorem temperantiæ, & ſecus quam decebat militem à tanto culmine rerum emiſ-  
ſum, minus ſobriis Cleopatrz inſerviebat amoribus. Nunquid etiam ſcire diſſimu-*



las Armeniam, & alias innumerabiles terras nostræ ditioni subjectas? norunt hoc Reges quorum cruore gladii Romani crebrius sunt inebriati, & tu quidem in ipsa rerum experientia Deo auctore intelliges, quid possent nostræ victrices Aquilæ, quid cohortes diversarum nationum, quid furor Teutonicus est in pace arma capeßens, quid caput indomitum Rheni quid juvenus Histri, quæ fugam nunquam novit, quid procerus Boywarus; quid Swenus astutus, quid Franconia circumspecta, quid in gladio ludens Saxonia, quid Thuringia, quid Westpharia, quid agilis Brabantia, quid nescia pacis Lotharingia, quid inquieta Burgundia, quid Alpini salaces, quid Frisonia in amento prævalens, quid Boemia ultro mori gaudens; quid Bolonia suis feris ferior, quid Austria, quid Byria, quid Ruwennia, quid Histria, quid Rocumphia, quid partes Illiricæ, quid Lumbardia, quid Tuscia, quid aconitania Marcia, quid Venetus spreta, quid Pisanus nauclerus, denique quid dextra nostra, quam senio arguis affectam, gladium vibrare didicerint dies illa plena reverentiæ & jocunditatis triumpho Christi præfixa te docebit.

Epistolam <sup>h</sup> vero Soldani responforiam libello nostro inferendam duximus. Nam superba Tyranni fiducia, quam ad resistendum conceperat, ex ipsius tenore clarescit. Eam quidem in ipsa simplicitate verborum in qua conscripta fuerat, recitando proponimus, nihil penitus immutantes.

Illi Regi sincero amico, magno; excelso Frederico Regi Alemanniæ; In nomine Dei miserentis: per gratiam Dei unius, potentis, exuperantis, victoris, perennis; cujus Regni non est finis. Grates ei agimus perennes, cujus gratia est super totum mundum: deprecamur eum ut infundat orationem suam super prophetas suos; & maxime super instructorem nostrum nuntium suum Mahumeth Prophetam, quem misit pro correctione rectæ legis; quam <sup>i</sup> faciet apparere super cunctas leges. Attamen notum facimus Regi sincero, potenti, magno amico amabili, Regi Alemanniæ, quod quidam homo Henricus nomine, venit ad nos, dicens se nuntium vestrum esse; & detulit nobis quandam chartam, quam dixit esse vestram. Nos legi fecimus chartam; & audivimus eum viva voce loquentem, & verbis quæ ore dixit, verbis respondimus. Sed hoc est responsum chartæ. Quod si computatis eos qui vobiscum concordant veniendi super nos, & nominatis eos, & dicitis: Rex talis terræ, & Rex alterius terræ; & Comes talis, & Comes talis; & tales Archiepiscopi, & Marchiones & milites. At si nos vellemus enuntiare eos qui sunt in nostro servitio; & qui sunt intendentes nostro præcepto, & prompti nostro <sup>k</sup> sermoni; & qui dimicarent coram nostris manibus, non posset hoc in scriptis redigi. Et si Christianorum computatis nomina, Saracenorum sunt plura, & plura, abundantius quam Christianorum. Et si inter nos & eos quos nominastis Christianos mare est, inter Saracenos, qui non possunt æstimari, non est mare inter eos & nos; nec ullum impedimentum veniendi ad nos. Et nobiscum habentur Bedewini, quos si <sup>l</sup> opponeremus inimicis nostris, <sup>m</sup> [sufficerent; & Turkemanni, quos si effunderemus super hostes nostros] destruerent eos; & rustici nostri qui dimicarent strenue contra gentes, si juberemus, quæ venturæ sunt super terram nostram, & ditarentur de eis, & exte. minarent eas. <sup>n</sup> At quomodo? nos habemus nobiscum Soldarios bellicosos; per quos terram apertam habemus, & acquisitam, & expugnatos inimicos. Et hi & omnes Reges Paganismi non tardabunt cum eos <sup>o</sup> submoverimus; <sup>p</sup> [nec morabuntur cum eos vocaverimus.] Et vos, cum congregati fueritis, sicut charta vestra dicit; & ducetis, sicut nuntius vester narrat, obviabimus vobis per potentiam Dei, Nec sufficit nobis terra ista quæ est in maritima; sed transibimus per voluntatem Dei, & obtinebimus terras vestras universas, fortitudine Dei. Nam si veneritis, cum toto posse vestro venietis; & præsentis eritis cum omni gente vestra: & scimus, quod in terra vestra nullus remanebit qui se defendere possit, nec terram tueri. Et quando Dominus victoriam nobis, sua fortitudine, de vobis donaverit, nihil amplius erit, quam ut terras vestras libere capiamus, fortitudine sua & voluntate. Adunatio enim legis Christianorum bis venit super nos in Babylone: una vice apud Damiatam, & altera apud Alexandriam, & erat <sup>q</sup> in maritima terræ Jerusalem, <sup>r</sup> & in manu Christianorum, & in terra Damasci, & in terra Saracenorum: in singulis castellis, singuli erant

<sup>h</sup> Deest. <sup>i</sup> Faciat. <sup>k</sup> Servitio. <sup>l</sup> Effunderemus super hostes nostros. <sup>m</sup> Deest. <sup>n</sup> Et. <sup>o</sup> Submonuerimus. <sup>p</sup> Deest. <sup>q</sup> Deest. <sup>r</sup> Deest.



Domini sibi proficientes. Nostis qualiter Christiani, utraque vice redierunt, & ad qualem exitum venerunt. At hæ nostræ gentes refertæ sunt cum regionibus suis : & Dominus adunavit nobis Regiones affluentius, & coadunavit eas longe lateque in potestate nostra : & Babyloniam, cum pertinentiis suis : & terram Damasci, & maritimam Jerusalem <sup>1</sup> [ & terram Gesire, & castella sua ] & terram Roasie cum pertinentiis suis : & regionem Indiæ cum pertinentiis suis : & per gratiam Dei, hoc totum in manibus nostris est : & residuum regum Saracenorum, nostro est imperio. Nam si mandaremus excellentissimis Regibus Saracenorum, non retraherent se à nobis. Et si submoneremus Calephum de Baldac, quem Deus salvet, veniendi ad nos, de sede excelsi imperii sui assurgeret : & veniret in auxilium excellentiæ nostræ. Et nos obtinuimus, per virtutem Dei & potentiam, & Jerusalem, & terram ejus : & remanent in manibus Christianorum tres civitates Tyrus, Tripolis & Antiochia ; & de his non est aliud nisi ut occupentur. Attamen si bellum vultis, & si Deus voluerit, ut sit per voluntatem suam, quod totam terram Christianorum acquiramus, obviabimus per virtutem Dei, sicut scriptum est in literis nostris. Verum si nos de bono pacis requisieritis, mandabitis procuratoribus istorum trium locorum prædictorum, ut nobis ea sine contradictione assignent : & vobis sanctam crucem reddemus ; & liberabimus omnes captivos Christianos, qui sunt in tota terra nostra ; & habebimus vobiscum pacem, & permittemus vobis ad sepulchrum unum sacerdotem ; & reddemus Abbatis, quæ solebant esse in tempore Paganismi, & bonum eis faciemus ; & permittemus venire peregrinos, in tota vita nostra, & habebimus vobiscum pacem. Quod si charta quæ ad nos venit per manum Henrici nominati sit charta Regis, scripsimus chartam istam pro responso, & Deus erigat nos ad consilium sua voluntate. Charta hæc scripta fuit anno adventus Prophetæ nostri Mahumeth DLXXXIV. gratia Dei solius. Et Deus salvet Prophetam nostrum Mahumeth, & suam progeniem : & salvet salvationem Salvatoris Domini excelsi Regis victoriosi, adunatoris veridici verbi, comptoris vexilli veritatis, correctoris orbis & legis, Soldani Saracenorum & Paganorum, servitoris duarum sanctarum domorum, & sanctæ domus Jerusalem, patris victorum, Joseph filii Job, suscitatoris progeniei Murmuraeni.

## CAP. XIX.

*Quantum Imperator Fredericus congregavit per Ungariam exercitum.*

**H**Anc superbi & infidelis tyranni Epistolam, cum nugis suis, magnificus imperator contemnens dignas principe iras concipit, & ad bella totis viribus exardescit. <sup>1</sup> Eum totius imperii sequuntur magnates ; & apud *Maguntiam*, ubi ex edicto imperiali convenerant, una omnes & unanimiter omnes in votum tam eximie Peregrinationis proclamant : A Domino factum est illud, qui spirat ubi vult ; & corda <sup>2</sup> omnium inclinat quo vult : nam Principes tanti non inanis gloriæ appetitu illecti, nec inducti pretio, nec precibus excitati ; sed solo supernæ retributionis desiderio, per Dominum, & propter Dominum ad militiam accinguntur. Providerat namque <sup>3</sup> quidem cœlestis altitudo consilii, ut & ipsi sponte vocati, obsequium Deo gratum dependerent ; & imperialis magnificentia comitatus condignos haberet. Sic ergo incentore spiritu, undique confluunt : & qui tot gentes, tot principes sub uno imperante conspiceret, antiquam *Romanæ* potestatis gloriam non crederet defluxisse. In hoc Christi exercitu, erant Pontifices, Duces, Comites, Marchiones, & Principes alii quam plurimi : quos si nominibus & locis distingueremus, incurreret pariter & scriptor molestiam, & lector tedium, & tenor brevitatis offensam. Decretum sane prudenti fuit consilio, quod hoc iter nullus arriperet, cujus facultas ad <sup>4</sup> viatici annui non sufficiebat impensas. Vehicula vero quam plura, propter itinerarios ægrotantes constructa fuerant :

<sup>1</sup> Deest. <sup>2</sup> Affectibus. <sup>3</sup> Quem. <sup>4</sup> Hominum. <sup>5</sup> Deest. <sup>6</sup> Sumptum annum insufficiens videretur.



ne vel sano infirmus moras neceret, vel languentium turba obiter destituta periret. Dudum quidem in discussionem venerat; an mari an terra potius tanta belli moles incederet. Sed quantalibet navium multitudo tot millibus transvehendis minus sufficere videbatur. Imperator itaque opus propositum *Fredericus iter primus instituit.* instanter accelerans, per *Vngariam* iter instituit; Et qui Regum ultimus peregrinandi votum emiserat, primus ad solvendum festinat.

## CAP. XX.

*Bela Rex Ungarorum Imperatorem hospitaliter excipit.*

**R**ex *Vngarorum*, *Bela* nomine, <sup>b</sup>[in occursum Cæsaris lætus procedit: vir quidem multiplici naturæ dote conditus] statura <sup>c</sup>productior, vultu insignis, cujus perfectio à cumulo incipit, cujus præconium ad summa progreditur, cui & si cætera non suppeterent, sola imperiosi vultus elegantia Regno dignissimo censeretur. Hic exercitum Christi hospitaliter recipit, ovanter occurrit, benigne prosequitur; & operum exhibitione, devotionis fervorem testatur. Indigenæ vero quam plurimi, eximio calentes exemplo, vident aciem sanctam, & commilitare gestiunt; attendunt certantium præmia, & labores non metuunt; simulque & volunt, & vovent, & sequuntur, ut jam liquide constet, quod tarda molimina spiritus sancti gratia non novit. Danubio transito, cum ad ultteriores *Bulgarie* fauces devenum esset, <sup>d</sup>*Huni*, & *Alani*, *Bulgares* & *Pincenates* in populum Domini subito ex insidiis irruunt, quos ad facinus inaccessibilis locorum asperitas <sup>e</sup>*fidetius* incitabat.

## CAP. XXI.

*Danubio transito Fredericus Hunnos & Alanos & alios adversarios sibi reperit.*

**E**gressus ille à *Bulgaria* in *Macedoniam*, eminentibus hinc inde armatur scopulis, dumosis obstruitur sentibus, angustis & anfractuosis semitis implicatur: sed & quibusdam artificijs, nativa munitio major confurgit. Has locorum angustias præmemoratæ gentes occupaverant, quas nequissimus *Constantinopolis* imperator *Isaakius* ad <sup>f</sup>hæc præmiserat, ut venturum exercitum vel opprimerent vel impedirent. Utramque tamen, & hostium & viarum molestiam milites nostri potenter exsuperant: sicque transcurfis *Macedonum* campis, *Philippopolim* perveniunt; quæ civitas, cum ante *Pulpudeba* diceretur, de nomine *Romani* Imperatoris *Philippi* nomen <sup>g</sup>insumpsit; qui primus omnium imperatorum Christianus effectus, imperialem gloriam Christianæ professionis titulo insignivit. Hanc urbem audito *Latinorum* adventu, *Græci* deseruerant, trepidantes ubi non erat timor: quibus hæc una timoris causa extitit, quos non amabant, timebant: non enim aliena rapere venerant, qui propriis abundabant; nec arma sumserant adversus fideles, qui gentis incredulæ persequebantur errores. Antiquum illud & inexorabile odium, quod contra *Latinos* *Græci* dudum conceperant, tenax successio temporum transfundit in posteros. Sed si odiorum fomes & ratio quæritur: non esset vitium, si non ratione careret. Hoc tamen pro causa constanter inducere possumus, quod cum *Latini* scientia pariter & armis floreat, illi se prorsus inscios & imbelles conspiciunt; & hinc odii sumpto fomite, alienis bonis invidi contabescunt. Gens perfida, generatio nequam, & omnino degenerans: quæ quanto

*Isaaci perfidia in cruce signatos.*

<sup>b</sup> Deest. <sup>c</sup> Eminens. <sup>d</sup> Huni. <sup>e</sup> Deest. <sup>f</sup> Hoc. <sup>g</sup> Assumpsit.



illustrior extitit, tanto vilefcit insignis, cum aurum in scoriam transferit, gra-  
num in paleas, puritas in fæcem, gloria in confusionem. Multa *Græci* veteres  
& armis aggressi, & studiis sunt assecuti: sed omnis ille virtutum fervor <sup>h</sup> re-  
strixit in posteris, & in orbem *Latinum* migravit: ut qui ante fontes, nunc ri-  
vuli, vel potius alvei arentes & exhausti. Virtutum siquidem successor nul-  
lus, scelerum omnes: *Sinonis* figmenta, *Vlixis* fallaciam, *Atrei* atrocitatem re-  
tinent. Quod si *Græci* militia quæritur; arte, non armis dimicant: si fides;  
amicus obest, inimicus obesse non potest. Gens ista, cum in locis supradictis  
nostrorum transitum impedire non potest, quod potuit fecit. <sup>i</sup> [Indigenæ  
cuncti], ad montana contendunt, venalium solatia subtrahunt; lares vacuos,  
omni amota supellectile, venturis relinquunt. Imperator quidem Episco-  
pum *Monasteriensem*, cum aliis quibusdam Principibus, sub obtentu pacis *Con-*  
*stantinopolim* <sup>k</sup> jam ante transmiserat; quos nequissimus & <sup>l</sup> crudelis tyrannus  
retrussit in carcerem; nec pacem legati violare abhorruit, quam <sup>m</sup> & apud  
Barbaros sancit antiquitas, consuetudo approbat, honestas commendat. Post-  
modum vero, metu potius quam juris <sup>n</sup> intuitu ductus, legatos ligatos absol-  
vit: nam urbis Regiæ timebat excidium, si nostrorum citius non <sup>o</sup> placasset  
offensam. Dignum fane quod urbs illa solotenus everfa procumberet: nam,  
si famæ creditur, novis polluebatur *mahumeriis*, quos perfidus imperator in-  
dulserat fieri, ut foedus quod *Turcorum* conjuratus inierat, obligativus confir-  
maret. Jam æstas decoctior in autumnum inclinata vergebat; & Libræ fig-  
num quadam æqualitate temporum, diem noctemque librabat. Imperator  
*Romanorum* magnificus, hyemandi gratia *Adrianopolim* tendit; quam vacuum,  
& ab incolis desertam ingressus, ibidem <sup>p</sup> stativam faciens, aptum movendi  
castra tempus expectat.

*Isaacus Le-*  
*gatos Frede-*  
*rici incarce-*  
*rat.*

## CAP. XXII.

*De hiematione Frederici Imperatoris in Græcia, & pacem inter eum & Ysa-*  
*karium Imperatorem, & de subdola ad eum legatione Soldani Yconii,*  
*& transitu ejus per brachium sancti Georgii.*

**D**UX *Suavia*, filius Imperatoris, timens ne otia luxum, luxus ignaviam  
pareret, sub ipso <sup>q</sup> torpore hyberno exercitum exercendum statuit; &  
castrum quoddam, quod non longe ab urbe prædicta distabat, expugnare con-  
tendit. Illuc *Græci* confluerant, ut inde si quas possent *Latinis* molirentur  
insidias, loci munitione confisi, sed confusi: nam celeri victoria domiti, victi,  
vincti & capti tenentur. His auditis, *Bizantinus* princeps, animo pejora ve-  
retur; & totius imperii timens excidium, festinos ad imperatorem nuntios  
destinat: qui pacis obfides, forum venalium, naves transvectorias transituris  
promittant. Imperator, licet suorum plurimi pacem quamcunque cum Ty-  
ranno pacisci molestum haberent, maluit tamen foedus inire oblatum, quam  
differre propositum. Et jam instante Pascha, mare illud strictum transvehit,  
quod *Brachium Sancti Georgii* usitato vocabulo nuncupatur. Hoc mare, li-  
cet spatio angustiore contractum, non humili tamen gloria insignitur, quod  
urbem tantam præterfluit; & orbis gemini discrimen faciens, tam <sup>r</sup> aciem  
quam Europam delambit. Soldanus *Iconii*, vir subdolos, & sanguinem Chri-  
stianum sitiens, quodam fraudis prætextu, cum nostris amicitiam simulat: ut  
malignum animi virus occultans, eos, si possit, incautos disperdat. Nuntiis  
fane ad *Cæsarem*, cum adhuc in *Græcia* degeret, non semel transmissis, moran-  
tem sollicitaverat ut veniret: *Græcos* & *Græcorum* principem de dolo accusans:  
se Christianis devotum & fidelem pollicitus, qui sua & suos venturis expone-

*pax inter*  
*Frederic. &*  
*Isaacum.*

*Soldanus Ico-*  
*nii Christia-*  
*nis insidias*  
*struit.*

<sup>h</sup> Restrinxit. <sup>i</sup> Deest. <sup>k</sup> Præmiserat. <sup>l</sup> Incredulus. <sup>m</sup> Etiam. <sup>n</sup> Affectu. <sup>o</sup> Placaret.  
<sup>p</sup> Stationem. <sup>q</sup> Tempore. <sup>r</sup> Asiam.



ret; & tam forum venalium, quam inoffensos transitus, omnibus exhiberet. *Casus* vero plus æquo credulus, qui tales æstimabat alios qualem se ipse nove-  
rat, universis comminando edixit, ne fines *Turcorum* ingressi, quicquam rape-  
rent; sed pacem quam pacti erant, studiosius observarent. Sic ergo conti-  
git ut prædam maximam, quam in ipsis Regni januis Soldanus ex industria de-  
miserat, nostri prætermittentes relinquerent omnino intactam. Heu mens  
hominum venturi nescia! nam si famem futuram, iter asperum, tyranni præ-  
noscent infidias, casus quidem obtulerat unde sibi providisse poterant, quibus  
tantum & tam proximum imminerebat discrimen. Cæterum, non usque adeo  
verbis infidi Principis gens nostra fidem habuit, ut ex nimie securitatis ne-  
glectu dissoluta incederet & inermis.

*Parthiam* igitur ingressuri arma omnes arripiunt, quorum numerus tria mi-  
litum millia; reliquorum vero circiter octoginta millia continebat. Erant  
autem Antistites septem, Archipræsul unus, Duces duo, Comites xix. tres  
vero Marchiones: & hæc acies tam insignis, nec primam similem visa est, nec  
habere sequentem. At ne molem tantam confusi ordinis turbaret seditio, in  
partem trinam, totus secessit exercitus; prima Duci *Suavia*, postrema Impe-  
ratori, media summariis, & sarcinarum custodiæ deputata. Procedit acies ad  
delicias intuentium prudenter digesta: nam nec simul, nec sparsim; sed per  
turmas incedunt; & cum plures sint qui partibus imperent, unus tamen uni-  
versitatem moderatur. Hoc in castris optimum, in bellis præcipuum: sicut  
enim sine duce perit exercitus, ubi nullus præeminet; sic plerunque inefficax  
est, ubi multi præsunt, qui de pari contendunt. Felix imperium! felix  
Germaniæ finis! quæ tanto germine, tot foecunda populis, tot Christo stre-  
nuos peperit bellatores; sibi ad gloriam, hostibus ad ruinam.

*Christian. ex-  
ercitus in tres  
partes divi-  
ditur.*

## CAP. XXIII.

*De incommodis quæ pertulerunt Christiani per Soldanum, & quo  
modo pervenerunt ad Iconium.*

Nostri cum jam *Turcorum* fines ingressi essent, per dies aliquot nihil infe-  
stum sentiunt: quos Soldanus ex industria usque ad interiora Regni in-  
offensos transire voluit, donec ciborum defectus, & occurrens viarum asperi-  
tas, aptiorem nocendi copiam commodarent. Nefarius ille proditor præ-  
rupta montium, dumosa nemorum, fluminum invia occupaverat; & foedus  
quod pepigit affectuosius fervans, sagittas & saxa transituris opponit. Hoc  
forum venalium, hi meatus pacifici; sic fides habenda Gentilibus, qui semper  
in hoste virtutem & dolum æqualiter metiuntur. Porro, Marte propinquo  
congregari, & manum conferre summopere vitant; & eminus tela conjiciunt:  
quibus non minor gloria fugere, quam fugare. Utramque vero extremita-  
tem agminis, nunc postremos, nunc primos acrius impetunt: ut si qua forte  
locorum angustia disjungat exercitum, in partem alterutram faciant irruptionem.  
Noctes & insomnes & irrequietæ ducuntur: nam terrificus clamor  
castra circumsonat. Missilium imber transfigit tentoria; plerique interi-  
muntur sopiti: & hostis tam assiduus imminet, quod per sex hebdomadas in  
armis cibum, in armis somnum rapientes, loricas non tollunt. Fames insu-  
per tanta, & sitis tam aspera invalescit: quod equis casu belli occisis, hoc in so-  
latium, & pro summis ducunt deliciis, equorum carnibus vesci, & sanguinem  
bibere: sicque quodam egestatis ingenio, vectores suos in usus alienos assu-  
ment. Erat locus quem rupes arduæ, conscensus asperi, semitæ strictiores,  
difficilem ad permeandum reddebant, qua cum prior pars agminis, filio Impe-



*Turci in Chri-  
stian. impe-  
rium faciunt.*

ratoris ductante, transisset, in postremam subito *Turci* undique ex insidiis ir-  
ruunt; & de victoria certi, lanceis & ensibus, bello propiore, contendunt.  
Rumor ad aures Ducis dirus allabitur, nec mora præcepis quo venerat redit;  
difficultates quas exuperasse gaudebat incunctanter relegit; Ira non attendit  
periculum. Equi, qua ire non poterant, coguntur ad cursum. Dumque huc  
& illuc patrem quærens, patrem vociferans, anxius & incautus discurrit ictu  
faxi eliditur galea, excutiuntur dentes: ipse tamen immobilis permanet &  
indejectus: felix illa progenies! quæ ut patrem liberet, sui prodiga, se peri-  
culis objicit. Sed in solatium inflicti vulneris, æternum insigne retinet: nam  
quoties labra secedunt, victoriæ gloriam os nudum testatur. Tandem per  
multos & graves insultus, <sup>u</sup> pervenit *Iconium*, ubi nequam ille proditor, se in-  
tra urbis munita concluderat: nostri autem non longe figunt tentoria, ignari  
prorsus quid dies crastina minetur infestum. Nocte ipsa, cum jam Penteco-  
stes solemnitas ferme fuisset exacta, imber tantus & tam vehemens irruit, ut  
illa procellæ violentia intra septa castrorum nihilominus desæviret. Mane  
facto, consumtis nubibus, aer illuxit purior: & ecce, subito cum tubis &  
tympanis & clangore horrifono *Turcorum* exercitus circumquaque diffusus im-  
minet, quantus nec ante visus, nec credebatur videndus; quod sicubi ter cen-  
tena vel plura legantur fuisse millia, æstimari poterant, numerari non pote-  
rant. Hanc omnem multitudinem filius Soldani, *Melkinus* nomine, in arma  
exciverat: volens palmæ titulum focero suo *Salahadino* præripere, tam de  
victoria certus, quam de suorum numero & virtute confusus. Soldanus inter-  
rim cujusdam turris suprema conscendens, in specula residet, unde in subje-  
ctis arborum spatiis, acies bellaturas conspiciat: sperans adimplendum in  
proximo quod animus promissor futurum dictabat. Imperator, cum ple-  
rosque suorum ob insolitam hostium multitudinem trepidantes attenderet,  
magnanimi principis fiduciam exerit; & erectis ad cælum manibus, in con-  
spectu omnium grates agit Domino, quod inevitabilis pugnæ jam instet ne-  
cessitas, quam fuga hostium huc usque suspendit. Hac voce, ingens ardor  
cunctis incutitur, qui faciem *Cæsaris* contemplantes lætissimam, à sene juvenes,  
à fragili fortes, ab uno universi, virtutis suscipiunt incentivum. Quis Deus  
magnus, sicut Deus noster? Omnis illa multitudo tam certa vincendi, ut vin-  
cula potius quam enses stringeret, in momento succumbit; simulque & urbs  
ipsa capta tenetur, & exterior hostis prosternitur; utrinque strages, ubique  
cædes, undique cæforum acervi: fugam densitas impedit; numerositas unde  
gloriabantur offendit. Jam prope res agitur, certatur cominus, confringun-  
tur arcus, sagittæ non evolant, vix locus est gladiis: sic omnia turbat turba;  
nostrisque procedit ad gloriam, quod hostes disposuerunt ad ruinam: fugax  
bellum, quod hætenus vepres, & rupium fauces hæserat, jam spatio liberiore  
conferitur. Christicolæ iram satiant, quæ toties frustra exarserat: *Turci*  
experiuntur inviti, quid possint cominus, quos eminus provocabant. Hanc  
insignem victoriam, fidelibus suis non indigne virtus Divina contribuit: erat  
enim in castris castitas, in armis disciplina; in omnibus, & præ omnibus ti-  
mor Domini; apud omnes amor proximi, qui sic erant affectione fraterna  
unanimes, sicut periculorum exstiteret consortes. Soldanus, urbe capta, cum,  
unicam munitionem quo se contulerat, restare cerneret, festinus ad *Cæsarem*  
dirigit, culpam omnem refundens in filium; se prorsus innocuum asserens,  
aurum quantum petat, pollicitus, foederis obsides quot & quos jubeat præsti-  
turus. *Cæsar*, heu nimium facilis! quod offertur suscipit; quod <sup>x</sup> postulat  
indulget: minus quidem in hoc facto laudandus, dum virum sanguinum &  
dolosum, pene captum absolvit, quem honestius erat perdere, quam tantum  
Christiani nominis hostem illæsum servare. Datis obsidibus & foederis pa-  
ctione firmata, nec dum maligni proditoris quiescit impietas: nam Christi-  
colas cum jam remotius ab *Iconio* iter agerent, nunc ex insidiis, nunc palam la-

*Soldanus in-  
genti strage  
victus.*

*Soldanus pa-  
cem impetrat  
ab Imperato-  
re.*



cessit. Obsides quidnam hoc esset interrogati, utile sibi confingunt mendacium; asserunt *Turcos* sylvestres esse, qui nullius imperio subjacent, sedibus vagantur incertis, nihil habentes proprium, aliena semper vel rapina vel furto infectantur. Parcius tamen instant, non immemores suorum occubuisse quam plurimos: nam sicut modestus æstimator asseruit, superioribus bellis *xxii. Turcorum* millia gladius occisor consumsit.

## CAP. XXIV.

*In Armeniam veniens Imperator Fredericus in flumine Selesii submergitur,  
& filius ejus Dux Suaviæ super exercitum erigitur.*

**J**Am victor exercitus *Armenia* fines ingreditur: lætantur omnes, quod hostile emensi Regnum, securi fidelium arvis infederint. Sed heu! <sup>y</sup> terra occurrit funestior, quæ cunctorum lætitiâ & lumen extinguit. Accedat homo ad cor altum; & investiget, si possit, consilia Domini, cujus judicia abyssus multa. Occurret nonnunquam unde stupeat, unde turbetur; ita tamen, quod in omnibus auctorem omnium noverit commendandum. Erat locus in sinu *Armenia*, quem hinc montes ardui, hinc *Selesii* flumen præterfluens coarctabat: qua dum summarii & sarcinæ transeunt, victoriosus Imperator subsistit. Vir quidem inclytus, cujus statura mediocriter eminens, crines rutili, barba rubens, utrinque interfusa canities, supercilia prominent, ignescunt oculi, gena brevior in amplum extenditur, pectus & humeri diffunduntur: sed & cætera corporis descriptio in virum consurgit. In illo <sup>z</sup> utique quod de *Socrate* legitur, insigne quiddam ac stupendum enituit: nam constantiam animi exprimebat vultus, semper idem & immobilis permanens, nec dolore obscurior, nec ira contractus, nec lætitia dissolutus. In tantum vero nativum *Alemannia* venerabatur eloquium, ut quanquam alterius linguæ non infcius esset, aliarum tamen gentium missis, non nisi per interpretem loqueretur. Vir tantus, cum propter præeuntes summarios diutius substitisset, tandem mora in tædium vertitur; & iter anticipare cupiens, flumen proximum transmeare <sup>a</sup> disposuit, ut illud à parte summariorum anteriore remensus, ad viæ redeat libertatem. O mare! ô terra! ô cælum! ille *Romani* moderator Imperii, semper Augustus, <sup>b</sup> per quem *Romæ* veteris refloruit gloria, revixit honos, potestas excrevit, heu! aquis deperit interceptus; & licet undique subsidium collaterales festinent, vitæ tamen senilis igniculum mors præceps & matura extinguit. At si libido natandi sicut plerique asserunt, mortis causam intulisse dicatur; ipsius viri gravitas in contrarium disputat; nec fidem meretur, quod tantorum salutem, natator invalidus, undis fallacibus commisisset. Conscientia teste, mors, minus quam modus mortis sollicitat; sed hoc vobis in solatium venit, quod scriptum legitur: *Iustus, quacunque morte præoccupatus fuerit, in refrigerio erit.* Quod si montes *Gelboe*, cæsis *Israel* fortibus, rorisque pluviae beneficio meruere privari, quid huic fluvio tam funesto imprecemur condignum, qui præcipuam totius Christianismi columnam subvertit. Fuere qui dicerent locum ipsum fataliter ab antiquo damnatum; & filicem proximam hos apices dudum servasse inscriptos: *hic hominum maximus peribit.* Rumor ad aures <sup>c</sup> excitus, lamentabili fragore perlatus, omnes concutit. Quod si veterum annales inquirimus; quid historiæ tradant, quid fabulæ confingant, de luctu matrum, nuptarum gemitu, quorumcunque planctibus, dolor iste, exemploque carens, & nulli cognitus ævo, cunctorum lachrymas & lamenta transcendit. Erant quamplures Imperatoris domestici, erant consanguinei, erat & filius, sed inter complangentium turmas discerni non poterant: ubi pariter universi, & singuli, patrem ac Do-

*Fredericus  
in flumen Sa-  
phar lapsus  
suffosatur.*

y Terram funestiore inveniunt. z Itaque. a Disposuit. b In quo. c Exercitus.



*Frederici ossa  
Hierosoly-  
mam depor-  
tantur: Car-  
ne ejusdem  
Antiochiæ se-  
pulta.*

minum amisisse lugebant; Hoc tamen omnibus in solatium accedit, & inde cuncti Divinæ congratulantur providentiæ, quod infra terminos infidelium diem non clausit extremum. Expletis exequiis, locum quam citius pestiferum deferunt; & corpus Cæsaris *Antiochiam* deferendum magnificentia Regali exornant. Ibi autem <sup>d</sup> permultam excoctionem ossibus à carne sejunctis, caro quidem in Apostolicæ sedis Ecclesia conquiescit: ossa vero *Tyrum* per mare ducuntur, *Jerosolymam* transferenda. Dignum quidem & ordinante Domino mirifice procuratum, ut qui pro Christo decertavit insignis, præcipuas Christianæ religionis Ecclesias, utriusque miles, utrique divisus, incolet; & eam, quam Domini sepultura præ eminentius extulit; & illam, quam Principis Apostolorum cathedra insignivit. Cæterum *Antiochiam* pervenientes Christicolæ, post multa & longa jejunia, cibis <sup>e</sup> edacius indulgentes, repletione subita suffocantur: sicque quos nec hostis nec fames vicerat, pax dira perimit, satietas perniciofa extinguit. Hoc itaque tam turpi <sup>f</sup> facto cum exercitus tanti pars amplior interisset, reliqui redire quam plurimi; pars modica, quam repatriare puduit, sub filio Imperatoris militat, cui princeps *Antiochiæ* urbem totam ac munitiones universas contradit. Majoris enim obtentu præsidii, urbem Duci ultroneus judicat committendam, ut ejus fines vir strenuus contra crebros hostium tueatur insultus.

## C A P. XXV.

*Acon obsidetur Guido Rex à juramento absolvitur.*

*Rex Guido  
juramento ab-  
solvitur à  
Clero.*

**I**Nterea Christi milites, quos in terræ sanctæ subsidium classis transvexerat, *Acon* premebant obfessam; ut plenius texatur obsidionis series, altius ordiemur. Rex *Jerosolymorum* Guido, cum apud *Damascum* per annum fere tentus fuisset in vinculis, *Salahadinus* illum sub districta pactione absolvit, ut abjurato scil. Regno, mare quam citius exul transiret. Hanc jurisjurandi fidem Clerus Regni cassandam deliberat: tum, quia metu facta, irritari merentur; tum, ut venturæ fidelium acies caput inveniant & ductorem. Dignum sane quod ars artem deluderet, quod tyranni perfidia suo fraudaretur exemplo: nam promissor lubricus, parem promittentis levitatem invitat. Perfidus ille, pacti prioris fines & fidem transgressus, à Rege captivo injuriis multis extorserat, ut præstito sacramento, libertati redditus exul abiret. Dira libertas, quæ importat exilium; dura liberatio, quæ Regnum abjurat. Sed ordinante Domino, dissipatum est consilium *Belial*: nam & retinendi Regni fiducia tyranno excutitur; & Rex à promissionis excessu, Cleri judicio excusatur. Venerant autem injuriæ Crucis ultores eximii; venerant athletæ insignes, quos ad consolationem tuam, *Jerusalem*, fervor undique devotus excitavit. Ecce jam orbis tibi universus militat, & adimpletum constat, quod per *Isayam* Prophetam dicitur: *ab Aquilone adducam semen tuum, & ab occidente congregabo te. Dicam Aquiloni, da; & Austro, noli prohibere.* Sic ergo cum plurimi *Tripolim* ad Regem confluxissent; bellator cunctis incaluit animus, ut non solum tueri retenta, sed & recuperare perdita decertarent. Porro dum apud *Tripolim* moram facerent, dies non exegere ignavos: nam crebris excursibus hostes vicinos aggressi, nunc trecentos, nunc plures manu victrice fuderunt. At inter cæteros frater Regis qui nuper appulerat, *Galfridus* nomine, singularis enituit: qui sic virtute fulgebat præcipuus, sicut dolore domesticum acrius exarserat, in hostem accensus. Alios enim cum dolor unus ad bellum impelleret, hunc pariter & totius Christianismi causa communis, & fraternæ injuriæ ultio privata movebat.

<sup>d</sup> Post multam. <sup>e</sup> Edacibus. <sup>f</sup> Fato.



## CAP. XXVI.

*Veniens Tyrum Rex à Marchiso non recipitur & injuriam suam dissimulans Acon petit cum Pisaniis & exercitu non modico, quam Christicolæ terra marique obsident.*

Post modum collecto exercitu Rex Tyrum procedit: sed ingredi volens, à Marchiso non admittitur; cui tamen civitas eo tenore commissæ fuerat, ut Regi & Regni hæredibus redderetur. Nec hac contentus injuria, perjurium convicio cumulat: nam quoties vel Regis nuncii, vel peregrini quicunque, ingredi tentant, tractantur durius; & sunt ei Christicolæ, tanquam Ethnici & Publicani. Pisani vero, qui partem urbis non modicam possidebant, in consensum perfidiæ pertrahi nequeunt; sed pro jure regio, commendabili seditione decertant. Eos Marchio contumeliis multis, & Marte intestino lacessit: at pro tempore cessuri consultius, ab urbe ad exercitum cum aliis plebisque recedunt. Exercitus extra in aprico confederat: sed nec ullis, etiam propter victualium coemptionem, ingrediendi exhibetur facultas; & omnes experiuntur hostem quam speraverant adiutorem. Hæc inter, morbus quidam familiaris & solitus Marchiso incutitur: at quia, consueto asperior, tunc casu irruerat, potionem pestiferam hausisse conjectat. Triste igitur in medicos, potionum artifices, exit edictum; & iniqua suspitione perimuntur innocui, quorum professio non mortis discrimen ingerit, sed morbi salutem promittit. Rex quanquam ad urbem impugnandam suggestionem plurimum incitetur, propriam tamen injuriam prudenter dissimulat; & cum exercitu, quo potest, & quanto potest, Acon obsessurus festinat. Erant milites septingenti & alii plures ex omni natione Christiana collecti: sed si totam simul aciem æstimare velimus, non prorsus ad novem millia robur numeratum excrevit. Exeunte Augusto die sancti Augustini, gravis illa & longa cepit obsidio: quæ & per duos annos producta, & duobus annis ab urbe capta elapsis, animosius inchoata. Turci eminus de murorum propugnaculis, venientes conspiciunt, incerti qui veniant, vel quid veniant. Sed re cognita adventum non metuunt, causam irrident. Pisani, quibus via maris eo levior quo brevior videbatur, Acon navigio feriatiim petentes, littus audacter occupant; maritimæ immobiliter insident, obsidionem maris & tam constanter quam strenue ordiuntur. Rex vero cum exercitu reliquo, montem proximum, quem vulgo Turonem dicunt, tentoriis figendis eligit: unde loci beneficio & maris & terræ speculetur accessus. Mons iste, à parte urbis Orientali confurgit editior; & in circuitu oculo spatiantem liberius longe lateque prospectum in plana diffundit.

*Acon obsessa.*

## CAP. XXVII.

*Christicolæ civitati insultus faciunt, sed Salahadino superveniente, ex utraque parte insultus patiuntur quos exhilarat classis Borealiū vi-  
rorum, numero duodecim millium.*

Cæterum Christicolæ die tertia postquam venerant, mox urbem impetunt; longum enim vel petrarium jactus: vel alios expectare paratus; at clypeo defensore contenti, scalas applicant ad consensum. Dies illa, tot



dierum opus & operam felici clausisset compendio; si antiqui hostis invidia & mendax nuncius, negotium pene completum non perdidissent. Nunciato namque *Salahadini* adventu, nostri quam citius ad <sup>h</sup> castrum redeunt; sed paucos præcursores, intuitu præreptam sibi victoriam, indignantur magis quam conqueruntur: pauci quidem venerant, at innumeros adesse terror edixerat: non enim præter solitum evenit, quod majora semper formido metitur. Soldanus eo tempore castrum, quod *Bellum forte* dicunt, obsidione cingebat; at is, quæ geruntur auditis, cum exercitu plurimo *Acon* festinus accedit. Nostri ad congressum impares, se inter fines præscriptos continent: Turci undique instanti nunc luce nunc noctis silentio bellum inferunt; crebros & in montem tentant excursus: & qui venerant obsessuri, tenentur obsessi. In hoc itaque articulo positos, visitavit Oriense ex alto; nam ecce, quinquaginta naves, quas vulgo *Coggas* dicunt, cum XII. millibus armatorum tanto gratius veniunt, quanto nostris auxilium in arcto maiore dependunt. Gratum venit quod per vota suscipitur: gratius quod præter spem offertur; gratissimum, quod in ultima necessitate subvenit: plerunque tamen, ingenti desiderio fides suspenditur; & vix credimus, quod nimium affectamus. Nostri, de supercilio montis venientes vident; & tam læta sperare non audent. Quin & ipsi qui veniunt, castra quæ spectant habent suspecta. Sed propius Christianæ professionis prospectis insignibus, clamor hinc inde tollitur, læta pietas in lachrymas effluit; undique concursus, & fluctibus insiliv<sup>it</sup> obviam processuri. Felix illa classis, quæ à Boreali peregrinans Oceano, & intentatum aggressa tot tractus maris, tot terræ ambitus, tot pericula victrix permeat: & ab Europa, per *Affricæ* districta transiens, *Asiæ* laboranti succurrit. Hanc classem *Dani* moderantur, & *Frisones*: quas ab Aquilone progressos, rigor nativus exasperat; & ad bellum aptat triplex commoditas; artus proceri, mens indomita, & fidei fervor devotus. Hos à portu patrio in altum migrantes, aura comitatur benignior; & in delicias navigantium, tam fluctus quam venti mitescunt: sicque miserator Dominus, athletas suos per tot discrimina incolumes & inoffensos, perducit. Terrarum vero, quas præternavigant, incolæ, visa classe, quam plures moventur; & navibus instanter consensu, *Angli* pariter & *Flandrigenæ*, festini sequuntur. Nec prætereundum silentio, quod à prætereuntibus insigniter gestum: nam urbem quandam in maritima *Hispaniæ*, quæ *Silvia* dicitur, audacter impetunt, citius expugnant, cæsisque Gentilibus incolis, & urbe Christianis tradita, ibidem etiam ordinato antistite, victores procedunt. *Acon* igitur venientes, in loco qui urbem & *Turonem* interjacet, castra-metantur; & vires indomitas, in perniciem hostis, assiduo magis quam frequenti conflictu, exercent. Eos siquidem virtus prodiga, & vitæ contemptor impetus, tot & toties subeundis objecere periculis, quod <sup>i</sup> post multum urbe capta, vix viri centum de XII. millibus superstitēs extitere.

*Soldanus Acon obsidione solvere tentat.*

*Danorum Frisonum &c. Classis in Auxilium Christianorum venit.*

## CAP. XXVIII.

*De adventu Jacobi de Avennis. Urbs obsidetur arctius. Salahadini figmentum.*

**N**Octe postera postquam *Frisones* & *Dani* appulerant, *Jacobus* de *Avennis* littus optatum contigit. Vir trina profectione præditus, in consiliis <sup>k</sup> *Hector*, in armis *Achilles*, in fide *Attilio Regulo* præferendus. Hic ex adverso turris, quam *Maledictam* nominant, figit tentoria, & paulo ulterius Templarii tendunt: at urbis pars amplior nondum obsessa, in liberos hosti meatus patefcit. Nostri quid agant solliciti, hanc introeundi & exeundi li-



centiam moleste sustinent: sed murorum protractior ambitus, & exercitus rarior obsidionem continuam non admittunt. <sup>l</sup> Conjectis igitur vicissim per turmas copiis, urbis aditus armati observant; & sic per dies aliquot consuetam meandi copiam obstruunt transituris. *Turci* vero, tam de urbe quam de castris egressi, collatis hinc inde viribus, nostros impugnant, & prævalent: nam facile acies intercisa perrumpitur; & citius robur dispersum succumbit. Hospitalarii ea die in custodia stabant, quos militia Templi cedentes excipit; & hostem acrius urgentem à castrorum irruptione compescit. Porro diebus singulis fidelis augetur exercitus, & navium multitudo confluens, terrore non modico Gentilem percellit. *Salahadinus* autem, figmento quodam, metus conceptus attenuat: asserens Christicolas, noctu naves educere; & easdem rursus, tanquam recentes adveniant, ad ostentationem virium luce reverti. Ipse tamen, veri non inscius, robur nostrum indies crescere acrius dolet; sed nubem animi supercilio sublimi dissimulans, frontem serenam & <sup>m</sup> nihil timentem prætendit.

## CAP. XXIX.

*De adventu Francorum, Anglorum, & Germanorum.*

**S**Ane de Regno *Francorum* jam plurimi venerant: & inter alios, Episcopus *Beluacensis*, vir armis potius quam armariis deditus, qui gloriatur in militia; & *Turpino* par esse contenderet, si *Carolus* inveniret. Est quædam pars *Franciae*, quæ *Campania* dicitur: & cum regio tota studiis armorum floreat, hæc quodam <sup>n</sup> [militiæ] privilegio singularius excellit & præcellit. Hinc martia pubes potenter egressa, vires, quas in Tyrocinicis exercitaverat, in hostem audentius exerit; & imaginaria bellorum prolusione <sup>o</sup> proposita: pugnaces animos ad verum Martem intendit. Adeo quidem, tam *Angli* quam *Franci*, conceptæ devotionis calore ducuntur, quod Regibus suis non expectatis, Regi Regum obsequium præstituri præcurrunt. De *Germania* quoque vir quidam illustris & potens accedit, quem lingua *Theutonica Landegravum* dicunt; quod juxta rationem nominis terræ comes, quasi per excellentiam dictum sonare videtur. Hic *Marchionem* à Rege *Guidone* dissentientem *Acon* venire persuadet, cum prius propter dissidium accedere detrectasset. Scimus Historiæ legem interdum deponere ut nomina Principum, qui negotiis gerendis assistunt, singulatim scripto mandentur: quod ipsi etiam quodam pruritu gloriæ nonnunquam affectant: è contra solet auribus teneris hac in parte <sup>p</sup> [semper] tractatus videri longior; & ituras in tedium voces delicatus auditor minus acceptat. Nos ergo in enumerandis Principibus castigatius occupabimur. Sed cum ipsa rerum gestarum series occasionem obtulerit, de singulis, quis quid egerit insigne, dicemus. Sane, adaucto fidelium numero, cum jam exercitus amplior ad opus arduum aggrediendum sufficeret, placuit omnibus ut vicina Gentilium castra pervaderent, & impugnarent. Mons quidam *Turoni*, quem supra descripsimus, objectus eminet: hic hostis papiliones fixerat, & ingens camporum interjecta planities, aream bellis accommodam latius explicabat. Huc acies e castris in plana descendit; & ibidem in ordines distributa per turmas digeritur, ita quidem quod levior armatura cum arcubus & balistis præcedit; subsequitur belli Robur præcipuum, equis, armis & variis effulgens insignibus. Ignem vero animi facies & gestus indicant: fidelibus ad votum, hostibus ad terrorem. Fuit qui acie perspecta ex nimia voluptate luxuriens, dixisse præsumeret: Quæ potentia prævalebit? quæ multitudo resistet? Dominus nec nobis, nec adversariis ad-

<sup>l</sup> Contra Qis. <sup>m</sup> Non. <sup>n</sup> Deest. <sup>o</sup> Postposita. <sup>p</sup> Deest.



jutor veniat, victoria in nostra virtute consistit. Vox certe pessima, & omnino damnabilis, quæ in homine, non in numine belli eventum constituit, cum sine Deo nil possit homo: quod quidem experimento flebili, rerum exitus declaravit. Stabant *Turci* pro castrorum defensione unanimes; & cum nostri propius accessissent, laxato peditum præcedentium cuneo, equos in hostem audacter admittunt. Versus in fugam Gentilis, castra deserit; Christicolæ à persequendo desistunt, & spoliis inhiant; papilionum præciduntur funes; & ipsius Soldani tentoria, Comes de *Baro* animosus invadit. Interea de urbe ingens hostium multitudo prorumpit, qui ex ea parte qua civitas inobfessa erat, egressi, obliquis meatibus ad montana contendunt. Porro ex industria, sinuato procedunt anfractu: ut nostris sub incerto positis, an castra veniant an exercitum pervasuri, exercitum subiti occupent, & à tergo concludant. Militia Templi, qua nulla insignior, jam cuneos hostiles, cædi devota, <sup>q</sup> prorruperat: quod si cæteri pari voto persequendis institissent hostibus dies illa felicem tam urbis quam belli victoriam reportasset: cumque longius fortunam secuti & animati Templarii processissent, in eos subito irruunt oppidani; & quanquam innumeri paucos opprimant, non sine multa tamen suorum strage triumphant. Ibi magister militiæ *Gerardus* de <sup>r</sup> *Bidefordia*, cujus supra mentionem fecimus, cæsus occumbit: Felix cui tantam Dominus gloriam contulit, ut lauream, quam tot bellis meruerat, Martyrum collegio sociandus haberet. Parte alia, dum *Alemanni* ad prædas hiantius convolant, ecce deceptor ille antiquus quadrupedem prætermeantem præsentat; & dum illi certatim insectantur, fugere à nonnullis creduntur. Hac exigua, sed extiali occasione, totus turbatur exercitus; omnes de fuga cogitant. <sup>1</sup> Quia & fama ingruens metum ingeminat: nam oppidanos ad diripiendas farcinas exisse conclamant. <sup>1</sup> Illicet, bellorum ordo <sup>u</sup> confunditur; dispersuntur cunei, nullus signorum respectus: ipsi duces ad fugam præcipientes & vix aliqui fiduciam concipiunt resistendi.

## CAP. XXX.

*Fuga & cædes Christicolarum.*

**T***urci*, Christicolas turbari vident, casum mirantur; sed causam ignorant; & inopinam adepti victoriam, lora reflectunt, & resumunt animos, qui de militia potius quam de ritu habent, instantibus cedere, cedentibus instare: nam si fugas fugient, si fugis fugabunt. In hoc tam <sup>\*</sup> flebili & infelici tumultu, *Andreas* de *Breno* dum aliis, ne terga præbeant animosus inclamat, ab irruentibus *Turcis* perimitur: quem adeo supra omnes *Francos* virtus extulerat, ut ei militiæ primatu concesso, cæteri de laude secunda certarent. Frater ejus Comes *Brenensis*, non inscius præterivit collapsum: vocatus quidem, subsistere timuit, & gloriam quam casus obtulerat, ignavia declinavit. Cæterum miles quidam, cum *Jacobum* de *Avennis* equo perturbatum conspiceret, mox equum cui fugiens insidebat, ei contradidit; & mortem Domini sui, morte sua, laudandus redemit. Rex etiam *Guido Marchisius*, cum ab hostibus opprimeretur, accessit adjutor, & licet injuriæ præcessissent, & simultas subesset, humanitatis tamen obsequium indigno præbuit, & eripuit periturum. Frater Regis *Galfridus* videns aciem turbari, & omnes de fuga contendere, castrorum curam, quæ defensiva suscepit, festinus deserit; & de fratris salute sollicitus, refugos detenturus procurrit. O rerum miseranda mutatio! Christicolæ consili exierant, & <sup>y</sup> redeunt confusi, seriatim incesseant, & spar-

<sup>q</sup> Prorruperat. <sup>r</sup> Riddefordia. <sup>s</sup> Quintiam. <sup>t</sup> Licet. <sup>u</sup> Confringitur. <sup>x</sup> Debili.  
<sup>y</sup> Revertuntur.



sim redeunt; hostem victores fugaverant, & victi recurrunt. Agnoscat tandem humana præsuntio, quid homo; quid vires hominis nisi dextra Domini faciat virtutem: & ille in suis potenter operetur victoriam, qui & fiduciam præstat pugnanti, & vincenti coronam. <sup>2</sup> Interim <sup>a</sup> [sane] de viribus suis <sup>b</sup> [nostri] præsumserant, & quem timerent, hostem credebant inveniri non posse: <sup>c</sup> quem postmodum nimis propinquum experti, suorum mille ac quingentos perdidere. Erat miles quidam, *Ferrandus* nomine, qui nudus & exanimis relictus, cum inter peremptos delitesceret, nocte regressus ad castrum propter deformitatem vulnery, à suis agnosci non potuit; & vix impetravit admitti. Varios rerum eventus & modos interfectionum diversos, licentiosus Poeta, vel longus prosequatur tractator; nos, brevis lege arctiori continet; nec qualiter, sed quid acciderit dixisse indulget. *Salahadinus* Christicolarum cadavera comportari, & in fluvium prætermeantem projici jubet: ut undarum devoluta impulsu, vel metum conspecta incutiant, vel aquis resoluta corrumpant.

## CAP. XXXI.

*Quod nostri de die in diem numero crescentes, dum, fossatis circa urbem faciendis intendunt, graviter à Turcis læduntur.*

**P**orro Principes nostri, à Marte publico aliquandiu temperandum censes, castris deliminandis insistent; & aggerem congesto cespite, fossisque profundioribus à mari ad mare, muniendis tentoriis circumducunt: *Marchisus* autem, & Hospitalarii locum obsidione vacantem audacter occupant, & jam urbs tota terra marique tenetur obsessa. Nostri itaque fossis faciendis magno opere insistentibus, *Turci* sine intermissione imminebant, quos & à mane usque ad vesperam se vicissim alternantes non cessabant infestare. Oportuit igitur partem operantem alteram partem defendere ab eorum insultibus, quales autem aestimavimus impetus irrequietos sustinentes, missilium & sagittarum imbribus obtenebrato aere irruentibus, numerum quidem excedentibus & aestimationem: Nostri omni conamine operabantur & *Turci* dolebant eos proficere. Crebris igitur congressibus nunc hos nunc illos ut casus est belli videres prosterni, & in una rotari. Taliter itaque tempore non modico nostris agonizantibus doluit Dominus super eos, & numerum fidelium in dies singulos corroborans & adaugens, non dereliquit omnino sperantes in eum. Confluebant igitur à diversis partibus orbis Principes, Duces, Comites, & inferioris ordinis quamplurimi, quorum hæc sunt nomina, Comes de *Ferrariis*, *Nargenot de Vici*, *Anselmus de Monte Regali*, *Gaufridus de Gienvilla*, *Otho de Fossa*, *Willielmus Goerz*, Vicecomes de *Castello Eraudi*, Vicecomes de *Turoma*, *Castellamus de Brugger*, Archiepiscopus *Pisanus*, Comes quoque *Bertulfus*, Comes *Nicolaus de Hungaria*, Comes *Bernardus*, Comes *Jocelinus*, Comes *Richardus de Apulia*, Comes *Alebrandus*, *Ingelrandus de Vienis*, *Herveius de Gienis*, *Theobandus de Baro*, Comes *Johannes de Loegria*, alter Comes *Johannes de Seis*, Cum nepote quoque Regis *Daciæ*. Venerunt *Danorum* magnates aliquot cum quadringentis *Dacis*. Venit tunc *Guido Dareprieria*, Episcopus quoque *Veronensis*, cives etiam aliquot *Romani*. Omnes hi & quamplures alii futuri Martyres & Confessores applicantes numero conjuncti sunt fidelium. Vere quidem Martyres quorum non minor pars in brevi decessit, tum fæto cadaverum aere corrupto, tum vigiliis sollicitis consumpta, aliis injuriis & penuriis afflicta, quia non dabatur requies vel tempus respirandi, sine intermissione *Turcis* insistentibus nostris fossam operantibus, & inopinatis insultibus

*Multi Principes Duces, &c. Christianis Suppetias ferunt.*

<sup>2</sup> In tantum. <sup>a</sup> Deest. <sup>b</sup> Deest. <sup>c</sup> Sed eum.



irruentibus, & ad amaritudinem producentibus animas eorum, quousque tandem perfecta est fossa. Postea siquidem de obsidione disposita urbem coarctare tentabant.

## CAP. XXXII.

*Descriptio urbis Acon & locorum circa adjacentium.*

**R**erum ordo deposcit, nec alienum à proposito credimus, locorum descriptionem quandoque perstringere: ut civitas tanta, tum sui magnificentia, tum vario bellorum famosa eventu, obsequio nostro clarior innotescat. Si enim decennale bellum, *Trojam* celebrem reddidit; si Christianicorum triumphus, *Antiochiam* illustrius extulit, *Acon* profecto perpetua fama extollet, pro qua pariter totus orbis confligit. Hæc formam sortita triangulam, ab occasu contractior, ab ortu spatio latiore diffunditur; & parte plus tertia præterlapso æquore ab Austro & occidente ambitur. Portus sane minus quam oporteat opportunus, hyemantes carinas sæpius fallit & frangit: nam rupes objecta, quæ <sup>d</sup> littoris formam commodat, irruentis procellæ impetum brevitate sui ægre propulsat. Et quia rupes illa extis abluendis videbatur accommoda, ibi apud veteres sacrificia celebrari solebant: unde propter carnes immolatitias, quas muscæ sequebantur, turris quæ modo <sup>e</sup> [supra posita] eminet, *Turris Muscarum* appellatur. Est & turris, quam *Maledictam* nominant, & muro qui urbem amplectitur infidet: quæ, si vulgi opinio fidem meretur, hoc ideo nomen <sup>f</sup> infumfit: nam argentei, quibus Dominum *Judas* proditor vendidit, ibi facti fuisse dicuntur. Supra *Turonem* vero, qui urbi vicinus incumbit, civitas, *Ptolemais* nomine, olim sita fuerat: unde, antiquitatis errore, *Acon Ptolemaida* nonnulli appellant. Collis autem, quem *Mahumeria* dicunt, *Turoni* propinquus confurgit, ubi sepulchrum *Mennonis* esse testis tradit antiquitas: sed cujus obsequio illuc delatus fuerit, non scriptum legimus, nec audivimus referentem. Porro fluvium, qui urbi allabatur, <sup>g</sup> *Bellum* nominant; & licet alveo angusto nec alto decurrat, ejus tamen gloriam *Solinus* haud levem asserit, quem inter mirabilia mundi commendans, ipsum harenis vitreis ditari proponit. Erat enim quædam fossa harenaria, cujus harenæ vitri conficiendi præbebant materiam: quod si exterius sumtæ, omnino erant inutiles; si vero casu introrissæ, mox loci virtute occulta, vitream assumebant naturam. Haud procul à fluvio, rupes humilis urbi vicina monstratur, ad quam tres mundi partes, *Asiam Europam* & *Affricam* conterminari perhibent: & cum tractus cæteros ille divisim contineat, locus iste solus nulli cedens <sup>h</sup> partem exceptus & liber effulget. Mons *Carmelus* à parte urbis Australi sublimis exurgit, ubi *Helias Thesbites*, modici paratus domicilium habuisse dignoscitur, quod adhuc ipsius spelunca testatur: & quanquam descriptioni ambitus ad amœna sæpius evagari consuevit, nos tamen circumjacentium locorum delicias ad præsens omittimus, dum ad alia stylus <sup>i</sup> Martius tramite cœpto decurrit.

<sup>d</sup> Littori. <sup>e</sup> Deeft. <sup>f</sup> Inde sumfit. <sup>g</sup> Belum. <sup>h</sup> Parti. <sup>i</sup> Martis.



## CAP. XXXIII.

*Oppidanis in tantum famem patientibus ut deditionem urbis offerrent, subvenit Soldanus quinquaginta Galeis missis, quibus Galeæ nostræ captæ vel fugatæ sunt.*

**A**Con igitur cum nostri undique obsidione cinxissent, cœpere oppidani, con-  
sumptis victualibus, inedia graviore affligi, adeo ut urbem reddendam  
offerrent, si salvis facultatibus liberi finerentur abire. Hæc pactio Principi-  
bus omnino displicuit, decreverant enim vel ultima necessitate coactos ad vo-  
ta subdere, vel potius expugnandi gloriam omni studio comparare. Dum-  
que protractius de urbe reddenda tractatur, Soldanus interim quinquaginta  
Galeas apud *Alexandriam* viris, victualibus, & armis, sufficienter instruxerat,  
quas suis in subsidium *Acon* transmittit. Igitur vigilia omnium Sanctorum  
simul omnes accedunt, quibus eminus conspectis rumor incertus vaticinantem  
populum in varia distrahit. Pars enim hostem adesse nunciat, pars Christi-  
colarum venisse auxilia constanter affirmat. Hæsitantibus igitur quinam fu-  
erint venturi subito se præcipitaverunt in civitatem, & unam etiam navem  
nostram victualibus onustam in itinere in portu inventam secum abduxerunt  
violenter in urbem. His diutius cibariis contenti nostris solito acerbius im-  
properantes insistebant. Sed nec navem nostram onerariam diripuisse con-  
tenti, ipsos vero nautas & omnes in eadem navi compertos immisericorditer  
peremptos in circuitu murorum suspenderunt ipsa die omnium Sanctorum.  
Præterea prædictæ hostium Galeæ portum civitatis & exitum observabant &  
introitum, ita quod nemo in auxilium nostrorum præsumeret accedere pro-  
pter metum eorum, ne forte incideret in manus eorum. Sed & in crastino Na-  
talis Domini, advenienti classi *Babylonicæ* quædam de Galeis nostris, æstimans  
Christicolarum adventum, in subsidium nostrum minus provide inquisitura  
occurrit, & cum ea minor cimba, quam vulgo Galeonem nominant, quæ le-  
vitate sui nimis temere properans, dum amicos invenisse confidit, in hostes me-  
dios procurrit. Vox quidem respondentium nonnulla & suspecta silentia pa-  
cem inficiantur, quod nautæ miseri attendentes in mare protinus se præcipi-  
tes mittunt, & nandi beneficio utcunque periti evadunt. Sic igitur maris ea  
parte occupata, nostris Galeis, quæ longe pauciores erant, fugæ furtivæ subsidio  
*Tyrum* digressis, jam urbi muniendæ liber editus & egressus per mare hostibus  
patescit. Eo tempore, dum *Alemanni* magno apparatu machinam molendina-  
riam fabricassent in emolumentum victualium girantibus equis, crepitanti-  
bus molis circumactis. *Turci* contemplantes avidius molam agitantem æsti-  
mabant aliquid esse instrumentum in eorum exitium, vel ad expugnandam ci-  
vitatem, nunquam enim antea hujusmodi mola asinaria visa est in terra illa.

## CAP. XXXIV.

*De pugna navali inter classem Marchisii & nostrorum &  
classem hostium & de victoria nostra.*

**S**Erenato tempore cum jam Pascha instaret *Marchisus* rogatus à nostris à  
*Tyro* cum ingenti apparatu, & copia virorum, & armorum, & victualium  
revertitur. Principum etenim procurante consilio Rex & *Marchisus* eo paci-  
ficantur obtentu, *Marchio*, *Tyrum*, *Serithum* & *Sidanem* possidens Regis &  
M m Regni



Regni profectibus fideliter & viribus totis intendat. Verum semper inlævum præceptis ambitio cor cupidum & iniquum subvertit, nam Regni obtinendi desiderio æstuans, fidem promissam violat; & hostem interius occulit, amicum foris prætendit. <sup>k</sup> [sane <sup>l</sup> oppidani ereptum sibi libertatem æquoris gravius sustinent; &] quid bello navali possint, experire decernunt. Galeas igitur binas & binas educunt, & ordinem in processu decorum servantes, ad alta maris remigant obviam venientibus pugnaturi, quos advenientes nostri præparantes excipere, cum nullum pateat subterfugium, animosius expediunt se irruentibus obviare <sup>m</sup> [E contra nostri classem conscendunt belligeram, flexuque obliquo in lævum tendentes, spatio remotiore secedunt, ut liber hostibus nondenegetur egressus] Et quia navalis belli mentio incidit, consequens arbitramur ut classem bellicam sermo succinctus describat, & quali utuntur moderni & qualem instituere antiqui. Apud veteres siquidem, in huiusmodi navibus numerosior exigebatur ordo remorum, quibus gradatim per tabulata distincta surgentibus, undas alii longissimo, alii breviori vexabant impulsu. Ternos autem vel quaternos ordines sæpius habebant, & quinos interdum: sed & senos, naves quædam in *Actiaco* prælio, cum adversus *Antonium* dimicaret Augustus, habuisse leguntur. Porro bellatrices carinas, *Liburnas* dixerunt: Est enim *Liburnia* pars *Dalmatiæ*, ubi classis *Actiaci* belli præcipua facta fuerat: Unde inolevit usus, ut apud antiquos naves bellicæ dicerentur *Liburnæ*. Cæterum omnis illa vetustatis magnificentia imminuta defluxit: nam classis bellica, quæ senis olim decurrebat ordinibus, nunc binos raro excedit. Quod autem antiqui dixerent *Liburnam*; moderni *Galeam*, media producta nominant: quæ longa gracilis, & parum eminens, lignum à protra præfixum habet, <sup>n</sup> & vulgo calcar dicitur: quo rates hostium transfiguntur percussæ. Galiones vero, uno remorum ordine contenti, brevitate mobiles, & facilius flectuntur; & levius discurrunt; & ignibus jaculandis aptiores existunt. Cum igitur prælium navale gesturi hinc inde processissent, nostri non acies directas, sed incurvas disponunt: ut si hostis tentet irrumpere intrinsecus, opprimatur <sup>o</sup> conclusus. Cornibus itaque in speciem Lunæ productis, à fronte validiores constituunt, quibus & acrior infligatur impetus, & hostium propulsetur incurfus: in superioribus vero tabulatis, clypei <sup>p</sup> [per gyrum] disponuntur conferti: & in uno confidunt remiges, ut spatio liberiore dimicent qui ad pugnam in supremo consistunt. Mare quidem omnino filens & placidum, tanquam bello excipiendo devotum, mitescit, adeo ut unda interfluens, nec intendentis ictum, nec remigantis fallat impulsu. Congressi propius, tubis utrinque insonant; clangorem terrificum miscent: missilibus primo contendunt. <sup>q</sup> At nostri, opem Divinam invocant, remisque incumbunt obnixius; & naves adversas, suarum rostris elidunt. Mox bellum conferitur; implicantur remi, cominus decertatur, alternis injectionibus rates alligant; & oleo incendiario, quod ignem Græcum vulgo nominant, tabulata succendunt. Ignis iste pernicioso foetore, flammisque viventibus, filices & ferrum consumit: & cum aquis vinci <sup>r</sup> nequeat, harena respersus comprimitur; aceto perfusus sedatur. Quid autem navali conflictu asperius? quid sævius? ubi tam varium congressos fatum involvit: nam flammis, torquentur exusti; fluctibus absorbentur naufragi; armis pereunt vulnerati. Erat galea quædam, quam dum nostri temere moderantur, latus hosti vicinum invergit: sicque ignibus injectis succensa *Turcos* undique insipientes admittit. Remiges vero, in mare protinus exterriti dilabuntur; at pauci milites, quos arma graviora impediunt, & nandi inscitia detinet, pugnandi fiduciam ex desperatione assumunt: Pugna impar committitur; sed in virtute Domini, multos pauci exuperantes; ratemque semiustam, cæsis hostibus, triumphantes reducunt: aliam vero jam hostis, victor superioris tabulati, bellatoribus depulsis invaserat: at ii quibus inferior statio fuerat deputata, remorum auxilio elabi

*Naves bellicæ Liburnæ dictæ.*

*Ignis Græcus quid.*

<sup>k</sup> Deest. <sup>l</sup> Oppidani vero classem comperientes venientem. <sup>m</sup> Deest. <sup>n</sup> Quod. <sup>o</sup> Exclusus. <sup>p</sup> Deest. <sup>q</sup> Et. <sup>r</sup> Nesciat.



contendunt. Mirum quidem, & miserandum certamen: nam remis in diversa tendentibus, nunc huc nunc illuc *Turcis* agitantibus galea depellitur: nostri tamen prævalent, & hostis superius remigans, Christicolarum superventu detrusus, succumbit. In hac navali congressione, galeam pariter & galionem cum suis vectoribus, pars perdit adversa; nostrique, solemnem triumphum [gloriam] illæsi & læti reportant. Galeam itaque hostilem secum trahentes in aridam, utriusque sexus ex nostris occurrentibus in littore victores exposuerunt diripiendam. Mulieres igitur nostræ *Turcos* cæsarie rapta protrahentes capite detruncabant probrose tractantes, & abjectius jugulantes. Quorum quanta manus infirmior, tanto poena dilatione mortis protractior, cultellis enim non gladiis amputabant capita eorum. Non est similis visa pugna navalis tam exitialis, tanto confecta periculo vel consummata impendio.

*Classis Turcarum à Christianis dissipatur.*

## CAP. XXXV.

*Interea Turci exteriores fossam nostram terra implere curantes nostris intra positis feroces faciunt insultus.*

**I**Nterea exercitus *Turcorum* exterior ex victoria nostrorum altius ingemiscens pertinacius conglobati irruerunt in nostros qui infra fossam continebantur, ut vel fossam perfectam obturarent humo rejecta implentes, vel resistentes perimerent. Quorum impetum ægre excipientes nostri maximo decertabant labore, quia tantæ multitudini innumerabili impares videbantur, tum quia semper crescebat numerus irruentium, tum quia & ex parte civitatis cavendum erat ne forte & ipsi irrupentes in eos irruerent. Inter oppugnantes erat quædam gens larvalis, nimis vehemens & pertinax, naturis deformis sicut & aliis fuerat dissimilis animis, nigriore colore, enormi statura, feritate immanes, pro galeis habentes in capitibus rubra tegumenta, ferreis hirsutas dentibus clavas gestantes in manibus, quarum ictibus quassanda nec cassis resisteret vel lorica, *Mahumeti* effigiem incisam pro signo habebant. Hujus protervæ gentis tanta fuit multitudo quod in fossam irruentes alii aliis cederent collisi in terram. Irrequietis igitur insultibus debacchantes nostros tanta affecerunt prolixitate, quod qua parte esse cavendum ambigerent, nusquam enim securitas, nunquam requies,angebantur undique, nunc observantes se ab obsessis in urbe, nunc ab exterioribus continue imminetibus, nunc & à parte maris Galeis eorum sedentibus in insidiis, ut vel *Turcos* advenientes admitterent in urbem, vel Christicolis obviarent nobis in subsidiis venientibus, divinæ demum pietatis respectu rejectis & repulsis adversariis.

## CAP. XXXVI.

*Nostri dum tribus turribus ligneis urbem insiliunt, oppidani deditionem offerunt, & dum ab hostibus inferioribus infestantur, machinæ eorum incenduntur.*

**P**Rincipes nostri ad machinas quibus civitas oppugnetur operam communem impendunt. Tres itaque Turres ambulatorias de silvæ ficcioris materia construunt, quarum prima *Landegravum*, secunda *Genuenses*, tertia exercitum reliquum fortitur auctorem. Certanti studio moles istæ consurgunt quas ex trabibus & tabulatis in altum eductas lapsus mobiles incitat, &

*Tres machinæ eriguntur à Christianis.*



quadam arte mechanici facilem ad motum inclinat. Artifices vero has machinas ne pareant incendio centonibus & crudis coriis obvolvunt, & ut petrarum impetus materia molliori exceptus non noceat, reticulatos funes à fronte protendunt. Porro eminentiæ turrium supra murorum fastigia, & urbis propugnacula sublimes Balistarios & sagittarios continent, at medias stationes occupant, qui fudibus & contis decertant. Singulis autem castris suæ applicantur petrarum, & lateratim assistunt, quibus & machinæ productæ defendantur, & moenia dejiciantur adversa. Oppidani vero jam penitus diffidentes urbis deditionem offerunt, ita tamen ut ipsis abscedendi libertas, & res suas asportandi non denegetur facultas. Nostros vero renuentibus, omnique nisu insistentibus, ut confectæ machinæ muris applicarentur, resistunt viriliter oppidani vicem reddentes oppugnantibus, & incurfantibus talionem. Vero sabbato post Ascensionem Domini, muris machinis propius admotis, cum jam à mane usque ad vespem acius oppugnant civitatem, ecce exercitus *Turcorum* exterior irruens magno cum impetu catervatim se ingerit in fossam, ut oppugnaret à tergo impugnantem civitatem, ut vel eos averteret vel omnino dissiparet. Igitur dum nostri hinc inde coerciti, utrinque divisi, se vel ab exterioribus irruentibus defenderent, vel urbi expugnandæ intenderent, & virtus minor fieret, quia partita in diversa, machinas nostras ignis succendit hostilis, quas nec potuit ulla diligentia extinguere, sed mutiles factæ sunt igne Græco consumptæ. Sicque infelici casu triumphus spes excidit, quæ quanto prius certior tanto postmodum tristior evanescit.

*Machina  
Christianorum  
incenduntur.*

## CAP. XXXVII.

*De fame oppidanorum, & succursum per galeas.*

**O**bsessi vero jam victualibus nimium egentes affligebantur, ut equos suos consumerent, nec alterius generis bestiis parcentes, legis obliti *Mahumeticæ*, dum hianti satisfacerent gulæ, quos fames incitat ad esus nefandos. Interea Christianorum captivos seniores, quos præ senectute æstimabant inutiliter, jaculabantur foras mutos, exanimos; juniores vero vegetos, & ad opera exercenda idoneos reservabant captivos. Sic igitur angustiatos *Turcis* advenierunt tres naves onerariæ, & se subito nautæ præcipitantes in urbe, dum nostrorum metuunt occursum, quidam eorum passi sunt naufragium, salvis tantum navibus cum victualibus advectis. Unde obsessi nimia dissoluti lætitia, tanquam voto eorum fuerit satisfactum, cum cymbalis & tibiis ululantes vocibus altisonantibus testati sunt se perplexos non esse, firmant igitur plausus ad iudicium, ne putentur sustinere dispendium.

*Turcæ Christianorum captivos seniores foras ejiciunt.*

## CAP. XXXVIII.

*Salahadinus congregatis exercitibus omnium Regnorum suorum nostros impugnat, sed nostris viriliter resistentibus confusus abscedit.*

**S**alahadinus interim contractis copiis totius *Asiæ*, quicquid *Indiam* à *Tigris* disternit, quicquid *Tigris* & *Euphratem* interjacet, quicquid inde ad mediterraneos porrigitur fluctus, simul in bella produceret. Ex *Africa* vero gentes innumeræ confluunt *Nadabaræ*, *Getuli*, & *Numidæ*, sed & populi meridionali solis adustione deformes, quos à Græco vocabulo *Mauron*, quod nigrum sonat, *Mauros* sive *Mauritanos* appellant. Sic ergo duæ mundi partes,

tertiam



tertiam impetunt; & adversus duas *Europa* confligit, quæ sola nec tota Christi nomen agnovit. Porro plerisque *Salahadinus* stipendiis excitat; & infusus tantos nec pecunia dudum [ante] collecta suppetit: nam communi placito Gentiles statuerant, ut morientes quicunque, rerum suarum partem tertiam Legis defensoribus erogarent. Caterum nonnulli, quodam peregrinationis obtentu gratis veniunt; & pro legis suæ ceremoniis defendendis, contra Christicolas pugnaturi procedunt. Hanc igitur multitudinem undecunque collectam tyrannus effundens, nimia elatione luxuriat; & nostros audacter impetens, omnes vel captivos abducere, vel in ore gladii exterminare confidit. Quod si *Darium Persarum* Regem, cum septingentis millibus dimicasse legimus; in hoc præsens multitudo præjudicat, quod illa numerari potuit; istam vero nulla numeri certitudo concludit. Ingens illa planities quæ à mari ad mare porrecta, longe lateque distenditur, tot millibus minus sufficit; & cum sinus laxiores camporum amplitudo explicet; loci tamen angustiam, acies consertæ caufantur. Christicolæ, quibus hinc oppidani, hinc hostium instant exercitus, utramque incursionem strenue sustinent; & dispositis ad fossata præfidiis, tam hos quam illos à castrorum irruptione propellunt. Sab-

*Salahadinus castra Christianorum cum infinita hominum multitudine frustra aggressus turpem passus est repulsam.*

## CAP. XXXIX.

*Item de fame oppidanorum & succursu per Galeas.*

**F**AMES interea oppidanos affligit, quibus ab Ægypto Soldanus rates frugiferas notho flante transmittit. Erant autem viginti quinque: sed tres majores, dum inter turrim Muscarum & rupem proximam tentant irrumpere, duæ quidem saxis confringuntur illisæ; tertia vero portu potitur illæsa. Venientes quippe, à coepto cursu nostrorum galeæ deturbaverant: quarum una, dum nimis temere fugientes insequitur, scopulis offensa deperit & dissipatur.

## CAP. XL.

*De infortunio nostrorum quod ex bello accidit sine consilio Principum suorum suscepto.*

**T**RACtu temporis, cum exercitus otio longiore torpesceret, plebs rerum novarum cupida, Principum incusat ignaviam; & pari desiderio æstuans, sese vicissim invitat ad pugnam: castra Gentilium quia tam proxima, indignantes movent; spolia distrahenda, cupidos incitant: victoriæ gloria pug-



naces accendit. Tumultuariam <sup>x</sup> vero conjurationem ineunt; & animi calore præcipiti, unanimes accinguntur ad bellum, Principum non expetito assensu. Principes quidem, quantum possunt, ausus vulgi temerarios laborant comprimere. Sed & Patriarcha sub anathemate inhibet, ne ducibus inconsultis hostem provocent; & belli <sup>y</sup> discrimen incurrant: nihil tamen vel illorum dissuasio, vel hujus interminatio proficit: vincit enim furor consilium; rationem impetus; imperium multitudo: Vulgus quocunque impellitur, temeritatem virtutem putat, id optimum quod optat judicans; & rerum exitu non expenso, corrigentem refugit, regentem contemnit. Die igitur Sancti Jacobi, die luctifica & infesta, infelix illa gregariorum militum turba prorumpit; armati quidem prodeunt; sed minus provide, venturum discrimen attendunt. Juventus sane insignis, juvenus strenua & nulli cessura <sup>z</sup> victori, si caput nacta, si consultius ausa, si quantum spoliis tantum præliis indulgeret. Verum Dux agminis nullus, sibi quisque miles, sibi ductor; signa propria vix agnoscunt, vix sequuntur; præcurrunt plurimi, dum potius de præda quam de prælio cogitant perituri, Gentiles visis prodeuntium turmis, metu <sup>a</sup> dubium <sup>b</sup> [an] de industria, paulisper cedunt; & sarcinis non asportatis, tentoria rebus variis opulenta relinquunt. Cæterum sub <sup>c</sup> clivo montis proximi vires abscondas collocant; & missis exploratoribus, quid nostri velint, quid veniant inquisituri, subsistunt. Nepos Soldani *Tecahadinus* eo tempore versus castrum *Himberti* tentoria fixerat: vir animis strenuus & armis; scelere immanis; sævitia implacabilis; & nomini Christiano tam perniciosus, quam invisus. Huc prædicta multitudo accelerat; huc prædæ libido cunctos excitat; minus quidem circumpositas locorum explorant insidias, qui jam de spoliis diripiendis contendunt. <sup>d</sup> Plerique copia ciborum inventa, indulgent <sup>e</sup> genio; & armis depositis nimium securi discumbunt, tanquam ad epulas invitati. *Turci* vero, rebus quæ geruntur non incognitis, mox undique irruunt; & voce, ut solent, terribili personantes, plebem dispersam & stupidam facili triumpho prosternunt. De bello nullus, cuncti de fuga cogitant; sed pedites, sed armis onusti, sed siti & æstu exhausti, nullatenus effugere possunt, quos hostis eques & impiger insectatur. Passim namque fugati, passim fusi; nulli parcitur, nemo captivus servatur; suum furor non explet affectum, ira ferrum repetit, quod tædium percutientis abjecit. Quocunque quemque metus incitat, mortis occurrit necessitas: inevitabile cunctis discrimen imminet: ubique hostis, ubique cædes; vulnerantur innumeri: & qui cæsi occumbunt <sup>f</sup> iv. millia æstimantur. Audito fremitu, & strage conspecta, Principes nostri dissimulant: duri certe, inhumani & impii, qui fratres suos coram se trucidari conspiciunt; nec opem perituris impendunt: quibus hoc solum pro crimine contra factam inhibitionem à castris exisse. Porro, cæteris ex ignavia potius quam offensa hæsitantibus, Archidiaconus *Colecestriae Radulphus* de alta ripa, laborantibus subvenit, lapsuris succurrit: vir statura & forma spectabilis: quem laurus gemina, & utriusque militiæ commendat perfectio: scientia scil. præclarum, armis insignem, hic postmodum cum plurima præstanter insignia in eadem obsidione qua tunc laborabat, sine felici & commendabili diem clausit extremum. Oppidani vero visis suorum successibus, animosi prorumpunt; & usque ad injectionem <sup>g</sup> ædium de proximo papiliones invadunt.

<sup>x</sup> Ergo. <sup>y</sup> Discrimina. <sup>z</sup> Jactori. <sup>a</sup> Dubii. <sup>b</sup> Deest. <sup>c</sup> Declivo. <sup>d</sup> Plurimi. <sup>e</sup> Gulæ. <sup>f</sup> Quinque millia & quingenti. <sup>g</sup> Ignium.



## CAP. XLI.

*De navibus in succursum nostrorum venientibus.*

**H**Ac itaque tam flebili cæde peracta, cum robur nostrum jam ex parte multa decifum esset; arrisit fortuna blandior; & allubescens Favonius rates attulit armatis onustas. Interdum vero Gentilium classis nostræ furtim permixta procedit; & tam lingua quam insignibus Christicolarum mentita paratus, inopinos & subitos ad urbem cursus subducit.

## CAP. XLII.

*Qui viri & quales bellatores tam Laici quam Clerici superioris & inferioris ordinis in succursum nostrum veniunt.*

**N**ostris igitur diuturno tribulationis igne perfectius excoctis, & gravissimis tentatis pervenientibus usque ad animam, percussionebus elimatis, respexit Dominus qui non deserit sperantes in se, & doluit super eos adducens ab extremis finibus terræ fortes auxiliarios, viros insignes, potentes in prælio, qui præteritam non tantum refarcirent exercitus amissi virtutem, imo & à superabundanti ampliarent adjectione advenientium. Appulit imprimis Comes *Trekarum Henricus de Campania* cum manu militum valida. Venerunt & alii consequenter quamplurimi, quorum hæc sunt nomina, observato ordine adventus eorum, recitanda, venerunt isti, Comes *Theobaldus Blesensis*, sed trium mensium terminum non visurus, quia morte præventus est, venit & Comes *Stephanus*, Comes de *Claro Monte*, Comes de *Scaloniis*, *Manserius de Garlanda*, *Bernardus de Sancto Walerico*, *Johannes Comes de Pontiniaco*, *Erardus de Castiniaco*, *Robertus de Bonis*, *Adaunius de Fontaines*, *Ludovicus de Ascla*, *Galterus de Arzilleriis*, *Guido de Castelluno* cum *Lovello* fratre suo, *Guido de Meiseriis*, *Johannes de Monte Mirail*, *Johannes de Arciis*; venit & Dominus de *Camte in Burgundia*, *Gaubertus de Monte Aspero*, *Clarembaldus de Nuheriis*, Episcopus *Blesensis*, Episcopus *Tolensis*, Episcopus *Ostiensis*, Episcopus *Mordrensis*, Episcopus *Brisensis*, Episcopus *Astensis*, Patriarcha quoque *Jerosolymitanus*, Archiepiscopus de *Cæsarea*, Episcopus ne *Nazareth*, fuit quoque ibi electus *Aconensis*, Archiepiscopus *Besexonensis* & Archiepiscopus *Cantuariensis Baldwinus*, *Hubertus Episcopus Salesbiriensis*. Intererat etiam de quo præfati sumus Archidiaconus *Colecestrensis*, *Radulphus de Alta Ripa*, venit & Abbas de *Scaloniis*, Abbas *Esterpensis*. Venit & quidam Presbyter sine intermissione se exercens in hostes, & tela torquens balista infatigabili labore. Venerunt etiam de *Normannia* quamplurimi *Walklinus de Ferariis*, *Robertus Trussebot*, *Richardus de Verovone* & ejus filius, *Gillebertus* quoque de *Tilleriis* cum manu valida bellatorum, venit & *Yvo de Veteri Ponte*, *Ranulphus* etiam de *Clavilla* olim Justitiarius *Angliæ*, *Gillebertus Malenianus*, *Hugo de Gorniac*, Præter hos etiam venerunt quamplurimi de diversis terrarum finibus quorum summa non cadit in numerum; nec, etiam si sciretur, nominarentur propter fastidium audientium.

*Nova auxilia Christianis accedunt.*



## CAP. XLIII.

*Comes Henricus de Campania exercitui nostro praeficitur.*

<sup>h</sup> **C**omes *Trekarum* *Henricus* cum manu militum valida tunc temporis ap-  
pulit: cui statim regendi exercitus cura committitur, quem prius *Ja-*  
*cobus de Avennis*, & *Landegravus*, nunc simul, nunc vicissim habebant. *Lan-*  
*degravus* <sup>i</sup> autem valetudinarius effectus, repatriandi praetextu castra deseruit:  
qui cum multa clarius, & ad omnium favorem egisset, illustrem factorum glo-  
riam turpi reditu deformavit.

## CAP. XLIV.

*Dux Suaviae persuasum Marchesii Acon venit.*

*Marchisi a-*  
*stutia.*

**E**O tempore cum filius Imperatoris, Dux *Suaviae*, patre paulo ante defun-  
cto, apud *Antiochiam* degeret, Principes ei <sup>k</sup> mandandum decernunt, ut  
ibidem moram <sup>l</sup> faciens & terras Gentilium vicinas <sup>m</sup> impugnet. Sanum  
quidem & salubre consilium; nam si hostem bellorum instantia, locis pluri-  
bus occupasset, conatus ejus ad multa deductus, minor ad singula & infirmior  
extitisset. Hujus legationis verbum *Marchisus* minus fideliter executus, Du-  
cis animum maligna interpretatione <sup>n</sup> promovit, tanquam Principes ex in-  
vidia, ejus procurarent absentiam, ut sibi urbis capiendae gloriam reservarent,  
Fuit autem qui assereret *Marchisum* a Soldano sexaginta millia *Bizantium* eo  
suscepisse obtentu, ut Ducis ab *Antiochenis* partibus discedere persuaderet.  
Dux itaque *Acon* veniens, dissensionis seminarium extitit: nam veteri & per-  
tinaci dissidio ab *Alemanis* *Franci* dissident, cum Regnum & Imperium de  
Primatu contendunt.

## CAP. XLV.

*Marchisus Ducis auxilio aspirat ad Regnum.*

**P**orro *Marchisus* peculiarem causam occultius agens Ducis quem sanguine  
contingebat, praesentiam studiosius expetivit: ut ipso mediante, si pos-  
set, Regni solium obtineret. Casus quidem ad nutum blanditus, spem votis  
majorem indulserat, nam Reginam & sobolem quam de Rege *Guidone* suscepe-  
rat, mors rapuit immatura; verum ut hanc tractatus particulam enucleatior  
excipiat intellectus: stirpis Regiae successionem paulo remotiore principio  
evolvemus.

<sup>h</sup> Comiti de Campania Henrico quem primum praediximus applicuisse. <sup>i</sup> Enim. <sup>k</sup> Man-  
daverunt. <sup>l</sup> Faceret. <sup>m</sup> Impugnaret. <sup>n</sup> Permovit.



## CAP. XLVI.

*De genealogia Regum Jerosolymorum quæ deficiens causa fuit  
quare Marchifus aspirabat ad Regnum.*

**F**ulco siquidem, pater *Galfridi Andegavorum* Comitis, singulari virtutum merito in Regem *Jerosolymorum* electus, de filia prædecessoris sui Regis *Baldwini I. de Iherusalem*, duos filios *Baldwinum* & *Almaricum* suscepit. Quorum natu major Regio sceptro potitus; & nomen avitum referens, neptem *Manuelis Bizantini* Principis, *Theodoram* nomine, uxorem duxit: sed absque liberis, cum *Ascalonem* <sup>o</sup> victorioso cepisset, in fata concessit. Frater ejus virtutis & Regni successor, *Babyloniam* ad tributum compulit; & bino conjugio, variam utriusque sexus progeniem fuscitavit. Prima uxor *Batrix* dicta, quam ante Regni susceptionem duxerat, filia Comitis *Rossæ* fuit: sed quia unione sanguinis ipsi conjuncta fuerat, conjugalem copulam, celebrato divortio, cleri censura dissolvit. Ex ea tamen prolem geminam jam susceperat, filiam *Sibyllam* nomine, & filium nuncupatione *Baldwinum*, qui patre defuncto diademate insignitus licet junior, & lepra respersus, *Salahadinum* cum sexaginta milibus *Turcorum*, manu <sup>p</sup> rata miraculose confecit. Hic citius rebus humanis exemptus, filium fororis suæ *Baldwinum*, quæ fratri *Marchionis Wilhelmo* nupserrat, regni successorem constituit, & diademate insignivit. Sed & ipse adhuc <sup>q</sup> parvulus & septennis morte festina decessit. Cæterum patre pueri pridem defuncto, *Guido*, qui de *Pictavia* oriundus fuit Sepulchri visitator advenerat, matrem pueri *Sibyllam* duxit uxorem: qua postmodum paternum vindicante folium, ipse quoque Regiæ potestatis insigne suscepit; Ex ea quidem quatuor filias genuit, quas simul cum matre infra brevem temporis tractum mors <sup>r</sup> importuna rapiens, *Guidoni* calumniam peperit, & *Marchiso* regnandi fiduciam concitavit. Porro uxor secunda, quam Rex *Almaricus*, repudiata priore, superduxerat, *Maria* nomine, consanguinea *Manuelis* Imperatoris fuit, ex qua duas progeniuit filias: sed earum altera sub tenero vitæ principio diem clausit extremum: alteram vero, *Elizabeth* nuncupatam, cum nondum annos nubile attigisset, *Enfridus* de *Turone* sponfam habuit: sed quia successionis jure jam ad eam Regni devolvebatur hæreditas, *Marchifus* utrumque molitur expungere, tam *Enfrido* conjugem, quam sceptrum *Guidoni* rapturus.

## CAP. XLVII.

*Miraculosa quæ contingebant tempore obsidionis subnectuntur.*

**I**nterea juxta varios, sicut dicitur, eventus belli, nunc his, nunc illis vicem pro vice reddentibus, casus contingebant multiplices, non minus miraculosi quam mirandi, quos ad notitiam posterorum visum est non indignum recitari.

<sup>o</sup> Victoriosissime. <sup>p</sup> Rara. <sup>q</sup> Puerulus. <sup>r</sup> Incipina.



## CAP. XLVII.

*Petraria quædam oppidanorum ex violentia sui omnes machinas nostras comminuit, & hominem ex nostris quem percusserat non læsit.*

**P**etrariarum hostilium, quarum fuit in civitate copia, una fuit incomparabilis, & magnitudine compactæ machinæ, & pro voto torquentium, inæstimabilis molis lapides jaculando efficax, hujus nihil potuit resistere vehementiæ. Incredibilis molis quippe lapides jaciebat, emissos etiam lapides procul impetus egit. “Omnia comminuit jactus quæcunque feriret. Lapides nihilominus, quoties nullo retardarentur obstaculo, unius pedis longitudine agebantur in terram cadentes. Nonnullas Petrariarum nostrarum percutiens in particulas disperfit, vel certe mutiles effecit, machinas quoque alias plures vel ictu dissolvit, vel particulam, quam attigerat, abscidit. Tanta nimirum erat vehementia jaculandi, & impetus tam pertinax, quod nihil tam solidum, vel ita fuit compactum cujuscunque materiæ vel substantiæ, quod posset incolume tam intolerabilis percussuræ sustinere injuriam. Hæc igitur talis in quendam ex nostris hominem lapidem enormis magnitudinis dedit à tergo, averfa quippe facie steterat nihil suspicans, sed nec æstimans tam procul posse lapidem pervenisse, sed nec hominem quidem vel in minimo læsit, imo nec loco movit, sed resiliens à tergo tanquam à monte ferreo decidit haud procul inefficax. Quem vir ille respiciens plus habuit horroris ex visu, quam doloris ex ictu. Quis hoc, inquam, non ascriberet divinæ miserationi? quis hoc intelligens non pensaret magna opera Domini, cujus pro se certantibus semper præsto est clementia? ad cujus commendandam ubique merito magnificentiam quid operatus est subijciam.

## CAP. XLVIII.

*Telum ab interioribus in quendam ex nostris emissum omnem armaturam ejus penetravit, sed schedulam nomen Dei continentem, & in pectore ejus pendentem penetrare non potuit.*

**A**mplius. Quidam ex nostris fatelles, dum in fossis extra murum civitatis existeret, vel ut muri infirmiora perscrutaretur, vel ictu balistæ, quam manu gestabat, quemcunque hostium feriret, huc illucque vagando demum substitit, armatus quidem erat more peditum satis competenter, ferreo tegmine capite munito, lorica quoque, tunica etiam linea multiplici confuta, lineis interioribus difficile penetrandis acu operante artificialiter implicitis, unde & vulgo parpunctum nuncupatur. Hunc igitur suspicientem subito à summitate muri, Turco transmittente spiculum balistæ vi maxima contortum percussit in pectore, ita quod omnia prædicta penetrans viz. capitis ferream armaturam, & etiam lorica cum parpuncto, demum ad quoddam Breve, quod gestabat, appensum collo & in pectus, densissimum, non solum restitit, sed tanquam à ferrea lamina resiliit retunsum & recurvatum. Nunquid non manifesta sunt opera Dei, ut telum penetrans ferrum multiplicatum à schedula resiliret hebetatum? nomen quippe Dei sanctum dicebatur vir ille gestare collo appensum insertum schedulæ ferro impenetrabile. Murus quidem inexpugnabilis Deus est sperantibus in se.



## CAP. XLIX.

*Miles inermis requisitis naturæ vix peractis Turcum armatum se lancea impetentem lapide prostravit.*

**A**Mplius. Quendam ex nostris militem ad requisita naturæ extra castra in præfatæ margine fossæ sicut moris inclinatum, *Turcus* quidam equo admissio improvidum petiit, quem cum miles venientem à latere adverteret, vix opere, ad quod venerat, expleto, se expeditus arrexist, vel ut irruentem declinaret, vel annuente Domino quocunque modo expeditior exciperet, licet prorsus inermis extiterit. Quem cum *Turcus* lanceæ cuspide niteretur transfodere Deo protegente paulum inclinatus ictum fefellit

*Transit equus rapidus vacuoque prætervolat ictu.*

*Turcus* autem cum ad votum sibi non successisse doleret, repetito cursu pertinaciter vibrans hastam ferebatur in militem, quid igitur faciat miles inermis? pedes, solus, & tanquam hosti expositus in prædam, invocato vero qui semper suis per gratiam præsens est Deo in auxilium, cum comminus cerneret imminentem lapidem forte repertum

*Jecit in hostilem nudum sub casside vultum,*

quo ejus tempore colliso, stupidus *Turcus* equo turbatus in terram, & fractus cervicibus mortuus est, cujus equum miles comprehendens impigre fessore mutato reversus est ad suos. Hoc quodam alio referente, qui casum rei perviderat; factum est notorium in castris.

## CAP. L.

*Mulier fidelibus fossam urbis terra implentibus in fossa moriens præcipit corpus suum in loco terræ ibi manere.*

**A**Mplius. Inter comportantes ad complendum aggerem in fossam civitatis facilius comprehendendæ, mulier quædam sollicitius laborans multa sætegit sedulitate, ut opus coeptum proficeret, sine intermissione infatigabilis iens & rediens, aliosque diligentius exhortans, in zelo concepto compulsa est invenire finem vitæ simul & laboris, nam, cum simul omnis multitudo cujuslibet sexus & ætatis, ad opus expeditius complendum, itque reditque frequens, mulierem præfatam, dum se quod apportaverat Dominae expedire satageret, *Turcus* sedens in insidiis pilo percussit ad mortem. Quæ cadens in terram, dum se præ vehementia doloris in diversas partes torqueret, qua potuit voce, virum suum, qui ad eam gemebundam cum pluribus aliis accurrebat, flebiliter, nec minus suppliciter rogavit dicens, dilectione tua Domine Charissime per maritalis religionem amplexus, per fidem inter nos contracti olim matrimonii precor & exoro, ne cadaver meum jam futurum exanime ab hoc loco patiaris amoveri, imo quia jam non licet ulterius ad hoc opus perficiendum operari viventi, locum obtineat corpus in opere ut nonnihil sit quod me reputem profecisse, jaceat cadaver exanime in fossa vice terræ, postmodum terra futurum. Hoc idem suppliciter exoravit ut fieret ab universa circumstante multitudine, nec multum post emisit spiritum. O fides infir-



mioris sexus admirabilis! O zelus imitabilis mulieris, quæ nec post mortem destitit operantibus cooperari, dum perseveravit etiam voluntas in moriente operandi.

## CAP. LI.

*De equo Turci in reti capto.*

**A**Mplius. Quendam ex nostris plebeium dum rete suum tenderet explicitum extra castra, vel ad arcendos *Turcos*, vel si irruerent capiendos, unus eorum equo sedens rapido cursu impetiit, quem cum ex adverso irruentem respiceret, nondum consummato omnino cui insistebat opere in fugam versus est, quem cum *Turcus* persequendo nequiret assequi, jam receptum in castra desperans persequi desuit, & revertens rete coepit avellere, nimia turgidus indignatione. Cum autem jam nonnullos paxillorum cum funibus quibus rete tenebatur eruiisset à terra, ipsum rete, quod raptim & incaute studuit obvolvere, caput equi cui infidebat forte comprehendit inclusum, equus autem elegantioris formæ se dedignans comprehendi, efferatus frequentius ut se expediret in orbem girans magis ac magis irretitus est, quod cum viri quidam prospexissent, eo versus præpete cursu agebantur. *Turcus* autem equum suum sentiens impeditum ocius desilivit, & pedes fugit, qui licet ibi relicto careret equo cursu pedestri insequentes evasit, quia pedibus timor addidit alas. Cujus equum optimum, vix tandem à reti quod ex parte ruperat multa diligentia expeditum, cunctis in commune qui occurrerant decernentibus, habuit ille plebeius, cujus rete extritaverat, in repensationem retis sui scissi.

## CAP. LII.

*De equo Turci pedica capto.*

**A**Mplius. Propter frequentes & improvisas *Turcorum* irruptiones decreverunt Principes nostri fieri pedicas occultas, & terra ne viderentur operiri. Contigit igitur quadam die dum se quidam ex nostris ephebi in planitie extra castra ex conducto exercerent, sagittas ad signa immittentes, *Turcorum* quosdam equis admissis in ipsos juvenes irruere, quos quia inermes erant nostri & numero pauciores declinantes se receperunt in castra. Unus autem persequentium quasi equi sui confidens agilitati perniciosius alios anteibat, cum ecce medio cursu pedica una comprehensus est equus ejus, unde nullo nisu vel studio fessoris potuit tunc expediri, unde *Turcus* malens equo carere quam capite pedes aufugit indemnis ad suos, equum vero ejus decretum est reddendum ei, cujus erat illud quo retentus erat instrumentum, viz. *Roberto Comiti Druensi*.

## CAP. LIII.

*Ivo de Veteri Ponte cum paucis LXXX. piratas occidit.*

**A**Mplius. Militem ex nostris *Ivonem* de *Veteri Ponte* decem fociis comitatum, versus *Tyrum* tres nautæ in parva navi deduxerunt, quos cum jam à portu longius navigantes perspexissent quidam *Turcorum* piratæ, à quodam maris gurgite aridæ contiguo prodeuntes, in quadam *Galea* remigantes ferebantur in eos, erant autem numero quasi octoginta. Quos cum nautæ vidissent



dissent pernicious appropinquantes, nimio exterriti timore dixerunt ad invicem. Domine Deus, vae nobis capti sumus jam trucidandi, ad quos prænominatus *Ivo de Veteri Ponte* dixit, quid modicæ fidei timetis quos sine mora mortuos videbitis? & cum jam violentia remorum acta Galea rostro navem videretur comminus percussura. *Ivo* in eandem insiluit Galeam, & quam manu gestabat bipenni cœpit *Turcos* instanter detruncare. Cujus opus cum ejusdem focii prosperari vidissent, animæquiores ad eum in Galeam insilientes universos, quos invenerunt hostes, vel immisericorditer detruncaverunt, vel captivos secum abduxerunt. Sic his datur triumphare qui in Deo spem ponunt, qui vinci non novit, ad quod fides ficta non valet, nec multitudo dimicantium: quia nec refert apud Dominum sive in paucis sive in pluribus consistit belli virtus & summa victoriæ.

## CAP. LIV.

*Admirali genitalia igne Græco combusta sunt, quo machinas nostras incendi proposuerat.*

**A**mplius. Cum oppidani forte comperissent nostrorum maximam multitudinem à castris exiisse, sicut fieri solet, ad quæritanda esui animalium necessaria, à civitate subito erumpentes, ductore eorum Admiralio viro famoso & potenti *Bellegemino* nomine, in nostros minus circumspectos irruerunt, quos tamen pertinaciter insistentes, nonnullis hinc inde peremptis, repulerunt in urbem. Admiralius vero solus tanquam aliis animosior diutius restitit, omnium quidem studio fategit, ut sicut prius se jactanter prædixerat acturum, machinas nostras urbis in proximo muris admovendos vel ferro dissiparet, vel igne Græco consumeret, cumque diutius his exequendis sollicitius insisteret. aliis jam fugientibus, ipse solus remansit, donec scil. propositum peregisset, quem ex nostris miles quidam ex adverso veniens equo dejecit, & casu fracta, qua ignem Græcum gestabat, ampulla, eodem igne succensa sunt ejusdem *Turci* membra genitalia cum verendis partibus reliquis, liquore scil. inextinguibili. Et sic eidem cessit in proprium exitium, quod nobis disposuerat ad detrimentum.

## CAP. V.

*Turcus ignem Græcum natando deferens à nostris reti capitur.*

**A**mplius. Quidam nostri piscatores non procul à terra retia sua laxaverant in capturam piscium, hujus enim studio ministerii, & sibi necessaria acquirebant, & pisciculos vendentes non modicum egentibus solatium præbebant. Contigit igitur die quadam, ad occasum sole vergente retibus extensis, quod quidam nostrorum eminus residens in littore perspiceret hominem in mari longe natantem, capite solo comparente, aquis cætera tegebantur. Illo itaque qui hoc viderat indicante, piscatores prædicti cimba sua vecti natantem pertinacius insectabantur ut viz. cognoscerent quidnam hujusmodi fuisset prodigium. Cui, cum propius remiges accessissent: *Turcum* esse deprehendunt, post quem jam ad eorum vociferationem exterritum, & retro cedentem, festinant remigantes, & in eorundem retibus comprehensum tenuerunt. Prius enim eadem nandi peritissimus retia pertransierat, cum eo quod portabat onere ad collum suspensum, portabat enim ignem Græcum in pelle lutrina, his qui in urbe obsidebantur destinatum, sic enim *Turci* mittere consueverant obsessis ignem hujusmodi per homines nandi gnaros,



quia sic fieri commodius æstimabant & occultius. Piscatores autem cum deprehenso suo captivo ascendentes in terram, rem ut erat cunctis exponunt per ordinem. Ipsum itaque cum eo quod portaverat igne vinctum, per medium deduxerunt exercitum, acriter flagellantes, & irridentes, & tandem durius laniatum decapitaverunt, & sic dimissus est quietus. Sic Dominus habere curam suorum probatur, qui dissipat consilia gentium & reprobat consilia Principum, qui quas hostilis procuravit malignitas ad nihilum redegit adversitates.

## CAP. LVI.

*Turcus telo in inguine percussus interiit, qui crucem  
Dominicam commingere disposuit.*

**A**mplius. Nec hoc quidem arbitramur silendum quamvis onerosum relatu, horrificumque sit auditu, quod *Turci*, ob scandalum crucifixi, & opprobrium nostræ fidei, consueverunt iconia & picturas Christianæ Religionis repræsentantes mysterium, in civitate repertos, super muros in conspectu Christicolarum virgis cædere, & tanquam viventes durius flagellare, & sputis sordidare, & aliis pluribus modis pro voluntate ignominiose tractare. Quod cum die quadam *Turcum* quendam nostrorum quidam vidisset agentem, & crucem quendam cum salvatoris nostri imagine, turpi quadam repræsentatione & nefanda moribus agitasset obscenis, vociferatione blasphema, impia verba nostræ religionis inimica proferret, tandemque extractis membris genitalibus, in eminentiori loco urinam stillando contumeliose proposuit perfundere, zelo ductus, in blasphemum emissio pilo balistæ, vulnere lethali transfodit in inguine *Turcum*, sicque moriendo persensit quam nihil sit quicquid quispiam contra Dominum agendum tentaverit.

## CAP. LVII.

*Parthus sagittarius non stans pacto à sagitta Walensis sagittarii occiditur.*

**A**mplius. Forte die quadam utriusque exercitus fundibularii & sagittarii, & quicumque jaculandorum periti missilium, invicem sese sicut frequentius provocantes, in alterutros eminens tela mittebant, tanquam perfunctorie & causa exercitationis. Cæteris tandem ab invicem digredientibus Parthus quidam & *Gualensis* adversa fronte missilia torquere, tela dirigere ut feriret magnopere studebat, *Gualensis* vero arcus non inscius ex adverso mittendo sagittas vicem pro vice rependebat, cui *Parthus* induciis petitis appropians eum, cum jam posset audiri, convenit dicens. Cujus inquit oriundus es patriæ? vel quo nuncuparis nomine plurimum me delectaret agnoscere, probatum quidem te jam expertus sum esse sagittarium, & ut libentius quod quærito exponas, ego sum *Parthus* natione, in arte sagittaria à pueritia educatus, appellor quoque *Grammahyr* inter nostros non obscuræ famæ, factis quippe famosus insignibus & notus victoriis. Cui cum *Gualensis* patriam indicasset & nomen, probemus inquit *Parthus* quis nostrum in arte hac merito habeatur superior, sustineamus ex condicito singulas vicissim in alterutrum dirigere arcu jaciente sagittas, tuum igitur primum erit immobiliter stare, ut primam in te jaceam sagittam, meque postmodum sagittabis eodem modo expositum. Consensit *Gualensis*. *Parthus* igitur aptata sagitta, divaricatis



ut id exposcit artificium pedibus, manibus in diversa distentis, oculis in directo admotis, arcu sinuato

*Evolat in vacuum non percussura sagitta.*

Permanens illæsus *Gualensis* prælocutam expostulat conditionem. Cui *Turcus*, non faciam inquit, imo tu secundam sustinebis sagittam, ut ego postmodum duas à te missas excipiam. Cui *Gualensis*, non stas inquit pacto, qui quod dictasti non observas arbitrium, si secus non sustines, licet ægre, sicut potero differam ad tempus, ex fallacia tua prout voluerit expetat Deus ultionem. Vix verba finierat cum *Turcum* illum, telum in pharetra commodius ad ferendum adversarium quæritando eligentem, in ictu oculi pilo transmissio percussit in pectore, quod, nec ullo tardante ossium obstaculo, exiit à tergo, penetrato corpore *Turci*. Et *Gualensis* ait, nec tu stas pacto, nec ego versa vice verbo. His & his similibus exhilarati Christicolæ successibus, quibusque perferendis adversitatibus alacriori fide & spe ferventiori perdurandum censuerunt sese rebus servantes secundis.

#### C A P. LVIII.

*Inter Turcos & nostros fit navale prælium, & dum nostri Turribus & machinis affixis Galeis turrem muscarum comprehendere nituntur, machinæ nostræ igne consumuntur.*

**I**Nterim *Pisani* & alii quicunque classis regendæ periti, quibus erat à parte maris civitatis obsidio delegata, erexerant in modum castelli supra *Galeas* machinam compactam multa diligentia cum propugnaculis, ut murorum scilicet superaret altitudinem, & ad tela jacienda facultatem præstaret & facilitatem. Duas præterea fabricaverunt scalas cum gradibus aliquot quibus murorum summitas occuparetur. Hæc igitur omnia supradicta cum *Galeis* coriis obvolvunt extensis, ut nec ferro sive quibuscunque jaculis æstimarentur cessura, Præparatis omnibus turrim muscarum obsessuri succedunt, quam & balistarum & telorum jactu vehementer oppugnant. Quibus inclusi viriliter resistunt, nec viribus impares vel successu, nostris quippe forte quenquam illorum perimentibus, indilatam reddebant talionem. Et ut eos gravius vel opprimerent vel abigerent, ferme duo millia *Turcorum* exierunt à civitate in *Galeas*, ut auxilium præstarent obsessis in turri, dum eosdem *Pisanos* parte adversa vexarent. Nostri vero bellatores incliti & electi prout poterant commodius admotis machinis prædictæ turri, hi incunctanter intendunt jaculandis anchoris permaximis in turrim, & quæcunque ad manum robora vel moles lapidum sive telorum, alii vero, prout erant dispositi, ad repellendos eos à parte maris oppugnantes non segniter Marte dimicabant navali. Anchoris injectis in turrim cedebant ancilia, parmæ quoque contritæ sunt & scuta. Miro quidem impetu & diutius intolerabili turris oppugnabatur, aliis aliis succedentibus vicissim fatigatis, irrequietis vicibus, & invincibili virtute. Tela fluunt mixtim horrifico fragore, missilium robora majora jaculata stridentia volant. *Turci* cedunt ad tempus, quia pondus belli sustinere non poterant. Et ecce erectis scalis scandendæ turri admotis expediebantur nostri ad ascendendum, attendentes autem *Turci* jam sibi supremum imminere discrimen, omni virtute resistendum eligentes ascendentibus nostris maximæ molis robora emittebant conterendis & de scalis dejiciendis. Postea quoque ignem *Græcum* in castellum erectum jaciebant, quod postremo igne correptum est, quod cum perspexissent qui inerant spe frustrati descendere compulsi sunt & recedere. Inæstimabilis autem facta est interea strages *Turcorum* à parte maris



ris nostros oppugnantium, & licet à parte turris se pars nostrorum doleret inefficacem, pars vero à parte maris disposita gravi hostes affecerant cæde. Consumtis denique machinis igne devorante cum castello, & galeis, & quibus fuerant insertæ, cum scalis erectis. *Turci* nimia dissoluti lætitia vociferatione altifona perstreperentes subfannabant, super infortunia nostra moventes capita sua. Unde *Christicolæ* ultra modum desolati non minus angustiabantur opprobriis irrogatis quam accidentibus dispendiis. Veruntamen ex adventu peregrinantium crebrius applicantium alacriores effecti sunt, & eo quod crevit eorum numerus confortata est manus eorum.

## CAP. LIX.

*Oppidani igne Græco cum amissione tamen suorum arietem Archiepiscopi de Besezonem succendunt.*

*Arietem Comes Henric. præparari fecit.*

Interea Archiepiscopus *Besezonensis* machinam fecerat præparari multa diligentia compactam, & impensa constructam, quam vulgo dicunt Arietem, quoniam arietis more crebris & iteratis impulsibus reductis, murorum quantumlibet solidorum dejiciat firmitatem. Hunc itaque arietem firmiter undique ferreis laminis obductum idem Archiep. muris diruendis destinat applicandum. Alterum arietem præparari fecerat Comes *Henricus*, quo potuit studio præmunitum & corroboratum, qui nulli scil. crederetur cessurus injuriæ. Cæteri nihilominus Magnates exercitus & Heroes singuli secundum propriam virtutem, sive communicatis quidam impensis præparare fecerant variarum argumenta machinarum. Alii fues rostratas, alii contos, alii fues, sive quodcunque genus vel prius visum sive tunc excogitatum. Indicta igitur singula die quisque quod suum erat muris applicare studebat instrumentum. Archiep. igitur arietem suum ad instar domus collaqueatum promovebat ad murum concutiendum. Habebatur introitu navis malus perlonga, cujus caput ferro vestiebatur, quæ multorum manu impelleretur ad murum, deinde retrorsum ducta majori impetu destinebatur, sicque crebris ictibus conabantur muri latus cavare aut murum dirumpere. Illi autem qui sic arietem agitantibus crebris murum vexabant impulsibus subtus arietem erant securi ab omni periculo desuper venientis injuriæ: *Turci* vero desuper muros se viriliter defendentes maximam lignorum siccorum veteris materiæ super machinam comportaverunt congeriem, quæ viz. de facili igne superjecto potuisset corripì, petrariis etiam non cessabant jaculari robora permaxima. Postremo ignem *Græcum* desuper miserunt, & correpta lignorum materia totius machinæ præsentiebant qui inerant dissolutionem, & convalescente igne fervoris impatientes arietis impulsores diverterunt ab eo, & aliis quibus poterant insistebant instrumentis. *Turci* vero infatigabiliter ad dissolvendum arietem jaculabantur vel moles gravissimas ad conterendum, vel oleum incendiarium ad consumendum. Magna fuit inter *Christicolæ* & inter *Turcos* contentio, & virium exercitatio, dum hi insisterent obnixius ad argumentum arietis extricandum, & isti resisterent animosius ad defendendum. Ignis autem semel accensus & iteratus officiosius *Turcis* qui injecerant cooperabatur, dum nulli parcens materiæ jam superanti machinam concremaverat incendio. Jam retro cedebant *Christicolæ* suum dolentes inefficacem conatum, & contra *Turci* tripudiantes & vociferantes vehementius spem nostram improperebant inanem, & actus eorum merito nullius fore virtutis comparatione suorum. Nec tamen impune nostris insultabant adversitatibus, octoginta enim amissione *Turcorum* mutilata est multitudo illorum, cum quibus periit quidam magni nominis Admiratus, ad cujus nutum hæc fiebant,

*Machinæ Christianorum igne Græco consumptæ.*

quamvis



quamvis hæc omnia ex industria dissimulaverint, ut nostros lateret dolor eorum. Attendentes Principes nostri operas eorum & impensas citra votum secundum æstimationem carere successibus, tot infortuniorum asperitate confRACTI, ab insultibus ad tempus censuerunt temperandum, de cætero se remissius agebant.

## CAP. LX.

*Classis quindecim navium ex Alexandria oppidanis mittitur in auxilium sed multi perierunt.*

Interea non multum post festum Sancti Michaelis venit Alexandria classis quindecim navium, poniposo quidem apparatu insignium, modicum singulis separatis ab invicem. Venerunt autem in adjutorium obsessorum, inclinata jam die, vento quoque vehementiori adactæ à cursu se temperare nequibant. Unde nostro prospecto exercitu nimium formidabant ne forte eis nostri prodirent in occursum, quos declinare non possent, quod tamen Christicolæ propter noctem imminentem & ventorum nimietatem non præsumebant. Classis quoque conglobata versus Cathenam procedit cum impetu. Tres majores naves subsequuntur, quas vulgo *Dromones* appellant, galeæ vero leviores, & ad quælibet aptanda agiliores præcedunt. Dum feruntur igitur impetuosè ordine confuso in portum, facta magna difficultate ex mutua collisione, duæ naves collidebantur ad cautes & confractæ sunt, & omnes qui inerant pene submersi, super quibus periclitantibus dederunt Christicolæ voces in substantiationem & derisum, & in portum undis vehementibus delatos detruncaverunt. Præterea maximam galearum ipsorum, ventorum violentia in portum depulsam, comprehenderunt pene victualibus onustam, & peremptis hominibus cætera sibi tenuerunt. Cæteræ vero naves ferebantur in portum defideratum infra Cathenam, quas advenientes oppidani cum innumerabilibus excepere lanternis, luminaribus & præstantissime admiserunt expeditos in urbem admodum lætificati gratissimo eorum adventu. Unde postea ex prædictorum adventu adaucta multitudo minus idoneos ad exercitia bellorum exposuerunt ab urbe, ne viz. ad consumenda victualia forent eis impedimento, & inefficaces auxilio, & multiplicati sunt dies.

*Galear. Turcicarum maxima à Christianis capta.*

## CAP. LXI.

*Nostri Archiepiscopo Baldwino exercitum ducente congregati cum Salahadino disponentibus, Salahadinus cum suis fugit ad montana.*

Plèbs interea de Principum quiete murmurat; & ignavæ obsidionis dispendia, tædiatus obsessor incusat. Dumque diutule quid potius agendum esset, inter magnates tractaretur, demum sub hoc cardine cunctorum ferme refedit sententia, ut hostem urgentem exterius, ad martem publicum provocarent. Si enim hostilis succubuisset exercitus, facilius impugnari, & expugnari civitas potuisset. Craffina Sancti Martini, cum jam brumalis Phæbus radios argentiores spargeret, Principes nostri acies suas disciplinæ militaris ordine digerendas, è castris in plana deducunt. Quas cum cerneremus, signis prodire distinctis; & hinc militiam templi, hinc Hospitalarios, hinc nationes diversas suis coruscare vexillis, titillantî animo jucundius influebat de



*Clerus gloriam  
militarem  
sibi comparat.*

multitudine stupor, de virtute fiducia, de varietate voluptas. Clerus autem non modicam militaris gloriæ partem vendicat: nam & Abbates, & Præfules cohortes suas educunt; & pro fide fidenter dimicant; pro lege Dei læti contendunt. Sane venerabilis *Cantuariorum* Archipræsul *Baldvinus* inter cæteros, & præ cæteris insignius militat: quem licet ad segnitiam senilis invitet infirmitas, naturæ tamen defectum virtutum <sup>b</sup> perfectione transcendit. Hic vexillum, cui gloriosus martyr *Thomas* inscriptus fuerat, præeminentius prodire faciens, eidem comitatus decoros & dignos procurat: nam & milites ducenti & trecenti satellites, viri sancti stipendiis pugnaturi sequuntur. Ipse vero, cum duce *Suaviæ* & comite *Blesensi Theobaldo*, castrorum tutelam suscipit; & vices Patriarchæ, qui tunc clinicus decubuerat, plenius executus, egressas acies benedicit, absolvit. Verum magnanimus *Salesberiarum* Antistes, ab expeditione abesse non sustinet, sed partem belli moderatur insignem, cujus virtus in armis militem, in castris ducem, in Ecclesiasticis implet pastorem. Sole in occasum vergente, cum exercitus non longe progressus fixis tentoriis confedisset, oppidani tanquam in vacua venturi ad sarcinas distrahendas prorumpunt; quos nostri excipientes obnixius, & suos conservant indemnes, & *Turcos* effugant irruentes. Nocte ipsa Soldanus, papiliones suos cum rebus aliis imperat ad montana transferri; & ea quæ pro temporis articulo asportari nequeunt, incendio populatur. Hoc quidem victi & diffidentis animi certi indicium, quod res proprias dissipat, quod locum mutat, quod ad montana secedens, certamen campestre declinat. Loca vero aditu difficilia nactus subsistit; <sup>i</sup> ac velites & sagittarios numerosius opponit venturis, ut saltem eminns noceant qui propius congregi reformidant. Nostri ergo pugnae campestris copia defraudati, & hostem per abrupta montium insequi non valentes, quam illæsi tam inglorii <sup>k</sup> revertuntur.

## CAP. LXII.

*Cum quibusdam nostrorum versus Cayphas victualibus euntibus & redeuntibus Turci configunt, sed succumbunt.*

Postmodum audito quod victualia haberentur apud *Caypham* quibus non minimum indigebant eo diverterunt. Cum venissent igitur obiter ad locum cui vulgo *Recordana* nomen est, ecce subito *Turci* irruentes acrius infestabant nostros, eos æstimantes fugitivos. Quidam eorum jacula mittebant, quidam cum lanceis infiliebant, his horrende vociferantibus, his tubis crepitantibus tanquam cornibus fugientes ventilantibus. Ea vero nocte fixis in planitie tentoriis nostri usque mane cohibuerunt se, mane vero facta ecce *Turci* quorum non erat numerus apparuerunt, nostrum undique concludentes exercitum. Ex tanta vero multitudine nostri nimirum pavefacti assumptis armis & dispositis ad resistendum ordinibus, si forte irruerent seriatim exierunt obviam eis, quibus ad pugnam dispositis impetere *Turci* non præsumentes paulatim cedebant, nostris progredientibus, licet inæstimabilis fuerit multitudinis exercitus eorum. Audito quoque apud *Cayphas*, ut æstimaverant, non esse victualia, asportaverant enim omnia *Turci* versus *Acon* iter suum nostri regredientes disponebant. *Turcis* autem continue nostros sollicitantes & frequentes sentientibus irruptiones, nostri nisi modicam sustinuerunt cum discrimine molestiam. Ad cuiusdam quoque fluvii qui ab eo loco versus *Acon* currit, fons ubi \* \* \* nascitur, facta est utriusque exercitus altercatio & cædes maxima nobilium equorum peremptorum, antequam dividerentur exercitus, & ex una parte illius fluvii noster procedebat exercitus, & ex alia parte

<sup>b</sup> Profectione. <sup>i</sup> At pedites suos. <sup>k</sup> Subsistunt.



hostilis multitudo irrequietis vexationibus perturbans eminens missilia mittens & nostris sine intermissione imminens, à tergo nihilominus nostros quidam persequentes ultra modum fatigabant, ita quod pedites nostros satellites, & sagittarios qui fuerant extremi deputati, oportuit continue retrorsum versa facie progredi post tergum sine intermissione mittentes in persequentes sagittas. Nocte quoque sequenti fixis papilionibus non procul à fluvio parum quietis sed plurimum sollicitudinis habebant, quibus opus erat vel propulsare apertius adversarios, vel præcavere occultas insidias. Non enim tam assiduus quam continuus cessabat pars adversa nostros vel laceßere injuriis vel irritare opprobriis. Pons erat per quem trans flumen iter erat, hunc *Turci* præoccupaverant, & quia ante nostrorum adventum, sicuti proposuerant, pontem illum diruendi spatium non habebant, conglobati prohibere tentabant in medio ponte facientes stationem, quos cum nostri persenserunt nulla ratione nisi interveniente violentia cessuros, frater Regis *Galfridus de Liziniaco* cum aliis quinque militibus electis potenter irruit in eos, & in momento dissipavit, ut eodem impetu ferme triginta dejicerentur in fluvium nunquam amplius emerfuri quia submersi, & sic vel invitis transitum cedentibus omnes libere transierunt, & ad obsidionem unde recesserant *Acon* regressi sunt.

## CAP. LXIII.

*Quibus dolis Marchisus ut potiretur hærede Regni uxorem scil. Relfredi adhuc viventis desponsavit.*

**P**orro *Marchisus* regnandi gloria diutius affectata cum jam aditum ad vota cerneret oblatum Regnum sibi fidenter promittit, si *Reinfredo* conjugem supplantasset, ad hoc ergo totis anhelat nisibus, huc omnes artis officinas congerit. Sed obliquo utens principio, de statu Regni queritur quod Rex tractandis negotiis minus sufficit, quod uxore sublata jam injuste regnat, cum alia Regis *Amalrici* filia superstes existat. Hæc primum in populum proponit, sed & Principes officiosus ambit, hos donis provocans, illos sibi cognatione confederans, omnesque vel blandus allicit, vel dator obligat, vel promissor invitat. Facile viro tam industrio & tot argutiis instructo id totum obtinere quod optat, quem nec *Sinon* figmentis, nec *Vlisses* eloquio, nec *Mithridates* diversitate linguarum æquaret, sed quia maritales amplexus passim dirui sanctio Ecclesiastica inhibet, vir subdolanus novam commentatur calumniam, qua conjugem *Reinfredo* subducatur. Eam vero à viro suo absque juris offensa separari posse persuadent Principes, utpote quæ infra annos nupserat, & citra consensum. Cæterum *Reinfredus* ipse obtentu conjugis spem Regni conceperat, vir foeminæ quam viro propior, gestu mollis, sermone fractus, & cui illud virgiliani competit. Dum dubitat natura marem faceretve puellam.

*Natus es O pulcher pene puella puer*

Nam quadam die, dum mandato Principum conjugem suam produxisset in medium, nuptam simul & Regnum *Marchiso* procurante amisit, O scelus & morsu satyrico & tragica declamatione dignissimum, nam si *Helenæ* raptum damnamus, in hoc præsentis factum turpius & injuria major, quod illa marito absente furtim surrepta, ista vero præsentem violenter abducta. Verum ut factum istud injuriæ deprecetur infamiam, puella sub manu sequestra custodienda traditur, dum causa divortii Clero judice ventiletur. Clerum igitur dolis & donis *Marchisus* aggreditur, omnes quos sibi credit commodos pertentat, largitionibus immensis effluit ut auri fascino judicariam sinceritatem corrumpat. Verbum tam duri sceleris ad aures sacratissimi *Cantuariorum* Metro-



politæ delatum, & innocentiam viri ad stuporem concitat, & juris patronum in iram accendit, Patriarchæ ut diximus ægrotantis vices eidem commissas dum juxta debitum rigorem exequitur, fautores Marchionis dandam sententiam appellationis objectu innitantur elidere. Profecto dum fautores ejus præcipui tres erant *Reginaldus Sydoniorum* Dominus, *Paganus* de castro *Cayphæ* & *Balisantus*, quod si Comes *Tripolitanus* qui jam ante decesserat quartus affuisset, consummatæ iniquitatis consilium facile præstitissent. In eos enim tanquam in domicilium suum turba scelerum certatim confluxerat, Judæ proditio, *Neronis* crudelitas, *Herodis* nequitia, & quicquid vel ætas præsens abhorret impium, vel antiqua condemnat infandum. Porro *Balisantus* mortuo Rege *Amalrico* matrem puellæ duxerat uxorem, quæ *Graia* sæpe à cunis imbuta virum moribus suis habebat conformem, sævum impia, levem mobilis, perfidum fraudulenta. Hos *Marchio* muneribus & promissis illexerat, ut puellam adversus *Reinfredum* querelam movere instruerent, quod invita nupserrat, quod semper reclamavit, quod stare non debet matrimonium, cum nunquam præstitisset assensum. Facile persuadetur quod affectatur, facillime mulier mutat consilium, nam varium & mutabile semper foemina, cui & sexus lubricus, & mens mobilis, & sicut novis gaudet amplexibus, sic notos leviter respuit, cujus oblivioni contradit, puella quidem in pravum docilis turpem monentium doctrinam libentius excipit, & jam se non raptam sed *Marchisum* secutam dicere non erubescit. Sane Principes ipsi spreto jure ad hoc inclinatus tendunt, ut Regno simul & puella *Marchio* potiatur. Videns itaque Archipræful sanctissimus *Cantuariensis* ordine perverso justitiam confundi & equitatem, & Ecclesiasticam obliterari sanctionem, perpendens etiam Clerum cum nonnullis Episcopis prout audebant submurmurare, quibus scil. mens sanior & zelus erat ferventior, super iniquo matrimonio; in contrahentes & consentientes excommunicationis tulit sententiam, nec quidem immerito, tum quod à vivente marito raptam sibi copulavit, & in domo sua desponsavit, solemnia celebrante Episcopo *Belvacensi*, tum quia unam habuit superstitem uxorem in patria sua, alteram in urbe *Constantinopolitana*, utramque nobilem, juvenem, & formosam, & satisabilem sibi pro contingentibus suis, unde trinum allegabant eum commisisse adulterium, & in quantum poterat, Clerus contradicebat faciendum quod sancta Ecclesia nefas esse judicabat. Nitebantur autem hi, qui horum fuerant fautores, ea intentione se excusare, quod *Marchisus*, contrahendi matrimonii conditione, victualium copiam se præjuraverat exercitui plurimum egenti à *Tyro* exhibiturum, sprevit autem juramentum, & fidei transgressus est irreverenter religionem, qui enim in modico est infidelis nec offensam veretur sceleris majoris. Celebratis autem solemniter præoptatis diutius nuptiis, eodem die contigit quosdam ex nostris, qui nuptiarum interfuerant computationibus, egressos spatium post auram, ab irruentibus ex insidiis *Turcis* comprehendi, quosdam occidi, initium malorum hoc, ibi captus est *Pincerna* de Sancto *Licio*, quem si *Turci* captivum reservaverunt vel occiderunt, nunquam post innotuit, viginti vero numero tunc sunt capti vel occisi.

Archiepiscop.  
Cantuariensis  
Marchisum  
excommunicat.

## CAP. LXIV.

*Marchisus Tyrum regressus & perjurus fami nostrorum non subvenit.*

**M***Archisus* autem voti compos cum conjuge sua & suis statim *Tyrum* festinanter regressus est, per quem juxta conditionem se sperabant universi victualium exhibitione lætificandos, sed frustra, nam præteritæ pactio- nis immemor vel concessionis ingratus, exercitui fame periclitanti non destinavit vel ovum, imo perjurus & mendax eo volentes navigare cum victui ne- cessariis



cessariis non permisit. Crevit itaque ultra modum fames in obsidione, parum vel nihil inveniebatur emendum, nihil classe veniebat advectum.

## CAP. LXV.

Baldwinus Cantuariæ *Archiepiscopus moritur.*

**P**Ræterea Archiepiscopus *Cantuariensis* videns quod ante audiens exercitum omnino dissolutum, tabernis, scortis & ludis talorum insiltere, animam tantorum excessuum impatientem usque ad tædium vitæ afflixit. Et quia morbus communis medelam difficile recipit, quadam die cum hujusmodi opiniones pessimæ ad aures ejus frequentius emanarent, sciens quod homo curam, Deus habet creationem, suspiriosus in hæc verba prorupit. Domine Deus nunc est opus pia corripientis & corrigentis gratia, quod si tuæ miserationis beneplacitum esset, ut à vitæ præsentis turbine sublatus migrarem, longam satis in hoc exercitu moram exegi. Post hunc sermonem, diebus xv. nondum evolutis, tanquam exauditus à Domino cœpit aliquantulum rigorem persentiscere, æstuque febrili fatiscens infra dies paucos in Domino feliciter obdormivit.

## CAP. LXVI.

*De acerbitate famis nostrorum & magnitudine pretii venalium unde maledicebant Marchisum.*

**I**Nterea fervente famis penuria, continua potius quam assidua cruciabantur mediocres cum vulgo afflictione, ingruentis famis inedia, eo quidem vehementius quo prævaricavit *Marchiso* desperabilius. Illis nimirum tamen clanculo transmittibat annonam, quos operis nefandi contractus illiciti complices habuerit & fautores. Vix jam majores exercitus vitæ transfigendæ parcissimam obtinebant alimoniam, jam instabat hyems assueta abundantia, prodiga luxus, olim affluens variis esculentiæ speciebus, sed nunc alterati vices temporis austeriori redimens parcitate, victusque pristinos nimia repletionis jam nunc hiantis stomachi conciliabat avidior gula ex angustia exinanitionis, jam jam consumferat substantiam mensa vorax, nec \* faciens juventutis fervor edax, & magis contabuerat inedia quo necessariis carebat alimentis, tanto quippe æstuabat ferventiori stimulo quo egebat affluentiori alimento. Nonnihil etiam augmentabat perniciem famis jam imminenti fervor temporis, quinimo gravior esse solet indigentia lautiori educatis affluentia. Quid plura? modii tritici mensura modica quam viz. quis facile portaret sub ascella centum

*Modius tritici 100. aureis venit.*

aureis vendebatur, gallina quoque solidis duodecim, ovum sex denariis. Secundum horum æstimationem posunt & cætera victui necessariorum pretia taxari. Tunc *Marchisum* detestantur subtracto solamine, per quem escis defraudantur in famis discrimine.

## CAP. LXVII.

*Nostri fame pereuntes cadavera equorum cum intestinis devorabant.*

**C**Æterum, sicut dicitur egestas urget ad crimen, & intercedit ad veniam, quia Deus omnia creavit homini & dedit in manum ejus, ut essent ei in adjutorium, ne perirent homines salvis jumentis, equos dextrarios pretiosos perimebant.

\* *Legendum videtur Satiatus.*



perimebant, & nec etiam detractis pellibus quorundam in deliciis comedebant carnes equinas, intestina equi venundabantur solidis decem. Ubicunque sciretur equus peremptus confluebant certatim vel ad emendum vel rapiendum, & sicut volucres ad cadaver, ruebant catervatim homines famelici ad animalium cadavera peremptorum, ut viz. corpora vectorum incorporarent, & vice versa portarentur in ventre qui prius portaverant, equus pluris vendebatur mortuus, quam vivus, quibus non inconvenienter adaptandum videtur illud Evangelicum. *Vbi fuerit corpus congregabuntur & aquilæ*, salva mystica interpretatione, cujus non derogamus dignitati. Nihil quidem urgente fame mactatis equis intestinalum videbatur abjiciendum, quantumcunque vilis portio magni æstimabatur, caput cum intestinis vorabant, ut etiam post omnia avidius consumpta, imo devorata, digitos lingerent sapientes, ut dum quid inhærebat, lingua potius lambente absumeretur quam mapula extergeretur. Hinc *Marchisum* detestantur subtracto solamine, per quem escis defraudantur in famis discrimine.

## CAP. LXVIII.

*Occulte comedebat qui aliquam escam habuit.*

**P**rocesso temporis ex cibariorum indigentia crescebat fames vehementer, siquis etiam quid habebat ad cibum pertinens, ne violenter diriperetur, in conclavi occultabat ad usum proprium, quod non sufficeret necessitati plurimum. Sicque fiebat ut modicum exponeretur ad vendendum, & quicquid habentes non distribuerent ad communicandum, sed ubique pauper eget. Hinc *Marchisum* detestantur subtracto solamine, per quem escis defraudantur in famis discrimine.

## CAP. LXIX.

*Quondam deliciofi herbas comedebant.*

**I**bi forte viderentur herbæ crescentes, hi qui nutriebantur olim deliciose, viri nobiles & filii potentum rapientes devorabant, more bestiarum pascentes herbas, ut vel diro pastu vehementia famis restingeretur. Unde & quamplures inducti ratione necessitatis plantabant herbas esui idoneas, & ad depellendos famis aculeos efficaces, & quas olim non respicerent herbas, vel humano usui crederent idoneas, famis immensitas jam effecerat famelicis dulcissimas. O tunc plebis vox maledicentis *Marchisi* perfidiam! quoniam non curat tabescentis populi miseriam.

## CAP. LXX.

*Imbribus & fame populus perit.*

**P**raterea ex nimia imbrium inundatione quædam nimium vehemens excrevit in hominibus infirmitas, inauditæ quidem pluviae assidue imo continue exercitum tanta affecit injuria, quod ex nimia afflictione, turgentibus membris, toto corpore more distenderentur lymphatico, ex cujus morbi vehementia



hementia dentes quorundam funditus extirpati deciderunt avulsi. O lamenta singulorum ! O mœror omnium dum dolent incolumes aliorum misérias, dum singulis diebus erat videre fociorum funera, & unoquoque die celebrarent mille mortuorum exequias. Quidam tamen licet pauci convaluerunt de infirmitate, & ferventius cibum appetentes nimia post morbum affligebantur famis miséria. O tunc plebis vox maledicentis *Marchisi* perfidiam, quia non curat tabescentis populi miseriam.

## CAP. LXXI.

*Pugnabant famelici ad furnum.*

**P**Ræterea ubicunque notum fieret panem coquendum in clibano, factus est concursus populorum clamantium & dicentium ecce moneta, ecce quantum vis panis pretium, dummodo panis detur copia. Singuli quippe primum sibi petunt concedi offerentes pretium in panis commutationem, quos nondum habuerunt, vel forte nunquam habituri fuerunt, singulis sibi violenter præripientibus. Quoties vero divitum quempiam plurimum panis emere contigisset, tunc mœror, & luctus, & clamor pauperum, vox una plangentium, cum sentirent modicum illud panis à divitibus auferri, quod pauperibus utcunque potuisset prodesse particulariter distributum. Pro voluntate vendentis exhibebant avidissime pretium panis, quia vero tantæ multitudini modicum quid non poterat sufficere, frequenter circa clibanum habentem panem fiebant iræ, rixæ, contentiones, invidiæ, nonnunquam pugnæ, & super incertis cui cederet mordacius quæ petebant litigabant. O tunc plebis vox maledicentis *Marchisi* perfidiam, quod non curat populi tabescentis penuriam.

## CAP. LXXII.

*Famelici ossa à canibus corrosa rodunt & immunda comedunt.*

**S**Ed quis scribat vel exponat quanta miséria, quanta compassio ? cum videntur quidam urgente fame more canum rabidorum discurrere, & ossa forte comperta à tribus diebus corrosa canibus ejecta corripere, & ubi nil erat corrodendum rodere, fugere, lambere, non quod eo proficerent, sed tantum quia quemque carnes ex recordatione rodentes delectarent. Sed quid ad hæc ? hostes utrinque assiduis irruptionibus fatigantes, dum subito occurrentes perimerent, reputabantur mitiores, à tantæ famis magnitudine, quia hi perimentes in ore gladii sine mora vitæ finem imponerent simul & miseriæ, fame vero pereuntes longo contabescerent cruciatu. Sæpius quidem in oculis omnium hi, quibus fames præripuerat pudorem, proh dolor ! cibis vescerentur abominandis, quantumlibet immundis, fortuito repertis, & quod dici nefas est, pro deliciis ducebant devorare diro ore, quæ usui non permittuntur humano. O tunc plebis vox maledicentis *Marchisi* perfidiam : quod non curat populi tabescentis miseriam.



## CAP. LXXIII.

*Nobiles etiam viri cum non haberent unde panem emerent furabantur.*

**P**Ræterea ex quibusdam relatu dignis argumentis poterit perpendi famis magnitudo, quæ patienter pro carnis conditione sustinentibus non indigne reputatur pro martyrio, nisi gratiæ forte meritorum obstitit murmur pro scrupulo. Quoniam igitur urgente necessitate multa nonnunquam committuntur indigna, quidam erant quos à generis ingenuitate mendicare pudebat in publico, imo minus formidabant peccare in occulto, quam precario victum quærere in publico, & panes furari solebant. Unde accidit quod quidam in huiusmodi latrocinio comprehensus caperetur, & loris arctissime stringeretur. Ligatus itaque deputatus est custodiæ in ejusdem domo, qui eum comprehenderat, quia pistor erat, & dum circa plurima domus ministeria officiosius infisteret familia, qua nescitur agitatione illius captivi manus dissolutæ sunt, & sicut forte juxta acervum panum recentium residebat, manducabat occulte nullo attendente vel sentiente, & cum ad sufficientiam esset refectus uno tantum pane assumpto in manu liber exiit & ad suos reversus est indemnis, & rem gestam ut erat narrans, ex ordine illum, quem solum attulerat panem, eis distribuit communicandum, sed quid hoc inter plures? parcitas irritavit gulam, exasperavit potius famem quam sedaret. O tunc plebis vox maledicentis *Marchisi* perfidiam, quod non curat tabescentis populi miseriam.

## CAP. LXXIV.

*Multi pro acerbitate famis apostatant.*

**A**D hoc, quidam nostrorum, quod sine gravi mœrore nec referri potest nec audiri, nimix famis asperitati cedentes, dum corpoream procurant salutem, animarum incurrunt damnationem. Post superatam enim ex parte maxima tribulationem abierunt retrò, refugientes ad *Turcos* apostatare non dubitaverunt, & ut vitam ad modicum prolongarent temporalem, blasphemias nefandis comparaverunt mortem perpetuam. O perniciosum commercium! O flagitium qua pcena plectendum! O homo insipiens comparatus jumentis insipientibus, dum mors inevitabiliter mox futura fugitur, mors quæ fine caret non vitatur! quia si justus ex fide vivit, esse mors perfidia perhibetur, repurgata vero quemque conscientia qui forte resipuerunt. Tunc *Marchisum* execrantur pacti transgressorem, cuique malum imprecantur & væ peremptorium.

## CAP. LXXV.

*Duo socii tredecim fabas denario emunt.*

**A**D hæc. Erant duo socii calamitatis consortes & militiæ, egentes, angustiiati, unum solum erat numisma duobus vulgo dictum *Angevinum*, & eo solo cupiebant sibi quid edendum comparare, sed quid agerent? modicum quid erat, exilis quidem reputanda substantia, etiam si omnium bonorum fuisset abundantia, nec magis habebant præter armaturam & vestimenta sua, illo unico



unico quid emerent, vel qualiter fieri posset subtiliter diutius tractabant, ut illius diei redimerent instantem malitiam. Deinde eorum in eo resedit sententia, ut fabas aliquot emerent, quoniam inferioris æstimationis nil reputabatur emendum, vix igitur multa prece illo denario tredecim fabas emerunt, quarum unam, postquam domum reversi sunt, deprehenderunt demoliente vermiculo perforatam, & ideo esui inefficacem, tandem in hoc utroque consentiente longæ viæ emenso spatio diutius quæsitus est venditor, & vix multa supplicatione dignatus est incolumi faba cambire vitiosam. O quantæ rei diu quæsitæ & procul, & suppliciter acquisita commutatio. Ex consumptis in momento fabis illis quantam æstimamus provenisse saturitatem! illud auditorum æstimamus potius arbitrio pensandum quam calamo describendum. Tunc *Marchisum* execrantur pacti transgressorem, hinc & malum imprecantur & væ peremptorium.

## CAP. LXXVI.

*Famelici Karrubles comedunt & vinum potantes moriuntur.*

AD hæc. Venundatum exponuntur genus fructus nascens in arboribus, grana scil. in folliculis ut<sup>a</sup> legumen inclusa, vulgo vocatum *Karruble*, gustu dulce, & esu satis delectabile. His reficiebantur egentes quia major erat inde copia quam rerum aliarum, unde ad hæc emenda via erat satis trita, quia, licet minoris esset æstimationis, non nihil erat. Illorum qui discumbebant infirmi, quia parum edebant, vel quia non habebant, vel quia non poterant, vino, quo utebantur, æstuante, suffocati sunt plurimi, vel ex *Falerni* violentia, quia cibus non temperabatur, vel ex infirmitate, quæ vini non poterat sustinere virtutem. Vini quidem satis tolerabilis habebatur copia vendendi, sed conservando corpori humano non bene competit plurimum vini, & modicum cibi, hoc enim decet equo temperare moderamine. Sed quia tantæ fuit egestatis occasio, non dormitat *Marchisi* maledictio, ipsum semper execrantur pacti transgressorem, & cui malum imprecantur & væ peremptorium.

## CAP. LXXVII.

*Famelici in quadagesima carnes comedunt.*

AD hæc. Quidam etiam in ipso Quadagesimæ initio, quod caput jejunii vocatur, urgente fame compelluntur carnes manducare; non quia carnibus abundarent, sed quia facilius perquirebantur, postea vero, tempore mitigato, condigna satisfactione poenituerunt. Super hæc omnia, tota illa hyeme, charitas inter omnes metu pecuniæ in tantum refriguit, ut nec etiam amicus necessariis communicaret amico, modicæ quidem fidei dubitantes quod Deus est charitas, & si sua aliis distribuerent, necessariis ipsi carerent. In tantum igitur invaluit vitium parsimonix, & tenacitas quid habentium, ut & habita occultarentur, & putarentur habentes etiam nihil habere, Quid *Marchiso* tunc optaret vox tot quæritantium? quis non reum judicaret tot periclitantium.



## CAP. LXXVIII.

*Exhortationes Episcopi Salisberienſis, & quorundam aliorum, divites collectas faciunt per quas pauperes ſaturantur.*

**U**ltra modum vitiata fidelium communione, nullo intelligente ſuper egenum & pauperem, hujus infidelitatis in omnes divulgata eſt infamia. Satagente ſiquidem Episcopo *Salesberienſi*, & docente nil eſſe majus claritate, nihil Deo gratius, nihil danti fructuoſius, ad hoc efficaci cunctos induxit perſuaſione, ut aperirent manus ad diſtribuendum proximis, communicarent egen- tibus, ſuſtentarent pereuntes, ne, ſi negligerent neceſſitatem alienam, non ob- tinerent propriam, juxta illud, mortem languentibus, qui cum poſſet non ad- vertit, induxit; oſtendit quippe reum eſſe mortis alienæ, qui cum poſſit ſub- terfugit fuccurrere, qui jubetur etiam inimico ſitienti potum dare, & eſurien- tem cibare. Cæterum conſilii ſollicitus inſiſtit exhortationi *Nerronenſis* E- piſcopus, *Favenſis* etiam Episcopus *Italiae*. Ad horum igitur tam neceſſariam exhortationem & instantiam, facta eſt collecta diſtribuenda in pauperes, & tot & tanta quorum Deus tetigerat corda intulerunt in donaria egentium, ut copioſiſſime reſicerentur famelici, ſed & diſtribuentibus non minueretur ſub- ſtantia cooperante gratia Dei. Tunc emergit nova lætitia, tunc labiis multo- rum benedicuntur erogantes, tunc multiplicantur beneficia, tunc grata in eos narratur influxiſſe miſericordia, dum ſuper afflictis potentiores pia geſtant viſcera. His exequendis ſe præcipuos exhibebant vir ille nobilis *Walklinus* de *Ferrariis*, & *Robertus Truſebot*, & his non inferior *Henricus Comes Campaniæ*, *Jocelinus* de *Montoirs*, Comes quoque de *Claro Monte*, nec non gerendorum primicerus Episcopus *Salesberienſis*. Horum viz. ſollicitudine & opera alio- rum, quiſque ſecundum propriam virtutem conferebat in unum, ut diſtribu- eretur unicuique prout cuique opus erat. Sic quorum corda prius erant ſub obducto cinere avaritiæ frigidiffima, aspirante gratia divina, in charitate fa- cta ſunt flammantia; & quia<sup>a</sup> [ſic] converſi facti ſunt miſericordes, reſpexit eos Dominus, & magnificavit cum eis miſericordiam ſuam juxta illud, *Convertimini ad me, & ego convertar ad vos, dicit Dominus.*

## CAP. LXXIX.

*Adventu unius naviculæ cum annona hodie emitur quatuor aureis quod heri centum.*

**U**niverſis igitur piis operibus inſiſtentibus, ecce adduxit Dominus navem quandam onuſtam annona, per cujus adventum alleviata eſt plurimum prior cibariorum penuria. Non enim extiterat fames tanta panis, eo quod non haberetur triticum, ſed quia venditores immoderatum exigebant ab em- toribus pretium, ut viz. negotiatione graviffima acquireretur multa pecunia, quid enim non agat cupiditas? prædicta quidem navis quæ ſatis erat modica advenerat, ut arbitror, quodam Sabbato, & ipſa craſtina Dominica menſura quædam, quæ venundabatur prius centum aureis, diſpenſante bonorum omni- um largitore Deo, diminuta eſt uſque ad quatuor aureos. Oritur interea in populo nova jocunditas, dolentibus ſolis, & male zelantibus cupidis negotia- toribus, ex ſoliti quæſtus diminutione, ſed quid? non eſt conſilium contra Dominum, quia omnia quæcunque voluit fecit.

<sup>a</sup> MSS. Si.



## CAP. LXXX.

*Pisani reservare volentis annonam in posterum, domum cum annona ignis consumit.*

**Q**uidam *Pisanus* venditor annonæ, per totum annum triticum conservabat intactum, quousque pro voto suo venderetur in posterum, futuram enim sperabat famem majorem, si quando vero quantumlibet vendidisset, ad suam, prout vellet, æstimationem vendebat his, qui eo carere non poterant. Hoc autem esse nefas manifesto Deus demonstravit judicio, contigit enim domum illius *Pisani* tritico refertam igne subito vehementer succendi. Ad quem ignem etiam extinguendum cum plurimi accurrerent omnis eorum conatus erat inefficax quia sine mora consumpta sunt omnia.

## CAP. LXXXI.

*Omnes certatim escas largiuntur & qui contra fas comederant penitentia injungitur.*

**I**gitur certatim pietatis operibus insistentes universi, totis viribus contendunt eleemosynas partiri, dum singuli bono zelo student vicinos suos largitate superare, arbitantes gratius obsequium se Deo præstare, si possent affluentius in necessariorum administratione egentes exhibere. Illi quoque qui de necessitate vescebantur, sicut prædictum est, carne in Quadragesima, de reatu poenitentes post disciplinas singulis datas à memorato venerabili Episcopo *Salesberiensis*, sibi injunctam devote susceperunt peragendam condignam satisfactionem.

*Explicit liber primus.*



## Liber secundus.

De Regibus Angliæ &amp; Franciæ.

## CAP. I.

**P**ost Pascha venit eo Rex *Franciæ Philippus*, & non multo post Rex *Anglorum Richardus*, quorum ut plenius innotescat series itineris, altius à processu eorum à regionibus suis texenda videtur narratio, quatenus ordinem gestorum digerente stilo consequuntur, deducantur usque ad civitatis *Acon* obsidionem.

## CAP. II.

Tam Angli quam Franci certatim crucem suscipiunt.

*Clem. III.  
Papa crucem  
susipienti-  
bus peccato-  
rum omnium  
veniam pro-  
mittit.*

**I**gitur hujusmodi motus rerum juxta præscriptam eventuum narrationem ubique terrarum divulgante fama, dum narratur terræ sanctæ civitates ab infidelibus occupatas, sancta data in opprobrium & conculcationem, Christicolæ in direptionem & in prædam, ad exhortationem strenuissimi Papæ tunc *Gregorii octavi* concutiuntur, & mota sunt imperia, & animati sunt diversarum nationum quamplurimi: maxime *Franci & Angli*, signum sanctæ crucis devote suscipere, & in subventionem illius sanctæ terræ tota se virtute expedire, & tanquam *David* accenduntur in ultionem *Philistium*, exprobrantium cum suo *Goliath* laborantibus olim agminibus Dei *Jerusalem*. Summus quippe Pontifex sub obtinenda peccatorum venia singulos diligenter exhortans, & ea, qua præditus erat auctoritate, à reatu præteritorum commissorum absolvit, qui se tam pio, tam necessario instantius ingererent labori, eos argumentans merito fore beatiores, quos zelus ferventior incitaret ad arripiendum iter sine dilatione proniores. Iter inquam eo magis commendabile quo causa justior, & opera eo multipliciter excellentior, quo locus desolatus ex divina mystica promissione sanctior, & ex humana Dei nativitate, habitatione, & passione dedicatus est, nec non & ab aliis quibuscunque regionibus divina electione secretus, & eo occupatus eruendus videretur ab Ethnicis, de quibus præceperat Deus ne intrarent in Ecclesiam suam. Hinc certatim curritur ad crucem suscipiendam à sacerdotibus alacri zelo & pia concertatione, ut jam non fiat quæstio quis cruce fuerit insignitus, imo quis adhuc tam pio honore nondum accingeretur. Silent de cætero cantiones, abdicantur deliciæ ciborum, luxus vestium, sopiuntur jurgia litigantium, inter olim discordantes pax nova reformatur, intervenientibus compositionibus terminantur lites causarum, & ex recenti occasione, quacunque causa, vel inveterato odio, dissidentes in novam gratiam revocantur. Quid plura? inspirante Deo fuerunt omnes unanimes, quos provocat unica causa ad piæ peregrinationis labores.

## CAP. III.

Henricus Rex Angliæ & Philippus Rex Franciæ cum innumera multitudo inter Gisortium & Triam crucem suscipiunt.

*R. Com. Pict.  
cruce signat.*

**I**nterea *Richardus* tunc Comes *Pictavensis* cruce primus insignitur, & cum eo innumera multitudo, quæ tamen non tunc iter arripuit, interveniente mora,



mora, occasione dissentionis duorum Regum vix. *Philippi* Regis *Franciæ* & *Henrici* Regis *Angliæ* patris ejusdem Comitis *Richardi*. Inveterata quidem guerra hos duos Reges, sicut & eorum antecessores *Francos* scil. & *Normannos*, inexorabili & fere continua simultate sese in mutuos sollicitaverat incursum, fatagente demum plurimum quodam Archiepiscopo terræ *Jerosolymitanæ* viz. *Tyri*, præfixus est dies inter *Gisortium* & *Triam* [<sup>a</sup> ad suscipiendam] crucem concordiæ reformandæ [<sup>b</sup> causa] inter duos Reges. Venerat quippe nuncius prædictus Archiepiscopus, ut fidelium aliquos animaret & auxiliores adduceret, ad recuperandam terram *Jerosolymitanam*, transmissus specialiter ad Regem *Anglorum*, cujus fama virtutum longe lateque super omnes Reges universæ terræ innotuit, super prudentia, & gloria, & divitiis, & potentia virtutis ejus. Ea die conditionis diversa diversis sentientibus & varia loquentibus, in hoc denique utriusque Regis refedit sententia, ut uterque crucem acciperet, & uterque à terra exiret, provide sic sibi videbatur uterque cavere, ne si forte alter remaneret, peregrinantis alterius regionem invaderet, neuter vero sine altero illud præsumeret. Confirmata vix demum hac utriusque sententia, cum præfati Archiepiscopi benedictione, dato pacis osculo, eorum uterque crucizatur, & cum eisdem innumera gentis utriusque multitudo partim Dei amore & peccatorum remissione, partim Regum ipsorum respectu, tantus itaque factus est eadem die crucem accipientium concursus, ut turba sese comprimens pro intolerabili æstus fervore pene defecit, ætas quippe erat. Accusanda vero fuerat ad modum arripiendi itineris dilatio, fuerat enim humani generis inimici hæc operatio, cujus interest præpetes fovere discordias, & odium inexorabile suscitare, quo instigante reviviscit inter prædictos Reges altercatio, & ex occasione levissima seminarium quærelarum, quorum uterque superstitione diabolica, ne tanquam suæ famæ derogaretur & honori, gratis puduit humiliari, velut eo reputaretur abjectior & impotens, quo justitiæ patientior & obediens.

*Av. D. 1188.  
die 13. Jan.  
Henr. R. Angl.  
& Philip.  
R. Franc.  
crucem suscipiunt.*

## CAP. IV.

*Henricus Rex Angliæ moritur.*

**H**Uic autem dissentioni finem fecit Regis *Henrici* finis vitæ, sicque votum peregrinationis quod incolumis solvere distulit, morte præventus post tempus elapsum exequi non potuit. Votum quidem faciendum quemadmodum debet esse absolute voluntarium, ita jam factum irrefragabiliter est solvendum, quia ei, qui sponte fuerit voto primitus obligatus, est profecto damnabile per negligentiam illud non solvisse, qui licite potuit non vovisse. Obiit igitur Rex *Henricus* in *Normannia* die Octavarum sanctorum Apostolorum *Petri* & *Pauli*, ann. Domini MCLXXXIX. & sepultus est apud *Fontem Ebraldi*.

## CAP. V.

*Richardus Comes Pictaviæ coronatur in Regem Angliæ.*

**I**gitur eodem anno post obitum patris sui *Richardus* Comes *Pictaviæ*, ordinatis rebus in *Normannia*, tanquam transactis duobus mensibus transfretavit in *Angliam*, & die Sancti *Egidii* receptus est cum processione solenni ad *Westmonasterium*, & die tertia sequenti, viz. in die ordinationis Sancti *Gregorii* Papæ, quæ dies fuit dominica, solemniter unctus est in Regem, ex officio ma-

<sup>a. b.</sup> Defunt uncis inclusa in MSS.



*Alienora mater Reg. Rich. è carcere educitur.*

*Richard. an. 1189. die 3. in regem unctus est.*

num eidem imponente, & ministerium exequente Archiepiscopo *Baldwino*, assistentibus suffragiis ejus plurimis. Et coronatus est circumstantibus fratre suo *Johanne*, & matre eorum *Alienor*, quæ post mortem Regis *Henrici*, per mandatum filii sui *Richardi* Regis futuri, educta fuit à custodia in qua fuerat circiter decem annos, præsentibus etiam Comitibus, & Baronibus, & militibus, & innumera hominum multitudine, & confirmatum est Regnum in manum Regis *Richardi*. Anno igitur Domini Millesimo centesimo octogesimo nono inunctus est Rex *Richardus* in Regem viz. tertia die Septembris in die Dominica dominicali litera existente A. anno scil. proximo post Bissextum. Multi multa tunc conjecturabant, eo quod dies mala super eandem diem in Calendario annotata est, & vere illa dies mala, & valde mala fuit *Judæis Londoniæ*, qui eodem die destructi sunt, & in illo anno similiter *Judæi*, in diversis locis per *Angliam* constituti multa mala perpessi sunt. Dignitate itaque Regali trium dierum festivitate peracta in palatio Regio *Westmonasterii*, munificentia Regis *Richardi* detenti, denariis sine æstimatione & numero singulis pro dignitate distributis, subjectos omnes lætificabat, & opibus suis, & incomparabili præstantia. Cujus animi generositatem, & dotes virtutum præcis potius seculis rector seculorum contulerat, quæ per ætatem mundi jam senescentis, laxatis veluti feminibus emedullate parum aliquid in hoc tempore in quibuscunque, & id in paucis mirandum ostentat ac memorabile. Huic autem virtus *Hectoris*, magnanimitas erat *Achillis*, nec inferior *Alexandro*, nec virtute junior *Rollando*, imo nostri temporis commendabiliores facile multifariam transcendens, cujus velut alterius *Titi* dextra sparsit opes, &, quod in tam famoso milite perrarum esse solet, lingua *Nestoris*, prudentia *Ulyssis*, in omnibus negotiis vel perorandis vel gerendis aliis merito reddebant excellentiorem, cujus nec scientia strenue agendi voluntatem refugeret, nec voluntas scientiæ inopiam accusaret, quis (si quis forte præsumptionis æstimaverit arguendum) noverit ejus animi vinci nescium, injuriæ impatientem, ad jure debita repetenda, innata generositate compulsus non inconvenienter excusarit, quem ad quæque gerenda effecerat successus elegantior, quoniam audentes fortuna juvat, quæ licet in quolibet suis fungatur moribus, fuit tamen iste adversis rerum immerfabilis undis. Erat quidem statura procerus, elegantis formæ, inter rufum & flavum medie temperata cæsarie, membris flexilibus & directis, brachia productiora, quibus ad gladium educendum nulla habiliora, vel ad ferendum efficaciora, nihilominus tibiarum longa divisio totiusque corporis dispositione congrua, species digna imperio, cui non modicum competentiae mores addebant & habitus, qui non tantum à generis dignitate, sed virtutum ornamentis summam possit consequi laudem. Sed quid tantum virum laudum immensitate laborem extollere? non eget externo commendatore, quod amplum laudis habet meritum, laus comes ipsa rei est. Fuit nimirum longe præstans cæteris, & morum bonitate, & potentia virum; belloque & potestate memorandus; ejusque opera magnifica omnem quantumvis claræ gloriæ illustrationem obumbrantia. Felix profecto, secundum hominem dico, reputandus, si gloriosis ejus gestis invidentibus caruisset æmulis, quorum fuit hoc solum odii seminarium, quia magnificus erat, quia nimiter nunquam torquebis in vitio quam virtuti serviendo.

## CAP. VI.

*Rex Richardus, Regni negotiis expeditis, Nativitatem Domini celebrat in Normannia, apud Liuns, ex conducto sui & Regis Franciæ contra eum ad Wergely ad festum Sancti Johannis Baptistæ venientes.*

*Jurament. fidelitatis s. Regi præstitum.*

¶ Igitur, completa sicut prædictum est festivitate coronationis, surrexit Rex *Richardus* pro patre suo, & magnatum terræ suæ fidelitatis securitate accepta,



cepta, sicut moris est, in signum subjectionis, singulis ejus præ eminentiæ submissis, à *London* recedens perambulabat terram, & post profectus est peregre ad Sanctum *Edmundum*, cujus tunc dies festivitatis instabat; inde *Cantuariam*, ad cujus imperium, ad Episcopatus, quorum nonnulli prius vacantes in manu patris sui tenebantur, electi sunt, & assentiente Rege, inthronizati Episcopi *Richardus* Thesaurarius *London*, *Godefridus* de *Luci Wintoniensis*, *Hubertus Walterus* *Salesberiensis*, *Willielmus* de *Longo Campo Eliensis*, quem & fecit Rex Cancellarium suum, & totius *Angliæ* Justitiarium. Simili quoque modo fecit Rex Episcopos ordinari ad vacantes Episcopatus in aliis terris suis. Præparatis itaque itineris necessariis, & Regno *Angliæ* disposito, <sup>a</sup>[quantum] permiserat temporis angustia, sine mora rediit in *Normanniam*, & apud *Liun* *Dominicæ* nativitatis agebat festivitatem. Sollicitabat eum enim sine intermissione arripiendæ suæ peregrinationis intentio, votique solutio, moram æstimans periculosam, dum superesset debitum inchoandum, unde scripsit Regi *Franciæ* se fuisse prorsus ad iter expeditum, ut & ipse quoque festinanter procederet, argumentans patris exemplo quia semper nocuit differre paratis. Anno igitur Domini *MCXC*. Dominicali litera *G*. existente, super itineris eorum dispositione collocuturi convenerunt Reges apud *Druellos*. Communicato itaque multorum consilio, dum colloquerentur, venit subito nuncius referens *Reginam Franciæ* fuisse defunctam, cujus acerbitate rumoris Rex *Franciæ* perculsus vehementer desolatus est, adeo ut præmeditatam peregrinationem propemodum proposuerit negligendam, in hujus igitur desolationis augmentum ecce nunciatur *Willielmum* Regem *Apuliæ* similiter decessisse. Horum itaque adversitate contrariorum contracti, quamplurimum tanquam ex augurii diri superstitione repressi perpetrandum abhorrerent negotium, & zelus accensus ex parte tepesceret. Dei vero inspirantis instinctu, cujus est dirigere gressus hominis, in cujus manu corda sunt Regum, ne tanto opere præmeditatum & solemniter procuratum pium opus periret, & verteretur in damnationem & opprobrium quod disponderetur ad meritum, resumunt vires, animantur ut proficiant & proficiantur, & ne per irreprehensibilem ignaviam torpescant. Sane fuerant ex conducto profecturi ad *Nativitatem Sancti Johannis Baptiste*, ut viz. die octava conveniret uterque Regum in unum cum suis ad *Uergelai*. Cum multo igitur necessariorum apparatu non multo post Rex *Franciæ Philippus* exiens à *Parisiis* civitate (quæ est principium Regni *Franciæ*) apud Sanctum *Dionysium* profectus est, cujus se commendabat orationibus & meritis, sicque suam inchoavit peregrinationem cum plurima multitudine. Tunc quoque cum eo peregre profectus est Dux *Burgundiæ*, & Comes *Flandriæ*. Quis sufficeret singulorum cum suis copiis narrare progressum! undique videres à diversis confluentes congregari, & unum cum pluribus exercitum coadunari piis lachrymis commiscentibus, his qui progrediebantur cum suis familiaribus cognatis vel amicis, eisdem charitatis intuitu prosequentibus, discedentes nimirum amici ab erumpentibus ex pietate sive mœstitia lachrymis se nequibant cohibere.

*Episcopi multi constituntur à Rege Richardo.*

*Regina Franciæ & Willielm. R. Apuliæ obierunt.*

*Philippus una cum Duce Burgundiæ iter in Terram Sanctam instituit.*

## CAP. VII.

*Rex Richardus Turonis existens jubet classem suam præcedere, & Hispaniam per strictum mare circumire, & ad Messanam eum expectare.*

**R**EX *Richardus* cum electa militum manu *Turonis* erat. Civitas autem cum suburbanis suis tanta fuit hominum multitudine referta, ut ex nimia frequentia sese colliderent, & ex viarum vel platearum angustis tot milia non capientibus. Regio igitur urgente mandato, classis Regia in unum coacta seriatim progredi jubetur, numero scil. centum & octo, exceptis aliis navibus mox secuturis. Classis itaque Regis instantia promota, prospero

<sup>a</sup> MSS. qua cum.

curfu



curfu & agmine inseparabili, metuendas syrtes, & horribiles scopulorum incursus, & procellosas *Affricæ* angustias, nec non & omnia maris pericula evaserunt incolumes, & tanquam in obsequium navigantium ventis conjuratis optatum *Messanæ* destinatum applicuerunt ad portum, ubi Regis ex ejus mandato præstolabantur adventum, eo terreno itinere cum suis proficiscentis. Igitur, cum copiis suis dum Rex à *Turonis* exiret, à tantæ fremitu multitudinis commoti sunt inhabitantes terram. Quis igitur ejusdem comitum enarraret multitudinem, varietates armorum, sequelas Procerum, & electorum manum militantium? aut quis peditum catervas, balistariorum phalanges, quos qui seriatim viderunt progredientes, ab intimis præcordiis, eliciente lachrymas pietate, condoluerunt pariter & gratulabantur Domino suo novo Regi. Tum quod in primordio Regni sui nondum gustata quietis dulcedine, quam constanter, quam recenter omnia deseruerit, tum quia tantæ vitæ prohibitæ opus tam arduum, tam necessarium, & iter tam commendabile tanquam à Domino electus arriperet. O miseranda se deserentium suspiria! O sese complectentium in discessu gemitus! & abeuntibus successus optantium! O graves lachrymis oculos, & inter oscula charorum singultus mutua verba colloquentium interrumpentes, nondum expleto familiarum colloquio ægre se deserentium! corde licet moerente vultus gravitate profecturi simulantes animi constantiam post sermonum prolixitatem ab invicem separantur, tanquam suspensi ad plura dicenda, sicque sæpius Ave dicto inter loquendum diutius subsistunt, & ut moras nectant repetita inculcant, ut semper videantur amplius dicturi, postremo vero vocibus sese cohortantium abstracti, profilientes à manibus sese tenentium excutuntur.

## CAP. VIII.

*Duo Reges secundum conductum ad Uergelay conveniunt.*

**A**Nno igitur Coronationis suæ primo Rex *Angliæ Richardus* à *Turonis* peregrinationis suæ iter arripuit. De *Turonis* apud *Luti*, inde apud montem *Richardum*, post ad *Cellam*, deinde ad *Capellam*, deinde ad *Dama*, deinde ad *Vitiliacum* hoc est *Uergelay*, ubi ex conducto duo Reges cum convenissent cum suis in unum. Utriusque populus quia infinitus æstimabatur & innumerabilis, præfigendis papilionibus montes occupantur, atque tentoriis longe lateque circumquaque terræ superficies operiebatur, ut camporum sationalium occupata planities novæ civitatis prætenderet aspicientibus eminus similitudinem, tot scematum gravissima varietate papilionum, & diversis coloribus distinguendis formas incisionum. Ibi videre fuit diversis oriundam regionibus bellis aptam Martiam juventutem, quæ videretur totius orbis latitudinem facile domitura, omnium nationum superatura regiones, seu diversarum gentium penetratura recessus, nulla vincendam æstimares asperitate locorum vel immanitate hostium, nunquam quidem cessuram injuriis, dummodo communicata virtute sese mutuis unanimes tuerentur auxiliis. Exercitus quidem quantalibet glorians innumerofitate, bene septus armorum munimine, fervens animofitate, interveniente dissensione dissipatur, & familiari diffidio pervertitur, & sicut disciplina militari cohærens pariter & voluntate perseverat invincibilis ab exterius, sic violato foedere communionis gravius obruitur, dum distrahitur à sociis, quia omne Regnum in seipsum divisum desolabitur.



## CAP. IX.

*Apud Uergelay Reges fœdus ineunt, & se invicem apud Messanam expectaturos compromittunt, & sic simul ad Liuns super Rodanum perveniunt.*

**I**bi duo Reges percutiunt fœdus de mutua securitate, & fide sibi invicem utrobique conservanda, & de omnibus jure belli perquirendis æqua forte dividendis. Præterea ut qui primus venerit ad *Messanam* *Apuliæ* civitatem alterius subsecuturi pariter præstolaretur adventum, postea singulis qui familiares suos eo fuerant profecuti peregrinos in sua redeuntibus. Reges cum suis in anteriora profecti sunt, & iter suum qualiter agerent disposuerunt, magnis se invicem frequentantes munificentis, & mutuis colentes honoribus, unanimi quoque, tantus exercitus itinerans progressu sine querela vel quacunque dissensione confecit dietas suas, cum alacritate & gaudio. Transeuntem per civitates & villas tantam multitudinem cum magno apparatu & armorum strepitu videntes indigenæ, attendentes distinctiones hominum adversarum situ regionum in processu, & observatam disciplinam, papæ, inquirunt, quid sibi vult tanta hominum multitudo tanti robur exercitus! Quis horum poterit resistere fortitudini? O gratiosa agmina pubesque decora! O felix elegantiae tantæ juventus! parentes an ex discessu mœstitia affecti? quæ terræ tam spectabiles forma produxerunt ephebos, at tam gratissimos progenuerunt tiro-nes? cujus putamus auctoritatis vel potentiae tantæ multitudinis rectores, qui tantæ virtutis legiones sua moderantur dictione? Hæc & his similia dicentes, & prætergredientes, piis votis prosequentes obtulerunt in vasis diversi generis, quam gratissima obsequia itinere fatigatis, quali scil. potuerunt protestantes devotione. Seriatim itaque progrediens exercitus dietis distinctis alacriter à *Uergelay* provenit ad Sanctum *Leonardum* de *Curbeny*, deinde ad *Mulius*, post ad montem *Escot*, deinde ad *Tulinis* apud Sanctam *Mariam* de *Bosco*, inde ad *Belivi*, post ad villam *Furacam*, deinde ad *Liuns* super *Rodanum*, ibi, facta difficultate transeundi propter fluminis rapacitatem, & cæcam profunditatem, aliquot diebus substitit; ut, qui interim venerat, transiret exercitus, & subsequendum expectarent adventum. Transmisso denique fluvio Reges trans fluvium fixis papilionibus residebant in aprico, pars exercitus hospitabatur in villa, quot poterat capere, pars in suburbanis locis virentibus. Ibi videres & locis distinctos, & armorum scematibus diversarum regionum oriundos innumeros, quorum tamen numerus centum millia æstimabatur excedere, nec adhuc cessabant confluere. Postmodum Regem *Franciæ* cum suis omnibus abeuntem ad *Genuenses* prosequutus est Rex *Angliæ* gratia familiaritatis & honoris. *Genuenses* quippe maris gnaros sibi quidem obligaverat Rex *Franciæ* ad transfretandum. Statuerunt autem, sicut prædictum est, ut qui prior eorum attigisset *Messanam* *Siciliæ* civitatem, expectaret alterius adventum.

*Crucesignato-  
rum exercitus  
fuit hominum  
supra 100000*

## CAP. X.

*Post discessum Regis Franciæ ad Genuenses, pons Rodani turba premente cadit, Rex Richardus per Marfiliam mare transiens ad Messanam venit.*

**T**urba autem multa peregrinorum undique semper confluentium, dum se properant super pontem *Rodani* satis angustum imprudenter gerere, decidit ex pondere eorum pars pontis cum his, qui super ipsum erant, nimis quidem arduus pons erat, ex quo plusquam centum homines deciderunt in aquam, quæ est tam vehemens, cursus tam rapidus, unde vix ab altitudine tan-



ta quicquid vivum illapsum potuisset evadere. Illi autem qui ceciderant magnis vocibus exclamantes, & suppliciter suffragium postulantes, licet fatigati, mirum dictu! ex aqua eruperunt incolumes, quorum duo tantum sunt submersi in interitum carnis, sed spiritus vivit in Christo, in cujus deprehensi sunt obsequio. Posteriores autem nimia turbati prolixitate, dum singuli quærerent solícite qua parte vel quomodo *Rodanum* transirent, sed desperati sunt quia pons jam confractus transitum non admisit. Quo comperto Rex *Richardus*, cujus nunquam in gerendis nutabat constantia, transire cupientium compatiens solícitudini, citato opere ex cimbis colligatis pontem qualem suggererat imminens necessitas fecit præparari, per quas licet morose utcumque cum difficultate transierunt. Unde Rex & exercitus per triduum moram fecit, pars eorum profecta est ad portum propiorem *Marsiliæ*, pars ad *Venericos*, pars ad *Genuenses* vel ad *Barlatam* sive ad *Brundisium*, nec non ad portum *Messanam* duobus Regibus destinatum, quamplures sunt profecti, post triduum recessit Rex inde, & eodem die pons ille dissolutus est. De *Liuni* transivimus per Vicaria apud *Albam Ripam*, deinde ad montem *Calonte*, post ad Sanctum *Bernardum* de *Rumaux*, deinde apud *Valentes*, postea apud *Aariolam*, postea apud *Valais*, dehinc ad Sanctum *Paulum* de Provincia, postea transivimus per montem *Dragum*, deinde apud *Drenge*, postea transeuntes montem de *Sorgre* jacuimus apud *Donpas* juxta *Avignum*, postea apud *Tenais* deinde apud *Salum*, postea apud *Marignane* juxta mare, de *Marigna* apud *Marsiliam* ubi moram fecimus per tres hebdomadas, postea mare intravimus scil. die proxima post Assumptionem beatæ *Mariæ* anno primo coronationis Regis *Richardi* & transivimus inter duas insulas quarum altera viz. *Sardinia* fuerat à dextris, *Corfica* vero à sinistris. Ibi quidem est magna maris districtio. Deinde navigavimus inter duos montes semper ardentes quorum unus vocatur *Vulcanus*, alter *Strango*, inde transivimus per fluvium *Farum* nimis periculosum, postea pervenimus ad *Messanam* civitatem ubi classis erat Regis *Richardi*, quam illuc ut prædiximus antea præmiserat.

## CAP. XI.

*De Civitate Messana & de Regina sorore Regis Richardi & dote ejus Tancredo.*

DE Civitate *Messana* sciendum quod multiplicibus sit referta bonorum copiis, situ amœna & plurimum concordia, in confinio *Siciliæ* & *Rasæ* quæ illi famoso *Agolando* dicitur olim fuisse pro servitio suo collata. Consistit itaque civitas *Messana* in initio *Siciliæ* affluens necessariis & omnibus bonis, sed homines habens pessimos & crudeles. Rex eorum *Tancredus* opum variarum ditissimus, quas scil. congefferant antecessores sui, qui in *Sicilia* regnaverant à tempore *Roberti Guiscardi*. Eodem tempore Regina *Apuliæ* suo marito Rege *Willielmo* viduata *Palermæ* morabatur, Rex enim *Willielmus* sine hærede defunctus est cujus relicta Regina jam in custodia erat cum dote sua eidem assignata prædicti Regis *Tancredi*, qui Regi *Willielmo* successerat in Regnum. Hæc Regina vidua soror erat Regis *Angliæ Richardi*, qui causam ejus habens, Regem *Tancredum* compulit ad ejusdem Reginæ super eidem debita dote condignam satisfactionem.



## C A P. XII.

*De injuriis quas Griffones apud Messanam, ante adventum Regis, nostris inferebant.*

**C**Lassis illa famosa Regis *Angliæ* apud *Messanam*, Regis, ut prædictum est, præstolabatur adventum; classis quidem miranda numero, & apparatus instructione plenarie præmunita, cui similis nunquam visa sibi fuisse ferebatur, tanta tanto opere instaurata, plura præterea genera hominum ejusdem classis assignata, juxta maris litora commorantium in papilionibus & tentoriis, & diversorum scematum, civitatis enim cavebant habitationem, propter civium impiorum insolentiam, usque ad Regum adventum. Cives namque nequam vulgo dicti *Griffones*, & patribus progeniti plures eorum *Sarracenis*, nostris admodum extiterant contrarii & infesti, quotidiana eis irrogant convitia, digitos suos in oculos eorum protendentes, & canes foetidos appellantes, & pluribus aliis illudentes modis, & etiam clanculo quamplurimos nostrorum perimentes, & in latrinas dejicientes, super quo scelere plurimi eorum postea convicti sunt. Super his & aliis modis quamplurimis nostris exprobrantes, & exosos habentes, nequitiam suam in quantum audebant exercebant, eos ad iracundiam provocantes, quatenus, si forte repugnare tentassent, & talionem injuriis referre, ipsos funditus à civitate sua delerent, numero quidem impares, & peregrinos, & viribus inferiores, minus quidem in eo provide, quod Regum ipsorum eo non pensarent adventum.

## C A P. XIII.

*Cum quali apparatu Primo Rex Franciæ, postea Rex Angliæ Messanam applicuerunt.*

**P**ublici moris esse dignoscitur, ut quisquis Rex præsertim & princeps terræ talis tantusque procedat, & tanta fulgeat auctoritate, quanta fuerit præditus potestate, quatenus non sit minor habitus quam potentia, imo pari conveniunt aptitudine ut Rex Regio splendescat obsequio, & virtutem ejus exterior prædicet apparentia; vulgo namque dicitur *Qualem te video, talem te esse spero*. Porro modus habitudinis formam trahit ex animo præsentis, talis nimirum erit forma prædicati, qualis permittit natura subjecti. Ille tanti nominis Rex *Franciæ*, cujus emissio tot principes tot terrarum nationes parent edicto, cum *Messanæ* civitatis nunciaretur applicaturus ad portum, omnis ætas, omnis sexus, cujuscunque conditionis indigenæ ad tam famosum Regem profiluerunt videndum, ille vero tantum una nave contentus, tanquam visus hominum refugiens, in ipsius urbis castelli portum se latenter ingessit, cujus adventum præstolantes in littore, pusillanimitatem ejusdem arguentes, & exprobrantes non facile talem Regem posse fore magnarum virtutum patratorem, cui sic esset suspectus visus hominum, sicque spe videndi eum frustrati redierunt indignantes ad propria. Porro Rex *Angliæ* ille magnanimus, ex quo fama prædicante divulgabatur adventare, catervatim ruunt populi, illum cernere cupientes; & in littus se ingerentes certatim occupant sedes illum ascendente visuri. Et ecce eminus prospiciunt mare galeis opertum innumeris, & vox à longe intonabat in aures eorum tubarum reboantium, & lituum clarius & acutius resonantium, interea propius accedentibus fuit videre galeas seriatim remigantes, variis undique ornatas & refertas armaturis,

*Rex Franciæ  
Messanam  
clanculum in-  
trat.*



*Rex Angliæ  
ultro videndum se præbet.*

ventilantibus ad auram innumeris penuncellis, & signis, ordine decoro, in hastilium summitatibus, rostris galearum varietatibus picturarum distinctis, ap-  
penforum in singulis proris, scintillantibus radiis scutorum, videres ex multi-  
tudine adventantium remigantium mare fervere, tubarum intonationibus,  
quas trumpas vulgo dicunt, audientium aures tinnire, & ex vario tumultuan-  
tium accessu delectationem excitari. Cum ecce Rex magnificus juxta navi-  
gantium galearum catervatim obsequio stipatus, cæteris eminentiori & orna-  
tiori præstans in prora, tanquam ignota visurus, five ab ignotis videndus fer-  
tur in littus oblitum densarum turbarum agminibus, & omnibus tanquam se  
ultro videndum exponens, eleganter ornatus in littus ascendit, ubi nautas,  
quos eo præmiserat, cum cæteris addictis obsequiis suis reperit, eum gratan-  
ter excipientes, & dextrarios & equos suos nobiles, sibi pridem commissos ad  
vecturam exhibentes. Confluunt hinc inde cum suis indigenæ prosequentes  
ipsum usque ad hospitium suum. Super cujus tanta gloria vulgus attonitum  
conferebat ad invicem, hic quidem dignus Imperio, hic merito constitutus  
super gentes & super regna, cujus fama olim audita multo junior est ipsa veri-  
tate quam videmus. Interea concrepitantibus undique trompis, & alternos  
commiscentibus convenienter accentus, fit quædam tonorum discors concor-  
dia, dum congrua sonorum productione identitate, singulæ singularum quo-  
dam modo repeterent exceptiones mutuas, & vocum restaurarent depres-  
siones.

## CAP. XIV.

*Quantas injurias passi sunt nostri apud Messanam à Longobardis.*

*Longobardi  
Zelotypia af-  
fecti.*

**G**riſonum, dum Reges tanta cum virtute viderent appulſos, in parte re-  
pressa est arrogantia; quippe qui se perpenderent virtute inferiores &  
gloria, *Longobardi* vero contumaciter minantes contendere non cessabant con-  
vitiis & opprobriis laceſſere nostros, tentoria nostra comminantes se invaſu-  
ros, ut eos occiderent & res suas diriperent, zelo quidem ducebantur super  
uxoribus suis, cum quibus nonnulli peregrinorum colloquebantur, potius ad  
ipſos irritandos maritos quam ad perpetrandum adulterium. Hac igitur oc-  
caſione & invidia perturbati *Longobardi* cum communia civitatis ſemper, in  
quantum licuit, noſtris erant infeſti, maxime pro eo quod ab Antecelloribus  
ſuis ſe didicerant olim à noſtris fuiſſe ſubjugatos, unde quanta poterant nobis  
procurabant incommoda, & turrium exaltabant propugnacula, & altioris pro-  
funditatis foſſas ambientes perfodere, præterea ad incitantum animorum im-  
pulſum frequentiffimis provocabant convitiis, & dehoneſtabant contumeliis.

## CAP. XV.

*Occaſione unius panis à muliere venditi fit pugna inter nos & Longobardos.*

**F**orte die quadam contigit, unum ex noſtris convenire quandam mulie-  
rem ſuper pane recenti, quem ad vendendum expoſuerat, cumque con-  
fabularentur ad invicem, & ipſe de pretio dando taxando loqueretur, mulier,  
eo quod minus obtuliſſet pro pane quam voluerat, tantam ſubito prorupit in  
iram, quod noſtrum nefandis afficeret contumeliis & opprobriis, vix abſtinens  
manibus, quin pugno percuteret, aut crines extirparet: & ecce ſubito ex lin-  
guacis tumultu mulieris convenit civium multitudo, & peregrinum illum vi-  
olenter



olenter correptum immisericorditer verberarunt, & capillis dilaceratis, & multis modis vexatum & conculcatum, pene reliquerunt exanimem. Facto clamore Rex *Richardus* petiit pacem & amicitiam, asserens se venisse pacificum, & ad exequendam peregrinationem simpliciter fuisse eo usque profectum, nec prius à perorando super pace obtinenda destitit, quam pacis securitate promissa singuli secederent pacate in sua.

## CAP. XVI.

*Longobardi impugnant homines Regis Richardi unde Rex civitatem obsidet impugnat & expugnat, & vexilla turribus urbis imponit, invidente Rege Franciæ & auxilium Longobardis parante.*

**V**erum illius antiqui humani generis inimici pro taxatione, cujus est pacem perturbare, seditionesque excitare, reparatur in craftino contentio, [adeo ut] rediviva inter cives & peregrinos sit exorta perniciosior altercatio. Fuerant interea duo Reges colloquentes cum justitiariis *Siciliæ*, & cum majoribus civibus civitatis, super pace tractaturi & securitate, & ecce clamor factus est dicentium, quod indigenæ jam perimerent homines Regis *Richardi Angliæ*, quod cum Rex adhuc dissimularet, maxime quod *Longobardi* non esse verum ita assererent, venit secundus nuntius exclamans jam indigenas invasisse peregrinos, dissuadentibus *Longobardis* adhuc se ita rem habere, qui & ipsi tunc ex eodem conflictu venerant, sed proposuerant Regem mendaciis circumvenire, cum jam tertio cum impetu apparuisset nuntius accurrens & vociferans, pacis hujusmodi modum improbandum, cum cervicibus gladii jam imminerent. Tunc sine mora Rex accelerans relicto colloquio vectus equo eo venit ea scilicet intentione & intuitu, ut litem dirimeret, & litigantes pacificaret. Erant autem duo *Longobardi* nimis astuti & mendaces, quorum instinctu commota est turba civitatis in peregrinos, qui tamen, ut dolositatem suam mendaciis palliarent, asseriebant se inde venisse, & nil mali factum fuisse, quorum nomina hæc sunt, *Jordanus Luppin* & *Margaritus*. Cum Rex *Richardus* eo loci venisset, quo jam congressi hinc inde mutuis congeminant ictibus, & jam non cum verbis contendunt, sed pugnis & contis, ipsi quoque Regem sollicitum pugnantes separare, *Longobardi* jam ira succensi, & contumaces, contumeliis & nefandis insectantur opprobriis; ipse vero irrisionis talium impatiens se statim armis munivit assumptis, & ipsos inclusos in civitate obsidione subita cingebat. *Franci* interim de Domino suo Rege *Franciæ*, quid actum esset, ambigentes, huc & illuc discurrebant ipsum quærentes, cum ecce à loco colloquii properanter se in palatium, quo fuit hospitatus, recepit. Commota est igitur omnis civitas, indifferenter rapiunt singuli, quod manus errabunda invenerit, & se jactanter defensores proculdubio invicem compromittunt. Adeunt tamen *Longobardi* Regem *Franciæ* ejus suppliciter implorantes auxilium, & defensionem, & se & sua ejus subdentes ditioni & voluntati, dummodo conatus Regis *Angliæ* jam civitatem pertinaciter impugnantis elideret, & civitatem sibi subditam haberet. Et statim Rex *Franciæ* assumptis arma sua; &, ut veritatis conscius nobis referebat, *Longobardis* potius auxiliaturus, quam hominibus Regis *Angliæ*, cui prius juramento & fide præstita tenebatur obnoxius, super auxilio ferendo & fidelitate ubique servanda. Obseratis jam portis civitatis, & dispositis propugnaculis murorum custodiis, fit clamor, & tumultus, & commotio magna hinc à foris oppugnantium, inde de intus repugnantium, curritur ad arma, singulorum manus armant, tela, quæ furor ministrat & impetus, rapiuntium. *Franci Longobardis* conjuncti



communi agebantur consilio, & conglobati velut unum efficiebant populum. Hoc autem ignorabant exteriores quod sibi confœderati fierent adversarii. Ab initio vero exierant quidam *Longobardorum*, antequam portæ civitatis clauderentur ad impugnandum hospitium *Hugonis Bruni*, & ibi pertinaciter infestebant dimicantes, & ecce Rex *Angliæ*, hoc comperto, eo celeriter divertit; quem <sup>a</sup> [cum] advenire vidissent, sine mora versi sunt in fugam; & velut oves à lupis dispersi sunt in momento temporis; & tunc cessabant eorum comminationes verborum & impugnationes telorum. Refugientes itaque secutus est Rex, usque ad quandam muri posternam, quo se agebant, non audentes in eum saltem inspicere, ne dum repugnare, cum Rex nec & viginti homines de suis in primis habuisse dicebatur, cum in eos irruerent. In introitu autem illius posternæ nonnullos ipsorum prostravit ulterius cum peregrinis nunquam congreguros. *Longobardi* igitur perpendentes seriâ agi & se revera oppugnari, quanta sufficiebant virtute resistebant; & murorum propugnacula occupabant, & saxa projiciebant, & jacula arcubus & balistis imbrium more mittentes, & quot poterant modis oppugnantes impetebant; ut vel ab insultibus cessarent, vel saltem <sup>b</sup> parcius cœptis insisterent, unde nonnullos nostrorum, in ipso ferventis defensionis initio, plures irrogabant injurias, quosdam ad mortem, alios ad livorem, nonnullos ad membrorum conquisitionem vulnerabant; volantibus enim telis cum spiculis densissimis, cum saxis demissis <sup>c</sup> [&c.] præter alios, tres amissimus ibi milites, scil. *Petrum Tireprete*, & *Mattheum de Saliceto*, & *Radulfum de Koberi*. *Longobardis* quidem si recta Christi fides inesset, & respectus justitiæ, maximam nostris stragem dedissent, & multitudine vicissent, sed eorum arrogantia & impietas merito debuit eisdem nocere, qui nostris nihil meritis tantam irrogassent injuriam & gravamen. Æstimatur civium cum aliis civitatem defendentium multitudo excedere quinquaginta millia. Ibi videres ferocissimos virorum assaultus plurimis modis machinari introitus, audacter hos tela dirigere, illos portas succidere, nunc hos nunc illos occumbere, galeas nostras ex parte maris versus palatium portum occupantes urbem obsidere. Verum Rex *Franciæ* eisdem portum prohibebat & nonnullos eorum intrare volentes perimi tunc contigit. Ex parte vero terræ Rex *Angliæ* fuerat, qui in rebus bellicis singularis erat, vehementior urgebat oppressio, pars instabat portarum flagella succidere, ubi cum non pro voto proficerent, collem excelsum civitati proximum ascenderunt, & per posternam quandam, quam Rex *Angliæ*, secunda die adventus sui, ad cautelam futurorum circuiens cum duobus fociis, quasi neglectam à civibus perpenderat, muros civitatis cum magno impetu audacter introierunt, & portas civitatis diruerunt, & reliquum exercitum intromiserunt. Tunc quoscunque civium obvios, sive repugnantes, vel ceperunt, vel prostraverunt; & civitatem globati hostiliter invaserunt: unde sicut & *Longobardorum*, sic & nostrorum quamplures in eo conflictu occubuerunt, cives enim intransibiles undique, & civitatem jam occupantibus, resistere non audentes, à summitatibus domorum & turrium propugnaculis, eis tela tota virtute miserunt, & à solariis quibus inerant, quot modis poterant, oppugnantes contendebant reprimere. Nihilominus autem jam captam civitatem peragrabant victores, ipso Rege præeunte, & omnia primitus invadente, ipse denique primus civitatem introivit, ipse dux & prævius suis præbuit audaciam, & hostibus incussit horrorem; ipsum igitur circiter x. millia hominum sequebantur, civitatis totam diripuerunt substantiam. Ibi audires horribiles clamores, confusas vocum diversitates, hinc nostrorum sese ad prosequendum cohortantium, illinc *Longobardorum* fugientium, & præ timore mugientium, ictus etiam geminare, & quoscunque obvios gladiis homines sicut segetes falcibus metere. Ubi nostri Domus occuparunt, dissiliebant à summitatibus, & à solariis *Longobardi*, magis metuentes incidere in hostilem annum, quam casum

*Messana capta & direpta à Richardo Rege Angliæ.*

<sup>a</sup> Deest MSS. <sup>b</sup> MSS. Partius. <sup>c</sup> MSS. Et scil.



infortunatum, suæ quidem impietatis conscii, de consequenda, quam non meruerant, misericordia sunt desperati. Nec mora, jam subacta viriliter civitate, non apparebat qui ulterius mutire præsumeret. Quid plura? Rex *Richardus* uno impetu citius jure belli *Messanam* occupaverat, quam quilibet presbyter cantaret matutinas. Multo quidem plures occumberent civium, nisi Rex pietate motus parcere jussisset. Amissæ vero pecuniæ summam civium quis poterit æstimare? quicquid auri vel argenti, sive cujuscunque generis pretiosi, inventum est, occupantis cessit in usum. Præterea Galeæ ipsorum igne supposito succensæ sunt in pulverem, ne si forte fugerent, & vires resistendi resumerent, mulieres quoque nobiliores sibi diripuerunt victores. Et ecce tanto peracto negotio, viderunt *Franci* subito vexilla & signa Regis *Richardi* super muros & turres civitatis; unde Rex *Franciæ* acriter commotus vitæ suæ coevam concepit invidiam, & postmodum pro tempore peperit iniquitatem, quam contestatus est, dum percussit *Normanniam*.

## CAP. XVII.

*Invidente Rege Franciæ sola signa Regis Angliæ turribus imponi, Rex Angliæ se humilians concessit utriusque simul signa apponi.*

**R**EX *Franciæ* Regis *Angliæ* invidens successibus, & ægre ferens magnanimitatem, admodum doluit hoc suæ non ascribi gloriæ, quod ipse sudore triumphaverat præstantiæ, qui pro conditione mutuæ pactiōis, & in discrimine suorum maximo, & cæde non modica oculis perspecta, non tamen Regi *Angliæ* contra hostes pertinacissimos præbuit manum auxiliarem, ut tenebatur confœderatione societatis, imo totis viribus restitit, & ab introitu civitatis occupandæ, qua potuit instantia, longius arcebat, qua parte ipse cum suis commanebat hospitio, præsumptione prævaricationis. Capta sicut prædictum est civitas, & Bannariis Regis *Angliæ* muris collocatis, mandavit Rex *Franciæ* de consilio suorum, ut Rex *Richardus* de excelsis murorum vexilla sua faceret deponi & sua apponi, in eo scilicet ipsi tanquam superiori deferens honorem. Rex *Richardus* super hujusmodi indignans mandato, præcedentia pensitans & jura societatis examinans, nec etiam respondere curavit, ne viz. cederet acquisitis & victoria ascriberetur non tantum otioso, imo adversario perjurō, mediantibus vero intercessoribus, Regis *Richardi* tandem indignatio deferbuit, & quieverunt verba contumeliosa. Vix igitur faciens morem animo per blandimenta suorum, qui videbatur invincibilis oppugnationi inimicorum, adquievit Regis *Franciæ* petitioni, ut viz. ejus traderet tutelæ turres quas ceperat, cum communibus custodiis, quousque Regis *Tancredi*, super his quæ gesta sunt, experirentur sententiam, &, qui minacibus & jactantiæ verbis perseverabat vehementior & rigidus, blanditiis flectebatur & precibus. Eriguntur igitur utriusque vexilla super muros civitatis, quatenus Regis *Franciæ* tentaret constantiam & probaret familiaritatem.

## CAP. XVIII.

*Nuncii mittuntur ad Tancredum ut satisfaceret pro transgressis, & dotem Reginæ redderet. Rege Franciæ clam in contrarium mittente.*

**C**OMMUNI itaque decretum est consilio, ut nuncios destinaret ad Regem *Siciliæ Tancredum*, perquisituros super hominum suorum tam enormi commisso satisfactionem, & quid super his quæ gesta fuerant censeret agendum. Præterea mandavit Rex *Richardus* Regi *Tancredo*, ut sorori suæ Reginæ *Siciliæ* super dote competente provideret, & super portione thesauri mariti



riti sui Regis, quæ ei jure contingeret, super mensa quoque aurea, æqua forte dividenda illius uxori cujus extiterat. Horum gerendorum fuerant nuncii dux *Burgundie*, & *Robertus* de *Sabloel*, & alii quidam quorum nomina exciduntur. Interea Rex *Francie* Regis *Richard*i perpendens magnanimitatem, tabescens invidia coepit super his, quæ in expugnata civitate direpta sunt, movere quæstionem, exigens suam juxta pactionem initam portionem, igitur super his jaculans verba ampullosa & contumeliosa, quia Rex *Richardus* gratis suæ exactioni non acquiesceret, verborum versutiis & jactabundis opprobriis irritare non destitit ejus animum ad iracundiam; & foedera inter eos initæ pactionis transgredi præsumere conatus est; & in amicitiam prævaricari. Unde Rex *Richardus* magis indignans quam fractus, ejus amicitiam declinare proposuit; & naves suas cum omnibus sarcinis illatis repetere ut abirent: maluit enim, Domino duce & rectore, solus cum suis progredi ad executionem suæ peregrinationis, quam communicare cum invido, juxta illud vulgare proverbium *Satius est esse solum, quem habere malum Socium*. Quod ut Regi *Francie* innotuit procuravit per mediatores, ut reformarentur vitiata, & in debitum statum amicitiae iterum confoederarentur, salva quoque omnium perquirendorum æqua divisione in posterum.

## CAP. XIX.

*Rex Tancredus in dubiis respondet, unde Rex Angliæ ira succenditur, Longobardi victualia suis negant.*

**I**nterim nuncii negotium executi, secundum quod sibi fuerat injunctum, Regis *Tancredi* super mandatis perscrutantur sententiam. Rex vero in dubiis locutus est, asserens Regibus satisfaciendum de consilio magnatum terræ suæ, pro tempore & loco, & modo competenti, super omnibus quæ fuerant sibi mandata. Dicebatur quod Rex *Francie* literis mandaverat Regi *Tancredo*, ut non acquiesceret exigentiis Regis *Angliæ*, sed se rigidum exhiberet in jure suo per omnia tuendo; certus omnino quod nunquam pro Rege *Richardo* in ipsum delinqueret, sibi vero fidelis existeret. In hujus, si tamen verum fuit, argumentum mandati accessit verisimile proverbio, quod Rex *Tancredus* nunciis Regis *Francie* pretiosa largitus est munera, nunciis vero Regis *Angliæ* non impertitus est ovum. Reversi itaque nuncii cum Regibus rem gestam retulissent. Non est inquit Rex *Richardus* opus multiloquio, nec in longum sermo protrahendus, ex quo spontaneam non exequitur satisfactionem Rex *Tancredus*, qualem potuero super erratis corrigendis impendenda est opera & diligentia. Super his igitur rebus turbatus animosiores effecti indigenæ ex confoederatione Regis *Francie*, Regem *Richardum* cum suis, in quantum callebant, opprimere vacabant, victualia itaque tanto exercitui necessaria venundanda inhibebant, & ne quid exponeretur emendum statuerunt, ut vel sic coerciti ditioni cogerentur submitti indigenarum.

## CAP. XX.

*De Constructione Mategriffim & discordia duorum Regum.*

**R**ex *Richardus* operam magnam adhibuerat & diligentiam ejusdem castri constructioni, cui nomen imposuit *Mategriffim*, unde nimium exacerbantur *Grifones*, quod in eorum exitium opprimendorum hujusmodi vacaret ædificio. Erat autem illud opus jam præparatum in colle proximo civitati,



tati, satis accommodo receptui, de cujuscunque generis cibariis ne exhiberentur vendenda prohibitis, quantum in eis erat, jam laboraret exercitus, nisi ex his, quæ classe adduxerant, fuisset eis in futurum provifum. Exercebant igitur quantas poterant inimicitias & detrimenta exercitui; civitatem de nocte custodiebant vigiles, & vice verfa peregrini ab eorum irruptione excubias agentes se munire curabant. Reges præterea ab invicem repetebat discordia, & Rex *Franciae* adversarii Regis *Richardi* jam publicum se præbebat fautorem. De pace vero inter eos reformanda pars magna potentium fatagebat, nunc ad palatium nunc vero ad *Mategriffum* pergentes, utriusque Regis magnopere tentavit amollire motus irarum: frustra vero operam impendunt & diligentiam, utroque causante, & plurimam occasionem offensionis adversus alterum se habere afferente; neuter enim eorum alterius acquiescendum æstimavit voluntati, ne viz. Rex *Franciae* inferioris se committeret arbitrio, & eo suæ derogaretur dignitati, sed nec Rex *Richardus*, ne subjectionis illius notaretur infamia, quem animabat operum magnificentia.

## CAP. XXI.

*Tancredus pacificatur cum Rege Richardo dans ei XL. mil. uncias auri  
pro dote Reginae & conjugio Arturi, pacificantur  
etiam duo Reges & cives.*

**S**ic rebus in dubio fluctuantibus, cum Rex *Tancredus* perpendisset diuturniori discordia provenire posse periculum, & Regem *Richardum* didicisset à coeptis non temperaturum, donec pro voto consequeretur effectum, missis legatis nobilibus obtulit pacem, & petiit concordiam, asserens apposite ad persuadendum se nolle tanti viri cum suorum discrimine, quantum in eo erat, sustinere exacerbationem, sed se paratum, si vellet, interveniente pecunia, cum eo amicitiae foedus inire, & pro dote Reginae *Siciliae* sororis Regis *Richardi* daturum xx. millia uncias auri, & præterea alia xx. millia in maritagium, cum quadam filia sua bonæ indolis puella, & elegantis formæ, *Arturo Britanniae* nepoti suo, si vellet, maritanda. In quam conditionem, cum assensum præberet Rex *Richardus*, fatagentibus utriusque nunciis consummatum est negotium; & pecuniae summa recepta scil. XL. millia unciae auri; & Regina fratri suo Regi *Richardo* reddita absoluta: sicque firma pace prolocuta, & scriptis confirmata omnium omnino conquievit controversia. Cum vidisset igitur Rex *Richardus* prout petebat sibi fuisse satisfactum, omnem decrevit gratis æqua sorte dividendam pecuniae summam tunc à Rege *Tancredo* susceptæ. Dividere vero pecuniam susceptam pro dote sororis suæ, licet de jure confederationis non teneretur, tamen ex mera liberalitate id etiam fieri voluit; quod & ipsi cessit ad gloriam, & commendationem; & inimicantium in parte delevit invidiam. Denique, de consilio venerabilis *Rothomagensis* Archiepiscopi *Walteri*, denunciatum est sub Anathematis interminatione, ut quicquid auri vel argenti, sive cujuscunque generis pecuniae, victorum manus diripuisset à civibus, restitueretur in integrum. Restitutis itaque cunctis, & quantum ad exteriorum apparentiam firmiter pacificatis, cives gaudent securitate, peregrini pacis tranquillitate, sic civitatis status incolumis, statuuntur leges poenales in pacis prævaricatores. Ingrediuntur cives & egrediuntur cum peregrinis sine offensa & altercatione, renovantur omnia in gratiosam concordiam, lætantur immensurabiliter singuli, & jam libere exponuntur venalia esui necessaria pretio satis tolerabili & hominibus & equis. Regum etiam efflorescit amicitia, & omnium redintegratur gratia, mediante justitia. Verum palliata superficie tenus simulatoria dilatione, semel concepta in animo Regis *Franciae* perseveravit immortalis æmulatio, & Regis *Richardi* gesta præclara velans, — Astutam vapida servabat pectore vulpem.



## CAP. XXII.

*Rex Tancredus & Rex Richardus se invicem visuri apud  
Eatinensium urbem conveniunt.*

*Fœdus inter  
Richardum  
& Tancre-  
dum.*

**I**Nterea Rex *Tancredus* tunc temporis commorans *Palermæ*, super audita Regis *Richardi* magnificentia & gloria gestorum non parum attonitus, missis legatis nobilioribus rogat eum, ut apud *Eatinensium* civitatem sibi invicem occurrerent sese visuri. Plurimum quidem illius faciem desiderabat videre, cujus eximiæ virtutis olim fama divulgante satis admiratus est magnanimitatem. Erat autem civitas *Eatenfium* medio spatio sita inter *Messanam* & *Palermam*. Annuens his Rex *Richardus* nobiliorum suorum procerum glorioso comitatus agmine processit eidem obviam loco statuto. Cumque convenissent ex conducto in unum uterque super alterius eximie lætatus est adventu; & gratiam omnem sibi invicem satagebant exhibere; & mutux dilectionis solenne fœdus inierunt; omnimodaque pacis confirmatione in perpetuum inter eos observandæ confœderati, magnificentia regali datis invicem muneribus & acceptis, & peracta competenti Regibus solemnitate digressi sunt alacriter ab invicem. Rex *Tancredus* reversus est *Palermam* & Rex *Richardus* ad *Messanam*.

## CAP. XXIII.

*Rex Richardus militibus & aliis pro mora quam ibi fecerat indigentibus largissima partitur munera.*

**I**Nterea milites, qui in seditione prædicta & rerum turbatione, totam illam ætatem gravibus transegerant impensis, moleste ferebant tantam ibi moram ociosam & inutilem. Causabantur enim fratres suos in Christo in obsidione *Aconensi* in agone continuo contendere, & se dies ducere ociosos, & sua absque profectu jam ex parte majori consumpsisse; cum etiam ea quæ in occupatæ civitatis direptione jure belli fuerant adepti compellerentur restituere. Super hujusmodi tam divulgati quærimonia commotus Rex *Richardus* regali munificentia tot universis indigentibus largitus est munera præter spem, ut sufficientissima singuli prout quemque decebat copia ditarentur. Ex distributis igitur largissime donariis aureis, five argenteis, five cujuscunque generis alterius, plurimum consolati sunt milites, nec non nobiles *Palæstinae* mulieres hæreditatibus privatæ, & à patria exules, viduæ scil. five virgines, sunt affluenter locupletatæ. Unde Rex *Richardus* omnium obtinuit gratiam & favorem, peditibus quippe & inferioris fortunæ satellitibus centum ad minus solidos impertiebat. Rex etiam *Franciae* ipsius illectus exemplo quamplura suis largitus est donaria. Hinc rediviva reflorescit in populo lætitia, & prius contracti mœstitia tam generosa suberiguntur munificentia.

## CAP. XXIV.

*De magna festivitate Regis Richardi die natalis Domini, ad quam vocaverat Regem Franciæ, & totum populum ad convivium apud  
Mategriffim, & de donariis ejus largissimis.*

**I**Nstabat illa præclara Nativitatis Dominicæ festivitas, tanta celebriori veneranda solemnitate, quanto magis necessaria humani generis redemptioni.

Hujus



Hujus gratia celebrandæ festivitatis Rex *Richardus* venerabiliter Regem *Franciæ* invitavit ad prandium, & voce præconaria omnem animam vocavit ad diem tantam deducendam secum cum lætitia & gaudio. Ad cujus instantiam venit rogatus Rex *Franciæ* cum innumero magnatum agmine, venit & turba copiosa; quid plura non multum laborat qui cogit volentem, & quem æstimamus tunc temporis de industria gratis abesse à *Richard*i Regis convivio? Igitur in castro suo quod invitis indigenis ædificaverat *Mategriffum* honorifice sunt suscepti, & juxta quod cuilibet dignitas exigebat collocati discubuerunt. Quis illatorum ferculorum enumeret varietates, vel genera poculorum, vel ornata operose turbam ministrantium? Quod qui nosse voluerit animo metiatur Regis *Richard*i magnanimitatem; cui & convenientem pensitet suæ festivitatis procuracionem; nihil indecens videres vel incompositum, nihil non pretiosum, nihil non commendabile. Cissi quippe sive disci quibus inferebantur non alterius erant materiæ vel substantiæ quam auri vel argenti, vasa denique erant omnia aurea vel argentea mirandi operis anaglyphi, vel lima rodente subtiliter cælata formatis imaginibus hominum sive bestiarum, pretiosis infitis gemmata lapidibus. Præterea unde convivorum universa constat gratia super omnia vultus accessere boni. Quid ultra singuli lætati sunt eximie tanta cibariorum & poculorum electorum abundantia & ministrantium hilari facetia. Soluta tantæ celebritatis convivio, Regem *Franciæ*, generis eximii pretiosis diversis gratis expositis, in gratiam honorificentiae familiariter compulit eligere sibi potiora, quinimo inæstimabilis pretii largitus est singulis Rex *Richardus* pro dignitate donaria, ad perfecte consummandam festivitatis gratiam, diem nimirum se dolebat perdidisse, qua nil se contingeret donasse, *Titi* solius liberalitati comparandus cujus dextra sparsit opes.

## CAP. XXV.

*Pisani & Genuenses invadunt custodes classis Regis Richardi.*

**A**ccidit eo tempore ut mero æstuant *Pisani & Genuenses*, qua nescitur occasione turbati, classis Regis *Richard*i invaderent hostiliter custodes, & dum violenta irruptione sese acriter impeterent facta est magna utrorumque peremptorum ruina, castino quoque hesternæ reminiscens cædis, tanquam nondum completam se dolentes exercuisse malitiam, in eisdem præmeditati revertuntur insultus, quibus atrociter sese invicem cædentibus festinato Rex *Richardus* occurrit, ipsosque pertinaciter grassantes vix compefcuit, & ab invicem recedere coegit.

## CAP. XXVI.

*De adventu Reginae Alienor & Berengariæ uxoris futuræ Regis Richardi, & de recessu in terram sanctam primo Regis Fran. & secundo Regis Angl.*

**A**Nno igitur Domini MCXCI. E. litera dominicali existente, post languidiores temporis hiberni nimbidos menses, cum jam dies instarent solidiores, tempus aptum navigio gratulatur populus advenisse pertæsus in ocii moræ longioris. A festo enim Sancti *Michaelis* in civitate *Messana*, sicut prædictum est, commorati sunt Reges cum universo exercitu usque ad jam transmissam quadragesimam. Colloquuntur igitur de transfretatione moram ulteriorem allegantes multifarie incommodam, tum propter temporis serenioris instantiam, tum ne inutiliter otio torpentibus deficerent expensæ,



*Franciæ Rex  
iter pergit in  
Paleſtinam.*

*Proditio Gil-  
leberti de  
Gaſcuil.*

*Richardus R.  
Angl. cap-  
tum iter con-  
tinuat.*

tum quod in obſidione laborantibus compatiiebantur, quibus nimis tardum ſe dolebant parare ſubſidium. Igitur dum ſinguli ſe ad iter aggrediendum eadem expediunt, præcurrentibus nunciis Regi *Richardo* innotuit matrem ſuam Reginam *Alienoram* poſt eum properantem, immenſo itinere multo jam in proximo conſtitiffe, & nobilem puellam Regis *Navariæ* filiam nomine *Berengariam*, ſecum adduxiſſe Regis futuram uxorem. A multo nimirum tempore, quo primum Comes fuit *Pictavenſis*, morum illeſtus elegantia ipſius puellæ, nec non & generis dignitate plurimum deſideraverat eam, unde & ipſius pater puellæ Rex *Navariæ* eandem commiſerat matri Regis *Richardi* deducendam ad eum, ut eam antequam tranſfretaret ſicut diſpoſuerat duceret in uxorem. Super quorum adventu lætati ſunt univerſi. Interea Rex *Franciæ* cum omni apparatu ſuo ad iter arripiendum expeditus, aſpirantibus proſperis ventis, cum omni claſſe ſua proſectus eſt, viz. die Sabbati poſt Annunciationem Be-  
atæ *Mariæ*, quem Rex *Richardus* prodeuntem diutius proſecutus eſt cum dig-  
nioribus proceribus in Galeis ſuis. Sed ad tranſfretandum nondum expedi-  
tus, tum quod univerſas naves ſuas ad vehendos equos ſuos & ſarcinas non-  
dum aggregaverat, tum quod æſtimaverat neceſſarium ſufficienter non erat  
inſtructus, tum quod ut prædictum eſt matrem ſuam cum memorata puella  
jam acceperat eo venturam. Igitur poſtquam Regem *Franciæ* tranſfretatu-  
rum dimiſerat in pace ultra Farum tranſvectus eſt uſque ad civitatem *Riſam*  
ubi didicerat Reginam matrem ſuam eſſe cum *Berengaria*, quas cum ſummo  
gaudio gratanter ſuſcipiens ſecum diduxit ad *Mellanam*, ubi facta aliquanta  
mora Reginam matrem ſuam dimiſit abire, & Regni ſui rogavit habere custo-  
diam, ſcil. cum prædicto Archiepiſcopo *Rothomagenſi Waltero* magnarum vir-  
tutum viro, cum quibus & etiam inde reverſus eſt ille *Gillibertus* de *Gaſcuil*,  
cujus poſtea proditione obtinuit Rex *Franciæ* caſtrum illud famoſiſſimum *Gi-  
ſortium*, ſitu fortiſſimum, in conſinio *Franciæ* & *Normanniæ*, cujus fidei fuerat  
commiſſum. Puellam vero prænominatam quam ducturus erat uxorem ſe-  
cum retinuit Rex *Richardus*. *Alienor* Regina inde regrediens per *Burgas* ve-  
nit *Salernam* & ſic uſque *Normanniam*. Rex præparatis omnibus itineri ne-  
ceſſariis Regem *Franciæ* ſubſequi qua potuit expeditus ex condicto præpa-  
ravit, claſſi itaque deducendæ & cuſtodiendæ præpoſito *Roberto* de *Torneham*,  
ſponſam ſuam præfatam, cum ſore ſua vidua olim *Siciliæ* Regina, præmiſit  
prima fronte in navibus, quas vulgo dicunt *Dromones* verſus orientem recto  
navigantes reſpectu: deputaverat etiam eiſdem mulieribus aliquot milites ad  
ſolatum & tutelam, & obſequentium turbam copioſam. Sunt autem hujus-  
modi generis naves ex ſui gravitate cæteris pigriores fabrica firmiori. Gale-  
arum vero multitudo perſeverabat immobilis, donec Rex præſus, propter  
contingentes importunitates, cum omni exercitu valedicens indigenis proceſ-  
ſurus aſcenderet, qui cum ſe ventis proſperis committeret & fluctibus marinis,  
omnis illa multitudo navium ad prodeundum expedita crebris remigantium  
impulſibus promovetur in pelagus. Civitas quidem *Mellana* non immerito  
poterit ſingulari gloriari jactantia, nunquam à retroactis temporibus claſſem  
talem & tantam à finibus illis egreſſam, nec ullo tempore ibidem ulterius vi-  
dendam conſimilem. Septimo decimo die poſt deceſſum Regis *Franciæ* i. e.  
die *Mercurii* poſt Dominicam Palmarum, cum claſſe navium copioſa Rex *Ri-  
chardus* ſubſecutus eſt per medium Farum aſpirantibus auris, & ſeriatim velifi-  
cantes vel remigentes in altum progreſſi ſunt, *Dromones* qui præceſſerant re-  
cto itinere contententes à tergo proſpicere, diſpoſuerat enim Rex ne un-  
quam ſepararentur naves, in quantum daretur facultas, niſi forte æſtibus mari-  
nis abactæ diſpergerentur ab invicem; moderato itaque de induſtria progref-  
ſu Galearum, gregatim tardiores naves onerarias comitari contendebat, ad  
tutelam multitudinis & ſolatum infirmioribus.



## CAP. XXVII.

*De ventis nunc quiescentibus nunc mare turbantibus & periculis quæ sustinuit  
classis Regis Richardi usque ad Cretam & à Creta usque ad Rhodas.*

**E**cce subito ventum sensimus deficere, ita quod de necessitate nos oportuit fixis anchoris immobiliter permanere inter *Calabriam* & montem *Gibellum*, in crastino vero hoc est die *Coenæ Dominicæ*, ipse qui ventos subducit & educit è thesauris suis, item ventum nobis tota die perseverantem, sed tamen minus sufficientem, & classem agentem modestius destinavit; unde & nocte sequenti omnino quievit. Die vero *Parasceves* ventus ingruens contrarius percussit à sinistris, quo mare turbatum nimium fervercit ab imo, involventibus se fluctibus & procellis intumentibus, fragor undarum se collidentium & ventorum vehementia navium crepitantium, non modicum cunctis incussit horrorem: ad irruentium igitur nimietatem ventorum cessavit omnino ministerium nautarum, nec enim poterat sic jactatas naves moderari gubernatio. Feruntur in incertum, dissolvitur series navium jam in diversa tendentium, solius Dei se committunt gubernaculo jam desperati de humano auxilio; in quantum vero humana sustinebat infirmitas, omnia sustinere decrevimus patienter salvatoris nostri intuitu, qui ea die pro nobis immeritam sustinere dignatus est passionem. Separatis igitur navibus errabundis, & in diversa dispersis, ex tanta jactatione stomachis hominum indignantibus, nauseam provocat gravedo, & jam ex parte non minima ablatus est sensus discriminis ab ægrotantibus hominibus; advesperascente jam vero die paulatim quievit, & ventorum illa nimietas & maris intumescens indignatio. Vento igitur pro voto satis opportuno perseverante, resumptis viribus nautæ & confidentia, recto progredi itinere contendebant. Rex autem nec in illa magna turbatione animo turbatus destitit alios animare, & ut confidenter durarent & lætiora sperarent cohortari, ipse quoque de consuetudine habere solebat in navi sua cereum maximum accensum in laterna, & in edito positum omnibus circumquaque præbere lumen, & navigantibus viam. Habebat autem nautas peritissimos, qui, quantum humanum sufficit artificium, tantæ ventorum restiterant vehementiæ. Ad lucernam igitur Regis ardentem universi quibus poterant conatibus navem Regiam sequi contendebant. Rex nihilominus classem tempestate dispersam aliquamdiu perseverans immobilis expectabat, quousque lumine viso congregarentur circa eum, modo quidem consimili & affectu Rex classis agendæ curam gerebat, quo & gallina desiderat super pullos suos. Noctē quoque sequenti ventis properis velificantes sine offensa cucurrimus, & sine discrimine, die quoque Sabbati Paschæ, nec non & ipso die magnæ festivitatis Paschæ, & deinceps usque diem *Mercurii*. Eadem die vidimus insulam *Cretam*, in quam Rex applicuit ad quiescendum, & ad classē congregandam; quo cum venissent universæ naves super xxv. quæ non comparuerunt vehementer Rex commotus est. In arduis montibus illius insulæ *Cretæ* collis est supereminens quasi vertex montium, qui dicitur *Camelus*, qui ut nautæ maris gnari ferunt illa insula medias obtinet metas inter *Messanam Siciliæ* & *Acram civitatem Palæstinæ*. Crastino die Jovis naves repetiit Rex, & omnis illa multitudo, & promotis navibus cœpto itineri institit, cum ecce inclinata jam die ventus effectus validior, non tamen inimicus, vehementius agebat classē in anteriora, impetu non minimo, sed nec volatui avium dissimili, sinuato velo & malo paululum curvato. Talis itaque ventus perseverans tota illa noctē, diluculo in insulam *Rodam* dictam velis demissis totam illam classē violenter ingessit; nec tamen portus erat, qua possemus applicare, sed gurgēs porrectus in terram; verumtamen quo magis optata, tanto dulciori reficiebamur ibi quiete, ab eo die usque

*classis Richardi Cretam appellat.*

*Eadem Rhodum attingit.*



in diem lunæ sequentis, quo in *Rodam* insulam applicuimus. Erat autem *Rhoda* civitas olim permaxima, *Romæ* non multum dissimilis, vix posset veritas æstimari, tot sunt ibi domorum ruinæ, & turrium dirutarum partes extantes, murorum etiam & ædificiorum operis præclari & mirandæ reliquiæ, Monasteria quoque nonnulla permanentia adhuc, sed ex parte majori deserta à tot antiquorum ibi manentium. Situs quidem tantæ civitatis, licet ex vetustate jam deletæ, maximam olim testatur hominum frequentiam ibi fuisse, nonnulli tamen reperti sunt habitatores, licet paucissimi, qui nobis victui necessaria vendebant. Et quia Rex infirmabatur, ibi morati sumus aliquot diebus, quibus Rex expectabat quas aberrantes perdidimus naves, & galeas suas eo venturas, quæ eum prosequerentur. Inquisivit etiam interim de tyranno illo sævissimo Imperatore *Cypri* qui peregrinos inapplicantes retinere solebat.

*Richardus  
Rhodi naves  
tempestate  
dispersas ex-  
pectat.*

## C A P. XXVIII.

*De recessu Regis Richardi à Rodis per Gulfrum, &  
adventu Reginarum ad Cyprum.*

**P**Eractis apud *Rodas* decem diebus, quæ satis est fertilis & abundans, classem repetentes iter coeptum aggrediebantur, scil. die primo mensis *Maii*. Ferebamur itaque velis extensis in locum, quo non est alter periculosior in mari dictum *Gulfrum de Satalea*. Ibi nimirum est conflictus continuus quatuor marium concurrentium, & jugi collisione sibi invicem repugnantium. *Gulfrum* fuimus intraturi, cum ecce veritus nobis irruens contrarius retrocedere compulit, usque ad eundem de quo fueramus digressi locum stationis. Nec multa in medium mora ventus idem cujus est frequentius in diversa variari nobis item imminebat à tergo, & quanto vehementior, tanto formidolosior cum impetu maximo nos in *Gulfrum* impexit. Cujus vehementiam timentes quanto potuimus conatu locorum discrimina transcurrere satagemus, & fluctuum ætus tumentium transire. Navis Regia continuo cursu prima semper erat. Rex igitur cum ferenato aere oculos sublevasset, eminus prospexit per tremuli maris planitiem obviam venientem navem permaximam quam *Buzam* dicunt, à terra *Jerusalem* regressam. Rumorum itaque avidus oculus destinavit, qui ab eisdem, qui illi navi inerant super statu obsidionis *Achonen* inquirerent certitudinem, responderunt inquisiti jam Regem *Franciæ* incolumem ad obsidionem venisse, & fabricandis machinis diligenter operam impendere, quousque eo veniret Rex *Angliæ*. Sabbato quidem Paschalis hebdomadæ applicuit Rex *Franciæ* in portu *Achon*, & tota intentione occupandæ civitati operam adhibuit & diligentiam. Petrarias igitur erectas statui fecit juxta turrim *Maledictam*, aliasque machinas præparari muris conquassandis, nam secus turrim illam hospitabatur Rex *Franciæ*. Impletis etiam & obturatis terra fossatis ex ea parte civitatis machinis ad murum conductis, & petradiis jaculantibus dissipatus est ex parte murus, sed non multo post repugnantium industria *Turcorum* concremata sunt machinæ. Hæc omnia cum didicisset Rex *Richardus* à prædictis navigantibus, prætereunte *Buza*, Rex alto corde prorsus alia disposuit agenda. Contendens itaque Rex ventum non satis accommodum retorquere ad libitum, laborat exuperare ventorum inæqualitatem; aliquamdiu enim laborando nil proficiens classis ejus ventorum adversitate, & intumescantium undarum reciprocatione, in altum repulsa jactabatur fluctibus. Prius autem *Buza* illa de *Liung*, in qua erant Reginae, appulsa est in portum insulæ *Cypri*, ad civitatem *Limazim*: veruntamen terram non apprehenderunt, sed in mari longe fixis anchoris immota manebat.



## CAP. XXIX.

*De pluribus incommodis, quæ acciderunt terræ sanctæ, cui maxime nocebat Imperator Cypri.*

**Q**UO plectendam æstimamus piacula vel feriendam graviore flagello terram illam *Jerusolumorum*, aut quo ream commisso quod ejus subventioni tot obfistunt adversa? tanta mora prorogatur auxilium? imo in nequitiam eam defendentium potius creditur redundare tantæ meritum dilationis, quod in tam longum tempus suspenditur redemptio, multis patenter constat argumentis divinum fuisse suspensum subsidium illius terræ à malitia inhabitantium in ea, unde & viros eximios, qui sperabantur *Franci* fortes auxiliarii, contigit intempestive auferri de medio. Quid enim pensandum de morte illius illustis Imperatoris *Alemannie*, cujus præclari gloriam principii fors denigravit sine plurimum dissimilis? aut de morte olim gloriosi & ditissimi *Henrici* Regis *Angliæ* quis enarraret dolorem? ipsius enim pecunia incolumis civitas *Tyri* conservata est, cujus etiam sapientia & prudentia sperabatur terra sancta recuperanda. Quid denique super casu magnifici Regis *Willielmi Siciliæ* dicendum? qui postquam peregrinationis necessarios disposuit apparatus, & toties optatum sæpius destinasset subsidium inopina morte substractus est, & diem clausit extremum. Omnia hæc & plura alia terræ sanctæ acquirendæ accesserunt detrimenta, quorum singula satis & ultra potuissent nocuisse. Verum omnia prædicta unum erat exsuperans, de insula dico *Cypri*, de qua non modicum terra *Jerusalem* consequi consueverat annuatim emolumentum, nunc vero ei quicquid impertiri dedignans cujus subjectionis jugum abjecerat, hoc idem procurante tyranno in ipsa insula Imperatoriam usurpante potentiam. Hic omnium malorum nequissimus *Judam* exsuperans perfidia, *Guenelonem* proditione, quoscunque Christianæ religionis professores pertinaciori persequeretur protervia, *Saladino* dicebatur familiaris, & mutuum singuli hausisse cruorem, in signum & testimonium initæ invicem confœderationis, tanquam ex commixtione sanguinis exterius revera fierent consanguinei. Hoc quoque postmodum eos fuisse certis constabat indiciis, cujus erectus tyrannus ille confidentia, omnium etiam aspernatus debitam subjectionem, falso quoque usurpaverat nomen Imperatoris, quoscunque in insulam gratis applicantes peregrinos vel ventorum violentia rejectos comprehendere solebat, ut à divitibus redemptionem extorqueret, & pauperes servituti subigeret. Huic igitur cum innotuisset classem ignotam in illas partes adventasse, omnes qui inerant, sic enim de more consueverat, pecunia spoliatos comprehendere decrevit & captivos tenere.

## CAP. XXX.

*De naufragio & adversitate quorundam nostrorum, & captione & inclusione & eruptione & victoria eorum contra Insulanos Cypri.*

**I**N Vigilia vero Sancti *Marci* Evangelistæ paulatim ante solis occasum cœlum obtexit nubes atra caligine, & ecce spiritus procellarum, & ventus vehemens maris undas turbatas subvertens irruit contrarius navigantibus: navium autem Regis *Richardi* ante ejus adventum inæqualitate ventorum dispersarum quædam, dum terram *Cypri* niterentur apprehendere, repugnantibus undis procellosis ventoque rejiciente ferebantur in cautes, vento autem vehementius



mentius grassanti totis viribus cum resistere nautæ tentarent, tres Regis naves non procul à terra fluctibus irruentibus conquassatæ sunt, & quidam eorum qui inerant sunt submersi, quidam autem armamentorum navium fortuitu correptorum suffragiis, non sine maxima laborum vexatione undarum obsequio, imo procellosis jactationibus, pecunia amissa nudi delati sunt in terram. Ibi inter cæteros submersus interiit *Rogerus* cognomento *Malus Catulus* Regis sigillifer, & amissum est sigillum. Postmodum vero ipsius *Rogeri* corpore undarum æstibus in terram projecto invenit sigillum quidam plebeius & in exercitum detulit vendendum, sicque redemptum est & Regi restitutum sigillum. Illos autem qui de naufragio evaserant ad terram, sub prætextu pacis admiserunt gaudentes indigenæ, &, tanquam compatientes eorum infortunio, deduxerunt in quoddam castellum vicinum reficiendos, quoscunque vero applicantes incolumes spoliatos omnibus armis similiter intromiserunt in custodiam, eo se intentu id facere allegantes, ne viz. si armati incederent viderentur terram exploraturi vel etiam expugnaturi; asserebant quippe se *Grifones* aliter facere non audere, donec voluntatem Imperatoris sui consulerent. Naufragis autem nostris in custodia detentis compassi proceres nostri eisdem destinaverunt & vestimenta, & alia quæcunque necessaria. *Stephanus* etiam de *Turnham*, marescallus & thesaurarius Regis, misit necessariorum abundantiam, verum etiam omnia, quæ missa fuerant inclusis, ad introitum castelli, quo inerant, directa sunt à *Grifonibus* & custodibus civitatis. Attamen verbis adulatoriis & captiosis blandientes, nondum patentes exercebant inimicitias; exitum vero eis non concesserunt, quousque quæ acciderant notificarentur Imperatori, interim vero loquentes in dolo omnia necessaria eis se sponponderunt exhibituros. Convocatis igitur provinciæ illius magnatibus consilium inierunt, ut captivos, quot possent, peregrinos, dolo tenerent & occiderent: quod cum nostris innotuisset, in eodem se gratis incluserunt castello, sese viriliter defensuri, quorum nonnullos peremerunt indigenæ, & castellum obsederunt. Perpendentes itaque peregrini sibi revera imminere periculum, elegerunt de consilio potius bellorum inire discrimen quam diutius periclitari famis injuria, incidentes in manus infidelium Christianorum persecutorum. Igitur cum à castello catervatim exirent in campum circumdederunt eos indigenæ & perimere cœperunt inermes, ipsi vero ex desperatione concipientes audaciam, quantum poterant, nitebantur resistere; non minorem impugnantibus stragem inferentes cum tribus arcubus tantum, quos secum habebant, insciis indigenis. Erat autem ibi miles magnæ probitatis *Rogerus* de *Hardecurt*, qui forte inventam equam ascendens, instanter turbam *Griffonum* prosternens segregavit, *Willielmus* etiam de *Wosco* *Normannus* arcus peritissimus, sagittis & pilis infatigabiliter emissis, nunc hos nunc illos percutiens, dissipavit. Cum hoc igitur perpendissent milites nostri adhuc in navibus, properanter processerunt in eorum auxilium armati, quibus applicantibus *Griffones*, in quantum poterant, obsistebant arcubus utentes & balistis. Veruntamen protectore Domino à navibus erumpentes, indemnes portum nacti sunt. Denique dissipatis *Griffonibus* & viam cedentibus, peregrini a prædicto castello egressi, sese jugiter defendentes à tergo pervenerunt ad portum, quo nostros à navibus egressos, & *Griffones* eisdem resistentes totis viribus invenerunt dimicantes. Communicata denique utrorumque virtute, dispersi sunt indigenæ, & nostri portum adepti sunt, quo stabat *Buxa* Reginarum, pervenerat enim *Buxa* illa incolumis in portum de *Limaxim*, sicut supradictum est, ante Regis adventum, sed ad terram hi qui inerant ascendere non præfumebant, quia & terræ statum ignorabant, & Imperatoris formidabant sævitiam simul & perfidiam.



## CAP. XXXI.

*De Adventu Regis Richardi apud Cyprum.*

**E**Adem die advesperascente, quo sicut prædictum, à prædicto castello evaserant peregrini, venit eo Imperator *Cypri* scil. quadam die Jovis, cui innotuerat de peregrinorum adventu. Conquerentibus igitur peregrinis de suorum injuria & pecuniæ direptione, omnimodam promisit Imperator satisfactionem, & de pecunia naufragorum reddenda, & quatuor etiam de fidelitate servanda contradidit obfides, unde sub hac conditione liberum introitum & exitum villæ de *Limozim* obtinuerunt peregrini. Interim vero mandaverat Imperator totius Imperii sui convenire viros bellatores, & virtutis magnæ congregarunt exercitum. In crastino adventus sui mandavit Imperator Reginis verbis pacificis in dolo, ut securius applicarent, & pro libero arbitrio suo se haberent in omnibus, sine qualibet suorum molestia, nihil adversitatis perpeffuræ; ipsis vero renuentibus, iterum die altero destinavit eisdem Reginis Imperator, sub prætextu exhibendi honoris xenia multa, panes scil. & carnes arietinas, vinique peroptimi ex botris *Cypri*, cujus non alterius terræ fertur esse simile. Tertio quoque die scil. die Dominica Reginas tentavit circumvenire blanditiis, & seducere fallaciis, quæ in arcto positæ, & super ambiguis fluctuantes anxiatæ sunt, ne si se submitterent Imperatoris persuasionibus, captivæ diriperentur, aut si pertinaciter contradixissent ejusdem violentos timuerunt insultus: nondum enim quicquam innotuit de Regis adventu, aut de prosperitate classis Regiæ. Sed ut sub ambiguo responsi Imperatoris animum ad tempus suspenderent, aserebant se die crastino processuras se Imperatoris se committentes arbitrio. Sub hujus spe sponfionis sustinuit Imperator. Reginis autem, dum mordacium curarum super his sollicitarentur, opitulante Deo indilatatam provenit suffragium, quæ dum secum tristes quærent & confabularentur ad invicem, ecce eadem die Dominica eminus intuentibus inter ipsos undarum crispantium spumeos vertices, in modum cornicularum agitatae comparuerunt duæ naves eo versus expeditius velificantes. Cumque Regiæ, & qui cum eis erant super his adhuc incertæ ambigerent, prospexerunt & alias aliquot naves subsequentes, nec mora copiosa navium multitudo subsecuta est, & magno cum impetu directo cursu ferebantur in portum. Hanc Regiam classem conjicientes gavisi sunt gaudio tanto majore, quanto graviore desolationi desperatis gratius subveniebatur. Ecce enim post multos & fastiditos labores gubernante Domino deductus est Rex *Richardus* ad Insulam *Cypri*. Die igitur festivitatis Sancti *Johannis* ante portam *Latinam* applicuit Rex *Richardus* cum universo comitatu suo in portum de *Limozim*, veruntamen infra naves se cohibebat.

*Imperator  
Cypri reginas  
dolo circum-  
venire frustra  
tentat.*

## CAP. XXXII.

*Rex Richardus cum suis Imperatorem cum suis primitus navali bello postmodum terrestri fugavit.*

**C**Uicum innotuisset de naufragorum discrimine, & rerum direptione, & de cæteris quæ interim acciderant altius indoluit, & emissis in crastino scil. die Lunæ duobus militibus legatis ad Imperatorem, pacifice rogavit sibi & suis satisfieri de illatis injuriis, & super rebus naufragorum restituendis in integrum, ad voluntatem suam. Imperator vero hoc mandato vehementius



indignans, ac si maxima fuisset eidem illata injuria, in verba prorupit contumeliosa dicens, *Ptruht Sire*, sibi que nihil cum Rege, usurpata nimirum Imperatoria excellentia glorians, & impunitate divina luxurians, quicquid libebat licere putavit. Cujus responsum cum legati Regi renunciaissent, ægre ferens Imperatoris arrogantiam, responsumque contumeliosum, nec non & suorum jacturam, confestim exclamavit præcipiens omnibus suis Armate vos, quod ipsi citissime impleverunt. Ipse igitur armatus cum omnibus suis in cimbis Esneckarum ad portum apprehendendum provectus est. Imperator vero cum exercitu multo resistens applicantibus, circumquaque totius portus exitus cujusslibet generis obicibus & repagulis dispositis in offendiculum ascendentium, quocunque poterat procuraverat impedimenta in portu, ostia quoque domorum & fenestras raptas ibi collocaverant, dolia etiam cum asferibus, scamna quoque & tabulata graduum, & ligna procera in transversum locata, scuta quoque & ancilia, galeas antiquatas aliasque naves desertas & situ squallentes, & omnia genera utensilium, quid plura quicquid portatile ligneum vel saxum potuit in civitate *Lemazim* reperiri congesserant *Griffones* in littore, in advenientium offendiculum. Præterea Imperator armatus cum gente sua perambulabat in littore. O quam decenter populum Imperatoris ornatum? armaturis pretiosis, & vestibus pretiosissimis & multicoloribus, in equis bellicosus & spumantia fræna mandentibus & mulis pulcherrimis; oberrabant igitur parati ad bellum cum penuncillis innumeris & Banneriis pretiosissimis ad auram ventilantibus, ut inde vel ascendentes longius arcerent, vel ad pugna fortius acciperent. Nostros itaque ad applicandum se exponentes, illi exclamationibus horrifonis, ut canes hirrientes, exturbare tentabant, contumeliis tanquam canes nos afficientes, & quod impossibilia molirentur impropèrantes; balistarios etiam quosdam habebant & sagittarios, & quinque Galeas satis armatas in littore, plenas juventute navalis prælii perita. Nostri quidem plurimum ipsis videbantur ad congressum impares, tum quod in minimis cimbis & fragilibus se remigantes exposuerant portum oblitum occupaturi; tum quod plurimum destituebantur fatigati diutius ex maris assidua jactatione, tum quia pedites erant armis propriis satis onusti. Indigenæ vero in patria sua & omnia pro voluntate gerebant. Igitur cum nostri seriatim processissent in cimbis, imprimis propiores statuerunt expugnare, balistarios scilicet & sagittarios, qui in Galeis eos infestabant, ad quos nostri balistarii conversi dum sese mutuis pilis impetentes aliquamdiu decertarent, plurimis tandem *Griffonum* peremptis reliqui cedebant, nec enim pondus belli sustinere valebant. Volantibus igitur sagittis densissime, cedentes terni profiliebant in mare, sive quaterni, & ut sagittas evaderent morituri se fluctibus immergebant, mutuis se collidentes impulsibus, dum certatim fugæ præsidium appeterent. Captis igitur à nostris Galeis eorum & nostris navibus applicatis, balistarii & sagittarii nostri ex primo successu animosiores, in modum imbrium pila mittebant in eos, qui littoris exitus observabant: nec mora *Griffones* impetum nostrorum non ferentes loco cesserunt & in terram solidiores se receperunt. Balistarii tamen eorum & nostri pertinaciter sine intermissione sagittis utebantur, & pilis à quorum densitate videretur aer obtenebrari, & diei serenitatem pilorum pluvia noctescere, civitas tota hominum fervebat frequentia, & tota vicinia balistariorum sese pertinaciter exercitantium occupabatur multitudine. Stetit ambiguo victoria diutius fluctuans, cui parvi faveret; nostris autem totis viribus vicem pro vice reddere contendentibus, sed nequaquam progredientibus. Dum Rex perpenderet nostros minus audaces ad egrediendum de cimbis, & ad littus aggrediendum, ipse primus à Barga sua profiliens in mare, *Griffones* audaciter invasit, cujus constantiam cæteri nostrorum imitantes, hinc inde Regem comitantes satagebant resistentes fugare *Griffones*; nec mora nostris irruentibus eorum agmina laterata cesserunt. Ibi fuit videre imbrem pilorum volantium, *Græcos* prosterni fugientes, murmur audires congregantium, gemitus occumbentium, ululatus retrocedentium. Dissipatos itaque

*Richardus  
pugna navali  
vincit Griffones.*

*Idem eisdem  
pugna terrestri  
profligat.*

*Græcos*



*Græcos* nostri jugiter cædentes repulerunt primum in civitatem, & postea à civitate usque in adjacentium camporum planitiem. Rex igitur cum persecutus esset Imperatorem fugientem, lucratus Runcinum vel jumentum, jaculo retro fellam collocato à terra expeditus ascendit in fellam, quæ vice streparum cordas habebat. Festinanter igitur Imperatorem impetiit exclamans Domine Imperator veni mecum singulare inire certamen, ipse vero tanquam obaudiens velociter aufugit. Sic Rex civitatem de *Limaxim* occupans Reginas à *Buza* fecit educi, & in villa hospitari, ubi post tot maris vexationes & fastidia quiete se refecerunt & securitate.

## CAP. XXXIII.

*Item de pugna inter Regem & Imperatorem & de victoria Regis  
& fuga Imperatoris in Nicossiam.*

**N**Octe quoque eadem Rex in papilionibus suis moratus fecit equos suos educi ab esneckis. Imperator autem eum non æstimans equos habere minus timuit, & ad duarum leucarum terminum veniente nocte hospitatus est in tentorio. Die craftino circa horam nonam Rex eques incedens, quosdam *Græcos* non procul invenit juxta viam stantes in oliveto cum banneriis suis gloriosis, quos statim fugientes Rex infectatus est. Verum quia equi nostri vexatione marina per unum mensem semper stando plurimum fuerunt turbati, equis nostris parcentes modestius insecuti sunt, donec prospicerent eminus exercitum Imperatoris qui in valle proxima illa nocte resederat. Tunc ipsis visis nostri persequi desistentes substituerunt. *Græci* vero clamore tumultuantes horrifono nostris insultando concrepuerunt. Unde Imperator à dormitione excitatus, ascensis equis cum exercitu suo versus nostros paulatim progeffus est usque in collem vicinum, ut videret quid fieret de congregantibus exercitibus. *Græci* itaque arcubus tantum utentes & balistis jugiter nostros exclamaverunt immotos. Ibi autem venit ad Regem quidam clericus *Hugo* nomine de *Mara* armatus dicens ad eum, Domine mi Rex sani videtur esse consilii declinare ad tempus hanc multitudinem adversariorum tantam, tam fortem. Cui Rex respondit, Domine Clerice, quod nostram sapit professionem, scripturæ tuæ immiscearis, nobis cedas militiam & à turba te fatigas ejicere. Sed alii quidam dissuaserunt Regem congregi cum tanto exercitu. Rex nimirum tunc secum non habuit milites nisi circiter quinquaginta, ipse enim etiam ex eorum trepitatione animosior, equo admissso repente ferebatur in hostes, & aciem turbæ dissipavit pertransiens, & nunc hos nunc illos afficiens sine mora disperfit universos. Cujus exercitum cum adversarii ex jugiter convenientibus crescere perpendissent, tabefacta est virtus eorum, & fugere coeperunt; qui equos habebant agiles & veloces evaserunt, pedites vero cuncti & vulgus ad fugam minus expeditum cæsi passim indifferenter occuberunt, nec ulterius propter adventum Regis fugerunt. Imperator autem, dum suos ad pugnam animaret exhortans, Rex vehemens ex adverso equo admissso lancea equo dejecit, sed sine mora altero equo oblato in turba dilapsus est in fugam, de sociis vero suis ibi quosdam amisit. O quot ibi videres equos generosos peremptos, loricas jacentes & galeas, gladios & lanceas, penuncellos projectos, & signa multiformia, corpora hominum sanguine volutata mortuorum, & adhuc supremo spirantium anhelitu, quorum non erat numerus. Imperator perpendens nostrorum audaciam & fugam suorum, calcarium non immemor (quod solum superesse videbat) fugit & ipse in montana valde velociter, cujus Banneriam qui gestabat Rex percussit, & Banneriam nobilem & insignem sibi Rex reservari præcepit. *Græcos* itaque fugientes prosequuti sunt equites nostri, qua potuerunt instantia, duobus millibus, deinde moderatis

*Richardus cum 50. militibus ingentem Græcorum numerum fugavit.*



passibus regredientes pacifice reversi sunt. Populus conversus ad prædam diripuit spolia multa, scil. arma, vestes sericas pretiosas, tentorium etiam Imperatoris, & omnia quæ in eo reperta sunt vasa aurea & argentea, lectum ipsius Imperatoris cum apparatu eximio, & omnem ejus supellectilem loricas, galeas, & enses electos, equos & mulos, nec non & gregum quoque & armentorum prædam multam nimis, boum scil. & vaccarum, caprarum, & ovium, equarum & pullorum nobilium, porcorum, altilium, & gallinarum. Reperiunt & vina electa & victualia plurima, hominum etiam captivorum infinitæ multitudinis abduxerunt exercitum, ut diripientibus præ multitudine fuerint fastidio, sed quid amplius ex tanta copia prædæ omnis anima satiata est, ut nec oblatum quantumlibet quod pretiosum quisquam ad plenum onustus respicere curaret. His itaque gestis Rex voce præconaria præposuit edictum ut omnes indigenæ pacis amatores libere irent & redirent absque suorum offendiculo, & salva gauderent libertate, quisquis autem Regem haberent ut hostem, sibi caverent ne in ejus vel suorum [manus] inciderent, cuiuslibet enim ipsum hostem reputanti se professus est exhibere ut hostem, singulis talis extitit quales ipsi ei. Plures cum Rege vel cum exercitu congressus postmodum Imperator singulis vicibus plures suorum amisit. Denique vero in castellum quoddam firmissimum se recepit *Nicoßia* dictum confusus & mœstus quod non pro voto proficeret.

## CAP. XXXIV.

*De Adventu Regis Guidonis in Cyprum.*

**S**abbato sequenti cum apparuissent tres Galeæ in mari, longe ambigentibus cunctis quid sibi vellent vel unde venirent. Rex ad omnia promptissimus, ne dicam præsumptuosus cimbæ vectus permodicæ remigio processit obviam venientibus, inquirens qui vel unde venissent qui veniebant, cui cum responderetur hunc esse *Guidonem* de *Lixiniaco* Regem *Jerusalimorum* confestim Rex rediit veloci cursu, imperans sine mora suis coenam instruere venturis hospitibus. Regem itaque *Guidonem* appulsum cum veneratione suscepit, & gratanter exhibuit. Venerat autem idem *Guido* ad Regem *Richardum*, petiturus consilium & auxilium, super eo quod Rex *Franciae* disposuerat *Marchisum*, de quo supra dictum est, fieri Regem *Jerusalimorum*, abjecto Rege *Guidone*, quem Rex *Richardus* benigne suscepit, & tanquam tenuem & rebus destitutum honoravit muneribus. Dedit itaque eidem duo millia Marcarum argenti, & xx. cuppas pretii centum marcarum, & v. quarum duæ fuerunt de auro purissimo.

*Richardus erga Guidonem Hierosolym. Regem liberalitas.*

## CAP. XXXV.

*De nuptiis Richardi & Berengariæ & de adventu Galearum Regis.*

**I**n crastino scil. die Dominica, die Sancti *Pancratii* contractum est matrimonium inter Regem *Richardum* & *Berengariam* filiam Regis *Navariæ* apud *Lamazim*: Puella quidem erat prudentissima, & bene morigerata, ibi coronata est in Reginam. Huic contractioni interfuit Archiepiscopus & Episcopus *Ebroicensis*, & Episcopus de *Baneria*, & alii quamplures magnates & procures. Rex in deliciis gloriosus & hilaris cunctis se jocundum exhibuit & gratiosum. Celebratis igitur more Regio solemniter nuptiis, ecce quadam die conveniunt ad portum Galeæ suæ universæ, quas sollicitus expectaverat, erant autem armaturis



armaturis decenter instructæ & munitæ, quibus meliores & securiores nemo vidit unquam. Ille igitur supradictas v. Galeas Imperatoris à se captas aggregavit. Habuit ergo Rex Galeas quadraginta armatas, & sexaginta alias præstantiores.

## CAP. XXXVI.

*De Colloquio & modo pacificatoris inter Regem & Imperatorem.*

**S**uccedentibus igitur prosperis, Rex factus erectior aridentem arbitratus est sequi fortunam. Sane ad expeditionem hortatus exercitum, ad omnia iussit fore paratum, & ne repentinam in improvidos moliretur Imperator irruptionem, de nocte celebrari fecit excubias, & vigiles procuravit, qui custodirent exercitum. Proposuerat itaque Rex cum exercitu persequi Imperatorem ubicunque locorum, donec eum comprehenderet, vel ad deditionem compelleret. Mediante vero & plurimum satagente magistro Hospitalorum *Jerusolimorum*, statutum est colloquium inter Regem & Imperatorem maximo affectum moerore pro suorum amissione, & quod probrose ita fugatus est apud *Nicossiam*, quo fugerat à facie Regis: odio nimirum ipsum habebant indigenæ, unde de suorum diffusis auxilio eo magis extimuit persecutionem. Convenientibus igitur in unum ante adventum Regis hinc inde complurimis, in planitie amplissima inter mare & stratum Regiam, juxta civitatem de *Limazim*, Rex postmodum eo processit Regio decoratus amictu, cui infederat cor fervens erexit equum natura *Hispanum*. Erat itaque elegantis formæ, staturæ pergrandis, micans auribus, ardua cervice, collo prolixiori, pectore amplo, tibis sinceris, pedibus patulis, & omnium membrorum decentissimis lineamentis, qualem nec pictor plurimum laborans linealiter imitaretur ad unguem. Hic tanquam ad motum citatiorem se expediens ad rapiendum cursum, indignabatur aureo freno remorante teneri, & pedum ordine præstostero nunc anterioribus subfiliens à posterioribus progressurus videtur. Huic Rex infiliens infedet fellæ aureis scintillis multicoloribus sinopide interlucentibus, parte nihilominus posteriori binis aureis sese respicientibus hirriendo leunculis, singulorum uno pedum anteriorum versus alterum, tanquam ad lacerandum porrecto. Regis etiam aurea decorabant pedes calcaria. Erat etiam ex roseo fanuto tunica, pallioque vestitus lineariter distincto lunulis semicirculatis, argento solido candentibus, orbibus tanquam solaris scematis densissime localiter micantibus. Sic Rex ornatus ensè probato processit accinctus, capulo aureo, balteo serico, operosæ vaginæ oras mordente argento: capellum ex Scarlata gestabat in capite, docta manuartificum variarum avium formis seu bestiolarum acu operante ex aurifragio insutis. Baculum quoque manu gestans etiam in gestu militem exhibens eximium, intuentium oculis ingerebat deficias. Post multas igitur hinc inde propositiones inter Regem & Imperatorem, se juraturum obtulit Imperator fidelem fore Regi per omnia, & quod quingentos equites secum duceret in Dei servitio in terram *Jerusolimorum* juxta Regis dispositionem & voluntatem. Et ne super his quicquid ambigui in corde Regis resideret in satisfactionem, omnia castra sua & munitiones Regiis obtulit mancipanda custodibus. Præterea pro satisfactione pecuniæ suorum amissæ five direptæ daret Marcarum tria millia & quingentas. Et si pro conditione sic inter eos inita se cum suis fideliter militasse Rex perpenderet in operum exhibitione restitueretur eidem Imperatori terra sua cum castris & munitionibus, sicut prius salva inter eos mutua in posterum amicitia. Cumque Rex oblatam concordiam summam suis examinandam exposuisset, an viz. in aliquo per talem conventionem Regio derogaretur honori; & an universorum animo gratanter cedisset. Respondebant sui hoc Regio honori in om-



*Richardus  
Imperatori  
Cypri pacem  
petenti con-  
cedit.*

nibus convenire, & sibi per omnia placere. His auditis à Rege statim Imperator Regi omnia prædicta se juravit fideliter observaturum, & dato pacis osculo confœderati sunt in hunc modum. Rex à soluto reversus concilio, statim tentoria Imperatoris misit ei prius capta in prædicto certamine, in pignus pacis & dilectionis. Præterea vasa quoque sua in tentoriis direpta eidem destinavit. Tentoria statim in eodem loco supradicti colloqui fecit Imperator extendi.

## CAP. XXXVIII.

*De fuga Imperatoris nocturna per Famagustam usque Candariam  
& de captione Nicosiæ.*

*Pax supradicta  
malitia  
cujusdam mi-  
litis fit irri-  
ta.*

**N**Octe sequenti instinctu cuiusdam militis sui mendacis, nomine *Pagani de Cayphas*, fugit inde velociter Imperator nocturnis tenebris confusus, equo sedens favello peroptimo. Asserebat enim ille miles Regem *Richardum* proposuisse eadem nocte rapere Imperatorem vinculis mancipandum; unde turbatus Imperator, relictis tentoriis & dextrariis optimis cum omni sua suppellectili, in initio noctis fugit apud *Famagustam* civitatem suam. Quo Rex audito in Galeis suis ipsum coepit insectari, asserens eum perjurum & fidei transgressorem. Regi vero *Guidoni* commisit exercitum conducendum ad prædictum castrum *Famagustam* itinere terreno, quo tertia die pervenit & desertum hominibus reperit. Imperator enim sentiens se non esse tutum obsideri, ne incluso subterfugium non pateret, in locis asperis delitescerebat & nemorosis, ut nostris transituris insidiaretur. Rex *Richardus* cum *Famagustam* venisset cum Galeis suis maris portus strictissime præcipit observari, ut, si forte fugam tentaret, comprehenderetur Imperator. Igitur dum tribus ibi moraretur diebus, venerunt legati ad Regem *Richardum*, Episcopus *Belvacensis*, & *Drogo de Mirlovir* nobilis & famosus ex parte Regis *Franciae*, ipsum hortantes festinanter transfretare ad obsidionem *Achonensem*; quoniam ejus ante adventum asserebant Regem *Franciae* non oppugnaturum civitatem. Hæc & his similia nuncii prosequentes verba addebant contumeliosa; quia non cum eis expeditius veniret, sed, omiſſis necessariis, supervacuis exercitiis operam impenderet, & arroganter persequeretur Christianos innocuos, cum tot millia *Saracenorum* superessent in proximo expugnanda, in quos experiendos etiam sua virtus, licet esset potior, videretur tamen esse inferior. His Rex commotus verba indignationis quædam reddidit eisdem scripto nequaquam inferenda. Inanis quidem fuit eorum opera, licet plurimum urgens ipsum, à cœptis dehortans. Negotiosus fatis erat qui *Græcos* ita non immerito vexasset, plurimum enim ad rem videbatur pertinere Insulam *Cyprum* terræ *Jerusalemitanæ* tam necessariam subjugasse. Neglectis ita nunciis movet exercitum suum apud *Nicosiam*; eo versus ferebant singuli victui necessaria, quia Regio deserta fuit: feriatim acies dispositæ procedebant, Imperatorem enim transituris insidiari didicerant. Rex ipse extremo procedebat in agmine ad repellendam subito forte irruptionem, & ecce profiliit repente è latebris Imperator cum *Græcis* ferme septingentis. In anteriores itaque nostros balistarum eorum jacula mittere satagebant, sed nec sic acies nostræ disciplinariter coherentes se sustinebant dissipati. Imperator autem à latere paulatim progrediens tanquam exploraturus inordinate ferebatur, ut viz. acies nostræ eo viso gratis dissolverentur, sive ut Regem sagittaret inventum. Postquam enim Regem in ultima acie reperit, binas in ipsum toxicatas misit sagittas, unde Rex ira vehementiori commotus equum urgens calcaribus ferebatur in Imperatorem ipsum lancea percussurus, veruntamen jam imminentem Imperator evadens cursu rapidissimo fugit in castellum suum dictum *Candayra*, moe-

*Richardus  
Famagustam  
venit, ubi  
conveniunt  
ipsum Legati  
Reg. Fran-  
ciæ.*



ftus nimius & confusus quidem quod non pro voto proficeret, quem Rex quidem non procul persecutus est, quia comprehendere diffidebat. Equum enim habebat favellum tantæ velocitatis & patientem cursus affidui, cui nunquam quantælibet celeritatis alterum posse quisquam vidit equiparari. Rex igitur versus *Nicossiam* cum exercitu tendebat cum præda magna nobilium equorum & hominum, qui in congressu ceciderant. Cives igitur universi *Nicossienfes* in Regis occursum gratulanter processerunt, & ut Dominum admiserunt, quos Rex pacifice fufciciens barbas eorum fecit abradi tanquam in signum commutationis alterius Domini. Quo audito Imperator ultra modum furore turbatus, quot poterat de nostris apprehendere oculum fecit erudere, vel nasum abscindere, five brachio mutilabat vel pede; scil. qualem poterat exercens ultionem in doloris sui mitigationem. Rex nobiliorum *Græcorum* suscepit homagia, qui videbantur etiam jugum Imperatoris voluntarie abjicere. Ibi Rex se sentiens aliquantulum morbo gravari ut quiete reficeretur moratus est.

## CAP. XXXIX.

*De captione trium castellorum in quorum uno capta erat filia Imperatoris & ejus thesaurus.*

CUM exercitu Regis in tres partes diviso à Rege, Rex *Guido* tria interim obsedit castella; scil. *Cherimes* & *Didimus* & *Butphenens*, quorum duo priora cito adeptus est, ipso enim duce, qui vias planas & loca novit aspera, pars exercitus à parte terræ & maris etiam castrum dictum *Chermias* obsesum instantè oppugnavit. Inclusi diffusi de cujusquam auxilio Regi *Guidoni* castellum reddiderunt & filiam Imperatoris ibi morantem invenit, quam pater suus ultra omnem creaturam amavit; thesauros quoque Imperatoris ibi reconditos. Hoc autem ut audivit Imperator pene decidit ex nimii doloris vehementia in mentis alienationem. Rex *Guido* fufpensis in excelsis turrium propugnaculis Regis *Richardi* Banneriis, & dispositis custodiis, duxit exercitum in aliud castellum *Didimus* nuncupatum, situ fortissimum, in nullo expugnabile, unde sese defendere parantes inclusi, in obsidentes etiam aliquot diebus lapides mittebant & jacula, quousque ad mandatum Imperatoris Regi *Guidoni* redditum est castellum. In quo commisit filiam Imperatoris custodiendam, ne forte raperetur. Inde cum exercitu reversus est ad *Nicossiam* ubi Rex *Richardus*, sicut supradictum est, ægrotavit; qui statim ut convaluit de infirmitate castellum *Bufferentum* appellatum obsedit, & quod inexpugnabile æstimabatur.

*Richardus  
Nicossia æ-  
grotat.*

## CAP. XL.

*Imperator à Candaira in Nicossiam veniens ad pedes Regis se prosternit, & potestati ejus Cyprum tradidit.*

O Imperatoris tanta opulencia! O terra omnibus bonis optima, o castra reddita, quæ situ firmissima, nullis oppugnantium machinis viderentur expugnanda, nisi dolo præoccupata vel fame! Perpendens igitur Imperator se satis adversis urgeri, filiam scil. suam captam, ex qua pendebat anima sua, cum castris occupatis vel redditis, & se pridem à suis jam alienatis potius sustineri quam amari; advertens etiam jam nihil spei resistendi superesse, se decrevit licet inimicum de necessitate petere pacem & misericordiam. Missos igitur



*Imper. Cyprum  
seipsum &  
Regnum Ri-  
chardum dedit.*

igitur legatos ad Regem *Richardum*, ad agendam causam suam, & Regis animum ad pietatem præstandam inclinandum, à castro de *Candaira* discedens subsecutus est habitu lugubri & vultu dejectus, & veniens ad Regem ante pedes ejus se humiliavit genibus minor, asserens se misericordiæ ejus ex toto submittere, ita quod nec sibi terram retineret, vel castellum, sed ipsum de cætero haberet ut Dominum, dummodo ipsum in vincula ferrea non conjiceret. Motus Rex pietate erexit eum & sibi collateralem fecit confidere, cui & filiam suam videndam exposuit, quam cum vidisset inenarrabiliter exultans & ipsam affectuosissime amplexans pluries insatiabiliter osculatus est, lachrymis ubertim fluentibus. Hoc factum est in die Veneris proxima post festum Sancti *Augustini* & proxima ante Pentecosten. Imperatorem autem non in ferrea sed in vincula argentea conjecit.

## CAP. XLI.

*Cypro sic sibi subjugata, & à Rege ordinata, Rex iter suum præparavit, & exercitum suum ad Limozim remisit.*

**S**IC Rex obtinuit in quindecim diebus Insulam *Cyprum* & suis eam commisit inhabitandam. Turres omnes invenerat munitas, & castella referta thesauris multis, & opibus variis, cupis & vasis aureis & scutellis, ollis argenteis & caldariis & doliis magnis, fellis aureis frenis & calcaribus, nec non lapidibus pretiosis & plurimam virtutem habentibus. Præterea reperit vestes de Scarlata, & pannos sericos scematis admirandi, & pretiosissimos. Quid plura? quicquid opum variarum *Cræsus* legitur habuisse reperit Rex *Richardus* Imperatorem concessisse, & hæc omnia expeditioni necessaria, tanquam sibi procurata diripuit. Vix est enim ut divitem animum deferat possibilitas, & abundantia sequatur hominem mendicum mente. His itaque patratis remisit Rex exercitum ad civitatem de *Limazim* ubi fuerant Reginæ & familia cum farcinis, Omnem itaque classi restaurandæ diligentiam ad transfretandum jussit impendere. Imperatorem igitur Regis *Guidonis* commisit custodiæ, & filiam ejus juvenculam parvulam Reginæ suæ tradidit exhibendam, & moribus instruendam.

*Richard. cum  
exercitu Li-  
mazim rever-  
titur.*

## CAP. XLII.

*Classis Regis Richardi à Cypro versus Acon remiganti apparuit navis maxima Sarracenorum omnibus bonis referta, quam statim Rex expugnavit.*

**H**IS itaque peractis Rex festinanter ad transfretandum intendit, & farcinis dispositis & spirantibus ventis prosperis, soluta est à littore classis, Reginæ promoventur in *Buzis* cum comitatu suo in altum. In *Cypro* disposuerat Rex viros industrios custodes & bellatores, qui ei postea transmitterent necessaria victualia, frumentum & hordeum, carnes & cujullibet generis animalia, quibus *Cyprus* satis erat abundans, Et ecce fama divulgante rumor increbuit *Acon* in proximo fore capiendam. Quod cum Rex audisset alto corde suspirans, nolit inquit Deus quod me absente obtineatur *Acon* tanto tempore obsessa, & tanto gloriosius Deo animante triumphanda. Tunc cum multa festinatione se expediens apud *Famagustam* intravit unam Galearum suarum potiore, & majorem & sicut erat consuetudo dilationis impatiens prima semper processit in fronte, sequentibus undique cæteris Galeis opportunius instructis, quarum quidem hostiliter incursum non est qui merito non formidaret.



daret. Summa itaque cum festinatione ex transverso mare fulcantibus primo apparuit terra illa sancta *Jerosolymorum*, cujus castellum oculis primum occurrit *Margat* dictum postea *Tortuosa* in littore maris sita, deinde *Tripolis*, *Nepbyn*, & *Bocion*. Nec multo post apparuit turris excelsa de *Gibelath*. Postremo citra *Sidonem* versus *Baruth*, eminus apparuit navis quædam *Sarracenorum* plena, quos destinaverat *Saladinus* ex omni paganismo electos in auxilium obfessorum in *Achon*. Hi quoniam non prorsus expeditum perpendebant introitum in *Achon* propter imminentem Christianorum exercitum, paululum in mare se retrahentes captabant temporis horam, qua expeditius in portum repente irruerent. Rex navem attendens primum advocatum quendam suorum galeatorem *Petrum* de *Barris* imperavit, ut properanter remigans inquireret quisnam navi præfset. Quam cum responso reddito didicisset Regis esse *Franciæ*, Rex in impetu ferventissimo eo versus appropians, nec *Francorum* idioma, vel aliquod signum vel vexillum attendit Christianorum, quod eorum responso fidem faceret; navem autem contemplatus è proximo ejus admirabatur magnitudinis amplitudinem firmissima solidatam compagine, tribus malis altissimis fastigiata, & hinc filtro viridi illinc croceo opertam laterum planitiem, circumquaque ita decenti coaptatam apparatu quod nihil supra, omnique victualium copia refertam. Erat quidam qui diceret se apud *Baruth* extitisse quando navis illa his omnibus congestis fuerat onerata, centum viz. camelorum sarcinis omnis generis armorum, viz. magnis cumulis balistarum, arcuum, pilorum, & sagittarum, septem inerant *Sarracenorum* Admirati & octoginta *Turci* electi, & præterea omnem æstimationem excedentia omnium genera victualium. Habebant & ignem *Græcum* abundanter in phialis, & ducentos serpentes perniciosissimos, in exitium Christianorum paratos. Destinatis igitur aliis certius inquisitis, cum se variata à superioribus assertionem respondissent esse *Geneenses*, *Tyrum* tendentes, & supra ea alteratione responsi cunctis ambigentibus, ecce quidam Galeatorum nostrorum constanter asserbat sibi constare navem esse *Saracenorum*, inquirenti Regi respondit caput inquit meum gratis abscindendum, aut in stipite me suspendendum concedo, si non hanc jam probavero vobis testibus navem esse *Saracenorum* certissimis argumentorum indiciis, mittatur itaque properanter altera post eos Galea jam festinanter abeuntes, & nullum eis salutationis ab ipsis proferatur eulogium, sicque probabitur cujus intentionis fuerint vel credulitatis. Imperante Rege navem illam Galea velocissimo subsequitur remigio, cumque jam lateraliter nautis illis insalutantes remigarent, hi qui in navi erant in ipsos arcubus pila jaciebant & balistis. Quod Rex attendens navem jussit instanter oppugnari: volantibus igitur hinc inde in alterutrum imbrium more missilibus, navis illa laxatis remorum tractibus, motu jam agebatur modestiori, nec enim ventus sufficiebat. Galeatoribus igitur nostris licet frequentius cursu citiori navem ambientibus nullus pro voto patebat scrutiniis aggressus proficiens. Tanta videbatur navis soliditate compacta, robustioris materiæ, & bellatorum munita præfidiis sine intermissione jaculantium, & sese fortiter defendentium. Nostri itaque molestius tela à tanta supereminencia navis emissa ferebant, nonnihil enim erat motibus inniti naturalibus, facilius quidem est conteri subjecta de supraveniente pilo, cujus est naturaliter ferri dorsum. Unde desperabilius hæsitantes nostri sese remissius agebant, quid super his invicti Regis *Richardi* censeret absoluta magnanimitas, qui fortiter exclamans suis ait. Nunquid navem intactam & illæsam sustinetis abire pro pudor! post tot triumphos exactos irrepente desidia ceditis ignavi, nondum quiescendi tempus advenit, dum restant hostes, & quos fors obtulit ultro, noverit revera universitas vestra vos omnes in crucem suspendendos, vel ultimis afficiendos suppliciis si hos sustinueritis abire. Galeatores igitur nostri de necessitate facientes virtutem certatim se miserunt in mare, navemque subeuntes implicabant funibus gubernacula ut navem inclinarent & progressum impedirent, multa quidem sollicitudine & instantia irrepentes, quidam



*Richardus  
navem sub-  
mergi jubet.*

dam tamen apprehensis rudentibus navem infilierunt. Quos *Turci* pertinaciter excipientes sine mora trucidarunt amputantes hinc brachia illinc manus vel capita introeuntium, corpora quoque projecerunt in mare. Quod cæteri videntes, ex ira fervente & zelo ultionis concipientes virtutem, acriori sæviebant insultu, & navis transcendentes tabulata se in ipsos *Turcos* ingerebant jugiter cedentes sibi fortiter resistentes. *Turci* nimirum ex desperatione concipientes audaciam totis viribus sibi imminentes repellere tentabant Galeatores, hinc pedem amputantes illinc manum vel etiam capita quampluribus. Galeatores vero tandem toto nisu irruentes usque in ipsam navis proram *Turcos* propulerunt cedentes. *Turci* vero ab ipsius navis interioribus prorumpentes resistebant conglobati, eligentes aut fortiter mori aut adversarios viriliter repellere. Erat quidem *Turcorum* juvenus eximia, bellis apta, decenter armata. Pugnatur utrinque diutius, passim prosternuntur utrique, nostros denique, dum fortius instarent *Turci*, omni nisu resistentes communicata virtute retrocedere compulerunt & à navi exire. Galeatores itaque se in galeas recipientes navem undique circumeuntes solcite perquirunt qua parte commodior pateret assultus. Rex vero suorum attendens discrimen, & quod non de facili salva navi *Turci* possent obtineri cum armis & victualibus & cæteris omnibus quæ in navierant, jussit ut unaquaque galea navem suis perpungerent calcaribus, i. e. rostris ferratis. Galeæ itaque retroactæ multiplicatis remorum impulsibus cum impetu feruntur in latera navis perforanda, & statim navis soluta est, & fluctibus pervia cœpit aquis influentibus submergi. *Turci* autem ut mortem in navi pereuntes evaderent, exiliebant in fluctibus nihilominus perituri, quos nostri armis accipientes hos occidebant illos submergebant. Rex xxxv. vivos retinuit admiratos scil. & machinarum conficiendarum peritos, omnes alii perierunt; & arma perdita, serpentes submersi, & marinis fluctibus in diversa jactati. Si navis illa in obsidionem *Achonensem* salva pervenisset nunquam à Christianis capta fuisset. Hoc autem procuravit Deus in infidelium detrimentum, & Christianorum sperantium in se subsidium, per ministerium Regis *Richardi*, cui in rebus bellicis jugiter pro voto prospera forte succedebat. *Sarraceni* eminus à montanis quod acciderat prospicientes, ultra modum desolati hoc *Saladino* notificarunt, qui statim ut audierat barbam suam arripiens præ ira & furore depilavit, & postmodum in hæc verba suspiriosus prorupit. O Deus! num *Achon* perdidisti & homines meos charos electos in quibus habebam fiduciam? nimis amara forte premor. In exercitu *Sarracenorum*, referentibus illis qui hoc viderant, fit ploratus & ululatus magnus & multus, & super hoc infortunio vehementer deducunt lamentationem; quod præ mœrore capillorum suorum tricas refecarent, & vestimenta scinderent, & horæ temporis & fatis constellationis maledixerunt, qua in *Syriam* venerunt. In prædicta namque navi perierat omnis eorum juvenus præcipua, in qua habebant confidentiam.



## Liber Tertius.

## CAP. I.

*De adventu Regis Richardi ad Achon.*

**S**ic nave pessundata & rebus prospere gestis, Rex *Richardus* cum omni sua sequela gaudenter & alacriter versus *Achon*, quo ferebat eum desiderium suum properabat, & aspirante vento prospero proxima nocte ante *Tirum* fixis anchoris classis persistebat. Mane classe soluta & velis elevatis, cum non multum progressus fuisset apparuit locus ille, de quo prædictum est, *Candalion*, deinde transmissa *Casella Ymbrici* eminus apparuit civitatis *Achon* turris excelsa; & sic paulatim cætera civitatis propugnacula. *Achon* circumquaque obsidione cingebat populus infinitæ multitudinis, populus ex omni natione Christianorum, quæ sub cœlo est, populus ex omnibus Christianis præelectus, bellis aptior & laborum assiduitati; *Achon* nimirum obsederat populus jam longo tempore, multis affictus tribulationibus, laboribus assiduis, & famis inedia, & pluribus adversitatum generibus, juxta quod in superioribus in parte distinguitur. Apparuit præterea à parte eorum exteriori *Turcorum* exercitus, quorum non erat universus, cooperiens montes & valles, colles & camporum planities, fixis passim eorum tentoriis diverforum scematum radiantibus coloribus. Vident quoque papiliones ipsius *Saladini*, & tentoria fratris ipsius *Safahadini*, & procuratoris paganismi *Kahadim*. Ipse etiam observabat maritima & portus maris, & frequentes in Christianos moliebantur & gravissimas incurfiones. Rex *Richardus* omnem eorum æstimando speculatur exercitum, qui cum delatus in portum applicuisset, Rex *Franciæ* & totus incolarum exercitus, magnates, proceres & potentes processerunt ei obviam, excipientes cum gaudio & exultatione, cujus nimirum adventum admodum desideraverunt.

*Richardus  
tandem ad  
Aconem ap-  
pulsit.*

## CAP. II.

*De gaudio & cantibus & processionibus quæ fiebant pro adventu Regis Richardi.*

**P**roximo Sabbato ante festum beati *Barnabæ* Apostoli in Hebdomada Pentecostes, cum Rex *Richardus* cum comitatu suo apud *Achon* applicuisset, commota est terra à fremitu exultantium Christianorum. Omnis enim populus lætabatur eximie fausta acclamans, concrepitantibus trompis, deducitur in jubilo, & fit lætitia magna in populo, quia venit desideratus cunctis gentibus. *Turci* vero obfessi versa vice de ejus adventu nimium exterriti & desolati sunt. Perpendebant enim exitus suos & reditus de cætero cessare à multitudine Galearum Regis. Duo Reges à portu sese mutuo deducentes gratanter officiosis alterutrum venerabantur obsequiis. Deinde Rex *Richardus* in tentoria sibi præparata se recipiens de gerendis negotiis disponebant. Multa quidem meditabatur sollicitudine qua instantia, quo artificio, quibus Machinis civitas expeditiori comprehenderetur compendio. De cujus adventu nec calamus absolute poterit populi describere lætitiam, nec cujusquam lingua retexere, noctis etiam serenitas aere solito puriore eidem æstimabatur arridere: sed & hinc trumpæ perstreperunt, illinc intonant tubæ, hinc acutius



modulantes concinunt tibicines, illinc timpana concrepitant, five gravioribus harmoniis fufurrant Heroïnæ; & tanquam ex variarum vocum difsonantiis mulcens auditum coaptatur Symphonia; nec enim inveniretur de facili qui more fuo ceflaret à laudibus & gaudio: aut enim cordis teftantes lætitiā reſonant populares cantiones, aut antiquorum præclara geſta, priorum exempla recitabantur in incitamenta modernorum. Hi cantantibus vina propinant in vafis pretioſis, alii quibuſlibet indifferenter accipientibus puſillis cum majoribus ſummo cum tripudio noctis tranſigebant inſtantiam. Acceſſit in augmentum lætitiæ, quod *Cyprum Inſulam* tam commodam tam neceſſariam Rex *Richardus* noſtræ ſubjugaffet ditioni, quæ tam oportune tantæ ſerviret exercitui. Nihilominus in teſtimonium exortæ lætitiæ in cordibus omnium, & ad removendas noctis tenebras, ubique cerea ſcintillabant lampades, luminaria flammantia, ut multiplicato fulgore nox diei videretur uſurpaſſe claritatem, ita ut totam vallem *Turci* reputarent igne ſuccenſam.

## CAP. III.

*Piſani Regi Richardo ſe tradunt, Turci noſtros ad bellandum provocant.*

**P***iſani* Regis *Richardi* attoniti magnificentia & gloria, venientes ante eum obtulerunt ei homagia ſua & fidelitates, ejus ſe gratis obligantes imperio, & mancipantes obſequio. *Turci* vero verſipelles Regiæ invidentes dignitati, vel ut novam ex ejus adventu aſtute ſimularent audaciam, vel ut ad acceleratum provocarent congreſſum, Dominica mane quidam *Turcorum* tanquam exercitii cauſa ſe exhibebant impetendos extra exercitum oberrantes, & tela in incertum mittentes, qui etiam ſe quandoque propius ingerentes foſſæ videbantur profunda tranſituri, quibus ſcil. præſumebant noſtros infeſtantes moleſtiis, & perverſis irritantes importunitatibus.

## CAP. IV.

*Quæ donaria uterque Rex militibus egentibus confert & de infirmitate Regis Richardi.*

*Multi comites Regem Franciæ comitati ſunt.*

*Rex Franciæ ſingulis menſibus 3. aureos militibus erogat. Richardus vero R. Angliæ quatuor.*

**E**X adunato tanto utriuſque Regis comitatu, fit innumerus ex omni multitudine Chriſtianorum exercitus. Cum Rege *Franciæ* qui illuc venerat in Octavis Paſchæ venit Comes *Flandriæ*, Comes *Sancti Pauli Willielmus de Garlanda*, *Willielmus de Barris*, *Drogo de Amiens*, *Willielmus de Mirlo*, Comes *Pethen*. Cum ipſis etiam eo rediit ille, de quo ſupradictum eſt, *Marchiſus*, qui *Tyrum* tenebat, & aſpiraverat ad Regnum *Jeruſolimorum*. Sed quid ſinguli memorentur, non reſidet vir magnæ auctoritatis vel famoſus in *Franciæ*, qui non tunc venerit vel poſtea ad expugnandam *Achon*. Ad ſequentem igitur Pentecoſten venit Rex *Richardus*, ſicut prædictum eſt, cum exercitu & virtute bellorum, qui poſtquam didicerat Regem *Franciæ* ſingulis menſibus erogafſe ſingulis militibus tres aureos, & inde obtinuifſet omnium favorem & gratiam, Rex *Richardus* ne quem in quibuſcunque gerendis videretur habere ſuperiorem, imo nec parem, voce præconaria in omni juſſit exercitu denunciari, ut milites ſinguli cujuſcunque regionis oriundi, qui ſtipendiis egerent ab ipſo reciperent ſingulis menſibus quatuor aureos certa conditione ſtatutos. Laudem ergo Regis *Richardi* efferebant univerſi, ipſum prædicantes aliis quibuſcunque merito præcellere & gratia, qui cunctos etiam ſuperavit in donariis & magnanimitate. Hic, inquit, quem toto deſiderio expectavimus, quando igitur



igitur fiet assultus? venit jam Regum præstantissimus, & præ omnibus Chrifticulis bellorum experitior, modo fiat voluntas Dei in Rege nimirum *Richardo* spes omnium pendeat. Cum autem per aliquot dies ibi moram fecisset, gravissimam incurrit ægritudinem, quæ vulgo *Arnoldia* vocatur, ex ignota Regionis constitutione, cum ejus naturali complectione minus concordante. Nihilominus vero petrarias suas interim & mangunellos, & castellum ante portam civitatis fecit erigere, omnem adhibens sollicitudinem conficiendis machinis & expediendis.

## CAP. V.

*Rege Richardo infirmante, Rex Franciæ urbem viriliter oppugnat, sed Salhadino exterius fossatas oppugnante, Turci inclusi viriliter obstant, & machinas Regis incendunt, unde Rex infirmatur.*

**R**EX Franciæ tantam assultus celebrandi fastiditus dilationem, Regi *Richardo* mandavit tempus opportunum jam instare, quo fieret assultus, & quoque voce præconis ad id aggrediendum moneretur exercitus. Rex autem *Richardus* his exequendis significavit adhuc se non posse vacare tum propter urgentem corporis molestiam, tum propter hominum suorum absentiam per ventorum adversitatem, sed qui in proxima sperabantur classe venturi, & ad machinas conficiendas materiem allaturi: Rex vero Franciæ nec ob id censens à proposito desistendum voce præconis per exercitum faciendum denunciari jussit assultum. Die itaque Lunæ proxima post festum nativitatis Sancti *Johannis Baptiste*, Rex Franciæ erectis machinis omnes suos jussit armari. Inæstimabilem ibi videres armatorum multitudinem armis decenter instructam, tot nitentes hamatas loricas, tot galeas rutilantes, tot equos nobiles hinnientes, tot albicantia operimenta, tot milites electos, quot nunquam visi fuisse æstimantur, tot satellites maximæ probitatis & audaciæ, tot penuncellos, tot banerias variorum operum. Ordinatis igitur qui fossatis insisterent defendendis propter irruptionem *Salhadini*, & exercitus *Turcorum* exterius imminentium, gens armata muris civitatis appropiant, & ferocissimos ingerunt assultus, balistis & machinis sine intermissione telajacentes & lapides. Quod cum *Turci* persentissent inclusi tanto tumultuantes boatu & clangore buccinæ efferebant clamores ad sidera, ac si micantibus fulgoribus æther tonando perstreperet, quidam enim eorum his tantum erant deputati ministeriis sonare pelves & timbras, pulsare timpana, & aliis diversis modulis tumultuare ad significandum ex conducto *Saladino* & exercitui exteriori, quo venirent eis in auxilium. Qui viso & audito catervatim exteriores irruunt *Turci* congerentes cujuscunque materiam generis ad fossata complenda, quo facilius transirent nostros oppugnaturi, sed ad effectum id producere nequibant. *Gaufridus* namque de *Liziniaco* miles egregiæ probitatis restitit eos, & à Barris quas jam super nostros occupaverant præstantissime repulit, & plusquam decem occidit quadam quam manu gestabat bipenni, nullus enim quem percusserrat vivus evasit, quamplures etiam vivos retinuit tanta se gerens agilitate & constantia, ut à tempore illorum militum famosorum *Rollandi* & *Oliveri* nullus tanta dignus laude in ore omnium prædicaretur. Barram quidem recuperant sed maximo cum labore & angustia, nam propter *Turcorum* multitudinem sese pertinaciter ingerentium diutius ancipiti congressu dimicabant. Conferto tam gravi prælio & importabili conflictu, & horrida contendentium collisione & clamore tam valido, ut hos qui civitatem oppugnabant, & fossatis complanandis extra muros civitatis ferventius instabant oporteret retrocedere & assultum omnino dimittere. Nec enim poterant sufficere & civitatis oppugnationi & suæ defensioni à facie irruentium à foris *Turcorum*. Plures quidem



*Francorum  
generalis op-  
pugnatio fru-  
stranea.*

quidem *Francorum* telis balistarum & lapidum jaculis & ignis *Græci* infusione ibidem perempti sunt : & erat populi planctus magnus & ululatus lamentantium & dicentium. O quod tanto opere Regum expectamus adventum ! heu spes frustrata ! jam veniunt & nihil proficimus, sed & solito gravius atterimur, & quæ speravimus infructuose expectavimus. Nostreis igitur *Francis* arma ponentibus, *Turci* turpiter convitiantes ignominiose improperebant, quod quæ inchoassent non potuerunt *Franci* consummare. Ignem insuper *Græcum* jaculantes machinas Regis *Franciæ* cura sollicita fabrefactas, & alia instrumenta bellica paulatim dissipaverunt. Unde Rex ipse *Franciæ* tanto iræ furore turbatus est quod præ tristitia decidit in languorem, sicut dicebatur, & equum non ascendebat ex desolatione & confusione.

## CAP. VI.

*Ex Regum infirmitate desolatur exercitus & plurimum  
Nectarum adventu consolatur.*

*Comes Flandrensis obit.*

**I**gitur ex Regum languoribus contabescebat exercitus ex nimia mœstitudine & desolatione, quia non erat jam princeps aut dux, qui præliaretur bella Domini. Comes *Flandrensis* in cumulum mœroris jam immatura morte decesserat. Hinc nimium conturbato exercitu, hoc tantummodo accessit ad consolationem plurimam adventus Nectarum. Venerant autem placida navigatione in auxilium Christianorum Episcopi & magnates quamplurimi, singuli suorum comitati sequela, quorum hæc sunt nomina, Episcopus *Eneverriensis*, *Rogerus de Toony* & plures fratres & consanguinei cognominati de *Cornebu*, *Robertus de Novo Burgo*, *Jordanus de Humez*, *Cambrarius de Tancarville*, Comes *Robertus de Levecestria*, *Girardus de Talebor*, *Radulphus Taisson*, milites etiam agnominati *Torolenses*, Vicecomes de *Castello Dini*, *Bertramus de Uerdun*, *Rogerus de Hardencort*, & milites de *Praels*, *Garinus filius Geroldi*, & illi de *Mara*, *Henricus filius Nicolai*, *Ernaldus de Magna Villa*, *Stutevillenses*, *Willielmus Martel*, *Willielmus Valer*, *Willielmus Bloez*, *Godardus de Loreora*, *Rogerus de Satya*, *Andreas de Chabenguy*, *Hugo Brunus*, *Gaufridus de Rancona*, *Radulfus de malo leone*, *Willielmus de Rupibus*, *Gaufridus de Lancellis*, *Hugo de Fierste*, hic capiendæ *Cypro* inerat & inde ad *Achon* jam pervenerat. Duo Reges infirmabantur, veruntamen Dominus eos reservaverat ad adiutorium Christianorum & civitati recuperandæ.

## CAP. VII.

*Petraria duorum Regum, & petrariæ exercitus fidelium turrim Maledictam,  
& magnam partem muri conquassant & dissipant.*

*Rex Franciæ  
statim atque  
convaleuit ma-  
chinis confici-  
endis laborem  
impendit.*

**R**ex *Franciæ* citius convaleuit de infirmitate & machinis intendebat conficiendis, & petrariis aptis locis applicandis, quas nocte dieque incessabiliter instituit jaculari; quarum unam habuerant peroptimam, quam vocavit malam vicinam. *Turci* vero infra civitatem alteram habebant quam vocabant malam cognatam, quæ vehementibus jactibus frequentius dissipare solebat malam vicinam, quam Rex reædificabat quousque jugiter jaciendo principalem civitatis murum in parte diruit, & turrim *maledictam* conquassavit. Hinc & petraria Ducis *Burgundiæ* non in vanum jaciebat, illinc Templariorum petraria *Turcos* vastabat, egregie, & Hospitalariorum *Turcis* metuenda nequaquam cessabat à jactibus. Præter has quoque fuit quædam petraria commu-

nicatis



nicatis impensis compacta, quam vocitabant, petrariam Dei. Juxta illam prædicabat presbiter assidue, vir magnæ probitatis, multam conquirens mone-  
tam ad eam jugiter restaurandam, & ad conducendum qui lapides congrega-  
rent jaculandos. Per ipsam demum ad æstimationem duarum perticarum  
juxta turrin maledictam conquassatus est murus. Comes *Flandriæ* petrari-  
am habuerat electam, quam post ejus mortem habuit *Richardus* Rex & præte-  
rea minorem electam. Hæ duæ sine intermissione jaciebant versus turrin  
juxta portam quendam, quam *Turci* frequentabant, donec turris medietatem  
diruerunt. Et præter has fecerat Rex *Richardus* alias novas duas operis electi  
& materiæ, ineffabiliter destinatas percutientes quorumcunque metam loco-  
rum. Ædificaverat etiam machinam firmissimis compactam compagibus,  
gradibus ad ascendendum dispositis, vulgo dictam *Berefredum*, sese nexibus ar-  
ctius complectentibus, coriis opertam & funibus & solidissimis ligneis tabula-  
tis, nec petrariarum jactibus dissolvendam, nec ignis Græci profusione nec  
cujuscunque materiæ celsuram injuriis. Duos etiam præparavit Manguellos  
quorum unus tantæ fuerat agilitatis & vehementiæ quod jactus ejus perveni-  
rent in interiores macelli civitatis plateas. Petrariæ itaque Regis *Richardi*  
diu noctuque jugiter jaciebant, de quarum una certissime constat quod unius  
lapidis jactu prostraverat in mortem XII. homines, idem lapis ad *Salahadinum*  
transmissus est videndus, quem ille nobilis Rex *Angliæ* illuc attulerat à *Mes-  
sana* civitate, quam ceperat, tales filices marinos & lapides limpidissimos ad  
perimendos *Saracenos*, quorum ictibus nihil potuit resistere, quin quassaretur  
vel in pulverem minueretur. Rex vero acrius febribus molestatus lecto de-  
cubuerat plurimum desolatus, quod *Turcos* videret nostros frequentius provo-  
cantes, & importunius se ingerentes, quibus præ infirmitate congregari nequi-  
bat, gravius enim torquebatur ille *Turcorum* importunis irruptionibus, quam  
ferventissimis quibus urebatur febribus.

## CAP. VIII.

*Turci igne Græco comburunt omnes machinas & Cattum & Cereleiam  
Regis Franciæ oppugnantis urbem.*

CIVITAS *Achonensis* situ fortissima & *Turcorum* electorum munimine tutissi-  
ma, difficillime videbatur impugnatione obtinenda. Plurima quidem  
prius sollicitudine operam frustra machinis impenderant *Franci* conficiendis,  
& instrumentis fabrilibus ad muros diruendos, quia quæcunque *Franci* mag-  
nis procuraverant impensis, *Turci* repentinis ignis Græci perfusionibus dissol-  
vebant, vel prorsus edacibus absumeabant incendiis. Nam & inter alias ma-  
chinas & instrumenta, quæ fecerat Rex *Franciæ* ad subvertendum murum civi-  
tatis, magno præparaverat studio instrumentum quoddam muris ascendendis  
applicandum, unde & illud Cattum nominabant, eo quod more catti surre-  
pendo muro inhæserit occupando. Aliud quoque fecerat instrumentum ex  
cratibus virgis rigentibus firmissime consolidatis, quod *Cerleiam* vocabant.  
Sub hac craticula crudis coriis vestitæ Rex sæpe sedere consuevit balistæ ja-  
cula solícite contorquens, & *Turcorum* explorans super murum eminentium  
adventum, quos inter propugnacula feriret improvidos. Contigit autem  
die quadam dum instarent *Franci* solíciti Catto muris applicando, ecce *Turci*  
pertinacia vehementi dejicientes à muris ligni ficcioris struem supra Cattum  
congerebant, nec mora ignis Græci copiam desuper jaculabantur, & super cra-  
ticulam, quam tanto opere præparaverat, & insuper petrariam eo versus jaci-  
entem ejecerunt, & ecce subito sunt omnia correpta igne, & petrariæ jactibus  
dissipata. Unde Rex *Franciæ* immoderato turbatus furore in universos suæ  
ditioni addictos cœpit horrida imprecatione maledicere, & probrosis deho-  
nestare

*Francorum  
omnes Ma-  
chine igne  
Græco con-  
sumptæ.*



neſtare convitiis, quod non expeterent condignam ultionem à *Sarracenis* in ſe talia perpetrantibus. In ipſius iracundiæ fervore, eadem die jam adveſperante, ſub voce præconis propoſuit edictum in craſtino faciendum aſſultum.

## CAP. IX.

*Exercitu Regis Franciæ murum ſuffodiente Chriſtiani intra foſſatum poſiti viriliter repellunt Turcos ab exterius ſe graviffime impugnantes.*

*Salahadini  
vana jaſta-  
tio.*

**M**ANE itaque cunctis armatis diſponunt ad exteriora foſſata cuſtodes virtutis eximiæ præcipui & præelecti, propter contingentes importunitates & *Sarracenorum* repentinas incurſiones. *Salahadinus* quippe jaſtaverat eadem die ſe foſſas potenter tranſitutum, quantæ fuiſſet virtutis ea demum die in Chriſtianorum contritione oſtenſurum. Veruntamen verbo non ſtetit nec venit, ſed exercitus ſuus ferociſſimus & pertinax cum *Kahadino* procuratore ejus conglobatim ſe in foſſam ingerens contendebat violenter pertranſire, quibus *Franci* non ſegniter reſiſtentes abigere pertentabant. Congredientium fit utrorumque ſtrages non modica, *Turci* relictis equis pedites incedebant expeditius, & conſerto gravi prælio, gladiis ſtriſtis comminus pugnatur, & pugionibus & bipennis ancipitibus; nec non & clavis dentibus hirsutis acutiſſimis. Hi feriunt, illi cadunt, iſti exclamant, illi gemunt, perimuntur indifferenter quamplurimi, ingruunt *Turci* improbiſſimi, quos rejiciunt Chriſtiani præſtantiſſimi, tanto vero laborioſius, quanto pertinacius iſtant *Turci* graviiori multitudine. Æſtuant utrique duplici fervore, æſtus quippe temporis erat. Pars exercitus ad expugnandam civitatem deſtinata inceſſabiliter iſtabat vel tela mittere vel muros ſubfodere, vel crebris ictibus machinarum obtundere, vel muris ſuperandis irrepere. Quorum tantam animoſitatem *Turci* formidantes incluſi elevato in altum ſigno *Salahadini* *Turcis* exterioribus intimabant, ut *Francis* irruerent amovendis, aut properanter venirent eis in auxilium. Quo comperto *Kahadinus*, *Turci* exteriores ſe pertinacius ingeſſentes, totis viribus ſe in noſtros agentes foſſam violenter impleverunt, quibus noſtri nihilominus repugnantes irruentibus ſe oppoſuerunt, pro muro Deo protectore impenetrabili, & eos repulerunt. Interea Regis *Franci* foſſores cuniculis ſubterraneis ſub terra paulatim progredientes, eo uſque profeſcerant ut muri extrema fundamenta diruerent, & illam interruptionem lignis igne ſuppoſito repleverant, nec mora lignis igne conſumptis, quibus murus ſuſtentabatur, magna pars muri ſubſedit, & paululum inclinans, nec prorſus ad terram decidens. Eo verſus accurrerunt Chriſtiani plurimi, ut intrarent, & *Turcorum* aciem ut repellerent, O quot ibi videres Banerias, & quot ligna multiformia, tantam *Turcorum* improbitatem ignem *Græcum* in noſtros jaculantium, hinc allatis ſcalis contendebant *Franci* murum non omnino proſtratū tranſcendere, illinc *Turci* è converſo ſcalas applicantes interruptionem muri defendere.

## CAP. X.

*Albericus Clementis cum murum per ſcalam aſcendiſſet à Turcis occiditur.*

**I**Bi contigit factum memorabile, nequaquam ſilentio prætereundum. Erat vir famoſus prædicandæ virtutis & præſtantiæ nomine *Albericus Clementis*, hic perpendens *Francos* laborioſa deſudantes iſtantia minus proficere, in ſpiritu



spiritu vehementi vires exercens ait, hodie moriar aut in *Achon* Deo volente ingrediar. Hæc dicens scalam audacter scandit, & muri nactus summitatem irruentes undique *Turcos* complures occidit. Ipsum *Franci* per scalam secuturi, præ nimia multitudine corruerunt in terram, quia scala tot ferre nequibat, quorum quidam ad mortem contriti sunt, quidam læsi plurimum extracti sunt. Ad quorum casum exclamantes *Turci* tanto gratiori applaudebant lætitia, quanto graviore confundebantur infortunio. *Albericum Clementem* *Albericus Clementis à Turcis occisus.* solum in summitate muri relictum *Turci* vallantes oppresserunt, telis undique confodientes innumeris, cujus est sic veritate confirmata sententia, qui, sicut prædixerat, eadem die martyr occubuit dum *Achon* auxilio destitutus intrare nequibat. Pro cujus occasu totus desolatus exercitus prætermisso assultu lamentationi super ejus mortem vacavit & planctibus, maximæ quippe fuit vir auctoritatis & nominis & eximiæ virtutis.

## CAP. XI.

*Turris maledicta exterius à Francis interius à Turcis è contra fodientibus suffoditur.*

**N**Ec multo post fossores *Francorum* fodiendi studio turrin maledictam meatu subterraneo diruerant & lignorum truncis suppositis suspenderant. *Turci* autem ex adverso sub terra fodientes ad eundem fundamenti locum pervenerant, & percussio foedere pacis inter utrosque ita convenit, ut *Turci* abirent illæsi, & Christianorum quidam quos tenuerunt in vinculis captivi, similiter ipsis consentientibus evaserunt soluti. Quod *Turci* comperientes vehementer contristati cuniculos quibus exierant obturaverunt.

## CAP. XII.

*Rex Richardus licet valetudinarius cum suis urbem impugnat. Balista propria manu plures occidit, fossoribus & petrariis turrin quandam dejecit.*

**R**Ex *Richardus* nondum plene de infirmitate convalescerat; veruntamen gerendorum sollicitus magnopere vacabat urbi capiendæ. Procurabat igitur civitatem à suis oppugnari, si forte pro voto gratia divina proficeret. Fecit itaque fieri craticulam multiplicatis nexibus consolidatam, vulgo dictam *Circleiam*, studiosissimo compactam apparatu, quam in fossatum extra murum civitatis statuit producendam. Subtus erant sui balistarii peritissimi, seque illuc fecit deferri in culcitra ferica, ut *Sarracenos* sua honoraret præsentia, & suos animaret ad pugnandum. Inde sua utebatur balista cujus erat peritus, & plures peremit jaculis emissis & pilis. Sui quoque fossores meatu subterraneo turris illius, ad quam petrariæ suæ jaculabantur, fundamenta quæritabant, de quorum dehiscente diruptione, cum lignorum materiem intrusam igne succenderent, crebris etiam petrariarum ictibus, subito corruit fragore.

*Rex Richardus plures Turcas sua manu peremit.*



## CAP. XIII.

*Homines Regis Richardi viriliter urbem impugnantes Turci viriliter repellunt, sed armatum armis Alberici Clementis Balista Regis Richardi occidit.*

*Rex Richardus proposito præmio militum animos erigit.*

**P**Erpendens itaque Rex processus rerum difficiles, & adversarios bellicosissimos, & quod in negotiorum articulis opus est virtute, commodius ratus est juvenum animos propensius præmiis propositis allicere, quam angariis præceptorum urgere, quem enim non trahat odor lucri? Præconem igitur statuit clamare, ut, quisquis unam petriariam à muro juxta prædictam turrim extraheret, duos aureos à Rege perciperet. post promisit tres aureos, demum quatuor, ut pro singulis, quot quisque extraheret à muro, lapidibus, quatuor pro mercede reciperet aureos. Tunc videres juvenes profilire, & magnæ virtutis satellites in murum irruere, & lapidibus extrahendis, tam laudis avidi quam mercedis, certatim insistere, qui, inter tela quoque adversariorum, audaciter elaborant murum diruendo proficere, quorum autem vulnerati plurimi defecerunt inutiles, alii metu mortis cessare periculo, nonnullos *Turci* viriliter repulerunt à muro deorsum, quosdam nec clipei valuerunt protegere vel arma. Nimia quidem erat muri celsitudo, & crassitudo non modica. Veruntamen viri virtutis animositate superantes periculum quamplurimos lapidum extraxerunt à muri soliditate, in quos *Turci* catervatim irruentes à muris contendunt ipsos dejicere, & dum laborant adversarios repellere, armorum immemores exhibent improvide se telis expeditos pene inermes. Unus *Turcorum* supra memorati armatura *Alberici Clementis*, qua se munierat, male glorians, dum in eminentiori muri loco in nostrorum invidiam jactanter promineret, Rex *Richardus* vulnere lethali jaculo balistæ pectoris ampla transfixit, super cujus occasu cæteri *Turci* condolentes indifferenter accurrunt, ut viz. ipsum ulciscerentur, & propter eorum instantiam minus dolore cæderentur. Se nimis audaces exhibent tanquam jacula non formidantes vel missilia, ferunt, impellunt, nostrisque ut furentes insistent, quibus nunquam erant cujuscunque credulitatis viri præstantiores, & ad defensionem aptiores, ipsorum gesta dum recolit obstupescit memoria. In illius congressionis articulo, quantumcunque tenax armatura, vel lorica duplex, sive perpunctum, pilis Balistarum tanta jactis violentia resistere non valebant. *Turci* nihilominus fodiebant interius, ut & nostros oporteret retrocedere, tunc *Turci* cœperunt clamare vehementer tanquam obtinentes propositum.

## CAP. XIV.

*Armigeri nostri & Pisani prædictam turræ conquassatam viriliter ascendunt, ut in urbem irrumpant, quos Turci tam armis quam igne Græco cum animositate repellunt.*

*Christiani urbem frustra impetunt.*

**D**Enique crebris petrariarum nostrarum jactibus, & lapidum avulsioni-  
bus, turri prædicta prostrata. Cum jam à fodiendo homines Regis *Richardi* quiescerent, & assultus conquievisset, tunc se armaverunt Armigeri nostri, avidi laudis & victoriæ, bellis apti & expediti. Ibi erat Banneria Comitum *Leicestriæ*, & banneria *Andree de Cabegin*, & *Hugonis Bruni*. Eo quoque venit decentissime instructus Episcopus *Salesburienfis*, nec non & quamplurim



plurimi alii. Hora erat quasi tertia, hora scil. prandii, qua se applicuerunt, viri virtutis, & præstantes armigeri turrin prædictam oppugnaturi accesserunt, quam & statim audaciter ascenderunt. Quos videntes *Turcorum* speculatores exclamare coeperunt, & ecce commota civitate raptim arma fumentes accurrunt. *Turci* densissime, & armigeris agillime se agentibus se ingerunt. Contendunt Armigeri in civitatem intrare, *Turci* repellere, conglobatim congregiuntur, utrinque comminus pugnatur, conferuntur dextræ dextris, colliduntur gladii gladiis, hi se mutuo comprehendunt, hi propellunt, hi feriunt illi cadunt. Armigerorum pauci erant. *Turcorum* multitudo jugiter crescebat ignem *Græcum* etiam jaculantium in ipsos, cujus incendium tandem non ferentes Armigeros retrocedere coegit, & à turri descendere, quorum etiam nonnulli armis cæsi sunt & incendio perniciosissimo combusti. Denique *Pisani* laudis avidi vel ultionis potentissime turrin ipsam ascendunt, sed & in ipsos irruentes *Turci* velut furentes debacchati sunt vehementer, ut quamvis *Pisani* præstantissime se gererent, tamen eosdem *Turcos* effrænatos demum su-  
Pisani quoque  
repulsi.stinere non valentes oporteret retrocedere turrinque relinquere. Nunquam enim illi genti *Turcorum* similis visa est in rebus bellicosis adeo efficax. Ea vero die capta civitate consummaretur negotium, si totius exercitus communicata virtute & prudenti consilio pugnatum fuisset, exercitus vero pars multo major eadem hora prandebat, & operis illius negotium præsumptuose fiebat, unde non datum est proficere.

## CAP. XV.

*Commendatio oppidanorum Turcorum qui tamen ex desperatione mittunt Mestoc & Caracois ad Reges nostros pro dilatione habenda, quousque Salahadinum convenient, sed frustrati redeunt.*

Quid de gente illa incredula dicendum quæ ita tuebatur civitatem. Miranda quidem erat & virtutum bellicarum meritis, & totius genere probitatis, quæ, si recta fuisset fide insignita, melior ea, secundum hominem dico, non esset. Attamen formidabant nostrorum animositatem, nec immerito, cum vidissent de totius Christianitatis amplitudine electos eis imminere destruendis, muros & partim dirutos, partim conquassatos, gentem suam ex parte magna mutilatam, occisam, vel vulneribus debilitatam. Veruntamen infra civitatem supererant ad huc sex millia *Turcorum*, & *Mestos*, & *Caracois* eorum majores, qui tamen de venturo desperabant auxilio. Perpendebant Christianorum exercitum plurimum desolatum, super mortem *Alberici Clementis*, & super morte filiorum & consanguineorum, qui ceciderant in bello, & quod parati essent, ut aut fortiter morerentur, aut *Turcos* obtinerent, nihil medium arbitrantes honestum. Sane communi consilio & assensu petierunt inducias obseffi, ut statum suum *Salahadino* nunciarent, quatenus juxta gentilitiæ ritum superstitionis olim eis præstitam securitatem, vel eis cito transmitteret auxilium, vel honorifice exeundi impetraret licentiam. Sub hujus petitionis gratia duo *Sarracenorum* nobiliores, & totius paganismi nominatissimi *Mestocus* & *Caracois* accesserunt ad Reges nostros, spondentes, nisi citum *Salahadinus* eis destinaret auxilium, reddendam civitatem, ea conditione ut libere exirent omnes *Turci*, qui erant infra civitatem obseffi, cum armis suis, & omnibus quæ eorum erant, quo vellent ituri. Hujus colloquii conditioni cum Rex *Franciae*, & universi pene *Franci* præberent assensum, Rex *Richardus* prorsus renuit, & contradixit concedendum, ut viz. post tanti temporis tam laboriosam civitatis obseffionem, omnibus bonis vacuum intraret civitatem, sicque Regis *Richardi* intellecta voluntate, *Caracois* & *Mestoc* infecto negotio  
Turci inducias  
frustra postulant.reversi sunt in urbem; & *Salahadinus* interim, legatis obsefforum auditis, man-



davit ut perseveranter durarent, & civitatem, ut cœperant, viriliter defenderent, proculdubio scituri sufficientissimum eis in brevi venturum auxilium. Abserebat enim sibi notificantibus legatis pro certo constare, maximam militum manum à *Babylonia* in proximo venturam in navibus & galeis, quas eo venire prius citaverat, & quod significaverat *Muleinæ*, quatenus omni occasione remota infra octo dies ad eos veniret. Quorum si forte hi prædicti ex condicto non venirent jurejurando promisit eis, quod quam posset honestiorem versus Christianos pacem procuraret, & exeundi libertatem. His auditis redeunt ad urbem legati, & ab eis *Salahadini* recitatis promissionibus ad resistendum adhuc persuadentibus, ad venturum anxii *Turci* suspenduntur adiutorium.

## CAP. XVI.

*Nostri viriliter urbem oppugnantibus multi ex Turcis ex desperatione ab urbe aufugiunt.*

*Christiani urbem incessanter oppugnant.*

**I**Nterea nocte & die Christianorum non cessabant petrariæ muros jugiter conquassantes, quod videntes obsessi admirati sunt, conturbati sunt, commoti sunt, tremor apprehendit eos, quorum quidam timori cedentes, exterriti à muris de nocte se dederunt præcipites, & ut evaderent, non expectato quod promissum est auxilio, eorum quoque complurimi Christianitatis & baptismi petierunt suppliciter sibi concedendum sacramentum; super quorum summa meritorum non immerito ambigendum, cum videatur præsumendum, quod potius ab instantis timoris angustia, quam inspirante gratia divina, id sibi fieri postulaverunt: sed multis gradibus fit recursus ad salutem. Intercurrentibus assidue nunciis satis innotuit *Salahadino* quod periculosa nimis erat ulterior perseverantia in civitate *Turcis*, quam à facie Christianorum tueri non possent.

## CAP. XVII.

*Ut pacem inierunt obsessi consilio Salahadini cum Christianis.*

*Salahadinus obsessos urbem Christianis reddere jubet.*

**S**alahadinus perpendens moram trahere periculum, petitionibus obsessorum tandem decrevit annuendum; præsertim hoc eidem persuadentibus Admiraliis suis & Satrapis, & amicis potentibus, quorum erant parentes & cognati & amici obsessi, allegantibus etiam *Saladino* obsessis, quod teneretur eis præstita secundum legis *Mahumeticæ* cultorum ritum securitate, quod honorabilem eisdem in necessitatis articulo procuraret libertatem, ne forte jure belli comprehensi haberentur exterminio, & probrosæ mortis ludibrio, unde lex *Mahumetica* ab antecessoribus diligenter observata, quantum in ipso esset cæsaretur, & suæ nihilominus dignitatis & nominis excellentiæ plurimum derogaretur, dum à Christicolis obtinerentur veneratores *Mahumetici*. Rogabant etiam *Salahadinum* ut moneretur super eo, quod *Turcorum* genus electum, ipsius obediens persuasionibus, in ipsa tamdiu coangustabantur obsidione, & civitatem tanto tempore pro ipso defenserent. Reminisceretur etiam ipsorum, qui obsidebantur, uxorum, & miserandæ familiæ, quas jam transactis tribus annis inchoatæ obsidionis non viderant: sed & potius civitatem reddendam quam tantæ gentem probitatis perdendam esse dicebant. Hæc & his similia persuadentibus *Salahadino* principibus suis, ne pejora fierent posteriora prioribus, annuit pacem, quam commodiorem facere potuissent, faciendam.



endam. Ibidem itaque provisum est & prolocutum, quam censerent aptiorem formam pacis contrahendæ. Renunciantibus denique nunciis *Salahadin* sententiam & satraparum, gavisi sunt obsessi gaudio magno. Et ecce egressi sunt majores eorum ad Reges nostros, & per interpretem obtulerunt *Achon* civitatem reddendam liberam, & sanctam crucem resignandam, & ducentos nobiliorum Christianorum, quos tenuerant captivos, & quinquaginta reddendos; sed cum nostris perpendissent ingratum; obtulerunt duo millia nobiliorum Christianorum, & quingentos captivorum inferiorum, quas *Salahadinus* quærere faceret, per totam terram suam, ita quod à civitate exeuntes *Turci* nihil secum præter Camisas asportarent singuli, relictis armis suis, & rebus omnibus cum victualibus. Et præterea pro redemptione capitum suorum darent duobus Regibus ducenta talentorum *Sarracenorum* millia. Super his fideliter observandis traderent obsides *Turcorum* nobiliores & excellentiores, qui reperirentur in civitate. Cumque super his Reges nostri utrum forent concedenda tractantes, cum suorum sapientioribus conferrent ad invicem, in eo tandem univerforum conquievit sententia, quod oblata reciperent & conditionibus conquiescerent, ut de securitate præstitis juramentis & confectis scripturis, datis obsidibus vacui recederent à civitate.

## CAP. XVIII.

*Datis obsidibus de Cruce & pecunia & captivis infra mensem reddendis  
Turci urbem exeunt, & Christiani intrant. Reges quoque  
omnia inter se æqua sorte dividunt.*

**I**gitur die Veneris proxima, post translationem beati *Benedicti*, dati sunt obsides & accepti Admiralli ditiores & nobiliores, & de Sancta cruce reddenda, & de captivis requirendis præfixus est unius mensis terminus. Hujus facti notitia, divulgante fama, cum ad universos pervenisset civitatem redditam, iracundia commotum est vulgus insipiens, sapientiores vero non immerito lætati sunt uberius quod expedite & sine periculo obtinuissent, quod tanto tempore prius obtinere non possent. Tunc voce præconis clamatum est & prohibitum, ne quis forte præsumeret dictis aut factis quocunque modo quenquam *Turcorum* oprobriis dehonestare, vel laceffire convitiis, nec ulterius jacularentur vel missilia muris dissipandis, vel *Turcis* in summitate propugnaculorum forte visis. In illius articulo diei cum gens illa *Turcorum* probitatis admirandæ, virtutis eximiæ, bellicis exercitiis viri strenuissimi, magnificentia insignes, in murorum altitudine jam egressuri oberrarent curiosissimis oculis eos intuentur Christiani, tanquam bellatores præcipuos admirantes, & recolendæ memoriæ. Eredientium nihilominus à civitate pene vacuorum vultus obstupescunt elegantiam, & habitudinem adversitatibus invictam, & quos modo pene extremitatis necessitas ad supplicandum vix edomuerat jam vincendos, egredientes nec mordax sollicitudo confregerat, nec rerum amissio dejecerat, sed nec vultus perierat constantia, imo animositatis habitudine simulabant victoriam. Harum autem potentias virium depravavit ritus prævaricationis superstitionis, corruptique miserandus error idolatriæ. Omnibus denique *Turcis* egressis, Christiani, quos duo Reges jusserunt, referatis januis libere civitatem ingressi sunt, cum tripudio & lætitia & summa vocum exaltatione, Dominum glorificantes & gratias agentes, quia magnificavit Deus misericordiam suam cum ipsis, & visitavit, & fecit redemptionem plebis suæ. Regum itaque in altitudinem murorum & turrium præfiguntur Banneriæ & vexilla multiformia, & fit civitatis æqua distributio duobus Regibus, qui etiam armorum & victualium repertorum proportionaliter æqualem fortiuntur divisionem. Captivorum nihilominus summam prætaxatam sorte mediante

*Christiani  
tandem civi-  
tatem ingre-  
diuntur.*



partiti sunt. In partem Regis *Franciæ* cessit vir ille nobilis *Caracois* & cætera plurima multitudo, Regis vero *Richardi* portioni *Mestoc* accessit cum reliquis plurimis. Præterea Rex *Franciæ* pro parte sua habuit Templariorum nobile palatium cum omnibus pertinentiis, & Rex *Richardus* palatium Regale, in quod misit Reginas suas cum puellis & ancillis eorum, sicque suam uterque pacifice partem obtinuit. Exercitus autem per civitatis amplitudinem hospitabatur; & post tantos diuturnæ obsidionis protractos agones, jam genio vacantes satis optatâ quiete refrigerantur. Eadem nocte sequente proxima post ingressiōem nostrā, à timore nostrorum secessit *Salahadinus* cum exercitu suo ab illo, quo confederat, locum & montem occupavit ulteriorem.

## CAP. XIX.

*Quam viliter & ignominiose Turci, dum urbem possederunt, sancta nostra tractaverunt.*

**A**B eo die, quo sic est reddita civitas, quatuor anni jam effluxerant ex quo occupaverant eam *Sarraceni*. Reddita est igitur, sicut prædictum est, in crastino translationis Sancti *Benedicti*. Ecclesiarum autem status infra civitatem non sine horrore tunc visebantur, nec etiam sine mœrore nunc rememorantur in ipsis visa inconvenientia, Quis enim fidelis sic oculis intueretur venerandarum vultus imaginum ipsius filii Dei crucifixi, sive etiam quorumlibet sanctorum, deturpatos, sive quocunque modo dehonestatos? Quis non horrida contremuisset repræsentatione, qua contumeliosa gens illa *Turcorum* nefanda diruisset altaria, & cruces sanctas dejecisset in terram, & contemtibiliter verberasset, & *Mahumerianas* suas in locis sanctificatis exhibuisset, & eliminatis omnibus humanæ redemptionis & Christianæ religionis indiciis, omnes superstitionis *Mahumeticæ* spurcicias instituisset.

## CAP. XX.

*De discordia duorum Regum pro Marchiso & Rege Guidone, & pacificatione eorundem.*

**P**rocesso temporis inter duos Reges maxima est orta discordia, occasione illius supramemorati *Marchisi* cui Rex *Franciæ* favebat, omnem acquisitionis suæ factæ vel faciendæ in terra sancta, quæ ei contingeret, disposuerat concedere portionem, Cui concessioni Rex *Richardus* compatiens afflictionis Regis *Guidonis*, noluit præbere assensum, quia Regi *Guidoni* potius videbatur competere. Super hoc igitur articulo dissentientibus aliquamdiu Regibus, denique mediantibus principibus & populi majoribus, interveniente tali conditione, pacificati sunt, ut *Marchiso*, qui Regni videbatur fortitus in matrimonio hæredem, etiam in recompensatione præstiti adjutorii exercitui in obsidione cederet in possessionem hæreditariam Comitatus *Tyri*, *Tiri* viz. & *Sidonis* & *Baruth*: *Gaufrido* vero de *Luxiniaco* fratri Regis *Guidonis* in laboris sui & operis remunerationem cederet comitatus *Joppensis*, scil. *Joppa* & *Aschalon*. Quod si forte Regem *Guidonem* contingeret prius clausisse diem extremum, tunc *Marchisus* ille, qui Regni hæredem licet nefarie, sicut supradictum est, sub spe regnandi rapuerat in conjugem, insignitus diademate Regali Regi *Guidoni*: & *Marchisum* simul cum conjugem si contingeret exui rebus humanis, dum Rex *Richardus* in illis ageret partibus, tunc Regis *Richardi* relinqueretur arbitrio, ut pro voluntate disponderet de Regno. Hujus fine conditionis universorum conquievit contentio.



## CAP. XXI.

*Urbe reddita Rex Franciæ, omnibus admirantibus, dissuadentibus, maledicentibus, ad repatriandum se præparavit.*

**S**ic se rebus habentibus, exeunte jam mense Julii post redditam civitatem, infra quem crux sancta promittebatur à *Turcis* pro liberandis obsidibus reddenda. Ecce rumor per exercitum increbuit Regem *Franciæ* in quo pendebat spes populi velle repatriare, & iter suum magnopere præparare. O quam probrosum, quamve contumeliosum, adhuc imminente tanto & pendente negotio, ipsum velle abire, cujus intererat tantam populi multitudinem regere, & in opus tam pium populo Christiano tam necessarium instigare, & negotii tam ardui procurare processum. O quid tantopere via longissima eo avida pene inutiliter pervenerat intentione prope rediturus! O quam egregie votum absolutum, terram scil. tantum intrasse & tam brevibus in *Turcos* decertasse triumphis! Sed quid? Rex *Franciæ* morbum allegavit suæ causam esse peregrinationis, & in quantum dabatur, jam votum persolutum; maxime quia sanus & incolumis extitit, quando crucem cum Rege *Henrico* inter *Triam* & *Gisortium* suscepit: sed huic ejus assertioni non comparuit, qui testimonium perhiberet. Veruntamen non est quidem inficiendum ipsum Regem *Franciæ* in eadem terra civitati expugnandæ plurimam operam impendisse simul & impensam, & quod quampluribus opem præbuit & auxilium, & auctoritate præsentis suæ demandaverit executioni festinantius expediendæ operis tanti consummationem, circa obtinendam civitatem, tanquam viz. Regum *Christianorum* potentissimus & excellentissimæ dignitatis: unde quanto virtute potentior & excellentia præstantior tanto recuperandæ terræ desolatae, & auxilio destitutæ, in quam gentes venerunt polluentiam, teneretur obnoxior, & secundum *GG.* cum augentur dona rationes crescunt donorum, & cui plus committitur, plus ab eo exigitur. Verum cum jam Regis *Franciæ* regrediendi cunctis innotuisset inflexibilis voluntas, ut nec fuorum adquiesceret gemitibus vel lachrymosis supplicationibus, ejus si fieri posset *Franci* renunciarent ditionis subjectionem, & abominarentur dominium; & jam recessuro imprecabantur quicquid adversitatis vel infortunii potuerit in hac vita miserranda cuiquam mortalium ingruere. Rex nihilominus iter suum qua potuit properantius expediebat, & in loco suo reliquit in terra illa Ducem *Burgundiæ* cum gente plurima. Fecit etiam rogari Regem *Richardum* duas sibi præstari galeas, cui Rex *Richardus* gratanter duas ex melioribus contradi præcepit, sed hujus obsequii fati in posterum apparuit ingratitude.

*Rex Franciæ  
invitis omni-  
bus reditum  
parat.*

## CAP. XXII.

*Rex Franciæ juravit Regi Richardo, se servaturum pacem hominibus suis, & terris suis, donec ipse repatriaret.*

**R**egem *Franciæ* Rex *Richardus* censuit conveniendum de mutua conservanda fidelitate securitatis. Ipsi etenim sicut & patres eorum sese tenera similitate reverebantur, & palliata charitate, quæ nec in posteris unquam creditur foras misura timorem. Hujus itaque titillationis urtica Rex *Richardus* sollicitus, exegit à Rege *Franciæ* juramentum de fidelitate servanda, quod nec in suos, nec in terram suam sciens & prudens delinqueret, dum Rex *Richardus* in peregrinatione perseveraret. Quod si qua occasione in tantum incorrigi-



*Rex Franciæ  
pactis cum  
Rege Ri-  
chardo non  
stetit.*

in corrigibiliter reprehensibile videretur esse, Rex *Richardus*, postquam in terram suam redisset, quadraginta diebus conveniretur à *Francis* de corrigendis, si qui forte fuissent, excessibus, antequam Rex *Franciæ* de expetenda ab eo moneretur ultione. Hæc omnia præstito sacramento juravit Rex *Franciæ* se fideliter observaturum Regi *Richardo*, & obsides contradidit Ducem *Burgundiæ* & Comitem *Henricum*, & alios quinque vel plures, quorum nomina exciderunt, quam fideliter vero huic stetit conventioni & juramento, satis innotuit universis. Statim enim ut in patriam rediit commovit terram, & conturbavit *Normanniam*. Quid plura, accepta licentia Rex *Franciæ* ab exercitu *Achonensi* recessit, cunctis ei pro benedictionibus adversa optantibus, & maledictiones.

## CAP. XXIII.

*Recedente Rege Franciæ cum obsidibus suis & Marchiso in Tyrum, remansit, Dux Burgundiæ, & multi Franci cum Rege Richardo.*

*Rex Franciæ  
Acone digres-  
sus Tyrum na-  
vigat.*

**D**IE Sancti Petri ad vincula navem ascensus Rex *Franciæ* versus *Tyrum* navigavit, sed exercitus partem majorem cum Rege *Richardo* reliquit. Cum quo etiam tunc ille nefandus *Marchisus Tyrum* rediit, & secum adduxerunt memoratum *Caracois*, & quot Regi *Franciæ* contigerant in sorte obsidum *Sarracenorum*, pro quorum redemptione Rex *Franciæ* æstimabat se recepturum centum millia vel plures aureos ad exhibendam gentem suam in illa terra usque Pascha: verum exeunte termino præfixo, reddendæ redemptionis nihil curare videbantur, quorum intererat de obsidum absolutione, quorum quidem major pars periit, pro quibus nec obolum tunc constat fuisse solutum nec ovum, sed nec eorum occasione quicquam omnino acquisitum, nec medietas victualium in occupata civitate, repertorum. Unde *Franci* frequentius rememorati sunt, quod aliam non acceperunt à Rege *Franciæ* remunerationem. Inde quoque non modicum contentionum & murmuris inter eos ortum est seminarium, quousque Rex *Richardus* rogatu Ducis *Burgundiæ* accommodavit eidem Duci, super obsides suos, quinque millia marcarum argenti ad exhibendam gentem suam.



## Liber Quartus.

## CAP. I.

*Rex militibus largitur munera, muros & Achon reparat,*

**V**Idens igitur Rex *Richardus* summam totius negotii, & rei processum, & impensas, & opera ipsum prima fronte respicere, hilariter & copiosissime distribuit aurum & argentum *Francis*, & alienigenis cujuscunque rationis, unde se reficerent abundanter, & vadimonia redimerent. *Rex Richardus muris civitat. restituendis sedulo incumbit.*

Rege *Franciæ* sicut prædictum est præpropere repatriante, Rex *Richardus* muris civitatis operam dabat reparandis in altius & perfectius quam prius diruerentur. Ipsemet etiam obambulabat jugiter operarios exhortans, & instruens cementarios, tota siquidem intentione satagebat hæreditati Dei conqui- rendæ infatigabiliter insistere.

## CAP. II.

*Salahadinus pactioni non stat de cruce Dominica & pecunia reddenda, obfidesque suos negligit.*

**E**Xpectabat igitur terminum compactionis initæ inter ipsum & *Turcos*, sicut prædictum est, Interim petrariis operam dabat & manganellis in sarcinas colligere ad transportandum. Postquam enim exivit terminus præfixus à Saracenis de Sancta cruce reddenda, & obsidibus liberandis; ea qua dictum est conditione, cum jam post terminum per tres septimanas expectasset, si *Salahadinus* staret fidelitati vel pactioni pactorum, convertit fieri transgressor, quod *Salahadinus* videbatur inde nihil curare, forte Deo ita dispensante ut aliquid commodius fieret. Veruntamen dilationem complendæ promissionis & crucis quæritandæ, exigebant *Sarraceni*. Frequenter audires Christianos quærere rumores quando crux sancta veniret, Deus autem eam tunc noluit reddi in absolutionem eorum, pro quibus promittebatur reddenda, sed ut potius perirent, unus aliquis dixit jam crux venit, alter aliquis visa est in exercitu *Sarracenorum*, sed eorum uterque sic dicentium fallebatnr, non enim procurabat *Salahadinus* crucem reddi; imo obfides neglexit obligatos, sperabat enim mediante cruce multo majoris negotii procurare processum. Interea *Salahadinus* sæpius Regem xeniis frequentabat & nuntiis, verborum fallaciis tempus redimens & astutiis, desponsionis autem effectu nihil complens: sed multiplicatis argutiis, & verborum ambagibus, in longa tempora Regis animum studebat suspendere. *Salahadinus crucem, ut pactum erat, non reddit.*

## CAP. III.

*Rex Angliæ bis misit Tyrum, antequam recipere posset exercitus noster à Marchiso obfides Salahadini, ipsemet redire contempsit.*

**I**Nterea missis *Tyrum* legatis ex parte nostra denunciatum est *Marchiso*, ut in exercitum rediret adducens secum obfides Regis *Franciæ*, quos tenebat commendatos, recepturus portionem redemptionis, quæ Regem *Franciæ* contingeret,



*Marchifus ob-  
fides Sarace-  
norum reddit  
Richardo.*

tingeret, scil. medietatem solutionis. In illa legatione missi sunt Episcopus *Salesburiensis*, Comes *Robertus* & *Petrus* de *Pratellis* miles peroptimus. His tribus legatis indignanter respondit *Marchifus*, quod nullatenus veniret, præ- tendens occasionem quod formidaret Regis *Richardi* præsentiam, Præterea jactitabat veræ crucis, si quando receptæ, se recepturum medietatem vice Re- gis *Franciæ*, nec prius se obsides resignaturum quam hoc compleretur. In- tellecta tanta *Marchifi* pertinacia blanditiis eum tentaverunt mitigare legati, offerentes unum eorum obsidem remansurum, quo securior ad Regem *Richar- dum* salvus iret & rediret. Nequaquam consensit, imo jurejurando affirma- bat se non venturum. Legati revertuntur inacti & vacui, & rem, ut erat, Regi notificant inde plurimum indignanti. Regis tamen rogatu in eadem trans- missi sunt legatione *Tyrum* iterum Dux *Burgundiæ*, & *Drogo* de *Amiens*, & *Ro- bertus* de *Quinci* prædictum rogaturus *Marchifum*, ut veniret cum eis, ejus quip- pe præsentia negotiorum profectibus videbatur necessaria, præcipue cum ad obtinendum Regnum aspiraret, quod fugiebat acquirere. Et præterea ut meandi facultas daretur navigantibus per *Tyrum* victualia allaturis, quorum adventum idem *Marchifus* more suo præpedierat. Prædictis nuntiis *Gyrum* venientibus, & legationem exponentibus, & obnixius vice Regis *Richardi* ro- gantibus, ut *Marchifus* in eorum veniret adiutorium in *Syriam*, cujus se spera- bat obtenturum Dominium, proterve respondit & arroganter, se contestans nullo modo venturum, imo civitatis suæ curam habiturum. Diutius itaque singulis contraria pro partis suæ assertione facientia allegantibus, eo usque tandem vix summa negotii deducta est, ut tres illi legati secum obsides *Sarra- cenorum* ad Regem *Richardum* reducerent. *Marchifum* autem nulla ratione vel persuasione prævaluerunt à sua deflectere pertinaci nequitia.

## CAP. IV.

*Occiduntur à nostris obsides Salahadini.*

*Turcarum ob-  
fides 2700.  
capite trun-  
cantur à Chri-  
stianis.*

Postquam revera constitit Regi *Richardo*, transacto jam termino & ultra, quod obdurato corde *Saladinus* nil ultra curaret de redimendis obsidibus, coacto consilio majorum in populo, decretum est nil ulterius frustra expe- ctandum, sed ut obsides decollarentur, reservatis aliquot tamen majoribus & nobilioribus, si forte vel ipsi redimerentur, sive pro aliis quibuscunque Chri- stianorum captivis commutandis. Rex *Richardus* in opprimendis *Turcis* fun- ditus semper aspirans, ad conterendam ipsorum protervam arrogantiam, & legem Mahumeticam confundendam, Christianitatem vindicandam, die Veneris proxima post Assumptionem beatæ Mariæ, à civitate jussit educi *Turcorum* obsidum vinctos duo millia & septingentos ad decollandum. Nec mora pro- filiunt satellites alacriter jussa complentes, & animo gratanti, ut viz. in ultio- ne redderent talionem, annuente gratia divina, super morte Christianorum, quos ipsi peremerant arcuum missilibus vel balistarum.

## CAP. V.

*Itinere tam marino quam terrestri præordinat Rex Richardus exercitum movere versus Aschalonem.*

Avesperascente jam die voce præconis denunciatum est, movendum ex- ercitus in proximo, & fluvium *Achonem* se transmeandum, in nomine Domini omnium largitoris bonorum, ut ad *Aschalonem* procederent ad per- quirenda



quirenda maritima. Igitur ex præcepto victualia quæ x. diebus sufficerent navibus imposuerunt exercitui apportandum, panem scil. biscoctum & farinam, carnes & vina, & quæ viderentur esui necessaria. Nautis igitur firmiter est injectum, ut semper navigarent e regione procedentes per terram exercitus cum bargis onerariis & neckis, quæ victualia veherent & homines armatos. Sic igitur procuratum est ut bipertito progredierentur exercitu, parte media marino, parte altera itinere terreno, non enim aliter fuit possibile terram acquirere sic à *Turcis* occupatam.

## C A P. VI.

*Quot ex majoribus nostris decesserunt per annum & dimidium in obsidione Achon.*

Sciendum quod in illo exercitu, qui jam ad expugnandam *Achonensem* civitatem moram fecerat per duas hiemes & unam æstatem, maximis dispendiis & impensis usque ad medium autumnum, in quo, sicut prædictum est, decollati sunt *Turci*, sicut satis meruerant apud Deum & Homines, propter Ecclesiarum destructionem & hominum occisionem, defuncti sunt Christianorum innumeri. Fidem quidem excedere videretur universorum multitudo recitata, qui in exercitu tanto tempore decesserunt; summa vero tantummodo majorum, sicut quidam scribit, omiſſa numerositate, quam se dicit ullatenus posse expedire, sic colligitur. In exercitu mortui sunt sex Archiepiscopi & Patriarchæ, duodecim Episcopi, & præter hos defuncti sunt quadraginta Comites, & quingenti proceres potentes, Presbyteri quoque & clerici & populi multitudo cujus numerus comprehendi non poterit.

*Quot Archiepiscopi Patriarchæ Episc. comites, &c. in obsidione Achonensi obierint?*

## C A P. VII.

*Rex Richardus Francos ab Achon exire coegit & tentoria sua extra urbem fixit.*

Post illam *Turcorum* decollationem Rex *Richardus*, recuperata pristina sanitate, à civitate *Achon* egressus, cum omni sua sequela, tentoria sua in planitiis extra civitatem figi constituit, & omnes suos etiam nolentes à civitate exire coegit, & sic in præfatis planitiis, extra fossata nostra, commoratus est exercitus ut ad iter aggrediendum expediretur. *Francorum* autem nonnullos allexit blanditiis, hos prece, alios pretio, nonnullos violenter compulit exire. Fecit itaque Rex multitudinem satellitum peditum circa papiliones suos in tentoriis suis & umbraculis commorari, ad præsidii firmamentum, propter frequentes *Turcorum* incurſiones, qui tota die repente appropiantes ipsos exclamabant improvidos. Fuit autem Regiæ consuetudinis semper ut primus exiret armatus ad *Turcos* invadendos, &, prout divinitus daretur, afficiendos.

## C A P. VIII.

*Comes Hungariæ & marescallus Regis fugantes Turcos, qui in nostros irruerant ab eis capti sunt.*

Fortē die quadam, *Turcis* de more in nostros subito irrudentibus, & turbam facientibus, commota sunt castra nostra. Nostri itaque ad arma currentibus Rex, cujus armatus processit eques, & cum eo quidam Comes armatus



*Turci leviori  
armatura ut-  
untur quam  
Christiani.*

matus de *Hungaria*, & *Hungri* quamplurimi contra *Turcos* exierunt, quos sine mora fugientes prosequuti sunt, sed longius quam oporteret. Quidam enim nostrorum, licet præstantissime se egissent, ibi comprehensi sunt & probrose contrectati. Comes ille *Hungrensis* vir magnæ probitatis & famæ comprehensus est, & abductus à *Turcis*, & quidam miles *Pictavenfis* *Hugo* nomine, Regis *Richardi* marescallus. Ibi se Rex gerens indifferenter, sui negligens, equo vehementius admissio, totis viribus conabatur *Hugonem* marescallum suum si posset eripere, veruntamen fuga velociori avulsus est & abductus. O quam ambigua fata bellorum! ordine perverso nunc victores vincuntur, nunc qui victus erat vincere sæpe solet, prædictis militibus bene fugasse perire fuit, quoniam à fugatis comprehensi sunt fugantes, &, quicquid jure debuerat ascribi gloriæ, additum est insipientiæ, sic virtutis opus fuit ipsius causa periculi. *Turci* denique non ut nostri armaturis sunt onerati, sed incedentes expeditiores nostros multo majori sæpius perturbabant gravamine. *Turci* fere sunt inermes arcam tantum gerentes, & clavam præacutis dentibus hirsutam, & gladium, arundineum etiam hastile cuspide ferrata, & cultellum leviter appensum; & quando forte vehementius procul effugantur, equis avolant rapidissimis, quibus in mundo non agiliores, volatibus hirundinum cursu comparandi velocissimo. *Turcorum* etiam moris est, ut quando persenserint se fugantes a persequendo cessare, tunc & ipsi fugere cessabunt, more muscæ fastidiosæ, quam si abegeris avolabit, cum cessaveris redibit, quamdiu fugaveris fugiet, cum desieris præsto est; non secus est de *Turcis*, cum prosequi desistens reverteris, *Turcus* tunc insequitur, si fugaveris fugiet, ita scilicet Rege fugante pertinaciter fugiebant, cum redire disponderet, & ipsi imminebant a tergo quandoque non impune, sed & quandoque nostros plurimum debilitantes.

## CAP. IX.

*Exercitus noster dilitiis deditus urbem vix compulsus exire flumen  
transit Achonenſe, Turcis undique infestantibus.*

*Christianorum  
exercitus  
delitiis &  
Luxui dedi-  
tus.*

**R**ex *Richardus* in papilionibus degebat expectans exercitum exeuntem a civitate, segniter autem exhibant & morose, tanquam minus voluntarie, & parum augebatur exercitus, civitas autem fuit plurima repleta multitudine. Exercitus quidem totus, cum his qui adhuc a civitate non exierant, æstimabatur trecenta millia. Populus nimis deditus desidie & luxui tenuiter egrediebantur ab urbe, quæ nimis erat deliciis abundans, viz. vino peroptimo, & puellis pulcherimis; mulieres igitur frequentantes & vina, nimis dissolute se gerebant quamplurimi, ut civitas pollueretur a luxuria insipientium, & gula inhabitantium in ea, a quorum impudentia facies sapientiorum contrahebat ruborem. Ad auferendam autem hujus maculæ rubiginosam spurcitiam, procuratum est de consilio, ne qua mulier exiret a civitate cum exercitu, sed remanerent in civitate, nisi tantum pedites lotrices, quæ non forent oneri, nec occasio peccati. Die tandem prænominato, mane armatur exercitus, & ordine decenti disponitur. Rex erat in extremo agmine, ne forte *Turcis* incurſantibus, qui in proximo imminebant, turbaretur exercitus, ea dieta modica erat. Ex quo gens illa nefanda motum nostrum vidit exercitum, more corruentium undarum impluebant catervatim a montanis, agminibus dispersis; hic quasi xx. ibi xxx. sic per cætera, sicque multifarie dispersi diligenter captabant, qua perniciosius nostrum urgerent exercitum; vehementer enim condoluerant super morte parentum suorum, quorum videbant, sicut prædictum est, trucidata cadavera, & idcirco protinus nostrum angebant exercitum jugiter persequentes, & qua poterant gravantes. Sed, opitulante gratia divina, *Turcis* pro voto nihil obtinentibus, fluvium *Achonenſe* indemnis noster transi-

vit



vit exercitus, & ultra fluvium non longe denuo fixere tentoria, donec universus congregaretur exercitus die Veneris, quæ fuit in vigilia Sancti *Bartholomæi*. Die Lunæ sequenti computabantur duo anni transacti ex quo civitas *Achonen-sis* primo fuit obfessa à Christianis.

## CAP. X.

*Exercitus noster ordinate dispositus ordinibus processit, & Turcos viriliter irruentes fortiter repulerunt. Hic Standardus describitur.*

**I**gitur in crastino Sancti *Bartholomæi*, hoc est dominica, in nomine Domini, mane disponitur per acies exercitus per maritima processurus. O quam decenter attrectatam ibi videres militiam; juventutem eximiam, cui similis difficile reperiretur, ibi gentem videres electam, satellites multæ probitatis & audaciæ, decentissimas armaturas, tot penuncellos cum signis micantibus, & multiformiis Baneriis, tot hostilia albicanti cuspide, loricas lucentes & galeas, exercitum hostibus terribilem, & castrorum acies ordinatas. Rex *Richardus* primo præfuit agmini, & primariam gerebat custodiam: *Normanni* vallabant *Standardum*, quod, ut plenius innotescat, non ab re duximus describendum. Est igitur trabes longissima, velut malus navis, super quatuor rotas soldissimis composita laquearibus, & compaginata juncturis, ferro vestita, quæ nec gladiis vel securibus videretur cessura, vel igni, in cujus eminentiori cacumine Regium vexillum ventilabat affixum, quod vulgo dicunt Baneriam. Huic instrumento conservando alectorum militum manus solet, præsertim in prælio campestri, deputari; ne viz. hostili incursione dissipetur vel quacunque dejiciatur injuria, quia si forte quocunque casu dejiciatur, tunc dissipatur exercitus & confunditur; quia confugiat quo non comparet; sed & belli ducem tunc pavido corde existimant jam superatum, cujus signum non considerant porrectum, nec ad resistendum adversariis facile populus ulterius convalescit, cujus principem incurrisse discrimen sui vexilli dejectione pertimescit; verum, dum signum istud perseverat erectum, habet populus certum quo recurrat refugium. Huc infirmi curandi, huc conferuntur vulnerati vel etiam in prælio forte perempti; qui fuerunt viri famosi vel illustres; unde, quia stat fortissime compaginatum in signum populorum, à stando standardum vocitatur. Super rotas quoque non incongrue collocatur, quatenus secundum prælii statum id producatur cedentibus hostibus, vel retrahatur eisdem ingruentibus. Huic igitur Standardo *Normanni* assistebant & *Angli*. Dux *Burgundie* cum *Francis* extremam aciem agebant, qui minus expedite sequentes, interveniente mora, fere maximum incurrerunt dispendium. Exercitus itinerabat juxta mare quod eis erat à dextris, & gens *Turcorum* a sinistris omnes gestus nostros a montanis prospiciebant. Ingruente subito nebula periculosa turbabatur aer, venit exercitus ad quasdam viarum angustias, qua transitus erat bigarum victualium portantium. Ibi propter angiportum confusis acierum ordinibus sparsim attenuati procedebant & indiscipline; quod attendentes *Saraceni* repente irruunt in veredarios & bigas onustas, & homines improvidos sine mora peremerunt & equos, & plurimum farcinarum diripuerunt, & sibi resistentes pertinaciter pertransibant & dispergebant, & usque in oram maris cedentes profligabant. Ibi fit acerrimus conflictus viriliter, utrisque pro capitibus certantibus: ibi tunc a *Turco* quodam amputaretur manus dextra cum gladio, quem strictum tenebat, cuidam *Everardo* homini Episcopi *Salesburiensis*, ipse vultu constanti & in nullo mutato gladium arripuit sinistra, & adversus *Turcos* imminentes concludens, & in diversa gladium vibrans ab omnibus animosius se defendit. Hinc conturbato vehementer exercitus agmine extremo, & ob infortunium nimis obstupefcente, *Johanne* filio

*Turcæ in extremam aciem Christianorum irruunt.*



*Lucæ* equo velocius admissio, Regi *Richardo* adhuc ignoranti rem quæ acciderat indicavit. Quo statim rapido cursu suorum vallatus agmine in extremorum rediit adiutorium, & gladio fulminante ferebatur in *Turcos* à dextris prosternens & à sinistris. Nec mora velut olim *Philistii* à facie *Machabæi*, ita nunc *Turci* dissipati diffugerunt a facie Regis *Richardi* & montana occupaverunt, quorum tamen quidam amissis capitibus nostris remanserunt. Illo quidem in congressu quidam *Francorum* nomine *Willielmus de Bartis*, quem olim orta simultas Regi *Richardo* se reddiderat discordem, probitate magnifica mediante, in pristinam meruit reconciliari familiaritatem & gratiam. *Salahadinus* non procul inde fuit cum omni virtute exercitus sui. Verum a prædicta repulsione. *Turci* proficere desperantes ab impetendo nostros ulterius se cohibuerunt, nos a longe speculantes. Noster igitur restauratus ordinate procedebat exercitus usque ad flumen, quod forte reperierunt, & cisternas quas probaverunt, ibi fixerunt tentoria, & refederunt in planitie spaciola, in qua viderant *Salahadinum* prius commorasse ibi fixis tentoriis, & per ambitum loci triti & amplitudinem perpendebant exercitum *Turcorum* esse permaximum. Prima quidem die sic noster afficiebatur exercitus, id procurante Deo, ut cautius se gererent, quatenus semel expertum in quantum daretur iterato præmuniti præcaverent dispendium.

## CAP. XI.

*Castra nostra à flumine Achon ad Cayphas perveniunt.*

*Turcæ insidias  
ubique Chri-  
stianis stru-  
unt, sed fru-  
stra.*

**S**alahadinus cum *Turcis* semper in insidiis nostrum procurans detrimentum, occupabat viarum angustias inter prærupta montium, quæ noster erat transiturus exercitus. Præmeditabantur enim ut vel nostros attenuatos in exitibus occiderent, aut comprehenderent, vel certe afficiendo dissiparent. Gens vero nostra a prædicto flumine promota caute procedebat & ordinate moderata dieta pervenientes juxta *Cayphas* ibi fixerunt tentoria ut vulgus sequens expectaret. Intra mare & oppidum *Cayphas* utrinque noster residens exercitus biduo ibi morabatur, perscrutans & revolvens sarcinas, partem abiciebat qua se arbitrabatur posse carere, partem retinens necessariam; vulgus etenim pedes incedens, maximo sarcinarum & victualium onere gravabatur, & armis maxime, ut etiam in prælio præfato plurimos labor afficeret, & fitis extingueret.

## CAP. XII.

*Castra nostra à Cayphas per maritima ubi à spinis vulnerantur & feras inveniunt,  
& per Capernaum ad casam angustiarum viarum perveniunt.*

**D**ie quadam Martis i. e. die tertia post factam sub *Cayphas* moram per acies ordinatus procedebat exercitus: ea die primariam aciem deducebant Templarii, & ultimam Hospitalarii, quorum utrique strenue agentes magnarum virtutum prætendebant imaginem. Ea die se solito cautius agebat exercitus, & magna conficienda restabat via, quam quidem plurimum præpeditam spinetis & herbarum luxuriantium copia, repererunt vultus suos jugiter flagellantibus, & maxime facies peditum conterentibus. Maxima etiam illis in locis maritimis copia silvestrium reperiebatur animalium inter pedes frequenter profilientium a locis herbosis & fruticetis densissimis, unde non quæsitis



quæsitæ & forte oblatas sufficienter capiebant feras. Cum venisset Rex obiter ad oppidum *Capernaum*, quod solo tenus *Sarraceni* diruerant, descendit ab equo & comedit, interim expectante exercitu, gustabant etiam qui volebant, & statim post carpebant iter inchoatum, usque ad casam dictam *angustarum viarum*, ibi quippe coangustatur meatus, ibi fixis quieverunt tentoriis. Moris erat in exercitu, ut singulis noctibus antequam dormituri cubarent, quidam ad hoc deputatus voce magna clamaret fortiter in medio exercitu dicens, juxta quod vulgo dicitur, *Sanctum Sepulchrum adjuva*; ad hanc vocem clamabant universi eadem verba repetentes, & manus suas cum lachrymis uberrimis tendentes in coelum, Dei misericordiam postulantes & adjutorium. Tunc & ipse præco secundo repetebat exclamans eadem quæ prius, *Sanctum Sepulchrum adjuva*, singulis hoc idem repetentibus, similiter & tertio clamantem eadem iterantes imitabantur universi cum maxima cordis compunctione & lachrymarum effusione. Quis enim hoc in tali non faceret articulo? cum etiam hoc commemorasse tunc factum potuerit ab audientibus pias lacchrymas elicere; hujusmodi siquidem clamore non minimum sibi videbatur exercitus recreari.

*Christiani Capernaum perveniunt.*

## CAP. XIII.

*De Tarrentis, qui pungendo veneno populum affligebant.*

**I**nsistantibus singulis noctibus imminebant quidam vermiculi, vulgo dicti *Tarrentes*, solo repentes, atrocissimis ferventes puncturis; de die non nocebant, superveniente vero nocte, ingruebant molestissimis armati aculeis, quibus quos pungerent statim grassato veneno inflabantur percussi, & vehementissimis angustiabantur doloribus. Viri vero nobiles & ditiores tumores eorum data statim inungebant Theriaca, & dolores efficaci sedebant antidoto. Prudentiores denique advertentes vermes pestiferos sonitu vehementiori fugari, appropiantibus *Tarrentis* instituebant fieri strépitu maximum & fragorem, tundentibus singulis & flagellantibus clipeos & galeas, fellas & asseres, dolia & flascones, pelves & patellas, & caldarias, & quodcunque ad manum erat instrumentum aut supellex, ad faciendum sonitum idoneum; qui auditus fragor abigebat vermes illos. Ad casellam prænominatam biduo morabatur exercitus, amplius enim locus erat & satis commodus, donec eo venerunt naves, quas expectaverant venturas, Bargæ scil. & Galeæ victualibus onustæ, quibus opus habebant, quæ viz. naves lateratim itinerantes per terram velificabant, portantes cibaria.

*Tarrentum tumores Theriaca curantur.*

## CAP. XIV.

*Castra nostra à casa angustarum viarum ad Merlam, & ab inde Cæsaream, & ab inde ad flumen mortuum perveniunt, Turcis nostros impugnantibus & nostris triumphantibus.*

**P**ræmunitus adversus *Turcos* semper à latere prominentes procedebat exercitus usque ad oppidum *Mirlam* dictum, ubi Rex pernoctaverat una prædictarum noctium. Ibi Rex præordinaverat quod die sequenti primam aciem ipse deduceret propter contingentes inoportunitates, & quod Templarii extremæ agminis agerent custodiam. *Turci* namque jugiter imminebant à latere propiantes. Ea die Rex calcaribus subditis equo ferebatur admisso in *Turcos* merito laudem obtenturus, & facti gloriam, nisi interveniente quorundam

*Rex Richardus Turcas viriliter persequutus, suorum desidia desistere cogitur.*



rundam defidia, quæ denigraret negotii processum, Rege namque *Turcos* longius abigente quidam eorum restiterunt à prosequendo cessantes, unde vesperere non immerito reprehendebantur. Regem si legitime comitantes profecti fuissent *Turcos* fugientes opus egregium magnifice consummassent. Veruntamen *Turcos* omnes à facie sua Rex effugavit. Exercitui fuit iter in littore maris molestissimum, propter nimium fervorem, æstus quippe erat, & dietam conficiebant permaximam. Plurimi quidem æstuantes, longæ etiam viæ fatigati labore extinguebantur, quos ubicunque defecerunt sepeliebant, plurimos vero fatigatos itinere, vel languore aut quocunque affectos incommodo, fecit Rex eis compatiens in galeas transportari, & navibus usque ad destinatas dietas. Consummato maximo cum labore diei illius itinere, pervenit exercitus usque *Cæsaream*. Ibi prius fuerant gens *Turcorum*, & muros & turres ex parte diruerant; & villam quam maxime destruxerant, sed nostris appropiantibus aufugerant. Fixis ibidem tentoriis pernoctabat gens nostra juxta fluvium civitatis proximum, qui vocatur fluvius Crocodillorum, eo quod Crocodilli duos milites devoraverant olim ibi balneantes. Civitatis *Cæsareæ* maximus ambitus, & operosa ædificia mirandæ structuræ. Locum illum cum discipulis frequentans Christus olim divinis illustrabat virtutibus. Illuc mandavit Rex naves suas ad exercitum venire. Interea quoque fecit edictum in civitate *Achonenfi*, jussu regio clamante præcone, ut gens adhuc ibi defidiosa commorans ascensis navibus, quas eo miserat, pro Dei amore veniret ad exercitum, & pro fidei Christianitatis exaltanda religione, & voto peregrinationis plenius absolvendo. Ad Regis mandatum quamplures veniunt *Cæsaream* cum classe Regia, victualium copia sufficienter onerata, quam & disponebat processuram è regione progredientis exercitus. Eo adunata navium plurima multitudo, & armato exercitu, & ordinate per turmas disposito, quadam die circa horam tertiam à *Cæsarea* processerunt gressu moderato, propter imminentes jugiter *Turcos*, qui singulis diebus, quando à stationibus movebatur exercitus, irruebant qua propius audebant, quam poterant inferentes molestiam & gravamen. Ea itaque die solito vehementius infestabant exercitum, sed adjuvante Deo exieramus indemnes, & ipsi unum eorum capite truncato nostris reliquerunt Admiralium, maximæ virum audaciæ, & probitatis eximiæ, & nominis famosi, qui tantarum prædicabatur virium fuisse, quod eum nunquam quisque ab equo prævaleret dejicere, vel auderet ipsum saltem invadere, lanceam enim gestabat duabus nostris grossiorem, cujus erat nomen *Aias Estoy*. Super cujus ruina tanto *Turci* afficiebantur mœrore & lamentatione, quod equorum suorum caudas amputabant, & illius Admiralii libenter si licuisset asportarent cadaver. Verum nostri inde processerunt usque ad fluvium, quem vocabant fluvium mortuum, quem & *Sarraceni* ante nostrum adventum cooperuerant, ne videretur quatenus ex improvviso nostri incidentes periclitarentur, sed & ibi conservavit nos Dominus & ex eodem fluvio discooperto nostri biberunt, & duabus ibi noctibus morati sunt.

*Classis Regia  
ad Cæsaream  
appellit.*

*Christiani  
Turcas in se  
irruentes for-  
titer propel-  
lunt.*

## C A P. XV.

*Castra nostra à flumine mortuo antequam proveniunt ad flumen salsum à Turcis nimis affliguntur, perimentibus equos & homines nostros.*

**A** Flumine mortuo, tertia die, progrediebatur paulatim exercitus per terram devastatam, & omnibus bonis vacuatam, ea die per necessitatem per montana procedebat exercitus; quia per maritima graminibus obsita, propter luxuriantium herbarum copiam, viam carpere nequibant. Per turmas etiam solito densiores se cohibebat itinerans exercitus. Deducendæ extremæ legioni præfuerant Templarii, qui tot equos ea die *Turcis* irruentibus à tergo



tergo amiserunt quod fere desperati sunt. Comes nihilominus de Sancto Paulo quamplurimos ibi perdidit equos, ipse vero tantæ fuit virtutis ut *Turcis* continue imminentibus se audaciter opponeret, & infatigabiliter vicissim incurfantibus occurreret, quatenus ipse laborante, & cæteri tuti procederent; inde nimiam ea die promeruit totius populi gratiam & laudis favorem. Rex *Richardus* ea die pilo vulneratus in latere dum cædendo *Turcos* abigeret, veruntamen levi tactus vulnere, potius incitabatur ad hostem aggrediendum, dum ex labore vulneris appeteret avidius talionem ultionis; unde tota die vehementius incessanter dimicans *Turcos* repellebat potenter, jugiter incurfantes. *Turci* quippe improbitate pertinaci grassantes, & exercitui nostro progredienti collaterantes, quanta poterant, nos afficere moliebantur injuria, pila mittentes, & sagittas imbrium more densissime volantes. Heu quot ibi pilis equi transfixi defecerunt, quot graviter vulnerati non multo post mortui sunt, pilorum enim & sagittarum tantam ibi videres pluviam, ut nec quatuor pedum spatium terram pilis jacentibus reperires vacuum, qua transibat exercitus. Tota die talis eis imminabat fastidiosa tempesta, quousque nocte superveniente *Turci* se retraherent ad tentoria & habitacula sua. Gens quoque nostra juxta quandam aquam fluvium falsum dictam tentoria fixerunt, & pernoctabant. Proxima die *Martis*, post festum Sancti *Egidii*, eo venerunt, & biduo ibi morati sunt. Ibi facta est pressura non modica, super cadaveribus mortuorum equorum pinguium, qui vulneribus perierant, super quorum carni-  
um emptione non facilis pretii plebs avida contendebat turba, usque ad percussiones. Quo Rex audito, clamante præcone promulgandum proposuit, se cuilibet vivum equum daturum, qui suum mortuum distribueret probissimis fervientibus, qui egebant. Sicque carnem comedebant equinam quasi ferinam, quam, fame vice falsamentorum condiente, reputabant dulcissimam.

*Rex Richardus leviter vulneratur.*

*Christiani carne equina vescuntur.*

## CAP. XVI.

*Castra nostra à flumine falso per forestam de Assur illæsa ad flumen Rochetailie perveniunt.*

**D**ie tertia, circa horam tertiam, à flumine falso per acies ordinatus procedebat exercitus: fama namque fuit *Turcos* eis in insidiis federe in foresta de *Arfur*, qui silvam ipsam dicebantur igne supposito succensuri, ne transiret exercitus. Verum nostri seriatim procedentes per ipsam forestam, insidiarum dictarum loca transierunt indemnes. Quibus exeuntibus a silva transmissa contra occurrit planities, in qua fixis tentoriis pernoctabant, juxta flumen *Rochetailie* vulgo dictum; inde missi speculatores ad considerandum renunciaverunt *Turcorum* exercitum, cujus non erat numerus, non procul inde adventum ipsorum expectare, qui æstimabantur trecenta millia, qui operuerant circumquaque faciem universæ terræ, numerus vero *Christianorum* non excedebat centum millia, Die *Jovis* ante nativitatem beatæ *Mariæ* *Christianorum* exercitus ad fluvium *Rochetailie* pervenit, & ibidem morabatur, & in crastino.



## CAP. XVII.

*Castra nostra à flumine Rogetaille versus Arfur, prodeuntia, ordinant se ad bellandum versus Turcos, quos noverant se eadem die tota virtute impugnatueros.*

*Christianorum acies ad pugnam instructa procedit.*

**S**abbato scil. Vigiliis nativitatis Sanctæ Mariæ summo diluculo armis suis attentius muniebantur universi, tanquam *Turcos*, statim excepturi, quos jam cognoverant eorum transitum præoccupasse, nec sine prælio gravissimo *Turcorum* posse declinare proterviam, qui jam acies suas contra gentem nostram disponebant, semper paulatim appropiantes, ideoque sollicitè sibi providebant nostrorum universi, prudentissime dispositis totius exercitus ordinibus. Rex nimirum *Richardus* rerum bellicarum peritissimus acies per turmas ordinavit, quis primo, vel quis extremo proficisceretur aptius agmini deducendo. Duodecim itaque constituit turmas, divisim proportionaliter ordinibus per acies v, coaptatis disciplina militari distinctionibus virorum quidem bellicosissimorum, quibus in præliorum negotiis nusquam sub coelo invenirentur efficaciores, si tantum corda eorum firmissime fuissent in Deo confidentia, quantum universorum quidem est provectio bonorum. Eo die exercitus ordini primo regendo præfuerunt Templarii, post ipsos seriatim ordine suo progrediébantur *Britones* & *Andegavenses*, post hos ordine tertio Rex *Guido* cum *Pictavensibus*, ordine quarto *Normanni* & *Angli* Regio vexillo deputati portando, extremi procedunt ordinati Hospitalarii, ipsa quidem acies extrema ex electa fuit constituta militia, distincta per turmas ordinate partita. Densissimis itaque sibi cohærens agminibus, quod pomum projectum in terram non caderet, nisi contingens hominem vel equum; & ab exercitu *Sarracenorum* protendebatur exercitus noster usque ad littora maris. Ibi videres distinctiones aptissimas, divesis schematis vexilla, & signa multiformia, gentem quoque robustissimam, vegetam, animosam, bellis aptissimam. Ibi fuit Comes *Legecestriæ*, *Hugo* de *Gurnay*, *Willielmus* de *Borritz*, *Walklinus* de *Ferrariis*, *Rogerus* de *Toony*, *Jacobus* de *Avennis*, Comes *Robertus* de *Druell*, & Episcopus *Belvacensis* frater ejus *Willielmus* de *Barris*, *Willielmus* de *Garlanda*, *Drogo* de *Mirlo*, & consanguinei ejus plurimi. Comes *Henricus Campaniæ* custodias agebat à parte montana, semper observans à latere, Satellites quoque pedites, omnium extremi sagittarii, & balistarii ordinabantur, extremitatem exercitus concludentes veredarii & bigæ, cum sarcinis victualia portantes & res alias, inter exercitum & mare itinerabant ne forte invaderentur ab hostibus. Ita se agebat exercitus sensim progrediens, & paulatim ne forte disgregaretur, quia minus cohærentes acies ordinatæ, minus ad resistendum valerent. Rex *Richardus* & Dux *Burgundiæ* cum sequela militum electa, hinc inde oberrantes, undique observabant a dextris & sinistris, sollicitius *Turcorum* perpendentes habitudinem & statum, ut juxta quod viderent expedire producendum castigarent exercitum. Ipsorum quippe pernecessaria fuit diligentia.

## CAP. XVIII.

*Nostri tanta perpeffi sunt mala à Turcis in eos undique & maxime à tergo continue irruentibus, vulnerantibus, prostermentibus, ut pondere belli & desperatione defecissent, nisi simul & retrogradi processissent, & gratia Dei affuisset.*

*Turcæ Christianos toto die admodum infestant.*

**I**nstante jam hora diei quasi tertia, ecce *Turcorum* nimia multitudo quasi x. millia impetu rapido ingruentes in nostros, certatim pila jaciebant, & mittebant



mittebant sagittas, confusis vocibus perstreptentes horrendum. Post hos accurrebant gens larvalis colore nigerrimo, quæ etiam non inconvenienter ex re nomen habent, quia sicut sunt nigri, vocantur nigreduli. *Sarraceni* quoque cominantes in solitudine vulgo dicti *Bedemini*, horridi, fuligine obscuriores, pedites improbißimi, arcus gestantes cum pharetris, & ancilia rotunda, gens quidem acerrima & expedita. Hi inflexibiliter nostro jugiter imminuebant exercitui. Extra memoratos per campeßtria videres accedentium *Turcorum* competentius procuratas phalanges, tot signa lanceis connexa, tot vexilla tot bannerias particulatim variatas; tot acies per turmas aptissime distinctas, per catervas turmis dispositis, qui ad æstimationem excedere videbantur xx. millia *Turcorum* armatorum, seriatim accedentium, qui impetu indeclinabili, velocioribus aquilis equis, more fulminum adactis, in nostros irruebant, à quorum cursu rapidissimo turbato vehementius pulvere, aer tenebrosa obducebatur caligine. Ante faciem admiralii quidam ad hoc deputati præstant, tubis clangentes & lituis, alii tenebant buccinas, alii tibiae & timpana, fistra vel cimbala, alii alia ad clangendum instrumenta, qui huic tantum deputabantur exercitio, ad ciendos clamores, & ululatus horrifonos. A quorum vocibus asperrimis & frementibus clangoribus ecce resonat undique terra, ut nec audirentur tonitruorum fragores a tumultuantium vehementia tubarum, & clangentium buccinarum; nam id fieri instituerant ad excitandam animositatem & audaciam, quanto enim clangor fuerit vehementior, tanto fit ad certamen animus fortior. Sicque undique & a parte maris & terræ solidioris *Turci* nefandi nostro ingruiebant exercitui, ut nec a duobus circumquaque milliaris quicquam spatii, vel quantum pugno comprehenderetur, visui pateret nisi gens inimica *Turcorum*. O quam pertinaciter ingruiebant, & obstinatos continuabant insultus, ut gravissimis nostros afficerent dispendiis, transfodiendo pilis & sagittis equos nostros, quorum per maxima facta est ruina. O quam necessarij fuerunt ea die validissimi balistarii, & sagittarii satellites rigidissimi, qui concludentes extremitatem exercitus, continuis pilorum jactibus, in quantum dabatur, *Turcorum* retundebant pertinaciam. In quos non multo post, more aquarum inundantium, tanta fortitudine irruentes imminuebant adversarii, ictus exaggerantes immani debacchabantur feritate, ut pondus calamitatis & miseriæ sustinere non valentes, plurimi balistariorum nostrorum, abjectis arcubus & balistis, ne forte excluderentur infra densitatem exercitus se ingerebant, metu quippe mortis intolerabilibus cedebant injuriis. Audaciores vero & præstantiores virtute, quos vel verecundia cedere vetuit, vel mens conscia coronæ roboravit, ut in agone perseverantes, tanta demicaverunt constantia, & infatigabili contendebant virtute, ut versa facie imminentes à tergo *Turcos* obtundentes, tanquam cedentes ambularent retrogradi in tergum, ne forte minus provide sibi præcaverent averßi. Tota quidem illa die, quia *Turci* imminuebant à tergo apud eos, versa facie itinere præpostero potius viam carpendo quam eundo proficiebant. O quantæ diei illius angustia! quam amara tribulatio, ubi etiam in inconstantiores irruerant timores solliciti, ubi non erat tantæ quisquam confidentiæ vel magnamitatis eximiæ, cujus non fuerit illius temporis articulo in optione potius consummata peregrinatione in patriam redisse, quam in illius ambigui prælii casibus corde pavitanti perstitisse. Tanta nimirum gens modica obsidebatur undique *Sarracenorum* multitudine, quod nusquam, etiam si tentaretur, fuga pateret, nec tot resistere virtus suppeditare videretur, imo, tanquam intra fauces luporum grex ovium dissipandus, ita conclusi, circa se nihil præter cælum conspicerent & inimicos ex omni parte improbißimos. Domine Deus! quæ mens tunc fuerit gregi Christi pusillo, tanta angustiato perplexitate, quem tanquam cribrandum tam pertinaciter oppreßerunt hostes, tanta urgentes ingruentia? quis consimili contritus est potentia? Ibi videres milites nostros, equis dextrariis amissis, cum peditibus pedites ambulare, & vel balistis missilia, vel arcubus emittere sagittas in hostes, & prout facultas suppetebat & virtus vicem



*Hospitalarii à Turcis ultra modum lacerati & infestati manus cum ipsis conferere prohibentur.*

reddere pro vice. *Turci* siquidem quorum est studium se jugiter arte sagittaria exercere, & balistis, sine cessatione insistant, tela pluunt, volant sagittæ, fridet aer, solis fulgor, tanquam tempore brumali grandinum densitate vel nivium, ita missilium nigrescit multitudo, transfodiuntur equi mucrone pilorum & sagittarum, quarum copia cooperiebatur circumquaque terræ superficies, ut si quis vellet colligere numerum ad minus xx. unico raptu compleret. *Turci*, tam fortiter imminebant, quod propemodum turmas ordinum Hospitalariorum contriverant, unde significarunt Regi *Richardo* se non posse ulterius impetum vehementem inimicorum sustinere nisi milites equis admissis ipsos invaderent. At Rex id fieri dissuadet, adhuc patienter agmine densato se cohibere monet, perduravit igitur, sed vix in tanti mole pericli, & miserandam tolerantes angustiam, jugiter suspirant, quibus non licuit respirare. veruntamen sic carpendo viam proficiebant. Cæterum illa die fuerat permaximus æstus unde duplici laborabant molestia temporis fervore & hostium infestatione. Sudant igitur in agone jam probati Christi martyres, quos qui perpenderet in arcto positos, sic indurantes pondus diei & æstus, & pressuram gentium perniciosissime imminuentium, & pertinaciter grassantium, & sese cohortantium, in exitium Christianorum, non immerito posset animo vacillare, & ex desperatione & ambigua trepidatione augurare sinistra de paucula gente nostra, à tanta sic conclusa multitudo: quinimo malleatorum more supra dorsum procedentium fabricaverint prævaricatores, ut non jam sagittis eminus uterentur & pilis, verum etiam propius accedentes lanceis perungerent, & clavis gravissimis contunderent, & gladiis comminus strictis impeterent, & super armorum duritiam resoltu tanquam super incudem innumera resonant flagella *Turcorum* contudentium. Æstuant angariati quibus non dabatur requies. Ingravatum est prælium in extremam aciem Hospitalariorum, eo gravius quo repugnare non licuit, injuriati patienter procedunt, clavis contriti silent, flagellati non reperiunt, cedunt loco, non valentes tanti molem sufferre discriminis, & ex imminuentis metu mortis ordine confuso cædentium, furori cedentes in anteriorem se cuneum ingerunt, fugiunt imminuentes à tergo *Turcos* effrænato crudescunt furore. Quis nimirum assiduum, imo continuum sustineret non reperiens assultum talium etiam & tantorum imminuentium inimicorum? Totius virtus paganismi concurrerat à *Damasco* & *Perside*, à mari mediterraneo usque ad orientem, non resederat vel in extremis terrarum recessibus vir famosus vel præpotens, populus virtutis, gens audax bellicis exercitiis probata, vel cujuscunque strenuitatis, quam *Salahadinus* non exciverit in auxilium prece vel pretio, vel ditionis subjectione, ad conterendam gentem Christianorum, quam tunc funditus desuper terram delere speraverat, sed frustra, non enim, opitulante Deo, ad effectum sufficiebant votum deducere. Flos enim juventutis egregiæ Christianitatis & militia probata eo confluerat, & tanquam granorum simula ab aristis exerta ab extremis finibus terræ tunc temporis ibi fuit coadunata, quam si quis ad internecionem conterendo dissipasset proculdubio non superesset in mundo qui de cætero usquam resisteret.

## CAP. XIX.

*Item de eadem pugna, & de mirabili Christianorum victoria.*

**O**bducto nubilo pulveris aere æstuabant itinerantes & insuper fervore temporis, quibus ut dictum est imminebat à tergo gens ferocissima, fastu insolens, instigante dæmone pertinax, populus nihilominus Christianorum probissimus, & constanti libertate securus, semper paulatim progrediendo proficiens, quos incessanter sustigando minabant à tergo, veruntamen resili-

bant



bant ictus ab armorum munimine; hinc se *Turci* ingemiscunt parum extra votum proficere, & suos impetus frustrari invidioso immurmurant fufurro, hinc & perniciosiori furentes immanitate, gentem nostram appellant ferream nulli cessuram injuriæ. Tandem turbati irruunt subito *Turcorum* plusquam xx. millia, comminus clavis malleantes, & gladiis in Hospitalarios congeminant ictus, contundunt, affligunt, & variis urgent conatibus, cum ecce propemodum pene victus immanitate, unus eorum, frater *Garnerius* de *Napes* nomine, exclamavit voce magna dicens, Sancte *Georgi* miles egregie, nunquid nos sic confundendos relinquis, nunc perit Christianitas, quia contra hanc gentem nefandam non repugnat. Ad hoc Magister Hospitaliorum Regem adiens ait illi, Domine Rex, vehementer infestamur infamia perpetua devotandi, quasi repercutere non audentes, quisquis nostram suam gratis amittit vecturam, & quid ulterius sustinebimus? Cui Rex, bone magister, ait, sustinendum quidem est, esse nemo potest ubique. Redeunte Magistro instant *Turci* ferocissimi cædentes à tergo, ubi non erat princeps, vel Comes, qui maximo non erubesceret pudore, dicentes ad invicem, ut quid equos non laxamus ad cursum? heu heu in perpetuum merito timidæ redarguemur inertiae, quibus nunquam simile contigit, nunquam per incredulos tanto exercitui tanta devotandum infamia contigit opprobrium, nisi citius nos defendentes irruamus in ipsos, scandalum sempiternum erit nobis, tanto quidem magis, quanto longior intervenerit dilatio concertandi. O quam cæca fors humana! quam lubricis vacillans articulis, heu quam ambiguus volvitur rotis, & ancipiti cursus humanos explicat successu. Inæstimabilis quidem *Turcorum* multitudo periisset, si, juxta quod fuerat communiter prælocutum, observato ordine rei negotium processisset. Verum peccatis ut creditur exigentibus, currente rota, amphora quæ instituebatur, interveniente errore confusionis, exhibat urceolus; nam dum nostri tractarent invicem, & in unam denique convenissent sententiam de committenda in hostes incursione, per duos milites moræ impatientes confusa sunt omnia. Fuit quippe communi procuratum decreto, ut sex tubæ sonarent in exercitu tribus in locis, quando versus *Turcos* congregederentur, viz. duæ tubæ ante exercitum, & duæ post exercitum, duæ quoque in medio exercitu, ad distinguendam notitiam Christianorum à *Sarracenis*, & certificandam utrorumque in congressu distantiam. Quod si ita fuisset observatum universi illi *Turci* fuissent interempti & confusi, prædictorum vero militum nimia properatio, universitatis non observato decreto, cedebat in detrimentum successui communis negotii. Ipsi nimirum primi proruperunt ab ordine, equis admissis *Turcos* invadentes, quorum singuli singulos prostraverunt *Turcos* lanceis transsoissos, unus eorum erat miles quidam *Marescallus* Hospitaliorum, alter autem erat *Baldwinus* de *Carreo* nomine, miles peroptimus, & ut leo confidens, sodalis Regis *Richardi*, quem à terra sua eo usque Comitem adduxerat. Hos duos prædictos audaciter in *Turcos* irruentes, cæteri Christianorum, cum attendissent clara voce Sancti *Georgii* auxilium invocantes, regiratis equis in nomine salvatoris Christi, illos duos sequentes, impetum fecerunt unanimiter in hostes se pertinaciter impetentes. Nec mora spatio correpto Hospitalarii, qui ea die equitaverant seriatim, plurimum gravati cum cuneis suis, prædictos duos sequentes viriliter irruerunt in hostes, sicque singulæ turmae secundum ordines constitutos, retroactis equis, ferebantur in hostes, viz. ut qui fuerant primi in exercitu in itinere carpendo, moverentur extremi juxta situm dispositionis hostes impetendo. Unde primi congressi sunt Hospitalarii, qui fuerant ordinati in exercitu extremi, prorupit quoque Comes *Campanie* cum turma sua electa, *Jacobus* etiam de *Avennis* cum consanguineis suis, *Robertus* etiam Comes *Druensis*, & Episcopus *Belvacensis* frater ejus, Comes quoque *Legecestriae* cursu ferebatur ferventiori versus maritima à parte sinistra, quid singuli nominentur? impetuose simul omnes progressi sunt, qui fuerant in extrema primum acie ordinati. Post prædictos itaque proruereunt citissimi *Pictavenfes* simul & *Britones*, & *Andegavenfes*, & alii similiter universi

*Tandem convenit inter Christianos impetum in Turcos facere.*



cum turmis suis, quorum singuli tantæ fuerant virtutis & audaciæ, ut *Turcorum* singulos obviantes fortiter exciperent, & ab equis lanceis transfixos ducerent. In illa mutuæ congressionis turbatione excitato pulvere nigrescebat aer. Universi *Turci*, qui de industria ab equis descenderant, ut pila & sagittas expeditius in nostros dirigerent, in illo egressu militantium sine mora decapitati sunt, ipsos enim à militibus prostratos decollaverunt pedites nostri. Rex *Richardus*, ut conturbatum vidit exercitum, & cum *Turcis* congressum, equo calcaribus acto ocius advolat, nec prius à cursu temperavit quam pertransisset Hospitalarios primitus congressos, quibus opem cum sequela sua laturus, se fulminans a dextris perniciousiter ingessit in *Turcorum* peditum turbam improbissimam, ob ejus ictus & suorum vehementer obstupescens, quos cogebantur experiri, cadebant enim ab eo a dextris & sinistris. O quot ibi subito viderentur, passim equis fessoribus evacuatis, globatim prosterni, hos gemebundos casus asperos conqueri, illos extremum trahentes spiritum in proprio cruore volutari, quamplurimos quoque truncari, exanimis a prætereuntibus sine respectu conculcari. O quam multum distans, & dissimilis quæcunque contemplatio claustralium juxta columnas meditantium, horrendo illi exercitio militantium. Ibi Rex, Rex singularis, ferus, *Turcos* infectatur, invadit, passim prosternit, cujus gladium non fuit qui ab eo tactus effugeret; ipse enim, quacunque se gereret vel ageret, viam undique late patentem vibrans gladium effecit. Qui cum infatigabiliter progrediendo continuatis gladii percussionebus nefandam gentem, velut quis falce mensem metendo contereret, cæteri morientium exemplo turbati viam cedebant ampliorem: dimidii quippe spacium milliarii *Turcorum* undique occupaverant occisorum cadavera, super faciem terræ jacentia. *Turci* denique prosternuntur, a fessoribus fellæ evacuantur, & concertantium commixtione pulvis evolat nostris plurimum perniciosus; nam cum ab occisione fatigati tanquam auram captaturi a turbæ densitate forte secederent, non se poterant recognoscere præ tanti pulveris nubilo super capita imminentis, verum tunc percutiebant indifferenter a dextris & a sinistris, ut, qui suorum visu mediante non habebant notitiam, universos trucidarent ut inimicos, quos præpediente pulvere ignorabant amicos. Constanter cædendo gladiis malleant Christiani, expavescentes contabescunt *Turci*, diutius pugna ambigua confertur, mutuos dant ictus, vincere contendunt utrique, hi cruentati retrocedunt, illi cæsi in mortem corruunt. O quot ibi videres in terram decidere Banerias, & vexilla multiformia, penuncellos, & signa innumera, tot probatos gladios sparsim jacentes, tot lanceas ex Canna ferrata cuspide, tot arcus *Turkenfes*, tot clavas dentibus præacutis horrentes, tot possent per agros colligi quarelli pilaque, & cum sagittis missilia, ad conficiendas viginti vel eo amplius bigarum sarcinas, tot ibi viderentur detruncati jacere *Turci* turbati, quorum quidam aliquamdiu ex desperatione animosiores contendebant resistere, donec, nostris invalescentibus, alii equis discussi inter fruticeta se occuluerunt. alii arbores subierunt à quibus sagittati horrifono gemitu moribundi corruerunt, alii gratis equos deserentes lubricis anfractibus fugituri versus mare elabuntur, & sese dederunt præcipientes in profundum à maris promontoriis, quasi quinque perticas habentibus altitudinem.

*Christiani ingenti Turcarum edita strage eosdem in fugam vertunt.*

Eximie quidem repellebatur illa gens inimica, ita quod infra duo milliaria non videretur nisi gens tum fugitiva, quæ prius extiterat tam pertinax, & fastu tumida, & ferocissima; sed, auxiliante Deo, sic periit eorum arrogantia, qui nec etiam cessaverunt fugere, nostris etiam à persequendo cessantibus, fugientium quidem pedibus timor addidit alas. Quinimo totus noster exercitus distinctus per ordines in *Tureos* irruerat, *Normanni* quoque & *Angli* ad observandum Standardum præelecti, moderatis passibus paulatim appropriaverant exercitui cum *Turcis* congreganti, non procul a certamine subsistentes, ut ad eos certum omnes haberent confugium, difficillime quippe virtus eorum dissiparetur. Peracta cæde nostri substituerunt fugientibus *Turcis*, nostros igitur regredientes cum attendissent *Turci*, vires resumentes, sine mora plusquam xx.

millia



millia insequentes, irruunt in eos qui regrediuntur extremi, gestantes clavas gravissimas in manibus, ut quos nostri prostraverant liberarent à manibus eorum, O quam dirissime videres ibi nostros flagellatos, in quos etiam recedentes pila mittebant & sagittas, equitum nostrorum clavis conquassabant capita brachia, cætera membra, ut gravibus cedentes tumfonibus super fellarum inclinarent antellis stupidi, sed ocus recuperato spiritu, & viribus resumptis, tanto acius velut læna raptis catulis sitientes ultionem, ferebantur in hostes, & eosdem velut retia dirumpentes pertransibant, ibi videres fellas retorqueri, *Turcos* prius fugientes reverti, quorum instantia gens nostra adeo vehementer premebatur, ut nec per unius jactum sagittæ itinerando proficeret indemnus, nisi firmiter cohærens persistisset immobilis. *Turcorum* illi multitudini præerat *Admiralius* nomine *Tekedmus*, consanguineus *Salahadini*, habens Baneriam insignitam miro genere distinctionis, scil. incisarum schemate braccarum, hæc pro vexillo gerebatur suis notissimo. Ipse idem *Tekedmus* Christicolis odio pertinaci sævissime semper prosequabatur, hic addictos sibi de familiaribus ipsius *Salahadini* secum agebat plusquam septingentos *Turcos* electos & robustissimos, quorum singulæ turmæ croceam in ordine suo præferebant Baneriam, cum penuncellis alterius tincturæ. Hi magno impetu advenientes cum fremitu & fastu nimio, gentem nostram ab eis versus Standardum divertentem invaserunt cædentes, & hastilibus arundineis perpungentes, & atrociter in tantum affligentes, ut nostra tum etiam præcipuorum constantia ab ingruentium mole vacillaret, nostri perstant immoti necessario vim vi repellentes, configunt acerrime, congeminant ictus, fervet bellum; hi conterere illi elaborant repellere, vires exerunt, pari certant studio vincendi, & licet nostri numero paucissimi, se multo minorem adversariorum affecerunt multitudinem, nec tamen illa pars nostri exercitus, qui sic illo desudabat in certamine, poterat de facili ad nostrum Standardum reverti, propter tantam hostium multitudinem graviter opprimentium, à quorum immanitate nostrates jam vacillabant conclusi, quorum pauci quidem in hostes ausi sunt reverti. *Turci* nimirum furore vehementi debacchantes inæstimabili nostros affecerunt instantia, contundentes clavis & gladiis galeatos, ubertim sanguine fluido à conquassatione stillante. Quos demum attendens jam titubantes jam deficientes *Willielmus* de *Barris* miles egregius, agmine dirupto præceps cum suis ferebatur in hostes, quos tanta statim affecit instantia, quod quibusdam in ore gladii ejus corruentibus, cæteri trepidi fugerent, à facie ejus. Rex nihilominus equo favello *Cypri* sedens, cujus non erat similis, versus montana profiluit cum electo agmine suo, & quoscunque *Turcorum* dissipavit obvios, & undique cadebant ab eo tinientibus galeis, & prodeuntibus a ferri collisione scintillis. Tanta quidem ea die vehementia concitabatur in *Turcos* lethales multiplicans ictus, ut ab ejus importabili congressu in brevi hostes universi diverterent, & exercitui nostro progressum cederent. Sic in parte nostri lacerati ad Standardum denique perveniunt, & iterum per acies ordinati processerunt seriatim usque ad *Arfur*, & extra oppidum fixere tentoria. Quibus dum intenderent figendis, ecce *Turcorum* cuneus maximus invasit extremitatem exercitus nostri. Audiens autem Rex *Richardus* vociferationem aggredientium suam gentem, exhortans ad pugnam, reflexis loris rapido cursu cum xv. tantum sociis audacter hostes aggrediens exclamavit voce magna dicens, Adjuva nos Deus & Sanctum Sepulcrum, & sic exclamavit secundo, & sic tertio, cujus vocem cum cæteri suorum audissent festinanter secuti sunt eum, & *Turcos* invaserunt, & statim dispersos & diffugientes usque ad *Arfur*, ex qua prius exierant, jugiter cædendo & prosternendo fugarunt, ibi etiam *Turcorum* quamplurimi corruerant. Reversus denique Rex cum suis ad castra à cæde fugientium *Turcorum*, post tantam vexationem fatigati illa nocte quieverunt. Quisquis avidus lucri prædas hostium voluisset colligere, rediit in locum certaminis, & sufficienter onustus pro voluntate sibi placentia diripuit. Referebant etiam qui postea eo redierant, se numerasse *Tur-*

*Turca Chri-*  
*stianos iterum*  
*persecuti pro-*  
*fligantur.*

*Turca tertia*  
*vice fugan-*  
*tur.*



*corum* Admirarios repertos occisos ea die xxxii. quos fuisse perpendebant viros maxime auctoritatis atque potentiae, ex armatura nobiliori, & apparatu pretiosiori, quos & *Turci* postea quæsierunt asportandos, quia reputabantur digniores, præter quos etiam, secundum æstimationem, vii. millia *Turcorum* lacerata cadavera cæsa retulerunt, exceptis vulneratis, qui divertentes à certamine sparsim, postquam defecerant, jacuere per arva defuncti. Nostorum autem, Deo protegente, non occiderunt in bello *Turcorum* comparatione saltem pars decima, vel etiam decima decimæ. O gravis illa dies, O militia probata, quia multæ sunt tribulationes iustorum, O funesta calamitas, & amara miseria, quantam putavimus peccatorum rubiginem, hujus igne tribulationis ad purum excoqui? si tamen pia longanimitate, abdicato murmure mentis, instantem necessitatem certassent evincere, afflictorum altior est sensus.

## CAP. XX.

*In secunda pugna occiditur Jacobus de Avennis miles Admirandus.*

Sed de *Jacobo de Avennis* plurimum quidem dolendum, quem *Turcorum* illa prædicta multitudo oppresserat, cujus equus casu acerbissimo, dum in ipso funesto congressu fortissime dimicaret, corruit in terram, & ipsum fessorem solo tenus prostravit, quem *Turci* globatim circumdantes, post multos sudores oppressere. Ipse vero, referentibus his, qui corpus ejus quæsitum missi reportaverunt, quod antequam prorsus deficeret ferme quindecim *Turcos* detruncaverat, qui circa ipsum reperti sunt jacentes occisi. Tres cum eo reperti sunt consanguinei ejus occisi, quibus ex nostris quidam ibi præsentibus debetum non præstiterant auxilium, qui ipsos proh nefas! in agone deseruerant reluctantes contra *Turcos* irruentes. Unde super hoc non immerito detestandæ notam infamiæ Comes *Druensis*, cum his qui cum eo ibi fuerant, postmodum incurrit. O quam varii belli casus, quanti gemitus & suspiria ea nocte fuerunt in exercitu, pro absentia illius *Jacobi de Avennis*, *Jacobi* militis præstantissimi, bellatoris incliti, quem, quia non respiciunt cum cæteris præsentem, præfagiunt occisum, ipse enim cum familiaribus suis non apparuit, unde totus conturbatur exercitus, & super incomparabili obstupescit infortunio. Sabato proximo ante Nativitatem beatæ *Mariæ* fuerat illa prædicta pugna commissa, & Dominica sequenti, hoc est ipsa die nativitatis beatæ Virginis, decretum est corpus prædicti nobilissimi quæritandum, ut sepeliretur. Armanatur igitur Hospitalarii & militia Templi, quam plures secum ducentes *Turcopelos* validissimos, cum quibus nihilominus alii plurimi perrexerunt, qui, cum in locum certaminis pervenisissent, folicite quæsitum corpus ultimo repere-runt, concreto sanguine oblita facie, quod vix nisi prius aqua lotum cognoverunt, quia sanguine cruentatum, & ex vulneribus tumidum erat, & viventi plurimum dissimile, corpus igitur decenter involutum detulerunt secum ad *Arsur* redeuntes, ibi videre fuit maximam multitudinem militum, contra corpus prosequendum procedentium; Super morte tanti viri lamentabantur universi, rememorantes ejus probitatem, & largitatem, & eundem ornatum plurimarum dote virtutum; Rex *Richardus*, & Rex *Guido* ejus astiterunt sepulturæ, pro cujus anima Missa solemniter celebrata cum oblatione non modica in Ecclesia ipsius Reginæ Cœli dominæ nostræ, cujus dies nativitatis tunc erat; post missam, exequiis rite celebratis, corpus viri nobiles suscipientes in ulnis deposuerunt in fossa humo diligenter tumulandum, ibi cuncti ululantes & flentes lamentabantur propter ipsum; expleta sepultura, Clerus instantis diei solemnitatem beatæ *Mariæ* diligenter debitis exequabatur obsequiis.

*Jacobum de Avennis in pugna occisum ingenti luctu prosequitur exercitus.*



## CAP. XXI.

*Confusio Turcorum prius retro tergantium nunc autem fugientium & omnia sua post se in prædam nostris per campos relinquentium.*

**S**Ane Sarracenorum Admiralii & nobiliores, quibus *Salahadinus* terras dona-<sup>Turcæ in fu-</sup> verat & divitias multas, ipsius *Salahadini* auribus prurientes, magniloqui<sup>gam à Chri-</sup> lingua verbis ampullosis ipsum spe refecerant inani, dicentes proculdubio, ad-<sup>stianis versi</sup>juvante *Mahumeto*, ea die velle Christianos à terra funditus extirpandos, sed<sup>maximam</sup> eos omnino *Mahumeticum* fefellit augurium, & ipsorum insolens reprimebatur<sup>prædam post</sup> jactantia. *Turcorum* enim fugientium per montana in die belli, referentibus<sup>se relinquunt.</sup> his qui viderant, legeres vestigia per prædam abjectam, & camelos & equos passim jacentes mortuos, qui ceciderant per viam, millenos & centenos, sarcinis onustos gravissimis. *Turci* enim intendentes & mittentes arcum à facie nostrorum conversi sunt in die belli, & abierunt retro cum omnibus quæ sibi relicta fuerant, qui quanto sollicitius fugere properabant, tanto ocius extincti defecerunt, & incredibilem supellectilum abjecerant multitudinem, tanto nimirum impetu irruerant in *Turcos* nostri in ultimo congressu, ut si aliquanto pertinacius institissent, & paulo longius ipsos fugassent, nunquam de cætero illi *Turci* rebellarent, imo terra illa *Turcis* evacuata Christianis relinquere-  
tur inhabitanda.

## CAP. XXII.

*Salahadinus victos suos exprobrat & subsannat, sed illi Regem Richardum & exercitum ejus laudant & omni militiæ præferunt.*

**A**Udiens *Soldanus* gentem suam electam, in qua plurimum fuerat confusus, à nostris ita dissipatam & superatam, iracundia plenus & confusione, convocatis Admiralii suis, dixit ad eos, Eia quam magnifica sunt gesta familiarium meorum! quam egregie proficiunt, qui tanta prius vigeabant jactantia & arrogantia intollerabili, cui tanta toties contuli donaria, ecce Christianitas pro libera voluntate terram *Syriæ* perambulat nullo resistente vel repugnante, ubi nunc sunt tantæ jactantiæ, & clara opera militantium meorum? ubi nunc minæ & lanceorum percussiones egregiæ? & gladiatorum ictus tanta promissi constantia faciendi? ubi nunc sunt illa præclara initia maximorum bellorum, & inenarrabilium exercituum pugnantium contra Christianos, quos se consummaturos jactitabant? Ecce bellum jam præsto est quod quærebant, sed ubi victoria de qua jactitabant? O quam degeneres moderni illis nobilissimis antecessoribus nostris, qui tanta bella præclara contra Christianos conficiebant merito memoranda, quorum memoria tota die nobis recitata perseverabit in æternum, inconvenienter res agitur & probrose, cum gens nostra pro pudor! omnium mundi gentium fuerit effecta peritissima in rebus bellicis, & antecessorum nostrorum respectu jam nihil sumus, nec ovum valemus. Ad hæc & his similia *Salahadini* impropria dimissis in terram vultibus silentibus Admiralii, unus eorum *Sanfscunsus* nomine de *Halapia* sic ei respondit. Sacratissime *Soldane* salva gratia majestatis tuæ injuste nos culpæ redarguis cum *Francos* omni nisu impeterimus & sollicita invasione ipsis intenderimus conterendis, sed & eorum gravissimas sustinuerimus repercussiones, nil autem eis obesse potest, nil afficere vel confundere, ipsi enim non sicut nos sed inæstimabili muniuntur armatura impenetrabili, nulli generi pilorum vel telorum vel



gladiis cessura, unde nostros omnino conatus in ipsis tanquam in silicibus ineffaciter expendimus. Et præterea quod maxime mirandum de quodam ex numero eorum, ipse gentem nostram confundit & destruit, nunquam talem vidimus, vel ei similem experti sumus, ipse semper alios præcedit, in omni negotio primus invenitur & præcipuus tanquam miles electus & probatissimus, ipse est qui nostram mutilat gentem, ipsi nemo potest resistere, nec quenquam quem apprehenderit à manibus ejus eruere, ipsum appellant suo idiomate *Melech Rjc.* Tali quidem Regi terra immerito regenda debetur qui tanta præditus virtute potenter terras sibi subjicit, sed quid amplius super tam forti viro tam invincibili restat agendum.

## CAP. XXIII.

*Salahadinus dirui facit omnia castella præter Jerusalem, & Crach & Daram.*

**S**alahadinus in ejus iracundiæ fervore, advocato fratre suo *Saphadino*, inquit, jam nunc scias meæ esse voluntatis experiri quantam merito debuero habere confidentiam in gente mea in hujus articulo negotii, egredere sine mora & muros turreſque *Ascalonis* solo tenus dirui facito, civitatem etiam de *Guadres*, *Darum* autem conservandum committe custodiæ qua gens mea transeat. Dirui vero facito *Galatiam* & *Blanchewardam*, *Joppen* & castellum de *Planis*, & castellum *Maen*, & Sanctum *Georgium*, & *Ramulam*, & *Bellum Montem*, *Toronem* castrum *Ernaldi*, *Beanverie*, & *Mirabellum*. Præterea omnia frange castra montana, non parcat oculus tuus omni civitati vel castello sive castello, omnia dirue, omnia prosterne, præter *Crac* & *Jerusalem*. Egressus itaque *Saphadinus* omnia quæ præceperat *Salahadinus* incunctanter peregit.

## CAP. XXIV.

*Turci cum xv. millibus armatorum nostros per flumen Arsurum invadunt, sed minime proficiunt.*

**I**nterea quidam *Sarracenorum* nominatissimus & potens, *Caysac* nomine, respondens persuadere coepit *Salahadinum* ut mitteret speculatores in planiciem *Ramulæ*, ad cognoscendum quo *Franci* diverterent, spero enim, inquit, si probatos habuero comites, *Francos*, si forte illac transire proposuerint, ex parte majore delere, & viam eis arctissimam cedere, ut ab angiportu & à manibus nostris eorum extorqueantur pauciores. Ipsi itaque instinctu misit *Salahadinus*, ad flumen *Arsum* occupandum, xxx. Admiralios famulos & potentes, quorum quilibet habuit secum ferme quingentos *Turcos* bellatores robustissimos. Observabant igitur flumen, ne quando *Franci* illac transirent indemnes. Tertia die, post prædictum bellum, hoc est die Lunæ, in crastino nativitatis beatæ Mariæ, Rex *Richardus* cum exercitu profectus est ad *Arsum*. Ea die ordinati in exercitu *Templarii* procedebant extremi, & feriatim profecti sunt & caute, propter hostium repentinas incursiones; sed postquam ad prædictum flumen de *Arsum* pervenisſent offendiculi nil invenerunt. *Turci* vero, qui confederant in insidiis, sperantes opprimere *Francos* venientes eis obviam procedentes oppugnare tentabant, pila jacentes & sagittas, veruntamen parum aut nihil proficientes, anterioris belli non immemores recesserunt ab eis, & gens nostra super flumen *Arsum* fixis tentoriis ea nocte refederunt: inde vero mane plebs cum peditibus nostris, qui ad itineris laborem vix perseveraverant, & cum eis hospitiorum procuratores antecedeabant exercitum, usque *Joppen*

*Turci Christianos ad flumen Arsum frustra invadunt.*



*pen* jem à *Sarracenis* funditus dirutam, ita ut in ea exercitus non posset hospitari, sed in ejus parte sinistra: fixis igitur tentoriis in oliveto pulcherrimo manebat eo veniens exercitus, & quid plura? jam transierant tres septimanæ ex quo primo recessit exercitus ab *Acone*.

## CAP. XXV.

*Naves nostræ victualia nobis ab Achon usque Joppen ferunt.*

**S** Edens igitur exercitus extra *Joppen* in aprico diversorum fructuum abundantia refocillabantur, erat enim in loco copia racemorum & ficuum, pomorumque granatorum, & amygdalorum grandium nimis, quibus arborum ramis ad plenum circumquaque fuerant onusti. Et ecce classis Regis *Richardi*, naves etiam aliorum eo veniunt, sequentes exercitum, libera quoque navigatione ibant naves & redibant à *Joppe* usque *Achon*, & è converso portantes victualia & cætera quæ videbantur necessaria, plurimum quidem inde *Turcis* dolentibus, quoniam navigationem præpedire non poterant.

*Christiano-  
rum exercitus  
fructuum op-  
timorum a-  
bundantia re-  
focillatur.*

## CAP. XXVI.

*Rex Richardus consulit Aschalonem à diruentibus eruere, & eam reparare  
sed prævalente Francorum pejore consilio Joppen reparant,  
ubi & vitii & luxuriæ intendunt.*

**S** *Alahadinus* interim dirui fecerat muros & turres *Ascalonis*, quod quidam plebei inde noctu fugientes exercitui nostro venerunt nunciare, quod jam turribus diruendis insisterent magnopere *Saraceni*; minus tamen credendum hoc nostris videbatur, ut viz. *Salahadinus* ex desperatione hoc fieri jussisset, tanquam turres conservare non posset, vel non auderet, qui maximæ reputabatur virtutis & potentiae. Ad hoc itaque certius inquirendum, misit Rex de consilio magnatum in una galea fortissima *Gaufridum* de *Liziniaco*, & *Willielmum* de *Stagno*, & cum ipsis alii quamplures navigaverunt usque *Ascalonem*, & ante civitatem subsistentes rei statum & veritatem consideraverunt: quod cum certissime didicissent, veloci redeuntes remigio renunciaverunt verum esse, quod prius audierant. Igitur convenientes in unum Rex *Richardus*, & principes, & magistratus populi, communi consilio decreverunt tractandum, utrum magis expediret omnibus aut proficisci *Aschalonem* ad disturbandos inde *Turcos* ne penitus dirueretur, sive versus *Jerusalem* procedere; multis multa prout utile videbatur allegantibus, & plurimum diversa sentientibus, tandem Rex *Richardus*, præsentē Duce *Burgundiæ*, & majoribus in populo, ita suam proposuit sententiam dicens, sicut mihi videtur, inconvenienter sicut & inutiliter diversi sentimus diversa, quod quidem in non modicam (quod Deus avertat) poterit nobis retorqueri perniciem, *Turci* qui *Ascalonem* diruunt nobiscum bellare non audent, mei quidem sciatis quod animo concipio sanioris esse consilii civitatem *Ascalonem*, fugatis *Turcis*, conservare incolumen; quia totius orbis peregrinis eo pernecessarius non ignoratur esse transitus, hoc mihi videtur esse faciendum noveritis universi. His vero pertinaciter *Franci* contradixerunt, allegantes ipsam *Joppen* potius restaurandam, & labore commodiore reparandam, quippe quod ad breviorē peregrinationem in *Jerusalem* commodius potuisset opus consummari. Quid multa? ad horum consilium consequendum multitudinis invaluit acclamatio. O cæcum ignavorum consilium! O damnosa desidum pertinacia! qui quanto prudentius sibi pro-

*Ascalon à  
Turcis diru-  
ta.*



*Joppe reparatur à Christianis neglecta Ascalone.*

spexisse videbantur, & labores commodius evitasse & impensas, tanto in posterum poenitenda commiserunt: nam si tunc *Ascalonem* à *Turcis* excussissent, omnis prorsus terra evacuaretur ab ipsis. Verum populi convalescente vociferatione statutum est faciendam collectam ad ipsam *Joppen* reedificandum; insisterent solliciti, & fossis faciendis & turribus reparandis. Sedet ibi exercitus diutius otiis vacans & joci, de die in diem augebatur peccatum multiplex in exercitu, crapula scilicet & luxuria; redibant enim mulieres in exercitum ab *Achon*, fomes delictorum, incrementum facinoris, unde plurimum contaminatur populus, & peregrinationis confunditur diligentia, debitaque negligitur devotio.

## CAP. XXVII.

*Rex Richardus populum in Achon regressum, & in tabernis morantem, in Joppen reducit, ubi & exercitus VII. septimanis commoratur.*

**E**Xeunte jam mense Septembri, & reparata in parte civitate *Joppe*, ecce exercitus à pomeriis exivit, & circa castrum *Abacuc* tentoria tetendit: nimis autem minoratus exercitus, quia pars non modica navigio jam receperat ad *Achon*, & morabatur in tabernis. Rex *Richardus* attendens ignaviam populi, & peregrinorum nimiam dissolutionem, mandavit per Regem *Guidonem*, quem misit legatum usque *Achon*, in exhortationem peregrinorum, ut redirent *Joppen* in expeditionem; sed cum nec sic nisi rarissime venissent, ipse Rex *Richardus* usque *Achon* navigavit, & multa instantia & sollicitudine exhortans, & efficacissime verbum ad populum faciens de fide & spe quæ in Domino est, & peccatorum remissione, dummodo peregrini ficti non fuerint, quamplures ab *Achon* ratione sermonis excitatos usque *Joppen* secum reduxit. Reginas etiam cum puellis suis usque *Joppen* venire fecit. Ubi fere septem septimanis oportunum æstimabant exercitum commorari, ad coadunandam gentem, quæ jam ex parte fuerat dispersa, gens itaque nostra undique collecta, cum denique convenissent in unum, multo major quam prius effectus est exercitus.

## CAP. XXVIII.

*Rex Richardus indiscrete cum paucis egressus à Turcis apprehenderetur, nisi Willielmus de Pratellis se Regem fingens pro eo se eis deditisset.*

**A**Ccidit eo tempore ut Rex *Richardus* cum paucissimis familiaribus nimis solitarius quadam die egressus, cum falconibus suis spatium, etiam, si quos *Turcorum* videret, statum consideraret, & improvidos apprehenderet, ex itinere fatigatus & labore pertæsus forte obdormiret. Et ecce repente *Turci* hoc comperientes cum impetu magno ferebantur ad ipsum comprehendendum: Rex autem ex advenientium fremitu expergestus, vix equum suum favellum *Cyprum* ascendisse potuit, cum Comitibus suis simul suos ascendentibus, cum irruerent *Turci* & ipsum apprehendere conati sunt, in quos Rex extracto gladio, insurgens sine mora ipsos fugam simulantes insecutus est, usque ad locum insidiarum ipsorum, unde subito irrumpentes *Turcorum* plurimi, Regem cum paucissimis focis statim circumdederunt comprehendendum, ipse vero gladium vibrans fortiter se defendit ab irruentibus, & ad ipsum comprehendendum, ipse vero gladium vibrans fortiter se defendit



ab irruentibus, & ad ipsum comprehendendum singulis manum protendentibus, sed cito eas retrahebant ictus gladii ejus timentes, quem forte tunc humano destitutum auxilio comprehendissent, si *Turci* tunc ipsum cognovissent. Sed ecce confuso certamine contendentibus exclamavit unus sociorum Regis, nomine *Willielmus* de *Pratellis*, idiomate *Sarracenico* vociferans se esse *Melech*, quod latine dicitur Rex, quod *Turci* credentes confestim ipsum *Willielmum* comprehensum ad exercitum suum deduxerunt captivum. In congressu ipso occisus est de fociis Regis *Reignerus* de *Marum* miles egregius, sed fere inermis, & ejusdem nepos *Walterus* nomine, & præter hos etiam *Alanus* & *Lucas* de *Stabulo* ibidem occisi sunt. Fama facti divulgata totus noster conturbatus est exercitus, & festinanter assumptis armis, subditis equis calcaribus, Regem quaesituri procedunt quousque occurrerent revertenti, super cujus salute eximie lætati cum eodem regrediente procedunt, & *Turcos* jam longius abeuntes insectati sunt præpeti cursu, sed frustra laborantes ipsos assequi non potuerunt, quia perniciousiter cum prædicto *Willielmo* captivo aufugerant, congaudentes uberius, quia se Regem comprehendisse speraverant. Rex, Deo procurante, reservatus est ad majora necessarius prosequenda negotia. *Turcis* denique occisus abeuntibus, gens nostra rediit ad exercitum, super eo quod Regem salvum receperant & incolumem, gaudens & exultans in Domino eo uberius, quo periculosius oberrans pene perierat, *Willielmo* vero de *Pratellis* plurimum condoluerant, qui tam fideli liberalitate se dedens hostibus gratis corpore proprio Dominum suum Regem redemit. O prædicanda fides, O rara devotio ut quis spontaneo se subjiciat periculo, ut partiatur alieno! Regem igitur, super frequentioribus præsumptionibus, quidam ejus familiarium, dilectionis servata gravitate, castigantes monuerunt, rogantes ne de cætero sic oberraret tam solitarius, ne forte quandoque incideret in hostiles insidias, quoniam in ipsius salute, ut aiunt, pendebat universorum integritas, & suis omnibus pensaret animam suam merito pretiosiores, quia præ cæteris avidius *Turci* venabantur, sed quoties, inquit, cordi est hujusmodi machinari digressiones, assumendi videntur fortes auxiliarii, bellatores robusti, non enim est singulorum multos semper concludere. His & his similia dicentibus, ut Regem arguerent, ausu familiaritatis ejusdem dilectis, ipse nihilominus (quis enim vel furca poterit funditus abdicare naturam) in omnibus congressionibus primus esse gaudebat in aggrediendo, & ultimus in regrediendo post consummationem, cui quidem aut merito virtutis aut certe gratia divina semper fere succedebat ad votum, ut vel *Turcorum* quamplurimos reduceret secum captivos, vel resistentes contereret detruncatos.

## CAP. XXIX.

*Rex Richardus & exercitus ejus casella de Planis & de Maey readificant, & Turcos irruentes sæpe trucidant.*

Post quietis recreationem, cum exercitus pristinum jam videretur recuperasse vigorem, ecce Regium proponitur Edictum, ut ad expeditionem in nomine Domini instruantur universi, ad proficiscendum ad casellum de *Planis* restaurandum, hoc enim reputabatur maxime necessarium, propter transitum peregrinorum illac itinerantium. Constituit igitur Rex qui *Joppen* observarent, & consummarent muros ejus, & portus strictissime custodirent, ne quis abiret à populo, præter mercatores apportantes victualia. Ad hæc igitur observanda deputati sunt Episcopus *Ebroicensis*, & Comes *Chalonenfis*, & *Hugo Ribole* cum quibusdam aliis qui residerunt in *Joppe*. Die *Mercurii* autem festo omnium sanctorum, cum Rex oberraret in planitiis *Ramule*, quosdam *Sarracenorum* speculatores, quos forte prospexit, audaciter invasit, & velut



*Christian. exercitus inter Castellum de Planis & de Maey tentoria figit, & Turcas irruentes fortiter expellit.*

aper effulminans omnes statim dissipavit, & quosdam eorum trucidavit, inter quos nobilissimum Admiralium truncato capite delevit à terra, cæteri vero fugerunt. In crastino autem scil. in vigilia omnium sanctorum cum exercitu profectus non procul in itinere abbreviato, inter casellum de *Planis*, & casellum de *Maey* fixerunt ad manendum tentoria. *Turcorum* exercitus tunc fuit apud *Ramulam*, unde sæpius nos infestabant repentinas molientes incursiones. Quindecim diebus vel eo amplius resedit exercitus noster inter duas prædictas casellas. Rex interim casellam *Maen* usque ad perfectam reparavit. Templarii nihilominus reædificaverunt casellam de *planis*, *Turcis* jugiter imminetibus, & qua poterant infestantibus, quorum cum equitibus ferme mille cum una dierum maxima multitudo, tanquam in nostrum exercitum irruens, immineret, Rex cum suis festinanter equum ascendens processit eis obviam in pugnam, conturbatur exercitus noster, & cum ad arma irruerent universi, versi sunt *Turci* in fugam, quorum xxvi. perempti sunt, & xvi. vivi retenti, alios autem in equis agillimis fugientes tunc non contigit comprehendi, quamvis plurima constantia eos fuisset Rex profectus, quousque perspicue considerasset *Ramulam*, ubi *Turcorum* sedet exercitus, omnes igitur nostri inde ad exercitum reversi sunt.

## CAP. XXX.

*De incredibile Regis Richardi victoria & suorum, Armigeros suos dum furrarent contra Turcos defendentium.*

*Templarios, qui in Turcarum insidias inciderant, Rex Richardus liberat, Turcis fortiter depulsis & fugatis.*

Post festum omnium Sanctorum, sexta scil. die Sancti *Leonardi*, exierunt in regionem satellites & armigeri ad quæritandam herbam equis suis & pabulum jumentis. Templarii præerant ipsis conservandis armigeris, qui per valles oberraverunt dispersi ut loca considerarent herbidiore, sic enim de more solebant, herbæ causâ quærendæ, vagare dispersi, quam quidem nunquam luebant sanguine fuso, quando minus provide se gerebant. Templariis, ut prædictum est, armigeros servantibus, ecce à parte *Bombrac* exilientium *Turcorum* quasi quatuor millia equitum, per quatuor turmas decenter ordinatas, in ipsos arroganter irruebant Templarios, & statim circumdatos incluserunt, & pertinacissime insistebant, ut vel contererent vel comprehenderent, ex jugiter concurrentibus augebatur multitudo *Turcorum*. Templariis itaque sic ab imminetibus arctati, perpendentes de necessitate excercendam virtutem, expedite descenderunt ab equis suis, & dorsa singuli dorsis fociorum habentes hærentia, facie versa in hostes sese viriliter defendere cœperunt. *Turci* vero irruentes tres statim occiderunt Templarios. Ibi videre fuit pugnam acerrimam, ictus validissimos, tinnunt galeæ à percutientium collisione gladiatorum, igneæ exsiliunt scintillæ, crepitant arma tumultuantium, perstreperunt voces, *Turci* se viriliter ingerunt, Templarii constanter rejiciunt, hi imminet, illi retundunt, *Turci* probe invadunt, Templarii se strenuissime defendunt: ingruente denique *Turcorum* multitudine, singuli eorum tendunt manus ad apprehendendum fere oppressos Templarios, & multorum continue oppugnantium vexatos. Cum ecce, cognitis his quæ gerebantur, *Andreas* de *Chamguy*, præpete cursu eo versus ferebatur in auxilium ipsorum, cum xv. militibus fociis, & Templarios in arcto positos liberavit à manibus inimicorum suorum. Præstantissime se quidem ibi gerebat idem *Andreas*, sicut & focii ejus, in impetendo & effugando hostium turbam. *Turcorum* autem semper augmentabatur multitudo, nunc fugiunt, nunc instant, & à congregientibus utrisque denuo pugna confertur. Interea Rex *Richardus* operationi casellæ *Maen* reparandæ diligenter indulgens, tumultuantium comperta vociferatione congregientium, imperavit duobus Comitibus de Sancto *Paulo* & de *Leicebria*



*Leicestria* ad Templarios prope equitare, ut opportunum ferrent auxilium, cum quibus & misit *Willielmum* de *Cageu*, & *Othonem* de *Pransinges*, quibus jam progredientibus, auditus est clamor memoratorum armigerorum ad convocandum auxilium. Tunc Rex Comites exhortans præparare, ipse quam citius cucurrit ad arma, & cursu citissimo præfatos Comites secutus est: Comitibus itaque festinanter equitantibus, ecce ab infidiis repente de juxta quodam flumine proficientes quasi quatuor millia in quatuor cuneos partiti sunt, quorum duo millia præfatos Templarios invaserunt, & duo millia in illos duos Comites, & in eos qui cum eis erant converfi sunt: quod cum ipsi prospexissent agminibus apte digessis se ordinaverunt ad pugnam. Ibi Comes de Sancto *Paulo* minus commendabilem proposuit conditionem illi nobili Comiti *Leicestriae*, ut viz. Comes ipse de Sancto *Paulo* cum hostibus congredetur, & Comes interim *Leicestriae* observaret exterius rerum eventus, opem laturus si necesse perpenderet, aut ut Comes *Leicestriae* dimicaret cum *Turcis*, & Comes de Sancto *Paulo* interim observaret à latere, & curam gereret pugnantis is qui forinfecus vacuus staret: Comes *Leicestriae* conditionis partem elegit ut in hostes irrueret, quia nimis ægre ociosus attenderet. Segregatus itaque cum gente sua cum impetu valido terebatur in turbam *Turcorum*, quam prospexit densiorem, & duos ex nostris milites quos comprehenderant à manibus inimicorum eisdem atrociter insistentium viriliter excussit, tanta quidem virtute tanta dimicavit instantia, hos dejiciens illos detruncans ut ab illa die & deinceps ob meritum virtutum plurimum favoris ejus famæ adderetur & gloriæ. Jam utrinque crebrescebat conflictus ferventissimus commixtis indifferenter universis, cum Rex *Richardus* fremens advenit, cujus cum gens rarissima suos conatus æstimaret impares hostium tantæ multitudini, dixerunt nonnulli ad eum, Domine Rex, inconveniens æstimamus quid inchoare quod non facile poterit consummari, non arbitramur ad præsens fore tutum congredi cum paucis adversus tantam hostium multitudinem tam fortem, quod si forte reputaveris præsumendum, non poteris eos sustinere, nec ad optatum pervenies effectum, si his excutiendis succurendum censueris, quia ad tot virtus nostra non sufficit, imo minoris creditur detrimenti illos ab hostibus sic exclusos tantum deperire, quam te quoque cum ipsis *Turci* involvant, & Christianitatis de cætero spes pereat, & confidat confidentia, sanioris arbitramur esse consilii te esse salvum, dum licet declinare periculum. Quibus ita persuadentibus Rex ex fervente sanguine mutato colore sic respondit, quando dilectos socios rogatos præmisi ad bellum, sub sponsione subsecuturi auxilii, si non, ut prædixi, quantum valuerō sic mihi credulis non fuero præsidio, sed me absente & vacante mortem, quod absit, incurrant, nunquam Regis nomen ulterius usurpavero, nec plura fatus calcaribus urfit equum, & inæstimabili fervore ne dicatur furore irruens in *Turcos* impetu validissimo ordines cohærentes dissipavit, & fulminis more pertransiens solo plurimos prostravit impulsu, & rediens in eisdem gladium vibrans disperfit sine mora universos, iens & rediens huc & illuc ferebatur, ad nullius, sicut nec leo, pavescens occursum, quocunque se divertit passim cadunt ab eo, huic manus amputante, illi brachia vel caput. Inter cæteros quendam Admiralium validissimum & famosum, quem ipsi fors obtulit obvium percussit, interfecit, *Aralchais* nomine. Quid singula? superatis omnibus, quibusdam fugatis, aliis cæsis, five captivatis, dum fugientes aliquamdiu fuissent persecuti cum plurimis captivis ad suos reversi sunt. Sic eadem die gestum est in nullo *Francis* auxiliantibus. Eodem die tres forte metu mortis Apostatæ *Turcorum*, contempta superstitiosa vanitate, ad Christianæ religionis fidem converfi, Regi *Richardo* se subdiderunt.



## CAP. XXXI.

*Salahadinus fallaciis & promissionibus defraudavit & aliquamdiu detinuit Regem Richardum, & à bello cessare fecit sub spe reddendæ ei terræ sanctæ ut interim castra quædam dirueret.*

*Rex Richardus per legatos totum Syriæ regnum sibi reddi postulat.*

**R**eparatis jam ex parte duobus Castellis prænominatis, cum Rex *Richardus* perpendisset exercitum suum *Turcorum* factum abominari, & perfecto odio detestari, & etiam eos minus vereri, quos in frequentibus congressibus expertos vel dissipaverant, aut certe multo plures, opitulante Deo, contriverant, misit legatos nostros nobiles & industrios ad *Salahadinum* & *Saphadinum* fratrem, ejus exigens Regnum integrum *Syriæ* cum omnibus pertinentiis, quæ Rex leprosus ultimo tenuerat. Exigebat præterea & tributum à *Babylone* sicut Reges antecessores ejus quicunque habuerant; omnia enim à quocunque tempore Regni terræ *Jerusolymorum* pertinentia jure hæreditario sibi debita repetebat, ratione consanguinitatis prædecessorum, qui prædictam adquisierant & tenuerant. Officio legationis functi nuncii, cum *Salahadino* quæsito & invento summam Regiæ exigentiæ enucleatius exposuissent, non adquisivit *Salahadinus*. Indebitam, inquit, exigit Rex quæsturam, cui, salva honore *Paganisini*, assentire non possumus; veruntatem per fratrem meum *Saphadinum* Regi vestro mandabo, quod terram totam *Jerusolymitanam* eidem dimittemus liberam, viz. à flumine *Jordanis* usque ad mare occidentale, sine qualibet exactione, vel impedimento, ea tantum conditione ne unquam *Ascalon* civitas reædificetur à Christianis nec à *Sarracenis*. Cum hoc igitur *Saphadinus* Regi *Richardo* nunciare venisset, Rex ea die cum eo loqui noluit, qui sanguine fuerat minutus, *Stephanus* autem de *Torneham* eidem *Saphadino*, jussu Regio ad prandium ministrabat multimodorum delicias cibariorum, qui comedebat ea die in plano, inter castellum de *Templo* & castellum de *Josaphat*. In crastino misit *Saphadinus* Regi *Richardo* VII. camelos pretiosos, & tentorium optimum; *Saphadinus* itaque veniens ad Regem, cum eidem mandata *Salahadini* indicasset, pensans Rex res turbatas, & belli casus in ambiguo pendere, sustinendum arbitratur ad tempus, quatenus in sequens sibi cautius præcaveret, heu minus in his prudens quod nondum eorum dolum præsensisset, quod ipsum eo intuitu ambagibus in redeundum tempus longius pertraxissent incautum, quatenus interim diruerentur civitates, & castra, & terræ illius munitiones; *Saphadinus* denique tanta Regem nimis credulum circumvenit astutia, & composita fefellit verbositate, ut tanquam mutuam viderentur contraxisse familiaritatem: nam *Saphadini* xenia Rex adquevit suscipere, inter eos frequenter medii discurrunt nuntii à *Saphadino* Regi *Richardo* portantes munuscula, unde Rex non modicum suis videbatur reprehensibilis, & cum Ethnicis contraxisse familiaritatem nefas esse dicebatur. *Saphadinus* autem se asserebat sollicitum super pace certa & firma concordia inter eos reformanda, qua Rex suspensus intentione sano sibi videbatur uti consilio, ut ad amplificandam Christianitatem, & fines eorum dilatandos pax honesta reformaretur; eo quoque quamplurimum quod Rex *Franciæ* jam recesserat, cujus inconstantiam reverebatur & dolum, quippe cujus amicitiam nonnunquam fuerat expertus teneram & simulatoriam. Nunciis, ut dictum est, mediantibus, Regem *Richardum* tanquam colere xeniis videbatur *Saphadinus*, qui cum demum eorum assertiones perpendisset esse verba, nec ad expectatum exitum prodire negotium, maxime propter *Erac de Monte Regali* quod infra conditionem pacis componendæ Rex petiit dirui & ipsi non adqueverunt, tunc se prorsus alienavit ab eis. Postquam igitur erat notorium pacem & concordiam non prodire, ecce *Turcos* a dextris & a sinistris frequentes videres moliri incursiones, quibus Rex

*Saphadinus Regem Richardum falsa pacis spe deludit.*

*Richardus*



*Richardus* sæpius occurrebat in pugna, & ad abolendam impositæ sibi notam infamiæ, innumera hostium capita amputata detulit ostendenda, in argumentum sibi falso criminis imputati, & quod occasione Christianorum in hostem moræ non segnīs incitaretur. Tales autem quidam ei fuerant impedimento, & impositi criminis infamiæ causa, qui sæpius ipsius exhauriendæ inhiabant crumenæ, siquidem valde rarum constat qui non invitetur bono odore lucri.

## CAP. XXXII.

*Quæ incommoda ex pluviis & ab hostibus pertulerunt nostri dum morarentur inter Sanctum Georgium & Ramulam, vel in ipsa Ramula.*

**R**eparatis duobus caellis, & custodibus deputatis, movit Rex exercitum versus *Ramulam* seriatim ordinatum, quo audito *Salahadinus*, quia bellum inire non præsumpsit, villam funditus *Ramulam* iussit diruere, primus omnium inde discedens versus *Darum*, quia in montanis potius confidebat. Exercitus noster, fixis tentoriis inter Sanctum *Georgium* & *Ramulam*, sedit xxii. diebus ut gentem expectaret venturam & annonam. Ibi quoque infestissimas ab inimicis sustinimus incursiones, præterea quidem ingruentes pluviae à sedibus nostris nos exturbabant, in tantum ut Rex *Ierosolymorum* & gens nostra infra Sanctum *Georgium* ad hospitandum se transferrent & in *Ramulam*. Comes de Sancto *Paulo* ad caellum *Balneorum*. Apud *Ramulam* quidem morati sumus circiter vi. Septimanas, verum non in deliciis, sed dura principia dulci fine quandoque remunerantur. Igitur dum moram ibi facimus frequentes *Turcorum* experti sumus incursiones, ipsi quippe quantumcunque nostrorum invidentes quietem ad irritandum sæpius irruunt, vel ad inquietandum jacula mittunt. Vigilia beati *Thomæ* Apostoli, cum Rex *Richardus* paucis comitatus exiret à castris versus castellum dictum *Alba custodia*, ut *Sarracenis* tenderet insidias, præfagiente corde nonnihil imminere periculi, a proposito, ut creditur, divinitus averfus ad castra reversus est. Et ecce eadem hora intimatum est ei a duobus *Sarracenis*, qui ad ipsum tunc confugerant, quod *Salahadinus* paulo ante præmiserat ad *Albam custodiam*, quo Rex ire proposuerat, trecentos *Turcos* armatos electos. Eadem die profectus est Rex *Guido* versus *Achon*, *Stephanus* quoque de *Tornham* tertia die sequenti versus *Achon* profectus est. Nocte Sanctorum *Innocentium* media Hospitalarii & Templarii a castris egressi diluculo reversi sunt ad *Ramulam* cum præda ducentorum boum, quam in unum coactam a montanis juxta *Ierusalem* abegerant.

*Rex Richardus quas ipsi Turci struxerant insidias divinitus præfagisse creditur.*

## CAP. XXXIII.

*De admirabili pugna & victoria Comitissæ Leicestriæ contra Turcos nostris postmodum ad succursum venientibus.*

**A**ccidit die quadam ut nobilis Comes *Leicestriæ* *Turcorum* plurimos cum fastu maximo appropiantes paucis comitatus invaderet ad abigendum, quos perneciter fugientes infecuti sunt cæteris velociores tres milites focii Comitissæ, quos, cum jam in *Turcos* feriendos sese imprudenter ingessissent *Turci* inter se comprehenderunt abducendos, quod Comes comperiens, non ulterius ratus parcendum, in plures quam centum *Turcos* equo acto se præcipitavit ut socios suos excuteret. Et ecce, dum *Turcos* illos ultra flumen quoddam insectaretur, *Turcorum* equites circiter quadringenti venerunt a latere singuli tenentes lanceam arundineam & arcum, cum impetu magno Comitem cum

A a a

paucis



paucis fociis ab exercitu ne rediret excluſerunt à tergo, ſicque circumdatum ſolicite ſatagebant comprehendere. Jam ab equo proſtratum clavis ferratis crudeliter contundebant *Garinum* filium *Geroldi*. Ibi fuit conſlictus acerrimus perſtrepunt lanceæ, dum confringuntur, tinniunt ad galeas gladii, mutuo inſlictī reſonant iſtus, & ecce non multo poſt proſtratus eſt ab equo *Drogo* de *Fontenillo Putrell*, nec non *Robertus Nigelli*. Comitē ipſum obſedit tanta multitudo *Turcorum* & *Perſarum*, in ipſum comprehendendum irruentium, ut poſtremo vix ab equo durius flagellatum dejicerent, & in ipſo flumine prope-modum in turba ſubmergerent. Ipſe vero gladium vibrans, ut ſibi proſpexit opus inſtare, *Turcis* ſibi imminentibus impertiebat iſtus à dextris & à ſiniſtris. In ipſo articulo Comiti fuerunt auxilio *Henricus* filius *Nicholai*, & ille merito recolendæ memoriæ *Robertus* de *Novo Burgo*, cujus immortalis liberalitas eidem nomen acquiſivit æternum, videns enim Comitē crudeliter fuſtigatum æſtuare, & inter tot hoſtium manus dubio laborare certamine, equum ſuum à quo ipſe deſcendit obtulit Comiti ſcandendum, ſua reputans precioſiorem Comitis ſalutem. Factum conſimile vereor rariffimos parentare ſequentes, imo e contrario dives eſt omnis iniquitas ſocietate plurima. Sic ſe vir nobilis *Robertus* ingenuo factō ſuo & ſe conſervavit & Comitē. Erant præter hos cum Comite *Radulphus* de *Sancta Maria*, & *Arnaldus* de *Bosco*, *Henricus* de *Mailot*, *Willielmus* & *Saulus* de *Bruiſ*, ſed quid hi inter tantos? Veruntamen diutius hi ſe præſtantiſſime defendebant. Virtus vero paucorum non ſufficiebat adverſus innumeros, tanta ſiquidem contumacia recentiores pro fatigatis ſe *Turci* ſupponentes, Comitē cum fociis ſuis pauciſſimis improbiſſima vexarant inſtantia, & jugi flagellatione affecerant, ut pondus importabilis belli diutius ſuſtinere non ſufficerent, ſed jam equorum ſuorum colla complectentes ad malleantium contuſiones perferendas perdurarent immobiles, quos ſic demum tanquam ſtupidos, nec ulterius repugnantes *Turci* verſus *Darum* deduxerunt captivos. O quam bonum ſperare in Domino, quia non dormitat qui cuſtodit *Iſraelem*, nec quenquam ſuſtinet tentari ultra quam poteſt. Talibus geſtis in exercitu noſtro auditis raptim armati prodeunt milites, *Turcos* ferventius inſequuntur, invadunt, diſpergunt, lacerant. Noſtratum autem hi *Andreas* de *Changui*, *Henricus* de *Gray*, *Petrus* de *Pratellis*, & alii quam plures viri virtutis nominatiſſimi. Singuli noſtrorum perimunt ſingulos *Turcorum* in primo congreſſu factos obvios. *Turcus* quem *Petrus* de *Pratellis* obvium percuſſerat, tantæ probitatis fuerat & potentiæ, ut nec ipſe *Petrus* ſed nec quamplurimi ejuſdem focii prævalerent ipſum *Turcum* ſalvum comprehendere, vel vivum abducere, imo vix ſuperatum peremerunt. Admiralium quoque, quem in ipſo congreſſu fors obtulit obvium, *Andreas* de *Changui* lancea tranſfodit medium, & lethaliter vulneratum equo dejecit non ulterius turbam ducturum. Idem vero *Turcus Andreæ* brachium haſta cannea contriverat perforatum. Ad caſum Admiralii concurrunt *Turci*, atrociter dimicant ut Admiralium ſuum eruant, ſed penes eum opus eſt conſummatum, *Turci* nihilominus violenter noſtros opprimunt, iſtus iterant, cannis ferratis propellunt. Jam prævalere æſtimarentur niſi noſtrorum numerus augeretur, & virtus jam fatigatorum primorum ſubſequentium corroboraretur adventu. Tunc pertinax pugna conſeritur, Comes impetit & impetitur, *Turcos* dejecit & contunditur, plurium imminentium ſibi cervices abradit, multorum pluries excipit iſtus, ſingulis ingerens unum tantum iſtum nec opus eſt ulterius adjicere. Duo ſub eo perempti ſunt equi, de quo nimirum ferebatur nunquam ejus ætatis alterum tantilli corporis hominem tantorum fuiſſe præditum magnificentia geſtorum. In cujus etiam auxilium tanta militum electorum ab exercitu noſtro multitudo concurrerat, ut nullus eorum in tanta rerum turba ceciderit, imo *Turcis* diſſipatis & in diverſa diſperſis diutius perſequerentur fugientes, donec affecti tædio reverterentur ad exercitum in pace.



## CAP. XXXVI.

*Quæ incommoda per pluvias & tempestates, & hostium irruptiones gens nostra per Betenoble transiens versus Jerusalem pertulit.*

**I**Nterea cum innotuisset Salahadino gentem nostram esse in procinctu ad-  
eundi sanctam civitatem *Jerusalem*, & jam ab exercitu suo duobus distaret  
milliaribus, quia cum Christianis pugnare non reputavit fore tutum, iussit solo  
tenus *Darum* diruere, turres & muros & inde fugit ad *Jerusalem*. *Turci* quo-  
que de planitiis transeuntes occupaverunt montana. Quibus amotis, præco-  
nis vociferatione denunciatum est à nostris, exercitum transmigrandum usque  
ad montis radicem. Rebus itaque dispositis, & digesto per acies exercitu  
profecti sunt seriatim usque ad castrum dictum *Betenoble*. Tunc nobis in-  
gruebant pluviae gravissimæ, & aeris intemperies sævissima; unde jumento-  
rum nostrorum periitre quamplurima, tanta quippe exorta est tempestas plu-  
viarum, grandinum, ventorumque vehementium irruebant fragores, ut papi-  
lionum palos avellerent, & longius dejicerent, & equi frigoris magnitudine, &  
nimietate aquarum perirent, & pars maxima victualium panis biscoctus di-  
stemperabatur in dissolutionem, & carnes fuillæ vulgariter *Bacones* compu-  
trescebant, loricae & arma quamplurima obducebantur rubigine, vix maxime  
rotando ad pristinum reducenda fulgorem; vestes resolvebantur, & ex exter-  
narum situ regionum naturali suæ complexionis contrario contabuerunt plu-  
rimi, & tantarum lue miseriarum elanguerunt. Hoc solum eis supererat pro-  
solatio, quod sperabant in proximo Dominicum visitaturos sepulcrum, ultra  
quidem modum desiderabant videre civitatem *Jerusalem*, & peregrinationem  
consummare. Comportabant igitur singuli victualia ad obsidionem com-  
plendam, tunc videres gentem undique confluere cum jocunditate in quam-  
cunque expeditionem voluntariam. Ipsi quoque, qui apud *Joppen* decubue-  
rant, infirmi deferiebantur in grabatis & lectulis ad exercitum, sub spe proce-  
dendi versus *Jerusalem*. Similiter & undique confluebat multitudo co-  
piosa nimis, quatenus simul & cum exercitu Dominicum visitarent sepulchrum,  
hæc spes sola omnia cætera superabat incommoda. *Turci* vero, dum sic affer-  
rentur infirmi, irruebant in eos, & tam portitores trucidabant quam infirmos,  
nullis parcendum putantes, quos sibi cognoverant esse inimicos: sed quid  
quacunque morte justus fuerit præoccupatus salvabitur, præsertim martyr re-  
putandus, cujus tam gloriosa commendat causa martyrium, quibus nihilomi-  
nus, licet mala intentione hostes intulerunt mortem, illud cedebat ad lucrum,  
quod tam brevibus impendiis cita morte consummati expleverunt tempora  
multa.

*Maxima ho-  
minum multi-  
tudo spe san-  
ctum visitan-  
di sepulcrum  
ad exercitum  
undique con-  
fluit.*

## CAP. XXXV.

*Populus arma sua præparat gaudens de peregrinatione in Jerusalem, quam  
dissuadent Templarii & sapientiores sed consilium eorum  
populus adhuc non exaudit.*

**I**Gitur lætabatur exercitus eximie, eo quod se sperabat in proximo ad Do-  
minicum pervenire diu desideratum sepulcrum. Rotantur loricae, ne rubi-  
gine squallescant, tractantur galeæ mapulis, ne forte pallefant, humore lam-  
bente fulgorem gladiatorum, birris exterguntur mucrones, ne qua humectati-  
one claritudini inimica corrumpantur. Quid autem per singula numeranda?



ad aggrediendum iter se sollicitè singuli expediunt, ullis nec hostili incurfione retardandi obstaculis, verba quidam jactantes magniloqua, invitis *Sarracenis* se præmasticant, olim devotam consummaturos peregrinationem. Verum plebis desiderio minus circumspecto sapientiores non censuerunt adquiescendum. Templarii enim & Hospitalarii, *Pisani*, nihilominus terræ illius in futurum oculos acutiores habentes, super agendis Regi *Richardo* dissuaserunt versus *Jerusalem* in illo articulo eundum, tum quia, si civitas obsideretur, & tota intentione insisterent expugnare *Salahadinum*, & hos qui cum eo coercerentur inclusi, exercitus *Turcorum* exterior, qui non procul inde in montanis sedebat, obsidentibus repentinas moliretur incurfiones, & periculosior pugna committeretur hinc ab externis inde ab exeuntibus obsessis, tum & si omnia succederent ad votum, & obtinerent civitatem *Jerusalem*, nec hoc etiam expedire visum est, nisi statim viri robustissimi deputerentur qui custodirent civitatem, quod quidem autumabant non de facili posse compleri, præsertim cum plebem perpendissent avidissimam ad peregrinationem consummandam, ut inde sine mora repatriarent singuli, turbationis rerum jam ultra modum pertæsi. Hæc omnia pensantes subtilius hoc suaserunt differendum, quatenus belli & robur vulgi de consilio conservaretur, & tamdiu cohærerent quamdiu non consummaretur peregrinatio, soluto quippe voto dissolveretur exercitus. Sed adhuc consilium eorum non omnino exauditur.

## CAP. XXXVI.

*Quos Turcos Rex Richardus cum suis delitescens ad casellum Balneorum occiderit in prædicto itinere versus Jerusalem.*

**I**Am incipiebat novus annus, annus viz. Domini MCXXII. qui & Bissextilis erat, habens post locum Bissexti D. Dominicalem literam. Et ecce post circumcisionem Domini, die tertia, cum exercitus noster ad progrediendum se sollicitus expediret, deformium multitudo *Turcorum*, qui eadem nocte præterita juxta casellum de *Planis* in insidiis delituerant, inter fruticeta prosiliit diluculo, in viam observandam, per quam noster transiturus erat exercitus. Duos itaque ex nostris satellites, quos primos viderent mane progredientes invadentes, sine mora peremerunt, quos tamen Deus providerat in brevi vindicandos. Rex quippe *Richardus*, cui prius innotuerat de prædictorum *Turcorum* insidiis, ut viz. insidiantibus infidiaretur, mane progrediens cum *Turcorum* attenderet incurfionem, rapido cursu eo versus ferebatur, sperans prædictos satellites à manibus eorum vivos excutere. Verum ipsis detruncatis, cum Regem ex ejus imminente Baneria *Turci* cognovissent, statim fugere cœperunt; erant autem ferme centum *Turci*, quorum quosdam à facie ejus divertentes in montana Rex insequens, septem ex eis aut perimit aut comprehendit. Octoginta vero *Turcorum* versus *Mirabel* fugientes Rex sedens equo suo favello *Cyprio* velocius acto apprehendit, & statim in ipso congressu *Turcorum* duos equis dejectos detruncavit, antequam quisquam suorum comitum ad ipsum pervenisse potuisset. Equus quippe favellus incomparabilis erat velocitatis. Ibi tunc erat *Galsfridus* de *Liziniaco*, cum aliis quibusdam, qui tunc quoque ex illis *Turcis* viginti tantum vel occiderunt vel vivos retinuerunt, quod si longius fugientes instantius persecuti fuissent, profecto multo plures comprehendissent.



## Liber Quintus.

## CAP. I.

*Ad persuasionem Templariorum & prædictorum, contra voluntatem plebis nunc demum nostram peregrinationem in Jerusalem intermittunt ut prius reædificationem Ascalonis intendant.*

**A**Nno igitur Domini MCXXII. post Epiphaniam Domini, non multis evolutis diebus, coacto consilio sapientiores iterum ut supradictum est inter se statuerunt tractandum, ascitis etiam discretioribus illius terræ oriundis, utrum expediret vel procedere versus civitatem *Jerusalem* expugnandam, vel alias divertere. Allegantibus itaque Hospitalariis & Templariis & *Pisanis*, ut dictum est superius, variis nitentibus rationibus ad id plurimum sentientibus, dissuasum est omnino progrediendum, imo *Ascaloni* civitati potius insisterent reædificandæ, quatenus ibi transitus observaretur *Turcorum* à *Babylonia* versus *Jerusalem* cibaria portantium. Huic tandem sententiæ in commune annuerunt majores, quod potius expediretur tunc temporis *Ascalonem* à *Turcis* ereptam reædificare, & ne liberiori transitu *Turci* gauderent ulterius ibidem observare. Igitur cum jam revera innotuisset exercitui regressionis decretum plebs inæstimabili contabuit mœstitia, gemunt omnes & suspirant, spem eorum, quam alto corde conceperant de Dominico visitando sepulcro, ita repente fuisse præcisam. Imminens itaque tristitia præcedentem de progrediendo lætitiā prorsus absorbit, & priorem spei conceptionem ex jam auditis expungebat desperatio. Imprecantur hujus decreti promulgantibus omnem malum anxii, maledicunt voti dilationem & tam contrariorum gestorum procuratores. Verum si eisdem plenius innotuisset de statu & penuria eorum, qui in *Jerusalem* erant, moderatiori forte sollicitarentur anxietate, ex inimicorum tribulatione quantamcunque habentes consolationem. *Turci* quippe, qui intra *Jerusalem* civitatem se cohibebant, perniciosissimis angustabantur suppliciis multimodis; nivium enim & grandium opprimebantur nimietate, ex quarum nihilominus resolutionibus aquarum diluvium à montanis defluens, equos eorum & jumenta catervatim involvit, vel certe frigoris asperitas necavit. In tantum nimirum excubuerunt penuria & nimia periclitabantur defectione, ut si nostris revera constaret de *Turcorum* tanta oppressione ob aeris intemperiem lenibus tunc temporis laboribus & impensis obtineretur, & proculdubio de facili civitas illa diu desiderata *Jerusalem* expugnaretur, sed diu a nostris retineri non posset, quia peracta peregrinatione populo repatriante non superesset gens quæ eam defendere valeret.

*Aquarum inundatio Hierosolymis.*

## CAP. II.

*Populus ultra modum anxietur & doloribus afficitur nimis ultra modum pro peregrinatione in Jerusalem dimissa, & reversione sua in Ramulam.*

**I**Nstante jam festivitate Sancti *Hilarii*, tanta populum nostrum perurgebat de regrediendo sollicitudo & mœroris nimietas, ut propemodum Apostarent quamplurimi, dies execrantes nativitatis eorum se dolebant ad tantam



refervatos desolationem. Præterea ægritudinum vehementia plures debilitabantur & penuria, ut vix cum maximo labore & ærumna sufficerent: sed tamen non sufficiebant ad reportanda victualia sua equi eorum & jumenta; frigoris asperitate, & aquarum gelidarum ingruentia in tantum defecerant, ut labentibus genibus, deficiente virtute, frequenter ruerent, & fame affecti in locis cœnosis volutarentur sub farcinis. Tunc audires eos, qui jumenta minabant, complofis manibus vicissim gemere, vel sibi palmas in faciem dare, & præ amaritudine animæ & afflictione spiritus, verba jaculari redolentia in parte blasphemiam. Quinimo acerbiori nunquam, imo nec consimili, æstimantur quicunque vel scelerati, vel suppliciis addicti facinorosi, agitati angustia vel attriti depressione, vel pari cruciati defectione pene ultima. O juvenus tot præclare gestorum gloria insignis? O militia tot articulis probata! jam emarcescit mœrore, desperatione languet, & præter corporalem infirmitatem, qua populi laborat infinita multitudo, exulcerantur præcordia stimulis solitudinis, quibus nihil & gravius, sicque duplici contritione sunt obruti, infirmorum quippe quamplurimi sibi non sufficientes ibi periclitarentur neglecti, nisi Rex *Richardus*, divinæ motus intuitu pietatis, universorum curam haberet: missis enim nuntiis circumquaque quærere ægrotantes, in virtute sua congregabat pereuntes, & coadunatos cunctos secum versus *Ramulam* procurant deportari, ubi totus dispositus exercitus regressus est, unde paulo ante decesserat.

*Regis Richardi pietas  
in ægrotos.*

## CAP. III.

*Quantis tribulationibus & mœroribus ultra modum anxietabatur exercitus inter Ramulam & Ascalonem ex viarum periculis, & intemperie aeris, & recessu multorum Francorum ab exercitu*

*Francorum alii ad Joppen  
alii ad Acon  
alii Tyrum dirigitur.*

**I**gitur dum apud *Ramulam* in maxima tristitia federet exercitus, coeperunt quamplurimi, vel ad declinandum iter laboriosum, vel ob contumaciam & indignationem, ab exercitu recedere, unde non minimum diminutus est exercitus. *Francorum* enim pars maxima ob iracundiam recesserat, qui & apud *Joppen* aliquamdiu resederunt in ociis, quidam etiam ad *Achon* regressi sunt ubi victualium non erat egestas. Nonnulli etiam profecti sunt *Tyrum* ad *Marchisum* qui plurimum eos ad id sollicitaverat, quidam quoque cum Duce *Burgundie* ob iram & indignationem diverterunt ad Casellum de *Planis*, ubi per octo dies morati sunt. Rex *Richardus* super rerum statu non minimum exasperatus, cum *Henrico* Comiti *Campanie* nepote suo, & cum residuo exercitus jam ex parte sic diminuto, profecti sunt versus *Ibelinum*, vias autem adeo cœnosas invenerunt, & lutulentas, ut hospitandi tempore nihil æstimaretur adeo fatigatis optata quiete magis necessarium, apud *Ibelinum* moratus est ea nocte exercitus, non minus mœrore affectus quam laboris pertæsus, magnitudinem quidem tribulationis & miseriæ nec calamus describere, nec lingua sufficeret depromere. Summo diluculo præcedentibus his qui tentoriis deputabantur figendis, prodibat seriatim armatus exercitus, super calamitatem vero illius diei itineris minimum æstimaretur quicquid anterioris diei exaggeraverat angustia, fessi nimirum dum proficiscerentur, gelidæ nives impluunt vultibus, grandinum densitates reverberant, pluviae torrentes involvunt, ut tanquam ad examinandum omne cœlum deputaretur affligendis, sed & terra pedibus cedebat ambulantium cœnulenta, locis palustribus decidunt veredarii equi & homines, qui dum sollicitius toto conamine elaborant emergere desperabilius revolvuntur in præceps quamplurimi non amplius evasuri. O quis æstimaret illius amaritudinem diei? quis pondus angustiae? quis miserorum pensaret infelicitatem gemitus & suspiria? constantissimorum etiam vultus non minus lachrymis



lachrymis rorabant quam pluviis, quos nimirum ob suppliciorum immanitatem torpentes jam superesse tædebat, Deficientibus jumentis decidentia passim perire victualia, vel cum aquarum torrentibus defluentia, vel in locis bituminosis immersa, sic contriti, probati, fatigati, sæpius diei qua nati sunt maledicentes, frequentius seipsum colaphizantes tandem ad *Ascalonem* civitatem pervenerunt, quam omnino ita dirutam à *Sarracenis* solotenus repererunt, ut vix cum summo labore per portarum introitus ingredi potuissent super congeries lapidum. Dies illa fuit vicesima mensis Januarii. Ea nocte pro facultate virtutis singulorum sibi quisque vacabat.

*Christiani tandem ad Ascalonem perveniunt.*

## CAP. IV.

*Item quantis incommodis affligebatur exercitus apud Ascalonem, ex aeris intemperie, & penuria victualium.*

**A**scalon civitas juxta mare Græcum sita est, qua quidem nusquam esset altera *Ascalonis sita.* civitas competentius locata, nec situ fortior, nec suburbanis felicior, si modo portum navibus aptum haberet applicandis. Portum quidem habet sed periculosum, quo maris fervor irrequietus naves solet ex assidua jactatione dissolvere, unde ea tempestate, qua eo pervenit exercitus, maxime propter imminensem aeris intemperiem, per octo dies nulla navis *Ascalonem* præsumpsit adire cum victualibus, quibus plurimum indigebat exercitus, sed nec homines vel jumenta per VIII. dierum spatium quicquid aliud gustaverunt, præter id modicum quod illuc attulerant, nec enim propter *Turcorum* insidias in regione tutum erat cibaria quæritare. Denique, serenato aliquantisper tempore, venerunt eo naves quædam onerariæ cum victualibus. Nec mora, grassante rediviva tempestate, coepit iterum exercitus egere, naves quippe quas *Bargas* vocant & *Galeæ*, propter victualia transmissæ, vi turbinum ingruentium ventorum resolutæ perierant, cunctis fere submersis qui fuerant in ipsis, omnes etiam *Snakæ* Regis & aliorum confractæ sunt, ex quarum materiis fecit Rex suas longas naves conficere, quibus æstimat sed frustra transfretare.

## CAP. V.

*Saladinus audita reversione & dispersione exercitus nostri, Principes & exercitum suum usque ad Maium ad propria remittit.*

**S**aladinus, audito quod gens nostra per maritima fuisset dispersa, & quod ex parte noster esset dissipatus exercitus, suos principes cum gente sua in propria reverti [jussit, ut] usque mensem *Maium*, scil. tempus expeditioni competens, vacantes, res suas singuli curarent domesticas. Interea *Turci*, qui jam per continuum quadriennium sub *Saladino* laboriosissime militaverant, in castris voluntarie digressi sunt ut desideratam reviserent familiam. Tunc audires tot Admiratos, tot principes exercitus & magnates, nimis damnosam rememorari expeditionem, & super infortunia obstupescere, ut qui consueverant, retroactis temporibus, in singulis fere congressibus perseverare victores, & quoslibet adversarios contere, & spolia diripere, nunc è contrario tanto tempore non tantum nihil acquisivisse, verum etiam, cum rerum suarum dispendio, & parentum partem non minimam in præliis frequenter amisisse. Præterea inconsolabiliter commoti sunt super expeditionem principum illorum, & Admiratorum, & aliorum, quos, quia *Saladinus* ex conducto neglexit redimere,



mere, Rex *Richardus* apud *Achon* jufferat decollari, sicut prædictum est. Ex hoc igitur inexorabilem adversus *Salahadinum* conceperant indignationem, & odium. Cum gemitibus igitur & lamentis exercitus *Salahadini* secessit ad tempus.

## CAP. VI.

*Rex Richardus Francos ab exercitu digressos quoscunque potuit allicere revocat, & communi consilio Aſcalonem reedificant.*

**E**Xeunte jam mense Januario, & instante aere puriore, Rex ægre ferens exercitum in diversa dispergi, destinatis nunciis mandavit *Francis* persuasorie, quatenus ad castra redirent *Aſcalonem*, & unitate communionis consolidaretur exercitus universitas, & decerneretur à cunctis quonam tum censeretur commodius divertendum, expedit enim, inquit, ad capiendum consilium, scil. virtute & consilio, universitatem exercitus simul adesse, ne forte (quod absit) interveniente discordia perniciosius à mutuis destituamur auxiliis, & desperabilius ab insidiatoribus expugnemur adversariis. His auditis *Franci* Regi, significant ejus mandato se profecto parituros, sed tantummodo usque Pascha, ea quoque conditione ut, si forte mallent ad Pascha *Franci* recedere, sine qualibet conditione & impedimento libere recederent, eis autem libere recedentibus auctoritatem præstaret & conductum, Omnibus his Rex annuit, utpote pensans multa pro tempore dissimulanda, & ecce redeuntibus *Francis* consolidatus reparatur exercitus. Visum est igitur in communi muros *Aſcalon* reparare, & civitatem reedificare; verum procures & majores in tantum extiterant jam attenuati, ut vel ad modicum non sufficerent. Et tamen singuli secundum propriam virtutem inchoare coeperunt, unius itaque portæ majoris altius fundamenta confodiendo perquirentes usque ad ipsius maceriei soliditatem dejecerunt dirutam lapidum congeriem, ibi videre fuit universos in commune operari, Procures, Nobiles, Milites, Armigeros & fervientes à manu ad manum lapides & saxa protendere. Hæc erat distinctio inter Clericos & Laicos, inter ingenuos & plebeios, inter satellites & principes, idem omnibus par labor & opera simul omnes fecit æquales, hinc & in brevi profecerunt usque ad ipsorum etiam operantium admirationem. Postea perquisitis & adhibitis cementariis fervet opus, & expeditius surgit altitudo murorum. Erant civitatis *Aſcalon* turres plurimæ à solo jam prorsus equatæ numero quinquaginta tres eminentiores & firmissimæ, præter minores moderatioris altitudinis. Quinque quoque turrium prædictorum propria sortitæ sunt vocabula à suis fundatoribus; quia, secundum antiquorum assertionem conscribuntur veritatis, & famam publicam, primus extiterat illius famosi *Noe* filiorum *Cham* nomine potentissimus, qui xxxii filios generavit post ipsum regnantes, ipsi civitatem *Aſcalonem* construxerunt, ipsi, ut fama prædicat, ad consummandam quam inchoaverant civitatem, circumquaque per suæ fines ditionis asciverant auxiliores, in quorum gratiam conciliandam, & nomen æternum, dicuntur puellæ construxisse turrin quæ dicitur puellarum. Simili modo ædificaverunt milites turrin nuncupatam scutorum, Turrin vero sanguinum vocitatam asseverant fundatam de quolibet reorum redemptione, &, quomodo hujusmodi obsequio à sui reatus supplicio vitæ sanguinem redemisse dicitur, turris sanguinum appellatur. Quarta Admiratorum turrin dictam ædificasse feruntur Admirati. Quintam *Bedewinorum* turrin, construxerunt eam *Bedewini*. Hæ itaque quinque turres ab his constitutæ dicuntur auctoribus, à quibus singulæ singula traxerunt vocabula. Applicatis igitur operi cementariis electis expeditius opus excrevit. Rex idem operando etiam insignis enituit, qui in omnibus operibus suis singularis eminebat,

*Franci ad exercitum redeunt.*

*Cham Noachi filius Aſcalonem primus fundasse dicitur.*



eminebat, ipse manibus ædificando, ipse sermone persuadendo, ipse impensas distribuendo, efficacius proficiebat. Ad cuius exhortationem singuli procerum & magnatum proportionaliter, pro suæ possibilitatis facultate, partem amplexati sunt consummandam, quorum siquis, deficiente forte pecunia, ab operando defecissent, tunc Rex magnanimus in corde major quam dignitate eisdem impertiit de facultatibus suis, prout singulos noverat indigere. Ipso denique innuente, ipso persuadente, ipso operam impendente simul & impensas, in tantum opus invaluit, ut tres ædificandæ civitatis partes ejus sumptibus dicerentur consummatæ.

## CAP. VII.

*Qualiter Rex Richardus à Turcis apud Darum mille ducentos Christianos captivos in Babyloniam captivandos excussit.*

**I**Nterea procuravit Salahadinus mille ducentos Christianos *Francos*, viz. & illius terræ oriundos, Babyloniam producendos captivos, quos cum ipsius Salahadini domestici produxissent usque ad castrum dictum *Darum*, & ibidem pernoctassent in crastino profecturi, accidit, Deo sicut creditur dispensante, quia per Regem *Richardum* excussi sunt à servitute. Rex enim dum forte die quadam exiret cum electa manu militum castrum visurus *Darum*, quo quomodo comprehendendum, quia nimis erat illac meatus accommodus *Turcis Babyloniam* euntibus & *Jerusalem*, qui victualia portarent & escas, Regis adventum cum ex imminente Baneria sua comperissent *Turci*, qui paulo ante ad occasum jam sole vergente usque *Darum* pervenerant, timore perterriti vitæ suæ consulentes in turrin castrum se velocius intromiserunt, & quos adduxerant captivos extra castrum reliquerunt, qui confestim in quandam Ecclesiam, quam conspexerunt vicinam, alacriter confugerunt. Quos Rex eo veniens sine mora solutos illæsos fecit abire, & *Turcorum* quamplurimos trucidavit, quos scilicet in manus suas & suorum tunc temporis contigit incurrere. Equos pretiosos Rex ibi lucrifecit quamplures, & de majoribus *Turcis* comprehendit vivos xx, exceptis preemptis. Quis Regis eo adventum captivandis tam necessarium à Deo procuratum dubitaverit? qui nisi tunc cum suis sic venisset, universi, quos excussit à manu hostili, proculdubio perpetua damnarentur servitute.

## CAP. VIII.

*Rex Richardus Marchiso mandat, sed ille mandatum respuit.*

**H**is itaque gestis, mandavit Rex *Richardus*, missis legatis illi satis præmemorato *Marchiso*, sicut & antea pluries fecerat, ut in expeditionem veniret *Astalonem*, vices suas executurus ex animo pro parte Regni ad quod aspiraverat, & hoc mandavit ei super præstitum olim super eodem coram Rege *Franciae* etiam fide media juramentum. Super hoc mandato perverse sentiens & subfannans ille degener *Marchisus* asseribat se eo nullatenus venturum, nisi prius habito cum Rege *Richardo* colloquio, aliter autem ad exercitum profectus est quod nec pedem portaret, sed nec pes ipsum. Veruntamen ex condicto apud castellum *Ymbri* conveniunt postmodum ad colloquium.



## CAP. IX.

*Dux Burgundiæ cum Rege Richardo revocatus ad Ascalonem recedit ab eo ad Achon, quia noluit ei accommodare pecuniam.*

**I**gitur dum Rex cum cæteris muris *Ascalon* intenderet omni diligentia restaurandis, mergente simultate orta est inter Regem & Ducem *Burgundiæ* discordia. Consumptis siquidem ex parte majore victualibus, & propemodum attenuatis usque ad nudum singulorum substantiis, coeperunt *Franci* ipsum Ducem interpellare super sibi debitis stipendiis, sine quibus se proponebant ulterius in castris non posse militare. Super hac exactione cum sollicitus Ducem urgerent, nec ad hoc ipse sufficeret, visum est ei Regem *Richardum* super ampliori præstanda pecunia convenire. Prius etenim, ut supra dictum est, eisdem *Francis* ad Ducis petitionem accommodaverat innumeratam pecuniam apud *Achon*; reddendam ei de redemptione in *Achon* comprehensorum *Turcorum*, sed illius pecuniæ pristinae solutio defluerat in nihilum, quia captivi pro quibus redimendis non est soluta pecunia dederunt tantum capita sua, unde Rex *Richardus* Ducis non annuit petitioni. Hac occasione, & intervenientibus aliis à parte Ducis nonnullis jurgiorum feminariis, recessit inde Dux commotus, cum quo nihilominus *Franci* properanter versus *Achon* perfecti sunt.

## CAP. X.

*Apud Achon Pisani faventes Regi Guidoni, & Genuensibus faventibus Marchiso & Franci confligentes, Ducem Burgundiæ equo dejecerunt, & ipsum cum Marchiso in Tyrum fugaverunt, & pro Rege Richardo miserunt, qui eos pacificavit.*

**I**lli autem ad *Achon* venientes invenerunt atrociter inter se confligentes *Genuenses* & *Pisanos*. *Pisani* namque mera liberalitate, & justioris causæ contemplatione, favebant Regi *Guidoni*, *Marchisi* vero partes fovebant *Genuenses*, præsertim ob fidem præstitam & juramentum, quo tenebatur *Marchisus* Regi *Franciæ*. Hinc orta est discordia, fiunt cædes, & mutua impugnationes, & tanquam bellum civile in *Achon*, & motus rerum, & turbatur tota civitas. Appropinquant civitati cum audissent tumultum plurimum, & populi strepitum sese mutuo cohortantium ad pugnam, festinanter Dux cum *Francis* armatur, sicque *Genuensibus* opem ferre cupientes procedebant armati. Super quorum adventu *Genuenses* sunt contumacius elati. *Pisani* nihilominus cum se impeti attendissent irritati, & exeuntes ipsis obviam, audacter acceperunt advenientes ad pugnam, quoniam facies eorum erat pugnare volentium. In Ducem *Burgundiæ*, qui major eorum esse videretur, insurgentes, impetu magno ipsum circumdantes, ab equo statim lancea transfixo dejecerunt in terram, sicque se recipientes in civitatem, portas firmiter clausas obturaverunt, propter contingentes importunitates. Didicerant enim jam *Pisani*, *Genuenses* illos significasse *Marchiso*, ut quam citius veniret ad occupandam civitatem *Achon*, quam eidem scil. Sponponderant tradendam. Ob hujusmodi factionis cautelam nimirum sibi præcavebant *Pisani*, & civitatis indemnitati. Nec mora *Marchisus* eo venit in Galeis suis cum armata gente plurima, sperans occupare repente civitatem. Ad quorum adventum *Pisani* constanter insistent *Petrariis* & *Mangonellis*, tribus diebus fere oppugnantibus sic resistunt *Pisani* virtute

*Marchisus ad Achonem occupandam expeditionem frustra suscipit.*

te sua confisi & causa meliore, sicque se invicem experientes viriliter concertant, donec *Pisani* mandaverunt Regi *Richardo* rerum statum, ut velocius accederet. Rex eo tempore venerat *Casaream*, iturus ad colloquium quod habiturus erat cum *Marchiso*, ubi præfati nuntii obviam Regi venientes, rem ut erat cum exposuissent, & vice *Pisanorum*, ut concite veniret ad conservandam *Achon*, postulassent, nocte subobscura redierunt *Achon*. *Marchisus* autem, cum Regem *Richardum* accepisset eo in proximum venturum, sine dilatione regressus est *Tyrum* properanter, tanquam Regis adventum sibi male conscius reputaret suspectum. Dux nihilominus *Burgundiæ* cum *Francis* prius *Tyrum* adierat. Rex rerum cognita perturbatione, postquam *Achon* pervenerat, in crastino cinerum postera die negotiorum omnium curam, tanquam jam fere solus in terra relicta, in se suscepit agendam; & convocato populo rationibus acutissimis edisserens persuasit, nihil inter consortes insignius amicitia, nihil familiaritate jucundius, nihil consensu vel concordia suavius, vel unitate solidius, nihil è contrario similitate perniciosius, nihil quod periculosius dissipat pacis unitatem, quod & foedus polluit dilectionis. Denique quicquid mutæ charitatis glutino confirmatur & corroboratur gratia amicitiae, profecto livoris fermento dissolvitur. Hujusmodi Rex allegationibus cum *Pisanis Genuensibus* ad pacis unitatem & concordiae revocavit, & pristinam inter eos in pacis osculo reformavit societatem.

*Dissidium inter Pisanos & Genuenses à R. Richardo componitur.*

## CAP. XI.

*Rex Richardus apud casellum Ymbrici colloquium habens cum Marchiso, monet eum redire ad unitatem exercitus, qui, quia noluit, abhæreditatur terris & redditibus sibi promissis.*

**H**Is itaque pacificatis, mandavit Rex *Richardus* *Marchiso*, ut rediret ad colloquium apud casellum *Ymbrici*, si forte gratia divina concordantes in unam sententiam efficacius in agendis proficerent, & totius Regni respublica ex utriusque communicata virtute fortius administraretur. Convenerunt siquidem & diutius collocuti sunt, sed modicum profecerunt. *Marchisus* Ducis *Burgundiæ*, nec non & *Francorum* prætendebat recessum, & argumentosis cavillationibus se nitebatur à negotiorum exercitio excusare, sicque, *Francorum* allegata absentia, *Tyrum* rediens se contulit uxoriis thalamis, suspensus à castris militaribus. Cernens Rex *Richardus* Ducem *Burgundiæ* & *Marchisum* cum *Francis* se gratis à castris absentasse, pensans etiam altius pactæ initiata foedera pacis, diutius fluctuans animo, quid in tali discrimine sibi potius esset agendum, cum majoribus populi & discretioris habuit ministerium consilii, quid ulterius competentius censerent. Qui, cum trutinatis subtiliter causarum meritis, adjudicassent *Marchisum* juris decreto demeruisse redditus dudum sibi, sicut prædictum est, assignatos in Regno, ratione prævaricationis ejusdem redditibus ipsum censuerunt privandum. Hinc pertinacius radicata est discordia inter magnates *Franciæ* & Regem *Richardum*, inter *Marchisum* maxime, qui tunc ut prius sæpius sollicitaverat *Francos* universos ab *Ascalone* *Tyrum* ad se venire, totumque Regnum & terram adeo conturbavit, ut Rex *Richardus*, fallaciam *Marchisi* non ignorans, a crastino Cinerum usque ad diem *Martis* ante Pascha ab *Achon* civitate non discederet. Inimicum enim quamvis humilem prudentis est cavere.

*Decretum R. Richardi Marchisum & Franciæ magnatus exacerbat.*



## CAP. XII.

*Dum Rex Richardus esset Achon, nostri de Joppe & Ascalone exeuntes infinitam prædam reducerunt, & apud Achon filium Saphadini militem Rex fecit.*

**T**ertia die ante Dominicam Palmarum exiens à Joppe turba juvenum usque *Mirabell*, prædam maximam animalium à *Sarracenis* diripuerunt, & triginta *Turcos* trucidaverunt, & vivos usque *Joppen* reducerunt quinquaginta, cum præda infinita. Cujus medietas Comiti, qui custodiebat civitatem, cedebat, altera medietas vendita est VIII. millibus *Bisanciis Saracenicis* probatæ monetæ. Item in crastino, i. e. Sabbato Dominicæ Palmarum, exierunt ab *Ascalone* omnes, qui equos habebant, & totam percurrerant regionem, referentibus his qui intererant, usque in *Aegyptum* ultra *Darum* quatuor milliariis, & congregatam diversi generis animalium prædam plurimam adunaverunt equorum, equarumque, afinorum xx, Camelorum xxx, ovium quoque & aliorum pecorum septuaginta, *Sarracenorum* etiam fere ducentos cum mulieribus & parvulis secum reducentes redierunt alacriter *Ascalonem*. Dominica Palmarum Rex *Richardus* apud *Achon* filium *Saphadini* ad hoc transmissum insignivit magnifice in angulo militiæ.

## CAP. XIII.

*Dux Burgundiæ & Marchifus, invidentes profectibus Regis Richardi, mittunt pro Francis, qui cum eo apud Ascalon & Joppen erant.*

*Marchisi dolus fit manifestus.*

**I**nterea invidiæ zelo fervente, cujus est semper superioris contabescere virtutibus, Dux *Burgundiæ* & *Marchifus* missis a *Tyro* legatis usque *Ascalonem* mandaverunt residuis, qui ibidem resederant *Francis*, quatenus quantocius ad ipsos properarent *Tyrum*, & ipsorum adquiescerent consilio, & ut juxta juramentum prius Regi *Franciæ* præstitum in unicam convenirent sententiam. Tunc manifestus factus est dolus & præmeditata machinatio, ab eo tempore quo foedus inierat ipse *Marchifus* cum Rege *Franciæ* & *Francis*, ut viz. post Regis decessum sibi *Francos* haberet confœderatos, ad ea quæ cogitaverat expeditius perpetranda. Hinc itaque tanquam in tantum sibi obligatos intendebat ab expeditione subducere *Francos*, quatenus Rex *Richardus* minus valeret ad exercenda negotia Regni.

## CAP. XIV.

*Rex Richardus rediit Ascalonem & Franci i. e. septingenti milites remandati à Duce Burgundiæ & Marchiso à Rege discedunt versus Tyrum.*

**D**ie *Martis* ante Pascha rediit Rex ab *Achone* *Ascalonem* ad exercitum, tristis nimium & turbulentus. In crastino quoque die *Mercurii* accedentes ad Regem majores *Francorum*, postulaverunt ab eo, ut juxta pactam sponfionem, deputaret eis duces viarum, & abeundi libere securitatem. Quibus Rex annuens assignavit eis deducendis itineris socios quamplurimos, viz. Templarios

Templarios & Hospitalarios, & Comitem *Henricum Campaniæ*, & alios multos. Ipse quoque, nihil omittens ex contingentibus, cum eisdem processit prosequendis cum lachrymis liberaliter obsecrans, & blande deprecans, ut cum ipso aliquantam moram facerent, ejus impensis sufficienter exhibendis, ut quantum daretur desolatæ terræ succurrerent. Quos cum prorsus renuentes dimisisset abire, reversus est *Ascalonem*, & statim rapido cursu misso nuntio usque *Achonem*, mandavit civitatis custodibus ne *Franci* infra civitatem admitterentur ad commorandum, sed nec eisdem quæcunque fieret contumelia vel molestia, & unde possit scandalum oriri, aut contentionis occasio. Sicque *Franci* eo venientes extra civitatem coeperunt stationem.

## CAP. XV.

*Audito recessu Francorum Salahadinus pro exercitu suo mittit & venit.*

**I**gitur die Coenæ Domini ex *Francorum* discessione graviter est desolatus exercitus, cujus ex parte non modica robur est dissolutum. Recefferant enim *Francorum* ferme septingenti milites, armis probati, & præclaris gestis insignes & expediti. Hujus itaque occasione discessionis & diminutionis exercitus, populus lamentatur & dolet, lachrymatur, & tabescit moerore. *Turci* vero lætabantur, his quæ gerebantur auditis; *Salahadinus* etiam, referentibus his qui hoc audierant, statim missis legatis & veredariis literarum suarum portitoribus universis suæ ditioni addictis, mandando præcepit edicto proposito & Admiratis, ut omni occasione postposita concite redirent in terram *Jerusolymorum*. *Franci* jam, inquit, oborta inter ipsos simultate receaserunt, terram deferentes, jam fere vacuatam defensore, quia robur belli & virtus exercitus Christianorum jam decidit: unde de facili & totam terram & principales civitates *Achon* & *Tyrum* obtinendas non diffidimus in brevi. Ad *Soldani* mandatum redeunt *Turci* minus tamen voluntarii, præteritorum non immemores, & agmine rariore, licet nostræ respectu paucitatis ad superfluentem numerum excreverunt.

## CAP. XVI.

*Ad sepulchrum Domini secundum morem ignis de cælo lampadem accendit, vidente Salahadino, quo jubente ter extinguitur sed ter reaccenditur.*

**I**N vigila Paschæ erat *Salahadinus* suorum constipatus obsequio, ad honorabile illud sepulchrum Dominicum in *Jerusalem*, ut viz. super rei certificaretur veritate, cœlestis, inquam, ignis adventu, ea die, singulis annis de more in lampadem divinitus descendentis. Plurimum itaque Christianorum captivorum compeditorum devotionem, & lachrymas Dei misericordiam deprecantium cum *Salahadinus* diutius attentius attenderet, cum cæteris *Turcis*, ecce subito videntibus universis advenit ille divinus ignis, & lampadem succendit evidentius statim ardentem. Quod cum cuncti vidissent, commotus est populus vehementer, lætantibus Christianis, & Dei magnificentiam vocibus collaudantibus altifonis. *Sarraceni* vero, super tam evidenti stupendo miraculo, etiam oculis subjectam pervertebant visionem, asserentes fallacibus præstigiis ignem phantasticum machinatum, unde super eo volens certificari *Salahadinus* jussit extingui lampadem divinitus accensam, quæ extincta sine mora opere divino reaccenditur, quod & secundo jussit infidelis ille extinguere, secundo nihilominus illuminatur, tertio extincta tertio illuminatur. O magna



*Saladini de  
seipso prophe-  
tia.*

Dei patientia ! quid est repugnare invincibili ? non est consilium contra Deum, cujus voluntati non est qui possit resistere. Super hujus visione miraculi, & fidem & devotionem Christicolarum admirans *Soldanus*, & acriter commotus, spiritu prophetico constanter asseruit dicens, proculdubio vel in proximo hac vita decedo, vel hanc civitatem possidendam amitto. Sed nec ipsum fefellit augurium, quoniam in proxima sequenti quadragesima mortuus est *Saladinus*.

## CAP. XVII.

*Qualiter Rex Richardus apud Ascalonem celebrabat  
solemnitatem die Paschæ.*

**I**lius solemnitatis Paschalem festivitatem, quæ fuit Nonas Aprilis, Rex *Richardus* transiit egregie, *Ascalone*, quoscunque volentes exhibens in abundantia ciborum & potuum. Papiliones etenim suos in suburbanis campestribus *Ascalonis* fecit figi, & ad exhibendam gentem suam festivitati magnificentius celebrandæ, convenientia cuncta procuravit administrari copiosissime. Ibi videre fuit nihil gloriosius voluntaria dapnitate, quando bonæ voluntati concordat ingenuitas factorum. Cumque cor egregium præclaris consonat actis.

*Non decet in manibus patulis angustia cordis  
Detrahat imo manus, cor largum dando sequatur.*

## CAP. XVIII.

*Consummata est reedificatio Ascalonis Regiis impensis.*

**D**ie Lunæ Paschalis hebdomadæ Rex diligenter opus repetens inchoatum, ferventius institit muris civitatis perficiendis, cæterosque ad operandum familiariter urgebat, nec multo post, ipso procurante & collaborante, consummatum est opus suis operibus & impensis, & absque *Francorum* sollicitudine, qui recesserant, quos jure deberet æque respicere portio laboris, consummata sunt omnia.

## CAP. XX.

*Rex Richardus profectus est ad considerandum Gazam & Darum.*

**D**ie Martis Paschæ hebdomadæ, Rex cum paucis profectus est usque *Gazam* considerandam. Die *Mercurii* nihilominus apud *Darum* profectus, qua parte commodior pateret assultus diligenter investigavit, circumquaque perambulans. *Turci* vero, qui infra *Darum* se concluderant, in Regem & suos cum arcubus & balistis plura jaciebant missilia simul & convitia, tanquam incomprehensibiles. Consideratis omnibus Rex rediit *Ascalon*.

## CAP. XX.

*Franci ab Ascalone Tyrum revocati tantum luxuriæ & tabernis ibi vacant.*

**A** Beuntibus, ut prædictum est, *Francis*, hi, qui eos usque *Achonem* jussu Regis deduxerant, reversi sunt *Ascalonem* ad exercitum. *Franci* vero *Tyrum* venientes, quibus vacaverunt studiis & operibus, non æstimatur ab re notandum. Ipsi quidem, quos puræ peregrinationis in terram sanctam reputabatur perduxisse devotio, relictis castris militaribus, jam amatoriiis indulgebant cantionibus muliebribus, & scortantium commestationibus; referentibus enim his, qui hoc fieri prospexerunt, muliercularum & ipsi applaudebant choreis, luxus quoque vestium otium loquebatur effeminatorum, manicarum mimirum hiatus multiplici laqueo claudebantur, operosis constricta cingulis latera lasciviunt, & ne rugosæ vestis conclusio manifestius intuentibus pateret, chlamydes in anteriora contortas ordine præpostero comprimebant inter brachia, & quæ velandis posterioribus fuerant primitus procreata, aliarum partium cogeantur in usus, ventres palliis velabantur non dorso, circa colla gemmarum radiis stellata coruscant monilia, florumque varietate contexta insidunt ferta verticibus, manibusque pateras tractabant non enses, noctes in comotationibus deducuntur insomnes, jamque mero æstuant puellarum solebant frequentare prostibula, vel si prius forte aliis ad opus consimile admisis clausa reperissent diripuerunt ostiola, verba jaculantes ampullosa, & horrorem audientibus sobriis ingerentia juramenta, ut non ignoratur, de more *Francorum*. Quid plura? levitatem interiorem arguebat status exterior, pro pudor! hujusmodi se studiis *Franci* applicabant. Veruntamen hujus ineptiæ non omnes asserimus arguendos, erant quippe, quos & ipsorum dissolutio non minimum conturbavit, quos & inter Regem & ipsos contristavit discordia.

## CAP. XXI.

*Discordia qualis inter Christianos nostros nunc in terram Sanctam venientium probant exempla nunquam inter veteres contigisse.*

**R** Ex magnificus *Karolomannus* nomine, famosus & opere, qui tot acquisivit terras, & Regna suo subjugavit imperio, cum in *Hispaniam* proficisceretur subjugandam, nunquam fertur in exercitu suo intervenisse contentio, vel quando idem Rex prædictus comprehendendam in expeditione adivit *Saxoniam*, ubi plura gessit insignia, ubi ad internecionem pessundedit illum famosum *Wercelinum*. Quando etiam illi potentissimo *Agulando Roma* transiens profectus est obviam, excipiendi in bellum, qui cum manu validissima, & nisi Deo opitulante hominibus pene invincibili, *Sarracenorum* applicuerat apud *Risam* civitatem *Calabriæ*, nulla inter socios erat discordia. Quando quoque terra illa *Jerosolymitorum* tot sæpius bellis concussa, quibus tot strages factæ sunt hostium incredulorum, tot feliciter pugnae confectæ, siue ubicunque terrarum, sub quibuscunque principibus famosa antiquorum bella narrantur patrata, nunquam quidem sub uno militantem exercitum Imperatore dissipavit discordia, vel diversarum oriundos regionum distraxit contentiosa simultas, nec sub unius principis ditione agentes discrevit invidia, nec sunt inter ipsos audita convitia vel opprobria. Imo mutuum singuli singulis exhibebant honorem & gratiam, & una gens appellata propter unitatem, in quibus  
nulla



nulla potuit durare dissensio. Hinc olim *Franci* universis prævalebant externis, similiter & nostri moderni commodius antiquorum haberent exempla imitari.

## CAP. XXII.

*Prior Herefordensis missus est in terram Sanctam qui ..... Regem ..... suam ..... sedit ..... in ..... contra .....*

*Comes Joannes R. Richardi frater Regnum Angliæ occupare conatur.*

Post Pascha completum, imminente transfretantibus opportuno tempore, venit nuntius ad Regem *Richardum* totum quidem commoturus exercitum, Prior scil. *Herefordensis* Prioratus cujusdam *Angliæ*, venit itaque Prior ille deportans literas Regi ex parte *Willielmi Eliensis* Episcopi Regis Cancellarii, se significantis cum aliis, quos Rex Regno *Angliæ* deputaverat interim gubernando, jam fuisse à terræ munitionibus exturbatos, nonnullos etiam parti suæ faventes in seditionibus peremptos, sicut idem Prior se vidisse testabatur, & quod, procurante fratre Regis tunc Comite *Johanne*, ab *Anglia* Regis eliminato Cancellario, nihil pecuniæ in thesauro Regio superesset relictum, vel ubicunque locorum, nisi tantum quod vix in Ecclesiis resederat occultatum. His etiam adjiciebat idem Prior, quod postquam pluribus molestiis & injuriis fugatus est in *Normanniam* prædictus ejus Cancellarius Presbyter & Episcopus, & totius Regni præfectus, Comes præfatus exigebat pertinaciter à Regni Comitibus & proceribus juramenta fidelitatis & subjectionis, & castrorum custodias. Nec non & manus extenderat ad Regis fisci præstationes annuas usurpandas, quæ dicuntur de Scaccario. Super his igitur, inquit Prior, nisi maturius captaveritis consilium quantocius repatriandi, & injurias nostras in nos insurgentes vindicandum, his addent pejora, nec absque belli discrimine poteritis ulterius jus vestrum recuperare. Super auditis Rex nimirum vehementer obstupescens, animo diutius plura volvens, & pauca proloquens, vix credendum arbitrabatur, quia tanti sceleris factio fidem videbatur excedere.

Attamen cujus bona diripiuntur & patienter sustinet? quis æquanimiter patitur injurias? cæterum quælibet adversa licet incerta sollicitius vera potius auguratur esse timor, rerum turbatio cum ad aliorum jam pervenisset notitiam, conturbantur & ipsi, animo fluctuant, æstuant, rerum pensantes statum confusum, & inter Principes inexorabiles discordias. Tunc quidem, si Rex recederet, non inveniretur qui remaneret, quoniam inter *Ascalonitas* & *Tyrios* zelus esset & contentio, sicque terra illa proculdubio libera cederet *Turcis* in possessionem æternam.

## CAP. XXIII.

*Exercitus, audito Regis secreto, quod à Legato acceperat, & ejus proposito repatriandi, consulit sibi Regem præfici, potius eligens populus Marchisum quam Guidonem.*

IN crastino Rex, coram convocatis majoribus exercitus, rem, ut audierat, exposuit, interpretans prædicta verba Prioris, asserens se de necessitate oportere repatriare. Quod si tum abiret, stipendiis suis trecentos milites & duo millia peditum electorum spondit exhibendos in expeditione in illa terra. Sciscitatus est itaque quis eorum cum ipso simul repatriare vellet, quis in terra illa remanere, neminem enim ad utrumlibet cogebat, eorum relinquens optioni, quam partem gratis inclinatores eligerent. Communicato  
super

super hoc aliquamdiu consilio, prudentiores dant inquisitioni Regiæ tale responsum, quod quia terra desolata est propter discordantium dissenfionem, & casus rerum esset incertus, præsertim quia Rex *Guido* Regni negotium obtinendi nondum potuit ad effectum deducere, necessarium quam maxime censebant in terra novum Regem creandum, cui omnes obedirent, cui terra committeretur, qui præliaretur bella populi, quem denique cunctus sequeretur exercitus. Quod si fieri non contingeret ante Regis *Richardi* discesum, omnes se recessuros acclamant, utpote qui terræ non sufficerent custodiendæ. Ad hoc Rex statim intulit inquirens utrum duorum mallent eligere, five Regem *Guidonem* five *Marchisum*, cui sine mora pusilli cum majoribus omnis simul populus flexis genibus suppliciter exorabant *Marchisum* in principem elevandum & defensorem, qui quidem ipsum reputabant Regno magis necessarium quia potentiorum. Rex igitur cum universorum attendisset petitionem, aliquantulum eorum modeste redarguit levitatem, qui prius *Marchiso* frequentius detraxerant.

## CAP. XXIV.

*Rex ut satisfaceret populo misit pro Marchiso licet seditiosus  
esset & confederatus cum Salahadino.*

**R**ex *Richardus*, postquam pro *Marchiso* sibi præferendo totius populi perpendisset petitionem, præbuit & ipse assensum, procurans viros nobiles *Tyrum* destinandos, qui *Marchisum* honorifice adducerent. Generalitatis itaque Rege consentiente decreto propter *Marchisum* ab universis electum, missi sunt sufficienter instructi viri nobilissimi *Henricus* Comes *Campaniæ* & *Otho* de *Transiuges*, *Willielmus* de *Cague*, hi cum suorum obsequio Galeati procedunt versus *Tyrum*, properantes *Marchiso* diu desideratum ferre nuntium optimum, verum ut proverbialiter dici solet

*Buccam frustrari sæpe accidit à coleari.*

Indignum forte Regno Deus probaverat *Marchisum*, ad cuius æstimationis argumentum hoc etiam potest accedere, quod post recessum *Francorum* Rex *Richardus* ipsum toties, sicut & prius, rogaverat super auxilio præstando Regno perquirendo, sicut præfati sumus, sed semper contumaciter renuit, quod ad culpam non immerito poterat imputari: & præter hæc omnia jam laborabat in machinatione contra honorem Regiæ coronæ, & contra exercitum *Ascalonicum* cum *Salahadino* foedus inire pacis, ea scilicet conditione, ut ad ipsum veniens juraret mutuam se de cætero observaturum concordiam, medietatemque civitatis *Jerusalem* obtenturus tenendam de *Salahadino*, haberet etiam castrum *Baruth*, & *Sidonem*, totiusque terræ medietatem citra flumen. In hanc pacis conditionem satis assensit *Salahadinus*, renuente tamen fratre ejusdem constanter *Saphadino*, pertinaciter namque *Salahadino* dissuadebat, sicut postmodum accepimus, ne unquam quamcunque pacis concederet conditionem cum quocunque Christiano præter assensum Regis *Richardi*, quo nullus inquit melior invenitur Christianus, vel etiam probitate confimilis, citra cujus conscientiam vel voluntatem concordiam quamcunque reformandam nec consulo nec assentio. Hinc dissipatum est consilium nequam, hinc infecto negotio proditiōnis pendebat processus. Hoc quidem sic fuisse machinatum certissimis post patebat indicibus, nam inter *Salahadinum* & *Marchisum*, dum hujus nefandi procuratores negotii mutua verba reportantes solliciti discurrerent Legati, contigit *Stephanum* de *Torneham* ipsis obviare exeuntibus à *Salahadino* de *Jerusalem*, quorum nomina tunc temporis ob notam infamiæ satis erant notoria,



unus eorum vocabatur *Babanus* de *Ybelin*, alter *Reginaldus* de *Sydne*; sed hos demittamus, eorum quidem omnis opera & studium sollicitum merito cedebat in nihilum, tanquam pulvis quam quis portat in ventum.

## CAP. XXV.

*Audiens Marchifus in Regem se esse electum cum omnibus suis nimis repletus est gaudio & præparant se sui armis & aliis necessariis ad coronationem ejus.*

**I**Njuncta nuncii functa legatione, qui propter *Marchifum* adducendum fuerant destinati, *Tyrum* pervenientes, *Marchiso* plenius exposuerunt ab universis unanimiter ipsum electum fuisse in Regem, assentiente Rege *Richardo*, & coronam Regni concessam, quatenus veniret Regni negotia viriliter cum exercitu suo gessurus, ultiones in *Turcos* exacturus, & ut de cætero Regno *Jerosolymitano* tanquam suo intenderet gubernando. Quo audito *Marchifus*, præ nimia cordis exultatione, protensis in cælum manibus fertur orasse sic, Domine Deus qui me creasti, & animam in corpus infudisti, qui es Rex & verus & benignus concede mihi quæso, Domine, ut si me Regno tuo gubernando dignum judicas coronatum me videam, sin autem, Domine, de me aliter senseris, nunquam ad me consenseris promovendum. Postquam in civitate *Tyro* plenius innotuit *Marchifum* in Regem coronandum, fit lætitia magna in populo, singulis quæ sua fuerant procurantibus, & operam dantibus his sollicitius, quæ coronationis celebrationi videntur competere. Ad instructionem vel vestium vel armorum mutuantur pecuniæ, quatenus eo viderentur ornatiores comparere, quanto is in cujus erant obsequio dignitate collata excellentius nosceretur exercuisse. Ibi viderentur arma tractari, rubigine squalida renovari, gladios acuere, loricas rotare, milites & ephebos bellorum imagine gesticulare, & concertantium simulantes conflictum etiam futuram *Turcorum* jactitantes contritionem, & revera magnæ virtutis gens aderat, si tamen divinum non defuisset auxilium. Gens itaque dissolvebatur lætitia eo inconvenientiori quo immoderatio, unde proverbialiter dicitur, Nec nimis gaudendum nec nimis dolendum, omnis enim nimietas reprehensibilis est.

## CAP. XXVI.

*Marchifus à duobus juvenibus Hausassis à seniore de Muffe transfmissis duobus cultellis transfoditur.*

**C**Omēs interim *Henricus*, qui post legationis executionem ad civitatem *Achonem* declinaverat, cum nunciis locis suis, dum se decentius instruerent, jam ad exercitum reversuri *Ascalonem*, inopina morte præventus est apud *Tyrum* idem *Marchifus*. Qui, dum die quadam à convivio Episcopi *Belvacensis*, cum quo comederat familiariter invitatus, in pace reverteretur hilaris admodum & jocundus, & jam venisset ante teloneum civitatis, ecce duo juvenes *Hausassisi* sine palliis expediti, rapido impetu accurrentes duobus cultellis, quos manibus gerebant, exertis, hinc inde transfixis præcordiis lethaliter ipsum vulnerantes capto cursu prætervolabant. *Marchifus* statim lapsus equo moribundus volitabatur, unus homicidarum statim detruncatus est, alter vero in Ecclesiam quandam se statim immisit, qui nihilominus inde raptus per mediam civitatem pertrahendus condemnatur, quousque tantæ reum proditionis spiritum deficiens exhalaret, unus antequam expiraret diligenter inquisitus,

tus, cujus instinctu vel quare sic egerit, se professus est à multo tempore eo fuisse transmissos ad id perpetrandum, & ob monentis auctoritatem & salutiferam obedientiam hoc præsumpsisse, quod verum fuisse manifeste jam patuit. Ipsi quippe juvenes diutius extiterant in ipsius obsequio *Marchisi* competentem ad id perpetrandum captantes temporis articulum. A seniore enim de *Musse* se transmissos aserebant, qui *Marchisum* morte dignum judicabat, & infra certum illius temporis terminum trucidari mandaverat, omnes enim, quos senior ille de *Musse* vita reputaverit indignos, eodem modo procurat perimendos. Senior quidem de *Musse* de more hæreditario quamplurimos in obsequio suo solet educare pueros nobiles in palatio suo, quos docere facit omnem prudentiam & doctrinam, & diverso instrui idiomate, quatenus ubicunque terrarum sine interprete in omni gente se noverunt familiariter gerere. Est autem eorum crudelitas crudelis nimis & obscura, ad quam sectandam maxima cura & solitudine imbuuntur discipuli: Igitur quos ille senior perpenderit adultæ fuisse ætatis ascitos facit stare coram eo, quibus in remissionem omnium peccatorum injungit aliquem, quem ipsis expreßerit ex nomine, virum potentem & tyrannum, huic subducere vitæ, in hujus etiam executionem ministerii singulis singulos cultellos contradit horricæ longitudinis acutos. In hujus obedientiam mandati devotius insistentes absque dilatione procedunt, quousque ad quemcunque prænotatum pervenerint tyrannum, in cujus tandiu persistunt obsequio, donec tempus nacti præmeditatum consummaverunt negotium, tali se sperantes obsequio gloriam promeruisse cœlestem, hujus nimirum extiterant sectæ qui *Marchisum* nefarie peremerant. *Marchisum* igitur jam extremum spiritum trahentem sui circumquaque vallantes leniter in ulnis comprehensum ad palatium deportant, inconsolabiliter dolentes & flentes, quia tam brevis paulo ante concepta perseveraverat eorum lætitia. Salutaribus autem fidelium sacramentis perceptis, uxori suæ firmiter injunxit ut civitati *Tyro* conservandæ vigilanter intenderet, nec cuiquam homini resignaret nisi Regi *Richardo*, sive illi, cui Regnum jure hæreditario contingebat; nec mora defunctus est, & apud Hospitale cum planctu vehementi sepultus est, sicque prius uberius exsultantium abbreviata est lætitia, & diutius desiderati nondum prægustati prorsus evanuit summa Dominii, & ecce terræ desolatæ peremptum est solatium, & exuberans nova mœstitia præcedentem exuperavit lætitiā.

## CAP. XXVII.

Franci quidem ex invidia infamant Regem Richardum  
super occisione Marchisi.

**I**N illa populi tanta confusione, jam succrescentia triticum corruperant, quæ superfeminaverat inimicus homo zizania. Exiit enim susurrium à quibusdam *Francis*, *Francorum* nequitiam tali fictione velare putantibus, lingua virofa confictum, sibilus scil. universis popularibus auribus infusus quod Rex *Richardus* nequiter procuraverat mortem *Marchisi*, & mercede conductos *Hausassissos* ad id agendum duos illos destinaverat homicidas. O livor infamis! semper carpens meliora, dente corrosivo bonum zelat, & quam nequit extinguere claritatem gestorum intendit denigrare. Nec sic Regem *Richardum* in partibus illis defamasse contenti sunt invidi imo Regi *Franciae* mandaverunt, ut sibi præcaveret ab *Hausassissis* satellitibus senioris illius de *Musse*, quomodo *Marchisus* ab illis occisus est, & quod hujus superstitionis ministros Rex *Richardus* direxerit quatuor ad Regem *Franciae* perimendum. O cujus æstimandi sunt meriti qui fuerant hujus adinventionis auctores, cujus occasione sicut creditur tot conturbatæ sunt gentes & concussæ provinciæ, hujus autem suæ



malignitatis commento arbitrabantur infames sic robur addidisse, fucumque palliasse nequitiae.

## CAP. XXVIII.

*Apud Tyrum Comes Henricus eligitur in Regem & super hoc & super occisione Marchisi nuncii Regi Richardo remittuntur.*

*Franci Tyrum urbem sibi tradendam ab uxore Marchisi frustra postulant.*

**S**epulto Marchiso Franci convenerunt in unum, qui extra civitatem federant in tentoriis ferme x. millia, qui, postquam super rerum statu invicem aliquamdiu tractassent, mandaverunt uxori Marchisi, ut ipsis contraderet civitatem absque dilatione & contradictione observandam ad opus Regis Franciae. Quibus ipsa respondit quod, quando Rex Richardus ipsam visere veniret, ipsi potius redderet civitatem & nulli alii, sic Dominus suus praeceperat moriens, non est alter qui terram sic elaboraverit à Turcorum manibus eripere, & pristinae libertati restituere, ipsi quidem merito fortiori debetur Regnum prout viderit dispensandum. Super hoc mandato Franci nimium commoti sunt indignantes. Quibus in hunc modum super obtinenda civitate contententibus, Ecce Comes Henricus super audito rerum eventu non modicum obstupescens venit Tyrum, quem statim ut vidit populus praesentem sine dilatione tanquam à Domino missum elegerunt in principem & Dominum, & ad ipsum accedentes cum omni diligentia supplicare coeperunt ut patienter sine omni contradictione & excusatione susciperet Regni Coronam, & viduam Marchisi duceret uxorem, cui Regnum jure haereditario debebatur. Quibus Comes incunctanter respondit, quod super hoc negotio consummando, ad quod Deus cum vocarat, secundum Regis Richardi avunculi sui consilium se gereret. Nec mora mittuntur Legati, qui celebratam solemniter ab omni populo electionem Regi Richardo significant, & Marchisum nefarie peremptum.

## CAP. XXIX.

*Quanta instantia Rex Richardus quotidie Turcos affligit, occidit, captivat.*

**I**nterim autem, antequam nuncii praedicti venerunt à Tyro ad Regem Richardum, instante jam tempore serenioris post brumales rigidos menses, Rex Richardus infatigabili exercitio Turcos invadens incessabiliter persequabatur & pertinaciter. Nunquam enim similis illi comparuit in terra illa quem Turci sic metuerent, qui sic ipsos afficeret, sine intermissione contereret, se pene solum frequentius in multos ingereret, capita hostium reportaret, singulis sere diebus quibus Turcos sibi contingeret occurrere, nunc capita x. nunc xii. nunc xx. vel xxx. nihilominus, cum sibi visum esset, vivos reducebat captivos. Nunquam profecto per unum hominem tot Sarraceni deleti sunt temporibus Christianis.

## CAP. XXX.

*Mestoch redemptus recedit & armigeri quidam ex nostris furantes à Turcis capiuntur.*

**D**ie Jovis ante festum Sancti Alfegi Mestoc ille, qui sicut praedictum est cum aliis in Achone civitate comprehensus, redemptus abire liber permissus est. Nec multo post Armigeri nostri & servientes. pabula jumentis

tis quæsituri, cum incaute longius processissent, *Sarraceni* profilientes ab infidiis quosdam eorum peremerunt, quosdam captivos abduxerunt, & equos quamplures.

## CAP. XXXI.

*Pugna inter Regem Richardum & aprum sibi occurrentem,  
quæ Regi fere erat periculosa.*

**D**ie *Mercurii* ante festum Sancti *Marci* Evang. Rex cum exercitu apud *Gadidam* custodiendam profectus est, sed neminem inveniens, hostes quipp propter ejus adventum prius fugerant, dum reverteretur aprum ferocissimum invenit, dentibus armatum eminentibus, qui cum Regis clamorem moderatis passibus non procul evaderet restitit oppositus insequenti. Spumantes itaque dentes ob iram tremendam acuens, subrigentibus hispidis fetis, erectis auribus videbatur in se indignationem recolligere, & furore fervere, ut fortius vel exciperet irruentem vel impeteret. Qui cum nec ad Regis clamorem loco moveretur, imo ad admirantis circuitionem in orbem se girando infra spatium præoccupatum se cohiberet, Rex lancea utens vice venabuli infigendum invasit, quem & aper irruentem lateratim paululum occurrens, repercutere volens appropriavit Regi. Fuit quidem corpore immani, timidis horrendus aspectu, cujus patulo pectori lancea fortius infixæ duorum sese mutuo comprimantium impetum ferre non sustinens confracta est media, aper ex vulnere ferventior impetu validissimo ferebatur in Regem, ad quem quaqua versum declinandum cum brevissimi temporis vel loci non suppeteret articulus, Rex equo, cui infederat, subditis calcaribus aprum in directum transiliente præteribat illæsus, equi phaleras apro tamen dissipante posteriores, cujus quidem ictum frustraverat equi saltus expeditior, lanceæ etiam particula apro fuerat impedimento propius congregiendi, quoniam in summo pectore steterat paulo eminentior. Deinde singulis sese impetentibus aper concursu concito invasurus Regem aggreditur, cui Rex venienti vibrato gladio cervicem illisit pertransiens, quem ad ictum validissimum stupidum effectum Rex accelerans equo regirato subnervavit, sicque perdomitum assignavit venatoribus mancipandum.

## CAP. XXXII.

*De captione quorundam Turcorum à nostris.*

**D**ie *Martis* ante festum Sanctorum Apostolorum *Philippi & Jacobi* Rogerus de *Clandvill* à *Candida* custodia profectus est cum focis suis: ante portas *Jerusalem* potenter transiens, quosdam *Sarracenos* interceptos ad vincula coegit & secum reduxit captivos. Die *Mercurii* sequente Rex *Richardus* inter *Albam* custodiam & *Gazam* invenit quosdam *Sarracenos*, de quibus tres occidit & v. cepit, & *Ascalonem* misit.



## CAP. XXXIII.

*Item de captione Turcorum à Rege apud Furbiam & à Templariis apud Darum.*

**D**ie beatorum Apostolorum *Philippi & Jacobi* & nocte sequenti, dum Rex pernoctaret apud *Forbiam* cum paucis, summo mane irruentes *Turci* æstimaverunt se nostros improvidos prorsus comprehendere vel conterere. Rex igitur primus exiliens à stratu suo scutum tantum arripuit & gladium, qui progrediens obviam irruentibus septem cepit ex *Turcis* & quatuor occidit, cæteri vero fugerunt à facie ejus. Postea cum Rex Templarios & *Turcopolas* emisisset, ad explorandam terram circa *Darum* dictum castrum, invenerunt xx. *Sarracenos* hordea mittentes, qui à castro exierant, illos ceperunt & *Ascalonem* miserunt.

## CAP. XXXIV.

*Prædictis nunciis à Tyro venientibus, & Regi nunciantibus mortem Marchisi & electionem Henrici, latatur Rex pro electione, dans ei totum quæstum suum, mittitque pro Francis.*

**R**ex *Richardus*, dum in diebus illis in planitiis *Ramulæ* *Turcos* agitaret insequens fugitantes, ecce apparuerunt præfati nuncii ad ipsum à *Tyro* destinati, rei statum ipsi indicantes, & de morte *Marchisi*, & de electione Comitis *Henrici* ad Regnum suscipiendum, quod tamen, præter ejus assensum & consilium, id Comes suscipere non præsumpsit. Rex audita morte *Marchisi* diutius super tam insolito mortis genere & inopinato conticuit stupens. Super electione vero nepotis sui & honore Regio solemniter exhibendo lætabatur eximie, noverat siquidem suos id plurimum optasse. Ex quo, inquit, urgente fato inevitabili, sicut asseritis, emigravit *Marchisus*, quid super hoc dolor nimius conferret solatii viventibus? vel proficeret planctus animæ mortui? Comitis quidem *Henrici* plurimum congratulor electioni, & admodum desidero ut ad Dei voluntatem de Regno præficiatur gubernando postquam terra erit prorsus acquisita, super ducenda vero *Marchisi* relicta in conjugem non consulo, quoniam vivente viro suo *Marchisus* ipsam injuste rapuit, & polluendo adulterium commisit, Regnum vero Comes suscipiat, cui dono in Dominium civitatem *Achonem* in possessionem æternam cum omnibus pertinentiis, *Tyrum* quoque & *Joppen*, & terram totam Deo annuente perquirendam. Cui vice mea dicatis, ut quam citius potuerit redeat ad nos in expeditionem, *Francos* secum adducens, proposui namque *Darum* comprehendere, si qui fuerint *Turci* qui resistere præsumpserint, Rex vero rediit ad *Ascalonem*.

## CAP. XXXV.

*Prædictis Legatis à Rege in Tyrum redeuntibus, & ejus voluntatem nuntiantibus, conjungitur Marchisa Comiti cum universorum lætitia, cui redduntur Tyrus & Castra alia.*

**A**udito Rege revertuntur Legati *Tyrum* ad Comitem Regem futurum, renunciantes verba Regis. Tunc reviviscit lætitia, tunc exultant universi, Comitem itaque vallantes persuadent hæredem Regni ducere uxorem, Comes renuit ne incurrat offensam Regis *Richardi*, *Franci* vero & Regni magnates,

tes, allegantes rem fortius conjugio stabiliendam, urgent itaque fieri, quibus etiam procurantibus, *Marchisa* sponte sua accedens ad Comitem obtulit ei claves civitatis. Quo facto statim ad instantiam *Francorum*, rem solícite accelerantium, contractum est matrimonium solemniter inter Comitem *Henricum* & *Marchisiam* in facie Ecclesiæ, præsentibus Clericis & Laicis. Comitem quidem ad hoc agendum persuadentes non plurimum laborasse putantur, non enim laborat qui cogit volentem. Celebrantur nuptiæ magnificentia Regali, omnibus optatum gaudent universi consummatum negotium, exultant *Franci*, *Normanni* lætantur pari voto contenti, quia idem Comes erat nepos utriusque Regis *Franciæ* & *Angliæ*. Hujus foederis intervenientis conglutino sperantur tempora lætiora, & in unam concordiam reditura dissidentia; Completis nuptiis misit Comes qui civitatis *Achon* & *Joppen*, & aliarum terræ civitatum, & castrorum auctoritate sua fusciperent custodiam, & in jus suum manciparent, ut omnium obtineret dominium, quatenus de Cætero ipsi responderent ut Domino. Postea proposuit Edictum ut sine mora instruerentur universi profecturi in expeditionem versus *Darum* castrum expugnandum.

*C. Henricus  
Marchisi reli-  
gitam uxorem  
ducit.*

## CAP. XXXVI.

*Cum quanto gaudio receptus est Comes Henricus apud Achon tendens cum  
Duce Burgundiæ, & cum exercitu suo versus Ascalonem  
in auxilium Regis Richardi.*

**D**ispositis itaque custodibus, qui *Tyrum* civitatem & terræ munitiones fideliter observarent, movit Comes *Henricus* exercitum cum Duce *Burgundiæ*, versus *Achon* ut expedirent processum, & quæ forent necessaria providerent, secum etiam duxit uxorem qua nondum potuit patienter carere. Comitibus adventus cum innotuisset his qui resederant in *Achon*, novo Domino applaudentes, summa cum lætitia tripudiantes exhibant obviam advenienti, ob ipsius excipiendi reverentiam & honorem, quem & introducebant circumvallantes in civitatem, quam videres circumquaque ornatam, ad similitudinem templi, cortinis & pannis sericis expositis, & injecto thure per vicos & plateas fumigantia thuribula, mulieres ducentes choros turbam tumultuantem in júbilo & exultatione. Quid singula? populus infinitus armatus processerat eidem obviam excipiendo tanquam millia LX, in signum Domini novi, quem corde voluntario sic se fuscipere contestabantur. Clerus ipsum deduxit ad manum usque in Ecclesiam coram altare, sanctamque crucem cum aliis quoque reliquiis ei protulerunt osculandam. Ibi ipse & alii quoque quamplurimi pretiosa munera obtulerunt; deinde deductus in palatium Regale magnificentissimum instruxit convivium, ipsi quoque tanquam Regi futuro unusquisque pro facultatibus suis intendebat honorando.

## CAP. XXXVII.

*Regi Guidoni pro probitate militiæ suæ & Regni amissione Rex  
Richardus pietate motus confert Insulam Cypri.*

**V**erum quia vix est ut unus crescat nisi altero decrefcente, ut viz. unius dispendium alterius vertat in commodum, quo Comes *Henricus* jam gloriatur adepto, Rex *Guido*, Regno privatur, cujus occasione tot prælia contecerat, quod tot redemerat laboribus, & defenderat sudoribus, nunc tanquam privatus incedit, non quia Regnum demeruerat, quo nimirum Rex alius nul-

lus



lus inveniretur magnificentius morigeratus, sed eo solo quod simplex erat & minus astutus, quo debebat jure haberi venerabilior, reputatus est contemptibilior. Miles erat probatissimus *Achonem* primitus à *Sarracenis* occupatam strenuissime obsedit, & diutius oppugnavit, sed *Turcorum* jugiter crescente multitudine à parte marina expugnare non prævaluit, quam sicut prænotatum est vix duo Reges obtinere potuerant. Nunquid virtus simplicitatis obtinendo juri suo eidem debuerit obesse? eo nimirum jam secularis invaluit summa perversitatis, ut is amplioris reputetur gloriæ dignior & honoris, quo gestis noscitur immanior, sicque reverentiam acquirat astutia, dum ignominiose jaceat pietas simplicitatis, hujus seculi regnante prudentia. Hic est *Guido* Rex sine Regno. Veruntamen Rex *Richardus* super ipsum motus pietate, & propter ipsius notam probitatem, Insulæ *Cypri*, quamvis eam prius Templarii à Rege emisissent, eidem contulit gratis Imperium. Sicque Rex *Guido* Templariorum emptionis commutata conditione Insulæ *Cypri* factus est Imperator.

Rex Guido fit  
imperator Cy-  
pri.

## CAP. XXXVIII.

*Nuncii ab Anglia sæpe veniunt qui diversa Regi nuntiantes Regem reddiderunt incertum quidnam ei faciendum esset.*

EO tempore, quo sicut prædictum est *Tyro Marchisus* occisus est, frequenter venerunt nuncii ad Regem *Richardum* sollicitantes ipsum ut repatriaret, quorum quidam asserebant omnia tuta, alii terram *Angliæ* in proximo occupandam, quidam persuadebant ut repatriaret, alii perquirendæ peregrinationis terræ, quam adierat, omnem adhiberet diligentiam, sic diversis ipsius animum perturbabant assertionibus, ut cui jam cederet sententiæ prorsus ambigeret. Cæterum Regis *Franciæ* ex anterioribus indiciis satis animum metuebatur, juxta quod proverbialiter dicitur, non proculdubio habet malum mane qui malum habet vicinum.

## CAP. XXXIX.

*Qualiter sine auxilio Francorum Rex Richardus tantum cum suis Darum expugnavit in iv. diebus, cepit in eo trecentos Turcos.*

Interea Comite *Henrico* cum *Francis* apud *Achonem* se ad expugnandum castrum *Darum* accurrentibus. Rex *Richardus* osor desidiæ cum suis exiit ab *Ascalone*, & petrarias suas navibus membratim impositas versus *Darum* destinavit portandas. Assignavit igitur qui custodirent *Ascalonem*, & mercede copiosissima conduxit servientes probissimos, quos ordinavit per vicina circumquaque castra ad observandos de die omnes transitus viarum, nocturnas etiam exercentes excubias solícite, ne qua forte possent, sicut prius, versus *Darum* liberum habere *Turci* discursum, ad portanda victualia vel arma, vel quæcunque *Turci* procurassent ad exercitum suum *Jerusalem* deportanda, vel sicut consueverant in transeundo apud *Darum* tutum ulterius haberent receptaculum, unde nostris frequenter moliebantur insidias. His ita dispositis Rex cum suis tantum domesticis armatus profectus est ad castrum *Darum*, quo quadam Dominica pervenientes non procul inde sita sunt tentoria ipsius & Comitum ejus. Verum propter gentis nostræ paucitatem ambigebatur qua parte castrum obsideret, quoniam gens tantilla obsidione illud cingere nequibat, si enim ex omni parte gens dispersa federet, *Turcorum* forte irruentium non sufficeret sustinere assaultum,



sultum, sic nec hostes expugnare, unde simul versus villam in quadam planitie resederunt collecti. *Turci* tam paucorum parvipendentes conatus à castro exeunt, & dum aliquamdiu, tanquam experimenti causa, nostros sollicitassent tanquam provocantes ad bellum, in castrum denique se receperunt, & obsertatis firmissime portis se præparant defendere. Nec mora ecce petrariæ Regis navibus allatæ venerunt, quas Rex etiam cum aliis proceribus & nobilibus particulatim disjunctas, à littore portabant in humeris suis eundo pedites, non sine sudore, sicut tunc vidimus, fere per spatium unius milliarii: denique cum fuissent consolidatæ & erectæ petrariæ, & custodibus assignatæ, ipse Rex unan sibi assumpsit exercendam, qua turris principalis impeteretur, alteram habuerunt *Normanni*, *Pictavenses* tertiam, omnes tres jaciebant ad castellum dissipandum. *Turci* desolantur videntes sibi proximum imminere exitium, veruntamen imprimis se viriliter tentabant defendere. Petrarias sine intermissione die noctuque fecit Rex jacere. *Darum* eminebant xvii. turres fortissimæ & convenienter aptatæ, quarum una fuit cæteris eminentior & fortior, quam & exterior fossa cingebat profundior, quæ etiam ex una parte strato consolidabatur pavimento, ex parte vero altera rupis eam imminebat nativa, genti vero perfidæ denique timor inerat ignaviæ, ne se defenderet efficaciter, vel saltem inde fugeret. In crastino Rex fossiores fecit subtilius fodere sub terra, & pavimentum dirumpere, & murum cavare. Petrariæ jugiter jacentes mangu nellum unum *Turcorum*, in principali turri erectum, crebris jam ictibus dissipaverant, unde *Turci* plurimum desolati sunt. Verum primitus saxi & pilis arcuum & balistarum nostros rejiciebant, missilia enim densissime volabant emissa. Balistarii vero nostri in adversariorum nostrorum vigilantissime exitium, cum ipsos forte prospexissent in propugnaculis expositos, emissis percutiebant missilibus, quorum tot perimebant fauciatos, ut vix cæteri præ timore se movere præsumerent, status quidem eorum infirmus erat, & ecce porta castri diruta est, & igne supposito combusta, & cum petraria Regis dissipata. *Turci* etiam jam missi in desperationem ex continua vexatione non prævalebant ad defensionem sufficere, quorum jam plurimi perempti sunt, alii decubuerant vulnerati. Cæterum perpendebant Regem *Richardum* in omnibus, quæ inchoasset operibus, constantissimum & invincibilem, & quod turres suffodiendo & petrariis jaciendo nunquam quiesceret. Tunc exeuntes tres *Sarraceni* pervenerunt ad Regem, petentes pacem, offerentes castrum reddendum, ea tamen conditione ut liberæ abirent omnes animæ, relictis rebus omnibus quæ fuerant ejus. Rex non consensit, imo dixit ut se defenderent in quantum prævalerent. Quibus in castrum regressis, petraria Regis vehementer acta nunquam quiescebat; nec mora, turris quædam, quam subterraneo meatu infirmaverant Regii fossiores, crebris impulsibus vexata cum horrifico fragore corruit, *Turcos* à mina fugientes raptim nostri miscentur cædentes, qui resistere non valentes se intromiserunt in turrim principalem, nequissimo quidem usi consilio universos equos suos, ne alienum cederent in usum, prius subnervaverant. Ipsis fugientibus nostri viriliter ingrediuntur in castrum, quorum primus erat *Seguinus Borret* cum Armigero suo nomine *Ospiardo*, tertius intrantium *Petrus* erat de *Gasconia*, alii postea quamplurimi quorum jam nomina exciderunt. Baneria *Stephani de Longo Campo* prima muris imminebat imposita, Secunda Comitis *Leicestræ*, tertia *Andreae de Chauegui*, quarta *Remundi* filii Principis, *Genuenses* etiam & *Pisani* multiformia signa sua super muros erexerunt, sicque Baneriæ nostræ sunt erectæ & *Turcorum* dejectæ. Ibi videntur *Turci* velocius versus turrim fugientes vel gladiis percussi corruere, vel pilis transfixi deficere, antequam in turrim venire potuissent, quos nostri in propugnaculis repererunt adhuc persistentes, ejecerunt eos in profundum membratim excerpandos in terram. Numerus occisorum diversis in locis in castrò lx. *Turcorum* erat. Ipsi vero, qui confugerant in turrim, videntes suorum perditionem, & castrum occupatum, turrim nihilominus in proximo diruendam, ad quam quippe succidendam se jam applicuerunt viri virtutis ad Regis

*Castrum Darum à Rege Richardo captum.*

*R. Richardus propositam ab obsessis conditionem respuit.*



*Castrum Dar-  
vi expugna-  
tur.*

instantiam, perpendentes nihil ulterius salutis superesse contra faciem Regis, se jam in extrema necessitate, die *Veneris* ante Pentecosten, exposuerunt Regiæ clementiæ dedendos in perpetuam servitutem; præsertim quia quidam potentissimus Admiratus *Caisac* nomine, cujus tutelæ castrum fuerat commissum, ipsis opem ferre dissimulavit. Comprehenso itaque castro *Daro*, ferme XL. Christiani reperti sunt in vinculis captivi, soluti sunt & libertati restituti. Nocte Sabbati sequentis, fecit Rex suos *Turcorum* adhuc existentium in turri custodiam habere usque mane Sabbati, igitur vigilia Pentecostes ad Regis imperium descendentes à turri *Turci* arctissimis usque ad rugitum constricti sunt loris, vinctis post terga manibus, quorum numerus trecentorum *Turcorum* erat, præter parvulos & mulieres. Sic ante *Francorum* adventum obtinuerat Rex *Richardus* eleganter cum suis tantum domesticis castrum *Darum* expugnatum in quatuor diebus, plurimum quidem nostri sategerant ut absque *Francis* id fieret, quod ad gloriam utique ipsis ascribebatur ampliolem.

## CAP. XL.

*Rex Richardus Comiti Henrico adventanti apud Darum dedit  
ipsum Castrum & recessit inde ad Forbiam.*

Comprehenso *Daro* venit Comes *Henricus* cum *Francis* & Duce *Burgundiæ* eo versus plurimum festinantibus, ut & ipsi ad comprehendendum castrum adessent, verum prius res consummata est. Rex exiit obviam advenienti Comiti, & cum exultatione præcipua excepit deducens in castrum, cui quoque concessit, & coram plurimis donavit in obtinendi Regni primitias ipsum castrum cum pertinentiis perquisitis vel perquirendis. In castro *Daro* die magno festivitatis Pentecostes commorati sunt universi. Die Lunæ positis in castro custodibus Comitis profecti sunt versus *Ascalonem*, per mediam *Gazam* transeuntes usque *Forbiam*, ubi Rex tribus fedit diebus, cæteri vero usque *Ascalonem* profecti sunt, ubi *Franci* Pentecostes festivitatem solemnizabant.

## CAP. XLI.

*Rex Richardus audiens Caisac Admiralium cum mille Turcis munire castrum  
Ficum, illuc venit ut illud expugnaret, homines inde aufugerunt.*

Apud *Forbiam* quidam Regis explorator, rediens à partibus castri *Ficum* vocati, retulit Regi in castro *Ficum* *Sarracenos* mille vel eo amplius cum Admirato *Caisac* residere, qui etiam castro intendebant solcite muniendo contra Christianos illuc forte venturos, quo Rex audito sine mora eo versus profectus est, quem & sequebatur exercitus. Prima nocte pernoctabant apud casellum nuncupatum *Arundineum*, sive *Cannetum Sturvellorum*, diluculo profecti sunt usque ad prædictum castrum *Ficum*, quo proposuerant, quod contra ipsos *Turci* prædicebantur munire: sed ibi neminem invenerunt, præter duos *Turcos*, quos secum deduxerunt captivos; ejusdem castri portas inde *Turci* recedentes solo tenus demoliti sunt, valde velociter fugientes, cum innotuisset eis de Regis *Richardi* & exercitus adventu. Super captionem siquidem castri *Dari* non modicum exterriti, & eorum, qui intus sunt reperti, perditionis non immemores, sibi præcaverant, ne & ipsi in consimilem inciderent quæstionem. Igitur cum castrum sic invenissent desertum, ascendentes in propugnacula eminentiora, circumquaque perspexerunt, si qui hostium apparuissent, quos invaderent; non invenientes cum quibus inirent certamen reversi sunt, pernoctaturi usque ad casellum *Sturvellorum*,

## C A P. XLII.

*Nunciata perturbatione terrarum suarum per Johannem Comitem fratrem suum nimis commotus est, & repatriare se velle asserit.*

**A** Pud Cannetum Sturvillorum venit ad Regem ab *Anglia* destinatus nunci-  
us, clericus nomine *Johannes de Alenzum*, indicans *Angliam* turbatam per  
Comitem *Johannem* fratrem Regis, qui, nec persuasioni Reginæ matris ejus, vel  
quorumcunque aliorum consentiens, propriæ potius ducebatur motu volun-  
tatis, à Rege *Franciae* crebris intercurrentibus nunciis sollicitabatur, ut jam eo  
res processerat, quod nisi quacunque occasione nefaria proditione refrænaretur,  
in proximo asseruit imminere ut *Anglia* alienetur à Regis *Richardi* ditione.  
His auditis Rex turbatus rumoribus, postquam diutius in silentio pensitando  
volvisset animo, quid potius videretur eligendum, postremo fatebatur, opor-  
tere se revera repatriare, ne solo natalis patriæ & Regno patrum suorum, tan-  
quam exul, immerito efficeretur extorris. Nondum autem fama plenius pro-  
palata hujusmodi Regis voluntatis quidam dicebant profecto Rex abiturus  
est, alii vero non, sed perseverabit, quia rumores incerti non avocabunt ipsum  
à tam pii operis consummandi negotio, quia nimirum acquirendæ terræ per  
ipsum hoc non expediret, nec honori suo competeret.

## C A P. XLIII.

*Totus exercitus consensit in unum ire scil. obsessurus Jerusalem, sive repatriaret Rex Richardus, sive non.*

**S**uper Regis recessu sic diversis diversa sentientibus conveniunt unanimi-  
ter in unum Duces exercitus & Magistratus, *Franci, Normanni, Angli, Pi-*  
*lavenenses, Cenomannenses, Andegavenses,* & una voce sibi mutuo compromise-  
runt, quod sive abeunte Rege vel remanente sine omni occasione procederent  
versus *Jerusalem* obsidendam. Hoc in exercitu jam cognito, fit in populo in-  
æstimabilis lætitia, in commune gaudent universi, divites & pauperes, pusilli  
cum majoribus, nec jam in exercitu quisquam erat, qui pro modo suo non ex-  
hiberet exteriora indicia, testimonium gaudii cordis interioris; unde usque  
in mediam noctem, copiosis accensis luminaribus, ducebant choros, diversis  
concrepitanter cantionibus, &

*Patefacto de  
obsidenda Je-  
rosolyma con-  
silio, ingentis  
lætitiæ totus*

*Pervigili ducunt noctis dispendia plausu.*

Solius animum Regis ex auditis curarum urtica sollicitat, qui profunde medi-  
tans alternas variat cogitationes, quarum mole fatigatus se lecto sternit iratus.  
Nihilominus tamen intrante jam mense *Junio*, sub uno consensu totus ad pro-  
grediendum animatur exercitus.

## C A P. XLIV.

*Muscae dictæ Sincenellæ apud Ybelin facies exercitus extermini-  
nant pungendo, ut leprosi viderentur.*

**A**B Arundineto autem *Sturvillorum* Rex & exercitus procedentes per pla-  
nitiam versus *Ybelin* Hospitalariorum, juxta *Hebron*, prope vallem ubi  
nata fertur beata *Anna* mater Dei genetricis *Mariæ*, ibi moram faciens exerci-



*Ad obsiden-  
dam Hieroso-  
lymam omnes  
mutuo se fœ-  
derè constrin-  
gunt.*

tus lætabatur eximie ex spe progrediendi versus *Jerusalem*: ibi ingruebant exercitui muscæ quædam minutissimæ, sicut scintillæ volantes, quas appellabant *Cincenellas*. His circumquaque Regio vicina replebatur, hæ improbissime instabant peregrinorum acerrime pungentes manus, colla, guttura, frontes, & facies, vel ubicunque pars nuda patebat, quarum scil. puncturas tumor statim sequebatur ferventissimus, ut universi, quos punxissent, viderentur leprosi, à quarum molestissima infestatione, vix aptatis circa capita & colla velaminibus, potuerunt muniri, spe nihilominus exhilarati fortius adversa toleranda ducebant, mutuo quippe sibi fuerant confœderati universi fide media, ad progrediendum versus *Jerusalem* obsidendam. Regem solum ex auditis sollicitudinibus fluctus exagitat.

## CAP. XLV.

*Quidam capellanus Regis Regem alloquitur, sermone valde dissuasorio, quo motus Rex repatriare distulit.*

CUM die quadam Regem in meditatione solitarium, fixis in terram luminibus sedentem in tentorio suo vidisset capellanus quidam *Pictavensis*, nomine *Willielmus*, altius indoluit, & quoniam Regem ex nuntiorum relationibus existimavit exasperatum, ipsum convenire non præsumpsit, ut ex his animi exoneraret, quibus admodum urebatur; flens igitur amarissime piis oculis respexit Regem nihil dicens, quod cum Rex avidum loquendi ex gestientis nutibus perpenderet, advocato dixit ei. Domine capellane fidelitate mihi debita te obtestor, quatenus, omni amota dilationis & simulationis ambage, mihi edicas qua causa sic fleveris, si me forte tantæ tuæ tristitiæ respexerit occasio. Cui cappellanus, oculis lachrymis gravidis, voce demissa, non, inquit, prius dicam quam revera mihi constiterit excellentiam vestram super expostitis meis adversus me non exacerbandam; Rex jurejurando spondit impunitatem: tunc capellanus confidens sic orsus est. Domine Rex ex eo quod reditum acceleras in patriam in exercitu ab universis defamaris, ab his maxime qui familiariter tuum optant honorem, quod Deus avertat ut incertorum occasione rumorum ab hujus terræ desolatæ avertaris acquisitione, hoc quidem in æternum opprobrium credimus vobis cedendum, clarioris gloria cœpti non obfufcetur regressu celeriori, non in posterum objiciatur ignaviter recessisse pendente negotio. O finis plurimum dissimilis prædicandis, si derogat inceptis. Provideatur oro ne gloriosum meritum inchoantes denigret virtus emarcescens in posterum. Domine Rex memento quanta tibi fecerit Deus, qui ubique tuos memorandos in secula prosperaverit actus, quibus gloriosiora vel frequentiora nunquam Rex tuæ ætatis fecerit. Rex recordare quod cum esses Comes *Pictaviæ* nullum unquam habueris vicinum tantæ virtutis, vel animositatis adversarium, qui non tuis subactus viribus manus daret. Rex memento magnarum contentionum barbararumque *Brabacorum*, quas toties dissipasti rara manu & dispersisti, Rex memento quam gloriose triumphasti, ad amovendam obsidionem apud *Hautefordiam*, quam Comes de Sancto *Ægidio* obsedit, & tu ipsum abegisti, & probrose effugasti. Rex memento Regni tui, quod absque scuto & galea liberum obtinuisti & quietum, sine quorumcunque contradictione. Rex memento tuarum tantarum virtutum, qualiter tot & tantas gentes subegeris, cum civitatem *Messanam* viriliter comprehenderis, quam te probum illuc exhibueris, cum gentem *Gracam* represeris, quæ te laceßere & debellare præsumperat, à quorum manibus te divina liberavit clementia, ipsis pessundatis & confusis. Recole Rex virtutum insignia, quibus te Deus ditavit, secundum divitias gratiæ suæ, quando *Cyprum* Insulam subjugasti, quod ante te nullus unquam præsumpsisse ausus est, quam in xv. diebus debellasti,

*Præcipua R.  
Richardi ge-  
sta hic enu-  
merantur.*

debellasti, quod auctore quidem Deo potuisti, & quod Imperatorem captiveris, quodque navem illam singularem, quæ vento adversante in portum *Achonensem* intrare non potuerat, accurrens cum galeis tuis obruisti cum octingentis *Turcis* armatis, quando serpentes absorpti sunt fluctibus marinis. Memento Domine Rex obsidionis *Achonenfis*, ad quam tempestive comprehendendam advenisti, & te oppugnante reddita est, & ab ægritudine, quam dicunt *Arnaldiam*, qua nimium laboraveris, miserante Deo convaluisti, aliis quamplurimis principum eadem infirmitate morientibus. Memento Rex terræ hujus, quam tuæ Deus commisit tutelæ, cujus te solum respicit cura, ex quo Rex ille *Franciae* ignaviter abiret. Rex memento captivorum Christianorum quos à vinculis liberaisti apud castrum *Darum*, quos *Turci* deducendo in captivitatem constrinxerant, quibus ut subvenires eo te Deus destinavit. O quam alto perpendere haberes intuitu cordis, quod te Deus innumeris honoraverit triumphis, & magnificaverit successibus, ut non jam sit Rex vel Princeps qui tibi resistat ulterius. Nunquid excidit memoriæ recenter subactum tua virtute & instantia castrum *Darum*, in quatuor diebus? & quid super eo sentiendum quod, cum minus provide recubans somno occupatus ab improba gente perfidorum pene opprimereris, ac te Deus expeditius illæsum eruerit à manibus eorum? singula quid memorem, quoslibetve ubicunque terrarum adversantes tua denique forti manu subactos, urbefve quassatas, & quodcunque proposueris feliciter exsuperasse negotium? Memorare quod ab occiduo huc usque egressus orbe ubique victor extiteris, ante tuos pedes vinculandi prociderint hostes, ante cujus faciem, *Nec cadere Antheo nec crescere profuit* Hidræ. Jam te tremit Soldanus, te *Babylonis* stupuere sinus, *Turcorum* impetus horret, & quid amplius? Omnes dicunt in commune, quod tu omnium pater extiteris, tu patronus & defensor Christianitatis, quam si modo deserueris, idem est ac si inimicis exposueris diripiendam. O Rex fortis ut cœpisti perdura diutius, opem genti confer isti, te sperat attentius protectorem, ope Christi procede felicius.

## CAP. XLVI.

*Rex voce præconaria per exercitum clamare fecit se non repatriaturum usque post Pascha.*

**I**N hæc verba capellani Rex suspensus, in silentioolvebat multa animo, pensans verborum virtutem, ipso nimirum loquente capellano Rex omnino tacuerat, similiter & illi, qui cum ipsis confederant in tentorio, intenti ora tenebant. Regis quidem eodem sermone commutatum est cor, & confirmata est cogitatio, ut clariori consolidaretur certitudine. Et ecce in crastino hora nona reversus Rex & omnis exercitus extra pomeria foris *Ascaloni* confederat, existimantibus singulis revera Regem recessurum, & quod jam reditum acceleraret. Verum mutato proposito, per inspirationem gratiæ Dei, & sermonem capellani, dixit Comiti *Henrico* nepoti suo, & Duci *Burgundiæ*, aliisque proceribus, quod nec per nuntium qualemcunque sollicitantem, sive quoscunque rumores vel querelas, ante Pascha recederet à terra. Igitur pridie *No-nas Junii*, scil. in hebdomada Sanctæ Trinitatis, accersito *Philippo* præcone suo, jussit ut per exercitum clamaret notificans, Regem *Richardum* usque ad Pascha in terra remansurum absque omni dubietate, & ut singuli juxta possibilitatem suam se expedirent, instruens ad civitatem *Jerusalem* obsidendam.



## CAP. XLVII.

*Audita Regis voluntate latatur exercitus, & se præparat ad expugnationem Jerusalem.*

**A**Udita voce præconis velut avis ex die parente congratulabantur universi. Tunc sine dilatione omnes se instruunt, sarcinas procurant, ad iter expediunt, & protensis in cœlum manibus dicebant. Te Deus omnipotens adoramus, & gratias agimus, quod nunc civitatem tuam videbimus, in qua *Turci* jam diuturniorem moram egerunt. O quam felix tanta nostra dilatio! quam beata expectatio? quam condignæ tribulationum singulorum passionibus? quoniam tam optatæ jam sequitur visio civitatis. Hæc & his similia singulis protestantibus sola eos vexabat sollicitudo & procuratio procedendi. Præterea turba vulgi humilioris, quam spes effecerat alacriorem, victualium sarcinas propriis gestabant cervicibus, singulis se proculdubio asserentibus ad unius mensis sufficientiam ferre copiam escarum, adeo quidem versus *Jerusalem* optabant progressum, nihil est etiam quod non exuperet animus volentis, dummodo fuerit voluntarius, & divinus emollit famulatus asperiores duritiam.

## CAP. XLVIII.

*Rex & exercitus ab Ascalone versus Jerusalem tendens venit ad Candidam custodiam, ubi duo ex nostris moriuntur morsu serpentum.*

*Ditiores pauperibus sub-  
veniunt.*

**I**Gitur ut prædictum est singulis se ad expeditionem instruendis unanimiter placida gratitudine congruere videbantur quæcunque fiebant. Sedens itaque extra *Ascalon* Rex & exercitus, jam prorsus ad iter instructus, die Dominica, scil. in Octavis Sanctæ Trinitatis, ab *Ascalon* exiens progressus est summo mane versus *Jerusalem*. Gens egregie instructa, gens electa paulatim egreditur propter æstus. Ibi ditiores inferiorum compatientes impotentia, charitativo gratum ducebant succurrere obsequio, & liberalitatis humilitate peditibus præbebant vecturam, & qui habebant equos, vel cujuscunque generis jumenta, pauperioribus peregrinis exhibebant, ad portandum & ipsos & sarcinas eorum, & ipsi pedites gratis post ipsos ambulabant, scil. juvenes expediti & potentes ad itinerandum. Ibi videre fuit innumeras ventilantes Banerias insignes, multimodosque penuncellos, tot matrum filios, tot regionum oriundos, tot arma multiformia, galearum apices gemmis vernantes, loricas nitentes, flammeos in scutis reptantes leones, vel aureos volitantes dracones, equos arduos ad cursum ferventiores, quorum indignata teneri spumescit ardore habena, tot mulos, tot lanceas acuta cuspide micantes, face gladiatorum relucet aer, tot milites probatos & electos, quod, me judice, sufficerent ad *Turcorum* multitudinem, & satis ipsis majorem, conterendam sive sustinendam. Itinerando itaque adeo profecerunt, quod jam fluvium dulcis aquæ transeuntes pervenerunt usque ad candidam custodiam, in exterioribus igitur planitiis fixis tentoriis alacriter pernoctabant. Ille nocte prima duorum moribus serpentum miles quidam, & ejus armiger interierunt, intra modicum terræ spatium, quorum animas Deus absolvat, in cujus obsequio sunt deprehensi. Ibi duobus diebus commoratus est exercitus.

## CAP. XLIX.

*Rex cum exercitu tribus diebus venit ad Betenoble à Candida custodia, expectans ibi populum per unum mensem, & multa interim insigniter faciens.*

**T**ertia die quinto Idus Junii prodibat conglobatus exercitus, & absque impedimento vel adversitate pervenerunt usque ad *Turonem militum*. Ea nocte comprehensi sunt quatuordecim *Parthi* à nostris, qui de montibus descenderant ad prædandum. In crastino post prandium motus est exercitus, præcedente ipso Rege, cum domesticis suis versus castellum *Arnaldi*, in cujus parte dextra eminentiori figi sibi iussit tentoria. In crastino venerunt *Franci*, & cunctus exercitus, profecturi versus *Betenoble*; ibi aliquamdiu sedit exercitus, ut expectaret Comitem *Henricum*, quem Rex miserat usque *Achonem*, ut ibi residentem in otio ad expeditionem populum adduceret, ea propter oportuit totum commorari exercitum, per unum mensem vel plus, ad radicem montis, qua transire solebant peregrini, & à Sancta civitate reverti. Dum ea valle qua resederat commorabatur exercitus, plura contingere vidimus accidentia, quæ non existimamus prætereunda silentio. In crastino Sancti *Bar-nabæ*, scil. die *Veneris*, Regi nunciante speculatore *Turcos* in montanis sedere in insidiis transeuntium, Rex summo mane ad montana profectus est, *Turcos* quæritans usque ad fontem *Emaus*, & in aurora ipsos comprehendit improvidos, in quos irruens xx. peremit, alios dissipavit, cepit quoque præconem ipsius *Salahadini*, qui sua clamando proponere solebat edicta, illi soli pepercit, & comprehendit tres camelos, & equos, & mulos, & pulchros *Turkemannos*: præterea sibi lucratus est duas mulas optimas, onustas pretiosissimis sericis indumentis, specierum etiam genera multa *Aloen* & cætera, *Sarracenos* igitur perniciousè prosequendo per montana fugavit, fugitantes cædendo, quousque unum eorum in valle quadam consecutus transolsum ab equo dejecit moribundum, quo contrito Rex prospiciens vidit eminens civitatem *Jerusalem* apparere.

*C. Henricus Achonem à Rege missus ut milites ibi otiosa degentes ad exercitum adduceret.*

*Salahadini præco capitur à Reg. Richardo.*

## CAP. L.

*Turci in Jerusalem audientes Regem advenientem tremantes fugerunt, & Salahadinus se præparavit ad fugam.*

**I**gitur cum ex fugientibus *Turcis* innotuisset his, qui resederant in *Jerusalem*, Regem *Richardum* adventare, vehementer extimuerunt, ut, si Rex in illo formidinis ipsorum articulo processisset cum universo exercitu, profecto deseruissent civitatem *Jerusalem* *Turcis* quietam, & liberam Christianis habitandam. *Sarraceni* quippe exeuntes velocius aufugerant universi, ut nec esset qui civitatem muniret, vel in ipsa residere præsumplerat, nec minis *Soldani* districtus, nec mercede allectus. *Salahadinus* nihilominus equum suum meliorem exegerat, & agiliorem sibi præceperat exhiberi dextrarium, ut fugeret à facie Regis *Richardi*, quem non ausus est expectare.



## CAP. LI.

*Item dum apud Betenoble morarentur Franci, cum ducentis Turcis pug-  
nantes confunderentur, nisi Episcopus Salesburiensis  
superuenisset eis in auxilium.*

**E**Adem die, dum Rex talibus intenderet studiis, & vacaret negotiis, ducen-  
ti *Sarraceni* à montanis descendentes in plana versus tentoria *Francorum*,  
totum conturbabant exercitum antequam effugarentur, duos namque ex no-  
stris satellites jam peremerant, qui longius exierant ob quæritandum pabula  
jumentis, ad quorum clamorem *Franci* profilientes, Templarii quoque & Hos-  
pitalarii irruerunt in *Turcos*, qui ad radicem montis viriliter restiterunt no-  
stros audacter reperiunt: *Turci* quippe congregi cum nostris vehemen-  
ter refugiunt in planis, in montis vero descensu restiterunt, & unum ex no-  
stris militem repente prostraverunt, unde *Franci* non minima denotabantur in-  
famia. Ibi miles quidam nisi ordinis sui regulam fuisset transgressus memo-  
rabilis virtutis gessisset insigne, attamen id præsumpsisse potius videretur ascri-  
bendum audaciæ quam probitati; Hospitalarius hic erat, nomine *Robertus*  
de *Bruges*, qui cum jam Regium vexillum pertransisset, venit ad Regem,  
equo cui sedit peroptimo calcaribus vehementius acto, & suorum ordinem in-  
discipline deseruit, & ex aviditate congregiendi cum hostibus, antequam alii  
ordine militari procederent, ferebatur solus in hostes; *Turcum* itaque quen-  
dam, quem decentissime prospexerat armatum, ex opposito veniens rapido  
curfu aggressus cum fortissima, quam gerebat lancea, tenacissima qua munie-  
batur *Turcus* armatura frustrata, medio transfodit corpore, ut jam emer-  
ret penetrato lancea tergo. Decidit in terram *Turcus*, cujus corpus non est ibi  
relictum, simul igitur universi nostri equis admissis irruerunt in hostes. Dix-  
it igitur magister Hospitaliariorum *Gerverius* prænominato *Roberto* de *Bruges*  
ut ab equo descenderet, & ordinis attenderet disciplinam, cui frater obtem-  
perans pedes usque ad tentorium à loco certaminis regressus est, sic in patien-  
tia fuit expectans, quousque viri potentes & nobiles, coram magistro *Garverio*  
geniculantes, veniam impetrarent fratri *Roberto*, super transgressionis recessu,  
sed ut de cætero sic gerere caveret. Diutius igitur dubio utrique defudantes  
certamine pari voto insistentibus. Coelum Marte tonat, sanguine  
madescit humus, collisi tinniunt enses, clipei crepitant, hos ira, illos agitat  
furor. Jam nimium nostri fatigati pondere belli, fluctuare cœperunt, & ecce,  
Deo providente, audito congregientium tumultu, eo venit Comes de *Werthi*,  
qui tamen se timide habuit, Episcopus vero *Salesburiensis*, nisi citius occurrisset  
*Franci* confunderentur in illa die.

## CAP. LII.

*Item dum ibi morarentur per plurimi milites nostri, quorum custodia deputata  
est Caravanna nostra à Joppe ad exercitum ducenda, à Turcis  
vilissime tractati & durissime cæsi, & per Comi-  
tem Leicestriæ liberati sunt.*

**Q**uinto decimo Kal. *Julii*, hoc est die Sancti *Botulfi*, scil. die *Mercurii*,  
egressa Caravanna nostra de *Joppe* versus exercitum veniebat, onusta vi-  
tualibus, & aliis clitellis necessariis. Caravanæ conducendæ deputatus erat  
ea die *Ferricus* de *Viana* vice Comitum *Henrici*, qui custodire debuerat extre-  
mos,

*Robertus de  
Bruges præ-  
clarus faci-  
nus.*

mos, qui missus erat *Achonem*. *Ferricus* itaque rogaverat *Baldwinum Carron*. & *Clarenbaldum* de monte *Chablon*. ut ea die pro ipso Carravannam custodiret, ne forte dissolutius oberrarent vel minus provide segregarentur. Verum incautius evagantes ea die suam luebant incuriam & negligentiam. Ibi fuit *Manasseri* de *Insula*, & *Richardus* de *Orques*, & *Theodericus Philippus*, & quidam socii *Baldwini* de *Carron*, *Otho*, & armigeri plurimi, & consanguinei & amici eorum, quorum amicitia probabatur in necessitate. Anterioribus itaque expeditius itinerantibus, sequebantur tardius extremi passibus morosis, & ecce subito non procul à *Ramula* profilientes *Turci* à latebris insidiarum, equites à montanis cum impetu rapidissimo irruerunt in extremos nostros, singuli certatim alios anticipare cupientes, equos itaque, qui habuerunt extremam nostrorum catervam, penetrantes transibant, Ibi dejectus est equo suo *Baldwinus Carron*. qui, statim extractum vibrans gladium, ab impetentibus juges multiplicans ictus se fecit inaccessibilem. In illo congressu nihilominus exturbati sunt ab equis *Richardus Torques*, & *Theodericus*: *Baldwinus* autem fortius dimicabat, donec homines sui equum ei exhibitum, quem adquisierant, ipsum fecerunt ascendere. Ibi videres conflictum acerrimum, & decentissimas congressiones, & percussiones aptissimas, gladios exertos scintillare, invasiones infatigabiles, & occurfus rigidissimos, equos innumeros fessoribus dejectis vagari, *Turcos* ruere, nostros instanter dimicare. Quoties *Turci* quemcunque prosternerent, alii se in turbam ingerentes prostratum erectum equum ascendere fecerunt, & sibi mutuis probissime auxiliabantur collationibus. Verum forte plurimum impari contendebant nostri, dum satis pauciores illis hostilibus catervis immixti singuli longius digrederentur ab aliis, & inter hostes præ multitudine eorum quasi absconderentur, unde *Turcorum* multitudine nostros excludentium non fuit plurimum mirandum, si constantissimorum etiam quis deiceretur, tot hostium incurfione gravatus, pila nimirum *Turcorum* densissime volantia equos vulnerabant, & nimium debilitabant. Præterea ecce denuo prostratus est ab equo *Baldwinus*, qui confestim armigerorum suorum uni præcepit ab equo, cui federat, descendere, & ei contradere; *Baldwinus* ascendit, & sine mora illius sui armigeri, qui dum equo sedit, probissime se gesserat, vidit caput amputari. Ibi se defendentes constiterant nostri, ibi comprehensus est *Philippus* socius ipsius *Baldwini*, qui præ aliis omnibus se gerebat insignius. Cum *Philippo* quoque abduxerant *Turci* quendam armigerum præstantissimum, & fratrem *Richardi* occiderunt. Ibi quidem horrendus timidis videretur iteratus congressus, contendunt gladiis, concertant totis viribus *Baldwinus* & socii ejus. Porro *Clarebaldus* de monte *Chablon*. jam ipsos deseruerat fugiens perneciter, ex quo *Turcorum* prospexit crescere multitudinem. Ibi quoque renovatur conflictus acerrimus, ibi tertio equo deicitur *Baldwinus*, & ipsum adeo clavis contundunt ut propemodum redderetur inutilis, sanguis ei emanabat plurimus a naribus & ore, & ensis ejus acumen ab assiduitate ferendi fuit retusum, & inefficax confracto mucrone, hostium itaque constipatus mole ingruentium exclamavit voce magna ad *Manasserium* de *Insula* militem præstantissimum, & *Turcos* omnes conterrentem, dicens O *Manasseri* igitur me deseris, quo audito *Manasseri* ocior advolat ad exutiendum *Baldwinum* ab insistentium *Turcorum* improbitate; porro plures erant *Turci* & ipsis duobus invincibiles, qui dum diutius duo contra innumeros decertassent, in ipsa congregantium multitudine equo etiam dejectus est *Manasseri*, quem jam prostratum crudeliter flagellabant clavis ferreis & dentatis, & ipsum stantes adeo laniabant, & vulnerando contriverant, & immisericorditer vexaverunt, ut & ejus unam tibiaram usque ad medullam detruncarent, sicque *Baldwinus* & *Manasseri* in hostili turba depreffi, suis ignorantibus quid de ipsis factum esset, erant perdit. At ecce misit eis Deus liberatorem & propugnatorem præstantissimum Comitem de *Leicestria*, qui statum ipsorum ignoraverat. Comes igitur cum impetu magno adveniens quendam quem primum habuit obvium ab equo statim deiecit, cujus caput *Ausconus* socius *Stephani*

*Philippus à  
Turcis captus*

*Baldwinus &  
Manasseri  
vulnerati.*



de *Longo Campo* amputavit, & procul abiecit. Ipse quoque *Stephanus* viriliter se gessit in omnibus articulis, & ecce gens nostra crevit, & *Turcorum* virtus elanguit, & conversi sunt in fugam versus montana præpete cursu abeuntes, præter eos quos consequuti sunt nostri. Vulneratos igitur nostros, qui jacuerant, leviter equis impositos usque ad exercitum deduxerunt. Sic igitur quod ea die gestum est æstimabatur mihi memorandum, & quod per Comitem de *Leicestria* effugati sunt *Turci*, qui quosdam interfecit, quosdam cepit.

## CAP. LIII.

*Item dum ibidem morarentur, quidam Episcopus Surianus de Sancto Georgio quandam crucem Dominicam Regi Richardo detulit & dedit.*

**Q**uidam Episcopus *Surianus* de *Sancto Georgio*, qui destructa regione circa *Jerusalem* cum eo primum venissent *Sarraceni*, pro se & pro suo genere sub *Salahadino* tributarius extiterat, cum quadam Sanctæ crucis particula venit ad Regem *Richardum*, cum maxima turba virorum ac mulierum gentis suæ, & Regi crucem illam tradidit.

## CAP. LIV.

*Item dum ibidem morarentur quidam Abbas Regi dicebat se particulam quandam Sanctæ crucis abscondisse in loco quodam, ad quem Rex cum Abbate veniens partem illam invenit, & cum populo adoravit.*

**I**tem accidit tertia die ante festum Sancti *Johannis Baptiste*, die Sancti *Albani*, ubi tunc morabatur exercitus, ut ex rumore Regi notificato universus consolaretur exercitus, venit enim ad Regem quidam Abbas religiosissimus, forma vultus significante sanctitatem, de Sancto *Elpe* extitit Abbas, barba prolixa, capite cano, effigie reverenda. Hic dixit Regi se quandam Sanctæ crucis particulam à multo tempore servasse occultatam, quousque opitulante Deo terra Sancta vacuaretur a *Turcis*, & in pristinum statum restituerentur universa, hujus repositi thesauri se solum conscium assererat, a *Salahadino* quoque se sæpius dicebat arctatum, & ut crucem illam proponeret difficillimis quæstionibus frequentius coercitum, sed se semper exactorem dubia suspendisse ambage, & frustratoriis delusisse responsionibus, quem cum hujus inquisitionis occasione strictissimis mandasset *Salahadinus* loris arctari, se constanter asseruit Abbas crucem illam amisisse in comprehensione civitatis *Jerusalem*, sicque delusa sollicitudo quærentis est. His auditis Rex confestim cum gente plurima cum Abbate seriatim profectus est usque ad destinatum, de quo Abbas prædixerat locum, qui sanctam crucem illam a loco sublatam alacriter retulerunt cum reverentia condigna ad exercitum, quam & populo summa cum devotione certatim osculante adoraverunt, ubertim piis fluentibus lacrimis.

## Liber Sextus.

## CAP. I.

*Rex Richardus, Francis volentibus ire versus Jerusalem, pluribus de causis non consuluit sine consilio Templariorum & Hospitaliariorum & indigenarum.*

**I**gitur, cum sanctam illam diutius in exercitu crucem adorassent, super illa non modicum gavisi, plebs & vulgus ignobile conquesti sunt dicentes, Domine Deus quid igitur erit nobis? nunquid adhuc in *Jerusalem* eundum est? quid ultra faciemus? an ad itineris illius consummationem durabimus? & factum est murmur in turba & maxima querela. Super his tractaturi conveniunt Rex & majores in populo, utrum expediret ad *Jerusalem* obsidendam prodire an non, *Francorum* quidam Regem attentius rogabant, & sæpius hortabantur ut procederet ad obsidionem, quoniam hoc convenientius videbatur. Quibus Rex è contrario respondit hoc fieri non posse, ne me, inquit, in hoc negotium ducem videbitis deducendi populi, unde notam incurram reprehensionis vel infamiæ, imprudentis quidem est æstimatio huic me deputari præsumptioni, si autem vobis placuerit nunc *Jerusalem* petere, vos non deferam, socius ero vester non Dux, prosequar non præcedam, quicquid in nostro apud nos agitur exercitu novit *Salahadinus*? quem status noster sciat latet, quæ sit virtus nostra vel virium effectus, à maritimis plurimum distamus, quod si forte *Salahadinus* cum gente sua descenderit in plana *Ramula*, & transitus viarum observantes, ne quid ad nos victualium perveniat usitatos obsederint meatus, nunquid non æstimandum hoc esset perniciosissimum obsidentibus? & nimis fero poenitenda luerent inchoata. Præterea civitatis *Jerusalem* obsidendæ, sicut accepimus, amplissimus est ambitus, quam si tantilla gens nostra undique proportionaliter obsideret, non sufficeret bipartitus noster exercitus, & ad obsidendum, & ad excutiendos victualium nostrorum portitores, si forte à *Turcis* invaderentur, imo prorsus de facili perimerentur universi, quibus nimirum non essent auxiliares. Ego igitur si hujus præsumptionis auctor existerem, & exercitui me duce quid infortunii, quod absit, accideret solus reputarer arguendus fatuitatis, & super universorum periculo reprehensibilis, si nunc exercitum ad obsidendam *Jerusalem* producerem. Cæterum proculdubio certissime novi nonnullos hic in præsentiarum esse, nec non & in *Francia* tales, qui pridem non ignorantur voluisse, & nunc etiam velle, & plurimum optasse, me talibus negotiis minus provide operam impendisse, sive opera perpetrasse, quæ merito possent redargui, & ego contraherem detestabilis crimen infamiæ. Ea propter in tam arduorum aggressus negotiorum, sub incertitudine tam dubia, non arbitror incircumspectius præpropere præcipitandum. Nos præterea vel gens nostra alienigena hujus regionis prorsus situs ignoramus, nec viarum transitus, vel locorum angustias, quibus cognitis tutius procederemus & cautius, quatenus optatis gauderemus successibus: Indigenarum autem consilio, qui territoria sua & pristinas desiderant recuperare hæreditates, quicquid ipsis commodius visum fuerit, qui terrarum noverint plenius tractus, reor salubrius agendum. Templarii quoque & Hospitalarii quicquid æstimaverint, & fideliter decreverint, potius aggrediendum, imitabile videtur utrum ad obsidendam *Jerusalem* sit progrediendum, vel ad *Babyloniam* comprehendendam, vel *Baruth*, sive ad *Damascum*, ipsorum quidem in agendis nostris si imitamur decretum, non, ut nunc est, tanta dissensione noster in adversa distraheretur exercitus.



## CAP. II.

*Communi assensu viginti viri discreti eliguntur quorum consilio stent universi,  
qui jurati Babyloniam potius quam Jerusalem adire consulunt,  
Rege hoc annuente Franci contradicunt.*

**A**D Regis igitur exhortationem communi decretum est assensu ut, quicquid viginti jurati fideliter arbitrentur agendum, absque contradictione unanimi sequerentur assensu. Electi sunt igitur ad id decernendum de Templariis quinque, de proceribus Francorum quinque, de Hospitalariis quinque, de Surianis terræ illius indigenis quinque, hi viginti convenientes in unum, cum aliquamdiu mutuo super prædictis tractassent, potioris responderunt fore proculdubio commoditatis Babyloniam obsidendam adire. Quod audientes Franci constanter contradixerunt, nec se alias quam Jerusalem obsidendam profecturos potestabantur. Cum Rex Francorum attendisset proterviam & defectionem, turbatus respondit, Franci, inquit, si meis acquiescerent consiliis, & juxta prædictorum juramentum ad Babyloniam obsidendam procedere voluerint, ecce classem meam apud Achonem decenter instructam eis exhiberem, ad portanda victualia & omnia necessaria, & exercitus confidenter procederet per maritima, ego quoque stipendiis meis eo deducerem milites septingentos nomine Domini, & duo millia servientium. Præterea si quis ope vel pecuniæ meæ, vel quorumcunque, quæ mea sint, indiguerit, pro certo exponendum noverit liberaliter, prout cuique opus videbitur. Porro quia ipsis fecus æstimatur agendum, me quidem cum ipsis non inficior iturum, sed tantummodo cum domesticis, & non alienos conducturum. Tunc sine dilatione præcepit ut in tentoria Hospitalariorum sui convenientes sollicitè inquirerent quod quisque ad consummandam conferret obsidionem, & quantam gentem ibi exhiberet. Venerunt quidem & ibi, ut prædictum est, compromiserunt magnates cum cæteris ad obsidionem se magna exhibituros, qui & minimum habebant in oculis. Verum super tam ambiguus & incertis articulis nimis indiscrete videretur præsumptionis illud appetisse, vel etiam inchoasse Jerusalem obsidere, postquam jurati id tanto opere agendum fuissent dehortati.

*R. Richardus  
multa promittit  
Francis,  
si ad Babyloniam  
obsidendam  
pergere velint.*

## CAP. III.

*Item dum ibi morarentur, Bernardo Regis exploratore nunciante Carravannas maximas de Babylonia venientes, profiliit Rex ad eas comprehendendas cum Francis, & contra Salahadinus misit milites ad eas observandas.*

**I**Gitur dum super his quæ à singulis obsidioni conferri deberent sollicitius indulgerent, ecce Bernardus explorator Regis Richardi cum aliis duobus, qui illius terræ fuerunt omnes indigenæ, cum vestibis Sarracenicis, qui de partibus Babyloniæ venerunt, qui revera à Sarracenorum in nullo discrepabant habitu, & Sarracenorum solummodo vacabant statum diligentius addicere Regi Richardo notificandum, nemo ipsis efficacius Sarracenco loquebatur idiomate, horum trium quilibet, hujus gratia ministerii, prius acceperat à Rege Richardo centum marcas argenti. Hi igitur notificaverunt Regi, ut sine mora cum ipsis ipse simul cum gente sua veniret ad intercipiendas Carravannas à Babylonia venientes, ad quas ipsos se sponponderunt proculdubio conducturos.

Rex

Rex super auditis admodum exhilaratus mandavit Duci *Burgundiæ*, ut in hoc negotium cum ipso expeditius veniret *Francos* secum adducens, qui sic quidem fecit, sed ea conditione se *Franci* compromiserunt eo profecturos ut tertiam partem quæstus haberent, Rex annuit. Igitur indilate prodeuntes æstimati sunt quasi quingenti milites bene armati, & servientes expeditissimos mille duxit Rex conductitios. Rex alios antecedens, advesperascente jam die, processerunt tota nocte, ad Lunæ splendorem itinerantes, usque ad *Galattam*: ibi modicum quiescentes propter victualia *Ascalonem* miserunt, interim diligentius sibi Caventes armis muniebantur, donec redirent vernaculi, qui propter victualia missi fuerant. Porro ex quo gens nostra primitus, ut dictum est, ad comprehendendas Caravannas promota est, statim explorator quidam indicavit rem *Salahadino* in *Jerusalem*, quod viderat Regem *Richardum* cum gente sua versus Caravannas suas accelerantem, & sic revelatum est consilii nostri misterium. *Salahadinus* igitur confestim quingentos *Turcorum* electos misit properanter ad conservandas Carravannas, hi habebant arcus & cannas, qui, cum omnes convenissent in unum, cum his qui prius Caravannis deducendis deputabantur, duo millia equitum æstimabantur exceptis peditibus plurimis.

*Salahadinus*  
500 *Turcos*  
electos mittit  
ad Caravannas  
conservandas.

## CAP. IV.

*Dum Rex cum suis viriliter cum Turcis dimicando cepit Caravannam unam pretiosissimarum rerum, quarum pretium æstimari non poterat & innumerabilium camelorum, Dromedariorum, equorum, asinorum.*

**D**UM Rex *Richardus* cum gente sua apud *Galatiam* consistit, ecce quidam explorator indicans ei unam Caravannam de prædictis Caravannis transire per rotundam cisternam, ad quam festinanter comprehendendam monuit procedere, & exercitum interim se cohibere, quisquis, inquit, hanc Caravannam comprehenderit maximum quæstum faciet; verum quoniam ille explorator illius terræ fuerat oriundus Rex ei soli certissimam fidem non arbitrabatur habendam. Misit igitur statim *Bedewinum* quendam, & duos vernaculos *Turcopolos* prudentissimos, ad rei veritatem inquirendam & certius indagandam, quos & in modum *Bedewinorum* redimitos fecit *Sarracenis* assimilari, de nocte quoque profecti transierunt colles speculis aptos, vicissim descendentes, donec prospexerunt *Sarracenos* quosdam in loco eminentiori, qui & ipsi fuerant speculatores insidiantes transeuntibus, ad quos pedetentim cum noster *Bedewinus* accederet explorandi causa, *Sarraceni* diligentius inquirebant qui vel unde fuissent, vel quo pergerent, quibus *Bedewinus* duobus suis fociis innuens ut tacerent, ne ex idiomate possent agnosci, respondit quod à partibus *Ascalonis* redirent, quo perrexerant causa prædandi, cui *Sarracenorum* unus dixit imo venis nobis nequiter insidiari, degis enim cum Rege *Anglorum*, cui *Bedewinus* mentiris, inquit, & eo dicto festinanter processit ad Caravannas, quos & *Turci* illi aliquamdiu profecti sunt cum arcubus & cannis, acrius infestantes quousque tædio affecti prosequi destiterunt, vehementius tamen suspicati sunt ipsos fuisse suos potius quam alienos. Exploratores igitur nostri, cum super memoratis Caravannis ipsis verum constitisset, indilate reversi sunt ad Regem *Richardum*, dicentes quod absque dubio posset Caravannas comprehendere, dummodo properanter procederet. Quo cognito Rex, equis annona data aliquamdiu refectis, cum gente sua festinanter profectus est, nocteque sequenti ambulabant quousque prope locum venissent, quo Caravanna restiterat cum custodibus pausantibus. Non procul inde subsistens Rex & focii confestim armati sunt, & acies per turmas instruxerunt, Rex in primo & *Franci* disponuntur in ordine ultimo. Rex clamante præcone statuit inhibendum ne quis spoliis intenderet diripiendis, imo potius insisterent viriliter universi ad *Turcorum* acies penetrandas, & conterendas. Igitur, cum jam dies esset, & dum



agminibus sollicitius infisterent ordinandis, ecce præpete cursu veniens alter explorator indicavit Regi, quod à summo diluculo expediebatur Caravanna illa inde velocius motura, quoniam custodibus innotuit de Regis & suorum irruptione futura. Quo audito Rex statim præmisit Balistarios & Sagittarios expeditissimos, quatenus *Turcos* ad faciendam moram itineris, tanquam ad bellum perfunctorie provocantes, retardarent, ut morosius itinerantes nostri citius assequerentur. Ad quorum frequentiore infestationem cum *Turci* moras innecterent, ordinatæ acies nostræ expeditius appropriabant. Quos cum *Turci* attendissent in collem quendam vicini montis se recipientes, convenerunt in unum, tanquam habentes ad firmamentum locum illum eminentiorem, & exercitum suum per turmas ordinaverunt dispositum; sed solito minus tunc infremuit fastus eorum. Igitur, dum *Turci* irruentes acies nostras sagittas & pila densissime emitterent, more roris super faciem terræ decidentis, interim in uno loco quiescente Caravanna. Rex bipertito exercitu irruit repente super eos, & *Turcorum* anteriorem aciem potenter cum sequacibus penetrando dissipavit. Tam violento quippe impetu ipsos impetendo prostraverat, undique cadentes ab eo etiam quos non percusserat, sed fugientes oppresserat, ut jam non ulterius superesset qui resisteret, nisi quis forte fugiens pilum remitteret à tergo vel sagittam. Fugiant perneciter universi, tanquam lepores caventes canes insectantes, in diversa dispersi ante faciem prosequentium Caravanna restitit relicta, & gens nostra infatigabiliter abeuntes jugiter cædendo a dextris & a sinistris persequi non cessabant, ut in arenti eremo *Turci* fiti passim ruerent extincti. Quotquot autem milites nostri assecutos dejecerunt ab equis peremerunt Armigeri? ibi viderentur fellæ retorqueri, & superatos miserabiliter pessundari, eximie dimicant Regales, strenuissime *Franci*, ut pote præliis exercitati. Porro Rex *Richardus* gloriosiori præ cæteris omnibus enitet magnificentius prærogativa, nulli comparandus, sublimi subvectus equo, singulariter agitur in hostes, in ictus rigidissimos fraxinus librata jam frequentioribus in hostes vexata percussionibus defecerat, & plurimas infecta multo cruore diffusierat in particulas, nec mora gladium vibrans exertum fugientibus imminet, comprehendit, posternit, demetit posteriora, abradit extremos, ignavi domitor vulgi, fulgurat incedens, laniat fugitivos, quemcunque consequitur, non obstante cujuscunque genere armaturæ, à capitis vertice acumen stricti gladii usque in dentes infligit, ventilat, exagitat dissipatos, quasi lupo fugientes bidentes insectando. Verum, Rege sic infatigabiliter *Turcos* ventilante, in diversa disperguntur universi qui supererant, quorum quidam, quia Rex jam cursu velociori etiam fugientium per montana præoccupaverat anteriores, fuga directa a manibus Regis elabi desperantes, arcuatore cursu declinantes ab eo, reversi sunt versus nostros extremos, per quandam a latere semitam; speraverant enim se nonnihil profecturos potius versus alios quoscunque in Regis absentia, cujus ab aspectu quoque contabescebat virtus eorum, Regem quippe non immerito reveriti sunt usque ad mortem, mors enim hostium in manibus ejus. *Turcorum* igitur quasi triginta fugiendo regirantes impetu magno ferebantur in *Rogerm* de *Toony*, cujus equum statim peremerunt sub eo, ipsum quoque propemodum comprehenderunt, a quorum manibus cum ad *Rogerm* excutiendum adveniret quidam socius *Jukel*, *Cenomanensis*, & ipse absque mora dejectus est ab equo, quem tamen *Rogerus* de *Toony* se quoque constanter defendens pedes accedens liberavit. Interim accurrit gens nostra, Comes etiam de *Legecestria* prosternens a dextris & a sinistris, venit quoque *Gillebertus Malemanus* cum quatuor sociis, venit & *Alexander Arsi*, & alii milites ferme viginti, *Stephanus* quoque de *Longo Campo*, qui *Rogero* de *Toony* præstans liberaliter obsequium, a medio *Turcorum* belligerantium, equum exhibuit ut scanderet. Ibi cædes renovantur, coelum Marte tonat, gladiis scintillantibus splendescit aer, madet humus cruore, tinniunt arma armis collisa, membratim laniantur cadavera, sparsim jacent abscissa brachia, manus, pedes & capita, quorum quidam in impetu ferientium fuerant detruncata,

usque

usque ad oculos vel ora vel guttura, secundum quod fors vel congregientium fervor administraverat virtutem. Ex occisorum igitur *Turcorum* cadaveribus, densissime per arva jacentibus, nostri ambulantes impediabantur, & corpora, quæ modo detruncaverant, offendunt eos usque ad lapsum. Egregie se gerebant *Pictavenses, Franci, Normanni & Andegavenses*, Rex autem *Richardus* flos virtutis & vertex militiæ, universis eminentius omne tulit punctum, a cuius virtute laus omnis inferior est. Tantam quidem ibi videres *Turcorum* stragem, quantam nullus antecessorum unquam prius viderat, tanta quippe tabescebant confusione, & defecerant oppressione, ut puer, quantumlibet invalidus, potuisset sic affectorum decem vel quot offenderet perimere. Ibi re-tunsa est prorsus *Turcorum* superbia, & fastus abolitus, & audacia repressa; ibi potenter Carvanna a nostris est mancipata: ibi *Turci* jumentorum onerarium Caravannæ custodes & veredariorum, se gratis dedebant captivandos militibus nostris & armigeris, & manus supplices protendentes implorabant misericordiam & miserationes, cætera quodammodo levia reputantes dummodo vitæ parceretur. Per capistra jugales equos & camelos cum Sarcinis offerebant, & mulos & mulas portantes diversi generis species pretiosas, aurum, & argentum multum nimis, pallia holeserica, purpuram, ciclades, & ostrum, & multiformium ornamenta vestium, præterea arma varia, tela multiplicia, insutas loricas vulgo dictas *Gasganx*, culcitra acu variata operosa, papiliones & tentoria pretiosissima, panes biscoctos, frumentum hordeum & farinam, electuaria plurima, & medicinas, pelves, utres, & Scaccaria, ollas argenteas & candelabra, piper, Cynimum, Zucarum, & ceram, aliasque diversorum generum species electas, pecuniam infinitam, & rerum copias innumerabiles, quod ficut dicebatur nullorum unquam præliorum temporibus tanta simul & semel fuerant acquisita, vel præda consimilis, tam multiplex tantarum opum opima variarum.

*R. Richardus  
Turcorum in-  
genti edita  
strage Car-  
vannam cepit.*

## C A P. V.

*Quot Cameli & Dromedarii fuerint capti & quot Turci occisi.*

**P**erfidorum cæde completa, & comprehensa Carvanna, novo coeperunt nostri sollicitari labore pro coadunandis Camelis, cursoriis, & Dromedariis, unde totus turbatur exercitus, adeo quippe velociter comprehendendi fugiebant equites nostros insequentes, quod nunquam animal aliud tantæ videbatur velocitatis, quorum comparatione cervus aut damula, vel quodcunque alterius fugitivi generis. Animal, pigrescere videretur & morosum, dummodo paululum arrepto spatio promoverentur ad cursum. Denique vero utcunque adunati æstimabantur, sub incerto tamen numero, quatuor millia & septingenta Camelorum & Dromedariorum. Tot præterea comprehendebantur Mulorum & Mularum, Asinorum onerariorum, quod sub numero non cadebat multitudo, ut etiam tantorum copia hominum potius videretur. Præterea *Turcorum* equitum, ea die diversis in locis peremptorum, numerus excreverat ad mille & septingentos, exceptis peditum quamplurimis ad inter-necionem contritis.



## CAP. VI.

*Dum Rex rediit cum spoliis Betenopolin, unde egressus fuerat, occurrit ei  
Comes Henricus ab Achon, veniens cum exercitu  
pro quo missus fuerat.*

**H**is ita peractis, & Sarcinis ad reditum aptatis, cum spoliis multis passibus equis rediens Rex & exercitus, juxta prædestinatas mansiones regressi sunt usque juxta *Bethaven*, quæ distabat quatuor milliariis à *Joppe*. Ibi partiti sunt spolia sua cum præda. Inde procedentes altera die profecti sunt usque *Ramulam*. Interea venit *Ramulam* ab *Achone* Comes *Henricus*, cum ea quam inde adduxerat gente, ad exercitum ad *Ramulam*; profecti sunt omnes usque *Betenopolim*, unde primo moti fuerant. Ibi ergo reuovatur lætitia, congruentibus universis, & admirantibus super copia jumentorum, quibus replebatur exercitus. Ibi Rex magnificus Camelos suos, quibus nunquam visi sunt aptiores, distribuit militibus illis, etiam qui resederant ad exercitum tuendum, æqua proportionem quam & his qui in expeditionem profecti sunt, Regem *David* bellatorem fortissimum in eo imitans eleganter, ut æquam scil. acciperent portionem & progredientes ad bellum, & sedentes ad Sarcinas. Asinos etiam universis servientibus divisit. Tot igitur repletus est exercitus Camelis & Afinis, aliisque jumentis, ut vix tanta multitudo cohiberetur. Juniorum Camelorum carnes assas lardo faginatæ libenter manducabant, candida quippe caro fuit & satis grata.

## CAP. VII.

*Populus lamentatur, quod tam ratione quam sapientiori consilio  
prohibentur ire versus Jerusalem.*

**N**ec multa in medium mora super distributorum multitudine jumentorum, populus fastiditus conqueretur, quod hordeum & nimiam consumerent annonam, quorum jam occasione pluris quam prius venundabantur. Tunc nihilominus repetitur querela & planctus in populo, quod non ut optabant expediretur progressus ad obsidendam *Jerusalem*, renitentibus illis xx, qui sicut prædictum est, super hoc ipso decernendo juraverant, & ratiocinationibus quod id fieri foret gravissimum, vel impossibile propter aquarum penuriam, quibus homines & jumenta carere non possent, præsertim tunc instante festivitate Sancti *Johannis*, quando omnia naturaliter arescunt, ætatis invalescente fervore, maxime circa *Jerusalem*, quæ in montanis sita est: & præterea *Turci* obturaverant universas cisternas ex omni parte civitatis, ut infra duo milliaria non invenirentur aquæ potabiles, unde nimis angustiaretur exercitus, nec enim ab inchoata obsidione remotius aquas quæritare tutum fuisset, minimus quidem aquæ rivulus ad radicem montis *Olivet*i decurrens tanto non sufficeret exercitui, hæc est aqua *Siloe*. His de causis tunc temporis obsidere *Jerusalem* dissuasum est, quod cum in exercitu factum esset notorium quod non procederet ad *Jerusalem*, imo jam reversurus inde fuisset exercitus, ex nimia desolatione & vehementiori tristitia cœperunt maledicere moram suam, & spem progrediendi conceptam, nec se optasse dicebant ulterius vivere quam usque Christiani obtinerent *Jerusalem*, & Sancta non darentur in manus alienorum. Deus autem justus judex sensibus humanis investigabili dispensatione opera moderatur & tempora, cujus etiam esse propitiationis creditur & misericordiæ, quod vitia prosequitur errantium ulciscens in omnes adinventiones eorum.

## CAP. VIII.

*De invidia Francorum contra seipsos, laniant & detrahunt, & à nostris se dividunt, & Henricus Dux Burgundiæ invectionis carmen in Regem Richardum componit.*

**N**Ec mirandum peregrinos tanquam ineffaciter fuisse vexatos, & quod pro voto sibi dolebant non succedere, quoniam inter ipsos invaluerat nimia dissensio, & propositi *Francorum* vaga levitas, & ab aliis inconstantia discretæ. Nam exercitu quoquam procedente, dum advesperasceret, pernoctaturi *Franci* similiter in unum conglobati, ab alio declinantes frequentius exercitu, in aliquam partem semoti sedebant, tanquam aliorum dedignantis confortium. Nec tamen huiusmodi contenti sunt divortio, sed & inter se dissidentes abominationis notam importantia verba jaculabantur irriforia, salibusque mordaces invectiones, unde nonnunquam inter ipsos obscena alternabantur convitia, suam singulis jactantibus præstantiam, & alterius derogantibus ignaviæ. Et super hæc omnia *Henricus Dux Burgundiæ* arrogantiae nequam spiritus instinctu, vel zelo forte ductus livoris inconvenientis plurimum cantionis instituit verba composita publice cantitari, verba quidem pudenda nec proferendum in publicum, si qua superesset ea componentibus verecundia, non tantum viris sed & viros ultro rapientibus mulieribus, quinimo manifestos se faciebant, qui talibus operam dabant non decentibus ineptiis: sed ex eo quidem potenter innotuit qualis intentio cordis meriti fuerit, similes enim sui fontis oportet esse rivulos turbidos aut claros. Postquam hæc invidiosa adinventio passim per exercitum frequentaretur, Rex nimium super eo commotus, consimili tantum arbitratus est infligendam vindictam talione, cantavit igitur & ipse nonnulla de ipsis, sed non plurimum laboravit in adinventionem, quia superabundans suppetebat materia, quid enim siqua responderet verba ad tot fictitia & objecta opprobria? Porro indubitata constat fides super eximie Regis *Richardi* gestis, cujus virtutem cum æmuli desperarent assequi, impugnabant qua poterant gratis invidia. Non enim hi fuerant quales olim vere peregrini in *Antiochena* expeditione, quam gens nostra potenter obtinuit, unde quoque & adhuc recitatur in gestis super tam famosa victoria *Boimindi* & *Tancredi*, nec non & *Godefredi de Bulloigne*, & aliorum Procerum præstantissimorum, qui tot præclaris triumphaverant victoriis, quorum opera jam nunc fuerunt tanquam cibus ab ore narrantium; qui, quia corde non ficto gratuitum Deo præstabant obsequium, reddidit eis Dominus mercedem laborum suorum, & exaltavit magnifica opera sua immortalis memoria, ut etiam ipforum tota posteritas ampliori prædicetur veneratione.

*R. Richardus invidis Francorum carminibus irritatus carmen etiam in ipsos componit.*

## CAP. IX.

*De reversione à Betenopoli in patriam suam.*

**P**ost comprehensionem Caravannæ, aliquot ita diebus sedit exercitus tristis apud *Betenoble* admodum desolatus, quia versus *Jerusalem* dissuasus est progressus, ut Dominicum visitaret sepulchrum; unde quatuor tantum tunc distabant milliariis. Revertuntur igitur affecti summo moerore ut nunquam gens electa consimili contabesceret languore. Dispositis itaque agminibus, cum ordinatus iter aggredi moliretur exercitus, à montanis irruentes *Turci* invaserunt extremos, & in impetu suo quosdam servientes nostros peremerunt,



merunt, equos nec agiles habentes equites constanter infistentes ipsos abegerunt. Postea procedentes pervenerunt usque inter Sanctum *Georgium* & *Ramulam*, ubi pernoctabat exercitus, stationem ceperunt *Franci* à sinistris, *Rex* cum gente sua à dextris, crastino sequenti nihilominus itinerabant divisi, nocte proxima pridie Nonas *Julii* resederunt apud castrum medium; inde nonnulli recedentes ab exercitu perrexerunt *Joppen*, ob fastidium & penuriam, quam sustinuerunt in expeditione.

## CAP. X.

*Salahadinus, cognita dissensione & recessione Christianorum, à pugnando recedentium convocat infinitam multitudinem Turcorum.*

**I**gitur cum exercitus nostri status innotuisset *Salahadino*, quod nostri summa consilii confisteret ad retrocedendum, revixit spes ejus, & gaudio resolutus & lætitia, sine mora nuncios destinat expeditissimos, cum literis anulo suo signatis ad omnes Admiratos Principes regionum ditionis suæ, & Satrapas, & Præfectos, notificans ipsis quod Christianos dissipasset dissentio, & quod jamdissidentes abirent. Ideoque quisquis ejus stipendia vellet accipere sine cunctatione veniret ad eum in *Jerusalem*; nec mora tanta concurrat multitudo *Turcorum*, ut æstimarentur xx. millia equitum armatorum, excepta peditum infinitate, quæ facile numerari non posset.

## CAP. XI.

*Rex Richardus videns suorum defectum, inducias sibi prius oblatas repetit, sed non dantur: unde Darum diruit, Ascalonem munit. & per Joppen ad Achon transit.*

**I**nterea gens nostra paulatim defluxit, quorum quidam secesserunt in *Joppen*. Quod cum Rex perpenderit quod ad ipsos cohibendos non proficeret, quia difficile quidem in unam convenirent sententiam, quod potius in illius temporis articulo arbitrabatur agendum mandavit *Saphadino* quatenus juxta prius oblatam pacis conditionem in planitiis *Ramulæ* conveniret *Salahadinum* super impetrandis induciis, rebus ut tunc se habentibus, usque ad tempus certum, quo possit à patria sua rediisse, & quid super his proficeret expeditius ei significaret. *Salahadinus* autem quem nostri status summa non latuit, & vires nostras paulatim infirmari præsentit, nequaquam consensit nisi diruta solo tenus *Ascalone*. Quod cum Regi nunciis referentibus innotuisset nihil inde visus est moveri, nec vultus ejus vel in modico mutari, imo statim imperavit equos ascendere Templarios & Hospitalarios, & cum ipsis quosdam alios, ut simul omnes essent trecenti milites, qui pergerent diruere & dissipare castrum *Darum*, & ut impositis custodibus firmissime munirent *Ascalonem*. Regia præcepta jussi accelerant, & castro *Daro* equato solo revertuntur ad exercitum. Exercitus igitur regreditur usque *Joppen* gravi corde & conturbato, inde quoque sine mora profecti sunt *Achonem* Rex quoque cum cæteris. Porro quamplurimi resederant in *Joppe* incolumes & infirmi. Et sic *Achonem* reversus est exercitus ineffabiliter desolatus, & adversitatis immensitate consternatus, quos nimirum adhuc Deus pro meritis suis minus dignos reputaverit benigniori gratia donari.

## CAP. XII.

*Cum quali exercitu Salahadinus venit Joppen.*

**A**Udiens Salahadinus Joppitas jam Regis carere præsidio, eo versus progressurum disposuit exercitum, de facili sperans civitatem posse comprehendere in absentia Regis *Richardi*. Movit itaque exercitum gentis coadunatae quam plurimum, numerus equitum xx. millia. Aderat autem Admiratus potentissimus de *Bala* & filius *Arcisi*. Præterea admirati ferme centum & sex, peditum nihilominus à montanis multitudo innumerabilis, qui cooperuerunt faciem terræ sicut locustæ, exiens igitur exercitus ab *Jerusalem* descendit in plana *Ramula* cum fastu magno & fremitu, in turmas ruunt tanquam furis agitati, & cohortes, & Christianos omnino delendos.

## CAP. XIII.

*Salahadinus tanta virtute oppugnat Joppen, quod eam jam cepisset nisi obsessi inducias petiissent in crastinum.*

**E**Adem Dominica proxima ante festum Sancti *Petri* ad vincula, qua Rex *Richardus* pervenit *Achonem* cum exercitu, accessit Salahadinus cum exercitu suo ad obsidendam *Joppen*. Die Lunæ sequenti cœperunt oppugnare castrum, exsistentes autem hi, qui fuerant in civitate, in pomeria suburbana, viriliter eis restiterunt tota die, ut nequirent appropriare muris, sed nec die *Martis*, cum in idem convenissent certamen, nec die *Mercurii* se potenter defendentes, facientesque de necessitate virtutem: die vero *Jovis Turcorum* improbitas se dolentium à paucissimis repelli, minusque proficere, magis invaluit, & confirmata est obsidio. Ad Imperium *Salahadini* quatuor eriguntur Petrariæ graves nimis & efficaces, duo quoque Mangunelli ad jactandum habiliores. O quanta obsessorum tunc esset audire querelam, quorum numerus excedebat v. millia, cum his qui infirmabantur lamentantium & dicentium, Domine Deus virtutututut quid ulterius refugii erit nobis. Heheu O Rex *Angliae* dux noster & protector, ad quid quæritandum profectus es *Achonem*, O deficiens Christianitas jam peristi. Interea *Turcis* insistentibus ferocissime civitas oppugnatur, cum virtute maxima resistunt viriliter obsessi, quos qui videret sic perplexos expeditus conscendere in propugnacula & descendere, & pro agendorum varia necessitate agiliter in diversa raptari, nimia pietate flecteretur in lachrymas. Petrariæ sine intermissione jaciebant, Mangunelli non cessabant. Interioribus quidem fuerunt Petrariæ, sed minus fuerant periti ad utendum. Denique ad instantiam jugem *Turcorum* ad jactus crebros Petrariarum, porta quædam respiciens ad *Jerusalem* die *Veneris* dissipata est, & murus etiam à parte dextra ad mensuram duarum perticarum conquassatus est. O quam acerrimus fit conflictus dum *Turcis* obsessi resisterent, & repugnarent intrantibus, accrescens autem jugiter *Turcorum* multitudo convaluit, & repulsis ab introitu Christianis, introeuntes *Turci* persecuti sunt nostros usque in turrim castri. Heheu quam miseranda sit ibi cædes ægrotantium, quos in domibus passim in grabatis languentes modis horrendis *Turci* cruciabant usque ad mortem, quorum profecto perempti sunt innumeri merito martyres reputandi. Quidam nostrorum imminentium *Turcorum* gravissimam sententiam fugerunt in littus maris. Interea *Turci* crudelissima invasione domos perscrutantur subtilius, annonam diripiunt, sed & universa vina doliis

*Turci capta Joppe multos Christianos occiderunt, aliis in turrim Castri se recipientibus.*



*Patriarcha  
proposita cer-  
ta conditione,  
inducias à Sa-  
lahadino im-  
petrat, & se-  
ipsum cum al-  
iis obsidem  
trahit.*

conquassatis effuderunt, pars hostium turrim castri principalem oppugnat, pars infectatur fugientes ad naves ut salvarentur. Ibi quamplurimi perimuntur extremorum, ibi confugerat in navem *Albericus Remensis*, cujus erat castrum custodire, ut fuga navali mortem evaderet, pro pudor degenerem nimius timor arguebat, cujus focii qui restiterant arguentes ignaviam, & ad virtutis constantiam animantes virum revocaverunt, & quodam modo violenter in castri turrim impulerunt, qui, cum non nisi periculum cerneret imminere, ait, hic ergo pro Deo moriendum est nobis, cum aliud fieri nequiret. Undique pertinaciter insistant *Turci* turri demoliendæ, volant pila cum sagittis more grandinum, densitate textitur aer, qua parte se potius defenderent ignorant obfessi, sine cessatione perseverat insultus tota die, cujus vehementiæ forte cederent obfessi superati, nisi Deo dispensante præsens adesset nuper creatus Patriarcha, qui nec est fractus mortis formidine, nec imminentis mole discriminis dissolutus. Ipse nimirum, quem ad argumenta fecit argutum necessitas, mandavit *Salahadino*, ejusdemque fratrem interpellavit, ut impetraret super oppugnanda turri inducias liberaliter saltem usque in crastinum, ea conditione ut si forte ante horam nonam non venisset obfessis undecunque auxilium, pro redimendis tanti temporis induciis, quilibet eorum qui in turri supererant solveret *Salahadino* x. Bisantia auri, mulieres singulæ v. Bisantia, puer tria, & super his fideliter observandis seipsum Patriarcha contraderet obsidem, cum aliis viris nobilioribus alligandis in compedibus usque in crastinam horam nonam. Annuit *Salahadinus*, & ritu eorum confirmata securitate, super observanda dilationis conditione, contraduntur obsides cum Patriarcha *Albericus Remensis*, *Theobaldus de Trevis*, *Augustinus de Londoniis*, & *Osbertus Waldinus*, & *Henricus de Sancto Johanne*, alii quoque quidam quorum nomina non tenemus, qui postmodum ducti sunt omnes captivi in *Damascum*, jam enim obfessi spem aliquam conceperant per Regem sibi succursurum venturum, pro quo ab initio adventus *Salahadini* ad *Achone* miserant.

## CAP. XIV.

*Rex Richardus, licet jam naves ascensurus repatriandi gratia, licet Franci denegarent subsidium, tamen à Joppitis per nuncios revocatus festinanter per Galeas ad Joppen venit, militibus per terram missis.*

**I**Nterea dum Rex *Richardus* ad repatriandum expeditius reditum acceleraret ab *Achone*, jam se navibus commissurus plenius instructis, licentiam acceperat & benedictionem à Templariis & Hospitalariis, præmiserat enim vii. Galearum suarum cum armata gente usque *Baruth*, qua transiturus erat, ut eos qui in castro resederant turbarent, quasi provocantes ad congressum, qui timore exterriti à castro fugerunt. Dum Rex inquam in tentorio suo cum suis de reditu conficiendo conferret, quasi in crastino recessurus, ecce apparuerunt properanter applicantes missi nuntii obfessorum in *Joppen*, qui cum coram Rege scissis vestibibus astitissent indicabant *Joppen* à *Sarracenis* occupatam cum omnibus quæ in ea erant, gentem quoque quæ supererat in turri castri obfessam, & nisi per ipsum in quo solo mors cunctorum pendebat & salus, maturius obfessis proveniret auxilium, una de omnibus superesset sententia proculdubio pereundi juxta pactam memoratam conditionem. Audiens Rex obfessorum discrimen pereuntium, miseratus perditionem, verba nunciorum causam adhuc prosequentium intercipit dicens. Vivit Dominus Deo duce proficiscar facturum quod potero, & confestim clamante præcone divulgatur Edictum ut ad itinerandam expeditionem excitetur exercitus, sed nec Regem honorare responso dignati sunt *Franci*, hoc solum vultuosi repetentes, quod nusquam ulterius

ulterius cum eo procederent, revera quidam nec cum ipso nec quolibet alio uspiam amplius profecti sunt; quos nimirum in brevi contigit miserabiliter mori, veruntamen cujuscunque regionis oriundi, quorum Deus corda tetigerat, & tribulatio proximorum flexerat ad pietatem, accelerabant cum ipso processum, viz. Templarii & Hospitalarii, alique milites validissimi quamplures, qui festinato itinere terreno profecti sunt *Cæsaream*, Rex vero magnificus ponens animam suam in manibus suis, in Galeis instructione munitissimis navigio processit, & cum eo Comes *Leicestriae*, *Andreas* de *Chabegui*, *Rogerus* de *Sathaya*, *Jordanus* de *Bumetz*, *Radulphus* de *Malo Leone*, *Achus* de *Jfay*, milites quoque de *Pratellis* focii Regis, & alii etiam viri famoso nomine plurimi, *Genueses* & *Pisani*. Qui vero perrexerant *Cæsaream* propter imminentes insidias, quas didicerant à *Salahadino* procuratas à transeuntibus per viam, ibi aliquandiu resisterunt velut obfessi, quibus progrediendi transitus non pateret alias liberior propter filium *Arfassi*, qui maritimos transitus observabat inter *Cæsaream* & *Arsurum*, præterea ventus contrarius irruens è regione naves Regis tri-duo sistit immobiles subtus *Caypham* quo pervenerant. Rex moram importunam ægre ferens graviter suspirans ait, Domine Deus ut quid nos detines, attende quæsumus causam necessitatis & devotionem voluntatis, nec mora, Deo annuente, secundus afflavit ventus à tergo classem cursu prospero deducens in portum *Joppen*, nocte jam profunda sequente die *Veneris*. Ad ipsius sequentis Sabbati novam præfatæ redemptionis solvendæ terminus instabat, & conditionaliter gens erat tota distrahenda, O fides infida & perfidorum perfidia, ab ipsius mane Sabbati, scil. die *Ad vincula Sancti Petri*, ad *Turcorum* instantiam importunam angariati sunt obfessi pactam solvere redemptionem. Qui cum à mane jam ex parte promissa Bisantia ad nonam solvere coacti cœ-

*Turcorum im-*  
*manitas.*

piissent, *Turci* nequissimi bestiis immaniores, humanitatis respectu carentes, capita solventium amputabant, jam sic VII. decollatos in fossa quadam congefserant, cum hoc comperientes, hi qui superfuerant, adhuc in turri nimio confracti terrore & horrore confusi lamentari cœperunt & lachrymabiles voces emittere. O quantus ibi luctus omnium mortem inevitabiliter imminere cernentium: singuli cum fletibus ad orationem flectunt genua super commissis sese reos confitentes, tundunt pectora, & qui jam se credunt decessuros, de salute corporis desperati vel animarum curam habebant, hoc solum superesse videntes, singuli quo potuerunt remotius fugerunt, quatenus vel brevissimi temporis mora vitam redimerent; quem nimirum vel constantissimum non concutit imminens metus mortis? certatim itaque se singuli ingerunt in interiorum castrorum munitionem ut vel modicum mortem differrent, illic operiebantur licitorum manus, ut eorum vita Martyrio consummaretur, imis vibrat tremor ossa medullis, fluunt ubertim lachrymæ amarissimæ, ab intimis erutæ visceribus, divinam impetrantes clementiam, quibus hostiis in brevi placata propitia divinitas, jam misit eis propugnatorem qui liberaret eos, & ecce jam Regia classis videbatur in portu & folicite egressuri milites armantur.

## CAP. XV.

*Cum quantis præliis Rex littus occupaverit castrum Joppen  
& inclusos liberaverit.*

**I**Nterea Regis Galeas cum navibus applicantes, dum *Turci* comperiunt, ruunt catervatim in littus parmas habentes, & ancilia, & ne qua parte liber pateret ascensus applicantibus, *Turcorum* resistentium pluunt densissime spicula, jacula cum pilis, & sagittæ; fervet littus obfitum hostium multitudine, ut jam non superesset locus: nec jam expectavit egressos excepturi, imo in ipsas naves & Galeas procul in pelagus jaciunt missilia, equites eorum, qua poterant



profundius in mare se agebant efficacius missuri certatim sagittas, ne qui possent occupare littus adpulsi. Rex contractis in unum navibus sciscitatus est dicens, eja commilitones optimi mecum omnia communicati quid igitur restat agendum. Nunquid in hoc vulgus ignavum littus obsidens non applicamus? an animas nostras reputabimus pretiosiores animabus jam in absentia nostra pereuntium? quid potius censetis? ad hoc cum nonnulli respondentes dicerent, frustra quid ulterius esset tentandum, cum non crederentur qui liberarentur esse superstites, & inter tot hostium millia littoris aditus difficilimus. Rex curiosius oculo vagante cuncta perscrutans, vidit presbyterum quendam, se in mare de terra deicientem, ut ad Regem natans veniret, qui in Regiam admissus Galeam, spiritu fatigato, & palpitante corde, dixit, O Rex magnifice jam gens residua, quæ tuum suspirat adventum, enses lanistarum vibratos operitur cervicibus exertis, sicut oves occisionis, jam jam profecto peritura nisi te cooperante divinum adsit adjutorium. Cui Rex non superest quisquam aut ubinam loci? Cui presbyter, etiam Domine coram turri illa coarctantur jam finiendi, quo audito Rex ait, si sic ergo Deo complacet, in cujus obsequium ipso duce huc advenimus, ut hic cum fratribus nostris commoriemur, pereat modo qui non processerit, Galeas igitur Regis ad imperium versus littus propulsis, ipse primus tibias inermis se misit in mare pube tenus, sicque potenter littoris aridam adeptus est; post Regem erant primi vel proximi *Galfridus de Bosco & Petrus de Pratellis*, hos sequebantur omnes alii profilientes in mare ut pedites procederent, *Turcos* igitur obsistentes in littore pertinaciter invadunt audacter, quorum multitudine totum littus tenebatur; quos Rex singularis præstantiæ cum Balista, quam in manu tenebat, passim prosternit, cujus etiam Comites electi per littoris ampla *Turcos* cædentes persequiebantur fugientes, nec enim ulterius viso Rege erat eis spiritus, nec eidem auderent appropriare, quos Rex insectans, exertum vibrans gladium vehementius agitabat, ut nec ipsis vacaret se defendere, ictus ejus subterfugiunt gravissimos, focii nihilominus Regis constanter afficiunt fugientes, propellunt, conterunt, lacerant, detruncant, ventilant, ut jam littus evacuaretur à *Turcis* violenter expulsis; comportatis postea fustibus & doliis, & undique raptis roboribus & amplis asseribus, navium quoque & Galearum antiquarum, materiis aptatis in littore, quasi munitionem sic sibi construxerant adversus hostiles irruptiones, ubi & constituit Rex milites & vernaculos & Balistarios ad custodiam, & ad arcendos inde remotius *Turcos*, qui cum aliter nostris obesse non possent, importunis ululatibus & clamoribus totum littus replebant, cum inde recederent. Tunc Rex per cocleam quandam, quam forte prospexerat in domibus Templariorum, solus primus intravit in villam, in qua amplius quam tria millia *Turcorum* invenit omnia diripientium, domorum interiora perscrutantium, & spolia asportantium. O invicti Regis animositas, qui ut infra civitatis muros se intromiserat, statim explicitas Banerias suas eminentius exposuit videntas Christianis, qui in turri obsidebantur, quibus visis ineffabiliter exhilarati, concepta fiducia, sumptis armis descenderunt à turri, ut convenirent ad Regem, quo cognito turbatur *Turcorum* exercitus. Rex cum evaginato gladio incedens insequitur, perimit, detruncat, ante faciem ejus fugientes cadunt à dextris & à sinistris densissime ab eo, aliis etiam à turri ingredientibus fit *Turcorum* cædes horrenda, quorum & plateas detruncata jam occupant cadavera, quid singulis immorer? sine dilatione trucidati sunt universi qui in castro erant, nisi quos forte fuga velocior eripuit, sicque condignam prius victores in suum exitium excipiunt talionem, quos & Rex in spiritu vehementi conterens insequitur etiam exeuntes a villa, successibus arbitratus insistendum, ne forte pepercisse argueretur inimicis Crucis Christi, quos Deus tradidit in manibus ejus, cæterum nemo unquam ipso magis abominabatur ignaviam.

*Rex de misero obsectorum statu edoctus; primus in mare descendit, & in aqua pube tenus ad occupandum littus audacter procedit.*

*Rex Richardus Turcis partim occisis partim fugatis Joppen superat.*

## CAP. XVI.

*Item quibus præliis Rex Salahadinum ab obsidione fugaverit & tentoria sua, ubi ejus fixa fuerant, fixerit.*

**V**erum tres solummodo tunc equos habebat, quid tres tantum inter tantos? porro nec ex gestis antiquorum nec ex traditione narrantium, vel ex lectione scriptorum a longe retroactis temporibus, unquam alter cujuscunque credulitatis tantæ virtutis prærogativa bellorum eximius enituit, quanta Rex *Richardus* omni carens exemplo ipso die se gerebat. Cujus exeuntes a muris cum *Turcis* prospexissent eminentius clara vexilla, fit fremitus horridus a dextris & a sinistris Regis prodeuntis in hostes, nunquam nimium densitate tanta vel pluviarum guttis aer texebatur, ut *Turcorum* jaculis tunc per inane volantibus licet sole radiante emissa noctescit arundine coelum. *Salahadinus* audito Regis adventu, & ejusdem cum suis *Turcis* tam eleganti congressu, & quod indifferenter quoscunque factos obvios trucidasset, irruerunt in ipsum timores subiti, fuit quippe more leporis fugitivi animal timidissimum, & avulsis properanter a loco tentoriis, subditis equo calcaribus, fugit a facie Regis *Richardi* ne vel ab eo videretur. Rex constanter cum suis commilitonibus insequitur cædens jugiter & prosternens, Balistarii quoque Regis fugientium equos tanta perimunt strage, ut & ultra duorum spatium milliarium perniciosius aufugerent *Turci*. Rex igitur parvis nescius figit papiliones suos in eodem loco, a quo *Salahadinus* præ timore revulsis tentoriis paulo ante recesserat, sic opitulante Deo a tantilla gente *Turcorum* exercitu repulso. *Salahadinus* convocatos Admiratorum suorum nobiliores affatus est, ore querelante dicens, omnes ergo nos agitat? nunquid Christianorum ab *Achone* reversus exercitus ita gentem nostram afficit, non fundit, & debellat? cujusmodi instructi apparatibus, quicunque fuerint, tanta vel potuerunt præsumere? equites an pedites incedentes quibus noster prævalebat exercitus resistere. Ad hæc quidam perversæ mentis nostri nimirum status conscius intulit. Domine, inquit, non est ut æstimaris, equos non habent, vel cujuscunque generis jumenta, exceptis tantum tribus equis, quos ille vir mirandus Rex magnificus invenit in *Joppe*, ipsum autem opera faciliiori arbitror posse comprehendere, quia pene solus in tentorio suo decubat fatigatus, quem qui apprehenderit terminum acquirat laborum, & omnis finem consummationis. Exiit igitur sermo infra *Turcorum* exercitum dicentium, quod in opprobrium sempiternum ipsis verteretur & scandalum, tantum exercitum tot millia *Turcorum* à gente paucissima dissipatum, & *Joppen* violenter adeptam. Murmurant igitur in invicem super patris, fremuntque confusi.

## CAP. XVII.

*Quid factum sit Christianis, Turcis porcis in urbe occisis.*

**S**ane *Turcorum* gens execrabilis in *Joppe* comprehensa, innumeram fecerant cædem infirmorum, porcorum etiam stragem non minimam universorum, scilicet quos invenerant, superstitionis quidem *Mahumeticæ* est non manducare porcos, unde naturaliter ut immundos abominantur porcos, quia *Mahumetum* traduntur porci devorasse. In opprobrium igitur Christicolarum *Turci* collocaverant porcorum cadavera commixta cum corporibus hominum peremptorum corpora denique Christicolarum in pace a Christianis sepulta sunt, *Turcorum* autem cadavera cum porcis foetentia ejiciebant.

*Qua de causa Turcæ carne porcina obstant.*



## CAP. XVIII.

*De reparatione murorum Joppe.*

**I**N crastino, die Dominica, Rex solícite procuravit murorum diruta reparari, similiter & die *Lunæ & Martis*, ut jam qualem haberent munitionem, reparatis murorum interruptionibus, sed sine calce & cemento: verum nimis vicinus *Turcorum* innumerabilis imminebat exercitus.

## CAP. XIX.

*Tunc quidam vocati Menelones & Cordivi jactitabant se comprehensos Regem dormientem vel improvisum.*

**I**Nterea quædam generis *Sarracenorum* prava generatio nuncupata *Menelones* de *Halapia* & *Cordivi*, juvenus scil. expedita convenit in unum super agendis, rerum sic se habentium habitura colloquium. Allegato itaque tantæ multitudinis scandalo, quod a tantillæ gentis facie, quæ equis carebat deferuerant *Joppen*, se ipsos damnabant inertię, & pudendæ redarguebant ignaviæ, mutuum itaque sibi foedus ferientes jactitabant arroganter, quod Regem *Richardum* in tentorio suo comprehensum præsentarent *Saladino*, a quo gratissimam reciperent remunerationem.

## CAP. XX.

*De adventu Comitiss Henrici à Cæsarea in Joppen, & de numero suorum.*

**V**ENIT interim in Galea Comes *Henricus* a Cæsarea cum sociis suis, ubi reliquis unitus noster detinebatur exercitus, propter insidias *Turcorum* circa transitus viarum, & pontium, & aquarum, incubantium, ita ut Rex ex universo suo exercitu non potuerit illius temporis articulo secum obtinere, nisi ferme LV. milites,, & peditum gentem robustissimam, & Balistariorum & servientium. *Genuensum* & *Pisanorum*, & aliorum usque ad duo millia, equorum etiam vix undecunque acquisite fuerant ei xv. boni & peiores.

## CAP. XXI.

*Prædicti Menelones & Cordivi, ut jactaverant, Regem in tentoriis comprehendissent, nisi quidam Genuensis callens eos eum suscitasset.*

**I**Nterea instruuntur hostes ad capiendum Regem incautum & inermem hora noctis media prædicti *Menelones* & *Cordivi*, procedunt armati ad Lunæ splendorem itinerante, super agendorum modo quo commodius fieret conferentes ad invicem. O invisus perfidorum adventus, tractant hostes sollicitius de comprehensione officiosi militis Christi, & ipse dormit, irruunt armati multi ad comprehendendum unum inermem, & nihil periculi timentem. Jam a Regio tentorio non procul aberant se coaptantes ad apprehendendum incautum,

cautum, & ecce Deus misericordiarum, qui miris modis etiam cum ignorantibus dispensans, in ipsum sperantes non negligit, spiritum immisit contentionis in prædictos *Cordivos & Menelones*. Dicebant *Cordivi* vos pedites intrabit ad Regem & gentem ejus tenendam, & nos in equis observabimus ne forte in castrum aufugiant, quibus *Melones*, vestrum, inquit, potius est pedites incedere, quia potiores dignitate, nobis quidem ab officio competit militia, vos hoc pedestre ministerium aptius respicit. Sic pertinaciter singulis contententibus quis eorum videretur esse major, diutius alternata verbositate procedendi moras innectunt, qui cum denique super aggredienda proditione vix consensissent in unum, dum præcipientes prouunt, diei præambula apparuit aurora, diei viz. *Mercurii* proxime post festum *Sancti Petri ad vincula*. Cæterum ut Deus providerat, ne suum tantum athletam suis devotum obsequiis degeneres increduli dormientem opprimerent, suscitaverat spiritum cujusdem *Genuensis*, ut egrederetur in campestria loca vicina diluculo, qui cum reditu acceleraret ex concepto tanquam itinerantium fremitu & ambulantium strepitu equorum obtupescens, capite dimisso vidit eminus contra cælum scintillare vertices Galearum vernantium. Quo viso cursu concito revertens ad castra non cessabat exclamare voce vehementi idem repetens, ut confestim armarentur universi. Ex audito clamore Rex excitatus exiit à stratu suo pertubatus nimis, & lorica induit indissolubilibus nexibus concatenatam, & sine mora suos jussit excitari commilitones.

*Diffidium inter Turcas excitatur.*

*Quidam Genuensis Turcorum adventum percipiens, clamore suo Regem dormientem excitat.*

## CAP. XXII.

*De admiranda & omnibus seculis stupenda Regis pugna.*

**D**Eus virtutum, quem non afficeret tam subitanæ commotionis conturbatio? dum ruunt hostes super improvidos, armati super inermes, innumeri super paucissimos, quibus nec temporis angustia sufficit ad vestiendum, sicut nec ad armandum. Unde Rex ipse & alii quamplurimi ex urgentis articuli conturbatione consternati nudis tibiis procedebant ad bellum, nonnulli etiam sine feminalibus, utcunque raptim armati sunt, tota die sic permanfuri dimicantes. Nostri igitur se sollicitius armantibus, jam propinqui sunt *Turci*, Rex equum ascendens processurus x. tantum socios habebat equites, quorum hæc sunt nomina, Comes *Henricus*, Comes de *Leicestria*, *Bartholomæus* de *Mortuo Mari*, *Radulfus* de *Malo Leone*, *Andreas* de *Chavegui*, *Giraldus* de *Finival*, *Rogerus* de *Saty*, *Willielmus* de *Stagno*, *Hugo* de *Nova Villa* serviens probissimus, *Henricus Teutonicus* Regis signifer, hi tantum equos habebant, & quidam equos quidem ignobiles & debiles, armis inassuetos: per ordines igitur & turmas provida dispositione collocantur acies & agmina, singulis castigandis assignantur præfecti, locis maritimis destinantur milites propiores, non procul ab Ecclesia Sancti *Nicholai* à parte sinistra, quoniam eo versus se *Turci* præcipitarant agmine densiori, item extra hortos suburbanos assignantur *Pisani* & *Genuenses*, cum commixta gente diversa. O quis sufficeret ad plenum gravissimas enarrare perfidorum invasiones? Irruentes imprimis *Turci* clamoribus horrendis ululare coeperunt, & jacula creberrima mittere cum pilis & sagittis, ad quorum impetus improbissimos excipiendos nostri se prout poterant aptabant, genu dextrum singuli solo figentes, ut sic firmiter cohærent, & persisterent immobiles, dum pedum dextrorum articulos fixissent in terra, pedes vero sinistros sinuato poplite habebant, manus sinistrae clipeos protensos habebant, & parmas, & scuta, & ancilia, dextrae lanceas in terra fixis posterioribus capitibus, anterioribus vero partibus oppositis ferrata cuspide perniciter irruentibus adversariis. Rex armorum peritissimus inter quoslibet duos sic se clipeis protegentes unum statuit *Balistarium*, & alterum juxta ipsum qui protensam

*Christiani exercitus eredo.*



expeditius jugiter aptaret Balistam, ut viz. unius esset officium Balistam tendendam, & alterius jugiter pila jaciendi, hoc quidem non modicum profuit nostris, & multum obfuit adversariis. Sic aptatis singulis, ut temporis angustia simul & paucitas hominum suppetebat, Rex inter singulos discurrens impiger consolator persuadebat constantiam, damnans languescere degeneres animos, formidine vel ignavia flecti, adversis inquit mentis imperterritæ rigorem opponite, convalescat virtus solidati pectoris obvia hostium asperitati evasura profecto fortunæ procellas, scitote adversa pati, quoniam omnis fortuna tolerabilis accidit animo virili, quinimo virtutibus sicut umbram prospera sic adversa præstant lucernam, ad fugam non patet locus, cum cuncta loca jam hostes occupaverint, fugam tentare est mortem adsciscere. Durate igitur & sævius urgens necessitas fiat materia virtutis, virorum nimirum est aut fortiter triumphare aut gloriose mori, martyrium imminens animo gratanti est accipiendum, sed antequam moriamur vita comite mortem nostram ulsciscamur, gratias agentes Deo quod qualem quivimus per martyrium mortem nos invenire contigit, hæc est merces laborum & finis vitæ simul & præliorum. Vix sermone finito ecce præceps ruit cum fastu maximo hostilis exercitus per septem ordinatus acies & turmas, quarum quilibet quasi millenis constabat equitibus. Ad quorum impetum se nostri cooptantes excipiendum, infixis ad renitendum sabulo pedibus dextris, perstant solidius immobiles, contra irruentes lancearum cuspide protensa, quos nimirum *Turci* tunc penetrassent si nostri aliquatenus cessissent. *Turcorum* acies prima appropians, cum jam immineret irruitura, quia nostros attendit immobiles, subito resilivit divertens in partem ab eis, *Turcos* autem recedentes Balistarii nostri densissimis prosequuntur missilibus, homines quamplurimos transfodientes & equos. Nec mora succedit & altera acies nostros perpendens impenetrabiles, quoniam immobiles consimili priorum scemate divertit in partem. Simili modo pluries *Turci* tanquam turbine veniebant adacti, ut imaginata invasione nostri gratis dissiparentur, & congregiendi suppeteret facultas, & cum jam comminus viderentur præliaturi versuta calliditate in partem alteram flexis loris equos regirabant. Quos cum Rex & gens sua æstimarent non aliter acturos super ipsos ulteriori perfunctorio subterfugio, ægre ferentes Rex cum his, qui equos habebant, subditis equis calcaribus & lanceis dimissis vehementius agebantur in hostium turbam densiorem, prosterntes à dextris & à sinistris, fellas sefforibus evacuantes, & nonnullos transfodientes, tanto quippe impetu se primitus in ipsos impeggerant ut *Turcorum* acies universas penetrantes in spiritu vehementi tandem in posteriori acie persisterent. Et ecce Rex in partem respiciens vidit eminus equo dejectum nobilem Comitem *Leicestræ*, quem cum egregie dimicantem Rex invictus cerneret, ipsum à manibus improborum opprimentium vivaciter eripuit, & ad equum scandendum ipse præstitit & obsequium. O quam gravis ibi pugna conferitur! confluit turba *Turcorum* plurima, & toto conamine insistent tam paucos opprimere, nostrorum dolent successibus, pertinaciter irruunt usque ad Regium cum leone vexillum, solius Regis animam pro mille quærentes: nec mora & ecce in illo conflictus pondere vidit Rex *Radulfus de Malo Leone* jam à *Turcis* distrahi captivum, ad quem à manibus ipsorum excutiendum Rex ocior advolat equo admissio, & potentissime ambigens sibi ipsi restituit *Radulfum*. Rex, ut gigas in prælio, prærogativa virtutis insignis, inter tot hostium millia tam vivaciter in diversas se partes torquebat, tam eleganter se pene solus agebat, singulariter sine quolibet præcedentium exemplo, ut cujuscunque vir præstantiæ, vel princeps virtutis aut potentiæ, non immerito multo reputaretur inferior. Ea quidem die in frementium turba *Turcorum* ita se viriliter ingessit & gladio fulminante innumeros trucidavit, hos a capitis vertice usque in dentes proscindens, illis vel caput vel brachia vel quodlibet membrorum amputans, adeo jugi vexatus est exercitio, ut vibrantis gladium detræ cutis rumperetur. Et ecce sic Rege incredibiliter in certando laborante, eo versus rapidissimo cursu *Turcus* quidam

*Richard. cum  
Equitibus  
suis Turco-  
rum acies pe-  
netras.*

dam ferebatur spumanti vectus equo sublimi, ipse fuit ex parte *Saphadini* de *Archadia* fratris *Salahadini*, viri quidem liberalissimi & munifici, & viris optimis comparandi, si tamen Christianæ religionis non respuisset credulitatem & fidem. Hic igitur *Saphadinus* duos equos nobilissimos *Arabicos* Regi propter ipsius notam probitatem destinavit, rogans attentius quatenus equos gratanter acciperet & ascenderet, quibus videbatur tunc temporis egisse, & si gratia divina ipsum ab imminente periculo sanum eruisset & incolumem, illius quoque reminisceretur obsequii, prout animo federet recompenſaturus, quos Rex suscipiens magnifice postmodum remuneravit. O virtus & in hoste laudabilis! sic *Turcus* & hostis, ob eximiam Regis virtutem, ipsum sic iudicavit honorandum. Rex oblata non respuens, præsertim in angusti temporis articulo, protestatus est, quod plures confimiles susciperet tunc equos ab inimico etiam severiori in tali tam necessariis negotio. Et ecce gravissimum conferitur bellum, confluunt in paucissimos innumeri, contegitur universa terra pilis & sagittis perfidorum, ut jaculorum multitudo unico raptu complectentium sarcinam efficeret, quibus & fauciantur innumeri, & importabiliter aggravatum est in nostros pondus prælii, cædunt galeatores fugientes in Galeis, quibus eo advenerant, proh pudor soli fugiendo captantes salutem, soli virtutis amiserunt constantiam. Interea factus est clamor magnus à facie *Turcorum* jam villam certatim occupantium, sperantes enim nostros opprimere repertos villam undique introibant. Quo audito Rex impiger occurrit duobus tantum comitatus militibus, sed secum ducens Balistarios, qui cum in una villæ platea nobilissimi apparatus tribus *Turcis* obviaret, insigniter irruens in ipsos more Regali trucidabat fessores, & equos duos lucrefecit, cæteros *Turcos* universos in villa repertos resistentes gladio subverberans exagitabat, ut ab eo exterriti, & in diversa dispersi, quæritarent exitium, etiam ubi non patuit. Murorum interrupta statim mandavit Rex obturari, & constituit custodes, qui custodirent civitatem ab incursione *Turcorum*.

*Saphadinus*  
Regem *Richardum* duobus equis nobilissimis in medio prælii donat.

## CAP. XXIII.

*Item de admirandis & omnibus seculis obstupendis Regis præliis, in quibus divina virtute multipliciter hostes stravit, & de medio eorum incolumis ad suos rediit.*

**H**Is itaque dispositis raptim fertur Rex in littus maris ad Galeas, quibus jam plurimi corde pavitanti fugam tentarant, quos Rex revocatos efficacissimis ad bellum animat rationibus, ut in forte communi simul cum cæteris vita comite perseverarent, ad cuius exhortationem redeunt ad certamen universi, gratanter jam excepturi quamcunque Deus sortem destinaverit, singulis Galeis quinque deputatis custodibus, cum residuis Rex recurrit ad pugnam, ad auxiliandum plurimum laborantem exercitulum suum, ad quem cum pervenisset spiritu tam vehementi, & impetu ferocissimo, in dimicantium *Turcorum* se turbam ingessit, & penetrans omnia & dissipans, ut etiam intacti ab eo corruerent eminus impulsu cedentium. Nunquam enim ab uno quocunque milite talis celebrata narratur invasio, penetratis siquidem interioribus hostilis exercitus bellatoris inclyti se more gerebat. Quem *Turci* sine mora circumvallantes conclusum conabantur opprimere. Nostri interea Regem perpendentes nusquam compatiere pavido corde augurabant infausta, ne forte periisset, quem non viderent, quem cum nonnulli arbitrarentur quærendum vix se cohibuerunt acies nostræ. Verum si quomodo dispositorum agminum nostrorum series ordine raptò dissolverentur, proculdubio tota gens nostra penitus interiisset. Quid autem de Rege sentiendum circumsepto multis millibus hostium uno? super quo quidem rigescit articulus scribentis, & ani-

*Rex exhortatione sua milites fugientes ad pugnam reducit.*

*Rex Richardus maximum incurrisse periculum.*



mus meditantis obstupefcit. Quinimo quis ejus fimilem audivit? cujus animofitas femper rigida, adverfis rerum immerfabilis undis constantia, virtus jugiter florens, & ut paucis multa pateant, bellis femper recens & infatigabilis. Quid igitur fabulofi fiquidem illius *Antai* virtus cafu reparabili, & terræ contactu fuiffe narratur invincibilis, fed hic *Anteus* a terra fufpenfus longo luctamine fublevatus interiit. Sed & ftygiis intincta fluentis domitoris *Hectoris Achillis* caro fertur armis impenetrabilis, hic ergo cuspide fubplantatus, qua folum parte potuit defecit. *Alexander Macedo* cujus præcípites animos in totum mundum fubjugandum armavit ambitio, difficilia quidem aufus eft, & innumera electorum militum manu bella peregit, cujus & in gente plurima virtutis fuma ftabat. Vir fortiffimus *Judas Machabeus*, de cujus præliis narrabant omnes gentes, multa quidem & in feculis revera miranda gellit bellorum infignia, quem quoniam in belli difcrimine fui defuerant, raro agmine cum multis millibus alienigenarum congregiendi non procul inde cum fratribus peremptus cecidit. Rex autem *Richardus* bella pati teneris indurefcens ab annis, ad cujus virtutem *Rollandus* reputaretur invalidus, nescio quo pacto in uno munere divino inter quoflibet hoftes perdurabat invincibilis, & impenetrabilis caro tanquam ænea nullorum cedebat armorum generibus, ensem dextra vibratum motu circumducens citatiori irruentes tranfverberabat hoftes, nunc hos appropiantes, nunc obvios defecat illos; ineffabili quidem vivacitate in illa *Turcorum* multitudine fe agebat trans aufus hominum, ad nullius pavens occurfum, quemcunque factum obviam diffipans, conterens: ut quis meffem falce fic hoftes demetit enfe, cujus merito mirandos quis digne referat ictus, quorum quemcunque contigiffet unum experiri non opus erat fecundo. In ipfo denique fervore animi virtus erecta quodammodo fe gaudebat inveniffe exercitii materiam; quocunque fe vertit enfis devorans carnes, adactus potenti dextra à capitis vertice fefores indifferenter abfcidit, vel equos etiam ufque deorfum, & quanto fe comperit fociis deftitutum tanto fe ferventius urget ad pugnam, quem quo acrius infiftunt hoftes telis emiffis opprimere, eo virtus irritata impetu regnat ardentiori, inter cætera ibi plura præclara, quæ in tali articulo conftat ipfum egiffe, Admiralium quendam cæteris eminentiorem, & infigni cultiorem apparatu, unico fed admirabili vulnere peremit, qui cum in gefu tanquam quid magnum jactitans, & alios velut defides redarguens & ignavos, fubditis equo calcaribus rapido curfu veniffet è regione Regi obvius dejiciendo, Rex gladium objiiciens irruenti multipliciter armati caput amputavit cum fcapula & dextro brachio, quo vifo cæteris *Turcis* non supererat fpiritus, fed undique viam fpatiofam cedentes, vix ulterius à longe fagittas in ipfum emittere fatagebant. Ab hoftium itaque medio liber rediens & incolumis, ad fuos animandos celerius evehitur. O quam à profundæ desperationis abyffo eriguntur animi, cum Regem vidiffent ab hoftibus emersum! cui quid eveniffet hæfitantibus mentibus ambegerant, fine quo nimirum fupervivente prorfus inanis Chrifticolarum foret conatus. Regis autem corpus circumquaque fuit obfitum pilis creberimis, infixis ficut ericius aculeis, fimiliter ejus equus in ejus phaleris hærentibus horrebat fagittis innumeris. Sic miles eximius a certamine regreffus eft, certamine inquam crudeliflimo, pugna graviffima, a mane commiffa ufque ad vefperam: miranda quidem relatu fideque forte cenfebuntur indigna, tam longe impari numero perduraffe certamina, fed revera Dei miferantis opitulatione non ambigendum hoc efse patratum, cum in illa tam funefta die noftorum unus corruerit vel duo tantum. *Turcorum* autem equorum numerus, qui perempti paffim per arva jaciebant, mille & quingentos exceffiffe fertur, ipforum nihilominus *Turcorum* amplius quam feptingenti perempti funt, nec tamen Regem, ut jactaverant, mancipaverunt offerendum *Salahadino*, fed in oculis ipforum hinc ipfe inde focii fui commilitones militaris exercitii præclariffimi tot & tanta perpetraverant infignia, ut & infpicientium inhorrerent hoftium pili.

In hac pugna  
700. *Turcorum*  
periere,  
duobus tantum  
*Chrifti-*  
anis occifis.

## CAP. XXIV.

*Irridet Saladinus suos jactitantes de comprehensione Regis Richardi, qui suam arrogantiam defendentes, responderunt se nunquam tam strenuum militem vidisse.*

**I**Nterea dum a nostris, quos divina clementia sic conservarat indemnes, *Turcorum* declinasset exercitus, fertur *Salahadinus* tanquam arrogantium improperans ignaviam quæssisse dicens, ubinam sunt qui *Meleck Richardum* adducunt captivum? quis igitur primitus ipsum apprehendit? ubi est, inquam, nunquid non producet? Cui de ultimis terræ finibus oriundus quidam *Turcus* ait. Revera Domine non est hic *Melech* de quo quæritur, sicut cæteri hominum, a seculo non est auditum talem militem apparuisse, tam constantem, probatum, armis exercitatum, in singulis argumentis primus invenitur, in negotiis singularis, in congressibus anterior, in regrediendo posterior, quem quidem comprehendere solícite sed frustra satagemus, non est enim qui gladium ejus sustineat incolumis, cujus impetus horribilis, lethifer congressus, & gestus ultra humanum modum.

## CAP. XXV.

*Rex ex labore & fatigatione prælii infirmatur.*

**P**orro ex illius pressura diei & certaminis gravamine *Rex Richardus*, & gens nostra plurimum vexata, decidit in languorem, tum ex prælii fatigatione, tum ex cadaverum foetore, unde locus corruptus est, ut cuncti pene morerentur.

## CAP. XXVI.

*Salahadinus mandat Regi ægotanti se ad eum comprehendendum venturum, Rex mittit ad Cæsaream pro Francis, qui venire renuunt.*

**I**Nterea mandavit *Regi Salahadinus* quod ipse cum *Turcis* suis ad ipsum descenderet comprehendendum, si tantum adventum suum expectare præsumeret, cui *Rex* incunctanter remandavit, quod proculdubio ipsum ibi expectaret, ut qui scil. nullo pacto vita comite, dum pedibus vel certe genibus resistere suppeteret facultas, nec pedis ad passum ab eo refugeret, Regia siquidem animositas nec adversis sustinuit confringi; verum sentiens *Rex* se morbo gravatum, pensans temporis articulos & rerum statum, nec tutam fore quietem vicino serpente, destinavit Comitem *Henricum Cæsaream*, mandans his qui prius eo venerant *Francis*, ut ad ipsum venissent, & terræ tuendæ præsidio fuissent, significavit etiam quanto morbi laboraret incommodo, & super prædicto *Salahadini* mandato. *Franci* vero nullatenus vel in modico eidem succurrere volebant, imo, in quantum ipsis erat, ipsorum destitutus auxilio hostium expositus multitudini periisset, nisi procurasset inducias, quamvis in nonnullis reprehensibiles. Quid igitur inter tot *Turcorum* examina quis tam paucis ne dum infirmis locus tutus? *Ascalonem* potius dirui tunc temporis fuit confilii, quam ancipiti vicissitudine jactari; nam si Regem languidum grabato discumbentem hostes nullo resistente comprehendissent, tunc nimirum libere occuparetur *Ascalon*, vero consequenter tuta maneret *Tyrus* vel *Achon*?

*Ascalonem diruendam esse concluditur.*



## CAP. XXVII.

*Regi volenti redire in Achonem gratia curationis, sui viriliter contradicunt, unde Rex petit & recipit inducias trium annorum.*

**I**Nterea Rex super importuna corporis valetudine sollicitus, examine subtiliori libratis rerum articulis mandavit exhiberi præsentem cognatum suum *Henricum* Comitem, & Templarios & Hospitalarios, quibus, exposito corporis incommodo, se protestatus est propter loci corruptionem, & minus securam munitionem, inde recessurum, quorum etiam quibusdam injunxit proficisci ad observandam *Ascalonem*, aliis autem ut ibi residentes præessent *Joppe* custodiendæ, ipse vero reverteretur *Achonem*, ut acceptis potionibus curaretur, nec aliter fieri posse dicebat. Cui cum universi uno animo & voce consimili contradixissent, se prorsus asserentes nulla conditione quamcunque munitionem ipso absente observaturos, & hac constantes persisterunt sententia, quorumcunque castrorum abominantes custodiam, & his dictis abierunt retro, & jam cum illo non ambulabant. Hujusmodi responso turbati Regis angustiabatur animus æstuans, & suorum averſio eum in acerbissimum traxit dolorem, quia jam neminem reperiisset suis propositis consentaneum vel votis. Super agendis itaque diutius vacillando fluctuans, cui potius insisteret operi cogitationes mentis agens in diversa ab hoc recidebat in illud, quia non invenisset qui doleret vices ejus. Attendens denique jam universos defluxisse, neminemque vel tenuissima cura sollicitari super communi causa, promulgari jussit edictum, ut quicumque Regis stipendia voluissent conducti recipere convenissent ad succurrendum, nec mora confluunt duo millia peditum & milites quinquaginta. Verum jam invalescente nimium ægritudine Rex de recuperando sanitate desperatus est, unde tam pro aliis quam pro seipso nimis anxius, inter plura quæ mentis ejus sagacitas non præteribat intacta, maluit minus inconveniens præeligere ut inducias exigeret, quam si infecto negotio recedens terram depopulandam omnino defereret, sicut & alii fecerant, jam catervatim abeuntes in navibus. Sic Rex perplexus & ignorans quid potius aliud fieret, mandavit *Saphadino* fratri *Salahadini*, ut ipso mediante qua potuisset honestioris conditionis inter ipsos impetraret inducias. *Saphadinus* vir eximie liberalitatis, qui & Regem ob ejus singularem probitatem crebris duxerat venerandum argumentis, solícite tales sub hac forma procuravit inducias. Viz. ut *Ascalon*, quæ superſtes *Salahadini* terrori semper extiterat imperio, dirueretur, à nullo hominum reparanda ante terminum trium annorum ad Pascha proximum sequentium, vel incipientium: sed post tres annos quisquis superiori vigeret potentia cederet *Ascalon* eam occupanti. Concessit etiam *Salahadinus* ut *Joppe* restauraretur Christianicis libere & quiete inhabitanda, cum universa regione vicina, locis maritimis, & montanis. Confirmandam etiam sanxit inviolandam pacem inter Christianicos & Sarracenos, salvumque utrorumque libere per omnia esse meatum, & ad sanctum Dominicum Sepulchrum absque cujuscunque pensionis exactione accessum, & cum libertate transitum deducendarum per omnem terram quarumcunque rerum venalium, & ad exercenda libere commercia. Harum formam induciarum in scripturam redactam sibi recitatam Rex *Richardus* annuit observandam, quia nimirum sperare non poterat potioſorem, utpote æger, & quam modico fretus auxilio, & prorsus non aberat ab inimicorum statione duobus milliariis. Quisquis super hujus pacis contractu contenderit aliter sentiendum, perversi mendacii se noverit incurrisse reatum.

## CAP. XXVIII.

*Rex & Salahadinus ad invicem amicabiliter confabulantur per nuncios.*

**H**is itaque gestis in articulo necessitatis, Rex cujus magnanimitas semper imitabatur excelsiora, moliens ardua, æmulans summa, missis legatis mandavit *Salahadino* dicens, audientibus satrapis multis, se tantum ea intentione tales expetisse pro tempore inducias in tres annos, revera ut in terram suam visendam reverteretur, iterum ut gentem suam multiplicaret & pecuniam, & reversus totam terram *Jerosolymitanam* erueret ab ipsius Dominio, si tum eidem quacunque fiducia reputaret resistendum. Cui *Salahadinus* ad hoc nuntiis destinatis respondit, legis suæ sacra contestans & Deum omnipotentem, quod adeo Regis *Richard*i habuit gratam probitatem, magnanimitatem, & præstantiam, ut ab eo terram mallet in potentia suæ virtutis obtineri quam ab alio quocunque Principum, quem unquam viderat, si tamen diebus suis terram esset amissurus. O quam profunda cæcitate humani caligant oculi? dum in longa tempora metiuntur agenda, prorsus ignorantes quid crastina pareat dies, sic Rex dubium mentis acumen extendens in longum, animo de futuris disponente, sperabat Dominicum recuperare quoque sepulchrum, omnino non sentiens quod

*Omina sunt hominum tenui pendencia filo.*

## CAP. XXIX.

*Rex curationis gratia Cayphas petit.*

**S**criptis & juramentis confirmatis induciis, Rex usque *Caypham*, prout potuit, se procuravit deduci, ut acceptis ibi salutiferis sanaretur medicinis.

## CAP. XXX.

*Francis Rege procurante pro eorum malitia est prohibitum, aliis est permissum Dominicum visitare sepulchrum.*

**I**nterim *Franci* in *Achone* olim feriati se jam solícite expedirent ad repatriandum, qui licet memoratas mordacius reprehendissent inducias, se tamen condixerunt ad consummandam plenius peregrinationem, antequam abirent in patriam, Dominicum adituros sepulchrum. Quorum Rex non immemor desidiæ, quippe qui nec in recuperanda *Joppe*, sicut prædictum est, nec pluribus antea necessitatibus ei opem ferre volebant, imo jam conductum exigebant adeundi sancti sepulchri, destinatis nunciis industriis mandavit *Salahadino*, & eidem fratri *Saphadino*, ne cuiquam hominum liceret adire sepulchrum sanctum in *Jerusalem*, nisi qui suas literas haberent vel Com. *Henrici* prout vellent, ut præscripta inter ipsos teneretur conditio. Hinc amari-cati *Franci* vehementer conturbati sunt, & se minimum ibi perpendentes proficere, non multo post reversi sunt confusi in patriam suam, nil secum præter rixam ingratitudinis reportantes. Audiens Rex sibi detrahentium *Francorum* partem majorem repatriasse, & os obstructum obloquentium iniqua secundum



cundum illud, ejice derisorem & exhibit cum eo jurgium, partes pestilentium diffundere in omnes. Sub voce præconaria statuit promulgandum, quatenus populus qui vellet jam Dominicum visitaret sepulchrum, & ut oblationes suas reportarent *Joppen* ad auxilium conficiendorum murorum.

## CAP. XXXI.

*De peregrinatione primæ turmæ in Jerusalem, cui præerat Andreas de Chabigui, & ejus timore indiscrete incedentis.*

**I**N tres turmas dispositus populus ordinatur processurus, singulæ turmæ singulis præfectis committuntur regendæ. Prima *Andrea* de *Chabegui*, secunda *Radulfo Teissum*, tertia *Huberto* Episcopo *Salesberiensis*. Cum Regiis itaque literis feriatim profecti sunt primi, qui sub *Andrea* erant. Exigentibus autem forte peccatis in gravissimas fere inciderunt tentationes, itinerantes etenim jam pervenerant in planitiem *Ramulæ*, inde communi consilio destinatis nunciis significabant *Salahadino* se cum literis Regis *Richardi Jerusalem* venturos, & ut procurante salvo itinere procederent & redirent. Qui hac legatione fungebantur, viri quidem nobiles erant, & industrii sed probitas eorum ibi pene denigrata est desidia, quorum unus erat *Willielmus* de *Rupibus*, alter *Girardus* de *Turniball*, tertius *Petrus* de *Pratellis*. Hi destinati cum ad *Turonem militum* pervenissent, ibi steterunt ut ulterioris itineris prosequendi *Saphadini* tuerentur præsidio. Ibi dum moram facerent irruente somno dormitaverunt omnes & dormierunt, quousque jam ad occasum sole vergente dormientes præterissent omnes illi quorum ipsi fuerant deputati legationi. Turba igitur feriatim procedens, transmissa planitie, jam approximabat montanis, cum ecce respicientibus *Andrea* de *Chabegui* & cæteris apparuerunt præfati nuncii, qui dormierant post ipsos properantes. Quibus cognitis, exterriti timore magno restiterunt, nonnullis dicentibus Domine Deus adjuva nos, perimus, jam reputamur sicut oves occisionis, si nostrum iter tam indiscretumprehenderint *Sarraceni*, quorum nondum defluxit exercitus, ecce nuntii nostri post nos quos jam sperabamus peracto negotio securitatis reversuros, instat vespera, inermes sumus, morti proximi versamur in periculo. Nuntios denique turbam affecutos, asperius negligentia redargutos, repetitis precibus in id ipsum destinaverunt plurimum urgentes ut festinarent, qui citato itinere, dum pervenissent *Jerusalem*, invenerunt extra civitatem in tentoriis residentium *Turcorum* quasi duo millia vel eo amplius. Quæsito & tandem invento *Saphadino* causam exposuerunt, ipse vero acerbissime duces eorum itineris reprehendens fatuitatis argumentabatur illos vitam suam floccipendere, quod instante nocte sic se inter hostes ingererent, absque ducatu & cujuscunque tuitione. Qui dum sic confabularentur ad invicem in ipso solis occasu, venit turba præfata peregrinorum expers armorum & consilii, ad quorum adventum *Turci* hirrientes respiciebant prætereuntes torvis oculis vultuosi, in quorum facie satis prætendebatur manifeste quam æmulans indignatioolvebatur in cogitatione, solet namque nonnunquam in vultus imagine exprimi habitus animi, hinc nostrorum etiam constantiores ancipiti concussi trepidatione multo magis optarent tunc temporis vultu serenior vel *Tyro* restitui, vel unde venerant *Achoni*. Porro juxta montem quendam in maximo timore non procul inde pernoctabant peregrini.

## CAP. XXXII.

*Turci ultionem petunt de peregrinis nostris, Salahadinus & Satrapæ non concedunt.*

**I**N crastino venientes *Turci*, genibus flexis coram *Salahadino*, suppliciter rogabant ut liceret ipsis ultionem expetere à *Christicolis* in proximo residentibus, super morte suorum, primum in *Achone*, postea passim peremptorum patrum & fratrum, filiorum & parentum, tunc ut asserebant nacta temporis opportunitate. Super horum petitione *Salahadinus* habiturus consilium *Turcorum*, majores imperat accersiri, adsunt *Mestoc*, *Saphadinus*, *Bedridinus*, *Dorderinus*, quibus ad invicem super propositis conferentibus, in eo tandem universorum est stabilita sententia, quatenus absque omni impedimento & injuria liberius irent & redirent *Christicolæ*. In eo inquiunt *Salahadino* plurimum nostræ derogaretur excellentiæ, si inter te & Regem *Angliæ*, nobis prævaricantibus, foedus initum rumperetur, & *Turcorum* fides cujuscunque credulitatis nationi servanda non immerito reputaretur in perpetuum inanis. Hæc & his similia *Satrapis* replicantibus, *Salahadinus* confestim injunxit satellitibus suis, ut *Christianorum* curam haberent, sine molestia deducendorum in civitatem & reducendorum in pace. Ad hæc fidelius explenda deputatus est, qui se gratis ingesserat *Saphadinus*, quo procurante peregrini libere & quiete *Dominicum* visitarunt diu desideratum Sepulchrum, & gratuita liberalitate magnifice curati, consummata pro voluntate peregrinatione reversi sunt alacriter *Achonem*.

## CAP. XXXIII.

*De peregrinatione secundæ turmæ in Jerusalem cui præerat Rad. Teissun.*

**H**IS ita revertentibus obvia venit turma secunda peregrinorum, quæ sub *Radulpho Teissun* erat inter castrum *Arnaldi* & *Ramulam*. *Salahadinus* igitur, sicut prædictum est, disposuerat gentem suam transitus viarum & semitas observare diligenter, quando quis peregrinorum *Jerusalem* versus itineraret; unde libere transivimus & inoffensi, & montana superantes pervenimus usque ad montem gaudii, unde cum civitatem *Jerusalem* eminus vidissemus, eximie lætati genibus in terram fixis, sicut mos est, humiliter Deo gratias persolvimus: inde quoque vidimus montem *Olivet*, postea procedentibus alacriter universis, hi qui equos habebant festinanter præibant, ut licentius pro voto *Dominicum* oscularentur sepulchrum. Præterea referentibus nobis his, qui præcesserant equitibus, ipsis fecit *Salahadinus* exhiberi osculandam & adorandam illam veram crucem *Dominicam*, quæ fuerat in bello olim. Nos autem pedites extremi vidimus quod potuimus, scil. Monumentum *Dominicum*, ubi nonnullæ ponebantur oblationes, quas quia *Sarraceni* tollebant parcius ibi offerentes, partiti sumus his, quos ibi vidimus, in vinculis captivis *Francis* & *Syris*, qui sibi deputata laborabant servitute: inde perreximus ad montem *Calvariae*, quo crucifixus est Dominus: ibi lapis increbuit quo infixæ fuit crux *Dominica* in *Golgotha*, quem locum cum fuisset osculati, perreximus in Ecclesiam sitam in monte *Syon*, in cujus parte sinistra locus apparuit à quo beata Dei genetrix *Maria* transivit ab hoc mundo ad patrem, illi loco fixis



*Turci peregrinis insidias struunt.*

cum lachrymis oculis cursitantes pervenimus ad videndam sacram mensam illam, in qua dignatus est Christus panem comedere, qua festinanter osculata, inde globatim sine mora decessimus; nec enim tutum erat nisi catervatim incedere propter profanæ gentis insidias; peregrinorum sparsim siquidem vagantium hic tres illic quatuor in aditus cryptarum attrēctantes *Turci* clanculo suffocabant. Illinc properavimus usque ad sepulchrum beatæ Dei genetricis *Mariæ*, in *Josaphat* valle medio juxta *Siloe* osculandum devote & corde contrito. Deinde non omnino securi in ipsam illam testudinem accessimus, in qua dicebatur Dominus & redemptor noster nocte comprehensus crucifigendus in crastino; illic fufis piis lachrymis & effectuosius illi loco fixis oculis, properanter abcessimus, *Turcis* quoque nos abjicientibus non modicum, condolentes super pollutionibus, quibus profanaverant sacra loca infidelium *Turcorum* equi irreverenter illic stabiliti. Postea recedentes ab *Jerusalem* pervenimus *Achonem*.

## CAP. XXXIV.

*De peregrinatione tertiæ turmæ, cui præerat Episcopus Salesbirienfis Hubertus Walterus, cui Salahadinus multum honorem exhibuit, & omnes petitiones ejus adimplevit.*

**S**ane tertia turma, cui præfuerat Episcopus *Salesberienfis*, jam non procul à gente ab *Jerusalem* misit *Salahadinus* gentem suam obviam Episcopo honorifice excipiendo, & pro voluntate per loca sancta ducendo. Cui etiam ob commendabilem probitatem, & opinionem prudentiæ, & prædicatam *Salahadino* claritatem meritorum, obtulit rogans ut apud ipsum mansionem acciperet suis exhibendus impensis. Renuit Episcopus, nequaquam, inquit, quia peregrini sumus. *Salahadinus* suis injunxit ministris eodem Episcopo & suis exhibere affluentius humanitatem, cui quoque quamplurima xenia misit accurata, quem & post invitavit ad colloquium ut videret gestus ejus & habitudinem, cui & sanctam crucem exhibuit videndam, deinde confedentes diutius familiariter colloqui sunt ad invicem. Sciscitatus est igitur *Salahadinus* de moribus Regis *Angliæ*, & quid dicerent Christiani de *Sarracenis* suis. Cui respondit Episcopus dicens, revera de Domino meo Rege quod non immerito dici potest dico ego, quod Regi *Angliæ* non est in mundo par miles in negotiis militaribus, nec æqualis in virtutis præstantia, vel in dandi largitate, qui nimirum omnium ad plenum commendabilium est insignitus moralitate gratiarum. Quid multa, si quis me judice exceptis peccatis tuis, tuarum dotes virtutum simul cum Regis *Richardi* communicaret compositas, ut uterque vestrum utriusque dotaretur præditus potentiis, tales in orbe terrarum duo Principes non invenirentur. *Salahadinus* patienter auscultato Episcopo demum intulit, satis nobis, inquit, innotuit Regem esse maximæ probitatis & audaciæ, verum minus prudenter, non dicam insipienter, se crebrius ingerit in periculum, nimis prodigus vitæ suæ. Ego quidem undecunque qualiscunque terrarum Princeps eximius fuisset, multo mallet dapnitate ditari cum sapientia simul & modestia, quam audacia & immodestia. Post prolixius igitur inter ipsos habitum familiariter per interpretes colloquium, dixit *Salahadinus* ut Episcopus quodcunque magis optaret peteret donum & daretur ei. Ad hoc cum Episcopus gratias uberes reddidisset, petiit tempus deliberandi usque in crastinum, igitur rogavit Episcopus quatenus ad Dominicum sepulchrum quod visitaverat, ubi vix utcunque more *Syrerum* barbaro divina celebrabantur, permitterentur honestius divina celebrare duo Presbyteri *Latini* cum totidem Diaconis *Latinis* simul cum prædictis *Syris* ex oblationibus peregrinorum exhibendi,

*Episcopus Salesburienfis sacra faciendi ad Sepulchrum Domini cum potestatem impetrat à Salahadino.*

bendi, & similiter totidem ad idem in *Bethleem*, similiter in *Nazareth*. Erat quidem pretio magna, Deo ut creditur gratissima. Annuente rogatis *Soldano*; perquisitos Episcopus, prout impetraverat, instituit Presbyteros in prædictis singulis locis cum Diaconis obsequium præstans Deo, ubi non erat prius; sicque impetrata licentia exeuntes ab *Jerusalem* reversi sunt *Achonem*.

## CAP. XXXV.

*Peregrinatione peracta repatriantes multa in mari perpeffi  
sunt naufragia & pericula.*

Consummata populi votiva peregrinatione, naves instruuntur ad repatriandum, secundisque ventis velis expositis, singuli disponentes se committere navigiis. Nec mora varietate ventorum disgregatæ naves in diversa feruntur. Per marinos tractus jactantur peregrini diutius, quorum quidam in diversos portus ejecti, utcunque evaserunt incolumes; alii sparsim periclitabantur naufragio, alii in ipsa navigatione moriebantur in mari, maris vastitatem pro cimiterio fortiti, alii morbo incurabili corrupti nunquam postea convaluerunt, vel in patriam redierunt. Alii vero quamvis fortiori perdurantes incolumitate, tum ex amissione patrum, & fratrum, & parentum, & amicorum armis peremptorum, vel infirmitate defunctorum, satis acerbum creduntur traxisse martyrium, quorum corda diversarum passionum transverberabant gladii dolorum: singulos itaque, licet variis modis, fatendum est satis dira pertulisse martyria, qui corde simplici & devoto pro Dei amore huic se exposuerant peregrinationi. Porro nonnulli, insipienti verbositate garrientes, postea solebant impropere, dicentes peregrinos illos modicum quid profecisse in terra illa *Hierosolymorum*, nondum recuperata *Jerusalem*, nescientes quid loquerentur, quia super ignotis contenderent & inexpertis. Nobis autem arbitramur esse credendum, qui vidimus & experti sumus, quas illi sustinuerunt tribulationes & angustias: unde & audientibus his etiam, qui interfuerant, audenter protestamur, in illa peregrinatione Christianorum centum millia fuisse mortuos, pro eo tantum quod sub divinæ spe mercedis se continuerunt à mulieribus, ducentes iniquum jactura pudicitiae carnis obtinere sospitatem, opposuerunt patientiam etiam usque ad corruptionem carnis, ut perseveraret impolluta castitas mentis. Item revera novimus & infirmitatis corruptione, & famis inedia, decessisse peregrinorum trecenta millia & eo amplius, & in obsidione *Achonensi*, & post in ipsa civitate. Præterea quis dubitaret super salutem animarum virorum nobilium & bonorum, qui à propriis capellanis quotidianum divinum audiebant servitium? & hi quidem creduntur salvandi.

*Abstinentia  
à mulieribus  
100000. hominum causa  
mortis extitit, si fides  
Auctori adhibeatur.  
300000. peregrinorum  
perire in expeditione Hierosolymitana.*

## CAP. XXXVI.

*Rex Willielmum de Pratellis, qui in bello dicens se Melech pro Rege  
captus est, redemit, antequam repatriare vellet, dans pro  
eo x. Turcos nobilissimos.*

Interea Regis *Richardi* instruitur navigium, & omnia necessaria præparantur in victualibus & armis, & ad reditum disponuntur. Tunc Rex mera liberalitate, & illustris titulo ingenuitatis impulsus, pro *Willielmo de Pratellis* redimendo



dimendo qui, sicut prædictum est, olim Regis nomine comprehensus est, decem ex nobilioribus *Turcis* commutandos dimisit liberos, qui quidem infinitæ summam pecuniæ pro eodem *Willielmo* gratanter impendissent retinendo. Regiæ vero magnanimitatis claritudo quocunque pacto dedignata est denigrari.

## CAP. XXXVII.

*De repatriatione & navigatione & infortuniis Regis Richardi.*

**P**eractis omnibus, Rex jam consistens in procinctu scandendi navem provide statuit procurandum, ne quid scrupuli superesset, quod omnium bene gestorum derogaret perfectioni, jussit igitur clamante præcone suos universos adesse creditores, & omnia debita restitui ad plenum & ultra, ne qua viz. in posterum merito, vel super raptis vel ablatiis Regia auctoritate, posset oriri detractio vel querela. O quot cum classis regia solveretur piis præcordiis sunt eruta suspiria, gravidis ubertim fluentibus lachrymis? optantur Regiis beneficiis benedictiones, memorantur probitates, computantur largitates, & in uno homine congestarum cumulus virtutum, O quot interruptis lamentationibus singulatibus audirentur voces plangentium & dicentium, O *Jerosolymorum* terra omni jam auxilio destituta! quanto defensore manes orbata! quis ulterius, si forte rumperentur induciæ, te protegeret ab impetentibus, jam abeunte Rege *Richardo*? Hæc & his similia singulis lachrymiabiliter inculcantibus, Rex nondum perfecte recuperata sospitate, sed cum cunctorum precibus optata salute, velis erectis optato progreditur navigio; ad syderum respectus tota cucurrit nocte, clarescente vero die crastina, Rex relictam terram piis respectans luminibus, meditans in longum, audientibus pluribus, oravit dicens. O terra sancta Deo te commendo, qui pia sua gratia mihi tantum vivendi tribuat spatium, ut in beneplacito suo tibi præstem auxilium, spero quidem, ut propono, tibi quandoque succurrere. His dictis nautas urgebat plena vela ventis expedire, quatenus æstus marinos cursu superarent velociori. Ignarus quidem quantæ ipsum manebant tribulationes & angustiae, quot esset experturus adversitates per prodicionem olim demandatam in *Franciam*, unde machinatum est ut ab iniquis nequiter insidiantibus comprehenderetur, nil tale suspicans in obsequio Dei & laboriosa peregrinatione. O quam meritis inæquali recompensatione retribuebatur ei, quod pro generalitatis negotio laboraverat anima ejus, & jam occupabatur hæreditas ejus, & cum expugnarentur nefarie castra ejus in *Normannia*, crudeliter grassantibus æmulis ejus sine causa, nec nisi redemptus à captione unquam relaxatus est ab Imperatore *Alemanniæ*: cujus occasione redemptionis, ut census multiplicaretur ad summam, in omni gente sua fiebat collecta plurima, & rerum distractio variarum, accipiebantur enim ab Ecclesiis calices & vasa in usus Ecclesiasticos sacrata aurea & argentea, quibus poterant utcunque carere monasteria; nec hoc quidem secundum decreta patrum erat illicitum, imo maxime necessarium, cum nunquam sanctorum quisquam vel sanctarum, quorum numerus est innumerabilis hominibus, tanta fuerit vita superstite pro Deo angariatus injuria, ut Rex *Richardus* in captivitate *Ostetricia*, nec non & *Alemannia*. Qui tot *Turcorum* celebris fuerat triumphis nefarie circumvenitur à suæ fidei fratribus, & ab his qui simul cum ipso Christiana professione solo nomine censentur comprehenditur, O quam vere timendæ sunt occultæ magis insidiæ quam manifestæ discordiæ? juxta illud, *Facilius est vitare discordem quam declinare fallacem*. Proh nefas cui non poterant resistere omnes adversarii ejus, & quem totius Imperii Soldani contractæ copiae non prævaluerant debellare,

nunc

Rex Richardus à Palæstina rediens captivus factus est ab Henrico VI. Imper. Alemanniæ: sed tandem, intercedente Papa, soluta ingenti pecuniæ summa, liberatus est die 4. Febr. anni 1194. postquam detentus fuisset an. 1. Septim. 6. & 3. d.

nunc ab ignobili gente concluditur, & in *Alemannia* retinetur. O quam gravissimum est agi nutibus alienis in libertate educatis. Sed ex illa captione solita Dei clementia, sua industria, & suorum cura fidelium, mediante ære multo, quia multum posse sciebatur, tandem libertati dimissus est. Solo denique restitutus natali, & Regno patrum, in brevi dissidentia Regni pacificavit ad votum. Postea transfretans in *Normanniam* æmuli sui scil. Regis *Franciæ* justo liberiores excursus se paravit retundere, cujus etiam impetus crebris rejiciens repulsionibus, alienatum jus suum cum augmento quoque potenter in hasta recuperavit & gladio.

*Explicit Liber de Expeditione Regis  
Richardi in terram Je-  
rosolymorum.*

*Si teneatur opus, non deroget Auctor utrique,  
Si quid opus meruit, gratia non minuat.*

---



Versus Magistri Gaufridi Vinefaugh de eodem  
Rege glorioso Richardo.

**M**ENSÆ delicias orditur lactis ad instar  
Culta Ceres, Bacchusque senex vivescit in antro  
Solutus ibi, vel Nectareo perfusus odore,  
Degenerare sinit & lascivire saporem.  
Regia pompa dapum veniens immilitat auro,  
Inque vicem, seseque dapes mirantur & aurum.  
Præcipuæ mensæ speculum speculate clientes,  
Certat cum Paride facies, cum Parthenopæo  
Ætas, cum Cræso census, cum Cæsare sanguis,  
Cætera si species in corpore, cum nive biffus,  
Cum flammis ostrum, cum sidere gemma videres;  
Singula plus sapere condita sapore clientum;  
Delicias alias oculus quas gestit & auris  
Gesticulator habet, gestus non omnibus unus,  
Cuique suus, plus mellis habet variata voluptas,  
Tinnula sinistra volant oculos pascentia Regum,  
Alternantque manus, sistroque volatile sistrum  
Surgit in occursum, vadunt, redeuntque, resurgunt,  
Et recedunt, simulantque minas, pugnaeque jocosæ  
Instar agunt, sese fugiunt, seseque sequuntur,  
Hinc in utraque manu gemina ludente tabella  
Ludit in ore sonus, pes non vacat, imo frequenter  
It, redit, & lepide passu migratur eodem,  
Vox comes est passus, pariter ferit æra cantus,  
Et sese tabula, strepitusque saporat in aure;  
Tertius ad motus agilis se girat in orbem,  
Aut volat in longum, vel membra supina resumit  
In saltum facilem, molles aut arcuat artus  
In talos refuga cervice, vel ensis acumen  
Erigit, & certus dubios intervocat enses,  
Singula mireris; sed adhuc jocundius istis  
Nunc sonus exultat manuum, nunc arte jocosæ  
Colludunt digiti, nunc brachia curvat in arcum  
Infurcata manus lateri, celerique meatu  
Furantur motus humeri, gestumque videres  
Instrumenta sequi quorum sua cuique voluptas;  
Tibia feminea tuba mascula, timpana rauca,  
Cimbala præclara, concors symphonia, dulcis  
Fistula, somniferæ citharæ, vitulaeque jocosæ  
Omnia certatim plaudunt: & tempora tractant,  
Deliciæ! cum fama recens decurrit ad aures  
Principis, & blando titillat murmure mentem.

Anglia Regnorum Regina superstita Rege  
Richardo, secunda sedes sub principe tanto,  
Rex tuus est speculum quo te speculata superbis,  
Sidus de cuius radiis splendore, columna  
Per quam fulta viges, fulmen quod mittit in hostes  
Laus qua pene Deum pertingis, culmina claudam  
Singula, non illo potuit fecisse priorem  
Non voluit natura parem, sed viribus absit

Proxus habere fidem, mors est quæ fortia vincit,  
 Ominibus ne crede tuis, si tempore parvo,  
 Illuxere tibi, mox sunt clausura serenum  
 Turbida fata diem, ducetque crepuscula noctem.  
 Jam cito rumpetur speculum, speculatio cujus  
 Gloria tanta tibi, sidus patietur Eclipsin  
 A quo sic splendes, nutabit rupta columna  
 Unde trahis vires, pausabit fulminis ictus  
 Unde tremunt hostes, & eris de Principe tanto  
 Omnia læta vale tibi dictura, quiescis?  
 Sudabis, rides? flebis, ditescis? egebis,  
 Flores? marcebis, es? vix eris, attamen istud  
 Unde scies? quid agis? rimaberis arte volucrum?  
 Murmura vel motus oculo vel Apolline fata?  
 Tolle Mathematicos est auspex, cæcus, & augur,  
 Surdus, & hariolus, amens, præsentia scire  
 Fas homini, solique Deo præscire futura,  
 Non habet hic patriam vetus ille repatriat error  
 Et pater erroris, Gentilis nutriat illum  
 Quem genuit, quia sana fides à limine pellet  
 Ecclesiæ Tripodes Phœbi foliumque Sibillæ,  
 Hoc unde præscire potes? quia nulla potestas  
 Esse morosa potest, quia res fortuna secundas  
 Imperat esse breves, si vis exempla, priores  
 Respice fortunas, emarcuit illa priorum  
 Florida prosperitas, Minos subvertit Athenas,  
 Illion Atrides, magnæ Carthaginis arces  
 Scipio, sed Romam multi, fuit alea fati  
 Tempore versa brevi, brevis est distantia lati  
 Ominis & mæsti, nox est vicina diei,  
 Hoc aliena docent, & te tua fata docebunt;  
 Neustria sub clipeo Regis defensa Richardi  
 Indefessa modo, gestu testare dolorem  
 Exudent oculi lachrymas, exterminet ora  
 Pallor, connodet digitos tortura, cruentet  
 Interiora dolor, & verberet æthera clamor,  
 Tota peris ex morte sua, mors non fuit ejus  
 Sed tua, non una sed publica mortis imago;  
 O veneris lachrymosa dies! O sidus amarum!  
 Illa dies tua nox fuit, & Venus illa venenum;  
 Illa dedit vulnus, sed pessimus ille dierum  
 Primus ab undecimo qui tute victitus illam  
 Clausit, uterque dies homicida; tyrannide  
 Mira trajecit clausus exclusum, tectus apertum,  
 Providus incautum, miles munitus inermem,  
 Et proprium Regem, quid miles perfide? miles  
 Perfidia, miles pudor orbis! & unica sordes  
 Militiæ miles, manuum factura suarum  
 Ausus es hoc in eum? hoc scelus, scelus istud es ausus?

O dolor! O plusquam dolor! O mors truculenta!  
 Mors, esset utinam mors mortua, quid meministi  
 Ausa nefas tantum? placuit tibi tollere solem,  
 Et tenebris damnare solum, scis quem rapuisti?  
 Ipse fuit jubar in oculis, & dulcor in aure,  
 Et stupor in mente, scis impia quem rapuisti?



*Ipse fuit Dominus armorum, gloria Regum,  
 Deliciæ mundi, nihil addere noverit ultra  
 Ipse fuit quicquid potuit natura, sed istud  
 Causa fuit quare rapuisti, res pretiosas  
 Eligis, & viles quasi dedignata relinquis,  
 Et de te natura queror, quia nonne fuisti  
 Dum vividus puer esset adhuc dum nata jaceret  
 In cunis in eo studiosa, nec ante senectam  
 Destitit hoc studium, cur sudor in orbem  
 Attulit hoc mirum? si tam brevis abstulit hora.  
 Sudorem tantum, placuit tibi tendere mundo,  
 Et revocare manum; dare sic & tollere donum,  
 Cur irritasti mundum? vel redde sepultum,  
 Vel forma similem, sed non tibi suppetit unde,  
 Quicquid erat tecum vel mirum vel pretiosum  
 Huic erat impensum, thesauri deliciarum  
 Hic sunt exhausti, ditissima facta fuisti  
 Ex hac factura, modo pauper es, & quasi vilis,  
 Ex hac jactura, si felix ante fuisti,  
 Tanto plus misera quanto felicior ante.*

*Si fas est accuso Deum, Deus optime rerum,  
 Cur hic degeneras? cur obruis hostis amicum?  
 Si recolis pro Rege facit Joppe tua, quam tot  
 Millibus oppositus solus defendit, & Achon  
 Quam virtute sua tibi reddidit, & crucis hostes,  
 Omnes quos vivus sic terruit, ut timeatur  
 Mortuus, ipse fuit sub quo tua tuta fuerunt.*

*Si Deus es sicut decet esse fidelis & expers  
 Nequitiae, justus & rectus, quid minuisti  
 Ergo dies ejus? potuisses parcere mundo,  
 Mundus egebat eo, sed eum magis eligis esse  
 Tecum quam secum, magis succurrere cælo  
 Quam mundo, Domine, si fas est dicere, dicam  
 Pace tua, posses fecisse decentius istud,  
 Et prosperasse minus, dum saltem fræna dedisset  
 Hostibus, & facti tanquam mora nulla fuisset,  
 Rex erat in foribus, tunc posset honestius ire  
 Et remanere tibi, sed in hac re scire dedisti  
 Quam brevis est risus quam longa est lachryma mundi.*

---

Versus ejusdem de eodem Rege.

**V** *Exillum pacis, belli sera, purpura Regum,  
 Sol hominum, gemma totius orbis, Ave;  
 Cum titulis alios famæ pictura venustet,  
 Confer, & obtenebrat cætera fama tui,  
 Si genus attendam, summam sic tollit in arcem,  
 Si formam, gaudet Anglia sole suo,  
 Si vires, te præcipuum vendicat ensis,  
 Si mores, quicquid Ethica poscit habes  
 Temporibus belli, bello reprimente rebelles  
 Fulminea aspectu vultus, & ense manus;*

*Temporibus*

*Temporibus pacis removes obstantia pacis,  
 Continuat titulos tempus utrumque tibi,  
 Hinc ferus, hinc rigidus utrinque severus, utrique  
 Congruus, utrumque nactus, utroque potens,  
 Pauca loquor, quid namque loquar? me viribus impar  
 Curvat onus, melius ore loquatur opus.  
 Regis in exitium vires conflavit in unum  
 Orbis, ut orbaret remige Regno suo,  
 Flandria transmisit Flandrenses, Gallia Gallos,  
 Scotia Scotigenas, Anglia fraude suos,  
 Bella propinant tibi, milite Gallia, telis  
 Scotia, textore Flandria fraude tui,  
 Profiliit sermoque pugil: terrorque sophista,  
 Evertere minis omnia: Marte nihil;  
 Mira tibi virtus, & Principis omnia vincis,  
 Omnia suppeditas, omnia solus agis,  
 Cassas terrore terrores, turbine turbas,  
 Vi vires, armis arma, ferisque feros,  
 Te presente tremat muliebris Gallia, textrix  
 Flandria, pannosa Scotia, teste fuga.  
 In tua damna tonans titulos tibi germinat hostis,  
 Magnus eras, sed adhuc omine major eris,  
 Major eris tantos fama mirante triumphos,  
 Major, si major maximus esse potest;  
 Si liceat magnis conferre minora, notentur  
 Singula, nec reperit actio tanta parem  
 Pompeio titulos emerunt bella, quid inde?  
 Non erat in bellis gloria tanta suis;  
 Virtus Cæsarea ---- quamplura, quid inde?  
 Et levius potuit vulgus inerme capi,  
 Hoc aliis conclusit opus nec in omnibus unum;  
 Dignatur tanto nomine fama capi,  
 Omnia qui vincis, vinci digneris ab uno,  
 Et cum sis aliis utilis, esto mihi.*

*Rex Richarde jaces, quod si mors cederet armis,  
 Victa timore tui, cederet ipsa tuis,  
 Viscera Caroleum, corpus fons servat Ebulfi  
 Et cor Rothomagum, magne Richarde, tuum.  
 In tria dividitur unus qui plus erat uno.*





## H I S T O R I A

## C A P T I O N I S

## D I A M E T Æ.

## P R O L O G U S.



ÆTETUR mons *Sion* & exultent filiae *Ju-*  
dæ propter judicia Domini, confiteantur Do-  
mino quoniam magnifice fecit, scribentes &  
prædicantes annuncient mirabilia ejus, qui man-  
davit sanctificatis suis, & vocavit servos suos in  
ira sua exultantes & non in propriis viribus, non  
in operibus justitiæ quæ fecerunt ipsi, sed in  
gloria majestatis ejus qui est benedictus in om-  
nibus in secula. Terra enim de qua orieba-  
tur panis, qui de cœlo descendit in loco nati-  
vitatæ suæ, ferro succisa est in munitionibus  
multis quas inhabitabant perfidi. Locus saphi-

ri lapides terræ hujus, quia fuit possessio Patriarcharum, alumna Prophetarum, doctrix Apostolorum, mater fidei, glebæ illius aurum in his qui sibi charitate sibi cohæserunt, & religionis custodes nunquam in ea defuerunt, quæ quondam non libera, post multos gemitus & crebra suspiria, jam exultat in spe, & de bonitate liberatoris sui confisa gaudens gaudebit in re, remota virga peccatorum à forte justorum. Sane quæ vidimus, & audivimus, & veraciter intelleximus, scribimus omnibus orthodoxis absque falsitatis admixtione, ut quicquid est virtutis usquam assurgat in laudem Dei & gratiarum actiones.

## Incipit Historia Captionis DAMIETÆ.

## C A P. I.

*Finitis induciis, Christiani Principes de rebus agendis consilium simul capiunt.*

**A**Nno igitur Gratiae MCCXVII. expirante treuga Christianorum & Saracenorum, in primo passagio generali post Concilium *Lateranense*, congregatus est exercitus Domini in *Achon* copiosus cum tribus Regibus *Jerusalem*, *Hungariae*, & *Cypri*, qui mystica munera secum non deferentes parum egerunt memoria dignum. Affuit Dux *Austriæ*, & Dux *Moraviæ*, cum multis Comitibus, & viris generosis, & militia magna Regni *Teutonici*. Aderant Episcopi peregrini Archiep. *Nicossiensis*, *Joriensis*, & *Aygreensis Hungariae*, *Baiocensis*, *Monasteriensis*, & *Trajacensis*, & cum eis vir nobilis *Galterus de Avennis*, qui reversus in passagio vernali quadraginta milites reliquit in servitio terræ sanctæ, quibus providit in sumptus sufficientes per annum. *Bavari* insolenter, & contra legem peregrinorum se habuerunt, hortos & pomeria Christianorum destruendo, eji-



cientes etiam de hospitibus suis religiosis, nec his contenti Christianos interfecerunt. Dux *Austriae*, sicut princeps Catholicus, per omnia laudabiliter Christo militavit. Patriarcha *Ierosolimitanus* cum magna humilitate cleri & populi tollens reverenter vivificæ crucis lignum, feria sexta post festum omnium sanctorum profectus est ab *Achon* in castrum Domini, quæ præcesserant ad *Recordanam*. Hoc autem dulce lignum post terram sanctam perditam reservatum fuit ad hæc tempora: imminente siquidem conflictu *Saracenorum* cum Christianis, tempore *Salahadini*, sicut à senioribus accepimus crux secta fuit, pars ad prælium delata & ibidem perditæ, pars reservata, quæ nunc exhibetur. Cum tali vexillo ordinatis aciebus processimus per planum *Fabæ* usque ad fontem *Tubaniæ* multum eo die laborantes, & præmissis exploratoribus videntes ab adversariis concitari pulverem, incerti fuimus utrum contra nos an fugiendo properarent. Sequenti die per montes *Gilboe*, quos habuimus ad dextram, & paludem ad sinistram, profecti fuimus *Betsanam*, ubi castra fixerat adversarius, sed metuentes tam ordinate procedentis & tam copiosi Dei viventis exercitus adventum, tentoria tollens & fugiens terram vastandam militibus Christi reliquit. Unde *Jordanem* transeuntes, in vigilia sancti *Martini* corpora nostra lavimus pacifice in eo, & quievimus per biduum, ibidem copiam victualium & pabuli reperientes. Deinde super littus maris *Galileæ* tres mansiones fecimus, peragrantes loca in quibus, mirabilia salvator noster operari dignatus, corporali præsentia cum hominibus conversatus est; aspeximus *Bethsaidam* civitatem *Andree* & *Petri* tunc ad casale modicum redactam, demonstrata sunt loca, ubi Christus vocavit discipulos, super mare siccis pedibus ambulavit, turbas pavit in deserto, montem ascendit orare, & locum, ubi cum discipulis post resurrectionem manducavit, & sic per *Capernaum*, infirmos nostros in jumentis portantes, reversi sumus *Achon*.

## C A P. II.

*Progressus, Christianorum ad montem Tabor.*

**I**N secundo equitatu adivimus pedem montis *Tabor*, primo aquarum inopiam, postmodum per defossionem copiam invenientes. Desperabant capitanei nostri de montis ascensu, donec, puero *Sarraceno* nunciante castrum fore comprehensibile, consilium inierunt. Prima vero Dominica Adventus Domini, cum legeretur Evangelium, *Ite in castellum quod contra est*, Patriarcha præcessit cum signo crucis Episcopis & clero per clivum montis orantibus & psallentibus. Licet mons præruptus sit undique, & excelsus, & quasi impossibilis ad ascendendum, extra semitam certam, milites tamen & satellites, equites & pedites viriliter ascenderunt. *Johannes Rex Jerusalem* cum militia Domini castellum stravit & Admiralium unum primo impetu, defensores castri, qui intrepidi extra portas ad defendendum montem hostibus occurrerunt, in fugam convertentes & stuporem. Sed Rex quantum meruit ascendendo demeruit descendendo, descendens enim ipso die Dominico, & alios descendere faciens, per indultum spatium animavit incredulos. Sed quo Dei judicio vel Principum consilio exercitus Domini tunc descenderit, & ingloriosus recesserit ignoramus, hoc tantum scientes quod divinatorum judiciorum abyssus humanæ mentis oculis penetrari non potest. Multi autem Templarii & Hospitalarii, & quidam seculares, in secundo montis ascensu, quando castrenses vires receperant vulnerati sunt, sed pauci mortui. Credimus autem Christum Dominum sibi soli hoc triumphum montis observasse, qui cum paucis discipulis ipsum ascendit, & gloriam futuræ resurrectionis ibidem demonstrando. Porro in primo & secundo equitatu maximam multitudinem captivorum virorum & mulierum, & etiam parvulorum Christiani secum duxerunt. Episcopus  
autem

autem *Acconensis* parvulos, quos prece vel pretio potuit obtinere, baptizavit, & distribuens inter religiosas mulieres literis applicare disposuit.

## CAP. III.

*De equitatu tertio cum vexillo vivificæ crucis.*

**I**N tertio equitatu, cui Patriarcha cum signo crucis & sacri pontifices non interfuerunt, multa damna & incommoda, tam per latrunculos quam hiemis incommodo perpeffi sumus; præsertim in vigilia Nativitatis Domini per viam, ac ipsa nocte sacra, in qua tempestatem terrestrem, ventis & pluviis commotam sustinuimus gravissimam, in finibus *Tyri* & *Sidonis* juxta *Sareptam*. Post hæc exercitus Domini quadrariam divisus est, Rex *Hungariæ* & *Cypri Tripolim* profecti sunt, ubi Rex *Cypri* adolescentulus diem clausit extremum. Rex *Hungariæ* brevi tempore commoratus, cum magno damno terræ promissionis recessit, peregrinos enim & Galeas, & dextrarios, & jumenta cum armis secum traxit multum: admonitus à Patriarcha ne sic recederet, tandem cum sua sequela excommunicatus. Alia pars peregrinorum & timidorum, & eorum, qui procumbentes ad terram ore pleno de abundantia temporalium biberunt, remansit in *Achone*. Rex vero *Jerusalem*, & Dux *Austriæ* cum Hospitalariis sancti *Johannis*, & Episcopis supradictis, & quibusdam aliis castrum in *Cæsarea Palæstinae* brevi tempore utiliter & constanter firmaverunt. Licet hostis adventus nunciaretur, in basilica Principis Apostolorum festum Purificationis Patriarcha cum sex Episcopis solemniter celebravit. Templarii vero cum Domino *Gualtero* de *Avennis*, & paucis auxiliatoribus peregrinis, & Hospitali de domo *Teutonicorum* castrum filii Dei, quod olim districtum, nunc castrum peregrinorum appellatur, firmare coeperunt, quod situm est in Diocesi *Cæsariensi* inter *Cayphas* & *Cæsaream*, cujus situs talis est.

## CAP. IV.

*Descriptio Castri filii Dei.*

**P**romontorium amplum & altum, mari imminet, naturaliter munitum scopulis ad *Aquilonem*, Occidentem, & austrum: versus orientem turris est firma & dudum à Templariis ædificata, & possessa, tam guerræ quam treugarum tempore. Turris autem ibidem posita fuit olim propter latrunculos qui, in via stricta, peregrinis ascendentibus in *Jerusalem* & descendentibus ab ea insidiantur, haud longe distans à mari, quæ propter viam strictam Districtum appellabatur. Toto vero tempore, quo castrum *Cæsariense* firmatum est & consummatum, Templarii ex transverso promontorii fodientes, & laborantes per sex hebdomadas, tandem ad fundamentum primum pervenerunt, ubi murus antiquus spissus & longus apparuit. Inventa est etiam pecunia in moneta modernis ignota, collata beneficio filii Dei ad alleviandos sumptus & labores. Deinde in anteriori parte arenam fodientes & deportantes, alius murus brevior inventus est, & inter murorum planitiem fontes aquæ dulcis ibidem abundanter ebulliebant; lapidum etiam & cæmenti copiam Dominus ministravit. Duæ turres ædificantur ante frontem castri, lapidibus quadratis & delatis, tantæ quantitatis, ut lapis unus vix à duobus bubulis in curru trahatur; utraque turris centenos pedes habet in longitudine, LXXIV. in latitudine, spissitudo binas testudines inclusit. Inter duas turres murus novus & altus cum propugnaculis consummatus est, & miro artificio intrinsecus milites armati



ascendere possunt & descendere. Item murus alius paulo distans à turribus extenditur uno latere maris ad aliud puteum, habens aquæ vivæ, exclusum Promontorium, ab utroque latere muro cingitur alto & novo usque ad rupes, oratorium cum palatio & domibus plurimis & altis castrum includit. Hujus ædificii prima est utilitas, quod conventus Templariorum eductus de peccatrice & omni spurcitia plena *Achon*, in hujus castri præsidio residebit usque ad reparationem murorum *Jerusalem*. Territorium munitionis hujus piscariis salinis, lignis, pascuis, agris & herbis abundat: vineis plantatis & plantandis, hortis & pomeriis habitatores delectat; inter *Achonem* & *Jerusalem* nulla est munitio quam teneant *Sarraceni*, unde de hoc castro novo plurimum damificantur increduli, & terrore divino ipsos fugante, loca culta deferere cogentur inter *Jerusalem* & *Jordanem*. Portum habet naturaliter bonum, qui artificio adjutus poterit esse melior. Sex milliaribus distat à monte *Tabor*, unde hujus castri constructio præsumitur fuisse causa destructionis munitionis illius, quia in campo longo & lato, qui interjacet montanis castri hujus ac montis *Tabor*, nec arare, nec seminare, nec metere secure poterant, propter hujus castri præsidium.

## CAP. V.

## De morte Monasteriensis Episcopi.

Magister  
Thomas Theol.  
Doctor obit.

Provincia Colo-  
niensis max-  
imam classem  
parat.

**M**onasteriensis Episcopus apud *Cæsaream* obdormivit in Domino. Magister *Thomas* Theologus Doctor bonus & opinionis claræ apud castrum filii Dei defunctus est. Post hæc exercitus rediit in *Achon*. Episcopi *Alemannia* & multi alii se præparabant ad transfretandum, brevi tempore in terra promissionis commorati. Expectabatur passagium secundum & novum & maxime ab *Aquilone* veniens, quæ per angustum mare *Carthagini* navigatura sperabatur. A prædicatione crucis Provincia *Coloniensis* studio magno, pluribus etiam sumptibus, fere trecentas naves præparant, quarum quædam remanserunt, quædam in tempestatibus perierunt, sed major pars pervenit *Leſebonam* cum magna virtute bellatorum. Ibi orta est discordia, quibusdam volentibus procedere, aliis hyemare cupientibus in obsidione castri fortissimi, quod *Alcatia* dicitur; & sic classis divisa est, pars apud *Gaetam* & *Chornetum* hiemavit, pars alia obsedit *Alcatiam*, duos habens capitaneos *Willielmum* Comitem de *Hoylondia*, & *Georgium* Comitem de *Wlize*. Captum est hoc castrum per *Teutonicos*, & cum adhuc essent in obsidione, congregata est contra eos *Sarracenorum* maxima multitudo. Contra quam viriliter pugnaverunt Templarii & Hospitalarii cum militia Reginæ *Portugaliæ*. Victi sunt de virtute divina *Sarraceni*, Rex eorum unus occisus est, & cum eo plurimi trucidati sunt & in captivitatem ducti.

## CAP. VI.

## De signis crucis, mirabilibus in aere visis.

**E**Xcitata fuit Provincia *Coloniensis* ad obsequium salvatoris mundi per signa quæ apparuerunt in coelo; nam in Provincia *Coloniensi* & Diocesi *Monasteriensi*, in villa *Bedoni Frisæ*, mense *Maii*, sexta feria ante Pentecostem, cum prædicaretur crux ibidem, triplex forma crucis apparuit, una candida versus Aquilonem, alia versus Meridiem ejusdem coloris & scematis, tertia medio colore colorata, habens crucis patibulum, & figuram hominis in eo suspensam, elevatis

elevatis brachiis & extensis cum infixione clavorum in manibus & pedibus, & capite inclinato, hæc media fuit inter alias duas, in quibus non erat effigies humani corporis. Alia vice etiam in alio loco, in villa *Frixia Suzerhuse*, tempore prædicationis crucis, apparuit juxta solem crux croculei coloris, hanc viderunt plures quam priorem. Tertia fuit apparitio in Dioecesi *Trajacensi*, in villa *Dorchun*, in qua beatus *Bonifacius* coronatus fuit martyrio, ubi in die Martyris ejusdem cum multa millia convenissent ad indictam stationem, apparuit crux alba & magna, ac si trabs ex transverso trabis artificialiter composita fuisset. Hoc signum vidimus omnes, movebatur autem paulatim ab *Aquilone* ad meridiem, credimus itaque duas apparitiones fuisse demonstratas à Deo, ut omnis ambiguitas primæ visionis tolleretur, sic dicit Apostolus de resurrectione Christi quod visus est *Cephæ*, postea duodecim discipulis, deinde plusquam quingentis fratribus.

## CAP. VII.

*Qualiter exercitus Christianorum pervenit ad portum Damietæ.*

**A**Nno gratiæ MCCXVIII. mense *Martio*, applicare cœperunt apud portum *Acconensem* Cogones de Provincia *Coloniensi* cum aliis, paucis tamen, de *Bremensi* & *Treverensi* provinciis. Tunc firmatum fuit consilium, in concilio *Lateranensi* cum Domino *Innocente* Papa bonæ recordationis habito *Romæ*, de introducenda militia Christiana in terram *Ægypti*. Mense *Maii*, post Ascensionem Domini, præparatis Cogonibus, armatis Galeis, & aliis navibus onerariis. Profecti sunt de *Accon* *Johannes* Rex *Jerusalem*. Patriarcha cum Episcopis, *Nicosiensi*, *Bethleemitano*, *Aconensi*, Duce *Austriæ*, magistris Templi & Hospitalium Sancti *Johannis*, & Sanctæ *Mariæ Teutonicarum*, & copiosa multitudine Christianorum. Indicta fuit collectio navigantium apud castrum peregrinorum, sed flante Borea, Rege Duce & magistris domorum in dictum locum venientibus, exercitus Domini prosperis velis præcessit, tertio die perveniens ad portum *Damietæ*. Præfati autem Duces, quia modicam moram fecerunt in prædicto castro, subsequi non poterant exercitum, usque ad sextum diem ab exitu à portu *Aconensi*. Multi etiam qui præparati non erant, moram aliquantulam apud *Acon* post primos navigantes fecerunt, aut omnino remanserunt, aut vi ventorum in *Acon* repulsi sunt, aut per tres vel quatuor hebdomadas jactati per mare moram fecerunt. Archiepiscopus *Remensis*, & Episcopus *Lemoicensis* graves annis remanserunt in *Achon*, *Lemoicensis* mortuus est ibi, *Remensis* vero in passagio sanctæ crucis reversus obiit in via. Applicantes autem ad portum maris *Damietæ* elegerunt sibi capitaneum Comitem de *Sareponte*, & hostilem terram ceperunt, antequam Rex & prænominati Duces subsequerentur, feria tertia sine sanguinis impensa. Cum enim pauci *Sarraceni* equites occurrerent ad portum. *Friso* quidam, fixo in terram genu dextro, sinistra manu circumferens ancile, dextra spiculum vibravit ferreum, intuitus est eum *Sarracenus*, existimans eum ludere, sed subito eques cum equo percussus à *Frisone* corruit ad terram, aliis fugientibus absque omni impedimento castra metati sunt inter littus maris & ripam fluminis *Nili* Christiani, cum admiratione magna subsequantium, quando tentoria fixa viderunt. Hoc etiam mirabile fecit Deus, quod in primo adventu aqua fluminis conjuncta mari dulcis hauriebatur, quæ postmodum falsa fuit multis vicibus, usque ad casale quod distat à *Damietæ* fursum fere per milliare. Modico tempore post adventum Christianorum facta fuit Eclipsis lunæ fere generalis, quæ licet naturaliter in plenilunio plerunque proveniat, quia tamen salvator dixit, erunt signa in sole & luna, hanc Eclipsin contra *Sarracenos* interpretati sumus, quasi portendentem ipsorum defectum, qui sibi lunam attribuunt, in incremento vel

*Consilio, de exercitu in Ægyptum transferendo, in Concilio Lateranensi rato habito, Christiani Mense Maio discesserunt ab Acone Damietam navigaturi.*

*Eclipsis Lunæ.*



vel decremento lunæ vim magnam ponentes. Legitur etiam in *Quinto Curtio*, quod, cum esset *Alexander Macedo*, totius orbis malleus, contra *Darium* & *Porum* profectus de *Græcia* in *Asiam*, & acies hinc inde subsisterent ordinatæ, facta est Eclipsis lunæ, quam *Alexander* pro *Græcis* contra *Persas* & *Medos* interpretatus suos animavit, & pugnans contra *Darium* vicit ipsum.

## CAP. VIII.

*De machinis Christianorum ad turrin capiendam paratis.*

**T**URRIS in medio *Nili* sita capienda fuit ante transitum fluminis. *Frisones* tamen impatientes more solito, transeuntes *Nilum* jumenta *Sarracenorum* tulerunt, & cupientes in ulteriori ripa castra metari stabant pugnantes contra *Sarracenos*, qui obviam ipsis de civitate processerunt, revocati sunt autem per obedientiam, quia non videbatur Principibus nostris expedire, quod turris paganis repleta, post tergum Christianorum relinqueretur. Interim Dux *Austriæ* & Hospitalarii Sancti *Johannis* duas scalas præparaverunt super duos Cogones, *Teutonici* vero & *Frisones* tertiam navim propugnaculis muni- rent castellulo in summitate mali composito absque scalæ suspensione; caput eorum Dux & judex fuit *Adolphus* de *Monte*, vir nobilis & potens, frater *Coloniensis* Archiep. qui ante turrin captam mortuus fuit apud *Damietam*. Scalæ Ducis & Hospitalariorum contra turrin sunt directæ circa festum Sancti *Johannis Baptistæ*; *Sarraceni* viriliter turrin defenderunt, Hospitalariorum scala confracta cum malo cecidit, bellatores suos præcipitans in flumen. Secunda scala Ducis simili modo confracta, eadem fere hora, milites strenuos & armatos corpore decidos secundum animas levavit ad cælum, glorioso martyrio coronatos; *Egyptii* lætati vehementer subsannantes levaverunt voces, tympanizantes, & buccinis perstreptentes; moerorum tristitia Christianos invasit. Navis autem *Teutonicorum* & *Frisonum* inter turrin & civitatem anchoris hærebat fixa, damna plurima per Balistarios, qui intus locati fuerant, inferens *Egyptiis*, præsertim illis qui stabant in ponte, inter civitatem & turrin porrecto. Ipsa vero navis à bellatoribus civitatis turrin & pontis, jaculis, igne Græco impetebatur vehementius: tandem igne correpta fuit, & cum time- rent Christiani ne consumeretur omnino, defensores illius ignem extinxerunt viriliter, & sic tandem sagittis tam intus quam foris, tam castellulo superiori malo, etiam & funibus repleta, cum magno Christianitatis honore reducta fuit ad locum suæ stationis. Non modica etiam damna intulit & sustinuit navis una Templariorum, quæ hujus assultus tempore juxta turrin hærebat. Nos vero considerantes turrin capi non posse Petrariarum vel Tubuculorum ictibus, hoc enim multis diebus fuit attemptatum, nec applicatione castris propter fluminis profunditatem, nec fame propter civitatis vicinitatem, nec suffusione propter aquæ circumfluentis importunitatem, Domino demonstrante, & architecto providente, sumptibus *Teutonicorum* & *Frisonum* eorundemque labore, duos Cogones conjunximus funibus fortissime cohærentes, & socia compaginatione vacillandi periculum prohibentes, quatuor malos & totidem antennas ereximus in eis, in summitate castellulum funium asseribus & opere reticulato contextum collocantes contra machinarum importunitatem. Coriis etiam vestimus illud per circuitum & super tectum, propter vel contra ignem Græcum, sub castellulo fabricata fuit scala fortissimis funibus suspensa & xxx. cubitis ultra proram protensa. Opere brevi tempore consummato invitati sunt ad illud videndum majores de exercitu, ut si aliquid deesset, quod sumptibus vel humano ingenio suppleri deberet, perficeretur; & accepto responso quod tale opus ligneum nunquam ante super aquam compositum fuisset, properandum esse consideravimus quia crebris ictibus machinarum

machinarum pons pro magna parte destructus fuit, qui de civitate ducebat ad turrim hostes fidei. Sexta igitur feria ante Festum Sancti *Bartholomæi*, nudis pedibus cum devotione gentis nostræ ad Sanctum crucem processionem fecimus, ubi implorato humiliter auxilio divino ut res omni careret invidia & vana jactantia. De qualibet gente, quæ tunc erat in exercitu, aliquos ad hujus negotii executionem invitavimus, licet gens *Frisiæ* & *Teutoniæ* sufficeret ad naves implendas & regendas.

## CAP. IX.

*De captione turris à Christianis.*

**D**ie Sancti *Bartholomæi*, feria sexta, cum *Nilus* excrevisset vehementer, & aquarum impetu negotium plurimum impediret, cum multa tamen difficultate & periculo instrumentum hoc contra torrentem à loco, in quo fabricatum fuerat, trahebatur ad turrim. Navis minor hujus machinæ scitia præcessit velificando, clerici nudis pedibus per littus ambulabant supplicantes. Cum ad turrim vecta esset duplex illa compositio, ad latus occidentale non poterat converti, sed ascendendo directe ad plagam *Aquilonarem* applicabatur, funibus & anchoris tandem fixa, licet vis aquarum inundantium illam repellere moliretur. Machinæ sex vel plures directæ fuerunt & collocatæ super turres civitatis ad illud opus concutiendum, sed una perniciosior aliis post paucos ictus contracta fuit & quievit, aliæ autem sine intermissione ad instar grandinis lapides emisérunt. Nec minori periculo navis ad pedem turris collocata substitit. Ignis *Græcus* comminus de turri, & eminus de civitate fulminis instar veniens pavorem incutere potuit, sed per liquorem acetosum, & fabulum, ac extinctoria subventum fuit laborantibus. Jacuit Patriarcha ante lignum crucis prostratus in pulvere, stans clerus nudis pedibus, indutus legitimis stolis clamavit in cœlum. Defensores turris extensis lanceis anteriorem partem scalæ subterinunxerunt oleo; deinde ignem opposuerunt qui erupit in flammæ, cumque Christiani, qui in ea fuerunt, occurrerent ad ignis suffocationem suo pondere caput scalæ deprefferunt, in tantum ut pons tornatilis fronti appositus inclinaretur, signifer Ducis *Austriæ* de scala corruit, *Sarraceni* vexillum Ducis tulerunt. *Babylonii* se vicisse putantes vociferati sunt aerem clamore vexando. Christiani vero de equis descendentes ad supplicationes se prostraverunt, complofis manibus, rigatis vultibus, dolorem, quem pro illis habuerunt, qui discrimen sustinuerunt in flumine, protestando, & totius Christianitatis dispendium. Ad hanc populi devotionem & elevationem manuum in cœlum levavit scalam divina pietas, extinxerunt ignem lachrymæ fidelium. Et sic nostri resumptis viribus cum defensoribus turris, gladiis, aristis, clavibus & aliis instrumentis viriliter pugnauerunt. Miles quidam juvenis *Leodicensis* primus turrim ascendit: *Friso* quidam juvenculus, tenens flagellum, quo granum excuti solet, sed ad pugnandum connexionem catenarum præparatum, ad dextram & ad sinistram fortissime percussit, & quendam tenentem signum croceum *Soldani* stravit, & vexillum abstulit, alii post alios successerunt superatis hostibus, quos resistentes duos senserant & crudeles. O ineffabilis Dei pietas! O inexpugnabilis Christianorum hilaritas: post planctum & luctum; post fletum & gemitum, gaudium vidimus & triumphum. Te Deum laudamus *Benedictus* Dominus Deus *Israelis*, & alia cantica gratiarum, altis & præ gaudio lachrimis mixtis vocibus repetitis laudibus decantavimus. Interim *Sarraceni*, qui in interioribus turris se receperant, igne supposito, superficiem turris combusserunt, victores nostri calorem sustinere non valentes regressi sunt super scalam. Pons vero, qui in inferiori parte operis præparatus erat, dimissus est ad pedem turris, aquis profundis & undique circumfluentibus angustum.



*Turris dedi-  
one capta.*

*Christiano-  
rum princi-  
pum desidia.*

gustum. Malleis ferreis januam aggressi sunt victores, defendentibus eam intrinsecus *Sarracenis*, stabat utrinque opus immobile, asseres scalæ pro parte discussi sunt, & ambitus operis fortissimis postibus compositus in multis locis perforatus machinarum ictibus, ab hora nona feriæ sextæ usque ad horam nonam sequentis sabbati stabat, opus autem reticulatum, quod scalam proteg-  
bat integrum remansit, castellulum, in quo stabant Balistarii, & super illum lapidum jaculatores, tuebatur illos. Tandem inclusi in turri colloquium petebant, & sese sub pactione vitæ dederunt Duci *Austriæ*, præter illos qui nocte præcedente præcipites per fenestram evaserunt turris angustiam, quorum plurimi in flumine submersi sunt & interfecti, captivi numerati sunt ad centum viros. Ab illo die, cum confusi essent *Babylonii* & territi, & ut putabatur ad fugam conversi vel parati, principes nostri ad desidiam & inertiam devoluti sunt, nec imitati sunt *Judam Machabæum*, qui videns quod tempus juvabat ipsum, hostibus non dabat requiem.

## C A P. X.

*De recessu Frisonum & Teutonicorum & adventu aliorum nobilium.*

**C**Ogones se præparabant ad recessum, *Frisonum* & *Teutonicorum* abiit multitudo maxima, in passagio crucis instanti; ad illud passagium venerunt *Romani*, & post illos *Albanensis* Episcopus Apostolicæ sedis legatus, deinde magister *Robertus* de *Corsum* titulo Sancti *Stephani in Celio Monte*, presbyter Cardinalis, *Pariensis*, *Girondinensis*, *Agrensis*, *Hungariensis* Episcopi, qui mortui sunt ante transitum fluminis in sabulo *Damietæ*. Cardinalis *Robertus* similiter venit, & tunc temporis *Burdegalensis* Archiepiscopus, qui moram fecit utilem apud *Damietam*, & Episcopus, *Augustensis*, & electus *Brixensis* qui brevem moram fecerunt, *Luthenensis*, *Mantuanus*, & *Salpensis* Episcopi. Venit & Comes *Nuermensis* qui, imminente periculo, cum Christianorum recessit scandalo. Venit vero *Ranulfus* illustis Comes *Cestriæ*, vir nobilis & potens Regni *Angliæ*, qui longam moram & nimis utilem fecit apud *Damietam*, tandem cum favore totius exercitus recessit. Comes *Marchiæ* & Comes *Barri* & filius ejus, qui ibidem diem clauserunt extremum, cum fratre *Willielmo* de *Carnoto* magistro militiæ Templi. Venerunt tunc *Hervicus* de *Ursone*, *Herius* de *Totte*, *Oliverus* filius Regis *Angliæ*, & multi alii equestri ordinis & plebei, qui apud *Damietam* mortui sunt, multi pro Christo martyres, plures in Christo confes-  
sores apud *Damietam* rebus humanis exempti migraverunt ad Dominum.

## C A P. XI.

*De morte Saphadini & assultibus Sarracenorum, & de inundatione Nili & peste Christianis perniciosa.*

**S**apiens corde & fortis robore, qui facit magnalia, & inscrutabilia, & mirabilia, quorum non est numerus; qui excelsos judicat, qui ponit humiles in sublimi, ipse magnificatus est solus in obsidione *Damietæ*, non enim, ut in aliis expeditionibus contra *Sarracenos* diversis temporibus ordinatis per humanum consilium aut bellatorum ministerium, sed per semetipsum, quod petere non præsumpsit homo, per suæ divinitatis potentiam mirabiliter operatus est; non Regibus, non aliis Principibus, vel nationibus, sed nomini suo dans gloriam: ut in nobis peccatoribus completa sit promissio prophetica, vos tacebitis & Dominus pugnabit pro vobis. Post captam, inquam, turrin in profundo fluminis

minis *Nili* sitam, *Saphadinus* inveteratus dierum malorum dolore, sicut affe-  
 ritur, tactus nimio, exhæredator fratrueium suorum, & usurpator Regnorum  
*Asie* mortuus est, & sepultus in inferno. Postmodum in festo Sancti *Dionysii*  
*Sarraceni* cum Galeis armatis improvise venientes, & principia castrorum, ubi  
*Romani* tentoria fixerant, invadentes, modica manu Christianorum repulsi sunt  
 recurrentes celeriter ad Galeas, qui gladios prosequuntur ac fluminis vora-  
 ginem evadere non potuerunt. Sicut autem olim *Aegyptii* in aquis vehemen-  
 tibus maris rubri, sic in *Nilo* submersi sunt circiter ad mille quingentorum nu-  
 merum, sicut à *Sarracenis* postea didicimus. Sane in festo Sancti *Demetrii*,  
 qui frater uterinus beati *Dionysii* fuisse dicitur, summo diluculo castra Templariorum  
 invaserunt hostes & modicum damnum non inferentes, per expeditos  
 equites nostros fugati sunt ad pontem, quem procul à nobis in superiori parte  
 fluminis construxerant, & ibidem interempti sunt ad numerum quingentorum,  
 sicut à transfugis intelleximus. Porro, quia multi de populo Christiano pla-  
 cuerunt Domino, necesse fuit ut tentatio probaret eos. *Jonas* pro angustia tem-  
 pestatis in mare missus & ventre piscis conclusus probatus rediit ad aridam.  
 Apostolus triplici naufragio tribulatus evasit, populus Domini triduo jeju-  
 nio præmissus, quod clerus in pane & aqua servavit obedienter, & multis pro-  
 cessionibus ordinatis à venerabili Domino *Pelagiano Albanensi* Episcopo, Apo-  
 stolicæ sedis legato tentari meruit: nam in vigilia beati *Andree* Apostoli, media  
 nocte, intumuerunt fluctus maris crescentes, & excursus terribilem facientes  
 usque ad castra fidelium; ab alia parte fluvijs inundans nos occupavit incau-  
 tos, natabant tentoria, perierunt cibaria, pisces fluviales & marini se quasi ni-  
 hil timentes cubiculis ingerebant, quos manibus cepimus, quibus tamen deli-  
 ciis carere volumus; &, nisi consilio spiritus Sancti ante provisum fuisset, in  
 fossato, quod tamen in alios usus factum fuerat, mare conjunctum flumini ho-  
 mines cum jumentis, naves cum armis, & victualibus detraxisset ad hostes.  
 Nec tamen hoc periculum evaserunt quatuor Cogones, super quos ædificata  
 fuerant propugnacula ad capiendam civitatem, qui uno impetu cum quinta  
 navi, quæ inter eos habebatur ad oppositam ripam, vi ventorum præcipitati,  
 ante oculos nostros sunt igne Græco combusti, pepercit Dominus operibus  
*Frisorum* & *Teutonicorum* quibus turris capta fuit. Naves onerariæ, quæ in  
 portu maris stabant, ruptis repente funibus perierunt. Duravit hæc tempe-  
 stas per triduum continuum, quo elapso Dominus, qui consolatus est nos in  
 tribulatione nostra, imperavit ventis & mari, stare faciens ipsum à furore suo.  
 Invasit præterea multos de exercitu quædam pestis, contra quam Physici nul-  
 lum ex arte sua remedium invenire poterant: dolor siquidem pedes invasit re-  
 pentinus & crura, & conjunctim caro corrupta gingivas & dentes obduxit, ma-  
 stigandi potentiam auferens, tibias horribilis nigredo fuscavit, & sic longo  
 tractu doloris afflicti cum multa patientia migraverunt ad Dominum plurimi;  
 quidam autem usque ad tempus vernaes durantes beneficio coloris evaserunt  
 liberati. Post dictam tempestatem naves parabamus ad transitum fluminis,  
 quæ cum magno periculo fursus ascendentes, inter civitatem & turrin cap-  
 tam machinis & igne Græco cum jaculis plurimum sunt impeditæ, unde acci-  
 dit ut una navis Templariorum vi torrentis rapta prope ripam civitatis præci-  
 pitaretur ad hostes, qui cum barbatis & uncis ferreis ipsam impugnaverunt  
 diutius, ignem Græcum cum lapidibus desuper de turribus projicientes; & cum  
 sic prævalere non valerent, propter defensorum audaciam, certatim navem  
 ascendentes, præcipientes in eam descenderunt ad Templarios, ubi cum diutius  
 pugnaretur, tandem navis perforata, sive ab hostibus sive à nostris incertum ha-  
 bemus, profundum petiit, submergens *Aegyptios* cum Christianis, adeo ut fum-  
 mitas mali appareret super aquam: & sicut *Sampson* plures stravit moriens  
 quam vivens, sic & isti martyres plures secum traxerunt in aquæ voragine quam  
 gladiis interficere potuissent. Cives autem *Damietæ* cruentam victoriam su-  
 am fere septem diebus planxerunt, exinde pontem reparantes, aperturam adeo  
 reliquerunt angustam, ut naves nostræ sine periculo transire non possent.

*Saphadinus*  
obit.

*Sarracenorum*  
1500. in *Ni-*  
*lo* flumine  
submersi.

*Christianorum*  
classis  
vehementi  
maris pro-  
cella tridu-  
um jactata  
multum dam-  
ni passa est.

*Pestis exer-*  
*citum Chri-*  
*stianorum in-*  
*vadit.*



## CAP. XII.

*De ponte destructo à Christianis, & fuga Soldani, & obsidione Damietæ.*

**T***Eutonici* vero & *Frisones* zelo justæ indignationis accensi, obsequio navis cujus ministerio turris fuit capta, quam *Gallici* sanctam martyrem appellarunt, pontem viriliter invaserunt, auxilium non habentes nisi de cœlo. Pauciores autem viri quam decem de gente prædicta contra omnem fortitudinem *Babyloniorum* pontem ascendentes, spectante multitudine Christianorum, & hanc audaciam plurimum extollente, fregerunt eundem, & sic cum quatuor navibus, super quas erat pons fundatus, reversi sunt cum triumpho, liberam viam & apertam sursum velificantibus relinquentes. His ita gestis *Sarraceni* periculum quod eis imminebat attendentes, ripam nobis oppositam fossatis & argillofa materia cum propugnaculis ligneis altis munierunt, machinas & Petrarias locantes ibidem, nobis spem auferentes per locum illum transeundi. Casala vero quæ per milliare distat à civitate, ubi hæc nova munitio terminabatur, per transversum fluminis navium immersiones fecerunt, cum palis infixis gurgiti. Nihilominus Apostolicæ sedis legatus desiderium bonum habens obsidendi civitatem, naves superius congregatas urgebat ad transitum. Unde *Cogones* propugnaculis & castellulis; viris & armatis muniti, cum *Galeis* & aliis navibus sequentibus, Christo duce præscriptas immersiones evaserunt. Hostes autem dissimulato metu tres ordines armatorum stationi navium nostrarum composuerunt, unam peditum super ripam, cum clipeis, quos *Targias* appellant, linealiter ordinatam, secundam post dorsum illorum similem priori, tertiam equitum longam & terribilem, ictibus lapidum & telorum plurimum vexantibus stationem Christianorum. Sane nocte solennitatis Sanctæ *Agathæ* Virginis & Martyris, cum coadunatus esset populus fidelium, qui sequenti die transiturus erat, pluvix & venti multum discrimis & difficultatis addiderunt nostris; sed fidelis Deus, qui non patitur suos tentari super id quod possunt, respiciens ad castra fervorum suorum, quod secundum causas inferiores difficile fuerat vel impossibile, convertit in facilitatem & gaudium, suæ virtutis innovans miracula. Post mediam siquidem noctem tantum pavorem Soldano *Babyloniæ* & Satrapis ejus incussit, ut relictis castris, ignorantibus etiam *Ægyptiis*, quos ad resistendum ordinaverat, in sola fuga spem poneret. Quidam Apostata, qui multo tempore Christianorum legem transgressus, cum Soldano militaverat, stans in ripa *Gallicæ* clamabat, quare moramini? quid trepidatis? quid hæsitatis? Soldanus abiit, & hoc dicto se in naviculam Christianorum recipi postulavit, ut in potestate eorum positus fidem dictis faceret. Summo igitur diluculo, cum inchoatum esset officium *Misæ* diei festi per oratoria Christi. Gaudeamus omnes in Domino, renunciata sunt hæc Legato, Regi, & aliis; itaque fugientibus *Ægyptiis*, nostri certatim, & alacriter, & absque omni impedimento hostium & sanguinis impensa transferunt. Sed adeo limosa & profundioribus aquis difficilis fuit ad applicandum terra hostilis, ut vix equi sine fessoribus & fellisejectis possent ascendere. Templarii præduces, in ascensu equorum erectis signis, prospero cursu ad civitatem festinaverunt struentes perfidos, qui audacter de portis egressi venientibus occurrerunt. Non gloriabitur securis contra eum qui secatur in ea, neque ferra qui trahit in ea, miraculum istud cui æquabimus? vel cui comparabimus? nisi ei quod legitur de *Benhadad* Rege *Syriæ*, qui obsedit *Samaritam*, arctans eam plurimum, cui Dominus tamen immisit terrorem, ut relictis castris fugeret, & sicut per leprosum, qui erat in introitu portæ, illa fuga *Assyriorum* nunciata fuit *Samaritanis*, ita per leprosum in anima præfatum, viz. Apostatam, nunciata fuit *Ægyptiorum* fuga, & sicut ille populus *Samaritanorum*

*Soldanus Babylonix præcipiti fuga salutis suæ consuluit.*

*norum* spolia in castris *Assyriorum* relicta collegit, sic noster exercitus tentoria & manubias fugientium diripuit, targias plurimas & omnes *Galeas* in barbotis & aliis navibus, quæ infra casale usque ad civitatem inveniebantur, cum aliis spoliis victores occupaverunt. Multi bellatorum relictis uxoribus ac parvulis, territi propter inopinatum transitum, fugerunt de *Damietta*, & sic per girum, ac firmiter obfessa est civitas, exercitu exercitui continuato per pontis compositionem, utramque ripam fluminis contingentem. Per desidium autem & inertiam eorum, quorum nomina Deus scit, factum est ut hostes resumptis viribus & animis, adveniente etiam *Coradino* cum *Alapinis*, & cum magna multitudine locum illum occuparunt, à quo nostri transitum miraculosum fecerant, & sic nos obsidentes civitatem ipsi periculosius obsederunt, & nisi per divinum consilium prima castra, quæ erant inter mare & fluvium, retenta fuissent maxime per *Teutonicos* & *Frisones*, portus nobis ablatus fuisset, & negotium plurimum vacillasset. Ut autem miraculum transitus magis claresceret, & soli Christo firmiter ascriberetur, ad tantam *Sarraceni* pervenerunt temeritatem, ut diluculo Sabbati ante Dominicam, qua cantatur oculi mei semper vobiscum, tale periculum non prævidentibus, cum multitudine gravi propius accederent, & usque in fossatum se præcipitarent, sed divino auxilio cum damno equitum & peditum repulsi sunt.

*Damietta à Christianis obfessa*

## CAP. XIII.

*De destructione Jerusalem à Coradino, & irruptione in Christianos facta.*

**A**Nno gratiæ MCCXIX. Regina civitatum *Jerusalem*, quæ videbatur inexpugnabiliter munita, destructa est à *Coradino* filio *Saphadini* foris & intus, muri ejus cum turribus redacti sunt in acervos lapidum, præter Templum Domini & turrim *David*. De sepulchro Domini destruendo consilium habuerunt *Sarraceni*, & per litteras comminati sunt, quas civibus *Damietæ* transmiserunt ad solatium ipsorum: sed huic temeritati nemo præsumpsit manus apponere propter loci reverentiam, sicut enim in *Alcorano*, libro legis eorum, scriptum habent Jesum Christum Dominum nostrum, credunt de *Maria* virgine conceptum & natum, quem sine peccato vixisse prophetam, & plusquam prophetam, protestantur, cæcos illuminasse, leprosos mundasse, mortuos suscitasse, firmiter asserunt, verbum & spiritum Dei & vivum ad cælos ascendisse non discredunt: unde tempore treugarum sapientes ipsorum *Jerusalem* ascendebant, codices Evangeliorum sibi postulabant exhiberi, & osculabantur, & venerabantur, propter munditiam legis, quam Christus docuit, & maxime propter Evangelium *Lucæ* missus est Angelus *Gabriel*, quod literati sæpius inter eos repetunt & retractant. Lex autem eorum, quam Diabolo dictitante ministerio *Sergii* monachi & apostatæ, ac hæretici, *Mahometus Sarracenis* dedit *Arabice* scriptam, à gladio cœpit & per gladium tenetur, & in gladio terminabitur. *Mahometus* iste illiteratus fuit, sicut ipse protestatur in *Alcorano* suo, & quæ prænominatus hæreticus dictavit, ipse promulgavit, & per comminationes observari statuit, luxuriosus enim fuit & bellicosus; ideoque de immunditia & vanitate legem statuit, quam carnaliter viventes in parte voluptatis firmiter observant, & sicut legem nostram veritas & munditia munivit, ita errorem ipsorum timor mundanus & humanus, ac voluptas carnalis firmissime custodiunt.

*Mahometanorum opinio de Christo.*

*Mahometus Sergii Monachi ministerio legem suam composuit.*

In die Palmarum anni præscripti, inimici nostri, multa comminatione præmissa, quod seipsos vel nos omnes una die perderent, collecto terribili & innumerabili exercitu equitum & peditum irruerunt super nos, undique fossatum nostrum invadentes, & maxime pontem Templariorum & Ducis *Austriæ*, quem ipse cum *Teutonicis* defendere studuit. Hostes cum electis militibus



fuis de equis fuis descendentes cum Christianis atrociter pugnaverunt, ceciderunt hinc inde mortui & vulnerati multi, tandem prævaluerunt adeo, quod pontem ascendentes partem ejus combusserant. Dux *Austriæ* præcepit fuis ut, ponte relicto, aditum darent instantibus & introitum, sed intrare non præsumpserunt, propter militiam nostram, quæ acies suas ordinaverat in subsidium munitiones defendentium. Mulieres aquam & lapides, vinum & panes nostris intrepide ministrabant bellatoribus, orationi sacerdotes insistebant, vulnera fauciatorum ligantes & benedicentes. Eo die non est nobis datum spatium gestandi alias palmas quam Balistas, & arcus cum sagittis, lanceas, & gladios cum clipeis, adeo instabant & vexabant nos atrociter, qui venerant ad perdendum nos, studio liberandæ civitatis, ab ortu solis usque ad horam fere decimam: tandem retraxerunt se defatigati cum damno maximo.

## CAP. XIV.

*De recessu Ducis Austriæ & bellis Christianorum contra Sarracenos, & interitu plurimorum ex utraque parte, & pace vel treugis à Sarracenis ultro oblati.*

*Ducis Austriæ pietas & liberalitas.*

Instabat jam pasagium vernale, recessurus erat Dux *Austriæ*, qui per annum & dimidium Christo militaverat, plenus devotione, humilitate, obedientia, largitate; qui præter alios sumptus innumerabiles, quos in negotiis bellicis & in privatis eleemosinis fecerat, domui sanctæ *Mariæ Teutonicorum* sex millia marcarum argenti vel amplius ad comparandum prædium creditur contulisse, in Kal. *Maii* magna multitudo peregrinorum cœpit recedere, nobis in summo periculo relictis. Sed pater noster benignus & misericors dux & propugnator noster, protector & defensor sperantium in se, cui facile est in paucis sicut in multis vincere, Christus Jesus non permisit incredulos simul in nos irruere, donec novi recentisque peregrini cum copioso succursu supervenirent; copia victualium & equorum nutu divino transmissa collectionem fidelium lætificavit. Instaurato igitur fidelium numero in festo Ascensionis, dum more solito per terram & per aquam irruerunt perfidi, & multoties sic attentantes prævalere non valuerunt, particulariter etiam prope castrum nos provocabant damnificantes & damnificati. Pridie vero Kal. *Augusti* omnem, quam habere poterant, adducentes copiam post diutinos assultus; tandem fossatum contra militiam Templi transeuntes, & licias violenter rumpentes, pedites nostros verterunt in fugam, adeo totus exercitus Christianorum jam periclitaretur, milites de *Francia* seculares & equites, ter conati sunt ipsos repellere contra fossatum, sed non potuerunt; *Sarraceni* siquidem intra moenia nostra, fractis munitionibus nostris ligneis, equitum ac peditum acies ordinaverunt. Clamor ortus est insultantium, omnis multitudo eorum præparant sequelam. Timiditas acta est Christianis, sed spiritus, qui induit *Gideonem* animavit Templarios, magister Templi cum Marefcallo, cæterisque fratribus, qui tunc aderant, per exitum angustum impetu facto viriliter in fugam convertit incredulos. Domus *Teutonicorum*, & Comites alique milites de diversis nationibus, videntes Templi militiam in periculo constitutam, festinanter per exitum sibi contra positos tulerunt auxilium, sic pedites *Sarracenorum* abjectis clipeis interficiebantur, prætereos quos fuga præcipientes percussoribus abstulit. Post equites nostros egressi pedites nostri, per modicum spatium se retraxerunt hostes, acies hinc inde substituerunt armatæ, donec crepusculum vespertinum prælium interemit. *Sarraceni* priores abierunt, occisorum corpora perfidorum strata jaciebant juxta fossata plurima, præter eos qui fauciati graviter vel leviter reducti sunt ad castra. Sic salvavit Dominus in die illa sperantes in se, per virtutem Templariorum, & eorum qui ipsis cooperati discrimini



discrimini se commiserunt. Pauci de nostris interfecti sunt & capti. Instrumenta contra civitatem parata combusta sunt à defensoribus fere omnia præter scalas *Januenses*. *Pisani Venetiani* firmiter asseriebant se civitatem expugnatos per quatuor naves, super quas scalæ pendebant, sed ipsi non erant de genere virorum illorum, per quos facta est salus in *Israel*; volebant enim facere sibi nomen cum tubis & calamillis & signis multis progressi; legatus Apostolicæ sedis sumptus eis præbuit copiosos de communi, Rex & alii cordas & anchoras, prout requirebant, exhibuerunt abundanter. Aggredientes itaque civitatem, primo die multos interfecerunt & vulneraverunt, & quanto sæpius assultus postmodum fecerunt, tanto magis muri firmati sunt ligneis castellulis ac liciis, defensores etiam robustius & efficacius se venientibus opposuerunt, & sic scalæ mutilatæ per ignem ac pluries reparatæ, tandem infecto negotio ductæ sunt ad ripam; & sic derehensum est & vivaciter intellectum, sola virtute divina *Damietam* in manus Christianorum fore tradendam. Nos vero insensati & immemores beneficiorum Dei, ac mirabilium, quæ fecit, provocamus oculos divinæ majestatis contra nos, & per desidiam majorum & immurmurationes minorum, pedites equitibus improperabant ignaviam, equites pericula peditum quando contra *Sarracenos* egrediebantur dissimulabant. Unde factum est ut, rationibus exigentibus culpis, in decollatione sancti *Johannis Baptistæ*, licet vix invenirentur qui in custodia castrorum remanerent, navalem & terrestrem exercitum equitum & peditum educentis ad castra *Babyloniorum* tenderemus inter mare & fluvium, ubi dulcis aqua reperiri non poterat ad potandum. Ipsi vero sublatis tentoriis fugam simulabant & cum processum fuisset à nostris, adeo quod appareret adversarios nolle configere directa fronte, capitanei nostri longum iniere consilium utrum procederent an redirent. Discors inter eos sententia fuit. Interim solutæ sunt acies præter ordines illorum, quos in disciplina militari legavit obedientia. Equites *Cypri* in dextro cornu constituti, *Sarracenis* incursum facientibus à latere timiditatem suam ostenderunt. *Italici* pedites primo fugerunt, post equites de varijs nationibus, & quidam Hospitalarii sancti *Johannis*, legato Apostolicæ sedis & Patriarcha, qui crucem bajulabat, multum sed frustra supplicantibus ut subsisterent; æstus solis erat vehemens, pedites armorum pondere premebantur, calorem auxit labor viæ, & qui secum vinum detulerunt in angustia sitis biberunt illud purum propter defectum aquæ. His omnibus occurrentibus, qui subsistentes se defenderunt, & post primitivos fugientes anhelos cursu terga dederunt, & extincti sunt sine vulneribus corruentes. Rex vero cum Templariis, & domo *Teutonicorum*, & Hospitalariis sancti *Johannis*, & *Cestrie*, & *Hoilandie*, & de *Witthe*, & de *Salabruge* Comitibus, *Waltero Britoldi* qui apud *Damietam* post captionem civitatis diem clausit extremum, *Reginaldo de Ponte*, *Francigenis*, *Pisanis*, aliisque militibus impetum persequentium sustinuerunt. Rex igne *Græco* fere combustus fuit. Hi omnes pro muro fuerunt fugientibus, quoties facies suas ostendebant hostibus illi fugerunt, quando vero gradatim revertebantur, ictus & tela sustinuerunt inimicorum. Capti sunt in illa defensione Christianitatis electus *Belvacensis*, *Andreas de Natoli* frater ejus, Vicecomes *Belli Montis*, *Galterius Domini Regis Franciæ* camerarius & filius ejus, cum *Johanne de Arcis* viro nobili & strenuo, & alii multi, qui trucidati sunt, & in captivitatem ducti: Templarii triginta tres capti vel occisi sunt cum Marescallo Hospitalis Sancti *Johannis*, & quibusdam aliis fratribus ejusdem domus, nec evasit sine damno domus *Teutonicorum*. Militia Templi, quæ prima solet esse in congressu, ultima fuit in regressu, unde cum ad fossatum nostrum novissimum rediret foris substitit, ut anteriores intra moenia, quantum possibile fuit, reduceret. Persecutores ad captivos deducendos & spolia colligenda tandem redierunt, sicut intelleximus postmodum à *Sarraceno*, quinquaginta capita Christianorum *Soldano* præsentantes. Mœror nostros occupavit, sed nulla desperatio; pro certo enim habemus quod poena peccati fuit hæc castigatio, & minus erat in poena quam exegerat culpa, ipso tentante

*Christiani à  
Saracenis in  
fugam versi.*



*Soldanus pacem vel inducias Christianis offert.*

tentante vindictam, qui dicit animæ peccatrici, tu fornicata es cum multis amatoribus, tamen revertere ad me & ego respiciam te. Constat autem nobis quod in præcipua sua militia luctuosa sibi damna sustinuerunt increduli. Sane miserator Deus qui non obliviscitur misereri, nec continet in ira sua misericordias suas, qui in tribulatione peccata dimittit, qui dixit de tenebris lucem splendescere, luctum nostrum convertit in gaudium, moerorem in lætitiā, nam *Soldanus* unum de captivis nostris mittens, de pace vel de treuga nobiscum tractare cœpit, in quo tractatu fossatum nostrum, & munitiones nostras alias reparavimus alacriter.

## CAP. XV.

*De intermisso pacis tractatu per recessum quorundam Christianorum, & de angustia in Damietta obsessorum.*

*Pestis Damietæ grassatur.*

**I**Nterim nautæ Christianitatis proditores, & cum eis peregrini plurimi, magis seipso amantes quam fratribus compatiētes, ante tempus consueti passagii agonistas Christi in summo periculo reliquerunt, elevatis velis abjecto portu, nobis mœstitiam, *Babyloniis* audaciam contulerunt, qui tractatum pacis intermittentes in vigilia sanctorum *Cosmæ & Damiani*, & sequenti die festo proximo, etiam Sabbato, cum Galeis & barbotis per fluvium, cum Mangunellis & targiis fruticibus, pro implendo fossato, per terram, feritate barbarica, & impetu consueto nos impetierunt; sed durus bellator triumphator in *Israel* solita usus gratia castra sua defendit. Misso per mare *Savareo de Malo Leone*, cum Galeis armatis, & bellatoribus plurimis, in ipso necessitatis articulo, & nos clamantes in cœlum, nec trepidantes apud prælium, sed viriliter resistentes, interfectos fauciatos & confusos ab insultu triduauo recedere coegimus, ipsius virtute qui salvat sperantes in se. Interea civitas obsidione longa, ferro, fame, & pestilentia graviter & ultra quam scribi possit afflictā, in sola pace quam *Soldanus* civibus promisit, spem posuit, adeo enim in ea fames invaluit, ut cibi desiderabiles deessent; panis corruptus abundavit in ea, durabilis non est annona *Ægypti* propter molles glebas, in quibus crescit, nisi superius circa partes *Babylonis* artificiose conservaretur in annos, & sicut audivimus coctanum unum undecim Bisantios vendebatur in ea. Ex angustia famis diversa morborum genera vexabant eos, & inter cætera incommoda, quæ sustinuerunt noctibus, velut aorisia percussi apertis oculis nihil videre dicebantur. *Soldanus* de die in diem vanis promissionibus ipsos à deditioe dehortatu decepit miseros. Postremo portas suas obstruxerunt intrinsecus, ne aliquis ad nos veniens de suis nuntiaret quomodo dies afflictionis possederunt eos, si qui vero per posticum vel de muris per funes evadere potuerunt, inflati & famelici civium suorum angustiam probabant evidenter, illis etiam qui foris in exercitu *Sarracenorum* nos obsederunt copia panis & pabuli cœpit decrescere.

## CAP. XVI.

*De pace Christianis interim oblata.*

*Quo tempore Nilus crescere soleat.*

**N**ilus siquidem, qui post festum Sancti *Johannis Bapt.* usque ad exaltationem sanctæ Crucis solet accrescere, & *Ægypti* planitiem irrigare hoc anno more suo non ascendit ad signum, quod solent apponere *Ægyptii*, sed prout intelleximus, magnam partem terræ siccam reliquit, quæ nec arari nec seminari poterat suo tempore; unde *Soldanus* caritiam timens & famem, etiam a-

more

more retinendæ *Damietæ*, talem pacem cum fratre suo *Coradino* Christianis obtulit, ut crucem sanctam, quæ olim capta fuit in victoria *Salahadini*, cum civitate sancta & omnibus captivis, qui per Regnum *Babylonis* & *Damasci* vivi reperiri possent, sumptus etiam ad reparandos muros *Jerusalem* redderet: insuper Regnum *Jerusalem* totaliter restitueret, præter *Craccum* & *Montem Regalem*, pro quibus retinendis tributum obtulit quamdiu treuga duraret. Sunt autem hæc duo loca in *Arabia* sita, septem munitiones firmissimas habentia, per quæ negotiatores *Sarracenorum*, & etiam peregrini ipsorum *Mecham* tendentes, vel ab ea revertentes transire solent, & qui potenter tenuerit *Jerusalem*, cum voluerit, graviter nimis cum agris & vineis lædere poterit. Hanc compositionem acceptandam esse & utilem Christianis Rex & *Francigenæ*, Comes vero *Cestriæ* cum capitaneis *Teutonicorum* censuerunt pertinaciter, [rejiciendam:] nec hoc mirandum fuit, qui longe minori pace, quæ prius oblata fuerat, contenti fuissent, nisi sano consilio eis obviatum esset. Legatus autem, cum Patriarcha & Archiepiscopis, Episcopis, Templariis, ac omnibus *Italiæ* capitaneis, multisque aliis prudentibus viris, efficaciter huic tractatui se opposuit, rationabiliter ostendens ante omnia *Damietam* fore capiendam: opinio diversa peperit discordiam, quæ cito solidata fuit propter communem necessitatem. Interea *Soldanus* magnam multitudinem peditum clanculo per loca palustria misit de nocte ad civitatem, quo ducenti XL. Christianis dormientibus, litias fuerunt ingressi, Dominica nocte post festum omnium sanctorum; tandem per amorem Vigil. occisi sunt & capti, ad CC. & plures computavimus.

*Diffidium  
Chri. iano-  
rum de pace  
ipsis à Solda-  
no oblata.*

## CAP. XVII.

*De captione Damietæ per Domini voluntatem.*

**N**Onas *Novembris* salvatore mundi regnante, & Domino *Pelagio Albanensi* Episcopo Apostolicæ sedis legatione solerter ac vigilanter fungente, capta est *Damietæ* absque deditioe, sive defensione, sive violenta deprædatione cum tumultu, ut soli filio Dei ascribatur evidenter victoria, qui populo suo ingressum in *Ægyptum* inspiravit, & ibidem vires ministravit. Et cum caperetur civitas in oculis Regis *Babylonis*, more solito non fuit ausus Christi milites ad defensionem paratos per fossatum nostrum aggredi. Eodem etiam tempore fluvius excrevit uberrimus, aquis fossatum implens. Ipse vero *Soldanus* confusus castra propria combussit & fugit. Deus autem, qui tertia die aquas sub firmamento in locum unum congregavit, ipse agonistas suos per aquas maris ad portum *Damietæ* perduxit mense *Marii* feria tertia: eosdem transfudit per *Nilum* ad obsidendam civitatem mense *Februarii* feria tertia: ipse cepit *Damietam* inter aquas sitam mense *Novem.* feria tertia. Hanc urbem vitulæ consternanti, quæ tertio terræmotu subversa est, possumus assimulare; vitulam appellamus propter ejus lasciviam, piscibus enim, avibus, pascuis & frumento, hortis & pomeriis abundavit; negotiando, piraticam exercendo, deliciis effluxit in culpa, perfluit in gehenna, sed una hora venit judicium ejus. Consternantem dicimus, quia quasi tertio terræmotu habitatores ejus perierunt, ipsa tamen integra manente. A *Græcis* & *Latinis* primo fuit obsessa, qui ab ea defecerunt. Deinde à *Latinis* sub *Amalrico* Rege *Jerosolymitano*, qui non profecerunt. Hac vice tertia Rex Regum & Dominus dominantium servis suis ipsam tradidit [duce] Christo Jesu, qui vincit Regnat & imperat, qui semitis irrigua siccavit, *Ægyptios* confudit operantes sericum & bisum plectentes, & texentes subtilia. Tali duce Christiani milites *Damietam* ingressi, plateas ejus invenerunt stratas cadaveribus mortuorum, pestilentia & fame deficientium, aurum & argentum multum nimis, pannos sericos negotiatorum in abundantia vestes preciosas, & ornatum seculi cum varia suppellectile in super-

*Damietæ bis  
frustra obse-  
sa, tandem à  
Christianis  
expugnatur.*



abundantia. Civitas hæc, præter naturalem situm loci, communitur triplici cincta muro, turribus lateritiis multis & magnis fortissime præmunita, clavis & antemurale totius *Ægypti*, inter *Rameffe* & *Campothaneos* sita, in terra, ut con-jicere possumus, *Goshen*, quia pascualis est, quam petierunt filii *Israelis* à *Pha-raone* tempore famis.

## CAP. XVIII.

*De pestilentia, quæ Damietæ cives vastavit.*

**D**amietta Damietta incluta in Regnis, famosa multum in superbia *Babylonis*, in mari dominatrix, Christianorum spoliatrix, in ascensu persecutorum per paucas & modicas scalas comprehensa, nunc humiliata es sub potenti manu Dei, &, adulterio quod diu tenuisti projecto, reversa es ad virum tuum priorem, & quos prius parturiebas spurios, amodo paries filios legitimos, ad cultum filii Dei firmiter à cultoribus Christi possessa. *Achonenfis* Episcopus jam ex te primitias animarum Deo solvit, parvulos tuos, qui reperti sunt ab ipso vitales, etiam morti proximos baptismatis in unda sacramentaliter munda-do: multiplices solvisti poenas; præter eos qui vivi comprehensi sunt in te, mortui tui promiscui sexus à tempore obsidionis in circuitu computantur ad triginta millia & amplius, quos sine ferro vel igne Dominus percussit, amodo sustinere dedignatus spurcitas in te commissas. Gaudeat igitur universalis Ecclesia, dignas gratiarum actiones referendo, pro tali triumpho: & non solum pro *Damietta*, sed pro destructa perniciofa montis *Tabor* munitione, & aditu libero ad *Jerusalem*, ut ædificentur muri ejus, tempore ab altissimo proviso: pro castro præterea filii Dei, quod magnis sumptibus ædificat viriliter & inexpugnabiliter militia Templi, de quo superius plenius scriptum est. Contrivit Dominus baculum impiorum, confregit cornu superborum, terribilis in consiliis super filios hominum, portas *Damietæ* potenter aperuit. Ingredientibus itaque nobis occurrit foetor intolerabilis, aspectus miserabilis, mortui vivos interficiunt, vir & uxor, pater & filius, Dominus & servus se mutuis foetoribus interemerunt: non solum plateæ mortuis erant plenæ, sed in domibus, & in cubiculis, & lectis jacebant defuncti, extincto viro mulier impotens surgere & sublevantis carens solatio putredinem non ferens expiravit: filius juxta patrem, vel à converso ancilla juxta Dominam, vel vice versa, languore deficiens jacebat extincta: parvuli petierunt panem, non erat qui frangeret eis; infantes ad ubera matrum pendentes inter amplexus morientium oscitabant: delicati divites inter acervos tritici interierunt, deficientibus cibis in quibus erant nutriti: pèpones & allia, cepas & altilia, pisces & volatilia frustra desiderantes: multitudo vulgi contracta, vel oris molestia diutius fatigata, deficiens aruit: completum est in eis Prophetæ vaticinium, pro suavi odore foetor quasi cadaver putrescens, non habens consortium in sepultura.

## CAP. XIX.

*Numerus eorum qui perierunt à principio obsidionis in civitate.*

**O**ctoginta fere millia, sicut captivis referentibus didicimus, à tempore quo perfecta est obsidio, perierunt in civitate, eis quos sanos vel languidos invenimus quasi tria millia, quorum trecenti spectabiliores utriusque sexus ad

ad redemptionem captivorum nostrorum reservantur; alii mortui sunt post victoriam, alii magno pretio venditi, alii baptizati Christo donati sunt.

## CAP. XX.

*De Divitiis in civitate repertis.*

CIVITAS hæc gradatim murata, primum murum habet humilem ad custodi- *Damietta ci-  
vitas muni-  
tissima.*  
 am fossati, secundum altiore, tertium eminentiore secundo, murus  
 medius viginti octo turres habet principales, binas vel trinas testudines con-  
 tinentes, quæ omnes remanserunt integræ cum muris, præter unam, quæ cre-  
 bris ictibus Trebuculi Templariorum concussa fuit aliquantulum. Adeo  
 enim exercitus noster ad pigritiam resolutus fuit, ut milites otio dediti negli-  
 gerent opus Dei, vulgus ad tabernas & negotiationes fraudulentas se conver-  
 tit. Catti duo ad fossatum implendum magnis sumptibus compositi fuerunt,  
 quorum alter in custodia Regis, alter in custodia Romanorum combustus fuit,  
 cum adhuc potentes essent Saraceni custodes civitatis: fossæ duæ subterraneæ  
 factæ fuerunt ad suffodienda fundamenta murorum; sed labor iste frustra-  
 tus fuit post expensas plurimas, sed Dominus civitatem dare voluit integram  
 sine damno capientium eam & virtute. In Commune juravimus omnes, ut *Spolia æ qua-  
liter divisa.*  
 asportata de civitate spolia redderentur inter victores dividenda: hoc etiam  
 sub anathemate terribili præceptum fuit à Legato sedis Apostolicæ, transgres-  
 sores perpetuo remanebunt infames, cum Achan, qui furatus fuit de Anathe-  
 mate Jerico, computandi: verum concupiscentia oculorum plurimos fures  
 fecit; percepimus tamen ad utilitatem reipublicæ magnam partem delicia-  
 rum Ægypti in auro & argento, perlis & pomis Ambræ, filis aureis & philacte-  
 riis variis, pannis sericis & preciosis, sicut enumerat Isaias, in die illa auferet  
 Dominus ornamenta calceamentorum & lunulas, torques, monilia, & armil-  
 las & mitras, discriminalia & perichcladas & murenulas, & olfactoriola, & pal-  
 lia, & linteamenta, & acus & specula, & sindones, & vittas, & tiristra, quæ om-  
 nia nemo dinumerare poterat; sed ad ponderandum multum tempus impen-  
 dimus, quæ distributa sunt per exercitum Domini cum annona quæ reperta  
 fuit in civitate.

## CAP. XXI.

*De captione Thannis.*

NON minori miraculo imo majori donavit Dominus Christianis Thannis  
 mense Novembris. Nam missi sunt exploratores munero quasi mille *Thannis va-  
lidissimum  
propugnacu-  
lum à Chri-  
stianis expug-  
natur.*  
 viri in naviculis per pervium fluvium, qui fluvius Thannis appellatur, ut de  
 casalibus tollerent sibi victualia, & situm prædicti loci diligenter explorarent.  
 Sarraceni, qui erant in præsidio castrì, visis Christianis, putantes totum exerci-  
 tum adventare, ferratis portis fugerunt. Nostri vero solum Christum capi-  
 taneum ibidem habentes erumpentes claustra intraverunt castrum. Testati  
 sunt nobis redeuntes se nunquam in plano fortius castrum prospexisse, septem  
 turres habet fortissimas, testudines desuper per girum, duplici fossato & utro-  
 que murato cingitur, habens antemurale, lacus se diffundit in latum per circu-  
 itum, in tantum ut aditus equitibus hieme sit impossibilis, æstate difficilis,  
 adeo ut per nostrum exercitum obsidione nunquam caperetur. Lacus piscop-  
 us est valde, de cujus piscariis Soldano Babylonis solvebantur annuatim, quatu-  
 or millia marcarum, avibus insuper & salinis abundat, casalia multa per circui-



tum serviebant ei. Civitas ante castrum major *Damietta*, olim famosa, nunc autem ruinosa. Hæc est *Thannis* cujus campi meminit Propheta *David* in *Campothaneos*, & *Isaias*, stulti Principes *Thanneos* sapientes consilarii *Pharaonis* dederunt consilium insipiens. Hæc est *Thannis*, in qua lapidatus asseritur *Jeremias*, destructa enim *Hierosolyma* à *Babyloniis*, & *Godoliam* ab *Ismaele* interfecto, reliquiæ populi contra consilium *Jeremiæ* profectæ sunt in *Aegyptum*, *Jeremiam* secum ducentes, qui mansit cum eis in *Thannis*. Et factus est sermo ad *Jeremiam* in *Thannis* dicens, fume lapides grandes & absconde eos in crypta, quæ est sub muro lateritio, in porta domus *Pharaonis*, &c. Postmodum, locutum est os *Jeremiæ*, hoc dicit Dominus, ego juravi in nomine meo magno quod omnes viri *Judæ*, quæ sunt in terra *Aegypti*, gladio & fame peribunt, donec penitus consumuntur. Et insurrexit populus adversus *Jeremiam*, & lapidaverunt cum lapidibus quos absconderat in muro lateritio. *Aegyptii* vero honoraverunt Prophetam, sepelientes eum juxta tumulum Regum, memores beneficiorum quæ præstiterat *Aegypto*, oratione enim sua fugaverat bestias aquarum, quas *Græci* *Cocodrillos* appellant.

*Jeremias à  
Judæis lapi-  
datus honeste  
sepelitur ab  
Aegyptiis,  
quod inde cro-  
codilos ora-  
tione sua fu-  
gaverat.*

## C A P. XXII.

*De Cocodrillis & distantia Thannis à Damietta.*

*Alexand. M.  
Jeremiæ cor-  
pus transtulit  
Alexandri-  
am.*

**A** *Alexander* vero *Macedo* veniens ad sepulchrum Prophetæ, & cognoscens loci misterium transtulit ipsum in *Alexandriam*, & sepelivit gloriose. *Cocodrillos* apud *Damietam* invenimus & interfecimus. Est autem bestia crudelis, homines & jumenta devorans, apertis oculis solo visu ova sua fovet, exclusi pulli statim fugiunt parentem quasi hostem, quos enim rapere potest in momento glutit & devorat. Distat autem *Thannis* à *Damietta* itinere diei unius per mare versus terram promissionis, ut facile sit de *Achon* vel de *Damietta* per mare, vel per terram, vel per fluvium, præsidium ibidem ponere, vel victualia transmittere : damna multa Christianis intulit in obsidione *Damietæ*, quando naves ad nos accedentes, vel à nobis recedentes, vi ventorum delatæ sunt illuc, nam ante *Thannis* littus maris arcuosum & importuosum, sinum facit amplum & latum, in quem naves devolutæ sine vento multum eis oportuno recedere non valent.

F I N I S.

CHRONICA  
*Walteri Hemingford,*

CANONICI  
DE GISSSEBURN E,

De gestis Regum *Angliæ.*

Ab Anno Domini M.LXVI.

Ad Annum M.ccc.





Chronica *Walteri Hemmingford*, Canonici de *Bisseburne*, de gestis Regum *Angliæ*. Ab anno Domini M. LXVI. ad annum M. CCC.

P R O O E M I U M.



Nunc E fastidiosus occurram qui succincte laborare dispono, transacta quædam tempora sub brevitate concludens, successoribus nostris brevem Margaritam relinquo: & licet *Anglia* nostra, quæ olim *major Britannia* dicebatur, eo quod à *Britannis* inhabitata erat & possessa, quorum reliquæ modo sunt *Wallenses*, quinque vicibus quasi devicta sit & superata; Primo per *Romanos*, qui *Britanniam* expugnaverunt, Dominantesque postea recesserunt; Secundo per *Pictos* & *Scotos*, qui gravissimis eam Bellis vexantes, non tamen pro voto eam obtinuerunt; Tertio per *Anglicos*, qui eam debellaverunt & obtinuerunt; Quarto per *Danos*, qui eam obtinuerunt & postea deperierunt; Quinto per *Normannos*, qui eam devicerunt & *Anglicis* Dominantur: Hanc tamen ultimam quasi principium materiæ sumens, ab ipso *Conquæstore Gulielmo Bastardo* seriatim profèqui & compilare propono, ab Anno scilicet Domini M. LXVI. ad annum ejusdem Domini M. CCC.

*Gulielmus Conquæstor.*

*Britannia un-*  
*de dicta.*

*Sex vicibus*  
*Britannia*  
*subacta.*

Incipit Liber Primus.

C A P. I.

*Incipit Liber primus. Et primo, de causa quare Wilhelmus Nothus, Conquæstor scilicet, Angliam appetiit.*

UT sciatur Origo causæ quare *Wilhelmus Bastard Angliam* bello appetiit, *Quam ob causam* breviter subscripta repetuntur. Orto inter Regem *Angliæ Edwardum*, *scilicet Wilhelmo* & Comitem *Cantiae Godowynum* gravi diffidio, eo quod Comes *Bononiensis Eustathius* qui sororem Regis *Edwardi* duxerat, *Doverniam* venit, mari transito, *Nothus Angliam bello* ubi homines sui pro hospitibus rixantes, interfecerunt unum de Civibus, & unus Civium unum ex Militibus suis interemit; propter quod iratus Comes furorem exercuit in viros & mulieres ejusdem civitatis, plures perimendo gladio, & senes & parvulos equorum pedibus conculcando. Quod videntes cives concurrerunt ad arma, & resistendo viriliter eos in fugam verterunt, peremptis ex eis VII. personis. Ipsi autem ad Regem properantes ab eo suscepti sunt. Quod audiens Comes *Godowynus* graviter tulit, & congregato exercitu de Comitatu suo scilicet, de *Cantia*, *Suthsaxonia*, *Westfaxonia*, & filius suus Primogenitus *Joannes* de Comitatu suo; id est *Oxenfordensi*, *Glovernensi*, *Herefordensi*, *Somersetensi*, *Barukshirensi*, alterque filius suus *Haraldus* de suo Comitatu, scilicet de *Estfaxonia*,



*Gulielmus  
Conquerstor.*

*Essexonia, Estanglia, Huntingdonensi, & Cantabrigiensi*: & Castra metantes in Provincia *Glouernensi*, Regi per Legatos mandaverunt, quod prædictum *Eustathium* cum suis, & *Normannos & Bononienses*, qui Castrum *Doverniense* tenuerunt, eis redderent. Quod audiens Rex timuit, eo quod Exercitus ejus ut præceperat, nondum conveniret; distulit tamen responsum, & interim conveniente exercitu remandavit se nequaquam petita facturum, paratisque hinc & inde exercitibus grave videbatur aliquibus magnatum, ut cum suis Compatriotis & parentibus bellum inirent. propter quod discurrentibus nunciis, & mediantibus viris discretis, convenit ut Rex & Comes tertio die convenirent *Londonias*, placitaturi super hoc, datis obsidibus mutuo & acceptis. Adveni-

*Exercitus Comitis Godwini dilabitur.*

*Comes Godwinus proscriptus est.*

*Rex filiam Godwini repudiat.*

*Normannia Dux invitatus à Rege venit in Angliam.*

*Com. Godwinus redit in Angliam.*

*Godwin. Regi consiliatur.*

*Godwinus ob.*

*Haraldus captivus factus, ab Wilhelmo Normannia Duce liberatur.*

ente demum die, exercitus Comitis lapsus est: propter quod cum ipso Rege placitum inire non audebat, sed nocte superveniente fugam iniit, confusus & illusus. Mane autem facto, quia vocatus non comparuit, ab ipso Rege & exercitu suo proscriptus est Comes, cum quinque filiis & uxore sua. Unde timens sibi Comes mox cum uxore sua & duobus filiis *Swano & Griffio* fugit ad Comitem *Flandrensem*. *Haraldus* vero & *Leofwinus* filii sui fugerunt in *Hiberniam*. Rex vero *Edwardus* Reginam suam, filiam ipsius *Godwini* Comitis, propter odium patris repudiavit, & cuidam Abbatisæ cum una pedissequa custodiendam tradidit. Eodem autem tempore *Wilhelmus* Comes *Normannia* venit in *Angliam*, invitatus à Rege; quem Rex honorifice suscipiens magnis eum ditavit muneribus, & obsides Comitis *Godwini* custodiendos tradidit ei, & sic cum gratiarum actionibus abire permisit. Interim vero Comes *Godwinus* in *Flandria*, filii autem sui in *Hibernia*, congregatis exercitibus venerunt cum magna Classe in *Angliam*: & quia *Londonienses* allexerant, nullo in Ponte resistente, *Londoniis* per *Thamesin* sursum ad austrum navigarunt. Demum vero concurrentibus Rege & Comite nobiles utriusque exercitus apparuerunt *Anglici*, & propinqui, & sic mutuo congredi abhorrebant: propter quod mutuo loquentes ad invicem de consensu partium sic ordinarunt discretiores, quod Rex pristinum honorem plene redderet *Godwino* & filiis suis, excepto *Swano*, qui de *Flandria* ad terram *Ierosolymitanam* nudis pedibus profecturus erat, pro eo quod consobrinum suum occiderat: & in redeundo nimio frigore & labore correptus interiit. Reginamque filiam *Godwini* recepit Rex, ac pristinae dignitati restituit. Mortuo demum *Godwino* *Haraldus* filius ejus petiit à Rege ire *Normanniam*, ut fratrem suum *Vulnotum* & nepotem suum *Otharinum*, filium fratris sui *Swani*, qui ibidem obsides tenebantur, ut supradictum est, liberaret, liberatosque secum deducere posset. Cui Rex, hoc, inquit, non fiet per me: veruntamen ne videar te velle impedire, permitto ut eas quo vis, & experiaris, quod possis. Præcenseo tamen te in nihil aliud tendere, nisi in detrimentum totius *Anglici* Regni, & in confusionem tui. Novi enim Comitem non ita inexpertum esse, ut eos aliquatenus velit concedere tibi, si non præscierit magnum proficuum sui. Ascendit itaque *Haraldus* navem, & orta tempestate valida projectus est in *Pontinum* fluvium, qui *Maia* vocatur, ubi à Domino terræ, secundum ritum loci illius, captivus abductus est cum omnibus suis. Constrictus itaque *Haraldus* quendam de vulgo promissa mercede illectum ad Comitem *Normannia* clam direxit, nuncians omnia quæ casu acciderant. At ille, audito hoc, protinus mandat Domino *Pontini*, ut *Haraldus* cum suis sibi cum festinatione mittatur, si pristina ejus amicitia potiri vellet ut prius. Sed cum ille hominem dimittere nollet, iterum à *Wilhelmo* Comite in mandatis accepit se necessario *Haraldum* missurum, alioquin certissime sciret *Wilhelmum* *Normannia* Comitem, pro eo adducendo cum suis usque ad novissimum quadrantem *Pontinum* quantocius armatum aditurum. Perterritus itaque minis, mittit *Haraldum*, qui ab ipso Comite honorifice suscipitur; & audito, cur Patriam exierat; bene quidem rem processuram, si in illa ipsa non remaneret, respondit. Tenuit ergo eum aliquibus diebus, satisque humanum ac familiarem se illi exhibuit, ut sic animum ejus in suos Conatus alliceret. Tandem vero aperuit ei quod in mente habuit. Dicebat



cebat enim Regem *Edwardum*, quando cum eo tunc juvene & ipse juvenis in *Normannia* demoraretur, sibi interposita fide sua pollicitum fuisse, quod si Rex *Angliæ* foret unquam, jus Regni in illum jure Hæreditario post se transferret. Et subdens, ait: Tu quoque si mihi te in hoc adiutorem sponderis, & insuper Castellum de *Deber* cum puteo aquæ ad opus meum; te facturum quodcumque ego constituero promiseris; sororemque tuam, quam uni de Principibus meis dem, te mihi destinaturum; nec non & filiam meam in uxorem accepturum promiseris, tunc & modo nepotem tuum, & cum in *Angliam* regnaturus venero, fratrem tuum incolumem liberabo. In quo Regno si tuo favore confirmatus extitero, spondeo tibi quod quicquid à me rationabiliter tibi postulaveris, absque ulla contradictione obtinebis. Sensit ergo *Haraldus* periculum undique, nec intellexit qua parte evaderet. Et licet invitus, acquievit tamen. At Comes, ut omnia rata forent, prolatis sanctorum Reliquiis, ad hoc *Haraldum* perduxit, ut jurejurando testaretur se cuncta quæ conveniant inter eos opere completurum. His itaque gestis, *Haraldus*, recepto nepote, reversus est in *Angliam*, narravitque Regi percunctanti cuncta quæ acciderant: cui Rex, nonne dixi tibi me nosse *Wilhelmum* & in itinere tuo multa mala hinc Regno contingere posse? Certe in hoc facto tuo magnas genti nostræ præcenseo calamitates eventuras, quas mihi quæso concedat pietas supera temporibus meis non evenire. In brevi, post hoc obiit Rex *Edwardus*; & juxta quod ipse Rex ante mortem statuerat, sibi successit in Regnum ipse *Haraldus*. Cui mandavit *Wilhelmus* Comes, ut pacta servaret. Quod renuente, iterum mandavit ut, quamvis violata fide cætera non servasset, si tamen filiam suam duceret in uxorem, adhuc æquanimiter ferret; alioquin promissam sibi successionem Regni armis vindicaturum se proculdubio sciret. At ipse nec illud quidem facere se velle, nec hoc formidare respondit. Unde *Wilhelmus* indignatus, magna spe vincendi ex hac *Haraldi* injustitia animatus, parata Classe non modica *Angliam* petiit, confertoque gravi prælio *Haraldus* in acie cecidit, & victor existens, Regnum obtinuit sic occupatum.

*Guilielmus  
Conqueror.*

*factum inter  
Haraldum  
& Wilhel-  
mum.*

*Edwardus  
Rex obiit.*

*Wilhelmus  
Haraldo in  
prælii occiso  
Angliæ Reg-  
no potitur.*

## CAP. II.

## De adventu Wilhelmi Conqueroris in Angliam.

**A**Nno Domini M. LXVI. *Wilhelmus Bastardus* Comes *Normanniæ* dictus *Nothus*, venit in *Angliam* cum magna Classe, & exercitu copioso hominum, & equitum, applicuitque apud *Penensham*. Cui occurrit Rex *Haraldus* in *Suthsaxonia*, novem milliaribus ab *Hastingo*, & nondum congregato pleno exercitu commisit cum eo prælium ab hora diei tertia usque ad crepusculum noctis: & post varios eventus & casus dubios, in fine corruit Rex *Haraldus* & omnes fere nobiliores totius *Angliæ*, XI. scilicet, *Kalend. Novembr.* in die Sabati. De quo quidem bello testabantur *Franci* qui interfuerunt, quod inter varios hinc inde casus tanta fuit strages & fuga *Normannorum*, ut victoria qua demum potiti sunt, vere & absque dubio justo Dei judicio sit ascribenda, qui puniendo scelus perjurii ostendit se Deum non volentem iniquitatem. *Haraldo* itaque mortuo, & *Anglicis* expugnatis atque subactis, Ducatui *Normanniæ* Regnum *Angliæ* sociavit. Cumque Tyranni nomen exhorresceret, & legitimi Principis personam induere vellet, à *Stigando Cantuariensi* Archiepiscopo in Regem solemniter petiit consecrari. Ille vero cruento viro & alieni juris invasori manus imponere formidans, nullatenus adquevit. Requisitus vero *Atoldus Eborum* Archiepiscopus, vir bonus & prudens, intelligensque cedendum esse tempori, & divinæ nequaquam resistendum ordinationi, in ipso sacro die Nativitatis Dominicæ *Londoniis* apud *Westmonasterium* hoc munus implevit: & ad tuenda conservandaque jura & privilegia Ecclesiastica eum solemniter

1066

*Harald. occi-  
sus.*

M m m

Sacramentis



*Gulielmus  
Conquæstor.*

Sacramentis astringit. A quo postmodum, loco patris, ita colebatur, ut cum ille cæteris imperaret, ab eo sibi imperari æquanimiter ferret. Contigit autem una vice eundem Archiepiscopum in quadam sua Petitione a Rege pati repulsam, iratusque scapulam avertit, & maledictionem pro benedictione comminatus est: cujus animi motum Rex ipse non sustinens, ad pedes ejus procidit, veniam petit, & satisfactionem spondit. Cumque optimates qui aderant, suaderent ut Regem prostratum erigeret; respondit, finite, inquit, illum jacere ad pedes *Petri*. Porro idem Rex a *Stigando Cantuariæ* Archiepiscopo, ut dictum est, irritatus, cum vitium ordinationis suæ, & vitæ dedecora postea cognovisset, honestam de ipso voluit habere ultionem. Accersitus enim literis Regiis ad disponendam Ecclesiam *Anglicanam* Apostolicæ sedis legatus, concilium in *Angliam* celebravit, in quo *Stigandum*, sceleribus potestatis infructuosam arborem, securis Canonice animadversionis succidit.

*Concilium in  
Angl. celebratum.*

## CAP. III.

*De Incendio Eboraci, & subjectione Northumbrorum.*

1068

*Bellum cum  
Northumbrensis.*

*Swanus Daniæ  
Rex Northumbrensis  
auxilium fert.*

**A**Nno Domini M. LXVIII. Venit Rex *Eboracum*, & ibidem duo Castella firmavit, rediitque ad partes Australes, & in anno sequente misit *Robertum* Comitem in *Northumbriam* cum exercitu copioso. Qui cum esset *Dunelmi*, audivit à quibusdam qui præmonerent eum, quod *Northumbrenses* irruerent in eum nocte, & vires exercerent in mortem ejus. Noluit tamen credere, dicens eos talia præsumere non audere. Et cum esset securus, nihil sibi timens in aliquo, irruerunt in eum nocte, circumvallantes Castra sua, & universos trucidantes, ita quod non evaderet nisi unus homo solus. Eodem etiam anno, circa Festum Natalis beatæ *Mariæ* virginis, venerunt filii Regis *Swani* de *Danemarchia*, à *Northumbrensis* accersiti, cum ducentis quadraginta Navibus; & applicuerunt in ostio *Humbriæ*, & properantes *Eboracum*, obsederunt *Normannos* in Castellis ibidem ex parte una; *Northumbrenses* vero venerunt & obsederunt eosdem Castellanos ex parte altera: Unde timentes sibi *Normanni*, qui fuerant in Castrorum præsidio, ne forte domus quæ prope Castella erant in adjumentum esse possent *Danis* & *Northumbrensis*, ad implendas fossas Castellorum, ut eis sic ingressum facerent, communicato consilio ante eorum ingressum igne eas succenderunt XIII. Kalend. Octobris, qui ventorum impulsu succrescens totam Civitatem, & Monasterium Sancti *Petri* dolorose consumpsit. Supervenientes autem hinc & inde *Dani* & *Northumbrani* eadem die Castella infregerunt, & plusquam III. Millia *Normannorum* peremerunt gladio, paucis admodum reservatis. Reverſique sunt *Dani* in terram suam, & *Northumbrenses* in locum suum. Quod cum audisset Rex, iratus est valde, & congregato exercitu copioso *Northumbriam* adiit, devastavitque eam per totam Hiemem sequentem: in tantum quod per IX. annos sequentes lata ubique solitudo patebat. Inter *Eboracum* enim & *Dunelmum* nulla inhabitabatur villa, sed omnia fuerunt Bestiarum & Latronum latibula: in tantumque invaluit fames, ut homines famelici humanas, equinas, caninas, & catinas carnes comederent & devorarent. *Dunelmensis* autem Episcopus *Egelwinus* & optimates cæteri timentes Regem, ne & ipsi cum cæteris morti traderentur, assumptes secum corpus beati *Cuthberti* integrum fugerunt in *Clybeland*; ad quorum introitum retraxit se mare quod erat tunc plenum, & ipsis ferentibus sacratissimum corpus cum toto Comitatu eodem siccum præbuit iter; quibus ex parte altera terram contingentibus, reversum est mare in cursum solitum omnes arenas operiens fluctibus copiosis, *Dunelmensis* etiam Ecclesia omni Ecclesiastico servitio destituta, facta est quasi desertum & spelunca Latronum. Revertente tunc Rege in *Suthumbriam* vernali tempore, prædictus *Dunelmensis* Episcopus cum The-  
sauro

*Wilhelmus  
Rex Northumbriam  
vastat.*

*Miraculum à  
B. Cuthberto  
patratum.*

sauro sacri corporis, & omni Populo reversus est ad *Dunelmensem Ecclesiam*, *Guilielmus Conquestor.*  
peractis in *Clybelande* tribus Mensibus & aliquot diebus.

## CAP. IV.

*Pecuniam cepit Rex in Ecclesiis.*

**R**Ex autem in Anno Domini M. LXX. in ipsa quadagesima Monasteria totius *Angliæ* perscrutari fecit, & pecuniam, quam ditiores *Angliæ*, propter illius austeritatem & depopulationem, in eis deposuerant, auferri iussit. 1070

## CAP. V.

*Scoti vastaverunt partem Clybeland & Episcopatum.*

**P**Er idem tempus infinita *Scotorum* multitudo, ducente *Malcolmo* eorum Rege, per *Comberland* traducta versus orientem divertens, universam *Tesdal* & ejus finitima loca ultra citraque feroci depopulatione vastavit, depopulataque quadam parte *Clivelandiæ*, quasi ex subito occupavit *Hertennesse*. *Malcolmus in Angliam irrumpit.* Indeque per terras Sancti *Cuthberti* discurrens, multos rebus privavit & vita; Villas Ecclesiasque cum illis qui in eas confugerant concremando; fenes & vetulæ gladijs obtruncantur; alii indifferenter confodiuntur: Rapti ab uberibus Matrum parvuli projiciuntur in altum, & lanceis excipiuntur; hac enim crudelitate maxima pro ludi spectaculo delectabantur *Scoti* Bestiis crudeliores. Virgines vero aliquas & juvenes quosdam duxerunt miseros & captivos: & reversi sunt sic in terram malam. Ipse vero *Malcolmus* Rex *Scotiae* in revertendo invenit *Margaretam* filiam *Agathæ*, quæ postea dicebatur bona *Margareta*, & eam duxit in uxorem: per quam in posterum ferocitatem dimisit in parte, & honestior factus est. *Malcolmus Margaretam uxorem ducit.* Ex qua etiam processu temporis sex filios procreavit, *Edwardum* scilicet, & *Edmundum*, *Eadgarum* Regem, *Alexandrum* Regem, *Etheldredum*, & *David* Regem, duas etiam filias, *Matildem* scilicet Reginam *Angliæ* dictam bonam, & *Mariam* quam Comes *Bononiæ* accepit in uxorem.

## CAP. VI.

*Rex Angliæ subjecit sibi Regem Scotorum.*

**A**Nno Domini M. LXXII. Post Assumptionem beatæ Mariæ, cum audisset *Wilhelmus* Rex mala quæ fecerant *Scoti*, cum Exercitu copioso & navibus multis in *Scotiam* profectus est. Cumque ingressus esset eam, procul missis ad eum nunciis rogavit Rex *Malcolmus* ea quæ pacis sunt, sciens se non posse dimicare cum eo; occurritque ei in loco, qui dicitur *Abernithii*, & homo suus devenit facto homagio & datis obsidibus multis, reversusque est *Wilhelmus* Rex usque *Dunelmum*, ubi Castellum de novo construxit; & quia multi de suis non credebant beatum *Cuthbertum* esse sanctum, vel corpus suum non ibi esse integrum, præcepit Rex in ipso Festo omnium Sanctorum, celebrante Episcopo loci illius missam eodem die, ut duo capellani de suis ingrederentur & viderent corpus atque palparent. Disposuerat enim Rex quod si sanctum corpus non inveniretur, omnes majores natu ejusdem Provinciæ detruncarentur. *Malcolmus homagium præstat Wilhelmo.*



Guilielmus  
Conqueror.

Sed mutavit Deus propositum suum : statim namque correptus Rex cœpit in-æstimabili æstu fatigari, nimirumque sudare, & horrore nimio concuti. Moxque mittens ad capellanos eisdem imperavit, ne quoquo modo præsumerent attingere ad speculcrum : confestimque equum ascendens, non destitit urgere cursum donec *Theſiam* videret & transiret, eo quod moderatus ille calor nondum prius quiesceret ad plenum. Et ex tunc ipsum gloriosum sanctum multum honori habuit, atque commendavit.

## CAP. VII.

*Monachi venerunt primo Dunelmum.*

1074

Monasteria  
III. instaura-  
ta.

**A**Nno Domini M. LXXIV. Tres Monachi de Provincia *Merchiorum Lincolniensi* divinitus missi venerunt *Eboracum*, petentes à vicecomite ducem itineris usque *Munkecastrum*, id est; *Monachorum Civitatem*, quæ nunc nominatur *Novum Castrum*. Quo venientes, & ad tempus ibi morantes antiquorum fervorum Christi multum reppererunt vestigium : propter quod divertunt se ad *Girnum*, Episcopo *Dunelmensi Waltero* illos cum summo honore suscipiente : horum nomina fuerunt, *Aldewinus*, *Alfivinus*, & *Reynfridus*. Ex his tribus tria in Regione *Northumbrorum* instaurata sunt Monasteria, unum *Dunelmi* in honorem Sanctæ Mariæ, aliud *Eboraci* in honorem ejusdem Dei genitricis, tertium apud *Stranchald* quod nunc *Whitby* appellatur. Ex præcepto autem Régis *Wilhelmi Nothi* convenerunt postea Monachi in *Dunelmo*, Anno Domini M. LXXXIII. VII. Kal. Junii, feria sexta.

## CAP. VIII.

*Robertus filius Regis recessit à Patre.*

1077

Rex filium suum  
in gratiam recipit.

**A**Nno Domini M. LXXVII. *Robertus Courthese*, *Wilhelmi* Régis Primogenitus, relicto Patre perrexit in *Franciam*; eo quod Pater ipsius non permisit eum pacifice possidere *Normanniam*, quam coram *Philippo* Rege *Francorum* sibi dederat, antequam veniret in *Angliam*; & auxilio Régis *Philippi* fretus magnas agebat frequenter prædas in *Normannia*, eam in magna parte gladio & igne devastans. Quod cum audisset Pater ejus, commotus est, & transfretans occurrit filio suo ante Castellum *Gerbochret*, quod Rex *Francorum Philippus* præstiterat eidem *Roberto* : & facto congressu valido congressus est ipse filius ignoranter cum Patre, & vulnerato Patre in Brachio dejecit eum in terram filius. Moxque ut audivit vocem patris conclamantis ad suos, cum summa festinatione descendit, & patrem erexit in equum, illæsumque ex tunc abire permisit. Pater autem bonitatem filii ex instinctu naturæ cognoscens, missis nunciis eum ad se revocavit, Paternæ pietatis sibi viscera pandens, & conservans : reversique sunt in *Angliam* & semper in posterum filius Patri fideliter Militavit.

## CAP. IX.

*Scoti repugnaverunt secundo.*

1079

**A**Nno Domini M. LXXIX. Rex *Scotorum Malcolmus*, post assumptionem beatæ Mariæ Virginis, insaniens iterum cum plebe sua, *Northumbriam* usque ad flumen *Thyne* devastavit, multos occidens gladio, & plurimos captivos abducens ;

ducens; & reversus est sic cum præda magna. Quæ cum audisset Rex, misit *Gulielmus Conqueror.* Robertum filium suum, & robur exercitus in *Scotiam*, ut tantam audaciam debita vindicta reprimeret & castigaret. Sed, quia viribus impar iussa complere non potuit, infecto negotio rediens, super flumen *Thyne* Castellum novum fabricavit, & demum ad Patrem reversus est. Eodem etiam anno misit Rex fratrem suum *Odonem Baiocensem* Episcopum cum multa Militari manu ut *Northumbria* devastaret, pro eo quod innocentem occiderant Episcopum *Dunelmensem*, apud *Catheshewed*. *Reg. jussu vastata.*

## CAP. X.

*Descriptio totius Angliæ per Regem.*

**A**Nno Domini M. LXXXVI. *Wilhelmus* Rex fecit describi omnem *Angliam*, quantum scilicet terræ quisque Baronum suorum possidebat, quot feodatos Milites, quot carrucas, quot Villanos, quot Animalia, & quantum vivæ pecuniæ quisque haberet in omni Regno suo, à magno usque ad minimum, & quantum redditus quæque possessio reddere poterat. Et vexata erat terra, & gravata ex multis cladibus inde procedentibus, & maxime quia pestis erat maxima animalium & ovium, & aeris intemperies magna. Eodem anno Rex filium suum *Henricum* Armis Militaribus honoravit, & convocatis magnatibus terræ, & Archiepiscopis & Episcopis, Abbatibus & eorum Militibus eidem filio fidelitatem jurare fecit. Cogitaverat enim Rex transfretare, & in anno sequente cogitatum implevit. In eodem etiam sequente Anno urbes multas, ecclesiam quoque beati *Pauli* cum majore & meliore parte *Londonii* ferox flamma consumpsit. *Pestis inter animalia grassatur.*

## CAP. XI.

*De morte Wilhelmi Nothi, & quid post mortem ejus accidit.*

**A**Nno Domini M. LXXXVII. Ante Assumptionem beatæ *Mariæ* Rex *Wilhelmus* cum exercitu copioso in *Franciam* transfretavit, & opidum *Mohuntum* per tempus modicum obsidens, illud demum omnesque Ecclesias in eo fitas, duosque reclusos succendit; & rediit in *Normanniam*, & in ipso reditu dirus dolor viscerum apprehendit eum, & de die in diem magis ac magis ingravescens agitabat eum valde. Sentiens autem quasi in januis mortem imminere, Fratrem suum *Odonem Baiocensem* Episcopum, *Morgarum*, *Rogerum*, *Gilbardum*, Comites, & alios quos in custodia diu tenuerat, libere dimisit abire. Deinde filio suo *Wilhelmo* Regnum tradidit *Angliæ*, & *Roberto* filio suo Primogenito qui tunc exulabat in *Francia* Comitatum concessit *Normanniæ*, & hoc quia Paternæ pietati inofficiosus, & iterato rebellis extiterat: *Henrico* vero filio suo Juniori cujus indolem propensius laudabat, multa pecuniæ summa donata, bene quidem acturum prædixit. Et sic cœlesti munitus Viatico, postquam viginti Annis & decem Mensibus & xxviii diebus Genti *Anglorum* præfuit, quinto *Idus Septembres* Regnum cum vita perdidit, dormivitque cum Patribus suis. Homo ab annis adolescentiæ suæ armis acer, animo ingens, successu foelix, singulare *Nothorum* decus: Sepultusque est *Cadomi* in Ecclesia beati *Stephani* Protomartyris, quam ipse à fundamentis extruxerat, bonisque ditaverat multis. In ejus vero sepultura quoddam memoriale contigisse fertur; cum enim, expleta exequiarum solemnitate, corpus ejus in loco ad hoc præparato esset condendum, quidam terribiliter accedens, omnipotentis Dei



*Gulielmus  
Conquæstor.*

*Wilhelmi Re-  
gis iniustitia  
patefacta.*

*Monasterium  
B. Martini  
fundatum ab  
Wilhelmo.*

*Mirum por-  
tentum.*

prætanto nomine, eum ibidem sepeliri prohibuit, dicens: Terra, inquit, ista antiquo mihi jure competit, quam idem dum Monasterium construeret violenter mihi abstulit, nec unquam postea mihi pro ea satisfecit. Obstupere itaque omnes qui aderant, transitoria Dominationis actum considerantes, ut Princeps potentissimus, qui tam late dominatus fuerat vivus, locum Corporis sui capacem mortuus sine querela non haberet. Denique illa querela adeo movit omnes, ut prius conquerenti vivo pro voto satisfacerent, & deinde mortuo exequias adimplerent. Sane quod idem *Wilhelmus Bastardus* Christianos innoxios injuste & hostiliter impetiit, rei subsequens patet argumento. In loco namque ubi victi *Anglici* occubuerunt, constructum est à victoribus Monasterium nobile beati *Martini de Bello* nuncupatum, tanquam *Normannica* victoriae titulus, & ut esse posset expiatio quædam tanti Sanguinis Christiani. Locus autem ille ubi *Anglorum* strages facta est, si forte modico imbre maduerit, verum sanguinem & quasi recentem exsudat; ac si aperte dicatur quod vox tanti sanguinis Christiani clamat ad Deum de terra, quæ aperuit os suum & suscepit eundem sanguinem de manibus fratrum Christianorum.

## CAP. XII.

*De Primordiis & Coronatione Wilhelmi Rufi.*

1087

*Will. Rufi  
consecratio.*

**A**Nno à plenitudine temporis qua veritas de terra orta est M. LXXXVII. *Wilhelmus Rufus* filius *Wilhelmi* Conquæstoris, post mortem Patris statim in *Angliam* rediens de *Normannia*, convocatis Magnatibus terræ in ipso die Dominico, VI. Kalend. Octobris, in *Westmonasterio Londoniæ*, a *Lanfranco Doroberniæ* Archiepiscopo in Regem consecratus est. Deinde *Wintoniam* adiens, Thesauros Patris sui ut ipse jusserat per *Angliam* divisit, & Ecclesiis præcipue pauperibus, quibusdam scilicet x. Marcas, quibusdam vi. & secundum majus & minus ut expedire viderat, largitus est. Ejusque germanus *Robertus* frater senior in *Normanniam* reversus, Thesauros, quos ibi invenit, pro anima Patris sui Monasteriis & Ecclesiis largitus est, habuitque *Normanniam* ordinatione Patris.

## CAP. XIII.

*Quomodo frater ejus Robertus rebellavit.*

1088

*Conspiratio in  
Wilhelmo.*

**A**Nno Domini M. LXXXVIII. Inter primates *Normanniæ* qui venerant in *Angliam*, orta est dissensio. Magna pars enim nobiliorum *Normannorum* favebat Regi *Wilhelmo*, sed minima pars altero favebat *Roberto* Comiti *Normanniæ*; & maxime cupiens & ordinans hunc accersere in Regnum, & Regem fratrem aut fratri tradere vivum, aut Regno privare peremptum, de quibus fuit quasi primus prædictus *Odo Baiocensis* Episcopus, qui fuit Comes *Cantuariensis*, scripsit vero cum suis *Roberto* Comiti, ut veniret cum manu armata, & hoc nullo modo amitteret; promittens sibi auxilium multum in ipso suo ingressu. Ipse autem interim cum suis fautoribus & sequacibus Villas & Domos Regias succendit, & Castrum *Hornense* pro posse toto firmavit. His auditis, *Wilhelmus* Rex in novitate sua timens, convocavit *Anglos*, & ostendit eis seditionem *Normannorum*, rogavitque ut ipsum, quem de voluntate Patris in Regem creaverant sibi, tanquam caput & Regem tuerentur; promittens eis quod meliorem Legem, quam sibi vellent eligere, concederet eis in posterum, & scriptura firmaret. (Sed quod promisit non tenuit.) Ipsi tamen *Anglici* sibi fideliter assistentes quæsierunt prædictum *Odonem* apud *Hornecastrum*, & eum

*Odonis castel-  
la expugnan-  
tur.*

non

non invenientes destruxerunt Castrum ibidem. Indequæ quærendo diver-  
tentes obsederunt eum per VII. hebdomodas in Castro de *Penenesta*: Constri-  
ctusque fame & penuria Castrum reddidit: sub conditione tamen, quod Reg-  
num *Angliæ* cum suis omnibus cum omni festinatione exiret, reddito tamen  
prius Castro *Roffensi* quod sui tenuerunt: & promissum hoc sacramento firma-  
vit. Cumque venisset ibidem, cum hominibus Regis qui deberent seisi-  
nam Castri recipere, mox ipsi Castrenses Episcopum cum cæteris in vinculis  
posuerunt: dicebant enim hoc esse factum calliditate Episcopi. Quod cum  
audisset Rex properavit ibidem cum exercitu copioso, & reddita est Civitas  
cum Castro. Episcopus vero *Normanniam* adiit, & à *Roberto* Comite totius  
Provinciae curam suscepit. *Robertus* vero Comes attemptavit venire in *Angliam* *Robertus* *Classe*  
cum magna Classe, sed à Piratis Regis, qui curam Maris a Rege susceperant, *sis dissipata*.  
repulsus est, interfectis multis & suis in ipso Mari.

*Gulielmus*  
*Conquæstor.*

1090  
*R. Wilhelms.*  
*Roberto*  
*frat. suo*  
*conciliatur.*

*Henricus ter-*  
*ras Wil. Ruf.*  
*fratris sui va-*  
*stas.*

## CAP. XIV.

*Rex Wilhelmus ivit in Normanniam.*

**A**Nno Domini M. XC. *Wilhelmus* Rex cum multa militia *Normanniam* pe-  
tiit, ut eam a fratre suo *Roberto* potenter abriperet: sed mediantibus a-  
micis communibus in bonum pacis sequenti modo consenserunt: videlicet,  
quod Rex *Wilhelmus* daret Comiti certas terras in *Anglia*, & Comes Regi terras  
& Castra in *Normannia*; & quod vicissim sibi succederent, si quis eorum abs-  
que liberis in fata decederent. Hanc autem conventionem & pacis formam  
XII. ex parte Comitis juraverunt. Interim dum talia ab ipsis agerentur, *Hen-*  
*ricus* frater eorum Germanus Montem Sancti *Michaelis* in *Normannia* cum  
multis Militibus ingressus est, terras ipsius Regis vastans, & homines quos po-  
terat in captivitatem ducens. Propter quod Rex & Comes cum innumeroso  
exercitu per totam quadragesimam montem obsederunt, & factis congressio-  
nibus multis, in quibus hominum & equorum jactura fiebat eis immensa, tan-  
dem infecto negotio recesserunt.

## CAP. XV.

*Scoti Rebellare cæperunt.*

**I**Nterea Mense Maio *Malcolmus* Rex *Scotorum* cum immenso exercitu *Nor-*  
*thumbriam* invasit, ulterius processurus si posset; sed noluit ipse Deus, unde  
& statim rediit. Quod cum audisset Rex, mox cum fratre suo *Roberto*  
reversus est in *Angliam* Mense *Augusti*, & congregato immenso exer-  
citu & Classe non modica, versus *Scotiam* profectus est. Sed, antequam  
intraret, *Scotiam*, suborta tempestate maxima circa festum Sancti *Michaelis*,  
fere tota Classis illa demersa est, multique de equestri exercitu fame  
& frigore perierunt. Occurritque cum exercitu magno Rex *Malcolmus*  
in Provincia *Lowdicensi* juxta confiniam, ad resistendum præparatus. Quod  
videns *Robertus* Comes advocavit ad se quendam Militem *Edgarum* no-  
mine, quem Rex de *Normannia* expulerat, & tunc Regi *Malcolmo* Militabat;  
cujus auxilio fretus pacem inter Reges hac conditione firmavit, ut Regi *Wil-*  
*helmo* *Malcolmus* obediret, sicut prius fecerat Patri suo, & *Malcolmo* XII. Villas,  
quas in *Anglia* sub Patre suo habuerat *Wilhelmus*, redderet; & XII. Marcas auri  
singulis annis daret. Sed pax ista per modicum tempus duravit. Reversus-  
que est Rex *Wilhelmus* versus *Karliolum*, & in sequenti anno eandem civita-  
tem

1090  
*Malcolmus*  
*Northumbri-*  
*am invadit.*

*Pax inter*  
*Wilhelmum*  
& *Malcol-*  
*lum.*

*Carleolum*  
*restauratur.*



Gulielmus  
Conquæstor.

tem restauravit, & ædificavit in ea Castrum cum Turri fortissima. Hæc enim Civitas a Danis ante cc. annos diruta, usque ad idem tempus desolata mansit, & omnino quasi deserta.

## CAP. XVI.

*Tempestas Venti contingens Londoniis.*

1090

Eodem anno, xvi. Kal. Novembris, feria sexta, Turbo pervalidus veniens ab *Affrica* in Civitatem *Londoniensem*, plusquam cvi. Domos, & Ecclesias quam plures subvertendo concussit. In Ecclesiam quoque Sanctæ *Mariæ*, quæ dicitur ad *Arcum*, irruens, in ea duos homines occidit, & tectum cum tignis in altum levans, & huc illucque per aera ferens, tandem vi. de tignis, eo ordine quo tecto prius infixæ fuerant, tam profunde defixit in terra, ut de quibusdam eorum septima pars, de quibusdam vero octava tantum appareret, & erant longitudinis quasi xxviii pedum.

## CAP. XVII.

*Scoti Rebellarunt, & occiditur Malcolmus Rex.*

1093  
Rex ægrotat.

*Dunelmensis  
Ecclesia funda-  
ta.*

*Malcolmus  
male acceptus  
Regi Wil.*

*Malcolm.  
Northumbri-  
am iterum in-  
vadit.*

*Marg. re-  
lat a  
obit.*

Anno Domini m. xciii. Infirmatus est Rex *Wilhelmus* apud *Gloverniam*, timensque mortem, eo quod vehementer urgeretur, votum vovit Deo, & promisit quod Ecclesias amplius non violaret, nec ad censum poneret; leges corrigeret, rectas statueret. Lætatus est Populus terræ hoc audito. Unde *Malcolmus* Rex *Scotiæ* in veniendo versus Regem *Wilhelmum*, sicut ei conditum fuerat, ad Ecclesiæ novæ principium *Dunelm* extitit: incepta est enim ibidem nova Ecclesia III. Idus Augusti, feria quinta. Episcopo *Wilhelmo* & *Malcolmo* Rege & *Turgeto* Priore ipso die ponentibus primos in fundamento lapides. Die vero Sancti *Bartholomæi* Apostoli idem *Malcolmus* apparuit Regi *Wilhelmo* apud *Gloverniam*, ut, sicut a Magnatibus utriusque regionis præordinatum fuerat, inter eos pax firma & stabilis amicitia firmaretur. Sed Rex *Wilhelmus* nec eum alloqui voluit, nec videre: quin etiam in superbiam erectus eum parvipendendo despexit. Insuper & eum constringere voluit ut in Curia sua secundum judicium Baronum suorum rectitudinem sibi faceret & justitiam: sed eo respondente, quod hoc non faceret, nisi in confinio Regionum, ubi antecessores sui rectitudinem facere consueverant, & secundum judicium primatum utriusque Regni, in pacatus abscessit. Moxque cum esset Regnum suum ingressus, immensum congregavit Exercitum, & erumpens cum Primogenito suo *Edwardo* *Northumbriam* hostiliter invasit, devastans eam, & incendiens usque *Alnewyk*, ubi à Militibus *Robert* *Northumbriæ* Comitis, *Morello* scilicet milite strenuissimo, die Sancti *Bertinii* occisus est cum filio suo *Edwardo*, cæsis multis aliis, & Reliquis in fugam conversis. Et iusto Dei judicio in illa Provincia occubuit, quam multoties depopulando attrivit: quatuor enim vicibus eam attriverat, & in quinta vice quo potuit exercitu eam invasit, ipsam, si posset, in ultimam deducturus desolationem. Sed mutata fortuna juxta flumen *Alue* perimitur, ut dictum est. Et exercitus reliquæ quæ gladios effugerant, inundationibus fluminum quæ tunc Hiemalibus pluviis plus solito excreverant, absorpti sunt. Corpus vero Regis & cruentissimi carnificis duo ex indigenis carro impositum traxerunt ad *Tynemelu*, & sepelierunt illud ibi: non enim erat ex omnibus caris suis qui sibi humanitatis officium exhiberet. Regina vero *Scotorum* *Margareta*, audita morte Mariti sui, in infirmitatem decidit,

cidit, & coelesti Viatico munita confessa & vere contrita, ut ipsa Deum rogaverat ne diutius viveret, vitam post triduum finivit in pace. Qua mortua, mox in unum congregati *Scoti Duffenaldum* fratrem *Malcolmi* sibi in Regem elegerunt. Et omnes *Anglos* qui de curia Regis fuerant de *Scotia* expulerunt. Quibus auditis, filius Regis *Malcolmi* nomine *Dunekanus* Regem *Wilhelmum* cui tunc militabat & obses fuit, ut ei Regnum Patris sui sibi concederet, petiit cum instantia, & impetravit, juravitque Regi fidelitatem, & accepta multitudine magna *Anglorum* & *Normannorum* *Scotiam* adiit: expulsoque Patruo suo, & à regno ejecto loco ipsius per modicum Regnavit. Nam congregati *Scoti* homines illius *Dunkani* ex improvviso quasi omnes fere peremerunt, ipso fugiente cum paucis; dehinc missis ad eum nunciis revocaverunt eum, & regnare promiserunt sub hac conditione adjecta, quod nullum de cætero in Regnum *Scotiae* introduceret *Anglicum* vel *Normannum*. Sed non post multum temporis, hortatu *Duffenaldi* prædicti, ipsum *Dunkanum* suum Regem per insidias peremerunt, & illum *Duffenaldum* sibi iterum in Regem constituerunt: quem Rex *Angliae* *Wilhelmus* postea de Regno expulit, & *Edgarum* filium *Malcolmi* Regem constituit.

*Guilielmus  
Conquæstor.*

*Duffenaldus  
Scotorum Rex  
eligitur.*

*Duncanus  
auxiliante  
Wilhelmo,  
Scotiae Regn.  
recuperat.*

*Duncanus oc-  
ciso Duffenal-  
dus Regn  
iterum usur-  
pat.*

## CAP. XVIII.

*De dissentione inter Regem & Fratrem suum.*

**A**NNO Domini M. XCIV. *Robertus* Comes *Normanniae* fratri suo *Wilhelmo* Regi per Legatos Nuncios mandavit de pacis forma, quam inter se prius firmaverant, non observaturum diutius, nisi conventionem factam in *Normannia* plenius tenere perseveraret: Insuper vocavit eum perjurum & perfidum. Ob quam causam Rex congregato exercitu *Normanniam* adiit in medio quadragesimæ, & ad fratris colloquium sub pace statuta veniens, scilicet excaudentibus ipsis in verbis, recessit absque pace; denuo tamen mediantibus quibusdam amicis in campo Martii convenerunt; ubi magnates illi, qui inter eos pacem prius firmaverant, & sacramentis se constrinxerant Regi omnem culpam imposuerunt. Sed ille nec culpam agnoscere, nec conventionem tenere voluit, sed omnino recusavit: unde irati discesserunt, & imparati: conductisque Militibus hinc & inde multas exhausērunt pecunias, & multa fecerunt mala inter se; Rege *Francorum* favente partem Comitum, & diversa remedia conferente. Propter quod *Wilhelmus* Rex misit in *Angliam*, & multa milia peditum accersivit, gravique tributo & mortalitate hominum maxima per duos annos continuos *Angliam* gravabatur. Interim cum venissent apud *Hastings* xx. milia peditum ut mare transirent ad Regem, venerunt quidam ex parte Regis, & ab eis pecuniam abstulerunt ab uno quoque scilicet x. Solidos, & eos sic repatriare fecerunt.

1094

*Legatio Ro-  
berti ad Wil-  
helmum.*

*Dissidium  
Fratrum in  
bellum aper-  
tum erum-  
pit.*

## CAP. XIX.

*Wallenses Rebelle cæperunt.*

**A**D hæc etiam *Wallenses*, servitutis iugo quo diu premebantur excusso, servitute ejecta, libertatem sibi vendicabant: unde congregata multitudine magna processerunt protervo capite, fregeruntque Castella quæ in *Westwalo-* *Wallenses  
Angliae con-  
finia popula-  
tur.* *nia* firmata fuerunt & sumptuose constructa. Insuper in *Cestrensi*, *Salopiensi*, *Herefordensi* provinciis frequentes prædas agebant, villas concremabant, & multos ex *Anglicis* & *Normannis* gladio perimebant, non parcentes sexui vel ætati: fregeruntque Castellum in *Menevia* insula. Quæ cum audisset Rex, festinanter



*Gulielmus  
Conquæstor.  
Rex è Nor-  
mannia in  
Walliam  
transit.*

*Recedente  
Rege iterum  
revertuntur  
Wall.*

*Secunda Re-  
gis expeditio.*

*Tertia Regis  
expeditio.*

*Tertia Regis  
expeditio.*

*Quarta expe-  
ditio felicior.*

*Presbyter lin-  
guam abscif-  
sam divinitus  
recuperat.*

festinanter rediit de *Normannia* mense *Januarii*, & congregato exercitu per-  
rexit in *Walloniam*, auctores tanti mali comprehendere volens, & suo si posset  
modo castigare. Sed mutata est ei fortuna, & propositum hoc non est ad vo-  
ta completum. Nam multos ibi homines perdidit & equos, & post eventus  
varios in *Angliam* reversus est, ut iterum securius reverteretur ibidem. Ani-  
mati vero *Wallenses* propter recessum Regis, Castellum de *Mungumry* obsede-  
runt ad tempus, & viris qui in eo fuerunt perentis, illud tandem demoliendo  
fregerunt. Propter quod Rex post Festum Sancti *Michaelis* properavit ibidem  
cum immenso exercitu, & iterum ut prius multis hominibus & equis deperditis,  
ignominiose reversus est. Iterumque in sequenti anno Comes *North* aggressus  
est eos post Pascha, ut omnes masculini sexus absque ullo delectu perimeret: sed  
vix inveniens eorum aliquem, & paucos admodum capiens, plus de suis perdi-  
dit, quam voluntatem ipsius explevit; & sic rediit confusus, & illusus. Sed  
post duos annos sequentes Comes *Hugo* de *Schroverbers* cum *Hugone* Comi-  
te de *Cestria Meneviam Insulam* quæ dicitur *Anglesey*, cum exercitu adierunt,  
& multos *Wallensum* perimentes, ceperunt Insulam illam, feceruntque multa  
mala in populo illo, quosdam vero pedibus truncatis, & manibus quosdam ab-  
scifis, testiculos exsecaverunt; quendam etiam propectæ ætatis presbyterum  
nomine *Renredum*, à quo *Wallenses* in suis agendis consilium accipiebant, ab Ec-  
clesia extraxerunt, abscifque testiculis, & uno oculo eruto, linguam etiam  
præciderunt: sed die tertia gratia Dei, ut creditur, reddita est ei loquela.  
Comes vero *Salapiensis* propter idem, ut creditur, facinus à Rege *Norragnarum*,  
qui illic cum paucis navibus applicuerat, sagitta percussus interiit.

## C A P. XX.

*Devicit Barones.*

*1095  
Baronum Con-  
juratio in Re-  
gem detecta.*

*Comes Nor-  
thumbrens.  
captus.*

**A**Nno Domini M. xcv. Comes *Northumbrensis Robertus* de *Moubray* cum  
multis aliis in depositionem Regis sui *Wilhelmi* concurrentes, si forte eum  
vita privare possent, & Regno filium amitæ suæ, *Stephanum* scil. de *Albamario*,  
sibi in Regem constituere conati sunt, sed frustra; nam Rex cognita eorum  
fraude & exercitu congregato *Northumbriam* adiit; & Castellum prædicti Co-  
mitis ad ostium *Thinæ* per duos menses obsidens, illud tandem potenter accep-  
pit, & milites in eo captos in custodia posuit pro voto relegandos. Comes  
autem fugiens, ut in secreto posset loco abscondi & salvari, per insidias tandem  
detectus est, & ab Ecclesia Sancti *Oswini* Regis & Martyris, ad quam fugerat, vi-  
olenter extractus, in custodia Regis positus est, ductusque est ad Castellum  
de *Wanniburgh*, quod Uxor sua & propinquus ejus *Morellus* miles strenuissimus  
nomine suo tenuerunt, ut illis præciperet Castrum Regi reddere. Quod cum  
ipsi modico distulissent, præcepit Rex oculos Comitis in conspectu suorum  
erui, nisi ejus jussu citius impleretur, quod illi timentes reddiderunt Ca-  
strum. Annoque sequenti aggressus est eos.

## C A P. XXI.

*Quomodo Recepit Rex Normanniam à fratre suo Roberto.*

*1095  
Concilium  
Claremontæ-  
num.*

**E**odem Anno M. xcv. *Urbanus* Papa venit in *Galliam*, & in quadagesima  
convocata synodo, & apud *Claram Montem* celebrata, negotium terræ  
sanctæ diligenter exposuit. Hortans Christicolas universos, ut Christi imi-  
tatores effecti ad Terram Sanctam, quam proprio sanguine consecravit, ad  
vindicanam

vindicandam ipsius sanguinis effusionem, & ipsius Terræ Sanctæ recuperationem proficiscerentur. Ad cuius hortatum magnatum plures & populus Terræ multus crucem assumpsit. Inter quos *Robertus Comes Normanniæ Sanctæ Crucis* caractere insignitus est. Misitque nuncios ad Regem *Wilhelmum* fratrem suum, nuncians ei propositum hoc, & petiit ut absque repetitione alicujus injuriæ, redintegrata inter eos pace firma, mutuaret sibi decem millia Marcarum Argenti, ut inceptum posset adimplere propositum, & sibi *Normanniam* loco pignoris liberaret. Placuitque iste sermo Regi, & mox ejus petitioni satisfacere gestiens indixit majoribus *Angliæ*, ut unusquisque eorum sibi pro posse pecuniam mutuaret, & hoc festinanter. Cujus rei causa Episcopi, Abbates, Abbatissæ aurea & argentea Ecclesiæ ornamenta fregerunt, in pecuniam redigentes: Comites vero & Barones, & cæteri magnates terræ homines & subditos suos spoliaverunt, & Regi immensam deferendo pecuniam placuerunt eum in muneribus suis: transivitque in *Normanniam* mense *Septembris* & pace cum suo Germano firmata, præstitit ei sex mille sexcentas sexaginta sex libras argenti, & *Normanniam* loco pignoris accepit; & post aliquantum temporis, post duos scil. annos, Civitatem *Cenomannis* magnamque illius Provinciæ partem suæ ditioni subjecit. Profectique sunt Christiani nostri Catholici in Terram sanctam, & in sequenti anno Nicæam ceperunt Civitatem.

*Gulielmus  
Conquistor.*

*Robertus eris-  
ce signatus  
Ducatum su-  
um fratri op-  
pignorat.*

## CAP. XXII.

*Quomodo Civitas Jerusalem capta est à Christianis.*

Quo quidem Anno M<sup>o</sup>XCVII. Cometa III. *Kalend. Octobris*, & per xv dies sequeutes apparuit. Animosè ergo procedentes in inimicos Crucis Christi, in anno sequenti *Antiochiam* ceperunt Civitatem, III. scil. *Non. Junii*, feria quarta; ubi Lancea qua Christus in Cruce vulneratus est, extitit, & revelante Sancto *Andrea* Apostolo in Ecclesia Sancti *Petri* reperta est: ex qua in immensum confortati, & illam secum ferentes multos peremerunt *Sarracenos*, & quocunque se diverterunt, cooperante Domino, plenam sunt victoriam consecuti. Unde & in sequenti anno M<sup>o</sup>XC. IX. *Idus Julii*, feria sexta, famosa Civitas illa *Jerusalem* ab ipsis fidelibus pio & felici fudore capta est. Ubi *Robertus Dux Normanniæ* inter primos fuit clarus, & *Godefridus Dux Lotharensis* ab omni exercitu in Regem *Jerusalem* unanimiter est electus. XI. scil. *Kalend. Augusti*.

1097

*Cometa appa-  
ret.  
Antiochia  
capta.*

*Jerusalem  
capta.*

## CAP. XXIII.

*De Libertate Ecclesiæ.*

Anno Domini M. XCIX. *Urbanus* Papa in tertia Hebdomada Paschæ *Romæ* magnum tenuit concilium, ubi de consilio fratrum & totius congregati concilii, excommunicavit omnes Laicos investituras Ecclesiarum dantes, & omnes eas accipientes de manibus Laicorum; excommunicavit etiam eos qui pro Ecclesiasticis honoribus Laicorum homines fierent, dicens, quod manus, quæ in tantam eminentiam excreverunt, ut, quod nulli Angelorum concessum est, Deum cuncta creantem suo signaculo creent, & eundem ipsum pro salute totius mundi Dei Patris obtutibus offerant, in hanc ignaviam vel stultitiam non debere detrudi, ut ancillæ fiant earum manuum, quæ diebus & noctibus obscœnis contactibus inquinantur, & rapinis & injusti sanguinis effusione multoties addita maculantur. Et conclamatum est ab omnibus, fiat, fiat. Eodem anno idem *Urbanus* Papa obiit, cui successit *Paschasius*.

1099

*Concilium Ro-  
mæ habitum.*



## CAP. XXIV.

*Quomodo Anselmum Cantuariensem Archiepiscopum eiecit à terra.*1100  
*Anselmus ex  
Angliâ pul-  
sus.*

**A**Nno Domini M. C. Rex *Wilhelmus* prolongans iniquitatem sibi, & in exitum proprium contra stimulum calcitrans, venerabilem *Anselmum Cantuariensem* Archiepiscopum, ipsum cum modestia corripientem, & enormia quæ ab eo & sub eo gerebantur corrigere volentem, impatiens non pertulit, sed spoliatum rebus fere omnibus tanquam Regno contrarium ab *Angliâ* proscribendo expulit. Apparuitque succedentibus prosperis qualiter apud se latuisset, dum premeretur adversis homo vecors, & inconstans in omnibus viis suis, Deo indevorus, & Ecclesiæ gravis, nuptiarum consortia spernens, & passim lasciviens, opes Regni sitiens & fortunas subditorum corradens, immanissima superbia turgidus, & doctrinæ Evangelicæ quasi derisor effectus, temporalis gloriæ voluptate vehementer absorptus est.

## CAP. XXV.

*De morte Wilhelmi Regis.**Wil. Rex sagitta confos-  
sus interit.*

**V**erum dum in oriente à nostris Proceribus fortiter atque feliciter ageretur, iste Rex noster, propellentibus eum in interitum malis suis, condignum effrenatæ superbiæ finem incurrit. Nam in venatione sua, sagitta proprii militis, homo ferocissimus pro fera confossus interiit. Dum enim in *Nova Forresta*, quæ *Anglice* *Þthens*, super venatu fuisset occupatus, à quodam Milite *Franco Waltero*, cognomine *Tirello*, sagitta incaute directâ percussus, vitam finivit & gloriam, scil. quarto *Nonarum Augusti* feria quinta & *Wintoniam* deportatus, in Ecclesia Sancti *Petri* sepultus est. In eodem vero loco quo Rex occubuit priscis temporibus Ecclesia fuerat constructa: sed tempore Patris sui omnes Ecclesiæ cum tota illa Patria in solitudinem sunt redactæ; & fiebat ibidem Regia Forresta. In eadem etiam Forresta *Germannus* Regis *Richardus* filius *Roberti* Comitis *Normanniæ*, dum & ipse paulo ante in venatione fuisset, à suo similiter Milite sagitta percussus occubuit. Et secundum iudicium Populi vindicta Dei fuit hæc, quia, temporibus *Edwardi* Regis & aliorum Regum, eadem Patria cultoribus Dei & Ecclesiis sacris uberrime renitebat; sed, ut dictum est, iussu *Wilhelmi* Regis senioris hominibus fugatis, domibus semirutis, Ecclesiis destructis, habitationi ferarum deputata est. Regnavit itaque Rex *Wilhelmus* XIV. annis, exceptis XXVIII. diebus, & mortuus est. Cui successit Junior frater ejus *Henricus*. Ante mortem vel casum *Wilhelmi* Regis contigit in *Pago*, qui *Carrukeschire* nominatur, mirabile quoddam, quod sanguis scil. emanavit à quodam fonte ibidem tribus septimanis continuis.

*Henricus  
Wilhelmo suc-  
cedit.  
Prodigium.*

## CAP. XXVI.

*De Primordiis Henrici Regis primi.*

**A**Nno eodem M. C. *Wilhelmo* Regi successit *Henricus* frater ejus, qui solus à Rege Coronato procreatus est, postquam Pater ejus *Wilhelmus* Conquæstor Regnum *Angliæ* & Diadema Regni suscepit, hic à *Mauritio Londinensi* Episcopo *Nonas Augusti* apud *Westmonasterium* consecratus est in Regem. Qui eodem die consecrationis suæ Ecclesiam Dei sanctam, quæ fratris sui tempore vendita fuerat & ad firmam posita, liberam fecit, & ab omni servitute quietam. Venerabilem etiam *Anselmum Cantuariæ* Archiepiscopum, quem frater ejus exulaverat, mox ad propria revocavit, & omnes malas consuetudines & injustas exactiones, quibus *Anglia* opprimebatur injuste, de medio abstulit. Pacem firmam in toto Regno suo posuit, & Legem Regis *Edwardi* omnibus in commune reddidit, cum emendationibus illis, quibus eam emendaverat Pater ejus. Sed Forreſtas, quas ille constituit & tenuit, continuavit & iste. Post hæc congregavit Rex majores natu & magnates terræ, & eorum consilio fretus *Londini* solemniter duxit in uxorem bonam *Matildam*, filiam *Malcolmi* quondam Regis *Scotorum* & *Margaretæ* Reginæ, quam *Anselmus* Archiepiscopus die Sancti *Martini* in Reginam *Angliæ* coronavit & consecravit.

II 100

Henricus pri-  
mus consecra-  
tur.Anselmus ab  
exilio revo-  
catur.Henricus Ma-  
tildam uxo-  
rem ducit.

## CAP. XXVII.

*Quomodo Robertus frater ejus vocatus venit hostiliter.*

**I**Nterea ab *Jerusalem* domum rediit *Robertus* Comes *Normanniæ* cum uxore sua quam sibi in *Sicilia* desponsavit. Quod audientes quidam Magnatum *Angliæ*, qui Regis animum non habebant, missis ad eum nunciis rogaverunt eum ut festinato veniret, Coronam Regni *Angliæ* absque dubio suscepturus, auxilium sibi promittens & Regnum. Qui confestim congregavit exercitum, naves coadunavit copiosas. Quod Regem *Henricum* in brevi non latuit: unde & præcepit marinariis portuum diligentissima cura mare custodire, ne quis de *Normannia* veniret in *Angliam*. Ipse vero Rex congregato innumerable exercitu non longe ab *Hastinga* Castra posuit: autumabat enim fratrem suum in illis partibus appulsurum: sed à nautis suis deceptus est. Nam Comes ille quosdam ex marinariis Regis adeo donis & promissionibus fregit, quod frangentes fidelitatem Regi, & ad ipsum fugientes, continuo sibi in *Angliam* duces existerent. Quod cum ille fecisset, & ad proficiscendum omnia prompta essent & parata, navem cum exercitu conscendit, & ipsis ducentibus apud *Portsmouth* circa Festum Sancti *Petri* ad *Vincula*, pro voto applicuit, statimque movit se versus *Wintoniam* cum omni plebe sua. Quod audientes seductores qui eum vocaverunt, cucurrerunt ad eum; quidam tamen eorum remanserunt cum Rege, sed mente ficta. Interim dum Rex & Comes se pararent ad prælium discretiores utriusque partis, habito inter eos salubri consilio, pacem inter fratres sic componendo statuerunt ut III. mille *Marcas Argenti* singulis annis Rex persolveret Comiti, & vicissim restituerentur omnia hominibus suis, qui vel in *Anglia* propter comitem vel in *Normannia* propter Regem quicquid perdiderant, terras scil. quasque, dignitates vel honores. Reversusque est Comes in *Normanniam*, & in anno sequenti prædictas tres mille *Marcas* condonavit Regi.

II 100

Robertus ab  
expeditione  
Hierosolymi-  
tana reversus  
in Angliam  
adversus fra-  
trem magnum  
ducit exerci-  
tum.Pax inter fra-  
tres.



## CAP. XXVIII.

*De Investituris Ecclesiarum, & statutis Regis & Cleri.*1103  
*Diffidium in-  
ter Regem  
& Ansel-  
mum.**Anselmus Ro-  
mam à Rege  
missus.**Synodus Lon-  
din. de Inve-  
stituris.**Pœna in adul-  
terinæ mone-  
tæ cufores  
statuta.**Cleri luxuria  
reprimitur.*

**A**Nno Domini M. CIII. orta est magna dissentio inter Regem & *Anselmum Cantuariæ* Archiepiscopum, eo quod nollet consentire quod Rex daret investituras Ecclesiarum. Motusque Rex præcepit *Eborum* Archiepiscopo, ut ipse consecraret Episcopos quibus Rex dederat investituras. Sed *Wilhelmus Giffard* zelo justitiæ motus, benedictionem Archiepiscopi *Eboracensis* sprexit, propter quod iudicio Regis omnibus suis spoliatus eliminatur à Regno: *Anselmus* vero Archiepiscopus post multas injurias & diversas contumelias quas passus est, ad rogatum tandem Regis profectus est Romam, ut Decretum Domini Papæ in his & aliis haberetur. Cumque reversus Regem induceret ut ab inceptis cessaret injuriis, vix tandem & cum difficultate maxima adquevit. Unde post triennium III. *Kalend. Augusti*, congregato *Londoniis* Clero & Populo, astantibus Archiepiscopis & Episcopis, cæteraque multitudine maxima magnatum & procerum, annuit Rex, & statuit ut ab eo tempore in antea, nunquam in Reliquum per donationem Baculi Pastoralis vel Annuli quisquam investiretur de Episcopatu vel Abbatia per Regem, seu quamcunque personam secularem. Concedente quoque *Anselmo* Archiepiscopo ut nullus in prælationem electus pro homagio quod Regi faceret consecrationis susceptæ honore privaretur. Statuitque Rex pacem firmam & legem certam ut si in furto vel latrocinio deprehensus esset quis absque redemptione qualibet suspenderetur. Statuit etiam ut quicumque falsos denarios facere deprehensus fuisset, ambos oculos & inferiores corporis partes amitteret: & quia eligebantur boni denarii, & aliquid fracti rumpebantur vel respuebantur, statuit ut nullus denarius vel obolus, quos & rotundos esse jussit, aut etiam quadrans integer esset, sed aliqua fractura in eis remaneret. In quo facto magnum evenit commodum toti Regno. Statuerunt etiam Archiepiscopi & Episcopi cum Clero, ut Presbyteri, Diaconi, Subdiaconi caste vivant, & feminas in domibus suis non habeant, nisi forte in proxima consanguinitate conjunctas, secundum quod *Nicana* Synodus definivit. Et si duobus aut tribus legitimis testibus aut publica Parochianorum fama convictus fuerit quis hoc statutum violasse, purgabit se adjunctis ordinis sui secum idoneis testibus VI. si Presbyter fuerit, si Diaconus IV. si subdiaconus II. Qui autem in purgatione defecerit, hujus sacri statuti censetur violator. Presbyteri autem qui divini Altaris & Ordinis sui sacri contemptores existunt, præelicientes cum mulieribus habitare, à divino officio remoti, omnique Ecclesiastico beneficio privati, extra Chorum ponentur, & censentur infames; qui vero rebellis extiterit, & missam celebrare præsumperit, ad satisfactionem vocetur, quam si non fecerit, excommunicetur. Eadem etiam sententia teneat & liget Archidiaconos & Canonicos omnes. Jurabunt etiam Archidiaconi quod pecuniam non accipient pro toleranda transgressione hujus statuti salubris, nec patientur Presbyteros, quos sciunt feminas habere, vel cantare missas, vel Vicarios pro se constituere; similiter jurabunt & Decani: quod si jurare noluerint, Archidiaconatum, & Decanatum perdant. Eodem anno in *Barkeleshire* in loco qui dicitur *Hampsted* visus est à multis sanguis de terra affluere.

## CAP. XXIX.

*Rex transfretavit in Normanniam & cepit Comitem.*

**A**Nno Domini M. CIV. Rex *Henricus* magnam à Regno exegit pecuniam, & gravabatur terra oppressionibus multis. Accendebatur enim antiquus furor inter Regem & Comitem: propter quod congregato exercitu transfretavit Rex in *Normanniam* cum immensa pecunia. In cujus adventum occurrunt ei Majores illius terræ spreto Comite, in aurum & argentum illius anhelantes; excoecatque muneribus tradiderunt ei Castra & Civitates munitas. Rex vero *Bayocas*, id est, *Bayeux*, cum Ecclesia Sanctæ Mariæ combussit igni, & *Cadomum* fratri suo abstulit similiter. Non enim audebat Comes, nec etiam potuit, Regi resistere, eo quod esset viribus impar, & ab eo recesserant magnates sui. Institit ergo Rex in quantum potuit ad exhæredationem fratris sui, & firmata terra in *Angliam* profectus est, & iterum cum immenso Exercitu reversus in anno sequenti. Comes autem congregata multitudo qua potuit occurrit ei, & in vigilia Sancti Michaelis facto congressu valido Rex victoriam adeptus est, captusque Comes *Robertus* frater Regis, & in custodia fratris residuum vitæ suæ tempus ingloriosus exegit, & secundum quod Pater Regis Ducatui *Normanniæ* olim Regnum *Angliæ* sociaverat, sic Regno *Angliæ* Ducatum *Normanniæ* isto modo sociavit, disposuitque terram, & reversus est.

1104

*Norman.  
magnates Ro-  
bertum de-se-  
runt.**Robertus vi-  
ctus captus-  
que.*

## CAP. XXX.

*Cuthbertus.*

**E**odem anno Corpus Sancti *Cuthberti* cum capite Sancti *Oswaldi* Regis & *Martyris*, Sanctique *Beda* & multorum Sanctorum Reliquiis, incorruptum inventum est à fratribus *Dunelmensis* Ecclesiæ, præsentem *Alexandro Edgari* Regis *Scotorum* fratre, & postea Rege (post annos depositionis ejusdem Sancti *Cuthberti* IV.) XVIII. annos, VIII. Menses, & duodecim dies. Eodem etiam anno VII. *Idus Julii*, visi sunt circa solem quatuor circuli albi coloris circa horam sextam, & erat unusquisque circulus ab alio quasi essent depicti.

1104

*S. Cuthberti  
corpus inven-  
tum.*

## CAP. XXXI.

**A**Nno Domini M. CVI. in cœna Domini visæ sunt duæ Lunæ paulo ante diem, una in Oriente, altera in occidente, & utraque plena, & erat eodem die Lunæ XIV. *Martii*.

1106

*Duæ Lunæ.*

## CAP. XXXII.

**A**Nno Domini M. CVII. Rex *Scotorum* *Edgarus* obiit. Cui successit frater suus *Alexander*, de consensu Regis *Henrici*.

1107

*Edgar. ob.*

## CAP. XXXIII.

**A**Nno Domini M. CIX. Venerabilis *Anselmus Cantuariensis* Archiepiscopus obiit XI. *Kalend. Maii*, & sortitus est nomen grande juxta nomen magnorum qui sunt in Cœlo, sic & ipse *Henricus* Rex grande nomen magnorum qui

1109

*Anselm. ob.*



*Henricus primus.*

qui sunt in terra. Eodem anno Rex *Henricus* Abbatiam *Eliensem* ad Episcopalem mutavit sedem. Eodem anno stella Cometa mense *Decembri* visa est, circa lacteum circulum crinem dirigens in Australem plagam coeli. Iterum apparuit Cometa stella in sequenti anno, vi. *Id. Junii*, & per tres hebdomadas lucere visa est.

## C A P. XXXIV.

IIIO  
*Trenta exsecatur.*

**A**Nno Domini M. CX. fluvius, qui dicitur *Trenta*, à mane usque tertiam apud *Spotingham* spatio unius milliarii exsiccatus est, ita ut homines sicco vestigio per alveum incederent. Eodem anno in *Schorberesber* factus est terræmotus per maximus.

## C A P. XXXV.

*Papa captus.*

IIII  
*Paschalis in carceratur.*

**A**Nno Domini M. CXI. Rex *Almannia Henricus* cum exercitu *Romam* venit, cepitque *Paschalem* Papam & in custodiam posuit, sed postea fecit cum eo pacem in *Paschate*, & dimisit eum. Eodem anno Hiems asperrima, fames valida, mortalitas hominum, pestis animalium agrestium simul & Domesticorum, stragesque avium per maxima fuit.

## C A P. XXXVI.

IIII3  
*Wigorn. combusta.*

**A**Nno M. CXIII. Civitas *Wigornie* cum principali Ecclesia & Castro igne combusta est, & in cinerem redacta xiii. *Kalend. Julii*.

## C A P. XXXVII.

IIII4  
*Matilda nubit Henrico imperatori.*

*Cicestria succensa.*

*Thurstinus Archiep. Eborac. electus.*

*Thamisis & al. flum. aquæ deficiunt.*

**A**Nno Domini M. CXIV. Rex *Henricus* *Matildam* filiam suam *Henrico* Imperatori *Romanorum* in uxorem tradidit. Et viii. *Idus Januarii* facta est *Magontie* illa solemnitas maxima, ubi & eodem die in Imperatricem consecrata est. Eodem anno iii. *Nonas Maii*, civitas *Cicestria* cum monasterio ejusdem per incuriam igni succensa est. Eodem anno *Thurstinus* Regis Capellanus ad *Eboracensem* Archiepiscopatum electus est, die Assumptionis beatæ *Mariæ*, apud *Wintoniam*. Eodem anno fluvius *Wedelway* vi. *Id. Octobris*, per nonnulla milliaria ita defecit in se, quod in medio sui alneo etiam minimæ naves elabi non possent aliquatenus. *Thamesia* etiam eodem die similem defectum sensit. Nam inter pontem & Regis turrem, & etiam sub ponte in tantum fluminis ipsius aqua diminuta est, ut innumera hominum & puerorum multitudo illud pedibus transuadarint, aqua ipsa illorum vix genua attingente. Duravit autem hic aquæ defectus à media noctis præcedentis, usque in profundas tenebras noctis subsequæ. Similem quoque defectum aquarum ipso eodem die apud *Gernemutham*, & in aliis locis certo relatum, contigisse didicimus.

## C A P. XXXVIII.

IIII6  
*Hiems asperrima.*

**A**Nno M. CXVI. erat hiems maxima & asperrima, ita ut fere Pontes per *Angliam* Gelu & Glacie & aquarum abundantia frangerentur.

C A P.

## CAP. XXXIX.

*Dissentio inter Cant. & Eborum Archiepiscopos.*

**A**Nno Domini M. CXVI. Convocatis Comitibus & Baronibus cum Clero totius Regni *Angliæ*, tenuit Rex Parliamentum suum apud *Salesburiam* IIII6  
*xiv. Kalend. Aprilis.* Ubi jussu *Henrici* Regis fecerunt prædicti magnates ho- Parliamen-  
tum Salisbu-  
rie habitum  
in quo Mag-  
nates Homa-  
gium Willi-  
elmo præ-  
stant.  
magium filio suo *Wilhelmo* & eidem fidelitatem juraverunt. Habita etiam est  
ibidem causa inter *Cantuaria* Archiepiscopum & *Turstinum Eborum* electum, de  
benedictione ab ipso *Cantuariensi* suscipienda, & professione eidem facienda.  
Ubi respondit electus benedictionem libenter se velle suscipere, sed professio-  
nem, quam exigebat, nulla ratione se facturum. Quod avertens Rex prote-  
stus est illum morem antecessorum suorum, tam in professione facienda,  
quam in cæteris dignitatibus *Cantuariensi* Ecclesiæ competentibus, aut antiquo  
jure exequenturum, aut *Eboracensi* Archiepiscopatu cum ipsa etiam benedicti-  
one funditus cariturum. Quibus auditis, cum *Eborum* Ecclesiam subicere nol-  
let, confestim renunciavit Pontificatum, spondens se nusquam reclamaturum  
in posterum.

## CAP. XL.

*Terræmotus. Et unus salvatur multis occisis.*

**A**Nno Domini M. CXVII. apud *Longobardiam* facto terræmotu magno, & IIII7  
durante quadraginta dierum spatio, plurima domorum ædificia corru-  
runt; &, quod visu dictuque constat mirabile, villa quædam per grandinem  
mota est repente de statu & loco proprio, & quasi subito ab omnibus consiste-  
re cernitur in loco alio & longe remoto. Eodem anno, apud *Mediolanum*, Casus mirus  
Mediolani.  
dum magnates Civitatis ad invicem tractantes de republica sub una Turri re-  
siderent, factoque in parte silentio, mox auribus omnium vox foris insonuit,  
unum ex illis proprio nomine vocans, & festinato exire rogans; quo nimium  
tardante, persona quædam proceræ staturæ & auctoritatis magnæ coram eis  
apparuit, & vocatum virum ut egrederetur suavi prece obtinuit: qui cum ef-  
set egressus, Turris ipsa cecidit repente, & omnes oppressit qui ibidem ade-  
rant: solus enim evasit ille vir in quo inventa sunt aliqua opera bona. Eo-  
dem anno, *Kalend. Decembris*, audita sunt immensa tonitrua, coruscationes, &  
fulgura, cum pluvia maxima & grandine, Et *iv. Idus* ejusdem Mensis, luna Luna Eclipsis.  
primo sanguinea, & post obtenebrata apparuit.

## CAP. XLI.

*Obiit Regina.*

**A**Nno Domini M. CVIII. Obiit *Matildis* Regina, *Kalend. Maii*, apud *West-* IIII8  
*monasterium*, & ibidem sepelitur. Eodem anno, *xiv. Kalend. Februarii*, Matild. ob.  
obiit *Paschalius* Papa, cui successit *Gelasius*; qui per Imperatorem à *Roma* ex- Paschas. Pa-  
pa ob.  
Concilium  
Remense.  
Normannor.  
plur. deficiens  
à Rege.  
pulsus venit in *Franciam*, & in medio quadragessimæ *Remis* generale concilium  
celebravit, conquerens ibidem de Imperatore, quod *Bracarensem* Episcopum  
publice excommunicatum in sedem Apostolicam intrusisset. Eodem anno  
plures *Normannorum* fidelitatem, quam Regi *Henrico* juraverant, deferentes,  
ad *Lodovicum* Regem *Francorum* se transtulerunt.



## CAP. XLII.

*Ictu fulminis perierunt duæ mulieres & quinque equi.*

1118

**E**odem anno, dum ab Episcopo *Herefordensi* Ecclesia de *Wamersfelde* dedicaretur, factus est concursus populi multus, & aeris serenitas magna: officioque expleto mutata est aeris temperies, & facta est tempestas maxima fulguris & tonitru. Factumque est ut, revertentibus domum à dedicatione in uno comitatu tribus viris & duabus feminis, contigit quod una mulier ictu fulmineo percussa occubuit; altera vero mulier ab umbilico usque pedum vestigia eodem igne quasi ignita decedit, viris ipsis cum timore & tremore reservatis, sed equi eorum quinque ictu fulminis perierunt.

## CAP. XLIII.

*Quomodo Thurstinus consecratur à Papa in Concilio.*

1119  
Gelaf. Papa  
ob.  
Schisma in  
Ecclesia Ro-  
mana.

Concilium  
Remense.

Thurstinus  
consecratur.  
Eidem redi-  
tus in Angl.  
interdicitur.  
Rex convenit  
Calixtum.

**A**nno Domini M. CXIX. *Gelasius* Papa apud *Cluniacum* obiit; in cuius locum Cardinales alique Romani, qui illic secuti fuerant eum, *Guidonem Mennensem* Archiepiscopum eligendo substituerunt, eum *Kalixtum* nominantes. Cumque gererentur hæc in *Burgundia*, cæteri Cardinales, qui Romæ remanserant, quendam *Gregorium* elegerunt: & sic, his duobus in Papatum sublimatis, orbis concussus est, & vota partium in varia dividuntur; aliisque hunc & aliis hunc favore prosequentibus, gravi scandalo Sancta Mater Ecclesia perfunditur. Sed *Kalixtus* Papa in *Franciam* gressus dirigens, XIII. Kalend. Novembris, *Remis* generale Concilium instituit celebrari; ubi numeratæ sunt personarum Pastoralium virgæ CCCXXIV. inter quos *Thurstinus Eboracensis* electus, vix obtenta à Rege licentia, personaliter affuit, causam Ecclesiæ suæ concilio referre volens. Præmiserat Rex tamen ad Papam, ne *Eboracensem* electum consecraret, nec ab aliquo permetteret consecrari, nisi tantum à *Cantuariensi* Archiepiscopo, uti moris esse solebat. Sed hoc non obstante consecratur ibidem, & firmum ejus propositum à toto Concilio commendatur. Iratusque Rex interdixit ei reditum in omnem Dominationis suæ locum. Post modicum vero temporis venit *Kalixtus* Papa *Gisfortium*, ubi occurrit ei Rex *Henricus*, & impetravit a Papa ut neminem aliquem legatum in *Angliam* mitteret, nec officio legati fungi permetteret, nisi postulare hoc ipse Rex, occasione alicujus querelæ quæ per Episcopos *Angliæ* terminari non posset. Rogavitque Papa Regem *Thurstino* Archiepiscopo, sed non obtinuit illa vice, Rex enim assentire noluit, nisi subjectionem, quam prædecessores sui fecerant, Ecclesiæ *Cantuariensi* vellet & ipse facere; sed omnino recusavit.

## CAP. XLIV.

*Concordatus est Rex cum Reg. Francorum.*

1120

**A**nno Domini M. CXX. Rex *Henricus* & Rex *Fraucorum Lodovicus* mutuo se videntes concordati sunt. Susceperat enim prius quosdam *Normanorum* magnates, qui à fide Regis *Henrici* desciverant, fecitque *Willielmus* filius Regis *Henrici* homagium Regi *Franciæ* pro *Normannia*, quam dederat ei Pater, & sic sub illo cepit *Normanniæ* Principatum. Rex vero *Henricus* omnibus ad votum paratis jam lætus, immo lætior solito effectus, expleto jam quinto profectiois suæ anno, iterum in *Angliam* multo navigio revehitur. Et quia filii sui

curam

curam diligenter agebat, assignaverat ei navem qua nulla videbatur melior, sed, Henricus pti-  
mus. ut eventus ostendit, nulla infelicioꝝ. Patre enim præeunte, paulo tardius & infelicius sequebatur filius. Nave etenim non longe à terra posita, cum in ipso noctis initio portum *Angliæ* apprehendere conarentur, mox in ipso velificationis impetu super scopulos terræ delata est & omnis dissoluta: periitque filius Regis & omnes qui inerant cum eo apud *Barbasteth* VI. *Kalend. Decembris*, Filius Hen-  
rici naufr-  
gio perit. feria quinta, cum esset annorum XVIII. Perieruntque cum eo milites CXL. & L. Nautæ cum tribus Gubernatoribus suis, & filia Regis.

## CAP. XLV.

**A**Nno Domini M. CXXI. Rex *Henricus* in Purificatione apud *Windsower* II 21  
Rex Adeli-  
nam ducit ux-  
orem.  
Thurstinus  
Episcopus  
restituatur. totius *Angliæ* congregato concilio, filiam *Godefridi Ducis Lovaniæ* nomine *Adelinam* solemniter duxit in uxorem: ex qua tamen non procreavit liberos, sed absque liberis remansit orbatus in perpetuum. Eodem anno *Thurstinus Eborum* Archiepiscopus de consensu Regis expresso, per literas Apostolicas, in suum introducit Archiepiscopatum, absque ulla exactione professionis, & amicus Regis effectus est. Eodem anno post Pascha *Kalixtus* Papa cum exercitu *Romanorum Burdinum* pseudo-Papam persecutus est, & in *Sutrina* civitate eum aliquantisper obsessum, tandem cum ipso loco eum comprehendit. Calixtus an-  
tipapam ca-  
pit.

## CAP. XLVI.

*Wallenses Rebellerunt.*

**E**odem anno *Wallenses*, qui post submerfionem *Richardi* Comitis *Cestrensis*, II 21  
Rex Wallens.  
Henrico con-  
ciliatur. contra Regem *Henricum* conspiraverant, jam erectis cervicibus incedentes loca quædam in Comitatu prædicto depopulati sunt, accensis duobus Castellis, & interfectis multis. Quo audito, Rex *Henricus* congregato exercitu copioso direxit ibidem gressus suos, ad devastandum eos omni furore succensus. Sed, cum pervenisset juxta *Snawdum*, Rex *Wallanorum* missis nuntiis placavit eum muneribus multis, & reconciliatus est ei, & factus est saltem vocalis amicus: ab eoque acceptis obsidibus reversus est. Et eodem anno Rex ipse fieri fecit inter *Lincolniam* & *Torkesay* fossatum quoddam ad iter navium per derivationem *Trentæ*. Eodem anno *Ranulphus Dunelmensis* Episcopus incepit Castellum de *Portham*; ubi in vigilia natalis Domini irruens ventus insolitus Ventus vobe-  
mens. non solum domos, sed etiam turres quasdam dejecit lapideas; sed propter hæc ab incepto opere non destitit.

## CAP. XLVII.

*Perrexit Rex in Normanniam.*

**A**Nno Domini M. CXXIV. Rex *Henricus* Archiepiscopatum *Cantuariæ*, Episcopatum *Lincolniæ*, & Episcopatum *Bathonie* contulit, & contra Pentecosten transiit in *Normanniam*, declinaverant enim ab eo quidam eorum post mortem filii sui, cui Ducatum eundem contulerat: & in anno sequenti multos ex eis quos rebelles invenerat devicit potenter, & suo dominio subjugavit; & sic obtenta victoria reversus est. II 24  
Rex victor in  
Angl. rever-  
titur.



Henricus pri-  
mus.

## CAP. XLVIII.

*Legatus Papæ cum meretrice invenitur.*

1125  
Concilium  
Londoniense

Monetarii  
puniuntur.

**A**Nno Domini M.CXXV. *Johannes Cremenſis* Cardinalis miſſus à latere Domini Papæ celebravit concilium *Londoniis*, in feſto nativitatſ Dei genitricis *Beatæ Mariæ*, coram clero & omni populo, glorificatuſque eſt in fermone Domini valide, ſed in factò contrario repertus in veſperis deriſus eſt. Cum enim in concilio de uxoribus ſacerdotum tractaſſet ſeveriſſime, dicens, ſummum ſcelus eſſe a latere meretricis ad Corpus Chriſti conficiendum ſurgere, & ipſe eadem die Corpus Chriſti confeciſſet, cum meretrice poſt veſperam inventus & captus eſt: & ſic immenſus honor prius ubique habitus in ſummum dedecus eſt verſus, remeavitque confuſus & inglorioſus. Eodem anno Monetarii fere totius *Angliæ* quia monetam furtive corruperant, jubente Rege dextris amputatis truncabantur. Eodem anno fames fuit maxima.

## CAP. XLIX.

*Rex fecit jurari fidelitatem filię ſuæ.*

1126

**A**Nno Domini M.CXXVI. Rex *Henricus* confirmatis pactis cum Principibus *Franciæ* circa feſtum ſancti *Michaelis* victorioſiſſimus rediit in *Angliam*, adducens ſecum filiam ſuam Imperatricem, mortuo marito ſuo Imperatore *Henrico* in anno præcedente: factoque concilio eidem filię ſuæ & ſuſceptis vel ſuſcipiendis ex ea nepotibus, ab Episcopis, Comitibus, Baronibus, & cæteris omnibus qui alicujus videbantur eſſe momenti, Regnum *Angliæ* cum Ducatu *Normanniæ* jurari fecit. Et in anno ſequente eandem filiam filio Conſulis *Andegavenſis* uxorem tradidit; miſitque eam in *Normanniam* circa Pentecoſten, & ſecutus eſt eam Rex in *Auguſto*.

## CAP. L.

*De Progenie Regum Francorum.*

1128

Sycambria  
condita.

Prima Fran-  
corum Regum  
familia.

**A**Nno Domini M.CXXVIII. Rex *Henricus* exercitu congregato perrexit hoſtiliter in *Franciam*, & compulſit Regem *Lodovicum* auxilium non ferre Comiti *Flandrenſi* hoſti ſuo contra *Theutonicos* eundem Comitem impugnantes. Cumque maneret Rex apud *Sparnum* octo diebus, ſecure perendinans quaſi in Regno, quaſivit ab incolis ejusdem loci originem Regni *Francorum*. Cui quidam vir doctus ita reſpondit. Regum potentiſſime, ſicut pleræque gentes Europæ ita & *Franci* à *Trojanis* duxerunt originem. *Antenor* quippe cum ſuis profugis ab excidio *Trojæ* fugiens, in finibus *Pannoniæ* Civitatem *Sycambriam* ædificavit. Poſt cujus mortem Duces ſui conſtituerunt ſuper ſe *Torgecum* & *Francionem* à quo *Franci* ſunt appellati. Quibus deſunctis ſucceſſit *Marchomirus*, qui genuit *Pharamundum* primum Regem *Francorum*. Qui genuit *Clodium* Crinitum, à quo Reges *Francorum* Criniti habentur. *Clodio* ſucceſſit *Meroveus* cognatus ejus, à quo Reges *Franci* *Merovei* ſunt appellati, qui genuit *Childericum*, qui *Clodoveum*, quem Baptizavit ſanctus *Remigius*. Qui genuit *Clotarium*, qui <sup>b</sup> *Clipparicum*, qui *Clotarium* ſecundum, qui *Dagobertum*, qui *Clodoveum*, qui *Theodoricum*, qui *Childebertum*, qui *Dagobertum*, qui *Theodericum*, qui *Clotarium*, hujus proſapiæ ultimum. Poſt quem Regnavit <sup>c</sup> *Hildericus*, qui

<sup>a</sup> Torgotum. <sup>b</sup> Chilpericum. <sup>c</sup> Childericus.

tonsus & in monasterio retrusus est, *Pipino* Rege effecto. Ex alterius autem Henricus primus. serie generationis ex filia *Clotarii* Regis *Ansbertus* genuit *Arnoldum*, qui *Arnulphum*, qui *Anchisem*, qui *Pipinum* majorem, qui *Karolum Martellum*, qui *Pipinum* Regem, qui *Karolum* magnum Imperatorem, qui *Lodovicum* imperatorem, qui *Lodovicum* Regem, qui *Carolum* simplicem, qui *Lodovicum*, qui *Lotharium*, qui *Lodovicum* hujus prosapiæ Regem ultimum. Quo defuncto *Franci* statuerunt super se *Hugonem* Ducem. *Hugo* vero Rex genuit piissimum *Robertum*, qui *Henricum*, qui *Philippum* & *Hugonem* magnum, qui *Ierosolimam* eripuit de manibus Paganorum, anno scil. Domini M. XCIX *Philippus* genuit *Lodovicum* qui Regnat in præsentī. Qui si probitatis antiquorum vestigia teneret, tam secure in Regno ejus non quiesceret. Secunda familia. Tertia familia.

## CAP. LI.

*De Presbyteris & Concubinis eorum.*

**A**Nno Domini M. CXXIX. *Lodovicus* Rex Francorum fecit Coronari *Philippum* filium suum in Regem *Franciæ*. Rex *Henricus* tenuit *Londoniis* 1129 Philippus coronatur. magnum Concilium *Kalend. Augusti*. Fiebatque sermo de Uxoribus Sacerdotum prohibendis. Deceptique sunt ibi Prælati Ecclesiæ *Anglicanæ*, eo quod concesserunt Regi justitiā de uxoribus sacerdotum : & improvidi habiti sunt, quia Rex accepit postea pecuniam infinitam de Presbyteris, & redemit eos. *Philippus* autem *Franciæ* Rex dudum creatus paulo post, dum caballum ludens agitare, obvium suum habuit. Cui cum pedes equi currentis offenderent, Rex nominatus cecidit, & fractis cervicibus expiravit. Eodem anno Christiani inhabitantes Terram Sanctam irritaverunt Deum in suis luxuriis, rapinis, & sceleribus multis : tradiditque eos Deus in manus inimicorum, & perierunt multi ex eis; in Vigilia Sancti *Nicholai* etiam à paucis quidem Paganorum multi Christianorum devicti sunt, cum retroactis temporibus solebat e contrario eis contingere. Christiani in Palestina à Paganis victi.

## CAP. LII.

*Fundatio Giseburniæ.*

**E**odem anno fundata fuit Domus nostra *Giseburniæ* per *Robertum* de *Bruggis*, 1129 ex consensu & confirmatione *Calixti* Papæ & *Thursthini* Eborum Archiepiscopi, & etiam ipsius Regis *Henrici*.

## CAP. LIII.

*Papa expellitur à Roma.*

**A**Nno Domini M. CXXX. Obiit bonæ memoriæ *Calixtus* Papa : cui successit 1130 *Honorius*, qui duobus annis sedit, & mortuus est. Cui successit *Innocentius*, quem Rex *Henricus* apud *Carnotum* honorifice suscepit & *Anacletum* refutavit : Hos enim duos *Romani* bipertiti elegerant vota sua dividentes. Et ipse *Innocentius* vi & potentia *Anacleti* expulsus est à Roma ; & auxilio Regis *Henrici* per totas *Gallias* receptus est : duobus autem annis sedit, & mortuus est. Cui successit [*Cælestinus*]. Calixtus obiit. Honorius P. obiit. Schisma in Ecclesia Romana.



Henricus primus.

## CAP. LIV.

*Rex fecit novum Episcopatum apud Carliolum.*

1133 **A**Nno Domini M. CXXXIII. Rex *Henricus* dedit Episcopatum *Eliensem Nigello*, & Episcopatum *Dunelmensem Galfrido* Cancellario; fecitque Rex novum Episcopatum apud *Carliolum*, & dedit illum *Adelulfo* Priori de Sancto *Oswaldo*. Eodem anno facta est Eclipsis Solis quarto *Kalend. Augusti*, circa horam diei sextam; ita quod totus orbis ipsius solis quasi nigro scuto videretur obtectus. Et eadem die transiit Rex Mare in *Normanniam*, moramque fecit ibidem per totum annum sequentem, propter gaudium nepotum suorum, quos de filia sua Comes *Andegavensis* procreaverat; valde enim dilexit eos.

Solis Eclipsis.

Rex transit in Normanniam.

## CAP. LV.

*De morte Regis Henrici Primi.*

1135 **A**Nno Domini M. CXXXV. Rex *Henricus* cum in *Normannia* diuturnam fecisset moram, tandem in *Angliam* redire disponebat: sed detinebat eum filia sua calliditate quadam; fecit enim in arte sua oriri discordias inter Regem & Consulem *Andegavensem* Maritum suum, ut sic saltem à proposito redeundi impediretur. Quibus quidem stimulationibus Rex in iram & animi Rancorem excitatus est & commotus; quæ à nonnullis causa velut refrigerationis, & postea mortis suæ causa fuisse dicta sunt. Cum igitur die quadam Rex a venatu redisset apud Sanctum *Dionysium* in silva *Leonum*, comedit carnes murænarum i. e. Lampredarum, quæ semper ei nocebant, & eas semper amabat secundum quoddam dictum;

*Nitimur in vetitum semper cupimusque negata.*

Henrici virtutes & vitia.

Hæc igitur comestio pessimi humoris senile corpus lethaliter infrigerans, excitavit in eo febrem acutam, & prævalente morbo decessit Rex pacificus magnificusque, cum Regnasset jam annis xxxv. & tribus Mensibus, prima die *Decembris*, anno Domini supradicto: hic autem annus ab adventu *Normannorum* in *Angliam* sexagesimus nonus, ab adventu *Britannorum* bis millesimus ducentessimus sexagesimus quintus. Regnaverat autem Rex omni tempore suo in multa felicitate & gloria, & multis, quæ decebant principem, virtutibus ornatus, quas tamen denigrabat in parte concupiscentia feminarum, imitando vestigia & petulantiam *Salomonis*. Feras quoque propter venationis delicias plus justo diligens, in publicis animadversionibus cervicidas ab homicidis parum discernebat: severius enim agebat in his, & ultra modum.

## CAP. LVI.

*De primordiis Regis Stephani, & Coronatione ejusdem.*

1135 Rex Stephanus.

Reg. Stephani progenies.

**D**Efuncto itaque Rege *Henrico*, sed nondum sepulturæ tradito, *Stephanus* ejus nepos Regnum *Anglorum* invasit. Si quidem *Stephanus* major Comes *Blesensis Willielmi Nothi* & Conquæstoris filiam duxerat in uxorem, ex qua quatuor filios procreavit. Quo in partibus orientis defuncto, mater mirabilis Primogenito suo, eo quod remissioris erat ingenii & tanquam degener videretur,

deretur, prudenter amoto, *Theobaldum* filium suum in quo sibi bene complacerebat, ad plenitudinem hæreditatis provexit. *Stephanum* quoque adhuc impuberem Regi avunculo nutriendum promovendumque tradidit vel direxit. Quartum vero filium *Henricum*, ne soli seculo genuisse liberos videretur, apud *Cluniacum* tonseravit. Processu temporis Rex *Henricus* unicam Comitissæ *Bononiensis* filiam, ad quam tota spectabat hæreditas; nepoti *Stephano* copulavit, eis in *Anglia* dona quam plurima collargiens. Fratri autem ejus *Henrico* Monacho *Cluniacensi* dedit Rex Abbatiam *Glastoniensem*, ac postmodum Episcopatum adjecit *Wintoniensem*. Cum ergo, ut prædictum est, Rex *Henricus* obisset idem *Stephanus* vir magnæ strenuitatis & audaciæ, quamvis jurasset cum cæteris Sacramentum fidelitatis filiæ Regis *Henrici* & filiis suis, diadema tamen Regni quasi tempestas invasit. Omnes etiam qui Sacramentum juraverant, ut prædictum est, tam præfules quam Consules & Principes assensum *Stephano* præbuerunt, & homagium fecerunt ei, prætereuntes Sacramentum fidelitatis, quod ex præcepto Regis *Henrici* filiæ suæ Imperatrici fecerant, ut prædictum est. *Wilhelmus* etiam *Cantuariæ* Archiepiscopus, qui primus Sacramentum fecerat, eum proh dolor! benedixit in Regem; omnisque *Anglia* quasi in ictu oculi ei subiecta est. Die autem beati *Stephani* Protomartyris, Rex *Stephanus* Diadematus curiam suam tenuit *Londoniis* cum magna pompa & immanis gloria: & Corpus Regis *Henrici* adhuc inhumatum erat in *Normannia*. Viscera ejus, Cerebrum, & oculi confepulta sunt apud *Rothomagum*; reliquæ vero Regalis cadaveris allatæ sunt in *Angliam*, & intra Natalem Domini duodecimo die sepultæ sunt apud *Hedinges*. Quam quidem domum Rex ipse fundaverat, & multis etiam eam ditaverat possessionibus & donis. Porro homo ille, qui pretio magno conductus cerebrum ejus extraxerat, intolerantia foetoris infectus, quasi subito extinctus est. Non enim sic accidit de Corpore *Helisæi Prophetæ*: nam corpus *Helisæi* mortui vivificavit mortuum, istius vero jam mortui corpus vivum mortificavit. Venit etiam Rex *Stephanus* apud *Hedinges* contra corpus Avunculi sui, & sepulturæ interfuit.

Rex Stephanus.

Stephanus contra præstitum juramentum Regnum invadit.

Henrici corpus: partim Rothomagi partim Hedinges sepultum.

## CAP. LVII.

*Concessit Rex subscripta.*

SEPulto Rege *Henrico*, ut dictum est, Rex novus inde perrexit usque *Oxenfordiam*, ubi convocato Concilio renovavit & confirmavit pacta, quæ Deo & Ecclesiæ populoque concesserat die Coronationis suæ, quæ sunt hæc. Primo vovit Deo quod defunctis Episcopis nunquam retineret Ecclesias in manu sua, sed statim electioni consentiens Episcopis eas investiret. Item vovit, quod *Danegeldum*, id est, duos solidos ad *Hidam*, quod antecessores sui accipere solebant singulis annis, in æternum condonaret. Plura etiam vovit, sed pauca tenuit.

1135

## CAP. LVIII.

*Scotorum Rex cepit Karliolum & Novum Castrum dolose.*

IN fine Natalis Domini, nuntiatum est Regi *Stephano* apud *Oxenfordiam*, & sic dictum. Rex *Scotorum* simulans se pacifice venire ad te, & hospitandi causa in *Karliolum* & in *Novum Castrum* ingrediens, dolose cepit utraque, & occupata possidet. Cui respondit Rex: quod dolose recepit, victorioso recipiam; congregavit ergo Rex impiger & promovit exercitum tam magnum fortem & validum, quantum in *Anglia* fuisse nullus memorare potuit. Occurrens autem ei Rex *David* circa *Dunelmum* pacifice locutus est & concordatus est.

1135

Pax inter Henricum &amp; Davidem.



Rex Steph-  
anus.

est ei. Reddiditque *Novum Castellum*, sed ex concessione Regis *Stephani Karleolum* retinuit. Rex tamen *David* homo Regis *Stephani* non est effectus, quia de Laicis primus juravit fidelitatem ipse *David* filiæ Regis *Henrici* Nepti suæ, de *Anglia* ei manutenenda post mortem Regis *Henrici*. Sed filius Regis *David*, *Henricus* nomine, homo Regis *Stephani* effectus est, deditque ei Rex *Stephanus Burgum* quod vocatur *Huntington* in augmentum.

## CAP. LIX.

*Pacificatur cum Rege Francorum.*

1136  
Rex transit  
in Norman-  
niam.

ANNO Domini M. CXXXVI. & Regni Regis *Stephani* secundo, transfretavit idem Rex cum manu armata in *Normanniam*, & multis ibidem hostibus superatis, & bellicose tandem cum Rege *Francorum* concordiam iniit, & *Eustachius* filius ejus homo Regis *Francorum* effectus est, propter *Normanniam*, quæ *Francorum* adjacet imperio. Quod videns Comes *Andegavenfis*, qui filiam Regis *Henrici* & Imperatricem duxerat, & cui *Anglicani* Regni successio compete-  
bat, ut prædictum est, ratione ejusdem uxoris suæ, se sciens in præsentī Regi-  
as vires infringere non posse, licet jam attentasset in parte, cœpit continuo  
pacifice loqui, & inducias petere super eodem negotio, in quo jure uxoris Reg-  
num vendicabat *Anglicanum*. Quibus concessis & initis, Rex ante Natale  
*Angliam* rediit, & per totum Natale, incipiens ab ipsa vigilia natalis Domini,  
*Bedefordiam* obsedit; & de tanta solemnitate non curans, immo parvipendens,  
ab obsidione non cessabat, quousque Castrum redderetur. Insurrexerant e-  
nim contra eum multi magnates terræ.

Rex Bedfor-  
diam obsedit.

## CAP. LX.

*Scoti devicti sunt apud Alverton.*

1136

Eodem anno statim post dedicationem vel ædificationem Castri *Bedeford*, Rex *Stephanus* in *Scotiam* innumerabilem exercitum quasi promovit. *David* namque Rex *Scotorum*, qui Sacramentum fecerat Imperatrici filiæ Regis *Henrici*, de conservando sibi Regno *Angliæ*, quasi sub velamento sanctitatis ejusdem, cum exercitibus suis *Northumbriam* ingressus est, execrabiliter agens in omnibus viis suis. Non enim parcebant sui sexui vel ætati, quin etiam mul-  
res gravidas funderent, & pueros super acumina lancearum jactarent: sacro-  
sanctis etiam Ecclesiis non parcentes, Presbyteros super Altaria detruncabant,  
Crucifixorum capita abscissa super corpora cæsorum ponebant, & mortuo-  
rum capita super Crucifixa reponebant. Quæcunque vero attingebant *Scoti*  
plena horroris fuerant etiam immanitatis. Aderat enim clamor mulierum,  
ejulatus senum, morientium gemitus, & viventium desperatio. Sed audito  
adventu Regis *Stephani* retraxerunt se, eo quod non sunt ausi resistere spiritui  
furoris ejus. Adveniens itaque Rex *Stephanus* combussit cum impetu Australes  
partes Regis, non audente *David* cum eo congruere. Cumque mansisset  
ibidem modicum, audivit à suis statim post Pascha, quod multi proditores &  
magnatum plurimi insurrexerant contra eum in Australibus partibus terræ  
suæ, & Castra jam plurima occupaverant. Propter quod ibidem reversus est,  
& eadem Castella obsedit. Quo ibidem sic occupato, *David* Rex *Scotorum* in-  
numerabilem exercitum promovit in *Angliam*, iterum devastans omnia. Con-  
tra quem principes & milites animosi Borealis *Angliæ*, cum insigni Comite *Albermarie*, & ex jussu & admonitione venerabilis Patris *Thursthini Eborum* Ar-  
chiepiscopi, viriliter restiterunt, fixo l'Estandard, id est, Regio insigni apud  
*Alverton*. Cumque morbi causa non posset idem Archiepiscopus interesse  
pugnæ,

R. Scot. fractio  
federe Nor-  
thumbriam  
crudeliter va-  
stat.

Adveniente  
R. Stephano  
Scoti rece-  
dunt.

Scoti iterum  
recedunt.

pugnæ, misit loco suo *Radulphum* Episcopum *Orcadum*, qui stans in Acie media, & loco eminenti, hujusmodi oratione exorsus est. Proceres *Angliæ* clarissimi, & *Normanni* genere, meminisse vos oportet nominis & generis, & inimicis resistere decet. Quibus usque in præsens nemo impune restitit, audax enim *Francia* vos experta delituit; ferox *Anglia* vobis capta succubuit; dives *Apulia* vos sortita refloruit; *Hierusalem* famosa, & insignis *Antiochia* se vobis utraque supposuit. Nunc autem *Scotia* vobis rite subjecta, inermem præferens temeritatem, & rixæ magis quam pugnæ aptior, vobis resistere, immo \* expetere jam conatur. In quibus quidem nulla rei militaris scientia, vel præliandi peritia, vel moderandi gratia invenitur. Nullus ergo verendi locus, sed potius verecundiæ, quod hi, quos semper in Patria sua petivimus & vicinus, in Patriam nostram, jam ritu transverso, velut dementes & ebrii convolarunt. Unum vobis ego præsul denuncio, quod hi *Scoti*, qui in hac Patria Tempia Dei violarunt, altaria cruentarunt, Presbyteros occiderunt, & pueros & prægnantes peremerunt gladio, condignas sui facinoris luent pœnas, in suo flagitio corruentes: quod per manus vestras strenuâs hodie perficiet Deus Omnipotens. Attollite ergo animos, elegantes viri, & adversus hostem nequissimum: freti virtute Patria, immo Dei præsentia, exurgite. Nec vos moveat illorum temeritas magna, cum illos non deterreant tot vestræ virtutis insignia. Illi nesciunt armari in bello, vos autem in pace bellis exercemini, ut postmodum in bello casus belli dubios non sentiat. Tegitur vobis caput galea, pectus lorica, ocreis crura, totumque corpus scuto & ense. Ubi feriat non invenit hostis, quem ferro circumseptum inspicit. Nos ergo procedentes adversus inermes & nudos; quid dubitamus? an numerum? Certe non numerus multorum, sed virtus paucorum bellum conficit; multitudo ipsa est insolens sibi, & impedimento est in prosperis ad victoriam, & in adversis ad fugam. Præterea majores vestri, & pauci quidem, multos sæpe vicerunt. Quid ergo confert vobis gloria parentelæ? quid exercitatio solemnis? quid disciplina salutaris, nisi multos pauciores vincatis? sed jam finem dicendi faciunt hostes inordinate proruens, & (quod animo meo valde placet) disperse confluentes: vos igitur, qui vindicaturi estis hodie domum Domini, & Domini Sacerdotes, terramque vestram, & parvulos vestros, si quis vestrum prælians forte occubuerit, vice Archipræfulis vestri, eum absolvimus ab omni pœna peccati, in nomine Patris, cujus creaturas foede & horribiliter destruxerunt, & filii, cujus altaria maculando destruxerunt, & spiritus sancti, à quo separati insane ceciderunt. Confestimque respondit omnis populus *Anglorum*, Amen, Amen; & resonuit terra in voces illorum. Superveniens autem *Scotorum* exercitus exclamavit insigne illud responsum, *Albani, Albani*: Et mox conferta pugna totus clamor absorptus est. Gens vero nostra circum *l'Estandard* conglobata persistebat immobilis, & viri sagittarii equitibus immixti inermes *Scotorum* sparsim penetrabant. Inter quos summo Duce *Lodovensium*, qui primam aciem ex parte *Scotorum* habebat, sagitta percusso, corruit ipse, & tota gens sua in fugam conversa est. Quod videns *Scotorum* acies altera, quæ ex adverso pugnabat acerrime, expavit, & fugæ confestim indulgit. Regalis autem acies, quam ipse Rex *David* ex plurimis constituerat, simul ut hoc vidit, primo sigillatim & postea catervatim coeperunt aufugere, Rege jam pene solo existente. Quod videntes amici Regis *David* coegerunt eum sonipede arrepto terga dare. Filius autem Regis strenuissimus non attendens ad hæc, sed soli gloriæ & virtuti, miro impetu aciem nostrorum impetendo percussit; sed tandem fugit & ipse; & multa quidem *Scotorum* millia in eodem loco corruerunt, exceptis his qui in segetibus & silvis inventi sunt & perempti. Offensus enim erat eis Deus Omnipotens, & ideo omnis virtus eorum, quasi aranearum contextio, demolita est. Hoc bellum mense *Augusti* factum est, in mora de *Cowton* juxta *Alverton*, anno Regni Regis *Stephani* quinto. Post Natale vero Rex *Stephanus* exercitum movit in *Scotiam*, ubi cum ferro & igne quæque vastare disposuit. Sed Rex *Scotiæ* vehementer arctatus est, & con-

Rex Stephanus.  
Radulphi Episcopi ad milites Anglos oratio.

Scotorum exercitus in fugam vertitur.

Rex Stephanus movet in Scotiam.

\* Imperare.



Rex Stephanus.

cordiam faciens tradidit in obsidem *Henricum* filium suum; quem Rex *Stephanus* secum ducens in *Angliam* obsedit continuo Castrum de *Modelawe*, ubi idem *Henricus* unco ferreo equo abstractus fere captus est, sed per strenuitatem Regis hoc intuentis confestim liberatus est.

## C A P. LXI.

*De Tyrannide Regis Stephani contra quosdam Episcopos Angliæ.*

1139  
Stephani se-  
veritas in  
Clerum An-  
glicanum.

Episcop. Sa-  
lesbur. perju-  
rii penas lu-  
it.

**H**Is itaque feliciter gestis, elevatum est cor Regis *Stephani*, comprehenditque & tenuit *Alexandrum Lincolnensem* Episcopum, & eum diæta tenui, & jejunio quasi continuo vehementer afflixit, quousque sibi redderet Castellum de *Peterk*, quod ipse Episcopus de novo construxerat, una & cum Castello suo de *Sleford*. Similiter & Episcopum *Salesburiensem* tenuit, & vehementer afflixit, quousque sibi redderet Castella sua de *Wylster* & *Syrebukum*; accipiensque thesauros ejusdem Episcopi comparavit ex illis sororem *Lodowici* Regis *Franciæ Constantiam*, ad opus & maritagium filii sui *Eustachii*. Et justo Dei judicio hoc ei contigit; ut pote qui Regi *Henrico* & filię suæ fidelitatem primo juraverat, de Regno *Angliæ* ipsi filię suæ conservando, & etiam juraturis singulis formam juramenti exprefferat. Postmodum ejusdem juramenti immemor, immo magis contemtor, Coronationi Regis *Stephani* quasi cooperator extitit & adjutor; sed quidem *Wilhelmus Cantuariensis* Archiepiscopus, ejusdem ut creditur perjurii merito, ipso prævaricationis suæ anno defecit, & mortuus est. Post hæc vero & aliquantisper *Henricus Wintoniensis* Episcopus, frater Regis, & Romanæ Ecclesiæ Legatus, tenuit Concilium apud *Wintoniam*: Ubi Episcopi *Angliæ* convenientes, & ad pedes Regis prostrati rogaverunt Regem, ut possessiones & Castella prædictorum Episcoporum restaurarentur eis. Sed noluit eos audire Rex propter quod, ut creditur, Domus Regia finitime subjacuit divinæ ultioni.

## C A P. LXII.

*Quomodo captus fuit Rex Stephanus apud Lincolniam per Imperatricem.*

1140

Stephanus à  
suis deferi-  
tur.

Ranulf. Com.  
Cestrensis R.  
Stephanum  
aggreditur,  
vincit, & ca-  
pit.

**S**exto anno Regis *Stephani*, cum exercitu magno venit in *Angliam* filia Regis *Henrici*, quæ quondam *Alemanniæ* Imperatrix fuerat, & cui *Anglia*, ut prædictum est, à magnatibus terræ promissa & jurata extiterat; applicuitque prospere, & iter direxit ad *Arundel*: ubi Rex *Stephanus* occurrens cum impetu obsedit eam ibi per aliquod tempus; sed mox perfida credens consilia, dicentium scilicet Castrum illud esse quasi inexpugnabile, retraxit se, & eam abire permisit usque *Bristow*. Statimque concurrit ad eam *Anglorum* multitudo maxima, & insurrexerunt in Regem optimates sui hinc & inde. Jamque ornatus Regii stemmatis ab antiquo more discedens prorsus evanuit, ingentisque thesauri copia jam disparuit; pax in Regno nulla, fides permodica; quoniam cædibus, incendiis, & rapinis exterminabantur omnia; clamor enim & luctus, horror & tremor tonabant ubique, & in omni parte terrebat violenta prædatio cum tumultu. Secessit itaque Rex & perrexit *Lincolniam*, obseditque munitiones ejusdem, quas fraudulenter ceperat *Ranulphus Comes Cestrensis*, à natali Domini usque ad purificationem Beatæ Virginis. Interim idem Comes, coadunatis multis, adduxit secum eodem tempore *Robertum* generum suum, filium Regis quondam *Henrici*, & alios Procere validissimos, ad dissolvendam Regis obsidionem. Cum autem paludem pene intransibilem cum difficultate transisset, statim in ipso die aciebus dispositis, Regem *Stephanum* bello aggressus est. Ipse enim cum suis aciem primam assumpsit, secundam



dam illi, quos Rex *Stephanus* exhæredavit. Tertiam vero ille *Robertus* dux *Rex Stephanus* magnus, & à latere erat turma *Wallensum* pervalida. Rex autem interim missam audiebat solennem, ad quam cum ex more consueto cereum offerret, confractus est cereus, cum in manibus *Alexandri* Episcopi eum imponeret, & hoc fuit signum confractionis Regis. Cecidit etiam pyxis super altare cum corpore Domini, rupto vinculo, & hoc fuit Regi signum ruinæ. Missaque finita Rex strenuissimus egreditur, & cum securitate magna acies bello disponit, instituitque Consules in equis per duas acies, tertia vero Regis erat permaxima. Congressique ad pugnam, & mutuis se Lanceis salutantes, statim acies exhæreditorum aciem consulum percussit, & prævaluit; & quasi in ictu oculi dissipata est acies illa, & ejus divisio in tria devenit. Alii namque occisi sunt, alii capti, & alii aufugerunt. Secunda acies Regis percussa à *Wallensibus* & à Comite *Cestrensi* quasi in momento dissipata est sicut prior, fugeruntque omnes equites vitam potius salvare cupientes quam Regem. Rex namque *Stephanus* cum acie sua pedestri, quæ sola remanserat, circumseptus est; apparuitque tunc vis Regis fulminea cedens bipenni nunc hos nunc & illos, & multos in brevi ad extrema deducens. Comes vero *Cestrensis* invidens gloriæ Regis, cum omni pondere armorum irruit in eum. Tunc novus oritur clamor, quia omnes in eum & ipse in omnes. Tandem bipennis Regia ex frequentia ictuum confracta est. Quod videns quidam *Willhelmus* miles strenuissimus irruit in Regem, & cum galea arripiens clamavit voce magna, huc homines, huc, Regem teneo: continuo advolant omnes & capitur Rex, omnesque ex acie Regis aut capti sunt aut cæsi. Civitas vero hostili lege direpta est, & Rex ad Imperatricem captivus ductus est, & in Turri de *Briston* positus. Imperatrix vero ab omni gente *Anglorum* suscipitur in Dominam, exceptis *Kentensibus*, ubi repugnabat Regina uxor Regis *Stephani*; suscepta est etiam à Legato Romano *Henrico Wintoniensi* Episcopo & à *Londoniensibus* universis, & supra modum honorata. Elevatumque est cor ipsius, eo quod prosperassent sui, & ad vota jam evenissent omnia. In tantum in superbiam intolerabilem erecta est, quod fere omnium corda ab ipsa separata sunt, displicuitque *Londoniensibus*, & à Civitate expulsa est; irritataque sic muliebri angore Regem *vinctum* in compedibus poni jussit & strictius custodiri. Post dies autem aliquot cum Rege *Scotorum* avunculo suo & fratre suo *Roberto* viribus adauctis obsedit Turrim *Wintoniensis* Episcopi. Ipse quidem Episcopus misit pro Regina *Angliæ* & pro universis fere proceribus terræ: qui cum festinatione venientes dimicabant quasi quotidie, non congressionibus acierum, sed circuitionibus militarium anfractuum: erat enim utrinque exercitus magnus. Tandem vero venit *Londoniensis* exercitus, & sic aucti numerose qui contra Imperatricem dimicabant, eam pudenter fugere compulerunt; captique sunt in fuga multi. Captus est etiam *Robertus* frater Imperatricis, sub cujus custodia Rex captivus tenebatur: & perseverantibus inimiciis ut prius, facta est commutatio Regis & Comitis, & uterque pro altero sibi & suis redditus est; & susceptus est Rex cum immenso gaudio à proceribus suis.

*Reg. Stephani magnanimitas.*

*Rex Imperatrici captivus adducitur.*

*Rex Stephanus in compedibus ponitur.*

*Imperatrix in fugam versa, & frater ipsius captus.*

*Rex liberatur.*

## CAP. LXIII.

*Quomodo fugit Imperatrix, persecuta à Rege.*

SEPTIMO anno Regni sui fecit Rex *Stephanus* construi quoddam Castrum apud *Wintoniam*, ubi subito supervenerunt hostes sui; & facta congressione mutua Regem in fugam compulerunt, captique sunt multi ex exercitu Regis. Iratusque valde Rex iterum multiplicavit exercitum, & reassumptis viribus obsedit Imperatricem apud *Oxford*, à Festo Sancti *Michaelis* usque ad adventum Domini. Et parum ante Natale Domini, superveniente nive & gelu fortissimi, fugit Imperatrix per *Thamesin* glaciata circumamicta vestibus albis, &

1141

*Rex Stephanus vertitur in fugam.*

*Imperatrix Oxoniæ obsesa, stratagemate elabatur.*



Rex Stephanus.

fic reverberatione nivis & veste alba fallentibus oculos obsidentium, fugit ad Castellum de *Wallingford*, & usque ad pubertatem *Henrici* filii sui semper Regi *Stephano* repugnavit: Reddita tum est Regi *Oxenfordia*.

## C A P. LXIV.

*De Excommunicatione illorum qui injiciunt manus violentas in Clericos.*

1142  
Concilium  
Londinense.

**O**ctavo anno Regis *Stephani*, tenuit legatus *Wintoniensis Londoniis* Concilium generale, ubi & interfuit ipse Rex. Et quia Clericis terræ nullus deferebatur honor, eo quod Clerici sicut Laici capiebantur & redimebantur, statuit idem legatus in eodem Concilio, & decretum Canonis innovavit, ne aliquis, qui violenter manus Clerico ingesserit, ab alio possit absolvi, quam à solo Papa, & in præsentia ipsius Papæ. Eodem anno obiit *Innocentius* Papa: Cui successit *Cælestinus*.

## C A P. LXV.

*Quomodo tenuerunt quidam Monasteria & de eorundem infortunio.*

1142  
Galfridus  
captus.

Divina vindictæ exempla.

**E**odem anno *Galfridus* Comes de magna *Villa* à Rege captus est, & pro restitutione *Turris Londoniensis*, & Castellum de *Wallingford* liberatus est. Qui possessionibus carens, cum adhuc magnam haberet familiam, confestim invasit Abbatiam Sancti *Benedicti* de *Ramesia*, & Monachis expulsis raptos immisit, fecitque Monasterium Sanctum speluncam latronum; & vexavit Regem in multis, eo quod strenuissime militavit, & quasi per annum unum in suis omnibus gloriosus effulsit: Mense quoque *Augusti*, cum processisset ad prædam, inter acies à quodam pedito vilissimo solus sagitta percussus interiit; & excommunicatus occubuit: simileque scelus exercuerat in Ecclesia de *Coventria*, quidam perversus *Robertus Martman*, vir bellicosus & strenuus, qui inter suorum cuneos coram ipso monasterio solus interfectus est, & excommunicatus interiit: dum autem Ecclesia illa pro Castello teneretur, à parietibus Ecclesiæ & claustrum adjacentis sanguis ebullivit, quod multi viderunt; & hoc se vidisse testatur in Chronicis suis *Henricus* de *Huntingdon*. Quia igitur illi Deum quasi dormire dicebant, excitatus est Deus, & in hoc signo & in significato. Princeps enim peditum prædicti *Gaufridi* nomine *Reynerus*, cujus officium fuerat Ecclesias frangere vel incendere, dum post mortem Domini sui cum uxore sua & præda multa mare transire vellet, essentque in alto mari, mox ibidem affuit digitus Dei. Navis enim in qua vehebantur immobilis facta est, stetitque cæmento quasi infixæ. Quod monstrum videntes nautæ timuerunt, & sorte data rei causam inquirunt. Ceciditque fors super *Reynerum*, quo contradicente, iterum secundo & tertio fors applicata decidit in eum, positusque est in scapha cum uxore, & pecunia scelestissime acquisita, & statim ipsa navis ut prius cursu velocissimo Pelagus fulcat. Scapha vero cum illis nequissimis subita voragine circumducta in æternum absorta est.

## C A P. LXVI.

*Operarii Regis occisi sunt Lincolnia.*

1143

**N**ono anno Regni sui Rex *Stephanus* obsedit *Lincolniam*. Comes enim *Cestrensis* tenuit Castellum cum *Villa*. Rex vero cum munitionem contra Castellum construere vellet, multosque haberet ibidem operarios, egressi sunt latenter

latenter hostes & diruperunt omnia, præfocatique sunt ex operariis Regis circiter octoginta, confususque Rex in hoc facto continuo discessit. Eodem anno *Cælestinus* Papa obiit: Cui successit *Lucius*. *Rex Stephanus.*  
*788.*

## CAP. LXVII.

*Castra cepit Rex.*

**D**ecimo anno Regni sui Rex *Stephanus* obsedit Castrum de *Frendon* cum exercitu *Londoniensis*, & post multam sanguinis effusionem hinc & inde, tandem illud cum difficultate cepit. Eodem anno *Alexander Lincolnensis* Episcopus Ecclesiam *Lincolniensem*, quæ combustionem deturpata fuerat, miro artificio sic reformavit, ut pulchrior appareret quam ante. 1144  
*Lincolnens.*  
*Ecclesia re-*  
*stauratur.*

## CAP. LXVIII.

*Rex cepit Comitem Cestriæ.*

**U**ndecimo anno Regni sui construxit Rex Castrum de *Wallingford*, ubi Comes *Cestrensis* cum Rege concordatus est. Qui postea apud *Notyng-*  
*ham* ad Regem pacifice veniens, & nihil sibi metuens, captus est à Rege, & in carcerem intrusus quousque Castellum *Lincolniæ*, quod ab eo dolose suscep-  
erat, & cætera ditionis suæ Castella Regi restitueret. Quibus redditis, mox ipse suis redditus est, & in posterum immanissimus hostis Regi effectus. 1145

## CAP. LXIX.

*Idem Comes insultum fecit, Lincolniæ.*

**D**uodecimo anno Regni sui Rex *Stephanus* apud *Lincolniam* in Natali Do-  
mini Regali diademate insignitus est. Post cujus decessum venit Co-  
mes *Cestrensis* ibidem, ut cum militaribus copiis assiliret civitatem. Et factum  
est, dum expugnasset civitatem usque ad ingressum, contigit quod Dux exer-  
citus sui introitu partis Borealis percussus occubuit, & pluribus interfectis ip-  
se Consul retrocedere compulsus est. Cives igitur victoriosi Virgini virgi-  
num protectrici eorum laudes & gratias insigniter exsolverunt. 1146  
*Rex Stephan.*  
*Lincolniæ co-*  
*ronatur.*

## CAP. LXX.

*De morte Thurstini Archiepiscopi Eborum, & domibus fundatis.*

**D**um in Regno *Angliæ* talia agerentur, Sanctæ recordationis *Thurstinus*  
*Eborum* Archiepiscopus, post laudabilem officii sui administrationem, &  
præclara pietatis opera, cum jam fere expletum sentiret esse militiæ suæ tem-  
pus, relicto honore & excusans se ab onere, cum Monachis *Cluniacensibus* apud  
*Pontem fractum* ultimos vitæ suæ dies exegit, & appositus est ad Patres suos in  
senectute bona, anno Domini M. CXL. Cujus pro studio inter cætera bona quæ  
operabatur, attribuenda est fundatio atque proventus celeberrimi monasterii  
*Fontoniacensis*, cujus fundatio talis esse perhibetur. Quidam Monachi Eccle-  
siæ beatæ Mariæ *Eborum* XII. vel XIII. ferventes spiritu, & scrupulosam habentes  
conscientiam, eo quod beati *Benedicti* Regulam quam professi erant minus



Rex Stephanus.

ad literam observarent. Et quia *Cisterciensis* ordinis, qui nuper esse coeperat, fama jam celebris erat, ut aliud melius fortiusque agerent, suum monasterium reliquerunt. Quorum studium zelumque venerabilis Pater *Thurstinus* amplexus est, eos paterne suscipiens & maternæ pietatis sinu fovens. Tandem vero in loco pascuæ qui *Fontes* dicitur, collocavit eos, ubi ex tunc & deinceps, tanquam de fontibus salvatoris, multi hauserunt aquas salientes in vitam æternam. Fundataque fuit domus eadem in ann. Domini M. CXXXII. sexto *Kalend. Januarii*, & anno à fundatione *Cisterciensis* ordinis XXXIV.

## C A P. LXXI.

*Fundatio Ryevallis.*

Abbat. Ryev.  
an. 1132.  
fundata.

Sane paulo ante à nobili viro *Waltero Espek* fundata fuit domus *Ryevallis*, consentiente *Thurstino* Archiepiscopo & assensum præbente, ubi Monachi *Clarevallenses* a felicitis memoriæ Abbate *Bernardo* directi sempiternam acceperunt mansionem. Horum ergo exemplo Monachi illi *Eborum* incitati atque ad fortiora animati, memorati Abbatis magisterio se tradiderunt; & distincti locis non animis, hi & illi arctam viam, quæ ducit ad vitam, paribus votis & studiis servando cucurrerunt.

## C A P. LXXII.

*Fundatio Bellæ Landæ.*

Bellalanda  
an. 1132.  
fundata.

Eodem tempore quidam *Saviniacenses* Monachi *Bellam Landam* condiderunt. Nobili viro *Rogero de Doubray*, qui & *Neuburgensem* fundavit Ecclesiam, donante locum primo arctum, deinde secundum, tertium, & quartum, ubi fixis radicibus ibidem usque in præsens residerunt.

## C A P. LXXIII.

*Ordo Sempringhamensis fundatur.*

Hic ordo sum-  
sit exord. an.  
1131.

Eodem etiam tempore ordo *Sempringhamensis* sumpsit exordium per *Gilbertum*, virum plane mirabilem in custodia feminarum. Hic fervorum Dei duo, & Ancillarum Dei octo non ignobilia construxit monasteria: quæ & numerosis replevit collegiis, & juxta datam sibi sapientiam regularibus ornavit institutis.

## C A P. LXXIV.

*Quomodo Christiani in Terram Sanctam parum profecerunt, quia superbi.*

1146

Anno supradicti *Stephani* Regis duodecimo, sustentavit Deus omnipotens spiritum Christianorum, & cruce signati profecti sunt *Ierosolymis*. Rex quidem *Franciæ Lodovicus*, & Consul *Flandrensis*, cum Comite de Sancto *Ægidio* & *Anglicis* multis. Imperator etiam *Almanniæ Conradus* majorem satis adduxit exercitum. Transiitque uterque exercitus per Imperatorem *Constantinopolitanum*, qui eos postea prodidit & seduxit. Et quia incedebant cum summa superbia, ideo in nihilum redacti sunt, quia Deus sprevit eos. In illo namque exercitu & quidem utroque, contra Castrensem disciplinam tot jam mala

mala increverant, ut mirum non sit quod eis tanquam pollutis & immundis fa-  
vor nequaquam divinus arriserit. Castra enim à Castratione luxuriæ dicun-  
tur. At Castra nostra casta non erant; in quibus utique infelici quadam li-  
centia multorum spumabant libidines; præsumentes etiam de multitudine &  
armorum copia posuerunt carnem Brachium suum, & nequaquam Dominum,  
pro quo æmulari videbantur; declaratumque est in eis, quia Deus superbis  
resistit, humilibus autem dat gratiam. Fame namque consternati post peri-  
erunt in se: postea vero proditione Imperatoris *Constantinopolitani* ferro ho-  
stili defecerunt. Nec immundis castigandis & superbis reprimendis iræ defu-  
ere coelestes, cum intempestivorum imbrium inundatio effusa plus de exercitu  
nostro minuit, quam hostilis gladius devoravit. Rex tamen *Franciae* & Im-  
perator *Almannie* cum paucissimis evadentes, prius *Antiochiam*, & postea *Jero-*  
*solymam* ignominiose confugerunt; & demum ad propria, sed non in gaudio.  
Interea quidam Navalis exercitus, non potentium virorum, nec magno duci  
innixi, nisi omnipotenti Deo, ibidem profecti sunt, non superbe quidem sed  
humiliter; & ideo probitatem magnam exercuerunt. Civitatem namque fa-  
mosam in *Ispania*, quæ vocatur *Uluxis bona*; & aliam, quæ vocatur *Almaria*, &  
regiones adjacentes, pauci contra plures obtinuerunt: Erat enim Deus adju-  
tor eorum fortis, & ideo nullus resistere poterat. Et magna pars eorum ve-  
nerat de *Anglia*.

Rex *Stepha-*  
*nus*.*Almaria à*  
*Christianis*  
*capta.*

## CAP. LXXV.

*Quomodo Henricus filius Imperatricis venit in Angliam, & de ejus Primordiis.*

Interea, dum circa nostros in oriente talia agerentur, *Anglia* multis malis  
faucia tabescebat. Nam, quia tunc impotens erat Rex, & languida lex,  
unusquisque quod sibi videbatur rectum vel malum faciebat. Et quia omne  
Regnum in se divisum citius desolabitur, divisum est Regnum *Angliae* & scis-  
sum quasi in duo. Quidam enim Regi, & quidam Imperatrici favebant. Non  
quod Rex vel Imperatrix suæ parti potenter imperaret, sed uterque suos ne  
à se discederent blandis sermonibus demulceret. Sane inter partes diu certat-  
um est, alternante fortuna; sed tunc quodammodo remissiores motus esse cœ-  
perunt. Quod tamen *Angliae* non cessit in bonum, eo quod tot erant Reges  
quot Domini Castellorum, habentes singuli numisma proprium, & more Re-  
gio subditos judicantes. Et quia magnates terræ sic invicem excellere fata-  
gebant, eo quod nullus in alterum haberet imperium, mox inter se disceptan-  
tes, rapinis & incendiis clarissimas Regiones corruerunt: in tantum, quod  
omne robur panis fere deperiit. Aquilonalis tamen Regio, quæ in potesta-  
tem *David* Regis *Scotorum* usque ad flumen *Thesiam* cesserat, per ejusdem *Da-*  
*vid* Regis industriam agebat in pace. Ad quem quidem *Henricus* filius Impe-  
ratricis, & Rex *Angliae* futurus, à matre missus jam pubes accesserat, & ab eo  
apud *Karliolum* cingulum militare acceperat, jam militaturus in hostes & sibi  
rebelles. Accepto namque militiæ cingulo, transfretavit ad Patrem, & erat  
ex tunc militaris gloriæ non tepidus æmulator. Post autem annosaliquot,  
patre in fata cedente, Paterni juris plenitudinem, *Andegavensem* scilicet & *Ce-*  
*nomannensem* Comitatem; & materni juris portionem, scilicet *Normanniæ* Duca-  
tum recepit. Itaque patri succedens, & matrem potentialiter excedens, quo-  
cunque divertit industrius strenuusque apparuit. Ita ut jam illis formidabi-  
lis existeret, qui felicibus ejus initiis invidebant. Cumque in transmarinis  
partibus omnia sibi quieta jam essent; Regno *Angliae*, quod sibi jure materno  
competebat, fraudari ulterius non disposuit. Timens tamen Regem *Fran-*  
*corum*, eo quod Rex *Stephanus* sua affinitate gaudebat, *Normanniam* bene mu-  
nitam, & sufficienter ordinatam, in pace reliquit: & in *Angliam* veniens, non  
amplius, ut dicitur, quam centum & quadraginta equites, & peditum tria  
millia

Causa motu-  
um in *Anglia*.*Henricus Im-*  
*peratr. fil.*  
*venit in An-*  
*gliam.*



*Rex Stephanus.*

*Castrum  
Malmesburien-  
se & alia  
ab Henrico  
Duce expug-  
nata.*

millia secum adduxit. Sed, adventu ejus cognito, mox ferventibus animis convenerunt ad eum, qui matri ejus ab initio favebant. Auctus igitur ingentibus copiis confestim munitionem *Malmesberiensem*, ubi Regis *Stephani* præfidium erat, obsedit. Ubi Rex *Stephanus*, cum filio suo *Eustachio* acerrimo juvene, otius advolans hostem ad prælium provocavit. Sed ille in Castris se continens, eo quod manum imparem habere videretur, saltem pro tempore belli discrimen consulte declinavit. Rex vero cum neque hostem commode posset impetere, neque prolixiores excubias circa Castra ex tuto agere, otiose recessit, & obsessa munitio in potestate obsidentis remansit. Augebaturque militiæ numeris, & favoribus fociorum, concurrentibusque ad eum optimatibus multis, qui à Rege *Stephano* defecerunt. Ita ut jam, incrementis virium, & felicitate successuum, Ducis gloria nomen Regium obumbraret. *Stanfordiam* ergo cum instructo exercitu adiit; qua celeriter expugnata & capta, munitionem etiam post paucos dies obtinuit. Indeque se divertens irruit super *Notingham*; qua mox expugnata, & opibus vacuata recessit, oppugnandæ munitionis, quæ natura loci inexpugnabilis videbatur, operam inanem omittens. Inde ad alia conversus negotia, in omnibus arridente fortuna prosperatus est.

## C A P. LXXVI.

*Quomodo Rex & Comes concordati sunt, & qua forma.*

*Pax inter  
Stephanum  
& Henricum.*

**D**UM hæc sub eventu pendulo inter Regem & Ducem altercatio traheretur, *Eustachius* ejusdem Regis filius immaturata morte discessit; magnam feminandæ pacis occasionem causa sui de medio ablatam relinquens. Eo quippe superstiti vinci non poterant, tum propter juvenilem ejusdem acrimoniam, tum propter Regis *Francorum* fiduciam, quam ex affinitate contraxerat, eo quod sororem suam duxerat in uxorem, utroque autem pacis impedimento per unius hominis mortem sic ablato, confestim viri pacifici de pace suadenda atque formanda propensius cogitare cœperunt. Exulceratus autem Rex in morte filii, qui sibi successurus sperabatur, voces suadentium pacem solito patientius audiebat. Dux autem prudentium inclinatus consiliis ut honesto & solido fœderi casus postponeret ambiguos, gratanter acquievit, placuitque inter eos solenne & salubre colloquium celebrari: ubi, amicis mediantibus, & circa bonum publicum pia & prudenti provisione satagentibus, pax inter eos & caute formata & solide firmata est: decretumque est ut *Stephanus* de cætero tanquam princeps legitimus integre in *Anglia* cum gloria & honore Regnaret, *Henricus* vero ei tanquam hæres legitimus in Regno succederet. Hanc pacis formam tanquam utilem & honestam princeps uterque amplexatus est, & in mutuos multis præ gaudio lachrymantibus se dederunt amplexus, & Rex quidem Ducem adoptans in filium, eum solemniter successorem suum declaravit; Dux vero Regem tanquam Patrem & Dominum in conspectu omnium honoravit. *Willielmus* autem filius Regis junior, jubente Patre, homagium Duci fecit. Quibus Deo propitio salubriter actis, Rex tunc quasi primo juste *Angliam*, & *Anglia* pacem recepit. Dux autem in *Angliam* modico post commoratus transfretare parabat; & Rex cum *Willielmo* filio suo, multisque aliis nobilibus, celebri lætitia prosequabatur abeuntem. Cumque idem Regius puer in oculis Patris equo, ut assolet, concitatus veheretur, contigit, equo cadente, fessorem ad terram graviter allidi, fractoque osse tibiæ Patri & omnibus qui aderant dolorem incussit: reportatus est igitur *Cantuariam*, ut ibi curaretur. Rex vero sinistro casu faucius (datis cum benedictione mandatis) Ducem dimisit; qui feliciter transfretans circa æstatis initium ad propria cum gaudio remeavit.

## CAP. LXXVII.

*Quomodo Comes uxorem Regis Franciæ duxit.*

Eodem tempore celebratum est divortium inter Regem *Franciæ Lodovicum* & *Alienoram* uxorem suam, filiam Ducis *Aquitaniæ*, quibusdam Episcopis ac proceribus consanguinitatem illorum sub testificatione jurisjurandi solemner allegantibus, & causante ipsa muliere se monacho non Regi nupsisse. Porro ipsa soluta à lege viri, duabus apud Patrem filiabus relictis, desideratis non multo post cum Duce posita est nuptiis, moxque Ducatus *Acquitaniæ*, qui à finibus *Andegavensium* & *Britonum* ad *Pirenæos* usque montes *Galli-*  
*am Hispaniamque* dirimentes extenditur, ratione conjugis in Ducis *Normannici* potestatem transivit. In quo quidem facto *Franci* invidia tabescebant, non tamen impedire poterant ejusdem Ducis provectum.

*Henricus  
Normanniæ  
Dux Aquitania  
potitur.*

## CAP. LXXVIII.

*Quomodo devicit Rex quosdam Rebelles, & postea providit Ecclesiæ Eborum.*

Interea Rex *Stephanus* fastu Regio fines *Angliæ* lustratus, & se tanquam Regem novum ostentans suscipiebatur ab omnibus, & decenti magnificentia celebratur. Veniens autem in *Eboracensem* Provinciam, quendam *Philippum*  
de *Colevilla*, qui munitionem sibi constituerat, invenit rebellem, fretum scilicet ejusdem munitionis firmitate, & commilitonum suorum ingentibus animis, & copioso armorum ciborumque apparatu. Rex vero ex proximis provinciis exercitu convocato, munitionem illam, objectu annium, silvarum, atque paludum fere inaccessibilem, obsidione conclusit, & fortiter expugnatam in brevi obtinuit. Erat autem tempus messis. His itaque expletis & aliis quæ volebat Rex in civitate *Eborum*, & in adjacente provincia, ad partes Australes reversus est. Et in Festo Sancti *Michaelis* cum Episcopis & optimatibus terræ Concilium *Londoniis* celebravit, tum pro Regni negotiis, tum etiam pro negotiis vacantis Ecclesiæ *Eborum* per mortem Sancti *Willielmi*. Evocati igitur majores ejusdem Ecclesiæ cum Abbatibus & Prioribus subjectæ Provinciae, & facto dereto in *Rogerum Cantuariensem* Archidiaconum, eum à suo Archiepiscopo, cujus astutia omne negotium electionis illius processerat, Rege connivente, in suum Archiepiscopum petierunt. Quem cum facile à volente impetrassent, alias statim preces injecerunt, scilicet ut eum non tanquam *Cantuariæ* Archiepiscopus sed Apostolicæ sedis legatus consecraret, hoc etiam a volente non difficiliter impetrato, consecratus est idem electus in Ecclesia beati *Petri* apud *Westmonasterium*: soluto itaque Concilio ad Ecclesiam propriam properavit; & rebus pro tempore dispositis, ad sedem Apostolicam, petendi pallii gratia in propria persona, iter arripuit.

*Stephanus  
Philippum de  
Colevilla re-  
bellem domat.*

## CAP. LXXIX.

*De morte Regis Stephani.*

Post prædictum Concilium Rex *Stephanus* in *Cantia* constitutus morbo incubuit, quo ingravescente, post dies paucos decessit; Mense scilicet *Octo-*  
*bris*, anno Domini M. CLIV. & anno Regni sui XIX. Sepultusque est apud *Fa-*  
*bertham*, in Monasterio a se ante aliquot annos constructo. Nuntium vero

1154  
*Stephanus ob.*  
an. Reg. 19.



Rex *Stepha-*  
*nus.*

mortis ejus Dux *Normanniæ* mature accepit, qui tunc quoddam Castrum; quod ab eo \* detentum fuerat, cum exercitu obsidebat; cumque ab amicis moneretur, ut relicta obsidione *Angliam* festinaret, ne quid contra eum inimici veteres molirentur; mira justitiæ suæ confidentia respondit, illos nihil aufuros. Et quamvis multum instarent, non tamen, nisi obtento castro, obsidionem solvere adquevit. Expectante eum interim *Anglia*, & nulla (disponente Domino) in cunctis finibus ejus surgente procella. Et hujus quidem libri modus sit iste, ut a Regno *Henrici* secundi liber secundus incipiat.

x *Al.* Desciverat.

*Explicit Liber Primus.*

---

Incipit

---

## Incipit Liber Secundus.

## CAP. I.

*De Primordiis Henrici Regis secundi.*

**A**NNO à partu virginis M. CLIV. *Henricus*, Imperatricis filius, de 1154  
*Normannia* in *Angliam* veniens, die Sancti *Leodegarii* consecratus est Rex Henricus 2.  
in Regem, hæreditarium Regnum sine diminutione suscipiens; con-  
gaudentibus & conclamantibus turbis, *Vivat Rex*. De novo enim  
Principe, post experta mala, meliora sperabant: præsertim cum magni jam  
principis in ipsis suis primordiis præferret imaginem. Denique edicto præ- Extranei  
cepit ut illi, qui ex gentibus exteris in *Angliam* sub Rege *Stephano* prædarum Anglia disce-  
gratia tanquam ad militandum confluerant, & maxime *Flandrenses*, quorum dere edicto  
tunc in *Anglia* magna fuit multitudo, propriis Regionibus redderentur: Fa- jubentur.  
talem eis diem constituens, si quis post illum diem inveniretur. Quo edicto  
pavescit ita in brevi dilapsi sunt, ut quasi phantasma in momento disparuis-  
se viderentur. Moxque *Castella* nova, quæ in diebus avi sui, nequaquam ex-  
titerant, complanari præcepit: paucis tamen exceptis, quæ à viris pacificis  
ad Regni munimentum voluit retineri. Publice quoque legis in primis soli- Legum curam  
tudinem habuit, ut lex quæ extincta videbatur paulatim exurgeret; ordina- suscepit.  
tis in cunctis Regni finibus viris & legum ministris, qui improborum audaci-  
am coercerent, vel secundum causarum merita discernere; ipse vel in deli-  
ciis erat, vel majoribus negotiis operam Regiam impendebat. Quoties ve-  
ro a subditis contra iniquos iudices pulsabatur, mox provisionis Regiæ reme-  
dium adhibebat, illorum negligentiam corrigens vel excessum. Talia novi  
principis initia fuere, stupentibus improbis, & congratulantibus pacificis.

## CAP. II.

*Quomodo Dominica Regia redintegravit.*

**C**ONSIDERANS autem Rex quod Regii redditus & Dominica, per mollitiem 1156  
Regis *Stephani*, ad multos jam Dominos devenissent, præcepit ea cum  
omni integritate, infra tempus certum, a quibuscunque detentoribus resignari,  
& in jus statumque pristinum revocari, quidam vero indies Cartas Regis *Ste-*  
*phani* protulerunt. Quibus fuit a Rege responsum, quod Cartæ invaloris  
præjudicium legitimi principis minime facere debuerunt. Primo ergo in-  
dignati, demum territi & consternati, ægre quidem, sed tamen integre usur-  
pata resignarunt. Cumque fere omnes Regiæ voluntati paruisent, Rex  
*Transhumbrianas* partes adiit, ubi *Willielmum* Comitem *Albemarlensem* eadem  
qua ceteros auctoritate convenit. Ille vero diu hæsitans, multumque æstu-  
ans, tandem corde saucius potestati succubuit; & quæcunque ex Regio Do-  
minico pluribus jam annis possidebat cum ingenti dolore resignavit; Maxime  
famosum illud & nobile Castrum, quod dicitur *Skarthyburgh*, quod in summo Scarborough  
planitiem habet speciosam plusquam sexaginta jugerum, & fonticulum aquæ Reg. redditur.  
vivæ ex saxo profluentem. Hunc locum memoratus Comes, qui tunc in *Ebo-*  
*rum* Provincia plurimum posset, Castro construendo idoneum contemplatus,  
sumptuoso opere naturam loci juvans, totam Rupis planitiem muro amplex-



Rex Henri-  
cus 2.

us est, & turrin in faucium angustis fabricavit; qua processu temporis col-  
lapsa, arcem magnam & præclaram Rex ibidem ædificari præcepit. In eadem  
ergo provincia, rebus ad votum gestis, Rex ad superiora *Angliæ* remeans, so-  
lum *Hugonem de Mortuo Mari*, virum fortem & nobilem, rebellem invenit,  
Castrum Regium de *Brigia* retinendo. Qui cum juberetur propriis esse con-  
tentus, & reddere quæ de jure Regio possidebat, pertinacissime renuit, seque  
quibus potuit modis ad resistendum præparavit. Rex ergo celeriter exerci-  
tu congregato *Brigiam* obsedit, & post tempus modicum fortiter oppugnatam  
in deditionem recepit, eique, cujus cor paulo ante quasi cor Leonis fuerat,  
humiliato & supplici veniam largitus est.

*Brigia Regi  
deditur.*

### C A P. III.

*Item reposcunt à Rege Scotorum Northumbriam.*

1157

**R**Egi quoque *Scotorum*, qui Aquilonales *Angliæ* Regiones, scilicet *Nor-  
thumbriam, Cumbriam, & Westmerlandiam*, nomine *Matildis* dictæ Impera-  
triciis & Hæredis ejus olim ad *David Scotorum* Regem adquisitas, tanquam jus  
proprium possidebat, mandari curavit Regem *Angliæ* tanta Regni sui parte  
non debere fraudari; justumque est reddi quod suo fuisset nomine adquisitionem.  
Ille vero prudenter considerans Regem *Angliæ* in hac parte prævalere, præ-  
nominatos fines cum integritate restituit repetenti; & ab eo vicissim Comi-  
tatum *Huntingdunensem* prisco sibi jure competentem recepit.

### C A P. IV.

*Wallenses rebellare ceperunt.*

1157

**V**ERUM non multis diebus elapsis, inter Regem & Gentem Barbaram dis-  
cordia oritur. Unde Rex immensis ex tota *Anglia* copiis congregatis  
Regionem *Walliarum*, qua facilior aditus videbatur, ingredi statuit, porro illi  
convenientes excubabant in terminis; & in planum progredi, vel aperto bel-  
lo cum Loricatis congredi levis armaturæ homines caute declinantes delitef-  
cebant in silvis, & viarum angustias observabant. Sane *Wallenses* reliquæ Bri-  
tonum esse noscuntur; qui hujus insulæ, quæ nunc *Anglia* dicitur, olim cum  
*Britannia* dicebatur, incolæ primi fuerunt; ejusdemque nationis & linguæ  
esse probantur, cujus & *Britones* transmarini. Cum autem gens *Britonum* à  
supervenientibus *Anglorum* populis exterminium pateretur; qui evadere po-  
tuerunt confugerunt in *Wallias*, contra irruptionem hostium naturæ benefi-  
cio tutas: ibique hæc natio perseverat usque in præsentem diem, igitur Rex  
fines hostium, contra locorum malitiam luctando, ingrediens, infausta nego-  
tii initia habuit: pars enim exercitus per loca silvosa & humida incautius gra-  
diens, hostibus intercepta pro magna parte periit: & duo nobiles cum aliis  
multis corruerunt. Quidam vero fugientes, & Regem, qui in loco tuto con-  
sistebat occubuisse credentes, advenientibus adhuc & properantibus ad pug-  
nam ordinibus Regem corruisse nunciabant. Unde magnam exercitus par-  
tem sinistri rumoris atrocitate attonitam enormiter fugere compulerunt; ita  
ut signifer Regius vexillo Regis abjecto fugæ se crederet, & occurrentibus  
Regem extinctum proclamaret. Ob quod delictum postea à quodam viro  
nobili prodicionis ejus dedecus publice opponente, regii vigore judicii duel-  
lo addictus est, & ab eodem devictus, quem tamen judicio Rex juris subducens  
apud *Redyngum* Monachum fecit, & patrimonium ejus amplissimum fisco ap-  
plicatum est. Cumque Rex otius advolans turbatum exercitum proprio ex-  
hilarasset aspectu; resumptis ilico animis & viribus, confusi ordines in ordi-  
nem

*Wallensium  
origo.*

nem coierunt adversus hostiles infidias, ex tunc se cautius instruentes. Cum-  
 que Rex classem non modicam præparari jussisset, ut eos per mare invade-  
 ret; statim legati hostium venientes pacifice locuti sunt; & traditis quibus-  
 dam finium suorum munitionibus, tandem suos principes Regi adduxerunt ad  
 homagium illi cum sacramentis faciendum. Pacis ergo sereno post belli  
 nubilum gratus arridente, exercitus cum gaudio ad propria reversus est; &  
 Rex ad alia jam negotia conversus.

Rex Henricus 2.

Pax cum Wallensibus.

## CAP. V.

*Frater Regis Rebella vit in partibus transmarinis.*

CUM igitur, sedatis *Wallensibus*, Anglia in pace & securitate ageret, nuncia-  
 tum est Regi fratrem suum tumultuari in partibus transmarinis: cujus  
 causa fuit hæc. Comes *Andegavensis* pater eorum cum tres haberet filios,  
*Henricum, Gaufridum, & Willielmum*: ad extrema veniens; medio filiorum Co-  
 mitatem *Andegavensem* testamento reliquit, sic dicens inter cætera testamenti  
 sui verba: Cum *Henricus* plenitudinem obtinuerit juris materni, id est, *Nor-*  
*manniam* cum *Anglia*, fratri *Gaufrido* tunc patrimonium integre dimittat: In-  
 terim vero dictus *Gaufridus* tribus Castellis, scilicet *Schynobe, Leoduno, &*  
*Mirabello* sit contentus. Et, quia *Henricus* tunc absens fuerat, idem Comes  
 Episcopos & Nobiles, qui aderant, adjuravit, ne corpus suum sepulturæ tra-  
 deretur, nisi præstito prius Sacramento à filio, quod paternum minime viola-  
 ret testamentum. Deinde illo mortuo, mox ad exequias absens filius con-  
 currit; & audita adjuratione paterna diu hæsitavit. Tandem conclamanti-  
 bus omnibus, ne ad sempiternum ejus opprobrium, patris corpus inhumatum  
 remaneret, victus succubuit, & sacramentum, quod exigebatur, non absque  
 dolore præstitit. Cumque autem Regnum esset adeptus, à summo Pontifice  
 beneficium absolutionis consecutus est: qua ratione tutus, nec testamento Pa-  
 tris nec petitioni fratris satisfacere curavit. Unde indignatus frater, & tribus  
 prænominatis Castellis bene munitis, confestim vicinas turbabat provincias.  
 Rex autem exercitu prope congregato *Chynonem* obsedit, & in brevi per dediti-  
 onem obtinuit, fratrique humiliato veniam dedit: & (ut occasionem superbiæ  
 ei tolleret) terram planam sibi & Castris contulit, & in *Angliam* reversus est.  
 Cito post præclaræ urbis *Namnetensis* cives certum, in quo sibi complacerent,  
 Dominum non habentes, prædictum *Gaufridum*, industria strenuum, sibi in  
 verum Dominum elegerunt; & accersito civitatem cum adjacentem provincia  
 tradiderunt. At non diu hac felicitate functum mors immatura sustulit: &  
 Comes *Richemundensis*, qui transmarinis *Britanniæ* magna ex parte præsidebat,  
 eandem civitatem intravit. Quibus auditis, Rex dato mandato *Richemun-*  
*densem* comitatum fisco præcepit applicari, ilico *Normanniam* & civitatem  
 eandem tanquam nomine fraternæ successionis reposcens, eundem Comitem  
 ita perstrinxit, ut, vix tepide obluertari conatus, civitatem eandem resignavit.

1159

Testamentum Comitis Andegavensis.

Pontifex R. Henricum à juramento absolvis.

## CAP. VI.

*Incidentia.*

Eodem quasi tempore *Fredericus* Imperator subvertit civitatem *Mediola-*  
*nensem*, ubi inventa sunt corpora tria magorum, qui adorabant Domi-  
 num, cum muneribus in die Epiphaniæ; sed & aureus circulus eadem corpo-  
 ra, cum reperta sunt, ambiebat, ut sibi mutuo cohærerent. Anno scilicet pri-  
 mo istius Regis *Henrici* obiit *Anastasius* Papa, successor *Eugenii*, cui successit  
*Nicholaus Anglicus Albanensis* Episcopus, & mutato nomine dictus est *Adria-*

Magorum corpora inventa.



Rex Henricus 2.

Schisma in Eccles. Romana.

nus; eo post sextum annum mortuo, electi sunt in discordia duo Papæ, *Alexander* & *Victor*, & uterque in alterum excommunicationis sententiam tulit. Occidentales, *Anglia* scilicet & *Francia* cum infulis favebant *Alexandro*: Imperator vero *Fredericus* & sui favebant *Victori*: sed post *Turonense* Concilium iudicio Dei victus morte succubuit. *Longobardi* etiam in libertatem pristinam se recipientes, civitatem *Mediolanensem* restauraverunt: & Imperatorem *Fredericum* contemnentes, contra ejus impetus civitatem *Alexandriam* ex nomine Domini Papæ (Cui se devotos esse gaudebant) sic vocatam apto loco condiderunt. Dictus autem *Alexander* Papa prius Concilium celebraverat *Thuronis* anno Domini M. CLXIII. ubi & quædam decreta ordinavit.

## C A P. VII.

*Hæretici venerunt in Angliam.*

Eodem quasi tempore quidam Hæretici *Angliam* ingressi sunt, in universo quasi xxx. homines & feminae Linguae *Theutonicae*, quendam *Gerardum* nomine aliquantulum literatum, tanquam præceptorem & principem impositi & idiotæ sequentes. Rex vero deprehensos in custodia posuit, & indiscussos punire vel dimittere nolens, Episcoporum concilium apud *Oxoniam* celebrari præcepit: ubi de fidei articulis interrogati, ille literatus pro omnibus una voce respondit, Christianos se esse, & doctrinam Apostolicam se velle venerari; sacramentum vero, Baptisma, Eucharistiam, & conjugium detestantes, ausu nefario unanimiter respuerunt. Cumque divinis urgerentur testimoniis prædicta credere, se quidem ut instructi erant credere, de fide vero sua disputare nolle responderunt. Moniti ut poenitentiam agerent, & in corpore Ecclesiae unirentur, omnem consilii salubritatem spreverunt: minas quoque comminatas deriserunt, verbo illo Dominico abutentes, *Beati qui persecutionem patiuntur propter justitiam*, &c. Tunc Episcopi, ne virus hæreticum latius ferperet præcavescentes, eosdem publice pronunciatos hæreticos, corporali disciplina subdendos Catholico Principi tradiderunt. Qui præcepit hæreticæ infamiae Characterem frontibus eorum inuri, & (spectante populo) virgis coercitos ab urbe expelli: districte prohibens, ne quis eos vel hospitio recipere, vel aliquo solatio confovere præsumeret. Ad poenam ergo ducti, gaudentes properabant, præeunte eorum magistro, & canente, *Beati eritis cum vos oderunt homines*, &c. Unam tamen mulierculam *Anglicam* deceperant: & illa metu pene discedens ab eis errorem confessæ est, & reconciliationem meruit.

## C A P. VIII.

*Rex Henricus Civitatem Tholosanam petit.*

1160

Anno Regni sui VII. Rex *Henricus* in partes *Gasconiae* magnum direxit exercitum: cujus causa fuit hæc. Avus uxoris suæ Comes *Pictavensis*, & Dux *Aquitaniae* in expensis profusior (cum sibi proprii redditus sufficere non poterant) accepta à Comite Sancti *Egidii* viro pecunioso pecunia non modica, nobilem illi cum pertinentiis civitatem *Tholosam* quasi loco pignoris apposuit, atque in fata decedens, absolvendi appositi operam ad filiam transmisit; qui etiam in hæredes ipsum transfudit negotium. Reliquit autem unicam filiam hæredem; quæ cum Regi *Francorum Lodowico* nupsisset, idem Rex nomine uxoris suæ *Tholosam* repetiit. Comes tamen Sancti *Egidii* nihil juris obtendens, sed & possessioni incumbens, tandem sic Regem nuptiis placavit, accipiendo sororem suam in uxorem, quæ post mortem *Eustachii* filii Regis *Stephani*, cujus uxor fuerat, ad fratrem reversa est. Verum, cum postea celebrato

brato inter Regem *Francorum* & uxorem ejus divortio, eadem ad nuptias Re-<sup>Rex Henri-</sup>  
gis transisset *Anglorum*: mota est rursus quaestio super *Tolosa* justis hæredi-<sup>cus 2.</sup>  
bus resignanda. Memorato vero Comite restitutionem negante, & Regem  
*Francorum* suæ possessionis auctorem laudante, Rex *Anglorum*, contracto ex  
universis terris suæ ditionis exercitu, *Gasconia* fines ingressus est. Invitati  
quoque ab eo amici, ut sequerentur vel occurrerent, ingentibus copiis aux-  
erunt exercitum: præcipue Comes *Bartmonensis*, qui & Regnum *Arragonum*  
ratione conjugis suæ tenuit, nec tamen voluit Coronari seu Regio nomine vo-  
cari, dicens se, licet fortuna beatum, non tamen natura suis antecessoribus me-  
liorem. *Willielmus Frentenellensis* Dominus *Baderensis*, vir magnus & potens,  
qui in manus prædicti Comitis Sancti *Ægidii* antea inciderat, cum quantis po-  
terat viribus se Regi *Angliæ* adjunxit. Porro idem Comes de Sancto *Ægidio*  
tanti exercitus impetum pertimescens, Regis *Franciæ* uxoris suæ Germani aux-  
ilium imploravit. Qui zelando pro nepotibus ex sorore sua procreatis, festi-  
nus advenit, & cum aliquanta militia *Tolosam* ingressus est. Quod cum inno-  
tuisset Regi *Anglorum*, personæ Regis ibidem consistentis deferens, civitatem  
oppugnare distulit, & ad pervadendam provinciam expugnandasque muniti-  
ones convertit exercitum. *Caturcensem* quoque civitatem, quæ à se defece-  
rat, & fines ejus cum universis Castellis deditione recepit. Quibus actis, &  
memorato *Willielmo Trenthenayl* munitionibus, quas illi forte bellica Comes  
*Ægidienfis* extorserat, redditis, *Normanniam* rediit.

## CAP. IX.

*Orta dissensio inter Regem Franciæ & Regem Angliæ.*

SEquenti vero anno, qui fuit Regni ejus octavus: ira inter Regem ipsum  
& Regem *Francorum*, tempore expeditionis prædictæ concepta, causis in-  
gravescentibus, tandem quasi aperta erupit. Denique immensis hinc inde ex-  
ercitibus congregatis, & in terrarum confiniis castris e Regione dispositis,  
uterque princeps cum suis copiis consistebat: quia & progredi periculosum,  
& retrogredi indecorum videbatur: paratior tamen erat uterque exercitus,  
propter bellici finis ambiguos exitus, prælium excipere quam inferre. Et,  
ne duorum hominum zelus & superbia strages multorum parerent populo-  
rum, viri pacifici ea, quæ pacis sunt, in hac hæsitazione fecerunt. Verum,  
quia sub clipeo, ut dici solet, melius plerumque procedit pacis negotium,  
principes nostri, qui pacis auditum antea respuerant, bonum pacis quasi de fa-  
cili amplexati sunt. Ipsi ergo pacificatis, populus ad sua rediit & quievit.

## CAP. X.

*Thomas Cantuariensis.*

Eodem anno *Theobaldus Cantuariæ* Archiepiscopus decessit; Cui *Thomas*  
Cancellarius Regis anno sequenti successit. Post Concilium *Thuronense*,  
cum ipse *Thomas* Archiepiscopus cum cæteris fratribus ad propria esset re-  
versus, mox Regnum & sacerdotium in *Anglia* disceptare coeperunt: & facta  
turbatio non modica super prærogativa ordinis Clericalis. Rege enim circa  
curam Regni satagente, & malefactores sine delectu exterminari jubente, à  
suis iudicibus intimatum est, quod furta, rapinæ, & homicidia sæpius à Cleri-  
cis committebantur, ad quos laicæ jurisdictionis vigor non posset extendi.  
Quamobrem acri motu turbatus, contra malefactores Clericos suas posuit Le-  
ges,

*Leges contra  
Clericos san-  
citæ.*



Rex Henricus 2.

ges, in quibus utique publicæ justitiæ zelum habuit, sed fervor immoderatio-  
modum excessit. Ex tunc, contradicente *Thoma* Archiepiscopo, ira Regis  
excanduit, & crevit in immensum, prout in vita ipsius satis patet.

## C A P. XI.

*Wallenses secundo rebellaverunt.*

1162

Henricus 2.  
Regnum filiis  
dividit.

**A**Nno Regis *Henrici* nono, *Wallenses* petulanter rupto foedere, obsidibus quoque, quos in fidem paucorum dederant, periculo expositis, vicinos *Anglorum* fines turbare coeperunt. Unde Rex, immenso exercitu adunato, hostium fines ingressus est, ipsos frænatis excursibus ita coartans inclusos, ut pacem meditari & facere cogerentur. Ex ipsis ergo recedens transfretavit, filiorum promotioni & ditationi intendens. Quippe ex *Alienora*, quondam *Francorum* Regina, quatuor filiis procreatis, *Henricum* natu majorem Regni *Angliæ*, & Ducatus *Normanniæ* cum *Andegavensi* Comitatu successorem relinquere: *Richardum* vero *Aquitaniæ*, & *Galfridum* *Britanniæ* præficere cogitabat. Quartum natu minimum *Joannem* scilicet sine terræ agnominans. Tres quoque ex eadem habens filias, unam Regi *Hispaniæ*, alteram Duci *Saxonie* despondit: tertiam nondum nubilem Regi *Siciliæ* suo tempore comparem daturus. *Britanniam* vero sic filio suo adquisivit.

## C A P. XII.

*Britanniam adquisivit Rex.*

**C**ontigit enim *Conanum* Comitem *Richemundensem*, qui majori *Britanniæ* parti Dominabatur, in fata decedere, relicta ex sorore Regis *Scotorum* hærede filia unica, quam Rex innubilem impuberi filio copulans, omne jus puellulæ in propriam potestatem redegit. Cumque à quibusdam potentioribus regnare volentibus ibidem inferiores premerentur, confestim Regis *Anglorum* auxilium expetentes, ejus se ditioni spontanee subdiderunt. Quibus Rex prompto animo, & profusis opibus auxilium præstans, ipsos potentes mox expugnatos subjecit: sicque in brevi *Britannia* tota potitus, turbatoribus vel expulsis vel domitis, eam in cunctis finibus suis ita disposuit, ut, populis in pace agentibus, deserta paulatim in ubertatem verterentur.

## C A P. XIII.

*Obiit Godericus.*

1164

**E**odem quasi tempore obiit *Godericus Heremita* de *Synkhale*. Eodem etiam tempore anno scilicet Regni Regis *Henrici* XI. obiit *Malcolmus* Rex *Scotiæ*, cui successit *Willielmus* frater ejus.

## C A P. XIV.

*Obiit Robertus Lincolnienfis.*

1167

**A**Nno Domini M. CLXVII. & Regis *Henrici* XIV. obiit *Robertus Lincolnienfis* Episcopus successor *Alexandri*: redactoque in fiscum Episcopatu,

tu, vacavit Ecclesia pastore annis xvii. sed post mortem Regis in eodem anno *Galterius Constantiensis* factus est *Lincolniensis* Ecclesiæ antistes: sicque evacuata est prophetia vel potius divinatio conversi *Thamensis* de suo non Dei spiritu prophetantis, quod *Lincolniensis* Ecclesia pontificem ulterius non esset habitura.

Rex *Henricus*  
CMS 2.

## C A P. XV.

*Item Reges Franciæ & Angliæ discordes pacificantur.*

**A**Nno Regni Regis *Henrici* xvi. Ipse & Rex *Francorum* cum jam in parte fuissent discordes, mediantibus viris pacificis, pacis iterum inter se jura firmarunt. Illius autem discordiæ fuit hæc causa. Tempore Regis *Stephani* Comes *Andegavensis* invasit obtinuitque *Normanniam*, præter *Gisortium* & duo alia quasi appendentia Castella, quæ in potestatem Regis *Franciæ* jam devenerant. Hanc juris *Normannici* diminutionem Rex *Anglorum* non patiens, arte magis quam jure in hac parte duxit utendum. Namque per *Thomam* Cancellarium suum egit apud Regem *Francorum*, ut filia ejus ex filia Regis *Hispanici*, quæ nupserat ei post *Alienoram*, primogenito suo *Henrico* daretur in conjugem: munitionibus illis in dotem cedentibus, quæ tamen à Templariis tanquam in sequestro custodirentur, donec pueri, qui nondum per ætatem nuptias contrahere poterant, suo tempore nuptialiter convenirent: Rege *Anglorum* interim utriusque pueri habente custodiam. Verum idem Rex, aliquot annis elapsis, productionis moræ impatiens, inter eosdem pueros nuptias celebrari fecit præmaturas: & à Templariis Castella recepit. Quamobrem, sævientibus *Francis*, ipsum quidem prævaricationis, Templarios autem prodicionis accusantibus, ad lites & bella ventum est. Sed crebris experimentis edocti, ejusdem Regis potentiae vim inferri non posse, iraque paulatim defervescente, tandem, pactis quibusdam mediantibus, acquieverunt ut fieret pax, & facta est; pax non quidem solida sed temporalis, ut postea claruit. Nempe memorati duo Reges nunquam diu inter se quievisse noscuntur, populis hinc inde plecti assuetis, quicquid illi per superbiam delirassent.

1169

Causa dissidii  
inter duos  
Reges.

Pax inter duos  
Reges.

## C A P. XVI.

*Quomodo Rex fecit coronari filium suum.*

**A**Nno Domini m. clxx. & Regni Regis *Henrici* xvii. Idem Rex *Henricus* filium suum in ætate tenera fecit solemniter consecrari & coronari in Regem *Londoniis*, per manum *Rogeri Eborum* Archiepiscopi. Nam venerabilis *Thomas Cantuariensis*, Rege nondum placato, adhuc in *Galliis* exulabat. Qui cum post septimum exilii sui annum in gratiam Regis susceptus, & ad propriam sedem reversus, in Episcopos novum Regem coronantes sententiam excommunicationis auctoritate Papæ fulminasset: & hoc audito ipse Rex, ex abundantia cordis turbidi, verba non sana eructasset: egressi sunt satellites, pro Domino temporali æmulantes, qui, in ipsa Sancta matre Ecclesia, hora quasi vespertina, ipsum Deo obtulerunt sacrificium vespertinum.

1170

*Thomas Cantuar. Archiepisc. in Ecclesia occisus.*



## CAP. XVII.

## Hibernia Conquæsta.

1171

Dublinium à  
Comite Ri-  
chardo ex-  
pugnatur.

Rex Henricus  
Hiberniam  
subjugat.

**A**Nno Domini M. CLXXI. Qui fuit Regis *Henrici* secundi XVIII. *Hibernia*, quæ nunquam prius externæ subiacuit ditioni, aut raro vel tepide bello pulsata, sequenti modo Regis *Angliæ* potestati subdita est. Cum enim consueta esset Reges habere plurimos, qui multoties disceptantes in mutuam sedem proruperunt, contigit quendam Regum terræ illius à finitimis Regibus impetum nimis coartari. Inito ergo concilio, & misso festinanter in *Angliam* filio, accersunt viros militares, & juventutem strenuam, spe lucris profusioris illectam; nec suos adjuutores abire passus est, sed tanta eos largitate dotavit, ut, obliti populum suum & domos patrum suorum, perpetuam ibidem habitationem eligerent. Cum autem cito post contra eundem Regem ferocissimi totius *Hiberniæ* populi indignari & tumultuari inciperent, eo quod gentem *Anglicam Hiberniæ* immisissent; illi metuentes paucitati suæ, accitis ex *Anglia* viris inopia laborantibus, & lucris cupidis, vires paulatim auxerunt. Et quia nondum habebant proprium principem, nec pro voto pastorem, arcefferunt ex *Anglia* præficiendum sibi virum nobilem & potentem, Comitem scilicet *Richardum*. Qui cum esset magnanimus, & supra vires in expensarum profusione, profugus amplissimisque redditibus extenuatus, & creditoribus obnoxius facilius adquevit. Armatorum ergo juvenum plurima validaque manu contracta, classem magnam transfretaturus parabat. Cumque esset paratus ad iter, affuerunt qui ex parte Regis *Henrici* transfretationem inhiberent. Ille vero majoris honoris cupidus non adquevit, sed transfretans præstolantes socios optato lætificavit adventu. Junctis mox copiis vehementi impetu irruit super *Dyvelinum* urbem maritimam nostrarum quasi *Londoniarum* æmulam: qua fortiter celeriterque expugnata & capta, plurimos etiam longius positos, metu suo territos, in foedus venire coegit. Insistebat finitimis, Dominationem paulatim prætendens, & locis optimis munitiones construens. Porro nationis barbaræ gratiam & affinitatem affectans, foederati Regis filiam uxorem accepit, magna Regni parte nomine sibi dotis data. Cujus tam fausti successus cum Regi innotuissent *Angliæ*, motus est Rex, eo quod non solum inconsulto, sed etiam ipso inhibente, rem tantam fuisset aggressus; & tantæ acquisitionis gloriam sibi tanquam præcellenti vix ascripisset. Mox omne ejus in *Anglia* patrimonium fisco jussit applicari; &, ne quod ex *Anglia* subsidium *Hiberniæ* inferretur, commeatus navium penitus interdixit; fortiora quoque comminans, Comitem in suam gratiam redire compulit jam pene Regnantem. Itaque extorsit ei famosissimam civitatem *Dyvelinum*, & cætera quæ in acquisitione potiora videbantur, parte vero reliqua cum patrimonio suo *Anglico* jussit esse contentum. Rex autem *Anglorum* post modicum in *Hiberniam* cum ingenti militia transfretavit, & Reges insulæ, qui eatenus rebelles extiterant, adventu ejus pavefactos, sine sanguine subjugavit. Rebusque pro voto dispositis eodem anno in *Angliam* rediit cum gaudio & salute.

## CAP. XVIII.

## De discordia inter Patrem Regem &amp; filium Regem.

1173

**A**Nno Domini M. CLXXIII. Et Regis *Henrici* secundi xx. facta est execrabilis & foeda dissentio inter ipsum & filium ejus *Henricum* tertium, quem ante biennium solemniter fecerat coronari. Cum enim ab æmulis ei dicere-

tur

tur quod solus Regnare deberet, quasi, eo coronato, & Regnum expirasset pa-  
 ternum, indignans maxime expensas sibi Regias partius ministrari, mox infre-  
 muit, clamque ad Regem *Francorum*, cujus filiam duxerat, profugiens, ab eo  
 grate susceptus est, non tantum quia gener erat, sed quia à Genitore descive-  
 rat. Pater vero filii adversione comperta, missis ad Regem *Francorum* viris  
 pacificis, filium paterno jure poscit; & si quid emendandum videretur, ejus-  
 dem Regis consilio se fruiturum pollicens. Ad hæc ille, quis mihi, inquit,  
 talia mandat? Rex, inquam, *Anglorum*. Et ille, falsum est, inquit, Rex *An-*  
*glorum* ecce adest. Si autem Patrem hujus olim *Anglorum* Regem, etiam nunc  
 Regem appellatis, scitote quod ille Rex quasi mortuus est. Porro quod ad-  
 huc pro Rege se gerit, cum Regnum filio teste resignaverit, mature emenda-  
 bitur. Mox idem *Henricus* Junior hostis naturæ, nec exemplo territus scele-  
 rissimi *Absalonis*, consilio *Francorum* partes *Aquitaniæ* clandestine adiit, & in-  
 de duos suos fratres impuberes, *Richardum* & *Gaufridum*, connivente matre, in  
*Franciam* traduxit. Comitem quoque *Flandrensem* grandibus promissis ille-  
 ctum sibi adduxit. Comes etiam *Leicestrensis*, & Comes *Cestrensis* cum multis  
 aliis, Rex etiam *Scotorum* cum Populo suo à Rege patre discedentes, Regi filio  
 imposterum adhæserunt. Rex ergo pater hoc cognito mox stipendiarias  
*Brabancionum* copias, quas *Rictas* vocant, profusus Thesauris accersivit. Men-  
 se ergo *Junio*, quando solent Reges ad bella procedere, prædicti Reges contra-  
 ctis undecunque viribus Regem hostiliter aggrediuntur *Anglorum*, æmulantes  
 pro filio contra patrem. Itaque Rex *Francorum* oppidum *Vermillium* circum-  
 fuso conclusit exercitu. Comes vero *Flandrensis* cum suis copiis à parte *Flan-*  
*driæ* irruens obsedit *Albermarliam*; sed Comes ejusdem cum *Flandrensi* collu-  
 sionem faciens, expugnato velociter oppido captus est, cum omnibus, quos  
 illic Rex *Angliæ* causa præsidii miserat; alia autem Castella sua quasi gratis  
 resignavit. Inde vero *Flandrensis* exercitus progrediens Castellum novum  
 adhibitis machinis fortiter oppugnavit, quo tandem reddito non inde gavi-  
 sus est. Frater enim ejus Comes *Bononiensis*, in ejusdem oppidi oppugnatione  
 sagitta percussus, decubuit; quo tandem mortuo, Comes ad sua reversus  
 est, sibi sinistrum eventum objectans & imputans, eo quod Regem consobri-  
 num suum, à quo nunquam læsus, sed crebro beneficiis præventus extiterat,  
 causa nequissimi filii hostiliter impetisset. Quo comperto Rex *Angliæ* de  
 consilio suorum Regi *Franciæ*, quia jam partem ætatis plurimam in præno-  
 minati oppidi obsidione consumpserat, denunciavit ut obsidionem deferret,  
 vel ad diem certum sibi bellum indiceret: & primum quidem *Franci*, natura  
 feroces simul & arrogantes, denunciationem deriserunt, id eum nullatenus  
 ausurum arbitantes; verum agnito quod cum instructo adveniret exercitu,  
 illico Rex eorum, accitis festine optimatibus, cœpit cum eis tractare de bello;  
 missisque nunciis Regi *Anglorum* in obviam, jussit ut ab ore ejus acciperent  
 utrum congressurus accederet. Cui cum dicerent Regem *Francorum* velle  
 certificari de prælio, vultu feroci & voce terribili, ite, inquit, dicite Regi vestro  
 quia ecce adsum. Cumque festinanter reversi, instantis jam de proximo  
 principis ferociam & obstinationem indicassent, mox Rex & optimates consi-  
 lium habuerunt ut pro tempore cederent, & illa vice ejus impetum declina-  
 rent. Itaque castris relictis confestim in *Franciam* refugerunt, armati tamen,  
 & compositis ordinibus, ne fugere viderentur. Sicque illi, qui paulo ante  
 ferocibus animis Leones videbantur, tanquam Lepores fugiendo cedendoque  
 inventi sunt. Porro Rex *Anglorum* indecora hostium suorum fuga conten-  
 tus, urgere vel prosequi noluit abeuntes; sed, hostium Castris cum supelle-  
 ctili varia direptis, præfatum oppidum cum solemnī lætitia, eisque qui ibi-  
 dem fortiter egerant congratulaturus, intravit. Interea quidam *Normanni*  
 cum quibusdam *Anglis* conducto convenientes & conglobati, *Dolense* oppi-  
 dum tenuerunt, quod juris quidem est *Britannici*, sed *Normannicis* finibus con-  
 tinetur. Quo audito, *Brabanciones* Regii cum eis mature congressi, primo  
 eorum multitudinem in oppidum refugere, moxque capto oppido in unius

Rex Henricus 2.

Henricus Junior obsedit & consilio Regis Gallie patri rebellat.

Galli fugati



Rex Henri-  
cus 2.

Comes Cestr.  
capt.

arcis angustias fecedere compulerunt. Statimque rumor defertur ad Regem *Rothomagi* consistentem; qui, longa terrarum spacia in brevi transmeans, tam festinus affuit, ut volasse videretur. Cumque oppugnandæ arci intenderet, conclusa multitudo angustias illas non ferens, misericordiam imploravit, & pactus est ei Rex vitam cum integritate membrorum, & arce dedita omnem multitudinem custodiæ mancipavit. Ibiq[ue] Comes *Cestrensis* captus est cum aliis nobilibus fere centum.

## C A P. XIX.

*De his quæ in Anglia fiebant, & de Rege Scotorum.*

Norwicum  
direptum.

Comes Lei-  
cestr. cum ux-  
ore captus.

Comes Ferrar-  
iens. rebel-  
libus sese ad-  
jungit.

CUM in transmarinis partibus circa Regem talia gererentur, in *Anglia* quoque non dissimilia provenerunt, cum etiam Comes *Leicestrensis*, qui primus à Rege defecerat, plurimos petulanti corrupisset exemplo. *Richardus de Lucy*, qui tunc *Angliæ* sub Rege præerat, accepto à Rege mandato, & exercitu propere convocato *Leicestriam* obsedit; qua dedita & incensa, ad alia se negotia convertit. Porro Rex *Scotorum*, agnito quantum Rex *Anglorum* in *Normannia* laboraret, cum gentis Barbaræ & sitientis sanguinem immanissimis copiis *Anglorum* fines ingressus, civitatem \* *Carduliensem* obsidione circumdedit, totamque adjacentem provinciam cædibus & rapinis consumpsit. Comperto autem quod prædictus *Richardus de Lucy* ex superiori *Anglia* cum ingenti exercitu adveniret, mox obsidionem reliquit, & vastata *Northumbria* à facie procerum nostrorum in propria se recepit. Qui tamen advenientes cum militaribus copiis, & amnem *Twedam* transeuntes, terræ hostili talionem nullo obsistente intulerunt; sed mox ferventibus nunciis ad superiora *Angliæ* revocantur. Comenim *Leicestrensis* cum Classe hostili de *Flandria* veniens, adjuncto sibi *Hugone Bigoto*, civitatem *Northwicensem* præsidio vacuam effregit, & abrais opibus, inde ad insignem vicum maritimum, qui dicitur *Donewyk*, similiter irrepturus accessit: sed habitatorum illius, qui se ad excipiendum ejus impetum constanter præparabant, fiducia territus, continuo recessit. Tandem prædictus Comes de numero confidens, & virtute fociorum, habebat enim equites circiter octoginta millia electos, & peditum fortium quatuor vel quinque millia; putans etiam neminem sibi obstiturum in via, versus *Leicestriam* cum totis suis copiis iter arripuit: Regii autem proceres apud Sanctum *Edmundum* cum copiosa militia ejus adventum expectabant. Cumque prope jam esset, statim instructum contra eum exercitum produxerunt. Comes vero cum suis neque ad dexteram neque ad sinistram declinare valentes, turmis dispositis, audacter processerunt. Commissum est itaque grave prælium; sed tandem captus est Comes cum conjuge sua virilis animi foemina, & toto fere equitatu; sed & omnis peditum multitudo fere interiit. Insignes quoque captivi in *Normanniam* ad Regem missi sunt: viri autem Comitibus, qui erant in munitionibus, cum aliquantulum quievissent, rursus effrænati, & quasi ante Domini sui ultionem inflammati, & aggregata sibi improborum multitudine, vicinas provincias excursionibus infestare cœperunt; & ut principem magni nominis habentes fiducialius agerent, *Huntingdunensem* Comitem *David*, fratrem Regis *Scotorum*, Ducem sibi ac principem elegerunt. Quo tandem feliciter debacchante & procedente prospere ad plurima, Comes *Ferrariensis*, & vir nobilis *Rogerus de Moubay* animum diu dissimulatum declarantes, post defectores cæteros abierunt. Nec cessabat eo tempore Rex Junior optimates *Anglorum*, qui Patri adhærere videbantur, per clandestinas literas vel promissionibus allicere, vel comminationibus pulsare, ut eos ad suas quocunque modo partes traduceret. Quamobrem tunc in *Anglia* pauci nobiles fuisse traduntur, qui non circa Regem vacillarent, ab eo pro tempore defecturi, nisi maturius eorum meditationibus fuisset obviatum.

\* Carlcolensem.

## CAP. XX.

*Rex Pater Angliam rediit, & Rex Scotorum eam invasit.*

**I**gitur, secundo initæ contentionis anno, Comes *Flandrensis* fraterni jam oblitus exitii, præ ambitu *Anglicanæ* Provinciæ, quæ *Cantia* dicitur, de qua scilicet Regi Juniori hominum fecerat, cum eodem in *Angliam* transiturus, magnam Classẽ præparabat. Rex vero *Francorum* contractum undecunque exercitum invasurus *Normanniam* instruebat. Quibus cognitis, Rex *Anglorum* senior, malens sibi fines suos transmarinos periclitari quam Regnum, (quos tamen caute credidit muniendos) cum aliquanto equitatu, & una *Brabantionum* turma *Angliam* ingressus est. Interea Rex *Scotorum* cum propriæ *Rex Scotorum Angliæ fines invadit.* gentis infinita multitudine *Barbaria*, accersitorumque ex *Flandria* stipendiariorum manu non modica, fines *Anglorum* ingressus, duas munitiones Regias in *Westmeria*, scilicet *Burgum* & <sup>a</sup> *Alipelby* præoccupatas & sine præfidiis inventas obtinuit. Indeque digrediens iterum urbem <sup>b</sup> *Cardulensem* obsedit, *Carleolum obsessum.* sed à trepidis civibus cautione præstita, quod ad diem certum civitatem illi traderent, nisi interim à Rege *Angliæ* sufficiens sibi præsidium mitteretur, ad oppugnandam munitionem de *Prudhon* convertit exercitum. Sed cum per dies aliquot casso & suis magis noxio labore esset fraudatus, audiens in *Eborum* provincia contra eum militiam excitari, *Tyne* transmissio *Northumbriæ* fines *Idem Northumbr. fines invadit.* invasit, &, dum sui prædæ ibi insisterent, jugulare senes, trucidare parvulos, eviscerare foeminas, genti inhumanæ & feris plus efferatis voluptas fuit. Ipsis ergo Barbaris inhumane debacchantibus, Rex ipse honestiori mitiorique stipatus militia observabat Castellum de *Alnewyk*, ne forte manus ex eo militaris erumpens circumquaque gräsantes perturbaret prædones.

## CAP. XXI.

*Captus est Rex Scotiæ.*

**H**is itaque gestis, *Eborum* Provinciæ Regii procures apud *Castellum Novum* cum equitatu valido convenerunt; urgente quippe negotio Pedestres non poterant copias congregare. Et, cum in communi tractarent quid esset agendum, prudentiores allegarunt multum jam esse actum, cum Rex *Scotorum*, adventu eorum præcognito, longius in parte recesserat: suæ ergo mediocritati pro tempore debere sufficere, nec esse eistutum ulterius progredi, ne forte paucitatem suam infinitæ Barbarorum multitudini exponerent devorandam. Sibique non esse plusquam quadringentos equites, & in hostili exercitu plusquam octoginta armatorum millia æstimari. Ad hæc ferventiores responderunt, hostes nequissimos modis omnibus esse impetendos, & victoriam desperari non debere, quæ proculdubio justitiam sequeretur. Denique horum sententia prævalente, (ut ordinationi divinæ magis quam humanæ potentiæ adscriberetur eventus) in quibus erant principes *Robertus* de *Scotevilla*, *Ranulphus* de *Glanevilla*, *Willielmus* de *Uelsty*, *Bernardus* de *Balliolo*, nocturna requie paulisper recreati, summo mane progressi sunt, tanta velocitate properantes, ut quibusdam armorum pondere gravatis minus tolerabile videbatur ante horam quintam xxiv. millia passuum transmeasse. Verum dum irent, tam densa eos operuit nebula, ut pene nescirent quo irent: tamen prudentiores periculosum iter causantes certum discrimen imminere dixerunt, nisi mox redirent conversi: Ad hæc *Bernardus* de *Balliolo*, vir nobilis & magnanimus, re-

1174

<sup>a</sup> Appleby. <sup>b</sup> Carleolensem.



Rex Henricus 2.

Quadringenti equites Angli 80000. Scottorum, capto eorum Rege, fundunt.

Rogerus Molbraius refugit in Scot.

Fratricidium enorme.

cedat, inquit, qui voluerit, ego autem etiam nullo sequente procedam: absit quod perpetuam nobis maculam recedendo inferamus. Cum ergo procederent, Castellum de *Alnewyk*, subito evanescente nebula, præ oculis habentes, id sibi tutum receptaculum si hostes urgerent læti censuerunt. Et ecce Rex *Scotorum* cum turba equitum circiter sexaginta procul in Campis tanquam securus, & nihil sibi metuens, irruptionem nostrorum à Castro observabat, barbarorum multitudine cum parte equitatus ad prædas late dispersa. Qui nimirum nostris conspectis, primo quidem eos de suis à præda redeuntibus esse ratus est. Sed mox vexillis nostrorum caute notatis, tunc demum intellexit nostros jam ausos, quod ipsos nec suspicari potuit esse ausuros. Ac tum non est territus, sed mox ferociter arma concutiens, suosque verbo simul & exemplo accendens, modo, inquit, apparebit quis miles esse noverit. Primusque in hostem sequentibus cæteris irruens, mox à nostris excipitur; atque interfecto dejectus equo fere cum turma sua capitur; quidam etiam qui tunc forte aberant, sed non longe erant, agnito quod acciderat, mox cursu rapidissimo affuerunt, atque in manus hostium ingerentes se potius quam incidentes, Dominico communicare periculo honestum crediderunt. Porro *Rogerus* de \* *Mulsay*, qui ibidem tunc aderat, Rege capto elapsus evasit, refugitque in *Scotiam*. Nostri vero Proceres nobilem cum gaudio prædam revehentes, *Castellum Novum*, unde mane digressi fuerant, vespere redierunt. Gestum est hoc feliciter Deo propitio anno ipsius Domini M. CLXXIV. tertio *Idus Julii* in Sabbato. Regis ergo captione comperta, Barbari primo attoniti à prædis destiterunt. Sed cito post tanquam furiis agitati, ferrum contra hostes sumptum in seipsos finaliter verterunt; interfectis quibusdam prius *Anglicis*, qui inter eos habitationem elegerant, & quorum magna pars in eorum exercitu fuerat; refugientibus tamen in munitiones Regias aliquibus, qui evadere potuerunt. Erant autem in illo exercitu duo fratres, *Gilbertus* scilicet & *Uthredus*, *Galvadenensis* Provinciæ Domini, inter quos post mortem Patris eorum Rex *Scotiæ* hæreditatem diviserat. Verum *Gilbertus* natu major paterni juris integritate fraudatum se dolens, fratrem semper in corde suo oderat. Cum tamen concepti furoris impetum metus Regius cohiberet: capto autem Rege liberatus hoc metu, mox fratri nihil verenti manus injecit, & non simplici nece sed execrabili odio excruciatum variis suppliciis interemit, ilico fines fraternos invadens: & barbaris in barbaros sævientibus, non modica hominum strages facta est. Erat autem fratri interfecto filius acer *Rolandus* nomine, qui, amicis paternis cooperantibus debacchanti patruo pro viribus resistebat. Eratque totum Regnum *Scotiæ* turbatum, Deo æquissime disponente, atque ea mensura remetiente improbis, qua ipsi mensi fuerant innoxii, ut qui paulo ante *Anglorum* quietem turbaverant, & eorum sanguinem sitierant, ordine pulcherri-  
mo à se ipsis reciperent talionem.

## C A P. XXII.

Rex Cantuariam venit.

1174

Rex Henricus virgis flagellatus.

**R**ex autem *Henricus* secundus, ut præfatum est, *Angliam* ingressus, recordatus est quantum in Ecclesia *Cantuariensi* deliquisset, eandem mox vero applicuit, concite adiit, & ad sepulcrum Beati *Thomæ* profusus vultu lachrymis, capitulum Monachorum ingressus, propriæ petitionis instantia, à cunctis per ordinem fratribus virgis est vir tantus corporaliter castigatus. Denique ipse qui tangit montes, & fumigant, istius montis fumigantis devotionem attendens, ipsa die, atque ipsa ut dicitur hora, qua mons iste *Cantuariæ* fumigavit, hostem ejus imanissimum scilicet Regem *Scotorum* in extremis *Angliæ*

\* *Matth. Par.* Molbraius.

finibus, ut prædictum est, pessumdedit. Nam cum *Londoniis* modicam fe-<sup>Rex Henricus 2.</sup> cisset moram, ecce circa noctem mediam nuntius quidam veniens pulsando Janitores custodesque vehementer excitavit: Increpatus & iussus ut taceret, nequaquam adquievit, dicens, nuntius ego sum, & bonum utique festino nuntium. Vicit tandem instantis improbitas, & introductus in cubiculum Regium excitavit audacter quiescentem: qui expergefactus, quis, inquit, es tu? & ille, puer, inquit, sum *Ranulfi* de *Glanevilla* fidelis vestri, à quo missus bonus venio nuntius, sanus ne est *Ranulfus* noster? & ille valet, inquit, & ecce hostem vestrum Regem *Scotorum* captum tenet in vinculis apud *Richemundiam*. Rex vero ad hoc stupidus, dic, inquit, adhuc: at ille iteravit verbum. Habes ne, ait, literas? mox ille protulit literas rei gestæ seriem continentes. Quibus Rex inspectis, statim de strato exiliens, quibus potuit motibus, ei, qui facit mirabilia solus, piis Lachrymis madidas gratias egit. Mane autem venerunt & alii cursores id ipsum nunciantes, sed primus ut meruit brabium accepit.

## CAP. XXIII.

*De obsidione Rothomagi.*

I Nterea Rex *Francorum* cum tremendo exercitu *Normanniam* ab oriente ingressus, *Rothomagum* ejusdem provinciæ Metropolin adiit, & obsedit: Porro Rex Junior & Comes *Flandrensis*, cum in *Angliam* classe parata transfretandi oportunitatem captarent, cognito quod Rex Senior jam in *Anglia* confisteret, eorum impetum experturus, mutato consilio, illas terribiles copias *Rothomagum* transtulerunt. Verum, cum tantus esset exercitus, quantus in *Europa* ab annis retro plurimis visus non est, ejusdem tamen urbis, propter accessus difficiles, partem vix tertiam potuit obsidere, eratque per pontem à regione liber ingressus in urbem & egressus, videntibus inimicis & invidentibus. Paratis itaque ad oppugnandam civitatem machinis, totis viribus oppugnationi insistitur; in die naturali per octavas horas partito trifariam exercitum diviserunt, ut alii aliis, recreati scilicet lassatis per vices succederent, & defensores murorum, nec in modico respirare permitterent. Sed hoc frustra; cives enim cautela consimili occurrentes, suum trifariam numerum dividerant, & hostium impetus suscipientes peroptime & per vices eisdem responderunt. Cumque per dies plurimos sic certaretur, & neque hi neque alii in aliquo remissius agerent, Beati *Laurentii* dies festus affuit. Rex autem *Francorum* pro ejusdem martyris reverentia, quem specialiter consueverat venerari, requiem ipso die civitati indultam iussit voce præconia publicari; quam gratiam cives grate amplexi otio brevissimo jocundissime fruebantur. Juvenes enim & virgines, senes cum junioribus Deo & Sancto *Laurentio* gratias agentes, cum pro diei lætitia, tum etiam ad irritandos hostes, canoris vocibus concrepabant. Turma etiam militaris extra civitatem super Ripam fluminis in conspectu hostium hastiludio exercebantur ad laudem. Mox Comes *Flandrensis*, ut dicitur, Regem adiens, ecce, ait, Civitas pro qua jam multum sudavimus, his intus choros ducentibus, & illis foris secure ludentibus, sponte nobis offertur. Sumat ergo arma in silentio exercitus, scalisque repente muro adjunctis, ante civitatem obtinebimus, quam in civitatem regredi valeant, qui pro irritatione nostra exterius vacant. Absit, inquit Rex, absit. Nosti enim me pro reverentia beati *Laurentii*, hujus diei requiem indulxisse civitati. Tunc universi, qui aderant. Proceres familiari ausu Regis molli-  
tiem improperantes dixerunt, dolus an virtus quid refert utrum exerceri debeat? quis enim in hoste veritatem requirat? victus sic tandem adquievit; itaque non per vocem *Tubæ* sive præconis, sed solis ducum susurris exercitus præparatur. In civitate vero erat Turris excelsa, in qua vetustissima quædam campana



Rex Henricus 2.

campana pendebat, ad cuius sonum cum continuatione pulsantem, omnes armata manu ad munitionem civitatis concurrerent: contigit autem eadem hora, secundum dispensationem Dominicam, Clericos quosdam nescio quid operandi causa in eadem Turrin ascendere: Quorum unus per fenestram aspiciens, primo quidem insolitum in Castris silentium admirans, moxque clandestinum apparatus conspiciens, socios accersivit; Cumque liquidius seditionem conspicerent, confestim *Ruello*, sic enim Campana illa dicebatur, pulsato, notissimum illico signum civitati dederunt. Quo audito totis viribus utrinque festinatum est, nam & paratus jam exercitus e Castris erumpens, cum scalis tendebat ad murum; & cives, inopinato stimulati periculo, raptis armis spiritu motuque fervido occurrere studuerunt. Illi quoque, qui extra urbem exercebantur, mira celeritate affuerunt. Jamque hostes admotis muro scalis murum ascenderant, & voces quasi triumphantium personabant; sed statim fortiter impetuntur & repelluntur à civibus, & viriliter collidentibus, multus utrinque sanguis effunditur. Tandem hostes, qui superbe ascenderant sursum, præcipites abierunt retrorsum; & longe majore clade accepta quam illata nocte superveniente confusi in Castra redierunt. Denique ab illo die & deinceps & obsessi fiducialius, & obsessores desperatius remissiusque egisse leguntur.

Frustraneus  
hostium in ur-  
bem impetus.

#### C A P. XXIV.

*Anglia pacificata liberavit.*

1174

Interea Rex *Henricus* Senior accersivit præpositos Castellorum Comitis *Leicestræ*, quem secum ex *Normannia* vinctum adduxerat, sed monuit ut pro salute Domini sui eadem castella resignarent. At illi cum Domino suo loquendi copiam postulantes non impetrarunt. Cumque dicerent se non aliter quam per Domini sui relaxationem Regiæ voluntati parituros; Rex ipse respondit, nihil super hoc vobiscum paciscar: & sacris, ut dicitur, adhibitis juravit, dicens, sic me Deus adjuvet & hæc sacra, quia Comes *Leicestræ* non gustabit quicquam, donec de Castellis ejus fiat quod volo; vos autem abite maturius. Tunc illi certum Domino suo exitium imminere videntes, munitiones illico resignarunt. Comes autem *David*, qui fuerat princeps eorum, relicto *Huntingdunensi* Castello, quod mox Regi cessit, trepidus in *Scotiam* fugit. Comes autem *Ferrariensis* & *Hugo Bigotus* cautionibus de pace & fidelitate præstitis in foedus Regium sponte venerunt. Rebus igitur in *Anglia* Deo propitio ad votum dispositis, Rex cum ingentibus copiis celeriter transfretavit; ducens secum paulo ante sibi exhibitum *Willielmum* Regem *Scotorum*, Comitemque *Leicestræ*, & alios captivos insignes. Et *Normannis* in ejus adventu gratulantibus *Rothomagum* in conspectu hostium pompaticè ingressus est. Hostes vero ante dies paucos, de captione Regis *Scotorum* accepto nuntio, attoniti sunt, sed magis de ejus adventu repentino stupefunt. Attamen in robore multitudinis confidentes in obsidione persistebant. Rex autem *Henricus Wallensium* turmam ex *Anglia* accitam per noctem latenter emisit, ut silvarum opacitate tecti locis opportunis observarent ne hostium exercitui necessaria veherentur. Qui captato tempore silvis erumpentes commeatum invaserunt, & armatis à quibus tuebantur in fugam actis, omnem victualium apparatus cum ingenti hominum & jumentorum exitio asportarunt, se iterum in silvas non nihil post recipientes. Moxque vulgatum est *Wallensibus* silvas esse refertas, atque ita intercepto commeatu exercitus per biduum inedia laborabat. Hac ergo necessitate soluta est obsidio, & Principes nullam aliam tanti laboris mercedem nisi ignominiam reportantes, cum vasto illo exercitu abierunt: compositis tamen ordinibus ob repellendum periculum, si forte hostes à tergo urgerent.

Francorum  
commeatus  
intercipitur.

Solvitur ob-  
sidio Rotlo-  
magensis.

gerent. Itaque quicquid in Regem *Anglorum* ab hostibus malitiose agentibus *Rex Henricus* 2. vel continuatum est vel attentatum, Deo illi propitio, in ejus est gloriam commutatum.

## CAP. XXV.

*Pax reformata inter Patrem & Filium.*

CUM ergo ibidem in omnibus propitia arrideret Divinitas, hostes ejus tot claris ejus successibus terri-  
ti, de pace tractare coeperunt; ipsis reformandæ pacis mediatoribus jam effectis, qui fuerant discordiæ præcipui incensores. Itaque, celebri inter partes colloquio habito, exitialis ille rancor principum, & inquietudo provinciarum pariter quieverunt: Comes enim *Flan-*  
*drensis* Regi *Angliæ* restituit quod de jure ejus bellicus casus ei contulerat, fidelitatis & hominii supererogans cautionem; ingratiſſimus quoque filius in patris gratiam rediit; non solum obedientiam & reverentiam de cætero filialem sub fidejussoria multorum cautione pollicitus; verum etiam nova contra ingratos & suspectos filios cautela, prudenter exacto & solemniter præstito hominio, patri astrictus est. Itaque quod ex tunc non tantum pater sed & sibi Dominus diceretur; ut, qui naturæ vinculum irreverenter diruperat, saltem jure civili vel gentium de cætero teneretur. Fratres quoque impuberes, quos *Francorum* consilio patri sollicitatos subtraxerat, ad patrem reduxit; de quibus modica fuit quæstio, ut qui cum ætatis beneficio excusabiles viderentur. Præterea ad instantiam Regis *Franciæ*, & aliorum qui aderant principum, *Rex Angliæ* Comitem *Leiceſtreſem*, reliquosque captivos, præter Regem *Scotorum*, absolute relaxavit, & relaxatis bona & honores restituit. Proceſſu tamen temporis, cum eorum quæ in se ab ingratis & infidis commissa fuerant immemor videretur, muros *Leiceſtriæ* repente subruï, & munitiones omnium qui à se defecerant complanari præcepit. Tandem vero Regem *Scotorum*, pactis interpositis, acceptisque obsidibus, relaxavit, veniensque in *Angliam* eorundem celebrationem pactorum apud *Eboracum* instituit. Quo cum venisset, prout conditum erat, occurrit ei *Rex Scotorum* cum universis Regni sui optimatibus; qui omnes, in Ecclesia beatissimi Apostolorum Principis, Regi *Anglorum* tanquam principali Domino hominum cum ligantia, id est, solemnî cautione standi cum eo & pro eo contra omnes homines, Rege proprio præcipiente fecerunt: ipseque *Rex Scotorum* coram omni multitudine Regem *Anglorum* modis solemnibus Dominum suum, seque hominem & fidelem ejus declaravit: eique præcipua tria Regni sui munimenta, scilicet *Rokesburgh*, *Werewyk*, & Castellum *Puellarum* loco obsidum tradidit. Quibus actis, optata pace populi fruebantur, & *Rex Anglorum*, tantorum operum titulis clarus, nominatus est magnus usque ad extremos fines terræ.

## CAP. XXVI.

*Concilium Londoniis, & controversia Archiepiscoporum.*

ANNO Domini M. CLXXVI. *Hugo* Cardinalis Apostolicæ sedis Legatus, neſcio quid ordinaturus, venit in *Angliam*, per quem concilio apud *Londonias* convocato, facta est contentio vehemens de prioratu ſeſſionis inter Archiepiscopos. *Eberum* enim Archiepiscopus mature veniens primam sedem occupavit, eandem sibi allegans competere ex antiquo beati *Gregorii* Decreto, quo statutum noſcitur, ut Metropolitanorum *Angliæ* ipse prior habeatur qui prius fuerat ordinatus. *Cantuariensis* vero, solemniter posita præoccupatæ sedis querela, secundam sedem tanquam passus præjudicium recusavit. Mox subditis



Rex Stephanus.

Archiep. Eborac. ad sedem Apostolicam provocat.

ejus ferocius pro eo æmulantibus, simplex verborum contentio crevit in rixam. *Eboracensis* autem, quoniam pars adversa fortior erat, loco præmature occupato cum contumelia deturbatus, cappam conscissam illatæ sibi violentiæ indicem legato exhibuit, & *Cantuariensem* cum quibusdam ejus subditis ad sedem Apostolicam provocavit. Rebus itaque turbatis, concilium non celebratum, sed dissipatum est. Eodem anno mare extra fines erumpens multos in *Hollandia* homines & pecora absorbuit, & quasi post biduum furore satiato in semet ipsum rediit.

## C A P. XXVII.

*Concilium Lateranense Alexandri Papæ.*

1177

**A**Nno Domini M. CLXXVII. & Pontificatus *Alexandri Papæ* XVIII. *Frederici* Imperatoris in eundem Papam inveterata rabies conquievit, factique sunt amici IX. *Kalend. Augusti*. Quibus feliciter gestis, idem Papa *Alexander*, anno Pontificatus sui XX. & à partu Virginis M. CLXXIX. <sup>a</sup> VII. *Idus Maii*, generale Concilium *Lateranis* celebrandum instituit, & multa ibidem ordinavit, & statuit quæ dicuntur Decreta *Lateranensis* Concilii in universo XXXVIII.

## C A P. XXIX.

*Obiit Rex Franciæ.*

1180

**A**Nno Domini M. CLXXX. Qui fuit *Lodovici* Regis *Francorum* XLIV. Idem Rex *Francorum*, hominem exuens, carne solutus est; homo quippe sacrorum ordinum præcipuus venerator; sed lingua levis & malorum multoties utens consiliis, non levi plerumque macula mores egregios denigravit. Successit ei *Philippus* filius ejus, ex filia Comitis *Theobaldi*, quæ illi jam trigamo nupserat, procreatus.

## C A P. XXX.

*Moneta mutata.*

1180

**A**Nno etiam eodem mutata fuit Moneta in *Anglia*; eo quod à falsariis corrupta fuerat: quod utique fuit necessarium, sed pauperibus & colonis onerosum.

## C A P. XXXI.

*Obiit Papa, Obiit Archiepiscopus Eborum.*

1181

Rogerus Ebor. Archiep. Monachos abhorret.

**A**Nno Domini M. CLXXXI. Obiit *Alexander* Papa, pontificatus sui anno \* XXIII. Cui successit *Lucius* Papa. Eodem anno decessit *Rogerus Eborum* Archiepiscopus, homo [ ut ] literatus & eloquens, ita in temporalibus commodis prudentiæ singularis. Archiepiscopatum vero *Eborum* multum pro-  
 vexit in augmentis reddituum, & amplitudinem ædificiorum. Viros religiosos in tantum exhorruit, ut dixisse feratur, Ecclesiasticum beneficium luxuriosis potius quam Religiosis conferendum. Et prædecessorem suum beatæ memoriæ *Thurstinum* nunquam gravius deliquisse, quam ædificando illud in-

a Al. recte III. Non. Martis. \* XXII.

insigne

figne monasterium de *Fontibus*. In vita autem sua tondendis magis quam pascendis ovibus Dominicis intendit. Moriturus enim Pontifex ævo gravis, non pauca millia marcarum in thesauris habebat, cum multi pauperes Christi inedia laborarent. Verum cum jam obisset, Rex per officiales suos & inventa dirupit, & non inventa ab his, quibus jam data erant, extorsit; dicens, Thesauros à quocunque usque ad mortem repositos solius Principis in bonis esse. Decessit autem idem Archiepiscopus anno Pontificatus sui \* XXIII. & Archiepiscopatu in fiscum redacto vacavit sedes *Eboracensis* annis decem.

Rex Henricus 2.

Rex thesauros ejusdem occupat.

Vacat sedes Ebor. an. 10.

## CAP. XXXII.

*Obiit Henricus Junior.*

**A**Nno Domini M. CLXXXIII. (qui fuit xxx. Regis *Anglorum Henrici* secundum) *Henricus* tertius *Angliæ* Rex Junior immatura morte decessit: plane immatura, si ætatem respicias, sed multum sera, si actus attendas. Quia prævaricator non tantum naturæ, ut prius, sed etiam solemnium pactorum, rebellavit iterum contra patrem. Cujus rebellionis causa hæc fuit. Pater enim *Richardo* filio suo in administrando ducatu *Aquitanico* vices suas commiserat, filioque *Gaufrido* *Britanniam* transmarinam tradiderat: verum idem *Henricus* indignatus, quod fratrem suum *Richardum* pater *Aquitaniæ* præfecisset, juncto sibi fratre *Gaufrido*, & quibusdam proceribus *Aquitanicis*, patrem motibus bellicis laceessivit. Pater vero cum rebelles filios blandis delinire mandatis non posset; improbis eorum ausibus obviaturus, fines *Aquitanicos* cum exercitu ingressus est. Moxque Dei judicio febre correptus elanguit *Henricus* Junior. Cumque ingravescente morbo desperaretur à medicis, tandem compunctus misit ad Patrem excessum humiliter confitens, & extremam gratiam à paterna pietate deposcens, ut morientem invisere dignaretur. Quibus auditis, paterna quidem concussa sunt viscera, sed allegantibus amicis non esse sibi tutum nequissimis conspiratoribus qui circa filium erant se credere, ad filium non perrexit; sed, pro signo clementiæ & indultæ veniæ notum illi annulum mittens, omnia ei condonavit. Qui illum susceptum deosculans, assistenti *Burdegalsi* Episcopo diem continuo clausit extremum; funusque ad patrem deducitur, & ex ejus præcepto apud *Rothomagum* honorifice sepelitur. Idem vero pater extincti filii dolorem ex hostis interitu temperans, conspiratores cum filio in brevi perdomuit, & *Gaufridum* filium in gratiam recepit: qui tamen ingratus hostilem (ut postea claruit) non exuit animum. Nam tempore modico circa patrem pendulus, cum à patre *Andegavensem* Comitatum obtinere non posset, ad *Franco*s, quos paternæ gloriæ æmulos noverat, sponte se contulit, tanquam per illorum potentiam extorsurus, quod à patre non potuit blanditiis obtinere. Cumque, ad irritandum patrem Regi *Francorum* sedulo militans, grandia moliretur, divini judicii pondere obrutus, molitiones suas *Parisi*s cum vita finivit. Natus est ei ex *Britannici* Comitæ filia filius posthumus: cui cum Rex avus nomen suum imponi jussisset, contradictum est à *Britonibus*; & solenni acclamatione in sacro Baptismate *Arthurus* est dictus. Sicque *Britones*, qui diu fabulosum dicuntur expectasse *Arthurum*, nunc sibi cum multa spe nutriunt verum, juxta opinionem quorundam grandibus illis & famosis de *Arthuro* fabulis prophetatum.

1183

\* *Al.* XXVIII.



## CAP. XXXIII.

*De Terra Sancta à Saladino occupata, & de Patriarchæ Jerosolymitani in Angliam adventu.*

1184

**A**Nno Domini M. CLXXXIV. *Saladinus*, filius Regis *Syriæ & Mesopotamiæ*, contra Christianos mortuo patre surrexit non jam virga, sed malleus: homo astutiæ singularis & mille nocendi artibus instructus erat. Hic *Damascum* & fines ejus cum uxore accepit. Cumque esset militiæ Rex *Turcorum* gratissimus, vires artibus & artes viribus juvans in *Ægyptum* cum armis transit; & consumptis principibus confestim arripuit Regnum *Babylonis*. *Lybia* quoque atque *Arabia* potitus, nactus est nomen grande, supra nomen Magnorum qui sunt in terra. Denique octo Regnis ditissimis præsidens, parum tamen à se actum putabat, dum Christiani *Jerusalem*, & *Antiochiam*, & maritimas *Syriæ* civitates possiderent. Totum ergo in ipsos latissimi imperii sui robur convertens, modis omnibus nitebatur devorare plebem Dei, & trophæum Crucis Christi avellere à partibus Orientis, ubi prius erectum est. Circa hos dies *Philippus Comes Flandrensis*, præ devotionis instinctu, cum multa militia terram *Jerosolymitanam* ingressus, contra *Saladinum* aliquid agere, & fines Christianos dilatare disposuit; verum offensus à Templariis, ad terram *Antiochiam* invitante Principe traduxit militiam Christianam, audiens autem *Saladinus* abductam militiam, & terram Domini plus solito præfidiis vacuatam, cum infinito exercitu repentinus irruens, tanquam possessurus eandem, intima ejus illico penetravit. Tunc princeps Christianus quantulam pro tempore potuit militiam convocans, & præliaturus non suum sed Domini prælium, hostium numeros non expavit. Itaque præeunte vexillo Dominico juxta *Ramah* oppidum, quod hostes obsederant, congressurus cum eis, tremendas illas copias divino fretus auxilio profligavit. *Saladinus* fugæ elapsus ægre evasit, cæsis de exercitu ejus multis millibus. Gestum est hoc prælium Deo propitio VII. *Kalend. Decembris*: verum anno sequenti propter peccata hominum, quæ utique Divinitas odit, contra populum Christianum, ibidem minus sancte degentem, coelestis ira excanduit. Cum enim *Saladinus*, ad expiandum præcedentis anni dedecus, fines Christianos instructior terribiliorque invaderet, nostri etiam instructiores numerosioresque quam prius, atque ideo minus in Domino dum de se præsumerent confidentes, prælium illi in terminis intulerunt, ubi Deo resistente superbis, quibus antea humilibus dederat gratiam, maxima Christianorum strages facta est; cæso non parvo millium numero, cum magistro militiæ Templi, & optimatibus plurimis, initium dolorum hoc: nondum enim erat averfus furor Domini, sed ad huc manus ejus extenta. Denique postquam *Cæsarea Philippi*, quæ quasi clavis Christianorum erat contra *Damascum*, in manus hostiles inciderat, Templarii cum Christianis munitiorem utilem ad vadum *Jacob* extruxerunt, ne hostes à parte ejusdem *Cæsareæ* in fines Christianos excurrerent. Sed *Saraceni* prius dissimulantes, & postea tempus nacti, munitiorem illam obsidione cingentes, adhibitis machinis fortiter oppugnare coeperunt. Christiani vero apud *Tiberiadem* congregati, ut obsidionem tollerent, ad invicem tractantes, nequaquam tutum esse censuerunt, absente cruce dominica, cum hostibus congregari. Mittuntur ergo *Hierosolymam* nuncii, qui signum salutare reportent: ac in ea mora expugnata est munitio. Qua celeriter everfa, *Turcæ* cum ingentibus spoliis abierunt: Nec multo post *Saladinus Neapolin* captam evertit: & dum nostri convenirent post factam stragem, in propriam se recepit. Unde propter causas prædictas generali providentia statutum est, ut *Jerosolymitanus* Patriarcha, petendi contra inmanissimum hostem *Saladinum* auxilii gratia, ad Christianos Principes in *Europam* mitteretur. Sed maxime ad illustrem *Anglorum* Regem, cujus efficacior & promptior opera sperabatur. Idem ergo Patriarcha cum

*Saladinus à Christianis profligatus.*

*Hierosolymitanus Patriarcha venit in Angliam an 1185.*

literis

literis exhortatoriis *Lucii* Papæ veniens, à Rege *Anglorum* honorifice suscep-<sup>Rex Henri-</sup>  
tus est, & in fine literæ Papalis sic continebatur. Sane recolat prudentia tua,  
& sollicita secum meditatione revolvat, promissionem illam, quam de impen-<sup>cus 2.</sup>  
dendo terræ sanctæ subsidio & jam celsitudinem tuam obligasti; & ita in hac  
parte te cautum & studiosum exhibeas, ut te in tremendo iudicio tua consci-  
entia non accuset, ejus qui non fallitur districti iudicis interrogatio non con-  
demnet. Verum, cum Rex ipse certa & enormia Regni proprii ex sua pere-  
grinatione pericula allegaret, & loco suæ præsentiae ad sublevationem orien-  
talis Ecclesiæ decentem pecuniæ summam promitteret, tandem Patriarcha  
inanior spei quam venerat, in *Galliam* remeavit; &, continuata inter Reges  
discordia, tandem infecto negotio repatriavit.

## CAP. XXXIV.

## Jerusalem perditæ.

**A**Nno autem Domini M. CLXXXVII. Regnante in *Alemania* *Frederico*, in 1187  
*Francia* *Philippo*, in *Anglia* *Henrico* secundo, sub *Urbano* Papa, qui *Lucio*  
fuccefferat, aggravata est manus Domini super terram *Jerosolymitanam*. Ci-  
vitas enim sancta, in qua invocatum est nomen Domini à diebus antiquis, in  
qua sacræ Prophetiæ floruerunt, in qua redemptionis humanæ insignia micu-  
erunt, ex qua sacramenta salutis in omnem mundi latitudinem fluxerunt,  
proh dolor! incidit in manus gentis prophanæ, & immundæ; cum jam man-  
fisset sub potestate Christiana annis LXXXVII. quæ (scilicet ab Imperatore  
*Vespasiano* & *Tito*) conquæsta fuit sub Papatu *Urbani* secundi, & modo recidit  
in manus Turcarum sub Pontificatu *Urbani* tertii. Milites vero Templi &  
hospitales, quos in Campo non noverat gladius, ab aliis segregatos captivis  
*Saladinus* coram se decollari præcepit. Comes autem *Tripolitanus* qui cum  
*Saladino* prius conspiraverat, dolose cum suis complicitibus effugit de prælio,  
ipsis *Saracenis* nec eos attingere curantibus. Cum ergo Tyrannus cruentif-  
simus peremptæ multitudinis spolia dirupisset, mox cum suis copiis civita-  
tem *Ptolemaidem*, quæ nunc *Acon* dicitur, adiens, & eam quasi præfidiis vacua-  
tam inveniens, correstim obtinuit. Sanctam quoque Civitatem idem *Sal-*<sup>Ptolemais</sup>  
*adinus* adiit; ubi Patriarcham & populum metu languidum ad deditionem co-<sup>capta.</sup>  
arctans, vita & libertate indulta ut titulo clementiæ se insigniret, armis & pe-  
cuniis nudatos dimisit. Civitatemque ingressus pompaticè formam vexilli  
Dominici ludibrio habitam & fustigatam confregit: Templum vero Domini  
aqua rosea tanquam à Christianis fordibus expians sacrilegis ritibus ditavit.  
Sepulchri vero Dominici aliquantulam reverentiam habuit, quod, omni qui-  
dem aureo & argenteo ornatu sublato, *Syros* illius terræ indigenas Christia-  
nos custodire præcepit: edictum adjiciens, ne quis alienus irreverenter acce-  
deret. Hæc *Jerosolymis* provenisse noscuntur à diro illo prælio, quo populus  
Christianus interiit, tribus fere mensibus elapsis. Quippe infra octavas A-  
postolorum *Petri* & *Pauli* factum est illud Christianæ plebis excidium, & circa  
solemnia beati *Michaelis* facta est deditio dictæ Civitatis. *Ascalona* quoque  
urbs nobilis, in quam post prælium propter ejus firmitatem multi confluxe-  
rant, tyrannicam potestatem non evasit. Nam Rex *Jerosolymorum*, qui captus  
etiam prælio fuerat, eam pro sua liberatione resignavit. Jamque sola urbi-<sup>Rex Hieroso-</sup>  
um Palæstinæ urbs insignis *Tyros* Dominationem aspernabatur hostilem. Il-<sup>lym. Ascalona</sup>  
la namque Civitas, ut produnt historiæ, fortissimum Regem *Nabuchodonosor*  
prius, & postea magnum illum *Alexandrum* multo labore excercuit. Plane  
Dominus propter fervos suos, ut venturis Christianis aptum non deesset re-  
ceptaculum, urbem hanc tanquam granum botri modicum pro benedictione  
non modica reservavit. Et, quia fere tota mari ambitur, portu gaudens tu-<sup>Saladino tra-</sup>  
tissimo, *Saladinus* eam obsessurus classe circa urbem disposita modis omnibus  
eam  
<sup>Tyros obfessa.</sup>



Rex Henricus 2.

eam studuit oppugnare. Eodem tempore *Marchio* filius *Marchionis de Monte Ferrato* ibidem cum magna classe advenerat, Patri suo qui in prædicto bello Christianorum fuerat astiturus; qui accepta à civibus fidelitate, & præparatis navibus cum quibus venerat, navali prælio statuit cum hostili classe configere; quod & factum est Deo propitio; & cæsa vel submersa multitudo hostium naves nonnullas ad portum reduxerunt, & spectante *Saladino* cæteras suas naves ne evaderent, litoribus alliserunt. Quo casu ita est consternatus, ut, incensis machinis, & soluta obsidione, discederet, nihil ulterius contra eandem urbem ausurus. Mox in fines *Antiochenos* debacchantem convertit tyrannidem, & capta *Laodicea* cum multis urbibus, ipsam quoque maximam civitatem ita coarctavit, ut ab exterritis civibus pactum extorqueret, quod ad diem certum urbem resignarent, nisi forte major exercitus ex *Europa* veniens id fieri prohiberet.

Tyrus Obsidione saluta.

Laodicea capta.

Pactum Antiochenor. cum Saladino.

### C A P. XXXV.

*Reges nostri discordantes concordantur.*

1187

**I**Nter *Philippum* Regem *Francorum* & *Henricum* Regem *Angliæ* exitialis discordiæ germina pullularunt; unde Rex *Henricus* ad transmarina vocatus negotia transfretavit. Convenerunt autem ex diversis hinc inde provinciis apud Castrum, quod *Radulphi* dicitur, ferocissimo agitante spiritu, armatorum multitudines, mira vesania Regum suorum gloriæ vel potius superbiæ sanguinem proprium libaturæ. Cumque Castris hinc inde compositis, per dies aliquot torvis se vultibus mutuo duo magni exercitus prospectarent, & viris pacificis qui pacem vel inducias satagebant aerem frustra verberantibus, tandem turmis ad pugnam dispositis, parum jam aberat à congressu mutuo; & ecce occultis magis, ut dicitur, ducum fusuiriis quam prolocutionibus publicis indultæ in dies plurimos induciæ, in utroque exercitu voce præconia declarantur, plane vox ista multo gratius insonuit auribus omnium quam vox tubæ excitantis ad prælium. Gentes ergo & populi qui meditabantur inania vel potius infana, cum ingenti gaudio ad propria sunt reversi.

### C A P. XXXVI.

*Gregorius Papa excitavit omnes ad Terram Sanctam.*

1187

**C**UM in oriente circa populum Christianum talia gererentur, *Urbanus* Papa extremæ sorti subiacuit, cui successit *Gregorius* vir plane scientia & sinceritate vitæ conspicuus, æmulationem Dei habens, servi scientiam, & superstiosarum consuetudinum in scripturis suis reprehensor acerrimus. Sane Christianæ plebis Sanctæ Civitatis extremum, quod sub *Urbano* Papa contigerat, dolens supra modum ingemuit; aliquod tamen remedium adhibere proponens Epistolam suam illico in orbem Christianum direxit, in hæc verba –

*Gregorius, Sc.* “Audita tremendi severitate iudicii, quam super terram *Jerusalem* divinam manus exercuit, tanto fumus nos & fratres nostri “horrore confusi, tantis afflicti doloribus, ut non facile nobis occurreret quid “dicere aut facere debemus, nisi quod prædeplorat & dicit Deus, *venerunt “gentes in hæreditatem, Sc.* Nos autem licet cum Propheta dicere habeamus, *Quis det oculis meis fontem lachrymarum? & plorabo die ac nocte interfectos populi mei*, non tamen adeo nos deicere debemus ut in dissidentiam decidamus, & credamus Deum ita populo suo iratum, ut quod faciente peccatorum multitudo fieri permisit iratus, non cito per misericordiam poenitentia placatus allevet, & post lachrymationem exultationem inducat. Nos autem credere

dere non debemus, quod ex iniustitia ferientis iudicis, sed iniquitate totius po- Rex Henricus 2.  
 puli delinquentis talia provenerunt. Porro nos in tali conditione terræ il-  
 lius, non solum peccatum habitatorum ejus, sed & nostrum, & totius populi  
 Christiani debemus attendere. Cum ex omnibus partibus inter Reges &  
 Principes, civitates & civitates, dissensiones audiamus & scandala; & cum  
 Propheta dicere valeamus, *non est veritas, non est scientia Dei in terra, furtum &  
 mendacium, homicidium & adulterium inundaverunt, & sanguis sanguinem tetigit.*  
 Cogitate itaque filii qualiter transeant universa, & pariter transeat & vos, &  
 date vestra, dateque vosmet ipsos, non in exterminium sed in conservationem;  
 ei à quo & vos & vestra omnia recepistis, nec dicimus dimittite, sed præmit-  
 tite in coeleste horreum quæ habetis, & reponite apud eum apud quem ærugo  
 non demolitur aut tinea, nec fures effodiunt aut furantur; laborantes ad re-  
 cuperationem terræ illius, in qua pro salute nostra veritas de terra orta est, &  
 sustinere pro nobis crucis patibulum non despexit. Recolentes non esse no-  
 vum, quod terra illa iudicio Dominico percutitur, sed nec esse insolitum ut  
 flagellata & castigata misericordiam consequatur. Poterat quippe Dominus  
 sola eam voluntate servare, sed non habemus ei dicere cur ita fecerit. Volu-  
 it enim forsitan experiri, & in notitia ducere aliorum, si aliquis sit intelligens  
 aut requirens Deum, qui oblatum sibi tempus poenitentiae hilariter ample-  
 ctatur, & animam ponendo pro fratribus consumetur in brevi, & compleat  
 tempora multa. His autem qui corde contrito & humiliato spiritu labo-  
 rem itineris hujus assumpserint, & in poenitentia peccatorum, & fide recta  
 decesserint, plenam suorum criminum indulgentiam, & vitam pollicemur  
 æternam, &c.

## CAP. XXXVII.

*Obiit Gregorius Papa.*

**H**Ac ergo Epistola in orbem directa, idem *Gregorius Pisas* contendit, ubi  
*Pisanos & Jennenses*, jugi & inveterata discordia dissidentes, Deo aucto-  
 re reconciliavit ad pacem, moxque febre correptus, post dies paucissimos ap-  
 ud *Pisas* valedicens mundo expiravit. Cui successit *Clemens* ibidem electus,  
 & inthronizatus, qui jacta pacis semina pro studio fovit, & ad fructum per-  
 duxit.

1187

## CAP. XXXVIII.

*Reges sumpserunt Crucem.*

**S**Ane tristis ille rumor orbem in brevi pervagatus, omnium quidem Chri-  
 stianorum cordibus stuporem, & horrorem invexit. *Richardus* autem  
 Comes *Pictavensis* Regis *Anglorum* filius, & successor futurus, nuntium forte  
 hujuscemodi inclinato jam die accipiens, absque ulla deliberatione laudabile  
 propositum toto mox pectore combibit, & summo mane, in argumentum fu-  
 turæ peregrinationis & expeditionis, characterem Domini cum solemnitate  
 accepit; quo audito pater filium usque ad adventum filii, & cum adesset post  
 dies aliquot, me inquit inconsulto rem tam arduam minime arripere debuisti,  
 pio tamen proposito tuo nequaquam adversabor, sed illud ita prosequar, ut à  
 te egregie impleatur. Eodem tempore Archiepiscopus *Tyrinus* à partibus  
 veniens orientis, & duriora nuntians, imminentes misérias ita in auribus  
 publicis deploravit, ut duo magni Reges *Francorum & Anglorum*, tractan-  
 di gratia quidnam facerent, in terrarum confiniis convenirent. Verum illo  
 Colloquio, dum Religiosa intentione non sua sed quæ Christi sunt quære-  
 rent,

1187



Rex Henricus 2.

rent, nulla, vel admodum languida, pristini rancoris irrepsit memoria; sed, omni propter Christiani quæstione sopita, paribus votis & studiis Christiano negotio intenderunt. Itaque in multo devotionis fervore surgentes, signum Regis Regum, in ejus mox militiam attingendi, per manum memorati Archiepiscopi acceperunt; & non tantum sua, sed etiam seipsos eidem præclaræ militiæ devoverunt. *Richardus* Comes *Pictavensis*, [&] exemplum [ejus] Dux *Burgundiæ*, Comes *Flandrensis*, & Comes *Campaniæ* cum aliis multis hilari devotione amplexi, signo Dominico proprios insignire humeros, seque pro Christo laboribus & periculis exponere cupientes, statuto mox tempore quo iter arriperent, ad necessariam provisionem & præparationem tanti itineris se confestim transtulerunt. Soluta ergo coetu Rex *Henricus* in *Angliam* reversus est, ubi Archiepiscopus *Cantuariensis*, Episcopi *Dunelmensis* & *Norwicensis*, & multi nobiles Regio accensi exemplo, signum salutiferum solemniter susceperunt.

## CAP. XXXVIII.

*Imperator sumpsit. Crucem.*

1188

**F** *Reidericus* Imperator *Romanus*, convocatis nobilibus sui imperii ingentis, tum propositum declaravit, sumptoque solemniter signo *Dominicæ* crucis, Imperialis apicis majestatis subditis Ducibus & Gentibus formam efficacissimam præbuit: itaque cunctæ provinciæ nominis Christiani ad maturandum iter propositum immensis apparatibus studiisque fervebant animosi.

## CAP. XXXIX.

*De rupto fœdere Regis Francorum, & consecuta morte Regis Angliæ.*

1189

**V** *Erum* ita fervente fidelium devotione principum, & populorum, antiqui hostis tam bona initia corrumpere gestientis malitia non quievit. Cum enim illustis Rex *Anglorum* in Regno proprio quietus consisteret, & (prout decebat tantum principem) ad futuram se expeditionem modis omnibus præpararet, Rex *Francorum* nescio unde stimulatus, rupta fide fœderis, subito furore excanduit, & Castrum nobile quod *Radulphi* dicitur, quorundam (ut dicitur) nequissimorum proditione improvisus usupator intravit. Quo successu elatus, mutato vel potius exsufflato expeditionis *Jerosolymitanæ* proposito, grandiora moliebatur. Quibus celeriter agnitis, Rex *Angliæ* mature transfretaturus, viros honoratos cum verbis pacificis ad prævaricatorem præmisit. Verum ille, ad omne blandimentum inflexus & rigidus, pestilentiis inceptis superbe incubuit. Cumque Rex *Anglorum* transfretasset, bonorum studio virorum ad colloquium solemniter convenerunt: Rex quidem *Anglorum* querelam rupti fœderis, & illatæ sibi injuriæ positurus: Rex vero *Francorum* tanquam de his rationem redditurus. At sub hac fiducia rectitudinis mysterium operabatur iniquitatis: *Richardus* enim Comes *Pictavensis*, & Regis *Anglorum* filius, *Francorum* (ut creditur) astutia abstractus atque illectus, in ipso solemnium Regum colloquio à patre deficiens, ad partes transivit hostiles. Quo casu consternatus pater, cum causæ malorum ingravescerent, verbis pacificis cum his qui oderunt pacem aere inaniter verberato, discessit; nesciens penitus cui se crederet, cum tam infilialem jam filium expertus esset. Illico bellum utrinque instruitur, sed viribus animisque disparibus. Idem enim *Richardus*, quem pater Ducatui *Aquitanico* præfecerat, parentem sibi militiam ad partes Regis *Francorum* traduxit. Plurimi quoque Potentum *Normanniæ* & *Andegaviæ* & *Britanniæ*, fide exsufflata, manifeste jam à patre deficientes ad filium, in ejus gratiam

*Francorum*

Colloquium  
inter duos  
Reges

*Richardus*  
Com. *Picta-*  
*wensis* à patre  
deficit.

*Francorum* auxerunt exercitum. Unde factum est, ut Regi *Anglorum* præter <sup>Rex Henricus 2.</sup> stipendarios parciore fieret numerus, & ille quidem mutabundus. Itaque Rex *Francorum*, cum Comite *Pictavensi* & infinitis copiis, terram Regis *Anglorum* nullo obfistente ingressus, ad urbem *Cynomanensem*, ubi idem Rex cum suo exercitu morabatur, pertendit. Quo ille cognito, cum ad subeundum belli discrimen se longe imparem cerneret, & obsideri ab hostibus formidaret, incensa urbe profugit, in tutiora se loca recipiens. Mox exercitus, qui eum sequi videbatur, defluxit. Tunc *Johannis* filiorum ejus minimus, quem tenerrime diligebat, recessit ab eo, ne fratribus dissimilis & minus frater videretur. Hostes autem urbe *Cynomanensi* cum arce potiti, urbem *Turonicam* cum arce ejus expugnaverunt; de obsidenda quoque urbe *Andegavensi* consequenter tractantes. Tot ergo malis Rex *Anglorum* anxius, & maxime ex Junioris filii defectione animo saucius, ex multa mœstitudine febrem accersivit: qua invalescente per dies aliquot, apud *Chinonem* vitam finiens, diem ibi clausit extremum. Hunc finem habuit inclytus ille Rex *Henricus*, inter Reges orbis ter- <sup>Rex Henricus secundus obiit.</sup> rarum nominatissimus, & nulli eorum vel amplitudine opum vel felicitate successuum paulo ante secundus. Hostes vero, audito hoc incommodo, bella suspenderunt; Comesque *Richardus* ingemuit; quod viventi patri minus officiosus extiterit, & ad expiandum in officio paterni funeris vel sero se filium comprobavit. Hostes quoque, qui excellenti gloriæ ejus & virtuti semper inviderant, extinctum lamentasse & laudasse dicuntur. Omniumque sensibus expositum erat, quanta sit vanitas atque fallacia excellentiæ temporalis: cum illum, qui paulo ante tantus in orbe refulserat, tam miserabilis subito casus absumfisset. Corpus ejus, prout ipse in extremis pia devotione dictaverat, ad illud famosum & nobile monasterium feminarum, quod *Fons Ebsandi* dicitur, deportatum, ibidem præsentibus filiis, atque assistente nobilium multitudine, juxta magnificentiam Regiam sepultum est. Sane idem Rex multis virtutibus prædictis ornatus erat: aliquibus tamen vitiis obnoxius personam Regiam deturpavit. In libidine namque pronior conjugalem modum excessit: Regina enim desinente parere, multos fecit spurios: venationis delicias plus justè diligens; in puniendis tamen transgressoribus avo mitior fuit. Ille enim homicidarum & fericidarum parvam esse distantiam voluit: hic tamen hujusmodi transgressores carcerali custodia sine exilio ad tempus coercivit: Judæos scelerantes plus justo fovit: & vacantes Episcopatus, ut proventus reciperet, diu vacare voluit. Fuit autem contra hoc in Regni fastigio tuendæ & fovendæ pacis publicæ studiosissimus; & Ecclesiasticarum libertatum conservator præcipuus: viros religiosos specialiter honoravit, & res eorum æquo cum suis Dominicis jure conservari mandavit: pupillorum, viduarum, & pauperum curam habens, & locis pluribus largas eleemosynas impendens. Naufragorum consuetudinem eximia pietate correxit, & eis humanitatis officium exhiberi præcipiens, graves in eos poenas sanxit, qui forte illis in aliquibus molesti esse, vel de rebus quippiam usurpare præsumerent. Nul- lum Regno *Anglorum* vel terris suis transmarinis grave onus unquam imposuit; tributum Ecclesiis vel Monasteriis nunquam indixit: discrimen sanguinis & mortes hominum exhorrescens; armis (cum aliter non potuit) pacem observare curavit. Obiit autem illustris Rex *Anglorum*, Dux *Normannorum* & *Aquitanorum*, & Comes *Andegavensis*, *Henricus* secundus anno Regni sui tricesimo quinto: anno ex quo signum Domini suscepit secundo. Quidam nostri ordinis in vita Regis pro eo frequenter orans; & quæ, de misericordia vel de judicio superni moderaminis, eidem essent Regi eventura, nosse desiderans, ante tempus quo signum Dominicum suscepit Rex, tale à Domino de Rege dilecto in somnis responsum accepit. Signum meum super se levabit; sed in tormento tormentum portabit: Nam uterus uxoris suæ contra eum intumescet; & ad ultimum cum velatis velabitur. Quæ omnia evenerunt ad litteram.

*Henrici vir-  
tutes & vi-  
tia.*



*Richardus  
primus Rex.*

*Richardus Primus Rex.*

C A P. XL.

*De coronatione Regis Richardi, & ejus primordiis.*

1189

**A**Nno Domini M. CLXXXIX. sedi Apostolicæ præfidente *Clemente*, *Henrico* autem *Frederici* filio arcem *Romani* imperii tenente, & *Francis* imperante *Philippo*, *Richardus* illustrissimi Regis *Anglorum Henrici* II. filius defuncto patri successit. Hic patre sepulto, rebusque trans mare mature dispositis, in *Angliam* cito & opportune transvehitur : cunctis ex ejus edicto custodiis per *Angliam* relaxatis, ut scilicet ad introitum novi Principis esset lætitia generalis : consecratus est autem in Regem, & solemniter coronatus *Londoniis* à *Baldewino Cantuariensi* Archiepiscopo, III. Non. Septembris. Qui dies, ex prisca gentili superstitione, malus vel *Ægyptiacus* dicitur, tanquam ex Judaici eventus quodam præfagio. Dies enim ille Judæis exitialis fuisse dinoscitur, & *Ægyptiacus* magis quam *Anglicus*, cum ex *Anglia*, in qua sub Rege priore felices & inclyti fuerant, repente in *Ægyptum*, ubi patres eorum dura perpeffi sunt, Dei judicio verterentur. Edicto namque (ut dicitur) interdixerat ipse Rex *Judæis* ingressum vel Ecclesiæ, dum coronaretur, vel palatii dum post coronationis solemnia convivaretur, superstitionis sectam de consilio quorundam præcavere volens. Expletis igitur missarum solemnibus, Rex fulgens diademate cum pompa magnifica ad convivium intravit. Contigit autem, eo discumbente cum omni frequentia nobilium, populum circa palatium tumultuari.

C A P. XLI.

*Judæi occisi Londoniis.*

1189

**J***udæi* siquidem turbis immixti fores sic Regias introibant : unde indignatus quidam *Judeum* palma percussum ab ingressu januæ arcere curavit, Regium objectans edictum. Quo exemplo plures accensi *Judæos* cum contumelia repellebant : factoque tumultu, indisciplinata cum turbine turba accurrit : credentesque Regem talia mandasse, tanquam freti auctoritate Regia in multitudinem *Judæorum* ad fores Regias consistentium pariter irruerunt. Et primo quidem percutiebant pugno, mox vero vehementer efferati sustulerunt ligna & lapides. Porro *Judæi* fugam inierunt, in fuga vero cæsi sunt quidam usque ad mortem ; quidam autem omnino perierunt. Interea rumor gratissimus, quod scilicet Rex omnes *Judæos* interimij jussisset, totas incredibili celeritate percurrit *Londonias* : moxque infinitus indisciplinatorum populus, tam ex ipsa civitate quam ex provinciis plurimis, qui illuc unctionis Regiæ causa convenerat, armatus accurrit. Trucidantur ergo *Judæi* : & qui beneficio domorum fortium tuebantur, ad tempus à frementibus populis, igne immanissimo consumuntur. Nunciantur hæc Regi adhuc cum omni procerum frequentia convivanti. Mittiturque à latere ejus *Ranulphus de Glanvilla* Regni procurator, vir potens & prudens, cum aliis equitibus nobilibus, ut vel flecteret vel frænaret audaces. At id frustra : In tanto enim tumultu, nullus eorum aut vocem auscultavit, aut faciem honoravit ; quin potius, adversus eos frementes ut maturius recederent terribiliter denuntiaverunt. Illis igitur effrenatam rabiem consulte declinantibus. usque ad sequentis diei horam secundam non desævire prædantes, & tunc sæviendi magis satietas vel lassitudo, quam vel ratio vel reverentia principis prædantium sedavit furorem. Et licet Rex novus ingentis

ingentis animi & ferocis anxius æstualet, in infinitam tamen reorum multitudinem censuræ Regiæ vigorem non exercuit; quia illud erat difficile, immo, potius impossibile. *Judæis* tamen, post cladem, pacem edicto sanxit; qua tamen diu gavisi non sunt.

*Richardus  
primus Rex.*

## CAP. XLII.

*De Judæis apud Lennam.*

**S**Ane iste in *Judæos* zelus, non quidem fidei sed potius lucri, *Londoniis* accensus, vehementer excanduit. Arbitrabantur enim audaces & cupidi obsequium se præstare Deo, dum spoliarent vel perderent homines Christo rebelles; & agebant, sine conscientiae scrupulo, hilari furore, propriæ cupiditatis negotium. Unde apud *Lennam* contigit quendam ex *Judæis* fieri Christianum; quem tanquam Legis prævaricatorem *Judæi* prosequentes, captata opportunitate, & arreptis armis, ipsum aggressi sunt per viam transeuntem: porro ille in Ecclesiam Christianam se recepit, nec quiescere sævientes; sed continuato furore & impetu, eandem Ecclesiam oppugnare cœperunt: mox ingens clamor attollitur, & Christianum auxilium sonoris vocibus flagitur. Clamor ergo & fama Christianum populum accendunt: & peregrini juvenes (quorum illuc multitudo magna negotiandi gratia venerat) armati accurrunt, superbos belligerantes fortius impetentes. *Judæi* vero, cum Christianorum impetum ferre non possent, fugam inierunt, cæsis in fuga multis: domus etiam eorum expugnatae atque expoliatae à Christianis, flammis tandem ultricibus conflagrarunt. Peregrini vero juvenes præda onusti repetitis navibus, ne quam forte à ministris Regiis sustinerent quæstionem, celeriter abierunt. Loci vero incolæ, cum propter hoc discuterentur à Regiis, in peregrinos, qui jam abierant, factum refuderunt.

## CAP. XLIII.

*Item apud Stanfordiam de Judæis.*

**P**OST hæc apud *Stanfordiam* novus adversus *Judæos* turbinis motus surrexit. Cum enim ibidem quadragesimali tempore solemnes nundinæ agerentur; juvenes, qui signum Dominicum *Jerosolymam* profecturi susceperant, ex diversis provinciis venientes; indignantesque quod inimici crucis Christi tam multa possiderent, cum ipsi ad tanti itineris laborem sumptus non haberent necessarios. Arbitrantes ergo obsequium se præstare Deo, si hostes ejus impeterent, quorum bonis inhiabant; audacter irruerunt in eos, nemine tantis se ausibus opponente. Cæsi sunt aliquot ex *Judæis*; cæteri vero infra Castellum recepti ægre evaserunt: prædones autem cum sui operis emolumento abierunt, nullusque eorum propter hoc, studio disciplinæ Regiæ, sustinuit quæstionem.

## CAP. XLIII.

*Item apud Lincolniam.*

**I**ncolnienses vero audientes qualia circa *Judæos* agerentur, occasionem nacti, & animati exemplis, aliquid audendum duxerunt: & conglobati, in cohabitantes *Judæos* motu subito exarserunt. Porro *Judæi* pavore & exitio aliorum



orum cautiores effecti (paucis discrimen expertis) in munitionem Regiam cum pecuniis mature secefferunt.

## CAP. XLIV.

## De eisdem Eboraci.

**V**erum *Eboracensibus* non motus ferocissimi Principis, non vigor Legum, non ratio, non humanitas obstitit, quominus exitio generali tollerentur *Judæi*. *Eboracensium* autem *Judæorum* duo primi fuere *Benedictus* & *Jocenus*, homines locupletissimi & late foenerantes: hi duo ad coronationem Regis pompaticè procedentes, in conflictu *Londoniis* cum cæteris extiterunt: quorum ille *Benedictus*, plagis impositis, comprehensus, ut mortem differret, Christum coactus est confiteri, ductusque in Ecclesiam illico baptizatus est. Sedato vero tumultu, in crastino productus ad principem, interrogatus est ab eo, an esset Christianus. Qui respondit, se à Christianis baptizari coactum, sed animo semper fuisse *Judæum*; & magis se malle mori, cum jam non posset vivere, plagis enim pridie impositis urgebatur ad mortem: ejectus ergo à facie Principis, *Judæis* est redditus apostata Christianus; & cito deficiens, de *Benedicto* efficitur maledictus. *Jocenus* autem de conflictu fugiens, domum reversus est. Rege vero postmodum in partibus transmarinis constituto, conjuraverunt adversus *Judæos Eborum* provinciales plurimi, perfidum sanguinem & præclaram cupidinem sitientes. Cumque urbis pars non modica, nocte intempesta, vel fortuito vel potius (ut creditur) à conjuratis immisso conflagravit incendio, ne & ipsi cives circa ignem occupati impedimento essent prædantibus: armata conjuratorum manus domum dicti *Benedicti* (ut dictum est) *Londoniis* mortui, in qua uxor ejus & filii cum aliis pluribus propter fortitudinem domus habitabant, vi magna & ferramentis ad hoc præparatis irrupit: Cæsisque omnibus qui in ea erant, & corrasis opibus, ignem quoque tectis immisit, & abiit. Quo casu consternati *Judæi*, & maxime ille *Jocenus*, custode exorato & connivente, in arcem Regiam pecuniarum suarum ingentia pondera tanquam gazas Regias convexerunt: post dies vero aliquot, nocturni illi prædones cum majori fiducia atque ferocia redeunt, & domum *Joceni* fortem quidem & arces non ignobiles protendentem fortiter oppugnantes, tandem captam & expilatam incenderunt. *Jocenus* autem, paulo ante hoc malum præfagiens, cum uxore & filiis in arcem Regiam migraverat: similiter & cæteri *Judæi*, paucis ad victimam foris remanentibus. Prædonibus autem cum tanti ausus emolumentis dilapsis, factò mane vulgus promiscuum irruit, diripuitque, in diversis speciebus, prædonum ignisque reliquias. Moxque nullo publici rigoris habito respectu, manifeste & profusa licentia in eos debacchari cœperunt; nec eorum substantiis jam contenti, cunctis extra arcem inventis, aut sacri Baptismatis, aut extremi discriminis optionem dederunt. Baptizantur vero nonnulli fide, cæteris sine misericordia trucidatis. Et dum hæc agerentur, multitudo, quæ in arcem Regis confluxerat, in tuto agere videbatur. Porro arcis præpositus ad quoddam forte negotium egressus; cum regredi vellet, à multitudine intus excubante, incerta jam cui se crederet, non est admissus; ne forte quos tuendos susceperat, hostibus exponeret. Ille vero provinciæ Præsidem, qui tunc ob Regia negotia cum frequentia provincialium militum aderat, confestim adiit, commissæ sibi arcis custodia se à *Judæis* fraudatum conquerens. Indignatus Præses infremuit; illis maxime, qui conjurationis auctores extiterant, eum inflammantibus, atque in Domini Regis injuriam hoc ipsum redundare allegantibus. Jussit ergo Præses convocari populum, arcemque oppugnari: Excurrit irrevocabile verbum, plebis Christianæ zelus accenditur; immensæ armatorum tam ex urbe quam provincia circa arcem glomerantur catervæ. Præses autem pœnitentia sti-

mulatus

mulatus frustra conatus est revocare sententiam; accensos enim animos, quominus prosequerentur inceptum, nullo rationis vel auctoritatis pondere potuit cohibere. Cives tamen nobiliores motus Regii periculum formidantes tantam vecordiam caute declinarunt. Instabant ergo cruento negotio, tanquam proprium maximumque quærentes compendium. Clerici quoque plures non deerant, inter quos quidam Heremita cæteris ferventior videbatur. Oppugnatur ergo turris fortiter per dies aliquot, & urgebat præcipue opus funestum memoratus ille ex Canonico *Præmonstratensi* Heremita; in veste enim alba sedulus aderat, & hostes Christi perdendos sæpius cum clamore valido repetens, suæ cooperationis exemplo bellatores accendit. Dicitur autem quod diebus obsidionis processurus ad opus cruentum; hostiam incruentam (erat enim sacerdos) mane immolaverat, cæcata mente religiosum esse negotium quod agebatur pronuncians. Cumque admoverentur machinæ, ferventi animo cooperabatur ille pro viribus; unde factum est ut incautius muro appropians saxo grandi conquassatus continuo expiravit. Nocte vero sequenti, dum nostri forte mitius agerent, *Judæi* ad invicem tractabant, quidnam esset eis in tam arcto faciendum. At quidam Legis Doctor, qui ad docendum *Judæos* ex partibus venerat transmarinis, respondit; Deus, cui dici non debet cur ita facis, jubet nos pro Lege sua mori modo, & ecce mors nostra in januis ut videtis, & cum mortem gloriosam vitæ turpissimæ præponere debeamus, honestissimum plane atque facillimum genus mortis eligendum est. Nam, si inciderimus in manus hostiles, pro eorum arbitrio cum ludibrio moriemur; itaque vitam quam nobis Creator dedit, cum eam ipse jam repetat, propriis illi manibus sponte & devote reddamus, nec ad reddendum quod repetit, ministerium crudelitatis expectemus hostilis: hoc enim & multi nostrorum in diversis tribulationibus laudabiliter fecerunt, vel fecisse noscuntur, formam nobis decentissimæ electionis præstruentes. Hæc cum dixisset exitiale consilium amplexi sunt plurimi; quibusdam tamen visus est hic sermo durus. Tunc senior, quibus, inquit, consilium tam bonum piumque non placet, sedeant seorsum, ab hoc sancto præscissi collegio: nobis enim præ caritate Legis paternæ vita hæc temporalis jam viluit. Secefferunt ergo plurimi, hostium potius clementiam experiri, quam hoc modo interire cum sociis eligentes. Mox ad arbitrium infanissimi senioris, ne suis operibus hostes ditarentur, vestes pretiosas ignis absumpsit; vasa vero concupiscibilia, & cætera quæ non poterant per ignem transire, artificiosa invidia pudenda repositione damnavit. Quibus actis, & igne tectis immisso, dum ignis ipse morose nutriretur fociis, qui amore vitæ ab eis secefferant, singulos ad victimam præparabant. Dictante vero inveterato illo dierum malorum, ut viri, quibus constantior esset animus, propriis uxoribus & liberis vitam adimerent, mox famosissimus ille *Jocenus Annæ* uxori suæ cultro præacuto guttur incidit, & propriis quoque filiis non pepercit. Cumque hoc etiam ab aliis viris factum esset, infelicissimus ille senior *Jocenum* (eo quod esset honorabilior cæteris) jugulavit. Absumptis mox omnibus una cum magistro erroris, immisso, ut dictum est, à morituris igne interiora turris ardere cœperunt. Qui vero vitam elegerant, incendio prout poterant resistebant. Mane autem facto, cum populus frequens ad expugnandam arcem concurreret; miseræ illæ *Judæorum* reliquæ stantes ad propugnacula, nocturnam suorum cladem voce lacrymabili declararunt; & ad oculatam tanti facinoris fidem extincta corpora muro devolventes Christianos se fieri caritative postularunt. At conjuratorum Principes (è quibus erat quidam *Richardus*, vero cognomine mala Bestia, homo audacissimus) nulla super miseris misericordia movebantur: mitia tamen cum eis in dolo loquentes, ut egredi minime vererentur; mox ut egressi sunt hostiliter comprehensos, & baptismum Christi constanter postulantes, lanistæ crudelissimi peremerunt; cæde vero completa, conjurati continuo Cathedralē Ecclesiam adeuntes, monumenta debitorum, quibus Christiani premebantur à *Judæis*, ibidem reposita, ab exterritis custodibus violenta in-

*Richardus  
Primus Rex.*

*Judæi divi-  
tiis igne con-  
sumtis seipsos  
jugulant.*



*Richardus  
primus Rex.*

stantia resignari fecerunt, & tam pro sua quam aliorum multorum liberatione, eadem prophanæ avaritiæ instrumenta in medio Ecclesiæ flammis solemnibus absumpserunt; fane tempore Dominicæ Passionis, pridie scilicet ante Dominicam Palmarum, prædicta apud *Eboracum* contigerunt.

## C A P. XLV.

*Vindicta Regis contra occisores Judæorum.*

**R**Es autem ista mature defertur ad Principem, qui ante ejus transfretationem *Judæis* pacem & securitatem sanxerat. Indignaturque & fremuit, datoque mandato ad *Elyensem* Episcopum ejus Cancellarium & Regni præpositum, ut tanti ausus patratio condigna plecteretur vindicta. Idem vero Episcopus ferocis animi, & gloriæ cupidus, circa Ascensionem Dominicam venit *Eboracum*, & fortissimam civibus intulit quæstionem. Porro principales & famosi rerum gestarum auctores, relictis omnibus quæ habebant in provincia, à facie ejus fugerunt in *Scotiam*, civibus vero constanter proclamantibus, suo neque voto, neque consilio, vel opere accidisse, neque per suam mediocritatem indisciplinatæ multitudinis impetum impedire potuisse. Tandem Cancellarius multa pecuniaria eis imposita, hoc modo satisfactionem accepit: nec usque ad hunc diem pro illo *Judæorum* exitio aliquis supplicio est addictus. Anno primo ejusdem Regis *Richardi*, mense *Decembri*, *Willielmus* Rex *Scotiæ* venit *Cantuariam*, & fecit ibidem homagium Regi *Richardo*, & reversus est.

## C A P. XLVI.

*Quæ fecerat Rex post Coronationem ejus, antequam transfretaret.*

**I**N primis Rex novus studium habuit, ut vacantes Ecclesiæ Cathedrales ad ejus instantiam propriis gauderent Episcopis. *Richardus* vero *Thesaurarius* in *Londoniensem*, *Godefridus Luciensis* in *Wintoniensem*, *Willielmus de Longo Campo* in *Elyensem*, *Hubertus Eborum* Decanus in *Salesbiriensem*, & *Gaufridus* frater Regis in *Eboracensem*, ad instantiam Regis electi sunt.

## C A P. XLVII.

*Quomodo ditavit Johannem fratrem suum.*

**P**Ræterea circa *Johannem*, fratrem suum uterinum, egregium declaravit amorem. Nam præter *Hyberniam* & Comitatum *Moritanensem* in *Nor-mannia*, de quibus paternam traditionem ratam habuit, in Regno *Anglorum* tanta illi adjecit, ut quasi Tetrarcha videretur. Denique *Cornubiam*, *Devenshiram*, *Notinghamshiram*, *Lancastrium* cum adjacente Provincia, atque alia plurima ei de Regio Dominico contulit; & *Gloucestrensis* Comitis filiam cum integritate juris paterni amplissimi fraterna provisione despondit. Verum hæc ejus in fratrem immoderata largitas multa ei mala sequenti tempore peperit; & profusum largitorem profunda plenitudine castigavit, quia factus est fratri de cætero infidus, & ultimo manifeste infestus. Indulta enim ei Tetrarchia fecit eum ambire Monarchiam.

## CAP. XLVIII.

*Resignatio procurationis Glanville, cum substitutione Dunelmensis Episcopi;  
præparatio Regis in Terram Sanctam. Vendidit Rex Dominia sua.*

**R**anulphus de Glanvilla Regni procurator cum jam grandævus esset, & videret à Rege novitio multa minus consulte & improvide actitari, solemniter renunciâns officio *Dunelmensem* Episcopum habuit successorem, qui nec obluetans injunctum à Rege suscepit officium: sed si proprio fuisset contentus officio, divini juris multo decentius quam humani Minister extitisset, cum nemo possit utrique prout dignum est deservire, secundum illud Dominicum, *Non potestis Deo servire & Mammonæ*. Moxque ipse Rex circa *Ierosolymitanam* profectionem studiosius satagens, instante Rege *Francorum* ut tempore congruo iter simul arriperent, sumptus idoneos modis cœpit omnibus præparare. Evocavit igitur mandatis urgentibus Regem *Scotorum*, qui cum festinatione veniens pactus est ei decem Millia Marcarum argenti pro resignatione Castellorum de *Berebyk* & *Rokesburgh*; nam tertium, scilicet Castellum *Puellarum*, à Rege *Henrico* susceperat, quando de ejus voluntate conjugem accepit de partibus transmarinis. *Dunelmensem* quoque Episcopum, quem pecuniosum esse credebatur, Rex novus astute allexit, ut emeret à se proprii Episcopatus provinciam, essetque ejusdem provinciæ Episcopus simul & Comes, quod & factum est. Dedit ergo Regi pro emendo Comitatu quicquid pro *Ierosolymitanæ* profectionis apparatu congesserat, & ipse quidem glorians jocabatur. Rexque lætus effectus dixisse fertur, de vetusto Episcopo novitium Comitem ego mirus artifex feci. Eadem etiam arte, qua hujus Episcopi sacculos exhaustit, Rex ipse alios quoque plures allexit, ut effusis pecuniis certatim dignitates sive libertates quaslibet, vel publica officia, vel ipsa etiam prædia Regia compararent. Distraxerat itaque propria mature profecturus, tanquam animum redeundi non habens. Cumque ab amicis propter hoc familiari ausu increparetur, reddidisse fertur, *Londonias* quoque venderem si emptorem idoneum invenirem. Verum quam subtili hæc actu vel fecerit, vel finxerit, ut omnium qui pecuniosi videbantur sacculos exhauriret, in reditu suo ab oriente postea claruit. Mensibus autem aliquot in *Anglia* demoratus, Regni administratione Cancellario suo Episcopo scilicet *Elyensi* relicta, ante Dominici Natalis solemnia *Normanniam* transfretavit, habitoque cum Rege *Francorum* solemnî colloquio, ambo inter se mutuæ societatis jura firmantes, & germanam alternorum compromittentes caritatem, Orientali se expeditioni cum viris nobilibus, qui signum Domini susceperant, fortius astrinxerunt, & tempus profectionis æstatem proximam statuerunt.

## CAP. XLIX.

*De Cruce apparente in aere.*

**N**ec silentio prætereundum est stupendum prodigium, quod circa hæc tempora in *Anglia* visum est à multis. Est super stratam publicam, qua *Londonias* pergitur, vicus non ignobilis *Dunestabell* nuncupatus: ibi, dum circa horam meridianam cœlum suspicerent, viderunt in sublimitate ferèni aeris formam vexilli Dominici lacteo candore conspicuam, & conjunctam ei formam hominis crucifixi, qualis in Ecclesia, ad memoriam Dominicæ Passionis, & devotionem fidelium, depingitur. Cum ergo terribilis hæc species diutule,



diutule appareret, & curiose intuentium vultus animosque suspenderet, visa est forma crucis ab eo qui affixus videbatur recedere: ut medium aeris spatium inter utraque notaretur: & paulo post res stupenda disparuit. Interpretetur quisque ut voluerit signum mirabile, cujus, utique didici, sum simplex narrator, non etiam præfagiis interpretans, quid enim voluerit Divinitas signare, nescio.

## C A P. L.

*Fredericus profectus in Terram Sanctam, moritur in via.*

1189

Sane, cum juxta digestam superius narrationem memorati Reges *Francorum* & *Anglorum* in tantum protelarent, *Fredericus* Imperator *Romanus* eosdem non expectandos censuit; sed filio seniori, quem Regem *Longobardorum* constituerat, imperii cura commissa, cum filio Duce *Suevorum* per *Pannonias Thraciasque* iter suum arripuit, ducens secum maximas atque ferocissimas *Germanarum* gentium copias. Prætergressus autem *Pannonias*, & progressus ad Imperatoris *Constantinopolitani* provincias, missis nuntiis rogavit Imperatorem *Græcum* Imperator ipse *Latinus*, ut liceret ei cum suis licite per terram suam transire, non ad dextram declinando vel ad sinistram. Sed cum *Græci*, licet Christiani, *Latinos* abominari noscuntur; & *Græcus* ille imperator (ut dicitur) post captam *Hierosolymam* foedus cum atrocissimo *Saladino* pepigerat, pollicens quod in terra vel in mari ditionis suæ, *Latinorum* in *Syriam* transitum inhiberet, ipsi *Saladino* quam Christo fidelior transitum concedere noluit. Quamobrem *Latinus* Imperator ait ad suos, hostem Christi *Saladinum* quaerimus; & ecce par *Saladino*, imo plus quam *Saladinus* hic; qui zelando pro *Saladino* zelantibus pro Christo palam obsistit. In ipsum ergo arma contra *Saladinum* sumpta vertamus, ferro nobis viam aperientes. Cum aliter transire nequibant, placuit hoc omnibus: ingressique hostiliter, *Thessalonicam* urbem nobilissimam fortiter expugnatam ceperunt, & redacta in potestatem adjacentem provincia, ibidem hiemandum statuerunt. Videns autem *Græcus* Imperator non parum contra se actum à *Latinis*, & duriora nisi præcaveret conjectans, foedus cum Imperatore nostro pepigit, & concessio transitu qui petebatur, de sumptibus illius moræ, quam propter inhibitum fecerant transitum, satisfecit. Itaque *Latinus* Imperator cum exercitu per *Constantinopolim* transiens, fretum, quod *Brachium S. Georgii* dicitur, prospere transieavit. Veniensque in *Asiam* minorem, cujus pars quædam *Constantinopolitanæ* ditionis est, parti vero reliquæ Soldanus *Iconii* præsidet; magnis actibus illi Soldano erat terribilis. Captaque amplissima civitate *Iconio*, & locupletissima præda direpta, Christianus exercitus, Imperatoria provisione bipartitus, in castris excubabat, amne medio interlabente discretus. Cumque Imperator equo sedens filium, qui parti exercitus ultra amnem præerat, visendi & colloquendi studio, cum paucis amnem vellet medium transneare: dissuasus à comitibus ne se vir tantus petulanter in amnem daret incognitum; extrema se scire eo urgente non acquievit. Sed Imperialis oblitus gravitatis, in gurgitem fallaci brevitate contemptibilem equo stimulado profiliens, intuentibus comitibus nec subvenire valentibus, in momento suffocatus interiit. Sane Christianus exercitus id stupuit, doluitque de raptu Principis, ut, collapsis animis, matura hostium præda videretur: verum resumpto paulisper spiritu, loco extincti patris, præsentī *Suevorum* Duci adhæsit & paruit. Qui paterni corporis, quod post dies aliquot ægre inventum dicitur, ossibus assumptis, in multo laborum & periculorum experimento cum exercitu progressus est. Denique tantus exercitus per viam longissimam paulatim bellis morbisque confectus atque imminutus, ita tandem laboris intolerantia, sumptuumque penuria elanguit atque defluxit, ut nulla re memorabili facta, contemptibiles

ex

ex eo reliquiae *Palæstinam* cum duce memorato venisse dicantur. Qui pater-<sup>Richardus</sup> nis offibus apud *Tyrum* cum decenti honore sepultus; militiæ Christianæ, quæ <sup>primus Rex.</sup> *Accam* obsidebat, cum omni comitatu adjunctus, ibidem post modicum tempus morbo defecit. Hunc finem occulto Dei iudicio habuisse noscitur famosa illa *Tenthonici* Imperatoris expeditio.

## CAP. L.

*Reges nostri venerunt in Siciliam & Rex Anglorum expugnavit Messanam.*

Sequente æstate, anno à partu virginis M. CXC. illustres *Anglorum & Francorum* Reges iter *Hierosolymitanæ* profectionis ingressi, cum apparatu congruo & exercitu copioso convenerunt *Marsiliam*: Ubi Rex *Francorum* prior cum suis copiis, autumnali tempore, secundis flatibus navigavit in *Siciliam*: Rex vero *Anglorum* per aliquod tempus ibidem demoratus, tandem classe soluta mari se credidit, flatuque arridente in insulam eandem devenit. Verum Rex *Franciæ*, qui prior advenerat, *Messanam* urbem clarissimam cum gaudio exceptus à civibus ad hyemandum elegit. Sequens vero Rex *Anglorum*, propter ejusdem urbis amplitudinem & multimodam opportunitatem, ibidem quoque socialiter hyemare voluit: tumque hujus rei gratia quosdam ex suis præmisset, cives unius ad se Regis ingressu contenti, & duorum Regum magnorum gravari hospitio renuentes, præmissos à superveniente (paucis eorum in tumultu extinctis) cum contumelia urbe extruserunt. Motus super hoc Rex *Angliæ*, à *Messanenensibus*, utrum de illata injuria satisfacere dignarentur, inquirendum duxit. Illis vero tam propriarum conscientia virium, quam insignium fiducia hospitem, superbe detrectantibus satisfactionem; accensus est mox princeps fortissimus ad ultionem. Itaque armari copias, urbemque oppugnari præcepit; cumque in hoc opere suos non tantum urgeret imperio, verum etiam animaret exemplo, urbem aliquamdiu à civibus simul & *Francis* fortiter defensam, tandem potenter irrupit. Quam paucis suorum amissis victor ingressus, decentem tamen in ultione modum tenuit, & motum animi triumphalis gloriæ voluptate mollivit. Civium ergo vel sera satisfactione & coacta devotione placatus frænavit impetum: & pro reverentia Regis *Francorum* urbe egressus, ejusdem illi & suis libenter cessit hospitium: Ipse vero munitione extra urbem constructa, castrisque dispositis, ibidem cum suis copiis in omni rerum copia hyemavit. Porro Rex *Francorum* urbis hospitæ irruptionem in suam trahens injuriam, & pro nihilo ducens indulti hospitii gratiam, implacabilem contra Regem *Anglorum* concepit, totisque imbibit medullis rancorem.

## CAP. LI.

*Quomodo Rex Richardus duxit uxorem.*

Itur illustribus *Francorum Anglorumque* Regibus, in *Sicilia* sub expectatione vernæ expeditionis hyemantibus, *Alienora* Regina mater Regis *Richardi*, anilis oblita ætatis, nec reputans longitudinem seu difficultatem itineris, aut rigorem temporis hyemalis, dum materio duceretur, vel potius traheretur affectu, à finibus terræ *Siciliam* venit ad filium, secum adducens nupturam illi Regis *Navarrorum* filiam, famosæ pulchritudinis & prudentiæ virginem. Et quidem tam ineptum quam etiam inusitatum videbatur, ut in præcinctu bellorum de voluptate cogitaretur. Attamen hoc in Regnante juvene non tantum utilitatis, verum etiam salubritatis ratio honestabat. Nam & in illo articulo sobolem contrahere, cum filium qui succederet non habe-



Richardus  
primus Rex.

ret, utile fuit. Cumque esset pro ætate & usu deliciarum lubricus, bellorum propter Christum pericula subiturus, contra maximum fornicationis periculum competenti remedio salubri usus consilio se munivit. Adductam ergo virginem duxit uxorem, eandem per maris martisque discrimina secum ducturus, una cum sorore sua *Joanna*, *Wilhelmi* illustrissimi olim Regis *Siciliae* uxore relicta, jam vidua. Quæ quidem præclari conjugii amplissimam in *Sicilia* sine *Cambria* dotis nomine habens mercedem, eadem dote Regi *Tancredo* absolute vendita, ut fratrem sequeretur, ejus in immensum auxit thesauros, fideliter ex tunc sequendo adhærens.

## CAP. LII.

*Rex Franciæ transfretavit ad Accam.*

1191

**A**dest tandem longis expectatus desideriiis mensis *Martius*: tranquillatur mare, arridet cælum: Christianorum ingens numerus cum solempni lætitia & alacritate naves ascendit. Rex *Francorum*, spatio dierum aliquot Regem *Angliæ* mox secuturum præcedens, & secundis flatibus circa octavas Paschæ in *Syriam* veniens, Christiano exercitui, Civitatem *Ptolomaidem* jam fere per biennium obsidenti, totis viribus jungitur: & ex tunc fortius atque efficacius negotio instabatur.

## CAP. LIII.

*Quomodo Rex Richardus adquisivit Cyprum.*

1191

**I**gitur Rex *Anglorum*, diebus aliquot post Regis *Francorum* profectionem demoratus, tandem & ipse cum suis copiis, & longe majori apparatu, non satis fidis se flatibus credidit; habens in Comitatu suo naves actuarias atque onerarias plurimas, quippe in illo hyemali otio otiosus non fuerat, sed congerendis exercitui necessariis, & conficiendis machinis bellicis tempus imbelle impenderat. Dei autem ordinatissima provisione, ut postea claruit, oborta tempestas fatigatam compulit classem *Cyprum* divertere: tanquam Christianorum incolarum fideli ac tuto colligendam hospitio. Verum majorem in portu optato quam in mari turbato turbinem invenerunt. Tyrannus enim qui eandem insulam sæva Dominatione annis jam plurimis presserat, & imperatorium sibi in ea nomen usurpaverat, Christiani nominis hosti *Saladino* fœderatus, ipsique quam Christo fidelior, licet Christianus diceretur, cum exercitu affuit, & primos, sævitia fluctuum in portum coactos, ipse excipiens indigne tractavit, & bonis omnibus spoliatos vix vita dignos censuit: quosdam etiam redegit in carcerem inedia consumendos, Regi mox affuturo non dissimilia comminans. Quibus ille agnitis justo ad ultionem zelo inflammatus, cum tota Classe portum intravit. Excipitur à Tyranno, & totis hinc inde viribus conferitur prælium; sed non diu *Græca* mollities impetum sustinuit *Latinorum*: victus namque Tyrannus, dum tentaret fugere, incidit in manus hostium; dispersoque exercitu ejus, civitas portui imminens capta est.

Cypri Rex *Saladino* fœderatus appulsum in insulam *Richardus* denegat.

Rex Cypri captus pacto fœdere relaxatur.

Idem perfidus iterum capitur & imperio spoliatur.

Rex quidem primo in Tyrannum, pro sua liberatione quicquid exigebatur pollicentem, mitius agens, celebratis cum eo pactis eum continuo relaxavit: verum ille libertate reddita, prævaricator pactorum malis prioribus perfidiam sociavit. Rex vero præmaturæ clementiæ pœnitens, investigare perfidum & persequi statuit. Ille quidem vires resumere atque exercitum cogere frustra conatus, fugiebat à facie persequentis, quem tandem Rex in quodam Monasterio delitescentem, prodentibus eum quibusdam insulanis, quibus merito exosus erat, comprehendit, & vinculis justissimis innodavit: vinciri autem jussus

jussus dixisse fertur, quod ferro vinctus cito deficeret. Ad quod Rex, bene; Richardus primus rex. ait, loquitur, quia nobilis est, & mori eum nolumus; sed, ut vivat innoxius, argenteis astringatur catenis. Mox tota insula, Tyranni faucibus moribus, sponte in ejusdem Principis ditionem devotionemque se transtulit, cunctis illi urbibus & munitionibus, nec non & opulentissimis thesauris Tyranni, cum unica ejus filia resignatis. Quibus feliciter actis, per aliquot dies in Regno novo victoriam cum gloria celebrans, præclaras copias ad Christianæ expeditionis subsidium sollicitus ordinabat. Non latuere ista Christianum exercitum, qui *Ptolomaidem* obsidebat, atque ejus cum desiderio præstolabatur accessum. Ipse vero paulo plus duobus mensibus in *Cypro* exactis, & rebus magnis spatio tam brevi patratis, hilares copias in *Syriam* traducendas ad naves revocat. Ordinata igitur, prout voluit & decuit, insula, cunctisque rite dispositis, arridentibus quoque elementis, portum egreditur, velocique cursu *Ptolomaidem* properans, triremem maximam onerariam eminus conspexit; quæ à *Saladino* missa, obsessis in *Ptolomaidem* multiplicis subsidii copiam deferebat, scutis variis, armis, & omni apparatu bellico fulgens. Quo ille comperto jubet eam oppugnari; verum, cum non facile posset, propter enormem sui magnitudinem, & virtutem defensorum desuper tanquam ex arce pugnantium, expugnari: mox ejus expugnationis compendium sic ab ipso Rege inventum est: arce siquidem sub aquis perforata per foramina latenter ingressi sunt, & aggravato pondere subsidens tandem cum omni onere demersa est in profundum. Et res quidem omnes cum parte hominum periire, cæteri vero in naves profiliendo hostiles, consulte hostibus quam fluctibus se credere maluerunt. Contigit (ut dicitur) paulo ante, quod quidam naves *Londonienses* à magna classe separatae, ex inordinato maris motu periclitari coeperunt, clamantibusque nautis & orantibus, ecce tres viri continuo apparuerunt, ambulantes super mare, & in vestitu deaurato, quorum unus erat quasi Archiepiscopus cum Pallio, alter quasi Episcopus cum Baculo, & tertius quasi Rex coronatus cum sceptro, dixitque Archiepiscopus, vocastis nos, ecce assumus, stupentibusque nautis, & admirantibus confestim subintulit, nostis nos & nomina nostra, at illi negantes dixerunt nequaquam. Quibus ille; Ego sum inquit *Thomas Cantuariensis*, iste Episcopus est beatus *Nicholaus*, quem colunt & invocant omnes nautæ; Rex iste est Sanctus *Edmundus*, qui vocati adsumus, & modo venimus, ut simus præparatores, & cooperatores classis, & exercitus Regis *Richardi*, & his dictis disparuerunt. Ipsi vero cum gaudio, & tranquillitate navigantes, post dies aliquot una cum classe Regia ad litus pervenerunt optatum. Applicuitque Rex apud *Accam* in vigilia Sanctæ Trinitatis, & à *Richardus* Christianis cum gaudio susceptus est, & tanto quidem gaudio, quanto prius conem venit. desiderio fuerat expectatus.

## CAP. LIV.

*De discordia Regum Franciæ & Angliæ.*

Cum igitur, ut dictum est, Rex *Angliæ* à *Cypro* triumphator inclytus ad obsidionem venisset, mox inter ipsum & Regem *Francorum*, quem ejus jam mordebat felicitas, manifeste dissidendi semina, auctore Sathana, provenerunt. Tanta enim Regis *Richardi* gloria Regem *Francorum* jam urere coeperat, cum se moneretur viribus & opibus longe majorem: Illum vero propter virium opumque magnitudinem & successuum claritatem excellentius eminere, & propensius coli ab exercitu, & agenda omnia ad ejus pendere arbitrium. Rex ergo *Francorum*; ratione pacti inter eos peregrinationem ingressuros sollemniter habiti, quod scilicet omnem acquisitionem suam æquali inter se forte dividerent, medietatem acquisitionis *Cypriæ*, tam mobilibus quam immobilibus, tanquam sibi perspicuo jure competentem exigebat.



*Richardus  
primus Rex.*

Ad hoc Rex *Anglorum* respondebat, medietatem eorum, quæ communibus acquirere viribus, illi ratione pacti competere: se propriis *Cyprum* viribus adquisisse, illum vero ea, in quibus nec modice laborabat, exigere non debere. Adjiciebat etiam se & illum, cum peregrinationem arriperent, *Saracenos* solummodo aggrediendi, & ab eis, quantum possent, Deo propitio extorquendi intentionem habuisse: & juxta hanc intentionem pactum de acquisitione dividenda constituisse: porro se Christianam insulam non ex intentione adiisse, sed incidenter ad eam, causâ ulciscendæ atrocis & adhuc flagrantis injuriæ divertisse. Hoc modo altercabantur ad invicem, & Rex quidem *Anglorum* acquisitionis illius medietatem modis omnibus denegabat. Rex vero *Francorum* ipsum rupti fœderis & pacti irriti arguebat. Alia quoque inter eos diffidendi causâ emerfit, *Marchio de Monteferrato*, vir inter primos *Romani* imperii magnus & potens, ut supra dictum est, post captam *Ptolomaidem Tyrum* ingressus invenit omnes *Tyrios* in consuetudine atque formidine ita attonitos, ut, animis labefactis, *Saladino* mox affuturo exemplo *Ptolomensium* civitatem tradere cogitarent. Verum ad tanti hospitis ingressum, resumpto aliquantulum spiritu, ejus salubri se consilio crediderunt. Ille vero cum esset prudens atque magnanimus, omnes à minimo usque ad maximum sacramento astrinxit, ut ei omnium curam agenti fideliter parerent in omnibus: sapienter allegans, nihil agi posse, nisi sub uno suo Principe & provisoro cuncti essent unanimes. Verum, ut supradictum est, cum ab obsidione *Saladini* civitatem liberasset, *Guido Rex Jerosolymorum*, cum pro sua liberatione à carcere *Ascalonam* *Saladino* tradidisset, de captivitate reversus *Tyrum* venit. Cumque *Tyrum*, tanquam jus Regium à *Marchione* reposceret, & *Marchio* urbem tanquam hostibus expositam, & à se cum multo labore servatam modis illi omnibus denegaret, secessit *Tripolim*; & aggregatis sibi plurimis *Marchioni* erat infestus. Illis itaque hoc modo disceptantibus, & aliis quidem pro isto, aliis vero pro illo æmulantibus, tandem venerunt *Ptolomaidem*; atque in ipsa obsidione, ita locis distincti ut animis, multam post se turbam trahebant: dum potentum plurimi partes oppositas diversis prosequerentur favoribus. Denique Rex *Francorum* eidem *Marchioni* propensius favorem accommodans, atque eo, qui Regnum Christianum perdiderat, illum, qui reliquias saltem parvas salvaverat, eidem Regno aptiorem pronuncians, partem *Guidonis* pro tempore infirmavit. Et cum tandem Rex *Anglorum*, post factam in *Cypro* moram necessariam, jam adesset, conatus est eum Rex *Franciæ* ad suam trahere sententiam, allegans potiorem esse paucularum saltem reliquiarum Christianæ Religionis salvatorem, quam Regni Christiani perditorem. Rex vero *Anglorum* non adquevit, prior in partem *Guidonis Aquitani*, scilicet hominis, cujus tota propinquitas sub Rege agebat *Angliæ*. Denique allegans pro eo, Regnum, inquit, Christianum perdidit, non prodidit. Non enim illud sua vel nequitia, vel negligentia, five ignavia hostibus prodidit, sed aliis nequissime prodentibus, ipse inculpabilis perdidit: & proditus ipse perditusque simul cum Regno à suis in manus hostium traditus est, Deo autem propitio liberatus. Aut ergo culpa ejus in hac parte declaretur, aut ei, qua nudari non meruit, prærogativa fervetur. Ægre igitur tulit Rex *Franconum* suam à Rege *Anglorum* non approbari, ac per hoc & infirmari sententiam. Et tunc quidem, cum suum non posset sancire decretum, pro tempore siluit, porro hæc dissensio majoris vel indignationis, vel odii fomitem ministravit. Cumque jam pars *Guidonis* per favorem Regis *Anglorum* præstare videretur, memoratus *Marchio* ejusdem Regis potentiam veritus, cum suis *Tyrum* rediit. Sane post accessum Regis *Anglorum*, exercitus Christianus contra urbem obsessam invaluit, atque infra diem tricesimum, tanti temporis, tantique fudoris negotium, ejusdem maximi Regis ferventi potentique opera, egregie consuminavit.

*Philippus fa-  
vet Marchi-  
oni, Richar-  
dus vero Gui-  
doni.*

## CAP. LV.

*Quomodo capta est Acca & expugnata.*

**I**gitur urbs insignis *Ptolomais*, quam nunc *Accam* dicunt, postquam obsidentes Christianos multo & diuturno labore exercuit, tandem expugnata est, anno à partu Virginis millesimo c. nonagesimo primo, quinto Idus *Julii*; anno ex quo in manus *Turcorum* inciderat quarto. Denique fortissimi propugnatores ejus, cum jam Christianorum machinis moenia cederent, cernerentque irruptionem instare hostilem (Rex enim *Francorum* ex parte Turris maledictæ cum suis instabat, Rex vero *Anglorum* ex parte altera per terram & mare diversis machinis oppugnabat) tanquam animis collapsi, sibimet, quod solum poterant, providentiam habuerunt; pactique sunt Principibus nostris, pro vitæ suæ redemptione promittentes mille quingentos Christianorum de captivitate liberatos ad certum diem restituere, cum pecunia copiosa; huic suorum necessitati *Saladinus*, qui cum infinito exercitu non longe aberat, & subvenire non poterat, auctoritatem præstitit; & ad hæc omnia persolvenda Christianis diem constituit. Itaque resignatam mox civitatem ingressus est, cum exultatione & solemni gratiarum actione, exercitus Christianus. *Ar-* *Ptolomais*  
*capta.*  
morum & variæ suppellectilis ingens ibidem copia reperta est, escarumque plurimum & opum. Illi vero, qui fortiter defensionem & ægre tandem resignaverant Civitatem, sub expectatione diei a *Saladino* constituti servabantur in tuto. Ingressis itaque urbem Regibus Regia mox vexilla eriguntur, inter quæ vexillum Ducis *Austriæ* erigitur in sublime; quo viso Rex *Richardus*, accersito Duci ait, qua auctoritate fretus, vel sub quo Domino militans terram tuam tenes, ut cum ipse Dux adhuc, Rex non sis, Regia tamen insignia occupas? cui Dux, non ab homine terram meam teneo, sed, post solum Dominum, beatum *Petrum* ipsius Apostolum superiorem recognosco. Et ait Rex, si non ab homine terram tuam teneas, prædico te sine terra futurum; quod quidem verbum ægre tulit Dux: dissimulavit tamen, sed hostilem animum declaravit, ut suo loco dicetur inferius.

*Richardus*  
*Ducem Austriæ*  
*sibi ipsi*  
*insensum red-*  
*dit.*

## CAP. LVI.

*Egressi sunt Acca contra Saracenos.*

**R**egibus autem per dies aliquot in eadem civitate morantibus, facta est in exercitu fames valida, propter quod, communicato consilio, dividerunt inter se Reges Christianum exercitum, & bono zelo, ut contra hostes inimicos crucis Christi bipertite procederent. Et Rex quidem *Franciæ*, cum suo Comitatu, divētit per unam dietam a civitate, ad quoddam castrum fortissimum obsidendum, petulanter dicens, quod non nisi vel expugnato vel reddito Castro obsidionem relinqueret. Rex autem *Angliæ* ex altera parte cum suis incedens, & igne ferroque viam sibi pandens, per octo dietas omnia pro libitu complanavit, audiensque quod Rex *Franciæ* adhuc in obsidione illius Castri nihil proficiendo maneret, ait suis, si Rex *Francorum* & ego longe fuerimus ab invicem separati, veniet forte *Saladinus*, qui modo timet conglobatum exercitum, & irruet in partem separatam, si quo modo nocere possit, & in viribus prævalere. Melius est ergo ut revertamur ad eum: expugnato Castro, poterimus tunc incedere conjunctim vel divisim. Et cum ibidem declinaturus esset, nunciatum est Regi *Franciæ* de adventu ejus festino & expeditione laudabili, quomodo viriliter agens, in modico tempore magna exercuit. Qui accitis suis ait, ecce Rex *Richardus* adest, qui strenue agens hucusque

*Fames in ex-*  
*ercitu Christi.*



*Richardus  
primus Rex.*

prosperatus est, & nos, licet multi simus, parum tamen profecimus; si man-  
ferimus hic, & in præsentia sua deditum fuerit Castrum vel expugnatum; non  
nobis sed sibi omnis laus tribuetur & gloria; revertamur ergo ad civitatem  
*Ptolomaidem*, & cum venerit, faciat ipse quod poterit. Quod & factum est.  
Cumque venisset Rex *Richardus*, & hæc didicisset, oravit ad Dominum sic di-  
cens, O bone Jesu, pro cujus amore istud iter assumpsi, ut sanguinem tuum  
pro redemptione Christiani nominis effusum, pro posse in hostes tuos vindi-  
carem, adjuva me si placet in præsentia, in expugnatione istius Castri, ita quod  
tibi & nomini tuo laus ascribatur & honor; & convocatis suis, ait, ecce quo-  
modo reliquit nos Rex *Francorum* animum invidia contaminatum ipso facto  
declarans, & vecordia notam, infecto negotio, Christiano nomini in suo reces-  
su inprimens. Erigimini ergo in Christianorum laudem, & viriliter agite pro  
Christo & nomine vestro, quia non recedemus hinc nisi potenter expugnetur,  
vel nobis magnifice reddatur; erectis ergo machinis hinc inde tela projiciun-  
tur, confertumque est prælium grande; obsessi vero viri strenuissimi, & nihil  
sibi timentes, eo quod obsessores non erat introitus nisi per unam viam & ar-  
ctam, apertis januis emiservunt quinquaginta armatos, qui pompatice starent,  
& si forte ingressum attentarent aliqui, eis extrema forte illuderent. Quod  
cum videret Rex *Richardus* infremuit, & impetum animi retinere non valens,  
stimulato dextrario in eos continuo irruit, & nunc hos, nunc illos hinc inde  
cædens, denuo portam ingressus est, & concurrentibus cæteris omnes quasi in  
eum irruerunt, equum ex difficili perimentes, moxque clamor ingens in ex-  
ercitu factus est, dicunt enim quidam, corruit Rex, & mortuus est, alii autem  
dicunt, ingrediamur & cum ipso moriamur, statimque resumptis viribus in-  
gressi sunt animose viri potentes, & invenerunt Regem in aula, non quidem  
edentem vel bibentem, sed cum bipenni strenuissime pugnanti. Interfe-  
ctis ergo fere omnibus pauci admodum reservantur. De quibus in signum  
victoriæ misit Rex *Richardus* tres de nobilioribus ad Regem *Francorum*, quos  
cum ipse recepisset, indignatus est, dissimulavit tamen. Audiens ista *Saladinus*  
misit ad Reges nuncium in dolo qui diceret, Dominus meus de Jesu vestro,  
quem prædicatis & colitis, multa jam bona audivit, & spem certam in eo con-  
cepit, quod sicut estis modo & vos, sic & ipse erit suæ Legis cultor & prædica-  
tor; unde treugas postulat septennales, infra quas cum suis deliberare pos-  
sit, de Lege etiam vestra informari & instrui. Et si propositum continuave-  
rit ipse Deus, absque majori sanguinis effusione, effici poterit Christianus.  
Responditque statim Rex *Francorum* ad hæc, pax fere præ foribus est, & qui  
mensuram respuit frequenter decipitur. Rex vero *Anglorum* in parte grava-  
tus confestim subintulit, heu heu! quod ab ore Christiano & maxime Regio  
unquam tale verbum exire debuit in specie fallibile, ex promisso Pagani; nos  
enim quærimus & petimus terram Patris nostri & Jesu Christi, ubi natus pro  
nobis, passus, mortuus, & sepultus est, in qua nos suo pretiosissimo sanguine  
redemit, & pro nostra omnium salute nudus in cruce pependit, quam quidem  
terram, hæreditatem utique nostram (quia à Christo Christianam) isti ho-  
stes pessimi de manibus fratrum nostrorum Christianorum violenter eripue-  
runt; hanc ergo si nobis reddere & restituere voluerint, de conversione eo-  
rum bene diem accipient. Quod si facere noluerint, eamus & faciamus pro-  
positum pro quo Crucem assumpsimus, & sicut Christus pro nobis mortuus  
est, sic & nos, si necesse fuerit, moriamur in Christo. Hæc autem & similia  
dicens excitabat vota & mentes singulorum, & sic, infecto negotio, prædictum  
nuncium quasi vacuum unanimiter remiserunt.

*Septennalis  
treuga Sala-  
dino petenti  
denegatur.*

## CAP. LVII.

*De repatriatione Regis Franciæ.*

**T**unc Rex *Franciæ* delicati sibi hominis notam assumens, cœpit tractare cum suis de repatriatione, non dico de fuga, quia fugit impius nemine prosequente, missisque ex secretariis ad Regem *Angliæ*, rogavit ex animo ut licentiam concedendam votis ejus annueret, protestans quod aut oporteret eum repatriare, aut continuo infirmari; admiratus autem Rex *Richardus*, animo quasi consternato ait, si mihi modo Rex *Francorum* in arcto deficiat, & non tantum mihi, sed etiam ipsi Deo conventionem frangat, ipsum Deum Omnipotentem judicem habeat & ultorem. In voluntate autem Regis est vel morandi vel repatriandi libertas, soli autem Deo injuria fiet, quam pro suo tempore justus judex vindicabit. Rex ergo *Francorum* audiens hæc, motus quidem & æstus causando molestiam publice protestatus est, se illius terræ aerem ulterius sustinere non posse, propter quod repatriare disposuit; & hoc continuo, quod Christiano exercitui multum displicuit, præsertim cum plurimi, & fortè verius, ejus interpretarentur discessum; dicebatur enim, quod propter expensarum & opum impotentiam, quibus Regi *Angliæ* fuit tunc temporis impar, non potuit nisi ægris oculis gloriam Regis *Richardi* contemplari, dicensque secreto suis quod quicquid ibi fiebat ascribebatur Regi *Richardo* in laudis gloriam, sibi vero & suis in opprobrii contumeliam; applicaverat etiam animam ad Comitatum *Flandrensem* tunc vacantem. Comes enim *Philippus* parum ante ibidem piæ militiæ munus expleverat. Rex vero *Richardus*, propter supradictas dissensiones recentes, de benevolentia ipsius merito diffidens, coram viris honoratis exegit accepitque cautionem, quod sibi & hominibus suis, usque ad redditum suum, omnino maneret innoxius. Cumque navem conscenderet ut abiret, præcepit clanculum Coniti *Campaniæ*, & Duci *Burgundiæ*, & aliis ex devotione post eum remanentibus, qui propter conscientiam & vitæ infamiam repatriare verebantur, ut *Marchioni* ejus partem fovendo assisterent, & quoties se incidens præberet occasio Regi adversarentur *Anglorum*; cumque prosperis flatibus venisset *Italiam*, *Romanum* Pontificem adiit, & à prædicto juramento ab eo tanquam contra voluntatem extorto, absolutionis beneficium importune postulavit. Papa vero sua ad tempus petitione suspenso, tandem rei veritate cognita, sic ei respondit, illud, inquit, juramentum quod præstitisti Regi *Anglorum* de pace & concordia usque ad redditum suum conservanda, quam utique Princeps Catholicus absque juramento conservare deberes, nullatenus relaxamus, sed tanquam honestum & utile auctoritate Apostolica roboramus. Reversusque sic ad propria, non quidem gloriosus effectus, sed potius rubore confusus: dicentibus tamen suis, ad propugnandum quodammodo præmaturum Regis sui redditum, quod Rex *Anglorum*, infidiose & nequiter quærendo animam ejus, contra propositum redire compulerat.

*Philippus absolutionem à juramento à Romano Pontifice frustra petit.*

## CAP. LVIII.

*De gestis in Anglia in peregrinatione Regis.*

**H**ic flectendus est modo stylus ab oriente in nostrum occidentem, ut li-  
quere possit qualis Regni *Anglici* status in Regis absentia extiterit. Idem Rex, ut superius dictum est, ad orientalem egrediens expeditionem, *Elyensi* Episcopo Cancellario suo vices suas in administratione Regni, commiserat, cum munitionibus Regiis & plenitudine potestatis. Qui Episcopus,  
cum



Richardus  
primus Rex.

ilium  
onienſe.

Episcopi Eli-  
enſis nequitia  
& ſuperbia.

Johannes ar-  
thes Elienſis.  
Episcopi deta-  
git.

cum eſſet audaciæ aſtutiæque ſingularis, magna ſumma *Romam* tranſmiſſa, vices quoque Apoſtolici ſedis petiit, & tali interceſſione facile impetravit. Denique ut ad ſummum evectus videretur, generale concilium, ex *Anglia* terrore maximo *Londoniam* congregatum, quanto glorioſius tanto & vanius celebravit, ſub ſpecie ſcilicet Religionis agens propriæ negotium vanitatis, quod utique agebat fortius, eo quod Metropolitanæ Eccleſiæ vacabant utræque. Itaque ſublato omni obſtaculo, quominus ambulet in magnis & mirabilibus, ſuper ſe fretus duplici Apoſtolica ſcilicet & Regia poteſtate, Clero pariter & populo arrogantiffimè præſidebat, & ſicut de quodam ſcriptum eſt, quod utraque manu utebatur pro dextra, ſic & ille ad faciliorem molitionum ſuarum efficaciam, utraque poteſtate utebatur pro altera, nec erat qui ſe abſconderet à calore ejus, cum & Eccleſiaſticus in eo virgam vel gladium Apoſtolici poteſtatis timeret, & ſecularis nulla ſe ratione vel auctoritate contra poteſtatem Regiam tueri valeret. Denique ipſum illo tempore in *Anglia* & pluſquam Regem experti ſunt Laici, & pluſquam ſummum Pontificem Clerici, utriusque vero tyrannum importabilem: ſaſtus ejus fere in omnibus pluſquam Regius erat; in expeditione enim poſitus armatorum excubias circa cubiculum ſuum habere voluit: procedebat cum mille equis, & plerumque etiam numeroſius legationis ſuæ nomine, hoſpitium à cunctis per *Angliam* exegit Monaſteriis: & à minoribus, quæ pondus hoſpitii ferre non poterant, certa, id eſt, octo vel quinque Marcarum ſumma redimi hoſpitia cenſuit; majoribus vero incumbere velut locuſta. Exhaustit ergo non ſolum ærarium Regium, verum etiam quicquid ex Regno, Monaſteriis, Eccleſiis quacunque occaſione corradere poterat. Præfecerat enim ſingulis provinciis nequiſſimos avaritiæ ſuæ miniſtros, qui non Clerico, non Laico, non Religioſo parcerent vel deferrent, quominus Cancellarii commodis inſervirent (ſic enim dicebatur cum Episcopus eſſet) & Episcopi quidem in illo nullum vel tepidum, Cancellarii vero nomen per univerſam erat *Angliam* inſigne atque terribile. Sane nobiles Regni & optimates plures per propinquarum ſuarum (quas ex *Normannia* multas vocaverat) conjugiiſ devincire curavit. Cum ergo hoc modo aſtrinxiffet ſibi nobilium plurimos, cæteros vero vel confregiffet terroribus, vel arte & officiis deliniſſet; ſolum tamen metuebat *Johannem* Regis fratrem, ut pote longe potentiorẽ cæteris, & ſperatum Regni ſucceſſorem. Denique ne Rege forte peregre moriente, & *Johanne* rite ſuccedente, ipſius expiraret poteſtas; arte (ut dicitur) agendum putavit, ut *Johannes* jam adultus non ſuccederet; ſed per ſucceſſorem tenerum longi ſibi temporis poteſtatem pararet. Duobus igitur fratribus ſuis ad Regem *Scotorum* directis, petiit ut firmiſſimo ſibi foedere cohæreret ad præficiendum Regno *Anglorum Arthurum Britonem* ipſius pronepotem, ſi forte Rex peregre in fata decederet: eo quod illi potiſſimum, nato ex *Godfrido* fratre Regis majore, ſucceſſio Regni competeret: proteſtans Regem ex *Sicilia* literis ſibi directis, *Arthurum* nepotem ſuum (ſi forte ipſum non reverti contingeret) Regni ſucceſſorem designaſſe. Hoc quidem myſterium inter duos illos potentes occultis tractatum ſuſurſiſ, non diu latuit *Johannem*: qui conceptum rancorem ſubtili pro tempore cautela diſſimulans, ſuæ parti quocunque poterat prudenter conabatur allicere, artemque arte ſtudit illudere. Dum autem iſta per inſolentiam Cancellarii gererentur, Regi in *Sicilia* hyemanti univerſa ſideli multorum innotuere relatu: qui mox *Walterum Rothomagenſem* Archiepiſcopum virum prudentem & modeſtum, qui cum ipſo hyemabat, direxit in *Angliam*: eum Regii auctoritate reſcripti Cancellario per omnia in adminiſtrando Regno conſortem & collegam adjungens. Verum idem Cancellarius Regia contempſit mandata, allegans ſibi notam eſſe Principis mentem, cui magis obtemperandum eſſet, quam ſine mente ſolis literis ſcilicet ſurreptione elicitis. Cunique *Cantuariam* ire diſponeret, ſecundum Regis mandatum, vacantem ordinaturus Eccleſiam, Cancellarius ad eandem dignitatem aſpirans, hoc eum propoſito cito exuit, maturam ei poenitudinem, ſi vel hoc tentaret, terribiliter comminatus.

Itaque



Itaque idem *Rothomagensis* otiosus in *Anglia* morabatur: Cancellarius vero *Richardus primus Rex.* in Regni administratione collegæ impatiens, singularis, ferus *Angliam* depascebatur; at non diu post quietam egit vitam, malis contra eum succrescentibus: & primi quidem motus talis fuit occasio. *Gerardus de Canimilla*, vir dives & nobilis emerat à Rege Castelli *Lincolniensis* custodiam cum adjacentis provinciæ præsidatu. Rege autem in Orientali expeditione posito, cum nullus fere ejus speraret reditum, Cancellarius occasionem nactus vel veram vel subornatam, prædicto *Gerardo* arcem *Lincolniensem* sibi resignare præcepit. Ipse vero necessitate cogente, ad *Johannem* se contulit, ejusque favore fretus iussionem sprevit. Indignatus Cancellarius, eandem arcem obsessurus, ex subjectis provinciis propere collegit exercitum, & transmarinam etiam profusus stipendiis accersivit militiam, cujus tamen adventum homo fervidus & moræ impatiens minime præstolabatur, sed, civitatem *Lincolniæ* cum ingentibus copiis ingressus, arcem pertinaciter obsedit, & conficiendis cum festinatione machinis sumptuosum laborem impendit. Sane illo circa obsidionis negotium occupato, *Johannes* cum suis super munitiones Regias scilicet de *Portingham* & *Tikhill* improvisus irruit, easque viris & victualibus parum munitas inveniens, bidui negotio comprehendit. Tunc crescente fiducia superbo denunciavit obsessori, ut vel obsidione soluta recederet, vel certe se ad excipiendum ejus impetum in proximo cautius præpararet, sciens vero Cancellarius optimatum plurimos, qui secum esse videbantur, animo esse cum *Johanne*, confusus abcessit: & post dies paucos unum ex cornibus suis fractum esse, id est, Legationis suæ officium per mortem *Romani* Pontificis expirasse cognovit. His territus, amicis mediantibus, cum *Johanne* solemne colloquium habuit, & quibus potuit conditionibus pacem cum eo fecit. Mox vero militiam illam, quam accersire curaverat transmarinam, in *Angliam* applicuisse atque adventare cognoscens, resumpto spiritu resiliit a pactis; & protestatus est vel se vel *Johannem* ex *Anglia* propellendum. Tandem tamen inter eos facta est pax conditionibus novis, dum ille (sicut dicitur) *Johanni* satisfaceret, abjurata parte *Arthuri*, & cautione præstita quod *Johanni*, tanquam justo hæredi, munitiones Regias redderet, si forte Rex ab Orientis partibus non rediret. His actis, *Johannes* pro tempore quievit: Cancellarius vero fastu agens solito tyrannum non exiit: solum enim tanquam alterum hæredem metuebatur *Johannem*, & audito eo multa faciebat; interea *Gaufridus Eborum* electus, & frater Regis, *Turonis*, ab Archiepiscopo *Turonensi* per rescriptum *Cælestini* Papæ, qui *Clementi* successerat, solemniter consecratus, anno a partu Virginis millesimo c. nonagesimo primo, mense *Augusto*, & accepto prius Pallio repatriare disposuit; quod ubi comperit ejus infectator Cancellarius, mox per satellites proprios *Eboracensis* Archiepiscopi tyrannice possessiones invasit; & præter res immobiles cætera omnia improbus dilapidator vel potius deprædator abrasit, portus quoque caute custodiri præcepit, ne vel in *Angliam* vel ad suam Ecclesiam liber esset ei ingressus. Ille vero nihilominus adveniens apud *Doveriam* confidenter applicuit. Moxque custos Castri, habens in conjugio Germanam Cancellarii, appulso progressum inhibuit, citissimis Cancellario nunciis ejus ingressum indicans; qui ferocis animi motum nequaquam dissimulans, præcepit, eum rebus nudatum omnibus à monasterio *Dovernensi* (in quo interim morabatur) abstrahi, & in arce *Doverensi* custodiæ mancipari. Venientes ergo satellites vehicula & clitellas, & quæcunque ejus vel Clericorum erant, diripuerunt: nec personæ clarissimæ, nec sacri loci reverentiam ponderantes, ab altari violenter avulsum, & ab Ecclesia contumeliose extractum, una cum Clericis suis Castello intruserunt. Et ille quidem servabatur in carcere: fama tamen enormitatis hujus velociter discurrens, & quasi super pennas ventorum gradiens, in brevi totam replevit *Angliam*. Mox majores in Cancellarium fremunt, minores eidem mala imprecantur, universi votis communibus tyrannum detestantur. *Johannes* maxime de fratris captivitate doluit, at-

*Johannes duo  
Castella ino-  
pinato occupa-  
vit.*

*Pax inter Jo-  
hannem &  
Cancellari-  
um.*

*Gaufridus  
Regis frater  
in carcerem  
à Cancellario  
conjicitur.*



*Richardus primus Rex. Joannes ingentem exercitum ad fratrem liberandum comparat.*

*Gaufridus liberatur.*

*Cancellarius Londoniam fugit.*

*Idem turri Joanni redita Doveram, inde transfretaturus, secessit.*

*Regni administratio Rothomagensi Archiepiscopo deferatur.*

que ad ejus non tantum deliberationem, sed & jam ultionem justissimo motu exarsit. Itaque festinanter congregatis ex omni terra ditioris suæ, nec non & ex Regione *Walliarum* ingentibus copiis, properabat. Cui mox accesserunt Barones plurimi Comitesque: & *Wintoniensis* Episcopus cum militia copiosa: nec defuere Episcopi *Batoniensis* & *Cestrensis*, qui paulo ante principales Cancellarii complices & fautores extiterant; sed tyrannicis ejus motibus, & immoderato saltu offensi, cum cæteris immo præ cæteris in eum tunc linguis simul & animis sæviebant. Cancellarius vero fera poenitudine stimulatus, præcepit captivum relaxari Pontificem. At vero præfulum procerumque zelus semel accensus ejus non potuit relaxatione sedari. Cancellarius vero cum esset animi robusti & rigidi, necessitatem ad alacritatem trahens, amicorum & militum peregrinorum stipavit se copiis, stetitque in Campo non longe à *Windsora*, hostes, si forte progrediendum putarent, paratus excipere. Verum adventantis exercitus numero & fiducia territus retrogradi cœpit. Mox quibusdam potentibus, qui cum eo esse videbantur, transeuntibus ad partem *Johannis*, turbatus inopsque consilii, cum ei tutum non esset receptaculum, & instantibus quasi à tergo hostibus, mox cum suis omnibus profugit *Londoniam*. Quas ingressus, civibus quibus paulo ante terribilis fuerat, ne sibi deessent in illo articulo, humiliter supplicavit. Illi vero prioris fastus & ferociæ ejus memores, *Johanni* potius favorem præstiterunt. Itaque spe frustratus, in arcem se Regiam cum suis omnibus recepit: quorum tantus erat muneris, ut in stricti loci angustiis sua illis esset nocivior multitudo, quam hostium foris frementium fortitudo. Æstuabat turris interius comprehensione multitudinis inclusæ, cito evomitura quos prodendos magis quam tuendos susceperat. Denique post unam noctem egressus ad *Johannem* & obsessores cæteros, (ille paulo ante rhinoceros, sed jam homo) humili alloquio abeundi facultatem impetravit inclusis: Ipse quoque arce resignata, cum cæteris per *Angliam* munitionibus Regiis, privatus & inglorius, *Doveram* ad virum sororis suæ secessit. Cumque moram fecisset ibi aliquam, confusionem non ferens, & in transmarinis partibus pro ultione propria aliquid moliturus, transfretare voluit. Impediri autem metuens, miri acuminis, qua omne impedimentum eluderet, artem invenit. Olim enim animo exutus Episcopum, nunc quoque & habitu exuens, membris Pontificalibus (quod à seculis non erat auditum) more effeminatorum, vestem ineptissime aptavit muliebrem, caput & majorem faciei partem, velut delicata muliercula, peplo obvolutus inter plurimos deambulabat in littore, ut hac arte scilicet non observatus ab aliquo, navem cum cæteris transfretaturis absque impedimento conscenderet. Verum à quodam forte agnitus proditusque, abstracto peplo, tanquam manifestus effeminatus, ignominiose multumque ineptepiscopaliter à concurrentibus indisciplinatis est pulsatus. Dehinc magistratui loci exhibitus, servatusque est, quousque sciretur quid super hoc decernerent Regni potentes. *Johannes* quidem agnito quod acciderat, hostili animo exultavit; atque aliquid in eum, quo magis dehonestaretur, sancire voluit: at vero Episcopi justo rubore confusi, & suffusi, quod in persona Episcopali tam fœda res accidisset, vigore Ecclesiastico ut dimitteretur egerunt. Dimissus ergo, & foris dolorem quantum potuerat dissimulans, quo intus vrebatur, transfretavit. Tyranno igitur, qui Regnum turbaverat propulsato, Episcopi & optimates cum *Johanne Londoniæ* congregati, de Regni ordinatione tractare cœperunt. Et primo quidem ab omnibus Regi *Richardo* propter Christum peregrinanti fidelitate jurata, Regni administrationem *Rothomagensi* Archiepiscopo, quem ad hoc ipsum, idem Rex à *Sicilia* in *Angliam* miserat, decreto communi tradiderunt. Amotisque ministris tyrannicis, provinciarum Regimen melius ordinari voluerunt. Quibus actis, *Anglia* in cunctis finibus suis pacem recepit, & sub novis rectoribus decenti cœpit moderamine gubernari, malis plurimis cum ipso tyranno pariter eliminatis, juxta illud *Salomonis*, *Ejice derisorem, & exibat cum eo jurgium, cessabuntque causæ & contumeliæ*. Cancellarius autem in transmarinis positus, suam



suam tanquam ad Domini Regis propter Christum peregrinantis injuriam & dedecus, & expulsionem, Regnique à *Johanne* invasionem per nuncios in auri- *Richardus primus Rex.*  
bus Domini Papæ *Cælestini* deploravit: redditisque sibi vicibus sedis Aposto-  
licæ, quas sub Papa *Clemente* habuerat, pro coercendo *Johanne*, & revocando  
in pristinum statum Regno *Anglico*, rescriptum fortissimum impetravit. Ve-  
rum idem rescriptum, quadam Episcoporum *Angliæ* cautela delusum, viribus  
caruit. Videns igitur à se nihil agi posse, *Johanne* adverso; per clandestinos *Cancellarius in Angliam redit.*  
nuncios collusit cum eo, ingentique summa illi vel præstita vel promissa, favo-  
rem ejus emeritus confidenter in *Angliam* venit. Applicans autem apud *Dor-*  
*veram*, mox ut littus attigit, tanquam ad detergendum dedecus quod ibidem  
incurrerat, erectis suæ legationis insignibus, gloriosus refulsit. Non tamen  
progressus est, sed apud virum Germanæ suæ refedit, donec agnosceret utrum  
eum, motu vel Regio vel Apostolico inclinati reciperent adversarii, cum jam  
placasset maximum omnium *Johannem*. Hujus ergo gratia missis *Londoniam*  
nunciis ad Reginam matrem Regis, (quæ tunc cum *Rothomagensi* & *Eborum*  
Archiepiscopis, *Johanne* filio suo, aliisque complicibus, tam Episcopis quam  
optimatibus, *Londoniis* consistebat) secus quam sperabat invenit. Cum enim  
*Johannes* collusionem quanta poterat cautela dissimulans, mollius tamen agen-  
do deprehenderetur atque objurgaretur à matre & cæteris, tandem reflexus  
generali subscripsit decreto. Itaque universi cum Regina, directis ad Can-  
cellarium viris honoratis, eum, tanquam Regni turbatorem hostemque pub-  
licum, *Angliæ* finibus mature excedere cum interminationibus præceperunt.  
Denique territus & confusus recessit & filuit: quia vero quales Rege peregrin-  
ante res *Anglicæ* fuerint superiore narratione perstrinximus: nunc ad ejus-  
peregrinantis acta, ubi superius omisum est, explicanda veniamus.

## CAP. LIX.

*Quomodo Rex Richardus processit contra Saracenos.*

**I**gitur Rege *Francorum* à *Syria* digresso, Rex *Anglorum* in urbe capta festum  
aliquantisper recreabat exercitum; affuit tandem dies à *Saladino* præfix-  
us; in quo nec captivos Christianos restituit, nec promissam pecuniam, se-  
cundum quod convenerat, solvit. Rex autem *Anglorum*, ne deluderetur in  
posterum, de nobilioribus *Saracenis*, quos loco pacti & nomine obsidum in de-  
ditione civitatis retinuerat, mille sexcentos decollari præcepit. Propter  
quod factum *Turcorum* ingens in Regem proprium indignatio efferbuit; eo  
quod pacto illo non parente sic sui & nobiles valde juvenes interempti sunt.  
Illi etiam *Saraceni*, quibus Castrorum civitatumque custodia committebatur,  
hujusmodi verentes exemplum, custodias suas *Saladino* reliquerunt. *Saladinus*  
vero non inveniens cui tales committeret custodias, fecit everti multas civi-  
tates & Castra, asportans omnia & populum coacervans. Coepit etiam Chri-  
stianus exercitus paulatim decrescere atque minui. Quidam enim malo ex-  
emplo Regis *Francorum*, quidam voluntarie, & imbecilles, quidam etiam de-  
pauperati necessario repatriabant: Tunc Rex *Anglorum* proprios aperiens  
thesauros, multos nobiles profusis retinuit sumptibus: inter quos de Imperio  
*Teutonico* fuit Dux *Austriæ*, qui postea beneficii immemor, Regem à *Syria* ve-  
nientem captivavit. Mense vero *Septembri*, Rex *Richardus*, cui totus parebat  
exercitus Christianus, progredi statuit ad alias urbes maritimas: & multo la-  
boris & periculi experimento venerunt *Cæsaream*: inveneruntque *Cæsare-*  
*am* quæ olim a Christianis inhabitabatur, quasi depopulatione *Turcorum* va-  
statam. *Saladinus* etiam cum immenso exercitu incedens semper a latere mi-  
ra calliditate, cum potuit, extrema exercitus Christiani agmina trucidavit.  
Et primo quidem agmine exercitus Christiani procedente apud *Affur*, & ibi

1191

*Turcæ captivi decollati.*



*Richardus  
primus Rex.*

Castra metante, *Saladinus*, captato tempore, agmen extremum totis viribus aggressus est. Resistentibus vero nostris, commissum est grave prælium, in quo miles strenuissimus *Jacobus* de *Avennis* tres hostium turmas tribus vicibus penetravit, multos trucidando, & quam plures ad extremam mortis fortem ducendo: tertia autem vice abscisso sibi pede cum tibia, & vulneratus ad mortem clamabat ad Regem *Richardum* dicens, O bone Rex *Richarde*, vindica mortem meam; resumptisque viribus quendam percussit *Saracenum* in spiritu vehementi, & corruit: moxque aggravantibus super eum *Turcis*, & abscissa ei dextra, cum multos fecisset occumbere, tandem & ipse occubuit. Rex autem cum turma sua cum festinatione properans, & hoc videns, interjectum flumen *Cesareum* quasi impetu transiit, & obviantem ei *Saladinum* militem quidem strenuissimum, & congressu militari cum Lancea exceptum, equum etiam cum assessore in terram prostravit; non quidem ad mortem, sed solius diei confusionem. Cum enim ipse ad alios se diverteret strenue agens, ipse *Saladinus* recuperato dextrario fugit, sed ægre. Quod videntes sui, mox & ipsi terga vertentes in fugam lapsi sunt, cæsis ex eis multis: factaque est in illa die scilicet octavo *Idus Septembris* nobilium *Turcorum* strages maxima, quantum retro quadraginta annis ipse *Saladinus* non fuerat expertus. Inde vero profecti sunt nostri usque *Joppen*, quam *Saraceni* a Christianis evacuaverant, & modo in adventu Christianorum reliquerant; ubi Rex *Richardus* opportunitatem loci videns, totis coepit viribus eandem instaurare, statim post oppugnare disponens *Aschalonem*. Quod audiens *Saladinus*, statim eam subvertit: urbes quoque reliquas, Castella terræ illius, præter sanctam civitatem & munitiones paucissimas, complanavit: & totam provinciam, abrais bonis omnibus, quasi inutilem & vacuam hostibus reliquit.

*Saladinus fugatus.*

## C A P. L X.

*De discordia inter Christianos orientales, & de morte Marchionis, & quomodo Rex Francorum uxorem duxit, & repudiavit eam.*

1192

**N**ostri vero post tam læta principia nihil magnum seu memoriale fecerunt; eo quod Principes in suis consiliis conveniendo tractantes concordare non poterant; quorundam eorum studiis in diversa intentis, & hoc gratis. *Conradus* enim *Marchio* & Princeps *Tyri*, cum Duce *Burgundiæ* & nobilibus *Francorum*, Regi *Richardo* adversabantur, pro *Guidone* quondam Rege *Jerosolymorum*, quem ipse Rex sustinebat (ut supradictum est) *Marchione* ad Regnum aspirante. Sed ista dissensio, nutu Dei disponentis omnia, ita conquivit. Regina enim *Jerosolymorum*, quæ prædicto *Guidoni* infelicissime nupserrat, cito post defuncta est; & spes ipsius *Guidonis* cum ipsa extincta periit. *Marchio* vero à duobus ficariis, a quodam Pagano sibi quasi in obsequium missis, interemptus est. Captata enim opportunitate inter suos & in sua civitate propria, cultris clam ad hoc destinatis eum interemerunt. Capti vero & ad mortem ducti, nihil quidem certum confessi sunt. Creditur tamen quod fuerunt de alte nutritis, qui mortem non metuunt ut jussa majorum adimpleant, credentes in hoc se posse salvari & beneficiari. Ipsius tamen interitus Regi *Anglorum* imputatus est, occasione recentis discordiæ, qua cum Rege *Richardo* & etiam Rege *Jerosolymorum* *Guidone* disceptaverat; infamantibus Regem *Anglorum* super hoc præcipue *Francis*, qui pro *Marchione* contra *Guidonem* æmulabantur, & in hoc facto consternati sunt. Rex autem *Franciae* hoc audito quod *Marchioni* acciderat, ex tunc non nisi stipatus armatis processit in publicum: mirantibus vero suis hanc novitatem Regiam, ut eis in hoc satisfaceret, & gentem suam in Regem *Anglorum* accenderet, convocato *Parisis* concilio, sic eos allocutus est, nemo mirari debet, quod præter solitum morem, diligentior

*Marchio Conradus occisus.*

*Rex Galliae fingit se metuere sibi à Rege Richardo.*



diligentiorē mei ipsius custodiam adhibeam, cum manifestus ille proditor Rex *Richardus* animæ meæ insidians, jam per ficarios suos illum nobilem *Marchionem* interemit. Et subintulit, ecce enim hic literæ a diversis personis mihi super hoc directæ, & in hoc facto quod mihi caveam, & diligenti cura provideam. Adjecitque cordi sibi esse, belle se quidem vindicare de hujusmodi proditore. Ad hæc autem respondentibus quibusdam, & adulatorie dicentibus bonum honestumque esse, & quod pro cautela faciebat, & quod pro ultione disponebat; prudentiores tamen sic respondentes intulerunt; cautelam tuam, O Rex, qua tibi contra incertos casus forte abundantius prospicis, non culpamus: præmaturæ vero ultionis propositum minime approbamus. Quievit ergo ad modicum, sed tamen quod sequitur dolose imaginatus est, missis enim nunciis ad Regem *Danorum*, Germanam suam sibi petiit dari in uxorem: & nomine dotis sibi concedi antiquum jus Regis *Danorum* in Regno *Anglorum*; & ad hoc assequendum, classem exercitumque *Daniæ* postulavit anno uno. Quibus Rex, rem, inquit, grandem difficilemque postulat, deliberabo tamen. Quæsitoque a suis consilio, responderunt; satis est nobis negotii contra Paganam & nostris vicinam finibus gentem *Wandalorum*. Illisne ergo dimissis, hostiliter aggrediemur *Anglorum* gentem Christianam atque innoxiam, nosmetipsos duplici periculo immergentes? Porro *Anglorum* gens magna & famosa est, atque valida, in tantum, ut contra omnem externam gentem sibi sufficere credatur. Aliud ergo petat Rex *Franciæ* dotis nomine; quoniam huic petitioni non est annuendum, sed viribus potius resistendum. Placuit ergo Regi consilium sobrium: & vocatis nunciis; dixit ut aliud peterent, dum tamen aliud quid haberent in mandatis. Illi vero expirante petitione prima, decem millia Marcarum argenti petierunt. Quibus Rex, petitionem, inquit ultimam grate suscipimus, & eam implebimus mature pro voto. Pactis ergo initis, & sacramento a Legatis præstito; ornatam, ut decuit, cum quibusdam honoratis ex suis in *Franciam* direxit. Rex autem *Franciæ* occurrit eis *Ambianis*, & eam gratanter acceptans, matrimonio solemniter contracto, etiam thoro adaptavit. Mane autem facto, displicuit sibi ipsa conjux, & (ut fingunt quidam) propter anhelitum foetidum, vel latentem infirmitatem, vel corruptam invenit, quam credebat virginem, statimque missis ad Papam nunciis, Divortium fieri postulavit. Papa vero delegavit judices de Regno postulantis, qui suo Regi faventes, affinitate imaginaria approbata per execrabile juramentum duorum Episcoporum, *Belluacensis* scilicet & *Carnotensis*, Divortium celebrarunt. Rex autem *Danorum* repudiatae sororis dedecus ægre ferens, divortium non rite celebratum, sed concinnatum mendaciter in gratiam Regis *Francorum*, per responsales idoneos in audientia sedis Apostolicæ allegavit: & digesta præcedentium temporum proferens feriatim ostendit, Reges *Francorum* & *Danorum* nulla se consanguinitate vel affinitate contingere: de concinnato divortio in fraudem sanctorum Canonum judicium fieri, pertinaci instantia postulavit. Sed hoc frustra, cum Regis *Francorum* vel metus vel gratia in hac parte prævaleret.

*Philippus suorem Regis Daniæ ducit uxorem.*

## CAP. LXI.

*De repatriatione Christianorum, & quomodo Rex Richardus liberavit Joppeum.*

Interea exercitus Christianus Regi Regum militans in oriente, propter diffensiones, æmulationes, & multas difficultates, ingravescente fame valida, repatriare disposuit: dicentibus æmulis de Rege *Richardo*, quod Regem *Francorum* insidiis appetisset; quod *Conradum Marchionem* per ficarios nefarie peremisset; quod cum *Saladino* de prodicione terræ sanctæ nequissime colulisset. Ille tamen cœptis insistens pia animi magnitudine omnium maledicta

1192



*Richardus  
primus Rex.*

contemnebat : & circa *Aschalonam* reædificandam profusis opibus insistebat. Videns tandem quod contra Christianus exercitus nihil proficeret, deliberavit cum Ducibus & Nobilibus universis, ut aliquibus de suis Christianos fines crederent, mature ad propria reversuri : & concordî decreto constituerunt Principem Christianæ acquisitionis *Henricum* Comitem *Campaniæ*, utriusque Regis *Francorum* scilicet & *Anglorum* communem nepotem. Quo factò, Principes & populi certatim repatriare cœperunt, anno ab expugnatione *Ptolomæidis* secundo, tempore autumnali. Sane repatriantibus cæteris, præter eos qui ordinati erant ad præsidia urbium ; Rex *Richardus*, qui jam fere thesauros exhauserat, in *Cyprum* cum suis rediit. Quod audiens *Saladinus*, statim cum exercitu super *Joppeum* irruit ; eaque celeriter expugnata, & facta strage Christianorum non modica, reliquos in arce conclusos obsedit. Qui vehementer arctati, cum tyranno pacti sunt deditionem ad certum diem reddere, nisi forte eis in auxilium superveniret exercitus Christianus. Rex autem *Richardus* mox ut sinistri eventus nuncium accepit ; secundis flatibus *Syriam* celeriter rediit ; & ad *Joppeum* properans, *Turcas* inopinato ejus reditu impetuque perterritos in fugam convertit. Qui rursus conglobati, & ingenti numero confisi, eum in *Joppeum* clausum frustra conati sunt obsidere. Egressus namque in spiritu fortitudinis, frequenter per dies aliquot cum eis exterius in Campo confligit. Tandem vero, Christo propitio, ita eos contrivit, ut, invictum ejus animum mirantes, & nihil contra eum ulterius audendum putantes, omnino recederent. *Joppe* igitur liberata, apud Castellum quod dicitur *Cayphas* diebus aliquot ægrotavit. Quod audiens *Saladinus*, non tanquam de hoste debilitato exultavit, sed tanquam de invictissimi Principis incommodo condoluit : missisque ad eum nunciis dixit ; scio, inquit, quod sospes in hac terra prolixiorē moram facere nequeas : te etiam abeunte, quod à Christianis tam laboriosè adquisitum est, cito exponetur periculo, & leniori negotio recidet in manus meas. Veruntamen propter te, cujus egregiam magis virtutem veneror, quam animum hostilem averfor, triennales inducias Christianis indulgeo : *Aschalonæ* tantum nec mihi nec illis sit, sed destruat. Rex autem *Richardus* licet ægre ferret urbem everti, in cujus restauratione sumptuosissime & magno labore sudaverat : à Christianis tamen inductus, ipsas inducias amplexus est. Induciæ ergo firmatæ sunt à solemnitate Paschali proxima in tres annos, tres menses, tres septimanas, tres dies, & tres horas. Indultum est etiam, & à *Saladino* statutum, ob gratiam Regis *Angliæ*, ut Christiani, toto induciarum tempore, secure & libere sepulcrum Dominicum orandi causa visitarent, nihilque molestum à *Saracenis* in accessu vel reditu paterentur, sed expletis orationum solemnibus, cum fructu devotionis suæ, Christianis se finibus redderent. Quamobrem ingens Christianorum numerus ad sanctam civitatem contendit. Et quia Rex à suis propter emergentia pericula ire non permittebatur, misit loco sui *Hubertum Saresbiriensem* Episcopum, qui in omni expeditione Comes individuus Regi extiterat, ut Regiæ devotionis vicem adimpleret. Qui expleto visitationis officio, & viso cum *Lachrymis* sepulchro Principis Principum, ad Principem cum gaudio reversus est. Quibus actis, Rex *Richardus* insulam *Cyprum* *Guidoni* olim *Ierosolymorum* Regi mera liberalitate dedit : & dilecto nepoti suo, quem Christianis finibus præfecerat, suam (Christo propitio) reversionem circa induciarum expletionem pollicitus, charactere Dominico, quo insignitus advenerat, in argumentum propositæ reversionis retento, infidis se flatibus confestim credidit.

*Joppe obsidio-  
ne solvitur à  
Rex Richardo.*

*Induciæ tri-  
ennales.*

*Richardus,  
Cypro insula  
Guidoni con-  
cessa, redit in  
Angliam.*

## CAP. LXII.

*Quomodo Rex Richardus reversus de Terra Sancta captus est.*

**A** Syria ergo digrediens, & duabus Reginis forore scilicet vidua & conjuge cum omni fere familia præmissis, & prospere in *Siciliam* applicantibus; ipse cum paucis expeditioribus agiliori navigio sequebatur. Ortaque tempestate valida, & navi qua vehebatur inclementioribus auris arrepta, tractus est Rex ad partes *Histrice*, atque inter *Aquileiam* & *Venetiam* naufragium passus est. Ubi inter cæteros naufragos aliquantisper personam celans propriam, inani cautela studuit evadere periculum. Nam cito percrebuit, insignem naufragum latere vel oberrare in terra illa. Mox nobilibus simul & populo ad investigandum eum intentis, ut mortem *Marchionis*, qui sibi imputabatur, in eo vindicare possent: Contigit ut quidam Comes terræ illius, nomine *Maynardus*, Rege *Richardo* latenter per fugam elapso, octo de suis comprehenderet. Deinde in Episcopatu *Salburgensi*, loco qui dicitur *Frisarium*, sex viris de suis à quodam *Frederico* detentis; cum tribus tantum personis Comitibus, noctu ad partes *Austriæ* properavit. *Humbaldus* vero Dux *Austriæ*, qui olim (ut supradictum est) ejus stipendiarius fuerat, beneficii immemor accepti, in ultionem cujusdam læsionis exiguæ demens, *Anglicanasque* opes avarus & perfidus sitiens, audito quod Regi *Richardo* acciderat, cautissimos per omnes viarum transitus, ut insigni profugo evadendi locus non esset, custodes disposuit. Quem tandem in quodam suburbio indicio tali, unus ex suis, dum escas lautiores emeret, comprehensus, & intentata morte requisitus, cuinam peregrino talia procuraret, per immisos satellites inventum sic captivavit. Ingressique ad eum armati confestim inquirunt, ave Rex *Anglorum*: frustra personam tuam pallias; facies enim tua te manifestum facit. Cumque vir ingentis animi gladium arriperet, statim inquirunt, noli, O Rex, vel temere agere: non enim morieris, sed potius à morte servaberis in medio hostium tuorum, propinquorum scilicet *Conradi Marchionis*; qui quærunt utique te ut animam tuam perdant, in quorum utique manus si forte casu incideres, etiamsi centum vitas haberes, nec una quidem tibi salva remaneret. Captus est ergo Rex nobilis à Duce nequissimo anno à partu virginis millesimo c. nonagesimo secundo, mense *Decembri*, & citra decus Regium vinculis mancipatus.

1192

## CAP. LXIII.

*Quomodo Rex captus liberatur Imperatori.*

**R**es autem captionis istius mature defertur ad Imperatorem *Theutonicum*, in *Germaniæ* partibus tunc constitutum, qui *Anglicanas* sitiens divitias, missis ad Ducem nunciis, allegavit, Regem non decere teneri à Duce, nec esse indecens, si ab Imperatoria celsitudine decus Regium teneretur. Et cum hoc à Duce negari non posset, sic insignem Captivum a Duce resignatum Imperator avarus in suam traduxit custodiam. Nec hoc voluit Imperator latere Regem *Francorum*: sed missis ad eum nunciis, istius suæ lætitiæ fecit eum participem. Qui supra modum lætatus rescripsit & procuravit, ut perpetua esset insignis captivi detentio, tanquam seductoriæ mortis proditoris, & publicæ pacis perturbatoris. Missis ergo nunciis petiit consobrinam Imperatoris sibi dari in uxorem: cujus petitionem gratanter amplexus, statim ipse Imperator patrem puellæ, Comitem scilicet *Palatinum* accersivit. Nec latuit ea

1192



*Richardus  
primus Rex.*

*Filia Comitis  
Palatini nup-  
tias Regis  
Galliæ respu-  
it.*

res matrem puellæ quæ fuerat consobrina Imperatoris. Quæ filiam suam unicam secreto adveniens ait: vis ne filia mea honorabiles nuptias & thorum Regium? Tunc illa, audivi, inquit, a multis de Rege hoc, quomodo fedaverit & abjecerit puellam nobilissimam, Germanam scilicet Regis *Danorum*, & vereor exemplum. Ad quam mater, & quis ait in votis tuis est potior? Cui illa, si mea, inquit, vota prosperentur, ab *Henrico* Ducis *Saxonici* filio, cui me didici in annis infantiae desponsatam, nunquam disjungari. Et mater, confide, ait, filia quia per maternam operam optato potieris connubio. Moxque eundem *Henrici* Regis *Anglorum* ex sorore nepotem secretis literis accersivit. Qui festinus accurrens, & votis promptissime parens, tradente matre, dilectam virginem accepit in uxorem. Imperator hoc audiens, & de consensu Comitis hoc esse factum credens, vehementer in eum excanduit, tum quia juvenem oderat, tum quia factum erat aliter quam volebat. Cumque respondisset omnia esse facta secundum conjugem, prætextu cujusdam jamenti, patri ipsius juvenis præstiti, de puella sibi desponsanda, cum ad annos pervenisset nubile, subintulit Imperator, vade, ait, & nebulone illo expulso, rescinde quod actum est. Et ille noli, inquit, sic loqui Imperator; nam eo usque, ut dicitur, res ipsa processit; ut absque sempiterno unicæ filiæ meæ dedecore, rescindi non possit. Et reversus ad propria, genero suo blande locutus est: adoptansque eum in filium, filiam egregie dotavit. Sicque Rex *Franciæ*, quia propriam repudiaverat conjugem, optatis speratisque diu, Dei judicio, caruit nuptiis. Plures etiam feminae nobiles ex post facto prædictum exemplum puellæ *Danorum* verentes, ejus aspernabantur conjugium. Alias enim cum quandam virginem nobilissimam de Imperio *Theutonico* expectisset, sic voto fraudatus est. Cum enim alius vir potens eam prius petisset, & a parentibus, Regiam magis petitionem admittentibus, ad *Franciam* pompaticè duceretur, transiensque per fines partis prioris, in ejusdem manus se sponte injecit. A quo volens retenta, & solemniter ducta, Regia sic vota delusit.

*Quomodo  
idem Rex ab  
al'ia quadam  
virgine delu-  
sus fuerit.*

#### C A P. LXIV.

*Quomodo Rex Franciæ & Johannes frater ejus Richardi inierunt fœdus.*

1193

**M**isit etiam Rex *Franciæ* ad *Johannem* Germanum Regis *Richardi*, ut cum eo fœdus iniret. Qui confestim ad eum veniens, & de ejus auxilio ad Regnum *Anglicanum* aspirans, pepigit cum eo fœdus. Et in *Angliam* rediens, congregatis sibi vagis & profugis, Castella & loca munita fratris sui quam citius occupavit. Regni vero optimates fide integri, animisque justis infraçti, collecta manu valida, vecordissimi juvenis nefariis ausibus se opposuerunt, & Castellum *Windeforam* diu & fortiter oppugnantes, ad deditionem coegerunt. Quod cum *Johannes* videret, & obsessis subvenire non posset, pro eorum salute ad tempus definitum inducias petiit, & Castellum resignavit. Et statim transfretavit, & ad Regem *Francorum* se contulit, sibi contra fratrem indecenter militaturus.

#### C A P. LXV.

*Accusatur Rex Richardus coram Imperatore.*

*Richardus ob-  
jecta sibi cri-  
mina fortiter  
diluït.*

**D**enique Imperator, circa Dominicam Palmarum, coram suis nobilibus & omni populo præsentatum sibi Regem *Richardum* gravium objectu excessuum terrere tentavit, inter quos *Marchionis* interitus solemnem memoriam occupavit. At ille hilari fretus conscientia, constantique, & libera responsione

sponsione ita objecta diluit, ut Imperator quoque non solum ad misericordiam, verum etiam ad ejus reverentiam flecti videretur. Multisque præ gaudio in lachrymas resolutis, inclinatum Regem Imperator dignanter erexit: ulteriorem de cætero gratiam, & profusiora solatia pollicens; revera tamen ingentem summam, quam ipse Rex pro sua liberatione Duci promiserat, vehementius aspectavit. Unde nec relaxandum duxit, quem sic honorare voluit, nullum commodius indicans pignus promissionis, quam corpus promissoris. Sane autem visitabatur à multis insignibus, inter quos venit ad eum Episcopus *Eliensis*, quem constituerat Rex in suo recessu Cancellarium, & Procuratorem Regni principalem. Sed (ut supra dictum est) propter mores insolentissimos erat expulsus à Regno. Hic non discedens ab eo, sed semper ei assistens, negotia ipsius strenue ministrabat. Venit etiam ad eum vir venerabilis *Hubertus Salesbiriensis* Episcopus, qui ejusdem Regis in *Syria* Comes individuus fuerat. Qui, cum applicuisset in *Siciliam*, & cognito quod Regi acciderat, confestim properabat ad eum. Quem Rex mox direxit in *Angliam*, tum pro necessaria Regni cura, tum pro maturando suæ redemptionis negotio.

*Richardus primus Rex.*

## CAP. LXVI.

*Rex Franciæ indixit Bellum Regi Richardo victo.*

Rebus igitur ita se circa Regem *Anglorum* habentibus, *Philippus* Rex *Francorum*, missis ad eum viris honoratis, hominum, quo sibi astrictus videbatur, solemniter reputavit, bellumque victo indicens, hostile propositum declaravit. Displicuitque res ipsa Imperatori, & suis nobilibus, eo quod inauditum & indecorum valde sit homini victo, & sui penitus impoti bellum indicare, scripsitque ei Imperator supplicando, ut à victi rebus quiesceret, & saltem usque ad tempus in pace maneret. Porro Rex *Franciæ* non acquiescens, imo, promissis ingentibus vel coæquantibus, vel excedentibus summam à victo promissam, Imperatorem tentavit corrumpere: ut eundem victum sibi cautius traderet custodiendum: allegans mundum componi non posse, si tantus turbator irrumperet. Congregatoque exercitu statim invasit *Normanniam*: & *Gisfortium*, nobile Castellum, custodis ipsius proditione recepit. Et ad alia Castella se divertens neminem resistentem invenit. Cumque jam *Albemerliam*, *Angum*, atque alia Castella plurima in ejus potestatem transissent, Metropolim *Normanniæ*, *Rothomagum* scilicet cum exercitu adiit. At Comes *Leycestrensis*, qui cum Rege *Richardo* in Orientali expeditione fidissimus fuerat, paulo ante urbem ingressus, animos civium erexit, & ut viriliter agerent egregie roboravit. Rex vero, urbe per dies aliquot frustra oppugnata, jactura majori accepta quam illata recessit: & ad faciliora negotia exercitum revocans, munitiones nobiles *Wascy* & *Lury* absque difficultate obtinuit. Tunc ad frænandum impetum ejus pro tempore, illi, qui vices victi gerebant, inducias ad certum tempus ingentis summæ pactione redimendas duxerunt, & quatuor Castella electa loco pignoris tradiderunt.

1194

*Rex Franciæ oblata Imperatori pecunia petit ut Richardus sibi custodiendus tradatur.*

*Inducia ad tempus.*

## CAP. LXVII.

*De electione Archiepiscopi Cantuariensis.*

Eodem tempore vacabat *Cantuariensis* Ecclesia; scripsitque Rex de *Almannia* eligentibus, commendando personam *Huberti Salesbiriensis* Episcopi, in quo sibi complacebat, ut pote in multis probatum, & præclare agnitum.

1194

Y y y

*Cantuarienses*



*Cantuarienses* vero cum Episcopis convenientes, approbata voluntate Regia, eundem *Hubertum* ad primæ sedis regimen concorditer & solemniter elegerunt. Qui postulato & accepto Pallio, mox Canonica professionis habitum apud *Mertonam* assumpsit: Religiosæ mentis propositum cultu exertiori declarans.

## CAP. LXVIII.

*Quomodo redemptus est Rex Richardus, & Anglia spoliata pecunia & calicibus.*

1194

Post paucos autem dies, Imperator ad locum, ubi Rex *Angliæ* servabatur, veniens, præsentibus & mediantibus Episcopis, Ducibus, atque Magnatibus plurimis, per dies aliquot cum eo colloquium habuit; & tandem in vigilia Apostolorum *Petri & Pauli*; omni (quæ vertebatur inter eos) quæstione, decisa, & summa redemptionis Regiæ declarata, Imperator Regem de cætero honestius, id est, sine catena servari decrevit. Denique jubente Imperatore, Episcopi & Duces, cum universa nobilitate quæ aderat, juraverunt in animam Imperatoris certam Regis liberationem, post satisfactionem ejusdem pecuniæ, id est, centum millium librarum argenti. Cujus pars tertia Duci *Austriæ*, qui eundem Regem captivavit, competere dicebatur ex pacto Imperatoris, quando eundem Regem à Duce recepit. Statimque Rex *Richardus* universis fidelibus suis scripsit, ut redemptionis suæ pretium, modis omnibus præparantes, liberationem suam maturarent. Urgebant ergo negotium executores Regii in cunctis *Angliæ* finibus, nulli parcentes, nec ulla erat distinctio Clerici & Laici, Secularis & Religiosi, Urbani & Rustici. Sed omnes indifferenter, vel juxta vires substantiæ suæ, vel juxta reddituum quantitatem, pro redemptione Regia portionem suam solvere cogebantur. Silebant & vacabant privilegia, prærogativæ, immunitates Ecclesiarum & Monasteriorum. Omnis enim dignitas sive libertas operiebat os suum. *Cisterciensis* quoque ordinis Monachi, qui ab omni exactione Regia hæcenus immunes extiterant, tanto magis tunc onerati sunt, quanto minus ante publici oneris senserant gravitatem. Lanam enim pecudum suarum exacti, coactique resignarunt. Congregata est igitur per totam *Angliam* ingens pecuniæ summa. Sed cum universæ particulæ *Londoniis* convenissent, non attingebant ad summam redemptionis Regiæ, licet ab initio crederetur quod tanta coacervatio eandem summam deberet excedere. Quod accidisse creditur exactorum fraude. Denique propter hanc primæ collectionis insufficientiam Ministri Regii secundam, tertiamque collectionem instaurant. Quosdam etiam pecuniis locupletiores spoliant, nomine redemptionis Regiæ factum suum palliantes. Postremo, ut nulla vacaret occasio, & residuum erucæ locusta, residuum locustæ bruchus, ejusque residuum rubigo absumeret, deinde ad vasa sacra ventum est. Et quoniam ea, in redemptionem quorumlibet fidelium captivorum, expendi non tantum concessit, verum etiam monuit veneranda Patrum discretio: multo fortius eadem, captivati Principis redemptioni debere proficere indicatum est. Itaque per omnem Regni *Anglici* latitudinem traduntur sacri calices exactoribus Regiis; vel indulgenter, id est, paulo infra pondus redimuntur. Cumque jam fere exinanita pecuniis *Anglia* videretur, & lassatis executoribus Regiis, exquirendi etiam pecuniam occasiones languerent, tota tamen illa coacervatio (ut dicitur) ad complendam Regiæ redemptionis, atque expensarum ejus summam minus sufficere potuit. Quamobrem prætaxatæ summæ parte majori Ministris Imperatoris appensa, Rex consulte, ne sua supra modum protraheretur relaxatio, pro parte residua Imperatori per obfides idoneos satisfecit: *Rothomagensem* Archiepiscopum, & *Eliensem* Episcopum, cum nobilibus plurimis, nomine obsidum Imperatori tradens.

## CAP. LXIX.

*Quomodo liberatus à Cartere venit in Angliam.*

**I**gitur Rex *Anglorum*, post *Alemannicæ* detentionis tædium, quod jam annum excefferat, mense tandem *Januario* solemniter relaxatus est: & statim portum, qui *Twina* dicitur, adiit, inde in Regnum proprium Deo propitio transiturus, sive necessarii apparatus reparandi gratia, sive etiam propter flatus adversos. Indultæ ei gratiæ (ut dicitur) Imperatorem pœnituit; & relaxatum ad perpetuam custodiam revocare cogitavit. Perfidus namque Imperator & *Alemanni* instabiles, conferentes adinvicem dixerunt, quid, inquit, fecimus, emittentes ad Orbis periculum, tremendi roboris, & sævitiae singularis tyrannum. Ergo velociter revocetur ad vincula, non relaxandus in secula. Quæ quidem res non latuit quemdam Regis *Richardi* benevolum, qui festinato nuncio eidem mittendo consuluit, ut confestim navem ascendens, se potius elementis quam infidis hominibus crederet, quod & factum est, tam celeri quam & salubri cautela. Mox Imperatorii apparitores affuere, & eum in arido non inventum per liquidum sequi timuerunt. Talia Imperatori renunciantes, confestim Imperator præcipitem animi sui motum in innoxios obsides transtulit; & quos prius indulgentius, liberiusque habuit, arctiori jam custodia castigavit. Porro Regem *Anglorum* secundi flatus excipientes, saluum atque incolumem cum omni comitatu Regno proprio tradiderunt. Applicans ergo apud Portum *Sandycum* mense *Martio*, quadragesimali tempore, tunc primum captivitate liberatum se credidit, cum navi egrediens *Anglicum* solum calcavit. Et inde processit pedes *Cantuariam* tanquam peregrinus humilis, Deo & beato *Thomæ* de sua liberatione gratias agens. Mox ergo à Provincialibus congratulatio exceptus occursum venit *Londonias*. Cives vero *Londonienses*, adventu ejus præcognito, sumpserunt oleum gaudii pro luctu, & pallium laudis pro spiritu moeroris. Et ad ingressum Principis, ita ornata est facies amplissimæ Civitatis, ut *Alemanni* nobiles, qui cum eo venerant, & redemptione Regia exinanitam *Angliam* crederent (inspecta opum magnitudine) obstupescerent. Quorum unus in ipsa solemnī pompa, ad Principem conversus. Mira, inquit, prudentia, O Rex, callet gens tua; quæ te sibi nunc reddito, opum suarum claritatem secure ostendat, paulo ante paupertatis deploratrix, dum nostri te Imperatoris custodia detineret. Re vera, si has opes *Anglicanas* præsensisset Imperator, *Angliam* non facile posse exhausti opibus credidisset, nec te, nisi intolerabili redemptionis summa, dimittendum duxisset.

Imperatoris  
perfidia.Richardus à  
Londoniensibus maxima  
cum pompa  
excipitur.

## CAP. LXX.

*Quomodo Rex divisit Rebelles suos in Anglia.*

**R**ex autem post recens captivitatis tædium pausam & delicias aspernens (mora exigua *Londoniis* facta) *Notingham* festinus contendit. Illud enim Castrum per quosdam fratris sui Ministros contra Regem tenebatur. Verum cum Rex, qui à malevolis nunquam rediturus putabatur, repentinus adesset, ita perstricti sunt omnes, qui in munitione erant, & animis consternati, ut, sicut fluit cera à facie ignis, sic eorum omnis fiducia à facie quasi Gigantis subito apparentis liqueceret. Cumque apud ferocissimum Principem honestam non possent gratiam invenire, resignato Castro cum omni armatura,

1194



tura, misericordiæ Regiæ & incertæ corpora sua tradiderunt. Idem foedus & alii, qui Castrum de *Tikhill* contra Regem tenuerunt, implorantes, Regiæ tantum clementiæ se submiserunt.

## C A P. LXXI.

*Adiudicavit Rex fratrem suum Johannem.*

1194

**I**stis ergo Castris sic possessis, confestim *Johanni* fratri suo, qui contra se cornua erexerat, ob enormem culpam ingratiitudinis atque perfidiæ, omne jus pristinum & honorem impensum, Procerum suorum solenni judicio abjudicavit: & cito metus hostilis in *Anglia* conquievit. His Deo propitio feliciter gestis, Rex solennitatem Paschalem *Hamptoniæ* cum multa lætitia celebravit, & in octavis Paschæ *Wintoniæ* Regni Diademate fulgidus, deterfa captivitatis ignominia, quasi Rex novus apparuit.

## C A P. LXXII.

*Quomodo Regnum ordinavit, & Lanæ Cistercienses cepit.*

1194

**R**ex igitur post ista prospera paululum demoratus, quasi Rex de novo factus, negotia Regia disponere, & revocare curavit: & fere quicquid illi placere videbatur in novitate prima, mutandum atque innovandum duxit in secunda. Denique Regnum ipsum, quod, cum iter versus Orientem arriperet, multifarie sciderat, ad integritatem satagens pristinam reformare, quicquid ab illo tunc fuerat vel leviter datum vel ponderose venundatum, sub nomine repetiit commodati. Astute tamen loquebatur, ipsis Regiarum possessionum emptoribus dicens: non decet vos sublimitati Regiæ scenerari, si ergo sortem vestram de fructibus rerum nostrarum jam percepistis, ea contenti esse debetis, si quidem minus, supplebo de proprio. Novit ergo prudentia vestra rescriptum sedis Apostolicæ, quo prohibeamini Regi proprio sortem vestram excedendo scenerari. Illi autem emptores mox Regio metu attoniti; nulla habita quæstione de sorte non percepta, confestim omnia resignarunt. *Dunelmensis* etiam Episcopus, qui Comitatum *Northumbriæ* gravi summa comparatum per aliquot jam annos possederat, resignando, Comes esse definens, in simplicem Episcopum redit. Præterea Rex, sive pro liberandis obsidibus apud Imperatorem relictis; sive etiam in sumptus belli cum Rege *Francorum* gerendi, tributum minus usitatum universo Regno, à singulis scilicet carrucatis terræ, indifferenter geminatum solidum exigens, vacantibus Clericorum, Religiosorum, & quorumlibet aliorum privilegiis. Abbatibus & *Cisterciensis* Ordinis, qui coram eo præsentis fuerunt, sic congratulando dixit; devotionem, inquit, vestram & liberalitatem circa nos, qua potissimum substantiæ vestræ, id est, vellera ovium vestrarum redemptioni nostræ impendistis, ut dignum est, approbamus, & uberiores gratiam suo tempore (si vita Comes fuerit) pro ista gratia rependere cogitamus: ut autem vobis perpetuæ finis gratiæ debitores, oportet ut adhuc semel vestrum ad nos declarantes affectum, Lanam vestram anni præsentis nobis non gravemini commodare. Nam cum ab Imperatore dimissi in summa paupertate ad propria tenderemus, confisi de vobis, urgente necessitate, Lanæ vestræ pretium a transmari- nis mercatoribus sumpsimus, quod proculdubio ad scaccarium nostrum mense *Octobri* reddemus vobis cum gratiarum actione. Hoc modo Religiosos illos quasi blandiendo spolians, clarissimis monasteriis egestatem insolitam irrogavit.

## CAP. LXXIII.

*Quomodo transfretavit in Normanniam cum exercitu.*

**R**ebus igitur in *Anglia* dispositis, & *Cantuariensi* Archiepiscopo principali procuratore Regni constituto; exercituque *Anglico*, qui cum eo transfretaret ordinato, ad mare descendit: ubi propter elementorum contrarietates aliquamdiu expectans, sæpiusque elementa incusans, tandem, auris ad vota spirantibus, transfretavit. Susceptusque a suis in *Normannia* cum immenso gaudio, eorum animos in præclaram fiduciam erexit. Interea Rex *Francorum Vernullium* oppidum obsedit. Rex autem *Anglorum* contracto paulatim exercitu, non longe a *Vernullio*, apud Castellum quod dicitur *Aquila*, Castra metatus est. Cumque per dies aliquot ibidem confedisset *Francorum* exercitus, licet in oppugnatione oppidi multo cassoque labore sudaverat, soluta tamen obsidione protinus recessit. Non enim audebat cum *Anglis* bellum committere. Porro Rex eorum, tanquam ad detergendum pudendæ recessionis opprobrium, urbem *Ebroycensem*, quam prius spoliarat, pertinaci furore evertit: jubens Ecclesiam beati *Taurini* igne succendi. Et cum præ timore Dei nefariæ iussionis nullus executor existeret, ipsemet cum quibusdam proditis, ex illo hominum genere quos *Ribaldos* vocant, sacris *Ædibus* ignem immisit & abiit. Quippe Rex *Anglorum* de munitionibus, quæ illi perierant, Castellum nobile, quod *Luches* dicitur, cum quibusdam aliis bellica forte recepit, hostium quoque fines ingressus, nonnullis fortiter & prospere gestis, *Windonicum* veniens, ibidem per dies aliquot exercitum recreavit. Rex autem *Francorum*, cum eum hinc abesse putaret, non longe a *Vindonico*, Castra posuit. Sed cognito Regem *Richardum* in civitate esse; confestim de nocte recessit. Mane vero facto, Rex *Anglorum* abeuntem exercitum profecutus, Regis fugientis plaustra & clitellas cum quibusdam arcanis, & gaza multiplici, variaque suppellectili comprehendit. Eodem tempore inquietabatur Rex *Anglorum* in *Aquitania* a *Geofrido Rantonensi*, & a Comite *Engolesmensi*, cum quibusdam *Francorum* eis adjunctis. Ubi cum exercitu veniens filius Regis *Navarrae*, frater *Germanus Gerengeriæ* Reginæ *Angliæ*, terras utriusque desertoris vastavit. Et audita morte Patris sui, successionis gratia ad propria remeavit. Rex etiam *Anglorum* statim cum exercitu adveniens, nobile Castellum *Rantonensis* Comitum, quod dicitur *Taylleburg*, matura deditione obtinuit. Moxque impetum in alium desertorem convertens, civitatem *Engolismam* cruenta celeritate expugnavit; Rege *Francorum* interim mollius agente.

1194

Rex Galliarum  
fugit à facie  
Regis Richardi.

## CAP. LXXIV.

*Quomodo Treugæ facta sunt & Torneamenta ceperunt.*

**A**Nno Domini millesimo c. nonagesimo quarto, circa Festum beati *Petri* ad vincula, post multos conflictus & casus varios, mediantibus viris honoratis, inter Reges treugæ sancitæ sunt in annum: infra quem, exquirendarum ambitu pecuniarum, vehementius excanduit in subditos avaritia Principum, dum cogitarent cogitationes magis belli quam pacis, & ad futura se prælia modis omnibus præpararent, omnis indulgentia Principum (qua cavebatur ab omni exactione seculari immunes esse religiosos) in hac oppreessione cessavit. Regi enim *Franciæ* in suis auspiciis omnium hominum genus imprecabatur illi prospera, at cum à partibus Orientis ad propria remeasset, im-

1194



*Richardus  
primus Rex.*

*Rex Gallia  
pecuniam ab  
Ecclesiasticis  
exigit.*

*Torneamenta  
primum in  
Anglia cele-  
brata.*

placabili odio Regis *Anglorum* in virum alterum mutatus est, & maxime religiosis clericisque admodum gravis apparuit: ita quod omnes sumptus belli, quod cum Rege gerebat *Anglorum*, ab Ecclesiis, Monasteriisque extorqueret, secundum quod dixit vir venerabilis *Johannes Lugdunensis* Archiepiscopus, qui tunc *Londoniam* venerat. Et dum inter quosdam viros honoratos existeret, qui de proprii Principis durtia quererentur, nolite (inquit) sic loqui, dico enim vobis quod Rex vester, in comparatione Regis *Francorum*, Heremita est. Currentibus igitur inter Reges induciis, armorum exercitia, quæ vulgo Torneamenta dicuntur, in *Anglia* celebrari cœperunt: Rege id decernente, non odiose quidem, sed pro solo exercitio, atque ostentatione virium. Et hæc concertatio militaris, nunquam in *Anglia* fuisse noscitur, nisi in diebus Regis *Stephani*; temporibus quoque *Henrici* secundi, qui *Stephano* succedit (Tyro-num exercitiis *Anglis* prorsus inhibitis) illi qui armorum gloriam cupiebant, transfretabant; ut in confiniis illi saltem exercerent. Considerans igitur illustri Rex *Richardus Gallos* in conflictibus tanto esse acriores, quanto exercitatiores, sui quoque Regni milites in propriis finibus exercere voluit; ut ex Torneamentorum solenni præludio, artem addiscerent, usumque bellorum. Et licet hujusmodi Torneamenta, in tribus conciliis a *Romanis* Pontificibus, *Innocentio*, *Eugenio*, & *Alexandro* fieri prohibeantur, in quibus mortes hominum & pericula animarum sæpe proveniunt, cum adjectione poenæ sequentis, quia si quis ibidem mortuus fuerit, quamvis ei poscenti non negetur poenitentia, tamen Christiana careat sepultura. Milites tamen ferventes, & armorum gloriam & laudem affectantes, provisionis Ecclesiasticæ edictum usque in præsens contempserunt.

## C A P. LXXV.

*Johannes Regi per Matrem concordatur.*

1194

**E**odem tempore *Johannes* frater Regis *Angliæ* (ruptis naturæ Legibus) Regi *Francorum* militabat. At ubi captæ sunt munitiones, quas fratri suo absenti fraudulenter abstulerat, quasi nihil habens effectus est. Videntque Rex *Franciæ*, quod ad nocendum fratri suo Regi penitus esset impotens, spernit eum, tanquam de cætero non indigens operibus suis. Et cum vidisset eum deprehensum, & fratrem suum in cunctis prosperantem, mediante matre supplex ad fratrem rediit, & ab ipso fraterne susceptus, ei de cætero contra Regem *Francorum* fideliter & fortiter militavit, priores excessus novis officiis expians, & fraternam in se caritatem ad plenum reformans.

## C A P. LXXVI.

*De morte Ducis Austriæ.*

1194

**E**odem etiam tempore, cum Rex *Anglorum* plusquam viginti marcarum millia Duci *Austriæ* præparasset; pro liberatione obsidum suorum transmittenda, illi, quos eidem Duci Obsides dederat repente affuere, habentes Mel & Lac sub lingua sua, hostem scilicet immanissimum divini ponderis judicii obrutum nunciantes. Dicebant etiam quod, ante mortem ipsius, terræ suæ Pestilentia multæ acciderant, incendia plurima, ficitas immensa sterilitatem non modicam inducens. Fluvius etiam *Danubii* suos fines excedens adjacentia loca cum ingenti hominum exitio occupavit. Nec terruerunt ista cor nequam & avarum, quominus, opibus *Anglicanis* inhiaret adhuc, licet plu-  
rima

rima jam marcarum millia à Rege captivo sumpsisset. Et quidem à *Romano* Pontifice, pro his quæ in eundem Regem commiserat, Anathemate innodatus, avaritia tamen fortius purgante, superbe derisit sententiam. Denique de bonis captivi effectus quasi inclytus (convocatis multis) Nativitatem Dominicam in multa ostentatione & gloria celebrare disposuit; & die quidem primo gloriosus effulsit, sed in die Protomartyris *Stephani* jam pransus exiens, ut in campo cum suis militibus luderet, equus ejus decidens, lessorem quoque deiecit: pedem ejus cum Tibia sic comminuens, ut ossa hinc inde confracta rupta cute exterius prominerent. Acciti mox medici apposuerunt quæ expedire credebant. In crastino vero pes ita denigratus apparuit ut à medicis incidendus decerneretur. Et cum non inveniretur qui hoc faceret, accitus tandem Cubicularius ejus, & ad hoc coactus, dum ipse Dux dolabrum manu propria tibiæ apponeret, malleo vibrato, vix trina percussione pedem ejus abscidit. Medici verò appositis medicamentis, cum eum in crastino visiterent, signis hanc ambiguam mortem in januis cognoscentes, dixerunt, dispone domum tuam, quia morieris tu, & non vives. Desperatus igitur, accitis Episcopis, qui ad solemnitatem invitati venerant, in conspectu optimatum à vinculo anathematis, quo eum *Romanus* innodaverat Pontifex petiit relaxari; responsumque est ei à Clero, quod nullatenus posset absolvi, nisi sub juratoria cautione, quod super injuriis Regi *Anglorum* illatis judicio Ecclesiæ staret. Optimatibusque quoque pariter jurantibus, quod si forte judicium Ecclesiasticum per eum minus procederet, ipsi modis omnibus procurarent, ne quid ex his quæ statuerentur, in irritum cederet. Hac igitur cautione præstita absolutionis munus promeruit. Moxque obsides Regis *Anglorum* liberari præcepit. Verum cum ingravescente molestia expirasset, succedens filius, paternæ quoque avaritiæ Hæres esse voluit. Unde factum est per laudabilem Cleri zelum, ut tanti Ducis corpus diebus aliquot inhumatum inobedienti filio maculam irrogaret, qui tandem consternatus memoratos obsides absolute relaxavit, eisque quatuor marcarum millia Regi *Anglorum* reportanda contradere voluit: At illi propter viarum pericula expediti repatriare maluerunt, & tanto velocius quanto & alacrius revertentes, suæ liberationis nuntii primi extiterunt. Gavissus est ergo Rex gratias Deo agens; & mores in melius corrigens, ex tunc correctior vixisse perhibetur.

*Richardus  
primus Rex.*

*Obsides Ri-  
chardi libera-  
ti.*

## CAP. LXXVII.

*Reges nostri convenerunt ad prælium, & Rex Franciæ declinavit.*

EXpleto tandem induciarum tempore; cum Reges nulla ratione foedera pacis susciperent (pace in reliquum desperata) cum suis copiis convenire, mense *Julio*, in valle quæ *Rulli* dicitur, non longe à *Rothomago*. Quam quidem cum sua munitione, & aliis plurimis, Rex *Franciæ* Regi *Anglorum* abstulerat, dum captivitate *Alemannica* premeretur. Cumque ibidem uterque exercitus sub meditatione pugnæ per dies aliquot excubaret in Castris, interlabente amne; videntque Rex *Franciæ* se viribus illa vice imparem, cogitavit de fuga. Sed, quia non poterat secure fugere, nisi munitione prius diruta, confestim arcis & mœnibus suffodiendis die noctuque instabat: adversæ partis impetum interim calide suspendens dolose tractando de pace. Verum Rex *Anglorum* ex repentina suffossæ arcis ruina dolum intelligens, ingenti animo turmas suas ordinabat ad pugnam. Porro *Francorum* exercitus, non expectato belli discrimine, abiit. Compositis tamen orationibus, ut prudenter cedere non turpiter fugere videretur. Rex vero *Richardus* (amne transito) non est eos infecutus, sed reformandæ munitioni totis se viribus contulit. Eodem tempore Rex *Richardus* per stipendiariam militiam suam, quam

1195

*Ruthas*



*Richardus  
primus Rex.*

*Induciæ bi-  
mestres.*

*Ruthas* vocant (expugnato & capto *Iffoduno* cum quibusdam aliis munitio-  
bus) fines suos in *Bituricensi* provincia egregie dilatavit. Comitemque *Aliver-  
nensem*, qui ab eo quidem recesserat, per eosdem stipendiarios captum cum  
suis munitioibus in suam potestatem redegit. Interim vero mediantibus  
viris prudentibus, bimestres intervenere induciæ, ut in hoc spatio deliberaretur  
de ipsis induciis: vel in solidam pacem, Deo propitio, convertendis, vel  
saltem in annos aliquot protelandis.

## C A P. LXXVIII.

*Quomodo Rex Richardus excusatur de morte Marchionis.*

1195

**E**odem tempore, senex de *Monte*, sic dictus non pro ætate, sed pro sapien-  
tia, & gravitate, Princeps gentis Orientalis, quam *Hausefios* vocant,  
misit ad *Europæ* Principes universos Epistolas suas, in ipsis Epistolis excusans  
illustrem Regem *Richardum* de morte *Conradi Marchionis* de *Monte Ferrato*, &  
in illis sic dicens.

Vetus de *Monte*, Principibus & omni populo Christianæ Religionis salu-  
tem, nolumus alicujus innocentiam nostri operis occasione laborare, cum  
nulli immerito & infanti mali quidpiam irrogemus. Eos vero qui in nos de-  
liquerunt, Deo auctore, non patimur diu de illatis simplicitati nostræ injuriis  
gratulari, significamus igitur universitati vestræ, ipsum testantes, per quem  
salvari speramus, quod nulla memorati Regis machinatione *Marchio* ille inter-  
fectus sit. Qui profecto pro eo, quod in nos deliquerat, & admonitus emen-  
dare neglexerat, nostra voluntate & jussione per satellites nostros justè inte-  
riit. Consuetudinis quippe nostræ est, eos qui nobis vel amicis nostris in ali-  
quo injuriosi extiterint, primo ut nobis satisfaciant commonere: quod si con-  
tempserint, per ministros nostros, qui tanta nobis devotione obtemperant, ut  
se à Deo gloriose remunerandos non dubitent, si mandatum nostrum exe-  
quendo occumbant, severitatis ultionem expetere. Audivimus etiam de  
prænominato Rege vulgatum, quod nos tanquam minus integros & constan-  
tes induxerit, ut de nostris aliquos Regi *Francorum* infidiaturos emitteremus;  
quod proculdubio falsum & vanissimæ suspitionis commentum est; cum nec  
ipse Deo teste, tale aliquid circa nos attentaverit, nec nos hujusmodi homini  
immerito malum moliri, respectu honestatis nostræ sineremus, bene valete.

Has denique literas cum coram se solemniter recitatas Rex *Fraucorum* au-  
disset, dixisse fertur Regem *Anglorum* de tam infami nota præclare purgatum,  
seque cum ipso de cætero posse foederari, cum in eum nulla alia causa fortius,  
quam suscepta suspitione de nece amicissimi *Marchionis*, exarserit. Hæc di-  
cens, causam substituit quia à suis eodem tempore ad ineundum fedus cum  
Rege *Anglorum* monebatur. Dicitur tamen quod ad Germanæ ejus, qui *Si-  
culi* Regis compar extiterat, nuptias aspirabat, quibus tamen potitus non est.  
Tandem idem Rex *Franciæ* sic frequenter illus, absque divini timoris, vel  
Ecclesiastici vigoris obstaculo Ducis *Theutonici* filiam duxit uxorem, cujus qui-  
dem pellex potius fuisse videatur & superducta magis quam ducta.

## C A P. LXXIX.

*Iterum convenerunt Reges ad prælium.*

1195

**F**initis igitur induciis, cum corda Regum ad concordiam facile emolliri  
posse crederetur, causis rursus ingravescentibus, & eorum (instigante  
Diabolo) redivivus furor excanduit, & omnis spes pacis elanguit. Erat au-  
tem

tem hiems, & adventus Domini, & fames valida, quæ totam fere premebat *Europam*; nec ista locum habere potuerunt; quin rapinis, cædibus, incendiis, populationibusque insisterent. Rex autem *Franciae* audito quod Rex *Richardus* alias esset intentus, *Iffodunum* oppidum obsedit, petulanti animo jurans se non inde, nisi expugnato oppido, discessurum. Obfessi vero cibis armisque sufficienter muniti clara fiducia super murum stantes, non sunt veriti neque cunctati jurare contrarium. Fuitque per dies aliquot oppugnatio vehemens, sed oppugnantibus damnosa magis. Interea Rex *Anglorum*, accepto nuncio, impiger advolat, oppidumque securus ingreditur, obfessore non saltem attentante prohibere illi ingressum; sed potius adornante discesum. Moxque turmas ad pugnam dispositas ingenti animo inducit in campo, paratus excipere diem ultionis & laudis. Poterat sane dies illa longe certaminis declarare victorem, nisi *Francorum* sibi providentia cautius prospexisset. Cum enim ad dimicandum minus sufficerent, & de fuga cogitantes, ferocem insequentem timerent, Dominum suum Regem salubriori consilio impulerunt, ut vel in arcto positus, certo belli discrimine declinato honestam dignaretur pacem amplecti. Qui exercitus sui facies quasi ad fugam conversas videns, cum ipse in extremo agmine existeret, quod fortius cautiusque instructum fuerat contra faciem insequentis, qui in fronte sui exercitus gradiebatur, colloquium Regis *Richardi* per viros nobiles expetiit: & statim, sicut erant in equis armati, mutuo sibi occurrerunt, inter suos exercitus modico intervallo distantes. Itaque soli absque arbitrio diutule collocuti, in conspectu utriusque exercitus capitibus exarmatis, sese in mutuos amplexus dederunt. Statimque in exercitibus concordiam Principum ingens lætitia sequitur, pacis dulce nomen sonoris vocibus inculcantes. Facta sunt hæc (Deo propitio) *Nonis Decembris*, & primo cum gaudio ad sua redierunt, intentionem bellicam ad pacis studia, & *Dominici Natalis* celebranda solemnia convertentes. Principes vero formam pacis, quam inter se secreto statuerant, apud se continebant, post expleta *Dominici festi* gaudia declarandam.

## CAP. LXXX.

*De pace inter Reges facta, & rupta statim.*

**A**Nno autem à partu virginis, millesimo c. nonagesimo sexto, ingresso mense *Januario* iidem Principes cum magna nobilium frequentia, in terrarum confiniis ad solemne colloquium convenerunt; ubi declaratum est, & consensu publico confirmatum, quod inter se Reges sub clipeo statuerunt. Rex autem *Franciae* resignavit Regi *Anglorum*, *Archas*, *Angum*, *Albemarlam*, *Castellum Novum*, & cætera quæ de jure ejus, tempore *Alemannicæ* detentionis, occuparat: excepto *Gysortio*, cum quibusdam aliis Castellis, pro quibus remisit Regi *Anglorum* quicquid de jure ejus sorte bellica usurparat, scilicet *Burgum Thuronense*, Beati *Martini* corpore insigne, *Iffodunum* oppidum, aliasque sive in *Bituricensi*, sive in *Alvernensi* provincia munitiones plurimas. Statuta est etiam poena in prævaricatorem pactorum, ne aliquod scandalum inter Principes in posterum oriretur, at omnis cautela sufficere non potuit, ad pacis propositum solidandum, uti postmodum claruit. Rex enim *Francorum* cito poenitentia ductus, & succensus in eos, qui pacis ei consilium dederant, ad rescindendam pacem, potius quam tenendam proclivior fuit. Rex quoque *Anglorum* pro fuorum finium vel modica mutilatione, nulla compensatione contentus, irritandi Regem *Francorum*, ut pacem infringeret, ex ipsa præscripta pacis formula occasionem artemque invenit. Rursus ergo bellicæ intentionis inter Principes rabies exarsit. Acuebat autem Regem *Francorum* ad experendam iterum belli fortunam turbatio *Britonum*, & tumultus, quem contra

1196



*Richardus  
primus Rex.*

Regem *Anglorum* exercebant. Cum enim idem Rex *Richardus* nepotis sui *Arthuri* tunc decennis, filii fratris sui *Geofridi* quondam Comitis *Britanniæ*, usque ad annos legitimos tutelam exposceret, quidam nobiles & primi *Britonum* id ipsum non ferentes; sed pro puero & patria fortiter æmulantes, cum eo à facie patrui imminentis ad interiora *Britanniæ* secesserunt. Eodem autem tempore solemne jejuniū quadragesimæ, & quasi instans festum Paschatis; aerisque inclementia, & fames per provincias supra modum desæviens Regibus obstiterunt: Ita quod amicis suadentibus conceptum furorem pro tempore suspenderent, & tempus, quo solent Reges ad bella procedere, mediantibus induciis, expectarent, quod & factum est.

## C A P. LXXXI.

*Duo Soles apparuerunt.*

1196

**I**N octavis Pentecostes, hora diei prima, apparuere in Cœlo duo Soles, Sol scilicet verus, & alius tanquam æmulus: nec facile discerni poterat uter illorum esset Sol verus, nisi ex solito processu. Quod signum se vidisse testatur *Willielmus de Novo Burgo* in sua Chronica. Cumque diutule hoc signum cum aliis multis respexisset, tandem æmulus ille veri solis evanuit.

## C A P. LXXXII.

*Iterum post inducias excanduit furor eorum.*

1196

**N**Ec multo post, induciarum expleto tempore, iterum cruentus furor Principum excanduit: totis in arma viribus ruitur: igne, ferroque florentes provinciæ corrumpuntur: & Rex quidem *Francorum* cum suis *Albemarliam* obsedit. Rex vero *Anglorum* obsedit Castrum, quod *Nonancurtium* dicitur, olim quidem sui juris; quo mature potitus, rogabatur à suis, ut obsidionem Regis *Francorum* de alio Castro solveret. Sed dissimulavit, confidens de virtute fuorum, qui Castellum obsessum egregie defendebant. Conversus ergo ad depopulandos fines hostiles, satagebat solícite, absque mutui sanguinis discrimine avertere obsessorem. At vero Rex *Franciæ* pertinaciter coëptis insistens, cum multo tandem sui exercitus sudore & sanguine, Castellum deditione obtinuit. Inimicitiiis magis magisque crescentibus, reformandæ paci à bonis & sapientibus inaniter studebatur, cum ipsi Principes ad omne consilium pacis obsurdescerent.

## C A P. LXXXIII.

*De Fame & Pestilentia in Anglia.*

1196

**A**Ggravata est etiam ipso tempore manus Domini super populum Christianum in peste, & fame, ut illud pœne propheticum completum esse videretur, *plaga inimici percussit sunt castigatione crudeli*: Et quidem fames valida ex intempestivis imbribus proveniens, per annos jam aliquot, *Galliam Angliamque* vehementer attriverat. Cumque vulgus pauperum passim inedia deperiret, secuta est è vestigio pestis sævissima; scilicet febris acuta, quæ tot & tantos singulis diebus corripens finaliter prostravit, ut vix invenirentur, qui vel curam languidis, vel sepulturam mortuis exhiberent. Cessabatque consuetus

consuetus funeris apparatus, quia quacumque hora diurna quis obisset, mox *Richardus primus Rex.* matri terræ tradebatur; nisi esset quis ditior vel persona nobilior. In ple-  
risque etiam locis fiebant fossæ non modicæ receptui cadaverum, eo quod fa-  
cultas non esset unumquemque per se juxta morem recondere. Tandem, volen-  
te Domino, post sex fere menses hiemali rigore consopita quievit.

## CAP. LXXXIV.

*Rex Richardus recepit obsides suos ab Imperatore, & Terra Sancta turbata est.*

Sane Rex *Anglorum* paulo ante obsides suos apud Imperatorem relictos 1196  
absolute receperat, persoluta illi pactæ redemptionis summa, quibus re-  
ceptis dixisse fertur; à captivitate *Alemannica* nunc scio me vere liberatum.  
Liberatus itaque ab exactore tam gravi, intentione integra bellicis negotiis  
insistebat, de reversione in *Syriam*, cui se redire devoverat, nihil vel tepide co-  
gitans. In eventu tamen ibi bene contigerat. Quia mortuo tunc *Saladino*,  
scissum est ejus Imperium, juxta numerum succedentium filiorum. Ipsisque  
inter se dissidentibus, orta est rixarum bellorumque materia: & facta est sum-  
ma confusio in domo ejus, Christianis interim sub *Henrico* principe inducia-  
rum expletionem præstolantibus.

## CAP. LXXXV.

*Imperator proposuit ire versus Terram Sanctam.*

Porro Imperator, ut quasi expiaret quod in Christianum Principem ab 1196  
orientem revertentem tam foede commiserat, proposuit *Anglicanis* opibus  
Orientalis Ecclesiæ reliquias visitare. Unde anno Domini millesimo c. no-  
nagesimo quinto convocatis sui Imperii Ecclesiasticis Laicisque personis, &  
devotione propria cunctis declarata, ad æmulandum pro Christo multos ex  
subditis provocavit Apostolicæ etiam sedis legatus, qui ibi præsens erat cum  
Prælati & Clerici, qui dignitate & facundia præcellerant, per dies octo con-  
tinuos in auribus Christianæ multitudinis potenti eloquio declamantes, in  
tantum animos devotionesque populorum erexerunt, ut fas esset ibi dicere,  
vere digitus Dei est hic. Magnis ergo præsulibus, & præclaris ducibus, cum  
multitudine virorum fortium, dominicum characterem certatim fumentibus,  
ipse quoque Imperator paratus fuit eodem signo cum cæteris insigniri. Sed  
hoc ab omnibus altiori consilio dissuasum est, allegantibus Christianæ exp-  
ditioni conducere, ut Imperio manens progressu exercitui de victualibus &  
expensis, & cum necesse fieret, & militia iterato supplenda, provideret. Ita-  
que *Germanicarum* atque *Italicarum* gentium expeditio totis viribus parabatur  
in *Syriam*: cum Reges nostri nil sanum aut sobrium meditantes, proprio tan-  
tum furori cum multorum discrimine indulgerent.

## CAP. LXXXVI.

*Pacificatis Britonibus Rex Richardus cepit Episcopum Belvacensem.*

His diebus *Britones*, qui à Rege *Anglorum* jam pridem desciverant, depo- 1196  
pulatione ipsius Regis coerciti, in ejusdem Regis *Richardi* foedus & gra- *Fœdus inter*  
tiam cum suo *Arthur*o rediere. Bellum quoque *Thosolanum*, quod illustri *Wallenses &*  
*Anglorum* Regi *Henrico* & filio ejus *Richard*o res summi negotii fuerat, & per an- *R gem Ri-*  
nos *chardum.*



*Richardus  
primus Rex.  
Comes S. Æ-  
gidii viduam  
Regis Siciliae  
ducit uxorem.*

nos XL. vires multorum attriverat populorum, eodem tempore volente Domino sic expiravit. Comes enim sancti *Ægidii* (pactis cum Rege *Anglorum* celebratis) sororem ejus, quæ olim Regi *Siciliae* nupserat, cum ingenti gloria conjugem duxit; & sic inveteratum illud odium conquievit. Itaque Rex *Anglorum*, qui ad tria bella quasi minus potens divisus fuerat, finitis sic duobus, ad tertium, quod cum Rege *Francorum* gerebat, quasi integre redditus, coepit robustius agere, & terribilior hostibus apparere. Certabatur ergo utrinque totis viribus: tantusque extitit debacchantium furor, ut nec sacris quadragesimæ diebus deferrent; deprædationibus, atque incendiis loca prius florentia corrumpentes: Nec sacerdotibus Domini, si forte inciderent, secus quam popularibus parcendum ducentes.

## CAP. LXXXVII.

1197

*Episcopus  
Belvacensis  
captus.*

**A**Nno Domini millesimo c. nonagesimo VII. continuato ipsius facinoris jam anno quinto, coepit Rex *Franciæ* mollius agere. Rex vero *Angliæ* paulatim augebatur viribus & prosperabat magis. Denique vicum insignem, qui dicitur Sancti *Valerici* repente aggressus, potenter effregit, muniti-  
onem evertit, & præda demum onustus abiit. Nec multo post in pago *Belvacensi*, Castrum, quod *Milliacum* dicitur, per suos expugnavit. Quod audiens *Belvacensis* Episcopus, homo ferocis animi, & propinquitate Regia inclutus, sumptis propere armis, bellicosus magis Pontifex quam Religiosus apparuit. Sed (fortuna mutata) captus & vinctus, cum quibusdam aliis nobilibus; Regi *Anglorum* gratissimum munus oblatus est. Cumque *Rothomagi* vinctus servaretur, duo ex Clericis ejus supplices ad Regem venerunt, postulantes Regis gratiam, ut Domino suo possent in vinculis ministrare. Quibus Rex: vos (inquit) judicate inter me, & Dominum vestrum, utrum quæ mihi vel intulit vel molitus est mala oblivioni tradantur usque ad unum? Certe ab Oriente rediens, & detentus ad Imperatorem *Theutonico*, respectu Regiæ personæ mollius tractabar, & cum decenti honore. Superveniens autem iste Dominus vester, quasi in vespere cum Imperatore secreto tractavit. Et cujus rei gratia venerit, & apud Imperatorem nocte quid egerit, expertus sum mane; aggravata est enim super me manus Imperatoris; tantoque mox oneratus sum ferro, quantum equus vel asinus ferre vix posset. Juste ergo discernite, qualem Dominus vester habere custodiam debeat apud me, qui talem mihi fecit apud detentorem meum. Clerici vero ad hæc non habentes quid dicerent, frustrati abierunt. Bellicosus itaque Pontifex servabatur in vinculis, & tractabatur ab hostibus mitius forte, quam meruerat: sed plane durius quam decebat Episcopum. Interpellavit autem per suos *Romanum* Pontificem, ut Ecclesiastici vigoris instantia liberaretur de manibus detentoris. Et ille summus Pontifex prudenter considerans, quod Rex *Anglorum* Episcopum non prædicantem sed præliantem cepisset, & rigidum magis hostem quam pacificum præfulem teneret in vinculis, ut vinctum relaxaret, illi molestus esse noluit. Sed interpellanti sapienter & discrete respondit; improbrans quod secularem militiam Ecclesiasticæ prætulisset; & pro baculo pastoralis lanceam, pro mitra galeam, pro stola alba loricam & clypeum sumpisset, & gladium ferreum pro gladio spiritus, quod est verbum Dei. Neganstque se pro eo vincto imperaturum Regi *Anglorum*: sed oportune supplicaturum pollicens. Vinctus itaque Pontifex relaxationem suam citra Regum concordiam desperabat, atque ideo pacem, quam prius intentor belli oderat, in illo vinculorum tædio jugi desiderio suspirabat.

## CAP. LXXXIX.

*Quomodo Comes Flandrensis Regem Franciæ deferens, Regi Richardo fæderatus est.*

Eodem tempore defecerunt à Rege *Francorum* quidam Regni sui potentes, illatis à Rege injuriis irritati, & Dominum durum causantes: junctique Regi *Anglorum* vires ejus auxerunt. Ex quibus Comes *Flandrensis*, dolens se à Rege *Francorum* juris sui hæreditarii media fere parte fraudatum, Regis *Anglorum* pecuniis roboratus, nobile oppidum, quod dicitur *Douay*, obfessum deditione recepit: quasdam etiam munitiones alias occupavit. Quibus successibus confortatus, crescente fiducia, civitatem *Atrebatensem* obsedit. Sane Reges prædicti tunc, tanquam ex industria, mutuam devitantes occursum locis diversis exercebantur. Et Rex quidem *Anglorum* in pago *Bituricensi* munitiones aliquot expugnavit: Rex vero *Francorum* munitionem *Dagoun* nominatam, quæ ab ipso paulo ante defecerat, castris circumdedit. Qua mature dedita, & everfa, memoratæ urbis obsidionem à Comite *Flandrensi* factam solvere festinavit. Obfessor autem, adventu ejus præcognito, obsidionem deseruit: hostemque superbum ad prosequendum cedendo accendens, dum à tergo incautius progressi, contractis amnium pontibus difficilem vel ibi peditum vel exercitui ejus commeatum facere studuit, arteque plusquam viribus effecit. Cumque amicis mediantibus inter partes de pace tractaretur, oblatam Comes pacem nec respuit nec absolute amplexus est, obtendens se Regi *Angliæ*, sufficientem per obsides idoneos præstitisse, atque ab eo vicissim accepisse cautionem, quod neuter eorum sine altero bellum pace mutaret: pactis tamen inter partes formatis, consensu Regis *Angliæ* pro tempore sanctitudinis expectato Rex *Francorum* ad propria rediit: Comes vero cum festinatione adiit Regem *Anglorum* ut consensum ejus ad pacem alliceret.

1197

*Comes Flandrensis Dominum suo conciliatur.*

## CAP. XC.

*Treugam unius anni ceperunt Reges.*

Itaque Reges tantum jam pacis avidi, quantum bellici laboris pertæsi, anno à partu virginis millesimo c. nonagesimo septimo, mense *Septembri*, cum optimatibus suis, & cum frequentia subditorum, ad solemne colloquium in terminis convenerunt. Ubi quidem de plena pace minus actum est: eo quod animi Principum, à longa inveterati odii passione, difficile sanarentur. Sed treugam unius anni & quatuor mensium, tanquam arram futuræ pacis inter se statui maluerunt: adjicientes in pactis, ut negotiantibus Regiones perviæ, mutuisque Provinciæ gauderent solatiis: & ut captivi utrinque competenti & tolerabili redemptione relaxari mererentur. Soluta igitur conventu, militantibus facultas data est ad propria remeandi. Et fessæ Provinciæ pausam modicam gratanter susceperunt.

1197

*Induciæ unius anni inter Philippum & Richardum.*

## CAP. XCI.

*Interim Rex Richardus Gavillard construxit.*

Eodem tempore illustris Rex *Richardus* apud vicum, qui *Andeliacus* dicitur, (quem locum, & pro tuitione *Normanniæ*, Castro construendo Rex ipse

1197



*Richardus  
primus Rex.*

ipse notasset aptissimum) Castrum nobile, quod vulgariter dicitur Castellum *Gayhard* ex opposito manerii sui de *Andelle*, interposito flumine de *Andelle*, profusis valde sumptibus ædificavit, natura loci mirabiliter juvante: locus autem ille erat antiquum patrimonium Ecclesiæ *Rothomagensis*. Sed quia timebat Rex *Richardus*, ne forte idem locus ad hoc ipsum hostiliter occuparetur à Rege *Francorum*, eundem duxit præoccupandum. Cujus rei causa orta fuit dissensio inter Regem *Richardum*, & *Walterum Rothomagensem* Archiepiscopum: qui in Regis peregrinatione, & *Alemannica* detentione, *Anglici* Regni procurator fidelis extiterat: appellante Archiepiscopo ad Papam, & appellationem prosequente, sed accepto à Papa responso, quod patienter sustineret, quoad usque pax plena inter Reges esset reformata, reversus est, & sic cum Rege concordatus. Rex enim, pro prædicto vico litigioso, famosum illum vicum maritimum, qui *Deppa* dicitur, *Rothomagensem* donavit, & Archiepiscopum in pristinam specialitatem recepit.

## C A P. XCII.

*Quomodo ibi pluit sanguinem.*

1197

**S**Ane in illo loco, cum magna illa ædificatio fieret, rem prodigiosam contigisse ferunt. Nam mense *Mai*, paulo ante Dominicæ ascensionis sollemnia, cum Rex *Richardus* ibi adesset, & opus operariosque de festinatione urgeret, repente imber sanguine mixtus descendit, stupentibus cum ipso Rege cunctis qui aderant; cum & in suis vestibus veri sanguinis guttas conspicerent, & rem tam insolitam malum portendere formidarent. Verum ex hoc idem Rex non est territus, quominus operi promovendo intenderet, in quo sibi (ni fallor) ita complacebat, ut, etiam si *Angelus* de cœlo id omittendum fuisset, anathema illi fuisset.

## C A P. XCIII.

*De morte Regis Richardi.*

1199

**Æ**Dificato itaque Castro, & infra eundem annum plenarie completo, fertur ipsum Regem hujusmodi verba protulisse, circumstantibus magnatibus suis: Ecce quam pulcra filia unius anni (Dilexit enim eundem locum & gloriabatur in hoc facto.) Cumque ad alia divertisset se Rex *Richardus*, & custodes ejusdem Castri in sua custodia negligentes extitissent (egressæ enim erant ex more lotrices per posticum ad lavandum pannos, & alia quæque in lacu subtus Castrum; nec suspicabantur custodes accessum haberi posse ex parte illa) & ecce ingeniosi *Franci*, & sibi multoties à longe providentes, præordinatis Scaphis & allatis, dum quadam die egrederentur lotrices, Lacum cum scaphis transierunt, & apprehensis lotricibus Castrum ingressi sunt: fugientibus ad eorum introitum quibusdam ex custodibus, & aliis comprehensis: confestimque attraxerunt alios, & facti sunt quasi robur immensum. Quod cum audisset Rex *Richardus*, mox omni summa festinatione accurrit, & sic inveniens Castrum præoccupatum iratus est valde, & commota sunt viscera ejus in hoc facto; declinavitque ad manerium suum de *Andelle* (quod situm est ex opposito ejusdem Castri interjecto flumine sic nominato *Andelle*.) Cumque die quadam spatiatum pergeret, Castrumque & loci situm circumspiceret, cognitus est à quodam balistario, & emisso ab eo telo graviter vulneratus est. Vocatique sunt Chirurghi, qui dicunt ei, quod ob gratiam recuperandæ sanitatis

tatis abstinendum esset ei totaliter ab omni contactu mulierum: locus enim scapulæ, in quo percussus est, periculosus erat, & profundus: propter quod interdixerunt ei omnem uxoris amplexum, visum etiam & tactum. Qui cum esset lubricus valde, & in amore mulierum excandescens, noluit reprimere delicias suas: sed, salubre consilium parvipendens, non curavit de vulnere; eo quod modicum erat; & infestatum est. Crevit enim venenum, & desperatio vitæ secuta est. Cumque vitæ ipsius nulla esset spes, & horrenda mors jam pateret in januis, ingressus est ad eum ille *Walterius Rothomagensis* Archiepiscopus, de quo supra proxime fecimus mentionem: & ait ei, dispone domum tuam ô Rex, quia morieris tu, & non vives. Cui Rex, minæ sunt, Episcopo, & quasi trufæ, quas loqueris. Cui Episcopus; non sunt trufæ, Rex, sed infallibilis mors in januis te expectat. Cui Rex, quid ergo vis ut faciam? At ille, cogita de filiabus tuis maritandis, & age poenitentiam. Et Rex: hoc est quod primo dixi; trufæ sunt, quas loqueris, tu enim nosti me filios aut filias nunquam procreasse. Et Episcopus; imo, O Rex, tres habes filias, & diu est quod eas habuisti, & aluisti. Primogenitam enim tuam habes superbiam; secundam, avaritiam: & tertiam, luxuriam. Has enim habuisti, & supra modum dilexisti à juventute tua. Verum, inquit Rex, istas habui, & eas sic maritare volo. Primogenitam enim meam, scilicet superbiam, concedo Templariis, qui fastu tument, & præ cæteris sunt elati; secundam vero, scilicet avaritiam, do Monachis Griseis, qui omnibus vicinis suis per avaritiam nocent, ut Diaboli effrænati; ultimam autem, scilicet luxuriam, assigno Monachis Nigris, qui assata & fricta comedunt nunquam satiati. Ista enim tria hominum genera odio habuit Rex, & ideo præ cæteris nominatas filias eis maritavit. Ad hæc ille Episcopus: non loquaris ita Rex, quoniam tempus resolutionis tuæ instat jam, & prope est. Et Rex, quid, inquit, mihi faciendum est? At ille, age, inquit, poenitentiam, & confitere peccata quæ commisisti; confidens in Christo Crucifixo, & in misericordia ejus, quæ est super omnia opera ejus: Cui promptius est peccata dimittere, quam peccatori veniam postulare. Motus itaque Rex in verbis Episcopi, prorupit in lachrymas, & ait, poeniteo valde, & poenitiæ signa videbis, Episcopo, & testificaberis. Moxque accito confessore suo, peccata sua gravia cum immenso dolore confessus est, & beneficium absolutionis consecutus, præcepitque sibi pedes ligari, & in altum suspendi, nudumque corpus flagellis cædi & lacerari, donec idem ipse præciperet ut filerent. Cumque diu caderetur, ad modicum ex præcepto filuerunt: & iterum reassumpto spiritu hoc idem secundo & tertio in abundantia sanguinis compleverunt. Tandem in se reverens, præcepit viaticum sibi afferri; & se velut proditorem & hostem contra Dominum suum ligatis pedibus cum fune trahi: acceptoque viatico cum magna cordis reverentia, & tremore adjecit. Misericordia Domini magna est, qui vult omnes homines salvos fieri: justitia tamen ejus recta est, quæ vult omne delictum flagellari & puniri. Verum in misericordia confidens, & de justitia timens, lego me & corpus meum vermibus corrodendum, animam autem meam usque in diem judicii igne Purgatorii cruciandam in spe misericordiæ Dei, in qua credo me posse salvari in illum diem. Et aliis dictis, modico supervixit tempore & mortuus est; sepultusque juxta patrem suum in Monasterio *Fontis Ebraudi*, mense *Aprilis*, anno Domini millesimo c. nonagesimo ix. Sicque Leo ferox, qui vivens in corpore cor & animum Leonis habuisse ferebatur, per industriam discreti Pontificis, ad Christum dirigitur, velut agnus mitissimus, & poenitens gloriosus. Audito itaque rumore mortis ejus in curia Regis *Franciæ*, gavisi sunt gaudio magno valde, & congratulabantur Regi suo dicentes: Gaudendum est, tibi, O Rex, quia hostis tuus immanis corrui & mortuus est. Quibus Rex, non quidem gaudendum est, sed potius condolendum; quia corrui Princeps nobilis & miles strenuissimus totius Christianitatis. Et licet in jure suo eum ad tempus sensissem adversarium, sperabam tamen eum mihi haberi posse & hominem & amicum. Vobis etiam

*Richardus  
primus Rex.*

*Superbia, avaritia, luxuria tres filiæ  
Regis Richardi.*

*Richardus  
virgis cæsus*



*Richardus  
primus Rex.*

*Interfeſtor  
Regis Richar-  
di equis di-  
ſtractus.*

etiam in morte ipſius doloris materia orta eſt, quia qui contra eum etiam ſti-  
pendiis meis jamdudum ſumptuoſiſſime militaſtis, nunc propriis poteſtis ſti-  
pendiis militare. Et ſic licentiati incidenter doluerunt, qui materiam ſolatii  
intexere nitebantur. Interfeſtori etiam ipſius Regis *Richardi*, dum magna  
ſe meruiſſe crediderat, ait Rex, quia Principem ſtrenuiſſimum occidiſti, non  
quidem in bello, ſed in dolo, mala morte morieris. Præcepitque, & equis  
tractus dilaceratus eſt, & ad furcas ſuſpenſus.

Johannes Rex.

C A P. XCIV.

*De primordiis Regis Johannis, & quomodo occidit Arthurum.*

1199

**M**Ortuo Rege *Richardo*, & ſepulturæ tradito, *Johannes* frater ejus ſciens  
ſe non admitti ad Regnum à magnatibus terræ *Anglicanæ*, cum propin-  
quiores haberent Regni ſucceſſorem, *Arthurum* ſcilicet filium fratris ſui ſeni-  
oris, *Galfridi* quondam Comitis *Britanniæ*: dum adhuc eſſet in *Aquitania*, com-  
prehenſum puerum dolo tenuit, & occidit per manum armigeri ſui *Petri* de  
*Malo lacu*, cui poſtea hæredem Baroniam de *Mulgreſ* dedit in uxorem, loco  
mercedis iniquæ. Reverſuſque *Johannes* in *Angliam*, à populo terræ ſuſcep-  
tus eſt, & die Aſcenſionis Domini anno ejusdem milleſimo c. xcix. apud  
*Westmonaſterium* per *Hubertum Cantuarienſem* Archiepiſcopum ſolemniter in  
Regem conſecratus, vi. ſcil. Kal. Junii.

C A P. XCV.

*Rex Scotiæ fecit ſibi homagium.*

1200

*Rex Scotor.  
homagium fa-  
cit Johanni.*

**S**ecundo anno Regni fui miſit Rex *Philippum Dunelmensem* Episcopum &  
*Rogerum Bigot* cum literis ſuis patentibus de ſalvo conductu & reditu ad  
*Willielmum* Regem *Scotorum*, de cujus fide hæſitabat, ſtatuens ei diem certum  
& locum apud *Lincolniam*, ſcilicet in craſtino ſancti *Edmundi* Regis & marty-  
ris, veniendi ad ſe, & homagium faciendi, abſque omni prorogatione, vel ca-  
villatione. Qui accepto hujusmodi mandato, ad diem properavit eundem,  
& in die Sanctæ *Ceciliæ* virginis, x. ſcilicet Kal. Decembris, quæ fuit eodem an-  
no feria quarta, ſupra montem arduum extra civitatem *Lincolniam*, coram opti-  
matibus utriuſque Regni, & omni populo, fecit Regi *Johanni* homagium ſo-  
lemniter, fidelitatemque juravit ſuper crucem *Huberti Cantuarienſis* Archiepiſ-  
copi, & de pace ſervanda ſibi & Regno ſuo. Quibus pactis, in ſolemni convi-  
vio receperunt ſe, & lætatus eſt uterque populus magno gaudio: & poſt dies  
aliquot dimiſſus eſt in terram ſuam cum honore immenſo. Acta ſunt hæc in  
anno Domini milleſimo cc. die quo ſupra. Rex vero *Johannes* in ſuperbiam  
erectus, & mentem Regis exuens, animum leonis induit, ſectando luxuriam,  
avaritiam, & omnem animi ſui voluptatem.

C A P.

## CAP. XCVI.

*Quomodo ejecit Monachos Cantuarienses, & causa interdicti,*

ANNO Domini millesimo cc. quinto obiit *Hubertus Cantuariensis* Archiepiscopus; post cujus mortem Monachi *Cantuarienses* eligendi licentiam à Rege petierunt, & obtinuerunt. Rogavit tamen Rex pro *Norwicensi* Episcopo, ut, si possibile esset, saltem suis precibus postularetur hac vice. Advéniente autem electionis die, quidam ex Monachis preces Regias amplectentes eundem *Norwicensem* postularunt. Alii vero secundum Deum procedentes, Suppriorum ejusdem Domus elegerunt: & dissentione facta inter fratres, utraque pars pro suo electo ad sedem Apostolicam appellavit. Unde electi sunt hinc & inde xiv Monachi, qui ad sedem Apostolicam iter arriperent, hoc negotium profecturi. Qui ad Regem venientes, ut ex voluntate ipsius proficiscerentur, promiserunt ei jurantes, quod modis omnibus procurarent postulationem *Norwicensis* à Domino Papa confirmari: & ab ipso Rege magna accepta pecunia profecti sunt. Quibus in curia constitutis, quassatur electio Supprioris, & datur licentia illis xiv. iterum eligendi in curia: qui sedentes, iterato postularunt *Norwicensem* Episcopum. Et iratus Papa, eo quod conclusionem audierat, postulationem eorum & vota non admisit, & eos suspendit, quantum ad vicem hanc. Qui videntes se quasi deprehensos, poenitentia ducti confessi sunt se Regi jurasse de *Norwicensi* postulando, & veniam deposcentes, arbitrio Domini Papæ humiliter se submiserunt. Papa vero non secundum meritum, sed secundum clementiam agens, eos benigne absolvit, & consuluit, ut Magistrum *Stephanum* de *Langton* sibi in patrem eligerent & pastorem, virum utique literaturæ magnæ & bonitatis immensæ. Qui sano adquiescentes consilio elegerunt eum, & confestim à Papa confirmatus est, & cito post consecratus. Quæ cum ad audientiam Regis absque dilatione devenissent, turbatus est, & excandescens in iram, illos xiv Monachos Regno suo perpetuo proscripsit; sub pœna capitis interdicens eis reditum in terram suam. Monachos etiam cæteros à Claustro ejecit, committens curam ejusdem Domus mercatoribus *Brabantinis*, qui responderent ei de exitibus universis, cæterosque Clericos ejusdem provinciæ male tractavit, & universos Dei Ministros exosos habuit, nulla flexus pietate, vel misericordia. Quibus Domino Papæ nunciatis, scripsit ei Papa, filialiter hortans & monens vice trina, ut ab oppressione hujusmodi, poenitentia ductus resiliret: alioquin durius procederetur in eum. At ille continuando errorem, processit semper de malo in pejus: propter quod Dominus Papa sententiam excommunicationis tulit in eum; & in omnes fautores ejus, & totam terram *Anglicanam Ecclesiasticam* supposuit interdicto. Incepitque hoc interdictum generale à prima Dominica passionis Domini, anno ejusdem millesimo ccviii. quæ fuit eodem anno, x. *Kalend. Aprilis*; & duravit sex annis continuis, & uno mense; nihilque fiebat in Sancta Matre Ecclesia, nisi parvulorum Baptisma & Confessiones morientium: corpora tamen eorum extra coemiterium sepulta sunt. Et memoriale hoc jam durat in secula. Hujus autem interdicti executores, *Londoniensem* scilicet, *Wigornensem*, & *Eliensem* Episcopos egit ipse Rex in exilium, & multa alia mala, instigante Diabolo perpetravit.

1207

*Stephanus de Langton fuit Episcopus Cantuariensis, quod Regi displicet.*

*Johannes Rex excommunicatur.*

*Executores excommunicationis in exilium acti.*



## CAP. XCVII.

*Quomodo subjecit Angliam Curia Romanæ.*

1213

CUM ab iniquo Rege talia agerentur, insurrexerunt in eum Magnates sui, & præcipue illi, quorum uxores violaverat, moventes sibi quæstionem, & dicentes, cur ita male agis, O Rex, cum plebe tua? Quare Legem Dei tui & ipsius mandata transgrederis? Non enim vivimus in lege Dei, sed velut hæretici facti sumus in confusionem nostram, in Sanctæ Matris Ecclesiæ transgressionem magnam. Nunc ergo resipisce, aut certe pœnitebis in posterum: quoniam hujusmodi mala deinceps sustinenda non sunt. Timens vero sibi Rex delinivit eos verbis pacificis; & missis ad Papam nunciis rogavit, ut in statum Ecclesiæ reduci posset & admitti, qui sinum Matris aperiens, eo quod sancta mater Ecclesia gremium non claudit redeunti, misit in *Angliam* duos Legatos Cardinales cum plenitudine potestatis, qui omnimodas Ecclesiæ causas, & Regis molestias ponderarent, & sine debito terminarent. Venientes autem ad Regem, ab eo honorifice suscepti sunt, & induxerunt eum in primis, ut omnes exulantes, & pro jure Ecclesiæ proscriptos ad propria revocaret; & ad omnia restitueret. Quo facto, licet variis varia consentibus, antequam beneficium absolutionis posset promereri, de libero fecit se servum, & de Dominante servientem; terramque *Anglicanam*, quæ esse solebat libera, & ab omni servitute quieta, fecit tributariam & ancillam pedissequam; subjectionemque suam confirmavit per scriptum suum in hæc verba conceptum.

## CAP. XCVIII.

*Litera subjectionis cum fidelitate facta.*

1213

Johannes Dei gratia Rex *Angliæ*, &c. Universitati vestræ per hanc cartam aurea Bulla nostra munitam, volumus esse notum, quod cum Deum, & Matrem nostram Sanctam Ecclesiam offenderimus in multis, & proinde divina misericordia indigere noscamur, nec quid, quod digne offerre possimus pro satisfactione debita Deo & Ecclesiæ facienda, nisi nos ipsos habeamus & Regna nostra: volentesque nos ipsos humiliare pro illo, qui se pro nobis humiliavit usque ad mortem, gratia Sancti spiritus inspirante, non vi inducti, nec timore coacti: sed nostra bona, & spontanea voluntate, ac communi consilio Baronum nostrorum, offerimus, & libere concedimus Deo & Sanctis Apostolis ejus *Petro & Paulo*, & Sanctæ *Romanæ* Ecclesiæ Matri nostræ, ac Domino nostro Papæ *Innocentio* tertio, ejusque catholicis successoribus totum Regnum *Angliæ*, & totum Regnum *Hiberniæ* cum omni jure ac pertinentiis, pro remissione omnium peccatorum nostrorum, & totius generis nostri, tam pro vivis quam pro defunctis. Et à modo illa à Deo vel ab Ecclesia *Romana*, tanquam feodarius recipientes, & tenentes, in præsentia venerabilis patris nostri Domini *Nicolai Tusculani* Episcopi, Apostolicæ Sedis Legati: & *Pandulphi* Domini Papæ subdiaconi & familiaris, fidelitatem prædicto Domino nostro Papæ *Innocentio*, ejusque catholicis successoribus, ac Ecclesiæ *Romanæ*, secundum subscriptam formam fecimus, & juravimus, & homagium etiam ligium fecimus pro prædictis Regnis Domino nostro Papæ *Innocentio* per manus prædicti Legati, loco & vice ipsius Domini Papæ recipientis publice; successores & hæredes nostros de uxore in perpetuum obligantes, ut simili modo summo Pontifici, qui pro tempore fuerat, & Ecclesiæ *Romanæ*, sine contradic-  
tione

ctione debeant fidelitatem præstare, & homagium recognoscere. Ad indicium autem hujus rei, & nostræ perpetuæ obligationis & concessionis nostræ, volumus & stabilimus, ut de propriis & specialibus redditibus prædictorum Regnorum nostrorum, pro omni servitio & consuetudine, quod pro ipsis facere debemus, salvo per omnia denario Sancti *Petri*, Ecclesia *Romana* mille marcas sterlingorum percipiat annuatim: scilicet in festo Sancti *Michaelis*, quingentas marcas, & in festo Paschatis quingentas marcas; septingentas scilicet pro Regno *Angliæ*, & trecentas pro Regno *Hiberniæ*: salvis nobis & hæredibus nostris, justitiis, libertatibus, & Regalibus nostris. Quæ omnia sicut prædicta sunt, rata esse volentes, ac perpetuo firma, obligamus nos & successores nostros contra non venire. Et si nos vel aliquis successorum nostrorum hoc attentare præsumperit, quicumque fuerit ille, nisi commonitus resipuerit, cedat à jure Regni. Et hæc carta obligationis & concessionis nostræ semper firma permaneat, in cujus rei testimonium.

## CAP. XCIX.

*Juramentum fidelitatis suæ.*

**E**GO *Johannes* Dei gratia Rex *Angliæ* &c. ab hac hora in antea fidelis ero Deo & beato *Petro*, & Ecclesiæ *Romanæ*, ac Domino meo *Innocentio* Papæ tertio, ejusque successoribus catholice intrantibus. Nec ero in facto, dicto, consensu vel consilio ut vitam perdant, vel membra, vel mala captione capiantur: & damnum, si scivero, impediam, & remanere faciam si potero. Alioquin eis quam citius potero intimabo, vel tali personæ dicam; quam eis credo pro certo dicturam. Consilium, quod mihi tradiderint per se, vel per nuntios suos, seu per literas suas, tenebo secreto, & ad eorum damnum nulli pandam me sciente. Patrimonio beati *Petri*, & specialiter Regni *Angliæ*, & Regni *Hiberniæ* adjutor ero, ad tenendum & defendendum contra omnes homines pro posse meo; sic me Deus adjuvet, & sancta Dei Evangelia. Sicque de libero servus effectus est, & beneficium absolutionis consecutus est, & interdicti relaxatio facta est statim, in eodem anno Domini CCXIII. \* sexto *Nonas Julii*, ferias scilicet quinta.

## CAP. C.

*Quomodo perdidit Normanniam.*

**I**N primordiis Regni sui Rex iste *Johannes* appellatus fuit in curia Regis *Franciæ*, super mortem *Arthuri* nepotis sui, filii Comitis *Britanniæ* & fratris sui, per quendam militem strenuissimum parentem proximum ejusdem *Arthuri*. Et quia vocatus non comparuit, seiscita fuit in manum Regis *Franciæ* *Normannia* hæreditas sua. Iterumque vocatus cum non compareret, eo quod sciebat judicium sibi fieri in mortem vel confusionem, judicio Curiae illius perdidit eam. Et totam *Vasconiam* cum Rex *Francorum* per suos occupare vellet, prævenit ille *Johannes*; & ejectis *Francis*, in quantum perdidit recuperavit, non tamen processit ulterius ut *Normanniam* recuperaret.

\* *Al.* XV. die Maii.



## CAP. CI.

*Quomodo processit in Scotiam & Hiberniam.*

1210

**A**Nno Regni sui quasi XI. *Willielmus* Rex *Scotiae* filiam suam Comiti *Flandrensi* dedit in uxorem. Iratusque *Johannes* ob hoc, eo quod cum hostibus suis foedus inisset, divertit ibidem cum exercitu copioso, & cepit *Berewicum* super *Twedam*, Castrumque ibidem construxit. Videntique Rex *Scotiae* ad resistendum se viribus imparem, (missis ad *Johannem* nuntiis) rogavit ea quae pacis sunt; & adimpleta per pecuniariam petitione sua, datisque obsidibus, duabus scilicet filiabus, non tamen *Alexandro* filio suo quem petierat, reversus est *Johannes Londoniam*, tenuitque ibidem Parliamentum suum; & multa mala, gravesque molestias intulit Baronibus suis, qui injuriis suis se ad resistendum praeparaverant. Anno vero sequenti processit Rex in *Hiberniam* cum plebe maxima, statuitque ibidem Leges *Anglicanas*, & praecepit ut omnia eorum judicia secundum eandem legem, vel *Anglicanam* consuetudinem terminarentur. Reversusque eodem anno in *Angliam*, talliavit Ecclesias: & *Hugonem* de *Lasty*, & *Willielmum* de *Breans* proscripsit in *Hiberniam*.

## CAP. CII.

*Quomodo devicit Wallenses & Leolynum.*

1214

**A**Nno etiam XIII. Regni sui divertit in *Walliam*, & eam quasi pro nihilo subjugavit; cepitque homagium *Leolini* Principis eorum, & quibusdam acceptis obsidibus de pueris magnatum, ibidem reversus est. Anno vero sequenti *Leolinus* Princeps *Walliae* resiliuit à fide sua. Iratusque *Johannes* continuo suspendi fecit omnes pueros obsides apud *Spottingham*, & iterum *Leolinum* suae Dominationi subjecit.

## CAP. CIII.

*Quomodo Ordines Prædicatorum, & Minorum inceperunt.*

1215

**T**emporibus istius Regis *Johannis*, inceperunt duo novi ordines Prædicatorum scilicet & Minorum. Ordinem vero fratrum Prædicatorum incepit beatus *Dominicus* in partibus *Tholosanis*, ubi contra hæreticos constanter prædicabat verbo & exemplo. Cumque mansisset ibidem decem annis prædicando & colligendo fratres, usque ad tempus quo *Lateranense* Concilium debuit celebrari, cum *Fulcone Tholosano* Episcopo *Romam* ad Concilium generale adiit, petiitque à Domino Papa *Innocentio* tertio Ordinem, qui Prædicatorum diceretur & esset, confirmari. Qui cum aliquantulum se difficilem ad hoc faciendum exhiberet, nocte quadam idem Papa vidit in somnis, quod *Lateranensis* Ecclesia gravem subito ruinam minaretur. Quod dum tremens aspiceret, ex adverso vir Dei *Dominicus* occurrebat, humeris suppositis, totam illam casuram & fabricam sustentans. Evigilans autem & visionem intelligens, petitionem viri Dei hilariter acceptavit: hortans, ut ad fratres suos rediens, regulam aliquam approbatam sibi eligerent: & sic ad ipsum rediens confirmationem ad libitum repararet. Regressus igitur verbum suum Pontificis Fratribus patefecit: erant autem Fratres numero circiter XVI. qui invocato spiritu sancto Regulam beati *Augustini* Doctoris & prædicatoris e-

gregii,

gregii, ipsi pariter & re & nomine Prædicatores unanimiter elegerunt; cuius-  
dam arctioris vitæ consuetudines, quas sibi per formam constitutionum ob-  
servandas statuerunt, insuper assumentes. Verum interea *Innocentio* defun-  
cto, & *Honorio* sublimato in summum Pontificem, confirmationem Ordinis  
anno Domini millesimo cccxvi. à prædicto *Honorio* impetravit. Tandem  
vero appropinquante peregrinationis suæ termino, apud *Bononiam* gravi cor-  
poris infirmitate languescens, convocatis duodecim ex conventu Fratribus,  
testamentum huiusmodi condidit dicens; hæc sunt quæ vobis tanquam filiis  
hæreditario jure possidenda relinquo; caritatem habete, humilitatem servate,  
paupertatem voluntariam possidete. Illud etiam, qua potuit districtione,  
prohibuit, ne quis unquam in suo Ordine possessiones induceret temporales,  
maledictionem Dei Omnipotentis, & suam terribiliter imprecans ei, qui Præ-  
dicatorum Ordinem terrenarum divitiarum pulvere præsumeret maculare.  
Proinde ad extremam horam veniens, anno Domini millesimo cccxi. dormi-  
vit in pace, sepultusque est ibidem. Ordinem vero Fratrum Minorum ince-  
pit Beatus *Franciscus* in Civitate *Assisi*, ubi & oriundus fuit. Qui, cum au-  
diret die quadam ea, quæ Dominus Discipulis suis ad prædicandum missis lo-  
cutus est, statim ad universa servanda tota virtute confurgit. Solvit calcea-  
mentum de pedibus; tunica una sed vili induitur; & pro corrigia mutavit  
funiculum, instituitque Fratres juxta eandem Civitatem *Assisum*: apud fan-  
ctam *Mariam* de *Portiuncula*, anno Domini millesimo cc. sexto Pontificatus  
*Innocentii* tertii anno \* xiv. à quo & confirmatus erat Ordo ille. Habuit eti-  
am Fratres in *Ricardyna* juxta *Bononiam*, quibus contulerat mansiunculam Do-  
minus *Accursus* Magnus, qui fecit novam glossam in jure civili, super omnia  
quinque volumina. Istum Beatum *Franciscum* multi nobiles & ignobiles,  
Clerici & Laici, sprete seculari pompa secuti sunt, ejus vestigiis adhærentes;  
quos Pater sanctus docuit Evangelicam perfectionem implere, paupertatem  
apprehendere, & per viam sanctæ simplicitatis incedere. Scripsit præterea E-  
vangelicam Regulam sibi & suis fratribus habitis & habendis, quam Dominus  
Papa *Innocentius* tertius confirmavit: cumque ad dies jam appropinquasset ex-  
tremos, longa infirmitate confectus, super nudam humum poni se fecit; &  
convocatis fratribus; & singulis manus imponens, omnibus simul in fine be-  
nedixit: & instar Cœnæ Dominicæ singulis panis buccellam dimisit. In-  
vitabat (ut moris sui erat) omnes creaturas ad laudem Dei. Nam & mor-  
tem ipsam cunctis terribilem & exosam hortabatur ad laudem, eique lætus  
occurrit, & ad suum invitabat hospitium, dicens, bene veniat foror mea mors.  
Ad extremam igitur horam veniens, dormivit in Domino, anno ejusdem Do-  
mini m. cccxvi. iv. die *Octobris*. Anno vero præcedenti scilicet m. cccxiv. *S. Franciscus obit.*  
venerunt primo Fratres Minores in *Angliam* in Festo beati *Bartholomæi* Apo-  
stoli. Prædicatores vero venerant prius in *Angliam*, anno scilicet Domini *Fratres Minores veniunt in Angliam.*  
m. cccxvii. Generale Concilium *Romæ* celebratur, quod dicitur *Lateranense*,  
præsidente eidem Papa *Innocentio* tertio.

## CAP. CIV.

*Quomodo Guerra orta est inter Regem & Barones.*

**R**Ex iste *Johannes*, suam semper continuando tyrannidem, multos Magna-  
tum suorum ad iracundiam provocavit, qui cum specie corporis candore  
femineum videretur excedere, carnis tamen munditiam in ipsa carne non  
tenuit; in libidinem namque pronior, conjugalem modum excessit; & incre-  
dibili luxu femineo fretus, Magnatum omnium uxores & Dominas concupi-  
vit, deridendo maritos earum post perpetrata flagitia. Quod quidem extitit  
principium, & origo universalis guerræ, & seditionis magnæ: fuit enim eodem

*Regis Johannis luxuria belli civilis causa extitit.*







in Patria adepti sunt : in fine acies suas dirigentes *Londoniis*, ut oppugnarent *Johannes R.* Civitatem ; quam tamen ingressi non sunt.

## CAP. CV.

*Barones miserunt pro filio Regis Franciæ.*

**S**ane inter partes, ut dictum est, diu multumque certatum est, alternante fortuna : nam nunc hos, nunc illos, variis successibus eludebat. In quodam enim conflictu apud Castrum *Bernardi* corruit ille nobilis vir *Eustachius de Westby*. Videntes autem Barones se non proficere ad votum, mutuo loquebantur ad invicem dicentes. Quid faciemus de isto Rege iniquo ? si sic dimiserimus eum, delebit nos, & populum nostrum. Expediit ergo ut deleatur à folio Regni sui, nolumus enim de cætero eum Regnare super nos. Unde, communicato consilio, miserunt nuncios ad *Lodovicum* filium Regis *Franciæ*, rogantes ut cum omni festinatione veniret & regnaret super eos, promittentes in primo adventu suo civitatem *Londoniæ* se ei liberare, & homagia & fidelitates facere, & jurare. Qui Coronam *Angliæ* sitiens, & ad tantam dignitatem anhelans cum immenso exercitu Regnum *Angliæ* hostiliter ingressus est. Piratæ tamen Regis multos ex suis, & magnates aliquos in mari peremerunt. Occurreruntque ei multi Barones, sed non omnes, & eum cum immenso gaudio susceperunt, homagia facientes, & fidelitatem jurantes. In primo autem adventu suo velut mitissimus agnus consilio Baronum usus est, sed introducta *Francorum* potentia (de qua confidebat) non tantum consilium, sed & personas *Anglorum* sprexit, & contempsit. Optimates etiam sui deridebant & illudebant Magnatibus terræ : & in tantam superbiam erecti sunt, quod per potentiam propriam omnia vellent opprimere, & habere. Vastaveruntque igne & gladio per dietas modicas, usque dum venirent *Lincolniam*. Indignatique Magnates terræ recesserunt ab eo, nescientes qua parte se diverterent, eo quod personam Regis haberent exosam.

1216

*Ludovicus  
Regis Gallie  
filius venit in  
Angliam.*

## CAP. CVI.

*De Morte Regis Johannis.*

**I**nterim justo Dei judicio, qui suis temporibus malitiæ finem imposuit, contigit sic, Dum Rex ipse *Johannes* ad Monasterium de *Swyneshened*, quod à Sancto *Botolpho* distat per quinque milliara, hospitandi causa declinaret, auditivit Abbatem ejusdem loci pulcram habere sororem, Priorissam cujusdam loci propinqui. Accensusque ex more libidine, misit Satellites suos ut eam adducerent ad se. Quod cum audisset Abbas frater ejus, tristis admodum effectus est, noluitque à fratribus consolationem recipere. Cui dixit unus ex conversis suis, qui curam hospitii gerebat, & familiaris, & notus Domino Regi. Quid habes Pater ? Cur decidit vultus tuus, & tristior solito est facies tua ? Cui Abbas : Sororem (inquit) meam, sponsam Christi, quam dilexi, proponit deturpare Rex. At ille ; Ignosce mihi Pater, & ora pro me, & auferam vitam iniqui à terra, & timorem ipsius à conversatione hominum. Cui Abbas ille, vellem quidem hoc, fili mi, non tamen licet in personam Regis manum extendere. Processit itaque conversus, & tulit pyra nova quibus ipsum Regem libenter vesci sciebat : apposuitque venenum in singulis præter tria, quæ cum cæteris repocita optime denotabat ; dumque Rex sederet in mensa, & confabularetur cum suis in his quæ acciderant, accepto uno pane, non quidem ut Dominicam Cœnam faceret, sed ut in perniciem suam loqueretur & mortem, quæsit à ministris, quanti esset pretii panis ille, si venditioni traderetur ?

1216



Johannes R.

retur. At illi, valeret (inquiunt) Obolum. Et ille, vere, inquit, fertilitas ista maxima fecit jam Barones meos & populum meum insurgere in me. Nunc autem si per annum integrum comites mihi fuerint vita & salus, faciam valere panem tanti ponderis XII Obolos, Et scandalizati sunt ministri ejus in verbo isto, & retrocedebant quidam eorum, conjurantes cum converso in mortem ipsius. Venit itaque conversus ille, & applausit Regi, sicut & alias facere consueverat, & dixit ei: placetne tibi, O Rex, comedere de fructu meo novo? Placet (inquit) vade, & affer. Tulitque præparata pyra, & statuit ea coram Rege. Moxque lapides pretiosi, qui coram Rege fuerant, in sudorem vertebantur. Et ait Rex: Quid attulisti frater? numquid venenum porrexisti? At ille non venenum, O Rex sed fructum optimum. Et Rex, comede, inquit, de fructu tuo. Moxque apprehenso uno ex pyris cognitis comedit saporose. Et Rex, comede, inquit, & alterum; & comedit. Adde, inquit, & tertium; & fecit sic. Ne ulterius se potuit continere Rex: sed apprehenso uno ex venenatis comedit, & eadem nocte extinctus est. Nec tamen periit conversus, sed inter manus odientium Regem dilapsus est. Liberavitque Deus per mortem Regis iniqui prædictam sanctam Monialem sponsam suam à novo, ut creditur, sponso Diaboli. Mortuo itaque Rege & sic extincto, tandem post modicum sepultus est *Wintoniæ*, die scilicet sancti *Lucæ* Evangelistæ, anno Domini M. CCXVI. & Regni sui anno XVII. sepultus, dico, est, sed non cum honore Regio. Quia terra, quæ in operibus ejus pessimis turbata extitit, nondum ad plenum pacificata quievit.

Johannes Rex  
veneno sibi à  
Monacho por-  
recto extin-  
ctus.

## CAP. CVII.

*Visio cujusdam sacerdotis post mortem Regis Johannis.*

1216

Sacerdos quidam, qui Regi *Johanni* familiariter adhæserat in vita sua, post mortem ejus ab amore ipsius non est ex toto separatus. Profusus enim lacrymis, & precibus multiplicatis, Deum frequenter exorabat, ut, si ejus voluntas esset, ostenderetur sibi in signo aliquo utrum cum anima Domini sui judicialiter vel misericorditer ageretur? Cumque diu in hac voluntate permansisset, tandem in visione nocturna apparuit ei quidam vir splendidus in vestibus quasi deauratis, dicens ei, quid fles? quid ploras? Surge, tolle, & lege Psalmum quinquagesimum primum: *Quid gloriaris in malitia?* Et ibi videre poteris quid innuerit Dominus tuus. At ille expergescens à somno rediit in se, & nihil boni inveniens in Psalmo illo cessavit à prece sua.

## CAP. CVIII.

*De filiis Regis Johannis.*

1216

Quatuor habebat filios Rex iste *Johannes*, *Henricum* scilicet primogenitum, qui ei successit in Regnum; *Richardum*, qui processu temporis in Regem *Alemaniæ* electus est, *Willielmum* de *Valentia*, & *Gwydonem Dysenay*, qui trans mare morabantur: quintum etiam habebat Clericum, qui in *Wintoniensem* Episcopum postea promotus est. Tres etiam habebat filias, quarum una, *Isabella* scilicet, *Frederico* Imperatori data est: Altera *Willielmo* Comiti *Marescallo*, & tertia, qui primo castitatem voverat, non tamen susceperat velum castitatis, Comiti *Leicestriæ Symoni* de *Monte Forti* conjuncta est. Unde fertur *Robertum* *Lincolniæ* Episcopum quasi exprobando dixisse eidem: Nunquam gaudebis de tua progenie, nec in ea lætaberis, quoniam matrimonium Dei contempsisti pro nuptiis hominis. Et sic quidem contigit ut post insequentibus.

## CAP. CIX.

*Obiit Galfridus Eborum Archiepiscopus.*

**E**odem tempore obiit *Galfridus Eborum* Episcopus. Cui successit *Walterus de Grey*, consecratus in anno Domini M. CCXVI. Eodem etiam tempore, scilicet anno domini M. CCXVI. obiit *Innocentius* Papa tertius, cui successit *Honorius*.

1216

Ab ordine vero priore non recedentes, ordinavimus sic: ut ab *Henrico* tertio tertius liber incipiat. Et bene dico, quia liber quartus posset nominari respectu *Henrici* tertii, qui in vita patris sui *Henrici* secundi coronatus, diadema ad modicum gessit. Verum, quia ante patrem defunctus est, nec patri successit in Regnum, ideo nec tertium voco, nec Regale nomen, vel dignitatem ei ascribo.

*Explicit Liber Secundus.*

B b b b

Incipit



Henricus 3.

## Incipit Liber Tertius.

## CAP. I.

*De Primordiis Regis Henrici Tertii.*

1216

**S**ublato de medio Rege, Comes *Marescallus*, vir magnæ auctoritatis & sani consilii, amicabiliter vocavit ad se certo die multos Comites, & quosdam Barones: & apprehenso puero *Henrico* filio Regis *Johannis*, qui nondum ætatis suæ ix. annum compleverat, statuit eum in medio eorum, & dixit, ecce Rex noster: adjecitque, Charissimi mei, etsi patrem istius propter mala ejus opera persecuti sumus, & juste; iste tamen puer parvulus & innocens est ab operibus patris: cumque peccatum & culpa suos ligare debent auctores, & in verbo Domini filius non portabit iniquitatem patris, ignoscendum est parvulo isti, & teneræ compatiendum ætati. Nunc autem quia filius Regis est, & futurus dominus noster, Regnique successor, venite & constituamus eum nobis in Regem, & ejiciamus à terra nostra *Lodovicum* filium Regis *Franciæ*, & gentem suam, auferamusque opprobrium terræ nostræ, & dirumpamus jugum servitutis iniquæ. Ad hæc Comes *Gloucestrensis*, & quomodo poterimus hæc facere? Vocavimus enim eum, & fidelitatem ei fecimus. Cui ille, possumus inquit & debemus, quoniam fidelitatibus nostris abusus est. Vocavimus enim eum, & volumus eum præfecisse; sed in superbiam jam erectus sprexit & despexit nos: & si dimiserimus eum sic, subvertet nos & terram nostram, erimusque quasi opprobrium hominum & abjectio plebis suæ. Ad hæc quasi divinitus inspirati conclamabant omnes, fiat sic, fiat Rex, fiat Rex: statueruntque diem coronationis suæ, diem scilicet Apostolorum *Simonis & Judæ*, quo die *Londoniæ* coronatus est, & in Regem consecratus, astante Archiepiscopo *Cantuariensi Stephano*, per manus *Galli* Apostolicæ sedis Legati, cujus consilio & admonitione idem Rex cruce signatus est in Festo omnium Sanctorum, eodem anno, scilicet M. CCXVI.

Henricus tertius coronatur.

## CAP. II.

*Triumphavit apud Lincolniam, & ejecti sunt Franci.*

1217

**M**Oxque Consiliarii novi Regis congregato ex universis Provinciis exercitu copioso occurrerunt *Lodovico*, & Baronibus qui cum eo erant, apud *Lincolniam*, in anno sequenti, & commisso ibidem gravi prælio, cæsi sunt multi, & Magnatorum plures captivati, fugientibus cæteris, qui per velocem fugam se salvare poterant: captusque est *Lodovicus* filius Regis *Franciæ*, cum multa fecisset, vastassetque plurima usque *Lincolniam*; & tunc adimpletum est verbum patris sui, quod nunciis ejusdem filii jam dudum dixerat. Cum enim quæfisset à nunciis ubi filius ejus esset in *Anglia*, responderunt apud *Stanfordiam*. Et ille, nunc, inquit, habet Castrum *Doverniæ*. At illi, non. Et intulit Rex, per brachium Sancti *Jacobi* non habet filius meus unum terræ pedem in *Anglia*. Et tandem sedato furore, ait idem *Lodovicus*, Domini charissimi, ab initio terram vestram non veni gratis, sed vocastis me: nunc autem si corpore meo abusi fueritis, ut morti tradar, dicetur de vobis quia seduxistis me: sed facite mihi rogo misericordiam vestram, & cum salvo conductu dimittite me ut revertar; faciamque vobis juramentum, quod nunquam terram hanc ingrediar, nec vobis nec alicui vestrum unquam molestus existam. At illi ad-

Lodovicus redit in Galliam.

quieverunt

quieverunt ei, & accepto juramento, usque ad mare conduxerunt, reversusque *Henricus* est in terram suam, strenuitatem *Anglicanæ* militiæ sic expertus. Rex vero novus, qui patri barbaro impubes successit, præventus est à Deo in benedictionibus dulcedinis. Nam à teneris innocentia suæ annis superni amoris fervorem concepit. In tota vita sua titulo humilitatis & innocentia, puritate conscientia, morum suavitate & gravitate ita excelluit inter prædecesores suos, quibus solo nomine Regio congruebat; & ita quasi Sanctus inter homines imperabat, ut terrenus quidem Angelus videretur.

## CAP. III.

*Quomodo Tyrannus occiditur in Mari cum suis.*

**I**N Primordiis istius novi Regis, erat quidam Tyrannus ex *Hispania*, cognomine *Monachi*. Hic cum multas exegisset prædas, multaque loca suo subjugasset imperio, tandem anhelavit ad Regnum *Angliæ* conquærendum. Cumque quæsisset à suis qualis esset terra, & quis Rex; respondissent que ei, Terra quidem optima, & ejus Rex puer parvulus; confestim subintulit, dignius quidem puerum regi quam regere: quomodo regere potest, cui regi necesse est? eamus ergo & deponamus eum. Statimque magna classe congregata, cum immenso apparatu & exercitu *Angliam* appetiit, & cum esset in mari adhuc longe à terra, cognovissentque Marinarii de *Portibus* adventum ejus, & timuissent eum, eo quod multa mala prædicabantur de hoc homine, dixerunt inter se, si applicaverit Tyrannus iste, vastabit omnia, eo quod terra præmunita non est, & longe distat à nobis Rex cum auxilio suo; ponamus ergo in manibus nostris animas nostras, & aggrediamur eos, dum adhuc in mari sunt, quoniam virtus eo modo minima, & veniet nobis auxilium de Excelsis. Et intulit unus, cujus edicto cæteri favebant, est ne vestrum aliquis, qui hodie pro *Anglia* mori paratus est? Et ait unus, ecce ego. At ille inquit, tolle tecum securum, & cum videris nos cum nave tyranni congregari, statim navis ipsius malum, ascende, & vexillum quod in altum erigitur deprime, ut sic dispergantur & pereant cæteræ naves, dum Ducem non habeant, neque præcesorem. Festinanter itaque conscenderunt naves suas, & laxatis ad ventum velis, cum immenso impetu irruerunt in hostes. Tradiditque Dominus eos in manus eorum: & multis submersis & peremptis, reversi sunt cum gaudio & præda magna, & salvatus est puer & novus Rex per puerum *Jesum* regnantem in secula. Unde fertur ipsum novum Regem, dum die quadam coram altari beatæ Virginis & filii sui Regis afflisteret, tale verbum protulisse, Rogo te puerum Regem, ut me Regem puerum de cætero regas & defendas.

1217

## CAP. IV.

*Quomodo Christiani in Terra Sancta profecerunt, & defecerunt.*

**A**Nno Domini millesimo ccxix. Et Regni Regis *Henrici* quarto, a Christianis nostris capta est *Damiata* civitas validissima, & diu obsessa, mense scilicet *Novembri*; in qua repertus est ingens auri & argenti thesaurus, & armorum copia, & farris abundantia magna: factaque est in castris *Saracenorum* horror & confusio, & amara mentium conturbatio. In populo quidem Dei lætitia magna, sed brevis quidem; nam in superbiam erecti gratia Dei abusi sunt, & ideo, peccatis exigentibus, conversa est lætitia in luctum, & Organa eorum in voces flentium. Dum enim exirent incaute ad obsidendum civitatem *Thaer*, inundatæ sunt aquæ fluminis, & creverunt in immensum, ita, quod reverti non poterant, cum sibi deficerent necessaria. Propter quod in mor-

1219

*Damiata cap-  
ta.*



*Henricus 3.**Damiata Saracenis red-  
dita.*

tis articulo positi pacem, qualem poterant, adepti sunt. Inierunt enim cum hostibus treugas septennales, & *Damiatam* reddiderunt, captivis etiam utrinque liberatis, & Sancta Cruce, ut aiunt, Christianis liberata. Eodem anno Beatus *Thomas* translatus est, *Nonas* scilicet *Julii*; & Sanctus *Hugo Lincolnensis* Episcopus canonizatus est.

## C A P. V.

*Wallenses Rebellarunt & Leulinus fecit Homagium.*

1223

**A**Nno Domini M. CCXXIII. & Regni Regis *Henrici* octavo, *Leulinus* Princeps *Walliæ*, quorundam potentum pravo fretus consilio, sperans eorundem auxilium sed frustra valiturum, insurrexit atque levavit manum suam contra *Henricum* Regem, suscitando guerram gravem, & seditionem magnam: nam villas plurimas ipsius Regis rapina & incendio consumpsit, homines plurimos interemit gladio, & Castella fidelium suorum quasi in planiciem redigens solo tenuis prostravit. Quibus cognitis Rex congregato exercitu, & consilio fretus *Cantuariensis* Archiepiscopi, qui ei fideliter & efficaciter succurrebat, declinavit ibidem. Cumque sui multas exegissent prædas & *Willielmus* Comes *Marescallus* multas terras ejusdem *Leulini*, & plura Castella invasisset, poenituit ipse *Leulinus*; cernensque se ipsum potentia imparem, & longe viribus inferiorem, pacem licet invitus postulavit. Quæ quidem donabatur ei, sed conditione, gratia; fecit enim Homagium Regi cum optimatibus suis, & totam terram, quam *Willielmus Marescallus* ab eo invaserat, & jam quasi vi possidere inceperat cum Castellis, & omnibus pertinentiis suis, eidem *Marescallo* pacifice possidendam concessit, & quietam clamavit in perpetuum: damnumque, quod Regalibus intulerat, se restauraturum in omnibus obligavit, datis ad hoc obsidibus multis de nobilioribus terræ suæ, exceptis tamen interfectis, quos vivificare non potuit. Quibus sic peractis natale Domini tenuit apud *Portsmouth*, ubi consilio & auxilio memorati *Cantuariensis* Archiepiscopi, reddita sunt ei fere omnia Castra sua ad proprium jus Regium pertinentia, & Gratia Dei sic operante per industriam Archipræfulis, factum est hoc subito & in pace, quod vix proficere posset Rex cum armata manu & tempore longo. Sequenti autem anno *Willielmus Marescallus* duxit in uxorem sororem Regis *Henrici*. Eodem anno prædicto obiit Rex *Franciae*, secundo *Idus Julii*, cui successit *Lodovicus*.

*Pax Leulino  
conceditur.*

## C A P. VI.

*Quomodo Rex Henricus concessit suis Magnam Cartam.*

1224

**A**Nno Domini M. CCXXIV. & Regni Regis *Henrici* IX. Idem Rex de consilio magnatorum suorum, & cleri, & populi, concessit & confirmavit omnibus fidelibus suis hanc subscriptam Magnam Cartam Libertatum, perpetuis temporibus tenendam & observandam.

*Magna Carta Libertatum.*

*Magna Carta.*

**H**enricus Dei Gratia Rex *Angliæ*, Dominus *Hiberniæ*, Dux *Normanniæ* & *Aquitaniæ*, Comes *Andegaviæ*, Archiepiscopis, Episcopis, Abbatibus, Prioribus, Comitibus, Baronibus, Vicecomitibus, Præpositis, Ministris, & omnibus Ballivis, & Fidelibus suis præsentem Cartam inspecturis vel audituris Salutem. Sciatis quod nos intuitu Dei & pro salute animæ nostræ, & antecessorum

cessorum nostrorum & successorum, ad exaltationem Sanctæ Ecclesiæ, & *Henricus 3.* emendationem Regni nostri, spontanea & bona voluntate nostra, dedimus & concessimus, & hac præsentī Carta nostra confirmavimus, & pro nobis Hæredibus nostris in perpetuum, de consilio venerabilis Patris S. tituli Sancti Martini, Præbyteri, Cardinalis & Apostolicæ sedis Legati, Domini W. Eborum Archiepiscopi, & aliorum Episcoporum Angliæ, W. Marecalli Comitis Pembrochii Rectoris nostri & Regni, & aliorum fidelium Comitum, & Baronum nostrorum Angliæ, Archiepiscopis, Episcopis, Abbatibus, Prioribus, Comitibus, Baronibus, & omnibus de Regno nostro hominibus, has Libertates subscriptas, habendas & tenendas in Regno nostro Angliæ in perpetuum. Quod Anglicana Ecclesia libera sit, & habeat jura sua integra, & libertates suas illæsas. Concessimus etiam & dedimus omnibus liberis hominibus Regni nostri, pro nobis & hæredibus nostris in perpetuum, omnes libertates subscriptas, tenendas & habendas sibi & hæredibus suis, de nobis & hæredibus nostris. Si quis Comitum, vel Baronum nostrorum, sive aliorum tenentium de nobis in capite per servitium militare, mortuus fuerit, & cum decesserit, hæres ejus plenæ ætatis fuerit, & relevium nobis debuerit, habeat terram suam per antiquum relevium, scilicet, hæres vel hæredes Comitis, de Comitatu integro, pro Centum Libris. Hæres vel hæredes Baronis de Baronia integra pro Centum marcis. Hæres vel hæredes Militis, de Feodo Militis integro pro centum solidis ad plus, & qui minus debuerit minus det, secundum antiquam consuetudinem Feodorum. Si autem hæres alicujus talium fuerit infra ætatem, Dominus suus non habeat custodiam ejus, nec terræ suæ, antequam homagium receperit. Et postquam talis hæres fuerit in custodia, cum ad ætatem pervenerit, scilicet xxi. annorum, habeat hæreditatem suam sine relevio & sine fine. Ita tamen quod si ipse, dum infra ætatem fuerit, fiat miles, nihilominus terra sua remaneat in custodia Dominorum suorum, usque ad terminum prædictum. Custos terræ hujus hæredis, qui infra ætatem fuerit, non capiat de terra hæredis nisi rationabiles exitus, & rationabiles consuetudines, & rationabilia servitia, & hoc sine destructione & vasto hominum & rerum. Et si commiserimus custodiam terræ alicujus tali vicecomiti, vel alicui alii qui de exitibus nobis debeat respondere, & ille destructionem de custodia fecerit, vel vastum, nos ab eo capiemus emendam, & terra illa committatur duobus legalibus viris & discretis de Feodo illo, qui de exitibus nobis respondeant, vel ei cui eos assignaverimus. Et si dederimus vel vendiderimus alicui custodiam alicujus talis terræ, & ille vastum, vel destructionem inde fecerit, amittat ipsam custodiam, & tradatur duobus legalibus & discretis viris de Feodo illo, qui de exitibus nobis respondeant, sicut prædictum est. Custos autem quamdiu custodiam terræ habuerit sustentet domos, parcos, vivarium, molendina, & cætera ad terram illam pertinentia de exitibus illius terræ, & reddat hæredi, cum ad plenam ætatem pervenerit, terram suam totam instauratam de carrucis, & omnibus aliis rebus, ad minus secundum quod eam receperit. Hæc autem omnia observentur de custodiis Archiepiscopatum, Episcopatum, Abbatiarum, Prioratum, Ecclesiarum, & dignitatum vacantium, quæ ad nos pertinent, excepto quod hujusmodi custodiæ vendi non debent. Hæredes autem maritentur sine disparagatione. Vidua post mortem mariti sui statim, & sine difficultate aliqua, habeat maritagium suum & hæreditatem suam, nec aliquid det pro dote sua, vel maritagio suo, vel hæreditate sua, quam hæreditatem maritus suus & ipsa tenuerunt die obitus ipsius mariti, & maneat in capitali messuagio mariti sui per xl. dies post mortem mariti sui, infra quos assignetur ei Dos sua, nisi prius sit ei assignata, vel nisi Domus illa sit Castrum; & si de Castro recesserit, statim provideatur ei domus competens, in qua possit honeste morari, quousque dos sua ei assignetur, secundum quod prædictum est. Et habeat rationabile interim de communi estoverium, assignetur etiam ei pro dote sua tertia pars totius terræ mariti sui, quæ sua fuit in vita sua, ni de minore dotata fuerit ad Ostium Ecclesiæ. Nulla vidua distringatur ad se maritandum,



Henricus 3.

ritandum, dum voluerit vivere sine marito: ita tamen quod securitatem faciat, quod se non maritabit sine assensu nostro, si de nobis tenuerit vel sine assensu Domini sui, si de alio tenuerit. Nos vel Ballivi nostri non seisiemus terram aliquam, vel redditum alicujus pro debito aliquo, quamdiu catalla debitorum præsentia sufficiunt ad debitum reddendum, & ipse debitor paratus sit ad inde satisfaciendum. Nec plegii ipsius debitoris distringantur, quamdiu ipse capitalis debitor sufficit ad solutionem debiti. Et si capitalis debitor defecerit in solutione debiti, non habens unde reddat, aut reddere noluerit cum possit, plegii sui respondeant de debito. Et si voluerint, habeant terras & redditus debitoris, quousque sit eis satisfactum de debito, quod ante pro eo solverint, nisi capitalis debitor monstraverit se esse inde quietum versus eosdem plegios. Civitas *Londoniensis* habeat omnes libertates & liberas consuetudines suas antiquas. Præterea volumus & concedimus, quod omnes aliæ civitates, Burgi, Villæ, & Barones de *Quinque Portibus*, & omnes Portus habeant omnes libertates, & liberas consuetudines suas. Nullus distringatur ad faciendum majus servitium de Feodo Militis, nec de alio libero tenemento quam inde debetur. Communia placita non sequantur curiam nostram, sed teneantur in aliquo certo loco: recognitiones de nova disseisina, & de morte antecessoris non capiantur nisi in suis Comitatibus, & hoc modo; nos vero, vel si extra Regnum fuerimus, capitalis justitiarius noster mittet justitios nostros per unumquemque Comitatum semel in anno, qui cum Militibus Comitatus capiant in Comitatu assisas prædictas: & ea, quæ in eodem adventu suo in Comitatu per justitios prædictos, ad dictas assisas capiendas missos, terminari non possunt, per eosdem terminentur alibi in itinere suo; & ea quæ per eosdem, propter difficultatem aliquorum articulorum, terminari non possunt, referantur ad justitios nostros de Banco, & ibi terminentur. Assisæ de ultima præsentatione semper capiantur coram justitiariis nostris de Banco, & ibi terminentur. Liber homo non amercietur pro parvo delicto, nisi secundum modum ipsius delicti; & pro magno delicto, nisi secundum magnitudinem delicti, salvo contenemento suo; & mercator eodem, modo salva merchandisa sua; & villanus alterius quam noster eodem modo amercietur, salvo wainagio suo, si inciderit in nostram misericordiam. Et nulla prædictarum misericordiarum ponatur, nisi per sacramentum proborum & legalium hominum de vicineto. Comites, & Barones non amercientur, nisi per pares suos, & non nisi secundum modum delicti. Nulla Ecclesiastica persona amercietur secundum quantitatem Beneficii sui Ecclesiastici, sed secundum laicum Feodum suum vel tenementum, & secundum quantitatem delicti. Nec Villa nec Liber homo distringatur facere pontes aut ripas, nisi qui ab antiquo & de jure facere debent & solent. Nullæ ripariæ de cætero defendantur, nisi qui fuerunt in defenso, tempore *Henrici* Regis avi nostri, per eadem loca, & per eosdem terminos, sicut esse consueverunt tempore suo. Nullus Vicecomes, Constabularius, Coronator, vel alii Ballivi nostri teneant placita coronæ nostræ. Si aliquis tenens de nobis laicum Feodum moriatur, & Vicecomes vel Ballivus noster ostendat literas nostras patentes de summonitione nostra, de debito quod defunctus nobis debuit, liceat Vicecomiti vel Ballivo nostro attachiare & inbreviare catalla defuncti inventa in laico Feodo suo, ad valentiam illius debiti, & visum legalium hominum, ita tamen quod nihil inde amoveatur, donec persolvatur nobis debitum, quod clarum fuerit, & residuum relinquatur executoribus ad faciendum testamentum defuncti. Et si nihil nobis debeatur ab ipso, omnia catalla cedant defuncto, salvo uxori ejus & pueris suis rationabilibus partibus suis. Et nullus Constabularius vel alius Ballivus noster capiat blada vel alia catalla alicujus, qui non sit de villa ubi Castrum situm est, nisi statim inde reddat denarios, aut respectum inde habere possit de voluntate venditoris, si autem de villa illa fuerit, infra XL dies reddat pretium. Nullus Constabularius, aut ejus Ballivus, distringat aliquem militem ad donandum denarios, pro custodia

Castri,



Castri, si ipse eam facere voluerit in propria persona sua, vel per alium probum hominem, si ipse eam facere non possit propter rationabilem causam. Et si non duxerimus vel miserimus eum in exercitum, quietus erit de custodia secundum quantitatem temporis, quo per nos fuerit in exercitu, de Feodo pro quo nobis fecerit servitium in exercitu. Nullus Vicecomes, vel alius Ballivus noster, vel alius capiat equos vel carectas alicujus pro cariagio nostro faciendo, nisi reddat liberationem antiquitus statutam; scilicet pro carecta ad duos equos x. denarios per diem; pro carecta ad tres equos xiv. denarios per diem. Et nulla carecta alicujus personæ Ecclesiasticæ, vel Militis, vel alicujus Domini capiatur per Ballivos prædictos, nec nos, nec Ballivus noster, nec alii capiemus boscum ad Castrum seu ad alia agenda nostra, nisi per voluntatem illius cujus fuerit boscus ille. Nos non tenebimus terras illorum, qui convicti fuerint de feloniam, nisi per unum annum & unum diem, & tunc reddantur terræ Dominis Feodorum. Omnes Kidelli de cætero deponantur penitus per *Thamisiam* & *Medewigam* per totam *Angliam*, nisi per costam maris. Breve, quod vocatur Præcipe in capite, non fiat de cætero alicui de aliquo tenemento, unde liber homo perdat curiam suam. Una mensura vini sit per totum Regnum nostrum, & una mensura cervisiæ & bladi, scilicet quarterium *Londoniense*. Et una latitudo pannorum tinctorum, rufetorum & habergettorum, id est, duarum ulnarum inter listas. De ponderibus vero sit ut de mensuris. Nihil detur de cætero pro Brevis inquisitionis, ab eo qui inquisitionem petit de vita & membris, sed gratis concedatur, & nulli negetur. Si aliquis teneat de nobis per Feodi Firmam, vel Socagium, vel Burgagium, & de alio teneat terram per servitium militare, nos non habemus custodiam hæredis, vel terræ suæ, quæ est de Feodo alterius, occasione illius Feodi Firmæ, vel Socagii, vel Burgagii, nisi ipsa Feodi Firma debeat nobis servitium militare. Nos non habebimus Custodiam hæredis vel terræ alicujus quam tenet de alio per servitium militare occasione alicujus parvæ seriantiæ, quam tenet de nobis per servitium reddendi nobis cultellos, vel sagittas, vel hujusmodi. Nullus Ballivus de cætero ponat aliquem manifeste adjuramentum simplici loquela sua, sine testibus fidelibus ad hoc inductis. Nullus liber homo capiatur, vel imprisonetur, aut disseisietur de libero tenemento suo, vel libertatibus, vel liberis consuetudinibus suis, aut utlagetur, aut exuletur, aut aliquo modo destruat: nec super eum ibimus, nec super eum mittemus nisi per legale iudicium parium suorum, vel per legem terræ. Nulli vendemus, nulli negabimus aut differemus rectum vel justitiam. Omnes mercatores, nisi antea publice prohibiti fuerint, habeant saluum & securum conductum exire de *Anglia*, & venire in *Angliam*, & morari, & ire per *Angliam*, tam per terram, quam per aquam, ad emendum, vel vendendum, sine omnibus tollis malis, per antiquas & rectas consuetudines, præterquam in tempore guerræ. Et si sint de terra contra nos guerrina, & tales inveniantur in terra nostra in principio guerræ, attachientur sine damno corporum & rerum, donec sciatur à nobis vel à capitali iustitiario nostro, quomodo mercatores terræ nostræ tractentur, qui tunc inveniantur in terra contra nos guerrina. Et si nostri salvi sint ibi, alii salvi sint in terra nostra. Si aliquis tenuerit de aliqua Escaeta, sicut de honore *Wallingford*, *Notingham*, *Bolon*. *Lanc.* vel de aliis Escaetis, quæ sunt in manu nostra, & sint Baroniam, & obierit hæres ejus, non det aliquod relevium, nec faciat nobis aliud servitium quam faceret Baroni, si Baronia esset in manu Baronis; & nos eodem modo eam tenebimus quo Baro eam tenuit. Nec nos occasione talis Baroniam, vel Escaetæ habebimus custodiam, vel Escaetam aliquorum hominum nostrorum, nisi alibi tenuerit de nobis in capite ille, qui tenuit Baroniam vel Escaetam. Nullus liber homo de cætero det, vel vendat amplius de terra sua, quam ut de residuo terræ suæ possit sufficienter fieri Domino Feodi servitium ei debitum, quod pertinet ad Feodum illud. Omnes Patroni Abbatiarum, qui habent Cartas Regum *Angliæ* de advocatione per antiquam tenuram vel possessionem, habeant



*Henricus 3.* beant earum custodiam, cum vacaverint, sicut habere debent, & sicut supra declaratum est. Nullus capiatur vel imprisonetur propter appellum feminæ de morte alterius quam viri sui. Nullus Comitatus teneatur de cætero in Regno nostro nisi de mense in mensem, & ubi major terminus esse solebat, major sit. Nec aliquis Vicecomes vel Ballivus suus faciat terminum suum per hundredum, nisi bis in anno, & hoc non nisi in loco debito & consueto. Et est consuetudo videlicet semel post Pascha, & iterum semel post Festum Sancti *Michaelis*, & visus de franco plegio tunc fiat ad illud terminum Sancti *Michaelis* sine occasione. Ita scilicet quod quilibet habeat libertates suas, quas habuit, & habere consuevit tempore *Henrici* Regis avi nostri, vel quas postea adquisivit. Fiat autem visus de franco plegio sic; videlicet quod pax nostra teneatur; & quod Trithinga integra sit, sicut esse consuevit; & quod Vicecomes non quærat occasiones; & quod contentus sit de eo, quod Vicecomes consuevit habere de visu suo habendo, tempore *Henrici* Regis avi nostri. Non liceat alicui de cætero dare terram suam alicui Domui Religiosæ, ita quod postea illam resumat de eadem domo tenendam. Nec liceat alicui Domui Religiosæ terram alicujus sic accipere quod postea tradat eam illi, à quo eam recepit, tenendam. Et si quis de cætero terram suam alicui Domui Religiosæ sic dederit, & super hoc convictus fuerit, donum suum penitus cassetur, & terra illa Domino illius Feodi convertatur. Scutagium de cætero capiatur, sicut capi consuevit tempore *Henrici* Regis avi nostri, salvis Archiepiscopis, Episcopis, Abbatibus, Prioribus, Templariis, Hospitalariis, Comitibus, Baronibus, Militibus, & omnibus aliis, tam personis Ecclesiasticis, quam secularibus, libertatibus & liberis consuetudinibus suis, quas prius habuerunt. Omnes autem consuetudines istas prædictas & libertates concessimus in Regno nostro tenendas, quantum ad nos pertinet, & homines nostros, & omnes de Regno nostro, tam Clerici quam Laici observent, quantum ad se pertinet, & erga suos. Pro hac autem concessione & donatione libertatum istarum, & aliarum contentarum, in Carta nostra de Foresta, Archiepiscopi, Episcopi, Abbates, Priores, Comites, Barones, Milites, libere tenentes, & omnes de Regno nostro dederunt nobis quintam decimam partem omnium bonorum suorum mobilium. Concessimus etiam eisdem pro nobis & hæredibus nostris, quod nec nos nec hæredes nostri aliquid perquiremus, per quod libertates in hac Carta contentæ infringantur, vel infirmentur. Et si ab aliquo contra eas perquisitum fuerit, nihil valeat, & pro nullo habeatur. Datum per manum venerabilis Patris nostri Domini *R. Dunelmensis* Episcopi, Cancellarii nostri, apud *Westlondoniam* xi. die *Februarii*, anno Regni nostri nono. Teste me ipso & aliis prænominatis.

*Carta de Foresta.*

*Data est hæc  
Carta anno  
Dom. 1224.  
Regni vero  
Henrici 9.*

**H***enricus* Dei gratia, &c. Baronibus, Justitiariis, Forestariis, Præpositis, Ministris, Ballivis, & omnibus Fidelibus suis Salutem. Sciatis nos intuitu Dei, & pro salute animæ nostræ, & animarum antecessorum, & successorum nostrorum, & ad exaltationem Sanctæ Ecclesiæ, & emendationem Regni nostri, spontanea & bona voluntate nostra, dedimus & concessimus, & præsentī Carta nostra confirmavimus, pro nobis & hæredibus nostris in perpetuum, de consilio Venerabilis Patris Domini *S. tituli Sancti Martini*, Presbyteri Cardinalis, & Apostolicæ Sedis Legati; Domini *W. Eborum* Archiepiscopi; *W. Londoniensis* Episcopi, & aliorum Episcoporum *Angliæ*; *Willielmi Marescalli* Comitis *Wembroki* Rectoris nostri & Regni nostri, & aliorum Fidelium Comitum & Baronum nostrorum *Angliæ*, has libertates subscriptas tenendas in Regno nostro *Angliæ* in perpetuum. In primis omnes Forestæ, quas Rex *Henricus* avus noster afforestavit, videantur per bonos & legales homines, & si boscum aliquem alium quam suum Dominicum afforestaverit, ad damnum illius,



lius, cujus boscus ille fuerit, afforestetur. Et, si boscum suum proprium afforestaverit, remaneat Foresta, salva communia de herbagio, & aliis in eadem Foresta, vel qui eam prius habere consueverit. Homines, qui manent extra Forestam, non veniant de cætero coram iustitiariis nostris de Foresta per communes summonitiones, nisi sint in placito vel plegio alicujus vel aliquorum, qui attachiantur propter Forestam nostram. Omnes autem bosci, qui fuerunt afforestati per Regem *Richardum* avunculum nostrum, vel per Regem patrem nostrum, usque ad primam coronationem nostram, statim deafforestentur, nisi fuerit Dominicus boscus noster. Archiepiscopi, Episcopi, Abbates, Priores, Comites, Barones, Milites, & libere tenentes, qui boscos suos habent in Forestis nostris, habeant boscos suos, sicut eos habuerunt tempore coronationis prædicti *Henrici* Regis avi nostri, ita quod quieti sint in perpetuum de omnibus purpræsturis, vastis, & assartis, factis in illis boscis post illud tempus, usque ad principium secundi anni coronationis nostræ. Et qui de cætero vastum, purpræsturam, vel assartum, sine licentia nostra, in illis fecerint, de vastis, purpræsturis, & assartis nobis respondeant. Rewardores nostri eant per Forestas nostras, ad faciendum rewardum, sicut fieri consuevit tempore primæ coronationis prædicti *Henrici* Regis avi nostri, & non aliter inquisitio, vel visus de expeditione canum existentium in Foresta, de cætero fiat, quando fieri debet rewardum, scilicet de tertio anno in tertium annum, & tunc fiat per testimonium & visum legalium hominum, & non aliter. Et ille, cujus canis inventus est non expeditatus, tunc det pro misericordia III. Solidos, & de cætero nullus bos capiatur pro expeditione. Talis sit expeditio communiter per assisam, quod tres ortelli abscindantur sine pelota de pede anteriori, nec expeditentur canes de cætero, nisi in locis ubi consueverunt expeditari, tempore primæ coronationis prædicti *Henrici* Regis avi nostri. Nullus Forestarius, vel Ballivus de cætero faciat scotale, vel colligat garbas, vel avenam, vel bladum aliquod, vel agnos vel porcellos, nec aliquam collectam faciant, & per visum & sacramentum XII. rewardorum, quando faciunt rewardum. Tot Forestarii ponantur ad Forestas Custodiendas quot ad illas custodiendas rationabiliter viderint sufficere. Nullum Swanimotum de cætero teneatur in Regno nostro, nisi ter in anno; videlicet in principio xv. dierum ante Festum Sancti *Michaelis*, quando Agistatores convenient ad agistandum Dominicos boscos nostros; & circa Festum Sancti *Martini*, quando Agistatores nostri debent recipere pannagium nostrum: & ad ista duo Swanimota convenient Forestarii, Viridarii, & Agistatores, & nullus alius per distractionem. Et tertium Swainemotum teneatur in initio xv. dierum ante Festum Sancti *Johannis Baptiste* pro venatione bestiarum nostrarum, & ad illud Swanimotum tenendum convenient Forestarii & Viridarii, & non alii per distractionem. Et præterea singulis XL. diebus per totum annum convenient Forestarii & Viridarii, ad videndum attachiamenta de Foresta, tam de viridi quam de venatione per præsentationem ipsorum Forestariorum, & coram ipsis attachiatis. Prædicta præterea Swainemota non teneantur, nisi in Comitatu, in quibus teneri consueverunt. Unusquisque liber homo agistet boscum suum in Foresta pro voluntate sua, & habeat pannagium suum. Concedimus etiam quod unusquisque liber homo possit ducere porcos suos per Dominicum boscum nostrum, libere & sine impedimento, ad agistandum eos in boscis suis propriis, vel alibi ubi voluerit. Et si porci alicujus liberi hominis una nocte pernoctaverint in Foresta nostra, non inde occasionetur ita quod aliquid de suo perdat. Nullus de cætero amittat vitam vel membra pro venatione nostra. Sed, si aliquis captus sit, & convictus de captione venationis, gratuito redimatur, si habeat unde redimi possit. Et si non habeat unde redimi possit, jaceat in prisona nostra per unum annum, & unum diem. Et, si post unum annum & unum diem plegium invenire possit, exeat de prisona. Sin autem abjuret Regnum *Angliæ*. Quicumque Archiepiscopus, Episcopus, Comes, vel Baro, veniens ad nos per mandatum nostrum transeat [per Forestam nostram



*Henricus 3.*

fram, liceat ei capere unam bestiam, vel duas, per visum Forestarii, si præsens fuerit, sin autem faciat] cornare, ne videatur hoc furtive facere. Iterum liceat eis redeundo facere sicut prædictum est. Unusquisque liber homo de cætero faciat sine occasione in bosco suo, vel in terra sua quam habet in Foresta, molendinum, stagnum, vivarium, marleram, fossatum, vel terram arabilem, extra coopertum in terra arabili, ita quod non sit ad nocumentum alicujus vicini. Unusquisque liber homo habeat in boscis suis aereas accipitrum, espervarum, falconum, aquilarum, & hieronum. Et habeat similiter mel, quod inventum fuerit in boscis suis. Nullus Forestarius de cætero, qui non est Forestarius de Feodo, reddens nobis firmam pro balliva sua, capiat cheminagium aliquod in balliva sua. Forestarius autem de feodo; nobis firmam reddens per balliva sua, capiat cheminagium, videlicet pro carecta per dimidium annum duos denarios; & per alium dimidium annum ii. denarios; & pro equo, qui portat summagium super dorsum suum per dimidium annum, obolum; & per alium dimidium annum obolum; & non nisi de illis, qui extra ballivam suam veniunt tanquam mercatores per licentiam suam ad boscum, maremium, corticem, vel emendum carbonem, & alibi ducendum, ad vendendum, ubi voluerint. Et de nulla alia carecta vel equo portante summagium capiatur aliquod chiminagium, nisi in locis ubi antiquitus capi consuevit. Illi autem, qui portant super dorsum suum boscum, corticem, vel carbonem ad vendendum, quamvis inde vivant, nullum de cætero dent chiminagium. De boscis autem illorum nullum detur chiminagium Forestariis nostris, præterquam de Dominicis boscis nostris. Omnes utlagati pro Foresta tantum, à tempore *Henrici* Regis avi nostri usque ad primam coronationem nostram, veniant ad pacem nostram sine impedimento, & salvos plegios inveniant, quod de cætero non forisfacient nobis de Foresta nostra. Nullus Castellanus vel alius teneat placita de Foresta nostra, de viridi, sive de venatione; sed quilibet Forestarius de Feodo attachiet placita de Foresta, tam de viridi quam de venatione, & ea præsentet viridariis Provinciarum, & cum inrotulata fuerint, & sub sigillis Viridariorum inclusa, præsententur capitali Justitiario, cum in partes illas venerit, ad tenendum placita Forestæ, & coram eo terminentur. Has autem libertates de Foresta concessimus omnibus; salvis, Archiepiscopis, Episcopis, Abbatibus, Prioribus, Comitibus, Baronibus, Militibus, & aliis, tam personis Ecclesiasticis, quam Secularibus, libertatibus & liberis consuetudinibus suis, in Foresta, & extra in Warennis, & aliis, quas prius habuerunt. Omnes autem istas consuetudines, & libertates, quas concessimus in Regno nostro, tam Clerici quam Laici observent, quantum ad se pertinet, erga suos. Pro hac autem concessione, donatione, & confirmatione libertatum istarum, & aliarum contentarum in Carta nostra de libertatibus, Archiepiscopi, Episcopi, Abbates, Priores, Comites, Barones, Milites, libere tenentes, & omnes de Regno nostro dederunt nobis quintam decimam partem omnium bonorum suorum Mobilium; concessimus etiam eisdem pro nobis & hæredibus nostris, quod nec nos nec hæredes nostri aliquid perquiremus, per quod libertates in hac Carta contentæ infringantur, vel infirmentur. Et si quid contra hæc ab aliquo perquisitum fuerit, non valeat, & pro nullo habeatur. Teste me ipso apud *Westmonasterium* decimosexto die *Februarii*; anno Regni nostri nono.

*Confirmatio Cartarum in ætate plena.*

**H***enricus* Dei gratia, &c. usque finem Magnæ Cartæ. Nunc autem concessimus & præsentī Carta nostra confirmavimus, omnibus prædictis de Regno nostro, omnes libertates & liberas consuetudines contentas in actis nostris, quas eisdem fidelibus nostris fieri fecimus, cum in minore essemus ætate, scilicet tam in Magna Carta nostra, quam in Carta nostra de Foresta: & volumus pro nobis & hæredibus nostris, quod præfati fideles nostri, & successores hæredes eorum, habeant & teneant in perpetuum omnes libertates & liberas consuetudines

etudines predictas, non obstante quod prædictæ Cartæ confectæ fuerint cum *Henricus 3.* minoris ætatis, ut prædictum est, his testibus, *Edmundo Cantuariæ Archiepiscopo*, & omnibus aliis in Magna Carta nominatis. Datum per manum Venerabilis Patris *R. Cicestrensis* Episcopi, Cancellarii nostri, xxxviii. die *Januarii*, anno Regni nostri xxi. & in anno sequenti dabatur Regi Tricesima.

## CAP. VII.

*Excommunicatio super Violatores Cartarum.*

**A**Nno Domini m. ccliii. Idibus Maii, in majori Aula *Westmonasteriensis*, sub præsentia & assensu Domini *Henrici* Regis *Angliæ* illustris, & Domini *Richardi* Comitis *Cornubiæ* fratris sui, *Rogeri* Comitis *Norfolch* Marecalli *Angliæ*, *H. Comitis Hereford*, *H. Comitis Exoniensis*, *J. Comitis Warren*, & aliorum magnatum Regni *Angliæ*. Nos *Bonifacius*, divina miseratione *Cantuariæ* Archiepiscopus, totius *Angliæ* Primas, *R. Londoniensis*, *E. Eliensis*, *R. Lincolnensis*, *W. Wigorniensis*, *W. Norwicensis*, *P. Hereford*, *W. Sarum*, — *Dunelmensis*, *R. Exoniensis*, *S. Carleolensis*, *W. Bathoniensis*, *R. Roffensis*, *E. Minevensis* Episcopi, Pontificalibus induti, cautela accensi in transgressores libertatum Ecclesiarum, seu liberarum consuetudinum Regni *Angliæ*, & præcipue earum quæ continentur in Carta libertatum Regni, & in Carta de Foresta, Excommunicationis sententiam solemniter tulimus in hac forma: Auctoritate Dei Patris Omnipotentis, & Filii, & spiritus Sancti, & gloriosæ Genitricis Dei Virginis *Mariæ*, & bonorum Apostolorum *Petri* & *Pauli*, omniumque Apostolorum; beati *Thomæ* Archiepiscopi & Martyris, & omnium Martyrum; & beati *Edwardi* Regis *Angliæ*, omniumque Confessorum atque Virginum, omniumque Sanctorum Dei, excommunicamus, anathematizamus, & à luminibus Sanctæ Matris Ecclesiæ sequestramus omnes illos, qui à modo scienter & malitiose Ecclesias privaverint suo jure. Item omnes illos, qui Ecclesiasticas libertates, vel antiquas Regni consuetudines approbatas, & præcipue libertates & liberas consuetudines, quæ in Cartis communibus libertatum & de Foresta continentur, concessas à Domino *Rogero*, Archiepiscopis, Episcopis, & cæteris *Angliæ* Prælatibus, Comitibus, Baronibus, Militibus, & libere tenentibus, quæcunque arte vel ingenio violaverint infregerint, diminuerint, seu mutaverint, clam vel palam, facto, verbo, vel consilio, vel auxilio, contra illas, vel earum aliquam, in quocunque articulo temere veniendo. Item omnes illos, qui contra illas, vel illarum aliquam, aliqua statuta ediderint, vel edita servaverint, consuetudines introduxerint, vel servaverint introductas, scriptores statutorum, nec non Consiliariorum & Executorum, & qui secundum eâ præsumpserint judicare. Quoniam omnes & singuli superius memorati hanc sententiam incurfuros se noverint ipso facto, qui scienter aliquid commiserint de prædictis. Qui vero ignoranter nisi commoniti infra quindenam à tempore commonitionis se correxerint, & arbitrio ordinariorum plene satisfecerint de commissis, ex tunc sint hac sententia involuti. Eadem sententia innotamus omnes illos, qui pacem Domini Regis & Regni præsumpserint perturbare. In cujus memoriam nos sigilla nostra præsentibus duximus apponenda.

1253

## CAP. VIII.

*Confirmatio Papæ super Cartas prædictas & super Excommunicatione.*

**I**Nnocentius iv. Episcopus, servus servorum Dei, venerabilibus fratribus Archiepiscopis, Episcopis Regni *Angliæ*, Salutem & Apostolicam Benedictionem.

1254



Henricus 3.

onem. Cum à nobis petitur quod justum est & honestum, tam rigor equitatis, quam ordo exigit rationis, ut id per sollicitudinem officii nostri ad debitum perducatur effectum. Cumque itaque, sicut ex parte vestra fuit propositum coram nobis, vos, prout spectat ad officium vestrum libertatem Ecclesiasticam in Regno *Angliæ* illibatam ab omnibus observari; cum voluntate ac beneplacito charissimi filii nostri *Henrici* illustris Regis *Angliæ*, in omnes illos qui malitiose ac scienter Ecclesias illius Regni suo jure privaverint vel spoliaverint, & libertates Ecclesiasticas, & antiquas Regni consuetudines, quæ continentur in Carta communi libertatum & de Foresta, concessas à Domino Rege vobis & aliis ejusdem Regni Prælati, violaverint, infregerint, diminuerint, seu mutaverint, & qui contra illas statuta ediderint, vel edita observaverint, consuetudines introduxerint, vel servaverint introductas; nec non scriptores, & Executores, Consiliarios Statutorum, ipso facto Excommunicationis sententias duxeritis proferendas, prout in literis super hoc confectis plenius continetur. Nos vestris supplicationibus inclinati, quod à vobis factum est ratum habentes & gratum, illud de fratrum consilio, auctoritate Apostolica confirmamus, & præsentis scripti patrocinio communimus, tenorem ipsarum literarum præsentibus inseri facientes, quæ est talis, Auctoritate Dei Patris Omnipotent. &c. Sicut superius est usque ad finem. Nulli ergo liceat hanc paginam nostræ confirmationis infringere, vel ei ausu temerario contrariari. Si quis autem hoc attentare præsumperit, indignationem Dei Omnipotentis, & bonorum *Petri & Pauli* Apostolorum ejus denoverit incursum. Datum *Andegaviæ*. II. Kal. Octobris, Pontificatus nostri anno XI.

## C A P. IX.

*Wallenses Rebellare ceperunt sub Leulino Principe.*

1228

**A**Nno Domini M. CCXXVIII. & Regni Regis *Henrici* XIII. *Leulinus* Princeps *Walliæ* iterum rebellare cœpit: propter quod Rex, congregato exercitu, declinavit ibidem festinanter. *Leulinus* vero resistendo cum suis multos ex Regiis, cum particulatim incederent, interemit. Inter quos nobilem virum *Willielmum* de *Breans* unicum captum observari jussit. Tandem vero post concursus varios & discrimina multa, per quoddam maritagium cum Rege concordatus est, & in pace dimissus. Anno vero sequenti *Leulinus* eundem *Willielmum* de *Breans* Baronem Nobilem, quem ad Festa Paschalia invitaverat post epistolarum copiam, super adulterio & violatione uxoris suæ accusans, & malitiose eum & hostiliter aggressus est, & eum in carcerem trudens morte turpissima, & absque omni judicio finaliter interemit. Eodem tempore *Honorius* Papa obiit, scilicet anno Domini M. CCXXVII. Cui successit *Gregorius* IX. qui in secundo anno missis Legatis in *Angliam* decimas reddituum Ecclesiarum constanter exegit, nullo reclamante vel saltem audente contradicere, & quod voluit Papa non ex ratione jubebat, sed tamen invaluit, rapiens quæcunque petebat juxta illud, sic volo sic jubeo sit pro ratione voluntas.

*Honorio* Papæ mortuo  
successit *Gregorius* IX.

## C A P. X.

*Transfretavit Rex in Britanniam.*

1230

**A**Nno Domini M. CCXXX. & anno Regni Regis *Henrici* XV. transfretavit idem Rex in *Britanniam*, in auxilium Comitis *Britanniæ*, qui à Rege *Franciæ* quasdam injurias perpeffus est. Recepitque Rex homagia magnatum

tum totius quasi Provinciæ, & modicum quidem ibi moratus est non ægritudine percussus; reversus est in *Angliam* cum fratre suo *Richardo*: reliquit tantum ibi in adiutorium Comitem *Willielmum Mareſcallum*, & Comitem *Ceſtriæ*. Henricus 3.

## CAP. XI.

**A**Nno Domini M. CCXXXIII. Non. Aprilis, beatus *Edmundus* consecratus est in Archiepiscopum *Cantuariensem*, & in anno sequenti factus est *Lincolniæ* Episcopus Magister *Robertus Grosseteste*. 1233  
B. Edmundus  
fit Archiepiscopus  
Cantuariensis.

## CAP. XII.

*Transfretavit Rex in Hiberniam.*

**A**Nno Domini M. CCXXXIV. Et anno Regni Regis *Henrici* XIX. transfretavit idem Rex in *Hiberniam* cum manu armata, eo quod *Richardus Mareſcallus* prius ibidem transfretaverat, pro posse volens terram illam suo subjugare imperio: sed in secretis naturæ plaga percussus in Paschalis tempore ultimum exhalavit spiritum; unde, pacificata terra, rediit Rex eodem anno; & in anno sequenti, de consilio magnatorum suorum, statuta de *Merton* ordinavit, in Regno *Angliæ* perpetuis temporibus observanda.

## CAP. XIII.

*Rex Henricus duxit Uxorem.*

**A**Nno Domini M. CCXXXVI. & Regni Regis *Henrici* XXI. Idem Rex, de consilio Magnatorum suorum, *Alienoram* filiam Comitis *Provinciæ*, sibi matrimonialiter copulavit, coronataque est in Reginam cum immenso gaudio. Et eodem anno ex ea procreavit duos filios processu temporis, *Edwardum* scilicet Primogenitum, qui sibi successit in Regnum, & *Edmundum* Comitem postea *Leycestriæ*, qui factus adolescens Reginam *Navarra*, mortuo ipso Rege, solemniter duxit uxorem: duas etiam procreavit filias idem Rex ex uxore sua, *Margaretam* scilicet, quæ Regi *Scotorum* data est, & *Beatricem*, quæ Comiti *Britanniæ* exitit postmodum copulata. Rex autem *Franciæ Lodovicus* Sororem *Alienoræ* Reginæ *Angliæ* filiam, prædicti Comitis *Provinciæ* Primogenitam, prius duxerat in uxorem. 1236

## CAP. XIV.

*Otho Legatus à Clericis Oxoniensibus turbatus est.*

**A**Nno Domini M. CCXXXVII. missus est à Latere Papæ *Otho* Legatus in *Angliam*, ad corrigendos excessus Cleri & Populi, cum plenitudine potestatis. Qui cum venisset *Oxoniam* occurrerunt ei Magnates, & Clerici, & eum cum immenso gaudio susceperunt. At ipsi postmodum tamen, [cum] vellet negotium procurare, repulsi sunt à suis, & vehementer indignati sunt; propter quod in unum congregati irruerunt in eum, & multis ex ejus familia vulneratis, tres viros ex suis totaliter peremerunt. Ipse vero fugiens recepit se in \* Cloccario de *Disenap*, & ibi salvavit se, donec ira quiesceret. Sedato-

1237

\* Id est, in curri.



Henricus 3.

Edwardus  
Henrici Reg.  
fil. primoge-  
nitus nasci-  
tur.

Edmundus  
Arch. Cant.  
obit.

que furore ipsam villam Ecclesiastico supposuit interdicto, & ex præcepto Regis capti sunt multi, qui tanti sceleris auctores esse dicebantur, & *Londoniam* missi. Hic cum esset onustus pecunia, & quod statuta edidisset, reversus est ad locum unde exierat. Eodem anno Rex cepit tricesimam. An. M. CCXXXIX. XIV. Kal. Julii natus est *Edwardus* filius Regis primogenitus, & à beato *Edmundo* baptizatus. Qui scilicet beatus *Edmundus Cantuariæ* Archiepiscopus in anno sequenti proximo obiit in terris, & locum electorum fortitus est in coelis.

## C A P. XV.

*Transfretavit Rex in Vasconiam.*

1242

Rex Henricus fugit.

Idem pace  
cum Rege  
Galliæ facta  
redit in Angliam.

**A**Nno Domini M. CCXLII. & Regni Regis *Henrici* XXVI. transfretavit idem Rex in *Vasconiam*, cum optimatibus multis, & exercitu grandi, ut terras, quas pater ejus perdiderat, recuperaret. Occupaverat enim Rex *Franciæ* *Saintes* & *Taillebourg*, & mansit ibidem cum exercitu grandi ex altera parte *Carentonii*. Cumque Rex noster fixisset Castra sua ex opposito, mansissetque ibi per dies aliquot, ecce die quadam egressi sunt *Franci*, pontem transeuntes, ut nostros ex improvise aggredierentur ad pugnam; at illi præmuniti occurrerunt eis, quasi in primo transitu pontis, antequam transisset robur exercitus, & percussis quibusdam in ore gladii, alios retrocedere compulerunt. Interim nunciatum est Regi nostro, qui inveniendū fuit à Castris, quod transierant *Franci* & prævaluerant, hortabanturque eum ad fugam, & oppido tegebantur: qua inita, reversi sunt nostri, obtenta victoria, & Regem suum fugientem insecuti sunt. Interim vero videntes *Franci* nostros ex toto fugientes, transierunt secundo in magna turba, & Castra nostrorum & spolia diripuerunt. At ubi nostri Regem suum fugientem comprehendissent, & nunciasent ei prospera, eum continuo cum toto exercitu reduxerunt. Invenientesque *Francos* in Castris, eos hostiliter aggressi sunt, & cæsis multis, quibusdamque à Ponte præcipitatis, cæterisque submersis, qui se fluctibus potius quam hosti credebant, reversi sunt ad Castra cum gaudio & victoria. Mane autem facto misit Rex *Franciæ* nuncios solemnes, qui loquerentur de pace, & hoc cum effectu. Qui Regi pacifico pacifice loquentes ipsius animum ad bonum reduxerunt, & restitutis ei omnibus, reversus est in *Angliam* circa Festum Sancti *Michaelis*.

## C A P. XVI.

*Fredericus Imperator depositus in concilio Lugdunensi.*

1243

Innocentius  
Papa Romam  
relinquit.

Otho 4. Imperator ab Innocentio coronatus ab eodem paulo post excommunicatur.

**A**Nno Domini M. CCXLIII. Post obitum *Gregorii* Papæ, factus est Papa *Innocentius* IV. & VIII. Kal. Augusti cathedratus, qui detestabilem & malitiosam Imperatoris *Frederici* devitare procurans tyrannidem, à sede Apostolica per tempus aliquod exulare decrevit. Unde profectus exinde venit, & commoratus est, cum Cardinalibus suis & Clericis, in civitate *Lugdunensi* super *Rodanum*, quæ distat à *Roma* duabus dietis. Ubi in tertio anno Papatus sui generale Concilium celebrare instituit. Et convocatis ibidem ad ipsius præsentiam Archiepiscopis, Episcopis, cæterisque majoribus universalis Ecclesiæ Prælati, exilii sui causam illico exponere curavit, & fecit: Et, ut magna liqueat exilii sui causa, prænotanda sunt hæc; Imperator *Otho* IV. à Papa *Innocentio* III. fuit coronatus in basilica beati *Petri*. Hic accepta corona statim pugnavit cum *Romanis*, & contra voluntatem Papæ intravit Regnum *Apuliæ*, auferens illud *Frederico* Regi *Siciliæ*. Motusque Papa in offendentem excommunicavit eum. Quarto autem anno Imperii sui Principes *Alemaniæ*, qui



qui ei primo faverant, ab eo recedentes, *Fredericum* sibi Imperatorem elegerunt. Qui veniens navigio usque *Romam*; à Domino Papa & à populo terræ honorifice susceptus est; & inde proficiscens in *Alemanniam* super ipsum *Othone* magnifice triumphavit. Hic autem *Fredericus* vere coronatus fuit in Imperatorem ab *Honorio* Papa in Basilica Sancti *Petri*, regnavitque xxxiii. annos, sed non sicut Ecclesiæ bonus filius. Ipse enim, ab infantia, ab ipsa Ecclesia tanquam per Matrem educatus, & ad Imperii fastigium *Othone* damnato promotus, Ecclesiam Dei non fovit tanquam Matrem; sed velut Novercam in quantum potuit laniavit. Propter quod eidem *Honorio*, qui eum coronaverat, sibi rebellem & *Romanæ* Ecclesiæ adversarium comperiens ipsum anathematizavit, & omnes Principes ejus à sua fidelitate absolvit. Ipse tamen inceptum errorem continuans multas Ecclesiæ Dei injurias intulit, & pro posse gravamen. Inter quos duos Cardinales, qui pro Ecclesiæ subsidio missi fuerant ultra montes, cum redirent ad curiam una cum prælatis multis, qui ad concilium properabant, per naves *Pisanorum* captivavit & retinuit. Quibus provocatus injuriis *Innocentius* Papa prædictus, de communi consilio totius Concilii, ipsum *Fredericum* terribili anathemate condemnavit, &, exigentibus culpis suis, ab imperii dignitate deposuit. Facta sunt hæc in Octavis Sancti *Johannis Baptistæ*. Quæ cum audisset ille depositus, contempsit omnia, & excommunicationis, & depositionis sententiam, pro nullo reputans. Imperatoriæ Majestatis potentiam, ut prius excercuit, & continuavit, misitque epistolas suas ad universos Orbis Principes in hæc verba.

*Fredericus*  
*Imperator ex-*  
*communicatur*  
*in Concilio*  
*Lugdunensi*  
*anno 1245.*

## CAP. XVII.

*Conqueritur super hoc Fredericus.*

**F** *Fredericus* Dei gratia &c. Omnibus Regibus & Principibus per universam Christianitatem constitutis salutem. Illos felices describit antiquitas, quibus ex alieno præstatur cautela periculo, status namque sequentis formatur ex principio præcedentis; & ut impressionem cera recipit ex sigillo, sic eadem vice formatur mortalitas exemplo. Hanc utinam felicitatem nostra serenitas præoptasset: &, quam cautelæ solertiam, vobis Regibus scilicet Christianis, ex nostræ Majestatis nimia læsione relinquimus, O utinam prius alii Reges & Principes læsi similiter reliquissent. Porro quoniam Clerici Patrum eleemosinis impinguati filios opprimunt, ipsique nostrorum filii subditorum paternæ conditionis obliti, nec Imperatorem nec Regem aliqua veneratione venerare dignantur, quoties in Patres Apostolicos ordinantur, quod in circumlocutionibus invictæ ex *Innocentii* Papæ præsumptione probatur, qui vocata Synodo, ut asserit, contra nos generali, nec citatos, nec super aliqua fraude vel pravitate convictos, ausus est sententiam depositionis statuere, quam omnium Regum enorme præjudicium non poterat stabilire? Quid enim vobis singulis Regibus singulorum Regnorum à facie talis Principis sacerdotum timendum non superest, si nos & Principum electione solemni, & approbatione totius Ecclesiæ, & Cleri, dum Clerus fide & Religione vigeat, Imperiali Diademate divinitus insignitos, & alia Regna nobilia magnifice gubernantes, ille deponendos aggreditur? Cujus, quo ad temporalium detrimenta, non interest in nos exercere aliquid rigoris, etiam si causæ legitimæ probarentur. Verum quos sacerdotalis sic infestat abusio potestatis, & à summo conatur præcipitare deorsum, nec primi sumus nec ultimi, & hoc quidem vos facitis simulatoribus sanctitatis obediētes, quorum sperat ambitio quod totus *Jordanus* influat in os ejus. O, O, O si nostræ credulitatis simplicitas à scribarum & Phariseorum fermento, quod est hypocrisis, juxta sententiam salvatoris sibi curaret accendere, quod illius curiæ turpitudines execrari possetis, quas honestas & pudor effari nos prohibet in præsentī! Sane redditus

1245

*Frederici m-*  
*peratoris epi-*  
*stola ad uni-*  
*versos Orbis*  
*Principes.*

copiosi



Henricus 3.

copiosi quibus ex plurimorum Regnorum pauperatione ditantur, quemadmodum ipsi nostis, ipsos faciunt insanire. Apud vos Christiani mendicant ut apud eos paterni manducent. Ibi vestrorum domos obruitis ut his adversariis oppida confirmetis: sic de vestris eleemosinis tales Christi pauperes sustentati, qua beneficii compensatione, qua saltem gratitudinis exhibitione, vobis se præstent obnoxios? quanto indigentibus manus largiores extenditis, tanto non solum manus, sed etiam pedes avidius apprehendunt, suo vos laqueo detinentes sicut aviculam, quæ quanto ad evasione fortius innititur, tanto firmitus alligatur. Hæc nobis ad præsens scribenda curavimus, insufficienter exprimendo votum nostrum, alia quædam reservans vobis pro tempore fereno intimanda, qualiter scilicet, & in quos usus divitias pauperum expendit prodigalitas avarorum, quantis etiam viribus in hac necessitate omnes illos, qui modo nos opprimunt, opprimere posse speramus, etsi se nobis opponeret totus mundus. Quicquid autem fideles nostri latores præsentium vobis retulerint, credatis ac si dictus *Petrus* jurasset; firmissimum reputetis; nec credatis aliquammodo quod, per latam in nos Papalem sententiam, nostræ magnanimitas Majestatis aliquatenus incurvetur: habemus enim conscientie puritatem, & per consequens Deum nobiscum, cujus testimonium invocamus, quia semper fuit nostræ intentio voluntatis, Clericos cujuscunque Religionis ad hoc inducere, & maxime maximos, ut tales perseverarent in fine, quales dudum fuerant in Ecclesia primitiva, Apostolicam scilicet vitam ducentes, humilitatem Dominicam sectantes, & subditos informantes verbo & exemplo. Tales namque Clerici solebant Angelos intueri, miraculis coruscare, ægros curare, mortuos suscitare, & sanctitatem spiritus non carnis amare, sibi Reges & Principes subjugare. At isti seculo dediti, delitiis inebriati, Deum postpulerunt, quorum ex affluentia divitiarum religio suffocatur, Ecclesia perit, & devotio sancta damnatur. Talibus ergo subtrahere nocentes divitias, quibus damnabiliter onerantur, opus est caritatis. Ad hoc vos & omnes Principes terræ, ut cuncta superflua deponentes, mediocribus rebus contenti Deo deserviant, omnes debetis diligentiam adhibere. Valete.

## CAP. XVIII.

## De morte Frederici quondam Imperatoris.

Contigit mors  
Freder. Im-  
perat. an.  
Dom. 1250.  
Die Decemb.  
13.  
Langravium  
Imperator  
eligitur.

**H**ic autem *Fredericus* Imperator dudum *Cruce* signatus, durante excommunicationis sententia, mare magnum transivit, majorem desolationem, quam consolationem Terræ Sanctæ relinquens: postquam vero ab *Innocentio* Papa sic depositus est ab Imperio, Principes *Alemaniae* elegerunt contra ipsum *Langravium Thuringiae*, ut suo regnaret Imperio. Quo tamen post modicum tempus mortuo, *Willielmus* Comes *Holandiae* denuo contra ipsum eligitur ab eisdem Principibus, & hic paulo post a *Frisonibus* occiditur, & sic uterque electus benedictione caruit Imperiali. *Fredericus* quidem, post suam ab Imperio destitutionem, cum inter cæteras Civitates *Lumbardiae Parmam*, tanquam magnopere exosam sibi, forti manu obsideret, à Legato Domini Papæ, & à *Parmensibus* est devictus. *Manfredus* autem filius ejus ambiens Regni scilicet Dominium & thesauros ipsius, tandem, cum difficultate tamen, ipsum Regnum obtinuit, retinuitque, quousque *Carolus* frater Regis *Francorum*, tunc Comes *Provinciae*, à Papa *Urbano* IV. vocatus, & sub Papa *Clemente* quarto veniens, ipsum *Manfredum* vita & Regno privavit. Hic *Fredericus* ab *Augusto* primo nonagesimus quintus fuit Imperator. Et post eum vacavit Imperium usque in præsens. Ipse etiam *Carolus* à Regno *Siciliae* per Regem *Aragonum* postea dejectus est, & in fugam versus. In supradicto Concilio *Lugdunensi* quidam Episcopi, quorum primus extitit *Robertus Grosseteste* *Lincolniæ* Episcopus,

Episcopi quidam  
Monachos Ord. Ci-  
sterci. suo sub-  
jicere Domi-  
nio frustra co-  
nantur.

pus, suis rationibus & allegationibus multis conati sunt in præsentia Domini *Henricus 3.* Papæ libertatem & Dominium *Cisterciensis* Ordinis sibi vendicare & subicere, sed exauditi non sunt ad effectum.

## CAP. XIX.

*Wallenses Rebellece ceperunt secundo.*

**A**Nno Domini M. CCXLV. *Wallenses* effrænati iterum insurrexerunt in Regem, sub capite novo Principe *David*, qui cum multa fecissent, & igne & gladio multa delevisent, ascendit ibidem Rex cum exercitu copioso, credens in brevi totam sibi *Walliam* subjugare, & in tantum in iram motus est, quod, signo Draconis elevato, suos procedere iussit in mortem eorum. Ipsi autem in arto positi pugnaverunt viriliter pro Patria, & non tantum à proposito Regem resilire fecerunt, imo etiam coegerunt eum abire retrorsum. Magnam tamen occisionem fecit Rex, sed non in bello publico; non enim ausi sunt palam cum eo congredi; sed per viarum discrimina suis semper obviabant. Delusus ergo à proposito, eo quod montana ascendere non potuit, statim in convalli ad pedem de *Snawedon* Castrum construxit fortissimum, ponens in eo milites strenuos & viros armatorum electos, qui, eo recedente propter Hyemem, Patriam tuerentur & defenderent. Quibus peractis iussum est ex ore Regis exercitum redire ad propria: sed & ipse Rex cum Regina reversus est, ut alias revertendi ad prælium tempus expectaret idoneum. Non tamen reversus est per tempora multa, nam *Wallenses* egressi destruxerunt Castrum illud quod construxerat, & mediantibus postea viris pacificis, cum eo pacificati sunt & concordati. *Pax inter Wallenses & Henricum.*

## CAP. XX.

**A**Nno Domini M. CCLI. *Alexander* Rex *Scotiae* *Margaretam* filiam Regis *Henrici* duxit in uxorem, factaque est ipsa solemnitas in Festo Natalis Dominici, apud *Eborum*; & fecit homagium Regi *Henrico*. Eodem anno, XVII. *Kal. Septembris*, feria IV, fulgur terribile contigit à media nocte usque mane. Item eodem anno VII. *Kal. Novembris*, feria quinta, ventus extitit validus evertens domos, & quassans lapides. *1251 Rex Scotiae filiam Regis Henrici ducit uxorem. Ventus validus.*

## CAP. XXI.

**A**Nno Domini M. CCLIII. & anno Regni Regis *Henrici* XXXVI. transfretavit idem Rex secundo in *Vasconiam*, circa Festum beati *Petri ad vincula* ut quosdam rebelles, qui ab ejus fide desciverant, ad dignitatem pacis revocaret ille pacis tutor; deditque ei Deus pacem, & manum superam. Itaque absque multa sanguinis effusione rebelles sibi pro voto subjugavit. Quorum quosdam obsides præmisit in *Angliam*, ipse cito reversurus; omnibusque in pace agentibus, & prospere ordinatis, reversus est in *Angliam* in anno sequenti, desponsavitque *Edwardus* filius ejus, cum esset annorum XVI. *Alienoram* filiam Regis *Hispaniae*, & eam in *Angliam* introduxit. Eodem anno LIII. Obiit *Robertus Grosseteste* *Lincolniæ* Episcopus, cui successit *Henricus* de *Beinton*. *1253 De transfretatione Regis Henrici in Vasconiam. Ac de nuptiis Edwardi filii ipsius.*



## CAP. XXII.

1255  
De morte  
Walteri Ebo-  
rum Archie-  
piscopi; &  
de puero à Ju-  
dæis crucifixo.

**A**Nno Domini M. CCLV. obiit *Walterus de Gray Eborum* Archiepiscopus, *Kal. Maii*. Cui successit *Sewallus*, qui in anno sequenti proxime fuit consecratus apud *Eborum*, x. *Kal. Augusti*. Eodem anno *Judæi* crucifixerunt *Hugonem* puerum novennem *Lincolniæ*, *Kalend. Augusti*.

## CAP. XXIII.

*Richardus frater ejus electus est in Regem Alemanniæ. Sewallus Ebor. Archiepisc. & Alexander P. obiere.*

1257

**A**Nno Domini M. CCLVII. Principes *Alemanniæ* elegerunt sibi in Regem *Richardum* Comitem *Cornubiæ*, fratrem Regis *Henrici*, & missis nunciis accersierunt eum, ac in eodem anno coronaverunt, *Kal. Aprilis*. Dominus etiam Papa misit quemdam Archiepiscopum de Ordine Prædicatorum, cum quibusdam aliis sibi sociatis, in *Angliam*, pro *Edmundo* filio Regis *Henrici*, ut ex dono Papæ acquireret, & regnaret in *Apulia*, *Sicilia* & *Calabria*. Sed tamen ipsa res ad effectum non pervenit.

## CAP. XXIV.

1258  
Fames valida  
in Anglia.

**A**Nno M. CCLVIII. obiit *Sewallus Eborum* Archiepiscopus cui succedit *Geoffridus*. Eodem anno fames valida oppressit *Angliam*, & præ fame nimia mortui sunt multi, vendebatur enim quarterium frumenti pro XVI Sol.

## CAP. XXV.

1259  
Alexander  
P. ob.

**A**Nno Domini M. CCLIX. Obiit *Alexander* Papa. cui successit *Urbanus* anno M. CCLXI.

## CAP. XXVI.

*Transfretavit Rex in Franciam, & composuit super Normanniam.*

1259

**E**odem anno Rex & Regina transfretavit in *Franciam*, habita enim fuerat prælocutio per Regem *Alemanniæ Richardum* fratrem Regis *Henrici*, & per alios solemnes Nuncios, ut cum Rege *Francorum* tractaret, & finaliter componeret de *Normannia*. Ductus consilio malo simplex Rex composuit sic, ut Regi *Francorum Normannia* remaneret, reddita sibi & hæredibus suis singulis annis certa summa pecuniæ. Quam tamen pecuniam postea poenitentia ductus nunquam recepit, nec recipere voluit in vita sua. Immo in literis suis & epistolis, toto tempore suo, se Ducem *Normanniæ* appellavit. Sed eo mortuo *Edwardus* filius ejus, & successor in Regno illa duo verba (*Dux Normanniæ*) in suis epistolis non posuit.

## CAP. XXVII.

*De deffentione inter Regem & Barones, & de provisione Oxoniæ.*

**E**X tunc ingressi sunt curiam Regis innumerabiles *Franci*, sicut & antea fuerant *Provinciales*, & repleta est terra quasi ex omni natione quæ sub *Cœlo* est, agebanturque negotia Regalia per alienigenas & ignotos, & facta est eis *Anglia* quasi serviens sub tributo: quoniam *Wardas* & *Relevia*, & cætera emolumenta terræ, præ cæteris omnibus asportabant. Indignatique sunt Magnates terræ videntes hoc, & mutuo loquentes sibi dicebant, quid faciemus alienigenis istis, qui sic opprimunt nos. Si dimiserimus eos, sic asportabunt omnia, & nos vacui remanebimus. Dirumpamus ergo vincula eorum, & projiciamus à nobis jugum ipforum: quoniam si tacuerimus peribit *Anglia*, & nos utique erimus opprobrium hominum & abjectio populi. Et sicut *Simon Machabeus* surrexit pro fratre suo *Juda*, ut pro Populo Dei & Lege paterna certaret ad mortem, sic *Simon de Monte forti* pro *Anglia* erexit se, ut pro Legibus & Libertatibus ejus usque ad mortis perniciem dimicaret. Inito itaque consilio adierunt Regem Comites & Barones, & dixerunt ei, Domine Rex, inter manus alienigenarum res utique tua male agitur, & diversimode tractatur. Nam consumptis universis multo jam deprimeris ære alieno, & datis pro cibariis tuis talleis, versus es in scandalum in omni populo tuo. Nunc ergo sanis adquiesce consiliis, & domum tuam committe dispositioni fidelium tuorum, solvemusque debita tua infra annum ex nostro proprio, ita tamen ut nostrum levare possimus infra quinquennium. Nec familiam tuam minuemus, sed augmentabimus multis militibus, & tibi & Regno tuo omnem adhibebimus diligentiam, & custodiam utique fidelem. Adquievit eis Rex, & certos diem & locum statuerunt, scilicet *Oxoniæ* à die Paschatis in xv dies, ubi convenirent omnes tractaturi de profectu Regis, & utilitate Regni. Convenientibus igitur ipsis ad eisdem diem & locum, in primis ab ipso Rege & cæteris Magnatibus sacramentum petierunt, ut quæ pro utilitae Regis & Regni providerentur, absque ulla contradictione universaliter tenerentur, præstititque juramentum Rex se servaturum statuenda, quæ ad honorem Dei, & Ecclesiæ suæ profectum & utilitatem Regni sui conderentur. Juraverunt & cæteri Magnates quasi omnes. Novem etiam Episcopi, qui convenerant, excommunicaverunt omnes qui huic facto contradicerent, Rege tenente cereum ignitum. Et prædixerunt palam, si ausu temerario vellet quis contradicere, insurgerent omnes in eum velut accipitres in corvum; venerant enim instructi armis, ut quod in animo conceperant statim executioni mandarent. Fratres autem Regis, qui erant quatuor, nolentes in hac parte consentire, occulte quidem recesserunt, tendentes *Wintoniam*. Iratique Barones infecuti sunt eos uno corde & animo, velut catuli Leonum rugientes, ne forte muni-  
rent præsidio civitatem occupatam. Cumque eos comparere compellerent, & cognovissent eos in sua contumacia permanere, statuerunt inprimis quod ad terras suas, quas in partibus transmarinis habebant, transfretarent. Et hoc quidem statutum statim executioni mandabant, Rege pro eis interveniente, & multis precibus supplicante, sed tamen exaudiri non potuit quod ad hoc. Statuerunt etiam quod omnes alienigenæ, cujuscunque conditionis existerent, seu nationis, confestim repatriarent, sub pœna membrorum & vitæ. Statuerunt ad hæc, quod si teneat quis de Rege in parte, & similiter de aliis Dominis pro diversis partibus, si de eo humanitus contigerit, hærede suo infra ætatem legitimam existente, quod Rex hæredem habeat cum terra, quam de Dominio ipsius tenet. Et cæteri Domini habeant terras de feodis eorum, usque ad ætatem hæredis, & escaetas, & relevia, unusquisque eorum secun-

*Contigit hoc secundum Matth. Par. an. 1258.*

*Barones alienigenis invident.*

*Rex & Barones Oxoniæ conveniunt.*



Henricus 3.

Multi veneno  
pereunt.

dum partem tenuræ fuæ. Statuerunt insuper, quod lanæ terræ operarentur in *Anglia*, nec alienigenis venderentur, & quod omnes uterentur pannis laneis infra limites terræ operatis, nec nimis pretiosas vestes quærerent. Item quod expensas voluptuarias & superfluas omnes pro posse devitarent. Alia quædam statuta sunt, & ordinata, quæ causa brevitatis scripta non sunt in libro hoc. Moratique sunt ibidem per dies xv. & multi veneno perierunt. Extinctus est enim Abbas *Westmonasteriensis*, vir utique nobilis & discretus, & *Willielmus* frater Comitis *Gloverniæ*, vir commendabilis & strenuus. Ipse etiam Comes *Gloverniæ*, in cura medicinali usque ad Assumptionem persistens, cum difficultate maxima mortem evasit. Ceciderunt enim pili ex capite ejus, & ungues ex manibus, noluit autem Dominus tanto necessitatis articulo, & tam evidenti periculo ipsius præsentia *Angliam* viduari: quæ quidem seditio imposita fuit & imputata cuidam Militi *Waltero* de *Scotenay*, & ad appellum Comitissæ de insula comprehenditur, judicatur, & trahitur. Videntes igitur Magnates pericula multa, nec expedire in præsentia consilium revelare, clauserunt ordinata, & sigillis singulorum munierunt, statuentes diem certum à festo *Sancti Michaelis* in xv dies, ut omnes convenirent *London*, & essent parati cum armis ad perficiendum quod inceperant. Adveniente igitur die convenerunt omnes, & singulis diebus, quasi per mensem integrum, in consiliis persistebant, & armis. Tandem publicata sunt omnia & executioni potentialiter demandata.

## CAP. XXVIII.

*Quomodo pœnituit Rex. Et de arbitrio Regis Franciæ.*

1262

Rex, obten-  
ta absolutio-  
ne à juramen-  
to, promissis  
non stetit.

**P**ublicatis statutis, & executioni demandatis, displicuerunt multa Regi, & pœnituit eum sic jurasse, sed quia resistere non potuit ex abrupto, dissimulavit ad tempus. Cumque elapso anno non videret se, ut promiserant, à debitis relevari, sed magis onerari, in multum condoluit. Et, missis ad Papam nunciis, quo ad Sacramentum præstitum absolutionis beneficium consecutus est, & quo ad se & suos omnes. Absolvit etiam Papa indifferenter omnes ab eodem juramento, ut citius inter se in vinculo pacis unirentur. Statimque absolutione obtenta resiliivit Rex à promissis. Et convocato Parlamento suo *Oxonie*, quæstionem movit Magnatibus suis, dicens, se, quantum ad provisiones tenendas, callide quidem inductum & seductum. Insuper, quo ad Sacramentum præstitum, & pro se & suis & universaliter omnibus absolutionis beneficium generaliter impetrasse; unde petiit se ad omnia restitui, sicut antiquitus esse consuevit. At illi, qui convenerant, Comes scilicet *Leycestrie*, *Simon* de *Monteforti*, Comes *Gloucestrie*, *Gilbertus* de *Clare*, *Humfridus* de *Bonne* juvenis, Comes *Ferrariensis*, Barones etiam quam plurimi, scil. Dominus *Johannes Filius Johannis*, Dominus *Henricus* de *Hasting*, Dominus *Galfrius* de *Lucy*, *Johannes* de *Wesey* juvenis, Dominus *Nicolaus Segrave*, *Hugo* le *Spenfer*, & *Robertus* de *Wesponte*, pro se quidem & suis sequentibus unanimiter responderunt, quod Provisiones, ad quas juramento astricti fuerant, usque in finem vitæ tenere voluerunt, eo quod pro utilitate Regis & Regni communiter editæ fuerant, & confirmatæ. Dumque sic vota sua mutassent in varia, & impacati recedere voluissent, quidam Episcopi qui aderant, interposuerunt partes suas; ita quod ipsis, & aliis amicis communibus sic cum difficultate mediantibus, compromiserunt partes utrinque se velle stare in omnibus arbitrio Regis *Franciæ Lodovici*. Qui quidem Rex, auditis hinc inde propositis, & diligenter ponderatis, decrevit in fine, Regi *Angliæ* exheredationem fieri manifestam; unde statuta eorum quasi omnia reprobavit, & eadem Regi statum pristinum restituit, imponens aliis silentium, quantum ad jura

jura Regalia ordinanda. Motique magnates & indignantes recesserunt, *Henricus 3.* re nolentes ejus arbitrio, eo quod pro Rege omnia Rex ipse judicavit.

## CAP. XXIX.

*Captio quorundam Baronum apud Northampton.*

**R**everfis ergo magnatibus se, in quantum poterant, ad arma præparabant, quod audiens Rex, ipse etiam se modis omnibus præparabat, adducens cum eo alienigenas & *Francos* multos. Interim vastabantur Regalia jura, & igne & gladio multi decidebant. Cumque cognovisset Rex multos ex Baronibus apud *Northampton* convenisse, divertit ibidem cum exercitu, adduxitque cum eo Regem *Alemannie* fratrem suum, & *Edwardum* filium suum, *Johannem Comyn* de *Scotia*, qui multos adduxerat *Scotos*, *Johannem de Baliol*, Dominum *Galwidie*, *Robertum* de *Bruss*, Dominum de *Valle Anand*, *Rogerrum* de *Clyfford*, *Philippum Darnyon*, *Johannem de Claus*, *Rogerrum* de *Layburum*, *Henricum* de *Perry* & *Philippum Basset*, *Rogerrum* de *Mortemer*, & *Willelmum* de *Valente* fratrem suum, & multos alios: mandavitque Rex Baronibus qui jam aderant, quod urbem & obsides sibi continuo redderent, vel statim irrueret in mortem eorum. At illi consulentes cum *Simone de Monteforti* Juniore, qui ex præcepto Patris cæteros ibidem ad consulendum attraxerat (nondum enim advenerat Pater ejus nec Comes *Glovernie*) audacter quidem & unanimiter responderunt, quod mandatum Regis non facerent, immo se & urbem defenderent, si esset necesse usque ad mortem. Quod audientes Regales miserunt denuo, quod saltem venirent ad murum Civitatis, ut ex muro loquerentur ad Regem, si quomodo posset via pacis & forma inveniri. At illi nihil doli suspicantes adqueverunt eis, & relictis custodiis suis, murum versus pratum adierunt, ibi enim Rex & robur exercitus imminebat. Interim vero dum inter Regem & Barones varii haberentur tractatus & diversi, Dominus *Philippus Basset*, qui ad hanc seditionem fuerat præordinatus, cum ligonibus & instrumentis ferreis, & viris præparatis, juxta Monasterium Sancti *Andree* murum suffodit civitatis, corruique murus de facili, & facta est planities magna, ita quod in uno fronte ingredi possent Equestres XL. Imputatus est etiam ipse dolus vel Monachis alienigenis, quod introeuntibus introitum præparabant, dumque à transeuntibus istud cerneretur, & vexilla Regalium ad introeundum essent erecta, factus est utique ululatus multus, & clamor populi ascendit ad Barones, festinaveruntque ibidem resistere, sed incassum, quoniam ab hostibus jam in magna multitudine præventi sunt. *Simon* vero Juvenis cum *Petro de Monteforti*, & paucis eum sequentibus, per medium eorum transfiliens, cum aliquantisper strenue militasset, & esset ab hostibus circumseptus, adveniente jam filio Regis *Edwardo*, jussu ipsius captus est. Clerici vero Universitatis *Oxonienfis*, quæ quidem universitas jussu Baronum ibidem translata fuerat, ipsis ingredientibus & insultantibus, majora inferebant mala quam cæteri Barones cum fundis, & arcubus, & balistis; habebant enim vexillum per se & in sublimem contra Regem erectum; unde iratus Rex juravit in ingressu, quod suspenderentur omnes; quo audito raserunt capita sua multi, & fugam, qui poterant, velocem inierunt. Ingresso itaque Rege in urbem ut inimicam fugerunt multi, ita sicut erant armati, in Castrum: alii relictis equis & armis in Ecclesiam: pauci tamen corruerunt, & hi quidem de communi populo, nec erat multus sanguis effusus, quoniam quasi subito hæc omnia facta sunt. Pacificata tandem urbe, jussit Rex in Clericis exerceri quod juraverat. Et dixerunt ei, absit hoc à te, O Rex, nam filii Magnatorum tuorum, & cæterorum hominum de Regno tuo, huc cum Universitate conveniunt, quos si suspendi feceris seu detruncari, insurgent in te etiam illi, qui modo

1264

*Northamptonia expugnata.*



Henricus 3.

tecum sunt, non permittentes pro posse sanguinem filiorum suorum, seu proximorum effundi; placatusque est Rex, & contra Clericos quievit ira ejus. In ipso etiam eodem die, post horam, aliquantum insultum fecerunt ad Castrum ipsi Regales: timentesque sibi novi Castrenses, eo quod victualia & cætera resistendi necessaria non haberent, statim missis nunciis dederunt se in gratiam Regis. Captique sunt in die illa Milites subscripti & Barones, Dominus *Willielmus de Ferrariis*, Dominus *Petrus de Monte forti* socius prædicti *Simonis Junioris*, Dominus *Rawdewynus de Wake*, Dominus *Adam de Peumarche*, Dominus *Rogerus Bertram*, Dominus *Simon filius Simonis* Miles strenuus, & qui primo vexillum erexit contra Regem, Dominus *Hengeramus de Waterville*, Dominus *Hugo Gubyon*, Dominus *Thomas Daunsel*, Dominus *Robertus Antebilaun*, Dominus *Nicholaus de Wake*, Dominus *Robertus de Peuton*, Dominus *Philippus de Scriby*, & *Grymbaldus de Dauntebolt*; omnes prædictos captivavit Rex, & plures alios, quorum quosdam in eodem Castro bene munito sub custodia Domini *Nicolai de Hantresham* custodiendos tradidit, quosdam secum adduxit, quosdam etiam ad diversa Castra, & *Simonem de Monte forti* ad Castellum de *Wyndeshores* destinavit: factaque sunt hæc, quo ad captionem *Northamptoniæ*, Sabbato primo in passione Domini, scilicet III. Non. Aprilis. Anno Domini M. CCLXIV. Perrexitque Rex usque *Notingham*, incendens & devastans Maneria Baronum, & cæterorum hostium: ibique recollegit Magnates suos, & numerum suorum vehementius adauxit.

## CAP. XXX.

*Deinceps usque ad Bellum de Lewes.*

1264

Cumque rumor iste sinister Comiti *Simoni*, qui cum exercitu grandi versus *Northampton* inveniendū erat, à transeuntibus & fugientibus diceretur, infremuit: nec tamen concidit vultus ejus, sed statim *Londoniam* adiens fecit sibi fieri currum quasi falcatum, in quo æquitaret, ac si esset ægrotus. Finxit enim se debilem, & infirmum, cum esset bellator robustus & fortis; congregatique sunt ad eum cæteri Magnates complices sui, Comites & Barones, & singuli singulos adduxerunt cohortes; præparatisque ibidem ligneis machinis profecti sunt ad obsidendum *Roucestriam*. Comes enim de *Warennia* & Villam tenuit & Castrum ex parte Regis. Cumque primam partem una cum Ponte cepissent, & illinissent in parte, vulnerati sunt multi, & retrocedere compulsi sunt, ibique vulneratus est strenuus ille Miles *Rogerus de Layburum*, & male tractatus. Dumque sic obsidionem continuarent ad tempus, nunciatum est eis, quod inveniendū erat Rex versus *Londoniam* cum exercitu copioso: & dixerunt ad invicem, si in adventu suo *Londoniam* occupaverit Rex, erimus hic inclusi quasi in agulo terræ, revertamur ergo *Londoniam*, ut & locum salvemus, & gentem. Positis ergo quibusdam cæteris personis ad tenendam obsidionem, *Londoniam* reversi sunt. Adveniente demum Rege exierunt cum civibus obviam ei, non tamen ad recipiendum cum Palmis, sed ad repellendum cum Lanceis: declinavitque Rex, & capto Castello de *Kingsston*, quod erat Comitis *Gloucestræ*, profectus est *Roucestriam*, ubi interfectis quibusdam, obsidionem aliam fregit. Indeque perrexit Rex apud *Tunbridge*, & reddito ei Castro cum Villa cepit ibidem Comitissam *Gloucestræ*, & eam posuit in Abbatia, non custodiendam quidem, sed ut abiret libere quo vellet: reliquitque ad custodiam Castri & Urbis magnam partem sui exercitus, plusquam xx Vexillarios electos, eo quod communiter diceretur, quod Comes *Gloucestræ* ad expugnandum eos in proximo adveniret. Quo facto iter inceptum continuavit usque *Winchelsea*, ubi Marinarios de Portibus recepit ad pacem, & cum eis plene concordatus est. Post triduum autem egressus

Barones Londoniam revertuntur.

egressus à loco illo venit in sequenti sabbato ad villam de *Leues*, & receptus est Rex in Abbazia, filius autem ejus in Castro. Interim mittebant literas ad Regem Barones, XII scilicet die *Maii*, excusatorias & comminatorias in parte, dicentes se ei honorem velle, quantum ad personam, & statum proprium, homines tamen quosdam, quos secum tenuerat, impetere velle velut hostes publicos, ubicunque invenirentur in terra. At ille communicato consilio rescripsit eis, & præcipue duobus Comitibus *Leicestræ*, arguens eos de damnis sibi illatis, incendiis, & rapinis, & quod per eos in terra sua guerra mota est. Adjiciens quod homines, quos gravare voluerant, eos tanquam fideles suos reputans pro posse defenderet, & liberaret, & injurias eis illatas, tanquam proprias emendari faceret, & pro tempore judicaret. Quibus auditis appropinquabant Regi, non enim distabant multum à loco illo, qui dicitur *Leues*: cumque Regalibus foragium defecisset, præceptum est in die *Martis*, ut præcederent pro quærendo fœno & paleis. Quibus proficiscentibus præventi sunt plures, & ab hostibus interempti, reliqui vero viderunt hostes venientes in summo diluculo diei *Mercurii*, & exclamantes excitaverunt Regem & suos ad arma capienda: venientes ergo Barones in plena planicie descenderunt ibidem, & equos tingentes arma præparabant. Ubi Comes *Simon* ipsum Comitem *Gloucestriæ* & *Robertum* de *Uer* una cum multis aliis novos fecit Milites, & armis militaribus eos insignivit. Quo factò omnem exercitum in quatuor acies separatas divisit, & distinxit, statuitque magnates in singulis, qui acies dirigerent & gubernarent. Aciei vero primæ constituti sunt Duces *Henricus* de *Monteforti* Primogenitus Comitis *Simon*, & *Gwydo* Frater ejus, Dominus *Johannes* de *Burgh* Juvenis, & Dominus *Humfridus* de *Bolton*. Aciei vero secundæ Dominus *Gilbertus* de *Clare* Comes *Gloucestriæ*, Dominus *Johannes* filius *Johannis*, & Dominus *Willielmus* de *Montensy*. Aciei autem tertiæ, in qua *Londonienses* erant, ad rogatum eorum Dominus *Nicolaus* de *Segrade* assignatus est, qui etiam instanter supplicarunt, ut primos belli ictus habere possent, & eventum rei sub dubio recipere. Quartæ vero aciei Dux fuit ipse Comes, cum Domino *Thoma* de *Wilsedon*. Interim egressi sunt Regales, ad pugnam se præparantes per tres turmas, quarum primam ducebat filius Regis *Edwardus*, cum Comite de *Warrenne*, & *Willielmo* de *Valente* fratre Regis. Secundam vero Rex *Alemanniæ* cum filio suo *Henrico*: tertiam autem ipse Rex cum Magnatibus suis: quartam vero aciem non constituit Rex, eoque plures Vexillarios reliquerat post se ad custodiendum villam, & Castrum de *Tunebrige* contra Comitem *Gloucestriæ*, & erat ibi juvenilis ætas quasi totius militiæ suæ, non enim credebat Rex adventum Baronum tam propinquum. Præparatis itaque hinc & inde aciebus, exhortabantur ad invicem ad strenue militandum: & conferto gravi prælio corruerunt multi pedestres quasi in momento: statimque Regis filius *Edwardus* cum acie sua, ut pote juvenis acer & miles strenuus, irruit in hostes cum tanto impetu, quod eos retrocedere compulit spatio magno, ita quod posteriores quidam, ex retrocessione credentes primos corruisse, fugerunt plures, & aquæ se credentes, ut transibant, submersi sunt milites circiter LX, cæsisque aliquibus fugerunt statim *Londonienses*, qui primos ictus petierant, belli discrimina ignorantes; quos insequabatur *Edwardus* cum turma sua, cædens extremos eorum spatio duorum vel trium milliarium, eos enim habebat exosos, pro eo quod recesserant à Patre, & matrem suam dehonestaverant, cum à *Westmonasterio* usque Regiam turrem per aquam *Thamesim* navigaret, projicientes ex ponte in navem ipsius lutum & lapides, & contumeliosa verba prompserant. Interim vero, dum sic sequeretur fugientes, irruerunt Barones in aciem Regis secundam, periitque ejus pars maxima, & captus est Rex *Alemanniæ* cum *Roberto* de *Brups*, & *Johanne Comyn*, qui *Scotos* adduxerant numeros, perforataque est acies ipsius Regis, & dextrarius ejus occisus. Cumque vidissent sui multos corruisse, & quam plures fugam iniisse, reducerunt Regem in Abbatiam, unde prius exierat, claudentes portas, & custodiam adhibentes cum

*Henricus 3.  
Baronum ad  
Regem litera.*

*Novi milites  
creantur à  
Comite Symo-  
ne.*

*Londonienses  
ab Edwardo  
fugati.*

*Rex à Baro-  
nibus una cum  
Rege Ale-  
manniæ cap-  
tus.*



Henricus 3.

cum multis militibus. Ingressique sunt Barones in urbem obventa victoria, nec facile discerni poterat per longum spatium, præ multitudine vulneratorum, qui dicerentur Regales, & qui Baronales. Dumque fierent hæc, *Edwardus* filius Regis, cum turma sua reversus, & videntes sui in planicie currum, quem fieri fecerat Comes *Simon* ad equitandum, stantem cum eis absque auriga vel Duce itineris, cucurrerunt, & quasi in momento dilaceraverunt eum, duos etiam Burghenses, quos invenerunt in eo, gladio peremerunt: appropinquantes autem ad locum occisorum, & stragem intuentes permaximam, expavit cor eorum, & ferocis animi vultus deperit: confortabat tamen corda eorum Dux ille strenuus Regis filius, & ut essent viri robusti modis omnibus animabat; appropinquantibus ipsis ad urbem, exierunt Barones obviam eis, & conferto gravi prælio corruerunt hinc & inde, fugitque Comes de *Warennæ* cum duobus Regis filiis *Willielmo* de *Valence* & *Grydone* fratre ejus, & sequebantur eos plusquam septingenti armati electi, qui erant de domo & familia eorum; & eadem die proficientes usque *Deventry* mare transierunt. Fugit etiam *Hugo Wygot* cum multis aliis, & filium Regis strenue militantem vecorditer reliquerunt: quod videns ipse denuo circumduxit Villam usque Castrum, & ibi non invento Patre reversus est ad eum in Abbatiam. Interim tumultuabat civitas per partes utrasque, vacabant enim spoliis, & rapinis, & equis occisorum stabiliendis, nec adhuc se mutuo recognoscere potuerunt. Cumque post modicum coadunati Barones insultum fecissent ad Castrum pro *Johanne Giffard*, & aliis concaptivis, quos Regales acceperant, defenderunt se strenue, & emissis telis ignitis magnam partem Villæ incenderunt. Quod videntes Barones retraxerunt se, & ad Abbatiam diverterunt, & illuminata est Ecclesia telis eorum, sed tamen post modicum ignis ille extinctus est. Videns autem filius Regis eorum audaciam, & relictis multis ex suis, cum remansissent adhuc plures viri strenuissimi, disposuit iterato exire ad pugnam. Quo cognito miserunt Barones mediatores pacificos, qui diem differentes in crastinum, promiserunt quod in crastina die loquerentur de pace plena cum effectu. Actaque sunt hæc in mense *Mai*, die Sancti *Dunstani* Episcopi, anno Domini M. CCLXIV. Sequenti vero die Jovis discurrebant inter Regem & Barones bini & bini de Ordine Prædicatorum & Minorum, portantes verba pacifica, & sic cum quibusdam aliis interponentes partes, quod sequenti die Veneris tradidit se filius pro Patre, *Edwardus* scilicet pro Rege, & pro cæteris commilitonibus suis. Et *Henricus* filius Regis *Aleman-niæ* dedit se pro Patre suo, & hoc sub spe pacis & quietis, ut cum deliberatione tractarent in posterum, quæ provisionum & statutorum essent pro utilitate Regni tenenda, & quæ rationabiliter recusanda, & quod hinc inde captivi libere & absque ullo dato redderent. Sequenti vero Sabbato licentiavit Rex suos quasi omnes, & abierunt in pace ad loca sua, tam Castrenses quam Familiares, & cæteri, qui fuerant in Ecclesia constituti. Misitque Rex, de consilio filii sui & Comitis, litteras suas ad fideles suos, quos in munitione de *Tunebrige* constituerat, quod de cætero Baronibus quicquam mali non inferrent, sed redirent ad propria, eo quod pax erat in januis, & modis omnibus adimplenda. At illi non credentes perrexerunt, ita ut erant armati, usque *Wintoniam*, & manserunt ibi in præsidio usque post evasionem *Edwardi* filii Regis à carcere. Primo tamen cum audissent apud *Tunebrige* Regem devictum, & *Londonienses* per filium Regis in fugam versos, præsidente *Willielmo* de *Sey*, qui à conflictu fugerat, quod hospitarentur *Londonienses*, qui fugerunt, apud *Croyden*, irruerunt in eos, advesperante die, & captis spoliis multos peremerunt.

*Edwardus*  
Regis filius  
& *Henricus*  
Regis *Ale-*  
*manniæ* filius  
se dedunt Ba-  
ronibus.

## CAP. XXXI.

*Quomodo Edwardus evasit à Carcere.*

**D**E crescente parte Regis, & roborata parte Comitis, difficiliorem se Comes exhibuit; eo quod Rex & omnia sua à potestate Comitis & gratia dependebant; circumduxerunt ergo filium Regis ad fortiora Castella, quousque quasi omnia Castra terræ in potestatem Comitis traderentur, & ex tunc arctius solito custodiebant eum. Cumque crebresceret fama, quod filius Regis in vinculis teneretur, excitaverunt eum ut tornearet, ut videretur à populo. At ille prævinitus, & seditionem timens, non se credebat eis: filii autem Comitis, qui erant quatuor, scilicet *Henricus, Simon, Gwydo, & Henricus*, in superbiam erecti, fecerunt multa mala, quæ displicuerunt Comiti *Gloucestræ*, inter quæ *Henricus* ille primogenitus, cum ipso Comite *Gloucestræ*, torneasse debuerat apud *Northamptonam*, sed defecit, eo quod timebant plures inde posse deterius evenire. Motusque Comes misit ad patrem eorum Comitem *Simonem*, & petiit sibi mitti insignes captivos, quos ipse ceperat in Bello de *Letwæ*, inter quos Rex *Alemanniæ* nominatur primus. At ille remandans respondit sibi sufficere debere, quod ei terras salvaverat in ipso die Belli. Noluit ergo mittere, sed nobiliores servavit in Castro *Doverniæ*. Inter quos fuit ipse *Philippus Basset*, qui in conflictu *Northampton* murum confoderat, ut supra continetur. Indignatus ergo Comes *Gloucestræ* accepto responso, misit continuo ad Dominum *Rogero* de *Portemer*, qui parti Regis semper absque mutatione adhæserat, quod mutuo loquerentur sibi pro utilitate Regis & Regni. At ille timens, ne forte non fidelis esset, petiit obsidem, & obtinuit. Convenientibus tandem ipsis dixit ei Comes omnia quæ facta sunt, & quod pœnituit eum peccasse in Regem, & peccati maculam delere velle. Miserunt ergo secreto ad *Robertum* Fratrem ipsius Comitis *Gloucestræ*, qui cum *Simone* Comite morabatur. Et inter primos ipsius magnus tenebatur. Quomodo unanimes effecti sunt, & quod ad liberationem filii Regis cautius instaret, cum ad id se offerret oportuna facultas. Misitque prædictus *Rogerus* de *Portemer* ad filium Regis equum optimum, & cursores velocissimos, in quo confidere posset, cum sibi videret tempus opportunum. Quibus cognititis petiit *Edwardus* de consilio prædicti *Roberti* à Comite *Simone* licentiam spatiandi & probandi dextrarios, si forte torneare deberet, sicut & aliquando voluissent. Et erant tunc apud *Herefordiam* & Rex & Comes: semper enim Regem secum tenuit Comes in honore. Accepta itaque licentia, cum jam currisset equos aliquos & eos lassos reddidisset, tandem ascendit illum equum electum, quem prædictus *Rogerus* de *Portemer* ei miserat. Et ob hanc tamen, præmissis interim Puero, qui ei consenserat, cum duobus gladiis & in equo optimo, conversusque ipse ad custodem suum *Robertum* de *Hereford*, cæterosque socios circumstantes, dixit, Domini Charissimi, aliquantisper mansi in custodia vestra, & ulterius manere nolens ad Dominum vos commendo: & conversis loris cum festinatione abiit. Insequentes autem eum cæteri comprehendere non poterunt; & demum videntes *Rogero* de *Portemer* à Castro suo de *Wiggemore* cum multis armatis venientem ei obviam, sicut primitus condixerant, reversi sunt vacui, & sic illusi. Eodem anno scilicet M. CCLXIV. obiit *Urbanus* Papa, cui successit *Clemens* IV.

1264

Comes Gloucestræ cum quibusdam aliis deficit à Comite Simone, & una cum ipsis de liberando Edwardo conspirat.

Edwardus è custodia Comitis Simonis evadit.

Urbanus P. obit.



## CAP. XXXI.

## De Kenylworth, &amp; Bello de Evesham.

1265

**A**Udita evasione filii Regis à carcere concurret ad eum multus populus, & cum immenso gaudio susceperunt eum, inter quos qui primus extitit Comes *Gloucestræ*, & cæteri Regales, qui apud *Bristol*, & in confinio ejus diu manserant: crevitque in tempore brevi exercitus ejus in immensum, quo cognito timuit sibi Comes *Leicestræ*, *Simon de Monteforti*, & mittens in *Walliam* vocavit inde multos, & robur sui exercitus ex omni qua potuit parte multiplicavit. Misit etiam *Simonem* filium suum ad Magnates Boreales ut eos cum omni festinatione adduceret. Qui coadunatis multis fere xx. Baronetis, & plebe multa, fecit aliquantisper stationem apud Castrum de *Kenylworth*. Nunciatumque est hoc *Edwardo* filio Regis per exploratorem suum *Margoth*, qui, cum mulier esset, in veste tum virili velut homo gradiebatur, & per *Rad. de Arderne*, quæ cum esset ex parte altera, consocios tamen prodit & decepit. Eratque tunc *Edwardus* apud *Wircestriam*, quam post *Gloucestriam* paulo ante devicerat, & accepto nuncio consurgens de nocte abiit, & pervenit ad locum, quem præordinaverat exploratrix illa, ad armandum se: erat videlicet, vallis profunda, & prope locum Castri. Dumque armarent se & equos cingerent, audiebant sonitum à longe venientem, & timebant dicentes, præmuniti sunt hostes nostri, & ecce jam veniunt: statimque ascenderunt equos, & lanceas in manibus adaptabant. Cumque direxissent acies suas ante diluculum, & processissent in itinere, venerunt hostium longæ quadrigæ, ut victualia quærerent, & continuo captæ sunt, & equi distributi in loco lassatorum equorum per exercitum. Procedentes vero irruerunt in hostes summo diluculo, & invenerunt eos dormientes in villa & Abbatia, & erant multi muniti sanguine vineæ. Peremptis ergo multis de communi populo, ceperunt circa quindecim vexillarios electos, & spolia multa: *Simon* vero Juvenis, qui pernoctaverat in Castro, sic cum paucis captionem evasit. Gesta sunt hæc iv Non. Augusti Anno Domini m. cclxv. Et statim ad *Wircestriam* reversi sunt. Cumque audisset *Edwardus* Comitem *Simonem* inveniendū esse versus *Kenylworth*, ut exercitui filii sui se conjungeret, & fieret fortior, processit obviam ei die tertio apud *Evesham*, & ordinato exercitu per tres acies, ipse cum suis ex parte una, Comes *Gloucestræ* ex altera, & *Rogerus* de *Portemer* à tergo veniebat. Venit itaque *Edwardus* filius Regis ex parte Boreali quasi de *Kenylworth* ad *Evesham*: & ne cognosceretur à longe præcepit primo erigi vexillum *Simonis* Junioris, & cæterorum, qui captivi ducebantur, festinavitque ut monte *Elyno* ascenso primos belli ictus occupare posset. Cumque vidisset speculator Comitis *Simonis* *Nicholaus* barbitonsor ejus, qui homo expertus erat in cognitione armatorum, armatos sic à longe venientes, dixit ad Comitem, ecce venerunt armati multi à septentrione, nec cognosci possunt à longe, apparent vexilla tuorum. Et ille, filius meus est, ne timeas. Sed vade & circumspice, ne forte præoccupemur circumventi; non enim cognoverat adhuc de his quæ filio acciderant. Perrexit ergo speculator ille in altum in cloccario Abbatiae, ubi Comes fuerat hospitatus, & de claro cognoscens vexilla filii Regis à latere uno, deposuerunt enim tunc alia vexilla, & vexilla Comitis *Glocestræ* à latere altero, & vexilla similiter *Rogeri* de *Portemer* ab occidente, & à tergo clamavit ad Comitem, & dixit, mortui sumus omnes. Non enim venit filius tuus ut credebas, sed filius Regis ex parte una, Comes *Gloucestræ* ex altera, & *Rogerus* de *Portemer* ex parte tertia, & ait Comes, propitietur Deus animabus nostris, quoniam eorum sunt corpora nostra, præcepitque ut confiterentur omnes, & essent parati in prælium, qui pro legibus

*Simon Comitis Simonis filius ab Edwardo inopinato invasus opprimitur.*



bus terræ mori vellent, & pro iustitia, qui vero per fugam se salvere vellent, *Henricus 3.* & hos quidem liberos abire præcepit. Cumque confortaretur à primogenito suo *Henrico* ne desperaret in eventu dubio, respondit, non despero, fili, sed præsumptio tua & superbia fratrum tuorum me ad hunc finem, quem vides, perduxerunt; veruntamen, ut credo, moriar pro Deo & Iustitia. Armantur ergo omnes, & ad præliandum aliquantisper animantur; sed & ipse Rex, qui in Custodia Comitis usque in præsens remanserat, armis, ut dicitur, Comitibus armatus est. Processerunt ergo per turmas suas ad pugnandum pro patria, & antequam progressi sunt, fugerunt *Wallenses* à Comite *Simone*, & in transeundo flumen *Sire* multi submersi sunt, & reliqui denuo baptizati. Conserto itaque gravi prælio corruerunt multi ex parte Comitibus, sed & ipse Rex percussus in scapula clamavit fortiter. Ego sum *Henricus de Wincestria* Rex vester, non occidatis me. Erat enim vir summiopere pacificus non bellicosus: salvavit eum in voce hac Dominus *Adam de monte alto*, accurrit etiam *Edwardus* filius ad vocem Patris, & eum custodiendum tradidit certis militibus suis. *Edwardus patrem suum liberat.* Interim vero cecidit & occisus est Comes *Simon*, priusquam reverteretur *Edwardus*, & cum staret Pedes pungnans gladio, & occiso dextrario, circumque fecissent Magnates sui cum *Henrico* primogenito suo, prorumpit in hæc verba, dicens ad hostes. Num misericordia aliqua vobiscum est, & respondit unus, quæ misericordia seductori? Et ille misereatur ergo Deus animabus nostris, quoniam corpora nostra in voluntate vestra sunt, & his dictis martyrizaverunt eum, præcis membris, & amputato capite: corrueruntque cum eo in modico terræ spatio *Henricus* primogenitus ejus, Dominus *Hugo le Spenser*, Dominus *Raderus Basset*, Dominus *Thomas de Westlee*, Dominus *Willielmus de Mandevile*, Dominus *Johannes de Beauchamp*, Dominus *Gmydo de Balliof*, Dominus *Rogerus de Roule*. Et multi alii nobiles cum plebe copiosa. Gestaque sunt hæc ii. Non. Augusti, anno Domini m. cclxv. duravitque bellum hoc ab hora quasi prima, usque fere vesperam. Et reversi sunt cum Rege sic liberato, usque *Wincestriam* portantes secum spolia multa, & caput Comitibus *Simonis* mittentes ad uxorem *Rogeri de Portemer* apud *Wiggemore*. *Simon de Monte forti cum filio suo primogenito, & multis aliis fortiter pungnans occiditur.*

## CAP. XXXII.

*De captione Cesterfield, & exhæredatione Baronum, & de taxatione Norwicensi.*

Post modicum tempus recolligebant se Barones, qui remanserunt, & coepit habere nomen Dominus *Johannes Sayville*, homo quidem callidus, & bellator fortis: fecerunt ergo mala quæ poterant, & convenerunt in mense Maio apud *Cesterfield*, sub ipso *Johanne Sayville*, & Comite *Ferrariensi*, ubi supervenientes Regales milites irruerunt in eos subito, & coeperunt multos iterum, quasi dormientes. Ipse tamen *Johannes Sayville* confestim armatus, dum exiret ut fugeret, percussit Dominum *Gilbertum Hanusard*, & eum cum equo ictu lanceæ dejecit in terram, & aufugit cum paucis, qui eum sequi poterant. Periitque populus multus, & interim nobiliores fugam inierunt, fugitque Comes *Ferrariensis* & in Ecclesia abscondit se, sed tamen, prodente eum quadam muliere, extractus & captivus abductus est. Tenuitque Rex Parlamentum suum Mense Novembri apud *Porthampton*, & exhæredati sunt omnes, qui Comiti *Simoni* astiterunt, & uxore ejus cum liberis, tenuitque ibidem consilium *Othobon* Legatus Domini Papæ, & excommunicavit omnes Episcopos, qui eidem Comiti *Simoni* auxilium præstiterant & favorem. Misitque quosdam eorum ad præsentiam Papæ, pro beneficio absolutionis obtinendo; publicavitque quædam statuta, quæ fecerat, & concessionem Domini Papæ *Clementis*, *Parliamentum Norwiciæ habitum.*



Henricus 3.

Godefridus  
Archiep. E-  
borac. obit.

*Clementis*, quam fecerat Regi & Reginae, & decima *Anglicane* Ecclesie concessa eidem per sex annos sequentes, fiebatque cito post taxatio *Norwicensis* per *Walterum Norwicensem* Episcopum, qui ad hoc onus electus est. Factaque sunt hæc in anno Domini M. CCLXVI. Eodem anno obiit *Godefridus Eborum* Archiepiscopus, & electus est *Willielmus* Decanus ejusdem Ecclesie. Sed tamen à Papa non admittus. Imo missis ad Papam literis per ipsum *Othobonem* Legatum transtulit ipse propter *Walterum Giffard* a sede *Bathonensi*, usque ad sedem *Eborum*, & in sequenti anno in Archiepiscopum *Eborum* consecratur.

## CAP. XXXIII.

*De captione apud Ely, & concordia Baronum cum Rege.*

1267

**A**Nno Domini M. CCLXVII. obsedit Rex *Henricus* Castrum de *Kenilworth* a v. Kal. Julii usque *Idus Decembris*, ubi adveniente *Othobone* Legato, & interveniente, reddidit illud Regi *Henricus* de *Hastings*, qui fortiter illud tenuerat, salvis sibi vita & membris, terris & Castellis. Interim recollegerant se Barones cum *Johanne Sabille* in Insulam de *Harailylum*; & procedentes inde ceperunt *Lincolniam*, spoliaveruntque *Judeos*, & multos ex eis peremerunt, & introeuntes in Synagogam eorum librum Legis dilaceraverunt, succendentes etiam igni omnes Cartas & obligationes quasunque invenire potuerunt. Quod audiens Rex misit filium suum *Edwardum* ut comprehenderet. At illi fugientes à facie ejus receperunt se in Insulam de *Ely* munientes introitum ex omni parte. Erat enim mensis *Aprilis*. Cumque filio Regis venienti non pateret in exitus aquarum, quæ ex omni parte ipsam circuiverant Insulam; de consilio incolarum ejusdem provincie convocavit operarios multos, & per fossata multa in profundis maris, cis viam quam præstenderunt incolæ, fieri jussit, apponens tabulas & curtes, & sic faciens pontes in plerisque locis: ingrediente tandem eo in Insula per viam quam fecerat, fugerunt Barones quidam *Londoniis*, & à *Londoniensibus* suscepti sunt. Cæteri vero dederunt se, scilicet Dominus de *Wake*, & *Simon* Juvenis, & *Lepeches*, salvis vita & membris, & quod ipse filius apud patrem intereederet ad ipsius Regis gratiam plene promerendam. Adveniente tamen Rege cum filio *London*, qui confugerant illuc una cum ipsis civibus tenuerunt villam contra Regem XL. diebus, & ipsum *Othobonem* Legatum, qui in turrem Regiam præ timore confugerat, ne quidem exiret, diligenter custodiebant. Tandem vero, interveniente Comite *Gloucestrie*, & multis amicis Comitibus, recepti sunt in gratiam Regis & Barones & Cives: electique sunt quatuor Episcopi & octo Magnates, qui prius fuerant nominati apud *Coventriam*, ut ipse inter Regem & exhæredatos formam pacis & redemptionis in omnibus ordinarent, & facta pronuntiatione in Festo omnium Sanctorum de plena concordia & redemptione singulorum, statuta est pax ipsius Regis, & præconizata per totam Regionem. Tenuitque Rex Parliamentum suum in Octavis Sancti *Martini* apud *Parleberg*, anno Regni sui LII. & anno Domini supra dicto. Ubi, de consilio discretorum & unanimi voluntate Magnatorum suorum, meliorationem Regni sui & exhibitionem communis justitiæ multa fecit statuta, quæ dicuntur statuta de *Parleberg*.

Barones Lin-  
colniam ex-  
pugnant.Ely insula  
capta.

## CAP. XXXIV.

Edwardus profectus est in Terram Sanctam cum aliis Rebus.

Sub memorati Regis nostri *Henrici* principatu, fuscitavit Dominus spiritus Christianorum contra *Saracenos*, longo jam tempore possidentes sanctuarium Domini, id est loca sancta, in quibus redemptio nostra facta est. Factus est ergo per diligentiam *Romani* Pontificis *Clementis*, & aliorum servorum Dei religiosam operam, magnus populi Christiani cursus, & fortissimi Principes caractere Domini insigniti sunt, & numerosa stipati militia Orientis Regna laboriosissime penetrarunt. Inter quos eandem expeditionem assumpsit *Edwardus* Filius Regis *Henrici*, & iter arripuit in æstate, anno Domini M. CCLXX. Dabaturque tricesima per totam *Angliam* ob hanc piam expeditionem. Veniens autem circa Festum Sancti *Michaelis* apud \* *Egermorthæ*, quod distat à *Marfilio* XVIII. leucis versus Occidentem, ibidem navem ascendit, & prospero vento vela laxantes, & pro voto proficientes, decimo die applicuit apud *Tunes*, susceptusque est immenso gaudio à Regibus Christianis, quos ibidem invenit, à Rege scilicet *Franciæ Philippo*, qui nomen regum sortitus est post mortem patris sui *Lodovici*, qui paulo ante ibidem defunctus est, à *Carolo* Rege *Siciliæ*, & aliis duobus Regibus, *Naverniæ* scilicet, & *Aragonum*; omnes isti Reges convenerant pro zelo Dei & populo Christi. Ipse etiam *Edwardus* pro se & pro patre, & *Henricus* filius Regis *Alemanniæ* pro patre suo similiter veniebat. Hic etiam *Henricus* filius Regis *Alemanniæ*, in redeundo postea ad patrem, apud *Witerbe*, in ipsa Capella, cum missam audiret, occisus est per *Gwydonem* de *Monteforti* & Comitem *Rufum*, cujus filiam ipse *Gwydo* duxerat, in ultionem mortis patris sui Comitis *Simonis*. Cumque a prædictis Regibus sciscitaret *Edwardus* quid fieret, responderunt ei, Princeps Civitatis istius cum adjacente provincia, tributum reddere consuevit Regi *Siciliæ* annis singulis, & quia multo tempore per septennium & ultra jam in solutione cessavit, idcirco appetivimus eum. Ipse vero sciens tributum iuste deberi, jam satisfecit nobis ad votum, etiam pro tempore præterito & futuro. At ille, quid est, Domini charissimi, nonne convenimus huc, & caracterem Domini assumpsimus, ut in inimicos Crucis Christi procedere, & non componere debeamus. Absit à nobis hoc, nam modo post introitus & terra nobis est plana & dura, ut possimus procedere usque ad Sanctam Civitatem *Jerusalem*. At illi dixerunt, jam cum istis composuimus, & pactum præterire non licet, sed revertamur in *Siciliam*, & transacto hieme apud *Acræ* applicare poterimus. Displicuitque consilium hoc, nec ipsi compositioni assensum præbuit, non participans quicquam de pecunia scelerata; sed facto eis Regali convivio clausum se tenuit. Permanentes itaque in fixo proposito, demum aura flante conscenderunt naves Reges universi, & remanserunt in littore plusquam CC. viri, non habentes navem in qua veherentur, clamantes & ejulantes præ timore mortis, quam citam oporteret recipere, si remanerent. Motus ergo *Edwardus* in lachrymis eorum, cum non moverentur alii, terram cum scapha adiit, & in naves suas singulas adaptans eos præmisit omnes ante se, & sic demum cum cæteris laxatis velis, & mare fulcans profectus est. Septimo autem die applicuerunt omnes in Regno *Siciliæ* ex opposito Civitatis de *Trapes*, secundoque die ante festum Apostolorum *Simonis*, & *Judæ*, & hora quasi nona, & anchoraverunt in alto mari, plusquam uno milliario a terra; erant enim maximæ naves singulæ, habentes duo vela, & supra modum onustæ, veneruntque obviam eis ex portu civitatis scaphæ multæ, & Reges, &

1270

*Henricus Re-*  
*gis Aleman-*  
*niæ filius oc-*  
*ciditur Viter-*  
*bii 4. Id.*  
*Mart. an.*  
*1271.*

*Cruce signati*  
*in Siciliam*  
*appellunt.*

\* *Aiguos mortes, aliquas mortuas.*



*Henricus 3.*

*Tempestas sæ-  
vissima.*

Principes, ac Majores exercitus usque ad terram perduxerunt bina vice, vel trina, sed equos valde paucos, & arma quasi nulla. Advesperascente demum die movit se mare, & subito orta est tempestas sævissima, ita quod collisæ naves & confractæ perierunt, & submersi sunt plusquam circiter xx. cum equis & armis, & animabus multis; periitque thesaurus ille sceleratus, & in profundum maris demersus est, omnibus autem navibus ipsius *Edwardi*, qui erant xiii. non nocuit illa tempestas, nec periit ex eis unus homo, salvavitque Dominus omnia sua, eo quod consilio scelerato non consenserat. Mane autem facto, dum egrederentur Reges ad Mare, viderunt in litore homines submersos, & equos absque numero viderunt quidem, & doluerunt, nec mirum; cum ex tantis navibus & mille quingentis nautis, absque communi populo, non remanserant aliqui, nisi nautæ tantum unius navis, & hi quidem hoc modo: erat in illa navi una bona Matrona & Comitissa, quæ periculum videns, & juste sibi timens, quæsit utrum salvari possent, si litus maris arripere attemptaret. At illi responderunt, quod si fiet sic salvarentur homines, sed periret ipsa navis. At illa, non sit vobis cura de navigio si salventur animæ, duplicabo vobis pretium navis. Statimque duo vela laxantes in altum, cum tanto impetu irruerunt in terram, quod ab aqua maris longe separata fixa mansit in litore. Sed, ut prædixerant nautæ, in duas partes resoluta est, & salvæ factæ sunt omnes animæ, cum contentis universis. Mutato ergo proposito reversi sunt omnes Reges in terras suas, submersis, ut dictum est, & equis & armis. solus autem *Edwardus* hiemavit ibidem cum navibus suis, quas Deus Omnipotens sibi salvaverat.

*Reges rever-  
tuntur in ter-  
ram suam.  
Edwardus  
vero hyemat  
in Sicilia.*

## C A P. XXXV.

*Quid fecit Edwardus apud Acram, & quomodo vulneratus est.*

1271

*N zareth ab  
Edwardo  
capta.*

*Edwardus  
Sar cenos  
fundit.*

**C**Irca medium xlæ. iterato propositum revocans navem ascendit *Edwardus*, & à Paschate Domini per xv. dies ad *Acram* applicuit cum m. viris electis, mansitque ibidem per mensem integrum, ad refocillandum homines, & equos, & ut interim secreta terræ cognosceret. Post mensem vero exierunt cum eo Christiani multi, quasi vii. mille, & profecti sunt quasi xx. leucis ab *Acra*, ceperuntque *Nazareth*, & quos invenerant peremerunt. In redeundo autem apud *Acram*, sequebantur eos hostes, si quo modo ex eis cedere possent in loco stricto, vel convalle. Quod illi videntes, dederunt statim facies suas, & cæsis aliquibus, cæteros in fugam converterunt. Iterato circa Festum Natalis Sancti *Johannis Baptiste*, cum audisset *Edwardus* convenisse *Saracenos* apud *Hakehowe*, quod distat ab *Acra* quasi xv. Milliaribus exivit ibidem, & irruens in eos summo diluculo percussit ex eis quasi mille viros, cæteris in fugam velocem conversis. Tuleruntque spolia multa & profecti usque ad Castrum Peregrinorum, quod super Mare situatur, manentes ibidem cum cæteris Christianis nocte illa, & in sequenti die reversi sunt ad *Acram*. Interim Rex *Jerusalem*, qui advenerat, misit ad Magnates de *Cypro*, ut in auxilium Christianorum cum festinatione venirent, at illi venire noluerunt, dicentes se nolle terram suam exire. Misitque tunc ad eos *Edwardus*, ut ad rogatum ipsius saltem venirent in hac parte: at illi continuo veniebant cum magna militia, dicentes se teneri mandatis ipsius, pro eo quod antecessores sui dominabantur olim terræ illorum, & se debere Regibus *Anglorum* semper esse fideles. Animati itaque Christiani tertio exierunt circa festum Beati *Petri ad vincula*, usque ad Sanctum *Georgium*, & peremptis quibusdam, cum non invenirent qui resisterent, reversi sunt cum gaudio in locum suum. Cumque inter inimicos Crucis Christi *Edwardi* fama increbresceret, timuerunt eum valde, & mutuo loquebantur, si forte possent eum opprimere caute. Misit ergo ad eum

eum literas Princeps ille magnus Admiralius \* *Iaspes*, fingens in dolo se velle Henricus 3.  
 fieri Christianum, & quod multos attraheret ad se, si tamen ab ipso cæterisque  
 Christianis haberentur cum honore. Placuitque sermo & excitavit eum *Ed-*  
*wardus* ad hujusmodi propositum perficiendum: iterato vero, & tertio, & quar-  
 to, semper misit eundem puerum, ob eandem causam. Et erat ille Nuncius de  
 alte nuptitis, qui nec mortem timent, nec Deum reverentur. Quinta au-  
 tem vice, cum venisset ad eum idem Nuncius, & ut moris erat, à Ministris  
*Edwardi* esset in brachiis & zona visus, nec tamen cum cultello vel armis in-  
 ventus, adduxerunt eum ad Cameram *Edwardi*, & inclinans tradidit ei lite-  
 ras ex parte Domini sui, sicut alias facere consueverat, eratque Dies *Jovis* in-  
 fra Octavas *Petri*, & hora Vesperarum, & propter calorem nimium sedit *Ed-*  
*wardus* in tunica sola super lectum, discooperto capite. Dumque legerentur  
 literæ, apparuit in lectura earum, quod sequenti Sabbato ejusdem hebdoma-  
 dæ veniret Dominus suus, ad perficiendum quod promiserat. Placuitque  
 sermo cunctis audientibus, & confabulabantur a longe in his quæ audierant.  
 Ipse vero curvatus *Edwardo* plura sciscitanti ad interrogata respondit. Tan-  
 dem vero manum apponens ad balteum, quasi secretas literas extracturus, ex-  
 traxit subito cultellum venenatum, ut ventri sedentis eum infingeret. At ille Edwardus ab  
 elevata manu, ut percutienti resisteret vulneratus est in brachio profunde; & Assesino quo-  
 iterato percutere volentem percussit pede cum tanto impetu, quod in ter- dam vulnera-  
 ram corruit; apprehenditque manum ipsius, & tam valide cultellum extrax- tur maximo  
 it, quod seipsum vulneravit in fronte, & statim infixit in ventrem ejus, & oc- cum vitæ pe-  
 cidit eum. Accurrentes ad hæc Ministri ejus, qui a longe steterant, invene- riculo.  
 runt eum in terra mortuum, & apprehendit unus eorum tripodem, scilicet  
*Cithareda* suus, & percussit eum in capite & effundit cerebrum ejus. Incre-  
 pavitque eum *Edwardus* quod hominem mortuum percussisset. Descendit  
 rumor iste sinister in Aulam, & ab Aula in populum, & contristati sunt val-  
 de. Accurrensque statim magister militiæ Templi, dedit ei pretiosa quæ-  
 que libere, ne infusum venenum noceret, & ne in interiora ascenderet. Et  
 increpando dixit, nonne prædixi tibi seditionem populi hujus? Adjecitque  
 ad hæc, confortare tamen, & noli timere, quoniam ex isto veneno non mori-  
 eris. Vocantur ergo Chirurgici, & medicamenta imponunt, sed post dies  
 paucos, videntes denigrescere carnem, mussitaverunt inter se, nec erat ulla læ-  
 titia in populo suo: quod ille perpendens dixit eis, quid est quod mussitatis,  
 nonne sanari possum? Dicite mihi, nec timeatis. Et ait unus natione *An-*  
*glus*, curari potes, sed oportet te dura pati. Et ille, si passus sum quidem fu-  
 ero, numquid sanitatem promittis? Et ait, promitto quidem, & sub poena ca-  
 pitis mei; & ait, committo ergo me tibi, & expete quæcunque volueris: &  
 ille, numquid sunt aliqui ex Magnatibus tuis in quibus confidis. At ille no-  
 minavit multos ex circumstantibus. Circumsteterunt enim eum Magnates  
 plurimi cum uxore sua. Et ait duobus primo nominatis, Domino scilicet  
*Edmundo*, & Domino *Johanni* de *Wesey*, numquid & vos diligitis Dominum  
 vestrum, & dixerunt utique. Et ait, tollite ergo mulierem hanc, & non vi-  
 deat eam Dominus ejus, quousque dixero vobis. Tulerunt ergo eam flen-  
 tem & ejulantem; & dixerunt, sine Domina, melius est quod tu effundas la-  
 chrymas, quam quod lachrymetur tota terra *Anglicana*. Mane autem facto  
 incidit denigratam carnem Brachii sui & projecit ex toto; & ait, confortare,  
 quoniam promitto tibi, quod infra xv. dies manifestabis te, & equum ascen-  
 des. Tenuitque quod promisit, & admirati sunt universi. Cumque dicere-  
 tur hoc Magno Soldano, *Edwardum* scilicet esse superstitem, vix fidem adhibuit;  
 & mittens ex suis tres Principes magnos, excusavit se, Deos suos attestans,  
 quod per se vel ipsius scientia non est factum hoc. Qui stantes à longe ado-  
 raverunt *Edwardum* proni in terram. Et ait *Edwardus* in *Anglico*, vos quidem  
 adoratis me sed minime diligitis, nec intellexerunt verba ejus, eo quod per

\* *Joppenfis*.



Henricus 3.

Interpretem loquerentur ei. Honorifice autem tractavit eos, & post biduum dimisit in pace. Post tempus modicum discurrebant inter partes mediatores & nuncii pro treugis ineundis, & inierunt inter se treugas decennales, decem Hebdomadam, & decem dierum: reverſique ſunt Chriſtiani ad loca ſua præter inhabitatores urbium, quæ ſub Chriſtianorum poteſtate manebant.

## CAP. XXXVI.

*Reverſus eſt Edwardus de Terra Sancta & Tornavit apud Chalons.*

1271

**U**Nitis itaque treugis, poſtquam ipſe *Edwardus* jam in anno & dimidio manſiſſet in *Acra*, circa aſſumptionem Beatae Virginis navem aſcendit, ut reverteretur: ſed poſt ſeptem Hebdomadas in Siciliam applicuit apud <sup>a</sup> *Trares*, inde viam faciens per <sup>b</sup> *Palæſtinam* & <sup>c</sup> *Deſchines*, & ſic per medium <sup>d</sup> *Boyle* uſque Romam; ubi à Papa *Gregorio* honorifice ſuſceptus eſt. Cumque appropinquaret *Franciam*, & fama gloriæ ejus divulgaretur in populo, invidabant gloriæ ejus multi, & præcipue Comes ille ſtrenuus de *Chalons*. Miſitque, & petiit ut torniaret cum eo in terra ſua, qui gloriæ ſuæ laudis imminuere nolens, licet peregrinationis ſuæ cauſam prætereſſe poſſet, & ſe excuſare, noluit tamen; ſed libenter conceſſit, & præconizatum eſt voce publica, quod *Edwardus* cum peregrinis ſuis partem tornamenti teneret contra omnes advenire volentes. Concurrent itaque multi ex omni parte Regionis illius, inter quos pedeſtres multi, & etiam quidam Equeſtres conjurati ſunt ad invicem in ſpoliationem *Anglorum*, præ manibus vendentes & equos & arma, & bibentes vinum libaminum in ſpoliationem captivandorum. Miſit etiam *Edwardus* in *Angliam* pro quibuſdam Magnatibus ſuis, & venerunt ad eum Comites & Barones. Adveniente demum die inventi ſunt cum *Edwardo* fere mille milites armati, & pedeſtres multi, ſed ex parte altera duplare eum poterant & hominibus & equis. Congredientibus ergo partibus cœperunt pedeſtres, qui conjuraverant & ſpoliare & perimere, reſiſtebantque noſtri cum fundis & arcubus; & peremptis quam plurimis, cæteros ad portas Civitatis perſecuti ſunt, multos etiam fugaverunt ad aquam, & ſubmerſi ſunt. Interim dedit ſe Comes, cum electis L. Militibus, qui ſequebantur eum, ad Cimeum *Edwardi* & conjunxit ſe ei, mutuſque gladiatorum ictibus longo ſpatio decertabant. Cumque eſſent ambo ſtrenui, & vidiffet ſe Comes non proficere gladio, circumduxit brachio collum *Edwardi*, & eum vehementer aſtrinxit, & ait *Edwardus*, quid tibi viſ? Nunquid meum equum habere credis? Et ille, utique & te, & equum habere volo. Indignatus ad hæc erexit ſe, & percuſſo dextrario in tantum irruit, quod relicto equo proprio collo ipſius adhæſit alter, excuſſitque eum in terram cum diu ſic pendere non poterat, attonituſque *Edwardus* exivit continuo ut ventum reciperet, ad refocillandam animam ejus, vidensque iniquitatem eorum, quomodo multos ex ſuis jam peremerant, & non tornamenti, ſed modum belli exercerent, ait ſuis, jam nemini parcat oculus noſter, ſed ſicut ipſi nobis faciunt, ſic & vos faciatis eiſdem. Ingreſſi ſunt ergo in mortem illorum, & ex omni parte gladio ſæviebant. Reverſique pedeſtres à cæde cæterorum, cum vidiffent ex ſuis jam multos corruiffe, ingreſſi ſunt audacter conflictum equeſtrinum, & eviſceratis quibuſdam ex equis, multorum etiam cingulis inciſis, aſcenſores eorum in terram corruerunt. Deditque ſe *Edwardus* prædicto Comiti, qui tunc manibus ſuorum elevatus erat in equum, & diu quoque fuſtigatum cum ſæpius ſedare vellet, non adquievit in primis; ſed cum defeciſſet tandem virtus ejus, ex præcepto *Edwardi* cui-

a Drepanum. b Platiam. c Meſſinam. d La Poûille, Apulia.

dam militi simplici se tradidit, & fugerunt cæteri multi, & in eodem loco plu- Henricus 3.  
rimi corruerunt. Reverſique noſtri obtenta victoria, cum ſe quieſcere poſſe  
ſecurius crederent, nunciatum eſt *Edwardo* quod perimebantur ſui, dum tranſi-  
rent de Domo in Domum, à civibus civitatis: ſtatimque vocato Majore & præ-  
poſitis civitatis præcepit eis ut ſuos corripere, & caſtigarent, alioquin civi-  
tatem in craſtinum incenderet & complanaret. Illi autem abeuntes poſue-  
runt cuſtodias ex omni parte civitatis, & quievit *Edwardus* in pace. In haſti-  
ludio iſto multus ſanguis effuſus eſt, unde & nomen illius mutatum eſt, ita  
quod non torniamentum, ſed parvum bellum de *Chalons* communiter dicere-  
tur. Inde perrexit *Edwardus Parisios*, & à Rege *Francorum* honorifice ſufcep-  
tus eſt, & poſt dies aliquot proſectus eſt in *Vaſconiam*, & moratus eſt ibi uſque  
poſt obitum Patris.

## CAP. XXXVII.

*Tempeſtas.*

**A**Nno Domini M. CCLXXI. XIV. *Kal. Octobris*, tanta fuit apud *Cantuariam* 1271  
inundatio pluviæ, tonitruui, fulguris, & tempeſtatis, quanta à diebus anti-  
quis nunquam audita vel viſa fuit, durante tonitruo, & horribiliter quaſi ex  
uno icſtu tonante tota die & nocte prædicta, & tanta inundatio aquæ ſecuta  
eſt, quod arbores vivas & hayas ſubvertit, ita quod incedere non poſſent ho-  
mines nec equi, & periclitabantur multi impetu aquæ decurrentis per plateas,  
& in domibus civitatis. Secutaque eſt famies maxima in tota Regione. Fames tem-  
peſtatem ſe-  
quitur.

## CAP. XXXVIII.

**A**Nno Domini M. CCLXXII. Obiit Papa *Clemens*, cui ſucceſſit *Gregorius X.* 1272  
Eodem anno obiit *Petrus de Bruſ* tertius XIV. *Kalend. Octobris.* Clemens P. ob:  
Petrus de  
Bruſ ob.

## CAP. XXXIX.

*De morte Regis Henrici & commendatione.*

**A**Nno Domini M. CCLXXIII. *Kalend. Decembris*, die ſcilicet Sancti *Edmundi* 1273  
Archiepiſcopi & Confefſoris, dormivit Rex *Henricus* cum Patribus ſuis,  
& viam univerſæ carnis ingreſſus eſt. Vir quidem glorioſus in ſeculo, ſed  
non minoris gloriæ in Chriſto. Exitit enim vir Religioſus & pius, & licet  
ſimplex in adminiſtratione temporalium, tamen magnæ devotionis in Deum.  
In piis largitionibus tam profuſus, ut præter copioſam diſtributionem paupe-  
rum, eleemoſinas etiam ipſius ſentirent multæ Eccleſiæ Sanctorum, & præci-  
pue *Westmonaſterienſis Londoniæ*. In qua quidem Baſilica *Westmonaſterii*, quam  
ipſe nobili ſchemate a fundamento decenter erexit, humaniter reconditus,  
honorifice jacet, anno ſcilicet Regni ſui LVII. Factæque ſunt ſaneris ipſius ex-  
equiæ



*Henricus 3.*

equiæ die Sancti *Edmundi* Regis & Martyris, anno quo supra. Eodem anno in Archiepiscopum *Cantuariensem* præfectus est per Dominum Papam frater *Robertus de Kilnerby*, de Ordine Prædicatorum. Qui in anno sequenti quinto vocatus ad Curiam in Cardinalem *Hostiensem* constitutus est, & successit ei in Archiepiscopatum *Cantuariensem*, ex collatione Papæ, Frater *Johannes de Becham*, de Ordine Minorum. Eodem anno discordia extitit magna *Oxonie* inter Clericos Aquilonares & *Hibernicos*, & aliqui occidebantur *Hibernici*.

---

F I N I S.

---

# I N D E X

## U N I V E R S A L I S

### I N P R Æ C E D E N T E S

## A N N A L E S.

### A.

<b>A</b> Ariola	opp. 306	Ademarus Winton. Ep. 4, inter eum & Mo-	
Abbatiarum privilegia,	201	nachos discordia,	49
Abbatia Elien. in sedem Episco-		Adolescens quidam à summitate turris la-	
palem constituta,	146	bitur illæsus,	208
Abbatia de Gratia Dei fundata 190, de		Adolphus de Monte,	440
Marham 210, de Niweham 207, de Tray		Adrianopolis	262
206, de Margan.	7	Adrianus Papa,	104 158
Abbatia de Hida interdicta,	224	ante consecrationem	ob. 104
Abernithii,	459	Aeris caligo magna.	111
Aberrotheny villa,	18	Agolandus,	383
Accaron capta,	164	Alanus de Bordeffia Abbas de Cleve,	163
Acca capta & expugnata,	525	Alanus de Souche 223, ejus cum Comite	
Accursius juris civilis Glossator,	557	Waremiæ contentio 91 225, vulnerum	
Achus de Fay,	413	dolore moritur,	92
Ailwinus,	131	Alba custodia,	362 389
Acon à Christianis obfessa 267, capta 10,		Albemarliæ Comitatus,	87
direpta à Soldano Babylonix 123, ejus		Albemarliæ Comes,	558
descriptio & locorum circumjacen-		Albericus Clemens vir magnæ virtutis A-	
tium 272, oppidani famem patientes de-		con occisus,	336
ditionem obtulerunt 273, Soldanus eos		Albericus Remensis 412, fugere parat, ibid.	
liberat, ib. classe pugnantes vincuntur, ib.		obfès Salahadino traditur,	ibid.
multa damna inferunt Christianis 275,		Alverton	opp. 28
tres Christianorum machinas combu-		Albigenses expugnati 173, Comes Ægidii	
runt 276, fames in oppido, ib. captivos		ab eis defciscit,	192
seniores foras ejiciunt, ib. inter oppida-		Alcatia Cast.	438
nos & Christianos pugna 287, machinas		Aldewinus,	460
Christianorum igne Græco comburunt		Aldredus Ebor. Archiep. diadema Williel.	
288 335, Aconenses Albericum Clemen-		Norman. imposuit 21,	ob. 22
tem occidunt 336, viriliter Christianos		Alebrandus Comes Crucesignatus,	271
repellunt 338, unus oppidanorum armis		Alexander 3 Papa 31, in Galliam fugit, ib.	
Alberici Clementis armatus à Rege Ri-		ob. 9 33 159 161	
cardo occisus 338, oppidanorum laus		Alexander Scotiæ Rex Angliam invadit 49	
339, inducias quærunt frustra ib. multi		145, pacem init cum Rege Anglorum. 49	
ex desperatione ab urbe aufugiunt 340,		uxorem ducit,	186 577, ob. 113
datis obsidibus urbem relinquunt 341,		Alexander Covent. Ep. 40 188, inter eum	
quam ignominiose Turci urbem dum		& Archiep. Cant. discordia 151, ob. 43 188	
possederunt sacra Christianorum tracta-		Alexander Lincoln. Ep.	ob. 28
runt,	342	Alexander Macedo.	440
Adam de S <sup>o</sup> . Afaph,	162	Alfonfus filius Regis Edwardi natus 230,	
Adam Farham,	234	ob. 112 238	
Adam Gurdun 75 222, meridionales An-		Alfredus à Comite Godwino extinctus, 1	
gliæ partes vastat 75, captus,	76	Alfwinus unus ex Monachis qui primi ve-	
Adam de Newmarch,	60 119	nerunt Dunel.	460
Adam de Stationer,	119	Alienigenæ ab Anglia expulsi,	214
Adaunius de Fontemes Crucesignatus, 279		Alienora Regina Anglorum conjux Johan.	
Adelidis Regina uxor Hen. 1.	ob. 7	Regis,	168
		<i>b</i>	Alienora



# I N D E X.

Alienora Regina Francorum relictis thalamis R. Franc. Henrico duci Norman. nupsit, 29 157  
 Alienora Regina uxor Henrici 2. mortuo Rege è carcere educitur 302, Messanam applicuit 315, dolo tentatur ab Imperatore Cypri, 321  
 Alienora Regina uxor Henrici 3. peperit Edwardum 44, Edmundum etiam 45, monasticam vitam amplectitur 114 240, ob. 242. Ambresberia sepelitur, 123 242  
 Alienora Regina uxor Edwardi Regis filium peperit Edwardum, 111. ob. 121  
 Alienora Comitissa Leicestria Abbatiam Waverley ingreditur, 206  
 Alienora la Brett, 36  
 Alipelby (Apelby) opp. 501  
 Almaria capta, 156 487  
 Alnewike cast. 32 79  
 Alvertune, opp. 28 153 480  
 Ambresbury, 123  
 Amos Rex Hispan. paganos fugat, 135  
 Amularius Rex Hierosol. Babyloniam vincit, 159  
 Anacletus Papa Innocentium expulit, 477  
 Anastasius quartus Papa 158, ob. 30 158  
 Andelle manerium, 550  
 Andreas abbas de Margan, ob. 7  
 Andreas Prioratum Winton. occupare nititur frustra, 229  
 Andreas de Cavenguy, 334 370 413  
 Andreas de Breno, 270  
 Angevinum numismatis genus, 296  
 Anglesey Ins. 105 141 466  
 Angli certatim crucem suscipiunt 300  
 Anglia diffidiis quatitur 7, interdicitur 14 36 170 553, relaxatur, 37 180  
 Angus cast. 545  
 Animalium lues, 133  
 Annonæ caritas, 126 144  
 Anselmus Cant. Archiep. consecratus 2, ab Anglia pulsus 468, Romam petit 3 141 143, revocatur 469, Romam iterum petit ad instantiam Hen. R. ut obtineret confirmationem libertatum regiarum 3 470, inter eum & Regem discordia 25 470, concilium tenuit 143, ob. 4 25 471  
 Anselmus de monte Regali crucefig. 271  
 Antiochia civ. 266, capta 467  
 Antipapam schisma cessat, 32  
 Antonius Beck Ep. Dunelm. 111  
 Appellum contra Hen. de Bathon, 48  
 Aquarum maxima eruptio in civitate Cantuar. 97  
 Aquisgran. civ. obsessa, 46  
 Aralcas Admiralius Turcorum, 367  
 Archas cast. 167 545  
 Argentes cast. 138  
 Arnaldus de Bosco, 370  
 Arnoldia morbi genus, 333  
 Arragoniæ Rex in prælio interfectus, 179  
 Arsur fl. 362  
 Articuli Apostolicæ potestatis, 227

Arthuri, Gueniveræ & Mordredi ossa reperta, 10  
 Ascalon civitas à Salahadino deditione capta 253, à Turcis diruta 363, à Christianis reedificata impensis Regis Richardi 376 382, Cham filius Noachi fundasse dicitur, 376  
 Asur Foresta, 353  
 Astensis Ep. cruce signatus, 271  
 Aucele, 121  
 Avellana Ins. 11, unde sic dicta, ibid.  
 Augustinus de Harahestock, 62  
 Augustinus de Londoniis obses 412  
 Aula apud Westmonast. extructa, 14  
 Aultun, 209  
 Austiclive, 42.

## B.

**B** Abylonia capta. 159  
 Baldwinus Rex Jerusol. ob. 147  
 Baldwinus Archiep. Cant. crucem accipit 10 279, in terra sancta ob. 293  
 Baldwinus Consul 145, vulneratus 147 ob. ibid.  
 Baldwinus Comes Cornubiæ ob. 163  
 Baldwinus Carron 401, vulneratus à Turcis, ibid.  
 Baldwinus Melesend, 281  
 Baldwinus Wake, 73 220  
 Baldwinus de Rivers, 152  
 Balneorum casellum. 372  
 Banbury opp. 26  
 Banniburg castel. 466  
 Barbesfleot, 5, 21, 575  
 Barkefchire, 470  
 Barlatum opp. 306  
 Barones Angliæ conjurationem faciunt in Regem Williel. Rufum 466, deteguntur, ib. bellum suscitant in Regem Johannem 180 557, Ludovicum filium Regis Francorum in Regem Angliæ eligunt 181, à Ludovico spreto recedunt 559, in Regem Henricum 3. concilia ineunt 52 579, ad Provisiones Oxon. adstringunt 52, Oxoniæ Regem conveniunt 579, Londoniam revertuntur 582, cum Rege Londoniæ tractant 55, perjurii arguunt 56, portus maritimos muniunt 64, ad Regem litteras mittunt 583, Regem comprehendunt 583, Lincolniam expugnant 588, reconciliatio inter eos & Regem à Papa Urbano tentatur 64, à Simone Monteforti London. convocantur 69, profligantur à Rege Northamp. 60, & in prælio de Evesham 70, fugientes à Londoniensibus suscepti 588, iterum grassantur 75, vincuntur 76, alia commotio 77, repressa 78, civitates & castra capta Regi restitunt, 71  
 Barones Normanniæ fidelitatem jurant Willielmo filio Henrici I. Regis, 146  
 Baruth,

# I N D E X.

Baruth,	329	Bolon manerium,	567
Basingewerck cast.	159	Boscham,	167
Basileres,	161	Bothland cast.	234
Bartholomæus de Mortuo mari,	417	Brabantia Dux de comite Geldria trium-	
Bawari 435, de eorum insolentiis,	ibid.	phat,	241
Beanveria cast.	362	Brabantia Ducis filius uxorem ducit Beatri-	
Beatricia soror Regina Scotorum ob.	102	cem filiam Regis Edwardi,	121
Beda	21	Brachium S. Georgii,	262
Bedewini,	250 355 376	Brakkele opp.	84
Bedford cast.	39 188	Brantune opp.	148 152
Bedford opp. 146 obfessa,	153 480	Breheneaud,	18
Bedon villa	438	Brigia cast.	492
Bella Landa fundata,	486	Brigh.	149
Bellum inter Williel. Rufum & Robertum		Brista urbs in Longobardia subversa,	16
Consulem Normannia 138, inter Regem		Brisensis Ep. Crucesignatus,	279
Hen. & Comitem Andegavia Fulconem		Bristol. cast.	276 68
145, in Henricum 2. & filium suum		Bristollenses Emric. de Monteforti capiunt	
160, civile 212, Crucigerorum in Tur-		104, Regi tradunt,	ibid.
cos 24, inter Regem Hispan. & Regem		Bristou opp.	153
Franc. de dominio Regni Navarra,	104	Britannia unde dicta 455, sex vicibus fu-	
Bellum fl.	272	bacta,	ibid.
Bellus mons. cast.	362	Brossar cast.	240
Belli Baronici clades tempore R. Johannis		Bucchingeam,	146
110, 111, 112, 113, 114, 115, 116, 117, 118, 119, 120, 121, 122, 123, 124, 125, 126, 127, 128, 129, 130, 131, 132, 133, 134, 135, 136, 137, 138, 139, 140, 141, 142, 143, 144, 145, 146, 147, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165, 166, 167, 168, 169, 170, 171, 172, 173, 174, 175, 176, 177, 178, 179, 180, 181, 182, 183, 184, 185, 186, 187, 188, 189, 190, 191, 192, 193, 194, 195, 196, 197, 198, 199, 200, 201, 202, 203, 204, 205, 206, 207, 208, 209, 210, 211, 212, 213, 214, 215, 216, 217, 218, 219, 220, 221, 222, 223, 224, 225, 226, 227, 228, 229, 230, 231, 232, 233, 234, 235, 236, 237, 238, 239, 240, 241, 242, 243, 244, 245, 246, 247, 248, 249, 250, 251, 252, 253, 254, 255, 256, 257, 258, 259, 260, 261, 262, 263, 264, 265, 266, 267, 268, 269, 270, 271, 272, 273, 274, 275, 276, 277, 278, 279, 280, 281, 282, 283, 284, 285, 286, 287, 288, 289, 290, 291, 292, 293, 294, 295, 296, 297, 298, 299, 300, 301, 302, 303, 304, 305, 306, 307, 308, 309, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326, 327, 328, 329, 330, 331, 332, 333, 334, 335, 336, 337, 338, 339, 340, 341, 342, 343, 344, 345, 346, 347, 348, 349, 350, 351, 352, 353, 354, 355, 356, 357, 358, 359, 360, 361, 362, 363, 364, 365, 366, 367, 368, 369, 370, 371, 372, 373, 374, 375, 376, 377, 378, 379, 380, 381, 382, 383, 384, 385, 386, 387, 388, 389, 390, 391, 392, 393, 394, 395, 396, 397, 398, 399, 400, 401, 402, 403, 404, 405, 406, 407, 408, 409, 410, 411, 412, 413, 414, 415, 416, 417, 418, 419, 420, 421, 422, 423, 424, 425, 426, 427, 428, 429, 430, 431, 432, 433, 434, 435, 436, 437, 438, 439, 440, 441, 442, 443, 444, 445, 446, 447, 448, 449, 450, 451, 452, 453, 454, 455, 456, 457, 458, 459, 460, 461, 462, 463, 464, 465, 466, 467, 468, 469, 470, 471, 472, 473, 474, 475, 476, 477, 478, 479, 480, 481, 482, 483, 484, 485, 486, 487, 488, 489, 490, 491, 492, 493, 494, 495, 496, 497, 498, 499, 500, 501, 502, 503, 504, 505, 506, 507, 508, 509, 510, 511, 512, 513, 514, 515, 516, 517, 518, 519, 520, 521, 522, 523, 524, 525, 526, 527, 528, 529, 530, 531, 532, 533, 534, 535, 536, 537, 538, 539, 540, 541, 542, 543, 544, 545, 546, 547, 548, 549, 550, 551, 552, 553, 554, 555, 556, 557, 558, 559, 560, 561, 562, 563, 564, 565, 566, 567, 568, 569, 570, 571, 572, 573, 574, 575, 576, 577, 578, 579, 580, 581, 582, 583, 584, 585, 586, 587, 588, 589, 590, 591, 592, 593, 594, 595, 596, 597, 598, 599, 600, 601, 602, 603, 604, 605, 606, 607, 608, 609, 610, 611, 612, 613, 614, 615, 616, 617, 618, 619, 620, 621, 622, 623, 624, 625, 626, 627, 628, 629, 630, 631, 632, 633, 634, 635, 636, 637, 638, 639, 640, 641, 642, 643, 644, 645, 646, 647, 648, 649, 650, 651, 652, 653, 654, 655, 656, 657, 658, 659, 660, 661, 662, 663, 664, 665, 666, 667, 668, 669, 670, 671, 672, 673, 674, 675, 676, 677, 678, 679, 680, 681, 682, 683, 684, 685, 686, 687, 688, 689, 690, 691, 692, 693, 694, 695, 696, 697, 698, 699, 700, 701, 702, 703, 704, 705, 706, 707, 708, 709, 710, 711, 712, 713, 714, 715, 716, 717, 718, 719, 720, 721, 722, 723, 724, 725, 726, 727, 728, 729, 730, 731, 732, 733, 734, 735, 736, 737, 738, 739, 740, 741, 742, 743, 744, 745, 746, 747, 748, 749, 750, 751, 752, 753, 754, 755, 756, 757, 758, 759, 760, 761, 762, 763, 764, 765, 766, 767, 768, 769, 770, 771, 772, 773, 774, 775, 776, 777, 778, 779, 780, 781, 782, 783, 784, 785, 786, 787, 788, 789, 790, 791, 792, 793, 794, 795, 796, 797, 798, 799, 800, 801, 802, 803, 804, 805, 806, 807, 808, 809, 810, 811, 812, 813, 814, 815, 816, 817, 818, 819, 820, 821, 822, 823, 824, 825, 826, 827, 828, 829, 830, 831, 832, 833, 834, 835, 836, 837, 838, 839, 840, 841, 842, 843, 844, 845, 846, 847, 848, 849, 850, 851, 852, 853, 854, 855, 856, 857, 858, 859, 860, 861, 862, 863, 864, 865, 866, 867, 868, 869, 870, 871, 872, 873, 874, 875, 876, 877, 878, 879, 880, 881, 882, 883, 884, 885, 886, 887, 888, 889, 890, 891, 892, 893, 894, 895, 896, 897, 898, 899, 900, 901, 902, 903, 904, 905, 906, 907, 908, 909, 910, 911, 912, 913, 914, 915, 916, 917, 918, 919, 920, 921, 922, 923, 924, 925, 926, 927, 928, 929, 930, 931, 932, 933, 934, 935, 936, 937, 938, 939, 940, 941, 942, 943, 944, 945, 946, 947, 948, 949, 950, 951, 952, 953, 954, 955, 956, 957, 958, 959, 960, 961, 962, 963, 964, 965, 966, 967, 968, 969, 970, 971, 972, 973, 974, 975, 976, 977, 978, 979, 980, 981, 982, 983, 984, 985, 986, 987, 988, 989, 990, 991, 992, 993, 994, 995, 996, 997, 998, 999, 1000			
Bellum inter Williel. Rufum & Robertum		Burgum opp.	501
Consulem Normannia 138, inter Regem		Burgundia Dux recedit a Rege Richardo	
Hen. & Comitem Andegavia Fulconem		quia noluit pecuniam accommodare	378,
145, in Henricum 2. & filium suum		equo dejectus, ibid. in Tyrum fugatus	
160, civile 212, Crucigerorum in Tur-		ibid. revocat Francos a Rege Richardo,	380
cos 24, inter Regem Hispan. & Regem		Butphenens,	327
Franc. de dominio Regni Navarra,	104	Buza,	318
Bellum fl.	272	Bynnadon Abbatia,	10.
Bellus mons. cast.	362		
Belli Baronici clades tempore R. Johannis			
110, 111, 112, 113, 114, 115, 116, 117, 118, 119, 120, 121, 122, 123, 124, 125, 126, 127, 128, 129, 130, 131, 132, 133, 134, 135, 136, 137, 138, 139, 140, 141, 142, 143, 144, 145, 146, 147, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165, 166, 167, 168, 169, 170, 171, 172, 173, 174, 175, 176, 177, 178, 179, 180, 181, 182, 183, 184, 185, 186, 187, 188, 189, 190, 191, 192, 193, 194, 195, 196, 197, 198, 199, 200, 201, 202, 203, 204, 205, 206, 207, 208, 209, 210, 211, 212, 213, 214, 215, 216, 217, 218, 219, 220, 221, 222, 223, 224, 225, 226, 227, 228, 229, 230, 231, 232, 233, 234, 235, 236, 237, 238, 239, 240, 241, 242, 243, 244, 245, 246, 247, 248, 249, 250, 251, 252, 253, 254, 255, 256, 257, 258, 259, 260, 261, 262, 263, 264, 265, 266, 267, 268, 269, 270, 271, 272, 273, 274, 275, 276, 277, 278, 279, 280, 281, 282, 283, 284, 285, 286, 287, 288, 289, 290, 291, 292, 293, 294, 295, 296, 297, 298, 299, 300, 301, 302, 303, 304, 305, 306, 307, 308, 309, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326, 327, 328, 329, 330, 331, 332, 333, 334, 335, 336, 337, 338, 339, 340, 341, 342, 343, 344, 345, 346, 347, 348, 349, 350, 351, 352, 353, 354, 355, 356, 357, 358, 359, 360, 361, 362, 363, 364, 365, 366, 367, 368, 369, 370, 371, 372, 373, 374, 375, 376, 377, 378, 379, 380, 381, 382, 383, 384, 385, 386, 387, 388, 389, 390, 391, 392, 393, 394, 395, 396, 397, 398, 399, 400, 401, 402, 403, 404, 405, 406, 407, 408, 409, 410, 411, 412, 413, 414, 415, 416, 417, 418, 419, 420, 421, 422, 423, 424, 425, 426, 427, 428, 429, 430, 431, 432, 433, 434, 435, 436, 437, 438, 439, 440, 441, 442, 443, 444, 445, 446, 447, 448, 449, 450, 451, 452, 453, 454, 455, 456, 457, 458, 459, 460, 461, 462, 463, 464, 465, 466, 467, 468, 469, 470, 471, 472, 473, 474, 475, 476, 477, 478, 479, 480, 481, 482, 483, 484, 485, 486, 487, 488, 489, 490, 491, 492, 493, 494, 495, 496, 497, 498, 499, 500, 501, 502, 503, 504, 505, 506, 507, 508, 509, 510, 511, 512, 513, 514, 515, 516, 517, 518, 519, 520, 521, 522, 523, 524, 525, 526, 527, 528, 529, 530, 531, 532, 533, 534, 535, 536, 537, 538, 539, 540, 541, 542, 543, 544, 545, 546, 547, 548, 549, 550, 551, 552, 553, 554, 555, 556, 557, 558, 559, 560, 561, 562, 563, 564, 565, 566, 567, 568, 569, 570, 571, 572, 573, 574, 575, 576, 577, 578, 579, 580, 581, 582, 583, 584, 585, 586, 587, 588, 589, 590, 591, 592, 593, 594, 595, 596, 597, 598, 599, 600, 601, 602, 603, 604, 605, 606, 607, 608, 609, 610, 611, 612, 613, 614, 615, 616, 617, 618, 619, 620, 621, 622, 623, 624, 625, 626, 627, 628, 629, 630, 631, 632, 633, 634, 635, 636, 637, 638, 639, 640, 641, 642, 643, 644, 645, 646, 647, 648, 649, 650, 651, 652, 653, 654, 655, 656, 657, 658, 659, 660, 661, 662, 663, 664, 665, 666, 667, 668, 669, 670, 671, 672, 673, 674, 675, 676, 677, 678, 679, 680, 681, 682, 683, 684, 685, 686, 687, 688, 689, 690, 691, 692, 693, 694, 695, 696, 697, 698, 699, 700, 701, 702, 703, 704, 705, 706, 707, 708, 709, 710, 711, 712, 713, 714, 715, 716, 717, 718, 719, 720, 721, 722, 723, 724, 725, 726, 727, 728, 729, 730, 731, 732, 733, 734, 735, 736, 737, 738, 739, 740, 741, 742, 743, 744, 745, 746, 747, 748, 749, 750, 751, 752, 753, 754, 755, 756, 757, 758, 759, 760, 761, 762, 763, 764, 765, 766, 767, 768, 769, 770, 771, 772, 773, 774, 775, 776, 777, 778, 779, 780, 781, 782, 783, 784, 785, 786, 787, 788, 789, 790, 791, 792, 793, 794, 795, 796, 797, 798, 799, 800, 801, 802, 803, 804, 805, 806, 807, 808, 809, 810, 811, 812, 813, 814, 815, 816, 817, 818, 819, 820, 821, 822, 823, 824, 825, 826, 827, 828, 829, 830, 831, 832, 833, 834, 835, 836, 837, 838, 839, 840, 841, 842, 843, 844, 845, 846, 847, 848, 849, 850, 851, 852, 853, 854, 855, 856, 857, 858, 859, 860, 861, 862, 863, 864, 865, 866, 867, 868, 869, 870, 871, 872, 873, 874, 875, 876, 877, 878, 879, 880, 881, 882, 883, 884, 885, 886, 887, 888, 889, 890, 891, 892, 893, 894, 895, 896, 897, 898, 899, 900, 901, 902, 903, 904, 905, 906, 907, 908, 909, 910, 911, 912, 913, 914, 915, 916, 917, 918, 919, 920, 921, 922, 923, 924, 925, 926, 927, 928, 929, 930, 931, 932, 933, 934, 935, 936, 937, 938, 939, 940, 941, 942, 943, 944, 945, 946, 947, 948, 949, 950, 951, 952, 953, 954, 955, 956, 957, 958, 959, 960, 961, 962, 963, 964, 965, 966, 967, 968, 969, 970, 971, 972, 973, 974, 975, 976, 977, 978, 979, 980, 981, 982, 983, 984, 985, 986, 987, 988, 989, 990, 991, 992, 993, 994, 995, 996, 997, 998, 999, 1000			
Bellum inter Williel. Rufum & Robertum		Burgum opp.	501
Consulem Normannia 138, inter Regem		Burgundia Dux recedit a Rege Richardo	
Hen. & Comitem Andegavia Fulconem		quia noluit pecuniam accommodare	378,
145, in Henricum 2. & filium suum		equo dejectus, ibid. in Tyrum fugatus	
160, civile 212, Crucigerorum in Tur-		ibid. revocat Francos a Rege Richardo,	380
cos 24, inter Regem Hispan. & Regem		Butphenens,	327
Franc. de dominio Regni Navarra,	104	Buza,	318
Bellum fl.	272	Bynnadon Abbatia,	10.
Bellus mons. cast.	362		
Belli Baronici clades tempore R. Johannis			
110, 111, 112, 113, 114, 115, 116, 117, 118, 119, 120, 121, 122, 123, 124, 125, 126, 127, 128, 129, 130, 131, 132, 133, 134, 135, 136, 137, 138, 139, 140, 141, 142, 143, 144, 145, 146, 147, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165, 166, 167, 168, 169, 170, 171, 172, 173, 174, 175, 176, 177, 178, 179, 180, 181, 182, 183, 184, 185, 186, 187, 188, 189, 190, 191, 192, 193, 194, 195, 196, 197, 198, 199, 200, 201, 202, 203, 204, 205, 206, 207, 208, 209, 210, 211, 212, 213, 214, 215, 216, 217, 218, 219, 220, 221, 222, 223, 224, 225, 226, 227, 228, 229, 230, 231, 232, 233, 234, 235, 236, 237, 238, 239, 240, 241, 242, 243, 244, 245, 246, 247, 248, 249, 250, 251, 252, 253, 254, 255, 256, 257, 258, 259, 260, 261, 262, 263, 264, 265, 266, 267, 268, 269, 270, 271, 272, 273, 274, 275, 276, 277, 278, 279, 280, 281, 282, 283, 284, 285, 286, 287, 288, 289, 290, 291, 292, 293, 294, 295, 296, 297, 298, 299, 300, 301, 302, 303, 304, 305, 306, 307, 308, 309, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326, 327, 328, 329, 330, 331, 332, 333, 334, 335, 336, 337, 338, 339, 340, 341, 342, 343, 344, 345, 346, 347, 348, 349, 350, 351, 352, 353, 354, 355, 356, 357, 358, 359, 360, 361, 362, 363, 364, 365, 366, 367, 368, 369, 370, 371, 372, 373, 374, 375, 376, 377, 378, 379, 380, 381, 382, 383, 384, 385, 386, 387, 388, 389, 390, 391, 392, 393, 394, 395, 396, 397, 398, 399, 400, 401, 402, 403, 404, 405, 406, 407, 408, 409, 410, 411, 412, 413, 414, 415, 416, 417, 418			

## C

Cadung Dux Wallensium	140
Cadwallan ab Yvor 15, ejus filii dif-	
fac.	15
Calephas de Baldac,	260
Calixtus Papa 147 474, tenuit concilium	
147, convenit Regi Henr. 1 474, Anti-	
papam capis 475, ob. 5 26 148 477	
Calonenfis Comes,	365
Cambrarius de Tancarville	334
Candalion,	331
Candida Custodia.	389
Cantabrigeshire,	146
Cantuar. civitas maxima aquarum inunda-	
tione turbatur,	97
Cantuarienses Monachi ad Apostolicam se-	
dem appellant,	553
Capernaum opp.	351
Caput Lewellini Princ. Wallia Regi An-	
glia desertur 111, turri London. inclu-	
ditur,	ibid.
Caracois nobilis quidam apud Turcos.	339
Caravanna,	400



Cardeol, 138  
 Cardivia, 1  
 Cardul civ. 159  
 Carleol 29, sit sedes Episcopalis 151, re-  
 staurata, 463  
 Carmelus mons, 272  
 Carnium efus prohibetur in Anglia, 197  
 Carolus Siciliae Rex Tunicum applicat 92,  
 annum tributum exigit a Rege Tun-  
 censi ibid. cum Rege Franciae Viterbium  
 venit 94, Princeps Salernitiae intercessione  
 Regis Edwardi liberatur, 240  
 Carolus Comes Flandriae occisus, 149  
 Carri Cast. 153  
 Carrukeschire Pag. 468  
 Cartusiae ordo, 162  
 Carvernan opp. 238  
 Castellanus de Brugger Crucesignatus, 271  
 Castrii filii dei descriptio, 437  
 Castrum Bedford expugnatur, 188  
 Casus mirus, 473  
 Catheshewed, 461  
 Cattus machina militaris 335  
 Cayphas opp. 350  
 Cayfac Admiralius Turcorum, 363 394  
 Cœlum sanguineum, 147  
 Cæsarea, 352  
 Cæsareæ Archiep. Crucesig. 279  
 Celestinus Papa 10, ob. 11 28  
 Cenomanus civ. 22  
 Cent, 136  
 Cereleia machina militaris, 335  
 Cestriae Comes, 558  
 Cesterfield, 222 587  
 Chalons, 592  
 Chaluz cast. 35  
 Cham filius Noachi Ascalonem primus fun-  
 dasse dicitur, 376  
 Chartæ novo sigillo signantur, 165  
 Charta Johan. Regis confirmata, 184  
 Chererburg, 137  
 Cherimes cast. 327  
 Cherte, 209  
 Chileham opp. 171  
 Chingefwoda Abbatia, 162  
 Christiani in Hispan. Saracenos vincunt 16,  
 inter eos pax 199, Hierosolima eis resti-  
 tuta 18, eorum ad terram sanctam secun-  
 da transfretatio 28, a Paganis devicti 150,  
 male pugnant 156, Christianorum vitia  
 248, eorum exercitus deletur 251, dum  
 incaute applicant Acon capiuntur 252,  
 quanta incommoda pertulerunt per Sol-  
 danum 263, in eos Turci impetum faciunt  
 264, Acon obsident 267, Danorum Fri-  
 sonum &c. classis in eorum auxilium veni-  
 unt 268, Jacobus de Avennis in eorum  
 auxilium venit 268, Franci Angli Ger-  
 mani congregantur 269, Christianorum  
 fuga & cædes 270, dum fossatis faciendis  
 intendunt graviter a Turcis læduntur 271,  
 multi Principes Duces &c. suppetias ferunt  
 271, eorum galeæ fugantur 273, tres  
 machinas erigunt 275, machinæ incen-  
 duntur 276, aggressi Turcos viriliter re-

pellunt 277, de eorum infortunio bello  
 sine consilio suscepto 277, naves & nova  
 auxilia veniunt 279, Henricus de Cam-  
 pania exercitui præficitur 280, miracula  
 quæ inter eos acciderant 282 283 284  
 285 286, machinæ comburuntur 288,  
 maximam Turcicarum Galearum capiunt  
 289, Salahadinum in montana fugant  
 289, clerus gloriam militarem sibi compar-  
 rat 290, Turcos profligant juxta Cay-  
 phas impedire cupientes ne victualia qua-  
 rerent 290, fame oppressi a Marchiso vi-  
 ctus petunt, & non accipiunt 292, Mar-  
 chisum execrantur 293, modius tritici  
 aureis venit, ibid. cadavera equo-  
 rum cum intestinis devorant 293, occul-  
 te comedebat qui aliquam escam habuit  
 294, quondam deliciofi herbas comede-  
 bant 294, imbris & fame pereunt ibid.  
 famelici ad furnum pugnant 295, ossa a  
 canibus corrosa rodunt & immunda comest  
 ibid. nobiles cum non haberent unde e-  
 merent panem furabantur 296, multi pro  
 famis acerbitate apostatant, ibid. duo so-  
 cii tredecim fabas denario emunt 296,  
 Karrubles comedunt & potantes moriuntur  
 297, in Quadragesima carnes comede-  
 runt, ibid. exhortatione Ep. Sales & a-  
 liorum divites collectas faciunt, per quas  
 pauperes saturantur 298, adventu navi-  
 culæ hodie emitur quatuor aureis quod  
 heri centum ibid. domus Pisani reservare  
 annonam volentis igne consumitur 299,  
 eorum exercitus fuit hominum supra  
 c. M. 305, quantas injurias apud  
 Messanam passi sunt a Griffonibus 307,  
 quas a Longobardis 308, occasione u-  
 nius panis pugna fit 308, victualia eis  
 negata 312, multa incommoda patiuntur  
 præsertim ab Imperatore Cypri 319, de  
 eruptione & victoria eorum contra Insula-  
 nos Cypri 319, gaudium & processiones  
 pro adventu Regis Richardi ad urbem A-  
 con 331, ad bellandum a Turcis provo-  
 cati 332, Turcos viriliter repellunt 336,  
 viriliter impugnant urbem Acon 338,  
 frustra impetunt, ibid. Mestoc & Caracois  
 majores Turcorum ab ipsis inducias po-  
 stulant 339, urbem incessanter oppugnant  
 340, Salahadinus urbem eis reddi jubet,  
 ibid. civitatem ingrediuntur 341, Tur-  
 carum obsides 2700 capite plectunt 346,  
 quot nobiles in obsidione Acon inter Chri-  
 stianos ob. 347, deliciis & luxui dediti  
 348, ordinate dispositis ordinibus ab A-  
 chon processerunt 149, a flumine Achon  
 Cayphas perveniunt 350, a spinis vul-  
 nerantur ibid. feras inveniunt ibid. Ca-  
 pernaum perveniunt 351, Tarrentis vul-  
 nerantur ibid. quo modo curantur ibid.  
 Merlam & Cæsaream perveniunt ibid.  
 Turcos in se irruentes fortiter repellunt  
 352, ad flumen falsum affliguntur a  
 Turcis 352, carne equina vescuntur 353,  
 a flumine falso per Forestam de Assur ad  
 flumen



# I N D E X.

flumen Rochetailie perveniunt 353, Christianorum acies ad pugnam instructæ procedunt 354, toto die infestantur ibid. pene oppressi 355, ultra modum Hospitalarii præsertim manus conferere prohibentur 356, pugna & miranda Christianorum victoria ibid. vehementer dolent pro morte Jacobi de Avennis 360, maximam prædam capiunt 361, laudantur a Salahadino ibid. iterum aggressi sed frustra 362, fructuum optimorum abundantia refocillantur 363, Joppen reparant 364, castella de Planis & de Maey reedificant 365, Turcos irruentes sæpe trucidant ibid. quæ ex pluviis & ab hostibus incommoda tulerunt 369, de eorum admirabili pugna, & victoria 370 371, ad Christianorum exercitum multi confluunt spe visitandi sepulchrum 371, gaudent de peregrinatione in Hierusalem ibid. dissuadentur 372, persuasum est ut reedificarent Ascalonem priusquam Hieros. peregrinarentur 373, maxima afflictio exinde oritur ibid. quam multis tribulationibus & mœroribus anxiebantur 374, ad Ascalonem perveniunt, quam reedificant 375 376, a Joppe & Ascalone exeuntes infinitam prædam reducerunt 380, inter se ipsos quanta discordia 383, audito Regis Richardi repatriandi proposito potius eligunt Marchisum quam Guidonem in Regem 384, quosdam e Turcis comprehendunt 389, quidam a Turcis comprehenduntur 388, consentiunt in unum obsidere Hieros. 395, se parant ad expugnationem Hieros. 398, a muscis Scincenellæ dictis punguntur & leprosi videntur 395, in itinere duo ex morsu serpentum moriuntur ib. ditiores pauperibus subveniunt 298, qui carravanæ deputantur custodire cæsi & pessime tractati a Turcis 400, per Com. Lecest. liberati 401, caravannam optimam Turcorum capiunt 405, quot cameli & dromedarii capti & quot Turci occisi 407, lamentantur quod prohibentur ire versus Jerusalem 408, revertere in patriam suam parant 409, eorum recessione audita Salahadinus convocat infinitam multitudinem Turcorum 410, exercitus ordo 417, Turcorum 700 occidunt, duobus eorum tantum occisis 420, per turmas procedunt in Hieros. 424 425 426, repatriantes naufragia & pericula patiuntur 427, finitis induciis Christiani Principes de rebus agendis consilium simul capiunt 435, eorum progressus ad montem Tabor 436, de equitatu tertio cum vexillo vivificæ crucis 437, in Colonienfi provincia maximam classem parant 438, descendunt ab Acone Damietam navigaturi 439, de machinis Christianorum ad turrin capiendam paratis 440, turrin capiunt 441, Principum desidia 442, multa patiuntur assultibus Saracenorum, inundatione Nili, & peste 442,

struunt pontem, Soldanum fugere compellunt & Damietam obsident 444, irruptio in eos facta 445, a Saracenis in fugam versi 447, inducias accipiunt a Soldano oblatas 448, inter eos discordia 449, de pace a Soldano eis oblata ibid. Damietam expugnant ib. Thannim validissimum propugnaculum expugnant 451, a paganis victi 477, in terram sanctam parum profecerunt & quare 486, Almariam capiunt 487, fames in exercitu 525, quomodo in terra sancta profecerunt & defecerunt 563, cruce signati in Siciliam appulerunt, 589  
Chynun cast. 13, a Rege Francorum capta, ibid.  
Cistercii ordinis conversi amoveantur 11 165, a Rege Johan. vexantur ibid. eorum ordini concessum est ut terræ eorum decimas non solverent 16, eis confirmantur terræ Gilleberti de Clare ib. inter eos & Clavallenses discordia 213, ejusdem ordinis nova Abbatia fundata, 234  
Cicestria succensa, 472  
Cirecester, 152, 176  
Clarembaldus de monte Chablon, 40  
Clarembaldus de Nuberis 279  
Clarendon, 225  
Clasis Regis Richardi magna pericula sustinuit, 317. Cretam appulit, ibid. Rodum attingit, ibid. expugnat maximam Samarcenorum navem, 328 ad Cæsaream appulit, 352  
Clasis Danica re infecta redit, 131  
Clausic morbus, 232  
Clemens 3. Papa crucem suscipientibus peccatorum omnium veniam promittit, 390. ob. 593  
Clemens 4. Papa septimum librum Decretalium edidit, 128. in concilio Vien. revocat, ibid. ob. 164. 224  
Clemens Abbas de Neth ob. 16  
Clerus Angliæ decimam sextam Regi concesserunt 40, temporalibus exuuntur 127, eorum luxuria reprimatur, 470  
Clerkenwell, 121  
Clyveland regio, 458  
Cnut, 133. 135  
Cocodrilli, 452  
Coggeshall, 188  
Colechurch, 168  
Cometa apparuit, 140. 145. 146. 467. 472  
Comes de Medlent a Rege Hen. defecit 148, captus ibid.  
Commercium inter Francos & Anglos a Rege Francorum interdictum, 126  
Concilium in Anglia celebratum, 458  
Concilium London. 36 40 43 197 150 477 484 153 224, Claromontanum 466, Lambethanum 234, Lateranense, 39 506 556, Lillebonæ 132, Lugduni 45 100 229, Remense 28 156 473 474, Oxon 14 187, Reding 108, Romanum 161 176 467, Rotomagense 131, Turonense 159, Winton, 156  
Conjuratio



# I N D E X.

Conjuratio in Regem Willel. 131, in Willel. Rufum 135, in Hen. I.	142	Darum cast. 362, captum a Rege Richardo,	392
Conventus Episcoporum,	151 226	David Rex Scotorum 152, 501. Angliam invadit 153 501, Karol & Novum castrum cepit dolose 479, inter eum & Regem Angliæ pax 153 479, fracto fœdere Northumbriam invadit 501 480, victus 153, captus,	501
Conventus Procerum ad tabulam rotundam,	238	David Walliæ compedibus oneratur,	111
Convivium celebre apud Kenelworth,	108	David de Sancto Edmundo Ep. Meneven.	126
Conradi Imperatoris & Ludovici Regis Fran. in terram sanctam expeditio 156, Imperator redit, ibid.	ob. 157	Decimæ ab Europa,	163
Conradus Episcopus Portuensis,	184	Decimæ Eccles. Regi Henrico concessæ 84 88 223, Edwardo,	227
Copia magna rerum omnium,	83	Decima quinta bonorum temporalium a Clericis & laicis Regi Edwardo concessa 103, decimatio triennalis eidem a Papa datur, 99	
Cordini,	250	Decimæ Ecclesiasticorum, per sex annos dantur in subsidium terræ sanctæ,	100
Corf. Cast.	13 179	Decretum contra Alienigenas,	212
Corf. Villa,	37	Denarii sancti Petri solvi prohibentur,	168
Cornubiæ Comes exercitum ducit in Walliam 115, induciis factis iterum redit, ibid.		Dene Foresta,	218
Corpora Swithuni & Ethelberti translata,	2	Didimus Cast,	327
Corpus hominis mirabiliter detruncatum inventum est,	47	Discordia inter Regem Hen. & fratrem 469, inter Regem Hen. & Anselmum 470, inter Regem Hen. & Ducem Norman. 143, inter Pisanos & Genuenses 379, a Rege Richardo componitur, ibid. inter Reges Angliæ & Franciæ 34 312 342, inter Pipam Innocentem & Imperatorem 190, inter Comitem Waremiæ & Alanum la Zufake 91 225, inter Archiep. Cant. & Monachos 198, inter Archiep. Cant. & Ebor. 108, inter Archiep. Cant. & Ep. Lincoln. 151, inter Cistercienses & Claravallenses 213, inter Abbatem Glaestingburii & Monachos 132, quidam occisi, ibid. inter cives & Monachos Norwic.	226
Cosdroes Rex Persarum,	251	Divinæ vindictæ exempla,	484
Coventre opp.	235	Divises Cast.	195
Cowton opp.	481	Dole Cast.	132
Crac. Cast.	362	Dominicus prædicatorum autor 556, ejus testamentum,	557
Cracefergus Cast.	36	Donewyk,	500
Creta Ins.	317	Donfres,	128
Crucem plures suscipiunt, 17 24 180	185	Donpas opp.	306
Crucis reliquiæ Westmon. translata,	239	Dorcun villa,	439
Crucis miranda apparitio,	438	Dordrect,	opp. 52
Crux capta,	251	Dover,	37 63 72 76
Crux in aere,	519	Douewych,	64 78
Cuthberti corpus invent.	25 471	Dracones in aere,	187
Cumba Eccles. dedicata,	209	Dragus mons,	306
Cumberland,	30	Drogo de Amiens,	346
Cycester,	62	Drogo de Fontinello Putrell,	370
Cypri Imperator Christianis multa damna infert 319, pugna navali & terrestri victus a Rege Richardo 322 323, de colloquio & modo pacificationis inter eum & Regem Richardum 325, malitia cujusdam militis discordia inter eum & Regem Richardum oritur 326, nocte fugit 326, tria castella amittit cum filia & thesauris 327, Nicosiam veniens ad pedes Regis Richardi se prosternit, & Cyprum Regi tradit, 164	327	Drogo de Mirlo,	354
		Drogo de Mirlovir,	326
		Dromones,	316
		Duffenaldus Rex Scotorum eligitur 139 465, deponitur,	141
		Duncanus auxiliante Willel. Rege Regnum Scotiæ recuperat,	465
		Dunecanus filius Melcolmi Regis Scotorum depulso avunculo regnum occupat 138, occisus,	139
		Dunastore Cast.	153
		Duneckewell	

## D.

<b>D</b> Am portus,	63
Damiata a Christianis capta 185 435, a Paganis capta 186, iterum a Christianis capta 208, a Sarracenis capta 209, bis frustra obsessa tandem a Christianis expugnatur 449, pestilentia cives vastat 448 450, numerus eorum qui perierunt a principio obsidionis in civitate 450, civitas munitissima 451, spolia æqualiter divisa,	ibid.
Danemarch,	131
Danfront opp.	139
Dani 268, a Willel. Rege devicti 130, eorum classis re infecta redit 131, eorum Rex ob. 132, fama Danos Angliam invasuros 133, Regem Cnut interficiunt, 135	



Duneckewell abbatia extruitur, 13 167 188  
 Dunstable, Pag. 34 151 152  
 Durandus Papæ Legatus, 37

## E.

**E** Adgar Etheling 130 133 137 138  
 141 144, fit Rex Scotorum 141, ca-  
 captus, 144 ob. 145  
 Eadgitha uxor Edwardi Confessoris, 21 ob. 1  
 Ebroicensis urbs, 541  
 Ebroicensis Ep. 365  
 Ecclesia Sancti Albani dedicata 146, Belli  
 loci Regis 206, de Cumba 209, Sanctæ  
 Mariæ de arcubus dilabitur 93, Sancti  
 Pauli incendio vastatur 134, Westmon.  
 fundata 206, Ecclesiæ diripiuntur, 30  
 Eccclipsis solis 7, 9, 211, Lunæ, 8, 439, 473  
 Editha de Weyka ob. 90  
 Edmundus Princeps filius Hen. 3. Regis na-  
 tus 45, contractio ejus gratia pro regnis  
 Siciliæ &c. 54, filiam Comitis Albemariæ  
 duxit 87, expeditionem in terram sanctam  
 designat 85, terram sanctam petit 226,  
 redit 98 227. Reginam Navarræ ducit  
 uxorem 103, in Angliam ducit, 104  
 Edmundus filius Regis Alemanniæ miles  
 creatur 226, audita fratris nece in Angli-  
 am venit 95, uxorem ducit, 98  
 Edmundus Archiep. Cant. 41 195 573,  
 inter eum & Monachos discordia 198 ob.  
 202 574, canonizatus 46 207, reliqui-  
 orum translatio, 207  
 Edmundus Comes Cornubiæ exercitum ducit  
 in Walliam 115, induciis factis iterum  
 redit, ib. ob. 127  
 Edwardus Rex Confes. Godwini filiam repu-  
 diat 456, ob. 1 129 457, Guliel. Nor-  
 man. hæredem reliquit ibid. ejus reliquiæ  
 translata, 88 159 225  
 Edwardus Princeps filius Hen. 3. nascitur 44  
 574, in Walliam pergit adversus Lewel-  
 linum 16, quosdam ex Baronibus in partes  
 suas pertrahit 57, capitur 62, e custodia  
 elabatur 67, Marchiensium & aliorum sup-  
 petiis roboratus Wigorniam & Gloucestri-  
 am capit 67, Sabrina transitus Baronibus  
 præcludit 68, Simonem Montefortium fil.  
 apud Kenelworth ex improvise adoritur  
 & profligat 69 221 222, Simonem Mon-  
 tefortium vicit 73 586, Johannem de Ve-  
 sti & alios tumultuantes reprimat 78, Elien.  
 Inf. in potestatem regiam redigit 82, cum  
 aliis terræ nobilibus expeditionem designat  
 in terram sanctam 85 225 240, in Sici-  
 lia hiemat 590, Nazareth capit, ibid. Sar-  
 racenos fudit, ibid. revertitur 592, apud  
 Chalons tornavit, ibid. submittit contro-  
 versiam inter eum & Com. Gloucest. arbi-  
 trio Regis Romanorum 91, pax inter eum  
 & Com. Gloucest. facta, ibid. in Tunicam  
 terram devenit 93, Henrico Regis Rom.  
 filio res suas committit 94, in Syriam ten-  
 dit, ibid. relictis navibus in Insula Cypro

Accon devenit 96, Johannes ejus primo-  
 genitus ob. ibid. a sicario graviter vulne-  
 ratur 97 227, Romam venit ib. a Papa  
 Viterbii receptus triennalem decimatio-  
 nem Clericorum obtinet 99 227, Parisios  
 venit ibid. pacem cum Rege Franc. fir-  
 mat 234, in Vasconiam tendit, contra  
 Gastonum de Biarre ibid. 230, inter eum  
 & Gastonum Rex Franciæ fit arbiter 99,  
 in Angliam redit 100, ab Archiep. Cant.  
 coronatur 101 229, colloquio cum Lewel-  
 lino Walliæ frustra tentato redit ib. 241,  
 Oxoniam veniens superstitione quadam de-  
 tentus civitatem ingredi recusat 102, de-  
 cima quinta a Clericis & laicis Regi con-  
 cessa in Parlamento 103, Emricus de  
 Monteforti Regi traditur 104, exercitum  
 mittit contra Lewelinum 105, cum magno  
 exercitu Walliam intrat, ibid. 232, Lewel-  
 linum ad maximas difficultates redigit,  
 ibid. Insulam Auglesey occupat 105, sub-  
 missionem & tributum a Lewellino acci-  
 pit 106, hæres Lewellini constituitur ib.  
 de Lewellini fide dubius in Walliam ten-  
 dit 106, Judæos & alios ob monetam de-  
 tonsam punit 107, in Gallias transfretat  
 108, cito revertitur, ibid. moneta reton-  
 sa prius prohibita Cambium instituit 108  
 234, decimam quintam a Clero exigit  
 110, ad pacem inducere conatur frustra,  
 ibid. Lewellini caput Regi defertur 111,  
 compedibus onerat fratrem Lewellino ib.  
 filius sibi nascitur, ibid. 223 230, de  
 Wallia Bristoliam venit, &c. 112, in  
 Galliam transfretat 113, quod M. Marcia  
 Judæis accipit 114, redit in Angliam 118,  
 citat Parlamentum ibid. in servos suos  
 delinquentes severius animadvertit 119,  
 exigit decimam quintam tam ab Ecclesiasti-  
 cis quam a laicis 121, versus Scotiam iter ce-  
 pit 122, inter eum & Scotos agitur de  
 Rege Scotiæ eligendo 123, in Scotiam  
 proficiscitur 124, Johannem de Baylol. ad  
 ad Regnum Scotiæ evehit & redit 125,  
 pecunias Monasterii diripit 126. 60000  
 Scotorum apud Fonkerbe delet 127, trans-  
 fretat in Flandriam ibid. Margaretam so-  
 rorem Regis Franciæ in uxorem ducit, ib.  
 damnavit monetam illegitimam 127, fili-  
 um suum Edwardum Principem Walliæ  
 facit 127, literas declaratorias tituli sui  
 ad regnum Scotiæ ad Papam mittit 128,  
 Scotiam subjugat 242, juramentum fide-  
 litatis ei præstitum 227, tenuit festum  
 apud Gallingham in Dorsetshire 230, apud  
 Winton. natale suum celebrat 234, Prio-  
 ratum Swithuni Episcopo loci concedit  
 234, mittit Quo Warranto ad omnes Ang-  
 gliæ Comitatus 235, Walliam subjugatam  
 castro munit 238, multæ reliquiæ ex  
 allia Regi allatæ ib. statuta condit 239,  
 ejus intercessione Carolus Princeps Saler-  
 niæ liberatur 241, Alienorum Regis Hi-  
 span. filiam uxorem ducit 577, Londo-  
 nienses fugat 583, tradit se custodiendum  
 pro



pro patre 584, e carcere evasit 585, patrem suum liberat 587 ob. 128  
 Edwardus filius Edwardi I. nascitur, III. Princeps Walliæ factus, 127 Rex 128  
 Edwinus Dux Nordamhumborum, ob. 1  
 Edwinus Consul, 129 131  
 Egerworth juxta Marfilium, 589  
 Egidius Rudeport Ep. Saresb. 50 ob. 56  
 Egidius Ep. Herefordensis exul, 14 ob. 180  
 Eleemosyna Abbatia, 162  
 Elias de Bebingham, 121  
 Elien. Abbatia fit sedes Episcopalis, 146  
 Elien Insula a rebellibus occupata, 77  
 Emaus fons, 399  
 Emelinus Hereforden. Ep. 25  
 Emricus de Monteforti Regi traditur 104, e carcere liberatus, 110  
 Enfridus de Turone, 281  
 Episcopus Elien. Cancellarius 528, nequitia ejus & superbia, ib. detegitur, ib.  
 Episcopus Elien. Regis Thesaurarius subsidium solvendum imponit, 117  
 Episcopi Walterum Salisburien. Episcopum consecrare negant, 95  
 Episcopi quidam Monachos Ordinis Cisterciens. suo subicere dominio frustra conantur, 576  
 Episcopus Dunelmensis fit Comes, 519  
 Episcoporum conventus, 151 226  
 Episcopi plures ob. 39 162. Ad Episcopatus plures promoventur, 10 25 32 160 162 163 188 192  
 Erac de monte Regali, 368  
 Erardus de Castiniaco, 279  
 Eratum opp. capta a Salahadino, 256  
 Erdinton manerium, 234  
 Erikeledeburn, 209  
 Ernaldus de magna villa, 334  
 Ernulfus Ep. Roffen. ob. 5  
 Errores Richardi de Knapwelle damnantur, 114  
 Escot mons, 306  
 Efflexia aqua inundante devastatur, 114  
 Estun, 215  
 Eudo Prior Waverleia, 162  
 Evefhanna, 70  
 Evefhame, opp. 71 74 219 221  
 Eufemia Abbatissa, ob. 225  
 Eugenius Papa 155, celebrat concilium Remense 28, Legatum in Hiberniam mittit, 157 ob. 29 158  
 Eustachio filio Regis Stephani fidelitas juratur, 157 ob. ibid.  
 Eustachius Elien. Episcopus exul, 14 ob. 192  
 Eustachius Ep. London. ob. 40  
 Eustachius de Veschi Baro 558, fallit Regem Johannem supponendo ei meretricem pro uxore sua, ibid. occisus, 559  
 Eustachius filius Johan. Meltun. 153  
 Eustachius de Faucunberge fit Ep. London. 186  
 Exactio injusta in Anglia, 134  
 Expeditio in terram sanctam promovetur a Papa, 140, 150 182 207

## F.

Falkesius de Breant 181, in patriam suam cum dedecore dimittitur, 188  
 Falsarii monetæ puniuntur, 5  
 Fama de Anglia a Danis invadenda, 133  
 Fames in Anglia 26 7. 9 26 49 50 130 134 164 168 189 546 593  
 in Hibernia 4, in Wallia 9, in terra Sancta, 292 293 295 296 &c.  
 Faricius Abbas Abendonæ, ob. 5  
 Faversham Monasterium, 16 29 158 489  
 Febris grassatur, 133  
 Ferraria Comes & alii Barones devastant Boreales & Occidentales provincias 75, captus 76  
 Ferendon Castell. 485  
 Fererendon, 13  
 Fernham Castell. 182  
 Ferrant Comes Flandriæ 180, homagium facit Regi Johan. ibid.  
 Ferricus de Viana, 400  
 Fervor maximus, 210  
 Ficuum cast. 394  
 Finchamstede, opp. 141. prodigium ibid.  
 Franci & Flandrenses sine pugna e Normannia recedunt, 146  
 Franci certatim crucem suscipiunt 300, recedunt 374, ad exercitum redeunt 376, a Duce Burgundiæ revocati 380, tantum luxuriæ & tabernis vacant 383, Regem Richardum Angliæ infamant 387, postulant Tyrum sibi tradendam frustra 388, confunderentur a Turcis nisi Sales. in eorum auxilium venerat, 400  
 Francia deprædationibus vexata, 146  
 Franciscus Segrave, 56  
 S. Franciscus ordinem Minorum instituit 557, ob. 189, canonizatur, 191  
 Franco filius Geldewini, ob. 164  
 Francorum Regum prima familia, 476  
 Frankford, 51  
 Fratres de monte Carmeli habitum suum mutant, 116  
 Fratricidium enorme, 502  
 Fratrum mendicantium provincialia capitula habita Oxon. 118  
 Fredericus Rex Aleman. 159, consecratur Imperator Romanorum 159, sororem Regis Henrici Angliæ duxit 43, cum Saracenis pacem init 17, ad terram sanctam ire nolens a Papa excommunicatur 46 190, Papam vexat 44 190 205, Ottomem Legatum capit 44, in concilio Lugdunensi depositus 574, super hoc conqueritur 575, ad terram sanctam proficiscitur 163 258, versus Hierusalem pergit 164, redit de terra sancta 192, inter cum & Papam pax 161 193, calumniatur ab autore Papicola 199, ejus Epistola ad Salahadinum 258, quantum exercitum per Ungariam congregavit 260, hospitaliter exceptus a Rege Ungarorum 261, de ejus hiematione

# I N D E X.

hiematione in Græcia 262, Danubio  
transito multos adversarios reperit 261, in-  
ter eum & Isaacium pax, ibid. transit per  
brachium S<sup>i</sup> Georgii 262, Soldanum im-  
mensa strage vincit 264, Armeniam ve-  
niens flumine Seleii submergitur 265, ejus  
ossa Hieros. deportantur, 266  
Fredefwitha 60 102, ejus reliquiæ Oxon.  
translatæ 33 161, in alium locum trans-  
latæ, 118  
Frisones, 268  
Frugum abundantia, 241  
Frugum inopia, 2  
Flandrenses Anglia pelluntur, 30 158  
Flint Cast. 105 110 234  
Florentius Comes Hollandiæ 51 243. Re-  
gnum Scotiæ vindicat, ibid.  
Fulco Basset Ep. London. 45 205 ob. 53  
Fulco de Breant, 38 39  
Fulco Comes Andegaviæ fit Rex Hieros. 151  
Fulco de Cantelu, 169  
Fulco Lavell Archidiaconus Colcestriæ 109,  
electus in Ep. Lincoln. recusat, ibid.  
Fulco Tholosanus Ep. 556, Romam pe-  
tit, ibid.  
Fulgurum & tonitruum tempestas gravis, 2  
Fulminis ictu duæ mulieres & quinque equi  
periere, 474  
Fons sanguinis, 5  
Fonkerby, 127  
Forbia Cast. 390 394  
Forda Abbatia, 10  
Fourham vicus, 32  
Furaca villa, 305  
Fynkhale, 8 496

## G.

**G**abelus expugnata, 255  
Galaranus, Comes Mellent, 155  
Galatia, 362  
Galli invadunt Angliam 125, vincuntur,  
ibid.  
Galfridus Regis Ang. filius 32, filiæ Comitiss  
Britanniæ despondetur, ibid.  
Galfridus filius Comitiss Andegaviæ Impera-  
tricem Rom. in uxorem ducit, 149  
Galfridus filius Hen. Regis electus ad Ar-  
chiep. Ebor. 10  
Galfridus Comes Britan. ob. 162  
Galfridus Plantagenest, 32  
Galfridus Ebor. Archiep. ob. 561  
Galfridus Ep. Elien. ob. 40  
Galfridus Justiciarius Ang. 35  
Galfridus de Lezignan 53 167, de Lezi-  
niaco, 372  
Galfridus de Lucy, 580  
Galfridus de nova villa 484, captus, ibid.  
Galterus de Arzilleriis Crucesig. 279  
Gannak cast. 46 52  
Garinus filius Geroldi, 334  
Garnerius de Napes, 357  
Gasiganz lorici genus, 407  
Gastonus de Biarre 99, movet Guerram con-

tra Edwardum Regem Angliæ, ibid. se in  
montuosa recipit, ibid. submittit se arbi-  
trio Regis Franciæ, ib. se Regi reddit 103,  
carceri commissus, ibid. cautione data li-  
beratur, ibid.  
Gaubertus de monte aspero cruce signatus, 279  
Gaufridus frater R. Hen. II. ob. 159  
Gaufridus Regis Richardi frater in carce-  
rem a Cancellario conjicitur 529, libera-  
tur a Johanne, 530  
Gaufridus de Mandevilla Comes Essex ob. 180  
Gaufridus Ebor Archiep. ob. 15  
Gaufridus Dunelm. Ep. ob. 6  
Gaufridus Ridel. Elien. Ep. 160 ob. 189  
Gaufridus Abbas de Land, 193  
Gaufridus Arturus qui transtulit historiam de  
Regibus Britonum fit Ep. Sancti Asaph in  
Norwales, 157  
Gaufridus Baynard 140, inter eum & Wil-  
lel. Ow pugna, 145  
Gaufridus de Clinton, 150  
Gaufridus de Gienvilla, 271  
Gaufridus de Lancellis, 334  
Gaufridus de Liramen, 13  
Gaufridus de Mandevill cæsus, 155  
Gaufridus de Muscamp Covent Ep. 166  
Gaufridus de Rancona, 334  
Gayllard Cast. 550  
Gelafius Papa, 147 ob. ibid.  
Gelu asperrimum, 110  
Genuenses cum Pisanis discordes 379, con-  
cordes facti a Rege Richardo, ibid.  
Geofridus Rautonen. Comes, 541  
Geofridus Archiep. Ebor. 578  
S. Georgii Cast. 362  
Georgius Comes de Wize, 438  
Gerbochert Cast. 460  
Gerardus de Bideffordia, 270  
Geroldonia fundata, 151  
Gervasius Abbas de Landesi, ob. 162  
Gervasius Paganel 153, tenuit Castel. adver-  
sus Regem ibid.  
Gesyra terra, 250  
Gibelath turris, 329  
Gibellus mons, 317  
Gilbertus de Clare Comes Gloucest. terras in  
duobus Comitatus confirmavit ordini Cister-  
ciens. 16, Regi bellum infert 218, deser-  
tus ab Edwardo Regis filio, ibid. occu-  
pat urbem London. 79, obsidet Papæ Le-  
gatum in turri 80, inter eum & Regem  
pax 81, tradit London. Regi ib. sub spe-  
cie metus ab Edwardo ad Parliamentum  
adire recusat 89, causam suam submittit  
arbitrio Regis Rom. 90, inter eum & Do-  
minum Edwardum pax 91, ducit Joan-  
nem de Acre filiam Regis 120, Hibernos  
edomat, 126  
Gillebertus Abbas de Margan, ob. 15  
Gillebertus Abbas Waverley, 150  
Gillebertus Basset proscriptus 41, revoca-  
tus, 42  
Gillebertus Degant, ob. 159  
Gillebertus Foliot Ep. London. ob. 163  
Gillebertus de Guasfil proditor, 316  
Gilleber-



# I N D E X.

Gillebertus Hanusard,	587	Cypri 3 27, ab Hierusalem ejectus 191, a	
Gillebertus London. Ep.	151 ob. 157	Rege Richardo fit Rex Cypri,	392
Gillebertus de sancto Leofardo Ep. Ciceſt.	239	Guido Abbas fit Cardinalis,	215
Gillebertus de Lacy,	153	Guido de Caſtellano cruceſig.	279
Gillebertus Malenianus cruceſignatus,	279	Guido Daripriera,	271
Gillebertus Mareſchal,	ob. 44	Guido Lezignan,	53
Gillebertus Ep. Roffen.	ob. 180	Guido Luor,	56
Gillebertus de Tilleriis cruceſignatus,	279	Guido de Meiſieriis cruceſig.	279
Gilley locus ſic dictus 5, ibi miraculum	ibid.	Guido de Monteforti e caſtro Dorob eva-	
Gillingham in Dorſet,	230	fit,	76
Girardus Ebor. Archiep. & Gundulfus præ-		Guido Præneſtinus 13, fit Archiep. Re-	
ful,	ob. 425	men.	ibid.
Girardus magiſter Templi a captivitate libe-		Guilford Caſt.	182
ratur,	256	Gundulfus,	ob. 4
Giraldus de Finivall,	417	Gypwyc,	64 78
Girardus de Talebore,	334	Gyrth Wallus,	129
Geſtin,	6	Gwydo de Balliof,	587
Gifeburniæ fundatio,	477		
Gizortium opp.	257		
Glaſton opp.	110		
Globi ſanguinis in terram decidunt,	207		
Godardus de Loreora,	334		
Godefridus Dux Lotharen.	467		
Godefridus Archiep. Ebor.	ob. 588		
Godefridus de Bulloine,	409		
Godefridus Cancellarius Regis,	5		
Godefridus Giffard Ep. Wigorn.	85 224		
Godefridus de Luci Ep. Winton.	10, ob. 13		
Godefridus de Ludam,	52		
Godericus Heremita	ob. 8. 496		
Godwinus Comes 1, cum exercitu dilabitur			
456, proſcriptus fugit ibid. redit in An-			
gliam 456, Regi conciliatur ibid. ob. ibid.			
Gog.	200		
Gondreda Comitiffa Warwicen.	157, ca-		
ſtellum Warwic Hen. Norman. tradit,	158		
Gower pagus,	9		
Græci ſubſcribunt ſymbolo Apoſtolico,	100		
Grandebrigge Comitatus.	222		
Grandpont,	46		
Gratia Dei Abbatia,	190		
Greges Margan occiſi,	16		
Gregorius Papa 9 190, Romam relinquit,			
ibid. decimas exigit a Cleris Ang. 191,			
excitavit omnes in terram ſanctam 510,			
diſcors cum Frederico Imp. 190, inter			
eum & Imp. pax,	193 ob. 162 203		
Gregorius decimus Papa 226, Lugduni Con-			
cilium celebrat,	100, ob. 230		
Gregorius Antipap. 5, captus,	ibid.		
Grenemuth,	78 116		
Grifidus filius Riſ,	ob. 7		
Griffones damna inferunt Chriſtianis 308, a			
Rege Richardo victi & proſtigati,	322		
Grifud filius Geſtin.	6		
Grymbaldus de Pauntevolt,	582		
Guadres opp.	362		
Gualo Legatus in Angliam 38 181, receſ-			
ſit,	184		
Guido Rex Hierof. 251, captivus abducitur			
251, a juramento abſolvitur 266. Ty-			
rum venit 267, a Marchiſo non receptus			
ib. Acon petit, ib. in Cyprium venit 324,			
a Rege Richardo benigne ſuſceptus 324,			
tria caſtella capit cum filia & theſauris Imp.			

## H.

<b>H</b> æretici veniunt in Angliam,	494
Hailgum Princeps Southwalliæ 15, V.	
Mailgan.	
Hales Monaſt. fundatum,	49
Hales Eccleſ. dedicata,	209
Halreſford opp.	166
Halyburnæ diviæ audiunt monachi Netha-	
menſes,	209
Hameclin Caſt.	220
Hamſted Villa 3 143 470, ibi prodigium,	
ibid.	
Hamtun,	139
Haraldus Rex 129, victus a Willel. ibid.	
captivus factus 456, a Willelmo liberatur,	
ibid. inter eum & Willel. pax 457, occi-	
ſus,	ibid.
Haraldus Norwegiæ Rex adjuncto ſibi con-	
ſule Toſti devincit Marcherum & Edwi-	
num Conſules 129, ab Haraldo Anglorum	
Rege prælio caſus,	ibid.
Haftering opp.	129
Hauffaſſi,	386
Hauteſfordia,	396
Hawiſſa Comitiffa,	7
Haxailylum,	588
Heli Inſula,	146
Helias Comes Cenomanniæ,	145
Hengeramus de Waterville,	582
Henley,	191
Henricus frater Willel. Ruſi 139, in Angli-	
am venit, ibid. in Normanniam tranſit 139,	
in Regem electus 3 142 468, Weſtmo-	
naſterii coronatur 142, Radulſum Du-	
nelm. incarcerat 3 142, civitatem Bai-	
cenſem vaſtat 4, Matildam filiam Melcolmi	
duxit 24 142 469, Normanniam capit 4,	
Wallenſes oppugnat, ib. diſidium inter il-	
lum & Anſelmum Archiep. 25 470. inter	
eum & Ludovicum R. Franciæ 4, Regem	
Francorum fugat 147, cum Anſelmo con-	
ciliatur 142, inter eum & Regem Franciæ	
pax 474, Normanniam trajecit 5, a Nor-	
man. redit 6, Eccleſiam Cant. dedicat 26,	
in eum conjuratio 142, inter eum & Ro-	
bertum	

bertum Ducem Norman. pax 142 469, Robertum de Belesmo ab Anglia expulit 143, inter eum & Robertum Norman. discordia 143 469, inter eum & Ducem Norman. colloquium, ibid. Bajocum & plura castella expugnat 143, in Norman. transit 144 471, Comitem Robertum capit, & in carcerem mittit 144 472, Normanniam sibi devincit, ibid. reversus a Norman. curiam tenet Windforiæ 144, Episcopatus vacuos confert, ibid. in Norman. transit 145, redit ibid. filiam ejus Henrico Imperatori in uxorem dat ibid. bellum gerit cum Fulcone Consule Andegaviæ 145, inter eum & Wallenses pax 146, Normanniæ Barones fidelitatem filio suo Willelmo jurare fecit 146, Barones etiam Angliæ 473, milites ejus deficient 147 473, fugat Regem Francorum 147, duos filios cum filia naufragio amittit 147 475, ducit uxorem filiam Ducis Lovaniæ 148 475, Comes de Medlent ab eo deficit 148, in monetarios gravius animadvertit 149, exercitum ducit in Franciam 149, in Ang. redit 150, Parliamentum tenuit 473, Thurstinum Archiep. Ebor. in Angliam redire non permittit 474, Gisfortium convenit Papæ Calixto, ibid. Thurstinum in gratiam recipit 475, rebelles vicit, ibid. filia suæ Imperatrici fidelitatem jurare fecit 476, in Norman. transfretat 6 151 478, ubi sepultus 6 152 479, ejus virtutes & vitia, 478

Henricus II. 7, coronatur 29 158, Southwalliam in potestatem suam redegit ibid. Walliam intrat 8 160, Flandrenses Anglia pellit 30 158 491, contra Scotos & Wallenses prospere pugnat 30 159, cum eis pacem init 493, fratrem suum novas res studentem vincit 30, Lincolnix iterum coronatus, ibid. discordia inter eum & Tho. Archiep. 31, filium ejusdem nominis coronandum curat, ib. inter eum & filium discordia & bellum 31 160, inter eum & Lodovicum Regem Franc. pax 31, inter eum & R. Scotiæ pax 159, filiam suam dat Henrico Duci Saxonix 160, legum curam suscepit 491, Brigiam Cast. obsedit 492, Northumb. a Rege Scotorum poscit 492, juramento absolutus a Pontifice 493, civitatem Tholosanam petit 494, leges contra Clericos sancit 495, filiis regnum dividit 496, Britanniam acquisivit, ibid. Hiberniam subjugat 498, discors cum Hen. filio 498, Gallos fugat 499, suis comitatus 80000. Scotorum capto Rege fudit 502, virgis flagellatus, ibid. filium Hen. cum reliquis in gratiam recepit 505, Regem Scotorum in pristinam libertatem restituit, ibid. restitutio fit Regia Comite Flandrensi, ibid. Archiep. Ebor. thesauros occupat 507, semetipsum deposuit & Hen. filio suo diadema imposuit 160, Hiberniam petit & subjugat

160 498, filium suum Hen. morte amittit 507, cruce signatur 163 257 511, in terram sanctam itinerarium 247, occursum Regis & Reginæ in Insula Arados dicta 255, de ejus pecunia apud Templarios quondam reposita, ibid. inter Gisfortium & Triam cum Philippo R. Franciæ crucem suscipit ob. 163 301 513, ubi sepultus 163, ejus virtutes & vitia, 513

Henricus III. 16, ejus primordia 562, Piætaviam transfretat 18, coronatur 39 182 185 562, Hugo de Burgo fit ejus Protector 39, castrum Bedford capit, ibid. castra a Rege Johan. amissa ipsi resignantur 40, quinta pars bonorum mobilium Regi concessa, ibid. sexta decima a clero, ib. Scutagium cepit per totam Angliam 41, transfretavit in Britanniam 572, in Britannia male pugnat 41, quadragesima pars ei solvitur, ibid. Richardum Marefcal proscrispsit, ibid. Alienoram duxit 43, in vitæ discrimen adducitur 43, Walliam subjugat 44, in Vasconiam transfretat, ibid. 574. Scotiam invadit 45 205, pacem cum eis init 205, bellum facit contra Wallos 45, cum copioso exercitu in Vasconiam transfretat 49, redit 50, castrum Dorub. refumit 55, inter eum & Barones discordia 579, a juramento Baronibus præstituto a Papa absolvitur 55, a juramento absolutus promissis non stetit 580, Hugonem de Spencer deposuit 55, & Nicholaum de Ely ibid. tractatio cum Baronibus Londini 55, perjuri arguitur 56, ejus Regina a plebe Lond. pessime habetur 57, Barones profligat Northamptoniæ, & oppidum diripit 60, Leicestriam & Nottingham recipit 61, Roffen. Cast. obsidione liberat portus Regni Orientales invisit 62, apud Lewis male pugnat 62, cum fratre & filio captus ibid. & 583, eos Regina liberare nitebatur 63, ab Edwardo filio liberatur 587, Comes Gloucestriæ ad partes regias desciscit 67, largitionibus minus providis rebus suis officit 74, Gallorum loculos adimplet, ibid. castrum Kenelworth obsidet 76 588, eidem traditur 78, Parliamentum citat ad Sanctum Edmundum 78, conatur reprimere Elienses sed frustra, ibid. Comes Gloucestriæ a Rege desciscit 79, juncto sibi Edwardo Londinum tendit in Comitem Gloucest. 80 218, Legatum Papæ turri obsessum liberat & suis turrim occupat 80, civitatem Lond. obsidet, ib. pace facta Regi traditur 81 224, majores civitat. incarcerat 220, civitatem ingressus venia conjurantibus indulta stipendarios dimittit 82, decimæ Eccles. Regi concessæ a Papa 84, vicestimæ Ecclesiæ Regi solvuntur 86, recusat temporalia Ep. Saris. 95, in Galliam transfretat 192, re infecta redit, ibid. accipit quadragesimam partem mobilium apparentium a Cleris 193, inter eum & quosdam magnates discordia 195, Isabellam in uxorem ducit, Alienoram



# I N D E X.

Alienoram etiam, ibid. inquit in suas dominicas terras 197, tricesimam partem bonorum omnium accipit ibid. Simonem de monte forti facit Comitem Leicestriae 198, monetam reformat 207, cum multis aliis crucem accipit 209, libertates Angliae renovat 210, inter eum & Barones pugna 212, decimam ab ordine Cisterciensium frustra extorquere conatur 213, terras suas in Gallia hereditarias a Rege Galliae petit & impetrat 214, tenuit Parliamentum Londoniae 216, inter eum & Lewellinum pax 224, Francos eiecit 562, magnam Chartam suis concessit 564, Chartam de Foresta 568, Chartas confirmat in aetate plena 570, confirmationem Chartarum accipit a Papa ibid. magnam pecuniam summam pro concessione Chartarum a subditis recipit 189, in Hiberniam transfretat 8 573, cum Rege Franc. composuit super Normanniam 578, Barones convenit Oxoniae 579, poenitet 580, promissis non stetit, ibid. quosdam Barones capit 581, tenuit Parliamentum Northamptoniae 587, filium suum contra Barones mittit 588, tenuit Parliamentum apud Marleberg. ibid. cum Baronibus pacem init, ib. ob. 9 81 224, de ejus morte & laude, 593	Henricus de Borhtun, 79
Henricus filius Henrici secundi natus 159, filiam R. Franc. desponsavit, ib. coronatur 8 31 160 inter eum & patrem bellum 8 31 160, reconciliatio 8 160 ob. 33 162	Henricus Boun Comes Hereford. 120
Henricus Rex Alemanniae crucem accipit, 34	Henricus Dublin. Archiep. ob. 41
Henricus Regis Rom. filius 87, uxorem ducit, ib. suae fidei Dominus Edwardus res suas committit 94, occisus 94 226 589	Henricus Ebor. Archiep. ob. 29
Henricus Imperator Romam capit 23, & Papam Pascalem 25 ob. 11 149	Henricus Ep. Exon. 11
Henricus Dux Norman. 29, Alienorum thalamis R. Franc. relictis nupsit ibid. pax inter eum & Stephanum facta, ibid. Aquitania potitur, 489	Henricus de Hagaman Ep. Asaph, 162
Henricus Dux Saxoniae, 126 170	Henricus de Hastings 56 62 220 580
Henricus Matildae Imperatricis filius in Angliam venit 487, castrum Malf. & alia expugnat 488, inter eum & Regem Stephanum pax, ibid.	588, fit Dux Eliensium rebellium, 81
Henricus Comes Andegaviae, 157	Henricus de Sancto Johanne obfcs, 412
Henricus filius Comitis Andegaviae mortuo Gaufrido patre ditiones patris accipit, 29	Henricus Langravius 46, loco Frederici Imperatoris substituitur, ib. ob. ibid.
Henricus terras Willel. Rufi vastat, 463	Henricus de Lacy 226, miles creatur, ibid.
Henricus Comes Campaniae 280, in obsidione civitatis Acon exercitui Christianorum praeficitur, ibid. arietem parari fecit 288, eligitur in Regem Hierosol. 388, Marchisam in uxorem accipit 390, cum quanto gaudio receptus est apud Acon, 391	Henricus de Lexinton Ep. Lincoln. 49 577 ob. 229
Henricus de Bathon 48, prodicionis accusatur, ibid.	Henricus de Mailoc, 370
Henricus de Branteston, Ep. Sarum, 114 ob. 116	Henricus Murdach Archiep. Ebor. 156 ob. 158
Henricus de Bray, 119	Henricus Montefortius 65, plebem depredatur, ibid.
Henricus de Binedun, 173	Henricus filius Nicolai, 334
	Henricus Pendon captus, 223
	Henricus de Percy, 581
	Henricus Pethune, 221
	Henricus Ep. Roffen. ob. 196
	Henricus Teutonicus, 417
	Henricus de Wendham Ep. London. 53 ob. 55
	Henricus Wigorn. Ep. ob. 35 165
	Henricus abbas de Winchelcumba, ob. 162
	Heraclius Patriarcha in Angliam venit, 162
	Herebertus Ep. Saresb. 11
	Hereford, opp. 79
	Hereford Castell. in Wales, 153
	Herefordiensis Prior mittitur Legatus in terram sanctam, 384
	Herius de Toue, 442
	Hermannus Ep. Schireburn, ob. 23
	Hertford, opp. 146
	Hervicus de Danziaco, 256
	Hervicus de Urfone, 442
	Heweius Ep. Elien. ob. 6
	Herveius de Gienis cruce signatus, 271
	Hervualdus Landov. Ep. ob. 4
	Heyles, opp. 95 226
	Hiems asperissima, 25 157 472
	Hierusalem capta, 3 24, 509 obfcsa & capta a Salahadino 153, Christianis restituitur, 18 202
	Hieros. Patriarcha cruce signatus, 271
	Hildebrandus Papa, 22 131
	Himberti Cast. 278
	Hollandiae Provincia aqua inundante devastatur, 114
	Honorius Papa 4 148, confirmat ordinem Praedicatorum 557, ob. 4 26 40 150 477
	Hornecastrum, 462
	Hortun abbatia, 5
	Hospitale Sancti Spiritus fundatum, 179
	Hokeday, 49
	Howelus Wallus 17, Morgonum cepit, ibid.
	Hubertus de Burgo 41, accusatur ib. incarceratur ib. e custodia elabatur 42, officio Justiciarii pellitur 194, in Eccles. se recipiens vi extrahitur, 42
	Hubertus

# INDEX.

Hubertus Cantuar. Archiep.	ob. 13 36	553
Hubertus Lofenge Episcopus	Tedford,	
Hubertus Ep. Salesberien.	crucefignatus	
279,	Regis Richardi individuus comes	
537,	multos honores a Salahadino accipit	
426,	factus Archiep. Cant.	11
Hugo Banchai,		13
Hugo Bardulfus,		ob. 168
Hugo Bigotus	53 63, totius Angliæ Justiciarius	53, in Gallias dilabatur, ibid.
Hugo le Brun,		13 167 334
Hugo de Burgo fit Protector R. Hen.	3 39,	
gratia excidit,		19
Hugo Carleol Ep.		ob. 188
Hugo Cest. Ep. Monachos a Coventreia expulit,		10 ob. 11
Hugo Covent. Ep.		44
Hugo Despenfar expulfus,		50
Hugo Ep. Dunelm.		ob. 11 165
Hugo Sancti Edmundi Abbas	41, fit Epifcop. Elien.	41
Hugo Prior Elien. fit Epifcopus Elien.		50 ob. ibid.
Hugo de Fierre,		334
Hugo cognomine Foliot Hereford Ep.		185
Hugo de Gornay	279, crucefignatus,	354
Hugo Gubyon,		582
Hugo Hereforden. Ep.		16 ob. 42 196
Hugo Hispanus	104, electus in Papam nomine Johannis,	ib.
Hugo de Lafey actus in fugam,		14 556
Hugo de Leueknor Abbas,		ob. 239
Hugo Abbas de Lewes,		162
Hugo Lincoln. Ep.	ob. 11 39 43 196, canonizatus,	185
Hugo Comes Marchiæ	185, Reginam Angliæ duxit,	ibid.
Hugo Mapenour Ep. Heford.		183
Hugo Muntfort,		148
Hugo de nova villa,		417
Hugo Novantius Legatus in Angliam,		162
Hugo de Pattafhall Ep. Coventren,		44 ob. ib.
Hugo de Patefshul Ep. Ceftriæ.		202
Hugo Petroleonis Legatus in Angliam,		161
Hugo Pictavenfis Marefcal Regis Richardi		
348,	captus a Turcis,	ibid.
Hugo de Potteshul Ep. Winton.		44
Hugo de Puifat Ep. Dunel.		158
Hugo Ribole,		365
Hugo de Reubenorum,		231
Hugo Confil Salopesbirii,		139
Hugo de Sandwych. Ep. London.		56 ob. 99
Hugo de Schroverbers,		466
Hugo le Spencer,		580 587
Hugo de Tiberiade,		254
Hugo Wigorn. Ep.		ob. 35
Hugo de Wells fit Ep. Lincol.		14 36
Humi populi,		261
Hulks Caft.		68
Humbaldus Dux Austriæ Regem Richardum captivum fecit		
535, Imperatori eum tradit. ib. de ejus morte,		543
Humfredus de Boion Comes Hereford,		111
Humfridus de Bonne,		580
Humfridus de Boune Ep. David,		223

Hungarorum Rex Mahometanam religionem amplectitur,	241
Hungrensis Comes 348, a Turcis captus, ib.	
Huntendune opp.	146
Hungerford villa 215, ibi miraculum, ibid.	
Hyda Abbatia 187, interdicta,	224
Hyterrum manerium Episcopi Winton. prope Suthamp.	230



**J**acobus de Avennis appulit in terram sanctam 268 354, occisus 360, ejus mors multo dolore prosequitur, ib.  
 Jacobus de Sabella in Papam eligitur, 112  
 Jakelini de Mailliaco virtus eximia, 248  
 Ibelinum opp. 374  
 Iconium, 262 264  
 Jeremias a Judæis lapidatus ab Ægyptiis sepelitur 452, oratione sua inde Crocodilos fugavit, ibid. ejus corpus Alexandriam ab Alexandro magno translatum, 452  
 Jerusalem capta 467, a Coradino destruitur, 446  
 Jernemuth opp. 64  
 Ignis Græcus quid 274, quomodo extinguitur, 441  
 Imperatrix desponsata Galfrido Comitis Andegaviæ filio, 149  
 Incendium Gloucestræ 3 5, Lincolnæ 5, Londini 132, Norwicz 93, Wintoniæ, 1  
 Ingelrandus de Vienis, 271  
 Infantis in utero ploratus, 8  
 Innocentius quartus Papa 11 150 161, discors cum Imperatore 205, Romam relinquit 477 574, sibi metuens in Gallias transit 45, Lugduni concilium celebrat, ibid. Fredericum Imperatorem excommunicat 46, Henricum Langravium ejus loco substituit, ibid. pecuniam a Cleris Angliæ extorquere nitebatur, ibid. Othonem Imperatorem coronari fecit 574, paulo post eum excommunicat, ibid. in Italiam redit 48 209 ob. 28 209  
 Innocentius V. Papa, 104 ob. ibid.  
 Interdictum in Anglia, 553  
 Intestinx commotiones, 153  
 De Investituris Ecclesiæ, 470  
 Inundationes maximæ, 35 187 198 226  
 Hierosolimæ 373, Oxonii 109, Hollandiæ, & Essexiæ 114, Londini, 115  
 Jocelinus Ep. Bathon. ob. 6  
 Jocelinus Ep. Salcf. 7  
 Jocelinus Comes crucefig. 271  
 Jocelinus de Montoirs, 298  
 Jocemus Judæus, 516  
 Johanna Regina Scotiæ, ob. 197  
 Johanna Richardi primi Regis soror 11, Comiti Sancti Ægidii desponsata, ibid.  
 Johanna de Acre Regis Edwardi filia 120, Gilberto de Clare matrimonio juncta 120, filium peperit, 122  
 Johannes filius Regis Henrici 2 9, miles factus ibid. in Hiberniam transfretat 9, Nor-



- manniam conturbat 11, Regnum affectat 164, duo castella inopinato occupat 529, ad fratrem Gaufridum liberandum magnum exercitum parat 530, cancellarium fugat, ibid. turri sibi reddita Doveriam fecellit 530, fratri reconciliatur mediante matre 542, de ejus primordiis 552, succedit in regnum contra jus 12 35, Isabelam ducit 12 166, accipit homagium a Rege Scotiæ 12 552, coronatus 12 35 166, nepotem suum Arthurum capit 167, & alios plurimos occidit 13 35 552, de morte Arthuri a Philippo Rege Francorum in jus vocatur sed noluit comparere 13 555, transfretare parans ab Optimatibus detinetur 13 168, in Pictaviam transfretat 14 169 180, in Angliam redit 169, ei in Parlamento Oxon. conceditur 13<sup>a</sup>. pars Castellorum Angliæ 14 36 169, crucem accipit 37, in exilium multos egit 14, in Scotiam exercitum ducit 14 171 556, Judæos vexat 14 172, in Hiberniam transfretat 14 36 172, leges Anglicanas ibi statuit 556, Cistercienses vexat 14, a Papæ Legato excommunicatur 15 174 553, Walliam intrat 171 172, Wallenses vincit 36, cum eo Papæ Legati de Pacis redintegratione tractant 37, inter eum & Philippum Regem Franc. pax 166, Clericorum bona confiscat 170, irascitur ob electionem Stephani Langton in Archiep. 553, inter eum & Archiep. tractatur reconciliatio 171, pecuniam extorquet 172, prohibet Papæ mandata recipi 173, se in castrum Nottingham recipit 173, Regnum Angliæ Papæ submittit 37 177 554, Hiberniæ quoque 555, recipit Archiepiscopum & anathemate absolvitur 178 553, Comites Flandriæ & Bononiæ homagium Regi faciunt 180, Norwicensem Ep. cupit promoveri in Archiep. Cant. frustra 553, Monachos 14, proscribit & omnes Ecclesiasticos male tractat, ibid. Normanniam perdit 555, Leolinum Walliæ Principem bis subjugat 556, bellum cum Baronibus 180 557, Eustachii Vesci annulum abripit 558, Valconiam amittit & recuperat 555, Ecclesias talliat 556, ob. 16 38 182 559, veneno extinctus 560, Wintoniæ sepultus, ibid. sacerdotis cujusdam visio de Rege mortuo, ibid. liberi ejus quot, ibid.
- Johannes de Arciis crucefig. 279  
 Johannes Ep. Sancti Asaph, ob. 162  
 Johannes de Baliol adolescens ingenuus 109, filiam Comitis Waremiæ uxorem ducit, ibid. regnum Scotorum vendicat 243, fit Rex Scotorum 125, factus rebellis capitur 127, Regno exuitur, ibid.  
 Johannes Bathon. Ep. ob. 5  
 Johannes de Beauchamp. 587  
 Johannes Bissup. Ep. Cicest. 210  
 Johannes Comes Bonon. Regi Johanni homagium facit, 180
- Johannes de Bradfeild Ep. Roffen. 232  
 Johannes de Bresnes Rex Hieros. 188, in Angliam venit, ibid.  
 Johannes le Breton Hereford. Ep. 87 224 ob. 230  
 Johannes abbas de Bynnadon, 10  
 Johannes Capellarius, 72  
 Johannes Cardinalis missus Legatus in Angliam, 157  
 Johannes de Chestul Ep. London. 229 ob. 235  
 Johannes Cicestren. Ep. 32 160  
 Johannes Comin 128 581, Regnum Scotiæ vindicat, 243  
 Johannes Cremenfis Papæ Legatus in Angliam 5 149 476, cum meretrice invenitur, 476  
 Johannes Cuminus Archiep. de Divelin, 173  
 Johannes de Derlington fit Archiep. Dublien. 234. ob. 112  
 Johannes Divill, 81 82  
 Johannes primogenitus Domini Edwardi ob. 96  
 Johannes Elien. Ep. ob. 40 189  
 Johannes Ep. Exon. ob. 10  
 Johannes Ep. Exon fit Ep. Minton. 215  
 Johannes abbas de Forda, ob. 180  
 Johannes Gagytanus in Papam electus nomine Nicholai, 105  
 Johannes Gæddard de Newentia, ob. 190  
 Johannes de Gray Ep. Norwic, ob. 180  
 Johannes de Hasting regnum Scotiæ vendicat, 243  
 Johannes de Jugalthorpe Ep. Roffen ob. 111  
 Johannes de Kickeby Ep. Elien. 114 ob. 120 241  
 Johannes de Livetot, 119  
 Johannes de Loegria crucefig. 271  
 Johannes de Ludlawe, 121  
 Johannes Mansel 49, exul, 212  
 Johannes de Metingham, 121  
 Johannes de monte Mirail crucefig. 279  
 Johannes de Monmuth 190, Abbatiam de gratia dei extruit, 190  
 Johannes de Neyvill, 79  
 Johannes Norwic Ep. 32  
 Johannes de Ooyvile, 222  
 Johannes Oxenford Ep. Nor. 161  
 Johannes Papa 104, corrueute domo interiit, 105  
 Johannes 21, Papa, 231 ob. 232  
 Johannes 22, Papa publicari & incorporari curat septimum librum decretalium quem Clemens quartus edidit, 128  
 Johannes de Peccham a Papa fit Archiep. 108 consecratus venit in Angliam 233, concilium convocat apud Reding 108, inter eum & Archiep. dissensio ibid. erroneas Oxoniensium opiniones damnat 112, errores Roberti de Knapwelle damnat, 114 ob. 125  
 Johannes Pageham Ep. Wigorn. 29  
 Johannes Comes de Pontiniaco crucefig. natus, 279  
 Johannes de Pontey Ep. Winton. 235  
 Johannes

# I N D E X.

Johannes dictus Romanus Archiep. Ebor. 113  
 Johannes Archiep. Rotomagen. ob. 132  
 Johannes de Sanford Archiep. Dublin. 112  
 Johannes Sayville, 73 587  
 Johannes de Seis crucefig. 271  
 Johannes Suthil, ob. 187  
 Johannes Abbas Tinternensis, 231  
 Johannes de Vaus, 581  
 Johannes de Vesci 220 580, regnum Scotiæ vindicat, 243  
 Johannes de Vesti, 56 78  
 J. Waremiæ cum domino la Zufake contentio 91 225, gravi pecuniæ summa multatur, 92  
 Johannes primus Abbas de Waverley ob. 150  
 Johannes Wigorn. Ep. consecratus, 35  
 Johannes Wigorn. Ep. ob. 30  
 Johannes Winton. Ep. ob. 84  
 Johannes de Wyke 111, votum profectiois emisit, ibid.  
 Joppe 362, a Turcis capta 411, a Christianis capta & reparata, 364  
 Jordanus de Hamer, 334 413  
 Josaphat Cast. 368  
 Jordanus Luppini, 309  
 Jovinius in Papam eligitur 116, assumit nomen Nicholai quarti, ibid.  
 Isaacii perfidia in cruce signatos 261, Imperatoris Frederici legatos incarcerat 262, inter eum & Imperatorem pax, 262  
 Isabella Regina peperit Richardum, 14  
 Isabella filia Edwardi Regis nascitur, 230  
 Isabella Comitissa de Arundel 210, Abbatiam Marham fundat, 210  
 Judæis a Scolaribus Oxon. vexati 45, de Judæis agitur in Parlamento 87, de eis novæ leges 103, Judæi & alii ob detonsam monetam capite plectuntur 107, solvunt Regi 12000. Marc. 114, omnes in exilium relegati 122 242, a Quinque-portuensibus spoliati crudeliter mari demerguntur 122, ob retonsam monetam incarceration 233, puerum crucifigunt 155 578  
 211, plectuntur ib. occisi Londoniæ 514, de Judæis apud Lennam 515, item apud Stanfordiam, ibid. item apud Lincolniam, item Eboracum 516, divitiis igne consumptis seipsos jugulant, 517  
 Ivo Carnotensis Ep. ob. 147  
 Ivo de veteri ponte cum paucis lxxx. piratas occidit, 285  
 Justiciariorum per Angliam itineratio 112 185  
 Justiciarii de Banco gravi pecuniæ summa mulctantur 119, novi substituuntur, 121

## K.

**K** Aerlium opp. comburitur, ibid.  
 Kahadim, 331  
 Kardigan, opp. 27  
 Karo'omannus, 383  
 Kaveresham 16, ibi miraculum, ibid.  
 Kakehowe, 590

Kemesey opp.  
 S. Kenelmi festum, 219  
 Kennefeg villa, 19 19  
 Kennerden, 52  
 Kenelworth castrum 69 73 76 81 221, obsidetur 222, Regi traditur 78, ibi convivium celebre 109, & Parliamentum magnum, 222  
 Kery Provincia, 41  
 Kerkam opp. 96  
 Kidelli, 567  
 Kingeston Cast. 582  
 Kingeswoda fundata, 153  
 Kiryestede fundata, 153

## L.

**L** Actis rivus exundat, 9  
 Lameye opp. 109, concilium ibi habitum, ibid.  
 Lanc, 567  
 Land Abbatia, 193  
 Landefs Abbatia, 162  
 Landridian villa, 9  
 Lanfrancus fit Archiep. Stigando depofito 22 130, Willel. Rufo Diadema impositum, 23 ob. 1 137  
 Landegravius 257, Imperator eligitur, 576  
 Laodicea expugnata, 255  
 Laurentius de Hakeburum in Ep. Saris. eligitur 116, ab Archiep. Cant. non confirmatus, ob. 116  
 Legati Papæ Johannem Regem vexant, 15  
 Legatus Papæ citat Londonen. & Ciceftren. Episcopos ut coram se compareant 74, obsidetur in turri Lond. a Comite Gloucest. 80, liberatur a Rege, ibid. transfretat in Galliam, 86  
 Legatus Papæ cum meretrice invenitur, 476  
 Leges veteres restitutæ & novæ conditæ 102, novæ de Judæis 103, leges Apostolicæ potestatis in Ang. missæ, 227  
 Leicestria destructa, 160  
 Leodun Castell, 541  
 Leofwine Wallus, 129  
 Leonardus de Curbeny, 305  
 Lepeches, 588  
 Lewlinus Princeps Northwalliæ 15, terras amissas recuperat, ibid. Gulielmum de Breusâ capit & suspendio necat 18, plures urbes vastat ibid. villam de Kensley deprædatur 19, Duces Regis Hen. 3. superat 220, inter eum & Regem pax 224, homagium facit Regi Ang. 564, Marchiam Walliæ deprædatur 40, cum Rege Angliæ discors 101, contra eum exercitus mittitur 105, ad maximas difficultates reductus, ibid. Regi se submittit 106, paciscitur de solvendo annuo tributo, & Rege Ang. in hæredem substituendo 106, uxorem ducit filiam Simonis de Monteforti 107, pace rupta vicinas vexat provincias 110, plures de regiis partibus occidit, ibid. frustra cum eo de pace agitur, ibid. captus & capite



# I N D E X.

capite truncatus 235, ejus caput Regi de-		Mahometus 445, Sergii monachi ministerio	
fertur 111, turri Londinensi infigitur, ibid.		legem suam composuit, ibid. eorum opi-	
Lumazim civitas,	318	niones de Christo, ibid.	
Limovicense de Caluz Cast.	166	Mahumeria collis,	272
Lillebonæ concilium,	132	Mailgum 15, diffactus,	ib.
Lincoln civitas 28, Hen. 2. Rex ibi coro-		Malcolmus Scotorum Rex 2, in Angliam ir-	
natus 30, obsessa & capta,	558	rumpit 132 459, Margaretam uxorem	
Linna,	78	ducit, ibid. homagium præstat Regi Wil-	
Lis inter Menev. & Landav. Ep. 6, inter Ep.		helmo Angliæ 137 459, Northumbriam	
Lincoln. & Magistros Oxoniæ de Cancel-		vastat 460 463 464, Gloucest. veni-	
lario præsentando 117, determinatur, 120		ens re infecta redit 138, occisus, ibid. 464	
Lissebona capta,	156	Maledicta turris,	268
Liuns,	305 306	Malueisim Cast.	139
Lodelowe opp.	67	Mamersfeld,	474
Londinenses tumultuantur 3 59 187, novas		Manafaradinus,	248
res studentes carceri mancipantur 71, pe-		Manasarius de Garlanda crucefig.	270
cuniis mulctantur,	72	Manasarius de insula 401, vulneratus a Tur-	
Londonia combusta 173, turbine vastatur, 23		cis,	ibid.
Longobardi multa damna Christianis infe-		Marcherus Consul,	129 131
runt 308, zelotypia affecti, ibid. occa-		Marchisus 252, ex urbe Acon evadit & Ty-	
sione unius panis fit pugna, ibid. impug-		rum feliciter ingreditur 252, ejus astutia	
nant homines Regis Richardi 309, vin-		280, ad Regnum aspirat, & cujus causa	
cuntur, ibid. Rex Franc. invidia stimu-		281, uxorem Relfredi adhuc viventis de-	
lante succurrere parat 309, victualia mi-		sponsavit 291, excommunicatur ab Ar-	
litibus Regis Richardi negant 312, paci-		chiep. Cant. 292, Tyrum regressus & per-	
ficantur	313	jurus fami Christianorum non subvenit	
Lucas Decanus S. Martini Dublien.	41	292, maledicatur 293, negat se venturum	
Lucas de Tony,	110	Regi Richardo 346, accipit mandatum	
Lucius Papa,	9 155 ob. 28 162	a Rege Richardo sed respuit 377, ad Aco-	
Ludovicus Rex Gallix 145, crucem accipit		nem occupandam expeditionem parat fru-	
7 155, redit a terra sancta 156, venit		stra 378, in Tyrum fugatus ibid. collo-	
in Angliam 33, tumultum Tho. Becket in-		quium cum Rege Richardo 379, exhære-	
visit ibid. Angliam invadit 38 182, vi-		datur, ibid. ejus dolus fit manifestus 380,	
ctus in Galliam fugit 38 183, ducit uxo-		Rege Richardo repatriare statuente eligi-	
rem filiam R. Hispan. 158, a Sarracenis		tur in Regem 384, gaudens de ejus ele-	
vincitur 48, cum eo frustra tractatur de		ctione ad coronationem necessaria parat	
pace, 53, arbiter factus inter Regem Ang.		386, a duobus juvenibus Hausillis transfo-	
& Barones cum Edwardo expeditionem		ditur,	386 532
fuscipit in terram sanctam 90, fit arbiter		Margan Abbatia fundata 7, multa damna a	
inter Regem Edwardum & Gastonum 99,		Wallensibus ei illata,	ibid.
Regnum Arragonix invadit 113, præ-		Margareta Scotorum Regina ob. 102 456	
lio occumbit,	ibid.	Margat Cast.	329
Ludovicus Regis Gallix filius invitatur a Ba-		Margoth,	586
ronibus in Angliam 559, Anglos sper-		Marignane opp.	306
nit, ibid. Baronibus favet regnante Hen.		Marham Abbatia fundata,	210
3 562, captus ibid. in Galliam redit, 562		Maria de Arcubus Ecclesia dilabatur,	93
Ludovicus de Ascla,	279	Maria de Bosco locus sic dictus,	305
Ludwell fons 181, exsiccatus,	ibid.	Maria de Suneck,	53
Ludlove Cast. 153, obsessum,	ibid.	Maris inundatio,	9 161
Lugduni Concil.	100	Marleberg. Cast.	27
Lunæ duæ,	144 471	Marleberg opp. 588, statuta ibi facta, ibid.	
Lunday Insula,	43	Martinus tertius Papa,	234 ob. 239
Luxuria Cleri reprimitur,	470	Martinus primus Abbas de Cumba, ob. 161	

## M.

<b>M</b> acy Casel.	366
Madocus in Wallia tumultuatur,	126
Maen. Cast.	362
Maey Casel.	366
Magog,	200
Magorum corpora inventa,	493
Magnates plures,	ob. 41
Mahante opp.	134

Matildis Regina Anglorum omnia bona sua	
Waverleix legat,	215
Matilda Imperatrix hæres Regni Angliæ	
declaratur 26, in Angliam venit 153,	
contra Stephanum bellum movet 27, Ste-	
phanum vincit & capit 154, fautores ejus	
male pugnant 154, capiuntur cum Comite	
Gloucest. 28, obsessa Oxoniæ nocte elabi-	
tur 28 483, in fugam versa ibid. ob. 31	
Matildis de Lahaie uxor Willel. de Breufa	
172, incarceration & fame perit,	ibid.
Matthæus	

# I N D E X.

Matthæus Bukerel, 58 72  
 Matthæus de Parys, 21  
 Matthæus de Siliceto, 310  
 Maugerus Wigorn. Ep. cxul, 14  
 Mauri Hispaniam invadunt 15, a Christianis  
 vincuntur, ibid. 175  
 Mauricius Ep. London. ob. 5  
 Mauricius filius Geroud, 220  
 Mechines, 592  
 Medeweya flumen 14, defecit, 472  
 Mediolanum 473, mirus casus, ibid.  
 Meriton opp. 205  
 Merla opp. 351  
 Merleswegen, 130  
 Merfi quidam resuscitantur, 16  
 Messana civitas & mores civium 306, de in-  
 juriis ante adventum Gegis Richardi Chri-  
 stianis illatis 307, obsessa & expugnata a  
 Rege Richardo 309, inter cives & Re-  
 gem pax, 313  
 Mestoc nobilis quidam inter Turcos 339, e  
 captivo fit liber, 388  
 Michael Tony, 58 72  
 Milites Hen. Regis deficiunt, 147  
 Milites novi creantur a Comite Symone, 583  
 Mirabel opp. 372  
 Mirabel Cast. 13 372 493  
 Miraculum quoddam de adolescente 208, ali-  
 liud 215, a Cuthberto patratum 458,  
 apud Hungeford 215, ad sepulchrum do-  
 mini, 381  
 Miramumelinus Rex Mawochenensis, 175  
 Molanus Almarici tributarius 249, ejus im-  
 perio Nilus effluere dicitur, ibid.  
 Monachi primo venerunt Dunelmum, 460  
 Monachi Cantuar. eligunt Robertum Burnel  
 in Archiep. 108, Papa confert Archiepi-  
 scopatum in alium, ibid.  
 Monachus tyrannus Angliam appetens occi-  
 ditur in mari cum suis, 563  
 Monetarii puniuntur, 149 476  
 Monasterium de Hales fundatum, 49  
 Monasteria tria instaurata, 460  
 Moneta mutata, 234 506  
 Moneta illegitima damnata, 127  
 Mons Regalis 256, redditur pro liberatione  
 Remfredi & Girardi, 256  
 Monstrum, 145  
 Montefortius Comes Leicestriæ Marchienses  
 Hiberniam ablegat 65, Comitem Ferar.  
 incarcerandum curat 66, eadem in Com.  
 Gloucest. designat, ibid. Herefordiam in-  
 greditur 67, cum Wallensibus pascitur 69,  
 casus, 70  
 Montgomery Cast. 40  
 Mordrensis Ep. cruce signatus, 279  
 Morel de Befanburh, 138 140  
 Moretuil Consul, 144  
 Morganus Cam Wallus 17, captus & vin-  
 ctus, ibid.  
 Morio simulans, 43  
 Mortalitas hominum maxima, 210  
 Mortalitas pecorum, 6  
 Mullus locus sic dictus, 305  
 Muffe, 386

Montgomery Cast. 139 466  
 Murmur populi de vice simis, 89  
 Munkecastrum, 460

## N.

N Adabaræ populi, 276  
 Nargenot de vici cruce signatus, 271  
 Narratio originis morum, & rerum gestarum  
 Tartarorum, 200  
 Naves bellicæ Liburnæ dictæ, 274  
 Nazareth Ep. Crucefig. 279  
 Neth Cast. 9 18  
 Netham, 194 206  
 Newark opp. 16 26, Rex Johan. ibidem,  
 ob. ibid.  
 Newerk Cast. 482  
 Newham Abbatia fundata, 207  
 Nicholai corpus translatum, 2  
 Nicholaus Ep. Dunelm. 44, se abdicat, 47  
 Nicholaus de Ely Ep. Wigorn. 223  
 Nicholaus de Ely Ep. Winton. ob.  
 Nicholaus de Ely Cancellarius 53 73, de-  
 ponitur, 55  
 Nicholaus de Hungaria crucefig. 271  
 Nicholaus Hawrefham, 582  
 Nicholaus de Fernham 47 202 208, Epi-  
 scopatum resignat, ibid.  
 Nicholaus Landav. Ep. ob. 9  
 Nicholaus Papa, 105 ob. 109 234  
 Nicholaus quartus Papa, 24 116 ob. 124  
 Nicholaus de Segrave, 82 220 580  
 Nicholaus de Selles 243, Regnum Scotiæ  
 vendicat, ibid.  
 Nicholaus Ep. Tuscul. Legatus in Angli-  
 am, 178  
 Nicholaus de Wake, 582  
 Nicholaus Ep. Winton. 232, Monachis  
 Swithuni conciliatur, ibid. ob. 234  
 Nicholominus Aldulfus Ep. Primas de Carduil.  
 ob. 159  
 Nicossia, 323  
 Nigellus Ep. Hely, 151  
 Nilus quo tempore crescere soleat, 448  
 Niweham Abbat. fundata, 207  
 Nix & gelu maximum, 187 203  
 Nobilis quidam candidatus imperii Canstan-  
 tinop. venit in Angliam, 198  
 Nord ventus, 138  
 Nordest ventus, 144  
 Norici Angliam invadentes pulsi 3, iterum  
 invadentes hiemant in Bristollia, 5  
 Norfolk, 77 118  
 Normannia devastata, 143 146, occupata  
 a Rege Franc. 168  
 Northampton opp. 63 69 146 expugna-  
 ta, 581  
 Northumberland regio, 23 30  
 Northumbrensis bellum illatum 458, Swa-  
 nus Daniæ Dux eis auxilium fert, ibid. va-  
 stantur, ibid.  
 Norwegii vincuntur, 22  
 Norwich 77, direpta, ibid. 500, incendio  
 vastatur 98, inter cives & Monachos di-  
 f scordia,



# I N D E X.

scordia, 226  
 Norwicensis Eccles. dedicata, 233  
 Notingham opp. 15 61  
 Novitz puer 155, a Judæis crucifixus, ibid.

## O.

**O** Beunt plures principes viri, 10  
 Octavianus in Angliam Legatus, 162  
 Octavianus Antipapa, 159  
 Octobonus Legatus 85, constitutiones Otto-  
 nis confirmat & alias addit 85, electus in  
 Papam nomine Adriani 104, ante conse-  
 crationem, ob. ibid.  
 Odiham Cast. 182  
 Odo Consul Campaniæ, 140  
 Odo Ep. Bajoc. 132, carceri mandatur, ibid.  
 Olivenis Lincoln. Ep. 109  
 Oliverus de Dexinton Ep. Lincoln. 234  
 Orenge opp. 306  
 Osbertus Waldinus 412, obses Salahadino  
 traditur, ibid.  
 Ofeney Monast. 26 39 43 573  
 Osmundus Sarisf. Episcop. 2 23  
 Ostiensis Ep. crucefig. 279  
 Otho Imp. 11 166, ab Innocentio Papa co-  
 ronatur 574, excommunicatur, 172  
 Otho Legatus Papæ in Angliam venit 43,  
 male habitus a Scolaribus Oxon. 43 573,  
 concilium celebrat London. 197, usus car-  
 nium interdicit, ibid.  
 Otho de Tossa, 271  
 Otho de Pransinges, 307  
 Otuel pater Comitiss Cestriæ, 147  
 Ov opp. 139  
 Oves scabie infectæ, 232  
 Oweyn de Wallia & Rex Hen. pacificantur, 7  
 Oxoniensium opiniones damnantur 112, eo-  
 rum cum Ep. Lincoln. contentio de Can-  
 cellario, 117  
 Oxonii inundatio aquarum, 109

## P.

**P** Alerma, 314  
 Pandulfus Legatus Papæ, 37 177, Re-  
 gem Johan. excommunicat, 174  
 Pandulfus Norwic Ep. 187 ob. 40 190  
 Papa decimas Ecclesiasticorum Regi Hen.  
 Ang. concedit 84, Edwardo etiam 99  
 227, Regem Angliæ a juramento absolvit  
 55, promovet Archiep. Cant. in Cardina-  
 tum Portuen. 106, confert Archiepisco-  
 patum in Johannem de Pecham 108, sa-  
 cerdotes qui uxores habuerunt ab officio  
 suspendit 131, omnes beneficiati eidem de-  
 cimas reddunt 41, discors cum Frederico  
 Imperatore 45, confert Archiep. Cant. in  
 Robertum Killewardeby, 98  
 Papatum duo simul invadunt, 30 98  
 Parche Abbatia, 168  
 Parcum fund. 153  
 Paris civ. 99

Parliamentum 473, Londoniæ habitum 216  
 225 226, Wintoniæ 220 224, apud  
 Kenelworth 222, de Judæis 87, Gilbertus  
 de Clare ad Parliamentum adire recusat  
 89, ad Sanctum Edmundum 78, de legi-  
 bus confirmandis &c. 113, Oxonii 47 58  
 110, Westmon. 230 233, veteres le-  
 ges restituunt & novas condunt &c. 102  
 Pascalis Papa mittit Pallium Radulpho Arch.  
 Cant. 146 ob. 473  
 Paschalis 3, Papa captus, 25 ob. 5 25  
 Pascy munitio, 537  
 Pastores prætextu terræ sanctæ recuperan-  
 dæ latrocinia exercent, 209  
 Patriarcha Hieros. in Angliam venit, 508  
 Patricius de Dunbar Regnum Scotiæ vindi-  
 cat, 243  
 Pax inter Willel. Regem Ang. & Regem  
 Franc. inter Willel. R. Angliæ & Malcolm  
 R. Scotiæ 131 132 463, inter Step-  
 hanum Ang. & Davidem Scot 479, inter  
 Regem Steph. & Ducem Normanniæ 158,  
 inter Stephanum & David R. Scotiæ 152  
 153, inter Hen. 2. & Malcolm Scotiæ  
 159, inter Hen. 3. & Scotos 205, inter  
 Hen. 3. & Lewelinum Walliæ 224, int.  
 Regem Angliæ & Ducem Normanniæ  
 142, inter Richardum Angliæ & Imp.  
 Cypri 325, rupta 326, inter Regem Ang.  
 & Franciæ 147, inter dominum Edwar-  
 dum & Com. Gloucest. 91, decem anno-  
 rum inter Sarracenos & Christianos terræ  
 Sanctæ 191, per totam Angliam, 83  
 Pefenesea, 142  
 Pembrock Comitatus, 58  
 Pennith Grangia, 17  
 Pereveye Cast. 69  
 Perfor Monast. 116  
 Perusium, 256  
 Pestis in Anglia, 9 33 164 168 186 461  
 Petraria machina militaris, 334  
 Petrus abbas Clarevallenfis, 162  
 Petrus Arragonum Rex excommunicatur,  
 239  
 Petrus Archiep. Tarentalien. ob. 160  
 Petrus de Barris, 329  
 Prus de Brus, 593  
 Petrus Capellanus pontem lapideum Londini  
 incepit, 161  
 Petrus de Eglebank Hereford. Ep. 44 54,  
 contrahit cum Papa pro Regis Ang. filio, ibid.  
 Petrus de Exon Ep. Exon, 235  
 Petrus de Oxon. Ep. Oxon. 109  
 Petrus de Pratellis, 346  
 Petrus de ordine Prædicatorum in Papam  
 electus nomine Innocentii quinti 105, cor-  
 ruente domo interiit, ibid.  
 Petrus de Punfret 37, carcere inclusus pro  
 vaticinio, ibid. ab equis distractus, ibid.  
 Petrus de Rivall, 41 42  
 Petrus de Rupibus Winton. Ep. 13  
 Petrus Tireprete, 310  
 Petrus de Wakefeld suspensus, 179  
 Petrus Ep. Winton totius Angliæ Justicia-  
 rius, 180  
 Philip.

# INDEX.

Philippus Francorum Rex coronatur	161	Ponderum & mensurarum reformatio,	165
477, a Richardo Rege Ang. interceptus		Pons lapideus Londoni	161
11, Normanniam invadit	13 16 164,	Pontuniac civ.	47
crucem accipit	163 257, versus Hieros.	Ponz opp.	203
pergit	164, cum Hen. 2. Rege Anglorum in Gisorsium & Triam crucem suscipiunt	300, cum duce Burgundiae iter in terram sanctam instituit	303, ad Verge- lay Regem Ang. convenit
304, foedus init cum Rege Richardo	305, ad Liune super Rodanum simul perveniunt	305, Messaniam clanculum intrat	307, invidia motus in Regem Richardum propter Messaniam captam
309, Longobardis ferre auxilium parat, ibid. invidet sola signa Regis Angliae turribus imponi	311, ejus vexilla imponuntur annuente Anglorum Rege	311, inter eum & Regem Richardum discordia	312, pacificantur
313, procedit in terram sanctam	315, prodicione Gilleberti de Gascul obtinet castrum Gisorsium	316, quae donaria militibus egentibus confert	332, urbem Acon viriliter oppugnat
333, frustratur	334, ægrotat. ibid. convalescens machinis conficiendis laborem impendit	334, omnes ejus machinae combustae	334, inter eum & Regem Ang. discordia
342, pacificantur	343, omnibus admirantibus & maledicentibus ad repatriandum se parat	343, juravit Regi Richardo hominibus & terris suis se pacem servaturum donec repatriaret	343, pactioni non stetit
344, Acone digressus Tyrum venit, ibid. in Siciliam	521, ad Accam	522, Marchioni favet	524, a Papa frustra absolutionem petit
527, fingit se metuere sibi a Rege Richardo	532, uxorem duxit & repudiat	532, a duabus puellis delusus	536, indixit bellum Regi Richardo victo
537, pecuniam ab Ecclesiasticis exigit	542, pugnam declinat cum Rege Anglorum	543, pax facta & rupta,	545 546
Philippus Basset, 89 96 221 223 581			
	ob. 226		
Philippus de Bedwinde Abbas de Waverley,			239
Philippus de Brausa,			145 146
Philippus de Colevilla rebellis,			489
Philippus Coventren.			ob. 14
Philippus Dunelmen. Ep.			ob. 14
Philippus de Eya	99, cessit officio thesaurarii,		ob. 105
Philippus Marmyon,			581
Philippus de Scriby,			582
Pictavia frustra tentata,			40
Pincenates populi,			261
Pisani	332, Regi Richardo se tradunt, ibid. in obsidione Acon repulsi	339, cum Genuensibus discordes,	379
Planis Cast.	362, reedificatur,		366
Plaseiz Cast.			154
Pluralitas beneficiorum,			85
Pluviae continuæ & magnæ,	120 141		159
			228
Ponderum & mensurarum reformatio,			165
Pons lapideus Londoni			161
Pontuniac civ.			47
Ponz opp.			203
Porcus monstrosus,			145
Portentum,			462
Portenta varia			248
Portesmuth opp.	13 50, combusta,		221
Portus Angliae clausi,			172
Poylle,			592
Prædationes magnæ,			141
Prædicatorum ordo incipit,			556
Proceres Angliae Regi Hen. decimam quintam concesserunt,			40
Prodigium,			468 470
Prologus in Itinerarium peregrinantium in terram Sanctam,			247
Provincialia capitula fratrum mendicantium habita sunt Oxonii,			118
Principes Europæi in Salahadinum bellum instaurant,			10
Privilegia Abbatiarum,			201
Prudon,			501
Ptolemais capta,			509 525
Ptruht Sire, contumeliæ dictum,			322
Pseudoprophetae,			8
Puellarum Cast.			519
Puer a Judæis crucifigitur,			155
Pugna apud Bleodunum,			1
Pugna inter Willel. Flandriæ & Theodoric. Aleman.			149
Pulpudeba civitas,			261
Pundaldemar Cast.			148

Q.

Quadragesima pars bonorum omnium Hen. 3. solvuntur,	193
Quæstio fit de pluralitate beneficiorum,	85
Quinque Portuenses piraticam exercent	65,
spoliant Judæos & crudeliter in mare projiciunt,	122

R.

Raderus de Arderne,	586
Raderus Basset,	587
Radinges opp.	27
Radingis Monast.	152
Radulphus de alta ripa Archidiac. Colcest. Crucesignatus,	278
Radulfus Basset,	71 219
Radulfus Abbas Dunekeweel,	206
Radulphus Dunelm Ep. 3, e custodia elaboratur, ibid. 143, agrum Hantoniensem prædatur,	ibid.
Radulfus Cant. Archiep. 146, consecratus 25, pallium ei mittitur a Papa 146 ob. 26	148
Radulphus Comes Cestriæ,	ob. 41 194
Radulphi Episcopi ad Anglos Milites oratio,	481
Radulphus Abbas de Fontibus,	ob. 167
Radulphus Abbas de Fontibus,	ob. 167

Q.

Quadragesima pars bonorum omnium	
Hen. 3. solvuntur,	193
Quæstio fit de pluralitate beneficiorum,	85
Quinque Portuenses piraticam exercent	65
spoliant Judæos & crudeliter in mare pro-	
jiciunt,	122

## R.

<b>R</b> Aderus de Arderne,	586
Raderus Basset,	587
Radinges opp.	27
Radingis Monast.	152
Radulphus de alta ripa Archidiac. Colcest.	
Crucesignatus,	278
Radulfus Basset,	71 219
Radulfus Abbas Dunekeweel,	206
Radulphus Dunelm Ep. 3, e custodia elabitu- tur, ibid. 143, agrum Hantoniensem prædatur,	ibid.
Radulfus Cant. Archiep. 146, consecratus 25, pallium ei mittitur a Papa 146 ob.	26
	148
Radulphus Comes Cestriæ,	ob. 41 194
Radulphi Episcopi ad Anglos Milites ora- tio,	481
Radulphus Abbas de Fontibus,	ob. 167
Radul-	



# I N D E X.

Radulfus de Halesberewe coronatus in Regem Romanorum,	100	Richardus I. Rex Angliæ 34 514 vindicta contra occisores Judæorum accipit 518, ejus Itinerarium 247, cruce signatur 34 257, per ejus mandatum Alienora mater e carcere educitur 302, juramentum fidelitatis a populo accipit 302, quæ fecerat antequam transfretaret 518, quomodo ditavit Johannem fratrem suum 518, præparatio in terram Sanctam 519, sua dominia vendit, ibid. Nativitatem Domini in Normannia celebrat 303, Episcopus multos constituit, ib. Turonis existens classem suam præcedere jubet, ibid. Regem Franciæ ad Vergelay convenit 304, foedus init cum Rege Francorum 305, ad Liuns super Rodanum simul perveniunt, ibid. per Marfiliam transiens ad Messanam venit 305, cum quali apparatu Messanam applicuit 307, ultro videndum se præbet 308, Messanam obsidet impugnat & expugnat 309 521, vexilla turribus urbis imponit 309, annuit ut vexilla Regis Franciæ turribus etiam imponerentur 311, mittit ad Tancredum ut satisfaceret pro transgressis &c. ibid. in dubiis responsum accipit suadente Rege Francorum, ibid. Longobardi victualia suis negant 312, inter eum & Regem Franc. discordia, ibid. Mategriffim Cast. construxit 312, pax inter eum & Regem Franc. 313, convenit Tancredum apud Eatinenfium urbem 314, foedus cum Tancredo init, ibid. militibus & aliis largissima partitur munera 314, festum celebrat die Natalis Domini 314, classis ejus custodes turbati a Pisani & Genuensibus 315, convenit Alienoram Reginam & Berengariam uxorem futuram 315, procedit in terram sanctam 10 315, Rhodi naves tempestate dispersas expectat 318, recedit a Rhodis per Gultrum, ibid. figillum Regis amissum 320, Cyprum applicat 321, bello navali & terrestri fugat Imperatorem Cypri cum suis 321 323, cum 50 militibus ingentem Græcorum numerum fugavit 323, Berengariam in matrimonium accipit 324 521, ejus liberalitas erga Guidonem Regem 324, de colloquio & modo pacificationis inter Regem & Imperatorem 325, malitia cujusdam militis discordia inter eum & Imp. Cypri 325, Famagustam venit ubi conveniunt ipsi Legati R. Franciæ 326, Nicosiæ ægrotat, ibid. Imperator Cypri ad pedes ejus se prosternit, & potestati ejus castrum tradit 327 522, parat iter & exercitum suum ad Limozim remittit 328, navem maximam Sarracenorum bonis refertam expugnat 328, submergi jubet 330, ad Aconem appulit 331, Pisani Regi se tradunt 332, quæ donaria egentibus contulit militibus, ibid. ægrotat 333, licet valetudinarius urbem impugnat & turrim quandam dejecit 337, proposito præmio militum animos erigit 338, discordia inter eum & Regem Franc. ibid. pacificantur,
Radulfus de Henaham,	119	
Radulphus Ep. Hereford. 196, relicto Episcopatu fit Monachus,	198	
Radulfus Madeftone Ep. Hereford. 42, Episcopatum relinquit,	198	
Radulfus de malo leone,	334 413 417	
Radulfus Nevill Ciceftren. Ep.	40	
Radulfus Norwic. Ep.	117	
Radulfus de Roverei,	310	
Radulfus de Sancta Maria,	370	
Radulfus Taiffon,	334 425	
Radulfus Waer proditor,	1	
Radulfus de Walepoole Ep. Norwic	117	
Radulfus Abbas de Waverley,	216	
Ramula Cast.	362	
Ranulfus de Glanvilla, 501 ob. 10 32	164	
Ranulfus de Clavilla cruce signatus,	279	
Ranulfus Cancellarius,	ob. 148	
Ranulfus Comes Cestriæ Stephanum Regem vincit & capit,	482	
Rawdewinus de Wake,	582	
Raymundus Comes de Sancto Ægidio ab Albigenibus desciscit,	192	
Rebelle occupant Elien. Inf. 77, urbem Norwicensem diripiunt, ibid. Henricus de Hastings fit eorum Dux,	81	
Recordana,	290	
Rees a Wanham,	111	
Regina Regis Hen. a plebe Lond. pessime habetur 57, Regem & Principem e custodia liberare nitebatur 63, mercenarii stipendiis non solutis Reginam deferunt 64, e Gallia in Angliam redit,	72	
Reginaldus 250, rupto turpiter foedere Saladinum irritat, ibid. capite truncatus,	251	
Reginaldus de Cornhulle,	169	
Reginaldus Lombardus Bathon. Ep. 32	160	
Reigate Cast.	182	
Reinfredus,	291	
Reival Abbacia,	168	
Religiosorum acquisitiones prohibentur,	234	
Reliquiæ crucis Westmon. translatae,	239	
Reliquiarum S. Edmundi translatio,	207	
Reliquiæ multæ ex Wallia translatae,	238	
Remense Concilium,	473 474	
Remigius Lincoln. Ep.	2, ob. 23	
Remfredus de Turone 256, e captivitate liberatur,	ibid.	
Reinauges Cast.	50	
Renefegani villa,	9	
Renredus Presbyter 466, lingua excissa loquitur,	ibid.	
Refameduth Wallus,	114 115	
Refum Bahhan Princeps Southwalliæ 15, Sweinesham comburit,	ibid.	
Reymundus de Troald,	13	
Reynfridus Monachus,	460	
Rhefus Meraduck 240, Angliæ fines invadit,	ibid.	
Ribardus quidam fingens se esse stultum fere Regem interfecisset 43, ad caudas equorum tractus & suspensus,	ibid.	
Ricardina juxta Bononiam,	557	



# I N D E X.

tur, ibid. muris civitatis Acon sedulo incumbit restituendis 345, bis misit Tyrum antequam obsides Salahadino recipere posset 345, misit pro Marchiso sed frustra, ibid. cum exercitu suo versus Ascalonem movet 346, Francos ab Acone exire coegit 347, Turcos viriliter persequitur, 351, suorum desidia desistere cogitur, 352, leviter vulneratus 353, laudatur a Salahadino 361, Melech Ric appellatur a Turcis 362, populum regressum in Acon Joppen reducit 364, liberatur a Willel. de Pratellis fingente se esse Regem, ibid. castella de Planis & de Maey reedificat 365, de incredibili ejus victoria 366, delusus & aliquamdiu detentus a bello fraude & fallaciis Salahadini 368, falsa spe pacis a Saphadino delusus, ibid. per legatos totum Syriæ Regnum sibi reddi postulat, ibid. divinitus prælagisse creditur quas Turcæ struerent insidias 369, quos Turcos ad Castellum Balneorum trucidavit 372, ejus pietas erga ægrotos 374, Francos digressos revertere allicit 376, mille ducentos captivos apud Darum liberos emisit 377, Marchiso mandat sed frustra, ibid. discordiam inter Pisanos & Genuenses componit 379, ejus decretum Marchisum & Franciæ Magnates exacerbat, ibid. filium Saphadini militem fecit 380, qualiter apud Ascalonem celebrabat solemnitate Paschæ 382, ejus impensis reedificatio Ascalonis consummata, ibid. profectus est ad considerandum Gazam & Darum 382, accepit nuncium de fratre ejus rebelle 384, repatriare statuit, ibid. ut satisfaceret populo misit pro Marchiso 385, infamatur a Francis ut homicida 387, quanta instantia quotidie Turcos affligit, occidit, captivat 388, inter eum & aprum pugna 389, Turcos multos captivos ducit 390, lætatur Rex pro electione Comitis Hen. ibid. mittit pro Francis, ibid. Regi Guidoni confert Insulam Cypri 391, nuntii ex Anglia incertum faciunt 392, sine auxilio Francorum tantum cum suis Darum expugnat 392, castrum sicum accipit 394, nuntiata perturbatione per Johannem Comitem repatriare se velle asserit 395, dissuadetur a quodam Capellano 396, præcipua ejus gesta enumerantur, ibid. proclamari fecit se non repatriaturum usque ad Pascha 397, præconem Salahadini capit 399, Comitem Henricum Aconem mittit ut milites ibi otiose degentes ad exercitum adduceret 399, Turci de ejus adventu ad Hieros. audientes tremunt & fugiunt 399, quædam crux dominica Regi allata 402, particulam crucis inventam cum populo adorat, ibid. Francos Hieros. adire volentes dehortatur ad obsidendam Babiloniam alliciens 403 404, ad comprehendendas Turcorum Caravannas festinat 404, Caravannam unam maximam cepit 405, Betenopolim redit cum spoliis 408, carmi-

nibus Francorum irritatus carmen etiam in ipsos componit 409, in patriam suam ire parat, ibid. de gestis in Anglia eo absente 527, mille sexcentos Turcos decollari fecit, ibid. in patriam suam ire parat 409, inducias a Salahadino prius oblatas repetit 410, Darum diruit, ibid. Ascalonem munit, ibid. repatriare parans a Joppitis revocatur 412, de misero suorum statu audiens primus in mare descendit 414, pube tenus ad occupandum littus audacter procedit, ibid. Joppen recuperat Salahadinum fugavit 415, insidiæ sibi parantur 416, servatur 417, cum equitibus suis Turcorum acies penetrat 418, fugientes milites ad pugnam reducit 419, maximum incurrit periculum, ibid. ex prælii fatione infirmatur 421, redire in Aconem cupiens a suis contradicitur 422, petit & recepit inducias trium annorum ib. 531, cum Salahadino amiceabiliter confabulatur per nuncios 423, curationis gratia Caypham petit, ibid. Rege procurante prohibitum est Francis, aliis permissum Domini cum visitare sepulchrum 423, Willelmum de Pratellis redemit antequam repatriare vellet 427, a Palestina rediens in Austria capitur 11 35 428 535, accusatur coram Imperatore 536, pretio redemptus 11 146 428 538, in Angliam venit 539, a Londoniensibus maxima cum pompa excipitur, ibid. devicit rebelles in Anglia ib. abjudicavit fratrem suum Johannem 540, quomodo regnum ordinavit & lanas Cisterciens. cepit, ibid. in Normanniam cum exercitu transfretat 541, fratrem Johannem mediante matre in gratiam accipit 542, convenit ad prælium Regi Franciæ 543, inducias bimestres facit 544, iterum convenit cum Rege Franc. ad prælium, ibid. de morte Marchionis excusatur 544, cum Rege Franc. pax facta & rupta 545 546, obsides recipit ab Imperatore 547, inter eum & Wallenses pax, ibid. Episcopum Belvacensem cepit 548, foedus init cum Flandrensi Comite 549, induciæ unius anni inter eum & Regem Franc. ibid. Gayllard construxit 550, pondera & mensuras reformat 165, novo sigillo omnes chartas signari fecit, ibid. virgis cæsus 551, ex vulnere moritur 12 35 166 551, tres ejus filiæ superbia, avaritia, luxuria 551, ubi sepultus, ibid. intersector ejus equis distractus, ibid. carmina Gaufridi Vinefaugh de eodem Rege, 430 Richardus Rex Romanorum filiam nobilis Germani in uxorem ducit 88, in Angliam revertitur, ibid. fit arbiter inter Dominum Edwardum & Comitem Gloucestriæ 90, paralyti correptus, ob. 96 Richardus filius Henrici Regis naufragio perit, 147 Richardus de Apulia crucefig. 147 Richardus de Bethesdene, ob. 164 Richardus de Birkinges, ob. 207. Richar-



# I N D E X.

Richardus de Blund. Exonien. Ep. ob. 214	Richardus Tottedeford Clericus, 216
Richardus Cantuar. Archiep. 230, visitat	Richardus de Vervone cruce signatus, 279
Diocæsin suam ibid. fit Cardinalis, 233	Richardus Vinisauſ autor Itiner. Hierof. 247
ob. 18	Richardus de Wendemore Ep. Roſſen. 198
Richardus Ciceſt. Ep. ob. 49, ejus transla-	Richardus de Wiz Ep. Ciceſtren. 210 ob.
tio, 231	ibid.
Richardus Comes Cornubiæ eligitur in Re-	Richmond Caſt. 32
gem Romannorum 50 214, in Aleman-	Riole civitas, 210
niam deducitur, & coronatur 51 86, cru-	Riſſa civitas, 383
cem accipit 44 201, multis peractis a	Roafia terra, 250
terra ſancta redit 44 56, filiam Comit	Robertus Abbas de Ford, ob. 10
Provinciae in uxorem ducit 45 203, ma-	Robertus de Amundberg, 136
nam licentiam exigendi portatoria ſuper	Robertus Baleia fit Ep. Winton. 45
Rhenum inhibet 87, Abbatiam de Tray	Robertus Ep. Bangor, ob. 176
fundavit, 206 ob. 226	Robertus de Beſelme 143, ab Anglia ex-
Richardus Conſul. Ceſtria, 147	pulſus ibid. cum diſcordia receſſit a Rege
Richardus Crockelce, 207	& ivit in Norman. 144, captus, 146
Richardus de Canvilla 157, Cumbam Abba-	Robertus de Bingham Ep. Sarum, 192 ob.
tiam fundavit, 157	207
Richardus Prior Doveren. Archiep. Cant. 32	Robertus Bloeth Ep. Lincoln. 23
159	Robertus de Boxle Abbas, ob. 180
Richardus Dunelm. Ep. ob. 40 197	Robertus de Brueria Abbas, ob. 161
Richardus Dycard, 62	Roberti de Bruges præclarum facinus, 400
Richardus de Edmundevill, 78	Robertus de Brus 243 581 586, regnum
Richardus Comes Clouceſt. 53, intoxica-	Scotiæ vendicat 243, regnum Scotiæ uſur-
tus, ibid.	pat, 128
Richardus le Grant Cancel. Lincoln. 40, fit	Robertus de Buonis cruce ſig. 279
Archiep. Cant. a Papa, ibid.	Robertus Burnel Clericus Domini Edwardi
Richardus de Graveſend Lincoln. Ep. 53,	92, Bathon. Ep. 101, conſecratus 102
tractat de pace inter Regem Ang. & Franc.	235, ejus electio caſſatur a Papa, ibid.
ibid.	Archiepiſcopatus a Monachis Cant. ei con-
Richardus de Graveſend Ep. Lincoln. ob. 234	feretur 108, Papa confert in alium, ibid.
Richardus de Ivelceſtria Ep. Winton. 160	ob. 125
Richardus de Knapwelle 114, ejus errores	Robertus Ceſtren. Ep. ob. 5
damnantur, ibid.	Robertus de Chamy Carleol Ep. 50
Richardus Landav. Ep. ob. 26	Robertus de Corſun, 442
Richardus cognomento Magnus Archiep.	Robertus Curtehoefe 23, a patre receſſit 460,
Cant. 192 ob. 193	in Normannia patrem oppugnat 23, ejus
Richardus de Mareis Ep. Dunel. 183	exercitus fugatur 136, in gratiam rece-
Richardus Mareſchal proſcriptus cum ſuis 41,	ptus 137 460, per nuncios Regem ar-
in Hibernia vulneratus, ob. ibid.	guit de pace violata 138 465, inter eum
Richardus de Mariſco Ep. Dunel. ob. 40 189	& Regem bellum, ibid. recuſat regnum
Richardus de la More fit Ep. Winton. 235,	Hierof. 141, a bello Hierof. revertitur
Romam proficiſcitur, ibid.	142, mortuo patre in fratrem rebellat
Richardus de la More in Ep. Lincoln. electus	462, victus 463, inter eum & Patrem
rejjicitur ab Archiep. Cant. 109	pax 142 463, colloquium inter eum &
Richardus Neth Abbas, ob. 7	fratrem de Normannia 143, votis irritis
Richardus de Nova villa Ep. Ciceſtren. ob.	in Norman. redit 144, bellum apertum
204	inter eum & fratrem 465, captus & in
Richardus de Orques, 401	carcerem miſſus 144 ob. 6 151, ubi ſe-
Richardus Peccatum Ep. Coven. 162	pultus, 156
Richardus Piſtaven. Comes a patre defecit,	Robertus de Druel, 354
512	Robertus Flandriæ, ob. 145
Richardus Roſſen. Ep. 198 ob. 48	Robertus Foliot Hereforden. Ep. 32 160
Richardus de Sandwych, 69	162
Richardus Sanz peur, 22	Robertus Comes Glouceſtriæ 154, Stepha-
Richardus Siward 195, proſcriptus 41, re-	num Regem fugat, ibid. captus, ibid.
vocatus, 42	Robertus Groſſeteſte Ep. Lincoln. 43 45,
Richardus Comes de Strugvil 8 160, in Hi-	adit Curiam Romanam, 45 ob. 49
berniam transfretat, 8 160	Robertus Halieland Ep. Dunelm. 229
Richardus de Swineſſend Ep. Hereforden.	Robertus filius Hamois, ob. 4
240	Robertus Hereforden. Ep. ob. 28
Richardus Sarum Ep. novam Eccleſiam fun-	Robertus de Hertford, 121
davit, 183	Robertus de Killewardeby Archiep. Cant. 98
Richardus Talebot Ep. London. 55	228 594, conſecratur 99, fit Cardina-
	lis,

# I N D E X.

lis,	106 ob. 109	Rogerus London. Ep.	ob. 44 203
Robertus de Kingeham Ep. Sarum,	41	Rogerus de Leyburn,	ob. 96 220
Robertus Leicestriae Comes	334 160,	Rogerus cognomento Malus-catulus	320, sub-
captus,	162 ob. 10	mersus,	ibid.
Robertus Lincoln. Ep. consecratur,	2 ob. 26	Rogerus de Menlent Ep. Covent.	50
	31 496	Rogerus Molbraius	502, refugit in Scot 502
Robertus Mariman,	484	Rogerus de Mortimer	110 581 586, con-
Robertus Marmiun 155, cæsus,	ibid.	vivium celebrat,	108
Robertus Comes de Medlent,	147	Rogerus Niger Ep. London.	41
Robertus de Moubray Comes Northumbriae		Rogerus Ep. Norwic.	ob. 106 233
466, cum multis aliis in Regem Rufum		Rogerus Peitafin,	138
conjurat, ibid. captus & incarceratus, ibid.		Rogerus de Quincy Comes Winton.	53
Robertus de Munfort,	220	Rogerus de Roule,	587
Robertus Northumbriae Comes 139, sibi me-		Rogerus Sacerdos quidam excommunicatus,	
tuens ad curiam venire recusat, ibid. ca-			167
ptus,	ibid.	Rogerus de Sacy,	417
Robertus Consul Northumbriae Praefectus		Rogerus de Satya,	334
130, cæsus,	ibid.	Rogerus Sares. Ep.	4 25
Robertus Neuton,	582	Rogerus Siciliae Rex 156, capit urbem Tri-	
Robertus Nigelli,	370	polim,	ibid.
Robertus de Novo-burgo,	334 370	Rogerus de Sumeri,	223
Robertus de Oyli 26, fundavit Monasterium		Rogerus de Toony,	354
Ofeney,	ibid.	Rogerus de Waer proditor,	1
Robertus Passelêwe Cicest. Ep.	42 205	Rogerus de Weseham Covent. Ep.	44 46
Robertus Peccum,	151	Rogerus Ymor [Yvor] occisus,	6
Robertus de Pratellis,	346	Rogula Cast.	50
Robertus de Quinci,	346 ob. 184	Rokesburgh,	505
Robertus de Rois,	68	Roma capta,	23
Robertus Sabloel,	312	Romescot in Anglia,	140
Robertus Sarum Ep.	ob. 47	Ros pagus 7, devastatur,	ibid.
Robertus de Saheya,	413	Rosamerudith Dux Wallen. 114, occupat	
Robertus de Scorevilla,	501	castrum Regis Ang. ibid. oppugnatur a	
Robertus de Stithill Ep. Dunel.	ob. 229	Comite Cornubiæ 115, sibi metuens in	
Robertus Trussebot crucefig.	279	Hiberniam transit,	ibid.
Robertus Tybetot,	115	Rossaulin grangia,	17
Robertus de Vere,	219 583	Rothelan Cast.	105 110
Robertus Vesponte,	580	Rothomagium 503, obfessa, ib. frustraneus	
Robertus Untevilayn,	582	in urbem hostium impetus 504, obsidio	
Robertus Walerand,	99	solvitur,	ibid.
Robertus Waleram,	223	Roucestre,	61 136
Robertus de Wichants,	95	Rowelent Cast.	159
Robertus de Winchelsey Archiep. Cant.	126,	Rulli Vallis,	543
Curiam Romanam adit,	ibid.	Rumaux opp.	306
Robertus de Wickam Ep. Sarum,	ob. 112	Runemete pratum,	181
Robertus de Wichehampton Ep. Sarum ele-		Rutarii 32, al. Ruptarii.	
ctus 226, consecratus,	230 ob. 238	Rycvallis domus fundata,	486
Robertus Willelmi Comitis Gloucest.	ob. 8		
Robertus de Wyleby,	79 82		
Robertus de Wykes,	ob. 47		
Rochetailie flumen,	353 354		
Roda Inf.	317		
Rodani pons turba premente cadit,	305		
Roffa,	61 136		
Rogerus Archiep. Ebor. 506, Monachos ab-			
horret, ibid. ob. ibid. ejus thesaurum Rex			
occupat 507, sedes vacat,	ibid.		
Rogerus Bathon. Ep.	205 ob. 47 208		
Rogerus Bertram,	582		
Rogerus Covent. Ep.	ob. 5		
Rogerus de Coventry, Abbas Ofeney,	112		
Rogerus de Clare,	113		
Rogerus de Clifford miles strenuus,	235 581		
Rogerus de Glanvill,	389		
Rogerus Hardecourt miles fortis,	32		
Rogerus de Leicester,	79		

## S.

Sabrina fl.	68
Sacerdotes uxorati ab officio suspendun-	
tur,	131
Saguntum,	256
Saintes Castell.	574
Salahadinus Christianos passim vincit 9, cum	
quali exercitu Joppen venit 411, virga	
furoris Domini 248, qualiter Palæstinam	
ingreditur, ib. quod genus & quæ initia	
habuit 249, nominis ipsius Etymon, ibid.	
qualiter occupavit regna Ægypti, &c. ibid.	
quanto exercitu exercitum Christianorum	
confecerit 250, a Reginaldo irritatus, ib.	
Christianorum exercitum delet 251, cru-	
cem capit, ibid. Guidonem Regem capri-	
vum abducit, ibid. Reginaldum capite	
truncat,	



# I N D E X.

truncat 251, gratias agit Deo pro adepta victoria, ibid. Acon capit 252, Beritum & Sidonem occupat, ibid. a Tyro fugatur, ibid. Ascalonem deditione capit 253, ejus perfidia ibid. Hieros. obsidet & capit 9 253, Tyrum obsidet 154, Gabelum & Laodiceam expugnat 255, Eratum oppidum capit & montem Regalem 256, legem Mathomi extollens a fatuo deluditur 257, Acon obsidione solvere tentat 268, subvenit suis deditionem promittentibus 273, cum infinita multitudo castra Christianorum aggressus turpiter repulsus 277, fugit in montana ut evaderet Christianorum congressus 289, ejus vana jactatio 336, urbem Acon Christianis reddere jubet 340, pactioni non stat 345, suos subfannat & Richardum Regem Angliæ laudat 361, dirui facit omnia castella præter Jerusalem & Crach & Darum 362, fraude sua Regem Richardum aliquamdiu a bello cessare fecit 368, in certum tempus exercitum suum ad propria remittit 375, convocat exercitum 381, ter extinguit ignem ad sepulchrum Domini & ter ignis accenditur 381, de seipso prophetia 382, ejus præco a Rege Richardo captus 399, adventu Regis Richardi ad Hieros. territus ad fugam se parat, ibid. ad observandas Caravannas suas milites 500, misit 404, una Caravanna a Rege Richardo capta 405, recessione Christianorum audita infinitam multitudinem Turcorum congregat 410, profligatus 508, Guidonem R. Hieros. liberat 509, septennalis treuga ei denegatur 526, fugatus 532, per nuncios confabulatur cum Rege Richardo 423, irridet suos jactitantes de comprehensione Regis Richardi, 421	
Salum opp. 306	
Samphon Wigorn. Ep. ob. 4 25	
Sanctum Sepulchrum Adjuva, dictum a peregrinantibus, 351	
Sanguinis globi in terram decidunt, 207	
Sanctunus Admiralius Turcorum, 361	
Saphadinus 331, Regem Richardum falsa spe pacis deludit, 368 ob. 442	
Sarum opp. 23	
Sarraceni vincuntur a Christianis 16, irrum-punt in Castellam 230, eorum 1500 M. submersi, 443	
Savaricus Bathon. Ep. 11 ob. 13	
Savaricus de Maulyon, 13	
Saviniacenses Monachi, 486	
Saulus de Bruil, 370	
Scarborough Cast. 491	
Schirburn & Hortun uniuntur, 5	
Schirburn opp. 23	
Schorberesber opp. 472	
Scisma in Ecclesia Romana, 474 494	
Scisma inter Papam & Constantinopolita-nos, 173	
Scodwade opp. 131	
Scoti Johanni Regi Allegiantiam jurant 14, Angliam invadunt 23, debellati 24 30,	
cum Hen 3, pacem incunt 205. 60000	
ab Edwardo Rege occisi 127, agunt cum Rege Edwardo de Rege eligendo 123, eo-rum Rex Homagium R. Ang. præstat, 107	
Scynove Cast. 493	
Scyhill fit Ep. London. 110	
Seditio, 195	
Seer de Quinci, 185	
Segetum defectus, 147	
Selesius fluvius, 265	
Sema mensuræ genus, 47	
Sempnigh, 46	
Sempringamenfis ordo fundatur, 486	
Serlo Abbas de Elemosyna, ob. 162	
Serithus, 273	
Serweton opp. 216	
Sewallus de Banill Ebor. Archiep. 50 578 ob. 52 578	
Seyly, 44	
Syntes, 41	
Siccitas maxima, 117 187 189 215	
Signum in coelo, 4	
Silvester Carleol Ep. ob. 49	
Simerus discors cum Monachis Sancti Swi-thuni, 213	
Simon Abbas de Tame, ob. 189	
Simon Exonien. Ep. ob. 188	
Simon de Monte-forti Comes Leicestriæ 198, novis rebus studet 49, exercitu Regem coarctat 57, castrum Pemsey obsidet 69, Wintoniam diripit, ibid. in partibus Bo-realibus bellum instaurare conatur 73, ab Edwardo opprimitur, ibid. in Gallias clam transfretat, ibid. aliis adjutus Hen, R. Ro-manorum filium occidit 94, captus & ca-pite truncatus 219, post mortem cum aliis rebellibus excommunicatur & exhæreda-tur, 220	
Simon de Monte-forti junior 219, patri in auxilium venit, ibid. cum Domino Ed-wardo infeliciter pugnat, ibid. Angliam in perpetuum ejurare cogitur 221, liberatus rebellibus se jungit, ibid. Dominus Edwar-dus ei occurrit & cum suis in fugam ver-tit, ibid.	
Simon de Wanton Ep. Norwic. ob. 74 223	
Simon Wigorn. Ep. ob. 29	
Siacenellæ muscæ, 395	
Sireburn Cast. 154, al. Schir.	
Siward-bern, 131	
Siwardus Comes, 131	
Slede opp. 173	
Sleford Cast. 482	
Snowdon mons 15, provincia, 36 172 235	
Soldanus Babyloniz urbem Acon diripit 123 242, Christianos interfecit 123, Tripo-lim expugnat 241, Christianis infidias struit 262, a Frederico Imperatore victus pacem petit, 264	
Soles duo simul, 31 546	
Sorellus mons, 558	
Soniga opp. 238	
Sorgre mons, 306	
Sorham opp. 172	
Spalinges	

# INDEX.

Spalinges Monast.	116	Sudwirk suburb. 80, combustum,	178
Sparnum opp.	476	Suffolk,	32 77 118
Spiritus malus in Devonia loquitur,	9	Sufrifus Polokin Abbas Glastoniæ,	149
Stafford,	80	Sunningsmanerium,	112
Standardus describitur,	349	Superstitio quædam detinet Regem Edwardum ab ingressu in civitatem Oxon.	102
Stanes opp.	181	Suthampton,	230
Stanford civitas,	34	Suzerhus villa,	439
Stanfordsbrige opp.	129	Swanus Daniæ Dux 458, Northumbrensisbus in auxilium venit,	ibid.
Statuta ab Edwardo condita 239, alia contra prædones,	ibid.	Swegen 130, i. e. Swanus obit.	130
Statuta in monetæ tonfores,	470	Sweinesham opp. 16, comburitur,	ibid.
Statutum de non ulterius augendis Ecclesiasticis redditibus,	109	Swineshed Monast. 38 559, Rex Johannes ibi intoxicatus,	38
Stella insolita,	144	Sycambria condita,	476
Stephanus Rex 29 478, ejus genus 479, contra præstitum juramentum Regnum invadit ibid. chartas concessit 152 479, inter eum & Regem Scotiæ pax 152 479, in Normanniam transit 7 480, Bedfordiam obsedit, ibid. fama de ejus morte 152, Exestriam expugnat ibid. Vectim Insulam vincit, ibid. conciliat R. Franc. & Comitem Andegaviæ, ibid. deponit Ep. Elien. ibid. duos Episcopos incarcerat 28, Scotos fugat 153 480, in Scotiam movit 481, ejus severitas in Clericum Anglicanum 482, a suis desertus captus est 7 28 154 482, ejus magnanimitas 483, Imperatrici captivus adducitur 154 483, vincitur compedibus, ibid. liberatur, ibid. in fugam vertitur 154 483, operarii ejus occisi 484, Castell. de Ferendon cepit 155 485, Comitem Cestriæ incarcerat 155 485, Lincolniam obsidet 154, intrat 156, coronatur 485, cum Henrico Imperatricis filio pacem init 488, inter eum & Ducem Normanniæ pax 29 158, Philippum de Colevilla rebellem domat 489 ob. 7 29 158 489, ubi sepultus,	489	Synodus London. de investituris,	470
Stephanus Chelmareford,	62	Syreburi Cast.	482
Stephanus Cicest. Ep.	ob. 239		
Stephanus de Claro-monte crucefig.	279	T	
Stephanus de Torneham,	360 369	Albot tenuit Castellum contra Regem,	153
Stephanus Langton Archiep. Cant. 14	169	Tallagium in Anglia,	42
553, inter eum & Regem Johannem tractatur reconciliatio 171, restituitur 178, inquiri in bona ab Ecclesiis ablata ibid. Romam proficiscitur 86, redit ibid. ob.	17 40 191	Tamelis penè exsiccat 146 exsiccat,	472
Stephanus Ranzan interfectus,	52	Tancredus Rex interrogatur a Rege Richardo 311, in dubiis respondet 312, pacificatur cum Rege Richardo 313, apud Eatinensem urbem occurrit R. Richardo 314, fœdus percussum,	ibid.
Stephanus de Segrave 194 195, fit Justiciarius Angliæ,	ib.	Tartari terram sanctam subjugant 232, eorum mores, origines &c. 201, in eos statuta,	215
Sterilitas in Anglia,	35 167	Taylleburgh Castel.	541 574
Strigandus Archiep. Cant. 21, Willelmum Norman. coronare recusat, ibid. degradatus,	22	Tekedmus Admiralus Turcorum,	359
Stransha'd opp.	460	Tempestas 111 593, classi Regis Franc. damnum infert 93, Ecclesiam S. Mariæ de Arcubus labefactat,	464
Strango,	306	Tempestatates insolite,	145
Stratford opp.	224	Templarii & Hospital. occisi,	9
Strugoyl Cast.	42	Tempus grave 1, asperissimum	110
Sturvellorum Casel.	394	Tenaiz opp.	306
Stutevillenses,	334	Tenerchebray Cast.*	25 144
Subsidium in terram sanctam concessum,	187	Tenham opp.	228
Sud,	138	Terdalac Rex Hibern.	ob. 2
Sudwest,	140	Terræmotus in Anglia 2 16 23 103 207 230 147. In Italia,	147
		Testamentum Comitum Andegaviæ,	493
		Thamia Abbatia fundata,	153 189
		Thannis capta,	451
		Theobaldus Blefenfis Comes cruce signatus,	279 ob. 157
		Theobaldus le Boteiller,	220
		Theobaldus Archiep. Cant.	ob. 30 159
		Theobaldus Leodenfis Archidiaconus vulgo vocatus Tyardus in Papam eligitur 96, e Syria Viterbium venit, ibid. consecratur nomine Gregorii decimi,	98
		Theobaldus de Treics 412, obses Salahadino traditur,	ibid.
		Theobandus De Baro cruce signatus,	271
		Theodoricus de Falkemorite,	88
		Theodoricus Consul Flandriæ factus,	150

T.

<b>T</b> Albot tenuit Castellum contra Regem,	153
Tallagium in Anglia,	42
Tamēis pene exsiccat 146 exsiccat, 4	472
Tancredus Rex interrogatur a Rege Ri- chardo 311, in dubiis respondet 312, pa- cificatur cum Rege Richardo 313, apud Eatinensem urbem occurrit R. Richardo 314, fœdus percussum,	ibid.
Tartari terram sanctam subjugant 232, eo- rum mores, origines &c. 201, in eos sta- tura,	215
Taylleburgh Castel.	541 574
Tekedmus Admiralius Turcorum,	359
Tempestas 111 593, classi Regis Franc. damnum infert 93, Ecclesiam S. Mariæ de Arcubus labefactat,	464
Tempestates insolitæ,	145
Templarii & Hospital. occisi,	9
Tempus grave 1, asperrium	110
Tenaiz opp.	306
Tenerchebray Cast.	25 144
Tenham opp.	228
Terdalac Rex Hibern.	ob. 2
Terræmotus in Anglia 2 16 23 103 207 230 147. In Italia,	147
Testamentum Comitis Andegaviæ,	493
Thamia Abbatia fundata,	153 189
Thannis capta,	451
Theobaldus Blesensis Comes cruce signatus,	279 ob. 157
Theobaldus le Boteiller,	220
Theobaldus Archiep. Cant.	ob. 30 159
Theobaldus Leodenſis Archidiaconus vulgo vocatus Tyardus in Papam eligitur 96, e Syria Viterbium venit, ibid. consecratur nomine Gregorii decimi,	98
Theobaldus de Treics 412, obses Salahadino traditur,	ibid.
Theobandus De Baro cruce signatus,	271
Theodoricus de Falkemorite,	88
Theodoricus Consul Flandriæ factus,	150
h	Theodo-



# I N D E X.

Theodoricus Philippus, 401  
 Theodulfus Wigorn. ob. 5  
 Theokesbury opp. 192, Gildb. de Clar. ibidem  
 sepultus, ibid.  
 Thomas Bek Ep. Meneven. 110  
 Thomas Blunnel Ep. Norwic. 40 ob. 43  
 197  
 Thomas Cantuar. Archiep. 30 159 495  
 discordia inter eum & Regem 31, exul  
 159, occisus 8 31 160 497, Sepul-  
 chrum ejus a Lodovico Rege invilitur 33,  
 ejus reliquiarum translatio, 16 185  
 Thomas de Cantilupo Ep. Hereforden. 102  
 230, Romam petens, ob. 111 240  
 Thomas Carleol. Ep. ob. 50  
 Thomas Ebor. Archiep. 22 ob. 3 25 142  
 Thomas de Hesteele, 587  
 Thomas Maunfel, 582  
 Thomas Norwic. Ep. ob. 43 197  
 Thomas Pynlesdon. 58 72  
 Thomas Theologiae doctor, ob. 438  
 Thomas de Tinterna, 162  
 Thomas de Veteri-ponte, 49  
 Thomas de Waleys Ep. Meneven. 47  
 Thomas de Wyke 111, assumpsit habitum  
 Canonic. ibid.  
 Thomas de Weky Ep. Meneven. 126  
 Thomas Weyland sibi conscius rei male ad-  
 ministratae in Monasterium se recipit 119,  
 inde extractus Regnum abjurare cogitur,  
 ibid.  
 Tikhill Cast. 529  
 Tilleford opp. 209  
 Tinmuth Cast. 139, expugnatum, ibid.  
 Tolensis Ep. Crucifig. 279  
 Tonitrua magna, 187 219 224  
 Torneamenta primum in Anglia, 542  
 Torneamentum, 66 84  
 Toron Cast. 362  
 Tortuosa opp. 329  
 Tostius, 1  
 Translatio reliquiarum Edmundi, 207  
 Trapes, 592  
 Tray Abbazia fundata, 206  
 Trenta fl. exsiccatus, 472  
 Tripolis civ. 266, capta, 156  
 Tulinis locus sic dictus, 305  
 Tumultus 163 187, adversus Judæos 33,  
 inter Londonienses, 59  
 Tunbrige Cast. 136, expugnatum,  
 ibid.  
 Turbo vehemens, 7 16 23 156  
 Turci 348, leviori armatura utuntur quam  
 Christiani, ibid. in extremam aciem, Chri-  
 stianorum irruunt 349, insidias ubique  
 Christianis tendunt frustra 350, Christia-  
 nos ad flumen salsum affligunt 352 355,  
 ingenti strage in fugam versi 358 359,  
 maximam prædam post se relinquunt 361,  
 Christianos ad flumen Arsur invadunt fru-  
 stra 362, Ascalonem diruunt 364, adven-  
 tum Regis Ric. audientes ad Hieros. fugi-  
 unt 399, eorum immanitas 413, quare  
 a porcis abstinent 415, ultionem petunt  
 frustra, 425

Turgetus Prior, 464  
 Turris maledicta suffossa, 337  
 Turstanus Archiep. Ebor. 25 146 472, con-  
 secratus 474, eidem reditus in Ang. in-  
 terdicatur 147 474, restitutus 148 475  
 ob. 154 485  
 Turstanus Geroldoniae Abbas, ob. 163  
 Tylecheye Abbazia, 54 56  
 Tyne fl. 460  
 Tyrus obsessa 254 509, obsidione solu-  
 ta, 510 254

## V.

V Accl opp. 17  
 Valeis opp. 306  
 Valences opp. 306  
 Veneno multi pereunt, 580  
 Ventus magnus per totam Angliam 148  
 224 187 226 475  
 Vergelai opp. 303 304  
 Vernullum opp. 541  
 Veropardiense opp. 87  
 Vicefimæ Ecclesiasticorum Regi Hen. solvun-  
 tur, 86  
 Vicefima mobilium omnium Laicis imponi-  
 tur 89, de quo murmur, ibid.  
 Vicht insula, 133  
 Victor Papa, ob. 133  
 Violatores chartarum Hen. 3. excommuni-  
 cati, 571  
 Viri celebres multi obeunt, 215  
 Visio tremenda, 250  
 Viterbium, 226 589  
 Ulfricus Haselbergensis, ob. 158  
 Ulixis bona civ. 487  
 Umfridus de Boun, 220  
 Unnithing 136, al. Nithing.  
 Voburna fundatur, 155  
 Urbanus Landav. Ep. 25  
 Urbanus Papa 162, ad crucem accipiendam  
 invitat 3 140, inter R. Hen. & Barones  
 reconciliationem tentat, 64 ob. 24 65  
 141  
 Vulcanus mons, 306

## W.

W Alchelmus Manniot, 153  
 Waleranus Abbas de Cleye demisit  
 Abbaziam suam, 163  
 Walingford opp. 44 45 98 154, obfesa,  
 35  
 Walingford Cast. 216 485  
 Walklinus de Ferrariis crucefignatus 279  
 298 354  
 Wallenden Castell. 484  
 Wallenses 7, horrea Margan. comburunt, ib.  
 cœnobio Marganensi damna inferunt 16  
 17, item villam de Kenefeg 19, Glamorgan  
 & Kardiv. vastant 9, Neth oppugnant,  
 ibid. vincuntur 15 30, terras in Comita-  
 tu Cestriae vastant 50, tumultuantur 7  
 52, Nor-

# I N D E X.

52, Normannos vincunt 2 27, multos Anglorum occidunt 110, duce Refamere- duth unum de regiis castris occupant, &c. 114, bellum movent in Francos 139, inter eos & Hen. R. pax 146, Angliæ confinia populantur 234 465, rebelles in Hen. I. 475, in Hen. II. 492, eorum origo, ibid. iterum rebelles 496 564 577, eorum obsides suspenduntur 556, pacem quæerunt, ibid. 577, rebelles sub Leulino Principe, 572	Whitby opp. 460
Wallia interdicta, 182	Wido fit Cardinalis, 166
Walterus Aspec 153 486, domum Ryeval fundavit, ibid.	Wiggemore, 585
Walterus de Burg, 220	Wigornia combusta, 472
Walterus de Cantal. Wigorn. Ep. 43 ob. 223	Wilfridus Menev. Ep. ob. 4
Walterus Carleol fit Monachus ordinis præ- dicatorum, 46 188 206	Wilkin Comes, 180
Walterus de Colemle, 219	Willelmus Bastard Conquæstor 129 455, Angliam invadit 1 21 129, quamobrem Angliam petiit 455, invitatus a Rege Ed. venit in Angliam 456, Haraldum capti- vum liberat, ibid. inter eum & Haraldum pactum 457, Haraldo occiso regno An- gliæ potitur 457 129 1 21, recusat eum coronare Stigandus Archiep. Cant. 21
Walterus de Constantiis, 162	diadema ei imponitur ab Aldredo Archiep. Ebor. ibid. Westmonasterii coronatur 22
Walterus Ep. Dunelm, 47	129, quid juris in regnum habuit, ibid.
Walterus de Evesham Archiep. Cant. 40, ejus electio cassata, ibid.	Dacos vincit & Norwegios, ibid. Cenoma- num capit, ibid. obsides secum ducit in Norman. 130, Angliam militibus dividit, ibid. Eboracum diripit, ibid. Danos vin- cit, ibid. Ecclesias diripit, ibid. reprimit Marcherum & alios tumultuantes in Insula Eliensi 131, Scotiam invadit, ibid. bel- lum ei a Melcolmo illatum 459, inter eum & Melcolm. pax 131, homagium a Mel- colmo accipit 459, devincit Mans 131
Walterus Exonien. Ep. ob. 235	134, in eum conjuratio, ib. inter eum & Regem Franc. pax 132, equo detrusus, ibid. dedit Abbatiam Westmon. Vitali Ab- bati 132, Walliam devincit, ibid. in va- lorem terrarum & rerum omnium Angliæ inquit 133 461, juramentum fidelita- tis a subditis exigit 133, multa pecunia collecta in Norman. transit, ibid. injustam exactionem facit 134, Northumbrensi- bus bellum infert 458, vastat ibid. pecu- niam cepit in Ecclesiis 459, filium suum in gratiam recipit 460, quare Northum- briam vastari fecit 461, Franciam cum exercitu invadit 134 461, Odonem frat. & alios liberat, ibid. regnum filii dividit, ibid. ob. 2 23 134 461, Cadomi se- pelitur, ibid. ejus acta & mores 134, ejus injustitia patefacta 462, Monasterium Beati Martini fundavit, ibid.
Walterus Giffard Archiep. Ebor. ob. 234	Willelmus Rufus vulneratur 132, suscepit regnum Anglorum 134 462, Westmo- nasterii coronatur 135, thesauros magnos patris sui ex mente ejus distribuit 135, in eum conjuratio ibid. conjurantes vincit 136, castrum Tunbrige expugnat, ibid. fugat exercitum Roberti Consulis Norman- niæ ibid. castella Roffen. & Dunelmen. ac- cipit ibid. Normanniam depopulatur 137, inter eum & Robertum Consulem pax ibid.
Walterus Giffard Ep. Bathon. 67	463, inter eum & Regem Scotiæ pax 137 463, gravi morbo laborat 138
Walterus de Gray Ebor. Archiep. ob. 50 578	464, arguitur a Roberto Norman. de pace violata 138, in Normanniam trans- fretat, ibid. e Normannia in Walliam transit 466, ejus expeditiones in Wallen- ses, ib. Barones devicit 466, inter eum & Robertum Consulem bellum 138, ejus arte exercitus Regis Francorum revertitur 139,
Walterus de Kickham Ep. Dunelm. 47	in
Walterus de Lacy in exilium actus, 15	
Walterus de Lavile Sarif. Ep. 56	
Walterus Legatus missus in Angliam, 140	
Walterus Malus clericus Ep. de Carduil, 188	
Walterus Merton in Ep. Roffen. eligitur 100 ob. 106 232	
Walterus Norwic. Ep. ob. 52	
Walterus Oxon. Ep. ob. 109	
Walterus Prior Meritone, ob. 187	
Walterus Scamell Ep. Sarum 95 112 114 238, a Canonicis Cant. confirmatus, ibid. Rex eidem temporalia recusât, ibid. Episco- pi eum consecrare negant, ibid.	
Walterus de Scotenay 53 580, veneficii ac- cufatur, ibid.	
Walterus de Suffeld Ep. Norwic. 206	
Walterus Tirel 141, Regem W. Rufum oc- cidit, ibid.	
Walterus Abbas Waverley, ob. 210	
Walterus de La Wyle Ep. Sarif. ob. 226	
Waltham op. 234	
Waltheof Consul 1 132, decollatus, ibid.	
Waneburgh, 234	
Ware opp. 44	
Wardun Abbatia, 188	
Warham opp. 179	
Warham Cast. 146 153	
Warinus de Bassengeburne, 223	
Warinus abbas de Cumba crucefig. 234	
Warwici Comes, 558	
Warwike opp. 76 84	
Waverley Abbatia fundata, 150	
Werplestone manerium, 176	
Westmeria, 501	
Westmerland, 30	
Whit, 137 152	



# I N D E X.

In Ang. redit, ibid. Tinmuth Cast. expugnat 139, Walliam cum exercitu intrans re infecta redit, ibid. Castellum Benaburh accipit 140, Ducatum Normanniæ in vadinoniam accipit, ibid. 466, in Ang. revertitur 140, in Norman. transit 141, redit, ibid. in Cenoman. transit, ibid. victus in Ang. redit, ibid. in eum conjuratio 462, Odonis Castel. expugnat 462, Walliam invadens exercitu pene consumpto redit 140, sagitta confossus interiit 24 141 468, mores & acta, 141	Willielmus Crispin captus, 144
Willielmus filius Hen. primi ab omnibus juratur hæres patris fieri 5, fit Dux Norman. 146, uxorem ducit 5 147, naufragio perit, 5 26 147	Willielmus Abbas de Cumba, ob. 164
Willielmus filius Hen. secundi, ob. 159	Willielmus de Curbuil Archiep. Cant. 148
Willielmus Rex Scotiæ 556, filiam suam nuptui dat Comiti Flandriæ, ibid. ob. 180	Willielmus Peverel de Nottingham, 153 158
Willielmus Rex Siciliæ 255, mittit Margaritum in subventionem terræ sanctæ 256 ob. 258	Willielmus de Dinton Abbas Ofeney, ob. 110
Willielmus Abbercroft, 234	Willielmus Dogingeseles, Ep. 3
Willielmus filius Alani Slopesb. 153	Willielmus Ebor. Archiep. veneno moritur, 29 158
Willielmus Comes Arundel, ob. 161 186	Willielmus de Eborum Justiciarius itinerans, 202
Willielmus Bathon. Ep. ob. 67	Willielmus Elien. Ep. 25 ob. 50 165
Willielmus de Baleia fit Ep. Winton 203, confirmationem a Rege ægre obtinet, 210 ob. 48	Willielmus Comes Ferar. ob. 47
Willielmus Bainard, 145	Willielmus Comes Flandriæ, ob. 6
Willielmus Bardulf, 61	Willielmus Frentenellenfis, 495
Willielmus de Bartis, 350	Willielmus de Furnival, 60
Willielmus de Bellocampo 49, redit in gratiam cum Williel. Cantilupo Episcopo ibid.	Willielmus de Garlanda, 354 332
Willielmus de Bicton Bathon Ep. 77	Willielmus Giffard Ep. Winton. 4 470
Willielmus Bivel 153, tenuit castellum contra Regem, ibid.	Willielmus Giffard Archiep. Ebor. 77 223
Willielmus de Bleis Ep. Lincoln. 36 167 ob. 169 197	Willielmus Gifelham, 121
Willielmus Bloez, 334	Willielmus de Gisors, 234
Willielmus de Borriz, 354	Willielmus Comes Gloucestriæ Cardiviæ captus, ob. 9
Willielmus de Bosco miles fortis, 320	Willielmus Goetz crucefig. 271
Willielmus rector de Bradewater 167, jacet fundamentum novæ Ecclesiæ, ib. ob. 187	Willielmus Comes Hollandiæ 46, eligitur in Regem Romanorum, ibid. Aquisgranum civitatem obsidet, ibid.
Willielmus de Brent, 40	Willielmus de Humut, 168
Willielmus de Breufa 12, exul 14, ob. 15	Willielmus de Hungerford Abbas Waverlenfis cessit, 231
Willielmus de Breufa junior 14, captus, ibid. suspensus, 18	Willielmus de Kingestot 117, electus ab Oxoniensibus in Cancellarium, ibid. recusatur ab Ep. Lincoln. ibid. deinde admittitur, 118
Willielmus Brewer Ep. Exon. 13 ob. 40	Willielmus Lincoln. Ep. 36 ob. 14
Willielmus Bruil, 370	Willielmus Ep. London. 186, Episcopatum resignat, ibid. exul, 14
Willielmus Abbas de Burtune ob. 176	Willielmus de Longareto, 127
Willielmus Cant. Archiep. 151, discors cum Alexandro Ep. Lincoln. ibid.	Willielmus Longespæy Comes Saris. 22 ob. 4 40
Willielmus de Carnoto, 442	Willielmus de Longo-campo Ep. Elien. 10 ob. 163
Willielmus filius Caroli consulis 149, omnes proditores patris destruxit, ibid. pugna inter eum & Theodoricum Alemanniæ, ibid. leviter vulneratus interiit, ibid.	Willielmus de Luda Ep. Elien. 121
Willielmus Abbas de Chingefwoda depositus, 162	Willielmus de Lucha Ep. Eli. 241
Willielmus de Clare intoxicatus, 53	Willielmus Mallet, 145
Willielmus Consul de Albemarle, 153	Willielmus de Mandevil, 71 587
Willielmus de la Cornere, 116	Wil. de Marchia Ep. Bathon, 125
Willielmus Cornehul Ep. Coven. 186, paralyti affectus, 187 ob. 188	Wil. Marefcal junior, ob. 18 39 41
	Wil. de Mareys 43, quendam ad occidentum Regem allexit, ibid.
	Wil. de Marisco captus & suspensus, 203
	Wil. Martel, 334
	Wil. de Mellis, 5
	Wil. de Mertone, 229
	Wil. Middleton Archidiac. Cantuar. ob. 106
	Wil. de Middleton Norwic. Ep. 106 233, consecratus 106, de novo dedicat Ecclesiam Norwic. nuper restauratam, 107 ob. 117
	Wil. de Midechenely de Edwardeston, 79
	Wil. de Mirevallis, ob. 164
	Wil. de Moiu 153, tenuit Castell. de Dunestore contra Regem, ibid.
	Wil. Consul Moretul, 143 144
	Wil. de Munchanefy, 56 115
	Wil. Newburg, 21
	Wil.

# I N D E X.

Wil. de Ov 140, læsæ majestatis reus, ibid.	Wil. Wigorn. Ep.	ob. 43	197
viçtus a Gaufrido Bainard in pugna, ibid.	Wil. de Winteshul,		226
Wil. de Pratellis 364, fingens se esse Regem	Wil. Ep. Winton,	25	ob. 6
Richardum, cum liberat,	Wimundeham opp.		188
Wil. Prior de Goldeclive Ep. Landav.	Winchelcumba Abbatia,	162	226
Wil. de Rale fit Ep. Norwic.	Winchelcumbe opp.		2
Wil. de Rayley Ep. Winton,	Winchelse,		221
Wil. Abbbas Reival,	Windefshore,	71 73 76	133 144
Wil. de Rofs 243, regnum Scotiæ sibi ven-	Windefshores nova,		145
dicat,	Wintonia 225 226, cum castro capta	558,	
Wil. Ep. Roucester,	direpta,		69
Wil. de Rupibus,	Wilton opp.	28 136 192	586
Wil. Comes Sarif.	Wircelinus,		383
Wil. Scotus Ep. Dunel.	Witberg,		155
Wil. de Stagno,	Withbertus Papa,		2
Wil. de Stuteville,	Witfand,		139
Wil. de Tancervilla 148, infidias tendit Co-	Wodeftokia,	43 49 78 149	225
miti Medlent & capit,	Wolstanus Wigorn. Ep. 2. translatus,		39
Wil. Fitzosbertus,	Wygemore,		67
Wil. de Turberil Archiep. Cant.	Wysee Cast.		482
Wil. de Valentia 53, cum Comite Ware-			
miæ in Gallias dilabitur,			
Wil. de Venuz,			
Wil. de Vere Ep. Hereford,			
Wil. de Veffy,			
Wil. Walleys 127, bellum gerit contra Re-			
gem Edwardum 127, suspensus,			
Wil. de Warama,			
Wil. Wichwane Archiep. Ebor. 108			
ob. 113			

## Y.

Y Belis opp.	395
Yernemuth,	51
Ymbriçi Cafel.	331 379
Ythens Foresta,	468
Yvo de veteri ponte cruceſignatus,	279



**M**onendus est Lector ; ab his Verbis pag. 118.  
Rex itaque per totum regnum, Reliqua ad  
finem usque, non esse Thomæ Wikes, sed alterius cu-  
jusdam, qui historiam ejus continuavit. Id quod sa-  
tis constat inspicienti Codicem MS. Bibliothecæ Cotto-  
nianæ sub Tiberio, A. 9.

# ERRATA,

## & variae Lectiones.

**P**AG. 1. I. 24. occiderat. 2. ult. forte Christicolarum. 3. ult. exitii. 4. 10. Metrop. 47. Guinedotum Powisfor-  
rum. 5. 23. est Comes W. 25. Calix. Similiter. 6.  
9. R. Yvor à tribus filiis Gestin, Gr. G. Gla. 34. jure Parce-  
chiarum. 8. 21. Kenefeg. 9. 24. Kenefeg jam v. 32. Illuti.  
45 f. permagnam. 10. 28. tractati-circiter. 43. Exon a-  
pud Glaston. 11. 25. distracta. 32. coronatur. 13. 10. in Fe-  
sto. 34. in turre. 44. mali. 14. 13. Viterbii. 15. 8. cast. ut ei  
permitteretur. 23. Mailgum. 16. 13. suis vel h. 41. Faverfh.  
17. 36. G. Com. 22. 20. Willielmi. 23. 21. dele Regis. 29.  
34. Exigente just. 37. f. inferere. 30. 6. ab se d. 33. 52. E-  
braudi. 38. 31. nectamen. 41. 43. Boscum ar. 53. Trinitatis.  
43. 19. Cantalu. 44. 31. Signatis. 45. Farnham. 45. 20.  
avunculus. 46. 5. Thuringum. 10. f. vilip. 27. Sempringh.  
30. Mauclerk. 48. 34. Prior Eton. 48. ad miss. f. inquisitio-  
nem. 53. Martino. 49. 24. subarrayerat. 52. 20. partes Ker-  
nerven. 53. 11. Walterum. 56. 26. Angliz e pr. sc. 27. Jo-  
annes fil. I. G. de L. & Nic. de Segr. 46. Dominus Her. 57.  
7. nolentes. 82. notific. mox subnixus. 47. f. viribus sub-  
nixus. 56. Devoriz. 58. 8. ingrediens oc. 59. 10. Illew.  
55. tind. 60. 24. sceletto. 63. 20. per. v. 24. inclitos ob.  
66. 10. damaum cesserunt. 70. 16. Eveshamiam. 28. vo-  
catis f. elatis, vel ordinatis, unitis. 73. 16. Joanne Deyvil.  
Bald. Wake. 74. 10. & loco ejus Rog. 75. 31. filium.  
78. 548. Gernm. 54. Vesci. 79. 30. Deyvil. 80. 52. ufi-  
rato. 81. 25. neutra partium. 84. 27. qui necum. 87. 11.  
seoda non haberent. 16. Comitatus Devon. 39. insolita &  
prior. 89. 28. in pretio f. 47. ut convenientem. 90. 19.  
præsidio succurreret. 91. 42. Zulhe. 92. 3. sub. f. secun-  
dum. 93. 32. carnis. 96. 37. non ferent. 54. Berkam. 100. 10.  
Chyphil. 101. 1. quæ prout. 51. Comit. Devon. & Insulæ.  
104. 55. præmissis. 108. 51. forte tum delendum. 52. Va-  
ledicens. cel. 109. 17. Lovel. 43. Oliverus. 111. 30. Pun-  
tes. 50. Bek. 113. 1. protractoque Parl. 124. 20. fontis E-  
braudi. 52. Landaven. 115. 31. Muntch. 56. cayia.  
117. 3. Cantuarie. 118. 58. familiares. 119. 29. Quar-  
rariz. 38. Elcheator. 40. Hengham. 121. 1. quos eleg.  
122. 56. puerum adde Gilbertum. 124. 57. præficeret. 125.  
6. Rob. Burnel. 126. 12. Tho. de Bek. 127. 37. forte Regi  
Fran. & resignaturus esset. 47. Pollardos. 138. 47. ventum.  
139. 1. Hulme. 5. argenti. 41. ex quo. 50. à Benadh. erga.  
141. 10. totus. 16. Walklinus. 26. Dux. 142. 8. feria.  
31. victoriosa. 54. ultra fest. 143. 16. Christianitatem. 39.  
Robertus. 36. patriz. 144. 8. ad Regem. 16. contra. 19.  
nolebat. 37. perenni. 50. tria. 53. dilatata. 45. 3. Normanni  
Angliam conquiverunt. 35. Nordwest. 48. interfuerat iti-  
neri. 146. 34. tam. 41. ivit. 147. 31. quædam. 148. 21. ivit.  
33. Robertus. 35. Chich. 149. 26. Brien. f. 48. obsideret.  
150. 13. qui fuit. 33. fuit. 151. 6. ex qua genuit duos filios  
Baldewinum & Amauricum. 19. ulque hodie. 33. Romæ.  
62. modicum. 72. mundo. 152. 13. Apoll. 20. Natalis Do-  
mini. 43. facta concordia inter eum & R. Franciæ. 153. 8.  
Regis. 13. Luvel. 25. Peverel. 51. ab antiqua serie descen-  
dens. 155. 22. prius. 41. est. 46. caris Aud. etiam. 156. 13.  
Alienor & 44. fuerat. 157. 21. Hon. Sincerii in. 45. capitulo.  
158. 12. præclarus. 31. duxerat. 159. 12. ob. nihilom. 27.  
fecit & inter hæc duo castra unam domum militibus templi.  
31. Anno sexto Henrici R. ipse. 33. Ludovici. 160. 17. gla-  
dio. 161. 27. apud Turonum civitatem ob. Ro-  
gerus Ep. Wigorn. filius Roberti Comitiss Gloucestrie. 40.  
prius 43. 44. anno Episcopatus. 45. qui nunquam de. 162.  
14. Abbas. 163. 3. secundum. Abb. 5. hujus Abbatis. 15.  
Richardus. 25. Kingw. ibid. Prior ejusdem loci. 26. \* dele.  
ibid. ejusdem loci. 29. Monachus. 29. operibus. 165. 2. vel.  
166. 34. innovatum est. 167. 13. Albino Ep. Fer. 20. in-  
superatus. 25. & causa. 49. nam. 168. 17. sibi associatis. 33.  
Jonii. 47. hoc. 169. c. ubi. 30. his. 170. 12. pacifice. 13. ei  
paria. 171. 35. 52. ipsum. 172. 21. ita violentem extorsit. 41.  
Principibus. 47. à. 50. impetraverat. 173. 3. A. 15. Abbas.  
ibid. Johannes R. scripsit omnibus Vicecomitibus Angliæ li-  
teras. ibid. dele Rex omnibus. V. 30. quos Archiep. 31. Eali-  
va. 34. ubi. 39. & 174. 11. formanda. 18. ex 175. 19. quib.  
tantum. 34. Archiep. Develine. 16. reformanda. 177. 3.  
mensis igitur Aprili. 9. omnibus. 10. juramentum præstite-  
runt quod si Rex huic juramento contraire vellet. 12. feuda-  
ria. 16. nostram. 18. quid. 35. oblationis. 36. specialibus

red. 43. cadat. 45. oblationis. 46. Ego I. D. G. Vid. M. Pa-  
ris & Dachery Sp. T. V. 178. 6. Clericos. 13. animam. 22.  
quas. 24. inanes. 26. ablata. 179. 2. turbato. 8. tantum xv.  
mil. M. 31. properabat. 32. quam hominum. 180. 17. in fu-  
rorem. 182. 20. civitatis. 183. 25. illis f. 184. 15. Regis fi-  
lium. 27. Hereford. 31. Hon. tertio. 185. 6. ultionem. 187.  
2. facere ordinatis. 9. Bradwatte. 189. 30. xi. 39. Spirituum.  
190. 21. Novitius Ecc. 28. St. Cant. 36. ultum ire. 191. 5.  
decem conversi. 48. Stamis. 192. 5. Soldanum. 39. respuit.  
193. 20. Sanctum Geminum. 195. 13. Siward. 196. 4. fum-  
pta. 7. Dominus. 26. ex hac 30. Gerold. 197. 20. legales.  
198. 25. Wendene 200. 27. cæteris. 37. expugnandum.  
203. 30. civitates 43. & in margine. Dom. W. de Ral. 204.  
44. Scil. craftina. 205. 42. desertat. 44. vii. 55. qui 206. 7.  
Radulphus. 209. 10. pro divinis. 210. 12. eo. 48. la. ibid.  
oblatam 311 44. quarum dec. & octo de tanto sc. conv. &  
ore. 47. hoc anno 212. 1. Moclxiv. 17. hac quidem. 213.  
7. quia. 26. ipi vero. 49. Amerum. 214. 16. Domini. 233.  
cum multis alius alienigenis. 55 studiose. 215. 44. Cistercii.  
45. Rievallus. ult. 111. 216. 9. dicti. 14. etiam. 23. Rad-  
tunc. 29. quod si siquidem temporibus futuris redditus præ-  
taxatus successive minui forte ceperit, vel in dominicum  
vertatur ex toto, nihilominus tamen domus tenebitur in so-  
lidum secundum omnia tam particulariter quam integraliter  
ordinata. 217. 19. dictus. 218. 8. publicati. 14. Patres. 33.  
Martis. 219. 1. sic. 6. Sabrinam. 15. Kal. 21. xvii Kal. ibid.  
Kenelmi. 23. prædictus. 220. 2. pace. 16. Moricius. 26. pri-  
sona. 38. vix. 41. civibus. 221. 17. Axehem. 22. nonnullis.  
222. 24. Edwardus. 25. dispersi. 223. 2. primo. 3. super  
his. 14. G. Cl. 20. prædictorum. 50. Osenye. 52. Batonis.  
224. 12. Wintoniam. 25. festum Natalis. 225. 2. sibi. 5. sibi  
6. civibus. 10. curia. 13. de Alemannia. 16. felicit. 43. Lu-  
cia. 226. 12. aut nil. 15. S. Mariz. 44. à domino. 227. 4.  
apud Windeshores. 8. tactis. 46. super hæc. 228. 28. in eos  
latam. 35. O. 48. inthronizatus. 45. muros. 229. 7. tertia.  
37. tandem. 48. constitutiones. 230. 43. quindecimum.  
231. 8. electus. 9. quintus. 12. utilitatem. 24. Proceribus.  
53. Leukenor. ult. consecratus. ibid. Tentermenfi. 232. 15.  
Princeps. ibid. ne 35. relaxabatur. 42. extiterat. 233. 6. ali-  
cubi. 25. ibidem. 234. 15. Abbatz admittit. 26. Lexington.  
29. moram traxit. 44. filiorum Israelis Amal. 52. Patribus  
dominis. 236. subiectos. 7. celebraturi. 20. ut ad ip. 44.  
Eadmundus. 47. patre. 50. Edwardi. 53. Rothland. 237. 11.  
fines. 13. illis. fin. 16. Bafelis. 17. collecta. 36. quafi. 44.  
qualiter. 50. pro negot. 238. 22. Surritz. 48. Patre dom. 52.  
Skamel. 239. 46. frequenti. 240. 21. Droffar. ibid. v. o. di-  
cti. 47. civitate Elenenfi. 241. 27. non est versus. 35. Domi-  
ni. 241. 1. onerosa. 46. creditoribus. 243. 7. Seales. 13. qua-  
rundam. 248. 25. Casu. 43. Impiorum. 1. ult. dele *Deest e-  
dit.* 253. 4. è Lectionib. 254. 5. in impr. 256. 42. decrep.  
257. 6. Mahometi. 258. 40. Thaneos. 41. antiqui. & n. t.  
259. 8. Westphalia. mox. Scyria Ruthenia - Recantia An-  
conitana. Pirata. 261. 13. dignissima. 269. 23. Tyrocinii.  
270. 42. Marchisio. 288. 28. dekinabatur. 312. 36. turbatis  
335. 27. infidet. 326. 45. dissipari. 333. 32. & 339. 33. ad-  
huc. 345. 26. Franciæ. 351. 15. lachrymas. 354. 26. diverfi. 355.  
24. militarius. 44. magnanimitatis pro. p. 360. 1. 356. 360. 2. ma-  
ximæ. 364. 26. commorari. 383. 11. nimirum. 393. 28.  
dissipata. 397. 7. laboraveris. 415. 15. leporis. 418. pen.  
dextra. 435. 3. Damietz. 446. 22. multitudo. 447. 13. de-  
prehensum. 451. 26. Periscelides. 451. 45. pilcosus. 452.  
16. Cocodrillos è vulgari Gallico Cocodrille. 455. 18. deper.  
463. 2. Hebdomadas. 473. 36. cxviii. 489. 29. decreto. 499.  
41. Fran. 512. 4. accing. 522. 7. five Calabria. 529. 35.  
princeps. 530. 21. numerus. 540. 5. abj. 551. 43. meum.  
555. 30. feria. 560. 39. Guyd. Lyfignay. 561. 3. si nos dux.  
15. & per t. 30. aliquem ad legem manifestam, nec ad jur.  
570. 50. in chartis nostr. 571. 15. candelis accensis. 23. li-  
min. 28. Rege. Arc. 30. quæcumque 572. 23. beatorum Pet-  
se nover. 30. Breas. 34. epularum. 573. 1. non dele. 575.  
49. vestra. 51. attendere. 576. 3. Paterini. 13. Sanct. Pet.  
582. 24. in veniendo. 32. influent. 583. 7. Leicest &  
Clare. 583. 33. eo quod pl. 584. 15. proficientes. 585. 9.  
& Almericus. 36. hanc rem tamen. 587. 10. Dec. 35. Jo.  
Dayville. 588.















OCT 16 - 1926



